



BIBLIOTECA NAZ.
Vittorio Emanuele III

XLII


F

97

NAPOLI


212

352



Andreas Gallyheid Hill.
Lond. 1794.
König Caroli Richter.

1794



PAVLLI MANVTII
COMMENTARIVS

IN
M. TVLLII CICERONIS
EPISTOLAS AD DIVERSOS

ACCEDVNT
EIVSDEM SCHOLIA
ET
HIERONYMI RAGAZONII

IN
EASDEM CICERONIS EPISTOLAS
COMMENTARIVS

CVRAVIT
CHRIST. GOTTL. RICHTERVS



LIPSIAE
APVD SIGFR. LEBR. CRVSIVM
A. MDCCCXXX

THE UNIVERSITY OF CHICAGO

LIBRARY

11. 1901

1000

11. 1901

11. 1901

11. 1901

11. 1901

11. 1901

11. 1901

11. 1901

11. 1901

11. 1901

11. 1901

LECTORI BENIVOLO

S.

Fuit haec saeculi a Christo nato sexti decimi felicitas, ut magnum virorum et ingenii et iudicii laude praestantissimorum prouentum ferret, qui veterum scriptorum libros, e tenebris situque protractos, non solum emaculare, ac pristinae integritati atque nitore, quantum fieri posset, restituere, sed etiam interpretationis luce, omnibus liberalioris doctrinae praefidiis adiuti, collustrare adniterentur. Neque vero vllius veteris scriptoris maior fuit, laetiorque fortuna, quam Ciceronis, in cuius libris cum antiquorum codicum fide emendandis, tum diligenti adcurataque explanatione illustrandis doctissimi quique illius aetatis viri magna cum laude sunt, posteritatisque admiratione versati. In quibus quidem vna omnium, et consentiente eruditorum voce principatum obtinent triumviri illi eximii, Petrus Victorius, Sebastianus Corradus, Paullusque Manutius: qui incredibili soler-

tia, inusitata ingenii felicitate, miroque iudicii acuminē Ciceroni et salutem, et cultum, et lucem dederunt.

Sed, ut nihil iam de duobus reliquis, Victorio atque Corrado dicamus, quorum maxima in Cicero-
nem merita iustis elogiis iam dudum celebrarunt alii,
quantum studium Paullus Manutius a primis adolescen-
tiae annis ad extremam vsque senectutem in Ciceronis
libris adfide legendis, castigandis, atque explanandis
posuerit, quantumque summae illius diligentiae, Cice-
roni impensae, debeamus, per hanc praefandi oppor-
tunitatem, paullo plenius tradamus. Is igitur patre
Aldo, literatissimo suae aetatis typographo, natus, co-
que nondum bimus, infelici quodam fato, orbatus,
cum puer illiberali venalium magistrorum disciplina
usus esset, nihil plane in literarum studiis profecerat, do-
nec eum, eloquentiae studio iam sua sponte flagrantem,
eamque artem avidissime adpetentem, non solum acrius
inflammarunt, sed suo etiam exemplo conformarunt,
atque consuetudine adiuuarunt eruditissimi eius aetatis
viri, quorum honorificam gratamque mentionem fe-
cit *Lib. I. epist. 3.* ubi omnino vniuersam studiorum
fuorum

fuorum rationem, atque feriem ingenue narrauit. Ab eo tempore eloquentiae studium, ad quod naturali quodam impetu ferebatur, assidua Ciceronis, quem sibi imitandum proposuerat, lectione in dies magis magisque aluit atque confirmauit. Instaurata deinceps patris officina, quae aliquot annos neglecta iacebat, primae ex eius officina Ciceronis epistolae ad Diuersos A. c1010xxxiii. prodierunt, laeto quasi auspicio, fore aliquando, ut huic librorum Ciceronianorum parti praecipuam operam nauaret. Postea, remotis omnibus impedimentis, omni cura atque cogitatione in literarum studia incubuit, veterumque scriptorum, et in his praecipue Ciceronis libros emendare, atque a corruptelarum vitiis, quibus adhuc laborabant, purgare indefesso studio adlaborauit. Quod quidem ut eo feliciori successu perageret, instituto, eruendorum inspiciendorumque codicum antiquorum causa, itinere literario, et Romam se contulit, et omnes Italiae regiones, in quibus essent bibliothecae his copiis instructae, eoque nomine celebres, magnis sumptibus peragravit. Redux ex itinere, in mediocri quidem valetudine, quam studiorum intemperantia, continuisque laboribus valde infirmauerat, sed magna animi

contentione Ciceronis emendationem adgreditur, huicque vni rei addictus, intra breue temporis spatium opera eius in lucem edit Venetiis A. cloloxl. Quo quidem tempore scholia in epistolas ad Diuerfos conscripsit, quibus et locos difficilioresexplanauit, et castigationum, in iisdem factarum, rationem reddidit. Reliquis autem libris nihil interpretationis adtexuit. Hoc recensendi libros Ciceronianos munere perfunctus, rursus Romam, indagandorum veterum librorum gratia, proficiscitur. Finita profectione, commentariis in epistolas ad Atticum, ad Q. fratrem et Brutum conscribendis atque perpoliendis intentus, quadriennio commentarium in epistolas ad Atticum absolutum edidit A. cloloxlviii. Biennio post vniuersa Ciceronis opera denuo typis suis exscripsit, eaque editione perfecta, Romam rursus, vt veteres libros inspiceret, migravit. Iam animum etiam ad explanandas Ciceronis orationes conuertit, et, tamquam operis vniuersi, quod multo labore perficiendum erat, imaginem, A. clololvi. commentarium in orationem pro Sexio edidit. A. clololvii. quem iam aliquot abhinc annis adornauerat, commentarium in epistolas ad Brutum et Q. fratrem publicae luci exposuit. Et, cum sequen-

sequenti anno Aldus filius, praeunte patre, epistolas ad Diuerfos legere inciperet, vt faciliorem earum intelligentiam illi redderet, eas, breuibus scholiis margini additis, formulis suis descripsit. Ab eo inde tempore de integris commentariis, in has epistolas elaborandis, serio cogitare coepit. Cuius rei initium fecit A. clololx. quo ad M. Antonium Muretum *Lib. V. epist. 19.* ita scribit: *Ego nunc, quod acceptum diuinæ benignitati refero, quodque tibi puto fore iucundissimum, valetudine vtor satis commoda, oculis quidem optimis, quod aliquot annis non contigit. itaque, cum otium non ferrem, (scis enim me quiescere non posse) commentarios in reliquas Ciceronis epistolas coepi texere: et, vt initia sunt, prorsus industria non ὀχθαί. absolui, vt mihi quidem videtur, maiorem partem, id est tres primos libros, et, extra ordinem, octauum. in quibus, vt dixi iam, nisi me communis Φιλαντία decipit, non videtur opera male collocata.* Haec dum agebat, a Pio IV. Pontifice Maximo, ad emendandos imprimendosque sacros patrumque libros lauto stipendio Romam euocatur. Interea tamen, quidquid temporis reliquis occupationibus quasi suffurari poterat, absoluendis commentariis impendit, somnoque detraxit, vt doctis hominibus, qui

opus illud avidissime expectabant, quanto ocius satisfaceret. Quod quidem Roma IV. Kal. Dec. clolclxii. ad Marium Nizolium *Lib. VI. epist. 16.* scripsit his verbis: *Commentarios meos in epistolas Ciceronis, quae Familiares vocantur, cum a te expectari video, augeri mihi animos ad scribendum sentio: et, quamquam tu non instes, admoneri tamen videor, ut absolvam. sed hoc nec sine otio fieri potest; et, Romae otium optare, eius est, qui Romam ipsam ignoret, aut, qui, quod accadat universis, in eo sibi praecipuam conditionem sperare solus audeat. Sed, quia cessamus inuiti; et quia, quod fuit in opere difficilius, id transactum iam est: enitemur, ut reliqua diu non desiderentur, angustiae temporis obstant: at detrabere aliquid somno, et conferre ad elucubrandum licebit.* Interim, dum varia impedimenta absolviendo commentario obiiciebantur, Ciceronis opera rursus typis suis impressit, librisque philosophicis scholia adiecit. Quamquam vero omnem curam diligentiamque adhibuit, ut coeptum opus, et iam dudum a viris doctis valde expetitur, aliquando perficeret; tantum tamen otii nancisci non potuit. Qua de re in iiteris ad Horatium Cardanetum datis IV. Non. Ian. clolclxvi. *Lib. VII. epist. 10.* sic queritur: *Commentarios*

rios meos in familiares, ut vocant, Ciceronis epistolas requiris: si esset otium, propediem absolutos darem. sed ita saepe, nescio quo fato, diuellor a libris, ut interdum mihi Roma displiceat, et agrestem solitudinem urbanae celebritati libenter anteponam. In tanta igitur operis mora quotidie aliquid vel addebat, vel mutabat, ut, quam faciebant homines Manutiani commentarii cupidi in tempore iacturam, eam illis adcuratiore elaboratione sarciret, ut scribit ad Augustinum Angelelium IV. Non. Sept. c1010LXVII. *Lib. IX. epist. 8.* Superatis tandem omnibus difficultatibus, cum neque occupationum multitudine, neque valetudinis imbecillitate, neque incommodorum domesticorum sollicitudine auelli se a proposito arcerique pateretur, A. c1010LXIX. commentarium, ad umbilicum perductum, amico describendum dedit, teste ipso *Lib. IX. epist. 14.* Cum ita fama percrebruiisset, Manutium commentario suo ultimam manum imposuisse; omnes, qui tam praeclari operis, quale ab exquisita Manutii doctrina expectandum erat, ingenti cupiditate tenebantur, conuicio prope editionem eius efflagitabant, ut ipse debere se studiosis diutius vix posse fateretur *Lib. XI. epist. 9.* Sed, eo viuo ac spirante, typis non fuit descriptus. Quo

quidem intra decennium absoluto, curam suam diligentiamque extendit ad orationes, quibus illustrandis ab A. clōlōLXXI. vsque ad A. clōlōLXXIII. assiduam operam dedit. Sed, praeter commentarium in orationem pro Archia, A. clōlōLXXII. publicatum, nihil huius operis viuus euulgauit. Absoluisse autem integrum in omnes orationes commentarium, exceptis duabus, pro Ligario et Deiotaro, Manutius ipse scribit ad Camillum Palaeottum XII. Kal. Mart. clōlōLXXIII. *Lib. XII. epist. 4.* Postea vero, in has quod reliquum erat commentarii, adiecit. His tot, tantisque laboribus confectis, ac plane absolutis, Ciceroni interpres diligentissimus, et omnino bonis literis summum decus atque ornamentum VIII. Idus April. clōlōLXXIV. morte eripitur.

Habes breuem historiam eorum laborum, quibus Manutius noster a iuuenilibus annis vsque ad extremum vitae halitum de Cicerone tam egregie meritus est, vt, iudice Mureto *Lib. I. Var. Lect. c. 6.* merito dubitari possit, plusne ipse Ciceroni, an ipsi Cicero debeat. Nam, inquit, et ipse, tractandis assidue Ciceronis scriptis, eam adsecutus est eloquentiae laudem, qua vincit

cit omnes: et cum ad ingenium, quo excellit, addidisset eam diligentiam, eamque laborum perpeſſionem, ac tolerantiam, qua vires, ipſamque adeo valetudinem ſuam magno noſtrorum omnium, quotquot eum, quia plane novimus, plurimi etiam facimus, dolore proſtravit, incredibile eſt, quot ab errorum millibus eos libros feliciter vindicarit. Haec Muretus. Quamquam vero inter omnes ſatis conſtat, Manutium feliciffimum Ciceronis imitatoreſ exſtiſſe, ac de emendandis eius libris praeclare eſſe meritum; tamen, ſi, quod res eſt, ab omni partium ſtudio alieni, fateri volumus, quod ad emendandi ſollertiam adtinet, Victoriuſ et illi, et caeteris omnibus palmam ita praecepit, ut ſoſpitator Ciceronis communi elogio vocaretur. Quam ob rem recte Graciuſ praef. epistoſ ad Diuerſoſ praemiſſa, *non inſitior inquit, alioſ etiam ſollerteſ et doctoſ viroſ multoſ naeuoſ Tullio deterſiſſe, ſed Victoriuſ tot grauia vulnera, tot latentia et ſuppurata, quae bonam valetudinem mentiebantur, in eo ſanauit vlcera, ut principem inter omneſ locum obtineat.* Si vero ad diligentem Ciceronis explanationem ſpectamus, nemo ſane pluſ praefitit Manutio, qui ab adoleſcentia ita ſe comparauit,

vt, omnibus elegantioris doctrinae copiis instructus, ad Ciceronem, eloquentiae principem, posteritatis emolumento illustrandum totum se conuerteret, in eo-que studio ad mortem vsque perseuerauit. Testes sunt elegantissimi eius in Ciceronis epistolas atque orationes commentarii, quos vel viuus edidit, vel Aldus filius post mortem patris euulgauit.

Inter omnia vero ingenii monimenta, quibus Manutius Ciceronem suum illustrauit, immensasque Tullianae eloquentiae diuitias clarissime aperuit, eminent sane praestantissimus, omnibusque numeris absolutus in epistolas ad Diuersos commentarius. Nam, cum harum epistolarum lectione tum ad caeteros Ciceronis libros, tum ad adcuratam exquisitae latinitatis cognitionem, comparandamque eloquentiae facultatem aditum iuuentuti optima ratione fieri, Manutius suo ipsius exemplo didicisset; in has epistolas ita commentatus est, vt omnia, quaecumque ad summum, quo Cicero in his epistolis excellit, artificium perspicendum, ad occultam saepe atque latentem prudentiam detegendam, et ad omnem omnino Tullianae orationis elegantiam venustatemque cognoscendam pertinent, plene exhauriret.

raret. Et, ut adolescentes commodiore quadam via ad eloquentiae laudem perduceret, similia similibus contulit, ac loquendi rationes, Ciceroni familiares pluribus exemplis illustravit. Praeterea tempus, quo quaeque epistola scripta est, vel, si fieri potuit, certa et indubitata ratione, vel probabili saltem coniectura constituit. Tum historiam eius aetatis, qua hae epistolae scriptae sunt, totumque reipublicae statum, omni cura exposuit; hominumque, quorum vel minima in his epistolis mentio fit, vel ex ipso Cicerone, vel ex aliis scriptoribus accuratam notitiam suppeditavit. Quidquid denique ad geographiam, rem nummariam, ritus moresque antiquos, leges, senatus consulta, magistratus, militiam, omnesque omnino antiquitatis partes spectat, tanta diligentia persecutus est, ut nihil plane deliderari possit. Sed, quantus diffusae eruditionis thesaurus hoc commentario inclusus contineatur, et eruditis satis cognitum est, et adolescentes humaniorum literarum studiosos legendo magis, quam vel copiosissima bonorum, quibus abundat, praedicatione intellecturos esse confido.

Quare, cum tanta sit huius commentarii praestantia, tanta eius legendi, et manibus terendi omnibus,
qui

qui in Cicerone paullo altius sapere cupiunt, incumbat necessitas, ut eo carere vix possint; nihil magis sane dolendum erat, quam exemplorum tam praeclari, tamque necessarii atque fructuosi libri penuria. Nam, quod ad editiones adinet, primum ante hos ducentos annos editus est in magna illa operum Ciceronianorum editione, quam Venetiis ab A. 1618. usque ad A. 1631. decem partibus forma maiore curavit Aldus filius, quarum sexta, A. 1619. vulgata, epistolae ad Diuersos, seu, ut tunc vulgo vocabantur, Familiare, cum Paulli Manutii commentario continentur. Sequenti anno, ut, quorum angustam rem familiarem nimium Aldinae editionis pretium superaret, eorum rationibus consuleretur, commentarius hic minoribus literis, commodioreque forma, quam octauam dicimus, Francofurti typis Wecheliani repetitus, et, ut posterior tomus priori aequaretur, commentarius in epistolas ad M. Brutum et ad Q. fratrem additus fuit. Quam quidem editionem, cum Veneta compluribus in locis collatam, multis partibus emendatiorem deprehendi. Rursus excusus fuit Venetiis apud Aldum A. 1611. Francofurti A. 1613. Peruenit etiam nuper ad manus nostras exemplum huius

ius commentarii forma duodecima, minutissimis typis, vno volumine hac inscriptione: *Epistolae Ciceronis (quae Familiares vocantur) Paulli Manutii, Viri Clariss. perpetuo atque absolutissimo commentario explanatae. Cum indice. Anno 1596. excudebat Gabriel Carterius sumptibus Petri G. G.* Impressa est haec editio Lugduni, vbi Carterius officinam suam habuit. Superiori saeculo cum Io. Georg. Graevius novam Ciceronis editionem, omnium virorum eruditorum notis atque commentariis locupletatam, adornaret, eamque per partes ederet, factò ab epistolis ad Diuerfos initio, quae Amstelodami primum A. cl̄l̄l̄cl̄xxvii. iterum A. cl̄l̄l̄cxciii. Tom. II. 8 mai. prodierunt, singulis tomis commentarium Manutii adiecit, eique Victorii notas copiosiores, quae non poterant verbis Tullii commode subtexi, praeposito Victorii nomine, inseruit. Argumenta vero Manutii Graevius epistolis ipsis praeposuit, excepto eo, quod epistolae primae ad Lentulum Manutius praefixit, quod, quoniam ob historiam de Ptolemaeo Aulete, Aegypti rege, paullo vberius narratam, nimis copiosum erat, ad calcem Tom. II. reiecit. Quae ad pleniorum eorum, ad quos scribit Cicero, notitiam pertinent, ab argumento auulsa notis

tis adposuit. Quale quid factum est *Lib. IV. epist. 13.* ubi, quae de Nigidio Manutius tradidit, verbis epistolae subiecta leguntur. Nonnumquam argumenta, duabus epistolis praemissa, in vnum contraxit, quod *Lib. VI. epist. 10.* factum animaduerti. Interdum etiam, ob mutatum epistolarum ordinem, argumentum loco suo mouit, e. c. *Lib. XVI. epist. 1.* Commentarius autem ipse in Graeuiana editione innumeris fere vitijis laborat. Instituta enim diligenti cum Veneta et Wecheliana collatione, non singulas modo voces, sed integras adeo obseruationes omissas, verba Manutii, post laudatum Ciceronis aliusue scriptoris locum, quasi eiusdem verba, literis vulgaribus, quas cursiuas vocant, saepe numero expressa, vnam obseruationem in plures distractam, pluresque in vnam contractam, denique scholia iuuenilia, praesertim in octo libris prioribus, sine vlla admonitione ipsi commentario inepte inserta esse deprehendi. Caeterum omnia vitia editionis Venetae, ad quam Graeuiana facta est, in Wecheliana magnam partem iam sublata, in eadem rursus occurrunt, nouisque, iisque quam plurimis, aucta sunt atque cumulata.

In tanta igitur, quae hodie est, antiquiorum huius commentarii exemplorum raritate, inque tot tantisque Graeuianae editionis vitiis, aliquot abhinc annis auctor suusque fui Crusio, viro honestissimo, ac solidioris doctrinae bonis libris promouendae studiofissimo, ut et hunc, et caeteros in Ciceronis epistolas commentarios, a Paulo Manutio confectos recederet. Quod quidem meum consilium ille non modo statim probavit, sed etiam a me potissimum curam novae editionis adornandae suscipi voluit. Ego vero, cum ipse olim in schola prouinciali, quae Grimmae floret, cuiusque disciplina me usum esse semper laetabor, Ciceronis epistolas ad Diuersos, aureo Manutii commentario, cuius vnum dumtaxat exemplum aderat, adiutus legissem, quantumque utilitatis ea aetate inde in me redundasset laetus recorderer, haud difficulter huic negotio, licet molestissimo, me praefici passus sum; praesertim cum Ciceronem, contracta semel cum eo familiaritate, numquam de manibus deposuerim. Lente autem processit negotium, tum propter multas recensitionis difficultates, tum, quod horis dumtaxat subcisiuis, quidquid opellae nostrae fuit, praestare licuit.

Iam,

Iam, quid hac noua editione a nobis praestitum fuerit, quantumque industriae in suscepta recensendi prouincia adhibuerimus, paucis edisseram. Prima et antiquissima cura nobis fuit, vt totum commentarium adcurate recognitum a mendis, quibus priores editiones, maxime Graeuiana, scatent, diligenter purgaremus. Quare, cum commodissimum visum esset, exemplum Graeuianae editionis operis describendum tradere: necessitatem nobis impositam esse intelleximus, omnia prius cum Wecheliana editione, quae, vt iam diximus, Veneta praestat, sedulo conferendi. Sicubi vero omnes editiones in mendo conspirarent, necessitate compulsi ex antecedentibus, vel subsequen-
tibus, vel tota orationis serie verbis Manutii integritatem conciliare sumus conati. Sic, vt hoc vno utar, ad *Lib. IV. epist. 12.* omnes editiones sic habent: *Haec modo Achaia, angusta, inquit etc.* Quae cum sensum non habeant, ex vniuersa orationis serie ita exhibere non dubitauimus: *Haec modo Achaia, modo Graecia et Hellas vocabatur, Plinius lib. 4. c. 4. angusta, inquit etc.* Procul dubio enim vel descriptoris, vel operarum incuria versus e libro MSto Manutii fuit omis-
sus. Atque huius generis nonnulla alia animaduerti-

mus,

mus, quæ quisque comparando facile inueniet. Deinde vero id negotii nobis datum existimaui-
 mus, ut locos Ciceronis, aliorumque scriptorum veterum, Graecorum pariter atque Latinorum, a Manutio vel perperam, vel, pro more illius saeculi, memorato modo libro, laudatos adcuratius notaremus. In quo quidem genere quantum taedium nobis fuerit, molestiarumque deuorandum, vel sine nostra admonitione quilibet intelligit. Saepe enim Manutius lapsu memoriae alium prorsus librum excitat, quam vnde verba recitata desumpta sunt. Locos vero Ciceronis, quem totum imbiberat, cum plerumque memoriter recitet, non raro vel in verbis ipsis, vel in eorundem collo-
 catione errat. Nostrum igitur esse putauimus, omnes ac singulos Ciceronis locos, a Manutio vel adscriptos, vel laudatos, a principio vsque ad finem euoluere, et errores, vel in libris, vel in numeris, vel in verbis commissos, emendare; quod etiam, Nizolio vel plane non, vel raro in consilium adhibito, quem, auxilio non impetrato, saepe indignabundi ablicere coacti sumus; partim memoria suggerente, partim impigro labore, magnaue patientia tandem ita effecimus, ut loci pau-
 b ciffimi,

ciffimi, et ii quidem nullius fere momenti, sine adcuratio-
 ratione notatione remanerent. Secuti autem sumus
 per totum commentarium recentissimam editionem
 Io. Aug. Ernesti, praeceptoris nostri maxime vene-
 randi, et de Cicerone hac nostra aetate tam praeclare,
 quam olim Manutius, meriti: cui quidem recensio-
 ni hanc nouam commentarii Manutiani editionem in
 omnibus, quantum fieri posset, adcommodare vi-
 sum est. In quo multis de causis, quas commemora-
 re superuacuum foret, non veremur, ne in reprehensionem
 aliquam incurramus. Vbi vero, saluis Manu-
 tii obseruationibus, id fieri non poterat, verba ita re-
 liquimus, vt ab eo laudata erant, etiamsi iam dudum
 in aliis editionibus lectio aliter esset constituta. Va-
 rietatem autem lectionis Ernestinae, vbi necesse fuit,
 Manutianae semper praemisimus. Eandem rationem
 et in aliis Latinorum scriptorum locis curatius indi-
 candis seruauimus, vt inspectio libri quemlibet doce-
 bit. Neque aliter in Graecis vbique versati essemus, si
 partim omnium libri ad manus fuissent, partim mul-
 torum libri in minores sectiones essent in omnibus
 editionibus distributi. Paginarum vero numerum, ob
 diuer-

diuersitatem editionum, indicare nolimus. Inter-
 misimus igitur in plerisque: in nonnullis vero, vt in
 Homero, Hesiodo, Euripide, Xenophonte, aliisque
 idem, quod in Latinis, praestitimus. Quo loco non
 possum silentio praeterire amicitiam atque humanita-
 tem Io. Gottl. Hofmanni, A. M. viri exquisitae do-
 ctrinae, solidaeque eruditionis laude florentissimi: qui
 me in indagandis locis, a Manutio perperam laudatis,
 maximopere iuuit. Caeteras virtutes, quas nostra
 qualicumque opera huic nouae editioni ita conciliare
 studuimus, vt prioribus omnibus longe antecellat, vsu
 et comparatione malumus, quam praedicatione nostra
 cognosci.

Constitueramus primum, notulas quasdam ad-
 spergere, quibus breuiter indicaremus, quae ab aliis
 Tullii interpretibus melius essent, adcuratiusque tra-
 ctata, et in quibus interdum ipsi a Manutiana inter-
 pretandi ratione dissentiremus. Sed, partim ne eius-
 modi accessionibus moles libri cresceret, partim quod
 alio fortasse tempore animaduersiones variorum in has
 epistolas, quae Graeuiana aliisque melioris notae edi-

tionibus continentur, singulari volumine comprehensas dabimus, quidquid huius consilii fuit, rursus plane abieciimus.

Commentarium Manutii excipiunt eiusdem Scholia, quae quondam iuuenis duodetriginta annorum scripsit. Quae quidem non solum propter eorum raritatem, sed etiam propter utilitatem adiicere placuit. Primum enim Manutius ipse in commentario crebram eorum mentionem fecit, eamque lectionem, quam olim in vno codice antiquo repperat, postea plurimum codicum, a se inspectorum, auctoritate atque consensu confirmavit: deinde vero, quoniam in his scholiis Victorius nimia acerbitate vellicauit, ad quae postea Victorius in notis posterioribus respondit, Victorianae notae sine his intelligi non possunt. Quae etiam Lambinus atque alii in Manutio carpunt, ad scholia illa pertinent. Dedimus vero ea secundum editionem primam, ad quam expressa est Argentoratensis A. cl̄ōl̄ōxli. cuius exemplum, cum Parisiensi ex officina Rob. Stephani A. cl̄ōl̄ōxliv. adcurate collatum, formis typographicis describi curauimus. In sequentibus

ibus enim editionibus, quae nimis acerbe in Victorium scripserat, Manutius deleuit. Edidit Henr. Stephanus A. cl^ol^olxxvii. Ciceronis Epistolas ad Diuerfos e recensione et cum notis marginalibus Paulli Manutii, iisque Commentationes Diuerforum, partim antea, partim nunc primum editas, altero volumine adiunxit. In quibus primo statim loco occurrunt Manutii scholia, ab illa prima editione valde diuersa, et ad calcem appendicem ad eadem scholia adiecit: quam, e nouissima scholiorum editione, ab Aldo filio impressa, desumptam si quis contulerit cum commentario, omnes illos locos inde in scholia ad verbum transcriptos esse reperiet. Quod quidem propterea inonendum duximus, ne quis nostram scholiorum editionem mancā esse imperfectamque existimet. Sic omnia vno volumine comprehensā habes, quae Manutius postea et iuuenili aetate, nondum ducta iudicii maturitate, et postquam in lectitando, emendando interpretandoque Cicerone consenuerat, limatissimo iudicio in has epistolas conscripsit.

Accedit praeterea Hieronymi Ragazonii Commentarius in Epistolas Ciceronis Familiares, quem plerique omnes Carolo Sigonio tribuendum esse putant. In qua opinione et ipse Manutius noster fuit, qui aliquoties v. c. ad *Lib. XIV. epist. 14.* et *Lib. XV. epist. 3.* Sigonii coniecturas probat. Sed Lud. Ant. Muratorius in *Vita Car. Sigonii*, splendidissimae eius Operum editioni, quae Mediolani ab A. MDLCCXXXII. forma maiore prodiit, praemissa p. XVIII. de hoc libro ita iudicat: *Excerpta fortassis ista fuere e quotidianis lectionibus Sigonii in scholis. At haec reuera ad Sigonium referenda esse, ego neque negare velim, neque praestare possum.* Ipse Ragazonius in dedicatione commentarii ingenue profitetur, se auctoritate Sigonii commotum, consiliisque adiutum animum ad hunc libellum conscribendum adpulisse, eaque attente collegisse, quae a summo illo viro in hanc rem erudite dicta essent: quibus a se ipso animaduersa addidit, ut adeo plurima quidem in eo ad Sigonium referenda sint, scriptio autem ipsa soli Ragazonio debeatur. Quidquid est, maximam sane utilitatem in legendis his epistolis hic commentarius praestat, et cum Manutiano aptissime coniun-

oniungi potest. Henr. Stephanus hunc commentarium Commentationibus Diuerforum, modo memoratis, inseruit, in eoque multa, quae in prima editione eprauata legebantur, integritati suae restituta esse in aef. adfirmat. Primam igitur editionem cum videre obis non licuerit, Graeuiam cum Stephaniana colitam, praefixis epistolarum numeris, locisque laudatis adcuratius definitis, typis describendam curauimus.

Dedimus denique indices adcuratissimos: alterum rerum et verborum, quae in epistolis ad Diuersos continentur, a Manutio magna diligentia confectum, adscripto librorum et epistolarum numero, et pagina Ernestinae editionis insuper addita, vt sine vilo negotio singulas res et loquendi formulas in qualibet editione, praecipue in Ernestina, inuenire studiosi harum literarum possint: alterum rerum a Manutio in commentario tractatarum: quorum illum Christ. Aug. Schwarzius, A. M. adcurata humaniorum literarum scientia praeditus, mihiq; et propter ingenii praestantiam, et propter animi candorem carissimus, curauit.

Caeterum librarium nullis sumptibus pepercisse, ut haec noua editio nitidissime prodiret, ac plurimos emtores lectoresque inueniret, omnes facile intellecturos esse arbitror. Utendum autem fuit minoribus literis, ne pretium cum mole libri cresceret. Reliquos Manutianos commentarios statim post mercatum operis typographicis describendos trademus. Hisce interim frui, Lector Beniuole, et conatibus nostris faue. Scrib. Lipsiae a. d. XX. April. A. C. MDCCCLXXX.



ILLVSTRIS.

ILLVSTRISSIMO ATQVE EXCELLENTISSIMO

D O M I N O

IACOBO BONCOMPAGNO

VINEOLAE MARCHIONI

ET

GENERALI S. R. E. GVBERNATORI

Jerlem, Illustrissime atque Excellentissime IACOBE BONCOMPAGNE, tantum in me esset ad dicendum facultatis, quantum cunctis tuis erga me meritis aliqua saltem ex parte respondere posset. Non ingratum profecto me, neque indignum, in quem beneficia inferrentur, experireris: efficeremque, si qua ratione possem, ut intamento essem hominibus ad exercendam beneficentiam: cum ex beneficiis apud gratos ac memores animos collocatis tantum percipi gloriae fructum viderent. Ego, cum te multos abhinc annos ad summa multa nationum cognovissem, eximia naturae tuae ornamenta praedicare nunquam destiti. Ad quae cum possem, quae summa est Dei providentia, accessisset maxima potestas, tu, mores tuos veteres retinens, nihil unquam egisti, in quo summus splendor non elucesceret, nihilque aeternivisti, in quo solidae laudis specimen non appareret. Quaeque virtutes Principum propriae esse debent, eas tu, istam fortunam relictus, semper coluisti, et ita coluisti, ut, qui caecam esse Fortunam, immerentibus semper favere solitam conqueruntur, eorum stultam opinionem re ac factis facile confutares. Facis enim, quod raro admodum contigit, eoque praeclarior existimandum est, ut litterarum studia numquam in summis negotiis dimittas. ex quibus cum ea hauris, quae te valde illustrant, vis eis gratiam referre: optimeque re. Tu litteratos homines, litterarumque studia cum perpetuo hi fovenda in animum induxeris, quid est, quod tibi earum nomine a litteratis hominibus non debeatur? Si tu de tuo detrabis, ut

eorum commodis infernias, aequum est eos vicissim de suis commodis detrabere, nomini ut consulant tuo. Et, quamuis non tu id agis, ut aliquam tibi laudem ex beneficiis compares, qui omnia in ipsa virtute fixi et locata habeas, nihilque aliud a solida virtutis laude quaeras; est tamen, quod hoc ipso nomine maiores quoque tibi laudes debeantur. Ego certe, et Venetiis, et ubicumque esse mihi contigit, ex aliis audiui tuam eximiam praedicari humanitatem, et ipse aliis dicentibus silere tamen non poteram. Venetiis multi cum sint, Maphaeus Venerius in primis est ex Patriciis, qui tua egregia facta distoque in ore semper habeas, tui recordatione mirum in modum mouetur, mirifico quodam tui amore ac studio flagret. Contigit mihi superiore anno, his propemodum diebus, Parentium adire, Cinitatem in Istria portu celebrem, multisque de causis satis illustrem. grassabatur in iis locis tum temporis pestis. eo Marcus Venerius ex Veueta nobilitate, magni ingenii vir, et summae cuiusdam prudentiae, Decemvirum decreto, ad eam extinguendam publice missus fuit. cui adiunctus ego Secretarii munere sum. Credas affirmant, nihil mihi magis placuit, nullae alia re magis sum affectus, quam Caesaris Denores, illius Cinitatis Episcopi, sanctissima consuetudine. homo integerrimus, cui diuina ita curae sunt, ut, omnibus aliis posthabitis, nullam in aliam curam incumbat, quam ut suo muneri satisfaciat, quo tempore vel ab huiusmodi curis, in quibus totus est, vel a sacrorum librorum lectione, in qua ita horas locat, ut suorum studiorum fructum non vulgarem suis ciuibus, publice eos admonendo et cohortando, impartiat, te ita semper decantabas, tuasque virtutes ita extollebat, ut ipsum me, qui tibi plurimum debeo, teque ita colo et obseruo, ut nihil ardentius fieri possit, vincere interdum videretur. Ita, quas dies pestilentiae vis insuauis reddebas, ii tui honestissima mentione hilariores accidebant, ad meumque singulare erga Episcopum studium tantum b.c nomine accessit, quantum accedere posse vix sperassem. Materiam habebamus tam amplam, tamque uberem, dies potius ut ipsi, horaeque nos deficerent, quam tuarum laudum exitum nostra reperire oratio posset. cumque multi de te, iique perhonorifici sermones forent, nunquam tamen mirum accidit nobis, te tui similem esse, in teque, tamquam in speculo, GREGORIUM XIII. agnosci: qui cum omnes suas cogitationes ad summa quaeque a prima aetate institueris, beneficentiam

intiamque, unam inter virtutes Principe dignas praecellentem, semper adamauerit, iure nunc, et merito anteaclae vitae fructus scris, et, i supremo dignitatis gradu positus, de hominibus bene mereri non desists, te secundum se habet; qui, cum imitans, iisdem gradibus ad immam gloriam contendas, eamque tibi unam ob oculos ponens, iam secutus sis, ut omnes, qui aliquid sapere videntur, te suspiciant, obruant, tamquam alterum Maecenatem in omni scripto praedicent, te quidem tuarum laudum praekonem numquam senties in iis celebrandis desessum, numquam defatigatum. Accidis quoque mihi mirabile admodum, ac iucundissimum, ut, cum Romam venissem eo potissimum nomine, ut te praesentem praescis viderem, tibi que gratias ultu saltem rescerem, qui index animi certus est, quando per scruitem meam aliud non licet, Romam paene in ipsa urbe Roma quaesierim. Ea enim se oculis obtulit meis, ut nouae Urbis faciem ostenderet, ito publicorum aedificiorum splendore, viarum amplitudine, intium magnificientia, incredibili fontium ubertate. GREGORIVS pontifex, quem omnis Christiana Respublica sanctissimum colit, sam cornauit, ut ad publicam commoditatem ornamentumque permultum additum atque adiunctum esse videatur. Sed, cum, quae Pontifex maxime peregris praeclara, considero, video difficiliter ea a me posse recenseri, quam ab ipso fieri. Faciant id, qui ingenio valent, quique Romanam ciuitatem sua praesentia honestant, Hippolytus Capilupus episcopus, M. Antonius Musetus, Latinus Latinus, P. Angelus Baraeus, Laurentius Gambara. ii sint, qui suis et sermonibus, et scriptis praeclara haec, unaque virtutes tuas egregias, ad caelum suis laudibus ferant. Ut Iulium Iacobonium meum fidei atque obseruancia in te singulari: qui, quantum ei per fortunam licet, certare etiam vel cum summae doctrinae viris in tuae amplitudinis laude videtur. Excepisti me igitur ea benignitate, quae tua propria est, quae et priuatis hominibus, Regibus quoque ipsis carum reddit. qua tu, raeter ceteras virtutes, quibus excellis, ita hominum tibi voluntates cuiunxisti, ita omnium in te studia conuertisti, ut a Veneta Republica et Venetam nobilitatem iamdudum sis adlectus. qui bonos cum iis tantum tribuatur, qui ipsum eximio aliquo merito promerentur, facis, ut ure omnes optimo in te collatum existimant. Incredibile est, quantum mnes bonos, quantum omnes Italiae populos, ac longinquas nationes

tui amplissimi nominis ac famae ornamenta in tui amorem studiumque alliciant. *Vt omittam, quanta sit eorum, qui Romae adsunt, quibus in oculis-es, quibus imperas, ad te diligendum propensio. Eae me causae impulerunt, ut Pauli patris mei Commentarium in Epistolas M. Tullii Ciceronis, quae Familiares vocantur, tuo nomini dicarem. Quid est autem, quod tuo maximo celeberrimoque nomini non maxime debeatur; vel tibi, propter eximiam istam tuam in me beneficentiam, a me non vel maximo deberi homines intelligant? Vel quis non aequissimum arbitretur, ut, qui parentis mei in omni vita amantissimus, ac patronus semper existeris, eiusdem quoque lucubrationes, quae ad posterorum utilitatem proderentur, in tuam fidem ac patrocinium commendentur? in quas ipse vniuersae fere vitae studium atque industriam contulit: quarum eam, quam in eruditorum animis, ut, ni fallor, scis, expectationem commouit, scriptorum praestantia facile, ut spero, sustinebit. Quae si tibi, eruditissimo in primis, ac celeberrimo Principi, probabuntur, una opera et pater meus studiorum suorum fructum satis amplum accepisse nulli non videbitur, et mihi, qui pro virili parte in his ingenuis artibus paternae laudis fieri aemulator studeo, ad non inferiora in dies animum addideris. Deus Opt. Max. dignitatem istam tuam perenni felicitate secundet. Romae Id. Iun. MDLXXIX.*


AMPLITVDINI TVAE

*obsequentissimus,
atque in. perpetuum deuotissimus*

ALDVS MANVTIVS,
PAVLLI F. ALDI N.

PAVLLI

PAVLLI MANVTII
COMMENTARIVS
IN
M. TVLLII CICERONIS
EPISTOLAS
QVAE FAMILIARES VOCANTVR





PAVLLI MANVTII
COMMENTARIVS

IN
M. TVLLII CICERONIS
EPISTOLARVM
QVAE FAMILIARES VOCANTVR
LIBRVM I.

EPISTOLAE I
ARGVMENTVM.



Partes argumenti duae sunt, una et extrinsecus, et satis longe petita, quae ad regem Ptolemaeum proprie pertinet; altera, quae sumitur ex ipsa epistola, et regiae causae statum explicat; prior non aliena, posterior etiam necessaria. Rex Aegypti Ptolemaeus, Auletes dictus, quia tibiis cedere, praeter dignitatem regiam, solitus esset, pater Cleopatrae, notissimae feminae, et eius Ptolemaei, cuius est iussu interfectus Pompeius Magnus, societatem et amicitiam populi Romani diu expetitam impetravit aliquando, Caesare et Bibulo coss. qua de re sic ipse Caesar lib. 3. de ell. civ. c. 107. Controuersias regum ad populum Romanum, et ad se, quod esset consul, pertinere existimans, atque eo magis officio suo conuenire, quod superiore consulatu cum patre Ptolemaeo et lege, et senatus consulto societas erat facta. Et in oratione pro Postumo c. 3. Non regi credidit, qui alienus ab hoc imperio esset, sed ei, quicum socius feriri in Capitolio viderat. Eam autem societatem diu exoptatam se a Ptolemaeo, nec nisi Caesare consule obtineri potuisse, intelliget, pinor, qui perpendet illud lib. 2. ad Attic. epist. 16. De rege Alexandrino, placuisse sibi, aliquando confici. Nam verbum, aliquando, negam antea Ptolemaeo societatem, satis, ut opinor, ostendit. Nec verum inimicam eius impetrandi honoris difficultatem Suetonius demonstrat, cum ait in Caesaris vita c. 54. Societates, ac regna pretio dedit: ut uti vni Ptolemaeo prope sex millia talentorum, suo Pompeiique nomine, abstulerit. Porro cupiditas Ptolemaei tanta societatis, et amicitiae populi Romani, non solum ex eo nata, quia superiores fere omnes Aegypti reges, eundem honorem adepti, praesidium aduersis temporibus in fide ac tutela Romanorum saepe maximum inuenerant, verum etiam, quod ipse, nisi socius amicusque populi Romani appellaretur, stabilem

lem sibi atque eutam regni possessionem non putabat: idque duabus causis, primum quod Alexandri regis, qui proximus regnauerat, testamento Aegyptus Romanis relicta dicebatur. itaque ait Cicero in oratione prima in Rullum c. 1. Dicent decemuiuri, id quod et dicitur a multis, et saepe dictum est; post eodem consules, regis Alexandri testamento, regnum illud populi Romani esse factum. Et in secunda in eundem c. 16. Quis vestrum hoc ignorat, dici illud regnum, testamento regis Alexandri, populi Romani esse factum? Et paullo post: Video, qui testamentum factum esse confirmet: auctoritatem senatus exstare hereditatis aditae sentio, tum, quando, Alexandro mortuo, legatos Tyrum misimus, qui ab illo pecuniam depositam nostris recuperarent. Hac igitur de causa, ut sibi regnum populus Romanus adimeret, Ptolemaeus timebat. Accedebat altera, quod ipse, non modo Alexandri regis mortui filius, verum nec e regio esse genere putabatur. itaque subiungit ibidem Cicero: Eum, qui regnum illud teneat hoc tempore, neque genere, neque animo regio esse, inter omnes fere video conuenire. Ptolemaeum designat: de quo etiam paullo post c. 17. Qui sunt, inquit, isti decemuiuri, quos perspicimus, regnum Alexandriae Ptolemaeo gratis adiudicatuuros? Honor igitur ille societatis et amicitiae populi Romani, vehementer optatus confirmandi regni causa, magnoque emptus, necessitatem quaudam Ptolemaeo attulit Aegyptios offendendi. nam, cum ab eis intolerabilia tributa exigeret, incurrit in eorum odia: ex quo multitudine concitata, virae suae timent, e regno Romam profugit, Lentulo Spintbere, Metello Nepote coss. id est, biennio post, quam in societatem, amicitiaque populi Romani receptus erat. Questus iniuriam, petiit, ut restitueretur, impetrauitque non magno negotio, vel Pompeii gratia, eius causam adiuuantis, ob amicitiam Mithridatico bello contractam, vel suffragante pecunia, clam multis data, vel etiam, quod regis bene de republica meriti, (nam, ut Plinio referente cognoscitur, Pompeio, circa Indaeam rem gerenti, octo equitum millia Ptolemaeus suo sumptu miserat) et eius regis, quem senatus populusque Romanus biennio ante, Caesare et Bibulo Coss. socium atque amicum appellasset, iniuriae ulcisci, non modo iustum, sed exemplo etiam utile, speciosumque videbatur. His causis factum est senatus consultum, referente consule P. Lentulo, ut sortirentur consules, uter eorum regem reduceret, id est, ut is reduceret, cui Cilicia provincia obtigisset: quae obtigit Lentulo. nam, si Ciliciam Lentulus antea sortitus esset; conici posset in sortem reductionem regis non oportuit, quippe cum ea Ciliciae proconsuli, cui prope in conspectu Aegyptus esset, ob facultatem rei perficiendae prorsus deferenda videretur. Hispania vero, quae obuenit Metello, ut in Appiano legimus, longissime ab Aegypto remota, omnino cum reductione regis Alexandrini coniungenda non fuit. Huius et senatus consulti et sortis in oratione in Pisonem c. 21. mentio fit. his verbis: Ille, si non acerrime fureret, auderet, quam prouinciam P. Lentulus amicissimus huic ordini, cum et auctoritate senatus, et forte haberet, interposita religione, sine ulla dubitatione deposuisset, eam sibi adsci-

addiscere, cum, etiamsi religio non impediret, mos maiorum tamen, et exempla, et grauissimae legum poenae vetarent? *Et in ea pro Postumo c. 3.* Non latroni, sed regi credidit: nec regi inimico populi Romani; sed ei, cuius reditum consuli datum a senatu videbat. *Et in eadem c. 8.* Non ad Gabinii, cuius id negotium non erat, sed ad P. Lentuli, clarissimi viri, auctoritatem, a senatu profectam, et consilio certo, et spe non dubia, Romam contenderat. *Accedit huius epistolae testimonium, satis apertum, his verbis:* Hortensii, et mea, et Luculli sententia, ex illo senatus consulto, quod te referente factum est, tibi decernit, ut regem reducas. *Et in epist. 7.* Senatus consultum nullum exstat, quo reductio regis Alexandrini tibi adempta sit. *Quae confirmat historia Dionis lib. 39.* Exeunte anno, cum Lentulus nondum in prouinciam inisset, per C. Catonem tribunum plebi obiecta senatui religio est, prolato e Sibyllinis versibus oraculo, ne rex cum multitudine reduceretur; si fieret, malo publico futurum. Tum factum est alterum senatus consultum, referente de religione Marcellino consule, regem cum multitudine reduci, periculosum reipublicae videri. *De hoc senatus consulto sic lib. 2. ad Q. Fr. epist. 2.* De rege Alexandrino factum est senatus consultum, cum multitudine cum reduci, periculosum reipublicae videri. *Atque illam epistolam cum videam XIV. Kal. Febr. scriptam esse, facile possum suspicari, hoc senatus consultum, antequam haec ad Lentulum mitteretur, esse factum. nam neque Idibus, quo haec die scripta est, neque postridie, id est, XVII. Kal. neque XVI. factum esse, ex duabus constat epistolis, secunda et quarta. Quod si quis, XV. Kal. id est, pridie quam illam ad fratrem Cicero scripsit, decerni potuisse dixerit: antiqua consuetudine refelletur. senatum enim haberi per dies comitiales non licuit. comitiales autem fuisse diem XV. Kal. Ian. non solum fasti dierum veteres, sed etiam Cicero ipse in quarta docet epistola. nam, cum de senatu ad XVI. Kal. habito locutus esset, subiunxit: Senatus haberi ante Kalendas Febr. per legem Pupiam, id quod scis, non potest. In ea etiam ad fratrem, cuius proxime sum. usus exemplo, extractam ait rem obrectatorum Lentuli calumnia, deinde comitiales dies esse consecutos: cum de senatu XVI. Kal. habito loquatur, ut in quarta significat huius libri: ubi, iisdem fere verbis utens, res, inquit, ab aduersariis nostris extracta est variis calumniis. Ergo, ut redeam, unde diuerti, senatus consultum de religione ante hanc epistolam, id est, ante Idus Ian. factum erat. Tertium senatus consultum cum fieret, ne quis omnino regem reduceret, id quod, ut haec docet epistola, P. Seruilius Isauricus censuerat, intercessum est. Senatus tamen voluntas perscripta, quod, impedito senatus consulto, fieri solitum est, ut memoriae traderetur, atque exstaret in publicis tabulis, quid senatus, nisi obstitisset intercessio, fieri voluisset. Hac de re sic in epist. 7. Senatus consultum nullum exstat, quo reductio regis Alexandrini tibi adempta sit: eaque, quae de ea scripta est, auctoritas, cui scis intercessum esse, ut ne quis omnino regem reduceret, tantam vim habet, ut magis iratorum hominum studium, quam constantis senatus consilium esse videatur.*

Sublato igitur a religione exercitu, cum de rege reducendo deliberaretur, et alii cum bonorem Lentulo, quem iam antea et seuatus consulto, et sortis beneficio acceperat, conseruarent, alii Pompeio mandandum, alii aliter censerent; varietas opinionum rem extraxit; Catonis deinde tribuni plebis audacia disturbauit penitus, atque peruertit. nam et ab initio tribunatus, ut Fenestella docet apud Nonium, concionibus assiduus inuidiam regi, ac Lentulo concitauit; et max, lege etiam de abrogando Lentulo Ciliciae imperio promulgata, animos eorum, qui Lentulo fauebant; a minore cura ad summum timorem traduxit: Pompeium vero, in senatu asperere, et acerbe accusatum, eo redegit, ut consilium reducendi regis abiiceret. itaque rex, desperato senatus auxilio, confugit ad Gabinium Syriae proconsulem: a quo, promissis ei decem talentorum millibus, (ea sunt HS bis millies quadringenties, ut ostendit Cicero in oratione pro Postumo c. 8.) Pompeio etiam, qui cum Crasso tum consulatum gerebat, admodum pro eo contendente, facile impetrauit, ut restitueretur. Ex eo postea Gabinus maiestatis accusatus, quod provinciae suae finibus, contra legem Corneliam, excessisset, corruptis iudicibus absolutus est; mox tamen de repetundis in iudicium vocatus, defendente, Pompeii rogatu, Cicerone, qui priore iudicio accusauerat, odio maxime prioris iudicii damnatus, publicatis bonis, in exilium abiit: quem postea dictator Caesar restituit. Hinc illa in eum oblique coniecta in oratione contra Pisonem c. 21. Se ipsum, fasces sacros, exercitum populi Romani, numen interdictumque deorum immortalium, responsa sacerdotum, auctoritatem senatus, iussa populi, nomen ac dignitatem Imperii, regi Aegypto vendidit. in Aegyptum venit: signa contulit cum Alexandrinis. cepit Alexandriam. Atque hoc loco foedam Appiani negligentiam dissimulare non possum, qui Gabinium, Pompeio tertium consule, de maiestate damnatum putat. in quo dupliciter peccat, primum temporis, deinde criminis inscientia. nam Gabinus biennio ante Pompeii tertium consulatum, Domitio et Appio coss. non de maiestate, sed de repetundis damnatus est. utrumque docet Dionis historia: cui si fides abrogatur, ipse certe non refelletur Cicero. quo ego, praesertim in rebus illius aetate gestis, locupletiolem testem non quaero. is lib. 6. ad Attic. epist. 1. et lib. 3. ad Q. Fr. epist. 4. prorsus patefacit deperit Appiani. Sed, ut redeam ad Auletem, pecuniae tantam vim Caesari primum ab eo datam, ut societatem populi Romani consequeretur, deinde Gabinio, ut electus restitueretur, forsitan mirari aliquis possit, qui, si eius regis annua vectigalia nouerit, non dubito, quin mirari desinat. capiebat enim ex Aegypto, ut in quadam oratione Ciceronem scripsisse grauis auctor Strabo lib. 17. memoriae tradidit, talenta annua duodecim millia quingenta. In tantis opibus magni negotii non fuit, aut Caesari sex millia talentorum, aut Gabinio decem millia largiri, aut etiam, id quod a Varrone proditum Plinius narrat, octona millia equitum, Pompeio circa Iudaeam res gerente, sua pecunia tolerare, mille conuiuas, totidem aureis potoriis, mutantem vasa cum ferculis saginare. Haecenus de Ptolemaeo. Nunc, quae sit epistolae sententia, quo principio

cipio inducta, quibus distincta partibus, quo sine conclusa, videamus. Ac primum, quod iis, qui aliena negotia curant, amouenda in primis negligentiae suspicio est, orditur Cicero ab officio suo, operamque a se in regio negotio nauasam ita significat, ut eximiam in Lentulum benevolentiam prae se ferat. mox regis, et eius amicorum studium, consulis, et consularium sententias, Pompeii familiarium contentionem, perfidiam amicorum exponit. quae qui attendat, rei difficultatem, ex Lentuli sententia consiciendae, maximam videat. nam ad regis voluntatem, qui reduci a Pompeio, ciuitatis principe, cupiebat, Hammonius eius legatus, clam pecunia data, senatorum animos traducere conabatur. Senatorum autem alii, illius largitionis inuidia, regem odebant, reducendumque prorsus negabant, ut Marcellinus, Seruilius; senatus maior pars: alii Pompeio rem deferri malebant, ut Volcatius, Afranius, Lupus, Lybo, Hypsaecus, omnes praeterea Pompeii familiares, quos, pro summa eius auctoritate, et gratia, plurimos fuisse par est: nonnulli, ut Crassus, reducendum quidem regem, sed sine exercitu, Sibyllae versibus admoniti, censebant. Horum tria video genera fuisse: nam, cum omnes in tuenda religione consentirent, non tamen omnium in ratione reducendi sensus idem erat. Placebat Crasso consulari, a tribus legatis, vel priuatis, vel iis etiam, qui cum imperio essent, regem restitui: ita neque Pompeius, neque Lentulus, qui cum imperio erant, excluderentur. Placebat Bibulo, item consulari, a tribus priuatis: ita Pompeio, et Lentulo locus non erat. Contra Hortensius, Lucullus, Cicero, idsi quoque consulares, ab uno Lentulo, Cilicium cum imperio administrante, reducendum censebant: quod anno superiore, ipso Lentulo consule referente, senatus decreuerat. Quae si perpendantur singula: paene res a Lentulo remota videbitur. nam, si Marcellini, et Seruili de non reducendo rege valeat opinio, iacet negotium. Si Pompeii familiares viuunt: Lentulo reiecto, Pompeius decernitur. Si de legatis priuatis Bibuli sententia probatur: aequae Lentulus, et Pompeius, qui cum imperio erant, reiciuntur. Si Crassus auditur, ut inter legatos locum habeant ii, qui cum imperio sunt: oritur inter Lentulum, et Pompeium de reductione contentio; nec dubium, quin Pompeius obtineat, honoribus, et meritis in republicam ciuitatis facile princeps. unicum igitur in Hortensio, Luculli, Ciceronis sententia perfugium. Sed hic etiam aduersantur multa: primum, senatus voluntas, a rege, propter apertam largitionem, alienior; deinde, corrupti ab Hammonio, regis legato, non pauci, qui rem ad Pompeium deferri omnes volebant; postremo, ipsius Pompeii familiares, et in iis tribuni plebis aliquot, parati ad intercedendum, si pro Lentulo senatus consultum fieret. Addo illud, quod Ciceronis, quia Lentuli beneficio obstrictus videbatur, in causa regia minor erat auctoritas; gratia vero eius, ut magna esset, maiore tamen Pompeii gratia vincebatur. Nec vero, adempto exercitu, quod Cicero etiam, Hortensius, Lucullus religionis causa probare cogebantur, magnopere erat, cur eam reductionem Lentulus expeteret: quippe qui daretur, ne, respuentibus regem Alexandrinis, quos cogere sine armis

nequiret, infecta re cum aliquo dedecore discederet. Quocirca praeclarum in hac epistola Ciceronis artificium licet animaduertere: qui neque sperare Lentulum iubet, cum d. sperandum potius intelligat; neque tamen prorsus eum abducit a spe, veritus, ne hominis amicissimi, optimeque de se meriti, fortasse etiam, ipsius opera Ciceronis, optatum rei exitum expectantis, animum offendat. nam in eo loco: Id senatui aliam sic egit causam tuam, ut neque eloquentia maiore quisquam, neque gravitate, nec studio, nec contentione agere potuerit: Pompeium optime animatum erga Lentulum significat. Infra vero, cum subiungis: Quae res augeat suspicionem Pompeii voluntatis: et paullo post: In eam opinionem rem adduxerunt, ut Pompeius cupere videatur: et in eo: Quod Pompeio se gratificari putant: id ipsum, quod promiserat, in dubium reuocat. Quod si qui erant, qui Pompeii causa nollent; ii nec Lentulo, qui antea Pompeium arnauerat, fauebant. Ita Lentulo spes omnis infirmatur: cum vel amicos Pompeii aduersarios habeat; vel, qui alieniores Pompeio sint, amicos ipse habere non possit. Callide autem, ne sua culpa res inclinasse videatur, inducit illa quasi excusationis loco: Ut in rebus multo ante, quam profectus es, ab ipso rege, et ab intimis ac domesticis Pompeii clam exulceratis, deinde palam a consularibus exagitatis, et in summam inuidiam adductis, ita versamur. Scripta est epistola, Cn. Cornelio Lentulo Marcellino, L. Marcio Philippo coff.

EXPLANATIO.

M. Tullius Cicero] Me puero, Romanorum nominum obscura doctrina, et perdifficilis habebatur. nos fortasse primi nostris commentariis adiumenti hoc in genere aliquid attulimus: sed proxime, quae ad hanc notitiam pertinent, praeclare omnia collegit, auctor optimus antiquitatis, Carolus Sigonius. Hic si dixerim, Marcus, praenomen esse; Tullius, nomen; Cicero, cognomen; et haec tamen omnia, sine discrimine, a veteribus nomina interdum appellari; tribusque fere nominibus Romanos uti solitos esse, ut, M. Tullius Cicero, C. Iulius Caesar, Ser. Sulpicius Rufus; nonnumquam quattuor, ut, C. Calpurnius Piso Frugi, Cn. Cornelius Scipio Nasica; duobus interdum, ut, C.

Marius, L. Gellius, Q. Hortensius, M. Antonius: numquam vno; cum nec praenomine quisquam, nec gentilitio nomine careret; licet multos ipso tantum praenomine, ut, Appius, Manius, Seruius, notos fuisse non ignorem: haec, inquam, et similia si dixerim, putem me dicere, quae nota sunt. Quod ad Tullios attinet, patricii primum, deinde plebei generis fuere. auctor ipse Cicero in Bruto r. 16. Ut, si ego me, inquit, a M. Tullio esse dicerem, qui patricius cum Servio Sulpicio consule, anno X. post exactos reges fuit. Plebeia vero gente natum illum M. Tullium, qui cum Cn. Cornelio Dolabella anno urbis DCLXXII. consulatum gessit, nemo, opinor, infitiabitur, qui et Dolabellas patricios fuisse, et duos patri-

patricios veteri lege simul esse confules non potuisse cognouerit. Hoc nomen a Tullo praenomine, quo rex Hostilius usus est, deriuatum nonnulli credidere. Cicerones dicti a cicere serendo, vt Lentuli a lente, Fabii a faba, vt ait Plinius lib. 18. c. 3. quamquam Priscianus lib. 2. tradidit, qui primus Cicero dictus est, eum ab habitu faciei ita nominatum; et, quod agnomen in illo fuit, cognomen in posteris fuisse: similiter, Caesar, Scipio, quae primum agnomina fuere, in cognomina transisse.

P. Lentulo] Corneliae gentis patriciae. nam et Cornelii plebei fuere, vt ille C. Cornelius, qui, post tribunatum plebis, a Cicerone defensus est: et P. Cornelius tribunus plebis lib. 8. epist. 8. et patricii distinguuntur a plebeiis lib. 2. de Leg. c. 22. *Sulla primus e patriciis Corneliis igni voluit cremari.* Ex ipsa autem gente patricia profuxere familiae multae, diuersis distinctae cognominibus, vt Maluginenses, Cossi, Ruffi, Scipiones, Blaestones, Sullae, Merulae, Lentuli, Cethegi, Cinnae, Dolabellae: qui cum essent eiusdem gentis, eiusdem tamen familiae non erant: vt in Claudia gente Neroni, et Pulchri, patricii; at Marcelli, plebei; qui omnes recte gentiles dicuntur, eiusdem familiae non recte: quod ipsa cognominum varietas declarat. Hic Lentulus eximiam in aedilitate liberalitatis, et magnificientiae laudem est adeptus: vnde illud epist. 7. *Magna est boninum opinio de te, magna commendatio liberalitatis.* Et lib. 2. de Offic. c. 16. *Omnes P. Lentulus, me consule, vici superiores.* Et Valerius Max. lib. 2. c. 4. *Clau-*

dus Pulcher scenam varietate colorum adumbravit, vacuis ante picturam tabulis extantam: quam totam argento C. Antonius, auro Petreius, ebore Q. Catulus praetexit: versatilem fecerunt Luculli, argentatis choragis P. Lentulus Spinther adornauit. Numeratur inter oratores in Bruto c. 77. his verbis: *Publius ille, nostrarum iniuriarum ultor, auctor salutis, quidquid habuit, quantumcumque fuit, illud totum habuit ex disciplina: instrumenta naturae decrant: sed tantus animi splendor, et tanta magnitudo, vt sibi omnia, quae clarorum virorum essent, non dubitaret adsciscere, eaque omni dignitate obtineret.* Cognomen Spintheris, vt Valerius Max. lib. 9. c. 15. docet, a quodam asseclarum accepit. Plinius autem lib. 7. c. 12. eum Spintherem secundarum partium histrionem vocat. A similitudine certe cognomen hoc ortum est. nam Quintilianus lib. 6. c. 3. de risu, *acriora, inquit, sunt, et elegantiora, quae trahuntur ex vseram.* In his maxime valet similitudo, si tamen ad aliquid inferius, leuiusque referatur: quia iam veteres illi iocabantur, qui Lentulum Spintherem, et Scipionem Serapionem esse dixerunt. Spintherem tamen Cicero nunquam Lentulum appellat, opinor, quia contumelia videretur. Caesar, ab eo laesus, quia fuit in praesidiis Pompeii, Spintherem vocat lib. 1. de bell. ciu. c. 15. 22. 23. item Sallustius in Coniuratione Catilinae c. 48. veteres tamen nummi, Spinther, habent. Hoc ad filium eius transiisse cognomen, Cicero ostendit lib. 12. ad Attic. epist. 52. et lib. 13. ad eundem epist. 10. Appianus lib. 3.

de bell. ciu. Plutarchus in Caesare, Dio lib. 39.

Procos.] Cum Suetonius, et Plinius, *proconsulatus*, Gellius, et Valerius Max. *proconsulare*, vnico verbo, dixerint; videtur, *proconsul*, dicendum esse, et coniuncte semper scribendum, vt varietur cum antecedente nomine, hoc modo: *Lentuli proconsulis*, *Lentulo proconsuli*, *Lentulum proconsulem*. veteres contrahebant, *pro. cos.* itaque scriptum in lapidibus Capitolinis animaduerti. librarii postea vel vnico verbo, *proconsul*, *proconsulis*, *proconsuli*, variatis casibus, scripsere; vel disiuncte, in omni casu, *pro consule*. ego, si liceat vtrumuis, malim scribere, *proconsul*, *proconsulis*, *proconsuli*, quam, *pro consule*: in quo me valde mo-

vet similitudo; cum dicatur, *pronepos*, *pronepotis*, *proneposi*, et *proauus*, *proaui*, non *pro nepote*, et *pro auo*. quod si conceditur: (nec dissentire quemquam video) valeat eadem ratio in *proconsul*, *propraetor*, *proquaestor*, et similibus. Nec moueor, quod in orat. pro lege Manilia c. 21. dicatur, mitti Pompeium ad bellum Mithridaticum non pro consule, sed pro consulibus. respexit enim, cum ita loqueretur, L. Philippus ad originem, et significationem nominis compositi, non ad morem scribendi, aut loquendi. Non negauerim, in antiquis quorundam lapidum inscriptionibus inueniri, *pro praetore*, *pro*, *praetori*: sed in iisdem lapidibus, *proconsuli*, licet videre, non *pro consule*. exempla subiungam.

POPVLONII

L. ARADIO VAL. PROCVLO. V. C.
LEGATO. PRO PRAETORE. PROVINCIAE NVMDIAE
PROCONSVLI. PROVINCIAE. AFRICAE. VICE
SACRA. IVDICANTI. EIDEMQ. IVDICIO. SACRO
PER. PROVINCIAS. PROCONSVLAREM etc.

In aliis vero inscriptionibus opinio nostra plane comprobatur; vt in his:

HONORI

MEMMIO. VITRASIO. ORFITO. V. C.
NOBILITATE. ACTIBVSQ. AD EXEMPLVM.
PRAECIPVO. PRAEFECTO. VRBI
ET. ITERVM. PRAEFECTO. VRBI. PROCONSVLI. AFRICAE

SEXTO. PETRONIO. PROBO
ANICIANAE. DOMVS.
CVLMINI. PROCONSVLI
AFRICAE

FABIO. TITIANO. V. C.
CORRECTORI. FLAMINIAE
ET. PICENI. CONSVLARI
SICILIAE. PROCONSVLI
PROVINCIAE. ASIAE

C. CEIONIO. RVFIO. VOLVSIANO. V. C.
CORRECTORI. ITALIAE. PER. ANNOS. OCTO
PROCONSVLI. AFRICAE

Habemus aliorum quoque lapidum testimonia: sed haec sufficiunt, ne satietatem afferat copia. Diuus Augustinus in libro de Grammatica auctor est, aetate sua non, *proconsul*, sed *pro consule*, nominandi casu, visitatum fuisse; veteres autem non, *pro consule*, sed *proconsul*, vnico verbo, dixisse. *Ab E* littera vocali, inquit, nullum Latium, nisi iuncta praepositione, masculinum inuenitur, ut *pro consule*, *pro praetore*. ergo, iuncta praepositione, fiunt Latina, ut dixi, *pro praetore*, *pro quaestore*. nam veteres nominatiua casu, *proconsul*, dicebant, attendentes nullum nomen apud Latinos virilis generis in *E* exire. Antiquam consuetudinem et Priscianus lib. 2. comprobauit his verbis: *Praepositionis est, vel separatim casualibus praeponi, ut, de rege, apud amicum; vel coniunctim, ut, interitus, indistur, proconsul, insipiens*. Venio nunc ad significationem nominis. *Proconsul* erat, qui, gesto consulatu, ibat in prouinciam. hoc vulgo notum est: illud fortasse non item, de quo doctos olim viros memini dubitare, *proconsules* aequae dici interdum solitos esse, qui ex praetura in prouinciam profecti essent. ne longe abeam: Q. Metellus Celer lib. 5. epist. 1. et 2. *proconsul* appellatur. quod ne quis in dubium reuocet, quasi suspecta epistolarum inscriptione, Tironis, qui eas collegit, arbitratu facta, recitemus, ut scrupulus dubitantibus omnis eximatur, verba Plinii ex lib. 2. c. 67. *Nepos, in-*

quit, de septemtrionali circuitu tradit, Q. Metello Celeri, C. Afranii in consulatu collegae, sed tum Galliae proconsuli, Indos a rege Sueuorum dono datos. Et lib. 12. epist. 11. et 12. Cassius proconsul vocatur, qui tamen consulatum non gesserat. Iam, lib. 1. de Leg. c. 20. ita scriptum est: *Quia me Athenis audire ex Phaedro meo memini, Gellium, familiarem tuum, cum proconsule ex praetura in Graeciam venisset, Athenis philosophos, qui tum erat, in locum vniui conuocasse.* Et in orat. in Vatin. c. 5. C. Cosconium proconsulem vocat vltioris Hispaniae, qui consulatum non gesserat. Et in orat. pro Ligar. c. 1. C. Confidius praetorius, proconsul. Item M. Antonius lib. 2. de orat. c. 1. Et Liuius lib. 37. c. 46. L. Aemilium Paullum proconsulem appellat, qui praetor in vltiorem Hispaniam ierat. Suetonius etiam de C. Caesare propraetore, in Iulio c. 54. *in Hispania, inquit, proconsul, a sociis pecunias accepit, emendicatas in auxilium aeris alieni.* In Augusto c. 3. cum loquatur de Q. Cicerone praetorio, *proconsulatum*, inquit, *Asiae administrantem.* Addo C. Caninium Rebilum, C. Sallustium Crispum; quos, consulatu nondum gesto, proconsules Hirtius appellat in lib. de bell. Afric. c. 86. et 97. et in eodem libro c. 2. et 34. Allienum, qui Siciliam obtinebat, modo praetorem, modo proconsulem: ad quem Ciceronis epistolae 78. et 79. lib. 13. inscribuntur, *Proconsuli*: item ad alios in eodem libro, qui

qui consules non fuerant. Et in lapidibus Capitolinis anno DCLIV. nominatur L. Dolabella proconsul, consulatu nondum gesto. Neque solum, qui post praeturam ibat in prouinciā, *proconsul* vocabatur; sed contra, qui post consulatum, *praetor*. Itaque Cicero ad Sallustium lib. 2. epist. 17. praetorem appellat Bibulum, post consulatum Syriam administrantem. Et lib. 5. ad Artic. epist. vlt. *quod praetori dare consueissent*: pro, proconsuli: quia duo proconsules, Lentulus, et Appius, ante Ciceronem, Ciliciam, Cyprumque rexerant. Et P. Rupilius, qui consul fuerat, praetor dicitur in Verrinis orationibus, lib. 2. c. 16. et lib. 3. c. 54. et C. Caesar, cum Gallias post consulatum administraret. praetorem etiam, cum in prouincia consul bellum gereret, P. Scipionem a Liuio lib. 35. c. 1. appellari video. Pedianus autem, cum de Q. Mucio Scaeuola, Asiam post consulatum regente, loqueretur, praetorem vocauit. Quodque miremur magis, *quaestores*, a decedentibus proconsulibus prouinciae praefectos, animaduerti *proconsules* interdum nominari, ut Sallustium lib. 2. epist. 17. et Sextium lib. 5. epist. 6. quod epistolarum inscriptiones, veteribus in libris a me diligenter inspectae, significant. nam si, proconsulum loco, prouinciae curam susceperunt; consentaneum videtur, eadem eos potestate, eodem imperio fuisse. alioqui, si bellum aliquod exoriretur, rem militarem gerere qui licuisset? itaque primo anno quaestores, secundo, et tertio, si proconsulum loco prouinciae praessent, proquaestores, et interdum, ob imperium in eos translatum,

proconsules dicebantur, interdum etiam propraeiores. nam Sallustius in Iugurthino c. 41. A. Albinum a Spurio fratre consule, Romam, comitiorum causa, decedente, propraeiorem relictum demonstrat. Accepto igitur imperio, quod, hostibus propinquis, ratio temporis exigebat, et *proconsulum*, et *propraeiorum* nomina *quaestores* assumebant. Proconsulem autem per triennium fuisse Lentulum in Cilicia, et haec prima epistola, scripta Marcellino et Philippo cons. et nona, Appio et Domitio, demonstrant. post triennium decessisse, cognoscitur ex eo, quod Appius ei statim post consulatum successit. Omnino lege Sempronia C. Graechi, et Cornelia L. Sullae, prouinciae erant annuae: tamen interdum prorogabatur imperium, ut Lentulo, cui successit Appius, et Appio, cui Cicero; praeterea Q. Ciceroni, cum Asiae praesset, C. Antonio, Macedoniae proconsuli, C. Caesari, Gallias administranti, de quo epist. 7. *Et stipendium Caesari decretum est, et decem legati: et, ne lege Sempronia succederetur, facile perfectum est.* Prouincia Lentuli Cilicia est appellata: quamquam Asiae quoque parti praesset: ut ostendit epist. 9. nec vero Ciliciam administrabat vniuersam: quod lib. 15. epist. 1. declarat: et, in Ciliciae parte, regem fuisse Tarchondimotum, Dio lib. 41. et 54. et Strabo lib. 14. significat.

Ego omni officio, ac potius pietate] Epistolarum omnium quae materia sit, quaeque nos hortentur saepe, interdum etiam impellant ad scribendum causae, diu saepe, ac perattente cogitavi. artem enim quasi quandam, quae viam

ad

ad. inuentionem patefaceret, inuenire cupiebam. Atque in hoc meditandi studio cum occurrissent plurima, eaque admodum diuersa; tandem aliquando, inspecta rei cuiusque natura, atque vi, ad duo quaedam capita referri posse omnia visum est: quorum alterum graue ἡθικόν, alterum πραγματικόν vocatur, nos *morale* et *negotiale* possumus appellare. omnium enim epistolarum argumenta vel a negotio, vel ab officio, tamquam a duobus fontibus, deducuntur. *Negotiales*, quo res in statu sit, siue nostra, siue aliena, siue priuata, siue publica, significant. nec, si quae sunt, in quibus aliqua de re disputatur, ab hoc genere disiungo. nostrum enim negotium videtur esse, si vltro scribimus; aliorum, si rogati. quamquam disputationes remouet ab epistola scriptor egregius Demetrius, at non Latini: nam Varro quaestiones multas epistolis explicauit, vt Gellius, et Carisius docent: et Valgius Rufus, vt idem Carisius ostendit, scripsit de rebus per epistolam quaesitis. *Morales* officium potius, quam negotium, continent. quod genus late patet. hinc enim emergunt, quaecumque aut humanitatis, aut benenolentiae, aut alius omnino virtutis aliquam significationem habent; vt commendaticiae, et consolatoriae, laetitiam, aut dolorem indicantes, admonentes, hortantes, querentes, obiurgantes, gratias agentes, et, vt summatim complectar, quae materiam a negotio non sumunt. Tertium quoddam genus, ex utroque mistum, reperiri non negauerim: sed hoc vt aequaliter ex utroque constet, id est, vt eae caussae, quae ad scribendum adduxere, graues aequae sint, nec *morales* *negotialibus*, aut

negotiales moralibus vincantur, perquam raro solet euenire. quod si morale, aut negotiale in epistola mista excellet; (quod autem, vt ea scriberetur, vehementius impulit, id dico excellere) quis dubitet, quin, quae res in ea plus habet ponderis, eadem ei nomen tribuat? Non enim in assignando genere vel partes numerandae sunt, vel longitudinis habenda ratio est. possunt esse plures *morales* partes, quam *negotiales*; aut, si pauciores sint, vel vna esse longior, quam *negotiales* omnes: nec tamen ad morale genus epistola pertinebit. quo enim, vt iam dixi, praecipue adducimur ad scribendum, id siue multis, siue paucis verbis exponatur, epistolas facit aut *negotiales*, aut *morales*. Ac *morales* quidem in simplici plerumque versantur argumento; suisque quasi finibus contentae *negotialem* materiam non attingunt: *negotiales* contra, non quia necesse sit, sed quia decessat, morale saepe aliquid assumunt. Possum probare exemplis, possum auctoritate eorum, qui de epistolis praecepta tradiderunt: sed ipsa quoque in promptu ratio est. quis enim, cum scribit, quod vel sua, vel eius, ad quem scribit, interfit, aliquam rei perficiendae cupiditatem non exponit? quis ad ea, quae restant, curam, et diligentiam non pollicetur? quis aut, confecto negotio, non lactatur, aut, desperato, non dolet? quae interdum grati animi, humanitatis quidem semper signa sunt. Moueor etiam non leuiter auctoritate Demetrii, scriptoris accurati in primis, et docti. Πλεῖστον, ait, ἔχεται τὸ ἡθικὸν ἢ πρακτικόν, ὥστε καὶ ὁ διάλογος ἡγεῖται γὰρ εἰς αὐτὸς τῆς αὐτοῦ ψυχῆς γράφει τὰ

τῇ ἐπιτολῇ. Exempla vero, ne, quod adest, longe petamus, ad Lentulum scriptae epistolae suppeditant. negotiales enim omnes fere sunt: et his tamen morales Cicero sententias libenter admiscet, nimirum officii causa; ut, in patriam opera, ac virtute Lentuli reuocatus, tanti beneficii memoriam, et remunerandi studium declaret. fortasse etiam, ut ingenio valebat, ad officium artem adhibuit. nam, quia morales in primis ad conciliandam beneuolentiam idoneae sententiae sunt; idcirco, futurum intelligens, ut negotialem huius primae epistolae partem, id est, narrationem, Lentulus non admodum libenter legeret, quippe quae aduersa paene omnia, et inclinatham rem ostenderet; eam molestiam morali principio leniendam putauit. ad leniendum autem, si cetera deficient, ipsa tamen amoris, et grati animi significatio multum valet. et grata voluntas societate quadam eiusdem doloris ostenditur. dolor autem Ciceronis, in Lentuli causa susceptus, quod singulari quodam studio valde tamen non proficiat, cum ex ipsa sententia, et ex hoc toto orationis ambitu, tum vero ex his maxime prius verbis, unde oritur sententia, colligitur: *Ego omni officio, ac potius pietate.* nam et in, ego, vis est; et augetur in, omni officio; et cumulatur denuo correctione proxima, *ac potius pietate.* officium enim amoris expers esse potest, et communiter in omnes conuenit: nomen autem pietatis quiddam etiam grauius, quam amor, significat: itaque non communiter in omnes, sed proprie conuenit in deos, quibus omnia debemus: deinde in patriam, atque in parentes;

quorum caritas proxime accedit ad deos: tertio loco, erga omnes propinquos: postremo, erga optime meritos; quos diligere ut propinquos, et colere parentum fere loco, aequum est. Quae singula eodem, quo proposuimus, ordine probemus. Ac pietas quidem in deos multis cognoscitur exemplis; quorum pauca recitabo. lib. 1. de Nat. Deor. c. 2. *Quae potest esse pietas? quae sanctitas? quae religio? haec enim omnia pure, ac caste tribuenda deorum numini sunt.* Et infra, ibidem c. 41. *Est, pietas, iustitia aduersum deos.* Et lib. 3. de Fin. c. 22. *Nec vero pietas aduersus deos, nec quanta his gratia debentur, sine explicatione naturae intelligi potest.* Et pro domo c. 41. *Nec est ulla ergo deos pietas, nisi honesta de numine eorum, ac mente opinio.* Et lib. 2. de Offic. c. 3. *Deos placatos pietas efficit et sanctitas.* Et in Topicis c. 23. *Aequitas tripartita dicitur esse: una ad superos deos, altera ad manes, tertia ad homines pertinere. prima pietas, s. cunda sanctitas, tertia iustitia, aut aequitas nominatur.* Quae vero ad parentes, propinquos etiam, licet non bene meritos, pertinent, haec sunt. lib. 2. de Inuent. c. 22. *Religionem, eam, quae in metu et caerimonia deorum sit, appellant: pietatem, quae erga patriam, aut parentes, aut alios sanguine coniunctos officium conseruare moneat.* Pro Flacco c. 38. *Nimiae pietatis, et summi amoris in patriam vicissim nos poenas, si ita placet, sufferamus.* Somnium Scipionis c. 3. *Iustitiam cole, et pietatem: quae, cum sit magna in parentibus, et propinquit, tum in patria maxima est.* Et in Bruto c. 33.

Vitam

Vtinam (C. Gracchus) non tam fratri pietatem, quam patriat, praestare voluisset. Pro Coelio c. 32. Quem vos supplicem vestrae misericordiae, seruum potestatis, abiectum non tam ad pedes, quam ad mores sensusque vestros, vel recordatione parentum vestrorum, vel liberorum iucunditate sustentate: ut in alterius dolore, vel pietati, vel indulgentiae vestrae seruiatis. Pro Plancio c. 12. Omitto illa, quae si minus in scena sunt, at certe, cum sunt prolata, laudantur: ut viuat cum suis: primum cum parente, nam meo iudicio pietas fundamentum est omnium virtutum. Et lib. 4. Acad. c. 1. Admodum adolescens, cum fratre, pari pietate, et industria praedito, paternas inimicitias magna cum gloria est persecutus. Et lib. 6. ad Attic. epist. 3. Cum bellum esse in Syria magnum putetur, id videatur iu hanc prouinciam erupturum; hic praesidii nihil sit; suntus annuus decretus sit; videaturne aut pietatis esse uiae, fratrem relinquere? aut diligentiae, nugarum aliquid relinquere? Pro Quintio c. 6. Si veritate, amicitia, fide societas, pietate propinquitas colitur: necesse est, iste, qui amicum, socium, affinem, fama ac fortunis spoliare conatus est, vanum se, et perfidiosum, et impium esse fateatur. Et ad Toranium lib. 6. epist. 20. Hic tui omnes valent, summaque pietate te desiderant. Atque haec vno loco omnia, in orat. pro Plancio c. 33. comprehenduntur. pietas enim definitur, grata voluntas in parentes, in patriam, in deos, in amicos: eaque tribus modis laudatur, ut virtus, ut virtus maxima, ut virtutum reliquarum omnium ma-

ter. Exemplum pietatis etiam parentum in filios vnum Ciceronis asseram ex lib. 13. ad Attic. epist. 39. Ad patrem, domo sibi carentem propter matrem: plena pietatis. Alterum Catulli carm. 66. v. 29.

Egregium narras mira pietate parentem,

Qui ipse sui nati minxerit in gremium.

Deorum in homines, Statius lib. 3. Silu. v. 1.

Summa Deum pietas.

Extremum restat de pietate in bene meritos. quo ex genere hoc ipsum est: Ego omni officio, ac potius pietate erga te. et epist. 9. Periuuendae mihi fuerunt literae tuae; quibus intellexi, te perspicere meam in te pietatem: quid enim dicam beneuolentiam, cum illud ipsum grauissimum et sanctissimum nomen pietatis leuius mihi meritis erga me tuis esse videatur? Et in eadem, in extremo: Sunt enim resset, et erunt, sempiterni meritorum erga me tuorum, meaeque pietatis. Cur autem, cum id, quod diis hominibusque debemus, proprie pietatis nomine totum exprimatur, non eodem nomine erga Lentulum Cicero vteretur, quem in vtraque post reditum oratione non modo parentem, verum etiam Deum suae salutis, vitae, fortunae, memoriae, nominisque vocat? sic lib. 2. epist. 6. cum Milonem commendat, bis nomen pietatis usurpat; quod, eo adnitente, patriam recuperauerat. Et alibi saepe. Quod autem in priinis quattuor verbis, ego omni officio, ac, vocales concurrere passus est; in eo etiam moralis virtus elucet. laborare enim videtur, quod amantissimi hominis est, de

de re potius, quam de verbis. itaque hanc indiligentiam non solum a reprehensione vindicat, verum etiam cum aliqua laude coniungit in Oratore c. 23. *Habet, inquit, ille tamquam biatus, concursu vocalium molle quiddam, et quod indicet non ingratam negligentiam, de re, hominis, magis quam de verbis, laborantis.* Et in eodem libro, infra c. 44. *Quod quidem latina lingua sic obseruat, nemo ut tam rusticus sit, qui vocales nolit coniungere.* In quo quidam etiam Theopompum reprehendunt, quod eas literas tanto opere fugerit: *et si id magister eius Isocrates. at non Thucydides: ne ille quidem, haud paullo maior scriptor, Plato.* — In populari oratione, qua mos est Athenis laudari in concione eos, qui sint in proeliis interfecti: quae sic probata est, ut eam quotannis, ut scis, illo die recitari necesse sit. in ea est crebra ista vocum concursio, quam magna ex parte, ut vitiosam, fugit Demosthenes. Sed Graeci viderint; nobis, ne si cupiamus quidem, distrahere voces conceditur. Haec ille: qui tamen paullo post c. 45. non debere admodum crebro vocales vocalibus occurrere, indicat his verbis: *Hoc idem nostri saepius non tulissent, quod Graeci laudare etiam solent.* Gellius et in poetis hoc probat lib. 7. c. 10. aitque suauius esse in Virgilio: *Vicina Veseno Ora iugo,* quam, *Vicina Veseno Nola iugo:* et apud Catullum, *Ebriosa acino ebriosioris.*

Dictum est de generibus epistolarum: quibus demonstratis, duplex occurrit animaduersio, primum, quae utriusque sint aptae generi sententiae; deinde, quibus-

nam sententiae verbis enuncientur. Ac licet, nisi fallor, simul vtrumque complexi, et ita definire: *epistola consuetudinem fere quotidiani sermonis debet imitari.* nam, si, quod inter longe remotos nequaquam vox et lingua praestare potest, id bono litterarum consequimur, ut iis de rebus, quae vel nostra, vel amicorum intersint, communicemus; profecto nihil aliud, quam imago quaedam sermonis, videtur epistola. idem sensit Artemon ille, qui descripsit epistolas Aristotelis: quem dixisse Demetrius ait, oportere eodem stilo et dialogum scribi, et epistolas: esse enim epistolam dialogi partem. Sententias tamen interdum grauiiores, quam dialogus, et maiorem elegantiam admittit epistola; non modo quia studio, curaque maiore scribimus, quam loquimur; verum etiam, quia, cum ad principes viros, aut etiam ad ciuitates litteras mittimus, quod interdum euenire solet, habenda omnino videtur personarum ratio; et in eo paululum se tollat epistola, non modo licet, verum etiam necesse est. quales enim putemus fuisse epistolas illas, quibus viri eloquentes, et docti, atque ipse in primis Aristoteles Alexandrum Magnum, incensum cupiditate verissimae gloriae, cohortabatur ad decus? iam vero, quae leguntur Demosthenis ad Philippum, habere eas quiddam amplum, longaeque distare a communi sermone, negari non potest. Nec defunt Ciceronis in hoc genere nonnullae, ut illa ad Luceium lib. 5. 12. de sui consulatus historia separatim componenda; et illa ad Dolabellam lib. 9. 14. qua ei de sublatâ columana, et iis, qui eam Caesari

Caesari mortuo, tamquam Deo, in foro crexerant, supplicio affectis, gratulatur. in illa vero ad Lentulum, quae incipit, *Periucundae*, (9.) partes multae sunt, in quibus aliquanto maior vel verborum copia, vel sententiarum splendor apparet, quam dialogi ratio, et natura postulet. Age, quid in ea (epist. 16. ad Brut.) dialogo simile reperitur, in qua M. Brutus Ciceronem accusat, quod suppliciter nimis, ac demisse ad Octavianum scripsisset? Verum hoc, quidquid est licentiae, prudentia moderatur. tempus, personarum dignitas, res ipsa, quoque progressi liceat, ostendit. Proprie vero et simplici argumento, et simplici stilo contentae sunt epistolae. Recte, et festiue Cicero ad Pactum lib. 9. epist. 21. *Quid tibi ego in epistolis videor? nonne plebeio sermone agere tecum? nec enim semper eodem modo. Quid enim simile habet epistola aut iudicio, aut concioni? quin ipsa iudicia non solumus omnia tractare uno modo. Priuatas causas, et eas tenues, agimus subtilius: capitis aut famae scilicet ornatus. epistolas vero quotidianis verbis texere solemus.* Idem tamen, qui hoc praecipit, non usquequaque seruat suam regulam: indulget enim ingenio nonnumquam, et epistolas concinnat, atque ornat. verbis aliquanto illustrioribus, quam quae populo familiaria, et communis sermone trita sunt. sed hoc eiusmodi est, ut immodice, ac temere si fiat, fastidium pariat, et in reprehensionem incurrat; sin modice, et loco, delectet sine satietate, et laudem assequatur. decet igitur idem, et dedecet, pro utentis ingenio; quod aliis quoque rebus con-

tingit. Hac virtute vel solus inter Latinos, ut mihi quidem videtur, vel certe maxime omnium Cicero excelluit. Demosthenem quidem ita vicit, ut comparatio nulla sit: quod Quinctilianus lib. 10. c. 1. quoque vidit. Breuitas laudatur in epistolis: iure quidem: breui enim sermone magis capimur, quam producto: verum in omni re modus est: et peccat eodem fere modo, qui multa paucis contrahit, et qui pauca diffundit in multa. Praeclare Gregorius Nazianzenus, qui vtroque vitio laborant, eos iaculantibus comparat, ita mittentibus telum, ut vel supra scopum, vel infra feratur. utrique enim errant pariter, licet contrario modo. Hic mihi committendum non puto, quando de epistolis agitur, ut fraudentur studiosi pulcherrima ipsius Gregorii, viri eloquentissimi, epistola, in qua prudenter et ingeniose, quae ad hoc ipsum scribendi genus attinent, omnia persequitur, sic, ut ne Demetrius quidem ille, quem supra appellauimus, vel plura, vel meliora tradiderit.

ΓΡΗΓΟΡΙΟΣ

ΝΙΚΟΒΟΤΑΝ

Τῶν γραφόντων ἐπιστολὰς, ἐκπιδὼ καὶ τὸτο αὐταῖς, οἱ μὲν, μακρότερα γράψουσιν, ἢ περ εἰδὸς οἱ δὲ, καὶ λίαν ὑπόθετα· καὶ ἡμφοτέρω τῷ μέτρῳ διαμαρτάνουσιν, ὥστε τῇ σκοπῇ οἱ τοῦτον οὐκ εἰσὶν πέμψουσιν, ἄντε ὑπερπέμψουσιν. τὸ γὰρ ἀποτυγχάνειν ἴσον, καὶ ἂν ἀπὸ τῶν ἐναντίων γίνηται. ὅτι δὲ μέτρον ἐπιστολῶν ἡ χρεῖα, καὶ ὅτε μακρότερα γράπτειν, ἢ καὶ πολλὰ τὰ πράγματα· ὅτε μικρολογητίου, ἴδιον πολλά. τί γὰρ ἢ τῇ Περικλέῳ ὁλοῦν μαρτυρεῖται διὰ τὴν σοφίαν, ἢ παιδικοῦς πέχεσι,

πῆλξαι, καὶ ὅτως ἀτελὴ γράψῃς, ὡς
μὴδὲ γράψῃς; ἀλλὰ μιμεῖσθαι τῶν
συμῶν τὰς μεσημβρινὰς, ἢ τῶν κέν-
τρων τὰς κατὰ πρόσωπον ἀπαντῶσας,
ὡς συνίζῃν τὰ μήκη καὶ παραφαι-
νέσθαι μᾶλλον, ἢ φαίνεσθαι, τῶν ἄκρων
τινὲ γυναιζόμενα· καὶ ἔτι, πῶς ἂν
εἰποὶ καίριως, εἰκασμάτων εἰκασμα-
τα, δέον ἀμφοτέρων φεύγοντα τὴν
ἀμετρίαν, τὰ μέτρα κατατυγχάνειν.
Περὶ μὲν τῆς συντομίας, ταῦτα γι-
νώσκω. Περὶ δὲ σαφηνείας, ἔκείνο
γινώσκω, ὅτι καὶ φεύγοντα τὸ λο-
γικώτερον ἀποκλίνειν. καὶ, ἵν' εἴπω
συντόμως, αὕτη τῶν ἐπιστολῶν ἀρίστη,
καὶ κάλλιστα ἔχουσα, ἢ ἂν καὶ τὸν ἰδιώ-
την πείθῃ, καὶ τὸν πεπαιδευμένον, τὸν
μὲν, ὡς κατὰ τὴς πολλὰς ἴσα, τὸν
δὲ, ὑπὲρ τῆς πολλῆς, καὶ ἢ αὐτίθεν
γινώσκω. ἐμοίως γὰρ ἄκαρτον, καὶ
γριφον νοεῖσθαι, καὶ ἐπιτολὴν ἐρμη-
νεύεσθαι. Τρίτον ἐστὶ τῶν ἐπιστολῶν ἡ
χάρις. ταύτην δὲ φυλάξομεν, εἰ μήτε
παντάπασιν ζητᾶ, καὶ ἄχαρι γράψω-
μεν, καὶ ἀκαλλώπιτα, κήδεμντα, καὶ
κίβδητα, ὃ δὲ λέγεται, οἷον δὲ γυν-
μὲν, καὶ παροιμιῶν, καὶ ἀποφθεγμά-
των ἐκτὸς ἔτι δὲ σκομμάτων, καὶ ἑ-
νιγμάτων, οἷς ὁ λόγος κάταπλυκαίνε-
ται· μήτε λίαν τέτοις φαίνεισθαι κα-
ταχρῆμενοι. τὸ μὲν γὰρ ἔγροικόν, τὸ
δὲ, ἀπληστον. καὶ τοσαῦτα τοῖς χρι-
στῆς, ὅσα καὶ ταῖς πορφύραις ἐν τοῖς
ὀφθαλμοῖς. τρεπὲς δὲ παραδοξόμεθα
μὲν, διότι δὲ, καὶ ταύτας ἐκ ἀναι-
σχύντως. ἀντίθετα δὲ, καὶ πάρισα, καὶ
ισοκάλως, τοῖς σοφισταῖς ἀπορρίψομεν.
αἰδοῖν καὶ παραλάβοιμεν, ὡς κατα-
παίξοντες μᾶλλον ταῦτο ποιήσωμεν, ἢ
ἐπιτάσσοντες. Πέρας τῷ λόγῳ (ὅπερ
τῶν κομψῶν τῶς ἕκτα περὶ τῷ ἀε-
τῷ λέγοντος) ἡνίκα ἐκρίνοντο περὶ βα-
σιλείας οἱ ὄντες, καὶ ἄλλος ἄλλως
ἤκου ἐαυτὸν ποσμήσαντες, ὅτι ἐκείνῃ
κάλιστον ἦν τὸ μὴ εἰσθῆναι καλὸν εἶναι.

ταῦτο καὶ ταῖς ἐπιστολαῖς μάλα τα-
ρητέον, τὸ ἀκαλλώπιτον· ὅτι ἐγγυτά-
τα τῷ κατὰ φύσιν. Τοσαῦτά σοι περὶ
ἐπιστολῶν, ὡς δι' ἐπιστολῆς, παρ' ἡμῶν
καὶ ταῦτα ἴσως ἢ πρὸς ἡμῶν, οἷς τὰ
μεῖζον ἐπιτάσσεται. τ' ἄλλα δὲ, αὐτὸς
τε φιλοπονήσεις, εὐμαθὴς ὦν καὶ ἐπὶ
περὶ ταῦτα κομψοὶ διδάξουσι.

Prouerbia non excludit, sed cre-
bra non probat: quod Ciceroni
quoque placuit: itaque paucis uti-
tur. at Demetrius, κάλλος, inquit,
ἐπιστολῆς πυκνὰ παροιμίαι· διμότης γάρ
ἐστιν ἡ παροιμία, καὶ κοινόν. Ego
seruo, et seruo Gregorii docu-
mentum, ut prouerbiis neque num-
quam, neque saepe utar, accedente
praesertim Ciceronis exemplo;
quem cum lego, nullius rhetoris
praecepta desidero.

Ceteris] Meum in re tua flu-
dium, officiumque cernentibus.

Mibi] Qui tuam erga me bene-
volentiam imitor, merita non asse-
quor. tu enim in re mea, quod
agebas, perfecisti: mihi non idem
contingit in tua.

Numquam satisfacio] Suauitate
quadam fruuntur aures, geminato
verbo, et negatione posteriori praec-
posita: ut hic; ceteris satisfacio
omnibus, mihi ipsi numquam satis-
facio. simile illud pro Sextio c. 3.
Ademit Albino socii nomen mors
filiae, sed caritatem illius necessi-
tudinis et benevolentiam non ad-
emit. Et lib. 2. de Leg. c. 7. Quid
est enim verius, quam neminem
esse oportere tam sulte arrogan-
tem, ut in se rationem et mentem
putet inesse, in coelo mundoque non
putet?

Magnitudo] Lentuli beneficium
tribus modis auget; quod merita
vocat,

vocat, vim quaerens et in ipso vocabulo, et in numero; quod addit, *magnitudo*; quod, *magnitudo tanta*.

Meritorum] Meritum Lentuli maximum erga Ciceronem fuit, cum eum, lege Clodia pulsus, quod ciues Romanos, coniurationis in patriam conuictos, capitali supplicio, contra veteres leges, moremque maiorum, indicta causa affecisset, consul sextodecimo eius exulii mense renouauit. Hoc meritum significari, quae sequuntur, ostendunt: *Quia tu, nisi perfecta re, de me non conquiesisti*. Merita vero quod appellat, non meritum, amplificatio quaedam est. admonet enim Aristoteles, usurpari interdum ab oratore, ut rem augeat, multitudinis numerum pro singulari: quod saepe Cicero fecit, ut lib. 9. epist. 15. *Te cum video, omnes mihi Gracchos, omnes Lucilios, (vere ut dicam), Crassos quoque, et Laelios videre videor*. Merita autem plus, quam officia, valent ad Brutum lib. 11. epist. 17. *Lamia uno omnium familiarissime utor. Magna eius in me, non dico officia, sed merita*. Ad Cornificium lib. 12. epist. 29. *Ad haec officia, vel merita potius, iucundissima consuetudo accedit*. Phil. 13. c. 4. *Magna eius in me merita, mea quaedam officia in illum*.

Quia ERN. Quoniam] Parui refert, utro modo legas, vel, *quia*, vel, *quoniam*: nisi tamen hoc videtur plenius: et est in quatuor meis antiquis libris: quod ideo testatum volui, ne quasi commentitium reiiceretur, ex eorum scriptis, qui se in veteribus cunctis exemplaribus, *quia*, vidisse confirmarunt. Non grauebor in-

terdum ad haec humilia me demittere: ne quod ab industria nostra diligentiae genus iure quisquam desideret. quamquam, ut omnibus placeat satisfiat, vlla diligentia vix, aut ne vix quidem, consequi me posse, non ignoro.

De me non conquiessti] Quia, cum primum consul est designatus, Ciceronis causam suscepit, et eius de rebus sententiam, consulibus Pisone et Gabinio repugnantibus, praeclarissimam dixit: quo vero primum die magistratum iniiit, eo ipso die, id est, Kal. Ian. de Cicerone retulit, sprete lege Clodia, quae poenam referentibus irrogabat. cumque tribunus plebis Atilius Serranus, nocte ad deliberandum postulata, postredie senatus consultum interuenisset; numquam tamen Lentulus postea conquieuit, donec, Sextili mense, centuriatis comitiis perlata lege, rem perfecit, de quo sic in orat. pro domo c. 27. *Nam impediabantur, utrum ea lege, quam idem iste de Macedonia Syriaque tulerat. Hanc tu, P. Lentule, neque priuatus, neque consul legem esse unquam putasti. nam, tribuisti plebis referentibus, sententiam de me designatus consul saepe dixisti: ex Kalendis Ianuariis, quoad perfecta res est, de me retulisti: legem promulgasti, tulisti*. Similia de Lentuli studio, atque constantia in aliis orationibus, pro Sextio c. 32. 33. 69. post reditum ad Quirites c. 6. 7. 8. in Senatu c. 3. 4. 11. in Pisonem c. 15. alibi.

In tua causa] In tuo negotio, in reductione regis. *Causa* et hic, et aliis in locis pro eo sumitur, quod ad aliquem proprie pertinet: ut paulo post: *in causa haec sunt*:

id est, in curanda tibi reductione regis. Et infra: *haec regia causa excepta*. Et in extremo: *nos in causa auctoritatem eo minorem habemus*. Differunt autem *res*, et *causa*, et, ut arbitror, in eo differunt, quod, *res*, patet aliquanto latius, quam *causa*: ut *res* totum negotium significet, *causa* vero negotii partem illam, quae ad Lentulum pertinet, ut scilicet restitutio regis ad eum deferatur. huic opinioni suffragantur potius, quam aduersantur, exempla. Epist. 5. De Alexandrina re, *causaeque regia*. Epist. 7. *Quid res, quid causa, quid tempus ferat*. Epist. 9. *Accepisti, quibus rebus adductus, quamque rem, causamque defenderim*. Lib. 2. epist. 6. *Nunc tibi omnem rem, atque causam, meque totum commendando, atque trado*. Epist. 7. ibidem. *De sacerdotio tuo quantum curam adhibuerim, quamquam difficili in re, atque causa, cognosces ex iis literis, quas Thrasei, liberto tuo dedi*. Lib. 17. epist. 4. *Scriberem plura si rem, causamque nossem*. In orat. pro Caecina c. 4. *multa, quae sunt in re, quia remota sunt a causa, praetermittam*. Sed finis exemplorum sit: vitanda enim satietas est.

Acerbum] Insuauem, iniucundam: translatione a fructibus immaturis. Lib. 3. epist. 8. antitheta posuit *acerbum* et *dulce*: *Non debent mirari homines, — me esse acerbum sibi, ut sim dulcis mihi*.

Putem] Quia re vera ipsum, uere, nemini acerbum est, sed tum videtur, cum accedunt molestiae. ideo, *putem dixit* potius, quam *sentiam*.

In causa haec sunt] Haec sunt, quae tibi, quo in statu causa sit, significare possint.

Hammonius] Nomen Aegyptiis vsitatum, inde ductum, quod apud Libyos, ut ait Pausanias, Iuppiter Hammon coleretur.

Regis legatus] Nam rex aberat: quia, cum exercitum, Sibyllae verbis interdictum, desperaret, petiit, ut a Pompeio, duobus tantum licitoribus comitato, restitueretur. quod cum non impetrasset, verito senatu, ut Pompeii potentia nimium aueretur; abiecta spe, Ephesum se contulerat, relicto Hammonio legato. discessisse eum ab urbe, antequam tribuni plebis magistratum inirent, id est, ante IV. Idus Dec. apud Nonium Fenestellae verba significant. Dio discessisse significat, non modo post iurum a tribunis plebis magistratum, sed etiam consulatum gerentibus Marcelino et Philippo, id est, post Kal. Ian. Ego assentior Fenestellae, et quod antiquior, quam Dio, (nam cum nouissimo Tiberii principatu perisse, Plinius ait) et quod in rebus Romanis maior homini Romano, praesertim Romae viuendi, habenda fides est. ipse etiam Cicero, eum haec Idibus Ian. scriberet, regem ab urbe multo ante profectum ostendere videtur his verbis: *In rebus multo ante, quam profectus es, ab ipso rege, et ab intimis, ac domesticis Pompeii clam exulceratis*.

Aperte] Nullo legum metus quae res infensum Ptolemaeo senatum reddidit.

Oppugnat] Aduersatur vehementer, Translato verbo, quo magis Ham-

Hammonii studium ostenderet, vltus est.

Creditores] Qui non solum id agebant, vt rex restitueretur, quo creditas ei pecunias exigere possent: verum etiam aperte pecunias pro Pompeio contra Lentulum suppeditabant, quod regem cupere intelligebant. lib. 2. ad Q. Fr. epist. 2. *Creditores regis aperte pecunias suppeditant contra Lentulum.* In orat. pro Postumo c. 2. et apud Dionem lib. 39.

Cum tu aderas] Inepte nonnulli, vt antiquitatem amare videantur, quum pro cum scribunt: cum Priscianus obsoleuisse iam consuetudinem illam ostendat lib. 1. his verbis. *Apud antiquos frequentissime loco Cum syllabae Quu ponebatur, vt et e contrario, vt arquet, coquus, oquulus, pro arcus, cocus, oculus: quum pro cum, quur pro cur.*

Regis causa qui velint] Vel pueris haec iam nota sunt, *volo tua causa, volo tibi*; pro faueo, studeo, amicus sum. In contraria sententia, *cui qui nolum*, dixit infra.

Qui pauci sunt] Et suauitatis quiddam habet, qui, repetitum: et omnino huiusmodi additamenti non modo plenior, verum etiam paullo splendidior efficitur sententia: vt lib. 2. epist. 18. *Quae mihi veniebant in mentem, quae ad te pertinere arbitrabar, quod in Ciliciam proficiscebam, existimaui, me ad te oportere scribere.* Eiusdem generis illud lib. 4. epist. 7. *Hoc idem omnes, qui te diligunt, sentiunt: quorum est magna, pro tuis maximis clarissimisque virtutibus, multitudo.* Pauci autem regis causa volebant, vel ob apertam eius largitionem, vel quis propter acerbis-

simam tributorum exactionem electum ab Alexandrinis audierant.

Ad Pompeum] Cuius ob Mithridatici belli gloriam longe maior, quam ceterorum, apud omnes gentes erat auctoritas: quo futurum sperabat rex, vt Aegyptii nihil ei petenti denegarent.

Religionis calumniam] Sibyllae versus Aegypti regem cum exercitu reduci vetabant: cuius oraculi verba apud Dionem lib. 39. haec sunt: *Si rex Aegypti, auxilio indigens aliquo, venerit, amicitiam quidem ei ne denegaueritis; ne tamen cum multitudine aliqua iuueritis: sin aliter; et labores, et pericula habebitis.* Eam sententiam Luganus lib. 8. v. 824. expressit his verbis:

Haud equidem immerito Cumanae carmine vatis

Cautum, ne Nili Pelusia tangeret ora

Hesperius miles, ripasque aestate tumentes.

Narrat Dio, C. Catonis tribuni plebis opera, qui reductionem regis impedire conabatur, oraculum illud esse patefactum, senatu non invito, cui largitio illa regis odiosa erat. Nam, quod ad Sibyllae versus attinet, probabat eos quidem senatus, verum non tam religione, quam illius regiae largitionis inuidia. Et Cicero ipse, qui reductionem regis, Lentuli gratia, vehementer cuperet, *calumniam religionis* appellat, id est, malitiosam et fictam de Sibyllinis versibus orationem: vt, exercitu adempto, quasi iubente Sibylla, restituendi regis curam suscipere nemo vellet. Itaque *homines religiosos* cum ironia vocat

vocat epist. 7. quasi per speciem religionis alia cogitantes: *Esse, inquit, et tuae, et nostri imperii dignitatis, Ptolemaide, aut aliquo propinquo loco, rege collocato, te cum classe, atque exercitu proficisci Alexandriam: ut, cum eam pace, praesidiisque firmaris, Ptolemaeus redeat in regnum: ita fore, ut per te restituatur, quemadmodum senatus initio celsuit, et sine multitudine reducatur, quemadmodum homines religiosi Sibyllae placeve dixerunt.* Eandem calumniam notat epist. 4. cum ait: *Haec tamen opus est populi Romani, a tuis invidis, atque obrectatoribus nomen inductum fidei religionis, non tam ut te impedirent, quam ut ne quis propter exercitus cupiditatem Alexandriam vellet ire.* Est igitur calumnia, versuta quaedam, et callida fallendi ratio. et quamquam huic verbo proprium sit in accusatione domicilium; eiden tamen migrationes in alienum esse multas, exemplis intelligitur. epist. 4. *Res ab aduersariis nostris extracta est variis calumniis.* Lib. 2. ad Q. Fr. epist. 2. *Per obrectatores Lentuli res calumnia extracta est.* Lib. 4. ad Attic. epist. 3. *Metellus calumnia dicendi tempus exemit.* Lib. 1. de Offic. c. 10. *Exsistunt saepe iniuriarum calumnia quadam, et nimis callida, et malitiosa iuris interpretatione.* Lib. 2. de repub. apud Nonium: *Vt C. rneadi respondentis, qui saepe optimas causas ingenii calumnia ludificari solebat.* Et Valerius Max. lib. 9. c. ult. *Illa tamen quaestiones neque calumniae petitoris, neque violentiae plebis iudicantium religio cessit.*

Maluolentia, et illius regiae largitionis inuidia] Duae causas

affert, quare praeceptum Sibyllae de non reducendo cum exercitu rege senatui placeret; maluolentiam, quia de legatis Aegyptiis, mandato regis clam interfectis, percrebuisse; regiae largitionis inuidiam, quia, cum Hannibonius quorundam senatorum animos aperte pecunia corrumpere, ea largitio turpissimam infamiae notam ordini inureret vniuerso.

Inuidia] Ambiguum verbum. nam et dolor est ex alienis bonis: quam Cicero *inuideantiam*, ut anceps inuidiae vocabulum vitaret, in definiendis animi morbis appellare maluit: et, ut mihi quidem videtur, non *odium*, quod quibusdam placuisse video, sed *infamia* potius ex aduersa fama, et publica prauitatis alicuius opinione: quam semper cum odio coniungi necesse non est. nam si *odium*, et *inuidia* idem esset, eadem utriusque contraria opponerentur: nunc opponuntur diuersa, odio quidem amor, inuidiae autem gratia. Accedit, ut omittam, quod inuidia late diffunditur: numquam enim apud vnum, sed apud multos in inuidia sumus: odium vero interdum in angustum contrahitur: aequae enim et vni, et multis odio esse possumus. Postremo, non eadem res inuidiam, odiumque gignunt. nam *inuidia* nascitur ex animi turpitudine, licet ea neminem laedat: ut si quis otio, desidiaque languescat, eo nomine male audit, quae dicitur, *invidia*, nec tamen inde odium, sed inertis, ignauique hominis oritur contemptio. *odium* autem ex iis rebus existit, vnde vel ipsi afficiuntur iniuria, vel alios etiam laedi, praesertim iniuste, videmus. *Inuidia* dicta, quia non libenter videmus,

mus, neque qui fortuna meliore, quam vellemus, vtuntur, neque qui sequuntur ea, quae ipsi non probamus.

Comprobat] Iam enim senatus consultum factum erat, cum multitudine regem reduci, periculosum reipublicae videri. Hoc ego verius existimo, quam quod a Dione traditum est, perspectis Sibyllae versibus, decreta omnia, pro rege facta, esse inducta: valuisse enim senatus consultum, quo reductio regis Lentulo mandabatur, indicant quae infra sunt: *ex illo senatus consulto, quod te referente factum est, tibi decernit, ut regem reducas.* Et epist. 7. satis aperte: *Senatus consultum nullum exstat, quo reductio regis Alexandrini tibi adempta sit.* Sed ita Dio excusatur, quod senatus induci quidem voluit omnia decreta: sed intercedente tribuno plebis, fieri senatus consultum non potuit: per-scriptaque senatus voluntas: id quod, ubi senatus consultum impediretur, interdum fieri solitum animaduertimus: eaque *senatus auctoritas* dicebatur: de qua sic in eadem epistola: *Eaque, quae de ea scripta est, auctoritas, cui scis intercessum esse, ut ne quis omnino regem reduceret, tantam vim habet, ut magis iratorum hominum studium, quam constantis senatus consilium esse videatur.*

Hortari, et orare] Hortantis movet auctoritas, orantis voluntas: et hortationi saepe adduntur preces, ut, si auctoritas pondus non habet, saltem voluntas valeat. utrumque coniunxit in prooemio lib. I. de Orat. *Tibi frater, inquit, neque hortanti deero, neque ro-*

gaui. nam neque auctoritate quispian apud me plus valere te potest, neque voluntate. Lib. 5. epist. 18. *Te magnopere non hortor solum, sed etiam, pro amore nostro, rogo atque oro, te colligas, virumque praebeas.*

Liberius accusare] Leuius est, quam, libere accusare. nam interdum efficacitatis minus habent, quae comparandi aduerbia Grammatici appellant, quam quae simpliciter, sine vlla comparatione, enunciantur. *Accusatio* autem extra iudicium etiam in priuatis rebus, atque adeo inter amore coniunctissimos, locum habet. itaque lib. 3. de Offic. c. 23; *Si tyrannidem occupare, si patriam prodere conabitur pater? silebitne filius? immo vero obsecrabit patrem, ne id faciat. si nihil proficiet, accusabit: pro, reprehendet patrem, nefaria de patria cogitantem.*

Monere] *Monere, et hortari*, idem sunt in eo, quod utrumque rationes habet ad persuadendum idoneas: in eo differunt, quod *hortatio*, quid euenturum boni sit, id si fiat, quod suademus; *monitio* autem, quid mali, nisi fiat, ostendit: et illa lenior, ac mitior, haec seuerior, ac durior: non enim caret obiurgatione quadam. id ostendunt loca duo Ciceronis in Laelio c. 24. *Omni, inquit, hac in re habenda ratio, et diligentia est: primum, ut monitio acerbitate, deinde obiurgatio contumelia careat.* Quo loco sic vsurpat, *obiurgatio*, pro, monitio, ut paullo post, *obiurgari*, pro, moneri. Subiungitenim: *Illud absurdum est, quod ii, qui monentur, eam molestiam, quam debent capere, non capiunt: eam capiunt, qua debent vacare. pe-*

casſe enim ſe non arguntur, obiurgari moleſte ferunt: quod contra oportebat, delicto dolere, correptione gaudere. recte igitur Cicero, cum hortatus Pompeium eſſet, monendum etiam putauit, vt ei magnam ex reductione regis infamiam proponeret.

Magnam infamiam] Triplicem; vel ingrati animi, qui Lentulo, cuius erga ſe officia cum in ſermone quotidiano, tum in ſenatu palam commemorauerat, reductionem regis Alexandrini, praefertim ei iam a ſenatu decretam, conaretur eripere; vel immoderatae ambitionis, qui, ſummis iam perfunctus honoribus, triumque triumphorum gloria circumfluens, frumentaria etiam curatione, ſumma cum poteſtate, paullo ante ornatus, tauen, his non contentus, honorem praeterca, quicumque eſſet, Aegyptiae legationis appeteret; vel etiam auaritiae, quod regis muneribus, magnam ab ipſo reſtituendi cupiditatem prae ſe ferentis, corruptus exiſtimari poſſet.

Pl. ne] Hic valet, omnino: vt lib. 16. epiſt. 5. *Mibi placebat, ſi firmior eſſes, vt te Leucadem deportaret, vt ibi te plane confirmares.* Alibi aperte: quia, quae plana ſunt, oculis patent: vt lib. 2. epiſt. 15. *De Ocella parum ad me plane ſcripſiſas.*

Nec precibus noſtris, nec admonitionibus] Cur haec duo tantum attingit, quattuor iam propoſitis, *hortari, orare, accuſare, monere?* Quia, qui locum precibus, et admonitionibus non relinquit, multo minus hortationi, aut accuſationi. magis enim et orando mouemus, quam hortando, et monendo, quam

accuſando: idque vel ipſe diſpoſitionis ordo declarat. nam, vt orare poſt hortari, ſic monere poſt accuſare, augendi gratia, Cicero collocauit. Hic dubitantibus in verbo, *admonitionibus*, et mendosum ſuſpiciantibus, quod tamen in omnibus legitur antiquis libris, aptamque, et percommodam ſententiam habet, ſcrupulum placet eximere. Dixerat Cicero, *et monere*: debuit igitur, vt nomen cum verbo congrueret, inferre, *monitionibus*, non, *admonitionibus*: cum, *monere*. et *admonere*, ſignificatione diſſerant inter ſe. obiurgat enim is, qui monet, vt ſupra oſtendimus: qui vero admonet, non obiurgat, ſed, quid faciendum ſit, docet: vt exempla declarant. In hoc igitur prudentia Ciceronis agnoſcitur: qui cum de principe ciuitatis, et praecipuo ſui ab exſulio reditus auctore Pompeio loqueretur, aſperiore verbo iterum uti noluit, ſed mitigandam leniore verbo ſententiam putauit: vt oſtendat, ita Pompeium erga Lentulum animatum eſſe, non modo vt eum a reſtituendi regis conſilio verbis aſperioribus abduci, neceſſe non ſit, ſed nec admoneri quidem, ac doceri, quo pacto et ſuſpicionem vitet cupiditatis, et illam reducendi regis curam cupienti Lentulo obſequatur.

Relinquit locum] *Non relinquit locum precibus*, duobus modis accipitur: vel cum is, cuius gratia et auctoritas prodeſſe nobis poteſt, ita ſe geſſit, vt eum rogare non oporteat; vt in hoc loco: vel cum ita meriti ſumus, vt precibus nihil proficere poſſe videamur: cuius generis habemus exemplum apud Terentium in Andr. Act. 3. Sc. 4. v. 21.

Quid

Quid causae est, quin hinc in pistrinum recta proficiscar via?

Nihil est preci loci relictum; iam perturbavi omnia.

Locum igitur precibus vel aliena humanitas, vel nostra adimit improbitas.

In sermone quotidiano] Varie loquitur in hac sententia: nam hic, *in sermone quotidiano*, dicit: epist. 9. *in sermonibus discitare*: in eadem, *discitare* simpliciter.

In senatu] Hoc tempore Pompeius erat cum imperio, superiore anno rei frumentariae, et senatus consulto et lege praepositus. qui autem cum imperio essent, iis urbem, nisi deposito imperio, ingredi non licuisse, notum est. petiisse igitur a senatu Pompeium existimemus, ut introire in urbem, saluis legibus, posset. quod etiam postea, iisdem consulibus, ut accusatum de vi P. Sextium laudaret, impetrauit. epist. 9.

Egredere causam tuam] Cum hortaretur senatum, ut reductionem regis tibi demandaret.

Eloquentia; gravitate, studio, contentione] *Eloquentia*, vbertate et elegantia orationis; *gravitate*, sententiarum pondere; *studio*, propensa in Lentulum voluntate; *contentione*, ope summa. plus enim est *contentio*, quam *studium*. nam, qui *studet*; cupit: qui *contendit*, in eo, quod cupit, intendit omnes nervos quod integrum posuit lib. 15. epist. 14. *Omnes tuos nervos in eo contendas, ne quid mihi ad hanc provinciam temporis prorogetur.* Inde *contentio*, vehemens actio. infra: *Libonis; et Hypsaei non obscura concursatio, et contentio.* Epist. 9. *Caesaris, ut illum defen-*

derem, mira contentio est consecuta. Lib. 7. epist. 2. *In primis me delectavit, tantum studium bonorum in me exstitisse contra incredibilem contentionem clarissimi et potentissimi viri.*

Tuorum in se officiorum] Quod cum ornasti, dixit in extrema tere epistola. praestantem etiam Lentuli in Pompeium liberalitatem nominat epist. 7. maximum autem in Pompeium officium fuit, potestas rei frumentariae, per quinquennium ei toto orbe terrarum data. quod Lentulum consulem praecipue curasse, Plutarchus in Pompeio significat. quamquam, ut idem tradit, suspicio fuerit, id Lentulum spectasse, ut Pompeio frumentaria curatione implicito, ipse Ptolemaeum reduceret.

Marcellinus] Cn. Cornelium Lentulum Marcellinum, consulem hoc anno cum L. Marcio Philippo. Syriae post praeturam uterque praefuerat, Philippus Caesare et Bibulo coss. Marcellinus anno sequenti, Gabinio et Pisone. Appianus in Syriaco, Iosephus lib. 14. Antiq. De hoc Cicero in Bruto c. 70. sic: *Nec unquam indiseruus, et in consulatu pereloquens visus est, non tardus sententiis, non inops verbis, voce canora, facetus satis.* Marcellinus, cognomen gentis Corneliae non est, sed ab adoptione derivatum. qui enim Claudianus appellari debuit; cum esset ex Claudiis Marcellis; Marcellinus potius, quam Claudianus, appellari voluit: puto, ne videretur ex Pulchris, aut Neronibus fuisse; quae cognomina Claudiae gentis erant, patriciae: Marcelli autem, plebeiae. confirmat hanc opinionem

nem Pedianus in commentario Diuinationis, cum ait: *Marcelli, et Marcellini inter se gentiles fuere.* Non quod Marcellini essent Claudii, sed quod ex Claudia gente orti, indeque in Corneliā translati. Eodem cognomine filius eius vsus est, qui bello ciuili contra Pompeium quaestor pro Caesare pugnauit, paterni videlicet heres odii: nam consul huius anni Marcellinus quam insensus Pompeio fuerit, Cicero lib. 2. ad Q. Fr. epist. 6. et Plutarchus in Pompeio demonstrat.

Iratum] Quia te cupidum videat reducendi regis. Consulibus neque cum exercitu regem restitui placebat, neque ab iis, qui cum imperio essent, id est, nec a Lentulo, nec a Pompeio. epistola sequenti.

Tui defensorem] Tuarum omnium sententiarum, ac voluntatum.

Ostendis] Verbis. epist. 9. *In eo ipso, quod te ostendis esse facturum.* Lib. 4. epist. 1. *Eadem omnia, quae a te de pace, et de Hispaniis dicta sunt, ostendi me esse dicturum.* Lib. 9. epist. 8. *Munus flagitare, quamuis quis ostenderit, ne populus quidem solet, nisi concitatus.*

Quod dat, accipimus] Nihil dat in regia causa, in ceteris rebus omnia. sic loquimur, cum nec id plane, quod volumus, nec tamen nihil impetramus. Lib. 2. in Ver. c. 61. *Alio loco de aratorum animo, et iniuriis videro. nunc, quod mihi abs te datur, id accipio, eos tibi esse inimicissimos.* Ibidem paullo post c. 62. *Vt eo, quod datur.* Et lib. 2. de Orat. c. 44. *Si se (iudices) dant, et, ut ante dixi, sua sponte, quo impellimus, inclinant, atque propendent: accipio, quod datur; et*

ad id, unde aliquis status ostenditur, vela do.

Referre] *Referre*, ad senatum, de quo sententiae dicerentur; *ferre*, ad populum, de quo suffragia ferrentur; visitatum veteribus est. Caesar tamen lib. 1. de bell. ciu. c. 6. dixit: *ut de eorum imperio ad populum referatur*: si modo vulgati libri vacant mendo. nam, *ferre ad populum*, visitatus esse, quam *referre*, nemo, ut arbitror, negabit.

De religione] De Sibyllinis versibus, reduci regem cum multitudine vetantibus.

Ab eo deduci non potest] *Tuebatur* obstinato animo sententiam suam, in quam, ut in argumento iam diximus, factum erat senatus consultum, regem cum multitudine reduci, periculosum reipublicae videri. lib. 2. ad Q. Fr. epist. 2.

Idibus] Quo die senatus erat futurus. nec dubito, quin edictus esset, cum haec Cicero scripsit. nam et in epistola sequenti, cum ante lucem XVI. Kal. Febr. scriberet, subiunxit: *eo die senatus erat futurus.* quo perspicuum est, non eo die, quo haberetur, sed superiore, senatum edici solitum.

Mane] Prima luce. sed lib. 7. epist. 30. cum dixit, *quae erant futurae mane postridie*, aliter explanandum.

Hortensii] Declarata consulis voluntate, consularium sententias incipit exponere. Hic est ille Q. Hortensius, oratoria laude clarus. Hoc loco mirari aliquis possit, cur Cicero, de Marcellino consule locutus, ad consulares, omissa alterius consulis L. Philippi mentione, orationem traducat. Opinor, qui consul primo anni mense fasces fumeret, eundem et senatum eodem

dem mense habuisse; et, qua de re deliberandum putaret, retulisse; secundo autem mense collegam fasces recepisse: eundemque ordinem, ut alternis mensibus fasces haberent, usque ad extremum annum seruatum esse. itaque non Philippus, sed, qui fasces prior sumpserat, Marcellinus praecipuam mensis Ianuarii curam sustinuit, et de religione retulit, collega tamen assentiente: nam dissentientem Cicero nonuinaisset. Vter autem fasces prior suumeret, docet Gellius lib. 2. c. 15.

Luculli] Marci, non Lucii, qui perierat anno superiore. hic enim qui nominatur, sine dubio idem est, de quo haec sunt epist. 7. *Quo quidem tempore, ut perscripsi ad te antea, cognoui Hortensium percupidum tui, studiosum Lucullum.* Quam epistolam Pompeio et Crasso coss. id est, post Marcellinum et Philippum, esse scriptam, satis constat: quo anno Lucius viuere non potuit: cum eum oratio de prouinciis habita, ut ait Pedianus, Marcellino et Philippo coss. iam vita excessisse demonstrat. Marcum autem, ac Lucium fratres fuisse, Cicero, Plutarchus, alii testantur. Eutropius lib. 6. c. 7. consobrinos vocat: in quo ei non assentior; nisi si, duas sorores duobus Lucullis nupsisse, aliquis dixerit. quod mihi non sit verisimile. video enim, M. Lucullum simul cum Lucio fratre Seruilio auguri diem dixisse, qui Lucii patrem accusauerat. quam rem iis verbis Cicero commemorat in prooemio lib. 4. Acad. ut Lucium et Marcum, in vlciscendo Seruilio, non consobrinos, sed plane germanos fratres agnoscere videatur: ait enim de Lucio: *Ad-*

modum adolescens, cum fratre, pari pietate, et industria praedito, paternas inimicitias magna cum gloria, est persecutus. Verbum, *pietas*, eundem utrique patrem fuisse ostendit. Plutarchus etiam, cum ait, viuo adhuc Lucio rem eius domesticam a Marco fratre gubernatam, germanos potius fratres, quam consobrinos, significat. Sed Marci praenomen ab adoptiuo patre M. Terentio Varrone sumptum est. nam, a Terentio Varrone adoptatum, indicat Cicero lib. 3. in Ver. c. 70. cum legitur Terentiam et Cassiam nominat, latam a duobus eiusdem anni consulibus, M. Terentio Varrone, et C. Cassio Varo.

Cedit religioni de exercitu] Antea tamen, reducendum cum exercitu regem, Cicero censuerat: habuit enim orationem pro Ptolemaeo reducendo: ex qua Aquila, Fortunatianus, et Capella recitant haec verba: *Difficilis ratio belli gerendi; at plena fidei, plena pietatis.*

Teneri] Obtineri. Sic loutus est epist. 7. *Si res facultatem habitura videatur, ut Alexandriam, atque Aegyptum tenere possis.* Et epist. 9. *Etiamsi portum, tenere non queas.* Et lib. 14. ad Attic. epist. 12. *Tam clarani, tamque testatam rem, tamque iustam, Buthrotiam, non tenebimus aliqua ex parte?* Et in orat. pro Sextio c. 53. *Non tenuit eum locum, in quem, nisi popularis esse voluisset, facillime peruenisset.*

Quod commode facere possis ERN. Quod commodum rem facere possis] Commodo, pro commode, anti-
que

que dictum. in quo dubitatum a nonnullis miror; quasi, *commodo*, aduerbium esse non possit. quod nisi diligens antiquitatis obseruator Carisius admonuisset, Caesaris tamen ad Ciceronem epistola lib. 9. ad Attic. epist. 6. doceret. Cum *Furnium*, inquit, *nostrum tantum vidissem, neque loqui, neque audire me commodo potuissem*. Mihi tamen olim placuit, neque nunc, quamquam repugnantibus antiquis libris, displicere potest, pro, *rem*, legi, *reipublicae*. atque hanc ex antiqua Latini sermonis consuetudine coniecturam duxi. quo in studii genere, nec infitior, a prima adolescentia satis accurate me esse versatum, nec omnino poenitet. Erat autem in mandanda publica re exceptio quaedam, ut id, quod mandaretur, ita fieret, si *commodo reipublicae* fieri posset. quo significabatur, eam rem non potestati magis, quam prudentiae, committi. Recitabo veterum exempla; quibus et eadem sententia, et iisdem enunciata verbis, agnosceatur. ac tum denique, utrum scriptis libris, id est, dubiae librorum fidei, an certissimis antiquorum testimoniis, credi oporteat, cum praesertim nec a scriptis libris admodum discedat opinio nostra, doctorum virorum arbitrio permittam. Caesar lib. 1. de bell. Gall. c. 35. *Quoniam M. Messala, M. Pisone cons. senatus censuisset, uti, quicumque Galliam provinciam obtineret, quod commodo reipublicae facere posset, Aeduos ceterosque amicos populi Romani defenderet, sese Aeduorum iniurias non neglecturum*. Idem lib. 5. c. 46. *Scribit Labieno, si reipublicae commodo facere posset, cum legione ad fines Nerviorum*

veniat. Lib. 6. c. 33. *Labienum, Treboniumque hortatur, si reipublicae commodo facere possint, ad eam diem reuertantur*. Cicero ad M. Brutum eplst. 5. *Decreui hoc amplius, ut tu, si arbitrare vile, eque republica esse, persequerere bello Dolabellam: si minus id commodo reipublicae facere posses, sius non existimares e republica esse, ut in iisdem locis exercitum contineres*. Omitto illa similia, quae Ciceronem legentibus occurrunt: *quod tuo commodo fieri possis: quod sine molestia tua facere possis: quod tuo commodo fiat: quod sine peccato meo fiat*. Hic opponitur a quibusdam: hoc loquendi genus huic Ciceronis loco nullo modo convenire: putant enim, senatus haec verba fuisse, cum senatus consultum faceret, aut eorum, qui provinciis cum imperio praesent, cum aliquid legatis mandarent: non igitur ea cadere in sententiam Ciceronis, Hortensii, et Luculli, qui privati senatores erant. Haec ratio quid momenti habeat, examinando cognoscemus. Primum quaero: si senatus, cum decernit, utitur his verbis, ut *reipublicae* caveat, cur non iisdem senator, qui et ipse sua sententia decernit, uti possit? decet enim, ut senatum in publico decreto, ita senatores singulos in dicenda sententia reipublicae consulere. quid est autem senatus consultum, nisi multorum senatorum idem probantium consensus? quod si, senatus consultum in alicuius sententiam senatoris esse factum, saepe legimus: nil aliud existimare licet, quam graviores eius sententiae partes in senatus consultum esse translatas: gravius autem nihil, quam ut id, quod

quod mandaretur, incommodo reipublicae ne fieret. itaque non est, opinor, mandantis dumtaxat, hic loquendi modus, ut senatus, aut proconsulis, sed eius etiam, qui suadet. Negabit hoc aliquis: at credat exemplo. Cicero in epist. 5. ad Brut. *Decrevi hoc amplius, ut tu, si arbitrarere utile, eque republica esse, persequerere bello Dolabellam: si minus id commodo reipublicae facere posses, siue non existimares e republica esse, ut in iisdem locis exercitum contineres.* Haec neque senatus consulti verba sunt, neque proconsulis, sed privati Ciceronis, in senatu sententiam dicentis. cur igitur in hac etiam ad Lentulum epistola locum habere non possint? At libri veteres aduersantur omnes. Dissimulamus in re nota, quam multa enim contra veterum librorum auctoritatem, adiuvante historia, sententia, ipsa etiam latini sermonis regula, non modo sine reprehensione, verum etiam cum laude summa docti homines immutarunt. mihi sane videtur, ut in omni re, sic in hoc industriae genere, modus quidam esse: ut libris quidem antiquis in corrigendo utamur, id quod ego diligenter seruo, mutare tamen ex ingenio, doctrinae aliquid aliquando liceat, sed ita parce, et verecunde, ne corrigendi libertas ad temeritatem progressa videatur. quam ob causam veterem hic scripturam imputare nolimus; tantum fecimus, ut ostenderemus opinionem nostram: quam nec iis improbari, qui non temere, praeter sua, quidquam probant, ex eo possumus conicere, quod, si quaelaus coniecturae nostrae debetur, eam alio transferre conantur. Ni-

mirum, ad istas artes confugere, et alienis laboribus honorem ereptum velle, pusilli animi est: non enim addam, et ipsa malevolentia ieiuni: quod Cicero addidit in re non dissimili. neque nunc de meo iure litigabo: malim causa cadere, quam iis de rebus in iudicium, contentioneque venire, quarum studio si hoc assequor, ut bonis literis opem feram, cetera non valde requiro: si dantur, accipio: si minus, vberimum tamen, et suavisimum ex ipsa conscientia fructum capio.

Auctorem] Ut restitui regi honor, et gloria penes te sit. quod iam senatus decreverat. *Auctor* is est, cuius auctoritate, et sententia aliquid fit. lib. 1. ad Attic. epist. 19. *Agraria lex a Flavio tribuno plebis vehementer agitabatur, auctore Pompeio; quae nihil populare habebat, praeter auctorem.* Scriptor autem alicuius libri, quam Latine *auctor* dicatur, viderint ii, qui non dubitanter usurpant. Equidem neque Ciceronem, nec eius aequales, aut omnino quemquam stante republica ita locutum existimo. Et quoniam, cuius vel consilio, vel tacita auctoritate ad agendum impellimur, is quasi origo quaedam, et agendi principium est; inde factum, ut *auctor nobilitatis* appelleretur, a quo nobilitatis initia manarunt; *auctor huius sermonis*, a quo primus fluxit hic sermo; *auctor meae salutis*, cuius opera salutem adeptus sum. *Auctor* etiam vocatur is, cuius testimonio, ut aliquid credamus, adducimur: ut lib. 6. ad Attic. epist. 1. *Nec vero pauci sunt auctores, Cn. Flavius scribam fastos protulisse.* Addo illud, *auctorem* dici, non qui hortatur,

tatur, ne quid fiat, sed qui hortatur, vt fiat. Itaque, *auctor*, et *dissuasor*, Cicero opponit: ceteraque eiusdem, atque etiam aliorum exempla ad affirmationem semper, numquam ad negationem spectant. et ab *auges* quoque deductum *auctor*, Carisius, et Seruius ostendunt: idque probant antiqui lapides, et libri. *Auctorem* igitur dixit, vt auctoritate Lentuli potius, quam potestate, et armis, exercitum religione tollente, Alexandrini Ptolemaeo reconcilientur. Eodem modo Phil. 2. c. 37. *Ille*, inquit, *vir fuit: nos quidem contemnendi, qui auctorem odimus, arma defendimus. Auctorem* vocat Caesarem, a quo illa manauerant: tamquam enim ab illo scripta defendebantur.

Crassus] M. Licinius Crassus, nunc quidem in Pompeium male animatus, quod indicat lib. 2. ad Q. Fr. epist. 3. sed anno sequenti, consules iterum creati, in gratiam redierunt. Plutarchus. Hunc Quiritium, post Sullam, ditissimum, Plinius fuisse tradit, possedisse in agris H-S. bis millies, id est, ad rationem nummi nostri, sexagies centena scutatorum millia. Plutarchus totam eius rem, post decimam partem Herculi consecratam, epulumque publicum, et congiarium trium mensium singulis ciuibus datum, septem millibus et centum talentis aestimat: quae sunt Romano nummo, millies septingenties, et aliquanto amplius: vel, vt more nostro loquamur, scutatorum quinquagies semel, eoque amplius: vulgo, supra quinque miliones, dicerent.

Nec excludit Pompeium] Cui, frumentariae curationis gratia, toto

orbe terrarum et senatus, et populus imperium dederat. lib. 4. ad Attic. epist. 1. Plutarchus, Dio, alii.

Cum imperio sint ERN. sunt] Imperium duplex fuit, *urbanum*, et *proutinciale*. *Urbanum* aut a populo dabatur, aut a senatu: a populo, consulibus, praetoribus; qui, centuriatis comitiis creati, maiores magistratus vocabantur: a senatu, dictatori, interregi; qui, nullis comitiis, senatus consulto creabantur. nam censores, licet inter maiores magistratus nominarentur, tamen nec imperium, nec ferendae legis ius habebant, neque licitoribus, aut viatoribus utebantur. reliqui vero, quos nominauimus, et imperium, et legis ferendae ius, praeterea viatores, et licitores habebant. Minores magistratus, aediles curules, aediles plebis, tribuni plebis, quaestores, et alii inferioris ordinis, *potestatem habere*, non *imperium* dicebantur. Imperium tribuno plebis non fuisse, Lilius lib. 2. c. 56. aperte ostendit exemplo Appii consulis, priuatum tribunum plebis clamitantis, sine imperio, sine magistratu. *Imperium* igitur in vrbe habebant ii tantum magistratus, qui vocationem, qua carebant minores magistratus. Hoc imperium sine armis erat: propterea centuriata comitia, quod a Laelio Felice scriptum Gellius lib. 15. c. 17. recitat, intra pomoerium fieri, nefas erat; quia exercitum extra urbem imperari oporteret, intra urbem imperari ius non esset. Urbani imperii tempus in annuis magistratibus annum erat, in dictatore semestri ad summum, in interrege non ultra quinque dies: nam diuturnior is magistratus non erat. Consulibus tamen imperium

perium maius erat, quam praetoris: nam consul praetoris creandi ius habebat, non contra praetor consulis. et consul ab omnibus magistratibus auocare comitiatum, concionemque poterat: praetor a consule non poterat: quod apud Gellium lib. 13. c. 14. 15. Messalla docet. Quamquam autem imperium esset in vrbe, nemo tamen ex urbanis magistratibus *imperator* est appellatus, sed hoc nomen iis dumtaxat, qui exercitum haberent, tribui solitum est, etiam ante quam, re bene gesta, imperatores ab exercitu salutarentur. *Imperium provinciale* duplex fuit, vnum a senatu datum, ex lege Cornelia, sine armis; alterum a populo, ex lege Curia, cum armis. vide epist. 9. in extremo.

Bibulus] M. Calpurnius Bibulus, plebei generis, Caesaris in aedilitate, praetura, consulatu collega, eiusdemque inimicissimus, Pompeio etiam, ob Caesaris affinitatem, hoc tempore insensus: ideo priuatos decernebat, ut eum excluderet. Pompeii obrectatores Bibulus, Curio, Crassus appellantur lib. 2. ad Q. Fr. epist. 3.

Consulares] Atque etiam consules: nam, ut est in epistola sequenti, Bibuli sententiam, valere cupierunt.

Seruilius] E numero consularium, qui assentiuntur Bibulo, tres excipit; Seruilius, qui omnino reduci negat oportere, cuius probatam a senatu sententiam, sed a tribunis plebis intercessum, indicat epist. 7. Volcatium, qui Pompeium decernit; Afranium, qui assentitur Volcatio. Hic est P. Seruilius Vatia Isauricus, qui cum Ap. Claudio, P. Clodii, Ciceronis inimici, patre,

consulatum gessit A. V. 674. triumphauit de Isauris ex Cilicia A. 679. vnde Isaurici cognomen accepit: quo etiam filium eius, qui cum Caesare consul fuit, vsum esse video. Censor fuit cum L. Cotta, ut ex Valerio, et Plutarcho licet colligere. vixit ad annos LXXX. ut Phil. 2. c. 5. indicat: et Strabo, qui scripsit historiam suam imperante Tiberio, eum a se visum testatur lib. 12. obiit, ut Dio lib. 45. docet, Antoniis et Dolabella coss.

Volcatium] L. Volcatium Tullum, qui cum M. Aemilio Lepido A. V. 687. consulatum gessit.

Lupo] P. Rutilio Lupo tribuno plebis, quod ex epistola sequenti cognoscitur. praetor anno primo ciuiliis belli Pompeium secutus, Achaiam obtinuit. lib. 8. ad Attic. epist. 12. lib. 9. epist. 1. Caesar lib. 1. de bell. cin. c. 24. et lib. 3. c. 55.

Referente] Non de reducendo rege tantum, sed ut a Pompeio reduceretur: quod patet ex epistola sequenti. Ius autem referendi in senatu tribunos plebis habuisse, vel hic locus ostendit: sed accedunt non modo epistolarum testimonia, 16. lib. 10. et 1. lib. 2. ad Q. Fr. verum etiam orationum. nam in ea pro Sextio c. 31. Ninnii tribuni plebis relatio nominatur. Neque solum ea de re, de qua consul, sed etiam de diuersa, eodem die, referre poterat tribunus plebis. nam ex Phil. 7. c. 1. consulem de Appia via, et de Moneta, tribunum plebis de Lupercis retulisse video. Retulerunt igitur in eodem senatu de reductione regis duo magistratus, consul Marcellinus de religione, id est, ne rex, prohibente Sibylla, cum exercitu reduceretur; Lupus

pus vero tribunus plebis, vt a Pompeio reduceretur. de religione consuli omnes assenserunt; de reductione non idem omnibus placuit. Hortensius, Lucullus, Cicero Lentulum decernebant; Crassus, et Bibulus tres legatos, hic priuatos, ille, etiam eos, qui cum imperio essent. reliqui consulares Bibuli sententiam probarunt, tribus exceptis, quorum duo, Volcatius, et Afranius, Lupi sententiam secuti sunt: tertius Seruilius totum de rege reducendo consilium, Vel quod inutile putaret esse reipublicae, vel quod alienum a populi Romani dignitate, sua sententia damnabat.

Pompeio decernit] Plerique veteres libri habent, *Pompeio*: nonnulli, *Pompeium*: plerosque sum secutus. vtroque tamen modo recte: est enim in hac ipsa epistola, *tibi decernit*, et, *tres legatos decernit*.

Afranium] L. Afranium, qui quadriennio ante consul fuerat cum Metello Celere. Ne miremur eum studuisse Pompeio. nam et eo duce contra Sertorium, viuo Sulla dictatore, pugnauerat; et eiusdem Mithridatico bello fuerat legatus; et consulatum eius praecipue studio, atque opera adeptus erat. is ciuili bello a Caesare in Hispania victus, et liberatus, postea captus ab eodem in Africa, dissensionē in exercitu orta, cum Fausto, Sullae dictatoris filio, est interfectus.

Assentitur] Non miror, Volcatium sententiam dixisse ante Afranium, cum sexennio ante consulum gefisset.

Suspicionem] Nam ipse dissimulabat cupiditatem suam, et fauere

Lentulo videbatur, cuius etiam in senatu causam diligenter in primis egerat. de hac suspitione in epistola sequenti, et in 2. lib. 2. ad Q. Fr.

Laboratur] Difficultas negotii non sine quadam animi sollicitudine ostenditur, vt in extremo, *non laboraremus*.

Inclinata res est] Lepida translatio. Rerum status triplex est: aut enim ita se habent, vt volumus, et *flare* tunc dicuntur; aut aliter, ac volumus, et *inclinatae esse*; aut prorsus contra quam volumus, et *iacere*.

Libonis, et Hypsaei] Vtrumque puto tribunum plebis esse. de Hypsaeco quidem asseruit Dio lib. 39. Est autem L. Libo Scriboniae gentis, Pompeio primum amicitia, deinde etiam affinitate coniunctus. nam cum Sex. Pompeii, qui ex duobus Pompeii Magni filiis natus minor fuit, socerum nominat Dio lib. 43. eiusdemque alteram filiam, de victis Bruto, et Cassio, Caesar Octavianus uxorem duxit: quod in Augusto c. 62. et in libro de clar. Gramm. c. 19. Suetonius ostendit: cuius auctoritate, et ipsa etiam temporum ratione moueor, vt in Dione non *Αἰβωος ἡδεσφῆν*, sed *Αἰβωος Ὑψαεῖα* legendum existimem. quod tamen Dionis mendum potius, quam librarii, oportet credere. In bello ciuili Pompeium secutus, primum Etruriae, mox, inde pulsus, nauibus quinquaginta praefuit. Florus lib. 4. c. 2. Dio lib. 41. et Caesar lib. 1. de bell. ciu. c. 26. et lib. 3. c. 5. 15. seqq. Crudelem fuisse, nec mediocri obstrictum aere alieno, Cicero significat lib. 9. ad Attic. epist. 11. *Quid tu*, inquit, *illic Scipionem, quid Faustum, quid Libonem*

Libonem praetermissurum sceleris putas? quorum creditores conuenire dicuntur. quid eos autem, cum vicerint, in eius effecturos? Consulatum A. 719. cum M. Antonio gessit. P. Plautius Hypsaëus iure pro Pompeio contendeat: fuerat enim eius quaestor bello Mithridatico: id quod in commentario Milonianaë significat Asconius: et quaesturaë coniunctionem liberorum necessitudini proximam fuisse, patet ex lib. 13. epist. 10.

Concursatio] Prensantium propria. Concurfabant barbatuli iuvenes lib. 1. ad Attic. epist. 14.

Contentio] Maius quiddam est, ut iam diximus, in contentione, quam in studio, itaque Liboni, et Hypsaëo tribuitur contentio, studium reliquis Pompeii familiaribus.

*Familiarium] Iterum familiares appellat, et paullo post intimos, ac domesticos, ad augendam suspicionem Pompeii voluntatis, nam familiares, et intimos de alicuius honore, ipso inuito, laborare, qui consentaneum est? Sed Cicero interdum, vel Pompeii adductus beneficio, (nam, eo contendente, in patriam redierat) vel quod ita sentiret, liberare videtur cum omni suspitione cupiditatis: idque cum illa verba declarant: *in senatu palam sic egit caussum tuam*: tum ea, quae sunt in epistola sequenti: *quem ego ipsum cum audio, prorsus cum libero omni suspitione cupiditatis*. Et epist. 7. *Qui mihi semper tuae laudi favere visus est, etiam ipso suspiciosissimo tempore Caniniano*. Quamquam, non omnino quod ita sentiat, sed ut officio fungatur boni viri, Ciceronem ea scribere crediderim; qui, cum vtri-*

que summe deberet, eorum amicitiam libenter conseruaret, eoque sum in hanc opinionem propensior, quod lib. 2. ad Q. Fr. epist. 2. apud quem simulatio necessaria non erat, ambigere se de Pompeii animo significat his verbis: *In ea re Pompeius quid velit, non dispicio. Familiares eius quid cupiant, omnes vident.*

Cui qui nolunt] Qui amici non sunt. Similiter cum dandi casu, Fundanio cupio, dixit lib. 1. ad Q. Fr. epist. 2. Favere, et cupere Helvetius, Caesar lib. 1. de bell. Gall. c. 18.

Quod cum ornaſſi] Cum ad eum consul frumentariam curationem detulisti.

Nos] Epistolae clausula mirum habet artificium. nam, quia rem inclinatam esse dixerat, veritus, ne propterea Lentulo, cui omnia debebat, in aliquam negligentiae, aut etiam ingrati animi suspicionem veniret, auertit a se omnem culpam, excusatione quinquepartita: quod auctoritatis in regia causa minus habeat, quia pro bene de se merito contendat: quod gratiam suam Pompeii gratia maior exstinguat: quod multi ad Pompeium, ab eius domesticis, et a rege ipso corrupti, rem deferri velint: quod consulares, ob regiam praecipue largitionem, totum consilium de restituendo rege improbant: postremo, quod nonnulli, quorum Lentulus auctoritatem, dignitatem, voluntatemque defenderat, non tam virtutis eius memores essent, quam laudis inimici. quod perfidiae vitium et hic perspicue notat, et in sequentibus epistolis 7. 8. 9.

Auctoritatem eo minorem habemus, quod tibi debemus] Epist. 7.
C
Nostra

Nostra propugnatio, ac defensio dignitatis tuae, propter magnitudinem beneficii tui, fortasse plerisque officii maiorem auctoritatem habere videatur, quam sententiae.

Gratificari] In eo, quod a te causam regiam ad Pompeium transferant.

Multo ante, quam profectus es] Prorsus in tota epistola Ciceronis ingenium, et oratoriam calliditatem agnosco. nam exulceratae res post Lentuli profectionem, argumento esse poterant diligentiae praetermissae. id ne obiici possit, occurrit his verbis: *multo ante, quam profectus es.* Quod etiam iterat in epistola sequenti, cum ait: *totam rem istam iam pridem esse corruptam.*

Ab ipso rege] Cum tu hic esses. nam regem ante Lentuli profectionem ab vrbe discessisse, Fenestella teste probauimus.

Exulceratis] Corruptis, male affectis: translatione ab ulceribus, quae saepe, illato vngue, dilatantur. His autem translationum quasi luminibus, si cuius inter Latinos, Ciceronis maxime splendet oratio. Translata porro verba plus habere iucunditatis, quam propria, quae tamquam quotidiana fastidimus interdum, ac plus etiam ad significandum valere, satis constat. nam quia comparationes, et similitudines rem plane subiiciunt oculis; ideo translata, quae nihil aliud, quam breues, et concisae similitudines sunt, vigere magis in ostendendo re, quam propria, videntur. Sed de translatione Aristoteles, Cicero, Demetrius in primis in illo aureo *περί ἐμπνεύσεως* libello, quem pater meus, restituendae cupidus

antiquitatis, ante me natum edidit.

Exagitatis] Grauius vituperatis. sic in Oratore c. 13. *Plato, exagitator omnium rectorum, hunc miratur unum.* Et Coelius lib. 8. epist. 11. *Totus eius secundus consulatus exagitur.*

Inuidiam] Infamiam, ob apertam regis largitionem. supra: *Senatus religionis calumniam, non religione, sed malevolentia, et illius regiae largitionis inuidia comprobatur.*

Ita versumur] Quasi dicat, post discessum tuum nihil damnificum est noui: ita versumur in causa, ut ante quam tu profectus es.

Nostram fidem] Negotiales epistolae moralibus fere clauduntur sententiis; et vitandae satietatis causa; quia fastidium parit a primo ad vltimum producta narratio; et quod amici, uti sumus, ita videri volumus.

Praesentisque, tui cognoscent ERN. Praesentisque cognoscent.] Sunt, qui legant, *praesentes tui*: recte fortasse: mihi tamen sententia non arridet. quae enim haec amoris, et fidei minime necessaria distinctio? eum non et amor simul cum fide ab omnibus, et fides item simul cum amore a praesentibus cognoscatur? Quanto et planius, et commodius: *nostram fidem omnes, amorem tui absentis, praesentisque cognoscent?* quod est in duobus antiquis libris: in ceteris autem omnibus, quos quidem ego viderim, diuerse, non tamen ut sententia mutetur: *tui absentis, praesentisque tui.* potest enim ferri pronomen iteratum: potest etiam, quod maxime credere, iteratum videri scriptoris incuria. nullo quidem

dem in veterelibro, *praesentestui*, legimus. quod ideo testatum esse volumus, ne quem coniectura minime necessaria delectaret, cum ex antiquis libris commodam elici sententiam videret.

[*Fides*] Qui benevolentiam erga Lentulum consulem, tempori servientes, simulauerant, iidem, post consulatum, debitam eius meritis fidem absenti non praestiterunt. Videtur consulares indicare: de quibus epist. 5. *Amicum ex consularibus neminem tibi esse video, praeter Hortensium, et Lucullum.* epist. 7. *Vehementer quosdam homines, et eos maxime, qui te et maxime debuerunt, et plurimum iuvare potuerunt, invidisse dignitati tuae.* Et paulo post apertius: *Praeterea quidem de consularibus nemini possum aut studii erga te, aut officii, aut amici animi esse te-*

sis. Et ibidem aliquanto post: *Poterat utrumque praeclare, si esset fides, si gravitas in hominibus consularibus.* Definitur *fides* lib. 1. de Offic. c. 7. his verbis: *Fides est dictorum, convenientiorumque constantia, et veritas. ex quo, quamquam hoc videbitur fortasse cupiam durius, tamen audeamus imitari Stoicos, qui studiose exquirunt, unde verba sint ducta, credamusque, quia fiat, quod dictum est, appellatam fidem.* Et lib. 4. de rep. apud Nonium: *Fides nomen ipsum mihi videtur habere, cum sit, quod dicitur.* Hinc illud ad Tironem lib. 16. epist. 10. *Tu Musis nostris parare ut operas reddas. nostra ad diem dictam fient.* Docui enim te, *fides* erueret quod haberet.

Summa esse debebat] Quod eorum auctoritatem, dignitatem, voluntatemque defenderas.

EPISTOLAE II.

A R G V M E N T V M.

Tota est negotialis epistola, excepta morali clausula: in qua studium, et officium in agendo, diligentiam in scribendo promittit. Significat, quid actum sit in senatu; quid ipse oratione sua profecerit; quem Bibuli sententia exitum habuerit; consules quid sentiant; quo Pompeius, quae familiares eius animo sint. Et, quoniam Lentulo in regia causa duo maxime tribuni plebis aduersabantur, Cato et Caninius, quorum alter totam regis reductionem oppugnabat, alter Pompeio subdebat: his, ne quid agere cum populo possent, obiecta esse dicit impedimenta auspiciorum, et legum.

E X P L A N A T I O.

[*Altercatione*] De rege reducendo: cum Caninius Pompeio rem deferri vellet; consul regem neque cum exercitu reduci, neque ab iis, qui cum imperio essent. ita

Pompeium excludebat, qui cum imperio erat.

[*Lentuli*] Marcellini: sic appellatur et lib. 5. ad Attic. epist. 3. In quibusdam libris, *Lucii*, non omnino

omnino absurde: potest enim intelligi de altero consule L. Philippo, qui sentiebat idem, quod collega. Ac, ne quem offendat vnicum praenomen, exempla occurrunt similia non pauca, ut cum, *Cnaeus*, pro Pompeio Magno accipitur; *Publius*, pro Clodio, Ciceronis inimico; *Sextus*, pro Peducaco, Attici familiarissimo. praeterea, cum consul nominatur, nonne satis, quis *Lucius* sit, ostenditur, et a ceteris *Luciis* distinguitur?

Caninii] Pro Pompeio contentis, consules autem vel non reduci regem volebant, vel non ab iis reduci, qui cum imperio essent, sed a priuatis, ex Bibuli sententia. ita Pompeius, et Lentulus excludantur. Infra: *Bibuli sententiam, consules valere cupierunt*. Caninius hic potest esse Rebilus ille, qui mortuo pridie Kal. Ian. Q. Fabio consule, subrogatus est, ut in reliquis tantum eius diei horas consulatum gereret. lib. 7. epist. 30. Meruit in Gallia Caesare imperatore. Hirtius lib. 8. de bell. Gall. c. 24.

Tribuni plebis] Si cum consule altercatur, nimirum est in senatu. itaque falsa videri potest Valerii doctrina: cuius haec sunt lib. 2. c. 1. *Tribunis plebis intrare curiam non licebat: ante valuas, positus subselliis, decreta patrum examinabant*. Quod refellunt exempla prope innumerabilia: quorum vnum afferam ex epist. 5. *In senatu a Catone asperere, et acerbè nimium magno silentio est accusatus*. Verum ad prisca fortasse tempora Valerius respexit: cum praefertim dicat, *non licebat*: et, *examinabant*: tamquam consuetudine

mutata. nam, cum tribuni plebis senatores non erant, tunc iis non licuisse curiam intrare, ratio magis probat. postea, nisi senatorii essent ordinis, non videntur petiisse tribunatum. quod Suetonius in Augusto c. 10. docet his verbis: *In locum tribuni plebis, forte de mortui, candidatum petito rem se ostendit: quamquam patricius, necdum senator*. Et infra c. 40. *Comitiis tribuniciiis, si deessent candidati senatores, ex equitibus Romanis creauit: ita, ut, potestate transacta, in utro vellent ordine, manerent*. Id Gellius quoque comprobare videtur lib. 14. c. 8.

Tuae voluntatis] Auctoritatem senatus Lentulus consul acerrime defendit. vnde illud epist. 9. *Sensus honorum recreatus abs te totus est*. Quibus enim consulibus noua quaedam, et extraordinaria imperia placerent, ii, contempto senatu, populi studium, et beneuolentiam aucupabantur. qua via Caesar vsus, ad singularem potentiam peruenit.

Ordinem] Princeps ordo, summus, amplissimus a Cicerone senatus vocatur, distinguendi gratia: tres enim erant ordines in ciuitate, primo loco senatus, secundo equites, postremo ii, qui neque senatores, neque equites erant, qui, de plebe, dicebantur. Sed, quoniam ordinis nomen honestatem quandam significat; ideo, *plebeius ordo*, de veteribus, quod sciam, nemo dixit; cum tamen, *tertius ordo*, aut *infimus ordo*, dicerent, plebem ipsam significantes. at senatorii ordinis, equestris ordinis treberrima mentio. id puto causae fuisse; quia plebs ex ingenuis tota non constabat; cum in ea libertini essent;

sent: quos *ordinem* perum proprie vocari, Peditanus ostendit. nam cum de iis, *o modestum ordinem*, Cicero lib. I. in Ver. c. 47. dixisset; subiungit haec: *Libertinos significat; quorum non conditionem, sed more suo, quasi honestorum, ordinem vocat.*

Reconciliata] Quam alienauerat regia largitio.

Appellandis] Nominandis.

Rogandisque] Vt sententiam dicerent. rogabantur enim et a privatis sententiae: quod hic locus indicat; et infra: *multi rogabantur, atque id ipsum consulibus inuitis.* Mos quidem erat, vt sententias rogaret magistratus is, qui ad senatum retulerat. exemplum habemus apud Ciceronem de Lupo tribuno plebis lib. 2. ad Q. Fr. epist. I.

Sententia prima Bibuli] Si ratio gesti consulatus haberetur, primus rogari sententiam debuit Hortensius, secundus Volcatius, tertius Bibulus: sed, quia consules Hortensium fauere Lentulo, Volcatium Pompeio, Bibulum vtrique infensum esse intelligebant, ideo vel primo loco Bibulum rogarunt: (nam, quem vellent, rogare primum poterant, vt Cicero lib. I. ad Attic. epist. 13. et Suetonius in Iulio c. 21. docet) vel certe tum ordinem in rogando seruassent, primam tamen pronunciari Bibuli sententiam voluerunt: cuius exemplum beneficii habemus lib. 10. epist. 12. *Eo die magna mihi pro tua dignitate contentio cum Seruilio: qui cum gratia effecisset, vt sua sententia prima pronunciaretur, frequens eum senatus reliquit, et in alia omnia discessit.* Erant autem ii, quorum sententiae primae pronunciarentur, ideo conditione meliore, quia, si

plures in eorum sententiam transirent, fiebat senatus consultum, neque reliquorum sententiis locus erat.

Tres legati] Ex iis, qui priuati erant.

Hortensii] Cum quo Lucullus, et Cicero sentiebant:

Diuideretur] Quia de religione, et de tribus legatis simul deliberandum censebat: quod si esset factum, vtrumque simul reiici, aut vtrumque simul probari necesse erat. quam consuetudinem egregie Peditanus ad orat. pro Mil. c. 6. expressit his verbis: *Cum aliquis in dicenda sententia duas pluresue res complectitur: eas si non omnes probantur, postulat, vt diuidatur, id est, de rebus singulis referatur.* Et cum subiungit, *multi sedentes hoc unum verbum pronunciant, diuide*; ostendit, ius postulandi, vt sententia diuideretur, non consulibus tantum, sed senatoribus etiam fuisse. Festus etiam sic: *Numerata senatum, ait quiuis senator consuli, cum impedimento vult esse, quo minus faciat senatus consultum, postulatque, vt aut res, quae afferuntur, diuidantur; aut singuli consulantur; aut, si tot non sunt senatores, quo numero liceat praescribi senatus consultum.*

De religione] De Sibyllinis verbis regem reduci cum exercitu vetantibus.

Cuique rei iam obfisti non poterat] Satis implicata sententia videtur, sed, vt arbitrator, explicabitur hoc modo. Quatenus de religione loquebatur, et in quo iam obfisti non poterat; Bibulo assensum est. epist. I. *Hortensii, et mea, et Luculli sententia cedit religioni*

de exercitu: teneri enim res aliter non potest. Obfisti autem ideo non poterat, quia factum iam erat senatus consultum, regem cum multitudine reduci, periculosum reipublicae videri. Antiqui libri omnes, qui apud me sunt, *clam*, habent, pro, *iam*: quod mendosum esse constat.

Ierunt in alia omnia] Ire in alia omnia, et discedere, et transire, pro dissentire, veteres dicebant. de quo Festus his verbis: *Qui hoc censetis, illuc transite; qui alia omnia, in hanc partem. his verbis praeit ominis videlicet causa; ne dicat, qui non censetis.* sic locutus est Coelius lib. 8. epist. 13. Cum prima M. Marcelli sententia pronunciata esset, qui agendum cum tribunis plebis censebat: frequens senatus in alia omnia iit. Et Cicero lib. 10. epist. 12. Frequens cum senatus reliquit, et in alia omnia discessit. Lib. 2. ad Q. Fr. epist. 1. Ibat in eam sententiam. Hirtius lib. 8. de bell. Gall. c. 53. Discessionem faciente Marcello, qui sibi omnem dignitatem ex Caesaris invidia quaerebat, senatus frequenter in alia omnia transit.

Cum Lupus] Siue, cum, siue, tum, siue, cui legatur; in quo scripti libri dissentiant; parui refert. nihil enim aut additur ad sententiam, aut detrahitur.

Intendere] Sic antiqui libri, quos viderim, omnes, non, *contendere*. Pro Quintio c. 29. Postea sum usus aduersarii testimonio, qui sibi cum nuper edidit socium, quem, quo modo nunc intendit, ne in vinorum quidem numero tum demonstrat fuisse. Hoc autem intendebat Lupus, cum ipse de Pom-

peio, sine controuersia principe civitatis, retulisset, ante se oportere discessionem facere, quam consules: quod vereretur, ne, si de Hortensii sententia, quae Lentulum decernebat, discessio fieret, maior senatorum numerus eam probaret.

Discessionem facere] Aut, discedendi potestatem facere senatoribus de sua sententia: aut, discessionem ipsam facere; quia primus de sua sententia discessionem facere soleret is, qui retulisset; deinde senatores alii sequerentur. Quaeri potest, cur non idem Bibulo Lupus, quod Hortensio proposuisset, ut de sua sententia discessionem ipse faceret, ante quam consules? Quia senatoribus non admodum eius probari sententiam, nec ab eo, sed ab Hortensio, timendum intelligeret.

Iniqua et noua] Iniquum, et nouum est, ut in discessionem facienda, quod tribunis plebis placeat, fiat potius, quam quod consulibus.

Multis partibus plures] Multo plures. Eodem modo Coelius lib. 8. epist. 9. Turpe tibi erit, Patiscum Curioni decem pantheras misisse, te non multis partibus plures. Lib. 4. Acad. c. 36. Quibus efficitur, multis partibus solem maiorem esse, quam terram. Lib. 3. de Fin. c. 11. non multis partibus malit, pro non multo malit. Caesar lib. 3. de bell. ciu. c. 80. Eo fama iam praecurrerat de proelio Dyrrachino, quod multis auxerat partibus. Ibidem infra c. 84. Exercitus numero multis partibus inferior. Suetonius in Iulio c. 68. Innumeras aduersariorum copias, multis partibus ipsi pauciores, facile superarunt.

Aperte]

Aperte] Simulabant Pompeii caussa: sed consules, oratione Ciceronis reconciliatam Lentulo senatus voluntatem intelligentes, diem consumi passi sunt, ne discessio fieret: cum nec a Lentulo, nec a Pompeio regem reduci vellent, sed aut a priuatis, ex Bibuli sententia, quam senatus iam improba-verat, aut omnino non reduci: quod factum est.

Rogabantur] A senatoribus, varie sentientibus: cum alii Pompeio, alii Lentulo fauerent: alii aliter sentirent. ipse etiam Cicero rogauerat. dixit enim: *Quod tum dicendo, tum singulis appellandis, rogandisque perspexeram.*

Eo die] Cum de certo die loquimur, virili utimur genere: cum de tempore, muliebri. confirmatur exemplis. quo magis miror Nonium contra sentire. scripsit enim haec: *Diem volunt, cum feminino genere dicimus, tempus significare; masculino, diem ipsum. nos contra inuenimus.* Turpilus Pedio: *Quando equidem amorem intercapedine ipsa leniuit dies; id est, ipsum tempus.* Pacuvius Dulorestes: *Gnatam despondit: nuptiis hanc dat diem.* Virgilius *Aen. lib. 2. Ergo dics infandu aderat mihi sacra parari.* Haec Nonius: verum haec fortasse licentia tribuitur poetis; quorum testimonio vsus est.

Apud Pompeium cenauit] *Cenare apud aliquem*, interdum est et eius domi, et cum eo cenare: quod hic locus ostendit, et ille epist. 9. *Cenauit apud me in mei generi Craspedis hortis.* Interdum autem, eius quidem domi, non autem cum eo cenare: ut lib. 4. ad Attic. epist. 12. *Postridie Kal. cena apud*

me cum Pilia. *Apud me*, inquit, id est, domi meae: quamquam ipse abesset. Cenarum vsus non idem semper apud veteres fuit. Primum, cibus meridie sumptus *cena* vocabatur, vesperti *vespertina*: postea meridianus cibus, quem non ordinarium fuisse e Celso constat, *prandium* appellatum, vespertinus autem *cena*. de quo sic Festus: *Cena apud antiquos dicebatur, quod nunc est prandium; vespertina, quam nunc cenam appellamus.* Et alio loco: *Vespertina apud Plautum cena intelligitur.* Et Isidorus lib. 20. c. 2. *Est etiam cena vespertinus cibus, quam vespertinam antiqui dicebant.* in vsu enim non erant prandia. *Merenda* veteres dixisse pro prandio, quod scilicet medio die caperetur, auctor est Festus. Nonius autem: *Merenda cibus est, qui post meridiem datur.* Idem Isidorus: *Merenda est cibus, qui declinante die sumitur, quasi post meridiem edenda, et proximo cenae: unde et antecena a quibusdam vocatur: item merendare, quasi meridie edere.* Sed Festus de prisca temporibus loquitur, cum *merenda* fuit pro prandio; Nonius de suis, cum inter prandium et cenam *merenda* in vsu esset; qui mos hodieque retinetur. Quinquies igitur quotidie capi solitum esse cibum, quod a paucis tamen factum existimo, animaduertitur; mane, quod *ientaculum* dixere; meridie, *prandium*; post meridiem, *merendam*; vesperti, *cenam*; post cenam, *commessionem*. solae cenae quotidie in vsu fuere: prandia net, ut opinor, apud omnes, (de Romanis loquor) et aestate potius, quam hieme: quod Celsus lib. 4. et 7. docet.

Honestissimus] Eo enim die senatus voluntas Lentulo reconciliata videbatur. itaque, quod in prosperis rebus plus habet auctoritatis oratio nostra, quam in aduersis; propterea magis idoneum, quam vnuquam antea, tempus illud Cicero iudicauit cum Pompeio colloquendi.

Cum illo locutus] Qui scribunt, *loquutus*, potius quam, *locutus*, contra Prisciani auctoritatem faciunt. is enim lib. 1. *Q in quibusdam participiis transfertur in C, ut sequor secutus, loquor locutus.*

Hominis] Sic saepe veteres loquebantur, cum indicare vellent eum ipsum, quem antea nominauerant. lib. 3. epist. 1. *Valde hominem diligo.* Et lib. 2. in Ver. c. 20. *Nostis os hominis.*

Suspicionem cupiditatis] Orta ex concursatione, et contentione Libonis, et Hypsaei, omniumque eius familiarium studio. epist. 1.

Omnium ordinum] Dixi iam, constare ciuitatem e tribus ordinibus.

Iampridem] Multo ante, quam profectus es. epist. 1.

Certis hominibus] Intimis, ac domesticis Pompeii.

Non inuito rege ipso] Ab ipso rege, dixit epist. 1.

Corruptam] Ne putemus, corruptum Pompeium significari, quem liberauit iam omni suspitione cupiditatis: sed hoc in eius familiares confertur.

Ad XVI. Kal. Febr.] Ergo, pridie fuerat, XVII. Kal. quo die sententias esse dictas ostendit. at nunc qui dies in Ianuario mense post idus sequitur, est XIX. Kal. Febr. non XVII. quo ne moueamur, sciendum est, Ianuarium tunc habuisse

tantum XXIX. dies, Numae regis instituto, qui annum Lunae cursu dimetitus est. Caesar autem dictator annum ad cursum Solis accommodauit, binis diebus in Ianuarium, Sextilem, Decembrem infertis; ut tricenos singulos haberent dies, qui XXIX. tantum habuerant. Macrobius lib. 1. Saturn. c. 14. Suetonius in Iulio c. 40. alii.

Perfidia et iniquitate] Perfidia, inuidorum; iniquitate, inimicorum.

Popularem rationem] A populo magis in regia causa, quam ab senatu, timendum erit. nam Cato, et Caninius, tribuni plebis, male erant erga Lentulum animati: et Cato rogationem postea promulgauit, ut imperium Lentulo abrogaretur: Caninius alteram legem, ut Pompeius cum duobus legatis regem reduceret. epist. 5. Plutarchus in Pompeio.

Agere cum populo] A tribunis plebis. *Agere cum populo*, est, ut Messalla docet apud Gellium lib. 13. c. 15. *rogare populum, quod suffragiis suis aut iubeat, aut vetet.* Festus autem, *cum populo*, inquit, *agere est, populum ad concilium, aut comitia vocare.* Quod eodem spectat. non enim populus aut ad concilium, aut ad comitia vocabatur, nisi ut suffragiis vel iuberet aliquid, vel vetaret.

Salus auspicii] Genus illud auspiciorum, quod, *seruare de caelo*, dicebatur, significat. neque enim lex ferri, aut omnino agere cum populo poterat eo die, quo magistratus de caelo seruaret: quae *specio* vocabatur: eoque auspiciorum genere non augures, sed magistra-

gistratus, non modo maiores, verum etiam minores utebantur. Impedire actiones tribunicias vel ope magistratus, qui comitialibus diebus de caelo seruaret, Cicero cogitabat; vel, si lex ferretur, alicuius tribuni plebis intercessione: propterea subiungit, *aut saluis legibus*: nam intercessioni parendum legibus erat. Nihil, inquit, a populo timendum: si modo auspicia, aut leges valebunt: quae stante republica valeant, necesse est. Haec duo legis impediendae genera nominantur in oratione pro Sextio c. 36. *Viola est causa reipublicae, et viola, non auspiciis, non intercessione, non suffragiis: sed ut, manu, ferro.* Et Phil. I. c. 10. *Quaerunt, quid sit, cur aut ego, aut quisquam vestrum, patres conscripti, bonis tribunis plebis, leges, malas metuat. paratos habemus, qui intercedant: paratos, qui rempublicam religione defendant.* Religionis enim nomine auspicia magistratuum significat. Habebat autem Cicero sui studiosissimos ex collegio tribunorum, quos vel ad seruandum de caelo, vel ad intercedendum facile posset adducere, Racilium, et Planicium. lib. 2. ad Q. Fr. epist. 1.

Aut denique sine vi? Cur hoc tertium addit? Ut ostendat, si tribunos plebis nec auspicia, nec intercessio deterreat, populum tamen ipsum novas leges non esse probaturum. itaque, praeter vim, qua tribuni plebis nonnumquam in ferendis legibus utebantur, nihil timendum. De hac ipsa vi sic lib. 2. ad Q. Fr. epist. 2 *Suspicio, per vim rogationem Caninium perlaturum.* De eadem, et simul de populi studio erga Lentulum, epist. 4. *Ego tibi a vi, hac praesertim inbecillitate*

tate magistratum, praestare nihil possum: vi excepta, possum confirmare, te, et senatus, et populi Romani summo studio amplitudinem tuam retenturum. Vis autem illa significatur, cum seditiosi tribuni plebis, ut suas rogationes perferrent, eam populi partem, quae bene de republica sentire videbatur, armis foro excluderent, operas autem ad suffragia ferenda inducerent. Describitur haec vis cum in aliis orationibus, tum in Phil. I. c. 10. his verbis: *Forum sepietur: omnes clauduntur aditus: armati in praefidiis multis locis collocabuntur.*

De his rebus. Ut omnino tribuni plebis nihil agere cum populo possent, quod Lentuli dignitatem imminueret.

Pridie] XVII. Kal. Febr. quo die breuiter in senatu sententiae dictae sunt.

Senatus auctoritas] Cum senatus legitimus, id est, quo loco, quo die, quo numero, a quo magistratu oporteret, habitus, aliquid vel de publica, vel de priuata re decreuerat; tum si ex collegio tribunorum plebis nemo intercedebat, rata senatus voluntas erat, et senatus consultum dicebatur; eoque nomine inscriptum publicis tabulis consignabatur: sin autem vel senatus non legitimus aliquid decreuerat, vel tribunus plebis intercesserat; infirmum, ac prorsus irritum decretum illud erat, nec senatus consultum, sed senatus auctoritas vocabatur: propterea quod auctoritatem quandam publicis tabulis testata senatus voluntas habere videbatur. testis Lilius lib. 4. c. 57. *Si quis, inquit, intercedat senatus consulto, auctoritate se fore contentum.*

sentum. Testis Dionis historia, nam cum Q. Cassius Longinus, et M. Antonius, tribuni plebis, intercederent, quo minus fieret senatus consultum de Caesare ex Gallia revocando; cumque senatus, Pompeio deditus, a Caesare alienus, propterea vestem, ut in adversa tristisque re, mutasset tamen ne sic quidem factum esse senatus consultum, sed perscriptam sententiam esse, Dio lib. 41. significat. Idemque lib. 42 cum senatus consulto intercederent tribuni plebis, senatus tamen auctoritas perscripta est. Planissime autem lib. 55. his fere verbis: *Si quando aliquid senatus decreuisset, nec legitimus senatorum numerus affuisset; non inerat in eo vis senatus consulti, sed auctoritas senatus dicebatur, quae tantum constaret eorum, qui tunc affuissent, voluntas, et sententia. observatum idem est, cum vel senatus alieno loco, aut tempore, aut non legitimo edicto habitus esset, vel tribuni plebis intercessissent, impedito enim senatus consulto, exstare tamen senatus voluit sententiam suam.* Accedit Ciceronis testimonium in epist. 7. *Senatus consultum nullum exstat, quo reductio regis Alexandrini tibi adempta sit; eaque, quae de ea scripta est, auctoritas, cui scis intercessum esse, ut ne quis omnino regem reduceret, tantam vim habet, ut magis iratorum hominum studium, quam constantis senatus consilium, esse videatur.* Et ibidem paullo post: *Offensionem esse periculosam, propter interpositam auctoritatem, religionemque video.* Et lib. 5. ad Attic. epist. 2. *Nondum satis huc erat allatum, quo modo Caesar ferret de auctoritate perscripta.* Loqui-

tur ibi Cicero de senatus consulto, ab intercedentibus Cassio, et Antonio, tribunis plebis impedito. quod ex Dione iam ostendimus. Nec dubito, quin de auctoritate perscripta, cum senatus decreto intercessum esset, Cicero significet lib. 3. de Leg. c. 3. *Ex quois senatus esto: eius decreta rata sunt. ast ni potestas par, maiorue prohibefit, senatus consulta perscripta servant.* Quae licet exempla satis hunc morem ostendant: ut dubitatio tamen omnis auferatur, adscribimus verba senatus consulti, quod Coelius inclusum epistolae ad Ciceronem misit lib. 8. epist. 8. *Si quis huic senatus consulto intercesserit; senatui placere, auctoritatem perscribi, et de ea re ad senatum, populumque referri.* Et in alio eiusdem senatus consulti capite: *Si quis huic senatus consulto intercessisset, auctoritas perscriberetur.* Huic opinioni locum aduersari Ciceronis in orat. pro Deiot. c. 4. aliquis fortasse dixerit. Cum audires, inquit, senatus consentientis auctoritate arma sumpta: consulibus, praetoribus, tribunis plebis, nobis imperatoribus rempublicam defendendam datam. Senatus auctoritatem vocat in ea re, de qua senatus consultum esse factum, Caesar ostendit lib. 1. de bell. ciu. c. 5. *Decurritur, inquit, ad illud extremum, atque ultimum senatus consultum, quo, nisi paene in ipso urbis incendio, atque desperatione omnium salutis, numquam ante descensum est: DENT OPERAM CONSVLES, PRAETORES, TRIBVNI PLEBIS, QVIQVE PROCONSVLES SVNT AD VRBEM, NE QVID RESPVBLICA DETRIMENTI CAPIAT.*

Haec

Haec senatus consulto perscribuntur ad VII. Id. Lau. Hoc argumentum duplici ratione refellitur: vel quod, cum senatus consultum illud contra Caesarem belli civilis initio factum esset; nec tribunis plebis, ad intercedendum paratis, locus esset; non auderet Cicero, ad Caesarem, iam omnia tinentem, pro Deiotaro reo suppliciter agens, senatus consultum appellare: praesertim cum sciat, si tribunis plebis Antonio, et Cassio intercedere licuisset, quod Pompeianorum factione non licuit, senatus consultum esse non potuisse. itaque sapienter, tempori, causaeque seruiens odiosum Caesari vocabulum Cicero vitauit, a quo salutem Deiotari regis impetrare cupiebat. Altera est ratio, mihi quidem valde probata, quod senatus auctoritas non semper decretum illud significat, quod ne senatus consulti vim et nomen haberet, intercessionem fiebat: sed ubi nulla intercessionis mentio sit, pro ipso accipitur senatus consulto, ut in orat. in Pisonem c. 21. *Quam prouinciam P. Lentulus amicissimus huic ordini, cum et auctoritate senatus, et sorte haberet, deposuisset.* Significat enim a Lentulo depositam Ptolemaei regis reductionem, quam ei senatus consulto esse mandatum, et supra demonstratum est. Et in ea pro domo c. 37. *Ex senatus auctoritate, et senatum, et omnes bonos, meae salutis causa, mutata veste vidi.* Senatus auctoritatem appellat, cum tamen senatus consultum de mutanda veste factum esset: quod ex oratione pro Sextio c. 11. seqq. cognoscitur. In Vatinium c. 15. *Ne hoc quidem senatui relinquebas, quod nemo umquam*

ademit, ut legati ex eius ordinis auctoritate legarentur? Quis non intelligit, ex eius ordinis auctoritate, pro, ex senatus consulto dictum esse? cum paullo post sequatur: *Quis legatos umquam audiuit sine senatus consulto? ante te nemo.* Ergo, *senatus consentientis auctoritate*, idem valet, quod vniuerso approbante senatu, decreto senatus vniuersi.

Intercessit ERN. Intercesserat] *Intercedere*, modo est impedire, ut infra: cui cum Cato, et Caninius *intercessissent, tamen est perscripta*: modo interuenire, ut hic, et lib. 15. epist. 2. *Cum vestra auctoritas intercessisset, ut ego regem Ariobarzanem, Euseben et Philoromaeum tuerer.* Et epist. 4. eiusdem libri: *Studui quam ornatissima senatus, populiue Romani de me iudicia intercedere.* Eodem sensu dixit Coelius lib. 8. epist. 6. *Significatio vlla si intercesseris; clarius, quam deceat, aut expediat, fiat.* Et lib. 2. in Ver. c. 16. *Cum imperatoris populi Romani auctoritas; legatorum decem, summorum hominum, dignitas, senatus consultum intercederet.*

Intercessissent] Impediissent, ne senatus consultum fieret. ideo senatus auctoritas, senatus consulto impedito perscripta est. *intercedere* enim, proprie tribunorum plebis fuit. quamquam participes eius fuisse potestatis omnes, qui eadem potestate, qua ii, qui senatus consultum facere vellent, maioreue essent, docet Gellius ex Varrone lib. 14 c. 7.

De ceteris rebus] A negotio transit ad officium: id quod, absoluta narratione, vel ad augendam eius,

eius, ad quem scribitur, spem, vel ad leniendum dolorem valere plurimum solet. *Ceteris rebus*, dixit, non quaecumque ad Lentulum, sed iis, quae ad regis reductionem pertinere viderentur.

Cura, opera, diligentia, gratia]

Quia neque cura sine opera, nec opera sine diligentia sufficit, ideo coniungit haec tria. rursus, quod haec simul omnia, nisi accedat gratia, valde non proficiunt; gratiam adiungit: aequae ac si dicat: *quisquid gratia valebo, valebo tibi.*

EPISTOLAE III.

ARGVMENTVM.

Commendaticiae litterae pertinent ad morale genus. non enim a gesta, gerendaue res sumitur argumentum; sed ea scribuntur, quae magna ex parte suadet humanitas, quaeque in commendando plurimum habere ponderis existimamus. Perfecta autem commendatio tribus fere constat partibus. nam et amicitia cum eo, qui commendatur, et rei aequitas, et studium nostrum ostenditur. Hic amicitia cum Trebonio declaratur in eo loco: multos annos vtor valde familiariter: rei aequitas in eo: quae T. Ampius de eius re decrevit: studium commendantis in clausula: ut intelligat, meam commendationem non vulgarem fuisse.

EXPLANATIO.

A. *Trebonio]* Non dubito, quin fuerit equestris ordinis. nam negotiari senatoribus non modo turpe fuit, verum etiam veteri lege non licuit. *Liuius lib. 21. c. 63. Q. Claudius tribunus plebis aduersus senatum, vno Patrum adiuuante C. Flaminio, tulerat, ne quis senator, cuius senator pater fuisset, maritimam nauem, quae plus, quam trecentarum amphorarum esset, haberet. Id satis habitum ad fructus ex agris vestandos. Praeterea, splendoris mentio pertinere ad equitem videtur.*

Provincia] Cilicia.

Magna] lurre igitur a me commendatur.

Ampla] Multis in locis: nam, si vno loco essent, minus esset necessaria commendatio. Saepe ad rei magnitudinem additur ampli-

tudo, vt lib. 6. epist. 7. *Quamquam id magnum et amplum est. Lib. 1. de Inuent. c. 5. Magna et ampla pars. Pro Sextio c. 2. Non aggrediar ad illa maxima atque amplissima.*

Expedita] Impedita enim, ne tibi molestiam asserrem, haud libenter tibi commendarem.

Multos annos vtor valde familiariter] Vtus commendationis est causa. quo enim vtimur, eum commendare debemus: sed, si hoc accedit, vt et multos annos, et valde familiariter vtamur; officio non solum iusto, verum etiam prope necessario ad commendandum impellimur.

Suo splendore] Saepe splendorem Cicero tribuit equitibus Romanis, vt lib. 12. epist. 26. *Magnam ex eorum splendore et obseruantia*

vantia capies voluptatem. et epist. 27. eiusdem libri: *Sex. Aufidius splendore equiti Romano nemini cedit.* In orat. pro Roscio Amer. c. 48. *equestrem splendorem* nominat. Est autem *splendor* in equite, dignitas non ex aliquo magistratu parta, sed ex ipso ordine, qui fuit in ciuitate honestissimus. probatur ipso interprete Cicerone: cuius haec sunt in orat. pro Coelio c. 2. *Obiectus est pater varie, quod aut parum splendidus ipse, aut parum pie tractatus a filio diceretur. De dignitate, Coelius notis ac maioribus natu, etiam sine mea oratione, tacitus, facile ipse respondet. De dignitate dixit, cum ad illud, parum splendidus, responderet. ex quo apparet, splendorem, et dignitatem in equite idem esse.*

Ceterorum] Bonus igitur vir, qui abundet amicis.

Gratiosissimus ERN. *Gratissimus in prouincia fuit*] Ne me putes ignotum hominem tibi commendare. Malim, *gratiosissimus*: cum sequatur, *se apud te gratiosum fore*: nec omnino loquendi modus placeat, *gratum esse aliquem in prouincia.* significat autem, apud eos potius, qui prouinciae praefuerunt, *gratiosissimum* fuisse, quam apud prouinciales, priuatique iuris homines.

Tuum in me amorem] Omnibus notissimum et beneficii tui magnitudine, et nouitate meorum temporum.

Nostramque necessitudinem] Mutuus amor ostenditur, nec sine causa. hoc enim significat: quia tu me amas, Trebonius futurum sperat, ut id, quod cupio, consequar: quia vero ego te vicissim amo, dignum

esse me, qui hoc impetrem, arbitrat.

Libertos, procuratores, familiam] Apparet, id quod Cicero dixit, magna fuisse, et ampla Trebonii negotia: cum ea liberti, procuratores, serui tractarent. sic lib. 12. epist. 29. *Tantum velim existimes, si negotia Lumiae, procuratores, libertos, familiam quibuscumque rebus opus erit, defenderis, etc.* Liberti, ut meliore, quam serui, iure sunt, cum ciuitatem adipiscantur; sic deteriore, quam ingenui, cum honores non capiant. sunt autem vel singulorum hominum, quibus antea seruiebant, vel societatum, vel fanorum, vel opidorum beneficio liberati. si singulorum, ab iis praenomen, et nomen sumebant, retento seruili nomine, quod post manumissionem tertio loco quasi cognomen ponebatur, ut *M. Tullius Tiro*: si societatum, earum nominibus utebantur, *Asiatici, Siculique liberti*, vocati: si fanorum, ab iis appellabantur, ut *Venerii, Mercuriales, Capitolini*: si opidorum, ab iis quoque, ut a *Fauentia Faentini, a Reate Reatini*. Romae mos antiquus immutatus est: nam cum liberti Romani dicti essent, ad similitudinem libertorum municipalium, postea magistratus nomina, qui eos liberaret, acceperunt: in seruis tamen publicis, quae in libertis est amissa, vetus appellatio mansit: semper enim dicti sunt, publici serui Romani. Hac tota de re M. Varro, sed obscurè satis, nos tanquam interpretes, quam planissime fieri potuit, eius doctrinam studiumus explicare. *Procuratores* vocat, vicarios iuris sui: *familiam*, seruos, ut in Bruto c. 22. *Cum in silua Sila fecta cae-*
des

des esset, notique homines interfecti, insimulareturque familia, partim etiam liberi, societatis eius etc.

T. Ampius] Qui ante Lentulum Ciliciae praefuerat, praetorius, non consularis. **T. Ampium** tribunum plebis nominat Velleius lib. 2. c. 40. qui cum T. Labieno collega legem tulit, Cicerone consule, ut Pompeius, post victoriam Mithridaticam, Indis Circensibus corona aurea, et omni cultu triumphantium vteretur, scenicis autem praetexta, coronaque aurea. Inter tribunatum autem, et praeturam cum anni quattuor intersint, praetor fuisse videtur Pisone et Gabinio cons. id est, quadriennio post Ciceronem consulem, et anno sequenti, Lentulo et Metello cons. iuit in Ciliciam: eique postero anno Lentulus, Marcellino et Philippo cons. successit. itaque ratio temporum probare videtur, Ampium, qui Ciliciae praefuit ante Lentulum, eum esse, quem nominat Velleius. Nec tamen cum negauerim esse posse, qui ciuili bello delectum

habuit pro Pompeio, ut lib. 8. ad Attic. epist. II. et ad quem exsullem epistolae Ciceronis exstant lib. 6. et lib. 10. Caesar quoque Pompeianum indicat fuisse lib. 3. de bell. ciu. c. 105. cum ait: *Reperiebat, T. Ampium conatum esse tollere pecunias Epheſo ex ſano Dianae, eiusque rei cauſſa ſenatores omnes ex prouincia vocaſſe, ut, iis teſtibus, ſumma pecuniae vteretur, ſed interpellatum aduentu Caesaris profuſiſſe.* Legebatur olim in vulgatis libris, **T. Appius**, mendo manifesto: quia duo praenomina simul esse non possunt, ideo reposuimus, coniecturam secuti, **T. Ampius**: quam postea coniecturam veteres aliquot libri comprobant. Medicus tamen, et alii nonnulli, **Tampius**: quod reprehendere non ausim, cum Tampiorum quoque familiam Romae fuisse videam.

Non vulgarem] Non quo genere vulgo vitur in iis commendandis, quorum cauſſa minimum laboramus, verum accuratam, exquisitam, amoris, ac studii plenam.

EPISTOLAE IV.

ARGUMENTVM.

Negotialis est vsque ad illud: ego neque de meo studio. Narrat, quid actum in senatu, quid promiserint tribuni plebis, quae sit opinio populi Romani, qua senatus in eum voluntate: quod ad popularem rationem attinet, nihil timendum, vi tamen excepta: suum studium in regia cauſſa, aliorum iniurias, magistratum imbecillitatem ostendit: postremo de senatu, populoque Romano spem optimam affert.

EXPLANATIO.

A. d. XVI. Kal. Febr.] Continuo triduo, idibus, XVII. et XVI. Kal. actum, est in senatu de red-

ctione regis. comitalis dies fuit, quo hanc epistolam Cicero scripsit, XV. Kal. ut ex lib. 2. ad Q. Fr. epist.

epist. 2. cognoscitur. iis tribus diebus cur nihil sit confectum, variae quidem obstitere causae, sed vno nomine omnes, nimirum tribunorum plebis iniquitate, comprehenduntur, nam idibus Caninius tribunus plebis eousque cum Lentulo consule altercatus est, ut diem consumpserit. XVII. Kal. ne discessio fieret in Hortensii sententiam, quae Lentulo decernebat, ut regem reduceret; Lupi tribuni plebis iniqua, et noua prohibuit oratio. XVI. Kal. res ab aduersariis Lentuli, id est, a tribunis plebis extracta est variis calumniis.

Pulcherrime] Honestissime, perhonorifice.

Staremus] Translatio a pugnantibus, qui *stare* tunc dicuntur, cum eum, quem cepere, locum obtinent: quod fortitudinis est.

De tribus legatis] Prinatis: quae sententia Lentulus, et Pompeius excludebantur, qui erant cum imperio.

Fregeramus] Pergit in translatione. nam, frangere impetus aduersarii, de pugnantibus usurpatur. significat, quod in epist. 2. dictum est: *de tribus legatis, frequentes ierunt in alia omnia.*

Certamen] Tertium, et vltimum translationis verbum; longius autem producta, similitudo potius, quam translatio, videretur.

Sententia Volcatii] Ut Pompeius regem reduceret: de quo Lupus tribunus plebis retulerat.

Aduersariis] Praefertim tribunis plebis, de quibus infra: *Nemo est enim, qui nesciat, quo minus discessio fieret, per aduersarios tuos esse factum: qui nunc, populi nomine, re autem vera, sceleratissi-*

mo latrocinio, si quae conabuntur agere, satis prouisum est, etc.

Variis calumniis] Senatores cum eam rem, de qua sententiam rogabantur, perfici nollent, longa oratione, ut diem consumerent, utebantur. ius enim erat, ut sententiam rogati, dicerent ante, quidquid vellent alius rei, et quoad vellent, quod in libro de officio senatorum Capito scriptum reliquit. Hacigitur potestate, improbo, astutoque consilio rem extraxerunt Lentuli aduersarii, cum alius alia diceret, ut diem eximerent: quod est factum. *Varias calumnias* vocat Cicero varias causas fictae inducias, varia signenta, cum nihil verum, nihil ex animo loquerentur, sed tantum ut rem ducerent, diemque dicendo extraherent. sic lib. 2. ad Q. Fr. epist. 2. *Per obstrictatores Lentuli res calumnia extracta est.*

Frequenti senatu] Cum adessent plurimi senatores. Plures quadringentis in senatu affuisse, bis omnino, ut mea memoria est, legi; CDX. in orat. post reditum in senatu c. 10. CDXV. lib. 1. ad Attic. epist. 14.

In magna varietate] Sic tres mei, sic et vnus Alberti Ferri, optimi eruditique adolescentis, et duo praeterea Sigonii veteres libri. Varietatem autem sententiarum dicit. hoc enim in primis honorificum, in magna varietate, magnaue inuidia, causam tamen obtinere. in quo suum officium tacite Cicero commendat. quis enim nescit, operam officiumque nostrum laudari magis, ubi quid obtinemus in magna sententiarum varietate, quam si varietas non magna sit? Sententias quinque varie decernentium exposuit in prima epistola; Hortensii,

tenſui, de reductione regis vni Lentulo mandanda; Crassi, de tribus legatis, etiam ex iis, qui cum imperio eſſent; Bibuli, de tribus item legatis, ſed ex iis tantum, qui privati eſſent; Seruillii, ne rex reduceretur; Volcatii, vt reduceretur a Pompeio, vt iuagnam fuiſſe varietatem ſententiarum neceſſe ſit, vbi Lentulo conſulares quattuor, Craſſus, Bibulus, Seruilius, Volcatus, aduerſarentur, in qua tamen varietate cauſam Lentulus obtinuiſſet, niſi variis calumniis ab eius aduerſariis extracta res eſſet. Lib. 2. ad Q. Fr. epiſt. 2.

Inuidia] Conſularium: de quibus in epiſt. 1. *Si eſſet in iis fides.* In 2. *In tanta hominum perfidia.* In 5. *Eandem fidem hominum.* Et ibidem: *Si quid hominum perfidia detraxerit.* Et in extremo: *Amicum ex conſularibus neminem tibi eſſe video.* In 6. *Proditores appellat.* In 7. *Veementem quosdam homines inuiſſe dignitati tuae.* Ibidem: *De conſularibus nemini poſſum aut ſtudii erga te, aut officii, aut amici auimi eſſe teſtis.* Aliquanto poſt: *Eſſe te in principibus facile ſunt paſſi, euolare altius certe noluerunt.*

Alio] Ad alios: cum quidam ſoli Pompeio cauſam regiam deferri vellent; alii aliter ſentirent.

Acerbum] Acrem aduerſarium: quod ante eum diem non contigerat. non tamen vni Lentulo, ſed Pompeio pariter acerbum fuiſſe arbitror: oderat enim peſſime ſocorum Pompeii C. Caefarem, vt Suetonius in Iulio c. 52. oſtendit: quare Caefariſ potentiam augenti quotidie Pompeio non amicum fuiſſe veriſimile videtur. et cum

Pompeius ipſe ſuum eſſe obtrectatorem aiebat, lib. 1. ad Q. Fr. epiſt. 3.

Curionem] C. Scribonium Curionem, conſularem, et triumphalem, patrem eius, ad quem epiſtolae mittuntur lib. 2.

Iuſtiores, paene etiam amicum] Huius mutationis illa Bibulo cauſa fuit, quod, cum ipſe de tribus legatis obtinere non potuiſſet, malebat Lentulo rem deferri, quam Pompeio, quem Caefaris, inimiciſſimi ſui, generum, fauoremque et amplificatorem dignitatis, ornari non libenter videbat.

Legem vllam] Quod fautores Lentuli timebant. ideo ſubiunxit: *Satis prouiſum eſt, ut ne quid ſalvis auſpiciis, aut legibus, aut iam ſine vi agere poſſint.* Et epiſt. 2.

Ante comitia] Ante Sextilem menſem, quo designabantur magiſtratus, maiores centuriatis comitiis, minores tributis.

Laturos] Cato tamen ſerre conatus eſt: promulgauit enim, vt Lentulo Ciliciae imperium abrogaretur. epiſt. 5.

Legem Pupiam] Quae comitiis diebus haberi ſenatum vetabat. lib. 2. ad Q. Fr. epiſt. 2. *Per obtrectatores Lentuli res calumnia extracta eſt. Conſecuti ſunt dies comitiales, per quos ſenatus haberi non poterat.* Et epiſt. 13. *Comitialibus diebus, qui Quirinalia ſequuntur, Appius interpretatur, non impediri ſe lege Pupia, quo minus habent ſenatum, et, quod Gabinia ſanctum ſit, etiam cogi ex Kal. Febr. uſque ad Kal. Mart. legatis ſenatum quotidie dari.*

Perſeſſis] Auditis, et, dato reſponſo, remiſſis.

Legationibus] Quibus dari ſenatum, lex Gabinia iubebat.

Filius

Fistulae religionis.] Non enim eos religio mouebat: sed specie religionis maleuolentiam suam tangebant. *Religionis calumnia* vocatur in epist. I.

Vellet ire] Adempto enim exercitu, nemo ire vellet: cum Alexandrinos, nisi cogerentur armis, regem non esse recepturos constaret.

Ab senatu] Non enim senatus, sed aduersariorum tuorum culpa, ne discessio fieret, commissum est.

Qui nunc] His comitialibus diebus: quorum primus erat xv. Kal. Febr. quo die scripta est epistola, quae enim acta erant in senatu, postero die significat, vt etiam epist. 2. et lib. 2. ad Q. Fr. epist. 2.

Populi ERN. Populi Romani nomine] Populi Romani causam tueri, tribunorum plebis erat. sed eo saepe nomine abutentes, rogationes iniquissimas, maleuolentiae et iniu-diae causa, ferebant.

Latrocinio] Quod per insidias, vt latrones, ficto populi Romani nomine, reipublicam laedebant. Sic in epist. 2. ad Q. Fr. *Quid futurum sit latrocinio tribunorum, non diuino.*

Saluis aspicitur] Ne iterentur eadem, vide quae diximus epist. 2.

Ego neque de meo studio] Modesta commemoratio studii sui. nam et dissimulat, et narrat. significandis autem aliorum iniuriis, ex comparatione auget officium suum.

Profundam] Translatione ab aquis. lib. 5. epist. 5. *Quae ego si non profundere, ac perdere videbor.*

Assecutus] Assequi merita, est aequare, et paribus meritis remunerari: translatione a viatoribus, vel a currentibus, cum assequuntur

eos, qui anteibant. lib. 6. epist. 4. *Beneuolentiam tuam erga me imitabor, merita non assequar.*

Sine summa dolore] Artificiose: nam et beneuolentiam suam declarat, et consolatur etiam societate doloris. lib. 4. epist. 4. 5.

A vi praestare nihil possum] Si vis erit, certi nihil promitto. Ali-bi, *praestare*, est, re ipsa efficere; hic, certum polliceri, prorsus futurum affirmare, atque in se recipere. lib. 12. ad Attic. epist. 32. *Praestabo, nec Bibulum, nec Acidinum, nec Messalam, quos Athenis futuros audio, maiores sumtus facturos, quam quod ex eis mercedibus recipitur.* Timebat, ne Caninius rogationem aliquam pro Pompeio contra Lentulum per vim ferret. epist. 2. et lib. 2. ad Q. Fr. epist. 2.

Imbecillitate] Cum aduersus vim fortitudo requiratur.

Populi Romani] Quem in Lentulum optime animatum esse, iam ostendit iis verbis: *Haec tamen opinio est populi Romani.*

Amplitudinem tuam] Latius patet amplitudo, quam aut dignitas, aut auctoritas nam et quantumcumque, et quacumque re ualemus, totum id amplitudinis nomine comprehenditur. interdum tamen, vt in epistola sequenti, cum dignitatis mentione coniungitur; non vt aliquid addatur, sed vt id nominetur, quod in amplitudine praecipuum est. Definitur his verbis lib. 2. de Inuent. c. 55. *Amplitudo, est potentiae, aut maiestatis, aut aliquarum copiarum magna abundantia.*

EPISTOLAE. V.

ARGVMENTVM.

Mista est ex negotiabilibus, moralibusque sententiis: sed, si causa, cui scripta sit, animaduertatur; negotialis est. interdum autem negotii narrationem antecedit, saepe sequitur officii significatio: quod in his ad Lentulum epistolis perspicuum est. Scribit de C. Catonis legem promulgata, de statu regiae causae, de suo, Seliciiue consilio.

EXPLANATIO.

Afficior summo dolore] Non enim tam laetor officio meo; quam angor incommodo rerum tuarum.

In tua dignitate] De qua agitur in regia causa.

In mea salute] Cum ab amicis proditus in exilium abii.

Nos cum] Morali parte, quam breuitas decet, absoluta, negotialem aggreditur.

Exorta est] Praeter expectationem: quia Cato et Caninius negaverant, se ullam legem ante comitia esse laturos.

Catonis] Quem Lentulus acerbissimum habuit ab initio tribunatus, turbulentum adolescentem, ut ait Fenestella, et audacem, nec imparatum ad dicendum. Cicero autem lib. 1. ad Q. Fr. epist. 2. *Cato, adolescens nullius consilii, sed tamen civis Romanus, et Cato, vix viuis effugit.*

Promulgatio] Ut Lentulus e Cilicia renocretur. lib. 2. ad Q. Fr. epist. 3. *Cato legem promulgavit de imperio Lentulo abrogando. vestitum fatus mutavit.* Promulgari leges solitae sunt per trinas nundinas antequam ferrentur; ut posset eas per otium, qui vellet, examinare; ne repente, quo die lex ferretur, de incognita re suffragium

populus ferret. de quo diximus in libro de Legibus.

A minore cura ad summum timorem] Multo enim leuius est, curare, ut aliquid accedat ad dignitatem, quod ex regia causa sperabatur; quam timere, ne tota dignitas amittatur, quod ex lege Catonis impendebat.

Perfidiam] Si enim in officio manserint amici, qui suam nobis operam ad impediendas tribunorum plebis rogationes polliciti sunt, nihil timemus. Epist. 2. *Quod ad popularem rationem attinet, hoc videmur esse consecuti, ut ne quid agi cum populo, aut salus suspicius, aut salus legibus, aut denique sine vi possit.* Idem epist. 4.

Quoquo modo] Difficili enim loco res est.

Perfecto] Coniunguntur, quidem perfecto, quidem certe, cum id, quod cupimus, imminuitur: ut ego te ista molestia si non liberabo, levabo quidem certe. et hic: ex promulgata lege nihil magis, quam perfidiam timemus: Catoni quidem interim, quamquam inclinata re, profecto relistimus: enitimur enim, quantum in nobis est, ne lex a Catone promulgata perforatur.

De Alexandrina re, causaque regi.] In quoreres, et causa differant, satis ostendimus epist. 1. In fra

fra quoque coniunguntur epist. 7. *In hac ratione quid res, quid confusio, quid tempus ferat, tu facillime optimeque perspicies.*

Eripiatur] Vt Pompeius regem reducat. sequitur enim paullo post: *Ad quem prope iam delatum existimatur.* Ante aliquot annos, *caussa regia*, sustuli, vt glossena.

Deferatur] Ne quis omnino regem reducat: quod et Sernilio placebat, vt epist. 1. et postea decretum est a senatu, vt epist. 7.

Quiddam tertium] Quid hoc sit, plane non exposuit: sed videtur significare: si Lentulus regem non reducat, neque tibi, neque Selicio displicere, vt a quouis alio potius, quam a Pompeio, reducat. Minus autem est, non displicere, quam placere: non enim omnino placet, quod non displicet. placebat Ciceroni, vt Lentulus regem reduceret; id si obtineri non posset, a quouis alio potius, quam a Pompeio, reduci non displicebat.

Lucer] A nemine restitui. ne *caussa regia* deferatur, proxime dixit: infra coniungit vtrumque verbum, *desertum se, atque abiectum fore.*

Nobis repugnantibus] Primum pugnabimus, vt ad te deferatur: sin id non poterit, ne deferatur ad Pompeium, repugnabimus.

Delatum] Ex Volcatii sententia, studio maxime duorum tribunorum, Lupi, et Caninii. epist. 1. 2.

Repulsus] Pertinet ad illud tertium, quod sibi non displicere dixit: rege enim ad Pompeium delato, Lentulus repulsam tulisse videtur; sin, vtroque reiecto, alia quapiam ratione reduceretur, iacturam existimationis suae Lentulus in eo nullam faceret.

Tuae sapientiae] Hoc eo spectat, ne Lentulus admodum speret de rege reducendo. Est autem ea gravior consolatio, quae cum laude coniungitur. itaque dat ei sapientiam et fortitudinem: quarum altera iudicat, quanti quidque faciendum sit; altera, quidquid accidat aduersi, facile fert, atque contemnit. propterea, cum lib. 4. epist. 13. Nigidium quoque consolaretur, admonet eum vtriusque virtutis. *Quid sit*, inquit, *forti, et sapienti homine dignum, tu videbis.* Eandem Lentulo tribuit animi magnitudinem epist. 7. cum ait: *Magnitudinem animi tui, quam ego semper sum admiratus, semperque amaui, ne unquam inflectas cuiusquam iniuriu.* Et epist. 9. *Novi animum tuum cum magnum, et excelsum, tum etiam apertum, et simplicem.* Et in lib. de clar. orat. c. 77. *Tantus (in Lentulo) animi splendor, et tanta magnitudo, ut sibi omnia, quae clariorum virorum essent, non dubitaret adsciscere, eaque omni dignitate obtineret.* Vtrunque simul nominavit lib. 6. epist. 11. *Est tuae sapientiae, magnitudinisque animi, quid amiseris, oblitisci; quid recuperaris, cogitare.*

Amplitudinem et dignitatem tuam] Modo alteram pro altera ponit, vt epist. 4. *Te et senatus, et populi Romani summo studio amplitudinem tuam retenturum:* modo coniungit vtramque, quasi differant, vt hic, et epist. 9. in extremo: *Illud ad tuam immam amplitudinem, dignitatem, liberalitatem pertinere.* Videtur autem dignitas amplitudinis esse pars: ideo, qui amplitudinem vel solam nominat, dignitatem non excludit.

Rebus gestis] In consulatu, cum me contra legem Clodiam, patriae compotem fecisti. epist. 7. *Magna est memoria consulatus tui.* et epist. 9. *Illius actionis amplitudinem; et gloriam.* Vel *rebus gestis*, quas in prouincia geres, vt haec adhortatio potius, quam laudatio sit; quod iis verbis confirmatur epist. 7. *Haec profecto vides, quanto expressiora, quantoque illustriora futura sint, cum aliquantum ex prouincia, atque ex imperio laudis acceperit.*

Gravitate] Est enim leuitatis, ea curare, quae non veram solidamque laudem, sed fucata inaneque pariant. tacite, quidquid eueniat in regia causa, non esse Lentulo vehementer laborandum significat.

Positam existimare] Non in reuditione regis.

Fortuna] Non enim, quae habes a te ipso, virtutem, et gravitatem tibi quisquam detrahet: cetera si amiseris, non tibi, sed iis, quorum amittentur culpa, vitio dabitur. Videtur in fortunae bonis numerare speciem quandam dignitatis, non a virtute, et gravitate, sed ab honoribus qui deferuntur, id est, a populari sensu profectam. Vide quae diximus lib. 2. epist. 3.

Largita est] Copia significatur: quo Lentulus aequiore animo ferat, si, quibus rebus abundat, de iis aliquid detrahatur.

Fraudi]. Culpae. lib. 5. ad Attic. epist. ult. *Fit gratia Bruti senatus consultum, vt ne ve salaminis, ne ve qui eis dedisset, fraudi esset.* Pro Murena c. 35. *Id erit eius vitrico fraudi aut crimini?*

Nullum tempus praetermittitur de tuis rebus et agendi, et cogitan-

di] Vbicumque res postulat, et ago dete, et cogito. simile illud ad Cassium lib. 12. epist. 1. *Finem nullam facio de te cogitandi.*

Prudentiorem] Nominat, quae tria maxime requiruntur in amico, consilium, fidem, beneuolentiam.

Hic quae agantur] Disiungendum a superioribus, vt sit alia epistola; quod ex ipso cognoscitur argumento: dixit enim in superiore, prope delatum esse regem ad Pompeium: in hac, Alexandriam causam ab eo depositam, significat. praeterea, cur de Catone eadem iterentur? cur ita concludat epistolam: *tu fac animo forti, magnoque sis:* cum eum iam ad animi magnitudinem cohortatus in eo loco sit: *tuae sapientiae, magnitudinisque animi est?* Et omnino cum tota res alia videtur: tum agnoscitur epistolae principium in his verbis: *Hic quae agantur, quaeque acta sint, ea te, etc.*

Quae autem posita sunt in coniectura] Quae coniectura licet assequi: quae possunt e signis diuinari. *Coniectura*, et *diuinitio*, non idem sunt. nam *coniectura* ducitur e signis, *diuinitio* saepe signa non sequitur. ita fit, vt omnis coniectura diuinitio sit, non contra.

Quaeque mihi videntur fore] Transit a generali sententia ad particularem. nam generale illud est, *quae posita sunt in coniectura*: particulare hoc, *quae mihi videntur fore.*

Apud populum] Populus de rebus iudicabat, accusante tribuno plebis, aut aedili. Aedilis autem hoc anno P. Clodius Milonem de vi ad populum accusauit. lib. 2. ad Q. Fr. epist. 3. et in orat. pro Sext. c. 44.

Conuicio] Cum enim Clodius de loco superiore (vt ait Plutarchus) interro-

interrogaret suos in concione stantes, quis esset, qui plebem fame necaret? respondebant operae, Pompeius; quis Alexandriam ire cuperet? Pompeius. Ad conuiuium impetus accessit: nam in orat. pro Milone c. 15. *Quid?* inquit, *privato Milone, et reo ad populum, accusante P. Clodio, cum in Cu. Pompeium pro Milone dicentem impetus factus est: quae tum non modo occasio, sed etiam causa illius opprimendifuit?* Lib. 2. ad Q. Fr. epist. 3. *Hora fere nona, quasi signo dato, Clodiani nostros conspuere coeperunt. Exarsit dolor. urgere illi, ut loco nos moverent.*

Laetatus est] Exagitatus, vehementer perculsus

Catone] C. Catone tribuno plebis, de quo supra.

Vebementer esse perturbatus] Non tam, quod asperere et acerbe accusatus esset a Catone, quam quod senatorum omnium magno silentio, hac de re sic lib. 2. ad Q. Fr. epist. 3. *Eo die Cato est vebementer in Pompeium inuectus, et cum oratione perpetua, tamquam reum, accusavit. De me multa, me inuito, cum mea summa laude, dixit. Cum illius in me perfidiam increparet, auditus est magno silentio maleuolentiam.* Prudentiam Ciceronis licet in hoc animaduertere, quod, ad Lentulum cum scribit, se laudatum a Catone, non dicit: ne animum eius offenderet. non enim aequo animo Lentulus ferre posset, ab eo laudatum esse Ciceronem in senatu, qui rogationem de imperio sibi abrogando promulgauerat. in ea vero ad fratrem epistola, libere, ut res erat, ita scribit: quamquam addit, *me inuito:* ne videretur eius hominis oratione delectari, qui suam

laudem Pompeii cum infamia coniungeret. Alienatum a Pompeio senatum Plutarchus ostendit, quia Ciceronem superiore anno, a Clodio tribuno plebis oppugnatum, deseruerat: propterea, cum C. Cato perfidiam eius in Ciceronem increparet, magno omnium silentio auditus est.

Nihil enim tibi detraxit senatus] Dederat tibi, ut regem reduceres: id postea non detraxit, sed exercitum: quem non tam tibi, quam omnino omnibus ademptum existimare debes. Duo senatus consulta facta esse iam dixi, vnum ipso Lentulo consule referente, ut rex a Lentulo reduceretur, alterum, referente Marcellino consule, ne cum exercitu reduceretur.

Per eandem religionem] Per quam tibi detraxit exercitum. itaque nihil tibi proprie est ademptum, sed quod habere prorsus nemo potest.

Id, quod cogitabat] Faciliorem enim sibi reditum duce Pompeio, quam quouis alio, pro summa eius apud omnes gentes auctoritate, rerumque gestarum gloria, sperare poterat.

Proficiscatur ad te] Per suos creditores, et per eos, quorum sibi voluntatem largitione adiunxit, agat, operamque det, ut abs te educatur.

Nosti hominis tarditatem, et taciturnitatem] Simulationem Pompeii, et consuetudinem in occultanda voluntate, modeste describit. non enim videri vult eius ingenium et mores carpere, quem optime de se meritum negare non poterat. praeterea fungitur officio boni viri, cum inter amicissimos suos, Lentulum,

lum, et Pompeium, quantum in ipso est, amicitiam conseruat. itaque, cum ad Q. Fr. scriberet, libere suum sensum aperuit lib. 2. epist. 6. *Pompeius, inquit, noster in amicitia P. Lentuli vituperatur. Naturam eius ostendit lib. 3. ad eundem epist. 8. Velis, nobis, scire difficile est. Et lib. 4. ad Attic. epist. 9. Nos hic cum Pompeio fuimus, multa mecum de republica sane sibi displicens, ut loquebatur. sic est enim in hoc homine dicendum. Caelius autem lib. 8. epist. 1. Solet aliud sentire, et loqui. Eiusdem turbitatem idem ostendit epist. 4. Cum ex Gallia, coactus esset dicere Pompeius, se legionem abduclurum, sed non statim sub mentione, et conuicium obtrectaturum.*

A Catone] De cuius rogatione promulgata supra dixit.

Facile] Vel auspiciis, vel intercessionem tribumicia. epist. 2. et 4.

Neminem] Idem scribit in epist. 7.

Obscurius] Iniquitas eorum apparet, sed paullo obscurius.

Iniqui] Leuius est, quam inimici.

Fraeto impetu] Rogatione eius impedita.

Leuisfimo] Qui facile ad omnem improbitatem feratur. ideo dixit lib. 1. ad Q. Fr. epist. 2. *Cato, adolescens nullius consili.* Et Fenestella: *Cato, adolescens turbulentus, et audax.*

Pristinam] Quae fuit ante promulgatam Catonis rogationem: propterea subiunxit, *consequare*, ut amissam ex aliqua parte, et in discrimen adductam.

EPISTOLAE VI. ARGVMENTVM.

Moralis tota, excepta prima sententia, quae negotialis est. Consolationem Cicero adhibet dolori suo, eam scilicet, quam sperat in Lentuli quoque dolore posse aliquid proficere. Et. quia valet ad consolandum amoris significatio; et amoris indicium dolor est: orditur a dolore suo. quia vero consolationis duae quasi viae sunt, ratio, et exemplum, non modo ut fieri debere, quod suademus, verum etiam ut factum esse ostendatur: utraque via progreditur. argumentatur enim a spe, quoniam in consiliis amicorum, et in ipsa die ponit: exemplum vero sumit a similitudine suorum temporum. Tertius hortationis locus est: quod ipsum ad minuendum dolorem pertinet. est enim cum laude coniuncta exhortatio. del. Et amur autem laudibus, et quodam modo languentes excitamur. Conclusio est, quae spe quadam animum recreat, omnium studiorum eficiorumque promissio.

EXPLANATIO.

Pollione] Duarum gentium, quod meminierim, cognomen fuit, Alinae, et Vediae.

Sed praefuit] Anget sententi-

am, ut in orat. in Pison. c. 5. *Omni- bus consiliis, quae ad me opprimendum parabantur, non interfui- sti solum, verum etiam crudelissi- me*

me praefuisti. Particula autem, *sed*, interdum negat, ac tollit quod dictum est, ut *non diues, sed inops*: interdum auget, ut hic. nam qui praefest, etiam interest. Vñs Latinae linguae postulabat, *sed etiam*: verum vnica particula, *sed*, pro *sed etiam* nonnunquam Cicero contentus est.

Me in summo dolore, quem in tuis rebus capio, maxime scilicet consolatur spes] Contrarium illud lib. 16. epist. 8. *In magna consolatione ingens inest sollicitudo.* De hac figura diximus epist. 9. *In molestia gauden.*

Scilicet] Alibi per ironiam negat, ut in orat. pro C. Rabirio, perduellionis reo c. 5. *Scilicet tibi grauiorem dolorem patui tui mors attulit, quam C. Graccho, fratris.* Et Terentius in Andr. Act. 1. sc. 2. v. 14.

Id populus curat scilicet!

Et Virgilius lib. 4. Aen. v. 379.

Scilicet is superis labor est.

Hic affirmat, non negat, ut lib. 9. epist. 21. *Priuatæ causas, et eas tenues, agimus subtilius: capitis aut famæ scilicet ornatiui.* Lib. 15. epist. 15. *Ex interitu reipublicæ nullam spem scilicet mihi proponebam: ex reliquiis magnam.* lib. 1. ad Q. Fr. epist. 4. *Si releuare potes communem casum misericordia hominum; scilicet incredibile quiddam assequeris.* Lib. 13. ad Attic. epist. 10. *Hoc nullam ad partem valet scilicet.*

Infringatur] Vbi difficultas est, ibi vsurpatur hoc verbum; quo maior infringentis virtus appareat. epist. 4. *Scutentiam Bibuli fregeramus.* Epist. 5. *Spesque fore, ut, fracto impetu leuissimi hominis, tuam pristinam dignitatem, et gloriam consequare.* Lib. 4. epist. 4.

Fregit hoc meum consilium et Caesaris magnitudo animi, et senatus officium. Epist. 6. *Cum frangerem iam ipse me, cogereque illa ferre toleranter; habebam quo confugerem.*

Debilitat] Quia tempus omnia minuit.

Proditorum] De quibus dixit epist. 1. *Si esset in iis fides, in quibus summa esse debebat, non laboraremus.*

Secundo loco] Pro, deinde. sic locutus Phil. 8. c. 10. *Huius industriam maxime quidem vellem, ut imitarentur ii, quos oporebat; secundo autem loco, ne alterius labori inuiderent.* Secundo, simpliciter in orat. pro Plancio c. 20. *Equidem primum ut honore dignus essem, maxime semper laboranti: secundo ut existimarer.*

Imaginem] Quam expressit epist. 5. his verbis: *Te videre, et sentire, eandem fidem esse hominum in tua dignitate, quam ego in mea salute sum expertus; ex tuis litteris intellexi.* Et epist. 7. *Simillimamque in re dissimili, tui temporis nunc, et nostri quondam, fuisse rationem.* Ibidem infra: *In te, homine omnium nobilissimo, similia inuidorum vitia perspexi.*

Violatur tua dignitas] In explanando Cicerone nihil duco fieri a me posse elegantius, aut etiam vtilius, quam si conferam similia similibus: vel ut illustrentur obscuræ sententiae: vel ut copia parctur. Hic quid Cicero sibi velit, obscurum non est: hoc ipsum tamen quod intelligimus, ex comparatione quodam modo fiet apertius. ostendit, et salutem pluris esse, quam dignitatem; et, affligi, grauius, quam violari. dixit idem aliis

verbis, nec minus ornate, epist. sequenti: *Multum interest, utrum laus inminuatur, an sulus deferatur.* Nec dissimile admodum illud epist. 5. *Te videre, et sentire, eandem fidem esse hominum in tua dignitate, quam ego in mea solute sum expertus; ex tuis litteris intellexi.*

Similitudo] Ob amicorum infidelitatem.

Si ea non timuerim, quas ne tu quidem umquam timenda duxisti] Promulgata Catonis rogatione de abrogando tibi Ciliciae imperio, non timui: quia nec tu, me patria pulso, timueras; cum sperares futurum, id quod euenit, vt ea mihi calamitas etiam honori esset: quae me spes aequè nunc in rebus tuis consolatur.

Præsta te eum] Fac vt te tui similem agnoscamus: fortem animum habeas, quem semper habuisti. Significat id, quod in epist. sequenti: *magnitudinem animi tui ne umquam inflectas cuiusquam iniuria.*

A teneris, vt Graeci dicunt, vnguiculis] A pueritia: dixit enim in epistola sequenti: *vt omnem gloriam, ad quam a pueritia inflammatum fuisti, omni cura, atque industria consequare.* saepe hoc Cicero legerat in Graecis libris: nos egemus exemplis. Plutarchus tamen ἐν τῇ περὶ παιδων ἀγωγῇ, c. 5.

ἐξ ἀπαλῶν, inquit, (sic enim est in antiquo libro nobilissimi, et eruditissimi iuuenis Io. Vincentii Pinelli) ἐνύχον ἀγαπᾷ τὰ τέκνα.

Illustrabis] Elucet enim virtus in aduersis.

Studia officiaque] Recte coniunguntur. potest enim et sine officio studium, et sine studio officium esse: cum animi studium sit, officium opera probetur; et studium sine officio parum profit, officium sine studio langueat. sic epist. sequenti: *De consularibus nemini possum aut studii erga te, aut officii esse testis.* Lib. 5. epist. 5. *Homo omnium meorum in te studiorum, et officiorum maxime conscius.* Lib. 15. ad Attic. epist. 14. *Ex omnibus, mi Dolabella, studiis in me, et officiis, quae summa sunt, hoc seito mihi et amplissimum videri, et gratissimum esse.*

Non fallam opinionem tuam] Simile illud, quod, augendae copiae gratia, subiungam, lib. 3. epist. 10. *Omnia volo a me et postules, et expectes: vineam meis officiis cogitationes tuas.* Et apud Nonium, in fragmento Ciceronis epistolae ad Caesarem iuniorem: *Posthac, quod voles a me fieri, scribito. vineam opinionem tuam.* Quae scilicet eo pertinent, vt ostendatur, morale quiddam esse, et decere in primis, epistolas claudere significatione beneuolentiae.

EPISTOLAE VII.

ARGVMENTVM.

Respondet ad ea, quae Lentulus quaesierat. Et quamquam moralia quaedam admiscuntur: tamen, quia reductio regis praecipua scribendi causa fuit, (id enim spectandum est) inter negotiales epistolas referatur. Diuiditur in partes octo. Prima est, de suo in primis erga

erga Lentulum amore: altera, de amicorum fide: tertia, de Alexandrina c. iissa: quarta, de suis in republica capeſſenda conſiliis, et hominum conſularium inuidia: quinta, cohortatio ad gloriam, atque conſtantiam: ſexta, de reipublicae ſtatu: ſeptima, de Tulliae filiae ſuae Craſſipedisque nuptiis: octaua, et vltima, de Lentuli filio. Popipeio, et Craſſo iteram coſſ.

EXPLANATIO.

Quem tu me eſſe voluiſti] Si vo-
lo dignus eo loco eſſe, in quem
me, inimicorum iniuria pulſum,
tua virtus reſtituit.

Temporum] Biennium iam abe-
rat Lentulus.

Quoties] Antiqui et lapides, et
libri, in his etiam Mediceus, quo-
tiens. quod ſi probamus: eadem
ratione dicendum erit, deciens, vi-
ciens, centiens, milliē, et ſimilia,
me quidem non libenter aſſentiente.

**Qua quiſque in te fide ſit, et vo-
luntate]** Fide, ad amicos pertinet:
voluntate, ad omnes. vel, de iis-
dem quaerebat Lentulus, et qua fi-
de, et qua voluntate eſſent. nam in-
fra: *et fide, et animo ſingulari.*
Niſi me fallit aurium iudicium, ſua-
vior hic eſt numerus, quam, quod
aliis placuit, *qua fide quiſque in te
ſit, et voluntate.* opiniononi noſtræ
cum alii non pauci, tum ille etiam
inſigni vetuſtate Mediceus liber ſuf-
fragatur.

Maxime debuerunt] Perfidiam
ſæpe accuſat. Epiſt. 1. *Si eſſet in
eis fides, in quibus maxima eſſe de-
bebat; non laboraremus.* Epiſt. 2.
*Dignitatem noſtram, ut poteſt in
tanta hominum perfidia, et iniqui-
tate, retinebimus.* Epiſt. 5. *Te vi-
dere, et ſentire, eandem fidem eſſe
hominum in tua dignitate, quam ego
in mea ſalute ſum expertus; ex
tuis litteris intellexi.*

Plurimum iunare potuerunt]
Conſulares videtur deſcribere: de
quibus infra; *De conſularibus, ne-
mini poſſum aut ſtudii erga te, aut
officii, aut amici animi eſſe teſtis.* Et
epiſt. 5. *Amicum ex conſularibus ne-
minem tibi eſſe video, præter Hor-
tenſium, et Lucullum: ceteri ſunt
partim obſcurius iniqui, partim non
diſſimulanter irati.*

Inuidiſſe dignitati tuae] Infra:
quem illi eſſe in principibus facile
ſunt paſſi, *evolare altius certe no-
luerunt.*

In re diſſimili] Infra: *multum
inter eſt, utrum laus imminuatur, aut
ſalus deſeratur.* Et epiſt. 6. *Min-
ore in re violatur tua dignitas,
quam mea ſalus aſſeſta ſit.*

Noſtri quondam] Cum eiectus
patria ſum, tum eorum odio, quos
reipublicae cauſſa læſeram, tum
eorum inuidia, quorum auctorita-
tem, dignitatem, voluntatemque de-
fenderam. quod idem tibi, quam-
quam diſſimili in re, contigit.

Ex magiſtratibus L. Raciliū]
Loquitur de magiſtratibus anni ſu-
terioris: dixit enim, *quo quidem
tempore: et infra, temporibus illis,*
id eſt, Marcellino et Philippo coſſ.
Racilius autem eodem anno, quo
Lupus, tribunus plebis fuit, ut con-
ſtat ex lib. 2. ad Q. Fr. epiſt. 1.
Lupum vero tribunum plebis fuiſſe
Marcellino et Philippo coſſ. plano
cognoſcitur ex epiſt. 1. et 2. non

potest igitur hoc anno Racilius tribunatum plebis gerere: cum epistola scripta sit Pompeio et Crasso II. cons. post decretum Caesari stipendium, et auctum legatorum numerum: quae facta esse Pompeii et Crassi secundo consulatu, Appianus et Dio docent. Tribunum plebis Plutarchus in Probl. negat magistratum fuisse: idque multis argumentis probare conatur. nec dissentire videtur Liulus: apud quem lib. 2. c. 56. Appius consul clamat, priuatum tribunum plebis esse, sine imperio, sine magistratu. Sed vtrumque refellit Cicero et hic, et lib. I. de Orat. c. 7. cum ait: *Exierant cum ipso Crasso adolescentes duo, C. Cotta, qui tum tribunatum plebis petebat, et P. Sulpicius, qui deinceps eum magistratum petiturus putabatur.* In Bruto c. 43. *Ita tacitus (Crassi) tribunatus, ut, nisi in eo magistratu cenauisset apud praecorem Granium, idque nobis his narrauisset Lucilius, tribunum plebis nesciremus fuisse.* In orat. pro Quintio c. 20. *Per eum magistratum, qui auxilii causa constitutus est.* Sallustius in Iugurtha c. 37. *P. Lucullus, et L. Annias, tribuni plebis, resistentibus collegis, continuare magistratum nitebantur.* Apud Nonium Fencstella: *Vt magistratum inierunt tribuni plebis, C. Cato Ptolemaeo regi, et Lentulo consuli assiduus concionibus inuidiam concitare coepit.* Asconius quoque: *Innocere tribus Gabinius coepit, ut Trebellio magistratum abrogaret.* Mirari etiam aliquis fortasse possit, cur tribunis plebis purpuram adimat Plutarchus; cum in orat. pro Cluentio c. 40. legantur haec de tribuno plebis Quinctio: *Facite, ut non solum more eius, et*

arrogantiam, sed etiam vultum, atque amictum, atque illam usque ad talos demissam purpuram recedimini. Sed cogitare licet, vel de sua tantum aetate locutum esse Plutarchum, in qua tribuni plebis, imminuta iam potestate, purpura non vterentur; vel Ciceronem in Quinctio notasse, quod ille sibi, neglecta consuetudine, per singularem arrogantiam assumpserat. Nam, quod ait Plutarchus, lictoribus non usum esse tribunum plebis, ideoque constare, magistratum non fuisse: refellitur exemplo censorum, qui lictores non habebant, et tamen non modo magistratus censura fuit, verum etiam, quod negare arbitror neminem, inter maiores magistratus.

Et fide, et animo singulari] Multi enim fauent, ut fidem praestent: animus tamen singularis non est. Respondet ad illud, *qua quisque in te fide sit, et voluntate.*

Officii maiorem auctoritatem habere videatur, quam sententiae] Fauere me tibi, fortasse homines arbitrantur, non quod ita sentiam, sed quod beneficio tuo vincetus, ingratus esse non possim. id aperte significat in prima: *Nos in causa auctoritatem eo minorem habemus, quod tibi debemus.*

Videatur] Videri possit.

Aut studii erga te, aut officii, aut amici animi] Ostendi iam, inter officium, et studium quid intersit. minus autem est, *amici animi*, quam *studii*: cum in aliquem amico esse animo possimus, nec tamen ei studere, aut eius causa laborare. itaque hoc significat: in consularibus non modo studium erga te, aut officium, sed ne amicum quidem animum perspexi. Et ut hic, ami-

cus

eius animus, minus, quam amor, significat: sic, non amicus animus, minus quam odium valet: vt lib. 2. ad Q. Fr. epist. 3. *Crassus aderat tum, Miloni animo non amico*, pro, leuiter infensus.

Pompeium] Consulatum hoc anno cum Crasso gerentem: quod infra patet.

Non solum a me pronocatur] Tribus modis legitur in antiquis libris: *non solum a me pronocatus*: recte: *non solum me pronocante*: et hoc recte: *non solum me pronocatus*: vt in Mediceo, et aliis: mendose.

Sua sponte] Libenter Pompeium purgat: veretur enim, ne qua Lentulo de eius cupiditate suspicio haeserit. Epist. 1. *In senatu palam sic egit causam tuam, ut neque, etc.* Epist. 2. *Ipsam cum audio, prorsus cum libero omni suspicione cupiditatis.*

Temporibus illis] Cum ageretur in senatu de Ptolemaeo reducendo, Marcellino et Philippo coff. scripta enim est haec epistola Pompeio et Crasso coff.

Non saepe in senatu fuisse] Quod esset cum imperio, curationi frumentariae praepositus. ingredi enim urbem, quod iam dixisse me arbitrator, non licebat iis, qui cum imperio essent.

Non saepe] Interdum enim, qui erant cum imperio, petebant a senatu, vt ingredi urbem liceret. itaque Pompeius, quod epist. 1. declarat, egit Lentuli causam in senatu: et, vt laudaret P. Sextium reum, introiisse eum in urbem, legitur in epist. 9. quod aliis quoque probatur exemplis.

Quod facile intellexerim] Nota erat Lentulo Pompeii taciturnitas,

et simulatio: vnde illud epist. 5. *Nosti hominis tarditatem, et taciturnitatem.* propterea Cicero, ne dubiam sequi coniecturam videatur, hoc addit: *quod facile intellexerim.* Quasi dicat: nec enim suae voluntatis, vt solet, obscura signa dedit. infra: *perspectus est a me, toto animo de te, ac de tuis ornamentis, et commodis cogitare.*

Sapientia] Quia retinendam viri excellentis amicitiam sapientissime iudicaueris.

Visa est] Proprie, *admirabilis visa est*: fortasse non item, *iucunda visa est.* nec tamen, *iucunda*, alio referri potest. sed interdum in scribendo ea, quae longius distant, ad proxima verba accommodamus.

Liberalitate] Significatur, quod in epist. 1. scriptum est: *cum summa testificatione tuorum in se officiorum.* et in eadem infra: *quod eum ornasti.* Liberalis autem in Pompeium Lentulus fuerat, cum de frumentaria curatione ad eum deferenda et egerat consul, et obtinuerat.

Opinionem suae cupiditatis] Ortam ex eo, quod eius familiares omnes de re Alexandrina ei mandanda vehementer contenderant. epist. 1. et 2.

Te ab se abalienatum] Moneo lectorem, in nullo vetere libro sic legi, sed aut abesse, *te*, aut esse, *tuae*, non *te*, vt in Mediceo: quod mendi suspicionem auget. praeterea, pro, *ab se*, antiqui omnes libri, ii quidem, quibus ego nunc vtor, habent, *abs te*. quod eruditorum iudicio perpendendum relinquam: tantum feci, vt veterem scripturam fideliter ostenderem: quod officii mei ratio postulare videbatur.

Epistola] Cum dicatur, *epistolium*, et *stola*, Graece autem *ἐπιστολή*,

tead, cur non dicam, *epistola*, potius quam, *epistula*? veteres quidem libri varie: et Mediceus non minus saepe, *epistola*, quam, *epistula*.

Retinuisti] Iam tibi tua libertate deuinctum, illa epistola retinuisti. Pergit in translatione: quia dixerat, *tibi deuinctum*.

Suspiciosissimo] Quo suspicio maxima fuit, Caninium tribunum plebis inductum a Pompeio, rogationem ferre voluisse, ut Ptolemaeus ab eo, cum duobus tantum lictoribus, reduceretur: quod a Plutarcho litteris proditum legimus. Et hanc rogationem Cicero significat lib. 2. ad Q. Fr. epist. 6. *Quod de Pompeio Caninius agit, sane quam refrixit. neque enim res probatur, et Pompeius noster in amicitia P. Lentuli vituperatur.* Puer affui, cum hunc locum Egnatius publice interpretaretur. probabat, *Catoniano* potius, quam *Caniniano*, adductus in hanc opinionem ex his verbis epist. 5. *Exorta est nefaria Catonis promulgatio.* sed inde nulla potuit in Pompeium, quasi cum Catone sentientis, existere suspicio: cum Cato ipsi Pompeio, aequae ac Lentulo, fuerit insensus. itaque in eadem epist. *Pompeius a Catone asperere et acerbe est accusatus.* et lib. 2. ad Q. Fr. epist. 3.

Perperclus est a me] Confirmat illud, quod facile intellexerim; ut omnem prorsus de Pompeio suspicionem tollat.

Sententia, atque auctoritate] Et id sentit, quod scribam; et, ut efficias, auctor est.

Ademsa sit] Quae tibi data est eo senatus consulto, quod, te consule referente, factum est.

Auctoritas] Quae sit senatus auctoritas, ostendimus epist. 2.

Intercessum] A tribunis plebis, ex quo fieri non potuit senatus consultum, sed remansit senatus auctoritas.

Ne quis omnino regem reduceret] Quod Seruilius Isauricus anno superiore censuerat. epist. 1.

Tantam vim habet] Verbum, *tantam*, minuit hic potius, quam augeat: ut lib. 8. epist. 10. *Sin non erit istic bellum, aut tantum erit, ut vos, aut successores, paucis additis coniiis, sustinere possint.* Et lib. 15. epist. 14. *Si quae sunt onera tuorum, si tanta sunt, ut ea sustinere possis.* Tusc. 2. c. 27. *Vrgentibus asperis et odiosis doloribus, si tanti non sint, ut ferendi sint, quo sit confugiendum, vides.* Pro lege Manilia c. 6. *Ceterarum prouinciarum vestigalia tanta sunt, ut iis ad ipsas prouincias tutandas vix contenti esse possimus.* Apud Caesarem lib. 6. de bell. Gall. c. 35. *Praesidii tantum est, ut ne murus quidem cingi possit.* lib. 3. de bell. ciu. c. 2. *Tantum nauium reperis, ut anguste quindecim milia legionariorum militum, quingentos equites transportare possent.*

Iratorum hominum] Ob regiam largitionem. epist. 11.

Studium] Recte, de iratis hominibus *studium*; de constanti senatu *consilium*, dixit. impellimur enim studio, consilio regimur.

Qui Ciliciam] Cilicia Lentuli prouincia vocabatur, cum tamen simul Asiae partem administraret. argumento est illud in epist. 9. *De Quinti fratris negotio scribis, te priore aestate, quod, morbo impeditus, in Ciliciam non transferis, conficere*

conficere non potuisse. Partem autem illam Asiae Lycæoniam, Pamphyliam, Phrygiam fuisse crediderim, sed Phrygiae partem, non uersam ad Appium lib. 3. epist. 10. *Haec in eo grauitas, haec animi altitudo fuit, non modo ut Phrygi alicui, aut Lycæoni, quod tu in legatis fecisti, sed ne summorum quidem hominum maleuolis de uersationibus crederet.* Cicero autem, qui, post Lentuli successorem Appium, Ciliciae praefuit, maiorem utroque prouinciam habuit, nam tres praeterea dioeceses Asiaticas sibi attributas esse, ait lib. 13. epist. 67.

Cyprumque. Post legem Clodiam, Pisone et Gabinio coss. latam, Cyprus insula a Lentulo simul cum Cilicia est administrata. et quia Cyprus et Cilicia Aegypto propincae sunt, ideo longe melius, quam Cicero, et Pompeius, qui Romae erant, perspicere Lentulus poterat; quid efficere, et quid confici posset.

Si res facultatem habitura videatur. Si res posse perfici, et exitum habere videatur.

Tenere. Obtinere, potiri, ut epist. 1. *Teneri enim res aliter non potest.* infra idem aliis verbis: *Si exploratum tibi sit, posse te illius regni potiri.*

Ptolemaide. Opido Alexandriae propinquo. Mediceus liber, et alii fere omnes, *Ptolomaide*, et infra *Ptolomaus*: quod non probauimus. nam et Graeci in secunda syllaba, non ponunt: et ita *Ptolemaeus* a *πολεμῶ* deducitur, ut *Timaeus* a *τιμῶ*: quod ostendit lib. 2. Priscianus.

Aliquo. Recte: quamquam nonnulli veteres libri habent, *alio*: quod inde natum est, quia scriptum uidebant, *alico*: sic enim et Mediceus liber habet.

Atque exercitu. Non ut Ptolemaeum cum exercitu reducas, sed ut, eo Ptolemaide aut aliquo propinquo loco collocato, ipse cum exercitu Alexandriam profectus, regem cum Alexandrinis in gratiam restituas. ita nihil commiseris neque contra senatus consultum, neque contra religionem: non enim regem cum multitudine reduces.

Pace. Te auctore facta inter Ptolemaeum, et Alexandrinum.

Praesidiisque. Ut Alexandrinum, praesidii metu a te relictum, pacem seruent.

Firmaris. Ne noua consilia suscipiant. leues enim, et infidi Alexandrinorum animi, utpote qui bis iam Ptolemaeum eiecerant.

Redeat in regnum. Non a te reducat, ne contra senatus uoluntatem committas, sed, Alexandria prius a te pace, praesidiisque firmata, ipse redeat.

Initio censuit. Facto senatus consulto, te ipso consule referente. epist. 1.

Homines religiosi. Potest de quindecimuiris, id est, de sacerdotibus Sibyllinos libros custodientibus, hoc dicere; qui a C. Catone tribuno plebis ad populum producti, oraculum exposuerant: potest etiam de ipso Catone, qui eos produxit. cum ironia certe, *homines religiosi*, dictum est: quasi de religione minimum laborarent, sed honesto nomine maleuolentiam, inuidiamque suam obtenderent. unde illud epist. 4. *A tuis inuidis,*

atque

atque obrectatoribus nomen indu-
ctum fictae religionis. Et epist. I.
Senatus religionis calumniam, non
religione, sed malevolentia, et il-
lius regiae largitionis inuidia com-
probat.

Sibyllae placere] Quod cum se-
natus aut credidisset, aut se credere
simulasset, decreuit, ne quis regem
cum multitudine reduceret.

Ex euentu] Eadem sententia in
orat. pro Postumo c. I. Hoc, inquit,
plerumque facimus, ut consilia
euentis ponderemus, et, cui bene
quid processerit, multum illum pro-
vidisse, cui secus, nihil sensisse di-
camus. Veteres libri mei, ex euen-
tu: Mediceus, ex euento. vtroque
modo recte. infra: ut te ex no-
stris euentis communibus admonen-
dum putarem. In Partit. c. 9. Si
cuiusque facti, et euenti causa
ponitur.

De tuo consilio] Regis redu-
cendi.

Existimaturos] Nota verbi si-
gnificatio: sed interdum accipitur
pro iudicare, ut hic: nam infra
subiungitur: redeo ad illud, quod
initio scripsi, totius facti tui iudi-
cium non tam ex consilio tuo, quam
ex euentu homines esse facturos.
In Bruto c. 21. Quorum existant
orationes, ex quibus existimari de
ingeniis oratorum potest.

Si cecidisset, ut volumus] Infra
idem aliis verbis: si rem istam ex
sententia gesseris. translatum vi-
detur a talis, modo ut volumus,
modo contra quam volumus ca-
dentibus: ut volumus, cum iactus
vnius tali senionem efficit; vel,
cum quattuor talorum iactus, di-
versa cuiusque facie, Venerem fa-
cit: contra quam volumus, cum

vnius talus in iactu canem facit,
aut cum quattuor numquam Vene-
rem ferunt, simili facie duorum,
aut trium, aut omnium talorum:
nam, ut dixi, omnibus dissimilem
faciem ostendentibus, felicissimus
est iactus, quae vocatur Venus.

Sin aliquid] Libri veteres, et-
iam Mediceus, si, pro sin: vnus, si
quid: quod placet.

Effet off nsu] Si difficultatem
res habuisset, et Alexandrinis re-
gem recitantibus, ventum esset ad
arma.

Cupide, et temere] Antitheta
sunt, ad illa, sapi-ter, et fort-ter.
Cupide, quasi reductionem regis,
ambitione adductus, nimium appe-
tisset; *temere*, quasi rei difficulta-
tem parum considerasset.

Quid assiqui possis] Possis ne
rem conficere ex animi sententia:

Prope in conspectu] Non enim
Cilicia longe admodum distat ab
Aegypto.

*Si exploratum tibi sit, posse te
illius regni potiri*] Quod paullo
ante dixit, si res facultatem habi-
tura videatur, ut Alexandriam,
atque Aegyptum tenere possis. Po-
tiri autem non est hic, armis ex-
pugnare: sequitur enim infra:
ego te, ut ad certam laudem ad-
hortor, sic a dimicatione deterreo:
sed est, *obtinere*, ut Alexandrini se
tibi committant, voluntatique tuae,
in recipiendo rege, obtinperent.

Si ERN, Sin dubium] Et hic ve-
teres libri, simul cum Mediceo, si
dubium.

Offensionem] Si Alexandrini di-
micare malint, quam tibi se com-
mittere, regem reducere cupienti.
proxime: *sin aliquid esset offen-
sum*.

Aucto-

Auctoritatem] Senatus. decreuerat enim, ne quis omnino regem reduceret.

Religionem] Quia vetabat Sibylla, regem cum multitudine restitui.

Certam] Si exploratum habes, posse te illius regni potiri.

Laudem] Omnes enim te ex euentu laudabunt.

Periculosa tibi videbitur] Visa est. non enim consilium illud Ciceronis, et Pompeii secutus est Lentulus.

Qui per prouinciam, atque imperii tui prouincias ei credidissent] Per prouinciam Ciliciam, cuius proconsul vocabatur, et reliquas eius imperii partes. nam praeter Ciliciam, aliquot eius imperio dioeceses Asiaticae parebant, ut Lycania, Pamphylia, Phrygiae maioris pars ultra Macandrum. Cicero tres amplius habuit, cum eandem prouinciam regeret: ut ipse scripsit ad Seruilium lib. 13. epist. 67. *Credidissent*, pro, *pecunias ei mutuas dedissent*. magnam enim pecuniae vim Ptolemaeus, a quibus potuerat, mutuatus erat; ut multorum deinde animos largitione ad suam causam adiungeret.

Fidem suam praestitisset] Non opinor hoc dici: pecuniam persolvisset: non enim soluendo rex erat, prius quam in regnum reduceretur: sed, euisset de fide sua: effecisset aliquo inodo, ut eius fides in dubium illis venire non posset. epist. 9. *Ut fidem fratris mei praestarem*. lib. 5. epist. 11. *Quamcunque ei fidem dederis, praestabo*. lib. 2. de Diuin. c. 37. *Virtutis auspiciis video esse usum Deotarum: quae vetat spectare fortunam, dum praestetur fides*.

Adiuuare] Non, ut ipse cum classe, atque exercitu Alexandriam proficiscaris, ut eam pace, praesidiisque firmes: quae ratio rei gerendae periculosa videri potest: sed ut ipsum Ptolemaeum, in regnum redeuntem, et auxiliis tuis, copiis adiuues. Est autem *auxiliari*, afflicto atque egenti subuenire; et in aduersa tantum fortuna locum habet: *adiuare* autem de secundis etiam rebus usurpatur: nec aliud est, quam, simul agere, ut aliquid ad exitum perducatur, quod *εὐεργετῶν* Graecis est.

Naturam et regionem] *Naturam*, quod multis rebus prouincia tua reditum regis vel confirmare possit, vel impedire: *regionem*, situm, quia non longe distat ab Aegypto. paullo ante: *cuius prope in conspectu Aegyptus est*. sic autem coniungit hic *regionem*, et *naturam*, ut in Kullum, et in Verrem, *situm*, et *naturam*.

Quid res, quid causa] *Res* causam continet: totum enim Alexandrinum negotium significat: *causa* vero partem negotii, quae ad Lentulum, regemque pertinet: id est, ut Lentulus ipse regem reducat. hoc satis probatum est epist. 1.

Tempus] Quo saepe consilia recte mutantur: non enim licet nobis futura prospicere.

Facillime] Cui prope in conspectu Aegyptus est.

Optime] Non enim errare te tua prudentia patietur.

De nostro statu] Quod pristina fruar et dignitate, et gratia.

Milonis] Qui tribunus plebis cum Lentulo consule Ciceronem restituerat, Clodii acerrimus inimicus.

Lentitate]

Leuitate] Cum aliquid quotidie contra leges, et bonos viros conetur.

Imbecillitate] Quia, quod conatur, efficere non possit. aduersabantur autem nefariis eius conatibus Cicero in primis, et Milo, ille consilio, hic etiam manu.

Artificem] Opus enim tuum est, quod ego meum statim recuperaverim, quod Milohe familiariter vtar, quod ita Clodii vires afflictæ sint, vt in summa nocendi voluntate, nocere tamen nihil possit.

Quamquam] Excusatio, quod se in tuenda republica ad Pompeii maxime voluntatem conformet, temporibus admonitus, et quorundam inuidia, qui tamen eum in reditu iuuerant, compulsus. erant enim factiones in republica duæ: in vna Caesar, Pompeius, Crassus, de sua potentia laborantes; a quibus dissentire, periculosum Cicero videbat; in altera optimates: qui licet de republica optime sentirent, Ciceroni tamen, nouo homini tantam gloriam, ac dignitatem adepto, inuidebant, atque etiam obtestabant. quos in epist. 9. significat his verbis: *Certorum hominum sermones referebantur ad me: qui, cum illa sentirent in republica, quæ ego agebam, semperque sensissent; me tamen non satisfacere Pompeio, Caesaremque inimicissimum mihi futurum gaudere se aiebant.* Notat autem maxime Bibulum, Catonem, Domitium Ahenobarbum, Marcellinum, Caesari Pompeioque infensos.

Pernueritas] Minus est, quam improbitas. est enim quasi declinatio quaedam a recta consilii via.

In communi causâ] In eo, quod ad omnes pertinet, in republica tuenda.

Inuidendo] De quo sic lib. 4. ad Attic. epist. 1. *Qui nos ab-sentes defenderunt, incipiunt praesentibus occulte irasci: aperte invidere.* Et ibidem epist. 5. *Ego mehercule mihi necessitatem volui imponere huius nouae coniunctionis; ne qua mihi liceat lobi ad illos, qui etiam tum, cum misereremur mei debent, non desinunt inuidere.*

Obtestationibus] Quaerit excusationem sui facti. nam quia Caesarem coeperat ornare; quod optimates non probabant, quibus nimia paucorum potentia merito suspecta erat: non se sua sponte a pristina sententia discessisse, sed quorundam maleuolentissimis obtestationibus depulsum esse demonstrat. Ornamenta autem, quæ Cicero in Caesarem contulerat, vt ex orat. de prouinc. c. 11. cognoscitur, hæc sunt, supplicatio quindecim dierum, stipendium exercitus, decem legati. quæ Cicero sua sententia decreuit.

Sententia] Cum in defendenda republica dignitati potius meae, quam salutis, consulebam: ex quo potentium animos offendi.

Prope] Non omnino: quia dignitatis adhuc rationem habeo.

Depulsos] Quasi per vim, ab invidis, atque obtestatoribus.

Aliquando] Sero quidem, (potentium enim conspiratione in exilium pulsus, nimis magna mercede didici, salutis quoque rationem esse habendam) aliquando tamen.

Consularibus] Quos sæpe carpit lib. 4. epist. ad Attic.

Splendor]

Splendor] Vitae species, ac dignitas. *epist. 9. Hic meae vitae cursus offendit eos fortasse, qui splendorem, et speciem huius vitae inveniunt, sollicitudinem autem, et laborem perspicere non possunt.*

Temporibus iis] Quae, in patriam restitutus, secunda sum adeptus. infra res aduersas, vocat *tempora*.

Nascenti prope] A prima paene adolescentia.

Præfuisse] Hoc verbum abest ab omnibus antiquis libris in Mediceo additum est recenti manu, deleto alio verbo: quod suspicor fuisse, *virtutisque*. nam in omnibus meis ita scriptum video: *laudi, dignitati, virtutisque*. Mendosus igitur locus: cum omnino verbum aliquod sententia desideret.

Novitati] Arpini enim natus, Romae summos honores, vicus in petitione nobilissimis viris, eloquentia, probitate, industria consecutus est. *Novitati nobilitas opponitur: ideo subiungit: in te enim, homine omnium nobilissimo.* Et lib. 5. *epist. 18. Adeptus es, quod non multi homines novi; amisti, quae plurimis homines nobilissimi.* Et lib. 4. in Ver. c. 37. *Nae ista, praeclara nobilitas desinat queri, populum Romanum hominibus novis atque industriis libenter honores mandare, semperque mandasse.*

Homine omnium nobilissimo] Non quia Lentulus Cornelia gente patricia (fuit enim et Cornelia plebeia) natus esset, verum quod eius maiores honoribus, et meritis in rempublicam praestitissent. non enim, *nobilis, et plebeius*, sed *nobilis, et homo novus*, opponuntur. neque Lentuli, Scipiones, Caesares,

ideo nobiles, quia patricii, sed quia claris maioribus orti. eademque causa quamquam plebei generis, nobiles tamen Antonii, Merelli, Marcelli. itaque *adulescentem nobilissimum* vocat Cicero M. Antonium in orat. pro Milone c. 15. L. Marcium Philippum, *summam nobilitate hominem*, in Bruto c. 45. quos plebeiis gentibus natos esse, nemo, Romanarum gentium vel mediocriter peritus, ignorat. quocirca nec omnes patricii nobiles, (multorum enim obscuri maiores) nec omnes plebei ignobiles: cum plebei multi parentibus, avis, maioribus clarissimis orti sint: non quidem semper, verum, a quo tempore plebeiis etiam gentibus honores communicari coepta sunt. Eademque ratione nec senatores omnes nobiles, nec qui senatores non essent, omnes ignobiles. siquidem *nobilitas* ita definitur, claritas nominis a parentibus, avis, maioribus accepta: quae nec patriciis omnibus, nec senatoribus contigit, multis autem contigit non patriciis, et multis nondum senatorium ordinem adeptis. propterea Plinius lib. 33. c. 1. *anulos depositos a nobilitate, non a senatu universos*, in annales relatum ait. Quibus verbis, quis non intelligit, diversa esse, nobilitatem, et senatum universum? quia scilicet non senatus universus e senatoribus nobilibus constaret. Quod autem saepe nobilitatis nomen pro senatu, in urbanarum turbarum mentione Livius usurpaverit, in eo maiorem senatus partem, parentibus, aut maioribus insignem, pro toto senatu accepit. *Nobilitas* tamen interdum accipitur non pro nobilibus viris, id est, claro genere ortis, verum pro ea fama, quae

quae sequitur virtutem: vt in orat. pro Archua c. 11. *Ipsi illi philoſophi, etiam illis libellis, quos de contemnenda gloria ſcribunt, nomen ſuum inſcribunt: in eo ipſu, in quo praedicatorem, nobilitatemque deſpiciunt, praedicari de ſe, ac nominari voluit.* Ad hanc ſignificationem ſpectat illa definitio Ciceronis in epiſtola ad Hirſtium: *Nobilitas nihil aliud eſt, quam cognita virtus.* Ex qua definitione, Cicero etiam ipſe, nulla maiorum claritate, nobilis tamen eſt: habet enim virtutem, qua ſaniam confequitur. Atque hanc ſolidam, et veram eſſe nobilitatem, illam vero, quae a maioribus accipitur, et generis potius, quam hominis eſt, inanem et falſam, indicat lib. 3. epiſt. 7. his verbis: *ſu ſi aliter exiſtimas, nihil errabis. ſi paullo diligentius (vt, quid ſit virtus, quid ſit nobilitas, intelligas) Arbenodorus, Sardonis filius, quid de his rebus dicat, attenderis.* Ex illa autem priore definitione, cum novus homo ſit, nobilis eſſe non poteſt: poſteris tamen ſuis ſons, et origo nobilitatis eſt, adeptus illos magiſtratus, vnde nobilitas naſcitur.

Perspexi] Simile illud epiſt. 9. *Vidi ego quosdam in te tales, quales tu eosdem in me videre potuiſti.*

Noluerunt] In eo maxime, quod obſtiterunt, ne regem reduceres: id quod, te conſule referente, ſenatus decreuerat.

Vtrum laus imminuatur] Tantum enim de tua dignitate agitur, mea vero ſalus afflicta eſt. Epiſt. 6. *Minore in re violatur tua dignitas, quam mea ſalus afflicta ſit.* Epiſt. 9. *In moleſtia gaudeo, eam*

fidem te cognoviſſe hominum, non ita magna mercede, quam ego maximo dolore cognoravi.

An ſalus deferatur] In verbo, deferatur, ineſt ſignificatio perfidiae: de qua ſic epiſt. 9. *Vt iam ſi in iis culpa, qui me non deſenderunt, non minor eſt in iis, qui reliquerunt.*

Mehe] Meae fortunae, quod ciebus ſim.

Curasti] Cum ita me honorifice reſtituendum curaviſti, vt maior eſſet in reditu gloria, quam calamitas in diſceſſu.

De fortuna] Recte, de fortuna: tantum enim illa, quae fortunae bona dicuntur, non ſimul virtutem, optimamque mentem eripere potuerant iniurici ex quo illa praecleara in Clodium Parad. 4. *Niſi forte, cum parietes diſturbabas, aut cum teſſis ſceleratas faces inſerebas, meorum aliquid rueret, aut deſlagrare arbitrabare.* Nihil neque meum eſt, neque cuiusquam, quod auferri, quod eripi, quod amitti poteſt. *Si mihi eripuiſſes divitiarum animi mei conſtantiam, meas curas, vigilias, conſilia, quibus republica te inuitiſſimo ſtat; ſi huius aeterni beneficii immortalis memoriam deleuiſſes; multo etiam magis, ſi illam mentem, vnde haec conſilia manarunt, mihi eripuiſſes: tum ego accepiſſo uſe confiterer iniuriam. Sed, ſi haec nec feciſſi, nec facere potuiſſi: reditum mihi glorioſum iniuria tua dedit, non exitum calamitoſum.*

Te vero moneo] Quia recte ſentientes, aduerſa fortuna perturbati, conſilium quandoque mutant; ideo, cum iniuriam, i. e. uſo illatam, expoſuit, cohortationem ſubiungit, *vecitus,*

veritus, ne desciscat Lentulus a pri-
stina causa, studiumque defenden-
dae reipublicae deponat. hinc il-
lud epist. 5. *Tuae sapientiae, ma-
gnitudinisque animi est, omnem
amplitudinem, et dignitatem tuam
in virtute, atque in rebus gestis
tuis, atque in tua gravitate posi-
tam existimare.* Hic testatum esse
volo, in vno tantum antiquo libro
legi *monco*, in ceteris omnibus,
etiam in Mediceo, *emenco*. quod
verbum quamquam visu parum co-
gnitum est, omittendum tamen,
consensu tanto veterum exempla-
rium, non putavi.

Omnī cura, atque industria]
Studio, atque opera.

*Semper sum admiratus, semper-
que amavi]* Quod et summa esset,
et utilis reipublicae.

Inflexas] Inflexisse tamen Ci-
cero ipse paullulum videtur. dixit
enim: *nos scito de vetere illa no-
stra, diuturnique sententia prope
iam esse depulsos.* Quamquam se
non abieciſſe curam reipublicae si-
gnificat sequentibus verbis: *non
nos quidem; ut nostrae dignitatis
finis obliſi.* Et in extrema fere
epistola Lentulum hortatur, ut ipse
quoque ita rationem habeat di-
gnitatis, ne salutis obliuiscatur.
Quare, *ne unquam inflexas*, inter-
pretemur, ne unquam ita mutes,
ut, reipublicae causa penitus ne-
glecta, cum improbis te, singula-
rem potentiam cogitantibus, con-
iungas.

Magna] In hoc ornamento,
quod sit eodem verbo ter usurpato
amplificationis gratia, discedere epi-
stola videtur ab humilitate quoti-
diani sermonis, et ad similitudi-
nem orationis accedere.

Hominum opinio] Cui non re-
spondere turpe est.

Liberationis] Quod officia li-
benter in omnes conferas: ut su-
pra: *tua praestant in cum libe-
ritate tibi detinendum.* Vel ad pedi-
litatem respexit, in qua curius
summam liberalitatem ostenderat:
quam Cicero effert laudibus lib. 2.
de Offic. c. 16.

Consularis tu] Quo me ab ex-
silio, spreto Clodia rogatione, re-
vocasti.

*Quanto expressiora, quantoque
illustriora]* Expressa patenti oculis,
quia eminent: illustria multo etiam
magis, quia splendorem habent.

Ex imperia] Hoc addit, quia
multis imperiis, quod vel augen-
dae, vel tuendae reipublicae causa
dabatur, et ipsis, et reipublicae de-
decori, damnoque fuit.

Quamquam] Et hic tacite monet,
ut de Ptolemaeo cum exercitu re-
ducendo diligenter consideret.

Quod quia semper sperasti] Spe-
rasti fore, ut adipiscereris gradum
civitatis altissimum: quem quando
adeptus es, non dubito, quin intel-
ligas; eum te facillime tueri, et
conseruare posse. certe enim faci-
lius nunc est; id retinere, quod
adeptus es, quam fuit olim adipisci,
quod sperabas.

Faci litem] Cum adeptus iam sis,
quod facillimum non fuit.

Obtinere] Tueri, et conseruare:
dixit enim, *adeptus*. *Optinere*, qui-
dam scribunt: quorum opinioni
suffragatur hic Mediceus liber,
conuersa B in P, ut etiam lib. 2.
epist. 5. *opsecrare, optest* iique.

Summum, atque altissimum] Ex-
ornatio quaedam est. *πλεοναξμα* a
Graecis appellata, cum iterantur

verba, idem significantia. quo genere abundat Cicero, idque notat Quinctilianus lib. 9. c. 3.

Quae quidem mea cohortatio] Respicere oportet ad superiora; ut intelligamus, duas res ea cohortatione contineri, primum, ut elaboraret Lentulus in gloria consequenda; deinde, ne cuiusquam iniuria debilitatus, a praestantibus curis ad humiles cogitationes animum deiciat.

Ex nostris euentis communibus] Idem enim contigit utrique nostrum, ut eandem hominum perfidiam et iniquitatem experiremur. itaque putavi te admonendum, ne cuiquam posthac facile crederes, neque in aliis, sed in te ipso, et in cura, industriaque tua spem omnem collocares augendae dignitatis tuae. omnem, inquam, gloriam ab omni cura, omnique industria tua velim expectes, minime pendens ab eorum officiis, in quos tua non vulgaris merita exstiterunt. id quod ego meis temporibus didici: quorum imaginem video in rebus tuis.

Quibus crederes] Morale praecceptum, ut ex malo eliciatur bonum: cognita enim perfidia, non esse credendum, monet.

Qui plus opibus, armis, potentia valent] Caesar, qui Galliam cum exercitu administrabat; Pompeius, et Crassus, cum Caesare sentientes, qui consulatum gerebant.

Profecisse tantum mihi videntur] Saepe mihi non placet Medicus liber, ut hic: habet enim, *profecisse tamen: et supra, sententiasque, pro, sentiasque.*

Stultitia] Stulti enim, qui a senatu et ordinem equestrem, et Pompeium abalienauerint. epist. 8.

Inconstantia] Quod in gratiam redierint cum P. Clodio, quem oderant antea. ex quo Cicero ipse alienatus ab optimatum causa, et stipendium Caesari, et decem legatos, et quaecumque potuit, Caesari ornamenta decreuit: ut in orat. de prouinciis c. II. Designat autem Catonem, Bibulum, Domitium Ahenobarbum, et vniuersam eorum factionem, ita insensam Caesari, ut propterea cum Clodio, qui Caesaris potentiam oppugnare coeperat, in gratiam redierint. ita, dum Clodium ad suas partes adiungunt propter Caesarem, Ciceronem a publica causa propter Clodium remouerunt.

Aduersariorum] Optimatum.

Auctoritate] In senatu: cum antea gratia valuerint apud populum.

Per paucis] Catone, Bibulo, Domitio, qui semper contra paucorum opes pro republica pugnarunt. Plutarchus, Dio, et alii.

Ne per populum quidem] Quem sibi Caesar adiunxerat, diuiso pauperibus campo Stellate, et Campano.

Sine seditione] Non enim populus vniuersus id Caesari tribuisset, quod senatus, qui ab eo fuerat alienior, largitus est.

Se posse assequi arbitrabantur] Verbum, *posse*, nec in meis antiquis libris est, nec in Mediceo: itaque suspicor additum ex ingenio: cum sine eo tamen sententia consistat.

Consecuti sunt] Et quidem ipso decernente Cicerone. quod hic dissimulat, veritus fortasse, ne Lentulum offendant, aut ne famam subeat inconstantiae; cum optimatum causam aduersus paucorum opes

adica

antea defendisset. orat. de provinciis c. 8.

Stipendium] Et stipendium, et legatorum numerum, et supplicationes senatus decernebat sine populi suffragio. quae Cicero significat in epist. 9. 'cum ait, singularibus, et nouis honoribus, ac iudiciis senatus ornatum esse Caesarem. idque exponit aperte in orat. de provinciis c. II. his verbis: *Relatum est ad nos nuper de stipendio exercitus: non decreui solum, sed etiam, ut vos decerneretis, laboravi: multa dissentientibus respondi: scribendo affui.* Stipendium autem a senatu impetrare, in tantis angustiis aerarii, non facillimum fuit: 'quod ex eadem oratione conieci. dixit enim c. 5. *Videtur, non temeritate redemptionis, aut negotii gerendi inscitia, sed auaritia, superbia, crudelitate Gabinii, paene afflictos iam atque euerfos publicanos: quibus quidem vos, in his angustiis aerarii, tamen subueniatis ne esse est.* Hac de re sic in ea pro Balbo c. 27. *C. Caesarem senatus et genere supplicationum amplissimo ornauit, et numero dierum nouo. Idem, in angustiis aerarii, victorem exercitum stipendio affecit: imperatori decem legatos decreuit: lege Sempronia succedendum non censuit. Harum ego sententiarum et princeps et auctor fui.*

Decem legati] Quorum opera in bello vteretur, quique singulis legionibus, singuli praessent. id quod Caesaris Commentarii testantur. in orat. autem de provinciis c. II. hoc modo: *Actum est de decem legatis, quos alii omnino non dabant, alii exempla quaerebant,*

alii tempus differebant, alii sine ullis verborum ornamentis dabant. in ea quoque re sic sum locutus, ut omnes intelligerent, me id, quod reipublicae causa sentirem, facere vberius propter ipsius Caesaris dignitatem. Decem autem fuisse Caesaris legiones in Gallia post prorogam ei alterum in quinquennium prouinciam, declarat ipse lib. 7. de bell. Gall. c. 90. Nouem enim assignat nouem legatis: ipse vnam secum, Bibraeste hiematurus, retinet. Hirtius etiam lib. 8. c. 54. et 55. decem legiones nono Gallici imperii anno Caesari fuisse demonstrat, quarum duas Pompeio traditas esse, quattuor in Belgio, totidem in Aeduorum regione collocatas. Idem plane confirmat Suetonius in Iulio c. 29. his verbis: *Cum aduersariis pepigit, ut, dimissis octo legionibus, Transalpinaeque Gallia, duae sibi legiones, et Cisalpina prouincia, vel etiam vna legio, cum Illyrico concederetur, quoad consul fieret.* Et Plutarchus in Pompeio decem Caesaris legiones nominat. Verum, his omnibus legionibus, si Suetonium c. 24. audimus, non videtur a senatu stipendium esse decretum. *Ad legiones, inquit, quas a republica acceperat, alias, priuato sumtu, addidit.* Plutarchus non distinguit; tantum, prorogam prouinciam, supeditatasque in stipendia militum pecunias, demonstrat. Sed, ut redeam ad legatos; numerus a senatu decernebatur; deligendi, et nominandi potestas aut penes eum erat, qui prouinciae praeerat; aut in eo certe senatus gratificari consuevit iis, quibus legati, reipublicae gerendae causa, legabantur. Decretos a senatu, orat. pro Sextio

c. 14 docet his verbis? *Quid? sua sponte humiles in armorum periculis vestitus mutare non solent? pro te i. s. p. i. s. o. n. e. m. e. m. u. t. a. n. t.?* ne isti quidem, quos legatos non modo nullo senatus consilio, sed etiam repugnante senatu, tute tibi le. 9. Et in Vatinius c. 15. *Quis legatos umquam audiui sine i. n. i. t. u. s. c. o. n. s. u. l. t. o.?* ante te nemo: p. 4. continuo fecit idem in duobus prolatis reipublicae Clodius. Delectos autem, et nominatos ab iis, quibus imperium provinciae mandabatur, indicant exempla, quae subiungam de multis paucis, ne satietatem habeat prolata narratio. lib. 2. ad Attic. epist. 18. *A Caesare valde liberaliter huiusmodi legationem illam, sibi ut sim le. 1. m.* In orat. de provinciis c. 17. *Postea me, ut sibi essem legatus, non solum suasisit, verum etiam rogavit.* lib. 4. ad Attic. epist. 15. *Messius defendebatur a nobis, e legatione reuocatus. nam cum Caesar legat. Appian.* Ad Thermum autem scribens, lib. 13. epist. 55. legationem ait a se delatam Anneio, cum multis eam petentibus denegasset. Pertinet eodem illud de Pompeio scriptum curationi frumentariae praeposito lib. 4. ad Attic. epist. 1. *Ille legatos quindecim cum postularet, me principem nominavit.* Officium autem legati, si quis quaerat, quale fuerit, discet ex oratione in Vatinius, in qua c. 15. legatos Cicero vocat, *munus pacis ac belli, curatores, interpretes, bellici consilii auctores, ministros muneris provincialis.* Quod si, quae fuerit apud Romanos legatorum dignitas, libet indagare: multa bella suscepta, multas urbes eorum causa deletas esse reperie-

mus. de quo sic in orat. pro lege Manilia c. 5. *Legati quod erant appellati superbius, Corinthus patres vestri, totius Graeciae lumen, existimari esse voluerunt: vos enim regem inultum esse patiimini, qui legationem populi Romani consularent, vinculis, ac verberibus, atque quousque supplicio exercitatum necavit?* Quibus verbis etiam illud constat, quod ex Lii quoque, et aliis intelligitur, nullis post consulatum legationis honorem esse delatum. In Verrem autem actione secunda lib. 1. c. 31. *video, inquit, et ex iis, quae legi et audiui, intelligo: in qua ciuitate non modo legatus populi Romani circumfessus, non modo igni, ferro, manu, copiis oppugnatus, sed aliqua ex parte violatus sit: nisi publice satisfactum sit, ei ciuitati bellum indici, atque inferri solere.* Quo loco Pedianus ait, ob legatos bellum indictum, illatumque esse Corinthiis, et Tarentinis.

Lege Sempronia] Nec satis patet, quae fuerit Semproniae legis sententia; et, si ignoretur, locus hic erit ad intelligendum perdifficilis. quare primum de lege, deinde, quae locus requirit, diligenter exponam. C. Gracchus, Tiberii frater, in ea lege, quam de provinciis tulit, tria comprehendit, vnum, ut senatus consulares provincias decerneret, id est eas, in quas consules, magistratu functi, sorte proficerentur; alterum, ut quotannis; tertium, ut, cum decerneretur, intercedere nemini liceret. Prima duo capita ex oratione pro domo cognoscuntur, in qua c. 9. sunt haec: *Tr. provinciae consulares, quas C. Gracchus, qui vnus maxime popularis fuit, non modo non abstulit*

*absulit ab senatu, sed etiam, ut
neceffe esset quotannis constitui per
senatum, lege sanxit: eas, lege
Sempronia per senatum decretas,
rescidisti? extra ordinem, sine
sorte, nominatim dedisti, non con-
sulibus, sed reipublicae pestibus?*

In ea pro Balbo c. 27. *Senatus, in
angustis aerarii victorem exerci-
tum stipendio affecit: imperatori
decem legatos decreuit, lege Sem-
pronia succedendum non censuit.*

Tertium caput in oratione de pro-
vinciis animaduerti, in eo loco c. 7. *Faciam, inquit, illas praetorias, ut
Pisoni, et Gabinio succedatur sta-
tim. Si hic sinat. tum enim tri-
bunus intercedere poterit, nunc non
potest.* Nam id, nunc non potest,
ad legem Semproniam pertinet:
qua non licebat intercedi, cum de
successione prouinciarum decerne-
retur: quod illa, quae paullo post
consequuntur, verba c. 8. demon-
strant: *mibi credite: numquam
succedetur illis, nisi cum ea lege
referretur, qua intercedi de prouin-
ciis non licebit.*

Venio nunc ad
Ciceronis verba. Proximo anno
agitatum erat in senatu, ut consu-
lares prouinciae duae lege Sempro-
nia a senatu decernerentur, non
eius anni consulibus, qui videntur
prouincias recusasse, sed iis, qui
designati nondum erant, qui postea
fuerunt Pompeius, et Crassus, ex in-
terregno creati. Quattuor erant
prouinciae, quas obtinebant ii, qui
consulatum gesserant, Galliae duae,
vno imperio coniunctae, quibus
praecerat Caesar; Syria, quam Ga-
binus; Macedonia, quam Piso ad-
ministrabat. De his quattuor, cum
duas tantum lege Sempronia decer-
ni oporteret, variae sententiae di-
cebantur. erant, qui vtramque

Caesari Galliam eriperent, et a se-
quentis anni consulibus, vbi con-
sulatum peregissent, administrari
vellent. alius neque vtraique
Galliam, neque Syriam cum Macedo-
nia, sed vel Syriam, vel Macedo-
niam cum altera Gallia decernebat.
Rursus erant duae sententiae, vtra-
que Pisoni Macedoniam relinquens,
vtraque Gabinio Syriam auferens,
sed altera vltiorem Galliam, al-
tera citeriorem cum Syria coniun-
gens. Contra omnes Cicero sensit.
dixit enim sententiam, ut Caesar
vtramque Galliam vsque ad exi-
tum quinquennii, lege Vatinia da-
tum, obtineret: Gabinus, et Piso
decederent. Harum sententiarum
nulla valuit: nec eo anno consula-
res prouinciae lege Sempronia de-
cretae. id ex eo liquet, quod in
vtraque Gallia Caesar permansit, in
Macedoniam autem praetorius iuit,
non consularis, Q. Ancharius, qui
statim Pisoni successit: Gabinus in
Syria mansit, opinor quod ei, qui
praetorias Macedoniam, et Syriam
faciebat, de Macedonia permissum,
de Syria vel negatum a senatu, vel
intercessum a tribuno plebis. At-
que haec duobus ex orationibus,
de prouinciis consularibus, et in
Pisonem, fere omnia colliguntur:
quae putauimus explicanda, ut in-
telligatur, cum prouinciae consula-
res anno superiore, id est, Marcel-
lino et Philippo cois ab senatu de-
cretae non essent, hoc saltem anno,
Pompeio et Crasso consulatum ge-
rentibus, decerni debuisse: quod
tamen ne fieret, facile perfectum
est, consilium videlicet opera, qui
Caesaris causam tuebantur, cum
Pompeius ei gener esset, Crassi vero
filii cum Caesare, Marcus eius quae-
stor, Publius legatus in Gallia iul-
tarent.

tarent. quod si de consularibus provinciis lege Sempronia decernendis actum esset; timendum erat consularibus. ne in eam sententiam plures irent, quae Caesari bellis adimeret. itaque cupierunt, idque facile consecuti sunt ne consulares provincias obtinentibus succederetur. Oritur quaestio, si consulares provinciae lege Sempronia decretae non sunt, quo modo Pompeius Hispanias, Crassus Syriam, viramque consularem accepit? Non senatus consulto, sed lege tribunicia, quam tulit C. Trebonius, ut iis provinciis quinquennium uterque praecisset. nam, si a senatu lege Sempronia provincias accepissent; annua tantum provinciarum fuisset administratio. quam ob causam, et simul quia verebantur, ne Galliae sibi a Caesaris aduersariis decernerentur; petere provincias, omissa lege Sempronia a populo maluerunt, Caesaris exemplum secuti, qui et ipse Galliam citeriorem inuito senatu, lege Vatinia in quinquennium accepit. Restat illud, quod historiae orgo postulat, ut ostendamus, haec tria, de stipendio Caesaris decreto, de decem legatis, de prorogata provincia, quamquam a Cicerone continenti narratione demonstrantur, temporibus tamen distinguui. non enim facta eodem anno sunt omnia; sed stipendium cum decem legatis decretum Marcellino et Philippo cons. quod indicat oratio de provinciis habita, ut ait Asconius, iis consularibus. in ea enim oratione de decem legatis mentio fit, de prorogata provincia verbum nullum. prorogatam autem sequenti anno, Pompeio et Crasso cons. Suetonius in Iulio c. 24. Velleius lib. 2. c. 46. Plutarchus

in Gracchis, Appianus lib. 3. Dio lib. 39. Cicero ipse lib. 8. ad Attic. epist. 3. declarat.

Quod ad te ERN. Quod ego ad te b'euit scribo] Sic libri mei, sic Mediceus; et recte. mutare tamen nonnullis placuit, et pro, ego, ponere, eo.

Non delectat] Pluribus enim verbis, quae nos delectant, persequimur.

Litteris omnibus] Iuri civili, philosophiae, historiae, poeticae etiam facultati: quae ad oratoriam laudem cum pertineant, culta sunt a Cicerone diligenter: quod ipse suis in libris, et Plutarchus in eius vita testatum reliquit.

Tu, rebus tuis integris, discas] Me docuit calamitas: tu in re tua, non ita magna mercede, potes discere.

Neque salutis nostrae] Ut rem publicam quidem, sed simul cum ea nosmetipsos diligamus.

De filia, et de Crassipede] Ciceronis filia Tullia ter nupsit, contra quam Pedianus et Plutarchus videntur existimasse, L. Calpurnio Pisoni Frugi, Furio Crassipedi, cuius numquam praenomen inueni, P. Cornelio Dolabellae. Piso periit exfulante Cicerone; Crassipedis interitus mentio nulla; ut dimissam ab eo putem; Dolabella diuortium fecit: nec multo post ex partu decessit. quae colliguntur omnia ex his, et ad Atticum, et ad Q. Fratrem epistolis.

Speroque et opto, nobis hanc comminationem voluptati fore] Fore, ad verbum, spero, non ad, opto, respicit. nam, opto esse, dicitur, non, opto fore. quo factum est, ut nonnulli, de mendo suspicati, legendum

dum putauerint, optoque et spero, ignari scilicet Ciceronianae consuetudinis: cuius exempla possum afferre multa, sed vno contentus ero: quo satis probabitur, non eius, quod prope adest, sed quod longius distat, nominis habitam esse rationem. prima verba lib. 1. de Leg. haec sunt: *Lucus quidem ille, et haec Arpinatium quercus agnoscitur, saepe a me lectus in Mario.*

[*Lentulum nostrum*] Naturalem huius P. Lentuli filium, adoptivum autem Manlii Torquati, ut Dio lib. 39. narrat. Hunc ab Octavia, victis reipublicae partibus, occisum ait Plutarchus, falso gloriatum, inani studio laudis, se quoque Caesaris necis cum Bruto et Cassio participem fuisse; quod ipsemet fateatur lib. 12. epist. 14. his verbis: *Ego me de republica puto esse meritum, ut non provinciae istius beneficium expectare debeam, sed tantum, quantum Cassius, et Bruti, non solum istius facti periculi, societate, sed etiam huius temporis studio et virtute.*

[*Eximia spe, summae virtutis adolescentem*] Eadem sententia de Curione dixit in Phil. 2. c. 18. *Adolescentem, summa spe et animi et ingenii praeditum.* In pueris autem, et adolescentibus laudari solet spes, facta non possunt. Huc pertinet Servii locus, ubi explanatur illud Virgilii ex lib. 6. Aen. v. 877. *In tantum spe tollet aenos Rhetorice ait, spem laudat in puero, quia facta non invenit. est autem Ciceronis in Dialogo: Fanni, causa difficilis, laudare puerum: non enim res laudanda, sed spes est.*

[*Studiis*] Scientiam litterarum Lentulo tribuere videtur Cicero in libro de clar. orat. c. 77. cum ait:

Quidquid habuit, quantumcumque fuit, illud totum habuit ex disciplina: instrumenta naturae decant.

[*Imitatione tui fac erudias*] Ut in tuam vitam, tamquam in speculum, intuens, tibi studeat esse quam simillimum. virtutis enim disciplinam meliorem reperiet nullam, quam contemplationem, atque imitationem tui. Quibus verbis usus est Cicero de filio suo in epist. 7. ad M. Brutum.

[*Nulla enim erit hac praestantior disciplina*] Legerat accuratissime Cicero Xenophontis libros de Cyro maiore conscriptos. quod ipse lib. 9. epist. 25. ad Papirium ostendit his verbis: *καὶ δὲ λέγει, ὅτι, ὡς ἐάν τις ἐκ τῶν περὶ τοῦ Κίτου βιβλίων ἀναγνῶντος, οὐκ ἔστιν ὅστις οὐκ ἔστιν ὁμοίωσις τοῦ Κίτου, οὐδὲν ἔστιν ὅστις οὐκ ἔστιν ὁμοίωσις τοῦ Κίτου.* Ex ea lectione haec erant praeclara multa in illius memoria, ut hoc fortasse de maiorum imitatione. nam apud Xenophontem lib. 8. c. 17. sic Cyrus moriens filios alloquitur: *Ἐγὼ μὲν ἴδωμι ὑμᾶς ἰκνῶντας διδάσκειν, οὐκ ἔστιν ὅστις οὐκ ἔστιν ὁμοίωσις τοῦ Κίτου, οὐδὲν ἔστιν ὅστις οὐκ ἔστιν ὁμοίωσις τοῦ Κίτου.*

[*Quia tuus*] Amamus enim amicorum filios, qualescumque sunt, parentum causa. quam sententiam confirmant Trebonii verba lib. 12. epist. 16. *Tibi, inquit, quod vere facere possum, libenter gratulor, nec minus etiam nobis: quod eum, quem necesse erat diligere, qualiscumque esset, talem habemus, ut libenter quoque diligamus.*

[*Quia te dignus*] Virtuti deditus, ac probitati: ut, etiam si tuus non sit filius, amandus tamen suoapte merito videatur.

Quia nos diligit] Nihil enim mihi minus hominis videtur, quam non respondere in amore iis, a quibus provocare: ut est in epist. I. ad M. Brutum.

EPISTOLAE VIII.

A R G V M E N T V M.

Desperata iam reductione regis, queritur de statu rerum communium; ut ex eo Lentulus de sua ratione meditetur. itaque negotialem epistolam esse dicemus: quandoquidem ad Alexandrinum negotium tota fere narratio spectat. quiddam tamen quasi consolationis affert, cum ait: sunt quidem certe in amicorum nostrorum potestate: et cum subiungit infra: Pompeium tibi valde amicum esse cognoui. Postremo claudit epistolam spe supplicationum, et officii sui mentione: ut Lentuli dolorem, amissa regis restituendi spe, aliqua saltem ex parte leniat.

EXPLANATIO.

De omnibus rebus] Non de regia tantum causa, sed omnino de omnibus rebus, quae ad te pertinent.

Pompeius] Consul.

Susceperit] Agendum tua causa.

Ex Euplatorio] Non agnosco Romanam gentem: et malim, ex M. Plaetorio. Plaetorii enim inter gentes Romanas noti; et M. Plaetorius praetor in orat. pro Cluent. c. 53. nominatur.

Praefuit] Praecipuam curam, dum agerentur, adhibuit.

Nou facile est scribere] Cum tota ratio senatus, iudiciorum, rei totius publicae commutata sit.

Quidem certe] Ita veteres loquebantur de re satis optata, cum eam, quae erat optatior, assequi non licebat. res, inquit, communes optime se non habent, sunt tamen in amicorum nostrorum potestate. non habemus, quod volumus, ut sit optimus rerum communium status: id quidem certe habemus, quod secundo loco optandum erat, ut in amicorum nostro-

rum potestate sint. Epist. 9. *Tu me consiliario, fortasse non imperitissimo, fideli quidem, et benenolo certe, usus es.* Quo loco separatim posuit, elegantiae causa, quidem, et certe: quemadmodum epist. 5. *Catonem quidem, quoquo modo se res habeat, profecto resistimus.*

Amicorum] Pompeii et Caesaris: addo etiam Crassum; cum quo, rogatus a Pompeio, et Caesare, a Publio praeterea, ipsius Crassi filio, redierat in gratiam. epist. sequenti, et lib. 5. epist. 8. et apud Plutarchum in Crasso.

Nullam mutationem] Vere: numquam enim postea respublica valuit.

Habitura res esse videatur] Hic est ille numerus, quem in Cicerone obtrectatores eius notabant; non quod optimus non esset; sed quod ei ninium familiaris, quasi de industria quaesitus. Tacitus in dialogo de orat. c. 23. *Nolo irridere rotam fortunae, et huc Versinum, et illud, tertio quoque sensu in omnibus*

bus pro sententia positum, Esse videatur. Quin ciliarius quoque lib. 10. c. 2. *Noneram*, inquit, *quosdam*, qui se pulchre expressisse genus illud caelestis huius in dicendo viri sibi videntur, si in clausula posuissent, Esse videatur. Sane et in ea, quae proxima sequitur, idem iteratum est. Verum, ut mihi videtur, inique faciunt, qui vitiosum existimant, quod et a sententia postulatur, et aures ob numeri suauitatem oblectat, nec tamen, ut ait Tacitus, tertio quoque sensu in omnibus pro sententia ponitur.

Vt debeo] Ob eius in me merita.

Vt tute mihi praecipisti] Cum eius in me beneficium, cuius ipse testis fueras, praedicares. In epist. sequenti: *Pompeio plurimum, te quidem ipso praedicatore ac teste, debebam.*

Vt me pietas, utilitasque cogit] *Pietas*, erga optime de me meritum utilitas, cum habendam mihi rationem aliquando etiam salutis intelligam. Epist. sequenti: *Nec mihi aliter potuisse videor hominum perditorum de me consilia frangere, nisi cum praesidiis iis, quae tempus habui, nunc etiam: attentionem beneuolentiam coniunxissem.* Pietatis autem nomen erga eos etiam, qui summa in nos beneficia contulerunt, usurpari solere, diximus in epist. 1. Antiqui libri, vel, *dictas*, vel *dictas*, habent: ex quo nonnulli legunt, *dignitas* quod, ut opinor, diuersam a Ciceronis mente sententiam habet: cogebatur enim utilitate, non dignitate; quae reuocare potius ab eorum amicitia videbatur, qui de sua potentia, non de republica laborabant, et sibi non nihil, salutis causa, discedendum a dignitate, dixit in proxima episto-

la. idemque significat, cum subiungit, non libenter se rectum, et confirmatum a republica sensum deponere. et infra: *dignitatem illam consularem fortis et constantis senatoris, nihil est, quod cogitemus.* At enim, cum proxime dixerit, *ut debeo*, videtur abundare, pietas. Non abundat, sed augeat id, quod dixit: quod et oratorium est, et Ciceroni, oratorum omnium principi, frequentissimum. saepe enim ita debemus, ut officio moueamur potius, quam impellamur. Itaque Cicero, non se debere tantum, sed cogi etiam pietate, demonstrat; cum Pompeium in recuperanda salute ita pae-ne sui studiosum senserit, ut erga liberos parentes: in quos nomen pietatis conuenire, iam diximus.

Ad eius rationes] Ad ea, quae illi utilia sunt, quaecumque ille vult. Pompeium significari, satis constat.

Potasti] Cum de me ageres.

Quam sit difficile] Indicat, se coactum sua consilia ad potentium voluntatem accommodare coepisse.

Praesertim rectum] Non enim facile boni ciues a sententia demouentur.

Confirmatum] Veterem, ac diuturnam sententiam appellauit in epistola superiore.

Ipse me conformo] Quasi rem notam: non tam ut saluti seruiam, quod antea non feci: quam ut optime de me merito gratiam referam. Proxime dixit: *me ad eius rationes adiungo.*

A quo benefesse dissentire non possum] Cum is auctor fuerit salutis meae.

Simulatione] Quia Pompeius in ciuitate plurimum valeat.

Animi induelio] Excluditur simulatio, non tamen amor ostenditur.

tur. propterea subiungit: *et mercede amor.*

Videantur] Magni amoris argumentum, ut voluntatem sequatur opinio.

Aduersarii] Qui optimates haberi volebant.

Concedant omnes] Cum intelligant, honeste me a Pompeio, cui tantum debeam, dissentire non posse.

Vel taceam] Transiit ad minora. nam, si conceditur, ut ea defendat, quae Pompeius velit, multo magis, ut taceat: maxime vero, ut ad studia se referat litterarum: quo videri posset, ea, quae fierent, non probare, et multo magis consulere videretur dignitati suae, quam si vel defenderet in senatu, quae Pompeius vellet, vel etiam taceret.

Per eiusdem amicitiam] Cui roganti, ut in senatu adsim, eiusque voluntatem defendam, pro amicitia deesse non possum.

Perfuncti essemus] *Perfunctus esse* dicitur; qui ad exitum alicuius rei, siue optabilis ea sit, siue contra, iam peruenit. prioris generis exemplum hoc est: *persuagi honoribus amplissimis.* et lib. 3. de Orat. c. 2. *Qui ei annus primus ab bonorum perfuntione aditum, omnium concessu, ad summam auctoritatem dabat, is eius omnem spem, atque omnia vitae consilia morte peruerit.* Et Sulpicius lib. 4. epist. 5. *Omniis bonis prope perfuntiam esse.* Posterioris generis plura et apud hunc nostrum, et apud alios exempla suppeditant. *Defungi*, valet idem, sed hoc differt, quod in malam partem semper, ut mea memoria est, accipitur: quo modo Coelius lib. 8. epist. 1. usus est: *Es hoc mendacio, si qua pericula*

tibi impenderent, ut defungeremur, optauit.

Dignitas] Quod erat praemium maximorum laborum.

Capessenda] Administranda. id enim est *capessere*. epist. sequenti: *Neque integrare mihi ad consulendum, capesseremne rempublicam, implicatus tenebar.* Lib. 3. de republ. apud Augustinum lib. 2. de ciu. Dei c. 21. *Omnino nulla res publica esset, quoniam non est res populi, cum tyrannus eam, factione capessat.* Lib. 4. apud eundem lib. 2. c. 10. *Aeschines Atheniensis, vir eloquentissimus, cum adolescens tragedias attitauisset, rempublicam capessuit.*

Nulla cum grauitate] Assentiri enim iis, contra quos antea reipublicae causa senseris, leuitatis est.

Paucis] Si pauci, quo modo ab iis frustra dissentitur? quia pauci quidem principes, Caesar, Pompeius, Crassus, sed factio eorum maxima.

Frustra] Cum etiam in senatu, qui alienior ab iis antea fuit, auctoritate plurimum valeat.

De tua ratione] De eo, quod ad te pertinet, de regia causa.

Senatus] Per quem consecuti sunt, quae ne per populum quidem sine seditione se assequi posse arbitrabantur. Populum non nominat, quia commutatus is non erat: semper enim Caesaris causam iuuat.

Orium] Satis superque habebimus, si per eos, qui rerum potuntur, nobis licebit esse otiosis.

Praestaturi] Permittent, nihil ut agamus, et otiosa, et tranquilla vita perfruamur.

Quidam homines] In primis M. Cato, eiusque sororum viri, M. Bibulus, et L. Domitius Ahenobarbus,

bus, Caesaris, et Pompeii veteres inimici.

Dignitatem consularem] Consularium enim sententiae magnum in senatu pondus habere debent; in quo dignitas est; nunc non habent: amissa igitur dignitas est.

Fortis, et constantis] Qui nullis periculis a tuenda republica deterretur. cuius nunc fortitudinis atque constantiae neque praemium est ullum, paucis omnia tenentibus: neque fructus, quia frustra dissecitur.

Ordinem coniunctissimum] Equestrem ordinem: quem ipse Cicero consul cum senatu coniunxerat. alienatus autem est a senatu Catonis opera, qui, petentibus Asianis publicanis, ut induceretur locatio vectigalium; quae, cupiditate prolapsi, nimium magno conduxerant, responsum dari passus non est: quam Caesar, anno sequenti consul, occasione arripuit conciliandi sibi, et a senatu disiungendi ordinis equestris. de quo Suetonius in Iulio c. 20. *Publicanos, remissionem petentes, tertia mercedum parte releuauit: ac, ne in locatione nouorum vectigalium immoderatus liceretur, propalam monuit.* Idem confirmat Dio lib. 38. et Appianus lib. 2. de bell. ciu. Cicero autem lib. 1. ad Attic. epist. 17. plane rem exponit. *Asioni, inquit, qui de censoribus conduxerant, questi sunt in senatu, se, cupiditate prolapsos, nimium magno conduxisse: ut induceretur locatio, postulauerunt. Ego princeps in adiutoribus atque adeo secundus.* Ibidem paullo post: *Ego conseruans rationem, institutionemque nostram, tuos, ut possum, illam a me conglutinatam concordiam.* Epist. 18. *Alienati equites*

Romani. sic ille annus duo firmita reipublicae, per me unum constituta, euerit: nam et senatus auctoritatem abiecit, et ordinem concordiam disiunxit. In eadem: *Cato miseros publicanos tertium iam mensem vexat, neque iis, a senatu responsum dari patitur.* Lib. 2. ad eundem epist. 1. *Cum equitatus ille, quem ego in cliuo Capitolino collocaram, senatum deseruerit.* Ibidem paullo post: *Quid impudentius publicanis renunciantibus? fuit tamen, retinendi ordinis causa, facienda iactura. Restitit, et periclitatus Cato.* In Catilinam autem orat. 4. c. 7. ad conseruandam senatus equitumque concordiam hortatur his verbis: *Quam coniunctionem si, in consulatu confirmatam meo, perpetuam in reipublica tenerimus: confirmo vobis, nullum possibae malum ciuile ac domesticum ad ullam reipublicae partem esse venturum.*

Hominem clarissimum] Pompeium, quem abalienauerant a senatu, qui ea, quae ille, deuictio Mithridate, regibus, dynastis, et ciuitatibus in Asia concesserat, confirmari a senatu non permiserant: quorum princeps fuit L. Lucullus, qui sororem M. Catonis Seruilam in matrimonio habebat, adiuuantibus Catone, et Metello Celere consule, ex quo Pompeius, vxore ducta Caesaris filia, facile impetrauit, ut is consul acta sua confirmaret. Appianus lib. 2. de bell. ciu. Dio lib. 37. Suetonius in Iulio. c. 19.

Eo consule] Non, cum erit consul, sed, quoad erit. hoc enim anno, quod iam diximus, consulatum gerebat cum M. Crasso.

Affixum] Numquam ab eo discodem, haerebo illi, ut haerent ea, quae

quae affixa sunt. lib. 3. ad Q. Fr. epist. 1. *Dedit etiam alteram illam mihi, qua inbes enim mihi esse affixum, tamquam magistro.*

Etiam propter id ipsum] Non solum quia te diligit, sed etiam propter id ipsum, quod me tibi, de me optime merito, eam; quam debeo, praestare memoriam, ac benevolentiam intelliget: tum quia solet amabilis, et iucunda apud omnes esse grati animi significatio: tum eo praecipue nomine, quod Pompeius, qua in ipsum quoque voluntate sim, cui debeo plurimum, inde coniecturam capiet.

Minimam] Vnde tibi, quo animo sim in maximis, licet coniecere.

Consequi possum] Sic epist. 4. Si vitam pro tua dignitate profundam, nullam partem videar tuorum meritorum assecutus.

Rumor erat] Verus, nam epist. sequenti: *te esse imperatorem, provinciamque bene gestis rebus cum exercitu victore obtinere, ut debeo, lactor.* Quamquam explorata Len-

tuli victoria nondum erat. si enim certus bene gestae rei nuncius allatus esset, epistolam inscripisset, *Lentulo Imperatori*, ut in epistola sequenti.

Pompeio] Vt, allatis tuis litteris, rem bene gestam significantibus, referat ad senatum de supplicationibus tibi decernendis.

Plus contenderimus, quam possumus] Velle se plurimum Lentulæ causâ, ostendit, nec tamen praestare posse, quantum debeat. Simile illud lib. 4. epist. 8. *Vt me non solum omnia debere tua causâ, sed ea quoque, etiam quae non possum, patemi.* Item Phil. 6. c. 7. *consilio, quantum potero, labore, plus paene, quam potero, excubabo vigilaboque pro vobis.*

Quam debemus] Nam, ut omnia tua causâ praestem, vincuntur tamen meritis tuis officia mea. Quod autem hic, *minus quam debemus*, lib. 6. epist. 4. dixit, *merita non assequar.*

EPISTOLAE IX.

ARGVMENTVM.

Sine dubio moralis est epistola, ob eam maxime causam scripta, ut id, quod factum est, recte factum ostendatur. quaerenti enim Lentulo, cur cum inimicis, Caesare, Appio, Vatinius, in gratiam Cicero redierit, atque ita, ut Vatinius, quem accusauerat antea, defenderit, ac laudarit, causas exponit consilii sui. Tota vero eius excusatio quinque potissimum rationibus nititur: primum, quod, cum et Pompeio plurimum debeat, et mirificam Caesaris erga se, fratremque suum liberalitatem sit expertus, ad eorum se rationes non inuitis adiungat, a quibus honeste dissentire non possit: deinde, quod in eum sensum non tam alliciatur beneficiis, quam compellatur iniuriis; cum ei cives improbi nocere studeant, boni etiam inuideant: tertio loco, quod, habendam esse non modo dignitatis, verum etiam salutis rationem, exsilio sui calamitate doctus, intelligat: tum, quod, cum Pompeio, ac Caesare, optime utroque in republica merito, coniungi, et eorum causâ paullisper sententiam mutare, turpe

non

non sit: idque confirmat sapientissimorum hominum auctoritate, qui perpetuam in republica gubernandam sententiam numquam laudaverint: postremo, quod, in eo se nihil contra Lentuli voluntatem commisisse, crediderit; cuius animum moveris tum sibi amicissimum, tum nulla in ceteros malevolentia iussurum. Extrema pars epistolae negotia continet, de suis scriptis, de Lentuli rebus domesticis, de Q. Fratris negotio, de Appii cupiditate Ciliciae administrandae, de publicanis.

EXPLANATIO.

Lentulo Imperatori] Re bene gesta, qui ab exercitu imperator erat appellatus, litteras suas imperatoris nomine inscribebat: quod Cicero fecit lib. 2. epist. 10. Similiter, qui ad eum scribebant, imperatorem appellabant: propterea superiores litterae inscribuntur *Lentulo praefecti*, victoria nondum certa; hae vero, *imperator*, cum plane cognita res esset.

Gravissimum] Quod tamen sua gravitate tuorum in me meritorum pondera non aequat.

Sanctissimum] Proprie enim de diis usurpatur, inde transfertur in patriam, in parentes, in optime meritos. epist. 1.

Abundantia quadam amoris, ut etiam grata sint ea] Vera laus liberalitatis in eo sita est, cum ita beneficium danus, ut ab eo, qui accipit, non modo fructum, aut mercedem ullam non exigamus, sed ne expectemus quidem. hae laude Cicero ornat Lentulum: sed adiungit alteram, humanitatis videlicet, cum studia sua non modo ab eo non expectari significat, sed grata etiam esse, neque grata ob eam causam, quod utilitatem, vel honorem pariant, sed propter quandam amoris abundantiam, significat.

Sine nefario scelere] Peccat, qui gratiae referendae occasionem praetermittit: sed nec, quicumque pec-

cat, scelcratus est; nec omnia scelera nefaria sunt. Ostendit igitur Cicero magnitudinem eius beneficii, quod a Lentulo acceperit, cum ait: ea studia ita a se deberi, ut praetermitti sine nefario scelere non possint.

Notior atque illustrior] Geminatio verborum idem significantium, (*πλεονεξμεν* rhetores appellant,) modo virtus est, ubi sententiam augeat, vel ornat; modo vitium, ubi neutrum: quo de utroque genere lib. 8. c. 3. et lib. 9. c. 3. disputat Quintilianus. hic non est otiosum, *illustrior*: addit enim ad sententiam: quia nota multa sunt, nec tamen illustria. ornat autem, quia translata verba quiddam habent magnificentius, quam propria, et orationem, ut ait Cicero in oratore, quasi stellae quaedam illustrent.

Hoc tempore omni] Triennium, nam ante biennium Lentulus, consulatu functus, iuerat in Ciliciam, mansitque ad Calpurnium, et Messallam consulens: quo anno successit ei App. Claudius.

Ostendis] Verbis significas. sic epist. 1. *Ceteris in rebus se acerrimum sui defensorem fore ostendit.*

Potes] Ostendis, inquit, futurum, ut opiniones nostrae consentiant in capeienda republica, idque

que potes, quia me tuarum actionum, sententiarum, voluntatum socium, comitemque habebis. Hoc in extrema fere epistola.

Veementer expecto] Propter mutuam beneuolentiam, et opinionum similitudinem.

In sententiis senatoriis] Omis-
sa populi mentione, senatum nomi-
nat: cuius causam optimates tue-
bantur; cum leues, et improbi ci-
ues populi gratiam sectarentur.

Actione atque administratione reipublicae] Latius patebat, *actione*: contraxit igitur, et a toto actionum genere transit ad eam partem, in qua Lentulo notior, et illustrior eius animus esse potuisset. id autem erat, reipublicae administra-
tio: cum qua sequens verbum *floruissimus*, apte congruit.

Floruissimus] Coniunctis enim duorum consularium sententiis, utrique dignitas comparatur.

Ostendam equidem] Vt intelli-
gas, me non aliter, ac debeam, sen-
tire. verumtamen, si tu affuisses, ni-
hil sine consilio tuo fecissem, te
auctore prorsus in omnibus rebus
usus essem.

Auctore] Secutus essem volun-
tatem tuam in reconcilianda cum
Caesare, Appio, Vatino gratia.

Amicissimo et sapientissimo] Cur
ei non obtemperem, atque obse-
quar, qui et omnia mea causa vult,
et ita excellit sapientia, ut errare
non possit? hoc enim simul utrum-
que requiritur in eo, qui consi-
lium dat.

Fideli quidem et benenolo] Fi-
des, et amor a consiliario po-
stulantur. non enim praestare fi-
dem, quod probitatis est, videtur
satis: sed agere etiam oportet ea
diligenter, quae ad rem pertinere

ducimus; quod amoris est. ita, cum
beneuolentiam, et sapientiam Len-
tulo tribuerit, ei se comparat in
beneuolentia: quod amabile potius,
quam odiosum est: sapientiam ve-
ro nec eandem sibi arrogat, nec ta-
men omnino detrahit, cum ait, *for-
tasse non imperitissimo*.

Tua quidem causa] Nam mea
te adesse maluissem. Expressit
egregie lib. 2. epist. 1. eandem sen-
tentiam his verbis: *Ego te absui-
se tam diu a nobis, et dolui, quod
carui fructu incundissimae consue-
tudinis, et laetor, quod absens
omnia cum maxima dignitate et con-
secutus*.

Imperatorem] Appellatum ab
exercitu. lib. 2. epist. 10.

Bene gestis rebus] Materiam tri-
umphandi rectores prouinciarum
ex finitimarum gentium bellis quae-
rebant. Triumphauit Lentulus ex
Cilicia, non statim ad urbem reuer-
sus, sed post aliquot menses: id
quod ex eo loco lib. 5. ad Attic.
epist. 21. licet intelligere: *Accepe-
ram satis celeriter Iconii per pu-
blicanorum tabellarios a Lentuli
triumpho datas*.

Vberiores et praesentiores ERN.
praestantiores] Apte post copiam
subiungitur magnitudo: idque Ci-
cero saepe facit. cum igitur ad sen-
tentiam et Ciceronis consuetudi-
nem accedat veterum aliquot libro-
rum auctoritas; verbum, *praestan-
tiores*; in *praesentiores*, quod alii
maluerunt, commutare visum non
est.

Vlciscendis] Dicimus, *ultus est
iniuriam*, ut hic, et *ultus est sese*,
ut paullo post, sensu eodem. signi-
ficat autem eos, qui se in redu-
ctione

Etione Ptolemaei regis aduersarios Lentulo prae buerant.

Inimicos esse] Populares ciues hic significat; optimates autem, cum subiungit, *inuidere*: quod vtrumque genus saepe notat in his epistolis.

Propugnationem] In consulatu.

Aktionis] Cum me consul virtute, et constantia in patriam ab exilio reduxisti.

Perennis inimicus] Cum sequatur, *in te potissimum*, C. Catonem hunc esse, possit aliquis iure suspicari, qui biennio ante tribunus plebis rogationem tulerat, vt imperium Ciliciae Lentulo abrogaretur. epist. 5.

Fractam] A consequentibus nominantur multa: vt hic, *fractam vim*, Cicero appellat, quia Lentulo non nocuit. exitus enim, quam infirma vis eius esset, ostendit.

Debitatam] Translatis illustratur oratio. haec autem duò, *frangi*, et *debilitari*, saepe Cicero coniungit, vt lib. 5. epist. 13. *Circumspice omnia membra reipublicae, quae notissima sunt tibi. nulum reperies profecto, quod non fractum, debilitatumue sit.* et lib. 1. ad Q. Fr. epist. 1. *Animos nostros frangi, et debilitari molestia non oportet.* Et pro Flacco c. 26. *Quae urbis auctoritate tanta est, vt iam fractum prope ac debilitatum Graeciae nomen, huius urbis laude nitatur.*

Nostram vicem] Quod ad nos perfinuit, quod ipsi facere debuimus. sic, *doleo tuam vicem*, veteres dicebant, pro, quod ad te pertinet: et Plautus in Captiu. Act. 3. Sc. 3. v. 10.

— *Neque de hac re negotium est, quin male*

Occidam, appetamque pestem, heri vicem meamque.

Vltus est ipse sese] Se ipse puniuit, poenas ipse sibi eas intulit, quas inferre nos debuimus.

Ne libertatis quidem] Vt ei ne liberum quidem sit in publico versari; vel quod scelus aliquod insigne committere voluerit: vel quod reuocatus in iudicium sit; cum defendente Scauro, hoc ipso anno, vt Pedianus docet, Quintili mense absolutus esset. certe cum propter alia flagitia, tum eo nomine inuisum esse optimatibus oportuit, quod tribunus plebis intercesserat, ne consules Marcellinus, et Philippus comitia consularia habere possent. ex quo senatus, ad moerorem indicandum, vestem mutauit. epitome Liuiana lib. 105. quo magis haec suspicor ad eum attinere: nam de P. Clodio quidem, Ciceronis, et Lentuli inimico, vix crediderim. non enim hoc in eum conuenit, *nullam sibi libertatis partem reliquit.* id enim quale esset, vel ipsius scripta Ciceronis, ad obliuiscendum parati, vel monumenta annalium ostenderent. Porro tantum adest, vt omnes libertatis partes Clodius amiserit, vt etiam pristinam dignitatem retinuerit; quippe qui de petenda suo anno praetura, id est, biennio post aedilitatem ab eo gestam, cogitauerat. quod Cicero in orat. pro Milone c. 12. testatum reliquit.

In meis rebus expertum] Quod dixit epist. 5. *Te videre, et sentire eandem fidem esse, hominum in tua dignitate, quam ego in mea salute sum expertus; ex tuis literis intellexi.*

In molestia gaudeo] Figura quaedam ex mistione contrariorum orationi venustatem concilians: quae nisi pluribus ostendatur exemplis,

fortasse non facile dabitur imitandi facultas. Nobis autem, hunc interpretandi laborem suscipientibus, id maxime propositum fuit, ut adolescentes, pro viribus ingenii nostri, commodiore quadam quasi via ad aliquam eloquentiae laudem perduceremus. Duplex igitur haece figura est. aut enim cum significatione doloris, et molestiae, coniungitur gaudium, et consolatio: aut contra, gaudii consolationisque significationem dolor, et molestia sequitur. Primum genus hoc exemplo declaratur, *in molestia gaudeo*. Et lib. 2. ad Q. Fr. epist. 15. *Se effecturum, ut ego in medio dolore, ac desiderio tui, te, cum a me abesses, potissimum secum esse laetarer*. Nec dissimile illud epist. 6. *Me in summo dolore, quem in tuis rebus capio, maxime scilicet consolatur spes, quod valde suspicor, fore, ut infringatur hominum improbitas*. Aut illud lib. 1. ad Attic. epist. 17. *In ista incommoditate alienati illius animi, et offensi, illud inest tamen commodi*. Aut lib. 11. epist. 26. *In maximo meo dolore hoc solatio vtor*. Alterum genus agnoscitur lib. 15. epist. 21. *Sed tamen in ea voluptate, hunc accepi dolorem*. lib. 16. epist. 8. *In magna consolatione ingens inest sollicitudo*. lib. 2. ad Q. Fr. epist. 10. *Nunc mihi incunditatis plena epistola hoc adpersit molestiae*. Pertinere videtur ad hoc genus et illud lib. 2. epist. 16. *Hoc adpersi, ut scires, me tamen in stomacho solere ridere*.

Non ita magna mercede] Quod explanauit epist. 6. *Minore in re violatur tua dignitas, quam mea salus possit esse*. et epist. 7. *Mulum interest, utrum laus imminuatur, an salus deferatur*.

Maximo dolore] Afflicta salute, cum ciecus patria sum.

De qua ratione] Ut intelligas, quam incerta sit hominum fides. quae me causa de veteri illa mea, diuturnaue sententia prope iam depulit, et cum inimicis in gratiam reduxit. Hoc Cicero significat, ut consilii sui mutationem, cuius causam Lentulus quaesierat, exeuset.

Cum Caesare, et cum Appio] Quos antea inimicos diuersis nominibus habuerat, Appium, P. Clodii, fratris sui, gratia; Caesarem, quod in quodam iudicio, de statu temporum paullo liberius locutus, eius animum offenderat. de quo Suetonius in Iulio c. 20. haec: *Cicerone in iudicio quodam deplorante temporum statum, P. Clodium, inimicum eius, frustra iam pridem a patribus ad plebem transire nitentem, eodem die, horaque nona transduxit*. Idem ipse confirmat in orat. pro domo c. 16. *Horas fortasse sexta diei questus sum in iudicio, cum C. Antonium colligant meum defenderem, quaedam de re publica, quae mihi visa sunt ad illius miseri causam pertinere*. Haec homines improbi ad quosdam viros fortes longe aliter, atque a me dicta erant, detulerunt. Hora nona, illo ipso die, tu es adoptatus. Et in orat. de provinciis c. 17. *Transduxit ad plebem inimicum meum: siue iratus mihi, quod me secum ne beneficiis quidem videbat posse coniungi: siue exoratus*. Idem Plutarchus, Dio, alii.

Esse in gratia] Audierat Lentulus, Ciceronem de commodis, et ornamentis Caesaris maxime omnium in senatu laborasse. detraxerat enim ei sua sententia supplicationes.

tiones quindecim dierum, quod ante contigerat nemini; stipendium, et decem legatos: praeterea, cum de successione Galliarum ageretur, luculentam habuerat de conservanda Caesari utraque Gallia orationem, quae nunc exstat, inscripta, *de provinciis consularibus*.

Teque id non reprobare] Offensus Lentulus iisdem, quibus Cicero, vitiis optimatum, invidia scilicet, atque obrectatione, novam Ciceronis cum inimicis coniunctionem, maximeque cum Caesare, populi gratia florentissimo, non improbat. Scripserat enim ad eum Cicero cum alia de amicorum perfidia, tum illud epist. 7. *In te, bone omnium nobilissimo, similia invidorum vitia perpexi*.

Vatinium] Quem maxime odebat, et reipublicae causa, et sua: quod primum tribunus plebis contra senatus voluntatem multa commiserat; deinde testimonium dixerat in P. Sextium, cuius in primis opera Cicero in patriam redierat. Exstat in Vatinium oratio.

Defenderim] Defendit rogatu Caesaris: ut infra. ipse etiam Vatinium lib. 5. epist. 9. defensum se a Cicerone, eiusque patrocinio periculum evasisse significat. Valerius Max. lib. 4. c. 2. *Cicero P. Vatinium, dignitati suae semper infestum, duobus publicis iudiciis totatus est*.

Laudarim] Defendebant reos patroni, laudabant viri nobiles, ut eorum auctoritas ac testimonium quasi commendaret eos iudicibus. paulo post: *Sedente Cn. Pompeio, cum ut laudaret P. Sextium, introisset in urbem*. Et M. Scaurum, quem Cicero defendit, laudatum a novem consularibus, in Asconio legimus.

Ego me] Haec tota narratio ad evitandam leuitatis, et inconstantiae culpam pertinet. ostendit enim Cicero, se in patriam rediisse ita animatum, ut et cum quibus, et contra quos antea, cum iisdem, et contra eosdem in capessenda republica sentiret: sed cum sibi animum, eamque sententiam invidia, et obrectatione quorundam sibi esse ereptam. probat hoc exemplis, quod in Sextii iudicio, sedente Cn. Pompeio, non reputans quid ille, aut quid Caesar vellet, contra utrumque suam pristinam dicendi libertatem retinuerit, maxime vero, quod de agro Campano diuidendo sententiam dixerit eam, quae Caesarem, et Pompeium, eius generum, optime de se meritos offendit.

Initio rerum, atque actionum tuarum] Non quo primum tempore Lentulus de eo restituendo coepit agere, sed cum primum restitutus est; ut e sequentibus apparet. dicit enim, *initio actionum tuarum*, pro, initio reditus mei; qui actio tua fuit.

Reipublicae] Ut in ea tuenda pristinam consuetudinem seruarem.

Quendam] Hoc verbo amoris magnitudo tanta declaratur, quantam verbis exprimere non licet. sic enim loquimur, ubi conceptam animo sententiam enunciare, atque ostendere pro voluntate non possumus. lib. 2. epist. 4. *Incredibilis quaedam expectatio*. in hac, infra: *Commemoranda quaedam, et diuina Caesaris in me, fratremque meum liberalitas*.

Inte ipsum] Non solum in rempublicam.

Summa ac singularia] Possunt enim esse summa, nec tamen singularia. Sunt enim *summa*, quibus

bus nulla maiora; *singularia*, quae omnium maxima.

Studia] *Amorem*, et *studia* nominat, quia nec amorem semper studia comitantur, praesertim summa, et singularia, nec semper studiis amor, praesertim incredibilis, adiunctus est.

Deberem] Et hic augetur sententia. dixi, *amorem* interdum sine studiis esse, *studia* sine amore: iure igitur vtrumque Cicero coniunxit. nunc addo, eum, qui et amet incredibiliter, et ei, quem amat, summe faueat, interdum hoc facere sua sponte, non beneficio adductum: quo minor eum, si ab illa voluntate discedat, sequitur infamia. maior igitur ab eo exspectanda constantia, qui amat eum, cui plurimum debet; cum intelligat, sibi non inconstantiae modo famam, sed ingrati quoque animi crimen pertimescendum.

Multum adiunxisset] Cum enim omnes magistratus vna cum Lentulo de salute Ciceronis promulgarint, in eoque omnes ordines, hominesque contenderint, ideo restitutus ab ipsa republica Cicero videtur.

Communis officio civium] Erga patriam, cui nascimur, ut dixit Plato.

Debitum praestitissent] Proprie coniungitur verbum, *praesto*, cum iis rebus, quibus agendis aut fidei satisfacimus, ut cum aliquis promittitur, aut officio, ut cum patriae, amicis, bonis viris opitulamur.

Hac me mente fuisse] Idem erat, si copiam quaerimus, *hoc animo, hoc sensu, hac sententia*; idem etiam, ut varietur loquendi genus,

hanc mihi mentem fuisse. vnde illud Sallustianum bell. Cat. c. §2. *Longe mihi alia mens est*.

Te consule] Per quattuor menses, eoque amplius: rediit enim in patriam Cicero Sextili mense: quod ostendit lib. 4. ad Attic. epist. 1.

Audiuit] Cum sententiam dicerem. non enim reputas, quid Pompeius vellet, aut socer eius Caesar, in omnibus meis sententiis de republica pristinis permanebam.

Collocationibus] *Collocutio* inter duos est; *sermo*, et inter duos esse, et patere latius potest, et *collocutio* sermonem ab arbitris remorum, priuatim, et paullo secretiore loco habitum, videtur indicare; *sermo* autem, licet inter duos habeatur, celebri tamen esse loco potest. itaque maior quaedam in collocutione, quam in sermone, res videtur agi: secreto enim colloquentes, intimum animi sensum liberius, quam in publico, patefaciunt.

Illis] Ante triennium, consules enim fuerant post reditum Ciceronis Marcellinus, et Philippus; Pompeius, et Crassus; Appius, et Domitius, quorum paene peractum esse consulatum, significat in extrema epistola mentio Appii, Lentulo succedere cupientis.

Reliqua nostra dignitate] Pertinebat enim ad eius dignitatem, si et domum suam recuperaret; et post reditum suum domo pulsus a Clodio, ultorem eius iniuriae senatum haberet: et in damnis rei domesticae sarcindis paullo liberationem optimatum voluntatem expeiretur.

Nonnullorum] Eorum, qui de reditu eius laborauerant: quos ita offen-

offendit Ciceronis cum Pompeio, et Caesare multis rebus declarata reconciliatio, ut alii pristinum studium magna ex parte deposuerint, alii odium etiam aduersus Ciceronem susceperint. cum enim grauissimum, et acerrimum eius inimicum, P. Clodium amplexarentur, in manibus haberent, fouerent, ipso praesente oscularentur; argumento id quidem erat, Ciceronem eis esse odio; licet palam non profiterentur. Nec dubium est, Catonem, et Bibulum in primis significari, qui non modo Caesarem, sed Pompeium etiam, Caesaris causa, vehementer oderant.

De monumentis meis] De domo. quae cum Ciceroni sit restituta, quod multis locis constat; possit aliquis quaerere, cur Lentulum dicat adiutum in ea non esse. tollitur dubitatio, si restitutam quidem Ciceroni domum intelligamus, partem tamen quandam, in qua suum nomen Clodius inscripserat, non esse restitutam: quam opinionem adiuvant illa, quae sequuntur aliquanto post: *Iidemque postea, non metum monumentum, (non enim illae manubiae meae, sed operis locatio mea fuerat,) monumentum vero senatus, hostili nomine, et cruentis iniustum litteris esse passi sunt.*

Cum fratre ex domo expulsus] Expulsi erant fabri de area, in qua domum Ciceronis aedificabant. qua tota de re sic lib. 4. ad Attic. epist. 3. *Armatis hominibus ante diem III. Non. Nouemb. expulsi sunt fabri de area nostra, disturbata porticus Catuli, quae ex senatus consulto consulum locatione reficiebatur, et ad templum paene peruenerat. Quinti fratris domus primo fracta coniectu lapidum ex area nostra, deinde*

inflammata iussu Clodii, inspectante urbe, coniectis ignibus, magna querela, et gemitu, non dicam bonorum, qui, nescio, an nulli sint, sed plane hominum omnium.

Ex auctoritate senatus] E senatus consulto, factum enim erat senatus consultum, placere domum Ciceroni restitui, porticum Catuli locari. de quo lib. 4. ad Attic. epist. 2. *Auctoritatem autem senatus pro senatus consulto interdum usurpari, diximus in epist. 2.*

Sarciendis] Quod enim Clodius euerterat, id cum senatus publico sumptu aedificandum censuisset, aestimarunt consules de consilii sententia, quanti fuisset aedium superficies: neque hoc solum, sed quanti etiam fuissent villae, Tusculana, et Formiana, euerstae ab eodem Clodio. quam Cicero aestimationem in domo non improbat, in villis accusat lib. 4. ad Attic. epist. 2. *Pastridie, inquit, senatus consultum factum est id, quod ad templa, deinde consules porticum Catuli restituendam locarunt: illam porticum redemptores statim sunt demoliti, libentissimis omnibus. nobis superficiem aedium consules de consilii sententia aestimarunt. H. S. vicies; cetera valde illiberaliter: Tusculanam villam quingentis millibus; Formianum H. S. ducentis quinquaginta millibus. quae aestimatione non modo vehementer ab optimo quoque, sed etiam a plebe reprehenditur.*

Quae cum viderem; neque enim erant obscura] Similiter locutus in orat. pro Sextio c. 19. *Haec ego cum viderem (neque enim erant occulta.) Et in Agraria 2. c. 4. Quae cum ego non solum suspicarer, sed plane cernebam: (neque enim obscure*

gerebantur.) Imitatus est fortasse Demosthenem, qui sic in oratione *περὶ τῆς ῥεσάνου ταύτης ἑρῶν*, (*ὡς γὰρ ἦν κερῶν.*)

Quam erant illa grata] Inuitum se de pristina sententia depulsum esse, et, omiſſa optimatum cauſſa, ſuam voluntatem, ad popularium ciuium, optime de ſe meritorum, dignitatem aggregaſſe, probat hoc argumento, quod licet in quibusdam non eam, quam exſpectarat, voluntatem agnouerit, illico tamen de vetere ſuorum inſtitutorum curſu ad noua conſilia non deflexerit. eſt enim boni viri, de republica vehementius, quam de ſuis rebus, ac de ſe ipſo, laborare.

Quae fecerant] Pro ſalute mea. decet enim, maiorem haberi rationem beneficii, quam iniuriae.

Teſte] Qui ſtudium illius in mea ſalute videras.

Sed amore etiam] Non amamus pariter, quibus debemus, et quos, etiam ſi nullum ab iis beneficium acceperimus, amandos tamen eſſe iudicamus. Amabam, inquit, Pompeium, ante quam ei obligatus eſſem, iudicio meo, quod habui ſemper de illius virtute, permotus.

Quid ille vellet] Volebat idem, quod Caefar, vel affinitatis cauſſa, quod eius filiam in matrimonio habebat; vel quorundam optimatum impuſſus iniuriis, de quo ſie epiſt. 8. *Dignitas illa conſularis amiſſa eſt, culpa eorum, qui a ſenatu et ordinem conuulſiſſimum, et hominem clariſſimum ab aliena verunt.*

Priſtinis] Quod ante exſulii mei calamitatem ſenſeram, reuerſus in patriam idem ſenſi.

Ego] Tria ponit exempla, quibus probet libertatem ſuam in dicenda ſententia.

Sedente Cn. Pompeio] In iudicio, cum deſenderet Sextium Cicero, de vi accuſatum ab Albinouano. exſtat oratio.

Sextium] *Sextii* plebei, *Seſtii* patricii. Lapidēs Capitolini, et nummi veteres.

Introiſſet in urbem] Quod vt ei ſaluis legibusliceret, a ſenatu impetrauerat. alioqui, cum eſſet cum imperio frumentariae curationis cauſſa, urbem introire non poterat.

Teſtis Vatinius] Teſtis in Sextium; de quo in oratione, quam in eum Cicero habuit.

Amicum eſſe coepiſſe] Marcellino enim, et Philippo coſſ. quo anno Sextius de vi cauſſam dixit, decreuit Cicero ſua ſententia Caefari ſupplicationes quindecim dierum, ſtipendium, decem legatos; vt in orat. de prouinciis c. II.

Bibuli] Quem Vatinius tribunus plebis, et Caefar conſul exire domo prohibuerant, ne Caefaris aſſa impediret. Cicero, Suetonius, Plutarchus, Appianus, Dio.

Omnium triumphis, victoriisque anteferre] Triumphis Pompeii, victoriis Caefaris.

Eodem teſte] Pompeio.

Eodem eſſe] His verbis nec ipſi Pompeio pepercit. is enim pro Caefare conſule contra Bibulum, eius collegam, omni non ſolum ſtudio, ſed etiam contentione dimicauit. Plutarchus, et alii.

Interrogatio] Oratio in Vatiniū interrogatio eſt. lib. 2. ad Q. Fr. epiſt. 4. *Vatiniū, a quo palam (Sextius) oppugnabatur, arbitratu noſtro concidimus.* Videtur

tur Vatinius respondisse Ciceroni, nam eius oratio, in qua *scurram consularem* Ciceronem vocauit, nominatur a Macrobio lib. 2. Saturn. c. 1.

Illius tribunatus] Quem gessit Caesare consule.

De vi] Qua Bibulum obnunciantem foro expulit, atque etiam in vincula ducere conatus est. Cicero, Suetonius, Plutarchus, alii.

De auspiciis] Quibus neglectis, leges pro Caesare Vatinius tulit. plena omnis historia.

De donatione regnorum] Puto id significari, quod in orat. in Vatinius c. 12. ita scriptum est: *Volo uti mihi respondens, fecerisne foedera tribunus plebis cum ciuitatibus, cum regibus, cum tetrarchis?*

Hac in causis] P. Sextii.

In senatu] Cum sententiam diceret.

Maecellino et Philippo consulibus] Suspicio hoc abundare. cur enim annus nominibus consulum notetur: cum et haec proxima superiora eodem anno dicta sint?

Nonis April.] De quo sic lib. 2. ad Q. Fr. epist. 5. *Nonis Apr. senatus consulto Pompeio pecunia decreta in rem frumentariam ad H-S CCCC. Sed eodem die vehementer actum de agro Campano, clamore senatus prope concionali.*

De agro Campano referretur] Hoc Caesari ac Pompeio vehementer displicuisse, ex iis, quae Cicero subiungit, licet intelligere. si causa quaeritur, haec est. legem tulerat Caesar in consulatu de agro Campano diuidendo, diuisitque extra fortem viginti millibus ciuium, quibus terni, pluresue liberi essent,

quod ex Tranquillo cognoscitur. Quid igitur de agro Campano, si quidem diuisus iam erat, retinere ad senatum opus erat? dicam quod sentio. Duae partes erant agri Campani, una publica, de qua Suetonius in Iulio c. 20. *Agrum, inquit, Campanum, ad subsidia reipublicae vestigiale relictum, Caesar diuisit extra fortem viginti millibus ciuium, quibus terni, pluresue liberi essent.* Altera, quae possidebatur a priuatis, quam emi pecunia publica, et plebi item diuidi Caesar voluerat. atque hanc agri Campani partem cum in orat. 2. in Kullum c. 25. Cicero significat, ubi de priuatis agris, in publicum Campanum incurrentibus, loquitur: tum vero planissime in orat. pro domo c. 9. his verbis: *Quis illam opimam, fertilemque Syriam, quis bellum pacatissimis gentibus, quis pecuniam ad emendos agros constitutam, ereptam vi ex Caesaris rebus actis, quis imperium infinitum dedit?* Inuehitur in Clodium, qui pecuniam illam, qua emi a priuatis agri Campani partem lex Iulia iubebat, ex aerario sumptam Gabinius dederat. Nec vero Gabinius tantum, sed eius etiam collegae Pisoni partem eius pecuniae Clodius largitus erat, qua de re sic in orat. in Pisonem c. 12. *Cauerat sibi ille sororius adulter, ut, si tibi prouinciam, si exercitum, si pecuniam ereptam ex reipublicae visceribus dedisset, omnium suorum scelerum socium te, adiutoremque praeheres.* Vocat ereptam ex reipublicae visceribus pecuniam, quam in orat. pro domo c. 9. ereptam vi ex Caesaris rebus actis. Eodem spectat illud lib. 2. ad Q. Fr. epist. 5. *Acriorem causam iuopia pecuniae*

pecuniae faciebat. Et lib. 2. ad Attic. epist. 17. *Quid ager Campanus, quid effusio pecuniae significant?* Erogandam enim fuisse pecuniam in agri Campani emptionem, utrobique ostendit. Haec igitur pars agri Campani, cuius diuisio publicam pecuniam requirebat, Caesare consule, qui legem tulit, diuisa non est: nec diuisam puto ante ciuile bellum. Scribit enim haec Coelius Ciceroni, belli ciuilis initio, lib. 8. epist. 10. *Illud addo ad actiones C. Curionis, de agro Campano: de quo negant Caesarem laborare, sed Pompeium valde nolle, ne vacuus aduenienti Caesari pateat.* Suspitor autem diuisionem illam ante Caesaris necem non esse factam. sunt enim haec in epistola D. Brutii, scripta Caesare mortuo, lib. 11. epist. 20. *Quatuor legionibus iis, quibus agros dandos censuistis, video facultatem fore ex agris Sullanis et agro Campano.* Sed quaeritur, cur eo usque producta diuisio sit. Quia, cum Caesar leges, Bibulo de caelo seruante, contra auspicia tulisset, eius acta non libenter senatus comprobabat. nihil enim, cum de caelo seruaretur, agi cum populo poterat. abundamus exemplis, vel ex ipso Cicerone, vel ex veterum annalibus. Dixerat igitur hanc sententiam Cicero, ut idibus Maii de agro Campano, frequenti senatu, referretur. qua sententia Pompeio, et iis, qui Caesari studebant, iniectus timor est, ne de infirmendis omnibus eius actis in senatu ageretur: quandoquidem saluis auspiciis nihil egerat, Bibulo de caelo seruante. Nec vero primus Cicero post Caesarem consulem agendam agri Campani causam censuit: nam P. Lentulo, et

Q. Metello cons. in extremo anno, Lupus tribunus plebis de agro Campano retulerat; ut patet ex lib. 2. ad Q. Fr. epist. 1. Eius autem agri diuisionem duabus de causis improbabant boni viri; primum quia legem illam Caesar contra auspicia tulisset; deinde, quia pecunia publica, cuius inopia magna erat, emi agrum Campanum ex illa lege oportebat.

Frequenti senatu] Ut senatus consultum fieri posset contra Caesaris legem de agro Campano diuidendo. certus enim erat senatorum numerus; qui si non adesset, senatus consultum fieri leges vetabant. Vnde illud M. Fuluii contra M. Aemilium, lib. 39. c. 4. apud Liuium: *Qui per infrequentiam furtim senatus consultum factum ad aerarium detulerit.* Festus: *Numera senatum, ait quiuis senator consuli, cum impedimento vult esse, quo minus faciat senatus consultum, postulatque, ut aut res, quae adferuntur, diuidantur, aut singuli consulantur; aut, si tot non sint senatores, quo numero liceat praescribi senatus consultum.* Legimus etiam apud Pedianum, C. Cornelium tribunum plebis legem tulisse, ne quis in senatu legibus solueretur, nisi ducenti affuissent. Quod si quis necessarium senatus consulto conficiendo senatorum numerum scire velit, Dionem consulat, cuius haec sunt verba lib. 54. *Augustus, cum videret, frequentes non semper conuenire senatores, decreuit, ut a paucioribus, quam quadringentis, senatus consulta fieri possent: cum antea nisi quadringenti affuissent, rata non essent.*

Idibus

Idibus Maiis] Quo tamen die relatum non esse, scribit ipse lib. 2. ad Q. Fr. epist. 8. *Quod, inquit, Idibus, et postridie fuerat dictum, de agro Campano actum iri, non est actum.* Ideo autem eo die, vt senatus decreuerat, de agro Campano non est actum, quis sententiam Cicero mutauit: quod indicant ea, quae sequuntur.

Num potui] Quis non videt, maiorem in sententia vim esse, si a particula, *num*, incipiat, periodum claudente interrogandi nota, quam si a, *non*, sine eadem nota? et haec vis hic maxime requiritur, vbi se Lentulo, tamquam bonum ciuem, nec exulii mutatum calamitate, iactans, actiones pro republica suas extollit. Eadem vis agnoscitur lib. 1. de Orat. c. 9. *Num quod eloquentiae vestigium apparet? pro, nullum prorsus eloquentiae vestigium apparet.* quod idem erat in sententia, sed, vt patet, languidius. Haec, in re satis nota, tamen dixi: quia nonnullos dubitare audio, vtrum rectius, *num*, an *non*.

Magis in arcem illius caussae inuadere] Magis aduersari Caesaris, ac Pompeii voluntati. translatione vsus est, ad indicandam animi sui fortitudinem accommodata. nemo enim, nisi fortis, et constans, in arcem inuadit.

Temporum meorum] Quae monere videbantur, ne quid contra potentium voluntatem agerem. quod cum antea fecissem, cum P. Clodio ad perniciem meam conspirarunt.

Actionum] Veterum actionum pro republica, cum quibus consentire videbatur sententia Ciceronis

de agro Campano dicta, nulla eorum ratione habita, quorum opo restitutus erat ab exsilio.

Quorum nunquam putaram] Pompeium significari, satis constat ex iis, quae sequuntur.

Cum mihi nihil ostendisset se esse offensum] Nec enim, quid sentiret, Pompeius ostendere solitus est. epist. 5. *Nosti hominis tarditatem, et taciturnitatem.* lib. 8. epist. 1. *Solet aliud sentire, et loqui.*

In Sardiniam, et in Africam] Vt frumentum ad urbem conuehendum curaret: quam potestatem ex senatus consulto et lege ei mandatum esse, iam diximus. lib. 4. ad Attic. epist. 1.

Lucam] Extremum opidum Galliae Cisalpiniae, quae Caesaris imperio cum Transalpina, et Illyrico regebatur. ad mare inferum Luca fuit, ad superum Rauenna. ad vtrumque igitur, saluis legibus, Caesarem venisse constat. quod si citra Lucam, et Rauennam aliquod opidum eius prouinciae fuisset: quis dubitat, quin eo venturus fuerit, vt cum Crasso et Pompeio maximis de rebus loqueretur? Haec qui ambigit, idem, vt meridie lucere neget, adducetur.

Veni] Antequam in Sardiniam proficisceretur. sic enim itineris ratio postulat; patet etiam in sequentibus.

Ab eoque] Cuius defensionem pro Gabinio Cicero ferre non potuerat. Infra: *cum me disputantem, non lacerantem lacerasset, exarsit.*

In Sardinia] Quaero, quid hoc tempore negotii gereret in Sardinia Q. Cicero. an propractor eam regebat? non videtur, neque con-

sentaneum est; cum Asiae iam triennium praefuisset. puto igitur cum iuisse in Sardiniam, ut frumentum curaret, missum a Pompeio legationis nomine. nam et Pompeius, annonae praefectus, quindecim legatos, frumentariae curationis causa, postulauerat a senatu; quod lib. 4. ad Attic. epist. 3. legimus; et eos confestim circa prouincias, conquirendi frumenti gratia, dimisit: quod Appianus lib. 2. de bell. ciu. scriptum reliquit. veri autem simile videtur, cum Pompeius in his legatis principem nominauerit M. Ciceronem, id ab eo muneris recusatum esse, et in Quintum fratrem esse translatum: qui nauigauit in Sardiniam Decembri mense: quod significat epist. 1. lib. 2. ad eum, in extremo. congruunt igitur tempora, dimissis hieme legatis a Pompeio ad regiones frumentarias, et Quinto Cicerone Decembri mense in Sardiniam profecto. Praeterea videtur omnino cum aliqua potestate Quintus in Sardinia fuisse: quod ut sentiam, facit illud lib. 2. ad eundem epist. 6. *quosdam venisse Olbia dicebant, qui te vnice laudarent, plurimique in prouincia fieri dicarent.* Et in eadem epistola verba sunt, quae Lucecium Quinto successisse demonstrant; quod ea potestas, non, ut aliae a senatu, vel a populo datae, certum tempus ac definitum haberet, sed Pompeii tum daretur, tum auferretur arbitrio. *Lucecium*, inquit, *videro volebam, quod in Sardiniam iter habebat. Hominem conueni, et ab eo petui, ut quam primum te nobis redderet.* statim, dixit: *tu, mi frater, simul ac ille veneris, primam nauigationem,*

dummodo idonea tempestas sit, ne omiseris.

Te, inquit, ipsum cupio] Lector admonendus, quod pertinet ad usum Latinae linguae, nec Ciceronem, nec Terentium, nec omnino quemquam reipublicae temporibus, inquit, usurpare, nisi praeposito aliquo verbo. quod non attigissem, nisi peccare in hoc saepe non obscuri nominis homines animaduitereni.

Dependendum tibi est] Promissa persoluenda. ductum ab aeris grauis dependendi, id est persolvendi, more prisco, antequam pecunia signaretur. Plinius lib. 33. c. 3.

Spopondisti] Receperat enim Pompeio Quintus Cicero, si Marcus frater in patriam ab exsilio reuocaretur, operam eum daturum, ut Caesaris acta a senatu confirmarentur, nec omnino quidquam, quod aut ipsi Pompeio, aut Caesari displiceret, esse facturum. docent hoc ea, quae sequuntur.

Quid multa] Cum reme conferre volumus in pauca, utimur hoc loquendi genere, *quid multa? quid plura? quid quaeris? quid multis opus est? quid pluribus opus est? quid verbis opus est?* et, sine interrogandi nota, *ne multa, ne multis, ne plura, ne pluribus, ne te multis morer, ne te multis teneam, ne sim longior;* et, quod est lib. 4. epist. 4. *noli quaerere:* quaeque praeterea in suas Elegantias collegit Aldus filius.

Questus est graniter] Quod in Caeciliis iniuria se quoque laedi putaret, vel propter affinitatem, vel communis potentiae causa.

Sua merita] In Marcum quidem Ciceronem praecipue, quem in

in patriam cum Lentulo consule reduxerat, sed fortasse etiam in ipsum Quintum; quem fuisse tum ipſius Pompeii legatum in Sardinia ſuſpicamur.

De actis Caesaris] Vt ea, quae conſul Caesar, aduerſante, ac de caelo ſervante collega Bibulo, egerat, Ciceronis reſtituti ſententia confirmarentur, quod cum Pompeio Quintus promiſſiſſet, non praestare fidem eius Marcus frater in ea ſententia de agro Campano viſus eſt. Eadem cauſa Caesarem adduxit, vt eiici a Clodio Ciceronem pateretur. de quo ſic in orat. pro Sextio c. 18. *illi aliquo tum timere perterriti, quod acta illa, atque omnes res auni ſuperioris labefactari a praetoribus, infirmari a ſenatu, atque principibus ciuitatis putabant, tribunum popularem a ſe alienare uolebant, ſuaeque ſibi propiora pericula eſſe, quam mea, loquebantur.* Et in eadem de provinc. c. 18. *Ecce illa tempeſtas, caligo bonorum, et ſubita atque improuiſa formido, tenebrae reipublicae, ruina atque incendium ciuitatis, terror iniectus Caſari de eius actis, metus caedis bonis omnibus.*

Voluntate Caesaris egisse] Hae de re ſic in orat. de provinc. c. 18. *Cues Pompeius idem mihi teſtis de voluntate Caesaris, et ſponſor eſt illi de mea.*

Non poſſem] Quod ſenſum confirmatum deponere difficillimum eſſet.

Vibullium] Q. Vibullium, praefectum fabrum Pompeii civili bello, eiusdemque copiarum ductorem. lib. 8. ad Attic. epiſt. 2. et epiſt. Pompeii ad Ciceronem eo-

dem libro 11. et epiſt. Caesaris lib. 9. ad Attic. 6. idemque lib. 1. de bell. ciu. c. 15.

Integrum] Ne quid agerem. Vbi enim coepta res agi, non amplius integra videtur, ſed tamquam imminuta, detracta ſcilicet ea parte, quae conſecta iam eſt. Coelius lib. 8. epiſt. 6. *De Dola-bella integrum tibi reſtiter, ſuaſdeo.*

Reſeruarem] Reſeruauit: vt lib. 2. ad Q. Fr. epiſt. 8. demonſtrat: et hic in ſequentibus non obſcure cognoscitur.

Collegi ipſe me] Vt accuratius de officio meo mecum ipſe conſiderarem, quaſi animum collegi. Hoc loquendi genus ipſe interpretatur in Tuſc. 4. c. 36. *Quid eſt, inquit, ſe ipſum colligere, niſi diſſipatas animi partes rurſum in ſuum locum cogere?* Sic lib. 3. epiſt. 10. *Eſti grauiter primo nuncio commotus ſum, quod nihil tam praeter opinionem meam accidere potuit: tamen, vt me collegi, cetera mihi facillima videbantur.* Lib. 5. epiſt. 18. *Rogo, atque oro, te colligas, virumque praebear, et, qua conditione omnes homines, et, quibus temporibus nati ſimus, cogites.* Et lib. 12. ad Attic. epiſt. 35. *Eſti minus urgeor, meque ipſe propemodum collegi: tamen indigeo tui conſilii.* Ad eundem lib. 15. epiſt. 21. *Quum me collegi, verens, ne quid mihi ille iratus tibi noceret.* Ad M. Brutum epiſt. 9. *Iudicium tuum magni aeſtimans, idque veritus, me ipſe collegi.*

Cum ipſa quaſi republica collocutus ſum] Quaſi ſum collocutus cum ipſa republica. non enim reuera colloquimur cum republica, ſed ipſa cogitatio colloquii ſimilitudinem habet.

Perſun-

Perfuncto] Sic epist. 8. *Laboribus maximis perfuncti essemus.* Nec abhorret ab vſu Latini sermonis, ſi, *perfuncto*, referas ad, *multa*; cum Terentius quoque in Phorm. Act. 2. Sc. 1. v. 51. dixerit:

— *Functus adoleſcentuli eſt Officium liberalis.*

Quem bonum ciuem ſemper habuiſſet, bonum virum eſſe pateretur] In optima republica nihil inter bonum ciuem, et bonum virum intereſſe, docet Ariſtoteles pluribus verbis lib. 3. Polit. nam in republica optime inſtituta nihil eſt vtile, quod non honeſtum. itaque bonus ciuis ab officio boni viri diſcedere non cogitur. Hic autem Cicero bonum ciuem a bono viro diſtinguit, quia patriae ſimul et amicitiae ſatiſfacere non poſſit. verum, duobus propoſitis honeſtis, minori maius praeferendum eſſe quis dubitet? maior igitur patriae, quam amicitiae, habenda ratio eſt, quod ipſe lib. 3. de Offic. c. 10. declarat. *Quae videntur*, inquit, *utilia, honores, diuitiae, voluptates, cetera generis eiſdem, haec amicitiae numquam anteponenda ſunt. At neque contra rempublicam, neque contra iniurandum, ac fidem, amici cauſa, vir bonus faciet.* Quamquam, cum dicat, *bonum virum eſſe pateretur*, quaſi gratiae loco poſtulat ab ipſa republica, quod ab eius rationibus alienum eſſe, id eſt, quod officio boni ciuis aduerſari, non ignorat. Eandem ſententiam in orat. pro Plancio c. 38. poſuit hiſ verbis: *Res vero ipſa publica, ſi loqui poſſet, ageret mecum, ut, quoniam ſibi ſeruifſem ſemper, numquam mihi: fructus autem ex ſeſe non, ut oportuiſſet, tae-*

tos, et uberes, ſed magna acerbitate permixtos, tuliſſem: ut iam mihi ſeruirem, conſulerem meis.

In illis autem meis actionibus] Haecenus oſtendit, ſe et Pompeii cauſa, cui deberet plurimum, et fratris ſui fide, quam Pompeio de ſe dederat, adductum eſſe, ne quid amplius contra Caesaris voluntatem moliretur: nunc alteram cauſam aſſert, cur a ſua ſententia diſceſſerit, malevolentiam, et obtreſtationem quorundam optimatum.

Videbantur] Quia, quod ad Caesarem attineret, ſimul ad Pompeium, Caesaris generum, attinere videretur.

Certorum hominum] Catonem in primis, Bibulum, L. Domitium, Caesaris inimicos, deſcribit: de quibus infra: *Quidam homines, et iidem illi, quos ſaepe nœu, ſignificationeque appello, cum ſe maximum fructum cepiſſe dicerent ex libertate mea, meque tum denique ſibi eſſe viſum reipublicae, qualis fuiſſem, reſtitutum, cumque ea contentio mihi magnum etiam foris fructum tuliſſet: gaudere ſe dicebant, mihi et illum inimicum, et eos, qui in eadem cauſa eſſent, numquam amicos futuros.* Eoſdem in orat. de prouinciis c. 19. deſignat: *A viris fortiſſimis, et de me optime meritis quibusdam peto, ut, ſi ego illos meorum laborum, et incommoderum participes eſſe nolui, ne illi me ſuarum inimicitiarum ſocium velint eſſe.*

Non ſatiſfacere Pompeio] Quia meas actiones, ac ſententias ad illius voluntatem, de foceri potentia laborantis, parum accommodarem. Dicit idem lib. 4. ad Attic. epist. 5. *Quibus ſententiis dixi, quod et ipſi*

ipsi probarent, laetati sunt tamen, me contra Pompeii voluntatem dixisse.

Erat hoc mihi dolendum] Movebar fratris mei fide, Pompeii voluntate, certorum hominum malevolentia: sed ea me res ad consilii mutationem grauissime impulit, quod iidem illi, quibus actiones meae pro republica probabantur, inimicum non modo meum, sed legum, iudiciorum, otii, patriae, bonorum omnium, me praesente, oscularentur, mihi ut stomachum facerent, de patria, deque ipsis optime merito.

Inimicum meum] P. Clodium: quem oderant antea, post, cum ille Caesaris acta coepit oppugnare, diligere coeperunt. de quibus in orat. de prouinciis c. 20. *Leuissime, inquit, feram, si forte aut iis minus proba'o, qui meum inimicum, repugnante vestra auctoritate, texerunt, aut iis, si qui meum cum inimico suo reditus in gratiam vituperabunt, cum ipsi, et cum meo, et cum suo inimico in gratiam non dubitarint redire.*

Meum autem] Idem erat, vel potius: sed vsus est eo correctionis genere, quod indignationem prae se fert.

Sic amplexabantur, sic in manibus habebant, sic fouebant, sic, me praesente, osculabantur] Augent singula, et familiaritatem, ac benevolentiam quoque declarant.

Stomachum facerent] Iram commouerent: locus pro locato. Stomachus enim irae sedes est.

Funditus perdidit] Plane mihi impero, ne qua omnino re irascar. Dolebam, inquit, non irascebar. Hanc sibi laudem adsciscit Cicero

in epistola ad Caerelliam: ex qua recitat haec verba Quinctilianus lib. 6. c. 4. *Haec aut animo Catonis ferenda sunt, aut Ciceronis stomacho.*

Hic ego] Quarta ratio ad tuendam consilii mutationem: quod se non cum improbis, ac perditis cini-bus, sed cum optime de republica meritis coniunxerit. *Hic*, rationem temporis, non locum, ut alibi, notat: perinde ac si dixerit: *quae cum ita se haberent. vsurpatur de re praesenti lib. 5. epist. 15. Hic tu ea me abesse urbe miraris, in qua domus nihil delectare possit, summum sit odium temporum, hominum, fori, curiae?* De praeterita autem re, lib. 3. epist. 8. *Hic ego multa simul cogitavi.*

Humano consilio] Quantum homini licuit, non enim, ut omnia circumspiciantur, hominis natura patitur.

Circumspectis rebus meis omnibus] Probat id, quod dixit: non illi quidem, ut mihi stomachum facerent. nam si stomachum fecissent; statim iracundia praeceps, nihil de boni ciuis officio cogitans, ad noua capessendae reipublicae consilia delatus esset, verum tanti non fuit iniuria, ut susceptam ab adolescentia sententiam temere proiiceret. circumspectis prius omnia: rationes pro utraque parte subduxit: quarum summa facta, cognouit, plures esse causas, quae ad Caesaris, Pompeiique coniunctionem, quem quae ad defendendas optimatum partes hortarentur. in Caesare enim, et Pompeio praesidii plurimum sibi contra suos inimicos paratum videbat: in optimatibus vero nihil fidei, nihil expertus erat constantiae.

Et perditis] Sunt enim quidam ita improbi, vt perdit tamen non sint: *perditi* vero, quorum ita mens a recta ratione discessit, vt ad sanitatem redire iam non posse videantur.

Rempublicam teneri] Varie diuersis locis explicat hanc sententiam. Epist. 8. *Res communes sunt in amicorum nostrorum potestate.* In eadem: *Qui potiuntur rerum.* Lib. 4. epist. 7. *Qui tenet rempublicam.* Epist. 8. eiusdem lib. *Qui omnia tenet.* Epist. 9. ibidem: *Omnia delata ad vicem sunt.* Epist. 13. ibidem: *Qui plurimum potest.*

Meis temporibus] Cinna, Mario, Sulla dominantibus.

Nonnullis aliis] Cum decem viri rempublicam tenerent.

Non modo praemiis] Quidam hoc loquendi genus imperfectum iudicarunt; quod, non modo non praemiis, et apertius, et vtitur esse videretur. nca, et auctoritatem veterum librorum, et Ciceronis consuetudinem secuti, omnino legimus, non modo praemiis. valet enim idem, quod, non modo non praemiis: vt sit, non modo, pro nedum. Exempla fidei facient. Lib. 9. epist. 17. *Hoc tamen scito, non modo me, qui consiliis non interfum, sed ne ipsam quidem principem scire, quid futurum sit.* Quo item loco, non, inculcatum erat, contra veteres libros. Sic et lib. 2. ad Attic. epist. 16. *Qui mihi non modo praemiorum, sed ne sermonum quidem umquam fructum ullum, aut gratiam retulerunt.* In quo animaduertendum, praemiorum, sermonum, pro praemiis, sermonibus, vsurpatum esse. Lib. 10. epist. 8. *Regnum non modo Ro-*

mano homini; sed ne Persae quidem cuiquam tolerabile. Et lib. 11. epist. 24. *Mihi non modo irasci, grauissima iniuria accepta, sed ne dolere quidem impune licet.* Lib. 1. de Orat. c. 46. *Neque solum inscientiam meam, sed ne rerum quidem magnitudinem perspicit.* Et in orat. 2. in Rullum c. 29. *Si non modo dena iugera dari vobis, sed ne consipari quidem tantum numerum hominum posse in agrum Campanum, intelligetis: tamenue vexari rempublicam, contemni maiestatem populi Romani, deludi vosmet ipsos diutius a tribuno plebis patiemini?* Tusc. 1. c. 36. *Mortuorum non modo vitae commodis, sed ne vita quidem ipsa quisquam caret.* Tusc. 5. c. 33. *Tertias, quod essent plane inanet, neque necessitatem modo, sed ne naturam quidem attingerent, funditus eiiciendas putauit, id est, et non modo non necessitatem.* Suspicarer et Coelium lib. 8. epist. 11. scripsisse, non modo fecit: quod est in peruulgatis libris, non modo non fecit. nam a plerisque abest antiquis libris alterum, non. Varro lib. 8. de ling. Lat. Dicam de conuersa analogia, cur non modo videatur esse reprehendenda, sed etiam cur in vsu quodam modo sequenda. Atque in his, quae recitavi, locis, non modo, vsurpatum videtur pro nedum. Eadem loquendi consuetudo agnoscitur in Graecis. nam Isocrates in oratione, quae Πλατῶνδε inscribitur: Οὐχ' ὅπως τῆς κοινῆς ἀλαο-
θερίας μετέχομεν, ἀλλ' ὅδ' ἀδελφῆς μετέλας ἔχουσιν τοῦτον. Et in eadem infra.

Fortissimi viri] Manifestis enim periculis non moueri, temeritatis est,

est, non fortitudinis: quod a sapientissimis proditum.

Ad eorum causam me adiungere] Cum his in republica non consentirem, non sequerer eorum sententiam, meam voluntatem ad eorum dignitatem non aggregarem.

Cn. Pompeius] Arguit a Pompeii virtute, summisque in reipublicam meritis: a Caesaris vetere amicitia, et erga se, fratremque suum liberalitate: ab ipsa republica, Caesaris rebus gestis vehementer aucta: a Pompeii fratrisque sui fide: a Platonis auctoritate: a sua calamitate: ab optimatum quorundam invidia, et inconstantia: a ratione temporum. quae subiungit deinceps omnia diligenter, famam veritus improbitatis, non modo leuitatis, et inconstantiae, praesertim apud Lentulum, bene erga reipublicam animatum.

Princeps esset] Pro Plancio c. 39. *Ego Cn. Pompeium non tuear, quem omnes in republica principem esse concedant?* Princeps autem eo facilius in republica Pompeius, quia Caesar et Crassus aberant, hic in Parthis, ille in Gallia bellum gerens.

Rebus gestis] Maioribus, quam superiorum omnium: ter enim triumphauerat, ex tribus orbis terrae partibus, Africa primum, deinde Europa, postremo Asia, Mithridate victo.

In praetura, et in consulatu] Praetor Maniliam rogationem suavit, ut Pompeio Mithridatici belli cura mandaretur. exstat oratio. consul cum aliis eum ornauit officiis, tum etiam, quod retulit de supplicationibus decernendis, reipublica Mithridatico bello felicissime

gesta. *Quo consule referente*, ait in orat. de prouinciis c. 11. *primum decem dierum supplicatio decreta Cn. Pompeio, Mithridate interfecto, confectoque Mithridatico bello, cuius sententia primum duplicata est supplicatio consularis: mihi enim essis assensu, cum, eiusdem Pompeii litteris recitatis, confectis omnibus maritimis, terrestribusque bellis, supplicationem dierum duodecim decernisset.* Et lib. 3. ad Q. Fr. epist. 4. *Ille, cum a me singularibus meis studiis ornatus esset.*

Auctoritate] Non potestate. priuatus enim, cum actum est de reditu Ciceronis, Pompeius erat. sic in orat. pro Milone c. 15. *Cn. Pompeius auctor, et dux mei reditus.* Et in orat. pro domo c. 12. *Hic tibi, (Lentule) grauissimus auctor ad instituendam, fidelissimus socius ad comparandam, fortissimus adiutor ad rem perficiendam fuit.* Auctoritatem etiam Lentulo tribuit in orat. pro Sextio c. 32. cum designatus consul sententiam in senatu dixit de Cicerone renouando.

Sententia] Quam dixit in senatu de reditu meo. In orat. pro Milone c. 15. *Cuius sententiam senatus omnis de salute mea grauissimam, et ornatissimam secutus est.* Pro domo c. 12. *Hic in senatu princeps sententiae fuit.*

Me adiunisset] In recuperanda salute.

Haberet inimicum] Pulso Cicerone, omnem suam viam contra Pompeii, Caesarisque potentiam Clodius conuertit. Quod autem iterauit *inimicum*, non auribus modo, verum etiam sententiae consuluit,

suluit, cuius augeri vim, iterato verbo, apte tamen collocato, plane constat. nam si loco moueas, inimicum, frigebit.

Quibusdam in sententiis paulum] Non in omnibus, sed in quibusdam, nec omnino, sed paulum.

Immutassem] Minus est, quam, *permutassem*, aut *commutassem*.

Summi viri] Quaerit excusationem artificio quoque verborum. minuit enim iam suum factum, cum dixit, *quibusdam in sententiis, paulum, immutassem*. hic autem facti causam studiose auget, cum inquit, *summi viri, de me optime meriti, dignitatem*: quae mouent singula.

In coniuncta et causa et dignitate] Res enim vtriusque communis agebatur; cum et superiora communi consilio gessissent; et vtrique non publica libertas, sed immoderata ipsorum potentia proposita esset. quod si communis eorum causa; sequitur, vt communis item eorum dignitas sit. itaque aggregare suam voluntatem ad Pompeii dignitatem Cicero non poterat, nisi iunctum cum eo Caesarem complecteretur.

Vetus amicitia] De qua sic in orat. de prouinciis c. 17. *Illud tempus familiaritatis et consuetudinis, quae mihi cum illo, quae fratri meo, quae C. Varroni, consobrino vostro, ac omnium nostrum adolescentia fuit, praetermitto.*

Humanitas eius ac liberalitas] *Humanitas* potest esse in vultu et verbis, nullis praeterea officiis: *liberalitas* sine officio numquam est. vtraque laude Caesar excelluit. infra: *sic enim te existimare velim; cum a vobis, meae salutis auctoribus, discesserim, neminem*

esse, cuius officiis me tam esse deuinctum non solum confitear, sed etiam gaudeam.

Litteris, et officiis] Litteris ad M. Ciceronem missis, officiis in Quintum collatis: qui tunc erat Caesaris legatus in Gallia. infra, et lib. 4. ad Attic. epist. vlt. *Quintum meum tuumque, dii boni! quem admodum tractat honore, dignitate, gratia? non secus, ac si ego essem imperator.*

Maximis rebus a Caesare gestis] Caesaris hic, non Pompeii, mentionem facit; quod ad eum praecipue Campana causa pertinebat: is enim consul de agro Campano diuidendo legem tulerat.

Grauiissime autem me in hanc mentem impulsit] Animaduertenda copia, qua vsus est in augenda sententia: tres enim quasi gradus esse video, primum, *multum valuit vetus amicitia*: alterum, *vehementer res ipsa publicae me mouit*: tertium, *grauiissime autem me in hanc mentem impulsit et Pompeii fides, et fratris mei*. nam, *impulsit*, plus est, quam, *mouit*, quod iam dixerat.

Caesari dederat] Cum ei pollicitus est, me, si restitueret, eius actis aduersarium non futurum.

Apud Platonem] Platonis verba sunt haec lib. 4. de Legibus: Μηδὲς ὁμᾶς ποιήτω, ἃ φιλεῖ, ἀλλὰ τὸν εὐττον, καὶ ἥκον μεταβάλλειν ἂν ποτε πόλιν, καὶ τοὺς νόμους, ἢ τῇ τῶν δυναταυτῶν ἡγεμονίᾳ. Quorum verborum sententiam Cicero satis plane, sed more suo liberius expressit.

Quales in republica principes] Quales ii, qui rempublicam gubernant. In orat. pro Sextio c. 49. *Nihil est, quod populus a delectis, principibusque dissentiat.* De sum-

mis autem ciuitatis viris, non de iis, qui singulari dominantur imperio, intelligendum esse, ostendit ipse, quasi hunc locum interpretans, lib. 3. de Leg. c. 14. *Licet, inquit, videre, si velis replicare memoriam temporum, qualescunque summi ciuitatis viri fuerint, talem ciuitatem fuisse: quaecumque mutatio morum in principibus exstiterit, eandem in populo secutam.* Similiter et Xenophon lib. 8. de Cyri disciplina c. 8. *Ὅμοιοι τινες ἂν αἱ προτάται ᾤσι, τοῖντοι καὶ οἱ ὑπ' αὐτῶς ἐπιτοπολὺ γίγνονται.* Et Isocrates *ἐν τῇ πρὸς Νικοκλέα, περὶ τῷ βασιλεύειν.* Τὸ τῆς πόλεως ὅλης ἥδος ὁμοῖται τοῖς ἀρχαῖς. Idem in ea, quae inscribitur Νικοκλῆς. Φιλαῖ τὸ πλῆθος ἐν τέτοις τοῖς ἐπιτηδεύμασι τὸν βίαν διάγειν, ἐν οἷς ἂν τὸς ἀρχοντας τῆς αὐτῶν δυνάμει διατρέφουσιν. Et in Arcopagitico: Τοῖντας ἡλικίον ἔσονται καὶ τὸς ἄλλους, οἷοί τε ἂν ᾤσιν οἱ τῶν πραγμάτων ἐπισκευητές. Et in Ecclesiastico c. 10. v. 2. *Qualis est rector ciuitatis, tales et inhabitantes in ea.* Idem agnoscitur in omni disciplina, et arte, praesertim in re militari. bonum enim, malumue ducem in vtramque partem milites imitantur. de quo Sallustius in Iugurtha c. 32. *Dum haec Romae geruntur, qui in Numidia relictī a Brisia exercitus praeebant, secuti morem imperatoris, plurima et flagitiosissima facinora fecere.*

Tales reliquos solere esse ciues] Ex quo intelligebam, mutato optimatum sensu, mihi quoque et sententiam, et voluntatem esse mutandam. Infra: *non offendes eundem bonorum sensum, Lentule, quem reliquisti.* Et paullo post: *tota iam sapientium ciuium, qualem me*

et esse, et unnerari volo, et sententia, et voluntas mutata esse debet.

Ea fundamenta iacta] Labat aedificium, fundamentis male iactis; firmum est, bene constitutis. prima igitur consulis Ciceronis actio quali fundamentum fuit publicae libertatis, atque constantiae. consulis enim virtute senatus excitatus, extremo anno, cum de poena coniuratorum ageretur, eandem virtutem imitatus est.

Ex Kalendis Ianuariis] A primo magistratus die per totum deinde annum. In Pisonem c. 2. *Ego Kalendis Ian. seuatum, et et bonos omnes, legis agrariae, maximarumque largitionum metu liberaui.*

Confermandi seuatus] Vt ad eam, quae principem ordinem decet, animi constantiam, atque ad studium defendendae reipublicae meo excitarentur exemplo.

Nonis Decembris] Quo die de coniuratis extremo supplicio afficiendis senatus consultum factum est. hinc illa vox pro Flacco c. 40. *Ononae illuc Decembres, quae, me consule, fuistis! quem ego diem vere natalem huius urbis, aut certo salutarem appellare possum.* et M. Brutus in epistola 17. ad Atticum: *Au, quia non omnibus bonis iactamus idus Martias, similiter atque ille nonas Decembres suas in ore habet, eo meliore conditione Cicero pulcherrimum factum vituperabit, quam Bestia et Clodius reprehendere illius consulatum soliti sunt?* Et in orat. post reditum in senatu c. 5.

Vel anini, vel auctoritatis] Animi, in dicendis sententias; auctoritatis

Floritatis, quia, quod senatus in coniuratos decreuit, perfectum est. non enim fortasse valuisset eius ordinis auctoritas, nisi eum iam antea confirmatum esse constaret.

Idemque memineram] *Sui consulatus beneficio vnum fuisse bonorum sensum vsque ad Caesarem et Bibulum consules, demonstrat. quo magis confirmat illud Platonis, *quales in republica principes, tales reliquos solere esse ciues.*

Vsque ad Caesarem et Bibulum consules] Per triennium.

Pondus] Caesare enim consule, contemni coepta est, ac leuis esse senatus auctoritas: et, quam a senatu non impetrabat, a populo, Vatinia lege, citiorem Galliam consul accepit.

Postea] Postero anno, Pisone et Gabinio coff.

Hispaniam citeriorem] Vt duae Galliae, sic duae Hispaniae fuere, vltior, et citior. citeriorem ex praetura, quam Afranio et Metello coff. gesserat, Lentulus obtinuit, Caesare et Bibulo coff. id Caesar ipse lib. 1. de bell. ciu. c. 22. testatur.

Cum imperio] Lege curiata dato, sine qua rem militarem attingere non licuit. orat. 2. in Rullum c. 12.

Mercatores] Qui meam salutem, acceptis pretii loco prouinciis, tribuno plebis Clodio vendiderint. Pro Sextio c. 10. *Foedus fecerunt cum tribuno plebis palam, ut ab eo prouincias acciperent, quas ipsi velent: exercitum, et pecuniam, quantum vellent, ea lege, si ipsi prius tribuno plebis afflictam et constrictam rempublicam tradidissent. id autem foedus meo sanguine istum sanciri posse dicebant.* Idem pro domo, de prouinciis, in Pionem.

Seruos] Quas Piso et Gabinus imperio consulari seditiones extinguere debuerunt, eas, tanquam serui, impetrante iis tribuno plebis, adiuuerunt. Clodium enim seditionis ducem, seruos, ac ministros consules fuisse ostendit.

Casus] Non mea culpa, sed casus. Et ait, *quidam casus*, ne originem inimicitarum cum Clodio pluribus verbis exponat.

Caput meum] Me. ponit enim partem pro toto, et eam partem, in qua vitae domicilium est.

Quasi certaminis causa] Speravit Clodius, si Ciceronem vexaret, eam fore causam bonos cum improbis committendi.

Mediam contentionem] Erat enim inter ciues ex partium dissensione contentio, sed sine armis. ex ea contentione certamen potuit existere: idque sperauerant improbi, coniecto in medium, quasi ad animos concitandos, capite Ciceronis.

Mirificus consensus ERN. *Mirifica*] Aptae notetur ad amplificandum copia, *mirifica, incredibilis, singularis.*

Consensio] Quidam libri, in iis Mediceis, *consensus*. quod erratum librarii fuit.

Senatus] Promulgata enim Clodii lege aduersus eos, qui ciues Romanos indicta causa condemnassent (quibus verbis, Ciceronis nomine suppresso, pernicies tamen ei parabatur) senatus, quod in summo dolore fieri solitum est, vestitum mutauit: consulesque Piso et Gabinus, vere seditionum serui, ac ministri, senatum ad vestitum redire iusserunt.

Italiae]

Italiae] Quam ad defendendum paratam Cicero pro se pugnare noluit, atque hac tota de re libet verba subscribere, in primis ad hunc locum accommodata, quae sunt in orat. pro Sextio c. 14. *Erat in luctu senatus: squalibat cinitas, publico consilio mutata veste: nullum erat Italiae municipium, nulla colonia, nulla praefectura, nulla Romanae societas vestigalium, nullum collegium, aut concilium, aut omnis aliud commune consilium, quod tum non honorificentissime decrevisset de mea salute: cum subito edicunt duo consules, ut ad suum vestitum senatores redirent.* Et paullo post c. 16. *In causa tam bona, tanto studio senatus, consensu tam incredibili bonorum omnium, tam parato, tota denique Italia ad omnem contentiorem expedita, cessi tribuni plebis, despiciatissimi hominis, furori.*

Non dicam, quid acciderit] Quibus causis afflicti sum, non exponam: ne multos laedam.

Brevi] Et brevi, et breuiter eodem sensu Cicero dixit: quod veteres quoque Grammatici notarunt Sulpicius etiam lib. 4. epist. 5. *De brevi breui ad te perscribere.*

Non mihi exercitum] Cum et equester ordo, et omnes boni summum in illius defendenda salute studium profiterentur. de quo sic in orat. pro Sextio c. 19. *Quid agerem, iudices? scio enim, tum non mihi vestrum studium, sed meum prope vestro defuisse.*

Duces] Tres maxime designat, Pompeium, Caesarem, Crassum: qui cur eum deseruerint, causa explicatur in eadem oratione c. 18. *Illi, inquit, aliquo tum timore perterriti, quod acta illa, atque omnes*

res anni superioris labefactari a praetoribus infirmari a senatu, atque principibus civitatis putabant, tribunum popularem a se alienare volebant, suaeque sibi propiora pericula esse, quam mea, loquebantur.

Qui reliquerunt] Reliquit cum, praeter ceteros, Pompeius, pollicitus non semel, ei se nunquam defuturum. de quo sic lib. 2. ad Attic. epist. 20. *Clodius adhuc mihi denunciat periculum: Pompeius affirmat, non esse periculum; adiuvat; addit etiam, se prius occisum iri ab eo, quam me violatum iri.*

Simulauerunt] Significat eos, qui Ciceroni auctores fuerunt, ut Clodio cederet; ne inter ciues perniciose contentio excitaretur. De Hortensio sic lib. 1. ad Q. Fr. epist. 3. *Me summa simulatione amoris, summaque assiduitate quotidiana, sceleratissime, insidiosissimeque traiecit.*

Illud quidem certe nostrum consilium iure laudandum est] Veritus, ne consilium suum de complectendis Pompeio, et Caesare, parum fortasse probaretur, duobus affirmantibus verbis alia de re usus est. nam, *quidem certe*, post incertam, aut non satis probatam rem ponuntur, ut lib. 4. epist. 14. *Opera, consilio, studio quidem certe.* Et lib. 16. epist. 22. *Spero ex tuis litteris, tibi melius esse: cupio quidem certe.*

Qui meos ciues] *Qui*, refertur ad, *nostrum consilium*: habetur enim ratio sententiae potius, quam Grammaticae.

A me conservatos] Coniuratione extincta.

Spoliatos ducibus] Dixit iam, sibi duces defuisse.

Seruis armatis obici noluim] Saepe hoc Cicero gloriatur. in oratione quidem pro Sextio c. 20. sic: *Te, te, inquam, patria, testor, et vos penates, patriique dii, me vestrarum sedum, templorumque causso, me propter salutem meorum ciuium, quae mihi semper fuit mea carior vita, dimicationem caedemque fugisse.* Seruos autem significat, quos sibi conciliauerat Clodius, collegiorum nomine: de quibus in orat. in Pisonem c. 4. *Collegia, non ea solum, quae seruatus sustulerat, restituta, sed innumerabilia quaedam noua, ex omni fece urbis, ac seruitio concitata.* Et in eadem paullo post c. 5. *Pro Aurelio tribunali delectus seruorum habebatur ab eo, qui nihil sibi umquam nec facere, nec pati turpe duxit.* Et pro domo c. 21. *Cum in tribunali Aurelio conscriberas palam non modo liberis, sed etiam seruos, ex omnibus vicis concitato, vim tum videlicet non parabo?* Et pro Sextio c. 15. *Iisdem consulibus inspectantibus, seruorum delectus habebatur pro tribunali Aurelio, nomine collegiorum, cum uicatim homines conscriberentur, decuriarentur: ad uim, ad manus, ad caedem, ad direptionem incitarentur.* Et post reditum ad Quir. c. 5. *Ego, cum homines in tribunali Aurelio palam conscribi centuriarique uidissem: — arinis decertare pro mea salute nolui.*

Pro me stante] Incolumi, ante quam eiceret. sic lib. 7. epist. 2. *Magnum quiddam spectauit; nec sua sponte, sed eorum auxilio, qui me stante stare non poterant.* Et lib. 6. epist. 6. *Cum me ex republica expulissent ii, qui illam cadere posse, stante me, non putarunt.*

Afflictum] Antitheta, *stante, afflictum.*

Excitare] Proprie excitamus dormientes. unde lib. 16. epist. 4. *Excita ex somno tuas litteras.* Transfertur ad alia, ut hic, et lib. 6. epist. 1. *Cumstantem et diffidentem excitare.*

Cum de me ageres] Ut in patriam redirem.

Qua in caussa] *Caussam* vocat totum id, quod ad ipsum pertinet. Epist. 1.

Praedicabo libenter] Beneficium enim libenter praedico, iniuriam obliuiscor.

Quibusdam] Ii sunt, de quibus iam dixit, *certorum hominum sermones referebantur ad me.*

In tenendo] Vel quia timuerint, vel quia se timere simularint.

Suam auctoritatem] Quam amiserunt stultitia, et inconstantia sua, cum in gratiam redierint cum P. Clodio, inimico meo, nec eam, quam ego exspectaueram, in uicis rebus voluntatem praestiterint. Hoc et paullo post ostenditur, et epist. 7. significatur iis verbis: *Profectis tantum mihi uidetur stultitia, et inconstantia aduersariorum, ut etiam auctoritate iam plus uiderent.* Significat enim, se commotum eorum iniuriis, cum Caesare in gratiam rediisse, eique sua sententia supplicationes, stipendium, legatos decreuisse.

Ad caussum adiunxio] Cum pro mea salute propugnationem suscepit contra Clodium, et reliquos, qui non tam me, quam senatus auctoritatem, oppugnaverant.

Singularibus] In oratione de prouinciis c. 16. non *singulares*, sed *prope singulares* ait Caesari honores

nones esse decretos: nec tamen loquitur inconstanter. hic enim habet rationem praeteriti temporis, quod eos honores antea nemo consecutus esset; ibi autem futuri, quod similes prope nemo consequi posse videretur.

Nonis bonoribus, ac iudiciis senatus] Supplicatione quindecim dierum, stipendio exercitus, decem legatis. epist. 7. In orat. pro Plancio c. 39. *Ego C. Caesaris laudibus desin, quos primum populi Romani, nunc etiam senatus, cui me semper addixi, plurimis, atque amplissimis iudiciis videam esse celebratas?*

Primum illa furia FRN. *furta*] Significatur illud tempus, cum Clodius, amore captus Pompeiae, Caesaris uxoris, ad eam introiuit, ubi sacrificium Bonae deae pro populo fiebat. Lib. I. ad Attic. epist. 12. *P. Clodium, credo te audisse, cum veste muliebri deprehensum domi C. Caesaris, cum pro populo fieret.* Sed hoc non refertur ad proximum verbum, *consecuta*. non enim illa furta, Ciceronis reditum consecuta: sed ea commiserat Clodius, Messalla et Pisone coss. id est, triennio ante Ciceronis exsilium. Est igitur, *primum illa furta*, perinde ac si dixerit. *primum illa furta* nota sunt, quibus iam antea polluerat Clodius aedem Bonae deae. Sed hoc etiam vehementer dolendum, quod proxime contigit, qui et tres sorores suas stuprauerat, et in opertum Bonae deae, quo viris non licebat, nocturni flagitii causa introierat, post reditum in eum de vi accusatum a Milone tribuno plebis, impunitatem tamen esse consecutum. Vbalinus Bandinellus, et alii cum postea secuti, legendum

putarunt, *furia*, pro *furta*, locum alioqui mutilum arbitrati: quem tamen interpungendi ratio sic adiuvat, ut nihil desiderari satis conflet. nec tamen cuiusquam industriam reprehendo: sed a veteribus libris (omnes autem mei, et Medicus etiam habet, *furta*: quod, ut ostendi, sententia non respuit) sine magna causa discedendum non existimo. Ridicule autem nonnulli de interpungendi notis antiquos libros consulunt, diuersos omnino, ad hanc quidem partem quod attinet, a recentioribus impressis. nam, *illa furta muliebrium religionum*, sententia ita fert, si, *furta religionum*, pro nocturno flagitio in sacris usurpentur.

Bonam deam] Cui sacrificabant mulieres in domo pontificis maximi. hac de re satis copiose in orat. pro domo c. 40. de haruspicum responsis c. 5. pro Milone c. 31. in Paradox. c. 4. Festus etiam sic: *Damiam sacrificium fiebat in operto, in honorem Bonae deae, dictum a contrarietate, quod minime sit duplicior, id est, publicum. dea quoque ipsa duplex, et sacerdos eius duplex appellabatur.* Arnobius autem, Lactantii Firmiani magister, lib. 5. aduersus gentes, *Faetam*, inquit, *Fatuam*, Bona quae dicitur dea, transeamus: quam myrteis caesum virgis, quod, marito insciente, seriam meri ebiberit, plenam, *Sex*. Clodius indicat sexto de diis Graecorum, signumque monstrari, quod, cum ei diuinam rem mulieres faciunt, vini amphora constituitur oblecta, ne myrteas fas sit inferre verbenas sicut suis scribis in *Causalis* Plutarchus. Sunt autem, quae *Causilia* vocat Arnobius, Plutarchi Problemata: in quibus

bus hoc de Bona dea legitur. Ali-
ter Macrobius lib. 1. Saturn. c. 12.

Tris sorores] Quas a Clodio stu-
pratas, constans fama fuit. Tres
autem, au duae potius Clodii sor-
res fuerint, quiaero, dissimilitudine
locorum in dubitationem adductus.
hic quidem tres nominat Cicero, et
Plutarchus in Ciceronis vita, his ver-
bis: *Λυκκίλος δὲ καὶ Θερσωνίδας*
παρεῖχον, ὡς συγγένοιτο τῇ νεωτέρῃ
τῶν ἑταίρων ὁ Κλωδίος, ὅτε Λυκκίλος
συγγενὴς πολλὰ δὲ ἦν δύσιν, καὶ ταῖς ἄλ-
λαις δύσιν ἑταίραις πλησιάζον τὸν Κλω-
δίον, ὃν Τερεντίαν μὲν Μάρκιος Πρῶ-
τος, Κλωδίαν δὲ Μένελλος ὁ Κέλεις εἶπεν,
ἣν Κορνηθιαντίνην ἑκάλεον, etc. Aduer-
sat Varronis testimonium. lib. enim
3. de re rust. c. 16. sic loquentem Ap-
pium induxit, P. Clodii fratrem:
Cum pauper cum duobus fratribus et
duobus sororibus essem relictus: qua-
rum alteram sine dote dedi Lucul-
lo. In hac varietate non facile est
verum diiudicare: Varroni tamen
libentius assentimur: nec mentiri
Ciceronem, aut Plutarchum opinia-
mur: qui fortasse tres Clodii sor-
res ita nominarunt, vt duas germa-
nas, iisdem parentibus natas, signi-
ficarent, tertiam patruelem, aut
consobrinam, e Terentia gente:
quod Plutarchus indicat, qui pu-
pnam Q. Marcio Terentiam vocat.
quem locum olim deprauatum sus-
picabar, et legendum, *Tertiam*:
postea mutavi sententiam, eum
animaduertissem, *νεωτέρῃ*, dictum
esse a Plutarcho de ea, quae L. Lu-
culli vxor fuit. Sic lib. 4. ad Attic.
epist. 3. *contentio fratrum trium*
turpis: quo loco duó germani fra-
tres, Appius, et Publius, significan-
tur, tertius patruelis Q. Metellus
Celer, cuius patris soror fuerat ma-
ter P. Clodii. De duabus autem

sororibus a Clodio stupratis, ea sci-
licet, quae Metello, et ea, quae Lu-
cullo nupsit, mentionem saepe facit
idem, qui tres hic nominat, Cicero
in orationibus pro domo, pro
Sextio, in Pisonein, pro Coelio, pro
Milone.

Impunitatem est illorum senten-
tis assensus] Ne quis putet hoc
dici, Clodium absolutum esse iudi-
cium sententiis, in eo iudicio, quod
de violatis Bonae deae sacris fa-
ctum est: quod ante Ciceronis ex-
sulium factum erat: sed, quorun-
dam optimatum, quorum hic Ci-
cero inconstantiam, et perfidiam ac-
cusat, sententiis, in senatu dictis,
factum esse, vt iudicium illud, quod
Milo tribunus plebis Clodio de vi
accusato intendebat, omitteretur;
ex quo non absolutus Clodius,
(non enim *absolutus* dicitur, de quo
latae sententiae non sunt) sed im-
punitatem consecutus, quia punitus
non est, vere, ac proprie dicitur.
Tota vero res ita se habet. Resti-
tuto Cicerone, cum eius domus ex
senatus consulto reficeretur, expul-
si a Clodio fabri de area sunt: dis-
turbata ponticus Catuli, quae ipsa
quoque ex senatus consulto refi-
ciebatur, et ad tectum paenae per-
venerat: Q. Ciceronis domus pri-
mo fracta coniectu lapidum, dein-
de inflammata. Neque hac vna vi
contentus quieuit Clodius, sed, sexto
post die, cum lapidibus, fustibus,
gladiis M. Ciceronem insecutus est:
sequenti autem die Milonis domum
expugnare, et incendere ita cona-
tus est, vt palam cum scutis homi-
nes educatis gladiis, alios cum ac-
censis facibus adduxerit, propterea
Milo tribunus plebis eum de vi
accusauit. Sed iudicium, opera
Clodii,

Clodii, eiusque amicorum, usque eo perductum est, donec habitis aediliciis comitiis, Clodius aedilis creatus in iudicium vocari non potuit. non enim vocare in iudicium eos licuit, qui magistratum gerebant. hoc igitur queritur Cicero, et iure queritur, quod, cum ageretur in senatu, utrum ante comitia iudicium fieret, quod Milo, Cicero, nec pauci praeterea, bene de republica sentientes, exoptabant, an, quod Clodius, eiusque factio postulabat, ut comitia ante iudicium haberentur: quo posset, magistratum adeptus, poenam effugere; senatus consilium factum sit, ut post comitia iudicium fieret: in quibus positam esse Clodii, nocentissimi hominis, salutem, licebat intelligere. Hac de re sic iam orat. pro Sextio c. 44. *Volitat aedilis, accusat eum, qui aliqua ex parte eius furorem exultantem repressit. hic, qui se esse tutus sic, ut in privata re deos penates suos, in publica iura tribunatus auspiciaque defenderet, accusare eum moderate, a quo ipse nefarie accusatur, per senatus auctoritatem non est situs.* Non licuisse Miloni per senatus auctoritatem Clodium accusare, demonstrat. In orat. autem de provinciis c. 20. *Qui meum, inquit, inimicum, repugnante vestra auctoritate, texerunt.* Praeterea lib. 4. ad Attic. epist. 3. et lib. 2. ad Q. Fr. epist. 1. Impunitatem igitur Clodius assecutus est, quia iudicium fieri de eo, aedile creato, non licuit. Optimum vero sententiis, quia comitia fieri ante iudicium voluerunt. Nec tamen omnes notat optimates, sed tantum eos, qui iudicium de Clodio a Milone accusato fieri nolue-

runt. nam bonos aliquot in senatu pro Milone, id est pro republica sensisse, satis ostendit iis verbis, quae iam recitauimus ex oratione de provinciis. cum enim dixit: *qui meum inimicum, repugnante vestra auctoritate, texerunt*, optimum duo genera significat, eos, qui Clodium texerunt, et eos, qui repugnarunt.

Tribunus plebis] Milo.

Poenas persequi] Supplicium sumere.

A sedtioso ciue] A Clodio, qui fabros de arca Ciceronis expulerat, domum Q. fratris fregerat, atque inflammauerat, Milonis oppugnaverat, eiusdem generis alia commiserat.

Per bonos viros] Per iudices integerrimos.

Sustulerunt] Milo praeclarissimum exemplum vindicandae seditionis, Clodii damnatione, voluit in reipublicam inducere: at hi contra, Clodio impunitatem assecuto, exemplum illud egregium, quod ab omnibus comprobari debuit, de republica sustulerunt. id maxime per consulem Mezellum Nepotem, per Appium, P. Clodii fratrem, praetorem, per Serranum tribunum plebis factum esse, ostenditur in orat. pro Sextio c. 41. his verbis: *Descendit ad accusandum. quis unquam tam proprie reipublicae causa; nullis inimiciis, nullis praemiis, nulla hominum postulatione, aut etiam opinione, id unquam esse facturum? Fra-* *Et erant animi hominis. hoc enim accusante, pristini illius sui iudicii turpitudinem desperabat. Ecce tibi consul, praetor, tribunus plebis, noua noui generis edicta proponunt: ne reus adsit, ut cinctur,*

ne quaeratur: ne mentionem omnino cuiquam iudicium, aut iudiciorum facere liceat.

Idemque postea — passi sunt
Hac tota re diligenter indagata, et, ut opinor, comperta, sententiam Ciceronis, quam breuissime, aut certe quam planissime potero, conabor ostendere. Tria monumenta, tresque eorum inscriptiones, in singulis singulae, fuerunt. Primum, atrium Libertatis, in imo Palatii clivo, senatus decreto aedificatum, locante Cicerone consule, post oppressam Catilinae coniurationem: ut conseruatae libertati honor haberetur, extaretque publicum monumentum ciuitatis ab impiorum manibus ereptae, in hoc atrio cruentas illas litteras, deleta priore inscriptione senatus, Clodius tribunus plebis incidit, quinquennio post Ciceronem consulem: quas litteras mansisse, senatus maxima ignominia, cum summo Ciceronis dedecore coniuncta, queritur in hac epistola Cicero: quam scripsit, L. Domitio, Ap. Claudio cos. quadriennio post Clodii tribunatum. Eandem rem attigerat biennio ante, Marcellino, et Philippo cos. in orat. de harusp. resp. in qua c. 27. sunt haec: *Imperatorum monumenta euertit: inimicorum domos disturbanit: vestris monumentis nomen suum inscripsit. Cum dixit, nomen suum inscripsit, non dubito, quin significauerit eas litteras, quas hic, facta eiusdem monumenti mentione, cruentas appellauit. Quod autem dixi, hoc atrium in clivo Palatii infimo potius, quam in summo, fuisse: eo sum adductus, quia lib. 4. ad Attic. epist. 16. ita scriptum est: ut forum laxaremus, et vsque ad atrium*

libertatis explicaremus. Nam ad radicem Palatii, vbi atrium Libertatis fuisse dixi, non ad summum collem, illam fori partem, ex voluntate Caesaris explicare Cicero cogitauerat. Hoc atrium non puto sacrum, et dedicatum fuisse: quia leguntur haec in orat. pro Milone c. 22. *Quaestiones urgent Milonem, quae sunt habitae nunc in atrio Libertatis.* Non enim arbitror quaestiones de seruis haberi potuisse in sacris locis: nisi si in ea oratione non illud significatur atrium Libertatis, quod senatus decreto, Cicerone consule, factum diximus, sed illud, quod multis ante annis Romae fuit, de quo Linius lib. 43. c. 16. *Censores extemplo in atrium Libertatis adscenderunt: et, ibi signatis tabellis publicis, clausaque tabulario, et dimissis seruis publicis, negarunt, se prius quidquam publici negotii gesturos, quam iudicium populi de se factum esset.* Alterum monumentum est porticus a Q. Catulo, C. Marii consulis collega, de manubiis Cimbricis exstructa: quam porticum eodem anno Clodius, quo Ciceronem expulit, euertit: sublatoque Catuli nomine, suum incidit. euertit autem, non ut arcam faceret, sed ut ex ea, et euerfae Ciceronis domus parte nonam porticum exstrueret, sicuti exstruxit. qua de re sic in orat. pro domo c. 38. *Hanc vero, Pontifices, litem turpitudinis, et inconstantiae poterit populi Romani dignitas sustinere, vno senatu, vobis principibus publici consilii, ut domus M. Tullii Ciceronis cum domo Fuluii Flacci, ad memoriam poenae publice constitutae coniuncta esse videatur? M. Flaccus, quia cum C. Graeco contra salutem*
reipu-

reipublicae fecerat, et senatus sententia est interfectus, et eius domus euerſa, et publicata est: in qua porticum poſt aliquanto Q. Catulus de manubiis Cimbricis fecit. Iſta autem ſox, ac furia patriae, cum urbem, P. ſone et Gabinio ducibus, cepiſſet, occupiſſet, teneret, vno eodemque tempore et clariſſimi viri mortui monumenta debebat, et meum domum cum M. Flacci domo coniungebat: ut, qua poena ſenatus offecerat euerſorem ciuitatis, eadem iſte, oppreſſo ſenatu, officeret eum, quem patres conſcripti cuſodem patriae indicaiſſent. Quae ſequuntur c. 39. ad nouam porticum pertinent, id eſt, ad eam, quam tum ex euerſae Ciceronis domus parte, tum ex Catuli porticu Clodius fecerat. Hanc, inquit, in Palatio, atque in pulcherrimo urbis loco porticum eſſe patiemini, furoris tribuniicii, ſcleris conſularis, crudelitatis coniuratorum, calamitatis reipublicae, doloris mei deſixum indicium ad memoriam omnium gentium ſempiternam? quam porticum pro amore, quem habetis in rempublicam, et ſemper habuiſtis, non modo ſententiis, ſed, ſi opus eſſet, manibus veſtris diſturbare cuperetis. De tota porticu locutus ea ſubiungit, quae non ad totam attinent, ſed ad partem dumtaxat dedicatam, id eſt ad eam, quam e Ciceronis domo Clodius Libertati dedicauerat: nam, quae pars in vetere Catuli porticu a Clodio facta eſt, eam cur dedicatam putem, cauſae nihil video. Niſi quem, inquit, illius caſtiſſimi ſacerdotis ſuperſtitioſa dedicatio deterret. O rem, quam homines ſolui ridere non deſinant: triſtiores autem ſine maximo dolore au-

dire non poſſint! Publiusne Clodius, qui ex Pontificis maximi domo religionem eripuit, iſ in meam intalis? Addam et illud ex eadem oratione c. 43. de Catuli monumento teſtimonium, in quo eſt luculenta apoſtrophe ad Q. Catulum: Tu, Q. Catule, M. Fului domum, cum iſ fratris tui ſocer fuiſſet, monumentum tuarum manubiarum eſſe voluiſti, ut eius, qui pernicioſa reipublicae conſilio cepiſſet, omnis memoria funditus ex oculis hominum ac mentibus tolleretur. Hoc ſi quis tibi aedificanti illam porticum diceret, fore tempus, cum iſ tribunus plebis, qui auctoritatem ſenatus, iudicium bonorum omnium neglexiſſet, tuum monumentum, conſulibus non modo inſpectantibus, verum adiunantibus, diſturbaret, euerteret, idque cum eius ciuis, qui rempublicam ex ſenatus auctoritate conſul deſendiſſet, domo coniungeret: nonne reſponderes, id, niſi euerſa ciuitate, accidere non poſſe? De litteris autem huic monumento inſcriptis, infra c. 53. ſic: Tu, procella patriae, turbo actempeſtas p. c. et atque otii, quod in naufragio, reipublicae tenebris offuſis, demerſo populo Romano, euerſo atque eiecto ſenatu, dirueris, aedificaris, religione omni violata, reipublicae tamen nomine contaminaris: in ciuis huiusce acibus, et in urbe, quam ſuis laboribus ac periculis conſeruaviſſet, monumentum delatus reipublicae collocaris, ad equitum notam, ad dolorem bonorum omnium, ſublatoque Q. Catuli nomine, incideris: id ſperaſti rempublicam diutius, quam, quoad mecum ſimul expulſa careret his uocibus, eſſe latinam? Locum autem huius inſcriptionis verſimile eſt fuiſſe,

fuisse, non vbi antea fuerat inscriptio Catuli, quae fuit in media veteri porticu, sed in media parte totius nouae porticus. nam, si Catuli porticum Clodius enerit, eandemque ita aedificauit, vt, adiuncta Ciceronis aedium parte, longiorem faceret; quod multa confirmant: quis dubitet, mutatum quoque inscriptionis locum? quod si locus mutatur; certè nusquam aptior, quam in media noua porticu. Hic quaeri potest, manseritne, restituto Cicerone, haec inscriptio, sicuti mansisse illam in monumento senatus, Cicero ad Lentulum scribens questus est. Non mansisse, idem Cicero lib. 4. ad Attic. epist. 2. significat his verbis: *Consules porticum Catuli restituendam locarunt: illam porticum redemptores statim sunt demoliti.* Si porticum demoliti sunt redemptores: non mansisse Clodii inscriptionem, satis constat. Tertium monumentum est, quod in parte Ciceronis aedium forum spectante, id est, in ea, quae coniuncta est cum Catuli porticu, Libertati Clodius dedicauit, illato Tanagraeae cuiusdam meretricis simulacro, quod pro Libertate coleretur. hoc monumentum significatur in eo loco orat. pro domo c. 37. *In conspectu totius urbis domus est mea, Pontifices: in qua si manet illud, non monumentum urbis, sed sepulchrum, inimico nomine inscriptum; demigrandum potius aliquo est, quam habitandum in ea urbe, in qua tropaea et de me et de republica videam constituta. An ego tantam aut animi duritiam habere, aut oculorum impudentiam possim, vt, cuius urbis seruatore me esse senatus omnium assensu toties iudicavit, in ea pos-*

*sim intueri domum meam enerisam non ab inimico meo, sed ab hoste communi, et ab eodem exstructam et positam in oculis ciuitatis, ne vnquam conquiescere possit fletus bonorum? Exstructam, inquit, quod in eius parte euerit Clodius porticum fecerat, et in summa porticu, ne impediretur ambulatio, monumentum Libertatis. Infra quoque c. 41. *Ista tua pulchra Libertas deus penates, et familiares meos larces expulit, vt a te ipsa, tamquam in captinis sedibus, collocaretur? Et paullo post c. 42. et 43. Libertatis simulacrum in ea domo collocabas, quae domus erat ipsa indicio tui crudelissimi dominatus, et miserrimae populi Romani seruitutis. Eumne potissimum Libertas domo sua debuit pellerc, qui nisi fuisset, in seruorum potestatem ciuitas tota venisset? At vnde inuenta est ista Libertas? quaesini enim diligenter. Tanagraeae quaedam meretrix fuisse dicitur. eius non longe a Tanagris simulacrum e marmore in sepulcro positum fuit. Hoc quidam homo nobilis, non alienus ab hoc religioso Libertatis sacerdote, ad ornatum aedilitatis suae deportauit. — signum de busto meretricis abiatum isti dedit, quod esset signum magis istorum, quam publicae libertatis. Hanc deam quisquam violare audeat, imaginem meretricis, ornamentum sepulcri, a fure sublatam, a sacrilego collocatam? haec me domo mea pellet? haec eltrix afflictæ ciuitatis, reipublicae spoliis ornabitur? haec erit in eo monumento, quod positum est, vt esset indicium oppressi senatus ad memoriam sempiternam turpitudinis? De eodem monumento paullo post**

c. 44. *At videte hominis intolerabilem audaciam cum proiecta quadam et effrenata cupiditate. Monumentum isle nunquam aut religionem ullam cogitavit: habitare laxè et magnifice voluit, duasque et magnas et nobiles domos coniungere. — domus mea illa prope tota vacua est: vix pars aedium mearum decima ad Catuli porticum accessit. causa fuit ambulatio, et monumentum, et ista Tanagraea, oppressa libertas, Libertas. In Palatio, pulcherrimo prospectu, porticum cum conclauibus panimentatam trecentum pedum concupierat, amplissimum peristylum; cetera eiusmodi, facile ut omnium domos et laxitate et dignitate superaret. Ambulationem vocat porticum adiectam, extructam in parte Ciceronis aedium, qua prospectus erat in forum: monumentum autem, illam partem, in qua dixi positum a Clodio simulacrum Libertatis, id est Tanagraeae incretriciis. Atque, in hoc etiam tertio monumento inscriptum fuisse nomen Clodii, etsi verba Ciceronis iam recitata ostendunt, iterabo tamen eadem. In conspectu, inquit, totius urbis domus est mea, Pontificis: in qua si manet illud, non monumentum urbis, sed sepulcrum, inimico nomine inscriptum; demigrandum potius aliquo est. Inscitur in huius fere narrationis exitu tamquam, scrupulus abeunti. positum enim dicit aliquis simulacrum Libertatis non in domo Ciceronis, sed in Catuli porticu, quia scripta sunt haec in orat. de haruspicum responsis c. 15. Simulacrum ereptum ex meretricis sepulcro in imperatoris monumento collocaras. Quid igitur? an a se ipso dissentire*

Ciceronem putemus? non dissentit, sed quia tota illa porticus, tum e Catuli vetere porticu, tum e Ciceronis aedibus facta, porticus Catuli usitato nomine vocabatur; ideo simulacrum illud in Catuli monumento positum dicit, habita nominis ratione; cum tamen idem in sua domo positum vere dixerit. Hoc tertium monumentum sacrum dedicatumque fuit. ideo *delubrum* Cicero vocat in ea pro domo c. 51. *valet* Plutarchus, *beatus* Dio: et lib. 4. ad Attic. epist. 1. *De domo nostra nihil adhuc pontificis responderunt, qui si sustulerint religionem, arcem praeclaram habebimus.* Dixi de tribus monumentis, tribusque inscriptionibus: vnum senatus mansisse monumentum, vnamque simul inscriptionem, et in hac ad Lentulum epistola, et in oratione de haruspicum responsis, Cicero non mediocri cum dolore significat. Illud addam quasi extra rem, nec tamen prorsus a re seiunctum: non esse a Clodio totam Ciceronis domum dedicatam, sed eam tantum partem, quae ad Catuli porticum accessit, et in qua, ut ipse Cicero dixit, ambulatio, monumentum, et Tanagraeae simulacrum fuit, nam reliquam domum Clodius, ut in sua domo porticum trecentum pedum cum conclauibus efficeret, occuparat, simulata emptione Scatonis cuiusdam Marci: qua de re sic in eadem pro domo c. 44. *Homo religiosus, cum aedes meas idem emeret et venderet: tamen illis tantis tenebris non est ausus suam nomen emitioni illi adscribere, posuit scilicet Scatonem illum, hominem sua virtute egentem, ut is, qui in Marci, ubi natus est, rectum, quo imbris vitandi causa succederet, nullum*

nullum haberet, aedes in Palatio nobilissimas emisse se diceret. Inferiorem aedium partem assignauit non suae genti Fontinae, sed Clodiae, quam reliquit: quem in numerum ex multis Clodiis nemo nomen dedit, nisi aut egestate, aut scelere perditus. In eadem supra c. 41. Hominem inuenire ista labes tum, cum omnia tenebat, neminem potuit, cui meas aedes addiceret, cui traderet, cui donaret: ipse cum loci illius, cum aedium cupiditate flagraret, ob eamque causam unam una ista illa rogatione sua vir bonus dominum se in meis bonis esse voluisset: tamen illo ipso in furore suo non est ausus meam domum, cuius cupiditate inflammatus erat, possidere. Et lib. 4. ad Attic. epist. 2. de parte arcae dedicata, non de tota domo, aperte mentio fit. nam, quia sacra loca habitare profanis non licet, ideo Clodius eam partem non dedicauit, quam partim cum sua domo coniungere, partim Clodiae genti assignare cogitabat. Habitasse autem in Palatio Clodium prope Ciceronem, sic ut paries parietem attingeret, non modo ex iis, quae iam posui, coniicere facile licet, verum etiam ex iis verbis, quae sunt in orat. de haruspicum responsis c. 15. *Quid habet mea domus religiosi, nisi quod impuri et sacrilegi parietem tangit?* Et in ea pro domo c. 44. *Monumentum iste numquam aut religionem ullam cogitauit: habitare laxae et magnificae voluit, duasque et magnas et nobiles domos coniungere.*

Hostili nomine] Quia suum nomen Clodius inscripserat; sic in orat. pro domo sua c. 37. in conspectu totius urbis domus est mea,

Pontifices: in qua si manet illud, non monumentum urbis; sed sepulcrum, inimico nomine inscriptum; demigrandum potius aliquo est etc.

Cruentis] Quasi ex meo cruore confectis. meam enim eiectionem, id est, meum interitum, testantur.

Inustum] *Inscriptum*, dixit in oratione pro domo: sed hic *inustum*, cum stomacho pronunciauit, quasi per vim eae litterae impressae, inustaeque fuerint.

Passi sunt] Haec verba satis declarant, non esse Ciceroni restitutam eam aedium partem, quam Clodius Libertati consecrauerat.

Vs aliptae] Et si *aliptae* ἁλῖπτοι, quod est ungere, dicti sunt: hic tamen si pro vinctio-ribus accipias, non admodum congruere cum sententia videtur. vires enim, et colorem, oleum non augeat: sed adhibetur corporibus ad lassitudinem vitandam. quare libentius acceperim pro iis, qui exercitationibus athleticis praeerant, quos γυμναστὰς Graeci vocant. cum enim athletis normam, et rationem exercendi corporis praescriberent, virium et coloris rationem habere videbantur. hoc sensu et Celsus vsurpauit, cum dixit initio librorum suorum: *Qui suae spontis est, nullis se obligare legibus debet, neque medico, neque alipta egere.* et Aristoteles Moral. lib. 2. Cur autem gymnastae, *alip-ae* interdum sint appellati, occurrit ea ratio, quod ad eorum curam vinctio quoque athletarum pertinebat. ita non a toto munere, ut gymnastae, sed a parte muneris, *alip-ae* dicti sunt: ut gymnasium quoque *palaestra* vocabatur, cum palatris

laestra gymnasii pars sit. *Aliphas* vero pro vñctoribus, proprio sensu, saepe vsurpauit *Coelius Aurelianus*.

Virium et coloris rationem habere voluissent] Id est, vt me non solum ab exsulio reuocassent, sed pristinam simul cum salute dignitatem restituere voluissent. Lib. 4. ad Attic. epist. 2. *Qui mihi pñnas inciderunt, volunt easdem renasci.*

Nunc] Pro, sed, vt lib. 1. de Diuin. c. 29. *Quae quidem multis plura euenirent, si ad quietem integri iremus. nunc onusti cito et vino, perturbata et confusa cernimus.* Et in prooemio Tusc. 3. *Nunc paruulos nobis natura dedit igniculos.* et alibi saepe. Graeci quoque *νῦν* pro *καὶ* crebro vsurpant.

Apelles] *Cous*, pingendi mirus artifex, cui palmam in hoc genere tulit antiquitas. Dilexit cum praecipue, pingique ab vno voluit, vt a *Pyrgotele* scalpi, a *Lytippo* fingi, a ceteris edicto vetuit *Alexander* ille Macedo. *Plinius* lib. 7. c. 37. et lib. 7. c. 1. *Horatius* lib. 2. epist. 1. et hic noster lib. 5. epist. 12. et lib. 2. ad Attic. epist. 21. in *Bruto* c. 18. lib. 3. de Orat. c. 7. et alii.

Veneris] Quae vna maxime inter *Apellis* opera excelluit. celebratur a *Cicerone* lib. 2. ad Attic. epist. 21. lib. 3. de Offic. c. 2. lib. 1. de Diuin. c. 13. in Orat. c. 2. lib. 1. de Nat. Deor. c. 27. lib. 4. in Ver. c. 60.

Politissima arte] Cui nihil deesset, exquisita in primis, et egregia. sic *politum* indicium, *polita doctrina*, *politus homo*.

Inchoatam] *Inchoatum* est, quod principia tantum habet. sic lib. 3. de Offic. c. 2. *Vt nemo pictor esset inuentus, qui Cane Veneris eam partem, quam Apelles inchoatam reliquisset, absolveret.*

Reliqui] *Inexpectata* morte oppressus.

In capite meo] Quia salutis tantum, non etiam dignitatis meae, rationem habere voluerunt.

Elaborarunt] Cum me in patriam reduxerunt.

Non modo inuidorum] De quibus haecenus locutus est.

Sed etiam inuicorum] Qui multo etiam magis, quam inuidi, sperauerant me post reditum, memoria calamitatis admonitum, fracto, ac demisso animo futurum.

De uno acerrimo] Vno, magis exprimit *Metelli* fortitudinem, quam si dixisset, *de acerrimo*: quasi praeter ceteros ea laude excelleret.

Constantia] Cum in L. Saturnini legem de agro Gallico diuidendo, per viam latam, iurare noluit, et in exsiliū abire, quam de sua sententia decedere, maluit. *Plutarchus* in *Mario*. *Appianus* lib. 1. de bell. ciu. in orat. pro *Sextio* c. 16. et 47.

Q. Metello, Lucii filio] Distinguendus erat a duobus *Metellis*, quorum vtrique praenomen *Quinto* fuit, *Balearico*, et *Nepote*. itaque vel *Numidici* cognomen, vt in orat. pro *Sexto*, c. 62. vel patris praenomen, vt hic, addi oportuit. Eandem ob causam lib. 3. de Orat. c. 18. dixit: *Hinc haec recentior Academia emanauit, in qua existit diuina quadam celeritate ingenii dicendique copia*. *Carneades*: cuius ego nisi multos auditores cognoui

gnoui Athenis, tamen auctores certissimos laudare possum, et socerum meum Scævolam, qui cum Romae audiuit adolescens, et Q. Metellum L. F. familiarem meum, clarissimum virum. Hoc Caeciliae familiae cognomen vnde manauerit, Festi fragmenta demonstrant. Metelli, inquit, dicuntur in remilitari quasi mercenarii. Attius Ananiam 27. Calones, famulique Metelli, et Caculæque; a quo genere hominum Caeciliae familiae cognomen putatur ductum.

Fracta animo et demisso] Fracta enim demittuntur potius, quam extolluntur.

Est vero probandum] Ironia: quæ negandi vim habet, cum affirmare verba tamen ipsa videantur. Sic Virgilius lib. 4. Aen. v. 93.

Egregiam vero laudem, et spolia ampla referitis

Tuque puerque tuus. —

Summa voluntate] Tantum abest, ut inuitus, ut etiam libentissime, precibus propinquorum, amicorumque neglectis, patria cesserit.

Egregia animi alacritate abfuerit] Cum reliqui fere omnes, crepto adspecu patriæ, in moerore iaceant. Recitat Gellius lib. 17. c. 2. ipsius Metelli, ex epistola ad Domitios, hæc verba: *Illi omni iure, atque honestate interdicti: ego neque aqua, neque igni careo; et summa gloria fruiscor.* De hac Metelli alacritate, et perpetua virtute, animique constantia, Valerius lib. 4. c. 1. et is, qui librum scripsit de viris illustribus.

M. illum Scæurum] Patrem eius, pro quo extat mutilata Ciceronis oratio, patricium, Aemiliae

gentis, sæpe principem senatus. in censura Aemiliam viam stranit, pontem Aemilium extruxit. Nominat eundem cum laude in orat. pro Sextio c. 47. in ea pro Rabirio c. 7. et Sallustius, in Jug. c. 25. Pedianus, Plinius lib. 36. c. 15. scriptor libri de viris illustribus c. 72. Dicit autem *M. illum Scæurum*, ut hic distinguatur ab eo M. Scæuro, qui consularis et ipse fuit, sed Aureliae gentis, id est plebei generis, minime cum hoc virtute, et honore conferendus. itaque, cum loquitur Cicero de nobiliore Scæuro, addit fere, distinguendi gratia, pronomen, *ille*, ut in ea pro domo c. 19. *Quod M. Drusus in legibus suis plerisque, bonus ille vir M. Scæurus, et L. Crassus consularis non obtinuerint.*

Constantia et gravitate] Qui a C. Graccho usque ad Q. Varium seditionis omnibus resistit, quem nulla vis, nullae minae, nulla inuidia labefecerit. sic enim de eo scripsit Cicero in orat. pro Sextio c. 47. in ea vero, quam pro eius filio habuit, cuius extant reliquiae quædam, *custodem appellat reipublicæ.* Ter accusatum, a Domitio tribuno plebis, a Q. Seruilio Caepione, a Q. Vario tribuno plebis, nec unquam damnatum indicat eadem oratio. Actione autem prima in Verrem ornat cum eadem constantia, gravitatisque laude. Sic enim Scæuri generum, M. Acilium Glabionem, prætorem, alloquitur c. 17. *Circumstant te summae auctoritates, quæ te obliuisci laudis domesticæ non sinant: quæ te dies, noctesque commoneant, fortissimum tibi patrem, sapientissimum avum, gravissimum socerum fuisse. Quare, si Glabrienis patris vim,*

et acrimoniam ceperis ad resistendum hominibus audacissimis: si aut Scaeuolae prudentiam ad prospiciendas insidias, quae tuae, atque horum infamae comparantur: si Jocerii Scauri constantiam, ut ne quis te de vero, et certa possit sententia demonere: intelliget populus Romanus, etc. Constantiam eius Pedianus etiam ad orat. pro Scauro commendat his verbis: Q. Seruilius Caepio Scaurum ob legationis Asiaticae inuidiam, et aduersus leges pecuniarum captarum reum fecit repetundarum, lege, quam tulit Seruilius Glancia. Scaurus tanta fuit constantia, et animi magnitudine, ut Caepionem contra reum detulerit, et, breviori die inquisitionis accepta, efficeret, ut ille prior causam diceret, M. quoque Drusum tribunum plebis cohortatus sit, ut iudicia commutaret.

Gravitate] In eadem oratione pro Scauro gravitatem ei tribuit. Curia, inquit, illa de gravissimo principatu patris, fortissimoque testatur.

Suspiciabantur] Quia verisimile videretur; malis enim saepe frangitur constantia.

Cumque Metellum] Sic malo, quam, cum Q. Metellum. est enim haec altera ratio, cur maiore etiam, quam antea, esse animo deberet. Habent autem libri quoque veteres, in iis Medicus, cumque.

Promulgantibus omnibus] Legem de reditu Ciceronis omnes magistratus promulgarunt, praeter Appium praectorem, P. Clodii, qui Ciceronem sua lege eiecerat, fratrem, et duos tribunos plebis, Serranum, et Numerium Quinctium, quos in oratione in Pisonem c. 15.

de lapide emptos vocat. pro Milone autem c. 15. Septem, inquit, praetores, octo tribuni plebis, illius aduersarii, defensores mei.

Referente consule] P. Lentulo. idem in orat. post reditum ad Quir. c. 4. Ego iis, a quibus eiectus sum, proximas obtineantibus, inimico autem optimo viro, et mitissimo, altero consule referente reductus sum. Hoc tamen intelligendum, quia Lentuli maxime opera in patriam restitutus est Cicero, ideo relationem in senatu ei tantum tribui, cum tamen alter consul, non a principio, sed P. Servillii Isaurici oratione permotus, in relatione consenserit. itaque, cum ait Cicero, Lentulum retulisse actionis initium, et praecipuam sui reditus causam spectat; cum vero addit, simul Q. Metellum retulisse, exitum rei considerat. primo enim aduersatus non est Metellus Lentulo referenti, post etiam, Servillii cohortatione, et precibus, adiunxit. unde illud in orat. post redit. in senatu c. 10. Itaque dimittitur non uno salus defensor, qui ante hoc unum beneficium fuerat inimicus, verum etiam adscriptor dignitatis meae. Et in ea post redit. ad Quir. c. 6. P. Lentulo auctore, et pariter referente collega, frequentissimus senatus, uno dissentiente, nullo intercedente, dignitatem meam, quibus potuit, verbis amplissimis ornauit. Et pro domo c. 27. Q. Metellus, collega tuus, de me ad senatum tecum unaretulit. Et pro Sext. c. 62. Ut etiam Q. Metellus consul, qui mihi vel maxime ex magnis contentionibus reipublicae fuisset inimicus, de mea salute retulerit.

Comitiis centuriatis] Quibus legem tulit Lentulus consul, quae de

de re sic in orat. pro domo c. 28. *Constat, nullis unquam comitiis, campum Martium tanta celebritate, tanto splendore omnis generis hominum, aetatum, ordinum floruisse.* In Pison. c. 15. *Legem comitiis centuriatis tulit P. Lentulus consul de collegae Q. Metelli sententia: — Quae lex quemadmodum accepta sit, quid me attinet dicere? ex vobis audio, nemini cui villam, quo minus adesset, satis instam excusationem esse visam: nullis comitiis unquam multitudinem hominum tantam, neque splendidiorem fuisse.* Et pro Sextio c. 51. *Cum de me eodem ex senatus consulto, comitiis centuriatis, ferebatur, quis est, qui non profiteatur se assuisse, et suffragium de salute mea tulisse?* Comitiorum tria genera fuerunt: de quibus alio loco pluribus verbis. hoc tantum dicam, centuriatis creari solitos esse maiores dumtaxat magistratus, consules, decenviros, tribunos militum consulari potestate, censores, praetores: iisdem a maioribus tantum magistratibus leges esse latus, ut cum de bello indicendo ferebatur; haberi autem a tribuno plebis non potuisse, qui non fuit inter maiores magistratus, quod si perductionis aliquem tribunus plebis accusaret, (quo de crimine centuriatis comitiis populus iudicare solitus est) petebat a consule diem, quo populum in campum Martium per centurias non ipse, sed consul ad iudicium conuocaret. Lilius lib. 2. c. 56. Gellius lib. 13. c. 12. et lib. 15. c. 27.

Ordinibus] Augere sententiam Cicero videtur, cum, facta hominum mentione, ordines subiungit: quod illi familiare est. Lib. 3.

epist. 10. *Quae de hominum, atque ordinum omnium erga te studiis scribis ad me.* Et pro Cornelio, orat. 1. *Nam alicui gratificabatur aut homini, aut ordini?* et Coelius lib. 8. epist. 17. *Praeter feneratores paucos, nec homo, nec ordo quisquam est, nisi Pompeianus.* *Omni genere hominum, et ordine, dixit lib. 2. de Offic. c. 24.* Tres autem erant ordines in ciuitate, senatus, equites, plebs.

Quod quemquam malevolentissimum] Vel minima res malevolentissimos offendit: ego tamen nihil committo, quod iure quemquam, vel malevolentissimum, possit offendere.

Alienioribus] Cum quibus nulla intercedit amicitia. Lib. 2. ad Attic. epist. 20. *Si modo erunt eiusmodi litterae, quas in alienum iucidere nolum.* Et lib. 10. ad eundem epist. 11. *Obsignata iam epistola superiore, non placuit ei dare, cui consisteram, quod erat alienus.* Lib. 1. ad Q. Fr. epist. 2. *Si Clodius vi agere conabitur; spero fore, studiis non solum amicorum, sed etiam alienorum, ut vi resistamus.* Pro Murena c. 27. *Ex condicione (Cato) nobis erat in hac ciuitate natus, ut eius opes, et ingenium praesidio multis, etiam alienissimis, vix cuiquam inimico, exitio esse deberent.*

Eos] Quos saepe nutu, et significatione appellat. inuidebant enim Ciceroni, nouo homini, optimates multi.

Splendorem, et speciem] Dignitatem et gratiam.

Intuentur] Plus est, *perspicere*, quam *intueri*. propterea de manifestis, splendore, et specie, dixit, *intuen-*

intuentur: de occultioribus autem, sollicitudine, et labore, perspicere non possunt. Similibus verbis, in simili sententia, vsus est Isocrates, cum scriberet ad Iasonis liberos: *Τὰς μὲν ἐξελίξας, inquit, καὶ τὰ κέρδη, καὶ τὰς ὑδαὶς ἐρῶσι, καὶ τῶν ἀπολαύσειναι προσδοκῶσι τὰς δὲ τραχέας, καὶ τὰς φόβας, καὶ τὰς συμφοράς, τὰς τοῖς ἀρχαῖς συμπίπτουσας, καὶ τοῖς φίλοις αὐτῶν, ἢ διαρῶσιν.* Crebro incurrebat Cicero in huiusmodi figuras; primum quidem, quia valebat ingenio; deinde, quia libros maxime peruolutabat Isocratis: quem laudat egregie lib. 2. de Orat. c. 3. in Bruto c. 12. in Oratore c. 13.

Sollicitudinem, et laborem] Quibus cum splendorem, eamque speciem tueor.

Quibus ornem Caesarem] Cui decieverat supplicationem quindecim dierum, stipendium, decem legatos. quod supra ostendi.

Quasi descissem ERN. *Quasi descissem*] Hic, *quasi*, non minuit, sed indicat: ut si dixisset: illud queruntur in meis sententiis, quod a pristina causa descissem. Eadem vis huiusce verbi cognoscitur apud Suetonium in Tiberio c. 11. cum sit: *Ab Ostia oram Campaniae legens, imbecillitate Augusti nunciata, paulum substitit. Sed, increbrscente rumore, quasi ad occasionem maioris spei commoraretur, tantum non aduersis tempestatibus Rhodum enauiganit.*

A pristina causa] Ab optimatum causa, qui se tueri rempublicam proficebantur; cum Caesar, Pompeius, et Crassus pro ipsorum potentia contendere viderentur. *Pristina* vero, quam ante exilium,

nulla neque Caesaris, neque Pompeii ratione habita, defenderat.

Cum illa sequor, quae paullo ante proposui, tum hoc non in possumis] Cum illa me ad ornandum Caesarem cohortantur, quae paullo ante collegeram, fides Pompeii, quam Caesari de me dederat, Quinti fratris, quin Pompeio: ipsius Pompeii voluntas, de me optime meriti; quorundam optimatum cum inimico non solum meo, sed etiam patriae, ac bonorum omnium reconciliatio; Caesaris et vetus amicitia, et incredibilis quaedam in me, fratremque meum liberalitas; res ipsa publica, Pompeii, Caesarisque rebus gestis non mediocriter aucta; quae cum iis, quibus tantum deberet, nolle contentionem fieri videretur. cum igitur haec me mouent: tum accedit illa ratio, a Platone comprobata, quod, quales in republica principes, tales video reliquos solere esse ciues.

Coepam exponere] Cum enim sententiam Platonis posuisset de corruptis principum exemplo ciuibus, eam ut probaret, ita longe digressus est, inducta commemoratione sui consulatus, ut a proposito non nihil aberrasse videatur. itaque narrationem interruptam, ab alio tamquam orsus principio, retexit.

Non offendes eundem bonorum sensum] Ex quo sequitur, ut sententia quoque nostra commutanda videatur, siquidem Platonem auidius, mutatae ciuitatis causam in principes conferentem.

Reliquisti] Tertio ante anno in prouinciani iuerat Lentulus: interea conuersus est orbis reipublicae,
H sed

sed maxime superiore anno, Pompeio, et Crasso cossi.

Confirmatus] Confirmandi enim senatus consul ipse ex Kal. Ian. fundamenta iecerat.

Interruptus, afflicus] Annum significat, quo multa per vim, contraque auspicia gesta sunt a Caesare consule, eiusque voluntatis ministro Vatinio tribuno plebis.

Recreatus abs te totus est] Amisam enim Pisone, et Gabinio cossi. auctoritatem senatus renoucasti tum aliis in rebus, tum vero in salute mea, quam Clodius, ingenti senatus dolore, afflixerat.

A quibus tuendus fuerat] De iis loquitur, quos supra appellauit his verbis: *aut occulta nonnullorum odia, aut obseura in me studia cernbam.* Et: *certorum hominum, quos iam debes suspicari, sermones referebantur ad me.* Et: *usque ex quibusdam nobilissimis hominibus, fortioribus in me consistendo, quam fuerant iidem in tenendo.* Infra vero: *quidam homines, et iidem illi, quos saepe tuu significationeque appello.* Tuendus autem passiuè, ut fruendus, utendus: sed ipso quoque verbo passiuè usus est Varro lib. 3. de re rust. c. 1. *In pace a rusticis Romani alebantur, et in bello ab his tuebantur.*

Fronte atque vultu] Quae saepe mentiuntur.

Sustinetur] Fallendi studio suscepta.

Nostro illo statu] Cum sententiae nostrae magnum in senatu pondus haberent.

Optimates] Patroni, ac defensores publicae causae: quos ita definit in orat. pro Sext. c. 45. *Duo genera semper in hac ciuitate fue-*

ruunt eorum, qui versari in republica, atque tu ea se excellentius genere studuerunt: quibus ex generibus alteri se populares, alteri optimates et haberi, et esse voluerunt. Qui ea, quae faciebant, quaeque dicebant, multitudinè iucunda esse volebant, populi es: qui autem ita se gererent, ut sua consilia optimo cuique probarent, optimates habebantur.

Sensu ERN. Sententia] In senatu: ex qua non eundem esse eorum sensum, qui fuerat antea, cognouimus.

Tabella] In iudiciis: cum absoluerunt, quos damnari oportuit. Nec dubito, quin hic Cicero de Clodii, nocentissimi hominis, dissolutionem significet; quem senatorum vrna copiose absoluit; ad quos dirigitur haec tota narratio. lib. 2. ad Q. Fr. epist. 6.

Sapientium ciuium] Qui rem publicam optimo et animo, et consilio tractarent, sapientes olim vocabantur: et hoc sapientiae genere Theages ille Platonicus epus excellere. hac igitur de sapientia loquitur Cicero; non de illa, quae, ut a Stoicis definitur, *diuina non humanarumque rerum perfecta scientia est.*

Idem ille Plato] A me antea nominatus.

Quem ego vehementer auctoritatem sequor] Cuius apud me grauis auctoritas est; cui praecipienti aliquid maxime pareo; cuius etiam sententias in mea scripta libenter transfero. Plinius in praefat. Cicero, inquit, *in libris de re publica Platonis se comitem praefertur: in Consolatione filiae, Crantorè, inquit, sequor.*

Tan-

Tantum contendere in republica]

Platonis verba sunt in Critone:

Πανταχῶ ποιητέον ὃ ἂν κέλῃσι ὁ πόλις τε, καὶ ἡ πατρις; ἢ πείθεσθαι αὐτῷ, ἢ τὸ δίκαιον πέφυκε; βιάζεσθαι δὲ ἄχρεῖσιν ὥς μητέρα, ὥς πατέρα; πολλὰ δὲ τούτων ἔτι τῶν πατέρων. Idem dixit in epistola longa ad Dionis propinquos: Πατέρες δὲ ἢ μητέρας ἄχρεῖσιν ἡγήσασθαι προσβιάζεσθαι, μὴ νόσον παραφροσύνην ἐκφορῆναι· βίαν δὲ πατρίδι πολιτείᾳ μεταβολῆς μὴ προσφέρειν, ὅταν αὖτε φύγῃ, καὶ σφαγῇς ἀδελφεῶν, μὴ δουλεύειν ἢ γίνεσθαι τὴν ἀρετήν.

Quantum probare] Rationibus.

nam vis neque patriae, neque parentibus asserenda. quod Plato dixerat, ἢ τὸ δίκαιον πέφυκε, conuertit, *quantum probare tuis civibus possis.*

Vim neque parenti, neque patriae] Eundem Platonis locum Salustius in prooemio Iugurthini c. 3. videtur imitatus. *Vi quidem, inquit, regere patriam, aut parentes, quantumquam et possis, et delicta corrigas, tamen importunum est.*

Ait] Non hoc ait in eodem dialogo, sed in epistola ad Ferdiccam, quam Ficinus Dionis esse putat. Subscribimus Graeca verba; in quibus de seniore iam populo, veteribusque institutis allusio, non de desipiente mentio sit. sed videntur Ciceronis hoc est in Graecis conuertendis, ut verba non numeret, sed tamquam appendat. quod ipsemet in prooemio libri de optimo genere oratorum c. 5. proficitur. Ἐάν δέ τις ἀνέσας τέχνη εἴη, Πλάτων, ὡς εἶπαι, προσποιεῖται μὴ τὴν δημοκρατίαν ἐκμύθευστα εἰδέναι· ἔξω δὲ ἐν τῇ δῆμῳ λέγειν καὶ συμβαλύνειν αὐτῷ. τὰ βέλτιστα, ὃ πάποτε ἀνατὰς ἐφθόγγετο πρὸς ταῦτ' εἰπεῖν, ὅτι

Πλάτων δὲ ἐν τῇ πατρίδι γέγονε, καὶ τὸν δῆμον καταλαβὼν ἔτα πρεσβύτερον, καὶ εὐσεβεῖον ὑπὸ τῶν ἡγετῶν, πολλὰ καὶ ἀνέμοια τῇ ἐκείνῃ ἐκμύθευ πρῶτα. ἐπὶ πλείονας αὖ ἡδύς, κατὰ πατρὸς συνήθειαν αὐτῷ, εἰ μὴ μάτην μὲν κρινόμενον φέροι, πλεον δὲ ἔδδεν ποιῆσαι.

Quod] Deesse videtur, quo referatur. Nam ea, quae sequuntur, verba, *offendisset, vidisset dissideret, arbitraretur*, propinquam particulam, *cum*, singula respiciunt: quod acute intuentibus visum iri arbitror.

Prope iam desipientem senectute] Similitudine vias est Cicero hominum non morbo, aut casu aliquo, sed senescente desipientium. nam, ut aetatis vitium corrigi iam non potest: sic populum diuturna peccandi consuetudine ita corruptum, ut prope ad insipientiam pervenerit, nulla ratio ad sanitatem traduxerit.

Nec persuadendo] Quia prope desiperet senectute.

Nec cogendo] Quia vim neque parenti, neque patriae asserri oportet.

Dissideret] Quis autem, quod praefari a se posse dissidet, id conetur? Salustius in eodem loco, ex Platonis verbis, *et μὴ μάτην μὲν κρινόμενον φέροι, πλεον δὲ ἔδδεν ποιῆσαι*, hanc sententiam ita refert: *Frustra viti, neque aliud fingendo, nisi oblium, quaerere, extreme dementiae est.*

Cogit fors esse a se arbitraretur] Hoc pendet non a proximo, *cum*, sed ab eo, *quod*, ubi causam explicare Cicero incipit, cur Plato rempublicam non attigerit: hoc modo: *atque hanc quidem ille causam sibi ait non attingendae reipublicae*

fuiffe, quod populum Atheniensem, cum persuaderi posse diffideret, cogi fas esse non arbitraretur.

Mea ratio fuit alia] Verbum, ratio, multis rebus eleganter communicat Latina lingua, nec semper eodem sensu. lib. 3. epist. 5. *Animaduerti, et didici ex tuis litteris, te omnibus in rebus habuisse rationem, ut mihi consuleres, restitueresque, et praeeparares quodam modo omnia, quo mea ratio faciliior, et solutior esse posset.* Et ibidem, infra: *Tua ratio postea est commutata.* Et epist. 8. eiusdem libri: *Mea ratio in tota amicitia nostra constans, et grauis reperietur.* Quibus in locis, atque aliis, quae breuitatis causa praetermitto, licet intelligere, quae res huic subiecta verbo sit: nec difficilis imitatio est: sed verbo verbum explanare si quis velit, frustra fortasse conabitur. Est enim ratio nonnumquam id, quod ad nos pertinet, et quasi status quidam rerum nostrarum: interdum autem actio potius videtur esse: ut cum dixit, *quo mea ratio faciliior, et solutior esse posset.* Et illud, *tua ratio postea est commutata.* Et, *mea ratio in tota amicitia nostra constans, et grauis reperietur.*

Neque integra re] Integra Platonis res fuit ad consulendum; quia nunquam attigit reipublicam, quod mihi non contigit; qui cum reipublicam antea tractassem, propterea implicatus tenebar; quod rationes quaedam, ut a publicis rebus abstinere, et ad nostra studia litterarum referrem, quaedam contra, ut in vetere vitae cursu, publicisque actionibus pergerem, hortari viderentur.

Laetatus tamen sum] In hac molestia, quam ex mutatione sententiae meae capiebam, laetabar tamen, quod in defendenda Caesaris, Pompeiique causa, non modo rationibus meis, otioque ac salutem consulere, sed etiam ea defenderem, quae probari possent a bonis viris. Ostendit ita se cum Caesare, ac Pompeio sentire velle, ne quid tamen, quod obsit reipublicae, committat. id infra confirmat, cum ait: *Facile patior, ea me de republica sentire ac dicere, quae maxime cum mihi, tum etiam reipublicae rationibus putem conducere.*

Caesaris liberalitas] De qua ante: *Hic multum valuit cum vetus amicitia, quam tu non ignoras mihi et Q. fratri cum Caesare fuisse, tum humanitas eius ac liberalitas, breui tempore et litteris et officiis perspecta nobis et cognita.* Commemoratur eam libenter Cicero, quia benevolentiam liberalitas maxime conciliat. infra quoque: *Eius omni et gratia, quae summa est, et opibus, quas intelligis esse maximas, sic fruor, ut meis.*

Tantisque victoriis] Quantas ipse exponit quinque primis libris de bell. Gall. superatis Heluetiis et Germanis, ut in lib. 1. Nervii, ut in lib. 2. de quibus, deque omni Gallia pacata cum Caesar ad senatum litteras misisset, decreta ei quindecim dierum supplicatio est; quod ante id tempus acciderat neui: Venetis, maritimam Galliae partem contra Britanniam incolentibus, lib. 3. rursus Germanis devictis, Sicambriis perterritis, cum Rhenum primus Romanorum cum exercitu transisset, Britanniae post secunda proelia obsidibus imperatis;

tis: quibus rebus Romae cognitis, decreta ei viginti dierum supplicatio: ut ex ipsius lib. 4. c. 38. constat: in Britanniam copiis iterum traductis, re benefesta, tributo imposito, obsidibus acceptis, mox in Gallia Eburonibus, Aduaticis, Nerviiisque pugna victis, ut lib. 5. quae gesta sunt Domitio et Appio coss. quò anno scripta est epistola, et, ut videtur, in extremo. itaque vel, quae commemorari, omnia, vel pleraque certe significat Cicero, cum ait, *tantisque victoriis.*

Ornandus] Reipublicae caussa.

Meae salutis auctoribus] Quorum virtute atque opera sum in patriam restitutus. in libro de clar. orat. c. 77. *Duo praeterea Lentuli consulares, quorum Publius ille, nostrarum iniuriarum ultor, auctor salutis.*

Discefferim] Vobis exceptis, nemo est, cui perinde ac Caesari debeam; secundum vos, nullius in me maiora, quam Caesaris, merita esse confiteor. Similiter locutus est lib. 6. epist. 12. *Omnes Caesaris familiares satis opportune habeo implicatos consuetudine et benevolentia, sic, ut, cum ab illo discefferint, me habeant proximum.*

Deiunctum]. Proxime: commemoranda quaedam, et diuina Caesaris in me fratremque meum liberalitas. Et lib. 3. ad Q. Fr. epist. 1. *Ille mihi, secundum te, et liberos nostros, ita est, ut sit paene par.*

Gaudeam] Debitori solere odio esse creditorem, cognoscitur ex Aristotele Ethic. lib. 9. *Καθάπερ ὁ ἐπὶ τῶν ἀνελόντων, οἱ μὲν ὀφειλόντες βύλονται μὴ εἶναι οἷς ὀφείλουσιν, οἱ δὲ δανίσαντες καὶ ἐπιμέλονται τῆς τῶν ὀφειλόντων σωτηρίας: ὅτι καὶ τὸς*

δυσχερῆσαντας βύλονται εἶναι τὸς παύοντας, ὡς κοιμημένους τὰς χάριτας. Non igitur qui beneficium accepit, sed qui dedit, gaudere solitus est, parit enim virtutis exercitatio laetitiam: et amamus eum, in quo liberalitatem, id est, virtutem, exerceamus. is autem, cui tributum beneficium est, non aequè amat eum, qui tribuit, nec se deiunctum eius officiis cum gaudio confitetur. nemo est enim, quem suae tenuitatis commemoratio delectet. Cicero tamen erga bene de se meritos ita delectatur officio suo, non modo ut fateatur id, quod debet, sed etiam ut debere se gaudeat. quod ipsi Lentulo, cuius opera salutem recuperauerat, fore gratissimum intelligit. nam si talem Caesari animum praestat! quid faciet ei, cui se plus, quam Caesari, debere, iam dixit?

Facilia sunt] Nam, quae me caussae ad ornandum Caesarem adduxerunt, iisdem, ut cum Vatinius, et Crasso in gratiam redirem, adductus sum.

De Appio] Cum quo per Pompeium, cuius filio nupserat Appii filia, in gratiam rediit: ut est in epist. ad M. Brutum, apud Quinctilianum lib. 9. c. 3.

De Vatinius] Quem, scire vis, cur defenderim; et laudarim. Gesserat cum eo graues inimicitias Cicero, tum reipublicae caussa, quia leges contra senatus voluntatem, contraque morem maiorum tulerat in tribunatu; tum etiam, quia testimonium dixerat in Sextium, quem Cicero de vi accusatum defendit.

Per Pompeium] Quo consule comitia habente, superiore proximo anno praetor Vatinius creatus

H 3 est,

est, M. Catone reiecto: qui cum ante Vatinium populi suffragiis praetor fieret, consul Pompeius, auspicia mentiens, comitia dissolvit. quod ei, augur cum esset, iure sacerdotii licebat. Plutarchus in Pompeio, Dio lib. 39.

Practor est factus] Corruptis suffragiis, anno proximo, consiliis ex interregno creatis Pompeio et Crasso. Plutarchus.

Catonis] Viri optimi, qui cum Vatinio, nequissimo homine, praetoram anno proximo superiorepetens, repulsum tulerat: hoc autem anno praetor erat. lib. 3. ad Q. Fr. epist. 2. Asconius in commentario orationis pro Scauro.

Defenderem] Accusatus est Vatinus, ut ait Pedianus in commentarii prooemio orationis pro Scauro, Appio et Domitio coeli. id est, quo anno scripsit Cicero hanc epistolam: accusatus autem a C. Licinio Calvo de ambitu, quia praetoria comitia corrupisset. nam et cepturiis nuntios ab eo contra leges datos, ait Plutarchus in Pompeio: et Quinctilianus locum recitat lib. 6. c. 1. ex oratione Calui contra Vatinium de ambitu reum. *Egregie in Vatinium Calvus, factum, inquit, ambitus scitis omnes, et haec vos scire omnes sciunt.* Idemque lib. 9. c. 2. penit illud ex oratione Calui in Vatinium: *Perfrica frontem, et dic te dignicrem, qui praetor fieres, quam Catonem.* Aquila quoque Romanus haec recitat ex Calui oratione in Vatinium: *Non ergo pecuniarum magis repetundarum, quam maiestatis; neque maiestatis magis, quam Plautiae legis; neque Plautiae, legis magis, quam ambitus;*

neque ambitus magis, quam omnium legum omnia indicia perierunt. Legimus etiam in Seneca, declamationum lib. 6. *Calvus, qui dum cum Cicerone iniquissimum item de eloquentiae principatu habuit, usque eo concitatus auctor fuit, ut in media oratione eius exclamaret Vatinus reus: rogo vos, indices, num, si iste desertus est, ego damnandus sum?* Accedit Corneli Tacti testimonium in dialogo de oratoribus c. 21. *Versatur, inquit, in hominum studioforum manibus accusationes, (Calui) quae in Vatinium inscribuntur, ac praecipue secunda ex his oratio.* Et infra ibidem c. 34. *Nunc doctus aetatis anno L. Crassus C. Carbonem, duo et vicesimo Caesar Dolabellam, altero et vicesimo Asinius Pollio C. Catonem, non ultra uetate ante edens Calum Vatinium, iis orationibus insecuri sunt, quas hodieque cum admiratione legimus.* Ipse Vatinus ita scripsit ad Ciceronem lib. 5. epist. 9. *Si tuam consuetudinem in patrocinis fruendis seruas, P. Vatinus cliens aduenit, qui pro se causam dicere vult. Non, puto, repudiabis in bonore, quem in pericula recepisti.* Et lib. 2. ad Q. Fr. epist. 16. *Post mortem, inquit, Vatinium aderam defensorus.*

Mira contentio] Nec mirum: tribunatum enim suum ex Caesaris libidine Vatinus gesserat: in quo, praeter alia, legem tulerat, invito senatu, de Gallia citeriore ab eo simul cum Illyrio per quinquennium obtinenda. Suetonius in Caesare c. 22. Plutarchus, omnes hi-

[Laudarum] Dixi iam, laudari solitos esse reos ab amplissimis viris; quod

quod eorum laudatio quasi quaedam apud iudices commendatio videretur.

Ne tibi ego idem reponam] Ne ego quoque abs te quaeram, cum veneris, cur nonnullos in iudicio laudaris, de quibus tamen haud optime sentias: possum idem quaerere a te absente; cum ex Hispania citeriore quibusdam laudationem miseris. Causam igitur defendendi Vatinii, Caesaris contentionem posuit. Et, quia subiicere Lentulus poterat: an etiam, ut eundem laudares, Caesar contendit? excusat laudationem suam ipsius Lentuli exemplo, cum alia ratione vix posset: siquidem necessaria, contendente Caesare, defensio videri poterat; laudatio autem, voluntaria. Sciimus autem, hoc esse positum in oratoris artificio, ut, cum rationes et argumenta non suppetant, ad exempla confugiat.

Vltimis terris] Hispaniae duae fuerunt, citerior, et vltior: quam utramque anno superiore et senatus, et lege a tribuno plebis Trebonio perlata, populus Pompeio dederat. hic de citeriore accipiendum; cui praefuisse cum imperio Lentulum, supra demonstratum est iis verbis, *cum tu Hispaniam citeriorem cum imperio obtineas*. Et quamquam vltior Hispania potius, quam citerior, vltima terrarum esset ad Oceanum usque pertinens: ad commune tamen Hispaniae nomen Cicero spectauit, cum esset ea tota prouincia ad occidentem, sicuti ad orientem Syria, terminus imperii Romani. De Cilicia timem, quae citra Syriam est, dixit Cicero lib. 15. epist. 9. *a te ipso vlti in vltimas gentes*: non quod vltimae gentes, sed quod in-

ter vltimas imperii Romani. Sallustius autem in Coniuratione Catilinae c. 16. *Cn. Pompeius in extremis terris bellum gerebat*, id est, extremis imperii, in finibus imperii, ad imperii fines. Et Nepos in Attici vita c. 20. *Antonius ex vltimis terris, quid ageret, curae sibi habebat certiore facere Atticum*.

Miseris] Per litteras etiam ab iis, qui aberant, rei laudabantur. Asconius in commentario pro Scauro: et Planco Burfae laudationem a Pompeio, cum esset proconsul ad urbem, ad iudices missam, legimus in Dione lib. 40.

Pertinueris] Apparet, laudatos a Lentulo, qui ab optimatibus disiderent.

Sed tamen] Omissa laudatione, reddit ad causas defensionis. quod enim P. Clodium quidam optimates, Ciceronis inimicum, ipso praesente amplexarentur, in manibus haberent, fouerent, oscularentur, ut ei stomachum facerent: propterea, ut eorum consuetudinem imitaretur, et quasi par pari referret, ipse quoque, hominem optimatibus inuicem, Vatinium defendit.

Par pari ERN. Par pro pari referto] Sic stat versus: *par pari*, trochaeum adinsecebat, qui locum non habet in senariis. Graeci dicunt, ἀντιποιεῖν.

Quidam nobiles homines] De quibus ante: *Certorum hominum, quos iam debes suspicari, sermiones referebantur ad me: qui cum illa sentirent in republica, quae ego agebam, semperque sensissent: me tamen non satisfacere Pompeio, Caesaremque inimicissimum mihi futurum, gaudere se aiebant*. Et aliquanto post: *Quidam homines*

in capite meo solum elaborarunt, reliquum corpus imperfectum ac rude reliquerunt.

Seuere seducerent] Quasi de gravibus, seriisque rebus cum eo deliberaturi. adhibetur enim ad seria severitas. unde praeceptum illud lib. 1. de Offic. c. 37. *Videat in primis, quibus de rebus loquatur: si serius, severitatem adhibeat; si iocose, leporem.*

Suum Publicum] Clodium, cum quo in gratiam redierant. quae maxime res ab optimatum causa Cicerone abalienavit, et cum Caesare, totaque Caesaris factione coniunxit, ut etiam duos maxime omnium insensos, atque inimicos optimatibus, Gabinium, rogatu Pompeii, Vatiniū, Caesare contendente, defenderit, et laudarit. hoc ipsemet explanat in orat. de provinciis c. 20. *Levisime feram, si forte aut iis minus probaro, qui meum inimicum, repugnantem vestra auctoritate, texerunt, aut iis, si qui meum cum inimico suo reditum in gratiam vituperabunt, cum ipsi, et cum meo et cum suo inimico in gratiam non dubitant redire.*

Leviter repungere] Excusatio triplex, quod leviter eos offendat, quod laceratus, quod in re simili, id est in altero Publico.

Saepe facio] Quod in iudicio dixi, saepe facio, ut eorum animos leviter repungam.

Diis hominibusque approbantis] Sine vlla cuiusquam reprehensione. sic lib. 2. ad Q. Fr. epist. 4. *Vatiniū. a quo palam oppugnabatur, (Sextius) arbitrari nostro concidimus, diis hominibusque plaudentibus.* Contra lib. 3. ad eundem epist. 2. *Probe premittitur:* (Ga-

binus) *nisi noster Pompeius, diis hominibusque inuitis, negotium euerterit.*

Habes de Vatiniō] Cur Vatiniū defenderim, cognovisti. *Habes,* inquit: quia, quae audimus, accipimus animo. infra: *Accepisti, quibus rebus adductus, quamque rem causamque defenderim.*

De Crasso] De quo quaesivisse Lentulus non videtur. nam in prima epistolae parte Caesar, Appius, Vatinius, ex Lentuli litteris nominantur, Crassi nulla mentio. sed Ciceroni propositum in primis hoc est, ut excuset ea, quae sibi aliquam iniurere notam inconstantiae possint. quare, cur et cum Crasso post reconciliationem contenderis, et, post contentione, rursus in gratiam redieris, causas diligenter exponit.

Magna iam gratia] Vetus inter eos fuerat iniquitas, vel exorta Cicerone consule, cum Crassus Catilinæ consiliorum particeps esse putaretur, ut historiae declarant; vel, ut ego arbitror, multo ante, cum Cicero ab adolescentia sua, ut in hac epistola iam dixit, Pompeii fautor extitisset, Crassumque saepe, ut lib. 1. ad Attic. epist. 14. scripsit, in Pompeiana laude perstrinxisset: in suasionem quidem legis Maniliae, laudem servilis belli, Crassi virtute confecti, magna ex parte ad Pompeium transfert. Primus dies eos in gratiam reduxit, cum Crassus in senatu, praesente Pompeio, a Mithridatico bello proxime reverso, de rebus a Cicerone consule in urbe gestis ornatissime locutus est, cuius orationis illustrem sententiam cum Cicero ad Atticum scripisset, subiunxit: *hic diis me valde Crasso adiunxit.* Rursus odium inter eos emerfit,

emerſit, quo anno lege Clodia Cicero pulſus eſt, Crasſo Clodium adiuvante, ut in Plutarcho legimus. Iterum autem reconciliati, reſtituto in patriam Cicerone, intercedente Publio Crasſi filio, Ciceronis amantiffimoq; ut idem Plutarchus. Tertiae tum diſſenſionis, tum etiam reconciliationis cauſa hic exponitur.

Communis concordiae cauſa] Quod priuatas inimicitias reipublicae donandas putaret; ne quando priuatis odiis publica impeditur utilitas.

Contriueram] Depreſſeram, conſumpſeram. contrita enim vim non habent. ſic in Tuſcul. 5. c. 30. *Reliquis quidem licet facere id, quod ſere faciunt, ut grauitatem dignitatemque virtutis exaggerent. Quam cum ad caelum extulerint, quod ſicere eloquentes homines copioſe ſolent; reliqua ex collatione facile eſt contereſcere atque conſumere.*

Deſenſionem Gabinii] In ſenatu, cum iu abſentem Gabinium acerbiffime inuectus eſt Cicero. oratio de prouinciis, et in Piſonem.

Diſputantem] Cum eo in ſenatu. nam, in iudicio, dixiſſet potius, *agentem*.

Laefiſſet] Contumelia. verborum. ſatis enim conſtat, non eorum modo animos laedi, contra quos aliquid fit, ſed eorum etiam, contra quos dicitur. in quibusdam tamen antiquis libris, *laeſiſſet*.

Exarſi] Ut ignis ex arida materia, ſic nos iniuſte laeſi exardemus iracundia. bilis enim, quae conuoluta iracundiam gignit, aſſimilatur igni, atque etiam, ut philoſophis placet, accipitur ab igne, ut animus ſpirabilis ab aere, hu-

mor ab aqua, viſcerum ſoliditas a terra. quod lib. 2. de Nat. Deor. c. 6. Cicero tradidit. Vſurpatur autem tribus modis hoc verbum: *exarſi iracundia*, vel *dolor*: *exarſit iracundia*, vel *dolor*: *exarſi*, ſimpliciter. Primi generis exemplum hic habemus, et lib. 2. in Ver. c. 20. *Exarſit iracundia, ac ſtomacho*. in epiſt. ad Brutum a Germ. rep. et ed. 2. *In Planci cauſſa exarſit incredibili dolore*. Alterum genus cognoscitur ex lib. 2. ad Q. Fr. epiſt. 3. *Clodiani noſtros conſputare coeperunt. Exarſit dolor*. Simpliciter autem lib. 2. ad Attic. epiſt. 21. *Sibilis vulgi, ſermonibus beneſtorum, fremitu Italiae, vereor ne exarſerint*. Et in prooemio lib. 3. de Orat. *Cum homini et vehementi, et diſerto, et in primis forti ad reſiſtendum, Philippo, quaſi quasdam verborum faces adinuſſet, non tulit ille, et graui- ter exarſit*.

Effuſiſſe] Cum in gratiam rediimus, nihil putaui reliquum eſſe odii.

Reſiduum tamen inſciente me fuiſſet] Tota haec de veteris odii eruptione ſententia duas partes habet, vnam ex vno membro, cum incluſum illud odium omne repente apparuit; alteram ex duobus, *quod ego effuſiſſe me omne arbitrabar, reſiduum tamen inſciente me fuiſſet*. vtraque igitur pars a ſe ipſa regatur, necelle eſt. quod cum ita ſit; quaero, unde pendeat hoc, *reſiduum tamen inſciente me fuiſſet*; non enim ad verbum, *quod*, accuſandi caſu enunciatum, referri videtur poſſe. quare aut ſubaudiendum alterum, *quod*; ut ita dicat: *quod ego effuſiſſe me omne arbitrabar, quod tamen inſciente me*

residuum fuisset: aut soloeicis species quaedam videbitur: cuius generis alia quoque in Cicerone, Pediano etiam teste, animaduertentur.

Fuisset] Placet: etsi varie scriptum esse videam in aliquot antiquis libris, *fugisset, effugisset, fuisset*.

Iidem illi] Veteres in plurali quoque dicebant, *idem*: sed melior consuetudo, ut *iidem* diceretur, obtinuit, quod analogiae lib. 2. Caesarem probasse Carilius ostendit.

Saepe nutu significationeque appello] De his enim saepe iam locutus, neminem umquam non nauit.

Maximum fructum] Pro laetitia potius, quam utilitate, *fructum* hic accipio, ut etiam lib. 10. epist. 5. *Ex tuis litteris cepi fructum duplicem, mihi in comparatione difficilem ad iudicandum: antoremne erga me tuum, an animum in rempublicam pluris aestimandum putarem.* Et in extrema epistola: *Illud ad tuam summam amplitudinem, dignitatem, liberalitatem, qua te scio libentissime frui solere, pertinere; pro laetari.*

Ex libertate mea] Propter haec omnia: quod, sedente Cn. Pompeio, dixerim me Bibuli fortunam, quam Vatinius afflictam putarat, omnium triumphis, victoriisque anteferre: quod, eodem teste, alio loco, eosdem esse, qui Bibulum exire domo prohibuissent, et qui me coegissent: quod in Vatini summa libertate, animoque maximo, de vi, de auspiciis, de donatione r.ignorum, omnia dixerim: quod senatus quoque auctor fuerim, ut de agro Campano idibus Maii referre-

tur: postremo, quod cum Crasso magna libertate contenderim.

Foris] Vulgo, apud omnes homines: ut lib. 2. ad Q. Fr. epist. 8. *Senatus frequens diuinus fuit in supplicatione Gabinio deuoganda. Foris valde planditur.* Et lib. 3. ad eundem, epist. 7. *Nihil bonum sermone foris clarius.*

Fructum tulisset] Bonam de me hominum opinionem auxisset.

Qui in eadem causa essent] Communis erat causa Crassi, Caesaris, Pompeii, qui ad ipsorum potentiam omnia referebant.

Iuicui] Cur enim, cum ex libertate mea maximum fructum cepissent, inimicissimos mihi fore principes viros; laetabantur?

Honestissimos] In primis honoratos. lib. 2. epist. 15. *Enori Caesarem bonum esse cupio.*

Perferrentur] Dixit supra: *Sermones referebantur ad me.*

Ita contendisset, ut nihil unquam magis] Supra, eadem sententia aliter expressa: *Caesaris, ut illum defenderem, mira contentio est consecuta.* Eodem modo accipitur, *pugnare*, lib. 7. Epist. 32.

Maxima molestia] Quid mirum? cum, praeter initum inter eos in causa populari societatem, Crassi filii quaestor Marcus, Publius legatus, Caesare imperatore in Gallia mererent.

Temporum meorum] Earum calamitatum, quas olim pertuli, quia nimium in republica libere sensissem. quod ne iterum accideret, providendum fuit. Hoc nomine casus aduersos interdum appellat, ut in extrema epistola: *Scripti versibus tres libros de temporibus meis.*

Et

Et in suasionem Maniliae legis c. 1. *Omne meum tempus amicorum temporibus transmittendum putavi.*

Natura] Quae me ab omni contentione revocabat.

Paene a meis laribus] Non revera a meis laribus, cum domi meae non cenauerit, sed paene a meis laribus; cum et apud me cenauerit, et in hortis generi mei, *Lares* pro aedibus ponantur, quia praesentiae putabantur aedibus: et iidem sunt omnium aedium lares; penates autem singularium aedium proprii. ideo separatim eos Plautus nominavit in Merc. Act. 5. Sc. I. v. 7.

Ego mihi alios deos penates persequar, alium Larem.

Condixisset] In diem certum denunciasset. sic enim Festus interpretatur.

Apud me] *Apud me, apud Pompeium, apud se*, valet in aedibus meis, in aedibus Pompeii, in aedibus suis. hic igitur non omnino proprie dictum est, *apud me*, quia cenauerat Crassus non in Ciceronis aedibus, sed in hortis Crassipedis. verum hortos Crassipedis quasi suas aedes putat: ideo dixit etiam, *paene a meis laribus*.

Commendatione] Laude.

In senatu] Hac de re sic ad Crassum, lib. 5. epist. 8. *Et cum consulibus, et cum multis consularibus tanta contentione decertavi, quanta nunquam antea ulli in causa: — veterique nostrae necessitudini iamdiu debitum, sed multa varietate temporum interruptum officium cumulate reddidi.*

Mea fides] Post reconciliationem.

Rem causamque] Res, ut supra demonstravi, totum negotium significat; *caussa* negotii pars est,

quae ad aliquem proprie pertinet. res igitur est hic, id quod Pompeio, et Caesari placebat; quos offendere, temporibus admonitus, Cicero nolebat: *caussa* vero, Vatinius, et Crassus, quorum alterum in iudicio, alterum in senatu, rogata Caesaris, et Pompeii, defenderat.

In republica capeffenda] Dixi iam, *republicam capeffere*, idem esse, quod, administrare.

Pro mea parte] Quod ad me attinet. dixit enim epistolae initio: *Offendam, qui sit meus sensus, et status.*

Mibi integra omnia, ac libera fuissent] Si mihi pro meo sensu, ac iudicio rempublicam capeffere licuisset: id quod non licuit: cum me fratris mei fides, Pompeii, Caesarisque beneficia, optimatum iniuriae cominuerint. Paulo post: *Si essent omnia mihi solutissima, tamen in republica non alius essem, atque nunc sum. Cum vero in hunc sensum et alliciar beneficiis hominum, et compellar iniuriis: facile patior, ea me de republica sentire ac dicere, quae maxime cum mihi, tum etiam reipublicae rationibus putem conducere.* Ideo autem plane integrum Ciceroni non erat, ut id ageret, quod maxime probaret; (probauerat autem semper, ac defenderat optimatum causam, quam Caesar, et cum eo coniuncti Pompeius, et Crassus, populari via potentiam quaerentes, oppugnabant) quia cum Pompeium non solum beneficio, sed amore etiam, ac perpetuo quodam iudicio diligeret; Caesaris autem in se, fratremque suum mirificam liberalitatem esset expertus; praeterea reconciliatos cum inimico suo, familiarique coniunctos

iunctos amicitia, principes optimatum videret, discedere a pristina sententia cogeatur.

Contra tantas opes] Quod erat periculosum.

Neque delendum] Quod ipsa respublica nolle videretur. dixit enim supra: *Veheinenter res ipsa publica me mouit, quae mihi videbatur contentionem, praesertim maximis rebus a Caesare gestis, cum illis viris nolle fieri: et, ne fieret, veheinenter recusare.*

Conuersis rebus] Respexit ad illud Platonis, quales in republica principes essent, tales reliquos fore esse ciues.

Temporibus assentiendum] Lib. 4. epist. 9. *Tempori cedere, id est, necessitati parere, semper sapientis est habitum.* Dixit idem aliis verbis in orat. pro Plancio c. 38. *Stare, inquit, omnes debemus, tamquam in orbe aliquo reipublicae, qui quoniam versatur, eam deligere partem, ad quam nos illius utilitas, salusque conuerterit.*

Praestantibus viris] Iis, qui optime administrandae reipublicae sententia praestiterunt.

Vt in nauigando] Nihil iucundius, atque etiam nihil vtilius, quam in legendo similia conferre. quo in genere qui versantur, his fere neque deest vnumquam, quod scribant, et ea, quae scribunt, augere, et exornare facile possunt. Vfus est Cicero in orat. pro Plancio c. 39. eadem sententia, sumpto a nauigantibus exemplo. *Au, inquit, cum videam nauem secundis ventis cursum. tenentem suum, si non eum petat portum, quem ego aliquando probavi, sed alium minus tutum, atque tranquillum:*

cum tempestate pugnem periculose potius, quam illi, salute praesertim propolita, obtinuerem, et paream? Neque enim inconstantis puto, sententiam, tamquam aliquod nauigium atque cursum, ex reipublicae tempestate moderari. Cuius loci extremam partem iisdem verbis iteratam video in orat. pro Balbo c. 27. *Assentior, inquit, non omnibus: neque esse inconstantis puto, sententiam aliquam, tamquam aliquod nauigium, atque cursum, ex reipublicae tempestate moderari.* Et lib. 16. ad Attic. epist. 7. *Nemo doctus vnumquam mutationem consilii, inconstantiam dixit esse.*

Portum tenere] Pro, obtinere. epist. 1. *Teneri enim res aliter non potest.*

Mutata velificatione] Obliquo cursu, non directo, qui erat institutus.

Tandem ERN. Tamen peruenire] Non tam cito, sed aliquando tamen peruenire.

Cum dignitate otium] Epist. 7. *Neque salutis nostrae rationem habendam nobis esse sine dignitate, neque dignitatis sine salute.* Et in principio lib. 1. de Orat. *Perheati fuisse illi videri solent, qui in optima republica, cum et honoribus, et rerum gestarum gloria florent, eum vitae cursum tenere potuerunt, ut vel in negotio sine periculo, vel in otio cum dignitate esse possent.*

Non idem semper dicere] More nauigantium, qui non eundem semper cursum tenent, sed eundem tamen portum, licet mutata velificatione, semper spectant.

Non idem semper dicere, sed idem semper spectare debemus] Salutem

lutem reipublicae, quae sententiam a nobis eandem perpetuo non postulat. Pro Plancio c. 39. *Ego vero haec didici, haec vidi, haec scripta legi: haec de sapientissimis, et clarissimis viris et in hac republica, et in aliis, civitatibus monumenta nobis litterae prodiderunt: non semper eandem sententiam ab iisdem, sed, quascunque reipublicae status, inclinatio temporum, ratio concordiae postularer, esse defendendas.*

Solutissima] Soluta, et libera Ciceronis voluntas non erat, cum et alliceretur Pompeii, Caesarisque beneficiis, et compelleretur optimatum quorundam iniuriis.

Facile patior] Ita loquebantur, cum aliquid se nec admodum libenter, nec moleste tamen facere significabant. lib. 5. epist. 7. *Nulla re tam laetari soleo, quam meorum officiorum conscientia: quibus si quando non mutue respondetur, apud me plus officii residere facillime patior.*

Cum mihi] Coniuncta cum praesidiis iis, quae semper habuerat, potentium benevolentia, paullo post.

Reipublicae rationibus] Publicae causae, omnium libertati, supra: *Laetatus sum, quod mihi liceret in eadem causa et mihi utilia, et cuius bono recta defendere.* Sic locutus in prooemio lib. 1. de Inuent. *Is mihi vir et suis, et publicis rationibus utilissimus, atque amicissimus cuius fore videtur.*

Apertius haec ago] Ita me sentire profiteor.

Legatus est Caesaris] In Gallia, missus a Caesare cum legione in Nervios, Eburonum, Aduaticorum,

Nerviolorum obsidionem fortiter sustinuit. Caesar lib. 5. de bell. Gall. c. 39. seqq.

Ita illustri gratia] Quaecunque a me in illum profecta sunt, ita perspicue, sibi accidisse gratissima, demonstravit, ut ego eum, vel minimis meis officiis, mihi obstrictum putarem.

Gratia] Apud populum. valere enim in senatu auctoritate, apud populum gratis, proprie dicitur. Et Caesar, qui semper ad principatum spectauerit, mire popularis ab adolescentia fuit, multaque per populum, quae a senatu impetrare nequiuisset, consecutus est.

Opibus] Opum nomine, quantum valeamus, continetur. lib. 6. epist. 6.

Consilia frangere] Non dissimile, cogitationes debilitare, epist. 6.

Potentium benevolentiam] Eandem sententia lib. 3. ad Q. Fr. epist. 8. *Praesidium firmissimum petebamus et optimi, et potentissimi viri benevolentia ad omnem statum nostrae dignitatis.* Hoc nimirum illud est, quod saepe dixit, spectandum esse cum dignitate otium, habendam non dignitatis modo rationem, sed etiam salutis.

Essem etiam eisdem] Indicat, eo se facilius in eam mentem esse deductum, quod probari a Lentulo consilium suum existimavit. quasi, Lentulo aliter sentiente, aliter ipse quoque sensurus fuerit. huc illud spectat epist. 8. *Ego quidem, ut debeo, et ut tute mihi praecipisti, et ut me pietas utilitasque cogit, me ad eius rationes adiungo, quem tu in meis rationibus tibi esse adiungendum putasti.*

Tempe-

Temperantiam et moderationem] Notum est ex Aristotele, et aliis, *temperantiae* nomine, perfectam virtutem, qua indomitae, atque exultantes animo libidines cohibentur, indicari. verbum igitur, *moderationem*, sententia non requirit. Sed a more philosophorum longe distat oratoria loquendi consuetudo. Saepe copiam quaerit Cicero, non ut augeat, immutet sententiam, sed ut explauet magis. neque vero nesciebat, moderationem a temperantia non differre, cum ipse et lib. 2. de Fin. c. 19. et Tusc. 3. c. 8. *temperantiaque* definiat, atque explicauerit moderationis nomine: et lib. 1. de Offic. c. 27. 28. ubi quatuor virtutes nominat, *moderationem* pro temperantia vsurpauerit: sed, ut dixi, apericiendae, atque explanandae rei gratia, non necessariam vbertatem interdum amat. eodem modo lib. 12. epist. 27. *Est ita temperatis moderatisque meritis. ut summa severitas summa cum humanitate iungatur.*

Amicissimum] Itaque non dubito, quin ea voluisses, quae meis conducere rationibus existimasses.

Suffusum] Translato verbo latere interdum in animo malevolentiam significat, ut aqua latet subter cutem fusa. Sic lib. 2. de nat. deor. c. 21. *aetherem aequabili calore suffusum* dixit.

Magnum et excelsum] Quae virtus plane viro digna. Graeci μεγαλοψυχία, Cicero lib. 1. de Offic. c. 43. *magnanimitatem* vocat. Magni autem excelsique animi est, neminem odisse, res eas parui pendere, quibus alii ad malevolentiam, ac nocendi cupiditatem facile com-

mouentur. Eidem tribuit animi magnitudinem epist. 4. et 7. et in lib. de clar. orat. c. 77.

Apertum et simplicem] Quod bonitatis est. ideo, quid sentires, qui tuus in me, ceterosque animus esset, nullo negotio perspexi.

Tales] Inuidos. uam epist. 7. in te, inquit, *homine omnium nobilissimo, similia inuidorum vitia perspexi.* Notatur etiam perfidia optimatum, quorundam, Cicroni in salute, Lentulo in dignitate cognita. epist. 5. 6. 7.

Mouerans] Ut quibusdam in sententis paullum me immutarem, meamque voluntatem ad summorum hominum, de meque optime meritorum, dignitatem aggregarem.

Salus mea] Ut in patriam redirem.

Etiam dignitas] Modeste petit, ut eundem se praebeat Lentulus in eius tuenda, atque augenda dignitate, quem in recuperanda salute praefecerat.

Socium comitemque] Non dixit, adiutorem, ut arrogantiam vitaret; et simul, quod in societatis nomine quaedam inesse videtur benevolentiae significatio. *Socius* autem, proprie, agentem adiunat: *comes* eundem sequitur.

Orationes] Triennio scriptae, Marcellius et Philippo cons. ut pro L. Calpurnio Bestia, pro P. Sextio, in Vatinius, de prouinciis consularibus, de haruspicum responsis: Pompeio et Crasso, in Pisonem: Domitio et Appio, pro Scauro, pro Vatino, pro M. Coelio, atque etiam pro A. Gabinio, quem rogatu Pompeii hoc anno defendit, ut ex Dione lib. 39. et ex epistolis ad Atticum, et ad Q. Fratrem intelligitur.

nomi-

nominant et orationem de rege Alexandrino rhetores Latini, Aquila, et Fortunatianus: quam opinor habitam esse Marcellino et Philippo coll. quod anno scimus actum esse in senatu magnis contentionibus de restituendo Ptolemaeo, Aegypti rege.

Menocrito] Lentuli liberto. visitatus nomen est, *Menocratis*, quam, *Menocriti*: sed libri veteres in *Menocrito* consentiunt.

Ne ERN. Ut pertimescat] Iocatur; quasi multarum orationum lectio molestiam Lentulo allatura sit.

Referaque ad mansuetiores Musas] Hoc plane anuo poema ad Caesarem videtur scriptum, de quo lib. 3. ad Q. Fr. epist. 8. et 9. fatebor tamen ingenuè, quod mihi non mediocrem dubitandi causam attulit. certe enim, cum dicat Cicero, *referaque me ad mansuetiores Musas*, videtur de poemate aliquo, a se scripto, velle subiungere: nec tamen id facit: nam infert statim, *scripsi igitur Aristoteleo more tres libros in disputatione ac dialogo de Oratore*. Musis autem cum oratoria ratione quae communio est? quare vereor interdum, ne hoc totum, quod, inclusum parenthesi, a ceteris distinguitur, transferendum sit aliquo modo ad illud infra positum, *scripsi etiam versibus tres libros de temporibus meis*. Nisi si *mansuetiores Musas* vocavit ea studia, quae domi culta, ad lenitatem, atque humanitatem animos traducunt; cum orationes in foro habitae contentioneui habeant. confirmare videtur hanc opinionem locus lib. 16. epist. 10. *Tu Musis nostris, para, ut operas reddas*. Et

alibi *Musas* pro litteris posuit, vt lib. 2. ad Attic. epist. 5. *Cum omnibus Musis rationem habere cogito*.

A prima adolescentia] Adolescentulus Arati poema conuertit, quod hodie, temporis iniuria, mutilum habemus. Puer etiam tetrametro versu. librum composuit, quem, vt ait Plutarchus, inscripsit *Pontius Cilaneus*.

Delectant ERN. Delectarunt] Non ad proximum, quo se ad musas referre solitus est, sed ad longinquum adolescentiae tempus verbum, *delectarunt*, accommodauit, vt sit, ita me delectant, vt olim adolescentulum delectarunt. Simile illud in Bruto c. 75. de commentariis Caesaris: *Nudi sunt, relict, et reuossi omni ornata orationis, tamquam veste, detractio*. Quod est: omni detractio, tamquam veste, orationis ornata.

Scripsi igitur Aristoteleo more, quem admodum quidem volui, tres libros in disputatione ac dialogo de Oratore] Quid sit, *Aristoteleo more*, mecum ipse quaero, vtrum, quia dialogos et Aristoteles composuerit; qua de re Plutarchi testimonium est in consulatione ad Apollonium, et Basilii in epistola ad Diodorum, Themistii praeterea, et Philoponi: an vero, quia more quodam, non vulgari, sed exquisito, qualis Aristotelis mos fuit, artis oratoriae praecepta tradiderit, in quam equidem sententiam facile, et libenter inclino, commotus maxime sequentibus verbis, *quem admodum quidem volui*: quibus minuere Cicero voluit arrogantiam, quasi nimium se extulisset, professus Aristoteleo more se scripsisse de Oratore: maioremque etiam

iam prae se tulit modestiae speciem, cum subiunxit: *quos arbitror Lentulo tuo fore non inutiles. arbitror*, inquit: quod fidentis non videtur: abest enim affirmatio. *Lentulo tuo*: adolescenti, non viro. nam facultatis in eo plus requiritur, qui viris placere velit. *non inutiles*: et hic opinionem vitat arrogantiae. nam si, *viles*, dixisset; promissio maior erat. Haec omnia modestiam declarant. et illud, *quemadmodum quidem volui*; valet hoc: an sim assecutus, ignoro: volui quidem certe. Praeterea, doctrinam hic potius, et acumen Aristotelis, quam scribendi genus, indicari, ob eam causam arbitror, quod in scribendi genere Platonem, et Xenophontem, quorum dialogis Aristotelis dialogos nemo conferr: ausus est, aut solos, aut cum ipso saltem Aristotele nominasset. Sin ad doctrinam simul, et scribendi genus respexisse Ciceronem aliquis dicat: non prius hoc mihi persuaserit, quam, scriptum esse ab Aristotele de oratore dialogum, ostenderit. vnum autem eius dialogum de animo, Eudemum inscriptum, praeterea nullum, quod equidem legimus, veteres nominant. Basilii quidem dialogorum Aristotelis nomina non ponit: sed eum ait, et Theophrastum, cum dialogos componere essent aggressi, deterritos venustate Platonis ad aliam se scribendi rationem contulisse.

Abhorrent enim a communibus praeceptis] Quenam erant communia praecepta? ea scilicet, quae lib. 1. de Orat. c. 31. exponuntur ex persona Crassi. Non negabo, inquit, *me ista omnium communia, et contrita praecepta didicisse: primum, oratoris officium esse, di-*

cere ad persuadendum accommodare: deinde, esse omnem orationem aut de infinitae rei quaestione, sine designatione personarum et temporum; aut de re certis in personis, ac temporibus locata. Haec igitur Cicero in iis libris non esse ad bene dicendum valde necessaria confirmat: et praestantiora quaedam docet, partibus ita distributis inter Antonium, et Crassum; ut ille lib. 2. de materia oratoris; hic lib. 3. de ornandi ratione differeret. His autem libris nihil posse fieri elegantius, aut etiam vtilius, conuenit inter homines eruditos, atque ipse Cicero, de iis quid sentiret, ostendit lib. 13. ad Attic. epist. 19. *Sunt, inquit, etiam de oratore nostri tres, mihi vehementer probati.*

Omnem antiquorum] Aristotelis, et Isocratis: quod sequentibus verbis declaratur. quamquam antiquorum etiam omnium oratoria ratio in vno Aristotele continebatur. scripsit enim librum, in quo exposuit dicendi artes omnium superiorum, vt lib. 2. de Invent. c. 2. et lib. 2. de Orat. c. 38. legimus. Opposuit autem, *antiquorum rationem oratoriam, communibus praeceptis*: quod erant Romae, qui vulgo Rhetoricam artem docerent, et dicendi praecepta traderent. id Sullanis temporibus prius professus est L. Plotius Gallus, vt ad Titinium scripsit Cicero: cuius haec Suetonii verba recitat in libro de clar. Rhet. c. 2. *Memoria tenco, pueris nobis, primum Latine docere coepisse L. Plotium quendam: ad quem cum fieret concursus, quod studiosissimus quisque apud eum exerceretur, dolebam mihi idem non licere. continebar autem doctissi-*
uorum

morum hominum auctoritate, qui existimabant, Graecis exercitationibus ali melius ingenia posse.

Aristotelem] Non opinor hos tantum, quos nunc habemus, sed alios quoque significari Aristotelis libros de ratione dicendi, ex his quidem, qui exstant, dubitari non potest, quin multa Cicero transtulerit in suos oratorios libros, praesertim in tertium: quod accurate legentibus patebit. De aliis vero eiusdem Aristotelis rhetoricis libris haec scripsit Cicero lib. 2. de Orat. c. 38. *Inter hunc Aristotelem, cuius et illum legi librum, in quo exposuit dicendi artes omnium superiorum, et illos, in quibus ipse sua quaedam de eadem arte dixit, et hos germanos huius artis magistros, hoc mihi visum est interesse etc.* Quis porro neget, ex eo maxime libro, quo superiorum omnium artes complectebatur Aristoteles, multa Ciceronem in suos oratorios retulisse, cum ex eodem libro multa sumpserit adolescens, ut eos, de Inuentione quos inscripsit, minime cum oratoriis comparandos, veterum doctrina locupletaret? quod ipse lib. 2. eius artis c. 2. docet his verbis: *Nobis omnium, quicumque fuerint, ab ultimo principio huius praeceptionis usque ad hoc tempus, expositis copiis, quodcumque placeret, eligendi potestas fuit. Ac veteres quidem scriptores artis, usque a principe illo atque inuentore Tisia repetitus, unum in locum conduxit Aristoteles, et nominatim cuiusque praecepta magna conquisita cura perspicue conscripsit, atque enodata diligenter exposuit: at tantum inuentoribus ipsis suauitate et breuitate dicendi praesistit, ut nemo illorum*

praecepta ex ipsorum libris cognoscat, sed omnes, qui, quod illi praecipiant, velint intelligere, ad hunc, quasi ad quendam multo commodiorem explicatorem, reuertantur. Haec Cicero. deinde, facta mentione eorum, qui Aristotelem, aut Isocratem secuti, praecepta dicendi reliquerunt, c. 3. *nos, inquit, nobis omnes, quod facultas tulit, propinquius, et ex nostro quoque nonnihil in commune contulimus.* Sumpsit igitur Cicero ab Aristotele multa, neque ex iis modo libris, quibus nunc utimur, sed ex iis etiam, qui malo quodam periere litterarum fato. Praeterea gloriatur, ita se scripsisse oratorios, ut a communibus praeceptis abhorrent, omnemque antiquorum Aristotelicam, et Isocraticam rationem oratoriam complecterentur. Laetius quattuor corpora rhetoricorum librorum Aristotelis nominat, Cylindrum, vnicum librum, in quo, ut Quintilianus lib. 2. c. 17. ait, *quaerendi gratia, quaedam subtilitatis suae argumenta excogitauit*; alterum, duos rhetoricae artis libros; tertium, vnicum librum, quem inscripsit Ars; quartum, libros duos, eadem inscriptione. quo numero tres, qui hodie sunt in manibus, exclusos videmus. At Cicero, et Quintilianus, ut supra demonstrauimus, illos agnoscunt.

Isocrateam] De Isocratis arte discrepant veterum sententiae. Plutarchus certe ambigere se ostendit, cum illa mandauit litteris in eius vita: *Εἰσι δ' οἱ καὶ τέχνης αὐτῶν λίγαι συγγεγραμέναι* οἱ δὲ, ὡς μεθ' ὧν, ἀλλ' ἰσχυρὰ χεῖρα ἐκείνη. Hermodenis interpres Isocrati eam tribuit, *Ἰσοκράτης*, inquit, *φησὶν ἐν τῇ τέχνῃ, ὡς ἐν τῇ δικήνῃ λεγέσθαι*

τὸ τε πρᾶγμα, καὶ τὰ πρὸ τοῦ πρᾶγματος, καὶ τὰ μετὰ τὸ πρᾶγμα, καὶ τὰς διαβολὰς, αἷς ἕκαστος τῶν ἀγωνιζομένων χρημένος, τὸ δὲ τι πέπραχεν. Cum eo sensit Quintilianus lib. 3. c. 1. nam, cum de Aristotele, et Isocrate loqueretur, *Ars, inquit, est utriusque, sed pluribus eam libris Aristoteles complexus est.* Idem tamen prorsus ambigit lib. 2. c. 15. cum ait: *Hæc opinio originem ab Isocrate (si tamen reuera Ars, quæ circumfertur, eius est) duxit.* Cicero noster eam plane repudiat lib. 2. de Inuent. c. 2. *Fuit, inquit, tempore eodem, quo Aristoteles, magnus et nobilis rhetor Isocrates: cuius ipsius quam constes esse artem, non inuenimus. Discipulorum autem, atque eorum, qui protinus ab hac sunt disciplina profecti, multa de arte praecepta reperimus.* Hanc ergo dubitationem e scriptoris nomine ortam existimo, quia fuit alter Isocrates, Isocratis magni discipulus; a quo scriptam artem rhetoricam suspicari licet: cum praefertim discipulorum Isocratis multa se reperire dicendi praecepta Cicero dicat. Ac me quidem in hanc suspicionem illa etiam ratio ducit, quod Isocratis eiusdem iunioris esse orationem illam ad Demonicum, quæ Isocrati magno tribuitur, Harpocratio testis est. Atque hæc omnia illuc refero, ne quis putet Ciceronem, quia dixerit Isocraticam rationem se esse complexum tribus oratoriis libris, Isocratis ipsius artem legisse, quam negauit ullam reperiri lib. 2. de Inuent. c. 2. itaque, *Isocrateam*, interpretor, ab Isocratis discipulis traditam, ex institutis tamen, et opinionibus magistri. quæ enim ille voce docuit domi suæ, postea

scriptis eadem discipuli eius persecuti sunt. his autem cum iis, quæ ab Aristotelis disciplina profecti sunt, controuerſiæ nonnihil fuit: quod Quintilianus lib. 3. c. 1. significat. ait enim: *His succedere multi, sed clarissimus Gorgiæ auditorum Isocrates. quamquam de praeceptore eius inter auctores non conuenit. nos autem Aristoteli credimus.* Hinc uelut diuersæ fecerit coeperunt uiae. Nam et Isocratis praestantissimi discipuli fuerunt in omni studiorum genere: eoque iam seniore, (octauum enim et nonagesimum impleuit annum) pomeridianis scholis Aristoteles praecepere artem oratoriam coepit.

Rationem oratoriam] Quæ de arte dicendi Aristoteles, et Isocrates praeceperunt. in hoc enim libri Ciceronis oratorii a communibus praeceptis abhorrent. Eodem spectat illud, quod scripsit lib. 2. ad Attic. epist. 1. *Meus liber totius Isocrati μεροδμήιον, atque omnes eius discipulorum arculas, ac nonnihil etiam Aristotelis pigmenta consumpsit.*

Tres libros de temporibus meis] De exilio; atque etiam reditu: in his enim Lentulum, optime de se meritum, nominauit. scripsit etiam versibus tres libros de consulatu suo, sed antequam iret in exilium: quod lib. 2. ad Attic. epist. 3. et lib. 1. de Diui c. 11. ostendit. hic autem Cicero commemorat, quæ post discessum Lentuli, id est, post exilium suum, scripserat. lib. 2. epist. 6. *Novitate meorum temporum.*

Et erunt] Sperat futurum, ut a posteris etiam legantur. Sed eos aut

aut hominum incuria, aut vetustas ipsa perdidit.

Sed quia verebar] *Ελλανθες, figura aliquid detrahens. nam hic sententia desiderat, non nisi: ut sit; ideo non nisi eos libros ad te, quia verebar eos, quos erat infinitum bene de me meritos, omnes nominare.

Totum ad te defero] Ad arbitrium tuum confero: ut se ipse interpretatur sequentibus verbis.

Consequi] Praestare. omnes meorum studiorum fructus ad te defero: ut iis arbitrato utaris tuo.

Vt me nolim admoneri: rogari vero sine magno dolore vix possum] Rogari enim se, qui amant, non patiuntur. ideo dixit lib. 3. epist. 10. *luluriam mihi fieri putabam, cum rogabar.* Lib. 9. epist. 13. *Peto a te, vel, si pateris, oro, ut homines miseros conserues incolas.* Lib. 13. epist. 18. *Ego admirabar magis, te, quasi rogatus, aut certe admonitus, liberaliter Attico respondisses, ultro ad eum scripsisse.* Lib. 15. epist. 4. *Admonendum potius te a me, quam rogandum, puto.* Et lib. 12. ad Attic. epist. 35. *Te vehementer etiam atque etiam rogo, magis quam a me vis, aut pateris te rogari, ut hanc cogitationem toto pectore amplectare.*

In Ciliciani] Partem Lentuli prouinciae. vide epist. 7. *Qui Ciliciam Cyprumque teneas.*

Adiuncto isto fundo] De Ciliciensi fundo Q. Ciceronis nullam alibi mentionem inuenio. Emptus quidem non videtur, quantum ex verbo, *adiuncto*, licet intelligere: testamento fortasse legatus.

Exercitationibus] Oratoriis. declamando enim vel in scholis rhe-

torum, publice profitentium, vel domestica disciplina adolentes exercebantur. Graecis autem exercitationibus alii melius ingenia posse, scripsit Cicero in epistola ad Titinium. cuius exemplo supra usus sumus.

Neque cariore, neque iucundior] Coniungit eadem lib. 2. epist. 2. *Cui et carnis aequae sis, et iucundus, ac fuisti patri.*

Posteritas omnis intelligat] Tempori sermone pollicetur, quod non praestitit. nullum enim librum Lentulo inscripsit, qui quidem exstet, aut ab iis nominetur, qui saepe scripta Ciceronis appellant.

Appius in sermonibus — quoad in urbem introisset] Curia lex a populo per curias congregato nomen accepit. curias autem, in quas Romulus populum distribuit, ut in sua quisque curia sacra publica faceret, ferias obseruaret, triginta fuisse, omnesque in Palatio, satis, ut opinor, notum est. ex his curiis cum populus, ut aliquid iuberet, aut iudicaret, in vnum locum coibat, *curiata comitia* vocabantur. coiuisse autem populum in Comitium, qui locus in foro fuit, docet Varro lib. 4. de L. L. Lex igitur curiata comitiis curiatis ferebatur; quibus autem de rebus, et a quo magistratu ferretur, non est alienum ostendere. De adoptione ferebatur, et de imperio militari. Si de adoptione fieri poterat vel a tribuno plebis, vel a consule. de tribuno plebis, locus indicat lib. 1. ad Attic. epist. 19. *Huc sunt in republica: nisi etiam illud ad rem publicam putas pertinere, Herennium quendam, tribunum plebis, tribu tuum, sane hominem nequam atque*

egentem, saepe iam de P. Clodio ad plebem traducendo agere coepisse. huic frequenter interceditur. De consule quis dubitet? cum Suetonius inter acta Caesaris consulis c. 20. hoc memoret: P. Clodium, frustra iam pridem a patribus ad plebem transire nitentem, eodem die, horaque nona transduxit. Et lib. 2. ad Attic. epist. 12. Quid Caesar? negat se quicquam de illius adoptione tulisse. Adoptionem autem illam curiata lege factam esse, declarat oratio pro domo: in qua c. 15. sunt haec: Negant fas esse agi cum populo, cum de caelo seruatum sit. Quo die de te lex curiata lata esse dicatur, audes negare de caelo esse seruatum? Et paullo post c. 16. Si, quod in ceteris legibus trinum nundinum esse oportet, id in adoptione satis est, trinum esse horarum: nihil reprehendo. Et infra c. 29. Credo enim, quamquam in illa adoptione legitime factum est nihil, tamen te esse interrogatum, auctorne esses, ut in te P. Fonteius vitas necisque potestatem haberet, ut in filio. Quaero, si aut negasses, aut tacuisses, si tamen id XXX curiae iussissent, num id iussum esset ratum? certe non. Confirmat Gellius lib. 5. c. 19. Arrogantur, inquit, ii, qui, cum sui iuris sint, in alienam se potestatem tradunt: eiusque rei ipsi auctores fiunt. Sed arrogationes non temere, nec inexplorate committuntur: nam comitia arbitris etiam pontificibus praebentur, quae curiata appellantur. De imperio militari, quod extra urbem gereretur, latam opinor esse curiatam legem vel ab eo ipso, qui accepturus esset imperium, si modo magistratus esset, vel a consule. latam ab ipso magistratu, qui vsurus

esset imperio, auctor est Liuius lib. 9. c. 38. Atque ei (L. Papirio (dictatori) legem curiatam de imperio ferenti, triste omen diem d ffit. A magistratu, qui non esset vsurus imperio, exemplo Ciceronis et Bibuli, (ut omittam alia quam plurima) demonstratur. nam et Cicero in Ciliciam, et eodem tempore Bibulus in Syriam, vterque aliquot annis post consulatum profecti sunt. latam autem de vtriusque imperio curiatam legem, ex eo liquet, quod vterque bellum gessit, vtrique supplicationes ob rem bene geritam decretae: Cicero etiam de triumpho cogitauit. itaque dubitandum non est, quin consules eius anni, Sulpicius, et Marcellus, alter, amboque, curiatam legem de eorum imperio tulerint. alioqui prouinciam quidem eo genere imperii, quod lex Cornelia dabat, administrare potuissent; quo se Appius, curiata lex ferri si non posset, contentum fore dictitabat: militarem autem rem, quae triumphi spem, et occasionem afferebat, nullo pacto iis attingere licuisset. curiatis enim comitiis rem militarem contineri lib. 5. c. 52. prodidit Liuius: consuli, si legem curiatam non haberet, attingere rem militarem non licuisse, Cicero in orat. 2. in Rullum c. 12. et ibidem: consulibus, legem curiatam ferentibus, a tribunis plebis si esse intercessum. Curiata igitur lege, in foro lata a consule, non a tribuno plebis (nam tribunis plebis nihil cum curiis) triginta licitoribus veteres triginta curias repraesentantibus, populus prouinciarum rectoribus imperium dabat, Cornelia senatus: sed Cornelia iuris dicendi potestatem, nihil pro viatico; curiata vero exercitus habendi, belli.

bellique gerendi ius, cum stipendio militum, et proconsulis viatico, dabat. Et Cornelia, a L. Sulla dictatore lata, hoc sanxerat, vt, qui prouincias ex senatus consuko accepissent, imperium haberent, quoad in urbem introissent: (studuit enim Sulla optimatum potentiae; plebem, quae aduersus eum pro Mario steterat, afflixit) curiata vero, quoties quisque in prouinciam iturus esset, de eius imperio ferebatur. Obstabat interdum, quod Appius timuisse videtur, intercessio tribunicia. itaque in agraria 2. c. 12. *Consulibus, legem curiatam ferentibus, saepe est intercessum.*

Si licitum esset] Sibi. non enim, quod ipse consul posset, id vt anni sequentis consul ferret, expectare debuit.

Sortiturum esse] Consules vel fortiebantur prouincias, vel comparabant inter se.

Cum collega] L. Domitio Ahenobarbo.

Si curiata lex non esset] Ferri non posset, intercedente aliquo tribuno plebis.

Se paraturum ERN. *Se paraturum cum collega*] *Parare*, hic est pacisci, constituere. mos enim fuit, vt senatus consultum de prouinciis consularibus ita fieret, vt eas consules aut sortirentur, aut compararent inter se: quod Liuii lib. 3. c. 20. testimonio probatur. *Ex templo igitur, inquit, consules noui L. Aemilius Mamercinus et C. Plautius eo ipso die Kal. Quintilibus, quo magistratus inierunt, comparare inter se prouincias iussi. et quod apud Liuium, comparare inter se, idem apud Ciceronem, parare cum collega. quamquam et,*

parare inter se, a veteribus dictum esse, Festi verba, licet praecisa et mutila, videntur ostendere. nam quod in Sallustii Iugurtha c. 47. legendum eruditi homines opinantur: *Q. Metellus et M. Silanus, consules designati, prouincias inter se paraauerant*: non, vt antea, *partiuerant*: equidem iis libenter assentirer, nisi me quae sequuntur verba prorsus ab hac sententia remouerent. nam, si Sallustius dixisset, *prouincias inter se paraauerant*: sortitionem exclusisset: *parare* enim, siue *comparare*, sortitioni opponitur. at subiungit: *Metelloque Numidia euenerat*. quo sortitionem esse factam, satis ostenditur. lego igitur, *partiuerant*, cum duobus antiquissimis libris, vno Fuhji Vrsini, eruditissimi, et humanissimi viri, ante sexcentos annos descripto, altero Vaticanæ Bibliothecæ, eiusdem fere vetustatis. *Partiuerant* autem, sortitionem non excludit. vtroque enim modo fit prouinciarum partitiio, siue sortiantur consules, siue comparent inter se: cum ex duabus alter alteram accipiat.

Prouinciam haberes] Non Ciliciam nominatim: quod si esset, quorsum de sortitione, aut comparatione loqueretur? sed prouinciam ideo habebat, quia senatus decreuerat, vt ex duabus consularibus prouinciis vnā Appius, alteram Domitius, vel sortientes, vel inter se comparantes, obtinerent.

Imperium] Sine armis: quibus vti non poterat, nisi qui curiata lege imperium accepisset. de triumpho igitur, cum haec Appius diceret, minime laborare videbatur. quod confirmant illa verba lib. 4.

ad Attic. epist. 16. *Appius sine lege, suo sumptu, in Ciliciam cogitat.* Et lib. 3. ad Q. Fr. epist. 2. *Appius sine lege curiatu confirmat se Lentulo nostro successurum.* Imperium tamen curiata quoque lege Appius accepit: quo usus, re militari prospere gesta, supplicationes adeptus est, vt lib. 3. epist. vlt. videtur etiam triumphaturus fuisse, nisi a Dolabella reus factus esset, vt lib. 3. epist. 10. et lib. 8. epist. 6. Ad imperium quod attinet, vide lib. 1. epist. 1. *Censet enim etiam ex iis, qui cum imperio sint.*

Quoad in urbem introisset] Ergo Cornelia lege datum imperium administratione provinciae non finitur, sed tamdiu manet, donec in urbem proconsul introeat: quod de curiata, quoque lege constat. urbem vero ingredientibus imperium deponere necesse erat, nisi si triumphaturi essent, tunc enim lex ferebatur ab aliquo tribuno plebis, vt cum imperio triumphantes introirent.

Posse te non decedere] Nam quia sine curiata lege in provinciam ire nemo solitus esset; cum omnes militari delectarentur imperio: propterea, quod fieri non soleret, id etiam non licere, quidam arbitrabantur.

Relinqui posse] Vt reliquit Cicero Coelium quaestorem, Bibulus Veientonem lib. 2. epist. 15. lib. 7. ad Attic. epist. 3.

Ne id quidem valde dubium est] Ne de iure quidem dubitari valde potest, quin Appio, vel si tibi sine curiata lege succedat, provinciam debeas concedere. Argumento sunt haec verba: falli eos, qui legem curiatam rectoribus pro-

vinciarum omnino necessariam putarent: cum sine ea ius dicere, et provinciae praeesse possent, imperio lege Cornelia dato, quoad in urbem introissent. Cum haec scripsissem; disputationes ad me suas aduersus Nicolaum Gruchium misit Carolus Sigonius: in quibus de curiata lege, duplicique provinciarum imperio, probari ideam vtrique nostrum, animaduerti. sane sum laetatus, vt animo, et voluntate, itidem nos opinione, et iudicio congruere.

Liberalitatem] Consuetudinem in tribuendis officiis: cui paullo post cupiditas opponitur, ex quo magis probatur mihi, vt est in antiquo libro Masseorum, quam vt in allis, *libertatem*. eodem sensu *liberalitas* vsurpatur lib. 5. epist. 9. et lib. 10. epist. 3.

Frui solere] Solere ex ea voluptatem capere.

Tuae cupiditatis] Multi enim diuturni imperii cupiditate flagrant.

Illius cupiditatem] Ex eo manifestam, quod tibi etiam sine lege curiata cogitat succedere.

Refutare] Reicere, provinciam denegata.

De publicanis] Contra quos decretum ex voluntate provincialium Lentulus fecerat. saepe enim inter publicanos, qui provincialium vectigalia conducebant, et socios, ex vectigalium solutione exoriebantur controversiae: quas Cicero sedatas a se esse gloriatur lib. 2. epist. 13.

Felicitate quidem, vellem, confesqui potuisses] Vellem, ita felix esse potuisses, nihil vt omnino contra eius ordinis, quem semper ornasti, aut rem, aut voluntatem ageres. Quidam veteres libri, *felicitatem*: alii,

alii, facilitate autem quod vellem consequi potuisses. Sed facilitas est voluntatis: quam si Cicero requirit in Lentulo, hominem carpit amicitissimum, optimeque de se meritum.

Inimici] Qui etiam quaestorem eius, P. Rutilium Rufum, quod cum praetore suo contra eos consensisset, damnauerunt. Pedianus, epitome Liuiana lib. 70. Huius odii publicanorum in Q. Scacuolam mentio fit in orat. pro Plancio c. 13. his verbis: *Equitum ego Romanorum etiam in homines nobilissimos ma-*

ledicta, publicanorum in Q. Scacuolam, virum omnibus ingenio, iustitia, integritate praestantem, asperere, et ferociter, et libere dicta commemorare?

Ipsi illi Q. Scacuolae] Auguri, P. F. Laelii Sapientis genero, Crassi oratoris socero. Fuit alter Q. Scavuola; Q. F. pontifex max. multis annis iunior.

Tibi sum auctor] Te hortor.

Videtur esse prudentiae tuae] Pertinere videtur ad prudentiam tuam, quae potest difficillima quaeque superare, ut eum ordinem tibi aut reconcilies, aut mitiges.

EPISTOLAE X.

ARGUMENTVM.

Vnam hanc subesse causam video, cur hanc epistolam scripseris, ut certiorum faceret Valerium de gratiis Lentulo, Ciliciae praefectum, a se per litteras eius nomine diligenter actis. nam cetera iocationes merae sunt, familiarem consuetudinem, et mutuam beneuolentiam indicantes. Actio igitur gratiarum, et ioca ipsa, quibus tota consuta est epistola, ad morale genus pertinent, nam et iocosa dicta subiecit moribus Aristoteles Rhetoric. lib. 1. et Cicero in tradenda officiorum doctrina facetias quoque persecutus est.

EXPLANATIO.

Valerio] Hic est, de quo lib. 3. epist. 1. et lib. 7. epist. 12. *Valerii* nomen boni ominis apud Romanos habebatur: itaque Festus sic: *Ominis boni gratia, in delectu, censuque primi nominantur, Valerius, Saluius, Statorius.*

Cur enim tibi hoc non gratificer] Cum inscripisset, *Valerio Iuriconsulto*, subiunxit iocans: nam, Iuriconsultum cur te non appellem, nescio, etiam si Iuriconsultus valde non sis. Et sane Valerius hic non videtur ius civile,

quantum opus esset, cognouisse: cum de eo sic ad Appium lib. 3. epist. 1. scripserit: *Valerium, Iuriconsultum, valde tibi commendo: sed ita, etiam, si non est Iuriconsultus.* Verum ita familiariter eum Cicero diligebat, ut ei, quod omnino falsum non erat, id per iocum obiceret. Inscripti, inquit, hanc epistolam, *Iuriconsulto*, gratiae potius causa, quam veritatis, praeteritum, cum hodie non qui sapientes, sed, qui audaces sint, Iuriconsulti nominentur. Hic, ut

omnis, quantum quidem praestare nobis liceat, erroris tollatur occasio, quasi quoddam *παρεγρον* addatur, quod tamen alienum non putamus, quae nostra sit de epistolae integritate sententia. sunt enim, qui huius epistolae desiderari principium existiment: quod eis, credo, insolens, atque ineptum videatur, prima epistolae verba ab inscriptione pendere. cuius tamen generis exemplum hoc animaduertimus, lib. 3. ad Attic. epist. 20. M. CICERO S. D. Q. CAECILIO Q. P. POMPONIANO ATTICO: *Quod quidem ita est, et auunculum tuum sanctum esse officio, vehementissime probo.* Constat enim, itidem hic epistolae principium inscriptionem spectare.

Audacia pro sapientia] *Audacia*, licet fortitudinem imitetur, in malam tamen partem accipitur. *Animus* enim, ut lib. 1. de Offic. c. 19. scripsit Cicero, *paratus ad periculum, si sua cupiditate, non uilitate communi impellitur, audaciae potius nomen habeat, quam fortitudinis.* Sapientia vero diuiditur in duo genera, vnum naturae, idque simplex, alterum artis, quod in alia rursus ei subiecta genera diuiditur. Naturalem sapientiam uoco, quam expertes doctrinae multi, nullis literarum praeceptis inbuti, naturae tamen munere consequuntur: quales sunt, qui suas actiones directa quadam iudicii regula metiuntur, nihil temere, nihil indecorè committunt, a prauis recta, a turpibus honesta distinguunt. hanc sapientiam tribuit Cicero lib. 7. epist. 1. M. Mario, si ludos Romae, cum per valetudinem posset, spectare noluit; Len-

tulo epist. 5. si omnem amplitudinem, ac dignitatem suam in virtute, atque in rebus gestis suis, atque in sua grauitate positam existimabit: aliis alibi, quod labi, et errare per imprudentiam non consueverint. Vlysses quoque, quod, variis iactus casibus, multis, quae aliis exitio fuerant, periculis terra, marique defunctus, ad patrios lares reuersus incolumis, ab iniuria procorum uxorem, domumque suam, seque ipsum singulari consilio vindicauerit, hoc excelluisse sapientiae genere Homerus prodidit. Alterum sapientiae genus, quod ab arte proficiscitur, vel omnium artium, vel multarum, vel vnius tantum absoluta cognitio est. si omnium, ita definitur, humanarum, diuinarumque rerum, causarumque, quibus hae res continentur, scientia, quam vni Deo perfectam contigisse, nequaquam in homine posse reperiri, vere credimus. Deus autem non eam ab arte extrinsecus accepit, (nec enim vlla re vquam indiguit) sed a se ipso, aequae aeternae, aequae infinitae, ut aeternus ipse, et infinitus est. Quod si non omnium, sed multarum rerum, quae vel ad usum, vel ad ornamentum humanae vitae pertineant, notitia est; qualis in Thalete, Anaxagora, Pythagora, Democrito, Socrate, Aristotele, Platone, et aliis vel Graecis vel Aegyptiis fuisse traditur, philosophia dicitur: quia perfectam illam sapientiam, quantum homini licet, imitatur. eadem tamen et sapientiae nomen interdum sibi vindicat: quia, quo nihil putatur inter homines praestantius, id eo vocabulo, quo nulum inter humanas res nobilius reperitur, decorari aequum est. In-

de Thales, inde Bias, inde Socrates, alique, quos celebrauit antiquitas. Ad hunc numerum aggregare possumus, ex Romanis Catonem illum Censorium, qui cum et litteris esset instructus, quamquam non omnino cum superioribus illis conferendus; cumque multarum rerum usum haberet; sapientis nomen inuenit. Nec video, cur ab hac laude M. Varronem, Ciceronemque nostrum, qui rerum laudabilium varia cognitione praestiterunt, patiamur excludi. Multis etiam vnius modo artis eximia quaedam, et singularis intelligentia, opinionem, ac famam sapientiae peperit. quod Athenaeus de musicis lib. 14. tradidit, Plato de poetis, cum Anacreontem sapientem appellat in Rhacetro, et genitum a poetis sapientiam, ait in Lyfide: de iurisconsultis Cicero in libro de Amicitia c. 2. L. Acilii exemplo, qui, quod esset prudens in iure ciuili, sapiens nominatus est: de ciuitatum rectoribus in superiore epistola ad Lentulum: *Tota, inquit, sapientium ciuium, qualem me et esse et numerari uolo, et sententia, et uoluntas, mutata esse debet.* Transeo ad humiliores artes. Marmorariis, et statuariis non sapientiae laudem tribuit Aristoteles lib. 5. Ethicorum? non agricolis Plato in dialogo de de scientia? non fabris Homerus, in eo, εὐφροδὶς ἡγεῖται τέχνην; Neque solum ex vna arte, praeclare cognita, multi, sed ex vna etiam, quae mentis optimae speciem prae se ferret, actione C. Laelius, ille Africanus minoris amicitia clarus, sapiens et habitus est, et perpetuo vocatus, quod legis Liciniae de agri modo, ne seditionem inter ciues

excitaret, patrocinium depofuerit. Cum igitur sapientiae nomen tam late pateat; merito, a quorum studiis maxima ad omnes manat utilitas, iuris prudentibus communicatum videtur. est enim iuris ciuilibus prudentia genus quoddam sapientiae, et quo ciuitates, quae sua iura, et quasi iustitiae normam ab antiquis legibus petunt, quae plurimae sunt, consilio sapientis administrari dicuntur. quam doctrinam Scala meus, humanitate, et virtute excellens, lumen, et ornamentum Patauini fori, quinque libris, qui ab omnibus iurisconsultis eximia cum eius laude leguntur, vniuersam comprehendit. Sed, quia saepe accidit, ut, quae, quam profitentur, iuris ciuilibus cognitione indigeant, iidem audacia, ut id, quod ignorant, scire videantur, in primis abundant: propterea, inductam esse consuetudinem, ut in agendis causis audacia pro sapientia liceat uti, per iocum quidem, sed verò tamen Cicero dixit.

[*Lentulo*] Ciliciam administranti. Erat igitur hic Valerius in Cilicia, et fuit etiam Appio proconsole, cui commendatur lib. 3. epist. 1.

[*Vbi aliquo numero sis*] Vbi alii quoque iuris prudentiam tenent. istic enim solus videris iurisconsultus. Sed hic etiam Cicero iocatur: significat enim Valerium de industria se in Ciliciam contulisse, ut solus ibi sapere videretur, cum iurisconsultus ibi solus esset.

[*Partim te superbum esse dicunt, quod nihil respondeat: partim contumeliosum, quod male respondeas*] Iocus est in his verbis et abstrusus, et elegans. vult enim innuere, ideo nihil eum quandoque respondere,

non quod superbus sit, sed quod cuius nemo consulat, cum homines bonum iurisconsultum non putent: ideo autem male respondere, non quod contumeliosus, sed quod imperitus, et indoctus. Proprium vero iurisconsultorum fuit, hodieque est, de iure consulentibus respondere. Similis iocus est in Trebatium lib. 7. epist. 16. *Qui issinc veniunt, superbiam tuam ac-cusant, quod negent te percunctan-tibus respondere.*

Vt possimus saluum venisse gau-dere] Quod in Apulia tua nemo poterit: cum nec propinquum ibi, nec amicum habeas. Pergit in festiuitate, et Valerii notat ignobili-tatem; cui qui gratularetur in pa-triam redeunti, nemo esset. Quod si Romam, inquit, venies: erit, qui, te saluum venisse, gaudeat: habes enim hic, qui te norint, et dili-gant: in Apuliam vero tuam si ac-cesseris; quis erit, qui gaudeat? Hanc sententiam, illata figura *κατὰ προσόκλιον*, confirmat sequentibus verbis: *tamquam Vlysses, cogno-sces tuorum neminem.* Quod etsi discrepat ab Vlyssis fabula; qui suos quidem ipse domesticos omnes, Ithacam reuersus, cognouit, sed ab iis cognitus non est: tamen Cicero, nactus iocandi locum, lepide ser-monem conuertit ab Vlysse ad ipsius Valerii humilitatem, ac solitudi-nem. Quod ideo ostendendum putavi, ne quis Ciceronem in Vly-sis fabula memoriae vitio labi pu-tet: cum in eo ipso iocus appareat, quod, cum, inducta Vlyssis men-tione, dicturus videretur, cognosce-ris a tuorum nemine, traduxit sen-tentiam, vt dixi, ad id, quo Vale-rii notapatur ignobilitas. Veram

sententiam, vt Homerum omittam, Varro in Sesiuii Vlysse, apud Nonium, retulit his verbis:

Aduersi venti conciderunt: quod si pergunt diutius

Mare voluere; vereor, ne me quo-que, cum domum iam ab Illo

Cessum reuertero, praeter canem cognoscat nemo.

Possit etiam hoc aliquis referre ad illud tempus, cum Vlysses dormi-ens, a Phaeacibus in litore Ithacensi expositus, mox expectatus, patri-am non agnouit. vnde Homerus

in τῶν v. 187.

— ἰδ' ἔγρετο δῖος Ὀδυσσεύς,

Εὐδαν ἐν γαλῇ πατρίῳ, ἰδὲ μιν ἔγνων,

Ἦδ' ἄν' ἀπὸ κεινὸν περὶ γὰρ θάδε ἦερα χέλευν

Παλλὰς Ἀθηναίη. —

Et infra v. 233. sic ipse Minervam interrogat:

Τίς γῆ; τίς δῆμος; τίνας, ἅνθρωποις ἔγγυθ' αἶσαν;

Sed omnino prior interpretatio ma-gis placet: vt in lepore pergat; et, quemadmodum primis epistolae verbis audaciam, mediis inscien-tiam, sic postremis ioco liberiore, id est, a superiori non dissimili, ignobilitatem irrideat familiarissimi sui: de quo lib. 3. epist. 1. *Est ex meis domesticis atque intimis fa-miliaribus.* Tribuit autem hoc iuris familiaritas, vt iocari liberum putemus. alioqui iure Cicero inur-banus, et amarior, quam deceat, videri possit. Nec vero cum ipso tantum, sed cum aliis etiam iocari de illo solitus est: vt in eadem epi-stola: *L. Valerium, iureconsultum, valde tibi commendo: sed ita etiam, si non est iureconsultus. Me-lius enim ei cauere volo, quam ipso aliis solet.*

PAVLLI

PAVLLI MANVTII
COMMENTARIVS

IN

M. TVLLII CICERONIS

EPISTOLARVM

QVAE FAMILIARES VOCANTVR

LIBRVM II.

EPISTOLAE I.

ARGVMENTVM.

Distribuitur hoc argumentum in quattuor partes, morales omnes. in singulis enim tum officii, tum amoris quaedam elucet significatio: negotii prorsus abest mentio. quae sit autem cuiusque partis sententia, videamus. In prima, accusante Ciceronem Curione, quia raro admodum litteras mitteret, ita se purgat, ut culpam a se remotam, in eum transferat: officiumque suum, si non contemni a Curione senserit, in eo genere pollicetur. In secunda, abesse tam diu Curionem dolet, quod eius consuetudine careat: laetatur, quod absens maximam laudem consequatur. In tertia, cum in excitando et acuendo plurimum valeat, si laudes eum, quem cohortere: aditum sibi aperit ad cohortandum, laudatione praeposita. Et quoniam naturae bona summas res gerentibus adiumento maxime sunt, laudandi materiam capit ab animi ingeniique praestantia: quae cum omnibus cognita sit, expectationem concitatam non tueri turpissimum est: excusantur enim, quibus desunt instrumenta naturae: at, quibus abunde adsunt, vitio datur, nisi voluntatem cum natura coniungant, et aliquid magna laude dignum aut gerant, aut conentur saltem. Nec mirum, laudari eum a natura, cum et in libro de clar. orat. c. 31. ita scriptum Cicero reliquerit: hic (C. Curio) a magistris parum institutus, naturam habuit admirabilem ad dicendum. In quarta, cum et ipse Curioni, et ei Curio plurimum debeat, modeste petit, ut imitetur suam consuetudinem in praestanda meritorum memoria, seque iam iam senescentem complectatur, ac foueat officiis suis. Scripta videtur Calpurnio et Messalla cons.

EXPLA.

EXPLANATIO.

Curioni] Cognomen fuit Scriboniae gentis, plebeiae, ortum a quodam Scribonio, Curione maximo, vt ex Liuius lib. 41. c. 21. cognoscitur. Hic autem Curio, et pater, et auus, locum inter oratores, nulla, aut exigua litterarum ope, domestica tantum bene et accurate loquendi consuetudine, sunt adepti. Cicero in Bruto c. 32. 49. 59. et Plinius lib. 7. c. 41. Erat in Asia quaestor, vt opinor: quod cum ex epist. 5. non obscure cognoscitur, tum ex eo, quia tribunatum plebis postea gessit. Romam reuersus populo munus exhibuit admirandum, vt mortui patris memoriam honoraret. Plinius lib. 36. c. 15. Tribunus plebis L. Paullo, C. Marcello coss. ab optimatibus ad Caesaris partes transiit, amplius M D. talentis a Caesare corruptus. Orto civili bello Siciliae praepositus, pulso M. Catone, mox in Africam profectus, contra Iubam Mauritaniae regem, et Pompeianarum partium ducem, P. Atium Varum, pugnans, interemptus est, Caesar lib. 2. de bell. ciu. c. 42. et alii. Eius filium, secutum Antonii partes contra Octavianum, post Octauiani victoriam ad Actium promontorium esse interfectum, Dio tradidit lib. 42. Huius autem, ad quem sunt Ciceronis epistolae, ingenium ac mores optime Velleius expressit lib. 2. c. 48. cuius verba libuit subscribere: *Bello civili, et tot, quae deinde per continuos xx. annos consecuta sunt, malis, non alius maiorem flagrantiorumque, quam C. Curio, tribunus plebis, subiecit facem. Vir nobilis, eloquens, audax, suae alienaeque*

et fortunae et pudicitiae prodignus, homo ingeniosissime nequam, et facundus malo publico. Huius animo, voluptatibus vel libidinibus, neque opes ullae, neque cupiditates sufficere possent. Hic primo pro Pompeii partibus, id est, vt tunc habebatur, pro republica, mox simulatione contra Pompeium et Caesarem, sed animo pro Caesare stetit, id gratis, an accepto centies H. S. fecerit, vt accepimus, in medio relinquemus. ad ultimum saluberrimas adolescentis conditiones pacis, quas et Caesar iustissimo animo postulabat, et Pompeius aequo recipiebat, discussit ac rupit, vnice cauente Cicerone concordiae publicae.

Quamquam] Hic, et alibi iungitur indicandi modo, interdum subiunctiuo, vt vocant Grammatici, pro Plancio c. 2. *Quamquam non me id magnopere conturbet.* Infra ibidem c. 3. *Quamquam, qua nolui, ianua sine ingressus in causam.* Haec nonnullis fortasse leuiores videbuntur: mihi nulla pars omnino Latinae linguae videtur contemnenda.

Nomine negligentiae] Negligentiae causa, vt lib. 12. epist. 12. *Haec a te peto, non solum reipublicae, quae tibi semper fuit carissima, sed etiam amicitiae nostrae nomine.* et lib. 14. epist. 3. *Ego eo nomine sum Dyrrachii hoc tempore, vt quam celerrime, quid agatur, audiam.* Et de Amicitia c. 21. *Ab amicitia Q. Pompeii meo nomine se remouerat Scipio.*

Suspectum esse] Non enim aperte negligentiam nominauerat Curio: sed,

sed, cum quereretur de infrequentia litterarum, causam videlicet indicabat esse negligentiam.

Doleo] Qui negligentiae nomine suspectus est, eius nimirum amor in dubium vocatur. iuro igitur Cicero dolet.

Accusari abs te officium meum] Nemo accusat officium: nemo enim negat, officium laude dignum esse. sed accusatur is, qui officio desit: quod hic Cicero significat. Aut, *officium accusari* dixit, hoc sensu: accusas hoc ipsum, quod raro admodum, ut tibi quidem videor, ad te scribam, quod officii quidem nomine non caret, sed ita exiguum, ac leue est, ut accusandum, tamquam amicitia nostra minime dignum, existimes.

Iucundum, requiri] In quo veretur, ne Curionis animum offenderit, in eo ipso benevolentiam eius aucupatur. qui enim amari cupit, facile, ut ainetur, consequitur. cupit autem Cicero, quia subiungit: ideo iucundum est, requiri abs te officium meum, quia prae te fers perspectum mihi quidem, sed tamen dulcem, et optatum amorem tuum. Antitheta posuit, *iucundum et molestum*. ut lib. I. de Orat. c. 62. *Neque enim tibi mihi molestus fuit, quod ius nostrum civile peruehitis, quam iucundus, quod se id nescire confessus est.*

Culpa vacarem] Cum neminem praetermiserim, cui litteras ad te non dederim.

Perspectum] Tempore exulii mei. nam haec ad eundem scripsit epist. 6. *Tua in me vel nota omnibus, vel ipsa nouitate meorum temporum clarissima et maxima beneficia exstiterunt.*

Dulcem et optatum] Tua, inquit, querela hoc attulit iucunditatis, quod recognoui amorem in me tuum: quo nihil dulcius, nihil optatius. Non dissimilem sententiam vsurpauit lib. 10. epist. 19. quam ut augeatur Latine scribentibus copia, subscribemus. *Sic vidi, inquit, quasi ea, quae oculis cernuntur, me a te amari. Dices, quid antea? Semper equidem; sed nunquam illustrius.*

Tam in scribendo impiger] Non dixit *diligens*, sed *impiger*; magis ut excuiet se, quam ut laudet. *Impigritas* etiam lib. 3. de republ. dixit. Plerique veteres libri habent, *tam scribendo*. Vtro modo legatur, parui refert. Particulam tamen, *in*, delendam non putavi, cum eam viderem in antiquo libro, quem mihi nobilissimus iuuenis, eruditione, ingenio, humanitate excellens, Io. Vincentius Pinellus dono dedit: cum quo et Alberti Ferri, egregii adolescentis, et alter meus liber consentit.

Summum ERN. *Ad summum*] Omnino. utroque modo dicitur, *summuum*, et *ad summum*. hic antiqui libri, quibus nunc vtor, omnes habent *ad summum*.

Condemnabo] Et iuste quidem: tu autem iniuste me accusas.

Te mihi aequum praebere] Non accusare me, cum omnino culpa vacem. Lib. 5. epist. 2. *A te peto, ut tu quoque aequum te iudicem dolori meo praebas.*

De litteris haecenus] Dixi iam, nihil esse in Latina lingua contemnendum; si modo ea proprie, recteque vti cogitamus. quare subiungam, quae nonnullis fortasse leuia videantur: sed, quo turpius in minimis

nimis labimur, eo diligentior esse debet animaduersio. *Hactenus*, et *adhuc*, aequae continuationem significant; sed hoc differunt, quod, *hactenus* de re semper vsurpatur; *adhuc* de tempore. non enim recte dixeris, *hactenus ita sensi*; sed, *adhuc ita sensi*. contraque proprie non dicitur, *de litteris adhuc*; sed, *de litteris hactenus*. Etiam illud obseruauimus, non eandem utroque continuationem significari. nam *hactenus*, absolutae rei continuationem semper indicat; *adhuc*, interdum etiam non absolutae: vt lib. 2. ad Attic. epist. 20. *Clodius adhuc mihi denunciat periculum*. Exemplorum refertus est Cicero.

Non enim vereor, ne non scribendo te expleam] Non dubito, inquit, quin scribendo te expleam. nam et, *non, vereor*, exploratam, minimeque dubiam opinionem significat: et sequentes duae negationes, *ne non*, vim habent affirmandi. Sic epist. 5. *Non, quo vereor, ne tua virtus opinioni hominum non respondeat*. Et epist. 6. *Neque sum veritus, ne sustinere tua in me vel innumerabilia non possent*. Et lib. 4. in Ver. c. 38. *Non vereor, ne hoc officium meum P. Seruilio iudici non prohem*. Hoc autem verbo multis modis veteres utebantur. dicebant enim, *vereor ut, vereor ne, vereor ut ne, non vereor ut, non vereor ne, non vereor ne non*. quae sigillatim examinemus. *Vereor ut*, et *vereor ne*, contrarium significant. prius illud timorem in ea re indicat, quae si accidat, doleamus. exempla subscribemus utriusque modi. Lib. 12. epist. 19. *Non dubitabam, quin eas*

libenter lecturus esses. vererbar, ut redderentur. Fore suspicabatur, vt non redderentur, sed reddi cupiebat. item lib. 14. epist. 14. *Sin homo amens diripiendam urbem daturus est, vereor, ut Dolabella ipse satis vobis prodesse possit*. Cupiebat suas mulieres tuto Romae esse per Dolabellam: sed incertus timebat, vtrum eas, nec ne, Dolabella seruare posset. et Tusc. 2. c. 20. *Veremur, ut hoc natura patiatur?* Huc pertinet locus ille pro Marcello c. 4. *Vereor, ut hoc, quod dicturus sum, perinde intelligi auditu possit, atque ego ipse cogitans sentio: quod enim ita, vt ipse sentit, intelligi vellet, id ne non perinde intelligatur, timeo*. Hoc in vulgatis libris aliter legitur, mendose, vt opinor, et vt iam, explicata sententia, videor probasse. tollit autem dubitationem omnem Pediani testimonium, ita plane legentis, vt nos recitauimus, in explanatione orationis, quae inscribitur Diuinatio: cui subscribit antiquus liber optimi Cardinalis, Caroli Borromei. Terentius quoque in Andr. Act. 1. sc. 5. v. 41.

— *Haud vereor, si in te solo situm:*

Sed vim ut queas ferre. —

Quo loco Donatus dicit, inquit, *vereor, subauditur: ut, pro ne non, posuit: ut sit: sed vereor, ne non queas vim patris ferre*. Contra, *vereor ne desideres officium meum*, lib. 6. epist. 6. *verebatur enim id, quod esse nollet*. Et lib. 9. epist. 16. *Amavi amorem tuum, qui te ad scribendum incitauit, verentem, ne Silius suo nuncio aliquid mihi sollicitudinis attulisset*. et lib. 15. epist. 17. *Caesarem putabam*.

putabant moleste latnrum, verentem, ne bassa refrixisset. et pro Milone c. 1. Vereor, ne turpe sit, pro fortissimo viro dicere incipientem timere. Quibus in locis timetur id, quod si accidat, molestia consequatur. Vereor ut ne, valet vereor ne: nam ut ne, pro ne, saepe usurpatur. Pergamus ad ea, quae restant. Non vereor, ut: affirmat. nam si, vereor ut, dubitationem habet: sequitur, ut, non vereor ut, dubitatione careat. exemplum addo, quo res fiat illustrior. Non vereor, ut, quod cogitas, possis perficere: nihil differt ab hoc: non dubito, quin possis perficere, quod cogitas. quale illud Ciceronis Phil. 5. c. 18. Ne verendum quidem est, ut tenere se possit; id est: ne dubitandum quidem est, quin se tenere possit: credendum est, eum tenere se posse. Non vereor ne, dubitationem tollit: ut si dicam: non vereor, ne filius meus male viuat: hoc dicam: non puto fore, ut male viuat filius meus. Et Cicero, cum scripsit ad eundem Curionem, epist. 7. non vereor, ne quid timide, ne quid stulte facias: hoc dixit: nihil timide, nihil stulte facies. Et ad Luceium lib. 5. epist. 12. Non vereor, ne assentatiuacula quadam aucupari tuam gratiam videar: id est, certe non videor tibi assentari. Non vereor, ne non, affirmat omnino, ut probatur hoc ipso loco, non vereor, ne non scribendo te expleam, pro, non dubito, quin scribendo te expleam. Verbum explere, plus est, quam, satisfacere; cum saepe satisfiat multis, licet non expleatur.

In eo genere] Notanda Cicronis consuetudo in significanda re, proxime nominata. nam, cum dixe-

rit, scribendo, intulit, in eo genere. sic epist. 4. cum dixisset, nihil posse grauius scribi, nisi de republica, subiunxit, atque in hoc genere haec mea causata est, ut neque ea, quae non sentio, velim scribere. Epist. 6. Habemus, inquit, iuuentutis et gratiosorum in suffragiis studia, propter ipsius excellentem in eo genere vel gratiam, vel diligentiam. Epist. 17. Quod scribis ad me de drachmis CCCIDDD, nihil est, quod in isto genere cuiquam possum commodare. et lib. 3. ad Attic. epist. 7. Ego et saepius ad te, et plura scriberem, nisi mihi dolor meus cum omnes partes mentis, tum maxime huius generis facultatem aduenisset.

Studium meum] Plus est, quam diligentiam. nam studium cum animo iungitur; diligentia interdum opera tantum est.

Abfuisse] Erat Curio in Asia. epist. 6.

Tandiu] Multis mensibus: nam post annum e provincia decedebant.

Ineundissimae] Proprie dicimus enim, adolescens senibus ineundus: non contra.

Consuetudinis ERN. Consuetudinis tuae] Tuae, abest a sex antiquis libris: in vno tamen est; in alio, pro tuae, nostrae. quod quisque approbat, id sequatur.

Es consecutus] Nihil in provincia consequi Curio potuit a senatu, aut a populo Romano. nam si quaesitor in Asia fuit; quod equidem arbitror, quia sequenti anno tribunatum plebis petiit: non intelligo, quid ei senatus, populusue Romanus absenti tribuere potuerit: nisi si, vel ut aliquid extra ordinem

nem posset agere, quod profuturum prouinciae videretur; vel, vt acta confirmarentur, Curio petierat. Aut, *et consecutus*, in ipsa prouincia: cum te istic omnes diligant, atque laudent: quod confirmatur iis verbis epist. 5. *Gratulor, quod excelso, et illustri loco sita est laus tua, in plurimorum et sociorum et ciuium conspectu: quae ad nos nec obscuro, nec vario sermone, sed et clarissima, et una omnium voce perfertur.*

Meis optatis fortuna respondit ERN. *responder*] Ea, quae optabam, ad exitum fortuna perducit. Nec tamen ideo fortunam Cicero nominat, vt eripiat eam laudem Curioni, quae a virtute proficiscitur: (nam, quae fortuna largitur, optabilia potius, quam laudabilia sunt) sed quia in rebus humanis plurimum fortuna valet: recte igitur dixit, *in omnibus tuis rebus meis optatis fortuna respondet*: quia nemini omnia possunt, aduersante fortuna, e sententia succedere.

Breue est] Ob ea, quae proxime dixit, breuitate autem promissa, amorisque sui mentione subiecta, id assequitur, vt ea, quae praecepit, Curio libenter legat.

Cogit] Amouet a se culpam temeritatis, quod ei praecipere audeat, cuius adiuncta virtuti fortuna sit. Necesse, inquit, non erat: sed amor coegit, nec mediocris amor, qui cogere non potest, sed incredibilis.

Tanta est expectatio] Fere in omnibus epistolis expectationem proponit; quia vehemens, ac turbulentum extimescit Curionis ingenium. vnde illud epist. 13. *Quid*

ais? Caesarem nunc defendit Curio? quis hoc putaret praeter me? nam, ita viuiam, putavi. Hortatur igitur, ac laudat eum, a quo timet, id quod euenit, ne reipublicae causam deserat.

Vel animi, vel ingenii tui] Quem cohortamur, cum laudare debemus. in excitando enim, et in acuendo plurimum valet, si laudes eum, quem cohortere: quod ad Trebonium Cicero scripsit lib. 15. epist. vlt. Optime autem in laudatione coniunguntur *animus*, et *ingenium*: ne sine ingenio temere multa committantur, siue animo timide. Vtrumque etiam, cum de eodem Curione loqueretur, Cicero coniunxit in Phil. 2. c. 18. *Patri, inquit, persuasi, vt aes alienum filii dissolueret; redimeret adolescentem, summa spe et animi et ingenii praeditum.* Eiusdem ingenium laudat his verbis in libro de clar. orat. c. 81. *A magistris parum institutus, naturam habuit admirabilem ad dicendum.* Velleius etiam lib. 2. c. 48. *audacem, et ingeniosissime nequam, maloque publico facundum* vocat.

Obsecrare obtestarique] *Obsecrare*, maiorem habet vim, quam, *rogare*, aut *orare*. itaque secundo loco ponitur; vt in oratione post red. ad Quir. c. 7. *Pro mea vos salute non rogauit solum, verum etiam obsecrauit.* Et lib. 2. in Ver. c. 17. *Cum multis lacrimis orare, atque obsecrare.* Est autem, *obsecrare*, quasi, ob sacra rogare: *obtestari*, vt ait Donatus ad Terent. Hec. Act. 3. Sc. 3. v. 27. *precari*, cum mentione earum rerum, per quas petimus. vt lib. 5. in Ver. c. 72. *Dei, deasque omnes imploro,* atque

atque obsecror. Et hic, *te obsecrari*, est, *per te ipsum precari*. Cum, *obsecro*, iunctum, modo sequitur, ut hic; modo antecedit, ut lib. II. ad Attic. epist. I. *Idque ut facias, te obsecror atque obsecro.*

Non dubitem] Quia futurum spero.

Conformatus ERN. Confirmatus] Translatio a ponderibus: quae non facile sustinent imbecilli. *Confirmatus* autem, animo firmo, et ad sustinendam expectationem bene parato. epistola sequenti.

Concitrasti] Commouisti. sed vis maior est in verbo, *concitrasti*. Latine autem utrumque dicitur.

Tueri] Conseruare. proprie enim, *tueri*, est, defendere: et, qui defendit, conseruat.

Tuorum erga me] Parem gratiam reposcit in memoria merituum. Quoniam, inquit, merita tua numquam obliuiscar; itidem debes, quae tibi olim puero praeceperim, quibus te rationibus ad laudem incitauerim, in omni vel fortunae, vel dignitatis accessione recordari.

Delebis] Oblitio memoriam delet, et obliuione memoriam delemus, Latine dicimus. ad animum transiit Terentius in Eun. Act. 2. Sc. 3. v. 5.

— *Deleo omnes debine ex animo mulieres.*

Puer olim] Quis credat, quae nos nefate pueros appellamus, ea in aetate Curioni praecepta Ciceronem dedisse? ego *puerum* hic vocari arbitror, post sumptam virilem togam, quae, praetexta deposita, summebatur absoluto aetatis anno XVI. quo anno, a magistris discedentes, in forum una cum parentibus prodibant: a parentibus autem ad claros viros, vel ut ius ciuile, aut elo-

quentiae vias cognoscerent, vel etiam, ut eorum sermonibus, et consuetudine prudentiores fierent, deducebantur. Testimonio sunt ipsius verba Ciceronis in libro de Amicitia c. I. *Ego, inquit, a patre ita eram deductus ad Scaeuolam, sumpta virili toga, ut, quoad possem, et liceret, a senis, latere numquam discederem. Itaque multa, ab eo prudenter disputata, multa etiam breuiter, et commode dicta, memoriae mandabam: fierique studebam eius prudentia doctior.* Quo mortuo, me ad pontificem Scaeuolam contuli: quem unum nostrae ciuitatis et ingenio, et iustitia praestantissimum audeo dicere. Ac, ne nouum, et inusitatum videatur, ut annum ingressi XVII. pueri nominentur, recitabo locum eiusdem ex lib. 12. epist. 25. ad Cornificium: *Puer egregius praesidium sibi primum et nobis; deinde summae reipublicae comparauit.* De Octauiano loquitur: qui, cum exercitum pro republica priuato consilio comparauit, annum vndeuicesimum agebat: ut in Taciti historia lib. 13. c. 6. notauimus. Non distinxit scilicet nomen pueri, et adolescentis. nam in alia ad eundem epistola (23.) adolescentem vocat: *Per scriberem Caesaris Octauiani conatum: de quo multitudini fictum ab Antonio crimen videtur, ut in pecuniam adolescentis impetum faceret.* Et Phil. 4. c. 1. *Laudo, laudo vos, Quirites, cum gratissimis animis prosequimini nomen clarissimi adolescentis, vel pueri potius.*

Aetas nostra iam ingrauescens] Scripsit hanc epistolam annos natus LIV. id ex eo constat, quod in epist. 6. Milonem in petitione consulatus commendat Curioni Roman

reuerſenti. Milo autem conſulatum petiit, quod Appianus, Dio, alii docent, Caluino et Meſſalla coſſ. annis LIV. poſt eos conſules, quibus Cicero natus eſt, Serranum et Caepionem: quorum conſulatum, et eum, quem Caluinus et Meſſalla gesserunt, hoc annorum numero comprehendimus. Anno autem petitionis potius, quam preſentationis, epiſtolam eſſe ſcriptam, declarant ea verba initio epiſtolae: *Cum has quam primum ad te perferri liſteras magnopere vellemus.* Ingraueſcit aetas, cum deficientibus iam corporis viribus, tardius mouentur membra. haec uſus eſt translatione in libro etiam de Senectute c. 2. *Quibus facillime rationibus ingraueſcentem aetatem ferre poſſimus.* Et de Amicitia c. 10. *Mutari mores hominum ſaepe dicebat, alias aduerſis rebus, alias aetate ingraueſcente.* Graues aetate, dixit Liuius lib. 2. c. 19. et lib. 10. c. 34. *Gratior natu,* Terentius in Heaut. Act. 4. Sc. 1. v. 32. *Gratior aeuo,* Virgilius lib. 2. Aen. v. 436. *Gravis annis,* Horatius lib. 1. Serm. Sat. 1. v. 4.

Adoleſcentia] Non modo ſumpta virili toga, quam ſumi ſolitam eſſe ineunte anno aetatis XVII. proxime oſtendimus, ſed etiam poſt annum XXX. *adoleſcentes* vocabantur; et, qui *adoleſcentes*, iidem *iuuenes*. nam, quoniam hic *adoleſcentem* Cicero ſignificat, eundem nominat *iuuenem* lib. 2. ad Attic. epiſt. 12. cum ea tamen epiſtola ſeptem annis ante hanc ſcripta ſit. nam in ea Clodii, tribunatum petentis, qui petiit Caefare et Bibulo coſſ. mentio ſit: haec uero ad Curionem omnes, praeter vltimam, gratulationis officio fungentem,

Caluino et Meſſalla coſſ. ſcriptae ſunt. quo certe anno videtur Curio maior annis XXX. fuiſſe, cum biennio poſt tribunus plebis fuerit, Sulpicio et Mareello coſſ. ut patet ex epiſt. 7. De eodem Curione, quadriennio poſt, dixit Caefar lib. 2. de bell. ciu. c. 38. *Multum ad hanc rem probandam adiuuat adoleſcentia, magnitudo animi.* In oratione etiam pro Murena c. 26. vocatur *adoleſcens* Ser. Sulpicius, cum minor annis XXX. certe non eſſet. habita enim a Cicerone conſule oratio illa: Sulpicius autem poſt annos XI. conſulatum geſſit. Et lib. 2. de Orat. c. 2. cum dixiſſet de L. Craſſo, non multa eum, quae quidem exſtarent, et ea ipſa adoleſcentem, ſcripta reliquiſſe: poſtea in lib. de claris orat. c. 43. eius orationem, quam habuit pro Seruilia lege annos natus XXXIV. exſtare ſignificat. Quid, quod Saluſtius in Coniuratione Catilinae c. 49. *adoleſcentulum* appellat C. Caefarem, quo anno pontificatum maximum eſt adeptus. qui cum pontifex creatus ſit poſt aedilitatem, aedilitas autem a quaefura biennio diſtet, et quaefuram Caefar geſſerit anno aetatis XXXIII. quod Suetonius c. 13. declarat; pontificatum conſequi non potuit ante annum XXXVI. Quodque magis mirum, Phil. 2. c. 11. *adoleſcentes* Cicero vocat Brutum et Caſſium, quo anno praeturam gerebant, id eſt, anno aetatis quadrageſimo. eundemque Brutum eodem anno *adoleſcentem* appellat Cornelius Nepos in Attici vita c. 8. et 16. Liuius etiam lib. 9. c. 17. de Alexandro Magno, qui anuo aetatis trigefimo tertio diem obiit, haec inquit: *Adoleſcens, in incremento*

rerum

rerum, nondum alteram fortunam expertus, decessit. publicarum oneribus, quae iam ingrauescens aetas ferre vix posset, *Conquiescat]* Vt me, curarum amore, ac studio leues.

EPISTOLAE II.

A R G V M E N T V M.

De Curionis patris interitū significat, ac se illi parentis loco futurum pollicetur. Verum, cui credibile videatur, ad Curionem in Asiam de patris eius obitu tantulam epistolam esse conscriptam? mibi quidem non fit verisimile. itaque libenter et hanc, et eam, quae sequitur, epistolam coniunxerim, argumento etiam postulante: nam, ea munera declarari a Rupa liberto, id est, ostendi, et promitti populo, Curio filius exoptabat, quae ipse postea, in urbem reuersus, patri mortuo daret. in quo tamen veterum librorum consensu deterreor, qui a sententia mea plane omnes discrepant, Eodem anno.

E X P L A N A T I O.

Graui teste] Curionem enim adolescentem in gratiam irati patris Cicero sua auctoritate reduxerat; qua de re scriptum est in Phil. 2. c. 18.

Clarissimo viro] Consulari et triumphali. post consulatum in Maecdoniam profectus, Dardanis, et Moesiis deuictis, prius Romano- rum ducum ad Danubium vsque peruenit. Hoc Rufus c. 7. Epitome vero Liuiana 95. C. Curio pro- consul Dardanos in Thracia domuit. Ammianus Marcellinus lib. 29. c. 5. et Frontinus lib. 4. Stratag. c. 1. feruissimum fuisse ducem ostendunt. Ammianus his verbis: *Sagittariorum primoribus manus incidit; residuos supplicio capitali mansavit: ad aemulationem Curionis, acerrimi illius ducis, qui Dardanorum ferociam, in modum Lernaee serpentis aliquoties renascentem, hoc genere poenarum exstinxit.* Frontinus autem haec de Curione: *Bello Dardanico, circa Dyrrachium, cum ex quinque le-*

gionibus una, seditione facta, militiā detrectasset, securamque se temeritatem ducis in expeditionem asperum, et insidiosam negasset; quattuor legiones eduxit armatas, et consistere ordinibus, delectis armis, velut in acie, iussit. Post haec, seditiosam legionem inermem procedere, discinctam in conspectu armati exercitus, stramenta coegit secare. Postero autem die, similiter fossam discinctos milites facere, nullisque precibus legionis ab eo impetrari potuit, ne signa eius submitteret, nomenque aboleret, milites autem in supplementum ceterarum legionum distribueret. Cicero nominat eum inter Pontifices in orat. de haruspicum responsis c. 6. in libro de clar. orat. c. 32. 49. 61. 81. non contemnendum ait oratorem fuisse, consuetudine tantum domestica bene, et emendate loquendi, nulla scientia litterarum, infirma etiam memoria. Lib. 3. de Offic. c. 22. reprehendit eum, quod in genere deliberatio-

solam spectaret vtilitatem, vt in causa Transpadanorum, quam esse aequam fatebatur, semper autem addebat, *vincat utilitas*, lib. I. de Inuent. c. 43. recitat haec verba ex eius oratione pro Fulvio: *Nemo potest vno adpectu, neque praeteriens, in amorem incidere*. Valerius Max. lib. 9. c. 1. frugalitatem in eo laudat, nequitiam in filio reprehendit.

Te videret] Reuersum ex Asia.

A vita discederet] Sic locutus est Tusc. I. c. 34. in libro autem de Sen. c. 23. *ex vita discedere*: pro Rabir. perduell. reo c. 11. *de vita decedere*: Phil. 9. c. 2. *e vita excedere*: in Bruto c. 20. *vita excedere*, et, *vita cedere*, in prooemio eiusdem libri.

Fortunent] Lib. 15. epist. 7. *Eum honorem tibi deos fortunare volo*: id est, ne quid aduersi contingat.

Carus et iucundus ERN. *periuicundus*] *Carus filio pater*, recte dicimus; *iucundus*, non item. *iucun-*

us, et carus patri filius, vstitutum. delectat enim, et hilaritate quadam, ac iucunditate afficit maiorem aetatem minor: contra, minor ex maiore sic afficitur, vt reuerentiam quandam aduersus cum adhibeat, cum amore coniunctam, non vt iucunditate perfruatur. Epistola sequenti: *Cognosces, mihi te neque cariorum, neque iucundiorum esse quemquam*. Et lib. 3. epist. 10. *Cum, quam sis Cn. Pompeio carus, quamque iucundus, intelligam: quo tandem animo in te esse debeo?* Nonnullis, *iucundus*, non *periuicundus*, placet, fortasse quod ad consuetudinem Latini sermonis aptius videatur, *aeque carus, et iucundus*, quam *aeque carus et periuicundus*. vt enim, *ita periuicundus*, eodem modo, *aeque periuicundus*, respuere videtur Latina lingua, me tamen haec ratio non ita movet, vt contra veterum omnium librorum, quos quidem videre mihi licuerit, consensum, mutationem esse faciendam existimem.

EPISTOLAE III.

ARGUMENTVM.

Excusat libertum Rupam, quia munera populo non promiserit: quod ei Curio mandauerat. totum consilium de dandis muneribus improbat, et quia nihil expediant male affectae reipublicae, et quia diuitias potius, quam virtutem, ostendant. Summam, ait, expectationem de eius virtute, ingenioque concitatam: quam si sustinuerit, id fore praestantius omnibus muneribus. Concludit significatione benevolentiae suae. Tota moralis est epistola: dissuadet enim a muneribus dandis. Eodem anno.

EXPLANATIO.

Rupae] Liberti retinebant ea nomina, quae serui habuerant, assumpto praeterea patroni praenomine, et nomine: vnde M. Tullius

Tiro, M. Tullius Laurea, Cicero-
nis liberti; T. Caccilius Euty-
chides, Attici libertus, lib. 4. ad Attic.
epist. 15.

Decla-

Declarandorum] Ostendendorum: vt lib. 9. epist. 8. *Munus flagitare, quamuis quis ostenderit, ne populus quidem solet, nisi concitatus.*

Munerum] Munera populo dabant, gratiam eius aucupantes, cum vel gladiatorum certamina praeberent, vel nummos diuiderent, vel epulum darent, aut aliquid eiusmodi. Curio in funebri patris munere, praeter cetera, ludos dedit, et in iis pantheras: vt scripsit Coelius lib. 8. epist. 6. et 7. dedit etiam admirandam illam, quae amphitheatrī formam faceret, ligneam machinam, de qua Plinius lib. 36. c. 15. sed plerumque gladiatores dabantur, munusque gladiatorium dicebatur. Epist. 6. *magnificentiam munerum*, dixit de ludis scenicis, et munere gladiatorio Milonis. in orat. pro Sextio c. 58. *munus Scipionis* de gladiatoribus dixit: et addidit, eo spectaculi genere multitudinem maxime delectari. *Ἀγῶνα μονομαχίας*, quod est singulare certamen, Graeci vocant. Interpres Dionis imperite vertit *ludos gladiatorios*: cum omnino a ludis gladiatores differre constet.

Non esset integrum] Vt, si consilium nostrum probares, mutare sententiam posses. Verebatur Cicero, ne muneribus dandis, aeris alieni plurimum Curio contraheret, eoque coactus, omnia reipublicae causa, cum improbis ciuibz, maximeque cum Caesare, societatem, bonis exitiosam, coiret. quod ita contigit, vt supra ostendimus.

Istam rationem] Qua tu adductus, danda haec populo munera existimas.

Meam] Qua mihi non probantur huiusmodi munera. Et sane lib. 2. de Offic. c. 16. pecuniarum effusiones ad multitudinem deleniendam, nec iis, quorum causa sunt, nec iis, a quibus sunt, honorificas, multis verbis ostendit. *Duo sunt*, inquit, *genera largorum: quorum alteri, prodigi; alteri, liberales.* Prodigi, qui epulis, et viscerationibus, et gladiatorum muneribus, ludorum, venationumque apparatu pecunias profundunt in eas res, quarum memoriam aut breuem, aut nullam omnino sint relicturi. Liberales autem, qui suis facultatibus aut captos a praedonibus redimunt, aut aes alienum suscipiunt amicorum, aut in filiarum collocacone adiuuant, aut opitulantur vel in re quaerenda, vel augenda. Itaque miror, quid in mentem venerit Theophrasto, in eo libro, quem de diuitiis scripsit: in quo multa praeclare; illud absurde. Est enim multis in laudanda magnificentia, et apparatu popularium munerum: talinunque sumptuum facultatem, fructum diuitiarum putat. Mibi autem ille fructus liberalitatis, cuius exempla pauca posui, multo et maior videtur, et certior. et quae sequuntur.

Displicere] Putat Cicero futurum, vt aliquando Curionem poeniteat eorum sumptuum, quos in his muneribus fecerit. nec aliter cecidit. nam, eum, praestituta die, creditoribus suis Curio satisfacere non posset, intercalationem, id est prorogationem temporis, a Pontificibus petiit: quam cum non obtinisset, addixit se, suamque sententiam Caesari, deserto reipublicae patrocinio. lib. 8. epist. 9.

In eum statum temporum] Cum respublica defensoribus egeret, paucis iam omnia tenentibus. Scripta enim est epistola Caluino et Messalla coss. cum adhuc Caesaris potentiam Pompeius adiuuaret, nec optimatum vires ad resistendum sufficerent.

Natura, studio, fortuna] Pro rebus extraneis *fortunam*, id est, pro genere speciem usurpauit: (si modo inter Curionis bona nobilitatem generis comprehendit: quod omnino verisimile videtur) quemadmodum et Cornelius Nepos in Attici vita c. 3. fortunae munus ait fuisse, quod in ea potissimum vrbe natus esset, in qua domicilium orbis terrarum esset imperii. vere fortunae bona sunt, quae tum ab ea dari, tum etiam eripi facile possunt, vt diuitiae, quae saepe bello, incendio, aliove casu amittuntur: nobilitas autem generis, et patriae splendor, cum semel data sunt, perpetuo retinentur: itaque malim ea in extraneis rebus numerare, quam, vt Cicero, et Nepos, fortunae tribuere.

Facultatem] Cum dantur amplissima.

Copiarum] Nemo enim copias admiratur, quas facillime sordidi homines, atque improbi consequuntur, quibusque Africanos, et Laelios multi venalicii, mercatoresque

superarunt: quod egregie Cicero scripsit in Oratore c. 70. Fortasse hanc sententiam Cicero sumpsit ab Isocrate, cuius in primis lectione delectatus est. ait enim in oratione, qua Euagoram laudauit, mortuorum memoriam non sumptibus, verum oratione laudantium, immortalē fieri. Αἱ μὲν δαπάναι τῶν μὲν τοιούτων ἄδην ἐξεργάζονται, τῷ δὲ πλάτῃ σημεῖον εἶναι.

Satiēte] Cum saepe huiusmodi munera populo darentur.

Summa virtute, summoque ingenio] Virtutem tribuit adolescenti Curioni, cuius animum, et ingenium laudauit in proxima epistola. Vel ea dicit a Curione expectari, quae ab iis, qui virtute, ingenioque excellunt, expectanda sunt.

Paratus] Voluntate, ac studio. in proxima epistola, sic ad nos confirmatus reuertare.

Quod ita esse confido] Cum aliquem admonemus, hoc subiungere artificii est: ne dubitare videamur, et in admonitione nostra totum constituere.

Muneribus] Tacite significat, non debere Curionem in iis muneribus, quae populo dare cogitabat, spem suae dignitatis collocare, sed in rempublicam sua studia conferre, quo sibi ciuitatis vniuersae beneuolentiam comparabit.

EPISTOLAE IV.

ARGVMENTVM.

Epistolarum genera tria ponit; vnum, negotiale; alterum, iocosum; tertium, seuerum: quorum nullo sibi nunc uti licere demonstrat, vt ostendat se, cum nullum scribendi suppetat argumentum, facere coactum, quod fecit etiam in superioribus litteris, vt eum hortetur ad amplectendam rempublicam, in magnis difficultatibus constitutam: cuius

ius officij causam confert in benevolentiam suam. Nihil habet epistola, quod morale non sit. Eodem anno.

EXPLANATIO.

[Inuenta res] Vt cum absentibus tamquam praesentibus colloqueremur. Pertinet huc versus ille trochaicus catalecticus, a Turpilio comico de litterarum vicissitudine prolatus. quem recitat beatus Hieronymus in epist. 42.

Sola res est, quae homines absentes praesentes facit.

[Certiores faceremus] Monendus hic est lector, Latinum non esse, id est, scriptoribus optimis usitatum, certiores reddere: quod quibusdam placuit.

[Tuarum enim rerum domesticarum] Satis erat, *tuarum rerum*: nec satis constat, vitrum a Cicero, an ab aliis postea scriptum sit, *domesticarum*. Sed hoc leue est.

[Magnopere delectant] Quae tamen mihi temporum ratio eripit.

[Temporibus his] Ad exitum reipublicae spectantibus. nec sefellit coniectura Ciceronem.

[A Cicerone ad Curionem] Inter quos mutuus amor, et summa familiaritas est, nulla maioris momenti negotia. Emphasis est in nominibus, vt lib. 15. epist. 4. *Cui negari a Catone fas esse non puto.*

[In hoc genere] In hoc de reipublica argumento. eleganter Cicero usurpat, *in hoc genere*, pro, *in hoc*, vt epist. 1. *Si in eo genere studium meum non aspernabere.* Et epist. 6. *Propter ipsius excellentem in eo genere vel gratiam, vel diligentiam.*

[Haec mea causa est] Hic status meus est.

[Quae non sentio] Ita lego, cum antiquis libris omnibus, etiam illo Mediceo, omnium vetustissimo, non, vt est in recentioribus, *quae nunc sentio*. Nolo, inquit, de republica scribere ea, quae non probro.

[Velim scribere] Non audet, quae de republica sentit, litteris mandare, ne Caesarem, et Pompeium, principes ciues, sibi amicos, offendant, si in alienas manus litterae inciderint. epist. sequenti: *Haec negotia quo modo se habeant, ne epistola quidem narrare audeo.*

[Ea clausula] Quod epistolam claudit, ac terminat, *clausula* vocatur. Et omnino rerum omnium finis, *clausula* est. itaque lib. 6. ad Attic. epist. 3. *Clausula est difficilis in tradenda provincia.*

[Ad studium summae laudis] Ad tuendam reipublicam, ex quo nascitur summa laus.

[Grauis aduersaria] Sic enim nobis, vt cum acerrimo inimico, cum expectatione pugnandum est: iis autem, qui nulla in expectatione sunt, licet esse otiosos.

[Incredibilis quaedam expectatio] Mediocris enim expectatio mediocrem industriam, virtutemque postulat, sed incredibilem sine summa virtute nemo vincet. sic epist. 1. *Tanta est expectatio vel animi, vel ingenii tui.* In tertia vero: *Summa scito in expectatione te esse.* Epist. 5. *Mirabilis est expectatio reditus tui.* Quibus locis omnibus ad excitandum, commo-

vendumque Curionem, quasi quaedam faces adhibentur.

Vinces] Apte, et proprie, quia dixerat, grauis aduersaria.

Quarum laudum gloriam adamaris] Implicata quibusdam videtur haec sententia: quae patebit, hoc ordine demonstrata. Si statueris, in iis artibus esse elaborandum, quibus eae laudes comparantur, quarum gloriam adamaueris; facillime vinces grauem aduersariam expectationem.

Quibus artibus] Quae sunt hae artes? quae, nisi morales virtutes, iustitia, fortitudo, temperantia? quibus et nobis ipsis, et patriae consulimus.

In hanc sententiam scriberem plura] Sic locutus lib. 1. de Orat. c. 25. Neque haec in eam sententiam disputo, ut homines adolescentes, si quid naturale forte non habeant, omnino a dicendi studio deterream.

Tua sponte satis incitatum] Vel ita sentit Cicero, vel apte simulat, ne sit grauis admonitio adolescenti, cuius animi magnitudinem, quae interdum cohortationes respuit, optime nouerat. ideo quasi se ex-

cusans epist. 1. quod cum admonendum putauerit, breuiter se velle praecipere, et id ipsum, incredibili amore coactum, prudenter posuit. Et epist. 3. cum dixit: Quod ita esse confido. Eodemque spectat. illud epist. 5. Non, quo verear, ne tua virtus opinioni hominum non respondeat. Incitatum autem dixit, in optimarum actionum cursu, ut ad propositam egregiis ciuibus laudem perueniat. Contra, languet iuuentus, dixit in oratione in Pisonem c. 33. quae nihil de laude laboraret, ad nullam recte agendi excitaretur industriam.

Inflammandi] Translatum est verbum, sed ita vsu tritum, ut transierit in naturam proprii: itaque solum vsurpatur, ut lib. 1. epist. 7. ut omnem gloriam, ad quam a pueritia inflammatus fuisti, omni cura atque industria consequare.

Testificandi] Testimonio declarandi, ut exempla demonstrant. eandem sententiam aliter expressit lib. 10. epist. 3. Haec, amore magis impulsus, scribenda ad te putavi, quam quo arbitrarer te monitis et praeceptis egere.

EPISTOLAE V.

ARGVMENTVM.

Rempublicam domesticis malis laborare significat: Curioni gratulatur, quod absit; vel quia ciuiles miseras non videat; vel quod ibi sit, ubi magnam ex recte factis laudem consequatur. Postremo hortatur eum ad suscipiendam rempublicam, eius maxime patrocinio indigentem. Eodem anno.

EXPLANATIO.

Haec negotia quomodo se habeant] Quo in statu respublica sit, qui sit rerum urbanarum, et reipublicae status.

Ne epistola quidem] Tantum abest, ut per nuncios audeam significare, qui saepe produnt eorum fidei commissa.

Tibi]

Tibi] Hoc alii cum frequentibus coniungunt: ego superioribus applicare malui. Vnus Sigonii liber habet: *narrare tibi audeo*, quod mihi non displicet.

Vt scripsi ad te antea] Quae litterae non exstant.

In eadem es nauis] Omnibus, eodem nauigio vectis, idem periculum impendit, ergo, *in eadem nauis*, in eodem periculo. Idque frequens Latini sermonis vsus obtinuit. Livius lib. 44. c. 22. *Primum a prudentibus, et proprie rei militaris peritis, et usu doctis, monendi imperatores sunt: deinde ab his, qui hostem, qui temporum opportunitatem vident, qui in eodem velut nauigio participes sunt periculi.* Tale illud ad Cornificium lib. 12. epist. 25. *Vna navis est iam bonorum omnium: quam quidem nos damus operam, ut rectam teneamus. utinam prospero cursu! Sed, quicunque veni erunt, ars nostra certe non aberit.*

Vel quod excelso et illustri loco] Ipse suorum verborum interpret est, cum subiungit: *In plurimorum et sociorum et civium conspectu.*

Et sociorum et civium] Imperium Romanum in ciues, et socios diuiditur: sociorum plura genera, Latini, Italici, prouinciales. quorum Latini iure, et conditione Italici reliquis praestabant, Itali vero prouincialibus. Porro socii non omnes foederati. aut enim sponfione, aut pactione, aut foedere socii fiebant. Foederati autem vel suis, vel Romanis legibus vivebant. foedere enim triplici exterae gentes amicitiam cum populo Romano iungebant, acquisitimo, aequo, inique: acquisitimo, qui nunquam

hostes populi Romani amicitiam eius, neque datis, neque acceptis legibus, petierant: aequo, qui, bello gesto, nondum victi, legibus non acceptis, pacem fecerant: inique, quibus bello victis leges, impositis tributo, dabantur. quae cum ex Liuius, tum ex aliis cognoscuntur. Ciues quoque distinguuntur, vel familiis, cum alii patricii, alii plebei sint; vel ordine, cum alii senatores, alii equites, alii de plebe; vel iure, cum alii ingenui, alii libertini.

Nec obscuro, nec vario] Intulit antitheta, et clarissima, et una.

Respondeat] Satisfaciat; ea sit, quam homines futuram putant. epist. 1. *Meis optatis fortuna respondet.*

Debilitata iam prope et exstincta] Ad Lucecium lib. 5. epist. 13. eandem sententiam sic enunciauit: *Circumspice omnia, membra reipublicae, quae, notissima sunt tibi, nullum reperies profecto, quod non fractum debilitatumue sit.*

Siue desperas] Ut omnino boni ciuis officio satisfacias, republica etiam desperata.

Meditare, cogita] Nemo est verborum copia, et ornamentis Latinae linguae, Cicerone florentior. *Meditamur quieti, cogitamus maiore quodam mentis motu.*

Cine ac viro] Indiget enim respublica non optimis tantum ciuibus, sed fortibus etiam viris. ideo vtrumque Cicero saepe coniunxit, vt lib. 4. ad Attic. epist. 15. *O virum! o ciuem! Meminimus.* Et in orat. pro Plancio c. 40. *Quid dicam? C. Virgilio, tali cini ac viro, beneuolentiam in me, memoriam communium temporum, pietatem,*

tatem, humanitatem, fidem defuisse?

Miseris temporibus, ac perditis moribus.] Tempora, et mores simul nominat, vt publicam calamitatem simul cum caussa significet. cur enim misera tempora? quia mores perdit. Sic lib. 3. epist. 12. *Non horum temporum, non horum hominum, atque morum negotium!* Et lib. 2. de Diuin. c. 2. *Quod munus reipublicae afferre maius, meliusue possumus, quam si docemus atque erudimus iuuentutem? his praefertim moribus atque temporibus: quibus ita prolapsa est, etc.* Et in

Catilinam I. c. I. O tempora! o mores!

Dignitatem ac libertatem.] Quas amisimus. lib. I. epist. 8. *Quae propofita fuerant nobis, cum et bonoribus amplissimis et laboribus maximis perfuncti essemus, dignitas in sententiis dicendis, libertas in republica capeffenda; ea sublata tota.*

Vindicaturns.] Restituturus. Inepte quidam litigant, *vindico*, an *vendico*, dicamus: ego semper, *vindico*, ex antiquis monumentis, et analogia dicendum puto: *vindex* enim, non *vendex*; *vindiciae*, non, *vendiciae* reperitur.

EPISTOLAE VI.

ARGVMENTVM.

Artificiofa commendatio, a summo erga Milonem studio deprompta. Partes multae sunt, omnes ad impetrandum accommodatae. Rei magnitudinem offendit: in Curionem officia modeste commemorat: Curionis in se amplificat, et in referenda gratia parem voluntatem pollicetur. Atque haec quasi prooemii loco sunt. Narratio autem, quaecumque ad impetrandum valent, omnia comprehendit: summa petentis cupiditas ostenditur in eo: ego omnia mea studia: cupiditas autem honestae rei, quia subiungitur: non officii solum fructum, sed etiam pietatis laudem. Et, quoniam aliena minus, quam nostra, nobis curae sunt, occurrit huic suspicioni, cum inquit: neque vero cuiquam salutem, ac fortunas suas. Petimus interdum, quae fieri vix possunt: at Cicero, cum dixeris iam, peto id, quod maxime cupio, quod cupere debeo, quod mihi tanti est, vt in eo omnia mea posita esse decreuerim, subiungit, posse te intelligo id, quod tantopere cupio. Auget etiam commendationem, cum de consensu, studioque bonorum adiungimus. ideo dixit illa: habemus haec omnia: bonorum studium, et quae sequuntur. Postremo loco neque nos inmemores, neque eum, cui petimus, aut ingratum fore promittimus, adiungit eius laude, vt non solum velle amicorum caussa, sed etiam posse videatur: quod vtrumque attigit Cicero. nam de se ipso cum dixisset: si me memorem, si gratum, deinde posuit: de ipso T. Annio. Quod si res non amico tantum, sed nobis etiam dignitatem, aut commodum afferat; plus omnino habet ponderis commendatio. dixit igitur: mihi vero tantum decoris, tantum dignitatis adiunxeris. Conclusio optima, id nobis fore gratissimum, et id eum, a quo petimus, praestare posse. Quae
qui

qui omnia diligenter attendet, profecto artem sibi aliquam ad commendandum componet: quando haec, si non omnia, pleraque certe, mutatione leuissima, ad varios usus transferri facile possunt. Eodem anno.

EXPLANATIO.

Nondum erat auditum] Primis epistolae verbis et rei magnitudo, et studium petentis declaratur.

Aduentare] *Aduentat* is, qui quotidianis itineribus accedit, et appropinquat.

Villium] Romanae gentis plebeiae nomen. lib. 8. epist. 8.

Ex Asia] In qua fuerat cum potestate: quod epistola proxima demonstrauit.

Magis a te ipso praedicari] Modestia beneuolentiam aucupatur; cum et sua in Curionem officia minuit, et Curionis augeat.

Contenderem] *Contendere*, est, studiose petere: quasi nervos animi, ingenique contendamus.

Pudenti] Modesto, quem ab omni turpitudine remouet pudor.

Nota omnibus] Quia multa, et maxima.

Ipsa nouitate meorum temporum] In exsiliu calamitate. magni enim refert, quo quidque tempore agatur: cum possit eandem actionem ratio temporis vel obscurare, vel illustrare.

Estque animi ingenu] Liberalitas quaedam, et quasi nobilitas animi ostenditur in eo, cum obligari nos, atque obstringi maioribus meritis non recusamus. recusat autem, qui referri a se gratiam posse non confidit.

Maximeque necessarium] Multa enim maxima sunt, nec tamen necessaria, aut, si necessaria, non tamen maxime necessaria. Huic loco respondet illud, in quo omnia mea

posita esse decreui. Et illud, huic meae laudi, vel (ut verius dicam) prope salutis tuum studium dicet.

Neque enim sum veritus] Ne videatur negationibus implicata sententia, scribendum est, non sum veritus, ne non possem, idem esse, quod, non sum veritus, ut possem: quod valet, speravi futurum, ut possem; speravi me posse. nam, ne non, cum gemina negatio sit, affirmat, et accipitur pro, ut. quod si dixisset Cicero, veritus sum, ut possem, hoc significaret; timui ne non possem; non plane credidi futurum, ut possem. cum vero dixerit, non sum veritus, ne non possem; quo modo item locutus est epist. 1. et, ne non, pro ut accipitur: nimirum hoc significat; non timui, ne non possem: credidi futurum, ut possem. nam, cum timemus, ne, contra quam volumus, accidat; tunc locum habet, vereor ut: itaque lib. 14. epist. 14. vereor, inquit, ut Dolabella ipse satis vobis prodesse possit: cum hoc dicat, cuperem, ut Dolabella prodesse vobis posset: id tamen nequaquam spero. Cum vero, quod nolimus accidere, id ne accidat, timemus; tunc dicimus, vereor ne, ut, vereor ne peccet: quod est, peccare te nollem; fore tamen suspicor, ut pecces. vide epist. 1.

Capere] Non ita angusto animo sum, ut vel amplissimam gratiam capere non possim. capitur autem animo gratia, cum nullam eius partem effluere ac perire patimur, sed

sed totam complectimur, vt aliquando, quantum accepimus, tantundem referamus.

Remunerando, cumulandoque] Hoc intulit, quia non, quicumque animus gratiam capit, idem remunerat. meus autem, inquit, animus is est, qui non modo capere quamvis gratiam, sed remunerare etiam, atque adeo maiore gratia cumulare possit.

Illustrare] Obscura saepe beneficia sunt, quia nulla consequitur remuneratio. patent, et illustrantur ea, quae grato animo compensantur, praesertim si, quod acceptum est, plenius etiam mensura reddatur. quod, *cumulare gratiam*, Cicero dixit.

In Milonis consulatu] Quem petiit omissa praetura. aedilis enim fuit L. Domitio Ap. Claudio cos. quod ex lib. 3. ad Q. Fr. epist. 9. intelligitur. consulatum autem petiit anno sequenti, id est, Caluino et Mesalla cos. quod Pedianus in argumento orationis pro eo demonstrat. nemo autem, patefacta iam satis rerum Romanarum notitia, nescit aedilitati praeturam succedere, et quidem biennio interposito: quod ad Furnium Cicero scripsit lib. 10. epist. 25. Hoc anno Clodium Milo, cum Lantuium iret, in itinere obuium, commissa ab utriusque seruis rixa, interfecit: quo facto non modo consulatum, quem cum Hypsaeco, et Scipione, Pompeii socero, petebat, sed patriam quoque, iudicio damnatus, amisit.

Fixi] Non posui, sed fixi: quod studii haud paullo plus indicat. eodem modo Philip. 7. c. 2. *Nisi talis consul esset, ut omnes vigilas, curas, cogitationes in reipublicae*

salute defigeret. Et Philip. 14. c. 3. *Qui omnes suas curas in reipublicae salute defigunt.*

Et locaui] Plus est, quam, *posui*. non enim diceret *fixi*, et *posui*, sed *posui*, et *fixi*. vt in orat. pro Flacco c. 1. *Spem reliquorum in vestra potestate, in vestris sententiis, in hoc vno iudicio positam esse et defixam putetis.* Recte igitur, *fixi*, et *locaui*: vt priore verbo vim quandam suae voluntatis, posteriore consilium ostenderet.

Non officii solum fructum] Non id solum quaerere me decet, vt officio satisfaciam, et, quod debeo, praestem: non hoc, inquit, vno delector, in quo officii fructus est: sed pietatis laudem expeto: quia tanta est Milonis erga me meritum magnitudo, vt non tanquam in amicum, sed tanquam in parentem pius esse debeat. Pietatem quoque nominat in extrema epistola: sic in epistola ad Caesarem lib. 9. ad Attic. epist. 11. *Aliquid impertias temporis huic quoque cogitationi, ut tuo beneficio bonus vir, gratus, pius denique esse, in maximi beneficii memoria, possim.* Et lib. 1. epist. 1. *Ego omni officio, ac potius pietate erga te.* Quo loco, *pietas* vbi proprium domicilium habeat, et ad quos pertineat, satis superque demonstratum est.

Salutem ac fortunas suas] *Fortunae* pro re familiari usurpantur: vt lib. 4. epist. 7. *Impetum praedonum in tuas fortunas fieri nolo.* coniunguntur cum salute: quia nec omnino salus in fortunis posita est; et cum salute fortunae desiderantur, quod vtrumque tamen nemini tantae umquam curae fuisse Cicero existimat, quantae sibi sit Milonis honor.

honor. In quo est animaduertendum, magnum esse pondus in hac sententia, non solum, quia, quod ad ipsum non pertinet, (agitur enim de Milonis consulatu) pluris facit, quam quisquam fecerit salutem, ac fortunas suas; sed etiam, quod honor salutis, ac fortunis anteponatur; cum tamen plerique, etiam de honore multum, plus tamen aliquanto de salute, fortunisque suis laborare soleant. comparat igitur primum, atque etiam praefert aliena propriis, deinde honorem salutis, atque fortunae.

Omnia mea] Honores, fortunas, salutem.

Te vivum] Ideo tam diligenter a te peto.

Tribunatu] Quem gessit Lentulo Spintheri, et Metello Nepote cons.

Propter nostram causam] Quia causam meam suscepit, neque ab exilio reuocandum praeter ceteros curauit.

Vt spero te intelligere] Bonis enim gratissimum fuisse redditum meum non ignoras.

Munerum] Quae populo dederat in aedilitate curuli, de quibus sic lib. 3. ad Q. Fr. epist. 8. *Ludos apparat magnificentissimos: sic, inquam, ut nemo sumptuosiores: stulte bis, terque, non postulatus: vel quia munus magnificum dederat, vel quia facultates non erant, vel quia magister, vel quia potuerat magistrum se, non aedilem, putare.* Et in orat. pro ipso c. 35. *Plebem et infimam multitudinem, quae, P. Clodio duce, fortunis vestris imminabat, eam, quo tutior esset vita nostra, suam se fecisse commemorat; ut non modo virtute flecteret, sed*

etiam, tribus suis patrimoniis deliniret. Et Peditius in argumento eius orationis, hoc modo: *Cum Milo quamprimum comitia confici vellet, conficeretque cum bonorum studiis, quod obfissebat Clodio, tum etiam populi, propter effusus largitiones, impensas quoque tutorum scenicorum, ac gladiatorii muneris maximas, in quas tria patrimonia effudisset: Cicero significat.*

In suffragiis studia] Ausus sum delere, studia, ut glossema, cum proxime dixerit, *studium*; a quo reguntur haec inferiora, *vulgi, ac multitudinis, iuventutis, et gratiosorum in suffragiis.*

In eo genere] In suffragiis. saepe ita loquitur Cicero, cum nominatam proxime rem intelligit. ut epist. 1. et 4.

Gratiam] Qui enim gratia vallet, reliquos etiam, qui gratiosi sunt, sui studiosos habet: cum intelligant officiis officia compensari posse.

Diligentiam] Excellit diligentia, cum prensandum est, et concilianda populi voluntas.

Si minus potentem] Satis erat Cicero gratiofus in suffragiis; sed, modestiae causa, dissimulat.

Probatam] Quod erga virum optimum.

Iustam] Quia Miloni consulatus quasi recte factorum praecium debetur.

Debitam] Eius in me meritis.

Dux] Quem sequantur il, quos proxime nominavi.

Auctor] Quo auctore Miloni consulatum deferant.

Opus est] Coniungitur et cum nominandi, et cum auferendi etiam casu, nec desunt exempla.

Eorum

Eorum ventorum] Ventis comparat bonos, plebem, gratiosos in suffragiis, quos iam nominauit. nam, etsi Miloni fauent, duce tamen, et rectore ita indigent, cum secundi sint, reguntur tamen arte quadam, ab eo, qui nauem gubernat.

Qui si ex omnibus unus optandus esset] A quo petimus, is quantum possit in eo, quod petimus, ostendere debemus. id iam Cicero praestitit iis verbis: *huic te unum tanto adiumento esse*. Nec eo contentus iterat. quod valet etiam ad conciliandam beneuolentiam: est enim cum laude Curionis. Idem fecit Asinius in prooemio orationis, quam nominat Quinctilianus lib. 9. c. vlt. *Si, Caesar, ex omnibus mortalibus, qui sunt ac fuerint, posset huic causae disceptator legi, non quisquam te potius optandus nobis fuit.*

Quamobrem, si me memorem] Hactenus exposuit, quid cupiat, et quain valde cupiat, et quid sperandum sit, et quid Curio possit: nunc ad petitionem ingreditur: et primum de se ipso, quo magis Curio moueatur, tum de ipso Milone omnia pollicetur: cum euenire posset, ut Curioni pariter vtriusque gratia, et auctoritas utilis esse posset.

Si gratum] Memores animo, grati re ipsa sumus: nec satis est, acceptum beneficium memoria conseruare, nisi et studium remunerandi, et ipsa accedat remuneratio.

Si bonum virum] Libenter in memores, et gratos homines beneficia conferuntur; libentius, si iidem boni viri sint.

Vel ex hoc ipso] Magnum enim bonitatis argumentum, cupiditas

gratiae referendae. lib. 8. ad Attic. epist. 4. *Nihil cognoui ingratus: in quo vitio nihil mali non inest.*

Si dignum denique] Ne colligam singula, quibus hoc a te beneficium impetrare debeo; ita mihi hoc tribue, si dignum, cui tribuas, existimas.

Meae laudi] Laudabor enim, ut plus, erga eum, cuius praecipue studio salutem recuperaui. Paullo ante, *statuique in eo me non officii solum fructum, sed etiam pietatis laudem debere quaerere.*

Prope saluti] Quia, licet vere non agatur mea salus in Milonis honore, ego tamen ita laboro, ut in eo propemodum salutem meam positam esse decreuerim.

Dices] Ut ea, quae diis immortalibus consecrantur; quae deinde non licet amouere. constantiam igitur, et perpetuitatem simul cum studio erga Milonem a Curione petit. epistola ad Caesarem, apud Nonium: *Balbus quansi faciam, quamque ei me totum dicauerim, ex ipso scies.*

T. Annio] Ex Papia gente Milo fuit, ut ait Pedianus: sed ab T. Annio, auo suo materno, adoptatus, praenomen, et nomen inde sumpsit.

Maioris animi] Animi magnitudine Milonem excelluisse, dixit etiam in orat. pro Sextio, et in aliis. Pedianus autem, *saepe, inquit, Milo, et Clodius inter se cum suis factionibus depugnauerant: et erat vterque audacia par: sed Milo pro melioribus partibus stabat.*

Gravitate] Quoniam ubi quid defendendum suscepit, non facile sententiam mutat.

Constantiae] *Constantia* non est idem, quod *grauitas*: illa enim ad animi sententiam, haec ad actionem refertur: ut sit *grauis*, qui semper idem sentit, ac vult; *constans*, qui semper idem facit.

Beneuolentiae] Ne plura numeret, vno beneuolentiae nomine omnia complectitur: quasi dicat: ita te Milo diligit, ut ab eo expectare omnia possis.

Complecti hominem] Tua in eum studia conferre. sic epist. 8. *Da te homini. complectetur, mihi crede.*

Mibi vero] Dixit antea, neminem umquam de sua salute, suisque fortune tam valde laborasse, quam ipsum de Milonis honore: nunc etiam suam agi rem significat: at, quam rem? eam, quae praestantibus viris non minimae curae sollet esse, decus, et dignitatem. quae potest enim esse maior laus, quam praestare bene meritis pietatem, ac beneuolentiam?

In laude mea] Quam ex pietatis opinione consequar.

In salute] Cum tibi quoque, restitutus ab exilio, acceptam referam salutem meam.

Ego, ni te videre scirem] Est hic tamquam epilogus epistolae, quo superiora paene omnia breui oratione colliguntur.

Quantum officii sustinerem] Quantum Miloni deberem. Sustinet enim officii plurimum, in quem beneficia magna collata sunt.

Contentione] Extra vitae periculum, cum ciuilitate contenditur.

Dimicatione] Vitae periculo, cum armis res agitur.

Omnem rem, atque causam] Latius patet *res*, quam *causae*: quod ostendimus lib. 1. epist. 1. *Omnem rem*, dixit, id est, vniuersam Milonis petitionem: *causam*, hoc ipsum, in quo Milo contendit omnes nervos, ut consulatum adipiscatur. epist. 7. *De sacerdotio tuo quantum curam adhibuerim, quamque difficili in re atque causa.*

Meque totum] Me ipsum in Milonis causa tibi commendo: nam in eius consulatu mea omnia posita esse decreui.

Atque trado] Auget commendationem. nam, *tradere*, est alicuius potestati committere, ut egat in re tradita quidquid velit. lib. 7. epist. 5. *Totum denique hominem tibi trado.* Et lib. 16. epist. 5. *Ei te totum trade.* Et lib. 2. ad Q. Fr. epist. 3. *Domum ad eum statim venimus: eique nos totos tradidimus.*

Praecipue] Praecipue Cicero-nem adiuuerunt P. Lentulus consul, Pompeius Magnus priuatus, Milo, et P. Sextius tribunus plebis, quos omnes nominat in duabus post reditum orationibus, et alibi.

Pietas] Non solum officium, sed pietas etiam. quo nomine, quantum Miloni debeat, ostendit, ut lib. 1. epist. 1. *Ego omni officio, ac potius pietate erga te.*

Assequi] Assequar studio tuo, ut pius in Milonem sim.

EPISTOLAE VII.

ARGVMENTVM.

Cum esset Cicero proconsul in Cilicia, ex M. Coelii, aliorumque literis, tribunalum plebis designatum esse Curionem, cognouit, eique hac epistola, tribunatum plebis iam ingresso, gratulatus est. post gratulationem sequitur coheratio, tum reipublicae, tum etiam amicitiae debita; timebat enim Cicero, quod euenit, ne Curio, mutata sententia, ab optimatibus desciceret. proponit igitur ei temporum vim, rerum varietatem, incertos exitus, flexibiles hominum voluntates: suadet, ne cuius consilium sequatur, se ipsum audiat, sibi obtemperet. Postremo rogat, ne quid sibi temporis prorogari in prouinciae administratione patiatur. Ser. Sulpicio M. Marcello coss.

EXPLANATIO.

Vt sempiternae laudi] Quibus gratulamur, iisdem proximo loco bene precari solemus: vt lib. 15. epist. 7. *cumque honorem tibi deos fortunare volo.* item epist. 11. eiusd. lib. *tibi velim bi sint exitus, quos mereris, et quos fore confido.*

Ne te auferant aliorum consilia] Quod accidit.

Labere] Errabis. lib. 1. de Fin. c. 6. *Epicurus, in quibus sequitur Democritum, non fere labitur.* Interdum coniungitur. nam, *labi per errorem*, dixit lib. 3. ad Q. Fr. epist. 9. *labi imprudentia*, in orat. pro Rabirio Post. c. 1.

Animum] Nihil igitur timide facies.

Conflum] Non laberis imprudentia. Sequentibus verbis explicantur superiora: *non vereor, ne quid timide, ne quid stulte facias.*

Non vereor, ne quid timide, ne quid stulte facias] Dicit: nihil te timide, nihil stulte facturum confido. Sic locutus lib. 5. epist. 12. et lib. 11. epist. 1. et Matius lib. 11. epist. 28.

In id reipublicae tempus] Tale tempus, quale cernis.

Iudicio tuo] Poterat enim Curio tribunatum differre ad alia tempora, cum urbanae res meliore loco, ac tranquilliore statu viderentur.

Professo] Iudicasti enim tibi hoc tempore gerendum esse tribunatum, vt opem ferres afflictæ reipublicae, ex quo sequitur, vt optime intelligas, ac videas, quanta vis in republica temporum sit, quanta varietas rerum etc.

Quanta vis in republica temporum] Commemorat vitia ciuitatis, sed ex persona Curionis; ne videatur ignarum, et rudem admonere: quo si omnes offenduntur, multo magis, qui magistratum gerit. Ideo dixit, *professo vides.* Sunt autem propositiones duae. vna, cum iudicio, non casu, in ipsum rerum discrimen contuleris tribunatum tuum; profecto vides, quibus vitiis respublica laboret: altera, cum videas, quam corrupta respublica sit, profecto cogitas, quid agendum tibi sit. haec tota

com-

commemoratio videtur esse cum aliqua laude Curionis. laudatur enim et voluntas erga rempublicam et prudentia; voluntas in eo, quod sua sponte, suoque iudicio, non casu aut temeritate contulerit tribunatum suum in aduersa reipublicae tempora; prudentia, quia videat, quanta vis in republica temporum sit, quam incerti rerum exitus, et quae sequuntur. captat igitur benevolentiam Curionis hac laude: et tibi satisfacit, quod in laude latet admonitio. Vis autem temporum saepe tantum valet, ut hominum voluntates, et consilia superet, leges, et instituta peruertat, et omnino prudentem ciuem adducat, ut, tamquam peritus gubernator, obsequatur tempestati, ita mutato cursu, ut eodem tamen semper spectet. nec enim in administratione reipublicae perpetua, naedam actio, ad summam legitimi iuris normam directa, sapientibus probatur: sed assentiendum saepe temporibus; quidque publica postulet utilitas, animaduertendum. quod Curioni Cicero proponit.

Quanta varietas rerum] Quo magis excitanda tibi est prudentia tua. nam caedem, aut similes res minore negotio, quam varie geruntur.

Incerti exitus] Nihil igitur novi cogitandum, exitu rerum incerto. Timet Curionis multiplex ingenium; ne quid in republica noui moliretur, spe alicuius boni proposita: quod et facere solebant tribuni plebis, et fecit ipse Curio: cuius turbulenti in primis, ac seditionis tribunatus fuit.

Flexibiles hominum voluntates] Quae si flectuntur, tua flecti non debet, sed eadem esse erga rempu-

blicam in isto magistratu, qualis adhuc fuit.

Quid insidiarum] *Multae insidiae sunt bonis*, dictum a vetere poeta, cuius testimonium recitatur in orationibus pro Sextio c. 48. pro Plancio c. 24. has tu vitabis, si consilium capies a te ipso. Paullo ante: *numquam lubere, si te audies*. Infra: *tecum loquere: te adhibe in consilium: te audi: tibi obtempera*.

Quid vanitatis] Quid inconstantiae. nam lib. 2. de Nat. Deor. c. 21. *vanitati opponitur constantia*, hoc exemplo: *Nulla in caelo nec fortuna, nec temeritas, nec erroratio, nec vanitas inest: contraque omnis ordo, veritas, ratio, constantia*. Ductum ex communi rerum natura. ut enim, ubi soliditas, ibi grauitas; et ubi grauitas, ibi constantia: sic, ubi vanitas, ibidem et leuitas, et inconstantia. Quid igitur vanitatis in vita, cum optime noueris; cognitum tibi vitium facile vitabis; nec te deprauati aliorum mores a tua consuetudine deducunt.

Nihil noui] Rerum nouitates in republica periculosae. itaque Platoni placuit, mutatis etiam musicorum cantibus, mutari simul ciuitatum status. Nouitates autem, quibus respublica ab optimo statu ad pessimum traducta libertatem amittit, omnes fere tribunorum plebis legibus, aut intercessionibus, exortae.

Te audi: tibi obtempera] Sequuntur haec ad ea, quae proxime antecedunt. Loquere, inquit, tecum, et te audi: te adhibe in consilium, et tibi obtempera. quadripartita sententia est: sed duae posterio-

ſeriores partes prioribus anne-
ſcuntur. Hortamur autem, quos
valere conſilio arbitramur, vt ſe
ipſos audiant, ſecum loquantur:
quos vero contra opinionem falli,
et aliorum egere conſilio credimus,
iis, vt amicos audiant, cum iis lo-
quantur, ſuadere conſueuimus.
propterea orat. 10. in Antonium
c. 3. hortatur Cicero Calenum, An-
tonio potius, quam M. Bruto fa-
uentem, his verbis: *Collige te:
audi viros bonos: loquere cum ſa-
pientiffimo boniue, genero tuo, ſae-
pius, quam ipſe tecum.*

Tibi vero ipſi] Ne videatur af-
ſentando falſa dicere, quod nemi-
nem, praeter ſe ipſum, a Curione
velit in conſilium adhiberi; ſubiun-
git haec: ideo te hortor, nemini
vt aures praebas, te vnum audias;
non quod omnino omnium conſi-
lia negligam, teque cunctis vnum,
praefertim adoleſcentem, antepo-
nam; ſed quia, vt alteri melius,
quam tu, poſſit aliquis conſilium
dare; qui tamen non facile inue-
niri poteſt; tibi certe ipſi nemo
melius dabit. Ita et aſſentandi
ſuſpicionem Cicero vitat; et, quod
ei propoſitum eſt, vt Curio ſeipſum
dumtaxat in conſilium adhibeat, id
hac ratione probat, quia conſilia-
rius in republica gerenda ipſe ſibi
optimus, ac ſapientiſſimus futurus
ſit: quandoquidem neque quisquam
ab illo magis, quam a ſe ipſo, di-
ligitur; nec alteri magis, quam
ipſe ſibi, notus eſt.

Dii immortales] Inuocatione
deorum, verbis fides additur. quaſi
hoc dicatur: teſtes mihi ſint dii
immortales, quam adeſſe cupiam
ſpectator laudum tuarum. lib. 2. de
Fin. c. 28. *Quos ille, dii immor-*

*tales? cum omnes artus ardere vi-
derentur, cruciatus perſerebat?*
Et Terentius in Eun. Act. 2. ſc. 2. v. 1.

*Di immortales! homini bono
quid praefſtat?*

ſpectator laudum] Optinus poſt
hortationem laudandi locus: ne
inouiſſe videatur, quia Curionis
prudenciae, aut conſtantiae diſſidat.

*Vel particeps, vel ſocius, vel
miniſter*] *Particeps*, quod vtereris
conſiliis meis: *ſocius*, quod, ſi conſi-
liis meis non egres, me tamen in tuis
ſocium haberes: *miniſter*, quod
opera ſtudioque meo exſequeretur
conſilia tua.

Hoc] Quod poſterius poſui, vt
adſum vel particeps, vel ſocius, vel
miniſter conſiliorum tuorum.

Minime tibi deſſit] Cum in te
ipſo, quae ad tuas laudes pertiner,
omnia ſint: vel, quod amici, quo-
rum opera, aut etiam, ſi velis, con-
ſilio vti poſſis, tibi non deſint.

Sed tamen] Grata correctio, ex
amoris commemoratione ſumpta.

Magnitudo, et vis] Auget poſſe-
riore verbo: vel quia vis ex magni-
tudine proficiſcitur; vel quia non
in omni magnitudine vis ineſt. vis
autem amoris elicit interdum, vt
maiora praefſtemus, quam expe-
ctantur.

Vt poſſem] Quod fortaiſſe non
poſſem, ſi te tam valde non ama-
rem. me ipſum, inquit, vincerem,
amore adiuuante.

Rem geſſimus] In Amiano mon-
te, vt epiſt. 10. Capto etiam Pin-
deniſſo, vt lib. 15. epiſt. 4. et lib. 5.
ad Attic. epiſt. 20.

Totius aeſtatis] Pindeniffum ta-
men non aeſtate, ſed Saturnalibus,
id eſt, XIV. Kal. Ian. in ſuam pote-
ſtatem redegit: quod Attico ſcripſit
lib.

lib. 5. epist. 20. verum res aestate gestas appellat, quod *aestiva* vocarentur, quaecunque aestate coepta essent, sicut ante hiemem non perfecta. sic lib. 3. epist. 9. *aestiva* confecta, non nisi Pindenisso capto, significat: cum tamen deditio Pindenissi Decembri mense facta sit.

Ad seuatum] Eae litterae non exstant, nam quae leguntur lib. 15. res gestas non exponunt. ad seuatum autem scriptisse videtur Ianuarii mensis initio, ad novos consules: quod ex lib. 5. ad Attic. epist. 20. licet intelligere. quod cum ita sit; potuit hanc epistolam scribere mense Decembri. nam, cum Pindenissum XIV. Kal. Ian. captum ostenderim; et hic rem feliciter esse gestam, scribatur; necesse est, Curionem iam tribunatum plebis, iniisse: nam tribunis plebis primus magistratus dies fuit, non Kalendae Ian. ut aliis magistratibus, sed quarto idus Dec. ut Liuius, Dionysiusque docuerunt.

De sacerdotio tuo] De pontificatu, quem petiit, et obtinuit, patre mortuo, ut in eius locum surrogaretur. de patre mentio sit in orat. de harusp. respons. c. 6. de filio apud Dionem lib. 40.

Quantam curam adhibuerim] Litteris ad amicos Romam scriptis. ex quo suspicor, Curionem petiisse pontificatum multis mensibus post reditum in urbem. rediit enim Calvino et Messalla coff. ut epist. 6. demonstratum est. sequenti anno consulatus tertium Pompeius gessit: post eum Scr. Sulpicius et M. Marcellus: quo anno in provinciam Cicero profectus est: et ex provincia Romam scripsit de sacerdotio Curionis. suspicor autem,

nondum Curionem fuisse pontificem, cum has litteras Cicero misit. quod haec omnino verba significant.

Re atque causa] Dixi iam, quid inter rem et causam intersit. *res* est totum negotium; *causa* negotii pars, de qua maxime laboratur. *Res* hic est, surrogatio pontificis; *causa*, ut Curio ipse surrogetur.

Thraseni] Servile nomen, quod in liberto remansit.

Liberto tuo] Ergo vocabatur C. Scribonius Thraso. nam liberti patronorum praenomine, et nomine utebantur.

Ne patiari] Poterat enim tribunus plebis intercedere, si quis annuam provinciarum administrationem prorogare vellet.

Molestiam] Quam significat in omnibus fere epistolis. lib. 11. 12. et lib. 3. epist. 8.

Non putarem] Et sane comitiis tribuniciis non videtur Curio petiisse: sed, designatis omnibus tribunis plebis, cum Servius, tribunus designatus, condemnatus esset, eius locum Curio, subita voluntate commotus, petiit, et obtinuit. de quo Coelius lib. 8. epist. 4. hoc modo: *Illud te non arbitror miratum, Servium, designatum tribunum plebis, condemnatum: cuius locum C. Curio petiit.* huius autem voluntatis initium, et causa est, quod eum non mediocriter Caesar, qui solet infirmorum hominum amicitias sibi, qualibet impensa, adiungere, contempsit.

A Curione tribuno] Pondus est in nomine Curionis: quasi potestatem tribuniciam augeret animi, ingenique praestantia. tale illud epist. 18. *Et quaestor est, et quaestor*

tuus. Et lib. 5. ad Attic. epist. 2. Cum Hortensius veniret, et infirmus, et tam longe, et Hortensius. Et lib. 1. ad Q. Fr. epist. 2. Rempublicam funditus amisimus: adeo, ut Cato, adolescens nullius consilii, sed tamen cinis Romanus, et Cato, vix viuus effugeret.

Senatus consultum et leges] Quibus erat annua prouincia. Et ad M. Marcellum consulem, his verbis, lib. 15. epist. 9. *Ne quid accedat temporis ad id, quod tu mihi et senatus consulto et lege finisti.* Legem curiatam significat, quam ferebat consul, vt is, qui profecturus erat in prouinciam, annum iurisperium haberet a populo. alioqui rem militarem attingere non licebat: quod satis demonstrat orat. 2. in Rullum c. 10. seqq. Sed hic *leges*, non *legem*, Cicero appellat: quod non vna lege curiata consularium prouinciarum administratio

esset annua, sed, vt opinor, etiam Cornelia, et Sempronia: quae nominatur lib. 1. epist. 7. et 9. et lib. 3. epist. 6. et 10. et in orat. pro domo c. 9.

Defendas] Intercedas, si quis prouinciarum tempus prorogare voluerit. Lib. 5. ad Attic. epist. 21. *Ne quid mihi prorogetur, quod ne intercessor quidem sustinere possit, borreo.* Et lib. 6. ad Attic. epist. 2. *Magna in spe sum, mihi nihil temporis prorogatum iri.* Habebam acta urbana usque ad nonas Martias; e quibus intelligebam, Curionis nostri constantia omnia potius actum iri, quam de prouinciis.

Conditio] Ne plus annuo prouinciae praecellem.

Etiā atque etiam] Vsurpatur et solum, vt saepe apud Cicronem, et adiunctum, vt hic. ubique auget.

EPISTOLAE VIII. ARGVMENTVM.

Acceptis Coelii litteris, quae lib. 3. primae leguntur, et cum litteris commentario rerum urbanarum, in quem omnia, sine delictu, operarius nescio qui, a Coelio ductus, retulerat, ineptam Cicero sedulitatem reprehendit in colligendis leuissimis rebus. Tum de sermonibus cum Pompeio habitis, quod Coelius quaesierat, cum Pompeii laude respondet; atque, vt ei se det, hortatur. Addit de suo in prouinciam itinere. Clausula commendatio est rerum suarum; in quibus hoc praecipue laborat, ut sibi annum prouinciae tempus prorogetur, sed ea conditio maneat, qua profectus est.

EXPLANATIO.

Compositiones] Quis cum aliquo pugnasset, inde *par gladiatorum* dicebatur, cum duo comparabantur, et componebantur ad certamen. recitat Lucilius versus Cicero in li-

bro de optimo genere oratorum c. 6. quos subscribam. *A me, inquit, (vt cum maximis minima conferam) gladiatorum par nobilissimum inducitur. Aescubines,*

tan-

tamquam Aeserninus, ut ait Lucilius,

non spurcus homo, sed doctus, et acer,

Cum Pacidiano hic componitur, optimus longe

Post homines natos.

Et Virgilius ecl. 1. v. 24.

— *Sic parvis componere magna solebam.*

Et Quinctilianus lib. 2. c. 17. *Saepe gladiatores sub eodem magistro eruditi inter se compouuntur.*

Vadimonium dilata] *Differre vadimonium*, est prorogare diem, de quo inter litigantes conuenerat, ut in iudicio adessent. nam *vadari*, est diem iudicio ex pacto constituere.

Chrestii compilationem] Res a Chresto compilatas, furto sublatas. Chrestus, cognomen est; cuius gentis, ignoratur: nisi si Maniliae: nam Manilii Chresti librum de hymnis deorum nominat Fulgentius in libro de prisco sermone.

Πολιτικάρον] Peritiorum administrandae reipublicae.

Rumor] Incerta fama, sine capite, sine auctore, rumore nuncio: ubi quid eiusmodi est, ut non exstet auctor, qui audierit. Sic enim ipse definiuit in orat. pro Plancio c. 23. et lib. 12. epist. 10.

Longe in posterum prospiciente] Quod sine summo ingenio, ac diuturno rerum usu consequitur nemo.

Ex tuis litteris, cum formam reipublicae viderim] Translatio ab architectis, qui futurum aedificium ex forma ostendunt. Formam, et statum, inquit, reipublicae scribi a te velim: deinde, quid ex ea forma, eoque statu futurum prospicias, indicari. Duo enim Cicero postulat, formam primum reipubli-

cae; deinde Coelii coniecturam, ex ipsa forma captam, de futuro reipublicae statu. non enim ipse vult ex forma reipublicae a Coelio missa coniecturam de futuro aedificio facere: cum dixerit, *abs te, ut ab homine longe in posterum prospiciente, futura expecto*. alioqui, missa tantum forma, nihil de futuris rebus Coelius significaret: contra quam Cicero postulat. *Forma* pluribus modis accipitur. Aut enim est aedificii, ut hic, et lib. 2. ad Q. Fr. epist. 2. *De forma Minuciana*: aut cuiusque hominis et cuiusque rei; quae sine interitu subiectae rei amoueri non potest: aut est ipsa formositas et pulchritudo, unde *formosa mulier*, et per similitudinem *formosus annus* apud Virgilium ecl. 3. v. 57. aut aquae ductus, ut in antiquis inscriptionibus: *purgato fonte restituta forma*: et *aquas Curtiam et Caeruleam noua forma reducendas*. Et Sidonius Appollinaris lib. 1. epist. 5. Codex Theodosianus tit. de aquae ductu: Cassiodorus Variarum lib. 3. 72: lib. 4. 85. lib. 8. 128.

In primisque ego] Qui cum Pompeio de republica locutus, futura magis quam tu, aut certe non minus quam tu, providere potui. Quiuis nostrum, inquit, in primisque ego, qui cum Pompeio complures dies nullis in aliis, nisi de republica, sermonibus versatus sum, aequae ac tu, futura providere potui.

Complures dies] Triduum. nam lib. 5. ad Attic. epist. 7. *cum triduum*, inquit, *cum Pompeio, et apud Pompeium fuissim, proficiscabar Brundisium a. d. XIV. Kal. Iunias*.

Versatus sum] Tarenti; ut lib. 5. ad eundem epist. 6. Quod si quaerat aliquis: quid agebat eo

tempore Pompeius Tarenti? crediderim, eo se contulisse valetudinis causa post grauem illum morbum, quo eum prope urbem Neapolim laborasse, Plutarchus, et Cicero Tusc. I. c. 35. demonstrat. aegrotauit enim post tertium consulatum; eoque tempore Cicero in provinciam iuit.

Quae nec possunt scribi, nec scribenda sunt] Scripserat enim Coelius lib. 8. epist. 1. *Si Pompeium offendisti: qui tibi visus sit, et quam orationem habuerit tecum, quamque ostenderit voluntatem, fac mihi perscribas.* Quae, dixit, cum ea significaret, quae in illis de republica sermonibus egerat cum Pompeio.

Animo, et consilio paratum] Cum neque timeat quidquam, nec ad cavendum egeat consilio. Eodem modo illum laudat lib. 5. ad Attic. epist. 7. *Ciuem illum egregium relinquebam, et ad haec, quae timebantur, propulsanda paratissimum.*

Dare homini] Accommoda te ad illius voluntatem. sic enim Donatus illud Terentii in Adelph. Act. 5. Sc. 3. v. 52. explanat, *Da te bodie mihi.* Nepos in Attici vita c. 9. *Qui aduersariis eius se dabant.*

Iam] Non ut antea. nam proximo superiore anno Pompeius tertium consul operam dederat, ut decem tribuni plebis legem ferrent, qua liceret absenti Caesari, et provinciam exercitumque retinenti, consulatum petere. lib. 6. epist. 6. et lib. 7. ad Attic. epist. 1. lib. 8. epist. 3.

Nobis] Mihi et tibi. nam ante profectiorem Ciceronis in provinciam recte Coelius de republica sensit: postea, vel Curionis amore, vel Ap. Claudii odio, ab optimati-

bus ad Caesarem defecit: quod ipse lib. 8. epist. 17. confessus est, idque confirmant in libro de clar. orat. c. 79. haec verba Ciceronis: *Hic cum summa voluntate honorum aedilis curulis fuisset, nescio quomodo discessa meo discessit a sese, ceciditque, posteaquam eosinistari coepit, quos ipse peruerterat.*

Ipsos] Neque plures, neque pauciores, plane decem. Lib. 3. ad Attic. epist. 21. *Triginta dies erant ipsi, cum has dabam litteras, per quos nullas a vobis acceperam.* Et in Bruto c. 15. *Hunc Cethegum confectus est aetate Cato — mortuus est annis LXXXIII. ipsis ante me consulens.*

Gallus Caninius] Quem reum defenderat, Pompeii rogatu, iterum consulis. lib. 7. epist. 1. vide quae Valerius lib. 4. c. 2. de hoc, ut arbitror, Caninio scripsit. Alii, contra veteres omnes libros, etiam illum Medicum, quem plurimi faciunt, legunt, *C. Caninius*, et lib. 7. epist. 1. offensi fortasse Caninii cognomine ante nomen gentis posito: cum tamen huius generis exempla non desint. dixit enim Cicero lib. 8. ad Attic. epist. 12. et lib. 13. epist. 49. et lib. 8. epist. 15. *Gallo Fabio, Balbi Cornelii*: et lib. 2. ad Q. Fr. epist. 4. *Macer Licinius*. Et in Laelio c. 11. *Papum Aemilium*. Et Liniu lib. 45. c. 4. *Paulus Aemilius consul*, cum tamen *Gallus, Papus, Paullus*, cognomina fuerint, non praenomina. ut omitam, quod lib. 6. epist. 8. veteres libri habent, *T. Furfano Postunio*, non *T. Furfanio Postumo*. nec desunt huius generis alia.

Prorogetur] Quod metuebat, emergente iam inter Caesarem, et

Pou-

Pompeium discordia. orta enim de
successione Galliarum controuersia,
reliquarum prouinciarum impedita
successio est. lib. 8. epist. 5.

In eo mihi sunt omnia] Sic lo-
quebantur iis de rebus, quas maxi-
me sua interesse arbitrabantur.

EPISTOLAE IX.

ARGUMENTVM.

*Gratulatur de parta aedilitate, Hirro deiecto: in quem facete io-
eatur. suam in Coelium beneuolentiam, eius in se merita demonstrat.
Moralis epistola. Eodem anno.*

EXPLANATIO.

AEDILI CURVLI DESIGNA-
TO] Designatum summa bo-
norum voluntate, ait Cicero in Bru-
to c. 79. cum ad eam diem optime
animatus erga rempublicam fuisset.

Primum] Primum gratulatur,
deinde gratias agit. sed hic, *pri-
mum*, posuit; nec intulit, *deinde*:
sententiam tamen absoluit in eo;
*et cum gratulor, tum vero quibus
verbis tibi gratias agam, non re-
perio.* Eodem modo lib. 7. epist.
23. cum dixisset, *primum, ipsas ego
Musas numquam tanti putassem:*
deinde, praetermisit; nec tamen
imperfectam sententiam reliquit.
de quo suo loco. Et lib. 8. ad At-
tic. epist. 11. et lib. 12. ad eundem
epist. 18. et in Lucullo c. 17. *Pri-
mum interest.* Et apud Terentium
in Andr. Act. 1. Sc. 3. v. 6.

— *Primum iam de amore hoc
comperis.*

Quam consuetudinem, Graece di-
ctam *ἑταραιότητος*, qui ignorant,
plurimum, pro *primum*, hic repo-
nunt: contra veteres libros, eos
quidem, quorum ego ope in hoc
explanandi et corrigendi munere
nunc utor. nec ab his discrepat Me-
diceus: cuius auctoritatem in re

bona ab iis esse neglectam, qui eius-
dem libri mendas etiam interdum,
cuiusdam constantiae causa, sibi de-
scribendas putauerunt, valde miror.

*Cum praesenti, tum etiam spe-
rata tua dignitate*] Tum aedili-
tate, tum etiam reliquis honoribus,
qui aedilitatem consequuntur. prae-
tura enim biennio post aedilitatem
dabatur, consulatus biennio post
praeturam. Vbi sunt, qui pro ho-
nore dignitatem negant usurpari?
non et hic Cicero de aedilitate gra-
tulatur, et aedilitas honor est? neu-
trum negabitur. At alibi, recta
existimatio, honoribus parta prae-
clare gestis, dignitas est. quis ne-
gat? quasi hoc ipso non excellat
Latina lingua, quod et variis ean-
dem rem verbis, et eodem saepe
verbo varia significet. quod si di-
gnitas, ut falso quidam sentiunt,
ea semper esset, quae vel magistra-
tus, vel res cum laude administra-
tas consequitur: cur hic Cicero de
dignitate potius, quam de honore
ipso, unde manat dignitas, gratula-
retur? cui probabitur, Ciceronem,
cognita Coelii aedilitate, non ho-
norem ipsum, sed eam, quam ho-
nor parit, dignitatem gratulari?
cum praesertim nondum Coelius

magistratum iniuisset, sed adhuc designatus esset; vt gratulatio, quod ad honorem attinet, satis opportuna, dignitati autem, cum nihil dum in magistratu Coelius gessisset, immatura videretur. Tritum, inquit, vsu non est, vt in honoris locum dignitas succedat. Concedo: nec tamen, quo eam in loco Cicero constituit, ego eam inde audebo extrudere: nec mihi, si quid rarum est, propterea rectum non esse, quisquam persuaserit. alioqui nimis imminuetur vsus Latinae linguae, in qua multa non modo rara, sed etiam singularia cognominamus. quin etiam librum Carisus appellat de singularibus apud Ciceronem, quamquam si hoc ideo non placet, quod singulare videatur: scrupulum eximamus, allato eiusdem satis propinquo exemplo, nisi fallor, in eadem sententia: nam cum C. Coelius, ei se obtigisse quaestorem, significasset; rescripsit epist. 19. his verbis: *Tuae litterae, de tua praesertim dignitate, et de nostra coniunctione, maximi sunt apud me ponderis.* Dignitatem Coelii vocat honorem illum, quem sortis beneficio consecutus erat; cum ita contigisset, vt in Cilicia, consulari prouincia, quaesturae tempus traderetur. Et Philippicarum lib. 13. c. 16. *Neminem Pompeianum, qui viuat, tenere lege Hirtia dignitates?* Quare numquam me, auctore Cicerone, dignitatem vsurpassè pro honore poenitebit; nisi si Latinae linguae proprietatem in ipso etiam Cicerone requirimus, quem vere vnum, aut vnum certe praeter ceteros, absolutum artificem in eloquentia, omnisque verborum copiae, omnis parentem elegantiae possumus appellare.

Ignorantia ERN. Ignorantia]

Cur hoc verbum reiiciam, cum et sit in veteribus nouem libris, et in Cicerone alibi reperiatur? dixit enim pro Flacco c. 20. *Vbi nihil possent discere, nisi ignorantiam litterarum.* Lucetius etiam lib. 6. v. 53.

Ignorantia causarum conferre deorum

Cogit ad imperium res.

Ignorantia, legitur in quibusdam impressis: recte, quod ad sententiam: sed aliter antiqui libri:

Longinquitatem] *Longinquitas*

et de locis dicitur, vt hic, et de tempore, vt lib. 2. de Fin. c. 27. *Qui autem voluptate vitam effici beatam putabit, qui sibi is conueniet, si negabit, voluptatem crescere longinquitate?* Et Tusc. 5. c. 40. *Sin forte longinquitate producti, vehementius tamen torquentur, quam vt causa sit, cur ferantur: quid est tandem, dii boni, quod laboremus?* Additur interdum, temporis, vt in epistola Sulpicii lib. 4. 5. *Nullus dolor est, quem non longinquitas temporis minuat ac molliat.* Et Caesar lib. 1. de bell. ciu. c. 29. *Tamen eius rei moram, temporisque longinquitatem timebat.*

Cum gratulor, tu vero] Solebant veteres interdum ob recte facta, post gratulationem gratias agere: vt lib. 9. epist. 14. *Dolabellae tuo et gratulor, et gratias ago.* Interdum contra, gratis actis, gratulationem subiungere. lib. 16. epist. 16. *Tuis et illius litteris perlectis, exsilii gaudio, et tibi et ago gratias et gratulor.*

Factus sis] Aedilis. nam lib. 8. epist. 3. Coelius ita scripserat: *De Hirro, vt, quem optas, quamprimum*

num nuncium accipias, tua medius fidius magis, quam mea causa cupio. Nam mea, si fio, forsitan cum locupletiore referam. sed hoc usque eo suave est, quod si acciderit, tota vita risus nobis deesse non possit.

Audius] Te aedilem designatum, Hirrum deiecitum.

Ille ipse] Hirrus.

Factus sum] Suscepi personam Hirri: quia; quae tu mihi de illo scripsisti, omnia cogitavi.

Egi] Repraesentaui, cogitatione ipsa mihi ante oculos posui.

lactitat] Lactare solitus est: quod fecit, aedilitatem petens: cum diceret, se gratiosorum in suffragiis adolescentum opera aedilem futurum. epist. 6. iuuentutem ostendit in suffragiis plurimum posse. proprie enim adolescentum gratia est, virorum auctoritas.

Difficile est loqui] Quae de illo cogitavi, exponere non facile possum.

Te autem contemplans absentem] Hoc totum usque ad illud, *quod, quia*, videtur a veteri poeta sumptum. ideo, *contemplans*, non est, quo referatur: deest enim verbum poetae: cum Cicero locum non expleuerit, ut interdum solet.

Praeter opinionem] Ut is, cui studerent adolescentes illi, repulsam tamen tulisset.

Reserebam me ad illud] Eiusdem poetae.

Obiicitur] Mihi se offert, atque in mentem venit.

Repente vero] Et hoc eiusdem poetae est, quem opinor esse Caecilium Trabeam comicum, de quo lib. 2. de Fin. c. 4.

Incess] Commotus sum, exilui, laetitia enim non solum gestimus, sed etiam incedimus.

Omnibus laetitiis] Eundem locum Cicero significat lib. 2. de Fin. c. 4. cum ait: *Ille Caecilianus, qui omnibus laetitiis laetum esse se narrat.*

Desiperem] Adimit enim voluptas mentem non minus, quam molestia: quod his verbis egregie, ut omnia, Plato demonstrat lib. 3. de rep. *Ἡ ἡδονὴ ὡς ἄτρον, ἡ λύπη, ἐκφροῦναι ποιεῖ.*

Ego voluptatem animi nimiam] Egregie restituit hunc locum Victorius ex Tusc. 4. c. 15. et lib. 2. de Fin. c. 4. nam in veteribus libris mendose legitur, *homini*, vel, *hominum*, vel *omnium*. verba sunt comici poetae Trabeae, Tusc. 4. *Ut ille, qui voluptatem animi nimiam, summum esse errorem arbitrat.*

Quid quaeris?] Vbi satis verborum effluxit, nec tamen omnino videtur, quod volumus explicasse, ad hanc interrogationem confugimus, *quid quaeris?* et ad exitum statim sententia perducitur.

Ille] Stultus, ut ille.

Inimicorum] Clodianorum. id ostendit ipse Coelius lib. 8. epist. 12. *A te peto, ut meas iniurias proinde doleas, ut me existimas et dolere et ulcisci tuas solere.* Maxime autem ex voluntate Ciceronis, Pompeio tertium consule, post interfectum Clodium, gessit Coelius tribunatum plebis. testem habeo Ciceronem ipsum, cuius haec sunt verba in Bruto c. 79. *M. Coelius, quam diu auctoritati meae paruit, talis tribunus plebis fuit, ut nemo contra civium perditorum popularem turbulentamque demerentiam a senatu,*

senatu, et a bonorum causa, steteris constantius. Et Asconius in argumento orationis pro Milone.

Inuidorum] Hirrus praecipue describitur, qui competitor Ciceronis fuerat in augurato. lib. 8. epist. 3. et 4. Et lib. 5. ad Attic. epist. 19.

Partim scelerum suorum, partim etiam ineptiarum] Sceleratus in vexando Cicerone, et in omni vita Clodius: ineptus Hirrus, qui cum Cicerone confidari, nondum aedilicium, de augurato certare ausus sit.

EPISTOLAE X.

ARGVMENTVM.

Queri videtur de tabellariis, litteras non perferentibus: re vera Coelium negligentiae leuiter accusat: deinde res a se in Amano monte gestas, et Pindenissi oppugnationem exponit: rogat, ne quid sibi temporis ad provinciale munus prorogetur. de republica tum praesentia, tum futura etiam expectare se dicit. Eodem anno.

EXPLANATIO.

Tu vide, quam ad me] Non pauci veteres, *quam timide ad me*: inepte prorsus. quem enim hic timiditas locum habet? mendi originem puto fuisse, *tu vide*: quod proxime antecessit: ut primo factum sit, *timide*, deinde, perturbato ordine, et prima corruptione alteram generante, *tu vide, quam timide ad me*. Ego licet, *quam ad me*, non improbem; cum praefertim ita sit in Mediceo libro, et in altero, quem vir excellentis doctriinae, poeta summus, Petrus Angelus Bargacus, mihi commodauit; magis tamen aliquanto probarem, *quare ad me*: ut sit: tibi videndum est, quid causae sit, cur ad me litterae non perferantur. Cum haec scripserim, Albertus Ferrus, sororis Philippi Tertii, oratoris eximii, viri integerrimi, filius, familiaris meus, optimaeque indolis adolescens, veterem librum, ex auunculi bibliotheca sumptum, ad me attulit, in quo minime dubiis litteris

ita scriptum vidi: *tu vide, quam obrem ad me*. quod nostram opinionem confirmat.

Tanta res] Non solum quia tu aedilis factus sis, sed etiam, quia repressam Hirrus tulerit.

Tantae gratulationis] Cum res esset tanta gratulatione digna, ideoque litteris omnino significanda, ut possem tibi gratulari. Alii legunt, *gratulationes*; quae sententia, non video. ego praeter sententiam, testes auctoresque habeo opinionis meae tres antiquos libros, vnum Sigonii, duos meos.

De te quia, quod sperabam; de Hillo, balbus enim sum, quod non putaram] In lib. 8. epist. 4. Coelius, de Hirro competitoro suo loquens, ita scripserat: *Spero, te celeriter, et de nobis quod sperasti, et de illo, quod vix sperare ausus es, auditurum.* Quibus verbis Cicero respondens, eadem paene repetit. et quia scripserat Coelius, *de illo*;

illo; facete et falsæ adspirationem Cicero addidit, ut Hirri nomen, more balborum, qui, *r*, litteram exprimere non possunt, enunciaret. itaque subiunxit, *balbus enim sum*. in sequentibus autem, cum, *r*, litteram expedite proferat, *balbi*, inquit, *non sumus*. Hic tamen faciam, quod susceptum a me munus postulat, ut hunc locum ex ingenio mutatum significem. nam veteres libri omnes in mendo consentiunt, cum *nihil*, pro, *Hillo*, habeant. Sed non dubito, quin hæc recte intelligentibus coniectura, e Coelii loco ducta, cui manifeste Cicero respondet, etiam atque etiam probeatur. Res, inquit, magnæ gratulationis erat, quia de te, id, quod sperabam, acciderat: de Hirro autem, quod non putaueram, id est, ut tam turpiter aedilitatis repulsam ferret. Atque hoc eiusdem Coelii locus alius lib. 8. epist. 9. significat: inquit enim, *sic tu*, inquis, *Hirrum traxisti*? Immo, si scias, quam facile, quam ne contentionis quidem minimæ fuerit, pudeat te, ausum illum umquam esse incedere tamquam tuum competitorem.

Comitia ista] Aedilicia.

Laetitia extulerunt] Cum ea mihi non tuis, sed aliorum litteris cognita essent.

Iucundius] Dixi iam, *iucundus* et *carus* coniungi. epist. 2. et 3. Cicero, *iucundus*, deducit a iuvando. quod si ita est; *iocundus* a quibusdam perperam scribitur.

Air] Lib. 8. epist. 5. in qua scripsit hæc: Si, quantum gloriæ, triumphoque opus esset, assequeremur; nihil tam esset optandum.

Ad laureolam] Ut triumphum assequi, possemus. Lauro enim

triumphantes coronabantur. quasi per iocum, *laureolam*, potius, quam *lauream*, dixit: ut optata res ostenderetur. Sic lib. 5. ad Attic. epist. 20. *Bibulus in eodem Amano laureolam coepit in mustaceo quaerere*.

Parthos times] Copiis superiores. lib. 8. epist. 5. Parthorum gens nota satis est: origo, et nominis causa fortasse obscura: itaque Iustini verba ex lib. 41. c. 1. recitabo: *Parthi, penes quos, velut divisione orbis cum Romanis facta, nunc orientis imperium est, Scytharum exsules fuerunt. Hoc etiam ipsorum vocabulo manifestatur: nam Scythico sermone Parthi exsules dicuntur, etc.* Idem c. 6. *Mitridates imperium Parthorum a monte Caucaſo, multis populis in ditionem redactis, usque ad flumen Euphratem protulit. Atque ita aduersa valetudine correptus, non minor Arsace proano, gloriosa senectute decedit.*

Auxiliis] Sociorum populorum, id est, Galatarum, Pisidarum, Lyciorum, quos nominat lib. 6. ad Attic. epist. 5. nam Deiotarum cum omnibus suis copiis ad eum venientem, certiorum Cicero fecit, non videri esse causam, cur abesset a regno. quod ad Catonem lib. 15. epist. 4. scripsit.

Hicne est ille] Simile illud lib. 9. epist. 26. *In eo igitur, inquis, conuiuio Cicero ille? quem adspexerant, cuius ob os Graii ora obvertebant sua.* Et Pacuvius Dulo-reste, apud Nonium: *Hicne is est, quem famæ gratia ante omnes nobilitat viros?*

Qui urbem] Seruauit ab insidiis Catilinæ, ipso egredi ex urbe iusto.

iuffo. quod factum gloriatur in orat. 2. contra eum, et in ea in Pisonem c. 2. *Ego L. Catilinam, caedem senatus, interitum urbis, non obscure, sed palam molientem, egredi ex urbe iussi.*

Quem senatus] Decreto laudavit honorificentissimo, supplicatione decreta ob res ab eo gestas: quem honorem antea togatus nemo consecutus erat. lib. 15. epist. 4. orat. in Pisonem c. 3. alibi.

Nosti cetera] Quae in nos, ob res in consulatu praeclare gestas, conferri solent.

Communis eff] Cum eius pars ad Syriam, Bibuli prouinciam, altera ad Ciliciam, cui Cicero praeerat, pertineret. Strabo, et alii.

Diuisus aquarum diuortii] Vt ad Syriam ab vna parte, ad Ciliciam ab altera pertineret, defluentibus aquis distributus. cum enim aquae diuiduntur, diuortium earum fit. Sic lib. 5. ad Attic. epist. 20. *Ad Amanum contendit, qui Syriam a Cilicia ima aquarum diuortio diuidit.* Et lib. 3. de Orat. c. 19. *Vt ex Apennino, fluminum, sic ex communi sapientium iugo, sunt doctrinarum facta diuortia.* Curtius autem lib. 5. c. 1. *Ipsi aunes (Tigris et Euphrates) ex Armeniae montibus profluunt, ac magno deinde aquarum diuortio iter, quod coepere, percurrunt.* Et Lilius lib. 38. c. 45. *Prope ipsis ingis ad diuortia aquarum castra posuisse, id est, ad eum locum, vnde aquae pluviae, duas in partes diuisae, incipiunt defluere.* Flaccus etiam Siculus i. libro de limitibus, *diuergia aquarum* dixit, eadem significatione: quod in diuersas partes vergant, et vertantur aquae: vnde *diuergium*, et *diuortium*.

Cassius noster] C. Cassius, qui postea Caesarem occidit. is M. Crassi quaeſtor in Syria fuerat: quo interfecto reliquias copiarum Antiochiam reduxit.

Hostem reiecerat] Lib. 5. ad Attic. epist. 20. *Rumore aduentus nostri, et Cassio, qui Antiochia tenebatur, animus accessit, et Parthis timor iniectus est. itaque eos, cedentes ab opido, Cassius insecutus rem bene gessit. qua in fuga, magna auctoritate Osaces, dux Parthorum, vulnus accepit, eoque interijt paucis post diebus.* De hac victoria loquitur etiam lib. 15. epist. 4. plenissime autem Dio lib. 40. et Iustinus lib. 42. c. 4.

Prouinciam acceperat] A victore Cassio, qui, post obitum Crassi, cum nondum in Syriam proconsul Bibulus venisset, prouinciam a Parthorum impetu defenderat. Phil. 2. c. 11.

Vexauit Amanienſes] Vide lib. 15. epist. 4. et lib. 5. ad Attic. epist. 20.

Castella munita] Castellum a castro, vt castellum a raſtro, deducitur.

Victoria iusta] Certum hostium numerum esse oportuit, quo caeso imperatoris nomen consequeretur: sed, ea consuetudine paulatim deprauata, multi, paucis hostium caesis, imperatores tamen appellabantur. quod etiam Philip. 14. c. 5. docet his verbis: *Si quis Hispanorum, aut Gallorum, aut Ibracum mille, aut duo millia occidisset, non eum hac consuetudine, quae increbruit, imperatorem appellaret senatus.* Et Dio lib. 37. *C. Antonius, caeso Catilina, eius victorine causa imperator est appellatus.*

pellatus: quamquam caesorum in acie numerus legitimo numero minor esset. Iusta igitur dixit, quia multi non iusta victoria, quidam etiam nulla supplicationis honorem adepti erant: quod ex eadem Philippica cognoscitur. Victoria tamen eius non satis iustam Coelius significat lib. 8. epist. 11. cum ait: Hirrus, cum de hostibus ageretur, et posset rem impedire, si, ut numeraretur, postularet, tacuit.

Issum] Quae Alexandri arae vocabantur. lib. 15. epist. 4. et lib. 5. ad Attic. epist. 20. et Strabo lib. 14. Curtius autem sic lib. 3. c. 12. *Tribus aris in ripa Pyrami amnis Ioui, Herculi, Mineruae sacris, Syriam petit.* Mela quoque lib. 1. c. 12. 13. *Tum mons Amanus, et ab eo statim Myriandros et Cilices. At in recessu intimo locus est, magni aliquando discriminis, fuscum ab Alexandro Persarum, fugientisque Darii spectator ac testis: nunc ne minima quidem, tunc ingenti urbe celebris Issos fuit.* Ammianus lib. 26. c. 8. *sinum Issicum vocat. Superatus, ait, in sinu Issico, qui est in Cilicia, ubi Darium Alexander fudit.*

Clitarchus] Historicus, Alexandri comes in Persica expeditione, ut ait Plinius lib. 6. c. 31. Dionis filius, teste Plinio lib. 10. c. 49. nominatur a Curtio lib. 9. c. 5. a Cicerone lib. 1. de Leg. c. 2. haud magna cum laude, ab Athenaeo lib. 4. Eius probatum esse ingenium, fidem vituperatam, ostendit Quintilianus lib. 10. c. 1.

Narravit] Argute: pro, legisti apud Clitarchum. sic in Bruto c. 43. *Nisi in eo magistratu cenauisset apud praekonem Granium, id, ut*

nobis bis narrauisset Lucilius, tribunum plebis nesciremus fuisse.

Infestissimam] Latrociniiis. vide lib. 15. epist. 4. et lib. 5. ad Attic. epist. 20.

Vineis] Instrumentum bellicum fuit, quo testii milites audacius ad inoenia subibant.

Piudenissum] Incognitum Romae nomen opidi: quod ex lib. 5. ad Attic. epist. 20. perspicitur.

Opibus] Alii legunt, *operibus*: sed *opera* Cicero supra nominauit. *Opum* autem nomine, summa vis et summa contentio significatur. vnde Virgilius lib. 12. Aen. v. 552.

— *Summa nituntur opum vi.*

Alibi diuitiarum copia, alibi totum id quo valeamus, *opum* nomine demonstratur.

Negotio] Labore.

Nomen opidi] Ignobile et obscurum. lib. 5. ad Attic. epist. 20. *Qui (malum) isti Piudenissae? qui sunt? inquires: nomen audui numquam. quid ego faciam? non potui Ciliciam, Aetoliam, Macedoniam reddere.*

Cepero] Cepit die 57. postquam oppugnare coeperat. lib. 15. epist. 4. et lib. 5. ad Attic. epist. 20.

Tum vero] Nam, Amano directo ac vastato, litteras tamen ad senatum non misit. de quo sic lib. 3. epist. 9. *Id a me recte factum puto, quod non statim, ut imperator appellatus sum, sed aliis rebus additis, aestiuisque confectis, litteras miserim.*

In praesenti] Hoc tempore. Livius lib. 34. c. 35. *Daret talenta centum argenti in praesenti. In praesentia, etiam dicebant.*

Quod

Quod optasset] Vt negotii tantum haberem, quod esset ad triumphum satis. lib. 8. epist. 5.

Vt scribis] Lib. 8. epist. 5. *Multum ac diu ludetur, atque ita diu, vt plus biennium in his tricus moretur.*

Spissus] Serius: vt in Bruto c. 36. *Spisse, atque vix ad Antonium, Crassumque peruenimus.* Et lib. 2. de Orat. c. 53. *Principia tarda sunt, et exitus tamen spissi,*

et producti esse debent. Et, quoniam spissis liquida opponuntur; factum est, vt *liquido* pro *facile* veteres vsurpauerint. lib. 10. epist. 10. *Tuis litteris lectis, liquidius de toto sensu tuo iudicavi.* Et lib. 11. epist. 27. *Alia sunt, quae liquido negare soleam; vt de isto ipso suffragio.*

Praesentia] Nec praesentia tamen, nec praeterita, sed futura se dixit a Coelio expectare. epist. 8.

EPISTOLAE XI.

A R G V M E N T V M.

Ita sollicitus est, quidnam de successione prouinciarum Romae decernatur, vt omnino sibi deesse verba confirmet. miro enim orbis desiderio tenetur. Pantheras ludorum causa promittit. De statu reipublicae diligentissimas a Coelio litteras postulat. L. Paullo C. Marcello coss.

E X P L A N A T I O.

AEDILI CVRVL.] Superiores epistolas inscripsit, AEDILI CVR. DES. nunc aedilitatem Coelius inierat. nam epistola Megalensibus est scripta: quo die ludos ante templum Magnae matris Deum aediles curules dabant.

Putaresne unquam accidere posse, vt mihi verba deessent] Similiter lib. 13. epist. 63. *Non putari fieri posse, vt mihi verba deessent: sed tamen in C. Laenio commendando desunt.*

Vestra oratoria] locatur: quia Coelius quoque locum inter oratores obtinebat. epist. 14. *Noui ego vos magnos patronos.*

Noftratia] Quibus vulgo utimur.

De prouinciis] Timebat, ne quid de prorogando prouinciarum tempore senatus decerneret.

Famam] Ob iustitiam, et abstinentiam.

Fortuna] Quia potest aliquo casu de fama detrahere. fortunam nominat, quia de sua culpa non timet.

Metuenda] Lib. 5. ad Attic. epist. 17. *Hanc gloriam iustitiae, et abstinentiae fore illustriorem spero, si cito decesserimus.*

Belli] Parthici. dixit enim in proxima epistola: *Sed, vt redeam ad Parthos, haec aestas habuit hunc exitum satis felicem. Ea, quae sequitur, magno est in timore.* lib. 5. ad Attic. epist. 21. et lib. 6. ad eundem epist. 1.

Ad constitutam diem] Pridie Kal. Sext. quo die in prouinciam venit. lib. 3. epist. 6. et lib. 5. ad Attic. epist. 15. nam duos menses, Iunium et Quintilem, sperabat fore,

vt

ut Bibulus sustineret: quod ad Atticum scripsit lib. 6. epist. 1.

De pantheris] Quas Coelius petierat, ut ludis suis, id est Romanis, daret. lib. 8. epist. 2. 4. 6. 7. 9. quaedam animalia, tam mares, quam feminae, muliebri tantum genere significantur, ut *panthera*, *merula*: non enim dicimus, *pantherus*, *merulus*: quaedam virili, ut *cornus*, *turdus*: non enim dicitur, *cornus*, *turda*. Varro lib. 8. de ling. Lat.

Lusidiarum] Per iocum sublata a se latrocinia significat.

In Cariam] Hoc totum inter Ciceronis ridicula Plutarchus memorat.

Parisco] Venatore. lib. 8. epist. 6. fortasse is est, de quo lib. 12. epist. 15. et Hirtius de bell. Alex. c. 34.

Quidquid erit, tibi erit] Hoc genus ornamenti, similiter designant Latini, ἐκαστοῦ δικαίου Graeci vocant. quo de genere scripsit egregie Demetrius. neque ego colligendis Graecorum exemplis operam consumam: Latinis, et vno maxime Cicerone contenti sumus. epist. 18. *Sin quid offenderit: sibi totum, nihil tibi offenderit.* Philip. 1. c. 15. *Huc si quid accesserit, non tam mihi, quam vobis, rei publicae accesserit.*

Mehercule] In oratore c. 47. *Pomeridianas*, inquit, *quadrigas*, quam *Postmeridianas*, libentius dixerim; et *Mehercule*, quam *Mehercules*. bis tamen in Verrem, *Mehercules*, dixit, et in orat. 1. in Catilinam c. 7. et pro Plancio c. 26. pro Amerino autem c. 18. et in Bruto c. 16. *Hercules*.

Aedilitas tua] Cuius causa pantheras petisti.

Ipse dies me admonet] Adipiscitu, vel cogitatione rei praesentis, in memoriam saepe, aut voluntatem, opinionem deducimur absentis. lib. 7. epist. 19. *Vs primum Velia navigare coepi, institui Topica Aristotelea conscribere, ab ipsa urbe commonitus, amantissima tui.* lib. 1. ad Attic. epist. 10. *Signa nostra, et Hermeraclos, ut scribis, cum commodissime poteris, velim imponas, et si quod aliud olusculi eius loci, quem non ignoras, reperiis, et maxime quae tibi palaestrae gymnasiique videbuntur esse. etenim ibi sedens haec scribebam; ut me locus ipse admoneret.* lib. 1. de Orat. c. 7. *Cur non imitatur Soeratem illum, qui est in Phaedro Platonis? nam me haec tua platanus admonuit.* Ibidem lib. 3. c. 55. *His de rebus sol me ille admonuit, ut breuior essem, qui ipse iam praecipitans, me quoque haec praecipitem pacis evolvere coegit.* In epist. ad C. Caesarem, apud Nonium: *Quae monumenti ratio sit, nomine ipso admoctor. ad memoriam magis spectare debet posteritatis, quam ad praesentis temporis gloriam.* Varro lib. 1. de re rust. c. 1. *Annus octogesima admones me, ut surcinas colligam ante, quam profisciscar e vita.*

Ipsis Megalensibus] Et Megalenses et Romani ludi ad aediles curules pertinebant: ut in Dione legimus lib. 39. dies igitur Megalensium, qui dabantur Aprili mense, Ciceronem admoebat ludorum Romanorum, quos Coelius Septembris mense daturus erat. Atque hinc licet conicere, cum utriusque ludi ab aedilibus curarentur, maiore tamen sumptu atque apparatu Romanos dari solitos: de quorum specta-

ſpectaculo Coelium, pantheras petentem, non de Megalenſibus, videro laboraſſe. Ludos Megaleſia per ſex dies, a pridie Non. April. ad v. Id. fuiſſe, faſti dierum antiqui demonſtrant. nam, etſi deam perlatam eſſe pridie Id. Apr. in aedem Viſtoriae Palatinae, cumque diem feſtum fuiſſe, cum lectiſternio, et ludis, qui Megaleſia vocati ſunt, Liuius lib. 29. c. 14. dicat: poſtea tamen eos ludos in pridie Non. reiectos eſſe, crediderim, accedente praefertim Spartiani teſtimonio in Caracalla c. 6. qui cum VIII. Id. Apr. iſtis Megalenſibus interemptum Caracallam narret, ſatis indicat, Megalenſium primum diem pridie Id. Apr. non fuiſſe. niſi ſi quis mendosum eſſe Liuii locum, et pro pridie Id. legendum, pridie Non. arbitretur: ne, diſſidentibus antiquis, opinione dubia

fluſtuemus. Diſta Megaleſia a Graecis, vt auctor eſt Varro lib. 5. de L. L. quod ex libris Sibyllinis accerſita ab Attalo rege Pergami prope murum Megaleſion, vbi templum eius deae: vnde adueſta Romam. Quo tempore, et quam ob cauſam ſint accerſita, vel quia patet ex Ljnio, vel quod breuitatem ſequimur, omittimus. Vnum addendum videtur: labi turpiter eos, qui ludos Megalenſes et Romanos eosdem eſſe crediderunt: cum Romani a rege Priſco, Megalenſes in republica poſt multos annos inſtituti ſint: et Romani menſe Septembri, Megalenſes Aprilis darentur: Romani in honorem Iouis, Iunonis, Mineruae; Megalenſes Matris magnae Deum: Romani primum Circenſes, deinde etiam Scenici fuerint, Megalenſes tantum Scenici.

EPISTOLAE XII.

ARGVMENTVM.

Sollicitudinem ſuam demonſtrat ob res urbanas. Litteras a Coelio petit de omni ſtatu reipublicae. addit de Diogenis et Philonis itinere. hortatur, ne prouinciales honores urbanis magiſtratibus praeferat. ſuam indicat ad urbem redeundi cupiditatem. Eodem anno.

EXPLANATIO.

Conciones] Tribunorum plebis maximeque Curionis, qui valebat in primis eloquentia, et Caefaris cauſam accerrime tuebatur. eius enim conciones contra conſulum actiones de prouinciis, id eſt de ſucceſſione Galliarum, quis dubitet ſignificari lib. 6. ad Attic. epiſt. 2 in eo loco? *Magna in ſpe ſum, mihi nihil temporis prorogatum iri. Habebam aſtu urbana viſque ad Noſas Martias; ex quibus intelligebam, Curionis noſtri conſtantia*

omnia potius aſtum iri, quam de prouinciis. Varro, contio, non, concio, ſcribendum ſignificat, quaſi coaſtio. Feſtus concio, quaſi conuocatio, a ciendo. veterum librorum ſcriptura Varronis opinionem probat. Mediſceus quoque ſemper, contio.

Quinquatrus] Diſtum fortaiſſe nominandi potius, quam, vt alii putarunt, generandi caſu. mallet tamen, *Quinquatribus*: vt intelligatur dies, quo geſtae ſunt res, non quo

quo allatae: cum inferat, *citeriora nondum audiebamus*. nam in veteri libro Hieronymi Ferrarii legitur, *Quinquat.* ut etiam pro *gladiatoribus*, *gladiat.* antiquis in libris quandoque scriptum vidimus. *Quinquatrus* autem quinque dies festi fuerunt, Mineruae dicati. Ouidius lib. 3. Fast. v. 809.

Vna dies media est, et fiunt sacra Mineruae,

Nominaque a iunctis quinque diebus habent.

Varro lib. 5. de L. L. *Quinquatrum diem* ait appellatum, quod erat post diem quintum Id. Mart. id est, XIV. Kal. Apr. et quamquam ex Ouidio constet, *quinquatrus* fuisse quinque dies: tamen, cum Cicero *quinquatrus* nominat, non semper eos omnes dies, sed interdum primum duntaxat eorum significat, ut lib. 12. epist. 25. *Quinquatribus frequenti senatu causam tuam egi, non inuita Minerua. Etenim eo ipso die senatus decreuit, ut Minerua nostra, custos urbis, quam turbo deiecerat, restitueretur.* Et lib. 9. ad Attic. epist. 11. *Venit ad me Matius quinquatribus.* et alibi.

Ridere tecum] Ob dementias quorundam, quas ex amicorum litteris cognouerat.

Annuum munus] Annuam provinciae administrationem: cuius cum primus dies fuerit pridie Kal. Sext. postremus III. Kal. esse debuit. epist. 5. et lib. 9. ad Attic. epist. 15. 19. et lib. 6. epist. 2.

Diogenes tuus, cum Philone] Diogenes Graecus, amicus Coelii, non libertus: Philo autem libertus. lib. 8. epist. 7.

Pessinunte] Pessinus opidum Phrygiae, clarum templo Matris

magnae Deum, cuius ad urbem Romanam translata statua est. ad Ciceronis provinciam pertinuit; qui duas in maiore Phrygia *διοικησας* habuit, vnam ultra Maeandrum flumen, alteram citra, Ciceroni extra ordinem attributam. qua de re alio loco plenius olim diximus.

Iser habebant ad Deiotarum ERN. Iatorem] Non satis mihi posse videor pro eius merito laudare Iacobum Taurellum Fanensem, virum optimum, exquisitae doctrinae, praestantis ingenii: qui, deleta macula, quae iam inueteraverat in peruulgatis omnibus libris, huic loco suam, ut ego quidem arbitror, integritatem restituit. cum enim in nullo veteri libro reperitur, *ad Deiotarum regem*, ut est in impressis ad hanc diem omnibus; in plerisque autem, *ad Iatorem*; quae in Mediceo quoque scriptura est: acute Taurellus vidit, mutatione minima legi posse, *ad Adiatorigem*: quem Comanorum regem hoc tempore fuisse, Strabo docet lib. 12.

Ab adolescentia indicauit] Indicauit eo tempore, cum e quaestura Siciliensi Romam reuertit. nam in Campania viro nobili obuiam factus, cum eum rogasset, quid de ipso ciuitas, ob res in Sicilia gestas, existimaret; respondit ille, ubi nam fuisti? ex quo intellexit, quod hic Coelio scribit, obscuram esse peregrinationem omnem, nec ab urbe discedendum. Hoc Plutarchus. *Adolescentiam* igitur vocat quaesturae tempus. qua de re in epist. 1. h. l.

Obscura et sordida] Quia dixerat, *in ista luce viuere*. tribus enim verbis metaphoram perficit, *lucis*, *obscuri*.

obscura, illustris. quod genus at-
tente considerandum iis, qui elo-
quentiae se studio dediderunt. Ad-
didit autem, *sordidam*, vt hoc di-
cat: vel obscurum est, nec cerni-
tur, quod in prouincia geritur; vel,
si cernitur, prae vrbani actionibus
sordidum videtur.

Integritatis] Abstinenciae: quia
ne teruncio quidem prouinciae
sumptui fuit: quod ipse, non sine
quadam inani gloria, vere tamen
ad Atticum scripsit lib. 5. epist. 16.
17. 20. 21. et hic lib. 15. epist. 1.
3. 4. 5.

Contemnenda] Si hoc prouincia-
le inunus recusassera. qui enim
prouinciam contemnit, quam multi
spe rapinarum appetebant; is lau-

dem consequitur integritatis. Hoc
modo locutus est Philip. 14. c. 8.
*Supplicatione decernenda, hostes
eos, de quibus decernitis, iudicetis
necesse est*, pro, si decerneritis.

Spem triumphi? inquit] Nisi in
prouinciam iuisses; quae tibi, in-
quies, triumphi spes esset? respon-
det: ego mihi praeclarum in con-
spectu, et consuetudine meorum,
quibus molestissime tamdiu careo,
triumphum ducere.

In desiderio] Lib. 5. ad Attic.
epist. 17. *Dici non potest, quam
inuitus a vobis absim, etc.*

Te dignas] Scriptas diligentissi-
me de omni statu reipublicae, ne,
cum venero, rudis plane sim.

EPISTOLAE XIII.

ARGVMENTVM.

*De litterarum infrequentia quasi molli brachio Coelium reprehen-
dit: eundem excusat, culpa in tabellarios translata: laudat etiam ob-
earum, quas proxime accepit, prudentiam, et humanitatem. Amici-
tiam cum Ap. Claudio, et amicitiae causas commemorat. Quod Caesarem Curio, qui cum optimatibus antea sentire videbatur, coepit de-
fendere, exitum agnoscit coniecturae suae. Decedere e prouincia, ex-
pleto anno, sibi ait esse constitutum; miroque se teneri desiderio urbis,
suorum, Coelii potissimum; quem aedilem videre cupiebat. Negotialis
fere tota est epistola: morale principium, et quod concludit. nam quae
narrat de Appii erga se, suaeque in illum beneuolentia, propter occasio-
nem inducta sunt Appii a Dolabella accusati: de quo vide lib. 8. epist. 6.
cui Cicero respondet. Eodem anno.*

EXPLANATIO.

Fortasse enim non perferuntur] Obtinuisse consuetudinem, vt
fortasse, potius quam *fortassis*, dice-
retur; quia scilicet *fortassis* absur-
dum auribus videbatur; auctor est
Carisius. cuius testimonio permo-
tus, legendum arbitror, *fortasse*,
non *fortassis*, lib. 1. ad Q. Fr. epist.

3. cum praesertim in meo quoque
vetere libro scriptum videam, *for-
tasse*.

Vel quas proxime acceperam] Vel, hic non distinguit, vt alibi:
sed praecipuum quiddam notat; vt
lib. 7. epist. 24. *Amoris tui, quo-
que me verti, vestigia: vel pro-
xime*

xime de Tigellio. Et Terentius in Hec. Aët. 1. Sc. 1. v. 3.

Vel hic Pamphilus iurabat quoties Bacchidi.

Et officii et consilii] Officii, quia retulerat ad Ciceronem de Tullia Dolabellae collocanda: *consilii*, quia scripserat Coelius his verbis: *Vnum illud monere te possum: si res tibi non displicebit, tamen hoc tempore nihil de tua voluntate ostendas, et expectes, quem admodum exeat ex hac causa: ne qua invidiosum tibi sit, si emanarit.* lib. 3. epist. 6.

Prudentibus] Eadem sententia lib. 6. epist. 11. *Quae facimus, inquit, ea prudentissimo cuique maxime probata esse volumus.*

Valde diligo: meque ab eo diligi sensi] Eadem sententia in epistolae fragmento ad Pansam, apud Nonium: *De Antiocho fecisti humaniter: quem quidem ego semper dilexi, meque ab eo diligi sensi.*

Simultatem] Susceptam ex eo, quod frater eius P. Clodius capitali odio a Cicerone dissideret.

Deposui] Auctore Pompeio, cuius filio Appii filia nupsit, id ex Quinctiliani lectione cognouimus, qui lib. 9. c. 3. recitat haec verba Ciceronis ex libro epistolarum incerto ad M. Brutum: *Ego cum in gratiam redierim cum Ap. Claudio, et redierim per Cneum Pompeium.*

Consul] Consulatum gessit cum L. Domitio Ahenobarbo.

Studiarum] Optime se animatum ostendit erga studia mea.

Quoniam] Coniungit hic potius, quam causam exponit: quo item officio, nam, interdum fungitur.

Κρηίδε μάρτυς occidit ERN. accidit Phania] Libertus Appii Phania, praeter ceteros, mea in Appium officia cognouit, ut comicus testis ea, quibus in comoedia lites discordiaeque tolluntur. *Accidit* autem, quia casu quodam in comoediis fieri videtur, ut aliquis, praeter expectationem, adueniens, inuolutam rerum notitiam explicet, patefactaque veritate sedet omnes turbas. De hoc liberto lib. 6. epist. 1.

Iam] Praeterea, ut alibi saepissime.

Pompeii] Qui Appii filiae socer fuit. lib. 3. epist. 4. et 10.

Honoribus] Consulatum gesserat, Ciliciae praefuerat, augur erat.

Liberis] Tres filias habuit, ut lib. 3. epist. 4. 8. 10. licet coniceret. mares, ut puto, non genuit, sed adoptauit C. Clodii fratris sui filios duos: qui ambo Appii Claudii, maior, et minor, appellabantur. minor nominatur lib. 8. epist. 8. quo loco vide quae diximus.

Propinquis] Cognatos significari, manifestum est; cum sequatur, *affinibus*; ut in orat. pro Plancio c. 11. *Cum illis maximis vinculis et propinquitatis et affinitatis coniunctus.* Et Caesar lib. 2. de bell. Gall. c. 4. *Propinquitatibus affinitatibusque coniuncti.* Quibus ex locis, disserre affinitatem a propinquitate, constat. Rursus affinitatem video propinquitatis nomine interdum appellari, ut in orat. pro Quintio c. 6. Si pietate propinquitatis colitur; qui affinem prodit, impius sit, necesse est. Et alibi.

Affinibus] Qui nuptiarum iure coniunguntur. Significat tres Appii generos, Cornelium Lentulum,

M. Iunium Brutus, Cn. Pompeii filium, de quibus lib. 3. epist. 4. 8. 10.

Collegam] In augurato. lib. 3. epist. 4. 10.

Collegii laude] Cum scripsit Appius de iure augurali: quos libros ad Ciceronem misit. itaque hic subiungit, *studiosum mei*. vide lib. 3. epist. 9. et 11.

Quod mihi significabant] Contemnendum non putavi meorum omnium librorum consensum; et quod antea pro mihi, nonnihil legebatur, commenticium duxi; cum praesertim Mediceus quoque liber, non ille quidem hoc in loco plane sit emendatus, sed ita prope tamen ad veritatem accedat, ut emendari vel minimo negotio possit. habet enim, *quod nihil significabant*: in quo mei omnes planissime: *quod mihi significabant*. Miror autem eos, qui Florentiae hos epistolarum libros nuper ediderunt, non modo Medicei libri, cui se tantum tribuere profitentur, auctoritatem neglexisse, (nam in illo, ut dixi, est, *quod nihil significabant*) verum etiam, contra veteres omnes libros, imprimi voluisse, *non nihil*, nulla in Scholiis mentione facta. certe enim aliqua ratione probari oportuit, quod ab antiquis libris, vel saltem (omitto alios, quos ipsi contemnunt) quod a Mediceo discreparet; cum praesertim, si verbum, *subdubitare*, perpenderent, intelligere potuerint, *non nihil*, otiosum esse minimeque necessarium: nam adiuncta verbo particula, *sub*, non nihil ostendit.

Subdubitare] Vide lib. 8. epist. 9.

Institutorum] In administranda provincia, cui anno proximo praefuerat Appius.

Dissimilitudinem] Haec de re sic ad Appium ipsum scribit lib. 3. epist. 8. *Si quem mea instituta in provincia non delectant, et quadam dissimilitudine institutorum meorum ac tuorum laedi se putas, cum uterque nostrum recte fecerit, sed non idem uterque secutus sit: hunc ego amicum habere non curo. Liberalitas tua, ut hominis nobilissimi, latius in provincia patuit. Nostra si angustior, (etsi de tua prolixa, beneficaque natura livauit aliquid posterior annus, propter quandam tristitiam temporum,) non debent mirari homines, cum et natura semper ad largiendum ex alieno fuerim restrictior, et temporibus, quibus alii mouentur, iisdem ego mouear: me esse acerbum sibi, ut sim dulcis mihi. Ad Atticum autem lib. 6. epist. 1. *Nihil a me fit cum ulla Appii contumelia. tantummodo dissimilitudo meae rationis offendit hominem. quid enim potest esse tam dissimile, quam, illo imperante, exhaustam esse sumptibus et iacturis provinciam: nobis eam obtinentibus, nummum nullum esse erogatum nec priuatum, nec publice? Quid dicam de illius praefectis? comitibus? legatis? etiam de rapinis? de libidinibus? de contumeliis? etc.**

Post hoc negotium] An hoc dicit? excepta provinciae administratione, in qua non sequor illius instituta, excepta etiam, de qua ad me scripsisti, accusatione Dolobellae, in qua nullam animi mei alterutram in partem significationem fieri volo, ceteris in rebus pro Appii periculo deprecabor. Haec mihi non placet interpretatio. nam cum dicat, *deprecatorem me pro illius periculo*

periculo praebeo, non de futuro, sed de praesenti loquitur Appii periculo. quod cum ita sit; alia requiritur explanatio, haec scilicet: antea nihil unquam feci, nihil dixi contra Appii existimationem: postquam autem eo temeritatis progressus est Dolabella noster, ut ei negotium facebat, deprecatorem me pro illius periculo praebeo. non enim tam impium, aut scelertum Ciceronem fuisse credibile est, ut deesse Appio in tanto periculo voluerit, cum ad ipsum Appium lib. 3. epist. 10. ita scripserit: *Contestans omnes deos, promitto, atque confirmo, me pro tua dignitate (malo enim dicere, quam pro salute) in hac provincia, cui tu praefuisti, rogando, deprecatoris, cari hominis, ut spero, apud ciuitates, grauitate, imperatoris suscepturum officia atque partes. Omnia volo a me et postules, et expectes: vincam meis officiis cogitationes tuas.*

Nostri] Nondum generi, sed amici: cuius salutem duobus capitulis periculis Cicero defenderat: quod scripsit ad Appium lib. 3. epist. 10. et lib. 6. epist. 11.

Veternus ciuitatis] Scripserat Coelius lib. 8. epist. 6. hoc modo: *Nisi ego cum aquariis et tabernariis pugnarem, veternus ciuitatem occupasset.*

Gaudebam] Quieto reipublicae statu; de quo timueram, creato tribuno plebis Curione, cuius ingenium noueram.

Congelasse] Coelii verba sunt lib. 8. epist. 6. *Curioni nostro tribunatus congelat.*

Nostrium amicum] Curionem; qui ne nimium caleret, extimueramus.

Extrema pagella] Vnica igitur pagina totam Coelii epistolam, quae lib. 8. sexta legitur, comprehendebat. ex quo patet, longiores, aut breuiores paginas fuisse. nam illa Coelii epistola satis longa est: brevis autem, quam scripsit Cicero lib. 11. 25. hoc initio, *Expectanti mibi.* quae tamen vna pagina non continebatur: cum in extrema scripserit Cicero: *altera iam pagella procedit.*

Pupugit me] Commouit me. sic lib. 2. ad Attic. epist. 16. *Ita me pupugit, ut somnum mibi ademerit.*

Chirographo] Cum in reliqua epistola amanuensis opera usus esset.

Praeter me] Qui de Curione, et ob leuitatem, et ob aes alienum hoc facile putauit.

Risum nostrum] Ridebat Cicero cum familiaribus hominum stultitias. epist. 12.

Iurisdictionem] Forum egerat Laodiceae ex idibus Febr. ad Kal. Mai. omnium dioecesium, praeter Ciliciae; postquam in Ciliciam profectus est, infra, et lib. 6. ad Attic. epist. 2. et 4.

Locupletaram] Qua ratione ciuitates locupletauerit, ostendit his verbis lib. 6. ad Attic. epist. 2. *Mira erant in ciuitatibus ipsorum furta Graccorum, quae magistratus sui fecerant. quae sine ipse deiis, qui annis decem proximis magistratum gesserant. aperte fatebantur. itaque, sine ulla ignominia, suis diueneris pecunias populis retulerunt.*

Superiuris Iustri] Prouinciales homines vestigalia publicanis de-

bebant superioris etiam lustrj: quae vt libenter soluerent, Cicero- nis opera et auctoritate factum est. qua de re sic in eadem ad Attic. epistola: *Populi, nullo gemitu, pu- blicanis, quibus hoc ipso lustro ni- bil soluerant, etiam superioris lu- stri reddiderunt. itaque publica- nis in oculis sumus. vccigalia vero quinto quoque anno, quod lu- strum vocabatur, persolui solita, demonstrant Varro et Festus. Mi- rum, quam hic libri antiqui omnes, nullo prorsus excepto, in mendo consentiant: habent enim pro, con- feceram, conferam: pro, locuple- taram, locupletarim pro: superio- ris, superioribus: pro, conserua- ram, conseruata in.*

Sine vlla querela] Nullo gē- mitu, scripsit ad Attic.

Priuatis, summis, infimis] Ne quis putet hominum tria genera significari; nam priuati sunt infimi, et summi. medios omisit Cicero, quia summis et infimis includun- tur. non omisit autem in Philip. I. c. 15. in qua dixit: *Cum a sum- mis, mediis, infimis, eum denique ab vniuersis hoc idem fit.* Et in 13. c. 20. *Omnes te dii, homines, summi, medii, infimi, oderunt.*

In Ciliciam] Vt ibi reliquam iurisdictionem absolueret.

Militaremque rem collocassem] Erat enim praesidium relinqueñ- dum, si quid Parthi conarentur. Mediceus liber, et mei quattuor, *militaremque collocarem:* corru- pte. duo mei, *militaremque rem collocassem:* sincere. vnus, *milita- remque cum collocassem:* minus mendose, nec tamen recte.

Ex senatus consulto] Decreue- rat enim senatus, vt, anno confe- cto, decederet. lib. 6. ad Attic. epist. 5. *Esse officium meum putavi, exercitum habere quam proxime hostem, quoad mihi praesse pro- vinciae per senatus consultum lice- ret.* Nec dubito, quin senatus id decreuerit, M. Marcello consule re- ferente; ad quem haec scripsit lib. 15. epist. 9. *Ne quid accedat tem- poris ad id, quod tu mihi et sena- tus consulto et lege finisti.*

Te aedilem videre] Vt praesens honore tuo fruatur.

Miro desiderio me vrbs afficit] Mirum me desiderium tenet vr- bis, epist. 11. *Si non essem tamdiu in desiderio rerum mihi carissima- rum,* epist. 12.

EPISTOLAE XIV.

ARGVMENTVM.

Commendat Fabium a quinque rebus, probitate, doctrina, ingenio, modestia, amicitia sua. De rebus Romanis litteras expectat. Eodem anno.

EXPLANATIO.

Viro optimo, et homine doctissimo] Coniungit bonitatem, et do- ctrinam: quia nec imperita boni- tas, nec improba doctrina laudatur. *Vos magnos patronos]* Locatur

cum laude Coelii, vt epist. 11. cum dixit: *Ista vestra oratoria.*

Vestra opera] Solent enim ma- gni patroni graues, tantum causas recipere.

Res

Res Romanas] Ἑρμῆς est in verbo, *Romanas*. sic lib. 4. ad Attic. epist. 16. *Ad quid laboramus res Romanas?* Et lib. 6. epist. 8. *Velim dispicias res Romanas.* Et alio loco: *Iam exclames necesse est, res Romanas diutius stare non posse.*

EPISTOLAE XV.

ARGUMENTVM.

Si quis Coelii tres epistolas legerit, quibus Cicero respondet, lib. 8. 11. 13. 17. is magnopere nostram interpretationem non desiderabit. Epistolae capita sunt haec, de supplicationibus suis, de filiae et Dolabellae nuptiis, de sua sollicitudine ob ciuiles discordias, de rationibus, quibus adductus C. Coelium, quaestorem suum, provincias praeposuerit; de Ser. Ocella in adulteriis deprehenso, de rebus ab aedili Coelio gestis, de suo ad urbem reditu. Tota negotialis epistola: respondens enim ad ea, quae Coelii litterae significauerant. nam rationes de quaestore provinciae praeposito, quis non videt ad negotiale genus pertinere?

EXPLANATIO.

Prudensius] Quia scripserat Coelius lib. 8. epist. 11. *ad passionem descendimus.* quod optimum in re difficili Curionis et Coelii consilium fuit.

De supplicatione] Mihi confecta, quinque dierum, ut opinor. nam ordinaria, quae consularibus decernebatur, longior non fuit. quod ex Liuii loco docemur. is enim lib. 45. c. 2. de supplicatione Paulo Aemilio ob Macedonicam victoriam decreta, sic inquit: *Supplicatio pro concione populi indicta est ex ante diem v. Id. Ost. cum eo die in quinque dies.* Extra ordinem Pompeio duplicata est, confecto Mithridatico bello, ut esset decem dierum, quae quinque fuerat. quamquam in orat. de provinciis c. 11. modo decem, modo duodecim legitur. ego tamen decem probō: ut consularis duplicetur supplicatio: quam quinque dierum fuisse, exemplo Paulli, proxime re-

citato, cognoscitur. nam C. Mario supplicationem decretam plurium dierum, quam Paulo, id est, sex fortasse, aut septem, pauciorum quam Cn. Pompeio, cui duplicata est supplicatio consularis, quod ante contigerat nemini, declarat eadem oratio, et apte quadrat, ut, quemadmodum Pompeio quinque dies amplius, quam ceteris, item Caesari quinque amplius, quam Pompeio, extra ordinem tribuantur, ut essent quindecim omnino: quod, praeter eandem orationem, ostendit ipse Caesar lib. 2. de bell. Gall. c. 35. posteaque aliis rebus gestis, eandem quinque dierum accessionem esse factam, decretamque sibi viginti dierum supplicationem, idem scripsit lib. 4. c. 38. ibidem. *Supplicatio* autem dicebatur, cum populus vniuersus ad omnia deorum templa, caesis victimis, de victoria parts gratulabatur. quibus diebus nihil agere cum populo licebat:

cebat: vt lib. 2. ad Q. Fr. epist. 5. Cicero docet his verbis: *Consule est egregius Lentulus: dies comitiales exemit omnes. nam etiam Latinae instaurantur: nec tamen deerant supplicationes. sic legibus perniciosissimis obfistitur.* De gratulatione autem in supplicationibus ad omnium deorum aras facta, cum alibi, tum lib. 11. epist. 18. et lib. 15. epist. 5. et Philip. vlt. c. 3. sic: *Gratae vero nostrae diis immortalibus gratulationes erunt, gratae victimae, cum interfecta sit ciuium multitudo.* Et in eadem, c. 14. *Prætor urbanus supplicationes per dies quinquaginta ad omnia puluina constituat.* Atque hic honor adeptis victoriam ciuibus, simul cum imperatoris nomine, a senatu decernebatur; vt ex eadem Philip. c. 4. et Coelii lib. 8. epist. 11. et aliis præterea locis plane cognoscitur. A principio, vno tantum die supplicatum existimo; postea numerum ambitione auctum. ante Camilli victoriam de Veiiis nemini quattuor dierum supplicatio decreta: vt ait Liuius lib. 5. c. 23. aliquot post annis Papirio et Caruilio coss. quia Samnites vicissent, item quattridui supplicatione publicum gaudium celebratum esse, idem lib. 10. c. 45. narrat. Senatus augendi, aut minuendi dierum numeri potestatem habuit: video enim, multis post annis Neroni et Salinatori, in maiore, quam Camilli, aut Papirii, Caruiliique victoria, nempe ob Hasdrubalem, Hannibalis fratrem, cum exercitu caesum, trium dumtaxat dierum supplicationem decretam, quod ab eodem lib. 27. c. 51. proditum obseruari.

Is] Hirus.

Iratus] Quia superatus a Cicerone in petitione auguratus.

Ei] M. Catoni.

Diuinis ludibus] Non decreverat Cato supplicationem, locutus tamen erat honorifice de rebus ab eo gestis. vide epistolam ipsius Catonis, et eam, qua Cicero respondet, lib. 15.

Quae sequuntur] Triumphum significat: qui plerisque post supplicationem dabatur.

Dolabellam] De cuius affinitate gratulatus erat Coelius lib. 8. epist. 12.

Ea] Vitia quaedam Dolabellae, quibus illum sibi antea parum utilem fuisse, et emendatum iri pudore Tulliae, scripserat Coelius.

Cui tuae epistolae respondeant] Cum qua congruant epistolae tuae. congruunt enim cum ea, qua reum a Dolabella factum esse Appium significaueras. hoc igitur videris dicere, moderationem in posterum fore. *Respondere* valet hic, consentire, conuenire. similitudinem enim significat. Epist. 5. *Non, quo verear, ne tua virtus opinioni hominum non respondeat.* De Veritate: *Dextra dextris respondent.* Lib. 3. de Fin. c. 22. *Quid posterius priori non conuenit? quid sequitur, quod non respondeat superiori?* In oratore c. 43. *Forensibus nostris rebus etiam domesticæ litterae respondebunt.* Virgilius lib. 1. Aen. v. 585.

— *Dislis respondens cetera matris.*

Quae significatio cum et his, et aliis exemplis notissima sit, fugit eos tamen, qui legendum putant, *respondeam*: errore puerili: quo enim referetur, ea? quod ad, *respondent*,

ant, spectare, nisi qui prorsus in literis caeci sint, omnes vident. est autem ordo: scio, cui tuae epistolae respondeant ea, quae scribis Tulliae meae prudentia temperari posse. ut dandi casu, tuae epistolae, dictum sit, non nominandi, ut acceperunt ii, qui elegantissimum loquendi genus non agnouerunt: unde temeritas, mutandique libido nata est.

Ex tuis litteris] In quibus Dolaellae sermonem perscripserat, de Tulliae nuptiis et Ciceronis affinitate gloriantis, de quo sic lib. 3. epist. 10. *Cuius sermo stultus et puerilis, eris iam antea ad me a M. Coelio, familiari nostro, perscriptus.* Haec Coelii litterae non exstant.

Misi ad Appium] Significat lib. 3. epist. 10.

Sic vivitur] Sic vitae consuetudo postulat.

Quod actum est, dii approbent] Lib. 3. epist. 12. *Ego vero velim mihi, Tulliaeque meae, sicut tu amicissime et suauissime optas, prospere euenire ea, quae, me insciense, facta sunt a meis.*

Tua humanitas] Quae tua est humanitas, bonum et iucundum generum mihi praestabis.

Respublica] Perturbata contentionibus ciuium: cum ex Gallia revocari Caesarem optimates cuperent, contra quam lege Trebonia concessum fuerat; tribuni vero plebis, maximeque Curio nihil contra Caesaris existimationem decerni pateretur. lib. 8. epist. 11. et 12.

Fauo Curioni] Quem a puero dilexerat. epist. 1.

Caesarem] Cuius in Gallia lega-

tus fuerat Q. Cicero: et summam erga se, fratremque suum liberalitatem extollit Cicero lib. 1. epist. 9.

Honestum esse] Ne honor eius imminuatur. imminuitur autem, si, ante datum lege tempus, ex provincia reuocatur.

Emori possum] Cuius in primis opera sum ab exilio restitutus. sic lib. 8. ad Attic. epist. 2. *Pro Pompeio lubenter emori possum. facio pluris omnium hominum neminem.*

Non valde te iactas] Nondum Coelius ad Caesaris causam propendebat.

Bonus ciuis] Faues enim optimatibus, et senatui; quia Caesarianos homines diligis, maximeque C. Curionem, et M. Antonium. Scripserat enim Coelius lib. 8. epist. 14. *Mearum rerum quid consilii capiam, non reperio. Nam mihi cum hominibus his et gratia et necessitudo est; tum causam illam, non homines odi.*

Coelium] C. Coelium, ad quem scribit epistolam vltimam huius libri.

Praeposui] Ut, praeter quaestoriam potestatem, auctoritate atque imperio proconsulis vteretur. quo modo enim sine imperio, si res ferret, bellum gerere potuisset? ideo P. Sextius proconsul vocatur lib. 5. epist. 6. qui tamen quaestor in provinciam profectus erat. Nec aduersatur illud lib. 7. ad Attic. epist. 7. *Senatum bonum putas, per quem sine imperio provinciae sunt?* Nam significat eos, quos senatus, populusque cum imperio mittere consuevit. praecrant enim

M 5 quae-

quaestores, aut legati, a decedentibus proconsulibus relictī.

Puerum] Sic lib. 6. ad Attic. epist. 6. Nos prouinciae praefecimus Coelium: puerum, inquit, et fortasse fatuum, et non grauem, et non continentem. assentior: fieri non potuit aliter. Nam, praeter fratrem, nemo erat, quem sine contumelia quaestori, nobili praefersim, anteferrem.

Nobilem] Non sua, sed maiorum virtute. adhuc enim erat adulescens. *nobiles* autem non patricij tantum, sed plebei etiam homines appellabantur. honoribus enim, qui aliqua virtute excelleret, Romae nemo excludebatur.

Omnium fere exemplo] Plerique enim, de prouincia decedentes, praeponebant quaestorem. solebant. epist. 18. Legebatur olim in vulgatis omnibus libris, *exemplum*. nos ex antiquis, et more Latini sermonis, et ex ipsa quoque sententia, primi reposuimus, *exemplo*.

Pompinus ERN. Pontinius] Qui legatus fuerat Ciceronis, et Coelium honore superabat, non quod legatus, sed quod praeturam gesserat, atque etiam de Allobrogibus triumphauerat. praeturam Cicero, Sallustius, Epitome Liuiana, triumphum Dio nominat.

A Q. fratre] Legato, qui et ipse praetorius erat, Asiamque per triennium rexerat. Quattuor legatos habuit Cicero in prouincia, fratrem, Cn. Pontinium, M. Anneium, L. Tullium: quos nominat lib. 15. epist. 4.

Vt senatus voluisset] Facto senatus consulto, de quo epist. 7. et 13. huius libri, et 6. lib. 15. et lib. 6. ad Attic. epist. 6. Videbam

sermone: huius fratrem reliquit? num est hoc, non plus annum obtinere prouinciam? quid, quod senatus eos voluit praeesse prouinciis, qui non praefuissent? at hic triennium.

Quoniam alterum me reliquissim] Nonius: Fratrum proprietatem Nigidius acutissime dixit: Frater est, inquit, dictus, quasi fere alter.

Senatum eos voluisse prouinciis praeesse] Senatus hoc decreuerat eo senatus consulto, quod Coelius ad Ciceronem misit cum epist. 8. lib. 8.

Duorum] Pompeii, et Caesaris: de quibus lib. 6. ad Attic. epist. 6. Pompeius, eo robore vir, iis radicibus, Q. Cassium sine sorte delegit, Caesar Antonium: ego sorte datum offenderem? aut etiam inquirerem in eum, quem reliquissim? Hoc melius: et huius rei plura exempla.

Omnes Cassios Antoniosque complexi sunt] Eius enim honoris causa, quem Pompeius in Q. Cassium, Caesar in M. Antonium contulit, ab vniuersa gente Cassia gratiam inierunt.

Nobilem ERN. Hominem adulescentem] Pro, adulescentem, vt lib. 1. de Orat. c. 25. Neque haec in eam sententiam disputo, vt homines adulescentes, si quid naturale forte non habeant, omnino a dicendi studio deterream.

Alienare nolui] Effet enim ignominia, si quem ei anteferrem. epist. 18.

De Ocella] De Ser. Ocella, tri-duo bis in adulteriis deprehenso. Ocellas, ab oculorum paruitate nomina-

minatos, Plinius significabat lib. II. c. 37.

Parum plane] Quia Coelius, ubi deprehensus esset Ocella, significare noluerat. vide lib. 8. epist. 10.

In aëlis] Quibus urbanae res singulorum dierum scribebantur. Tacitus lib. 3. Annal. c. 3. *Matrem Antoniam, non apud auctoris rerum, non diurna aëtorum scriptura reperio, ullo insigni officio functam.*

Trans montem Taurum] Vbi erat Cicero, cum de Matrinio cognouit.

De Matrinio] Matrinium, scribam aedilicium, nominat in orat. pro Cluentio c. 45. Videtur Coelius aedilis curulis aliquid aduersus eum, vel etiam pro eo, reipublicae aut amicitiae causa fecisse.

Sit audirum] Non igitur Coelius id scripserat.

Etesiae] Venti a Septemtrione ad Occidentem, inde in Orientem flantes, ut lib. 2. Met. docet Aristoteles: itaque cursum Ciceronis impediabant, in Italiam ex Graecia nauigantis. Flare incipiunt VI. id. Iul. diebus octo ante caniculae ortum, ut ait Columella, nec desinunt nisi post dies XL. auctore Plinio. Gignuntur, ut eodem libro docet Aristoteles, humorem dissolvente Sole in Septemtrionis regione collectum. lib. 12. epist. 25. et lib. 15. epist. 11. et lib. 6. ad Attic. epist. 7. et 8.

Celeriter] Iam enim de prouincia decesserat: quod paulo ante dixit.

EPISTOLAE XVI.

ARGUMENTVM.

Tribus annis epistolae Ciceronis ad Coelium datae sunt: prima, secunda, tertia, M. Marcello, Ser. Sulpicio coff. quarta, quinta, sexta, septima, octaua, L. Paulo, C. Marcello coff. nona L. Lentulo, C. Marcello coff. Haec ultima respondet iis litteris, quibus eum Coelius obsccrauerat, ne se cum Pompeio coniungeret, sed in opidum aliquod bello vacuum recederet, donec armis ciuilibus contentio diiudicaretur. earum litterarum initium est: exanimatus sum tuis litteris, lib. 8. epist. 16. Magnum, inquit Cicero, dolorem ex litteris tuis accepissem, nisi diuturna mihi rerum desperatio paene omnem iam doloris sensum ademisset. Nec vero consilium meum hoc fuit, ut pro Pompeio contra Caesarem pugnarem, sed ut in aliquas fortasse solitudines discederem. nihil enim ciuilibus armis odiosus. Caesaris ira non me mouet, cum eadem omnibus calamitas impendere videatur. Filius meus, cuius causa vis me mihi carum esse, ac de mea calamitate laborare, si erit aliqua respublica, sustentabitur memoria nominis mei; si nulla, cum reliquis ciuibus concidet. De genero meo Dolabella, noli dubitare, quin eam, quam debeo, curam sustineam. Hispaniensis belli exitum non expecto: quorsum enim? aut mihi, in eolumi ciuitate, locus erit: aut, perditam, quod reliquum est vitae, in solitudine traducere deliberatum est. Verum haec fortasse meliorem exitum habebunt. Tu tamen, ubicumque

que ero, me liberosque meos, ut nostra postulat amicitia, diliges, ac tueri. Negotialis est epistola, quia de ione ad Pompeium differit, quod Coelius dissuaserat. C. Marcello L. Lentulo coff.

EXPLANATIO.

Magno dolore] Quia tota Coelii epist. 16. scripta est miserabiliter, praesertim in eo loco: Si tibi tu, si filius unicus, si domus, si spes tuae reliquae tibi carae sunt: si aliquid apud te nos, si vir optimus gener tuus valet etc. Et lib. 10. ad Attic. epist. 9. M. Coelii epistolam, scriptam miserabiliter, cum hoc idem obsecraret, ut expectarem, ne fortunas meas, ne unicam filiam, ne meos omnes tam temere proderem, non sine magno fletu legerunt pueri nostri.

Ratio ipsa] Quae nihil dolendum ostendit, quod absit a culpa.

Desperatione rerum] Cum iam pridem de republica desperauerim.

Obduruisset] Sic, ut nouum dolorem non sentiat. lib. 4. epist. 5. Qui non in illis rebus exercitatus animus callere iam debet? lib. 9. epist. 2. Consuetudo diuturna calum iam obduxit stomacho. lib. 2. ad Attic. epist. 18. De Statio manumisso, et nonnullis aliis rebus, angor quidem, sed iam prorsus occallui. lib. 13. ad eundem epist. 2. Sed iam ad ista obduruius, et humanitatem omnem exuius.

Ex meis superioribus litteris] Hae litterae non existant.

Querelam temporum] Accusabam tempora: nihil tamen me triste cogitare, quod tu scribis, ostendebam.

Sollicitum haberes ERN. habereus] Sollicitarent; ut lib. 7. epist. 3. Sollicitum te habebat cogitatio tum

officii, tum etiam periculi mei. Eodem modo lib. 9. ad Attic. epist. 19. et lib. 16. epist. 1. mare infestum habere, pro infestare. quo modo etiam locutus est lib. 3. de repub. apud Nonium. et Varro in libris Rerum humanarum, multa, inquit, loca, infesta habuerunt singulari latrocinio. Sollicitabant autem Ciceronem tempora, quia belli ciuilis, id est, publicae calamitatis, initia videbat.

Ab excitata fortuna ad inclinamam] Excitata Caesaris, inclinatam Pompeii: cum Caesar Italiam, eiecit Pompeio, teneret, translata sunt, excitata, inclinamam, iacentem.

Collectam gratiam effunderem] Alia translatio, nec obscura sententia.

Florentissimi hominis] Caesaris, cuius ita prospera fortuna erat, ut nihil ei deesse videretur.

A meque ipse deficerem] Qui semper id egi, ne ciuili bello interissem.

Initio] Belli ciuilis.

Meum triste consilium] Quod ostenderat in litteris ad Coelium.

Ut discederem fortasse] Non ut irem ad Pompeium; quod tu suspicatus es; sed ut discederem fortasse in aliquas solitudines; non modo ut abessem a bello, sed etiam, ne quosdam homines viderem, quorum indignitatem fastidiunt oculi mei. Notat quorundam Caesarianorum insolentiam, qui, Caesare urbis potito, nimis arroganter se iactarent, bonosque viros, id est opti-

optiuates, quorum in numero Cicero erat, contemnerent.

Quondam] Significat illud tempus, quo Coelius contra ciues improbos pro republica senserat. nam, ut Cicero scripsit in Bruto c. 79. talis tribunus plebis fuerat, ut nemo contra ciuium perditorum popularem turbulentamque dementionem a senatu, et a bonorum causa steterit constantius.

Oculorum] Nec stomachus, inquit, meus, nec oculi quosdam homines ferre possunt. itaque solitudinem fortasse cogitauit.

Indignitate] Quod ab iis, contra quam deceat, multa fiant. scripserat Coelius epist. 16. Si non nullorum hominum insolentiam et iactationem ferre non potes: eliges, censeo, aliquod opidum, vacuum a bello. lib. 9. epist. 2. Putares, me idcirco discedere, quod quasdam homines oculi mei ferre non possent.

Pompa liſtorum] Liſtores habebant, quicumque erant cum imperio. Cicero autem e prouincia reuerſus, nondum in urbem introierat, spe triumphi: quod urbem ingredientibus deponendum erat imperium, nisi si triumphantes introirent: quo die tantum lex imperium in urbe dabat. habebat igitur secum liſtores, eosque cum fascibus laureatis, et inperator vocabatur. quo fiebat, ut in solitudinem, et in latebras abdere se non posset. *Pompam* vocat, quia liſtores cum laureatis fascibus proconsuli praebant.

Onere] Quidam libri, honore. placet, onere: ut ad illud respondeat, moleſta haec pompa; et cum stomacho dictum sit: quod, qui

specie sit honor, ei vere tali tempore sit onus.

In uoculas] Qui praeferrī vident laureatos fascēs, aliquid in nos contumeliose dicunt: quasi stulte cogitamus de triumpho, pulso iam Italia Pompeio, quem secuti sumus.

De professione] Ad Pompeium, in Graeciam. iam enim mare transierat.

Vobis] Te, et meis.

Mea praediola] Propinqua mari: de quibus vide lib. 14. epist. 14. et 18.

Neceſſe eſt] Non quia navigationem cogitem, sed ne amicis molestus hospicio sim. sic lib. 7. epist. 23. Libentius emerim diuersorium Terracinae, ne semper hospiti molestus sim.

In maritimis] In villis et opidis, ad mare sitis.

In maritimis facillime sum] Pro, libenter sum: ut lib. 12. ad Attic. epist. 24. Ego hic vel sine Sica (Tironi enim melius est) facillime possem esse, ut in malis. Et lib. 2. de Offic. c. 19. Diserti igitur hominis, et facile laborantis, quodque in patriis est moribus, multorum causas, et non grauate, et gratuito defendentis, beneficia, et patrocinia late patent.

Navigare] Ad Pompeium.

Qui conuenit] Mihi, qui semper pacis auctor fui. lib. 7. epist. 23. Martis signum quo tibi, pacis auctori?

Contra eum] Caesarem.

Satisfecisse] Quod adhuc me cum Pompeio non coniunxerim, nec interesse bello voluerim.

Nullomodo] Licet ad Pompeium nauigem, non tamen ei plane satisfaciā: quia serius ad eum, quam

quam voluerat, iuerim. Respondet ad eam Coelii sententiam epist. 16. Denique illud cogita: quod offensae fuerit in ista cunctatione, te prius subisse. nunc te contra vi-
 florem facere, quem dubiis rebus laedere noluisse, et ad eos fugatos accedere, quos resistentes sequi nolueris, summae stultitiae est.

Mibi obuiam venisti] Advrbem ex provincia reuertenti.

Non te celavi sermonem T. Ampii: vidisti, quam abhorrerem ERN. *Sed nonne tum providisti*] Emdaui (sic enim arbitror) locum ex coniectura, adiuvante veterum librorum varietate: quorum habet unus meus, et alter, qui Leonici fuit, sed sermonem tuum providisti: alius, sed nomen tuum providisti: Sigonii unus, sermonem tuum providisti: alter eiusdem, si nomen tuum providisti: cum quo video consentire veterem item librum, quem praestans ingenio et doctrina vir, mihiq; carissimus Pax Scala, sumptum ab optimo, et in prius erudito Ottonello Discalcio, proximis diebus ad me attulit. Fulvii Ursini, doctissimi viri, unus, sermonem tam pium audisti. Mediceus et ipse, ut arbitror, mendo-
 se, sermonem Tampii vidisti. cum quo videtur consensisse liber Petri Pagani, in quo nunc, derafa charta, legitur, sermonem tam pium vidisti.

Ab urbe relinquenda] Quod Pompeii consilium Cicero numquam probavit. testes ad Atticum epistolae.

Omnia potius] Rebus omnibus a Pompeio, et ab iis, qui, Pompeio duce freti, bellum civile cupierunt, pessime gestis.

Nihil tam fugisse] Quod ostendit, fero admodum ad Pompeium

profectus, de quo sic ad Marcellum lib. 4. epist. 7. Neque tu multum interfuisti rebus gerendis, et ego id semper egi, ne interesset. Et ad Caeciliam lib. 6. epist. 6. Susceptum bellum est, quiescente me; depulsum ex Italia, manente me, quoad posui.

Q. Hortensium] Ciceronis aemulum in eloquentia.

Bello civili] Sullanis temporibus gesto.

Non arbitror] Ob ea, quae fortiter in consulatu gessimus. lib. 5. epist. 2. suam in consulatu fortitudinem nominat.

Nec me ista terrent] Scripserat Coelius epist. 16. Si existimas eandem rationem fore Caesari in dimittendis adversariis, et conditionibus ferendis, erras. Nihil nisi atrox et saevum cogitat, atque etiam loquitur.

Monet, ut caveam] Coelii verba sunt epist. 16. Cogita, ne te tuosque omnes funditus evertas: ne te sciens prudensque eq. dimittas, unde exitum vides nullum esse.

Redemissum] A republica in me ipsum transtulisset. redimit enim, qui aliquid in se recipit: et publicani, vectigalia suo periculo conducentes, redimere dicebantur.

In memoria ERN. *Memoriam nominis mei*] Egregia sententia, egregieque dicta: memoria nominis mei, si erit vlla respublica, statim amplum filio meo patrimonium futura est. In orat. pro domo c. 58. *Liberis nostris satis amplum patrimonium paterni nominis ac nostrae memoriae, relinquimus*, Et lib. 1. de Offic. c. 33. *Optima hereditas a patribus traditur liberis, omniq; patrimonio praestantior*.

tior, gloria virtutis, rerumque gestarum. Sic et Illocrates ἐν τῇ πρὸς Νικοκλέα, περὶ τῆ βασιλεύειν Περὶ πλείονος ποῦ, δέξαν κάλῃν ἢ πλεον μάαν τοῖς παισὶ καταλείπειν ὁ μὲν γὰρ θνητός, ἡ δὲ ἐβάνατος.

Generum meum] P. Cornelium Dolabellam.

Adolescens optimum] Coelius virum optimum appellat lib. 8. epist. 13.

Hac tamen ERN. *Haec tantum*] Nonnulli veteres libri, tamen: quod ideo magis placet, quia verbum, oblectabar, quod in communibus muneribus locum habere non videtur, excusat.

Specula] Unde nata? e communibus muneribus, id est, e civili bello: quod aeris alieni molestia Dolabellam meum liberabit. quae mihi in tantis malis, unica obiectatio est. *Speculam* vero potius, quam spem, vocat, non quia reuera exigua spes esset: (plane enim videbat, cum iam Caesar vrbe Roma, vniuersaque Italia potitus esset, fore neminem, qui Dolabellam, Caesaris amicissimum, de creditis pecuniis, auderet appellare: itaque, quod ad Dolabellam attinet, ipse illa summa erat) sed quia, si cum publica calamitate conferretur, minimum quiddam esse videretur. Sic Philip. 10. c. 5. *Erat ei Specula* in C. Antonio. Et Plautus in *Perfa Aet.* 2. Sc. 5. v. 9.

Ecquid, quod mandavi tibi? estne quid in te speculae?

Aduertit Priscianus lib. 3. *In es producta desinentia, feminina tertiae declinationis vel quintae, abiecta s, assumere cula, et facere diminutiva, et seruare e productam, ut dies, diecula, res, recula: et reliqua similia, exceptis duobus, mer-*

ces, unde mercedula, non meracula; et apes, unde apicula, non apacula.

Abiis molestiis] Ab aere alieno: cuius causa, ut creari tribunus plebis posset, plebeius postea factus est, legemque de tabulis nouis promulgauit, de quo queritur Cicero lib. 11. ad Attic. epist. 23. his verbis: *O dii, generumne nostrum potissimum, ut hoc, vel tabulas novas?* Dio etiam hoc aperte narrat lib. 42.

Libertate ERN. *Liberalitate sua*] Immoderatos generi sumptus honesto nomine liberalitatem appellat. Miror hic nonnullis placere, *libertate*, referentibus ad Appii accusationem. quasi vero Dolabella de Appio, eiusque amicis, propinquis, amicis valde laboraret: aut illa propter Appium Cicero subiungere debuerit: *Velim quae-ras, quos ille dies, etc.* quis nescit, viros nobiles ab adolescentibus gloriae cupidis accusari solitos esse, nec ideo tamen eorum inimicitias timori fuisse?

Quam acerbos sibi] Cum satisfacere creditoribus non posset.

Hispaniensem casum] Hispaniensis belli exitum. Coelii verba epist. 16. *Quod si totum tibi persuadere non possum: saltem, dum, quid de Hispaniis agamus, scitur, expecta; quas tibi nuncio aduentu Caesaris fore nostras.*

Ita esse, ut tu scribis] Venturas esse in Caesaris potestatem.

Astute] Astute agerem, si exitum Hispaniensis belli expectarem, ut ex eo vel manendi, vel discedendi consilium caperem; manendi, si Caesar vinceret; discedendi, si durior fortuna idem vteretur.

In eadem solitudines] Simulare Ciceronem ne putemus, quod, cum hic se solitudines cogitare ostendat, ad Pompeium tamen paullo post nauigauerit. diu enim quid ageret, incertus consilii fuit; cum ad Pompeii societatem officium ac pudor impelleret; ad mansionem autem non modo preces amicorum, sed propinquorum etiam lacrumae hortarentur. Lib. 10. ad Attic. epist. 9. *Melitam, opinor, capeſſamus, dum, quid in Hispania: quod quidem propemodum videor ex Caesaris litteris ipsius voluntate facere posse; qui negat, neque honestius, neque tutius, mihi quidquam esse, quam ab omni contentione abesse. Dices, ubi ergo ille tuus animus, quem proximis litteris? adest, et idem est. sed utinam meo solum capite decernerem! lacrimae meorum me interdum molliunt, precautium, ut de Hispaniis expectemus.*

Vaticinor] Non, diuino, sed, alucinor, et insanio: ut in orat. pro Sextio c. 10. *Eas, qui dicerent, dignitari esse seruendum, reipublicae consulendum, officii rationem in omni vita, non conmodi, esse duceundam, subeunda pro patria pericula; vulnera excipienda, mortem oppetendam: vaticinari atque insanire dicebat.*

Desperationes] Contententibus de singulari potentia Sulla et Mario: quo tempore senes boni viri numquam fore sperabant, ut salutem ac dignitatem afflicta respublica recuperaret.

Aetatis vitio] Friget enim, ac deficit in senectute sanguis, et cum sanguine animus. itaque non facile ad melioris fortunae spem erigitur. quod tamen euenit contra, Sulla mortuo.

Sed tamen] Potest omnino fieri, ut aetatis vitio vitio, ut illi; qui desperem, cum desperandum fortasse non sit: verumtamen pessimo in statu rempublicam esse, ex eo cognoscitur, quod magistratus Oppio paratur, Caesaris amico, qui, republica salua, contemptus iaceret.

Togam praetextam] Quinque hominum genera praetextis togis utebantur, pueri, ad incuntem aetatis annum 17. magistratus omnes, vel urbani, vel qui erant in coloniis et municipiis; magistri ludorum compitaliciorum; senatores, cum deorum-festis celebrabant dies; sacerdotes, quorum e numero augures erant. Triumphantes quoque praetexta usos esse, videtur indicare Valerius Max. lib. 7. c. 1. cum ait: *Consulatus decus, imperatoriam potestatem speciosissimi triumphi praetextam largita est.* Sed hoc praetextae genus ab illo superiore, quod in quinque hominum genera distribuimus, aliquo distinctum fuisse ornamenti genere, omnino crediderim. Cicero, Liuius, Pedianus, Macrobius, alii.

Curtius] Fortasse est Postumus Curtius: de quo lib. 9. ad Attic. epist. 2. *Currens ad illum Postumus Curtius venit, nihil nisi classes loquens, et exercitus: eripiebat Hispanias, etc.* Quibus ex verbis, amicum Caesaris fuisse, constat.

Dibaphum] Purpuram bis tinctam, praestantiorum ea, quae semel tingebatur: ut ostendit lib. 9. c. 39. Plinius. Auguratum arbitror significari. nam lib. 2. ad Attic. epist. 9. *Vatinii, ait, strumam sacerdotis*

διβάφην

διβάθμῳ vestiant. loquitur enim de auguratu Q. Metelli Celeris, paullo ante mortui, cuius in locum Vatinus surrogari cupiebat: quod ex oratione in ipsum facile cognoscitur.

Insector moratur] Vide, inquit, qui status reipublicae sit: audet Curtius dibaphum cogitare: sed, quod cogitat, non facile consequetur: vel quia Caesar differt: vel quod is est, qui nullo modo auguratum populi comitiis obtinere possit. ut, *insector*, vel de Caesare dicatur, vel de ipso populo, cuius suffragiis hoc tempore auguratus dabatur lege, quam tulerat T. Atius Labienus, tribunus plebis, quae de re pluribus verbis in libro nostro de Legibus.

Tamen in stomacho] Quamquam sim iratus. est enim in stomacho sedes iracundiae. hinc *stomachum facere*, pro, iracundiam commo-

vere, lib. I. epist. 9. et *stomacho. suae litterae.* iracundiae, lib. 3. epist.

II. Stomachabatur autem, quod toga praetexta Oppio texeretur, quod Curtius dibaphum cogitaret: quae, si quiescit respublica elicit, sperare non auderent. *Ridere in stomacho*, leporem quandam habet e contrariorum societate: ut lib. I. epist. 9. *sed in molestia gnudeo.* Quo loco plura.

Ridere] locari. nam in eo iocus est, *enim insector moratur.* Iulisse enim videtur, *dibaphum insector.*

Videas] Curam suscipias, ut eius incommo- dis, si fieri potest, nec deare.

Quibuscumque erimus in terris] Haec verba cogitare omnino de discessu Ciceronem significant: et si possunt etiam ad solitudinem referri.

Tua fides] Quae cum amicitiae nostrae, tum consuetudini quoque tuae debetur.

EPISTOLAE XVII.

ARGUMENTUM.

Sallustius Bibulo proconsuli quaestor erat in Syria. eius binis litteris Cicero respondet, prioribus multis, eodem ordine, quo scripserat Sallustius, posterioribus causis exponit, cur eum Bibulo commendare non debeat: se tamen eius voluntati morem gessisse significat. L. Paulo et C. Marcello coss.

EXPLANATIO.

Caninio Sallustio] Moneo lectorem, in omnibus antiquis libris, quos quidem aut habeam nunc, aut umquam habuerim, *Caninio*, legi: quod si mendo vacat, legendum fortasse, *Caninio Sallustiano*, id est, e Sallustio in Caninios adoptato. certe *Caninio Sallustio*, iunctis dua-

rum familiarum nominibus, emendatum esse non potest. Medicus liber, *Caninio Sallusti*, in eiusdem tamen libri indice, *Sallustium*, omisso *Caninii* nomine. Sunt, qui ex ingenio legant, *C. Sallustio*.

Proquaestori ERN. crocus.] Secutus sum meos veteres libros: quibus

quibus in omnibus est, *Procos.* non *Proquaes.* etsi nouum omnino videtur, cum proconsul adhuc in prouincia sit, alterum eodem nomine appellari. nondum enim Bibulus de prouincia decesserat. fieri tamen potest, vt Caninius hic a Bibulo, breui discessuro, prouinciae praeponebatur, potestate in eum translata. et fortasse cognomen ei fuit Veientoni. nam Bibulus decessens prouinciae Veientonem praefecit. lib. 7. epist. 3. eodem modo proconsul appellatur P. Sextius lib. 5. epist. 6. qui tamen quaestor cum Antonio proconsule in Macedoniam profectus erat. quo item in loco mendum cum irrepsisset in recentiores libros; et *Proquaestori*, legeretur; nos e septem antiquis, *Proconsuli*, reposuimus.

Litteras] Binas: nam infra nominat eius alteram epistolam.

Stator tuus] Indicat hic locus, quaestores, item vt proconsules, statoribus vsos esse. licitoribus autem et viatoribus carebant, vt ex Varrone docet Gellius lib. 13. c. 12. itaque nec vocationem, nec prehensionem habebant.

Turfi] Vrbs Ciliciae fuit, quae Cicero contulerat Non. Iun. lib. 6. ad Attic. epist. 4.

Nec quemquam fore arbitror] Non sefellit eum coniectura. nemo enim successit, impedimento prouinciis omnibus obiecto, quia senatus consulto de prouinciis intercessum a tribunis plebis, ne successor Caesari mitteretur. vide lib. 8. epist. 5.

Ad diem] Venerat in prouinciam pride Kal. Sext. vt scripsit lib. 3. epist. 6. eodem die igitur decedendum erat, anno confecto III.

Kal. Sext. De quo sic lib. 6. ad Attic. epist. 2. *Annuae mihi operae a. d. III. Kal. Sext. emerentur.* Et ibidem, 3. *Mibi a. d. III. Kal. Sext. de prouincia decedendum est.*

Ciceronum caussi puerorum] Lib. 6. ad Attic. epist. 7. *Rhodum volo puerorum causa: inde quamprimum Athenas.*

Reipublicae] Cuius turbulentum esse statum si cognouero, subsistam in itinere.

Successor tuus] Marius, quem nominat infra.

In Asia] In ea parte Asiae, quae ad Ciceronis prouinciam pertinebat: tres enim ei Asiae dioeceses attributae erant. lib. 13. epist. 67.

De rationibus referendis] Lex Iulia, quam C. Iulius Caesar, consul tulerat, prouinciarum rationes referri iubebat. eam legem, quia contra auspicia lata esset, Bibulus, Caesaris inimicus, seruare volebat: quem Sallustius decreuerat imitari. lib. 5. epist. 20. et orat. in Pisone c. 25.

A Bibulo] Syriae proconsule. Praefuerunt Syriae, vt a primo incipiam, consularis Pompeius Magnus, mox ab eo decedente praepositus, quaestor M. Aemilius Scaurus; praetorii, L. Marcus Philippus, Cn. Cornelius Lentulus Marcellinus; consulares A. Gabinus, M. Licinius Crassus, M. Calpurnius Bibulus, quaestor Caesaris, Sex. Iulius Caesar, Decidius Saxa. Haec ex Appiano, Dione, aliis.

Certa quadam ratione] Propter inimicitias et contentiones in consulatu: cum Bibulus, Caesare legem ferente, impediendi causa de

de caelo seruaret; Caesar autem, contemptis auspiciis, nihilo secius legem perferret. Suetonius, Plutarchus, alii.

Apamea] Probo coniecturam eorum, qui *Epiphanea* legunt: quae erat vrbs periculo Parthici belli multo propinquior, quam Apamea. De Apamea Strabo lib. 16. et ait esse conditam a Seleuco Nicatore, Apameamque ab eius vxoris nomine nuncupatam. eandem Phrygiarum urbium maximam, et commune Graecorum Italarumque hospitium fuisse, conditamque non a Seleuco, sed ab eius filio Antiocho, a se ipso dissentiens ait lib. 12.

Deduci] A me.

Non oportuisse] Ob irruptiones Parthorum.

Ceteros] Malim, certos, vt est in duobus antiquis libris: ne sit communis omnium, sed quorundam tantum opinio de praesidio non deducendo. alioqui paucis versibus pugnantly loqueretur: cum subiungat: *Omnia praesidia, commotus hominum non dubio sermone, dimisi.*

Minus commodos] Cum aliqua contumelia, parum gratos. *Litterae commodae*, dixit lib. 3. ad Q. Fr. epist. 1.

Transferint] Euphratem, domum redeunt. confirmatur infra, iis verbis, *commotus hominum non dubio sermone, dimisi.* Euphrates autem imperii Romani ad Orientem terminus fuit.

Omnia praesidia] Non Apameae tantum, sed locis pluribus collocata.

Magna et firma] Magna militum numero; firma, vsu belli, et fortitudine.

Mei quaestoris] Non C. Coelii, sed Mescimii. quod ex lib. 5. epist. 20. et lib. 13. epist. 26. cognoscitur.

Apameae] De Apamea iam statuerat, nondum fortasse de Laodicea. quod ideo dico, quia lex Iulia rationes deponi non apud vnam, sed apud duas ciuitates iubebat; et earum exemplum ad urbem deferri. itaque deposuit eas Cicero Laodiceae, et Apameae. lib. 5. epist. 20.

De praeda mea] De tota praeda, me imperatore facta.

Quaestores urbanos] Ad quos, Romani reuersus, praedam in bello factam deferre cogitabat. hoc modo coniungendum: praeter quaestores urbanos, ne teruncium quidem tacturus est quisquam.

Populum Romanum] cuius pecunia curabatur a quaestoribus urbanis.

Teruncium] Argenteum nummum, a tribus vnciis appellatum: respondebat aereo quadranti: vt esset quarta pars libellae: quae erat argenteus nummus, ita nominatus, quia valore assis aereo librali responderet. inminuto postea assis pondere, libellae tamen vetus nomen mansit, habita ratione libralis assis, qui principio Romae percussus est.

Laodiceae] Hanc urbem numero inter Asiaticas tres *dionysiarias*, Ciceronis imperio attributas; cum in eorum imperio soleret esse, qui Asiae praerant. vide lib. 13. epist. 67.

Praedes] Vt, quantum hic pecuniae depono, tantum mihi Romae ex permutatione numeretur.

Et mihi et populo] Eius enim pecuniae pars ad ipsum, reliqua ad populum Romanum pertinet.

Drachmis] Drachmarum octo genera fuere, Attica, Euboica, Babylonica, Corinthiaca, Aegyptia, Aeginetica, Hebraica, Syriaca. Sed Atticam duplicem inuenio, priorem vsque ad Solonem obseruatam, posteriorem a Solone inductam, minore quidem pondere, sed eodem, vt arbitror, numero in mina. Solonis enim drachmae leniores antiquis erant quarta parte ipsarum antiquarum: vt nonaginta sex Solonis drachmae non plus ponderis haberent, quam septuaginta duae superiores. quod ex Plutarcho videtur posse coniecere. ait enim, centum drachmarum a Solone minam esse factam, cum antea septuaginta trium fuisset. quibus verbis non id, opinor, significat, pauciores in mina drachmas ante Solonem fuisse: (nam mihi non fit verisimile, variatum esse in Attica mina drachmarum numerum: licet Fannius et Priscianus, inter se quoque dissidentes, ille septuaginta quinque, hic octuaginta drachmarum minam constituent) sed illud, centum drachmas, a Solone percussas, non plus habuisse ponderis, quam septuaginta quinque superiorum temporum. quod idem erat, si dixisset, e drachmarum septuaginta quinque veterum pondere nouas centum a Solone factas. In quo illud operae pretium est animaduerti; cum dicimus in mina drachmas centum fuisse, drachmas quidem centum numero significari, sed pondere tantum nonaginta sex; cum in eo pondere centum ferirentur, quattuor centesimas lucrante officina. ita septuaginta duae pondere, numero erunt septuaginta quinque; et quadraginta octo, quinquaginta: et viginti quattuor, vi-

ginti quinque: eum drachmam vnam in viginti quinque officina lucretur: quae sunt duae in quinquaginta, et tres in septuaginta quinque, et quattuor in centum: quas modo centesimas quattuor appellauimus. De hoc posteriore drachmarum genere, a Solone inducto, loquitur Liuius lib. 34. c. 52. cum ait, in tetradrachmo denarios fere tres inesse, ex quo fit, vt, cum in mina sint tetradrachma viginti quinque numero, pondere autem viginti quattuor, id est, drachmae centum numero, pondere autem nonaginta sex, in eadem mina sint denarii ter viginti quinque numero, pondere autem viginti quattuor, id est, septuaginta quinque numero, pondere septuaginta duo. Nec vero, quia Liuius addidit, *fire*, propterea quisquam dubitet. nam, cum monetae pondus paullum nonnumquam et apud Graecos, et apud Romanos imminui non ignoraret, ideo, veritus, ne quando tetradrachmum, et denarii tres officinarum fraude minae aequarentur, de incerta re sibi plane affirmandum iure non putauit. Cum igitur et denarius et antiqua drachma aequae superent Soloniam drachmam quarta vtriusque parte, tertia vero Soloninae; patet, eiusdem esse ponderis denarium et antiquam drachmam; et ex eo sequi, vt septem antiquae drachmae in vncia Romana feriantur, aequae ac denarii: in vncia vero Attica denarii octo, aequae ac drachmae. Sed, quoniam Solon, cum drachmae pondus minuit, id maxime secutus est, vt debitores onere leuantur aeris alieni; propterea drachmae pondus in moneta dimtaxat imminutum, in medicinis autem videtur idem remansisse,

manfisse, vt a denarii pondere nihil differret. ideo scripsit Plinius lib. 21. c. vlt. *Drachma Attica denarii argentei habet pondus.* fere enim Attica obseruatione nudi dici vtuntur. Quod si ita est: mirari non satis possum, cur et Varro apud Plinium, et Festus, et Pollux de priore drachma, quasi adhuc in moneta etiam, non in iuedicina tantum, obseruaretur, ita loquantur, tamquam Solonina obsoleuisset. aestimant enim talentum sex millibus denarium. qua aestimatione denarium drachmae respondere perspicuum est. quod refellit Liuii locus supra recitatus. Huius explicandae quaestionis non equidem rationem vllam inuenio: neque me vel Budaei doctrina, vel Agricolaе diligentia, vel omnino cuiusquam libri iuuant. non enim affirmare ausim, quod interdum cogitavi, L. Sullam, captis Athenis, leges, et instituta, simulque drachmam a Solone inductam, immutasse: cum id neque Plutarchi, nec omnino cuiusquam antiqui scriptoris testimonio comprobetur. quare scrupulum saltem, qui me angit, occultandum non putaui; vt haberent alii, quo ingenium intenderent; cum ipse, quantum res postulat, praestare non possem. De mina vero, siue illa antiqua, siue posteriore, a Solone inducta, hoc amplius dixerim, neutram librae Romanae aequalem pondere fuisse. antiqua enim grauior, posterior leuior, quam libra, fuit. probemus vtrumque. In Solonis mina denarios tantum fuisse septuaginta duos, cum de tetradrachmo ageremus, ostendimus. et in libra Romana denarios octuaginta quattuor Plinius et Celsus ponunt. sunt igitur in li-

bra Romana duodecim denarii plures, quam in mina Solonina. quod idem est, ac si dicas: libra superat pondere minam Soloninam septima sui parte, sexta Soloninae. In drachma vero antiqua si tantundem est ponderis, quantum in denario; quod iam probatum est: sequitur, vt, quemadmodum drachmae sunt in mina nonaginta sex, item denarii totidem in libra sint. quod falsum est. fuere enim tantum octuaginta quattuor. ita sit, vt libra pondere superetur a mina antiqua septima sui parte, octaua vero minae. Verisimile autem est, libram Romanam, quemadmodum ab Attica vtraque mina differt, sic Euboicae respondere: quia maior Africanus, cum Antiocho regi tributi leges imponeret, talenta Euboica praescripsit; quasi nihil, aut certe parum Euboica mina differret a libra Romana. Concludimus igitur sic. Octo drachmae antiquae Atticae aequales pondere sunt octo denariis; octo Soloninae, sex denariis: octo Euboicae, septem denariis. Nunc, vt nihil omittatur, quod ad drachmarum cognitionem pertineat, omnes omnium gentium aestimabimus, apposita moneta Romana, primum vetere, deinde recentiore.

Drachma Attica, ante Solonem, eiusdem fuit cum denario ponderis, et valuit asses sedecim, id est, denarium vnum. loquor enim de denario posteriore, ad sedecim asses aucto, bello Punico secundo. asses vero sedecim, baiocci Romani sunt duodecim, et sex septimae alterius baiocci.

Drachma Solonis asses duodecim: baiocci nouem, et fragmenta eadem proportionem.

Euboica, Romanae viciae octaua pars, asses quatuordecim: baiocci undecim, et fragmenta.

Babylonica, asses sedecim cum riente: baiocci tredecim, et fragmenta.

Corinthiaca, asses sedecim cum beetle: baiocci tredecim, et fragmenta.

Aegyptia, asses decem et octo, cum hesse: baiocci quindecim.

Aegyptica, et Hebraica ciuilis, asses viginti: baiocci sedecim, et fragmenta.

Hebraica sacra, asses quadraginta: baiocci triginta duo, et fragmenta.

Syriaca, asses quadraginta octo: baiocci triginta octo, et fragmenta.

CCCCCCC] Centum millibus: quae sunt quadraginta millia scutatorum: si modo drachmae Atticae sunt, non Syriacae: quod interdu dubitauit: cum hic Sallustius e Syria scripserit, in qua Bibuli quatuor fuit. haec porro summa duodecim scutatorum millia nostratis pecuniae conficiet. Harum notarum, numerum indicantium, quae fuerit olim origo, etsi ante multos annos exposui in Commentario epistolarum ad Atticum lib. I. epist. 6. tamen hic me locus admonet, ne silentio praetermittam. Numerorum notas primum quinto loco, veteres variarunt, deinde decimo, mox quinquagesimo, tum centesimo, eodem in reliquis ordine conseruato, mutato numeri signo, quoties numerus a quinario ad duplum, et a duplo rursus ad quinarium peruenisset.

Prima nota fuit, I, vnus, vsque ad quattuor iterata.

Secunda nota, V, quinque, in quinario primum numero variata.

Tertia, X, decem, in duplo quinario, vt iam dixi, mutationem recipiens.

Quarta, L, quinquaginta, aucto post tertiam notam, id est, post, X, in quincuplum numero.

Quinta, C, centum, duplicato quinquagenario.

Sexta, D, quingenta, et hic quincupli ratione seruata.

Septima, M, mille, habita dupli ratione.

Octaua mutatio fuit, cum ad quinque millia peruenissent, nam, ne toties M iterarent, his notis vsi sunt, DCCC.

Nona mutatio, a quincuplo in duplum, recepit has notas CCCC, decem millia.

Decima, a duplo in quincuplum, DCCC, quinquaginta millia.

Vndecima, et vltima, a quincuplo in duplum, CCCCC, centum millia.

Nec vltra notarum mutatio progressa est. non enim veteres, vt ait Plinius, vltra centum millia numerabant. quod si ducenta, vel trecenta, aut quadringenta millia significari oporteret; has notas, CCCCC, bis, ter, quater, et, si opus esset, saepius iterabant. cuius exempla moris et in libris, et in antiquis lapidibus exstant. Sunt igitur notae omnino vndecim variae, deinceps a nobis demonstratae, tamen iterandae.

I, vnus:

V, quinque:

X, de-

X, decem:

L, quinquaginta:

C, centum:

DC, quingenta:

M, mille:

MD, quinque millia:

MDCC, decem millia:

MDCCC, quinquaginta millia:

MDCCCC, centum millia.

Quam cognitionem legentibus non iniucundam fore, sum arbitratus.

Hoc etiam adiungam, a prima nota, I, ceteras omnes fluxisse, nam, V, duae primae notae sunt, infima parte coniunctae. item, X, est quinary numeri nota duplicata, cum duae, V, in acuto angulo coniungantur. at, L, quid est, nisi prima illa nota, I, recta, et altera prostrata, simul iunctae? quod si addideris in summa parte aliam primam notam, item prostratam: fiet **C**, centum. non enim priscis temporibus, pro centum, scribebant, C, quod ad aetatem nostram permansit, sed,

C: quae erant tres primae notae confociatae, una recta, duae prostratae, cum recta coniunctae, una in superiore parte, altera in inferiore. Quingenta vero fecerunt, addita ad tres notas, quas proxime nominaui, quarta recta, cum duabus prostratis coniuncta, hoc modo, **MD**. qua figura duplicata, fecerunt mille hoc modo, **MDCC**:

vnde postea, librariorum arbitrio, variae notae, quae mille significarent, factae sunt, quarum nonnullas ostendemus. nam ex **MDCC**, fieri coeptum est **MDCCC**, et **MDCCCC**, et **CDC**, et **CD**, vnde M deriuatum, quo pro mille hodie quoque utimur: cum olim nota fuerit, non littera.

Praeda] Vniuersa praeda, ex Amano monte direpto ac vastato. nam, Pindenisso capto, omnem praedam, equis exceptis, Cicero militibus concesserat. quod ipse scribit lib. 5. ad Attic. epist. 20.

Omnis enim pecunia — a quaestore curetur] *Praeda* vocatur id, quod ex hostibus partum, nondum neque diuisum est, neque vrbani quaestoribus traditum, ut ii mox in aerarium inferrent. post diuisionem *praeda* non dicitur. ideo *praedam* Cicero vocat eam pecuniae partem, quae, venditis mancipiis, bello captis, exacta, ad populum Romanum pertinebat: partem autem sibi attributam, non iam *praedam*, sed *pecuniam* appellat. Mancipia vero tantum nominaui, quia reliqua omnis praeda, equis exceptis, militibus concessa. qua de re sic lib. 5. ad Attic. epist. 20. *Militibus, equis exceptis, reliquam praedam concessimus. mancipia vendebant Saturnalibus tertiis.* Cum haec scribebam, in tribunali res erat ad H-S CXX. Quod ad praefectos, praedae custodes, attinet: ne lector communi vocabulo decipiatur, dicendum est, quot genera praefectorum in Ciceronis prouincia fuerint, et quinam hic significentur. Genera igitur fuere quattuor, vnum eorum, qui equestribus turmis praecrant: alterum, qui euocatis: tertium, qui, quibus in ciuitatibus proconsul assidue commorari non posset, in iis ipsius dicerent, et in extremo anno ad generales conuentus, a proconsule indictos, proficiscerentur, ut, si quid in ciuitatibus perperam iudicassent, querelas omnium proconsul audire, et rescindere praefectorum sententias posset. Quantum genus fuit

lib. 1. de bell. ciu. c. 21. *Tribunos militum et praefectos circummittit.* De praefecto autem euocatorum lib. 3. epist. 6. De iis, qui ius dicerent, lib. 5. ad Attic. epist. 4. 7. 11. 21. et lib. 6. ad eundem epist. 1. 2. 3. quibus Cicero amicorum rogatu, aut iudicio suo praefecturas detulit iuris dicendi in ciuitatibus, iis reiectis, qui negotiarentur, ne iustitiam lucri cupiditas perturbaret. Praefectus fabrum Ciceronis vnus tantum appellatur Q. Lepta lib. 3. epist. 7. nec plures vno fuisse crediderim: quamquam, vt dixi, duas legiones Cicero habuerit: quod ipse ad Atticum scripsit lib. 5. epist. 15. et Plutarchus in eius vita confirmat: nam, si, quot legiones in exercitu, totidem praefecti fabrum fuissent: haud valde esset honestatus a Caesare familiarissimus eius, Cornelius Balbus, cui praetor et consul praefecturam fabrum detulit: vt est in oratione pro ipso habita c. 28. nam, quod ait Caesar in epistola ad Oppium et Balbum, lib. 9. ad Attic. epist. 18. *Duo praefecti fabrum Pompeii in meam potestatem venerunt: Q. Vibullium Rufum, Corfinii captum, et Cn. Magium, in itinere deprehensum, significat: quorum vtrumque in binis legionibus praefectum fabrum arbitror fuisse: vt duorum consulum exercitus, qui a Pompeio regerantur, duos omnino praefectos fabrum habuerint. duas enim legiones, dixi iam, consularem exercitum fuisse. sic igitur in consulari Ciceronis exercitu, id est, in duabus legionibus, praefectus fabrum vnus fuit Q. Lepta. quod eo magis arbitror, quia vnus etiam praefectus fabrum Ap. Claudii nominatur, lib. 3. epist. 3. Hos praefectos*

omnes, exceptis ius dicentibus, opinor in proconsulis cohorte praetoria fuisse, eosque in prouinciam ab vrbe deductos, quos autem in tertio genere posuimus, id est ii, qui ius dicebant, non fuisse de cohorte praetoria, sed longe a proconsule diuersis ciuitatibus iurisdictionem habuisse. in hoc numero locum Scaptio petiit a Cicerone M. Brutus, vt lib. 5. ad Attic. epist. 21. et lib. 6. ad eundem epist. 1.

Mibi attributa est] Quae manubiae vocabantur: ex quibus publica monumenta plurimi fecerunt, Q. Catulus e Cimbricis manubiis porticum in palatio, quam P. Clodius, Ciceronis aedibus adiunctam, euertit, L. Metellus Dalmaticus aedem Castoris: alii alia.

Aquaesore] Vtrum L. Mescinio, Rufo, ad quem sunt epistolae tres vltimae lib. 5. quique nominatur lib. 13. epist. 26. et lib. 16. epist. 6. an C. Coelio Caldo, ad quem scribit epistolam vltimam huius libri, et quem epist. 15. nominat, Mescinium omnino significari puto, qui rationes prouinciae cum M. Mordio fratre, et cum scriba Ciceronis administravit. nam C. Coelius sero admodum in prouinciam venit, vt ex epist. vlt. cognoscitur.

De legionibus] Festus ait, C. Marium legionem primum conscripsisse sex millium, et ducentorum hominum, cum antea quattuor millium fuisset, vnde etiam *quadrasa* appellabatur. sed Festum refellere videtur Liuius lib. 29. c. 24. cum ait, legiones ita suppletas esse, vt singulae sena millia, et ducentos pedites, trecentos haberent equites: et alibi saepe. Quod si ita est; non primus C. Marius legionem conscripsit

reiecerat. epist. 10. et lib. 15. epist. 4.

Metus] Cum aduentare Parthi dicerentur.

Officio quaestorio] Quaestoris cuius et praetoris coniunctio liberorum necessitudini proxima fuit. Lib. 13. epist. 10. Et in Diuinat. c. 19.

Praetore] Praetor vocatur Bibulus, qui proconsul videtur appellandus fuisse: iuit enim post consulatum in Syriam. sic lib. 5. ad Attic. epist. 21. *Quod praetori dare consueverat.* Quo loco praetori, dictum est, pro omnibus, qui praefesse Ciliciae, siue post praeturam, siue post consulatum, consueuissent. item lib. 1. de Orat. c. 17. *Cum ego, inquit Scaeuola, praetor Rhodum venissem.* qui proconsul in Asiam ibat: ut ex Epitome Liuiana lib. 70. cognoscitur. Mansit autem hoc nomen in omnibus, qui prouincias regerent, habita ratione illorum temporum, cum soli praetores in prouinciam ibant: quorum loco iuere postea propter bella, consules et proconsules. Contra, qui ex praetura in prouinciam iuerant, et proconsules interdum vocati, ut ostendimus lib. 1. epist. 1. et praetores, ut lib. 13. epist. 55. et Oppius Allienum, Siciliam post praeturam administrantem, praetorem vocat in lib. de bell. Afric. c. 2. Asconius quoque magistratum omnem, cui pareret exercitus, praetorem a veteribus ait appellatum: unde *cobors praetoria, tabernaculum praetorium*, et in castris *porta praetoria*. lib. 1. epist. 1.

Reticere] Cum tamen de Parthico bello scriberet. Lib. 6. ad Attic. epist. 5.

Thernum] Q. Minucium Thernum, Asiae propraetorem, ad quem scribit epistolam sequentem, et lib. 13. epist. 53. 54. 55. 56. 57.

Litteram] Ne litteram quidem scripsit, non modo epistolam. sic in orat. pro Archia c. 8. *Quoties ego hunc vidi, cum litteram scripsisset nullam; magnum numerum optimorum versuum de his ipsis rebus, quae tum agerentur, dicere ex tempore?* Et lib. 1. de Orat. c. 19. *De conformandis hominum moribus littera in eorum libris nulla inueniretur.* Et in Pison. c. 19. *Nullam sit ad senatum litteram mittere ausus.* Hac de re sic lib. 6. ad Attic. epist. 5. *Bibulus molestus mihi non erat; de omnibus rebus scribebat ad me potius.*

Periculum pertinere] Quia Ciliacia Syriae attingit. epist. 10.

De auguratu] Ut eius filius in locum alterius filii auguris, quem Alexandrini equites occiderant, surrogaretur.

Misericordia] Bibulo duobus filiis orbato. de quibus Valerius Max. lib. 4. c. 1. his verbis: *M. Bibulus, cum in Syria moraretur prouincia, duos egregiae indolis filios suos a Gabinianis militibus Aegypti occisos cognouit. quorum interfectores ad eum victos regina Cleopatra misit, ut grauissimae cladis ultionem arbitrio suo exigeret. at ille, oblato beneficio, quo nullum maius tribui lugenti potuerat, dolore moderationi cedere coegit; carniscesque sanguinis sui intactos e vestigio ad Cleopatram reduci iussit, dicendo, potestatem huius vindictae non suam, sed senatus esse debere.* Et Caesar lib. 3. de

de bell. ciu. c. 110. *Erant prae-
terea equitum millia duo. Inue-
rauerant hi omnes compluribus
Alexandriae bellis; Ptolemaeum
patrem in regnum reducerant; Bi-
buli filios duos interfecerant. Id
etiam significatur lib. 6. ad Attic.
epist. 5. Cum arderet Syria bello; et
Bibulus in tanta moerore suo ma-
ximam curam belli sustineret.*

Bibulo] Adolescenti, qui de tri-
bus Bibuli filiis superfuera vnus.

Dedi operam] Ipsius causa non
deui, tamen operam dedi, miseri-
cordia coactus, et quod eius filium
semper dilexi.

Populi pecunia] Quam ex ipsius
provincia Syria, et ex mea Cilicia
collectam, Romam ad quaestores
urbanos deferendam simul cura-
uimus.

Permutaretur] Permutari pe-
cunia dicitur, cum alicubi nume-
ratur, quae alibi soluatur, eius pe-
riculo, qui permutandam suscepit.

Alariis] Erant in exercitu duo
genera equitum, legionarii, et au-
xiliares. *alarii* dicebantur auxilia-
res, quod iis, tamquam alis, pedi-
tes tegerentur. Cincius apud Gel-
lium lib. 16. c. 4. *Alae dictae ex-
ercitus, equitum ordines; quod
circum legiones dextra sinistra-
que, tamquam alae in avium cor-
poribus, locabantur.* Et Seruius in
illud Virgilii lib. 4. Aen. v. 121.
Dum trepidant alae: subiunxit
haec: *Alae, equites, ob hoc alae
dicti, quia pedites tegunt alarum
vice.* In alis autem auxiliares po-
tius equites, quam legionarios, lo-
cari solitos, tum in hoc loco, (se-
quitur enim *auxiliariis*: qui iam
dicti sunt *alarii*) tum in aliis obser-
uauimus. Caesar lib. 1. de bell. Gall.

c. 51. *Omnes alarios in conspe-
ctu hostium pro castris minoribus
constituit: quo minus multitudine
milium legionum iorum, pro hostium
numero, valebat, ut ad speciem ala-
riis vteretur.* Liuius quoque lib.
31. c. 21. *Dextera ala (in alas di-
uisum socialem exercitum habebat)
in prima acie locata est: in subsi-
diis duae Romanae legiones. Et
lib. 35. c. 5. Sinistra faciorum equi-
tum ala, et extraordinarii prima
in acie pugnabant.* Subiungit:
*Equites extra aciem in locum pa-
tentem Q. et P. Minucios tribunos
mil. educere iussit: inde cum fi-
gnum dedisset, impetum ex aperto
facere.* Et infra: *C. Liuium
Salinatorem, qui praeerat alariis
equitibus, quam concitatissimos
equos immittere iubet, et legiona-
rios equites in subsidis esse.* Et
lib. 40. c. 40. *Alarii equites, post-
quam Romanorum equitum tam
memorable facinus videre, et ipsi
virtute eorum accensi, in partu-
bato iam hostes equos immitunt.*
Hos ipsos alarios Cicero significat,
cum subiungit: *equitibus au-
xiliariis,* et Sallustius in Iugur-
tha c. 50. constitutos in vtro-
que latere tamquam alas equites
auxiliares demonstrat. Caesar lib.
1. de bell. ciu. c. 73. *Crebras sta-
tiones disponunt equitum, et cohor-
tium alariorum; legionariasque
interficiunt cohortes.* Liuius lib.
10. c. 40. *Sp. Nautius dux alari-
bus cohortibus erat.*

Transpadanis] Trans Padum
lectis, ut contra Parthos mitte-
rentur.

Auxiliariis] Qui a populis ami-
citiis coniunctis auxilio venerant,
ut Romanas provincias a Parthis
defenderent.

Leiuu]

Ieiunij] Humilis animi et infirmi, ut qui debilitantur inedia. contra, *erectum excelsumque animum* dicitur.

Ariobarzanem] Cappadociae regem. lib. 15. epist. 2 et erat. pro lege Manilia c. 2. Hunc postea C. Calpurnius, interfecto iam Caesare, au-

xilia sibi et M. Bruto negantem, occidit. Dio lib. 47.

Per me] Me consule referente.

Ariobarzanis] Quem a Mithridate Cappadocia pulsum Sulla restituit. Appianus in Mithridatico, Plutarchus in Sulla. Hunc per insidias interfectum Cicero significat lib. 15. epist. 2.

EPISTOLAE XVIII.

ARGUMENTUM.

Laetitia suam exponit, quod ei grata esse intelligat officia sua: laudat eum in administranda provincia clementiam et integritatem: suadet, ut decedens praeficiat provinciae quaestorem potius, quam legatos. L. Paullo C. Marcello coss.

EXPLANATIO.

Q. Thermo] Q. Minucio Thermo, qui post praeturam Asiam administrabat. Vide lib. 13. epist. 53 54 55 56 57. et lib. 5. ad Attic. epist. 13. 20.

Propraetori] Potuit et praetor appellari. nam lib. 5. ad Attic. epist. 13. Graeci, inquit, quasi *Epheio praetori, se alacres obtulerunt.* Et omnino qui provinciis praecessent, siue consulatu, siue praetura functi, praetores interdum vocabantur: ut epistola proxima, proconsul Bibulus cum esset, praetor dictus est.

H. mihi gratissim.] Ne videatur nova re gaudere, laudat eum ab ante acta vita: quasi dicat: etsi nihil a tua consuetudine alienum expectavi, tamen, grata tibi esse studia mea, vehementer gaudeo.

Integritate et clementia] Cum ex iis, qui provincias regerent paucissimi avaritiae et crudelitatis crimine vacarent.

Nihil addi posse] Correctio proximae sententiae; quia dixit: *mibi scito in dies maiori curae esse dignitatem tuam.* non indiget, inquit, aliena opera dignitas tua: tamen ea mihi curae est. Hac prudentiae laude Cicero excellit, ut in scribendo, quasi scopulum, vitet arrogantiam. quod indicare operae pretium existimo; ne, dum verborum elegantiam sequimur, peccemus in sententiis. laude enim in Thermum collata, excusavit non modo superiora, verum etiam ea, quae infra sequuntur.

De rationibus tuis] De eo, quod ad te pertinet. lib. 11. epist. 9. *Quae rationibus reipublicae praeferentem conducere.* Et lib. 5. epist. 2. *Meae rationes ita tulerunt.* Et lib. 3. epist. 2. *Prospicias consulas rationibus meis.*

Graues suscepturum] Animadvertenda translatio: unde ductum, *inimicitias deponere.*

Adolescens] Quaestor.

Ignomi-

Ignominia] Si prouiciacae non praeponatur, cum decedes. nam quaestor legatos honoris gradu superabat. quod confirmatur epist. 15. in eo loco: *Neque erat superiore honore usus, quem praeficerem.*

Superiorem] Honore enim legati a quaestore superantur. itaque Philip. 10. c. 11. post quaestores nominantur in sententia Ciceronis: *Senatui placere*, inquit, *Q. Hortensium, proconsulem, cum quaestoribus, proue quaestoribus, et legatis suis prouinciam Macedoniam obtinere, quoad ei ex senatus consulto successum sit.* Quod si legati praetores antea fuerint, plus videtur eis proconsul tribuere debere, quam quaestoribus. vide epist. 15.

Et quaestor tuus] Amplificat sententiam iteratio verbi, ut epist. 7. *A tribuno plebis, et a Curione tribuno.*

Promptus] In agendo.

Non indiscretus] In dicendo.

Terrores] Poterat enim audax tribunus plebis lege lata quem vellet cūcere: quod ipse Cicero senserat, pulsus a Clodio tribuno plebis.

Praebuerit] In administranda prouincia, cum tu decesseris. lib. 5. epist. 18. *Te colligas, virumque praebes.* et lib. 8. ad Attic. epist. 4. *Superbum se praebuit in fortuna, quam putauit nostram fore.* et lib. 15. ad eundem epist. 16. *Me libenter praebere credulam.*

Ex aliqua parte] Quandoquidem tu cum prouinciā praefeceris.

Offenderit] Peccauerit. ut lib. 9. epist. 2. *Quis est tam lynceus, qui tantis tenebris nihil offendet?* et ad Lentulum lib. 1. epist. 7. *Si cecidisset, ut volumus et optamus, omnes te et sapienter, et fortiter; sin aliquid esset offensum, eosdem*

illos, et cupide, et temere fecisse, dissiuros. Vide quae diximus lib. 5. epist. 14.

Sibi totum] Tu enim alienam culpam praestare non debes.

Nihil tibi offenderit] Leporis ac venustatis aliquid est iterato verbo *offenderit*. quale illud epist. 11. *Quidquid erit, tibi erit.* Et lib. 6. epist. 6. *Quidquid valebo vel auctoritate, vel gratia, valebo tibi.*

Quae mihi veniebant in mentem] Hic quidem cum nominandi casus: ut etiam in Terentii Phorm. Aët. 4. Sc. 3. v. 47.

— *Mibi veniebat in mentem eius incommodum.*

Cum generandi autem casu, lib. 7. epist. 3. *Solet in mentem venire illius temporis.* Et lib. 5. de Fin. c. 1. *Venit mihi Platonis in mentem.* Alibi, nullo casu adiuncto, cum appendice alterius verbi, tribus modis. Pro Roscio Amerino c. 27. *Simultibi in mentem veniat, facito, quemadmodum vitam huiusce depinxeris.* In Diuin. c. 8. *In mentem tibi non venit, quid negotii sit, causam publicam sustinere?* Plautus in Mil. Aët. 4. Sc. 8 v. 48,

Cum venit in mentem, mores ut mihi mutandi fient.

Animaduertimus, et dandi casum quandoque omisum, ut apud Terentium in Eun. Aët. 3. Sc. 2. v. 45.

Et illud de Rhodio dictum cum in mentem venit.

Et Virgilius lib. 4. Aen. v. 39.

Cum venit in mentem, quorum confederis aruis?

Et Plautus loco proxime recitato.

In Ciliciam] Erat igitur in Asia; cuius tres dioeceses prouinciā suae attributas esse, scribit lib. 13. epist.

epist. 67. erat autem Laodiceae, ubi mansit ad Idus Maii: quod significat lib. 5. ad Attic. epist. ult. et lib. 6. ad eundem epist. 2. ergo scripta est epistola non quibus consulibus Cicero iussit in prouinciam, Sulpicio et Marcello, sed quibus decessit Paullo et Marcello.

Dii approbent] Fortunent. quod enim dii approbant, prospere succedit.

Posteritatis otio] Posterius temporis otio. *Posteritas* enim non solum posteros, verum etiam poste-

rum tempus ostendit: ut orat. 1. in Catilinam c. 9. *Tametsi videas si mea voce perterritus ire in exsulum animum induxeris, quanta tempestas inuidiae nobis, si minus in praesens tempus, recenti memoria scelerum tuorum, at in posteritatem impendeat.* Et infra ibidem: *An inuidiam posteritatis times?* Caesar etiam lib. 1. de bell. ciu. c. 13. *Habeat rationem posteritatis, et periculi sui.*

Consules] *Prospicias consulas*, dixit lib. 3. epist. 2.

EPISTOLAE XIX.

ARGUMENTVM.

Ostendit, aptiorem sibi quaestorem obtingere non potuisse: et hortatur, ut maturet in prouinciam venire, antequam ipse decedat: pollicetur autem quaecumque ad eum ornandum conferre poterit. Paullo et Marcello coff.

EXPLANATIO.

Caldo] Cognomen Coeliorum in antiquo nummo humanissimi et eruditissimi hominis Fuluii Ursini. Duos quaestores habuit Cicero in Ciliciensi prouincia, L. Mescinium Rufum, de quo lib. 5. epist. 19. 20. 21. lib. 13. epist. 26. lib. 16. epist. 4. et Cn. Volusium, de quo lib. 5. ad Attic. epist. 11. in extremo autem anno, discedente Volusio, (sic enim est credendum) successit Coelius Calvus, quem prouinciae decedens Cicero praeposuit. epist. 15. et lib. 6. ad Attic. epist. 6.

Te mihi quaestorem obtigisse] In plerasque prouincias cum proconsulibus aut propraetoribus singuli iuris dicundi gratia quaestores ibant, in nonnullas binii, ut in Si-

ciliam Lilybaetanus, et Syracusanus: quod scriptum est apud Asconium. duos et Cicero habuit in Ciliciensi prouincia, Cn. Volusium, de quo lib. 5. ad Attic. epist. 11. et L. Mescinium, de quo lib. 13. epist. 26. lib. 16. epist. 4. et lib. 6. ad Attic. epist. 4. 7. nec tamen aliis, qui eandem prouinciam rexerant, duos quaestores fuisse arbitror: sed Ciceroni, ut tres *διοκρησις* Asiaticae extra ordinem, sic honoris causa duo quaestores dati. quorum alter in quattuor veteribus dioeceseibus, Cilicia, Pamphylia, Lycania, Phrygiae maioris parte ultra Macandrum, quae ab ordinario Ciliciae proconsole, vel propraetore simul omnes regebantur, alter in tribus nouis, ademptis Asiae prouinciis,

vinciae, Laodicea, Cibyra, Apamea ius diceret. Volusium suspicor ante finem annui imperii, auocatum fortasse negotiis, discessisse, et in eius locum forte Coelium venisse, extremo, vt opinor, mense administrationis annuae. nam lib. 6. ad Attic. epist. 5. *Animum tempus, inquit, prope iam emeritum habebamus: dies enim XXXIII. erant reliqui.* Et infra: *Mibi decessio- nis dies ἀλλήλοτως obrepant: qui cum aduenerit, ἄλλο πρὸς ἄλλῃ, quem praeficiam; nisi Calvus quaestor venerit; de quo adhuc nihil certi habebamus.* Eum Cicero decedens prouinciae praeposuit: epist. 15. et lib. 6. ad Attic. epist. 6.

Eam sortem] Proconsules, et propraetores aut fortiebantur prouincias, aut comparabant inter se: quod lib. 1. epist. 9. ostendimus: quaestores autem non comparatione, quod equidem sciam, sed sortitione ibant in prouincias. lib. 1. ad Q. Fr. epist. 1. *Quaestorem habes non tuo iudicio delectum, sed eum, quem fors dedit.* Et pro Murena c. 8. *Quaestura utriusque propemodum pari momento sortis fuit.* Interdum tamen petentibus proconsulibus dabatur, vt, quem vellent, quaestorem sine sorte delectum in prouincias ducerent. quod Caesar Pompeiusque impetrarunt. lib. 6. ad Attic. epist. 6. *Pompeius Q. Cassium sine sorte delegit, Caesar Antonium: ego sorte datum offenderem?* Nec tamen id sine senatus consulto aut sine lege factum. de senatus consulto Liuius lib. 30. c. 33. *Laelium, cuius ante legati, eo anno quaestoris extra sortem ex senatus consulto opera utebatur, cum Italico equitatu ab sinistro cornu opposuit.* De lege Cicero

orat. 2. in Antonium c. 20. *Quaestor es factus. deinde continuo sine senatus consulto, sine sorte, sine lege ad Caesarem cucurristi.*

Ad eam necessitudinem, quam nobis fors tribuisset] Maximam scilicet, ac liberorum necessitudini proximam. quod enim sorte eueniebat, id euenire deorum voluntate veteres arbitrabantur. propterea fors diuina vocatur. Philip. 3. c. 10. *Qui sunt, inquit, quos fors diuina delectet?* Et post: *Duarum credo prouinciarum sortes minus diuinas fuisse.* Et in Diuinatione c. 20. *Accusauimus enim, cui quaestor fueram, quicum me fors, consuetudoque maiorum, quicum me deorum hominumque iudicium coniunxerat.* Quod ad necessitudinem attinet, *mos maiorum,* inquit lib. 13. epist. 10. *hanc quaesturae coniunctionem liberorum necessitudini proximam voluit esse.* et epist. 26. eiusdem libri: *L. Messinius ea mecum necessitudine coniunctus est, mihi quaestor fuit. Sed hanc causam, quam ego, vt à maioribus accepi, semper grauem duxi, fecit virtute et humanitate sua instiorem.* Et in Diuinatione c. 19. et orat. pro Plancio c. 11. *Necessitudo autem et necessitas idem sunt, et duobus modis accipiuntur, vel pro coniunctione sanguinis, aut amoris et officii. vt pro Sulla c. 1. Si nostram in accusatione sua necessitatem familiaritatemque violasset.* Et in oratione C. Caesaris, qua legem Plautiam suavit: *Equidem mihi videor pro nostra necessitate non labore, non opera, non industria defuisse.* Vel pro eo, quod necesse est: vt saepe apud Ciceronem, Salustium, et alios. vide Gellium lib. 13. c. 3.

Postea-

Posteaquam ERN. Postea, cum]

Sic olim emendavi contra veteres libros, secutus videlicet consuetudinem Latinae linguae: quod alii, ut video, postea probarunt. nunc tamen lectorem, in omnibus antiquis libris, et quos enī multos annos vidi, et quibus nunc vtor, plane scriptum esse *posteaquam*, mendi origine, ut opinor, inde ducta, quod veteres, *quom, pro cum*, scribere soliti sunt. libro etiam 11. ad Attic. epist. 12. idem mendum sustuli. item lib. 2. de Leg. c. 25. quis non videt ita legendum, *postea, cum sumptuosa fieri funera, et lamentabilia coepissent*: non *postea, quam*.

Nihil neque a te ipso] Idem scripsit lib. 6. ad Attic. epist. 4.

In Cilicia] Quo se iturum nomine Mali, dixit epist. 13.

In castris] Ut rem militarem ante decessionem suam collocaret. epist. 13.

Officium] Erga me: quia scripsisti humanissime.

Ingenium] Quia scripsisti elegantissime.

Opportuno] Ut ante, quam decedam, in provinciam venire possis.

C. Virgilius] Qui Siciliam praetor administrauerat, ut in orat. pro Plancio c. 40. Mirum est, quam hic omnes in mendo consentiant veteres libri, cum habeant, *consul Virgilius*: qui numquam consul fuit. ex littera C. quam librarum pro *consul*, interpretati sunt, vitium fluxit.

De tua praesertim dignitate] *Dignitatem* hic pro honore potius, quam pro existimatione, quae res gestas consequitur, Cicero usurpat, ut epist. 9.

Coniunctione] Quaestor enim ei, cui quaestor obtigit, arctissimo necessitudinis vinculo coniungitur. lib. 13. epist. 10.

Quaecumque] Alibi ponitur pro, *omni quae*, subsequētibz duobz verbis, ut, *quaecumque fecit, mihi grata sunt*: hic pro *omnia*, simpliciter, unico subiuncto verbo: quidquid garriat inepta Grammaticorum turba. ubi enim eorum auctoritate, qui Latini sermonis usu et scientia floruerunt, probari aliquid posse video; quiquilias contemno. Sic lib. 3. ad Attic. epist. 21. *Te oro, ut, si quid est, quod perspicias, quaecumque in partem, quam planissime ad me scribas*. Et lib. 12. ad eundem epist. 21. Et orat. 2. in Catilinam c. 5. *Quae sanari poterunt, quaecumque ratione sanabo*. Et lib. 11. de Orat. c. 2. *Per multos extellentes in quocumque genere videbis*. Et Virgilius lib. 3. Aen.

Ad te ERN. In te proficiscentur] Ad Appium lib. 3. epist. 1. *Intellico, omnia, quae a me profecta sunt in te, tibi accidisse gratissima*.

Maxime tua] Quia cogitabat eum decedens provinciae praepone. epist. 15. et lib. 6. ad Attic. epist. 4. cum de quaestore Melsinio bene non existimaret, ut ibidem ostendit, et epist. 3. eiusdem libri.

PAVLLI MANVTII
COMMENTARIVS

IN
M. TVLLII CICERONIS
EPISTOLARVM
QVAE FAMILIARES VOCANTVR
LIBRVM III.

EPISTOLAE I.
ARGVMENTVM.

Totus hic ad Appium, P. Clodii fratrem, scriptus liber est. primae sex epistolae Ser. Sulpicio, M. Marcello coff. septima L. Paulo, C. Marcello: octaua ante septimam collocari debuit, cum scripta sit Oetobri mense, ante deuictos Amanienfes: quod in extremo significatur: ex quo patet, scriptam esse Sulpicio et Marcello coff. quinque reliquae scriptae sunt consulatum gerentibus Paulo et Marcello. Primam epistolam Phnias, Appii liberto, dedit: eoque breuitatem excusat, quod a liberto prudentissimo ac diligentissimo posset Appius omnem reipublicae statum optime cognoscere. Suam in Appium beneuolentiam declarat: eumque tacite hortatur, ut Clodiam gentem, sibi adhue, propter contentiones in Clodii, non amicam, secum in gratiam reducat. Laudat alterum eius libertum Cilicem, ut Phniam tamen plaris facere videatur. Valerium Iurisconsultum, non sine ioco, commendat.

EXPLANATIO.

Appio] Eius Appii Clodii filio, qui cum P. Seruilio Isaurico consul fuerat, anno urbis DCLXXIV. Obit post pugnam Pharsalicam, ut auctor est Valerius Max. lib. 1. c. 6. Repudiatum ab hac gente Lucii praenomen, ob turpem duorum gentilium vitam, Suetonius in Tib. c. 1. ostendit.

Pulchro] Gentis Claudiae fuere Pulchri, Neronis, Marcelli; patricii Pulchri et Neronis, plebei Marcelli. quod Aconius alique tradiderunt. Nobilitatam hanc gentem duobus de triginta consulatibus, dictaturis quinque, censuris septem, triumphis sex, duabus ouationibus, in Tiberii vita c. 1. Suetonius dixit.

Imp.

Imp.] Ex qua pugna sit hoc nomen adeptus, non apparet: rem tamen ab eo bene gestam, non modo haec inscriptio, quae *imperator* nominat, sed vltima etiam epistola declarat: nam in ea suum studium Cicero in supplicatione ob res prospere gestas Appio decernenda commemorat. Speravit etiam triumphum: quem ei P. Dolabellae ademit accusatio, ut epistolae duae demonstrant, una Ciceronis, decima huius libri, altera Coelii, nona libri octavi.

Quod inuenit ERN. Quod vidi] Et aperta sententia est, et ita legitur in septem antiquis libris. aliis placuit, *quod inuenit*: quod quale sit, eruditi iudicabunt.

Reliquas res] Quas ab illo de statu reipublicae audies.

Providentius] Providentia periculum vitat. *Providentius* igitur dixit, pro, maioris cautionis. possunt enim in alienas manus litterae peruenire.

Videntur aliquae meae partes] Vt aliquid ego quoque tibi significem.

Ingenii] Quod amorem conciliat. ut enim corpori valetudo integra, color optinus, apta membrorum compositio, sic animo species quaedam et pulchritudo ingenium est. omnis autem pulchritudo amorem conciliat.

Officii, humanitatis] Latius patet *humanitas*, quam *officium*.

Gratissima] Ex quo intellexi, te bona fide mecum in gratiam rediisse.

Caruimus] Ob inimicitias P. Clodii, Appii fratris, qui anno proximo perierat, a Milone, Ciceronis amicissimo, interfectus.

Quoniam tu ita vis] Tibi placeat officiis coli amicitiam nostram: quod si tibi non placeret, facerem inuita Minerva. qui si e. l. c. ut idem tuis quoque propinquis placeat; (tacite Appium hortatur, ut reliquos Clodios, ob veteres cum P. Clodio inimicitias infensas, sibi reconciliet) eandemque Minervam, quam abs te non inuitam habeo, ab ipsis accipiam: ego plane hoc non Mineruae magis, quam tibi, referam acceptum, et iure eam non tam Pallada, ut vocatur, quam Appiada, de tuo nomine, nuncupabo. Locum autem Cicero quaesivit in nominibus similiter desinentibus. In Mediceo libro Graecis litteris maiusculis, ΠΑΛΛΑΔΑ, scriptum est.

Non inuita Minerva] Feliciter, successu prospero. abiit in adagium, *inuita*, vel *non inuita Minerva aliquid facere*, lib. 12. epist. 25. *Causam tuam egi non inuita Minerva*, lib. 1. de Offic. c. 31. *Nihil decet inuita, ut aiunt, Minerva*. Et Horatius de Arte poetica v. 385.

Tu nihil inuita dices faciesne Minerva.

Cilix] Quod seruis nomen fuerat, idem liberti retinebant, licet praenomen etiam et gentilium nomen eius, a quo liberabantur, assumerent. *Cilix* autem hic vocabatur, quia saepe a patria serui appellabantur, ut *Aegyptia* lib. 16. epist. 13.

Phaniam] Ad te proficiscentem, cuius frui consuetudine, licet Cilicem habeam, valde cuperem. lib. 2. epist. 15.

Iureconsultum] Eundem antea Lentulo, Ciliciae proconsuli, commendanda.

mendarat lib. 1. epist. vlt. est autem is, de quo lib. 7. epist. 11.

Si non est] Non est iocus a veritate sciunctus. lib. 1. epist. vlt.

Aliis] Quorum causas recipit, nec optime defendit.

Agit gratias] Quod humaniter eum tractes.

EPISTOLAE II. ARGVMENTVM.

Ciliciam prouinciam sortitus, rogat Appium, ut eam sibi quam maxime aptam, explicatamque tradat; quo fit ei, cum successerit, facilius et commodior administratio.

EXPLANATIO.

Contra voluntatem meam] Deposuit enim prouinciam consul: qua de re lib. 5. epist. 2. In ea vero ad Catonem lib. 15. epist. 4. Si quisquam, inquit, fuit unquam remotus et natura, et magis etiam, ut mihi quidem sentire videor, ratione atque doctrina, ab inani laude, et sermonibus vulgi, ego profecto is sum. Testis est consulatus meus: in quo, sicut in reliqua vita, fateor ea me studiose secutum, ex quibus vera gloria nasci posset: ipsam quidem gloriam per se nunquam putavi expetendam. Itaque et prouinciam ornatam, et spem non dubiam triumphi neglexi.

Cum imperio] Duabus legibus dato, Cornelia a senatu, Curiata a populo.

Molestiis] Confirmat illud, contra voluntatem meam.

Quam ego sum] Artificium petentis. voluntatis enim optinae significatio parem elicit voluntatem.

Pro nostra summa coniunctione] Iure, summa, dixit: quia coniungebantur et collegio, cum esset uterque augur, et beneuolentia, post gratiam reconciliatam. itaque dixit epist. sequenti, *successori coniun-*

ctissimo et amicissimo. Et epist. 4. Collegii coniunctio non mediocriter vinculum mihi quidem attulisse videtur ad voluntates nostras copulandas.

Poteris autem pluximis] Habet ornamentum iteratio verbi; vt lib. 6. epist. 5. Quotiescunque filium tuum video, (video autem sepe quotidie) polliceor ei studium meum. vide illud lib. 1. epist. 1. Si qui sunt, qui velint, qui pauci sunt.

Ex senatus consulto] Decreuerat enim senatus, vt duas prouincias consulares, Syriam et Ciliciam, Bibulus et Cicero sortirentur. Ciceroni Cilicia obtigerat. huius senatus consulti mentio fit lib. 2. epist. 7. et 13. et lib. 15. epist. 7. hic autem lex non nominatur, quia lata nondum erat: sed lata paullo post. nominatur autem lib. 15. epist. 7.

Quoad eius facere poteris] Quantum in te erit. nota locutio.

Quasi decursus] Lenitur interdum translatio praeposito verbo, quasi, aut eiusmodi alio: quod Ciceronis, Demetrii, et alii aliorum libri ostendunt.

In eo genere] Vide illud, in eo genere, lib. 2. epist. 1.

Tui consilii est] Tu considera- bis. Appii prudentiam, et simul modestiam suam, qui nihil petat nominatim, ostendit.

Pluribus verbis] Clausula in primis efficax ad impetrandum. nauis et ea nominat, quae mouere Appium debeant; et id ipsum tamen dissimulat, ne dissidere videatur aut Appii voluntati, aut prudentiae.

Res] Cum is, qui prouinciam successori tradit, operam omnino dare debeat, vel honoris sui, vel rei publicae causa, ut eam quam maxime aptam, explicatamque tradat.

Pro se] Cur ego pro ipsa re plura dicam; cum satis ipsa pro se loquatur? patet enim, quid te intradenda mihi, tui amantissimo, prouincia facere oporteat.

Voluptatem esse capturum] Cum officii me tui memorem, gratumque cognosces.

EPISTOLAE III.

ARGUMENTVM.

Significat se Brundisium venisse; cum Fabio, Appii legato, locutum esse: antequam ab urbe discederet, nihil a senatu decretum, Sulpicio consule repugnante, ut suis Bibulique legionibus in Italia supplementum scriberetur. Petit idem, quod in proxima epistola, ut Appius in tradenda prouincia commodet sibi quam maxime potest, praecipue, ne numerum militum imminuat.

EXPLANATIO.

Brundisium] Vbi duodecim amplius dies, et valetudinis incommodo, et Pontinii, legati sui, expectatione commoratus est. lib. 5. ad Attic. epist. 8.

Praesidio] Ob metum Parthici belli.

Supplementum] Vt ad binas legiones, quas et Cicero, et Bibulus habuit, copiae adderentur.

Bibuli] Cui Syria obtigerat, post Crassum a Parthis interfectum.

Legionibus] Plutarchus cum Cicerone in Ciliciam iuisse narrat duodecim millia peditum, duo millia, et sexcentos equites. quamquam in equitum numero suspicor esse mendum. non enim cum duabus legionibus tantus videtur equita-

tus esse potuisse. nisi si sexcenti Romani, reliqui omnes auxilarii, extra ordinem, metu scilicet Parthici equitatus: qui post Crassi necem imminere Romanis prouinciis videbatur.

Sulpicius consul] Ser. Sulpicius Rufus, ex tribu Lemonia, iuris ciuilis cognitione excellens; cuius praeclaram habemus epistolam, qua Cicronem consolatus est lib. 4. 5.

Passurum se negaret] Ne exhauriretur militibus Italia, si forte delectum nouarum copiarum tempora reipublicae postulerent.

Multa quæsti sumus] Ego et Bibulus. notandum loquentem gerere. sic alibi, multa peccas, et multa

deus venerati, dixit Caecina lib. 6. epist. 7.

Tabellariis] *Tabellarii* dicti a tabellis codicillorum, quod eas vtroque ferroque ferrent ante chartae et membranarum vsum: vt *librarii* a libris arborum, in quibus epistolae scribebantur. Beatus Hieronymus epistola 42. ad Niceam.

Coniunctissimo] Non refertur ad beneuolentiam. quorsum enim proxime subiunxisset, *et amicissimo*? sed ad adiunctionem auguratus, quae alterum alteri non leuiter commendabat. Sed, quia fieri poterat, vt, qui simul augures essent, inter eos tamen amor non esset: ideo intulit, *et amicissimo*: vt se non solum collegii iure, verum etiam beneuolentia coniunctum Appio significaret. nominat eandem collegii coniunctionem epistola sequenti.

Pro hostia consociatissima ERN. *constantissima voluntate*] Sic quinque libri veteres: duo, et Mediceus, *pro nostra consociatissima*, vt voluntas vtriusque, post reditum in gratiam, *consociatissima*, dicatur. Sin, *constantissima*, retineamus; vtriusque parem in constantia voluntatem, quae post reditum in gratiam officiis mutuis declarata fuerat, significari credamus, quam sententiam confirmat illud lib. 2. epist. 13. *Ego Appium valde diligo: meque ab eo diligi statim coeptum esse, vt similitudinem deposuimus, sensi. Nam et honorificus in me consul fuit, et suavis amicus, et studiosus studiosum etiam meorum. Mea vero*

officia ei non defuisse, tu es testis. *Constantiam* suam infra quoque, epist. 9. Cicero nominat. Quod quisque magis probat, id sequatur.

Integrum] Abesse tamen tres cohortes comperit, mendax igitur Fabius, verae autem Appii ad senatum litterae de militibus dimissis. epist. 6.

Senatus consulta] De non imminuendis copiis

C. Pomptinum ERN. *Pontinium, legatum*] Praetorium, ac triumphalem. hunc Πονπτινον, et Πονπτινον Graeci libri nominant: ex Latinis alii *Pomptinum*, alii *Pomissinum*; nonnulli, quos secutus sum, *Pontinium*, vt inter Romanas gentes, quae in ius desinebant, agnoscatur. Ciceronis, Ciliciae proconsulis, quaestores fuere L. Mescinius, Cn. Volusius, C. Coelius; legati, Q. Cicero eius frater, C. Pontinius, M. Anicius, L. Tullius; tribunus militum, Q. Fusidius; praefectus euocatorum, Antonius; praefectus fabrum, Q. Lepta; scriba, M. Tullius; accensus, Pausanias; interpretes, M. Marcilius. de quaestore Mescinio, lib. 5. epist. 19. et 20. lib. 13. epist. 26. lib. 16. epist. 4. De Volusio, lib. 5. ad Attic. epist. 11. De Coelio, qui paucis diebus ante, quam Cicero decederet, in prouinciam venit, lib. 2. epist. 19. et lib. 6. ad Attic. epist. 5. De legatis, lib. 15. epist. 4. De tribuno militum, lib. 13. epist. 12. De praefecto euocatorum, h. lib. epist. 6. De praefecto fabrum, h. lib. epist. 7. De scriba, lib. 5. epist. 20. De accenso, h. lib. epist. 7. De interprete, lib. 13. epist. 54.

EPISTOLAE IV.
ARGUMENTVM.

Exspectari a se scribit L. Clodium cum Appii mandatis. suum studium atque officium in omnibus rebus pollicetur. causas, quibus ad eum diligendum adducatur, commemorat. Negotiale principium, reliqua fere moralia.

EXPLANATIO.

Clodio] Praefecto fabrum. epist. 8.

Meum studium erga te et officium] Studio voluntas, officio res ipsa declaratur.

Q. Fabius] Fabiam gentem a Fabio, Herculis filio, dictam, ait Plutarchus. id probare videtur Festus, apud quem scripta sunt haec: *Fonii, qui nunc Fabii dicuntur, dicti, quod princeps gentis eius ex ea natus sit, cum qua Hercules in fovea concubuit.* Deinde subiungit: *Alii putant, eum primum ostendisse, quemadmodum ursi et lupi foveis caperentur.*

Virgilianus] A Virgiliis in Fabios adoptionis iure transierat.

Flaccus] Valeriorum cognomen.

M. Octavius Cn. F.] Qui hoc anno aedilitatem curulem cum M. Coelio petiit. lib. 8. epist. 2.

Libro augurali] De augurum disciplina scripto: de quo fit mentio epist. 9. et 11. et apud Festum.

Amantissime] Amore enim adductus videbatur, ut eum librum ad Ciceronem scripserit.

Misisti] Vnum Appius miserat, reliquos missurum se pollicitus erat. ideo epist. 9. *Velim, reliquum quod est promissi ac muneris tui, mihi persolvas.* Et epist. 11. cum scripisset Appius, confecisse

iam se reliquos libros, ac missurum; respondit Cicero: *Augurales libros ad commune utriusque nostrum otium serva.*

Summa necessitudinis officia] Quae summa esse possunt nostrae conjunctionis officia. Placeret, *summae necessitudinis.*

Constabunt] Non obscura erunt, sed patebunt. epist. sequenti. et lib. 10. epist. 34.

Ex quo tempore] Depositae ab Appio et Cicerone inimicitias iam ante P. Clodii necem, atque adeo ante Appii consulatum, indicat epist. 10. et lib. 2. epist. 13. et oratio pro Milone c. 27.

Duarum aetatum] Senescente iam Pompeio, Bruto iuvene. utrumque cum laude nominat epist. 11.

Filiae tuae socerum] Duo Pompeii filii fuere, Cneus, et Sextus, Appii generum puto Cneum fuisse. nam Sexti coniugem Libonis filiam apud Dionem inuenio.

Generum tuum] Postea Porciam, Catonis Uticensis, avunculi sui, filiam, duxit uxorem, Appii filia dimissa: quod ex epistolis ad Atticum intelligitur.

Collegii] Cum augur uterque esset. lib. 2. epist. 13.

Honorisce a te approbata] Scripto 4 pto

pto ad me augurali libro. epist. 9.
et 11.

Non mediocriter vinculum] Apud maiores enim non modo amicitia violari fas non erat, sed ne cooptari quidem sacerdotem lice-

bat, qui cuiquam ex collegio esset inimicus. epist. 10.

Ne mentiar] Licet nihil te, mea causa, contra commodum tuum velim facere.

EPISTOLAE V.

ARGVMENTVM.

Agit Appio gratias, quod operam dederit, ut sibi quam maxime expeditam provinciam traderet: deinde rationem exponit itineris sui; quo certius de congressu statuere Appius possit.

EXPLANATIO.

Talles] Urbem Lydiae.

Neminem potuisti] Captat benevolentiam ab Appii prudentia.

Ex alio repetita] Haec Cicero- nis litterae non exsiant.

Co firmata] Mutuis officiis.

Fide] Fidem nominat, quia redierant in gratiam. epist. 8. *Si quis est, qui neminem bona fide in gratiam putes redire posse: non nosti um is perfidiam coarguit, sed indicat suam.*

Vt tibi consuleres] Vt mihi expeditam provinciam traderes.

Mea ratio] Meum provinciale munus, totum negotium, quod ad provinciam pertinet.

Solutior] Sine impedimento. sic lib. 1. epist. 9. *Si mihi essent omnia solutissima: pro, si meam voluntatem nulla res impediret. Quod autem hic dixit, mea ratio facilius et solutior. epist. 2. facilius eris quasi decursus mei temporis.*

Sequitur illud] Nam apud bonos viros gratia gratiam parit.

Quibus adhuc] Post reconciliationem resident nonnumquam ve-

teris odii reliquiae, praesertim si grauiiores iniuriae antecesserint, quales a P. Clodio, Appii fratre, Cicero tulerat. ideo suspicari poterant homines, non esse Appio Cicero- nem amicissimum. epist. 8.

Neque enim obscuris personis] Cum Cicero et Appius consulares auguralesque essent, clarus igitur vterque. translatio a fabulis, in quibus veterum heroum, aut regum, id est non obscuras, sed illustres personas histriones sustinebant.

In causis] In negotiis. dixi, *causam* id saepe appellari a Cicero- ne, quod proprie ad aliquem pertinet. vide illud lib. 1. epist. 1. *in causis haec sunt.*

Tunc mihi ille dixit, quod classe tu velles decedere] Sic locutus lib. 7. epist. 28. *Memini, quod mihi desipere videbare.* Aut distingue sic: *Tunc mihi ille dixit: quod classe tu velles decedere, perfore accommodatum tibi, etc. ut sit, quod, pro quia.*

Ad illam ERN. Ad Sidam] Praeponit *ad*, cum sit loci nomen pro-

proprium, vt lib. 8. ad Attic. epist. 3. *ad Capuam, ad Luceriam*. Sed hunc locum ex epistola sequenti, in qua *Sida* nominatur, aliquis fortasse mutauit. nam libri veteres, etiam Medicus, habent, *ad illam*, quod ferri potest.

Laodiceae] Vide, quae diximus lib. 2. epist. 17.

Ad meum aduentum] Vsque ad meum aduentum.

Tua ratio] *Ratio* non est voluntas, non negotium, non consuetudo, non consilium: quid igitur? vnico verbo non satis videtur explicari posse: hic quidem, *tua ratio postea est commutata*, valet, mutasti, quod te facturum ostenderas. non eadem fuit sententia tua. Tale illud epist. 8. *Mea ratio in tota amicitia nostra constans et grauis reperiatur*. Vide, quae diximus in eo loco, *mea ratio fuit alia*, lib. 1. epist. 9.

Prope ERN. Pridie Kal. Sext. puto] Non errauit. nam eo die *Laodiceam* peruenit. epist. seq. et lib. 5. ad Attic. epist. 16.

Mibi debetur] Vel in prouinciae commoda, vel in annum ipsius victum, vel in stipendia militum eroganda.

Ad exercitum] Quem Appius reliquerat, cuius mentio fit epist. 2. Sic lib. 5. ad Attic. epist. 15. *Iter Laodicea faciebam. ad III. Non. Sext. cum has litteras dabam, in castra in Lycaoniam*. Quamquam, si Plutarcho credimus, duas legiones Cicero ipse in Ciliciam transiecit.

Ad Iconium] In *Lycaonia*, vbi erat exercitus. epist. sequenti, et lib. 15. epist. 4. et lib. 5. ad Attic. epist. 15.

Fallit] De itineris ratione.

Ab re ipsa] Ab ipso negotio: quo fortasse diutius impediatur, quam vt possim circiter idus Sext. ad *Iconium* esse.

Oaeris tibi imponere nec audeo quidquam] Non potuit neque verecundius petere, neque vehementius.

Quod tuo commodo fieri possit] De hoc loquendi more satis diximus lib. 1. epist. 1.

Magni interest] Vt colloquerentur de vtriusque institutis in regenda prouincia, in quibus, quod et hae ad ipsum Appium, et ad Atticum epistolae declarant, non idem vterque sensit.

Si quis casus] Retinet modestiam suam: quod enim de Appii voluntate suspicatur, id in casum confert.

Constabunt] Sic locutus epistola proxima.

Scaenola] Mucia gentis cognomen. hic vel Appii legatus, vel quaestor in prouincia fuerat.

Vellem potuisset ERN. potuisse obsequi] Sic antiqui omnes libri, non *potuisset*: quod est in impressis. nihil igitur mutandum, cum alibi quoque sic locutus Cicero sit. vt lib. 7. ad Attic. epist. 1. *Vellem a principio te audissem amicissime monentem*, et lib. 8. ad eundem epist. 11. *Vellem tecum fuisse*.

EPISTOLAE VI.
ARGVMENTVM.

Ostendit congressum a se expetitur, ab Appio vitatum: se tamen ei fore amicissimum. quaedam addit de suo itinere, ut Appius constituat, quo loco tum convenire possit.

EXPLANATIO.

Non magis mihi faueo] Non minus a te, quam a me ipso, praestari amicitiae nostrae ea, quae debentur, officia cupio.

Meo fuisse] Quod a me factum est, ut te convenirem, antequam decederes.

Quaesivi ex Phania] Epist. 5.

Nosse locum] Honestiorem scilicet, quam reliqui liberti.

In prima prouincia] Dixi iam, primam urbem prouinciae Laodiceam fuisse. epist. proxima.

Vbi me quamprimum videre posset] Ut Laodiceae, id est, in prima prouincia; quod L. Clodius dixerat. mos enim fuit, ut ii, qui decedebant, successorem expectarent in prima prouincia. Lib. 12. ad Attic. epist. 26.

Eo discessisti] In ultimam prouinciam: de quo sic lib. 5. ad Attic. epist. 16. *Appius, ut audiuit nos venire, in ultimam prouinciā se coniecit, Tarsum usque: ibi forum agit.* et ibidem epistola sequenti.

Ad decedendum] Lex Cornelia, L. Sullae dictatoris, concedebat rectoribus prouinciarum, ut per triginta dies post successoris aduentum in prouincia morari possent.

Alieni] Non amici, nulla necessitudine coniuncti.

Tarsum] In Ciliciam, in ultimam prouinciam: quod dixit lib. 5. ad Attic. epist. 16.

Et est in multis] Absit hoc a meo vetere libro; et sane gloriama esse potuit antecedentium verborum.

Forum agere] Ius dicere. epist. 8. et lib. 5. ad Attic. epist. 16. et Festus.

Succedi] Pro, successum iri. vnus antiquus liber, *succedere*.

Absenti mihi] Cum tu, absente me, Tarsi forum ageres. Non dicit, *absenti a prouincia*, cum in eam iam venisset. quod supra infraque ostendit: sed absenti ab eo loco, vbi forum Appius agebat.

Detrahitur] Tua iurisdictione Tarsensi.

Pauccitate] Exsiles legiones vocat lib. 5. ad Attic. epist. 15.

Absesse tres cohortes] Facta seditione. quinque nominat lib. 15. epist. 4. *Cum*, inquit, ante aduentum meum seditione quadam exercitus esset dissipatus, quinque cohortes sine legato, sine tribuno militum, denique etiam sine centurione vllō apud Philomelum consedisent, reliquus exercitus esset in Lycaonia: M. Anneio legato imperavi, ut eas quinque cohortes ad reliquum exercitum duceret. Cohortem ex pluribus manipulis constare, ait Varro lib. 4. de L. L. in ea fuisse homines quingentos, Valerio Maximo, Plutarcho, Caesare, Appiano testibus probatur.

nam

nam Valerius duas Camertum legiones a C. Mario ciuitate donatas, Plutarchus mille Camertes ait. Iam Caesar lib. 3. de bell. ciu. c. 88. cum dixisset: *cohortes CX. expleverat*: subiunxit: *haec erant millia XLV.* Idem pugna Pharsalica quartam aciem ex sex cohortibus constituit: quod Plutarchus in Caesare confirmat: at eos fuisse tria millia, et idem Plutarchus in Pompeio, et Appianus quoque plane narrat. Postea, re militari conuulsata, secentos in cohorte video fuisse: nam Cincius apud Gellium lib. 16. c. 4. legionem ex centuriis sexaginta, cohortibus decem constituit.

Ne litteras quidem ullas] Cum te quotidie expectarem; tantum tamen abest, ut ipse veneris, ut ne litteras quidem ullas a te acceperim. Hic non video, cur mutari quidquam necesse sit.

Euocaturam] Milites erant emeriti, subito ex agris in militiam euocati: quos Cicero ex senatus consulto in prouincia contraxerat: ut lib. 15. epist. 4. Crassinum euocatum in prima acie contra Pompeianos procurrentem nominat Caesar lib. 3. de bell. ciu. c. 91. Euocatos etiam Antonius habuit in

Mutinensi certamine, lib. 10. epist. 30. et Octavianus, Dio lib. 45.

Cohortes] Quas secum Appius habebat. nam exercitus vniuersus erat in Lycaonia, unde abesse dixit tres cohortes epist. 15.

Aliquid negotii gerere] Contra sempiternos hostes Amanienfes. lib. 2. epist. 10. et lib. 15. epist. 4. et lib. 5. ad Attic. epist. 20.

Litterae tuae] In quibus, cupere se cum Cicerone congregi, scripserat Appius.

Secus] Male, secus ac vellem. sic aliter, usurpabant, ut lib. 2. de republ. apud Nonium, *cum ad villam venisset, et omnia aliter offendifset.*

Locis] Occasionis.

Correxeris] Aliquo in me officio.

Salua lege] Quae ultra dies triginta, post successoris aduentum, non permittebat in prouincia permanere.

Pridie Kal. Sext.] Sic lib. 15. epist. 2. 4. et lib. 5. ad Attic. epist. 16.

In Ciliciam] A Laodicea in Ciliciam. lib. 15. epist. 4.

Per Cappadociam] Nam et alia erat, eaque breuior, in Ciliciam via: quam cur omiserit, exponit lib. 15. epist. 4.

EPISTOLAE VII.

ARGUMENTVM.

Querelam Appii refellit: contraque ipse queritur, et extollit virtutem contra inanem arrogantiam nobilitatis: se tamen ei fore amicissimum confisum.

EXPLANATIO.

Cicero imp.] Sic est inscribendum, non, *procos.* Scripsit enim, ut ipse ait, hanc epistolam

Laodiceae: quo se contulit aestiuus confectis, id est, Amaniensibus victis, qua victoria imperator appellatus

latus est, et Pindenisso capto. fuit autem Laodiceae a III. id. Febr. vsque ad non. Maii: quod lib. 6. ad Attic. epist. 2. ostendit.

Legati Appiani] Quos munusculum exstruere ad Appii laudem cupientes Cicero impediterat. epist. 9. Appianos populos in conventu Synadensi Plinius lib. 9. c. 29. nominat. Alii sunt autem legati, de quibus epist. 8. illos enim queritur Appius prohibitos esse ire Romam ad se laudandum, horum autem aedificationem impeditam.

Volumen] Litteras volumen appellat, non quod inuolutae clauderentur, (plicabantur enim epistolae, inuoluebantur autem libri) sed quod earum longitudo speciem voluminis efficeret. itaque subiecit, (vt vnas litteras hic volumen appellari constet) *eadem epistola petebas*. sic lib. 12. epist. 30. *non te epistolis, sed voluminibus lacefferem*, pro, ita longis, vt voluminum instar essent. Alibi vero *epistolarum volumina* nominat, quia descriptae multae, circa lignum essent inuolutae. lib. 9. ad Attic. epist. 10. *Enolui volumen epistolarum tuarum*. Ad Tironem lib. 16. epist. 17. *Tuas epistolas vis referri in volumina*. Et Tusculanas quaestiones *volumina* appellat: Plinius quoque suos naturalis historiae libros, *volumina*: Ouidius quindecim libros Metamorphoseos, *ter quinque volumina*. *Vmbilicos* ligna illa, quae voluminibus absolutis adderentur, ideo dicta, quod vmbilici nostri formam imitarentur, Porphyrio scriptum reliquit. inde natum, *ad vmbilicum adducere*, pro absolueret: quod Horatius Epod. 14. v. 8. de suis iam-

bis dixit: *peruenire ad vmbilicum*, Martialis lib. 4. epigr. 91. v. 2. Huiusmodi autem vmbilicos non modo ligneos, verum etiam osseos, corneosue ornamentis gratia interdum fuisse, idem Porphyrio auctor est: pingi etiam solitos, Martialis. Extremae partes, quod, extra volumen eminentes, cornuum similitudinem prae se ferrent, *cornua* vocabantur: quibus ornamentum ali-quod addi solitum, ostendit Ouidius, cum librum suum eleg. 1. Tristium v. 8. sic alloquitur:

Candida nec nigra cornua fronte geras.

Nec geras candida cornua, quae fortunae sunt indicia laetioris, cum sit atrata frons, qualem in calamitate nostra decet esse. Est enim *frons libri*, exterior voluminis pars: *frontes* vero cum appellantur, exterior, et interior: itaque dixit idem v. 11.

Nec fragili geminae poliantur pumice frontes.

Et Catullus carm. 1.

Cui dono lepidum nouum libellum,

Arida modo pumice expolitum?

Martialis quoque *pumicatam libri frontem* dixit lib. 1. epigr. 67. v. 10.

Aedificationem] Templum, opinor, Appio erigere volebant, vt optime de republica merito.

Peracute] Excogitasti enim, quod a me cogitatum non est.

Tributa] Quibus Appio monumentum exstruerent.

Recepissem] In Asiam, nam, cum in prouinciam venisset, a Laodicea in Ciliciam profectus est. ibi pugnavit cum Amanicis, Pindenis-

denissimumque cepit. mox, actinis iam confectis, Laodiceam in Asiam rediit: unde rursus ad absolvendam iurisdictionem Tarsum in Ciliciam iuit.

Aequitatem] Ironia.

Tributa] Quae ciuitates imponebant, ut collecta pecunia aedificaret.

Non poteram] Rem causamque cognoscere.

Ad me] In Ciliciam: ut ibi de toto negotio cognoscerem.

Liberto] Accensi munus libertis deferri solitum, indicat lib. 4. ad Attic. epist. 16. in qua Antiochus Gabinius quidam, A. Gabinii libertus et accensus nominatur. et lib. 1. ad Q. Fr. epist. 1.

Accenso meo] Apparitorum multa genera, inter quos accensi quoque erant, dicti, quod saepius ad necessarias res accirentur, ut ait Varro.

Audiui, cum diceret] Sic lib. 2. de Orat. c. 6. *Saepe ex socio meo audiui, cum is diceret, socerum suum Laelium semper fere cum Scipione solitum rusticari.*

Vigilia] Nox in tres vigilias, et in quaternas horas vigiliae diuidebantur.

Fabrum] Qui exercitum sequebantur, ut administrarent, quae ad bellum necessaria viderentur. *Fabrum* autem, non *fabrorum*, probasse Cicero videtur. de quo sic in Oratore c. 46. *Iam, ut censoriae tabulae loquuntur, fabrum, et procum, audeo dicere, non fabrorum, et procorum.*

Ap. Claudio] Patriciae gentis, consulari, augurali, opibus, ingenio, propinquis, affinis florentissimo: ut omittam antiquorum no-

bilitatem, de qua diximus epist. 1.

Imperatori] Appellato, et a militibus et ab senatu: qui etiam ei ob victoriam supplicationes decreverat. epist. ult.

Ambitiosius] Studiosius: cum nullum officii genus soleam praetermittere.

Quid ni] Ciceronis, non Appii verba: ideo parenthesi includenda. Cur non crederem, inquit, id a te dictum? cum te tuae gentis antiqua nobilitas superbum faciat.

Appius Lentulo] Appius succedens Lentulo decedenti.

Prudentia] Naturalem significat. nam separatim deinde rerum usum nominat.

Urbanitatem] *Urbanitas* et *dicaeitis* non idem sunt. itaque Demosthenem, ait Quintilianus lib. 6. c. 3. *urbanum* fuisse, non *dicaem*. *urbanitatem* autem esse illam, in qua nihil absonum, nihil agreste, nihil inconditum, nihil peregrinum, neque sensu, neque verbis, neque ore, gestuue possit deprehendi: ut non tam sit in singulis dictis, quam in toto colore dicendi: qualis apud Graecos *ἑττινικὴ*; ille, redolens Athenarum proprium saporem. Cicero autem in orat. pro Coelio c. 3. *Maledictio nihil habet propositi, praeter contumeliam: quae si petulantias iactatur, conuicium; si facetius, urbanitas nominatur.*

Virtus] Habet enim similitudinem quandam *urbanitatis*.

Appietatem] Productione nominis fit sonitus auribus ingratus: et simul ipsa res, nomini subiecta, deformatur. Appius autem nouum Ciceronis nomen, prae suo Lentulique contempserat. quam superbiam irridet Cicero, *Claudia* familiae *insitam*,

insitam, vt ex omni patet historia, et his maxime Taciti verbis lib. 1. Annal. c. 4. *Tiberium Neronem, maturum annis, spectatum bello, sed vetere atque insita Claudiae familiae superbia.*

Ornamenta virtutis] Ipsam virtutem, a qua nullum abest ornamentum: vel, *ornamenta*, illa, quae a virtute proficiuntur: cum *Appietas* et *Lentulitas* nomina quidem speciosa sint, virtutis tamen ornamenta non habent.

Hominum opinionibus] Nam re vera non sunt amplissima, si virtute carcant. vulgus autem ipsam tantum honorum speciem admiratur.

Vobis reliquissent] Qui ea nomina sua virtute nobilitarunt: quorum vos nomina retinetis, virtutem non imitamini. Ostendit Appium non a se ipso, sed a maiori-bus nobilem esse.

Maxima imperia] Praeturam, et consulatum: quae vocantur *imperia*. vnde illud lib. 9. ad Attic. epist. 9. *Nos in libris habemus, non modo consules a praetore, sed ne praetores. quidem creari ius esse, idque factum esse nunquam: consules, eo non esse ius, quod maius imperium a minore rogari non sit ius.* Praestant autem potestate ceteris omnibus magistratibus: ideo *maxima imperia* vocantur. nam censura, licet inter maiores magistratus, imperio tamen carebat.

Ad honorem] Summus enim honor consulatus: de quo sic Lilius lib. 7, c. 1. *Libertatis originem inde magis, quia annum imperium consulare factum est, quam quod deminutum quidquam sit ex regia potestate, numeres. Omnia iura, omnia insignia primi consules te-*

nuere. id modo cautum est, ne, si ambo fasces haberent, duplicatus terror videretur.

Ad gloriam] Patefacta enim et oppressa Catilinae coniuratione, tantum adeptus est gloriae, nihil vt expetere amplius posset.

Superiorem nunquam] Quod Appio re ipsa detraxit, verbis restituit. nam, cum dixit, *viros esse, qui ea vobis reliquissent, magnos arbitrabur*; nimirum iis viris non esse Appium similem ostendit: rursus, cum se non esse Appio superiorem fatetur, nec sibi tamen quidquam ad honorem aut gloriam deesse, ornatur Appium amplissima laude, qui sit ei par, qui sibi nihil nec ad honorem neque ad gloriam acquirendum putet.

Vel Cn. Pompeium] Appii sententiam Pompeii sententia ac iudicio debilitat: vt in forensibus causis, vbi testibus res agitur, opponuntur ignobilioribus clari viri, egentibus locupletes.

Omnibus, qui vnquam fuerunt] Solus enim ad eam diem ter Pompeius triumphauerat, ex tribus orbis terrarum partibus victoria comparata.

P. Lentulum] Hunc nominat, cuius beneficio in patriam redierat, ne videatur cum proprie nominasse, cum dixit, *Lentulitat m.* potest enim nomen illud in omnes Lentulos, qui nobilitatem a maioribus acceperant, non in hunc, qui sua virtute clarus erat, cuique Cicero plurimum debebat, cum quadam contumelia conferri.

Quem mihi ipsi antepono] Praeclarum artificium. nam, si et me vobis parem speraui esse factum; et Lentulum mihi ipsi antepono: sequi-

sequitur, ut eundem vobis quoque auteponam, quid igitur laborem, si tu me, quasi novum hominem, contemnis, te autem, tamquam nobilem, magni facis; cum dixeris, *Cicero Appio noluit*. nam eos viros, quos et mihi et tibi antepono, aliter existimare video.

Si aliter existimas] Si dissentis a Pompeio et Lentulo; et ideo me contemnis, quia novus homo sum.

Nihil errabis] Non est hoc sine quodam Appii contemptu: ita enim effertur, quasi rudiores peritior doceat, et quasi, nobilitas quid sit, Appius ignorare videatur.

Vt, quid sit εὐγενεία, quid sit nobilitas, intelligas] Vt intelligas, utrum idem sint, an inter se differant εὐγενεία, et nobilitas. Quasi dicat: falleris, cum vel te putas, quia sis εὐγενής; hoc est clare genere natus, ideo nobilem esse, vel me, quia non sum εὐγενής, propterea nobilem esse non possit. potest enim εὐγενεία esse, ubi non sit nobilitas; et nobilitas, ubi non sit εὐγενεία: nobilitas enim a maioribus non accipitur, sed virtute, magnisque in rempublicam meritis comparatur. Haec fuit Athenodori sententia: quam homo novus Cicero libenter probat. Aristoteles autem in Politicis libris nobilitatem in maiorum claritate, et in opibus ponit.

Sanctus filius] Patris nomen adiunxit, ut cum distingueret ab altero Athenodoro, eius aequali, nam, ut ait Strabo lib. 4. Athenodori duo freres: quorum alter, qui Cordilius vocatus est, cum M. Catone vixit, et post eum obiit; alter vero, Sanctus filius, quem et Cananitam a quodam vico appellant,

Caesaris Augusti praeceptor fuit. De hoc ipso Athenodoro Suidas mentionem facit: et idem Sardonem philosophum nominat, huius, opinor, Athenodori patrem.

Quid de his rebus] Quid de praesentia, quid de nobilitate scripserit.

Amicissimum] Epistolae clausula non caret arte. lenit enim amoris commemoratio animum Appii, iratum fortasse ob superiora. ita Cicero non solum causam, sed etiam humanitatem vincit.

Laborarum] Cum aliis in rebus, de quibus epist. 9. tum in supplicatione tibi decernenda, de qua epist. ult.

Ista cura] Hoc te movere non debuit. alios habeo cupidos honoris mei, maxime vero Cn. Pompeium: quem significat, eum ait, Μυρτιάς Ζεῦς. recitat autem Agamemnonis verba apud Homerum, contra Achillem lib. 1. Iliad. v. 174. *Apud me alii quoque, qui me honorabunt, maxime vero consiliarius Iupiter*: ut, quoniam Agamemnon suum Iovem appellavit Nestorem, sic de Pompeio Cicero intelligat, a quo se amari vehementer putabat. aut nihil proprie de Pompeio, sed uniuersae de amicis omnibus dixit, licet extrema Homeri verba ad unum spectent. Fortasse etiam non scripsit Cicero illud, Μάστιξ δὲ μυρτιάς Ζεῦς, sed aliquis addidit, ut versum absolueret, ignarus Ciceroniani moris. Quid enim notos poetarum versus a primo ad ultimum nominaret? exemplo illud est (ut omittam alia) lib. 6. epist. 18. Τῆς δ' ἀγίας ἰδέσθαι.

Natura]

Natura] Naturae vitia nonnihil excusantur. simul igitur et accusat, et excusat Appium.

Non perficies] Si tua mihi officia defuerint, non mea quidem culpa, sed quod *φιλανθρωπία* natura sis, et calumniis in amicos delecteris: ego tamen retinebo constantiam meam; officia, quae soleo, in te conferam: quae si tibi minus grata fuerint, non laborabo.

Conscientia officii mei] Veritas enim, et innocentia, suis freta viribus, animos addit: delicta vero sequitur metus et humilitas.

Benevolentiae] Simulare enim, aut dissimulare, aut omnino quidquam celare, benevolentia non patitur. quod etiam indicat illud lib. 1. ad Attic. epist. 18. *Nihil mihi*

nunc scito tam deesse, quam hominem eum, quicum omnia, quae me cura aliqua afficiunt, vna communem: qui me amet, qui sapiat, quicum ego colloquar, nihil fingant, nihil dissimulem, nihil obtegant.

Certo iudicio susceptam] Eo susceptam animo, ut perpetuo conseruarem. Hoc dicit, ne videatur fide in gratiam rediisse: quod suspicari Appius videbatur, cum in malam partem acciperet ea, quae minime contra eius existimationem a se fieri Cicero voluerat.

Quoad tu voles] Ita suam humanitatem declarat, ne pluris tamen, quam eius dignitas ferat, Appii amicitiam aestimare videatur. tale illud lib. 5. epist. 2. *Maneo in voluntate, et, quoad voles tu, permanebo.*

EPISTOLAE VIII.

ARGVMENTVM.

Refellit ea, quae Appius obiecerat; probatque si quid feceris, quod Appius inique factum, suique deformandi consilio; interpretaretur; ipsumque Appium aut imprudentem significat, qui sermonibus non proborum hominum crediderit; aut nimis astutum, qui ea, quae ipsi in mentem veniant, aliis attribuat. Agit gratias, quod scripserit diligenter de rebus urbanis, seque omnia Ciceronis mandata curaturum promiserit: in quibus id praecipue rogat, ne sibi prouincia prorogetur. addit de suis rebus, de itinere Amanum versus: item de Partibus, falsam fuisse. de rebus Appii, de suis, de tota republica creberrimas litteras poscit.

EXPLANATIO.

Cum ad urbem esses] Antea, *isses*: nos, *esses*. *Esse* autem ad urbem dicebantur, qui cum potestate prouinciali aut nuper e prouincia reuertissent, aut nondum in prouinciam profecti essent. sic enim scripsit Asconius: eoque modo Ci-

cero, Sallustius, et alii eiusdem aetatis locuti. solebant autem, quod ob res in prouincia gestas triumphum peterent, extra urbem expectare, donec, lege lata, triumphantes urbem introire possent. Et de triumpho Appium cogitasse, ex epist.

10. cognoscitur; ne triumpharet, accusatione Dolabellae factum est, lib. 8. epist. 6.

Refrigerato] Imminuto. sic Aët. 1. in Ver. c. 10. *refrigerata accusatio*. manifesta translatio: cum actionem vis frigoris impediatur. sic ad Dolabellam, lib. 9. epist. 10. *Vnum vereor, ne hostia Caesaris refrigeret*. Contra calere dicitur id, quod sine intermissione fit lib. 8. epist. 1. *rumores caluerunt*. lib. 4. ad Attic. epist. 16. *iudicia calent*.

Hominum provincialium] Quibus de meo in te animo falsa narrantibus credidisti. Phryges et Lycaones nominat epist. 10.

Breui responderem] Brevis responsio non fuit: sed brevis fortasse prae Appii querela: dixit enim, *cum tu tam multis verbis ad me de improborum oratione scripsisses*.

Definitum aut certum] Nam neque rem nominauerat Appius, ex qua non esse sibi amicum Ciceronem coniceret: neque certa signa posuerat, cum ex vultu et taciturnitate de Ciceronis animo coniecturam faceret.

Pro tribunali] In tribunali: ut *pro rostris, pro aede*; sic enim Festus interpretatur.

Possun intelligere] Quia conficius mihi sum animi erga te mei. ex quo sequitur, ut, quid a te dicatur, non intelligam.

Ex superiore, et ex aequo loco] Et pro tribunali, et priuatis in locis.

Ad legatos] Questus erat Appius, quod legatos ciuitatum Romanam ire, ut Appium in senatu laudarent, prohibuisset.

Elegantius] Commodius: quia ita sumptus ciuitatum minui, ne

tuam tamen dignitatem imminuerem.

Iustius] Quid enim iustius, quam leuare sumptibus egentissimas ciuitates, praesertim cum ipsae postulent?

Totum genus legationum] Hanc vnam ob causam legatos Romam ire, ut te laudarent, nesciebam.

Tuo nomine] Tui laudandi causa.

Principes] Primarii ciues.

Cum soluendo non essent] Cum ea tributa soluere non possent. lib. 13. ad Attic. epist. 10. *Magius soluendo non erat*. lib. 2. de Offic. c. 22. *In pecuniis creditis occulte suum gaudium, ne videatur non fuisse soluendo*.

Sapientem] Sapientis autem est, inania continere.

Vt nunc loquimur] Non quod, *urbanus*, nouum esset verbum, cum eo Plautus quoque non semel usus esset; sed quod noua significatio. quod enim peregrini homines ab urbanis morum elegantia et lepore vincebantur; inde coeptum Ciceronis aetate, *urbanus homo* dici, pro eo, cuius in factis aut dictis nihil odiosum, nihil inconditum, nihil turpe notaretur. epistola etiam proxima urbanitatem in Appio laudauit.

In ea enim ciuitate] Ex his verbis, proxime legendum, *Synnaden-sium*, non *Myndensium*, conicio: cum dixerit iam, *idque me arbitror Synnadis pro tribunali multis verbis disputauisse*.

Consilium totum] Ut Romam venirent tui laudandi causa.

Suo sumtu] Non ciuitatum. dixit enim: *ut sumtus egentissimarum ciuitatum minuerem*.

Legitimo] Quantum lex Cornelia concedebat. epist. 10.

Quid enim reprehendi potest] Ex his, quae Synnaadis pro tribunali disputauit.

Quasi consulto] Quia de industria visus est edicere, ne quis iniussu suo Romam profiscisceretur; ut impedimentum profecturis Romam legationibus obiceret.

Si cuius aures] Quaerit enim causas discordiarum.

Editum] Ex quo in provincia ius dicerem.

Translatitium est] Vsitatum, quod ad omnes consuetudine transfertur. sic Coelius epist. 5. *Nos haec translaticia.* lib. 3. ad Attic. epist. 23. *Alterum caput est translaticium de impunitate.* lib. 1. in Ver. c. 44. *In re tam visitata, satis est ostendere, omnes antea ius ita dixisse, et hoc vetus editum translaticiumque esse.* Suetonius in Nerone c. 33. *Raptum, inter maximos imbres, translaticio funere extulit.* Et Plinius lib. 10. c. 50. *Hoc primum antiquis cenarum interdictis exceptum inuenio, iam lege C. Fannii consulis, ne quid volucrum poneretur, praeter unam gallinam, quae non esset altilis: quod deinde caput translaticum, per omnes leges ambulauit.* Haec igitur est sententia Ciceronis. Quod edixi, ne legati Romam iniussu meo profisciscerentur; ex quo suspicatus es, me exquisiuisse aliquid, in quo te offenderem: noui nihil feci, aut a me exquisitum, ut minuerem dignitatem tuam; translaticium id fuit, visitatum antea. cum enim nec priuatae rei causa, nec ut homini priuato, nec ut in priuato loco, sed ut in senatu gratias tibi agerent,

mitti legatos intelligerem; cur in eo me de tua priuata contumelia cogitasse putas? quod si tua priuata res, non publica, ageretur; querendi fortasse de me si non veram, speciosam tamen causam haberes. nunc, si priuatae rei causa legari credidissem, plane desipiens fuisset.

Publico orbis terrae consilio] Orat. 4. in Antonium c. 6. *Senatum, id est, orbis terrae consilium, delere gestit.* Et in eundem 7. c. 7. *Turpe est, summo consilio orbis terrae, praesertim in re tam perspicua, consilium intelligi defuisse.*

Exclusi eos] Priuavi eos profisciscendi potestate, qui me in castra ad Iconium, et qui trans Taurum persequi non possent. nam si nec iniussu Ciceronis Romam ire, nec vnum persequi trans Taurum poterant, ut eundi facultatem impetrarent, videbantur excludi, id est, prorsus omni eundi Romam potestate priuari. Hoc suspicatus erat Appianus. Cicero refellit.

In castra] Ad Iconium. epist. 5. 6. et lib. 15. epist. 4.

Trans Taurum] Iconium enim cis Taurum fuit.

Commoratus] Biduum Laodiceae, quadriduum Apameae, triduum dynadidis, totidem Philomeli. sic enim scripsit ad Catonem lib. 15. epist. 4. aliter tamen lib. 5. ad Attic. epist. 16. et 20. Commoratus autem, quia ius in iis opidis dixit, qua iurisdictione nihil aequabilius, nihil lenius, nihil grauius esse potuisse, scripsit lib. 5. ad Attic. epist. 20.

Venditionem tributorum] Cum enim exigi celeriter tributa non possunt, venduntur alicui, qui, quanti emit, tantum statim de suo nume.

numerat: deinde exigit acerbissime, accepta cogendi potestate.

Capitum atque ostiorum] Cum per singula capita atque ostia exiguntur tributa per eos, quibus vendita sunt. Festus: *Tributorum collationum cum sit alia in capite, alia ex censu, dicitur etiam quoddam temerarium, ut post urbem a Gallis captam collatum est. quia proximis quindecim annis census alius non erat.*

Per magistratus suos] Hoc adiunxit, ne perditas ab Appio ciuitates videatur dicere. perditas tamen per Appium maxime, significat in epistolis ad Attic. atque haec ipsa tributa ita memorat lib. 5. epist. 16. *Audiuius nihil aliud, nisi imperata τραπεζαρία soluere non posse: ἀνὰ ὅμνιον venditas: ciuitatum gemitus, ploratus: monstrata quaedam non hominis, sed ferae nescio cuius immanis.* In epistola vero, lib. 6. expilatas a suis etiam magistratibus ciuitates, easque pecunias suo iussu redditas esse narrat.

Non necessario] Nec enim vlla necessitate cogebantur eas legationes Romam mittere.

Ipsi sunt di sermone] Quod ais visum esse quibusdam, edictum meum quasi consulto ad istas legationes impediendas esse accommodatum; et illud, me exquisiuisse aliquid, in quo te offenderem.

Non debuisti credere] Aut enim, si credidit, imprudens; aut, si fluxit ipse, non amicus.

Minime liberale] Indignum homine liberaliter educato.

Generum tuum Lentulum] Tres igitur Appius generos habuit. nam de duobus Cn. Pompeii filio, et M. Bruto, mentionem fecit epist. 4.

Retulit autem ad eum Romae. Sed mihi suspectus locus est. cur enim ad hunc potius retulit, qui nusquam praeterea nominatur, quam ad reliquos generos? auget suspicionem dissensio veterum librorum: nam Lentuli mentionem plerique non habent.

Libertum tuum] Phanium. epist. 5. *Praefectum*] L. Clodium. epist. 5. 6.

Auctoribus] Monent enim, ne inter amicos tale quidquam dicatur, quale tu ad me scripsisti, hoc inquam: *Disputabant; ego contra diserebam.*

Disputabant] Contra te Cicero. *Contra diserebam*] Cum ego te contra illos defenderem.

Dicebant] Ideo legationes a te impeditas, quia meae laudi inimicus esses.

Voluisses] Id enim ei dixerat L. Clodius. epist. 5. et 6.

Taurum ipse transisti] Quod hominis alieni et fugientis congressum fuisse, scripsit epist. 6. ad Atticum autem lib. 5. epist. 16. *Appius, ut audiuit nos venire, in ultimam provinciam se coniecit Tarsum usque: ibi forum agit.* Et in sequenti ad eundem: *Appius noster, cum me aduentare videret, profectus est Tarsum usque Laodiceam. ibi forum agit, cum ego sim in provincia; quam eius iniuriam non infector.*

Conuentus] Iuris dicendi causa.

Nou dicam plura] Quae mihi de te dicta sunt.

Obiurgem] Quod maleuolorum sermonibus aures dedisti.

Culpa est] Qui genus sermonis inducis in amicitiam nostram minime liberale.

Quod audis] Cum istiusmodi sermonibus non debuicis credere.

Mea ratio] Eodem modo epist. 5. *Tua ratio postea est commutata.* Et lib. 1. epist. 9 *Mea ratio fuit alia.* *Mea*, inquit, *ratio constans et grauis reperietur*: pro, nihil inconstanter aut leuiter commisi: perpetuam quandam in tota amicitia nostra constantiam et grauitatem seruauit: cum tua ratio neque constans fuerit, id quod ex vitato congressu possum suspicari; neque grauis, eum credideris Phrygum et Lycaonum maleuolis de me sermonibus. epist. 10. in extremo.

Astutior] Quasi consulto ad legationes impediendas meum editum, accommodauerim. quae astutia videtur.

Callidius] Cum ironia. potius enim stultitia, quam calliditas est.

Non arbitrarer] Non enim fore putabam, ut in prouinciam irem. epist. 2.

Iure optimo] Nam, si ego te in prouincia laederem, tu me absentem iure optimo defereres.

Quod te putem nolle dici] Recte: nec aliter est in antiquis libris. nam illa inferiora subiungit Cicero ad Appium consolandum: *Hos ego sermones, etc.* Quis autem non laborasse Appium credat, si suae cohorti malediceretur? debet enim, qui prouinciae praest, non ipse tantum vacare culpa, sed suos quoque praestare. quod Cicero fratrem suum, Asiae proconsulem, diligenter monet in illa praecleara de officio proconsulis epistola.

Male dicitur] Male dicere aliqui, est de fama sermonibus detrachere.

In plures] Non enim tibi, sed tuis male dicitur.

Clodius] L. Clodius, praefectus fabrum. epist. 5.

Aliorum improbitate] Vilitata ratio criminis deriuandi. nam et lib. 2. in Ver. c. 20. *Aliunt eum*, inquit, *queri solere nonnumquam, se miserum, quod non suis, sed suorum peccatis et criminibus prematur.*

Multi sunt] Vt reprimere non potuerim, etiam si vellem.

Non offendunt] Nec enim tu aliorum facta praestare debes.

Laessui nunquam] Non excitauit, non commouit.

Repressi] Sic Coelius lib. 8. epist. 1. *Eos sermones repressit.* Et epist. 6. eiusdem libri: *Resudis sermones.*

Neminem bona fide in gratiam redire] Sermo nunc haec erat causa improbis hominibus.

Dissimilitudine] Vide lib. 2. epist. 13. et lib. 6. ad Attic. epist. 1.

Laedi se putat] Notat homines prouinciales, qui non eosdem e Ciceronis institutis fructus caperent, quos ex Appii administratione capere consueuerant. Huc spectat id, quod sequitur: *Liberalitas tua latius in prouincia patuit.* Et illud paullo post: *Non debent mirari homines, me esse acerbum sibi, ut sim dulcis mihi.* Alii legendum arbitrantur, *laedit te putas*: discedentes primum ab antiquis libris, deinde etiam (ut mihi video ostendisse) a mente Ciceronis.

Liberalitas tua] Cum videatur eum laudare, carpit, quasi ex alieno liberalem.

Vt hominis nobilissimi] Excusat qua ratione potest Appii instituta. nobilitas enim ad liberalitatem hortatur. Sed de nobilitate quid ipse sentiat, superiore docuit epistola.

Limani

Limanit aliquid] Detriuit aliquid, detraxit, imminuit, vt lima solet. Hic moneo lectorem, cui fucum fieri non patior, in omnibus, quos ego adhuc viderim, antiquis libris, pro *limanit*, esse, *limabit*, vno dumtaxat excepto, in quo est, *limitauit*. quo equidem tot librorum consensu valde moueor: nec puto, si quid obscurum nobis est, aut etiam corruptum videtur, propterea statim repudiandum. *Limitare* autem *de alicuius prolixa natura*, fortasse est, quod aliquis proluxe et liberaliter facere consueuerit, id quasi intra limites reducere, quos largiendo transire non liceat.

Propter quandam tristitiam temporum] Callide; ne videatur sua sponte ab Appio dissentire. Temporum, inquit, ratio liberalitatem respuit, in qua fortasse te, si soluta mea voluntas esset, imitarer.

Ad largiendum ex alieno] Acerbe in Appium, quasi eius liberalitas ex alieno fuerit, ideoque late patuerit in provincia.

Quibus alii mouentur] Sapientis enim est, parere temporibus. lib. 4. epist. 9.

Acerbum sibi] Quia largitiones Appii non imitor.

Vt sim dulcis tibi] Vt meae laudi consulam. aperta translatio, contrariis expressa, vt in Laelio c. 24. Scitum est illud Catonis, multo melius de quibusdam acerbos inimicos mereri, quam eos amicos, qui dulces videantur.

Aut oneris] Fortasse ne quid ei mandaretur, si Parthi in Syriam irrumperent: quod post M. Crassi necem timebatur.

Aut temporis] Suspiciabatur fo-

re, quod accidit, vt successor ei non mitteretur, propter Gallias impedita prouinciarum omnium successione. qua de re lib. 8. epist. 10. et lib. 2. epist. 10.

Hortensium] Q. Hortensium oratorem,

Nostri collegam] Collegam Appii et Ciceronis in auguratu: quod legitur in prooemio libri de clar. orat. et Philip. 2. c. 2.

Familiarem] Appio quidem ita studuit, vt eum, a Dolabella accusatum, defenderet. in Bruto c. 64. et 94.

Sententia bima] Vt prouinciae per biennium ab iisdem obtinerentur.

Amanum] Quo in monte quae gesserit, scripsit ad Coelium lib. 2. epist. 10. sed copiosius ad Catonem lib. 15. epist. 4.

Mopsuestiae] Opidum Ciliciae, cuius in gymnasio Syriae rex Seleucus, Grypi filius, ob tyrannidem iniquissimam a populo crematus est. Appianus in Syriaco.

Parthico ornatu] Quo plus terroris inferrent. finitimi Syriis Arabes sunt: ideo facilis irruptio est. lib. 8. epist. 10.

Pompeium nostrum] Quo absente infirma respublica videtur. lib. 5. ad Attic. epist. 11. *Pompeius mihi quoque videbatur, quod scribis Varronem dicere, in Hispaniam certe iturus. id ego minime probabam; qui quidem Theophani facile persuasi, nihil esse melius, quam nusquam illum discedere.* Reuersus tamen e prouincia, vt contentiones inter Caesarem et Pompeium sedarentur, censuit, vt in Hispaniam iret: de quo sic lib. 6. epist. 6.

epist. 6. *Eundum in Hispaniam censui: quod si fecisset, civile bellum nullum omnino fuisset.*

Hispaniam] Quam per legatos absens administrabat, acceptam lege Trebonia in quinquennium.

EPISTOLAE IX.

ARGVMENTVM.

Appii litteris, humanissime scriptis, humanissime et ipse respondet: gratulatur de triumphi spe: hortatur ad absolutionem librorum auguralium: petit, ut supplicationem sibi decernendam cures.

EXPLANATIO.

Vix tandem] Quantopere eas Appii litteras expectaret, hoc principio significat. Iero enim nimis videtur fieri, quod vehementer cupimus.

Dignas Ap. Clodio] Quasi aliae Appii litterae non tam ipsius voluntate, qui natura ad humanitatem inclinaret, sed ob sermones improhorum scriptae sint.

Urbanitatem] Humanitatem illam, quae in vrbis hominibus agnoscitur. *epist. 7. Homo, mea sententia, summa prudentia, multa etiam doctrina, plurimo rerum usu, addo urbanitatem, quae est virtus, ut Stoici rectissime putant.* Et *epist. 8. Te hominem non solum sapientem, verum etiam (ut nunc loquimur) vrbis.*

Ex Asia] Ex ea parte Asiae, quae ad prouinciam Ciliciam non pertinuit.

Proficisci] Romam, ut te laudarent.

Appianorum] De quibus *epist. 7. Rescripsi tibi subratu]* Iracundiae confessio satisfactio quaedam est, praesertim cum adiunxerit, *conscientia meae constantis erga te voluntatis.*

Liberto meo] Libertum suum vocat, quod eius uxoris libertus es-

set. id quod ostendit lib. 2. ad Attic. *epist. 4.* aut duo Philotimi fuerunt, vnus Ciceronis, alter Terentiae libertus.

Cognoui] Culpam in alios confert, quo leuius peccasse Appius videatur. nam omnino peccatum aliud quod in eo fuit, quod audierit, et crediderit. *epist. proxima: sin alii tecum haec loquuntur; tua tamen, quod audis, culpa nonnulla est.*

Accefferis] Non enim introierat, quia triumphum sperabat.

Fide] Post gratiam reconciliatam.

Officiis tuendis erga te observantia] Tueri, non est defendere, sed colere: ut lib. 13. *epist. 68. Tuebor omni obseruantia patrem tuum.*

Constantia] Confirmat illud, quod dixit: *mea ratio in tota amicitia nostra constans et grauis reperietur.* Omnino significat, se, post reconciliatam gratiam, amici officio numquam defuisse: itaque fidem et constantiam suam hic nominauit.

Parem gratiam] Operam Appio suam Cicero nauarat in supplicatione, impetranda. *epist. 13.*

Cum

Cum de tuis rebus gestis agebatur, inferuebam bonori tuo.

Studio et benevolentia] Addidit benevolentiae nomen; quia multi student, nec tamen diligunt.

Vel amore potius] Maior est in amore vis, quam in benevolentia: sicuti plus est amare, quam diligere. lib. 9. epist. 14. *Quis erat, qui putaret, ad eum amoreui, quem erga te habebam, posse aliquid accedere? tantum accessit, ut mihi nunc denique amare videar, antea dilexisse.* Et lib. 13. epist. 47. *Vt scires, eum non a me diligi solum, verum etiam amari, ob eam rem tibi haec scribo.* Epist. 1. ad M. Brutum: *L. Clodius, tribunus plebis designatus, valde me diligit, vel, ut ἐκτιμῶμαι dicam, valde me amat.* Et ad eundem lib. 8. apud Nonium: *Sic igitur facies, et me aut amabis, aut, quo contentus sum, diliges.*

Spe] Ex tuis rebus gestis, et quia iam adeptus erat supplicationem: quae triumphus praerogativa quaedam solebat esse, ut ait Cato lib. 15. epist. 5.

Facilius consequeretur] Exemplo tuo, cum ego quoque Ciliciae praesim; nec mihi, successoris tuo, negari posse videatur, quod tibi concessum sit.

Ἐπιούρειον] Esset hoc eius hominis, qui Epicuri sententiam sequeretur, id est, qui ad se ipsum omnia referret, et in sua utilitate cuncta poneret. lib. 7. epist. 12.

Dignitas atque amplitudo] Amplitudinem et dignitatem coniunxit etiam lib. 1. epist. 5.

Longi subsellii] Senatum significat, a quo tarde omnia explicarentur.

Iudicatio] In indicandis rebus, de quibus consultitur. petebatur enim a senatu triumphus: deinde facto senatus consulto lex ad populum ferebatur, ut ei, qui triumphaturus esset, eo tantum die, quo triumpharet, imperium in urbe esset. alioqui urbeni introire cum imperio nemini licebat. itaque de Pontinii triumpho legem a Ser. Galba praetore latam esse, legimus in Dione lib. 39.

Item unum alterumue diem] Consuetudinem senatus in protrahendo rerum exitu significat.

Reliquum promissi] Scripserat ad Ciceronem Appius librum unum de iure augurali, reliquos promiserat. epist. 4. et 11. et Festus in verbo *Solistimum*.

Tale quiddam] Ob hanc fortasse causam, ut Appium remuneraretur, scripsit Cicero librum de auguriis, quem Carisius nominat.

Considerandum est] Si gratus esse volo.

Quonam genere] Quo muneris genere: id est, quid ad te scribam, ut te remunerer.

Videar] Si, accepto a te munere, nihil remittam.

Vt supplicatio] Pro rebus in Amango monte gestis: ex qua victoria imperator appellatus est. quantum Pindenissum etiam postea cepit. lib. 2. epist. 10. et lib. 15. epist. 4.

Difficultas nauigandi] Milit enim litteras ad senatum mense Ianuario. quod lib. 5. ad Attic epist. 20. satis ostendit.

In ipsum discessum seuatus] Discedebat senatus Aprili mense, cuius fere dies omnes vel ludis dabantur, vel festi erant, vel comitiales, quibus haberi senatum non li-

cebat. id quod ex antiquis dierum fastis, quos a nobis explanatos edidimus, licet intelligere. erant autem inter ludos, qui dabantur Aprilii mense, Megalenses, quos aediles curabant. Romani vero ab iisdem aedilibus Septembri mense dabantur: quorum item causa senatum discendisse, ex iis verbis conicio, quae sunt lib. 1. de Orat. c. 7. *Dici memini, ludorum Romanorum diebus L. Crassum, quasi colligendi sui causam, se in Tusculanum contulisse. venisse eodem Q. Mucius dicebatur, et M. Antonius.*

Incidisse litteras meas] Ex quibus referri ad senatum de supplicatione mea ideo fortasse non potuit, quia frequens senatus non af-

fuerit: infrequenti enim senatu fieri senatus consultum non potuerat: quod ostendimus lib. 1. epist. 9. in eo loco: *Mihi est senatus assensus, ut de agro Campano, frequenti senatu, idibus Maiis referretur.*

Appellatus imperator] Deuictis Amanientibus. lib. 2. epist. 10. et lib. 15. epist. 4.

Aliis rebus additis] Capto Pindenisso die quinquagesimo septimo, postquam oppugnari coeptum erat. lib. 15. epist. 4.

Aestiuque confectis] Cum in hiberna milites dimittuntur; nec iam bellum geri per anni tempus licet.

EPISTOLAE X.

ARGVMENTVM.

Appium Dolabella, reuersum e Cilicia, de maiestate et de ambitu accusauerat, eodemque tempore Tulliam, Ciceronis filiam, uxorem duxerat, M. Coelio, Ciceronis et Dolabellae amicissimo, eas nuptias conciliante; de quibus lib. 8. epist. 6. 13. Id factum a suis, insciente se, conatur Cicero probare, et in hanc sententiam multa colligit. Praeterea, suspicante Appio, impeditas a Cicerone legationes, quae Romam ad suam laudem ire decernissent, multis verbis hanc ei suspicionem studet adinere. Mittit etiam commentarium de rebus a se perfectis atque institutis in provincia, quae ad Appii absolutionem pertinerent. Augurat in extremo, censuram ei delatum iri: quod vuenit.

EXPLANATIO.

De temeritate eorum] Dolabellam significat, qui Appium accusauerat.

Tibi negotium facefferent] Te accusarent. *Negotium* et pro re simpliciter capitur, ut alibi, et pro re molesta ac difficili, ut cum additur verbum *faceffere*. quid autem accusatione molestius ac durius? Lib. 4. in Ver. c. 64. *Cum au-*

dissent, ei negotium faceffum. Pro Cluentio c. 57. *Si cui forte negotium faceffetur. Faceffere periculum*, in eadem sententia dixit in Diuinat. c. 14. *Exhibere negotium*, lib. 3. de Offic. c. 31.

Ut me collegi] Cum ad rationem me quieto animo reuocare coepi. Sic lib. 1. epist. 9. *Collegi ipse*

ipse me, et cum ipsa quasi republica collocutus sum.

Cetera] Quod ad periculum accusationis attinet.

In tuis] Praesertim in Pompeio, eius filiae socero, et in Bruto genero: quos pro Appii absolutione laborasse, patet ex epistola sequenti.

Etiam honori] In aduersis enim virtus elucet, et, ut aurum igne, sic innocentia sententiis iudicum probatur.

Ereptum] Recitemus Coelii verba ex lib. 3. epist. 6. quae locum interpretantur: *Non dubito, quin perlatum ad te sit, Appium a Dolabella reuocatum: sane quam non ea, quam existimaueram, inuidia. Neque enim stulte Appius qui, simul atque Dolabella accessit ad tribunal, introierat in urbem, triumphique postulationem abiecerat. Quo facto retudit sermones, paratiorque visus est, quam sperauerat accusator.*

Ego semper iudicauit] Nam, si triumphum exoptasset, consul non deposuisset. qua de re lib. 5. epist. 2. copiose autem lib. 15. epist. 4. quin ipsa verba recitabo: cur enim meo labori parcam, ut alios labore leuem? Si quisquam fuit umquam remoris et natura, et magis etiam, ut mihi quidem sentire videor, ratione atque doctrina, ab inani laude, et sermonibus vulgi, ego profecto is sum. Testis est consulatus meus: in quo sicut in reliqua vita, fateor, ea me studiose secutum, ex quibus vera gloria nasci posses: ipsam quidem gloriam per se nunquam putavi expetendam. Itaque et prouinciam ornatam, et spem non dubiam triumphi neglexi.

Victor] Absolutus.

Triumphum] Tantum enim honorem, tantam laetitiam, absolutus, ex inimicorum dolore capies, quantum, si triumphans urbem introires:

Neruis] Propter virtutem tuam, translatio est a corpore ad animum.

Opibus] Dixi iam, quantumcumque est, quo valemus, opus nominis totum significari.

Contestans omnes deos] Testes vocans omnes deos.

Promitto] Ad Coelium etiam lib. 2. epist. 13. ita scripsit: *Post hoc negotium, et temeritatem nostri Dolabellae, deprecatores me pro illius periculo praebeo.*

Malo enim dicere] Ominis causa, dignitatem potius, quam salutem, nominat; ne periclitari Appius de salute videatur.

Gravitate imperatoris] Ponderis enim plus habebunt officia mea, ob acceptam mihi ex imperatoris nomine dignitatem.

Suscepturum officia] Ne quis ex prouincia Romam iret, ut aduersus Appium testimonium diceret. hinc illud epistola sequenti: *De mercenariis testibus, a suis ciuitatibus notandis, nisi iam factum aliquid est per Flaccum, fiet a me, cum per Asiam decedam.*

Omnia volo a me et postules et expectes: vincam meis officiis cogitationes tuas] Non dissimilis illa sententia lib. 1. epist. 6. *A me omnia summa in te studia officiaque expecta. non fallam opinionem tuam.* Et hic infra: *Quid mihi mandasti, in quo non expectationem tuam diligentia mea vicerim?*

Iniuriam mihi fieri putabam, cum rogabar] Tale illud lib. 1.

epist. 9. *Ea tantae mihi curae sunt, ut me nolim admoneri: rogari vero sine magno dolore vix possum.* Ideo dixit lib. 9. epist. 13. *Peto a te, vel, si pateris, oro.* Rogauerat autem Appium Cicero, ut praestaret sibi quicquid posset pro salute sua, et Coelius lib. 8. epist. 6. *Appius in te maximam spem habet.*

Pompeium] Socerum filiae tuae.
Vnum ex omnibus] Pluris facio, quam omnes.

Brutum] M. Brutum, Appii generum. epist. 4.

Facinus] Quod non liceat.

Dedecus] Quod non deceat. grauius autem facinus, quam dedecus.

Pontinus ERN. Pontinius] C. Pontinius, Ciceronis legatus, praetorius, qui de Allobrogibus triumphauerat, Appio ipso consule adiuvante. lib. 4. ad Attic. epist. 16. *Erit cum Pontinio Appius consul.*

Tractatus est] Quia consul Appius, ut proxime dixi, adiutor ei fuit in obtinendo triumpho.

Fide] Cum debitam amicitiae fidem praestitisti.

A me inuitissimo] Sic malo, quam, *inuitissime*: nam, Pontinium non libenter discessisse, verba illa satis ostendunt, *maximis rebus suis coactus*. nunc significationem suae voluntatis et amoris in Pontinium Cicero dat, cum inquit, *a me inuitissimo.*

Laodiceam] Vt in provincia operam daret, ne testes in Appium Romam irent, ex quo patet, accusatum Appium de rebus in provincia gestis, quibus maiestatem populi Romani laesisse videretur.

Amplitudo ERN. Amplitudini

ista sollicitudo futura] Idem aliis verbis paullo ante, *istum laborem tibi etiam honori putarem fore.*

Si vero efficias, ut censores creentur] Quod si accidat; fore non dubitat, ut censor ipse Appius creetur. itaque subiungit: *et, si ita gesseris censuram.* creatus autem est cum L. Pisone, in quem exstat Ciceronis oratio. lib. 8. epist. 14. lib. 1. de Diuin. c. 16. Dio lib. 40. orat. contra Sallustium c. 6.

Et potes] Cum tibi neque animus, neque consilium desit.

Prorogetur] Ne quid ad hoc annum provinciae munus temporis addatur.

Hic tibi satisfecerimus] Paullo ante dixit, *promitto atque confirmo, me pro tua dignitate (malo enim dicere, quam pro salute) in hac provincia, cui tu praefuisti, rogando deprecatoris, laborando propinqui suscepturum officia atque partes.*

Nauare] Praestare, tribuere.

Hominum atque ordinum] Epistola quoque 9. lib. 1. coniunxit homines et ordines: *Cum me universa respublica comitiis centuriatis, cunctis ordinibus, hominibus incumbenibus, omnibus denique suis viribus recuperasset.* Ordines autem in ciuitate tres fuere, senatus, equites, plebs.

Minime miranda, et maxime iucunda] *Nec miror, et gaudeo, dixit lib. 10. epist. 1.*

Ampla] Vt mihi plurimis in rebus vsui esse possit.

Iucunda] Ob multas suauitates. addit enim, *iucunda*; ne videatur eum diligere dumtaxat humanitatis causa.

Vna

Vna] Vna in primis. habet enim non tam definiendi, quam augendi vim.

Adollescente] Dolabella.

Duobus capitis iudiciis] Lib. 6. epist. 11. scribit se Dolabellae periculis non desuisse. *Capitis* autem *iudicium* fuit, quo libertas aut civitas amittebatur.

Oblivisceretur] Amicitiae, quae mihi tecum intercedit, rationem non haberet.

Vel ornamentis, vel praesidiis] Iis rebus, quae vel ornamento, vel praesidio esse possunt: quas memorat lib. 2. epist. 13. *Quid*, inquit, *est causae, cur mihi non in optatis sit, complecti hominem, florentem aetate, opibus, honoribus, ingenio, liberis, propinquis, affinis, amicis?*

Vt leuissime dicam] Non dicam, omnia, sed, multa desissent.

Sermo stultus] Disputabat fortasse, probari a Cicerone accusationem illam, hoc argumento, quod sibi tunc filiam suam collocasset.

Coelio] Hae Coelii litterae, quas hic Cicero significat, non exstant. nam in iis, quas habemus, nulla sermonis huius Dolabellae mentio fit. de iungendo autem inter eum et Tulliam, Ciceronis filiam, matrimonio, loquitur Coelius in duabus epistolis, lib. 8. 6. et 13.

Coniunctionem] Amicitiam, quae antea fuerat. lib. 6. epist. 11.

Nequam] Nuptiis filiae conciliatam.

Neque id est obscurum] Multos enim et illustres, et ex superiore, et ex aequo loco, sermones habitos esse cum summa Appii laude, dixit epist. 8.

Alienum tempus est] Ne satis grauem ex accusatione curam sustinenti hoc etiam addam molestiae.

Necessarium] Quia significatur in tuis litteris suspicio quaedam et dubitatio.

Legationi] Hac de re vide epist. 8.

Si clam, magis aperte inimicus] Si quis est, qui se veteribus ita libris addixerit, ut locum coniecturae nullum relinquit; legat hic, *sic iam magis aperte inimicus essem*. nam ita diserte ac plane in antiquioribus libris, etiam in illo Mediceo, scriptum est. *sin perquirenda veritas est, et licet a mendosis incorrupta distinguere: dubitandum, opinor, non erit, quin hic pro, sic iam, reponatur, si clam; pro essem, esse.* quod olim a singulari viro, Petro Danesio Parisiensi, Episcopo Vaurensi, quem ab adolescentia mea dilexi vehementer et colui, acute animaduersum ita probaui, ut imprimi voluerim. neque haec postea coniectura hominibus eruditis, cum et ipsi has epistolas emendarent, displicuit.

Qua sunt ii] Epist. 8. *Si quis est, qui neminem bona fide in gratiam putet redire posse: non nostram is perfidiam coarguit, sed indicat suam.*

In obscuro odio] Si clam te odissem. quod proxime dicit.

In quo tibi nihil nocerem] Iterat illud, in quo potui, si te palam odissem, minus, quod tibi obesset, facere?

Ad me adire quosdam memini, nimirum ex Episteto, qui dicerent] Quis non videt, abundare illud, *nimirum ex Episteto?* quod vitium nec olim in nostris libris haerere passus sum; et nunc eo magis in sententia confirmor, quod a veteribus octo libris nostram opinionem

nionem video comprobari. Praeterea, non ex Epicteto, sed ex multis ciuitatibus ad Ciceronem adire, vt immoderatis sumptibus leuarentur. quod epist. 8. demonstratur his verbis: *Apameae cum esset, multarum ciuitatum princeps ad me detulerunt, sumptus discerni legatis nimis magnos.*

Non tam imperaui, quam censi] Non tam hoc imperii, quam iudicii fuit. non hoc pro imperio feci, sed quod ita faciendum censi.

Ad legem Corneliam] Sumptum videtur lex Cornelia definiisse, cum ad eorum laudem, qui prouinciis praefuissent, legationes Romam mitterentur. huc illud spectat, quod scriptum est epist. 8. *Laudaturum me, si qui suo sumptu functus esset officio: concessurum, si legitimo: non permissurum, si infinito.*

Rationes ciuitatum] Tabulae publicae, in quas accepti expensique ratio refertur.

Induxis] Vsurpari solitum est hoc verbum in expensis perscribendis. eodem modo locutus orat. 2. in Rullum c. 36. *Vt agros, inquit, a vobismet ipsis emtos, quanti velletis, populo Romano induceretis.* Et lib. 1. in Ver. c. 41. *Tutores, pecuniam praetori si pupillae nomine dedissent, grandem praesertim, quemadmodum in rationem inducerent, quemadmodum sine periculo suo dare possent, non videbant.*

Non modo sublatos] Vetitos, edicto meo.

Querere] Quod leuissimis hominibus aures praebueris. epist. 8. *Tua, quod audis, culpa nonnulla est.*

Hoc tuo tempore] Cum sis reus, nec addere laboranti molestiam de-

beam. lib. 1. epist. 9. *Scripti tres libros de temporibus meis.* lib. 2. epist. 6. *Novitate meorum temporum.* lib. 11. ad Autic. epist. 12. *Eum tibi commendare hoc meo tempore non audeo.* Non videtur hoc loco, quod ad refellendas Grammaticorum inanes nugas pertinet, omittendum. Clamant, ac paene iureiurando confirmant, in iis rebus, quae ad secundam personam referuntur, semper *iste*, non *hic*, usurpari solitum in Latina lingua. qui si diligenter, quam late pateat vsus Latini sermonis, attendissent: non dubito, quin aliter sentirent. de Appii accusatione dixit hic Cicero, *hoc tuo tempore*, non *isto*. et ad Furnium, lib. 10. epist. 25. *haec ambitiosa festinatio*, cum tamen de Furnii festinatione loqueretur. Coelius etiam lib. 8. epist. 10. *haec exignitas copiarum*, de prouinciali Ciceronis exercitu. Huius generis exempla, quae vitandae satietatis causa praetermittito, Cicero multa suppeditat: qui mihi vel vnus pluris est, quam omnes Grammatici.

Nihil de te] Non contra te, sed pro me disputabo.

Nihil in me] Multis argumentis ostendit, cur Appius maleuolorum sermonibus non debuerit credere. argumenta autem ducit primum a persona sua, cum ait, *nihil in me*: deinde a persona Appii, cum subiungit, *florentissimi hominis*: tum a tempore, in eo, *eius existimationem oppugnare in prouincia, eius laudem domi defenderis*: ab ipsa re, cum inquit, *in ea re animum ostendere inimicum, in qua nihil obsis*: ab ingrati animi culpa, cum inquit, *quid erat autem*: a constantia

stantia sua, quid in consulatu tuo frustra mecum egisti: ab vtili, quid mihi tandem erat vtilius? a studiis, a consuetudine, a litteris, quid? illa vincula: ab hominum opinione, quid illa tandem popularia? postremo a Cn. Pompeii persona, quis umquam tanti, etc.

Perfidiosum et insidiosum] A quibus vitiis longe vir bonus abest, et is, qui se studiis optimis liberalique doctrinae dedit.

Humile] Refertur ad illud, si satis magni animi.

Ieiunum] Ad illud, non vicini consilii. cuius enim consilii est, ieiunum quiddam ad laedendum deligere, et ostendere voluntatem nocendi, in quo nocere nihil potest?

Agnoscere] *Agnoscere*, et hic, et alibi nonnumquam, verum fateri est. lib. 4. epist. 4. *Illam partem excusationis nec agnosco, nec probo.*

Sin astutum et occultum inuat fingere] Epist. 8. *Quod si qui me astutiores fingit.*

Quid est, quod minus cadere in eiusmodi naturam possit] Epist. 8. *Quid potest esse callidius, etc.*

Florentissimi hominis] Lib. 2. epist. 13. *Quid est causae, cur mihi non in optatis sit, complecti bonum, florentem aetate, opibus, honoribus, ingenio, liberis, propinquis, affinibus, amicis.*

Eius existimationem oppugnare in provincia] Idem epist. 8.

Cuius laudem] Praesertim in supplicatione, de qua in epist. ult.

In qua nihil obsis] Dixit idem paullo ante. Et similiter lib. 2. in Ver. c. 68. *Vt coniecturam faceretis, qualem in his rebus in me*

L. Metellum fuisse putaretis, in quibus rebus obesse mihi posset, cum in hac re tam aperta cupiditate fuerit, in qua nihil obsis.

Ne tunc quidem] Ne tempore quidem exilii mei, cum actum est de me restituendo.

Prope necesse esset] Quia frater tuus, P. Clodius, me oppugnaret.

Eas agere partes] Oppugnare salutem meam.

Cognossem] Reuersus in patriam ab exilio.

Expetisset] Nam, qui in gratiam inuiti redeunt, rursus amicitiam facile disciunt. Vtutur Cicero hoc verbo ad tollendam occulti odii suspicionem.

Te Paucolis prosequeretur] In provinciam proficiscentem: quod in more fuit. lib. 13. epist. 6. *Cum te prosequeretur pulchrum.*

In quo non expectationem tuam diligentia mea vicerim] Supra, *vincam meis officiis cogitationes tuas.*

Affines] Maximè Pompeius et M. Brutus. epist. 4.

Astutia] Quod utilitatem meam spectauerim.

Sapientia] Est enim sapientis, eius amicitiam expetere, in quo illa sint, quae proxime nominavit.

Atque haec domestica] Haec, quae commemoravi, priuata sunt, et inter nos: exponam nunc, quae publice nota sunt, ac populo patent. *Atque*, uon copulat, ut alibi: sed concludit. lib. 6. epist. 1. *Atque haec eo pertinet oratio, ut, perditis rebus omnibus, tamen ipsa virtus se sustentare posse videatur.* Interdum et concludit, et viam simul aperit ad aliam sententiam, aut ad aliam argumenti partem: vt

Phil. 1.

Phil. 1. c. 2. *Atque haec omnia communiter cum collega. alia porro propria Dolabellae. Simile illud lib. 12. epist. 2. Sed haec tolerabilia: illud non ferendum. Et Phil. 2. c. 11. Sed haec vetera: illud vero recens, Caesarem meo consilio interfectum.*

Quid illa tandem popularia] Notanda transcendendi ratio, colligata sententia vnico verborum ambitu, et inductio nouorum argumentorum initio: vt Tusc. 1. c. 14. *Vetera iam ista, et religione omnium consecrata. Quid in hac republica tot, tantosque viros, ob rempublicam interfectos, cogitasse arbitramur?* Et lib. 3. in Ver. c. 27. *Privatim hoc modo: quid? publice civitates quemadmodum tractatae sunt?*

Reditus illustris in gratiam] Cum enim clari in ciuitate viri in gratiam redeunt, non potest esse obscura illa reconciliatio, praesertim ex grauissimis inimiciis. accedit illud, quod, cum in gratiam per Pompeium rediissent, auctoritate et opibus eximium, illustris eo quoque nomine reditus in gratiam fuit. rediisse autem in gratiam auctore Pompeio, ex epistola Ciceronis ad M. Brutum, cuius testimonio vitur Quinctilianus lib. 9. c. 3. intellexi.

Ne per imprudentiam quidem errari potest sine suspitione perfidiae] Confirmat hoc, quod scripsit Coelius lib. 8. epist. 9. de Appio a Dolabella accusato: *Cum quo simulat si tibi non fuisset, liberius tibi de tota re esset. - Nunc, si ad illum summam veritatem legitimus ius exegeris: cauendum tibi erit, ne parum simpliciter et, can-*

dide posuisse inimicitias videaris. Et in orat. pro Gabinio: Ego cum omnes amicitias tuendas semper putauit summa religione et fide, tum eas maxime, quae essent ex inimiciis reuocatae in gratiam: propterea, quod integris amicitiiis officium praetermissum, imprudentiae, vel, vt grauius interpretemur, negligentiae excusatione defenditur: post reditum in gratiam, si quid est commissum, id non neglectum, sed violatum putatur, nec imprudentiae, sed perfidiae assignari solet.

Amplissimi sacerdotii] Auguratus. fuit enim vterque augur. epist. 4. et lib. 2. epist. 13. *Amplissimum* autem vocat sacerdotium, non quia ceteris praekaret; nam ea quidem dignitas pontificatus maximi fuit; sed quod esset inter amplissima. Pontificatum autem maximum vere sacerdotium amplissimum vocat Phil. 13. c. 4. Augures autem inter sacerdotes fuisse, indicat Plinius lib. 8. c. 28. his verbis: *Artem auguria fecere apud Romanos: et sacerdotum collegium vel maxime sollemne est.*

Restitutum] Cum me ab exsilio reuocauit.

Cum ipse abesset] Din abfuit Pompeius, bellorum causa. gessit enim Hispaniense, Piraticum, Mithridaticum; cum Cicero aut magistratus gereret, aut certe senator esset.

Contentionem meam] Summum studium. lib. 1. epist. 9. *Caesaris, vt illum defenderem, mira contentio est consecuta.* lib. 2. epist. 6. *Quantopere mihi esset omni, non modo contentione, sed etiam diminutione elaborandum.*

Pro Milone] Reo ob necem P. Clodii.

Aduersante actionibus suis] Cicero enim pro Milonis, amicissimi sui, salute contendebat: Pompeius consul id, quod e republica esset, diligenter curabat: itaque, cum iudicium de Milone fieret, forum armatis militibus sepsit: quod queritur Cicero in orat. pro Milone c. 1.

Invidia] Quia suspicio fuit, consilio Ciceronis Clodium a Milone interfectum: idque Plancus et Q. Pompeius tribuni plebis seditiosis concionibus persuadere populo conati sunt.

Armis denique textis suis] Exercitum eo tempore Pompeius in vrbe habuit, ne quid respublica, ei conuulsa, detrimenti caperet. quam rem, vt nouam et iniustam, accusat Caesar his verbis lib. 3. de bell. ciu. c. 1. Nonnullos, ambitus Pompeia lege damnatos, illis temporibus, quibus in vrbe praesidia legionum Pompeius habuerat, in integrum restituit. Quod autem ait, *textis*, explanatur hic locus epistola Balbi lib. 9. ad Attic. epist. 6. in qua sunt haec: *Mihi placet, si tibi videtur, te ad eum scribere, et ab eo praesidium petere, ut petisti a Pompeio, me quidem approbante, temporibus Milonianis.* Praesidium autem illud Cicero petiit metu plebis ob Clodii necem concitatae.

Phrygi, aut Lycaoni] Phrygiam et Lycaoniam ad prouinciam Cili-
ciam pertinuisse, vel hic locus ostendit.

Filius] Cneus. nam Sextum Libonis filiae virum fuisse puto: vt diximus epist. 4.

Eas ad me is litteras miseris] Filium a Pompeio, non modo litteras, ad Ciceronem Appii causa missum iri, creditum est. lib. 8. epist. 6.

Ita de me meriti] Cum mihi patriam, liberos, salutem, dignitatem, memet et ipsum mihi per illum restitutum putem.

Quae a me perfecta, quaeque instituta sunt, cognosce] Alii, *perfecta*. mihi placet, *perfecta*: nec tamen placet sine auctoritate veterum librorum. et recte coniunguntur, *quae perfecta iam, quaeque instituta sunt.* *Cognosce*, dixit, quia cum litteris commentarium mittebat de rebus a se pro Appio actis et agendis. partem quidem ipsius epistolae desiderari nullam puto, quamquam alii contra sentiant.

Magis pro dignitate, quam pro periculo] Sic in principio huius epistolae: *Me pro tua dignitate (nalo enim dicere, quam pro salute.)*

Audiemus] Audiit. censor enim creatus est Appius, vt paullo ante ostendimus, cum L. Pisone.

Magistratus] Non proprie: si iurisdiclio aut imperium magistratum facit. nam neque ius dicebant censores, nec imperium habebant.

Maximi animi] Cum censor summos viros, etiam consulares, e senatu interdum eiiceret.

Summi consilii] Valeat consilio censor, opus est, cum de vniuersa ciuitate iudicet, omniumque plane-
cium notandorum potestatem habeat.

Cogitanda esse censeo] Opinor hic adiuncta fuisse, quae a se perfecta et instituta dixit.

EPISTO.

EPISTOLAE XI.
ARGVMENTVM.

Gratulatur Appio, quod absolutus esset, de maiestate: eundemque fore exitum iudicii de ambitu confirmat. Cn. Pompeium et M. Brutum effert laudibus, quod egregiam Appio fidem ac benevolentiam praestitissent. suam operam pollicetur ad eos notandos, qui testimonium in Appium pretio dixerant. Subiungit de statu reipublicae, de auguralibus Appii libris, de suis litteris cum aliqua benevolentiae significatione. Postremo adhortatur, ut in censura gentilem suum imitetur App. Claudium Caecum. Mistra est epistola; moralis, ubi gratulatur et hortatur; negotialis, ubi de testibus, de auguralibus libris, de Tullio, de litteris agit.

EXPLANATIO.

Pyramum] Ciliciae Fluium.
Maiestatis] Quo cum crimine Dolabella reum fecerat.

Permultum ante] Respuunt hoc aures meae, cum Latini sermonis consuetudo, *permulto ante*, requirere videatur. quamquam, Valla quid scripserit, non me fugit. sed in antiquis fero omnia, (quamquam, mendosa non esse, quis praestat?) non omnia tamen imitor.

Insignibus ad laudem viris] Insignia ad maximam laudem, dixit etiam in Oratore c. 14.

Complexus] Prae gaudio ex tua absolutione suscepto.

De ambitu vero quid interest, inquires, an de maiestate] Haecenus Appio, iudicio maiestatis absoluto, gratulatus est Cicero: deinceps bene ominatur de ambitus iudicio, quod supererat. aequae enim in utroque crimine expertem culpae esse Appium ostendit: ipsumque inducit hoc modo interrogantem. Putas idem esse, de ambitu. et de maiestate absolui, an aliquid interesse? id est, qui exitus fuit iudicii de maiestate, eundemne fore pu-

tas eius iudicii, quod de ambitu fiet? Respondet Cicero. Ad id, quod agitur, ad causam tuam nihil interest. nam, etsi diuersa sunt crimina, nec necesse sit, qui de maiestate absoluitur, eundem absolui de ambitu: tamen, cum tu maiestatem auxeris, ambitum non attingeris, quis eundem iudicii exitum non expectet? Absoluta hac parte, quae tunc ad gratulationem facit iudicii, tum ad amouendam futuram molestiam pertinet, conuertit Cicero orationem contra Dolabellam; ut Appium duplici afficiat gaudio, primum ex iis, quae de ipso iam dixit, deinde ex iis, quae in eius accusatorem dicturus est. Verumtamen, inquit, ex duobus criminibus, quae tibi obicit accusator, alterum in ipsum potius conferendum videtur; cum sit maiestas, ut Sulla sua lege sanxit, ne in quemvis impune declamare liceat; ille vero te prorsus innocentem, ut ostendit iudicii exitus, accusauit: itaque lege Cornelia puniendus: ab altero autem cum te longissime abesse omnes iudicent; (honorum enim tuorum cursus cui suspectus

vnuquam

vmquam fuit?) sequitur, vt improbe te Dolabella, malicouentia impulsus, accuset.

Declamare] Palam maledicere, ac de fama detrahere. quod si malicostis crimen est: nullo magis, cum homo innocens aecusatur.

Ambitus] Ambitum esse, cum honores pecunia quaeruntur, ignorat nemo.

Ita apertam vim habet] Hoc loco vim accipio pro natura: vt sit quasi ambitus definitio: sic locutus lib. I. de Offic. c. 28. *Duplex est vis animorum atque natura.* et in Orat. c. 31. *Eloquentiae vim et naturam explicemus.*

Inprobe] Improbus est, vel qui ambitum aeculat, vel qui defendit. cum enim largitio facta, aut non facta ignorari non possit; nemo vir bonus eius delicti nomine quemquam accusabit, quo eum vacare satis liqueat. rursus nocens reus improbe defendet, quod multorum testimonio probetur. inprobe igitur Dolabella, qui te de ambitu aecuset, cuius honorum cursus nemini suspectus vmquam fuit. Hoc totum pro Appio contra Dolabellam, generum suum, tempore seruienti Cicero collegit: quod factum excusat ad Coelium lib. 2. epist. 15. his verbis: *Quid, si meum legas, quam ego tui ex tuis litteris nisi ad Appium? Sed quid agas? sic viuatur.*

Risus] Patefacta, atque exagitata accusatoris tui leuitate ac stultitia.

Bonorum et fortium] Nam neque timida probitas, neque improba fortitudo utilis reipublicae.

Vel aetatis] Non modo honoris, verum etiam aetatis.

Orba] Vt orbat parentibus pupilli suos tutores caros habent, incolumesque esse cupiunt.

Pompeii et Brutii] Vnam ex duabus Appii filiis uxorem duxerat Cn. Pompeii filius, alteram M. Brutus. epist. 4. Brutus vero et laudauit reum Appium, et defendit. illud ex Diomede, hoc ex libro de clar. orat. c. 94. constat.

Fidem] Affinitati debitam. *Virtute et officio*] Virtute, quod potuerint; officio, quod noluerint ac laborauerint.

Omnium saeculorum et gentium principis] Eandem ornauit, laude singulari, epist. 7. *Quem omnibus, qui vmquam fuerunt, antepono.*

Iuuentutis] Vere: nam probitate, doctrina, animi magnitudine, studio in reipublicam neminem eum M. Bruto conferendum fuisse, quis negabit?

Mercenariis] Qui mercede conducti ex Asia Romam iuerant, vt in Appium testimonium dicerent.

Per Flaccum] Cum loquatur de iis, qui ex prouincia, cui praefuerat Appius, contra eum Romam profecti erant; non possum suspicari, Flaccum propraectorem esse. nam eandem prouinciam Cicero post Appium rexit. aliquis fortassis de Ciceronis cohorte fuit, in Asiam ab eo missus, vt mercenarios testes a suis ciuitatibus notandos curaret.

Per Asiam] Nunc enim erat in Cilicia.

Quasi formam] Translata verba, ne asperitatem habeant alieno loco, molliuntur praepositis aduerbiis, quasi, tamquam, veluti, et similibus. *Forma* est, ad cuius exemplar aliquid fit, vt aedificium. sed *forma* transfertur ad multas res,

Q

et

et vsurpatur ita saepe, vt iam in proprii fere verbi naturam transierit: itaque nihil interdum, molliendi causa, Cicero praeponit, vt lib. 2. epist. 8. *Abs te futura exspecto, vt ex tuis litteris cum formam reipublicae viderim, quale aedificium futurum sit, scire possim.*

Communium] Quae ad omnes aequae pertinent.

Quam timebam] Hoc anno, id est L. Paulo M. Marcello cos. diffidere coepit a Caesare Pompeius, fero timens, quem ipse cum antea semper, tum biennio ante consul tertium auxerat. lib. 6. epist. 6.

Maiora praesidia] Potest hoc quoque ad illud referri, quam timebam.

Se ad Pompeii ductum applicaverunt] Vt Pompeius, tamquam dux, omnia regeret.

Rempublicam] Quae putabatur esse in partibus Pompeii.

Nam] Alibi, nam, causam rei antecedentis demonstrat, hic ad aliam sententiam transiit. vt lib. 1. epist. 9. *Nam de Appio quod scribis.* et lib. 2. epist. 16. *Nam, quod rogas, vt respiciam generum meum.* Et lib. 7. epist. 32. *Nam, de iudiciis quod quereris, multo laboro minus.*

Augurales libros] Quos Appius de iure augurali ad Ciceronem scripserat. epist. 4. et 9. ad Attic. autem lib. 10. epist. 8. *Auguria, inquit, me incitant quodam spe non dubia, non haec collegii nostri ab Appio, sed illa Platonis de tyrannis.* Festus in verbo *Sollistimum*.

Tua promissa] Reliquos augurales libros, primo antea misso, quos Cicero epist. 9. petierat his

verbis: *Velim, reliquum quod est promissi ac muneris tui, mihi persolvas.*

Ad urbem] Eorum more, qui ex provincia cum imperio reuersi ad urbem expectant, vt eis triumphus decernatur. epist. 8. *Videbam, te hanc epistolam, cum ad urbem esses, esse lecturum.*

Otiosissimum] Non, vt postea cognouit, accusationis cura impeditum. ex quo diutius ad urbem otiose permanere Appio non licuit; sed, abiecta triumpho postulatione, urbem ingressus est. lib. 8. epist. 6.

Orationes tuas] Vel quas habuit pro se ipso in maiestatis iudicio, quo erat absolutus: vel quibus antea varias causas defenderat. nam cum in Bruto c. 77. nominat Cicero inter oratores, ac laudat his verbis: *Ap. Clandius, collega et familiaris meus, et satis studiosus, et valde eum doctus, tum etiam exercitatus orator, et cum auguralis, tum omnis publici iuris, antiquitatisque nostrae bene peritus.*

Tullius] Non videtur hic esse L. Tullius legatus, de quo lib. 15. epist. 4. et lib. 5. ad Attic. epist. 4. 11. 21. sed potius ex familiaribus Appii, quod Ciceronis verba demonstrant. fuere igitur quinque Tullii, praeter Ciceronem nostrum. hic, familiaris Appii, et L. Tullius legatus, et M. Tullius scriba, de quo lib. 5. epist. 20. et L. Tullius Montanus, de quo lib. 12. ad Attic. epist. 52.

Bis ad te scripsi] Duas epistolas significat, 8. et 10. in quibus leuiter Appium accusat, quod improborum sermonibus crediderit. nam de vitato congressu queritur epist. 6. de Appianorum vero aedifi-

aedificatione impedita purgat se
epist. 7.

Quod genus querelae] Non enim te, quod improbus ipse effes, sed quod improbis credidisses, accusavi.

Disertae] Ornate loquentes.

Aristarchus] Grammaticus Alexandrinus Aristophanis discipulus, ut in Carisio et Suida legimus. is Homeri versus iudicavit, ut veros ab adulterinis seerneret. lib. 9. epist. 10.

Proauo] Ap. Claudio Caeco, qui censor aquam Claudiam in urbem perduxit, anno urbis CDXLI; sed is antiquior, quam proauus. parum enim subtiliter Cicero temporum rationem examinat. Quid, quod idem in huius Ap. Caeci mentione non solum ab historia discrepat, cum appellet hic proauum, qui longiore distat intervallo, sed ipse etiam sibi non constat: nam quem

in hac epistola proauum, in orat. de haruspicum responsis c. 18. abauum Clodii vocat. *Ne id quidem sentis*, inquit, *conuincens illos oculos abauum tui magis optandos fuisse, quam his flagrantem sororis?* Fuit autem Ap. Caecus P. Clodii non proauus, aut abauus, sed tritauus: quod ex fastis maxime Capitolinis licet colligere. similis *avrogeta* Ciceronis in orat. pro domo c. 47. cognoscitur. C. *Atinius*, inquit, *hunc Q. Metelli, dui tui, Q. Metelle, consecrauit.* Metellum Macedonicum (hunc enim significari, ex Plinio lib. 7. c. 44. et epitome Liuiana lib. 59. cognouimus) auum appellat Q. Metelli Nepotis, qui tum consul erat: cum proauus eius, non auus, fuerit. nam Macedonici filius Balearicus genuit Nepotem, patrem huius Nepotis, quem Cicero appellat: quod Pedianus in commentario Cornelianae, et fasti etiam Capitolini, declarant.

EPISTOLAE XII. ARGUMENTVM.

Gratulatur Appio de absolutione ambitus: excusat filiae nuptias, quam accusator Appii Dolabella uxorem duxerat: seque ait ea causa diligentiore ad beneuolentiam declarandam esse factum.

EXPLANATIO.

Virtutis, industriae] Multis rebus ornat virtus et industria: sed multis virtute praeditis nonnumquam defuit industria; quae excellentiis, qui et prompte res agrediuntur, et diligenter perficiunt.

Ne in tabellae quidem latebra] In tabellis, quibus iudices absoluebant, aut condemnabant reos, latere poterat maleuolentia. quis enim sciret, a quo damnatus esset?

quae tamen in tabellis occulte impugnare Appium maleuolentia potuit, nulla tuit: quoniam sententiis omnibus absolutus est.

Non horum temporum, non horum hominum atque morum] Tempora sunt inimica virtuti, hominum voluntas ad flagitium propensa, mores consuetudine corrupti. quis igitur exitum iudicii tui tam gloriosum existuisse non miretur?

De me autem] Quod autem ad filiam meam, accusatori tuo collocatam, pertinet: suscipe meam personam, ut putes te esse, qui ego sum: tum intelliges, mihi ignoscendum esse, nunc haesitanti. quia nec tu facile inueneris, quod dicas. haesito autem, quia neque possum dicere probari a me nouam affinitatem, quae cum accusatore tuo contracta sit; nec improbare deo, ne malis omnibus prosequar eam rem, quam tu quoque mihi prospere cupis euenire.

Eum te esse finge, qui sum ego] Lib. 7. epist. 23. *Fac, quaeso, qui ego sum, esse te.*

Si facile inueneris] Tibi accidet, quod nunc mihi, ut non inuenias, quod dicas. ita intelliges, ignoscendum nunc esse haesitationi meae. quod si inueneris, quod dicas, ne ignosce.

Haesitationi meae] Quia non possum explicare, utrum malletm, facias, an infestas cum Dolabella nuptias. si facias, laedi videtur amicitia nostra, cum accusatoris tui affinitatem probem: si vero infestas, non ominabor optime de filiae coniugio. quod cum ita sit; aequum est, a te ignosci haesitationi meae. sin aliter sentis: finge te esse, qui ego sum; tu quoque haesitabis.

Sed ita cecidisse] Sed quod ita ceciderit, ut agerentur eo tempore, cum tu reus es; omnino felicitatem aliquam et spero, et opto; verumtamen cum hac spe coniunctus dolor est, quod acta sint eo tempore, quo ego minime voluissem: quem mihi dolorem minuit sapientia et humanitas tua: sapientia, quod cum perspicies, hanc rem, me

insciente, a meis esse factam, prorsus omni me culpa liberandum intelliges: humanitas, quod nihil te durius de me suspicari tua natura patietur.

Opportunitas temporis] Non enim opportuno tempore facta res est. itaque, ut rem ipsam probem, tempus tamen probare non possum.

Ea de re] De nuptiis.

Neque non me tamen mordet aliquid] Quiddam tamen est, quod moleste feram, hoc videlicet, quod, quo tempore Dolabella tuam salutem oppugnabat, eo sit a meis ei filia mea in matrimonio collocata.

In quo unum vercor ERN. non vercor] In quo unum certo scio, non te parum perspicere, etc.

Ab aliis] A M. Coelio. lib. 8. epist. 6. tres antiqui libri, *ab illis*: quinque, *ab aliis*.

Tam longe] In prouincia.

Ad me ne referrent] Falsum: nam retulit ad cum Coelius. lib. 8. epist. 6.

Rem probassem] Probari a se rem ostendit, ne male ominetur. proxime: *neque enim tristius dicere quidquam deo ea de re, quam tu ipse omnibus optimis prosequeris.*

De tempore] Vtrum affinitas cum Dolabella, quo tempore Appium accusabat, iungenda, an post exitum iudicii reiicienda; ne quid Appio eius coniugii fama, propter auctoritatem, et gratiam Ciceronis, apud iudices noceat.

Laborantem] Cum non facile reperiatur, quod dicat in ea re, quam neque improbare vult, ne filiae nuptias omnino parum laeto prosequatur, neque improbare audet, ne Appium offendant. ideo, se haesitare iam

iam

iam dixit, et institutae orationis exitum non reperire.

Iam tunc] Cum ex amicorum litteris de Dolabellae et filiae matrimonio cognoui.

Omnia negotia] Quae pro Appii absolutione in maiestatis iudicio facere poterat. nam, quod ad ambitum pertinet, nullum Ciceronis provinciale negotium ei prodesse poterat: cum ambitus largitio sit in vrbe facta obtinendi honoris gratia.

Studio] Ad animum pertinet, ac voluntatem: ad operam autem id, quod subiunxit, *acrius, apertius*. quod paullo post declarat his verbis, *beneuolentior tibi, quam fui, nibilo sum factus: diligentior ad declarandam beneuolentiam, multo*.

Annuo] Annuum erat prouinciarum imperium. de qua re in epist. 7. lib. I.

Decedenti] Primus decessionis dies fuit, III. Kal. Sext. vt apparet ex epist. 6. et lib. 5. ad Attic. epist. 15. et lib. 6. epist. 3.

Ante diem III. nonas] Perinde est, ac si dixisset, III. non. id ex lib. 16. epist. I. ad Tironem intelligi facile potest. *Ante diem III. non.* veteres dicebant, id est, die tertio ante nonas. nam, cum dicitur, III. non. concisa locutio est: quae integra esset, si diceres, III. die ante nonas. qua non utebantur antiqui, sed eius loco, *ante diem III. nonas*.

Sidam] Maritimam partem prouinciae vocat epist. 5.

Seruilius] Amicus Appii; qui fortasse iuerat in prouinciam, tum vt Appium Ciceroni praefens commendaret; tum etiam vt hominum prouincialium odia in Appium leniret; ne Romam discuri aduersus eum testimonia, proficiscerentur. quibus enim rapinis prouinciam Appius exhaustam reliquerit, qui gemitus consecuti, scribit ad Atticum Cicero lib. 5. epist. 15. et 16. et lib. 6. epist. I.

Beneuolentior tibi, quam fui, nibilo sum factus: diligentior ad declarandam beneuolentiam, multo] Similis locus lib. 13. epist. 60. *Cuius calamitas etiam officiosorem me facit in illum. nam beneuolentior, quam semper fui, esse non possum*.

Vetus] Quae ante annos aliquot esse coeperat, quo tempore inter Ciceronem, et P. Clodium, Appii fratrem, exortae inimicitiae sunt, M. Pisone, M. Messalla cons. lib. I. ad Attic. epist. 16.

Simultas] Simultas occultum et mediocre post beneuolentiam odium est.

Stimulabat] Non simultas, quae tunc nulla erat, sed eius memoria.

Fiste reconciliatae gratiae] Ideo scripserat Coelius ad eum lib. 8. epist. 6. *Cauendum tibi erit, ne parum simpliciter et candido posuisse inimicitias videaris*.

Affinitas] Dolabellae, Appii accusatoris.

EPISTOLAE XIII.

ARGVMENTVM.

Agit Appio gratias, quod supplicationem sibi decernendam studio se curauerit. gratulationem autem diuidit in quattuor partes; in officia sua, quibus meritum se esse ostendit, ut Appius in re simili parem operam beneuolentiamque nauaret; in Appii benignitatem, qui acceptam gratiam quasi cum fœnore reddiderit; in eiusdem laudem, quod ea studia, quae a talibus viris profisciscantur, virtuti tantum tribui solita sunt, ideoque rebus omnibus anteponenda videantur; in remunerandi voluntatem, siue possit in publicis rebus, siue in priuatis gratum animum ostendere. Absoluto gratulationis officio, pauca subiungit de dolore suo ex inimicitia Appii et Dolabellae: se tamen eos reconciliandi curam suscepiss, nihilque de suo pristino in Appium studio, ob nouam Dolabellae auiditatem, detractum esse confirmat. Postremo loco, epistolae breuitatem cum Appii laude excusat.

EXPLANATIO.

Quasi diuinarem] In ipso litterarum exordio a suis in Appium officiis beneuolentiam captat: quod mire valet ad id, quod petimus, impetrandum. Incipit autem, *quasi diuinarem*; quia, cum Appio supplicationem curauit, reuera de provincia non cogitabat: itaque dixit epist. 2. *Cum et contra voluntatem meam, et praeter opinionem accidisset, ut mihi cum imperio in provinciam proficisci necesse esset.* Ita et auget officium suum erga Appium, et se ipsum ambitione liberat

Tu in officio] In supplicatione.

De tuis rebus gestis] Pro quibus supplicationem petebas.

Infruebam] Hoc verbo summa diligentia declaratur, quam domino serui debent, et, nisi sint improbi, praestant.

Plus, quam acceperas, reddidisti] Probitatis est, acceptum beneficium non dissimulare: liberalitatis, etiam augere verbis: idque genus omnino quoddam est gratiae refe-

rendae, quo hic vitur Cicero. Est autem praeclara inter eos consuetudo, qui mutuis officiis amicitias ita colunt, non ut paria paribus, sed ut maiora, quam acceperunt, reddere conentur. ita, quos fructus amor parit, iisdem alitur atque augetur, nec vnquam aut sine amore fructus, aut sine fructibus amor est. In Bruto c. 4. *Illud Hesiodium laudatur a doctis, quod eadeus mensura reddere iubet, quam acceperis, aut etiam cumulatione, si possis.* Et lib. 1. de Offic. c. 15. *Si ea, quae utenda acceperis, maiore mensura, si modo possis, iubet reddere Hesiodus: quidnam beneficio prouocati facere debemus? an non inuiti agros fertiles, qui multo plus efferunt, quam acceperunt?* lib. 15. ad Attic. epist. 12.

Quis enim ad me non perscripsit] Tribus modis hanc explicare sententiam potuit, vel affirmantibus verbis, hoc modo, *omnes ad me perscripserunt*: vel geninata negatione, sic, *nemo ad me non perscri-*

perscripsit: vel interrogando; quod fecit: quia modus hic efficacior est, quam reliqui duo, et ad significandum valet plurimum.

Auctoritate orationis] Quae ceteros commouere potuit, cuius enim vita probatur, cuius in privatis publicisque cognita virtus est, eius exemplo facile ducuntur omnes.

Sententia] Qua Ciceroni supplicationem decrevit.

Donum veniendo] Ad magistratus, ut eos de supplicatione Ciceronis rogaret. lib. I. epist. 8. *Nostri studium exstabit in conveniendis magistratibus et senatoribus.*

Nullum munus officii cuiquam reliquum fecisse] Nihil cuiquam faciendum reliquisse, plane omnia fecisse mea causa.

Haec mihi ampliora multo sunt] Appii amorem supplicationi, atque adeo rebus omnibus, quae proficisci ab amore possint, anteponit. non enim amor ob utilitatem, sed utilitas ob amorem aestimanda.

Quam illa ipsa] Similem sententiam usurpavit in re dissimili, lib. I. de Leg. c. 10. *Sunt haec maiora, quam ipsa illa, quorum haec causa praeparantur.*

Laborantur] Cum labore fiunt. Vfus est eodem verbo nescio quo libro, ex quo Laetantius lib. 7. c. 11. haec recitat: *Nihil est, quod sit manibus humanis laboratum, quod non aliquando ad interitum redigatur. Elaborari, dixit lib. 9. epist. 16.*

Insignia virtutis] Honores.

Sola virtus] Testimonium virtutis mihi das, cum haec mea causa facis. quam ego laudem pluris,

quam illa ipsa, in quibus operam ac studium ponis, debeo aestimare.

Mibi propono fructum amicitiae nostrae, ipsam amicitiam] Alii fructum sibi proponunt amicitiae, honores, commoda, aliquid omnino: ego, praeter ipsam amicitiam, nihil specto: in ea mihi statuo omnes fructus. quanti enim apud me esse debet, quod tu me diligas, cum talium virorum tanta studia assequi sola virtus possit? Simile illud in Laelio c. 9. *Amicitiam, non spe mercedis adducti, sed quod omnis eius fructus in ipso amore inest, expetendam putamus.*

Qua nihil est vberius] Cur ego alios mihi fructus amicitiae nostrae proponam, cum neque fructum vllum cum ipsa amicitia conferendum, neque tamen ea quidquam vberius, aut fructuosius existimem?

Studiis] Litterarum. magna esse potest in omnibus rebus, maxima vero in communibus studiis vbertas amicitiae nostrae. Tacite ostendit Cicero, quanti fecerit cum libro, quem de iure augurali Appius ad eum scripserat: idque sibi curae esse, ut simili cum munere remuneretur. epist. 4. et 9.

Detinētus est] Eadem metaphora vsus est epist. 10. *Quid? illa vincula, quibus quidem libentissime adstringer, quanta sunt? studiorum similitudo, etc.*

His artibus] Gratiam inquit ab Appio promissa studiorum coniunctione: quod et eius doctrinam magni facere, et ad eius honorem ac laudem velle sua studia conferre videatur.

Omnes tuos] Callide hoc inlicit. non enim id solum indicat, quam inique ferat Appium a Dola-

bella reum factum; sed etiam, cum ipse, grauitèr laesus, tamen in gratiam cum omnibus Appii propinquis, id est cum omnibus Clodiis, redierit, idque ipsius Appii causa fecerit, vicissim eum debere tanti Ciceronis amicitiam facere, ut eius generum Dolabellam odisse desinat.

Non despero] Petere aperte non audet, ut Dolabellae reconcilietur: sed modeste petit, et Appii humanitati confidere videtur, cum ait, *non despero*.

Nihil ad te] Habet rationem Appii dignitatis, quia pluris facere adolescens Dolabella Appii amicitiam, viri in primis honorati, quam contra Appius Dolabellae, debebat: accedebat acquitas: utrum enim decet, eum, qui iniuriam intulit, an eum, qui accepit, de reconciliatione laborare?

Nestrums est onus] Ego efficiam, ut reconciliationis initia a genere meo proficiantur.

Intelliges] Re ipsa perspicies.

Hac re nonata] Quod mihi Dolabellam affinitate deuinxerim.

Additum potius aliquid] In proxima epistola nihil ad studium ac beneuolentiam, sed ad voluntatem quidem beneuolentiae declarandae multum esse additum dixit.

Aduersus magistrum morum]

Coram magistro morum. quasi epistola censorem alloquatur. modestè enim agere in conspectu censorum oportebat. itaque notatum legimus, qui paullo liberius iis praesentibus hiasset. *Magistri morum* censores vocabantur, quia regendis moribus quinto quoque anno crearentur. de quibus Cicero lib. 3. de Leg. c. 3. *Mores populi regnato*. Potestatem censoriam Trebellius Pollio in Valeriani vita c. 2. ostendit his verbis: *Totius orbis humani suscipe censuram, quam tibi detulit Romana respublica, quam solus mereris, iudicaturus de moribus nostris. Tu aestimabis, qui manere in curia debeant: tu equestrem ordinem in antiquum statum rediges: tu censibus nodum pones: tu vestigalia firmabis: diuides statum: res publicas recensabis: tibi legum scribendarum auctoritas dabitur: tibi de ordinibus militum indicandum est: tu arma respicies: tu de nostro palatio, tu de iudiciis, tu de praefectis eminentissimis iudicabis: excepto denique praefecto urbis Romae, exceptis consulibus ordinariis, et factorum rege, ac maxima virgine Vestalium, si tamen incorrupta permanebit, de omnibus sententias feres.*

PAVLLI MANVTII
COMMENTARIVS

IN

M. TVLLII CICERONIS

EPISTOLARVM

QVAE FAMILIARES VOCANTVR

LIBRVM IV.

EPISTOLAE I.

ARGVMENTVM.

Satis patebit huius epistolae argumentum, si lector sciat scriptam esse, cum Caesar, pulso ex Italia Pompeio, bellum contra legatos eius in Hispaniam pararet, L. Lentulo, C. Marcello coss. ante mensem Maium, quod sequenti cognoscitur epistola. Respondet Sulpicio congressum petenti: in quo suam voluntatem cum eius voluntate consentire demonstrat, sed eam esse rationem temporum, ut remedium extinctae reipublicae nullum offerre possint. Negotiale argumentum. moralia quaedam interiecta, ut de Sulpicii laude, de utriusque in patriam studio, de dolore ex amissa reipublicae salute.

EXPLANATIO.

Caius Trebatius] Iurisconsultus, ad quem misit Topicorum libros. fuit in Gallia cum Caesare. ante bellum civile, commendatus a Cicerone diligenter. lib. 7. epist. 5.

Familiaris meus] Et quidem cum eo saepe familiariter iocatur in epistolis. lib. 7.

Ad urbem accessissem] Reuerfus e Cilicia. nam, triumphus spe, urbem ingressus non est. dicebant veteres, ad urbem accedere, et ad

urbem esse, de iis, qui extra pomerium, triumphandi spe, morabantur.

Propius] Urbem.

De officio utriusque nostrum] Quid nos, exorto civili bello, deceat agere. Licebat autem per Caesarem, neutram partem sequi, et vel in vrbe, vel, ubi quisque vellet, longe ab armis tutam ac quietam vitam ducere. id Pompeius non concedebat, qui discedens ab vrbe dixerat, hostium se loco habiturum,

turum, qui suis in praesidiis non fuisset. tueri autem rempublicam Pompeius videbatur, quia consul omnesque fere magistratus secum haberet: sed Caesaris castra firmiora: itaque bonos ac sapientes ciues, quo in numero et fuit, et habitus est Sulpicius, iure sollicitabat officii deliberatio.

Saluis rebus] Salua, incolumi, stante republica. eodem modo locutus est, cum de re priuata loqueretur, lib. 7. epist. 30.

Sic enim est dicendum] Nunc enim perditae res sunt, afflictæ republica.

Occidenti] Eadem translatione, reuinescentis reipublicae, dixit epist. 4.

Absens] Cum esset in prouincia.

Defensorem pacis] Nam, cum M. Marcellus consul et prouincias Gallias ante legitimum tempus, et priuilegium Caesari, quod ei populus concesserat, ut absens consulatum petere posset, eripere conaretur; Sulpicius collega restitit; quod iniquum putaret ea rescindi, quae populus iusserat; eamque fore ciuilibus belli causam intelligeret. Suetonius in Iulio c. 28. 29.

In consulatu tuo] Consule Sulpicio in prouinciam Cicero profectus est. lib. 3. epist. 3.

Post consulatum] Cum C. Marcellus, M. Marcelli frater patruelis, consul eadem in Caesarem tentauit: ut scripsit Suetonius c. 29. is enim consulatum ex Marci fratris auctoritate gessit: ut legitur in epist. 9. cui successit L. Lentulus, et ipse Caesaris causae acerrimus aduersarius.

Veneram] Ex prouincia. venit autem pridie non. Ian. L. Lentulo,

C. Marcello cooff. abfuit igitur toto anno, quo C. Marcellus, Marci frater, cum L. Paulo consul fuit.

Solus eram] Cum dixerit, suam et Sulpicii sententiam de republica eandem fuisse; solus non fuit. quare, *solus* accipio, id est, cum paucissimis.

Rudis] Quattuor causas colligit, cur pacem suadens nihil profecerit: primum, quod sero venerit, ita iam aucta discordia, ut sedari vix posset: deinde, quod optimae sententiae socios non habuerit: tum, quia parum auctoritate valuerit, quod in publica causa, cum sero venisset, rudis esse videretur: postremo, quod in homines pugnandi cupidos inciderit. significat autem maxime L. Lentulum consulem, Domitium Ahenobarbum, Scipionem Pompeii socerum: quos etiam tacite carpit epist. 14. et lib. 6. epist. 21. lib. 9. epist. 6. lib. 16. epist. 12. et lib. 8. ad Attic. epist. 11.

Nihil] Cum iam occiderit res publica, quod proxime dixit.

Quam honestissime] Ut in his miseriis quam licet honeste vitam traducamus.

Nec enim] Causam avertit, eam nemo sit, quicum sibi potius, quam cum Sulpicio, communicandum putet. Nosti, inquit, egregie; quid clarissimi viri fecerint, quid doctissimi faciendum praeciperint. itaque, quid nobis quoque faciendum sit, optime iudicabis.

Clarissimorum] Clarissimos et doctissimos, quia tum a rebus, tum a libris petitur prudentia.

Quos semper coluisti] Quorum libros diligentissime legisti. sic enim interpretor, aut, si quis hoc ad homines ipsos potius, quibus ob doctrinae

Arinae praestantiam Sulpicius honorem semper habuerit, referre malit; valde non contenderim: modo illud, *praecepta*, sic accipiat, non quae e sermonibus viuentium, sed quae ex doctissimorum libris accepta sint.

Te frustra in senatum] Aperire incipit sententiam suam, quam paullo post clarius etiam ostendit, cum ait, urbem esse sine legibus, iudiciis, iure, fide; ut in ea bonis, ac sapientibus ciuibus, quales Cicero et Sulpicius habiti sunt, vix iam honestum esse domicilium videretur.

Conuentum senatorum] Nam senatus appellari non debet, in quo nec senatores multi, nec eorum libera, metuque soluta voluntas est. non enim decerni quidquam potest, quod ei displiceat, cuius arma dominantur. erat vrbs hoc tempore, ac tota iam Italia in Caesaris potestate, Pompeio in Graeciam, cum utroque consule, ac maiore parte magistratuum profecto.

Eius] Caesaris.

Vt te imitarer] Vt irem in senatum. id enim Caesar cupiebat: ne, absente Pompeio, simul, abesse respublica videretur. locutus autem erat Sulpicius in senatu de pace, et de Hispaniis: quod proxime subiungitur: contra quam Caesar volebat. itaque hoc, *ut te imitarer*, interpretor, ut iret quidem Cicero in senatum, non tamen ut eadem, quae Sulpicius, de pace, et de Hispaniis diceret. Quae cum Cicero se dicturum ostendisset, ego vero, inquit Caesar, *ista dici nolo*. lib. 9. ad Attic. epist. 18. Iuisse autem Sulpicium hoc tempore in senatum, ostendit lib. 10. ad Attic.

epist. 3. in qua sunt haec: *Facile patior, quod scribit, setum Tullum et Seruum questos esse, quia non idem sibi, quod mihi, remisisset. homines ridiculos! qui cum filios misissent ad Cn. Pompeium circumfidendum, ipsi in senatum venire dubitarent.*

Me cum rogaret] Formiis, quod ex lib. 9. ad Attic. epist. 18. et 19. intelligitur.

De pace] Vt ageretur de concordia Caesaris, et Pompeii.

De Hispaniis] Senatui non placere, Caesarem in Hispanias contra Pompeii legatos proficisci.

Dicta sunt] In senatu, antequam Caesar iret in Hispanias.

Ostendi me esse dicturum] Lib. 10. ad Attic. epist. 1. *Quid essem de pace dicturus, dixi; ipse valde repudiavit.*

Res vides quo modo se habeant ERN. *Rem vides, quo modo se habeat*] Perditum reipublicae statum demonstrat, ut confirmet quod dixit, nihil iam esse, licet colloquantur, in quo reipublicae opitulari possint. Notandus Latini sermonis vsus: *rem vides, quo modo se habeat*: pro, vides, quo modo se res habeat: ut apud Coelium lib. 8. epist. 10. *Nosti Marcellum, quam tardus et parum efficax sit.* et lib. 14. ad Attic. epist. 21. *Nosti virum, quam tectus.* Sic Terentius in Adelph. Act. 5. sc. 4. v. 20.

Illum ut viuat, optant. — et Plautus in Aul. Act. 2. sc. 2. v. 40.

— *Quoniam tu me, et ego te, qualis sis, scio.*

et Caesar lib. 1. de bell. Gall. c. 39. *Rem frumentariam, ut satis*

satis commode supportari posset, timere dicebant.

Orbem terrarum] *Orbem terrae* lib. 5. epist. 7. *Orbem simpliciter*, lib. 3. de republ. apud Lactantium Epit. c. 1. quod poetis vitatius.

Imperiis distributis] Cum Italia et Gallias Caesar; Hispanias, Graeciam, et reliquas populi Romani prouincias Pompeius teneat.

Ardere bello] Apta translatio: quia nec incendio quidquam citius consumit, nec igni quidquam bello similis: aequae enim prosternit, ac delet, quaecumque inuasit. lib. 6. ad Attic. epist. 5. *Cum arderet Syria bello.* In Oratore c. 10. *Ex omnibus terris, una Gallia communui non ardet incendio.*

Sine legibus] Quarum vocem quis in armorum strepitu exaudiat?

Iudiciis] Bello intermissis, fuga magistratuum, nec vero iudicis locus esse potest, cum sublatae leges sint.

Iure] Non modo iudicia, sed omnino ius vniuersum iacet, legum enim et iudiciorum exitium sequitur iuris eversio.

Fide] Pertinet, opinor, hoc ad creditas pecunias: quarum in solutione, nisi iudicia fiant, debitores fidem non praestant. Pro lege Manilia c. 7. *Scimus*, inquit, *Romae, solutione impedita, fidem concidisse.* et Caesar lib. 3. de bell. ciu. c. 7. *Cum fides tota Italia esset angustior, neque creditae pecuniae solverentur.*

Relictam directioni et incendiis] Pompeii, et consulum fuga. nam cum Caesar primum Pisaurum, Fanum, Anconam, deinde Igouium, Auximum occupasset, tantus repente, his verbis auditis, in vrbe ter-

ror inuasit, ut, cum Lentulus consul ad aperiendum aetnarium venisset, ad pecuniam Pompeio ex senatus consulto proferendam, protinus, aperto sanctiore aetnario, profugeret. Caesar enim aduenire, iam iamque et adesse eius equites falso nunciabantur. Hunc Marcellus collega, et plerique magistratus consecuti sunt. Cn. Pompeius pridie eius diei ex vrbe profectus, iter ad legiones habebat, etc. Hoc ipse Caesar scripsit lib. 1. de bell. ciu. c. 14. Dio lib. 41. et Cicero ipse ad Tironem, lib. 16. epist. 12. *Patriam ipsam vel diripiendam vel inflammandam reliquimus.* et lib. 8. ad Attic. epist. 2. *Non expulsi, sed euocati e patria; quam non seruandam ad reditum nostrum, sed diripiendam et inflammandam reliquimus.*

Audeam] Eo redacta res est, ut nec optare quidquam audeam: cum tamen optare multa, vel sine spe, soleamus. vnde illud lib. 1. de Orat. c. 21. *Hoc loco Sulpicius, desperanti mihi, inquit, et Cottae, sed valde optanti vtrique nostrum, cecidit, ut in istum sermonem delabremini.*

Sin] Saepius, antecedente si vsurpatur: interdum tamen simpliciter, ut lib. 3. de Orat. c. 33. *Plerique ad honores adipiscendos, et ad rempublicam gerendam nudi veniunt atque inermes; nulla cognitione rerum, nulla scientia ornati. Sin aliquis excellit vnus e multis, effert se.*

Homini prudentissimo] Eidem in epistola sequenti summam tribuit sapientiam, in tertia prope singularem.

Colloqui] De officio vtriusque nostrum. quod Trebatius scripserat.

Longius]

Longius] Formiis enim, aut prope, fuit initio bellum civile. lib. 16. epist. 11. *Italiae regiones descriptae sunt, quam quisque partem tueretur. Nos Capuam sumimus.* Et epist. 12. *Ego adhuc orae maritimae praesum a Formiis.* Et lib. 7. ad Attic. epist. 11.

Inuitus] Quia relicta sit direptioni et incendiis, et quia non leges in ea, non iudicia, non ius, non fides ulla sit. lib. 7. epist. 30.

Quin hinc ipse euolare cupio, et aliquo peruenire, ubi nec Pelopidarum nomen, nec facta audiam.

Si quid] Si quam ob rem.

Exire ex urbe] Vt colloquamur.

Quantum mihi fortasse arrogo] Fortasse enim mihi assentor, cum mihi tantundem, quantum tibi, tribuo. *Arrogare* dicimur nobis ea, quae nostra non sunt.

Statuerimus] Vt nobismet ipsis consulamus: quoniam nihil iam videmur opitulari posse reipublicae.

EPISTOLAE II ARGUMENTVM.

Relicta urbe a Pompeio, occupata iam a Caesare Italia, quaesierat a Cicerone per litteras Sulpicius, quid agendum censeret in tanta rerum omnium perturbatione. Modeste Cicero respondet cum Sulpicii laude; explicatque sententiam suam, hoc modo: si recta quaerantur, satis patere, quid agendum sit; si utilia, non item. nam, cum bellum videretur, pro communi libertate contra Caesarem arma capere; tamen id quam expediret, obscurum erat: cum Caesaris causa firmior, Pompeii esset honestior. Concludit, esse longius ab urbe discedendum, in qua munere vel turpe sit, si probentur ea, quae sunt; vel, si non probentur, periculosum: ac sibi captum iam consilium esse de iriione ad Pompeium ostendit. Eodem anno.

EXPLANATIO.

Philotimium] Libertum Terentiae Ciceronis. lib. 8. epist. 3. lib. 14. epist. 18. et lib. 6. ad Attic. epist. 3.

Postumia] Vxor Sulpicii, de qua Suetonius in Iulio c. 50. sic: *Pro-nunt, et sumptuosum in libidines fuisse, constans opinio est, plurimasque et illustres feminas corrupisse: in quibus Postumiam, Seruii Sulpicii, Lolliam, A. Gabinii, Tertullian M. Crassi, etiam Cn. Pompeii Muciam.* Hoc nomen cum originem inde duxerit, quod, qui post humatum parentem nascerentur, *Postumii* dicebantur, tamen in

antiquis nummis, et lapidibus Capitolinis sine aspirandi nota scriptum est.

Seruius] Sulpicii filius, patris praenomine; quo appellabantur filii primo loco nati. Hic Sulpicii filius ad obsidendum Brundisium Cn. Pompeium iuerat. lib. 9. ad Attic. epist. ult. et lib. 10. ad eundem epist. 3. et 12.

In Cumanum] Quo posset cum Cicerone colloqui. lib. 10. ad Attic. epist. 9. *Seruium*, inquit, *expecto ad Nonas: et adigit ita Postumia, et Seruius filius.*

Meum

Meum consilium] Quid tibi agendum sit.

Auctoritate] Ob honores magna cum laude administratos, gesserat autem Sulpicius biennio ante cum M. Marcello consulatum.

Quid rectissimum sit] Eadem sententia lib. 5. epist. 19. iisdem fere verbis: *Quid rectum sit, apparet: quid expediat, obscurum est.*

Non potest esse dubium] Lib. 5. epist. 19. dixit, *dubitare non possumus.* ostendit eundem ad Pompeium, etiamsi non expedire videatur.

Meam causam] Vt idem ab utroque capi consilium oporteat. nam coniuncta mea causa cum tua est, valet, eodem in statu sumus, eadem ratio est, pertinet idem ad utrumque nostrum. Contrarium est illud lib. 1. epist. 9. *Mea ratio fuit alia.*

Nihil esset utilius] Vt quidem ipse Cicero putabat, cui, quod honestum, id vnum utile videbatur. Caesar autem nihil melius, quam regnare existimabat: itaque versus illos Euripidis de Phoenissis in ore habere solitus est, v. 527.

Εἶπερ γὰρ ἡδικοῖν καὶ, τυραννίδος
πέρη

Κάλλιστον ἡδικοῖν τ' ἄλλα δ' εὐσε-
βεῖν χρεόν.

Quos Cicero ita vertit lib. 3. de Offic. c. 21.

Nam si violandum est ius, regnandi gratia

Violandum est: aliis rebus pietatem colas.

Defendenda pace] Genus loquendi, pro, si pacem defendemus: vt in prooemio lib. 1. de Offic. *Orationem Latinam profe-*

cto legendis nostris efficies plenior: pro, si nostra leges.

Nos fefellerit] Non Caesar, sed id quod arbitramur. dicimus enim simpliciter interdum, *non me fallit.* Fefellit autem in eo Cicero-nem opinio, quod Caesar, cum ei nihil esset utilius concordia, rema tamen ad arma deducere maluerat.

Geruntur] A Caesare in Hispania contra Pompeii legatos. pulso enim Italia Pompeio, ad urbem Caesar excurrit, inde in Hispaniam. Quo autem tempore cum Sulpicio collocutus est Cicero, bellum in Hispania gerebatur. id cognoscitur ex lib. 10. ad Attic. epist. 12. 13.

Gesta sunt] Cum Pompeius ciuitas Italia sit, Caesar vrbe et Italia sit potitus.

Qui cursus rerum] Vt enim adhuc, ita deinceps armis agentur omnia.

Qui exitus] Perspicias exitum fore vel Caesaris, vel Pompeii tyrannidem. lib. 8. ad Attic. epist. 11. *Perque regnare vult.* et alibi saepe.

Ergo] Cum videas, quem in locum res deducta sit; sequitur, vt, iu vrbe si manserimus, vel probare ea, quae fient, quod turpe est, vel saltem interesse cogamur, etiam si non probemus: quod periculosum erit.

Quorum altera] Sic in decem antiquis libris: in duobus, *quorum.* antiquitatem magis redolet, *quorum:* et vereor, ne quis ob verbum, *altera,* scribendum putauerit, *quarum.*

Restat] Cum videas, probare turpe esse; interesse, etiamsi non probes, periculosum; restat, vt discedendum putemus.

Quod consilium] De discessu dubitandum non est: restat deliberatio,

beratio, quid consilii discedentes capiamus, maxime quidem, quo nos conferre debeamus.

Nunquam] Quia salutis publicae spes nulla superest.

Non sit coniunctum] Satis plane significat, si velit Sulpicius ad Pompeium transire, colloquendum esse: alioqui non oportere: sibi enim captum iam esse consilium. id cognoscitur ex lib. 10. ad Attic. epist. 12. *Servium*, inquit, *expecto*, nec ab eo quidquam spero. Cum

in eadem paullo antè scripserat, se de Hispania cogitare.

Expectabo] Et hoc verbo captum sibi de discessu consilium ostendit.

Quid tuo commodo fiat] De hoc loquendi genere dictum est lib. I. epist. I.

Servio et Postumiae] Lib. 10. ad Attic. epist. 9. *Servium expecto ad Nonas: et adigit ita Postumia, et Servius filius.*

EPISTOLAE III.

ARGUMENTVM.

Sulpicius, Achaiae, post victum in Pharsalia Pompeium, a Caesare praepositum, consolatur in dolore, quem ex reipublicae calamitate capiebat. Quid autem ad consolandum valet? primum illud, cum ostendimus, communem fortunam esse, nec decere eum, qui praecipuis non affligatur incommodis, praecipuo dolore angere. Alterum est, cum in alienis malis nostra bona recordamur; id est, cum ea, quae vitandi communis exitii gratia recte ac sapienter acta, dicta, cogitata sint a nobis, animo ac mente contemplamur. nam ad levandas miseras magnam habet vim bene actae vitae conscientia. Tertio loco, si minuit sollicitudinem ipsa per se conscientia; quanto magis, cum ad eam accedit hominum opinio, qui nihil a nobis non sancte, nihil imprudenter, aut indecore altum existiment? atque haec ratio, a generali quodam iudicio ducta, tum est firmitior, si ad clarorum virorum exempla confugimus: ideo Caesarem quoque ipsum idem, quod ceteros omnes, de Sulpicio iudicare dixit. Quid, cum illud adiungimus, in eo ipso quod, quasi malum sit, graniter dolemus, aliquid inesse, cur dolendum omnino non sit? facit hoc Cicero, cum ait: quod autem a tuis abes. Lenitur etiam studio litterarum, praesertim philosophiae, doloris acerbitas. quod si Sulpicii cura Cicero non neglexit. quamquam hanc partem considerate attingit: nec monendum aperte talem virum putat, quod esset arrogantiae: sed cum ait: mihi ita persuasi, te quoque in iisdem versari rebus: plane indicat, quid eum facere, tam aduersis temporibus, oporteat. Nec vero levis est ex eorum, quos diligimus, probitate ac virtute consolatio. ergo hic laudatur Servius adolescens, ut afflictum patris animum grata filii mentio recrearet. Haec, et similia in ceteris epistolis observanda: quae si colligantur, adhibito ordine, sine quo praeceptorum copia propemodum inanis est; artem inuentionis, alioqui difficillimam, in promptu habebimus. Scripta est post bellum Africanum.

apparec

apparet enim Caesarem in urbe commorari, Pompeianarum partiune metu liberatum. quod certe non ante bellum in Africa gestum consecutus est. perpetuo, enim victoriae cursu Pompeium, Aegyptios, Pharnacem superauit: inde Romam profectus, paullo post in Africam contra Scipionem et M. Catonem contendit: quibus deuictis, ad urbem rediit, cum tertium consul esset; ibique tam diu permansit, donec in Hispaniam, ubi magnas copias a Pompeii. liberis contractas esse audiebat, eundum necessario iudicauit. Videtur autem Sulpicius in Achaia permansisse usque ad exitum Hispaniensis belli. quod ex eo suspicor, quia, quo tempore ad Ciceronem litteras consolatorias misit, quae infra leguntur, eodem Caesar ex Hispania lenire Ciceronis dolorem, ex interitu filiae susceptum, per litteras conatus est. lib. 13. ad Attic. epist. 20.

EXPLANATIO.

Sollicitum] Ob rempublicam seruitute oppressam. iam enim Caesar, iterum deuictis Pompeii partibus, vnus omnia tenebat.

Præcipuo] Cum enim commune sit exitum, cur tu præcipue doleas? Iterum Plancium admonuit epist. vlt. *Non debes aut propriam fortunam, et præcipuam postulare, aut communem recusare.*

Quodam] Ita loquimur, cum singulare quiddam notamus, vt lib. 2. epist. 4. *Est enim tibi gravis aduersaria constituta et parata, incredibilis quaedam expectatio.* Et in orat. de prouinciis c. 18. *Quod magni cuiusdam hominis, et perspicutis videtur.* Et lib. 2. de Orat. c. 74. *Crassi responsum excellentis cuiusdam est ingenii ac singularis.*

Minime miror] Cum plane perierit respublica.

Menum] Dolorem.

Quodam modo] Si dixisset, *meum agnosco*, suum quoque præcipuum esse in communibus miseriis dolorem significasset. ita nullum sibi locum ad lenandam Sulpicii sollicitudinem relinqueret. dixit igitur, *quodam modo*, vt indicet, sibi quo-

que acerbissimam fuisse perniciem reipublicae, nec tamen in communibus miseriis præcipuo quodam dolore angere.

Agnosco] Me quoque dolete confiteor. epist. seq. *Ulam partem excusationis nec agnosco, nec probor.*

Prope singulari] Cur addit, *prope*? ne viro graui, verborum quasi lenocinia respicienti, ninium assentari videatur. Sic lib. 4. Acad. c. 43. *Omitto per ipsum Aristotelem, meo iudicio in philosophia prope singularem.* Valet autem, *singularis*, interdum ninus; quam incredibilis, interdum plus: minus, vt lib. 13. epist. 54. *In longa apparitione singularem et prope incredibilem patris Marcilii fidem, abstinentiam, modestiamque cognoui.* Plus, vt lib. 1. de Orat. c. 38. *Antonii incredibilis quaedam, et prope singularis et diuina vis ingenii videtur.*

Tuis bonis] Tua virtute et memoria recte factorum.

Alienis malis] Quibus afflicta respublica concidit. Notat perditos hominum mores, in primisque perniciosam publicae libertati ambitionem Caesaris et Pompeii.

Laborare]

Laborare] Malis laborare, apte coniunguntur.

Me quidem] Consolamur et ratione, et exemplo. ratione vsus est in proxima superiore sententia: exemplum hic adfert de se ipso.

Nemini concedo, qui maiorem] Nemo est, cui molestiae plus attulerit interitus reipublicae. simile illud lib. 10. epist. 3. *Nunc me amantissimum tui, nemini concedentem, qui tibi vetustate necessitudinis posterior possis esse, si audies, omnem tibi reliquae vitae dignitatem ex optimo reipublicae statu acquires.* et eodem libro, epist. 29. *Nec his concedo, ut te saluum malint, quam ego.*

Pernicie et peste] Augent superlata nomina: quod etiam rhetores docent. maior autem est in peste, quam in perniciie, significatio.

Consiliorum] Quia de republica semper optime sensi. quod tibi quoque, optimo ac sapientissimo viro, solatio esse debet.

Multo enim ante] Quattuordecim annis ante, cum esset consul. Id clarissime ostendit lib. 10. ad Attic. epist. 4. *Praeclara, inquit, conscientia sustentor, cum cogito me de republica aut meruisse optime, cum potuerim: aut certe nunquam, nisi diuine, cogitasse: eaque ipsa tempestate euersam esse rempublicam, quam ego XIV. annis ante prospexerim.*

Tempestatem] Procellam, quae rempublicam afflixit.

Abfui] Cum esset in Cilicia proconsul: quo iuit Sulpicio consule, ut patet ex lib. 3. epist. 3. et lib. 5. ad Attic.

Magnam partem] Menses circiter octo, nam videtur ineunte

Maio, aut extremo Aprili mense Roma discessisse. lib. 5. ad Attic. epist. 2.

Monuisti senatum] Consolationem affert anteaetiae vitae commemoratio. ideo narrationem hanc induxit, ut, quemadmodum se levari dixit grauitate doloris ob conscientiam consiliorum suorum, itidem Sulpicius e suis in rempublicam officiis consolationem capiat.

Omnibus bellis civilibus] Tribus, quae commemorat his verbis Phil. 8. c. 2. *Ceteris bellis, maximeque civilibus, contentionem, reipublicae causa faciebat.* Sulla cum Sulpicio de iure legum, quas per vim latas Sulla dicebat: *Cinna cum Octauio de nouorum ciuium suffragiis: rursus cum Mario et Carbone Sulla, ne dominaremur indigni, et ut clarissimorum hominum crudelissimam puniretur uicem.*

Superiores] Sic locutus lib. 5. in Ver. c. 44. *Id agit, ut semper superius suum facinus nouo scelere vincat.* Et lib. 4. Acad. c. 6. *Arcefilas Zenoni, ut putatur obtrellans, nihil noui reperienti, sed emendanti superiores.*

Consilium tuum] Ne Caesari ante concessum lege Trebonia tempus succederetur, et ut absenti consulatum petere liceret. in quo dissentiebat a M. Marcello collega. epitome Liuiana 108. *Contentiones inter consules de successore C. Caesari mittendo, agente in senatu M. Marcello consule, ut Caesar ad petitionem consulatus veniret, cum is lege lata in id tempus consulatus prouincias obtinere deberet.* Suetonius in Caesare c. 28. Plutarchus, Dio, alii.

R

Occidisse]

Occidisse] Consulares, Pompeium Magnum, L. Lentulum, Bibulum, Domitium Ahenobarbum, Scipionem Pompeii focerum; praetorium, M. Catonem; alios praeterea, qui bellum paci, odio Caesaris, praetulerant.

In tantis tenebris] Non dicit, conscientiam optimorum consiliorum nihil prodesse, sed pro malis reipublicae parum. nam, esse aliquem conscientiae fructum, paullo ante ostendit in se ipso.

Quasi parietinis] Libri veteres quinque, *perpetuis*: duo, *perditivis*: vnus *diserte*, *parricidiis*; *Mediceus*, *partietinis*: ex quo *parietinis* legendum, alii ante nos recte censuerunt. Sunt autem *parietinae*, parietum ruinae. Cicero ad rempublicam transtulit, et, *quasi*, praeposuit, veritus, ne paullo durior translatio videretur. quod praecipit Crassus lib. 3. de Orat. c. 41. *Si vereare, ne paullo durior translatio esse videatur, mollienda est, praeposito saepe verbo.*

Vix consolabilis] Recte addidit, *vix*: vt consolabilem tamen esse ostendat: quod ei propositum est: cum hanc vnam ob causam ad Sulpicium scribat, vt eum a moerore abducatur.

Ipse] Cuius in potestate sunt omnia.

Lumen] Tribus verbis metaphoram absoluit, *lumen*, *exstinctis*, *elucere*. et hac fortasse translatione vsus est, cum illud proxime dictum, *in tantis tenebris*, recorderetur.

Exstinctis ceteris] Luminibus reipublicae. Phil. 5. c. 14. *Pompeio patre, quod imperii populi Romani lumen fuit, exstincto.*

Sanctitatem] Sanctitatem definiit lib. 1. de Nat. deor. c. 41. *scientiam colendorum deorum*. hic accipitur pro summa probitate, vt in Phil. 3. c. 6. *Quod in iuuentute habemus illiusmodi exemplum veteris sanctitatis?*

Prudentiam] Non enim satis est optima velle, quod sanctitas est; sed optima etiam videre, in praestanti ciue requiritur.

Hanc] Primum optimorum consiliorum recordatio, deinde iudicium Caesaris omniumque ciuium.

Magna esse debent] Dixit iam, debere cum suis bonis delectari potius, quam alienis malis laborare.

A tuis] Vxor, et filio.

A multis ac magnis molestiis] Saepe Cicero consolatur absentes miseria ciuitatis, quam afflictam et deformatam ciuis bonus libenter nemo videt. vnde illud ad Sextium lib. 5. epist. 17. *Illud vtinam ne vere scriberem, ea te republica carere, in qua nunquam prudentem hominem res ulla delectet.* Et ad Torquatum lib. 6. epist. 1. *Oculi augent dolorem.*

Vererer] Vererer, inquit, quia graues atque acerbae audienti etiam essent, non modo videnti.

Meliore] Non igitur dolendum est, quod a tuis absis.

Certior fieres] Quia scire haec ipse per te non posses. significat autem duas maxime res, de quibus certiorum Sulpicium fecit, iudicium Caesaris omniumque ciuium, et miserrimum statum ciuitatis.

Reliqua] Non debito, quin studia philosophiae significet: cum in-ferat, quae ego experiens quotidie, sic probo, vt ea mihi salutem as-ferre

ferre videantur. Euerſa enim re-
publica philoſophiae ſtudia longo
interuallo intermiſſa reuocauit:
quod ipſe confirmat in prooemio
Tuſc. 1. et lib. 3. de Offic. et alibi.

Salutem] Eandem ſententiam
retulit lib. 6. epiſt. 12. *Eſt, in-*
quit, vnum perſugium, doctrina ac
litterae, quibus ſemper uſi ſumus:
quae ſecundis rebus delectationem
modo habere videbantur, nunc
vero etiam ſalutem. lib. 9. epiſt. 2.
Modo nobis, inquit, ſtet illud, vna
uiuere in ſtudiis noſtris; a quibus
antea delectationem modo peteba-
mus, nunc vero etiam ſalutem.
lib. 13. epiſt. 28. *Studia illa no-*
ſtra, quibus antea delectabamur,
nunc etiam uiuimus.

Omnium doctrinarum] Ergo et
philoſophiae: quod paullo poſt
confirmat, cum ait: *ad eas te re-*
feras artes, quibus a primis tem-
poribus aetatis ſtudium tuum de-
diſti.

Ad bene viuendum] Bene vi-
uendi praecepta philoſophorum
libris continentur.

Optimis rebus] Florente re-
publica.

In quo acquieſcamus] In Lib. 9.
epiſt. 3. *Nulla nunc in re alia ac-*
quieſcimus.

Vel ſcientia, vel natura] Non
modo enim a litteris, ſed a natura
etiam ipſa prudentiam accipimus:
quid te, inquit, et ſcientia et natu-
ra prudentem, hortor, vt ad eas te
referas artes, quibus, etc.

Illi arti] Eloquentiae.

Neque in curia, neque in foro] Neque
in ſenatu, neque in iudi-
ciis. epiſt. 6. *Nihil in foro agere*
libebas: adſpicere curiam non po-
teram. Idem queritur in prooemio

lib. 3. de Offic. *Exſtincto ſenatu,*
deletisque iudiciis, quid eſt, quod
dignum nobis aut in curia, aut in
foro agere poſſimus?

Tunc ſcientiae] Iuris ciuilis.
Scientias quoque, numero multitu-
dinis, Cicero dixit in libro de Se-
neſt. c. 21. *Tot artes, tantae ſcien-*
tiae, tot inuenta. quod ſingulare
tamen exemplum adhuc inueni.

Excellenti ac ſingulari] Vicit
enim hac laude Sulpicius ſuperio-
res omnes. quod ei tribuit Cicero
in libro de clar. orat. c. 41. 42.
cum cum dicat ad ius ciuile non
modo Dialecticam, verum etiam
litterarum ſcientiam, loquendique
elegantiam adiunxiſſe.

Non multo plus] Plus omnino,
ſed non multo: quia, ſublata cauſa
ſarum actione, pauci de iure con-
ſuluntur. quorſum enim? cum iu-
dices, non quid leges iubeant, ſed
quid is nolit, cuius libido pro le-
gibus eſt, in ſententiis ſerendis ſpe-
ciare cogantur.

Non equidem te moueo] Tali
vel ſcientia, vel natura praeditum.
facere enim inſolenter.

Mibi ita perſuaſi] Proſus ita
credo, te quoque in iisdem philo-
ſophiae ſtudiis verſari.

Rebus] Pro, artibus. dixit enim,
vt ad eas te referas artes.

Si minus prodeſſent] Cum ta-
mien vehemente proſint, quippe
quae ſalutem aſſerre videantur.
paullo arte.

Animum a ſollicitudine abduce-
rent] Quasi enim aberramus a
moſtitiis, dum litteras tractamus.
lib. 12. ad Attic. epiſt. 38. *Ego hic,*
ſcribendo dies totos, nihil equidem
leuor, ſed tamen aberro. Et ibidem
proxime: *Sine hanc aberrationem*
a dolore

a dolore delegerim. et epist. 45. ibidem: Ego hic duo magna contraria absolui. nullo enim alio modo a miseria quasi aberrare possum.

Tibi uni concedam, praeterea

nemini] Sic in extrema oratione pro Marcello: *Vt vix C. Marcello, optimo et amantissimo fratri, praeter eum quidem, cederem nemini.*

Gratia refertur] Quod amantem redamat atque obseruat.

EPISTOLAE IV.

ARGVMENTVM.

Excusanti Sulpicio, quod saepius uno exemplo litteras misisset, culpamque conferenti tum in eorum, qui eas acciperent, negligentiam aut improbitatem, tum in orationis inopiam, qua ipse laboraret, respondet Cicero, primam sibi excusationis partem probari, alteram omnino falsam videri: se enim ipsum non admodum esse verborum inopem, qui tamen sibi et subtilitate et elegantia scribendi Sulpicium anteponat. Causas probat, quibus Achaiae administrationem Sulpicius recusandam non putauerat. Narrat senatus officium, suppliciter de reditu M. Marcelli Caesarem rogantis: quo impetrato, gratias a se Caesari actas esse demonstrat. De suo philosophiae studio eiusque fructu, de Seruii filii probitate ac doctrina quaedam addit. Concludit, eum esse statum reipublicae, ut ea, quae Romae fiant, audire sit optabilius, quam videre. Negotialis est epistola, tum alias ob causas, tum quia reditum Marcello Caesaris liberalitate concessum significat. Caesare III. M. Aemilio Lepido co. deuictis in Africa Pompeii partibus.

EXPLANATIO.

Uno exemplo] Vt, si qua periret, aliqua tamen perferretur epistola.

Nec nosco ERN. agnosco] Veram esse non confiteor. agnoscimus enim, quae antea nouimus: ignota vero agnoscere non possumus. non agnoscit igitur Cicero causam excusationis, quam Sulpicius in orationis paupertatem referebat: quia verborum inopem eum non cognouerat. lib. 5. epist. 20. Id ego agnoui meo iussu esse factum. et lib. 11. epist. 3. Neque agnoscimus quidquam eorum. et in Laelio c. 2. Tu, Fauui, qui mihi tantum tribui dicis; quantum ego nec agnosco, nec postulo, facis amice.

Εἰσπράττειν] Dissimulare. quod Socrati vsitatum in disputando fuit, cum iis, quos refellere volebat, plus tribuere videretur.

Εἰσπράττειν] Simulans. Est enim ironia modo dissimulatio, ut proxime; modo simulatio, ut hic. dissimulamur enim vera; cum occultamus ea, quae sunt; simulamus falsa; cum ea fingimus esse, quae non sunt. Late igitur patet ironia: et est omnino, ut ait Aquila, cum aliud verbis significamus, aliud resentimus. Addit Beda: grauitate pronunciationis adiuvandam. alioqui confiteri videbitur, quod negare contendit.

Subtilitati et elegantiae] Subtilitas

litas in sententiis, *elegantia* in verbis. *subtilitas* autem a Dialectica maxime fumitur, quam Sulpicius egregie cognouit: eoque maxime adiumento et Scaeuolae et ceteris omnibus iurisconsultis antecelluit. hoc enim ei testimonium tribuitur in lib. de clar. orat. c. 41. quo in libro subtilitas etiam eius et elegantia nominatur c. 42. his verbis: *Adiunxit et litterarum scientiam, et loquendi elegantiam, quae ex scriptis eius, quorum similia nulla sunt, facillime perspicui potest. Cumque discendi causa duobus peritissimis operam dedisset, L. Lucilio Balbo, C. Aquilio Gallo; Galli, hominis acuti et exercitati, promptam et paratam in agendo et in respondendo celeritatem subtilitate diligentiaque superauit.* Quintilianus etiam, Sulpicium ex tribus orationibus insignem famam consecutum esse, lib. 10. c. 1. scriptum reliquit. Alibi *subtilitas* non idem valet, sed venustas potius quaedam est orationis, et naturalis quasi color, nullo adhibito artis pigmento: qualis apud nos est Caesaris sermo, apud Graecos Lysiae. itaque lib. 3. de Orat. c. 7. subtilitatem quidem illi Cicero tribuit, acumen autem Hyperidii. Et in Bruto c. 9. illud: *Lysias egregie subtilis scriptor, atque elegans:* sic accipio, non ut acutum scriptorem Lysiam dici putem, sed ut purum, ut venustum, ut politum, ut plane Atticum. Attica enim subtilitas ipsa per se laudatur, iis carens ornamentis, quae ab arte sumuntur. qua laude Catonem Censorium afficit Cicero in eodem libro infra c. 17. *In nostris, inquit, infamia est, quod ii ipsi, qui in Graecis antiquitate delectantur, eaque subti-*

litate, quam Atticam appellant, hanc in Catone non nouerunt quidem: Hyperidae volunt esse et Lysiae. Laudo. sed cur nolunt Catonis? Atticum igitur dicendi genus illud, in quo Lysias excelluit, (nam plura genera, ut ait Cicero, fuerunt) non ornatum, copiosum, illustre, ut Demosthenis et Aeschinis; non acutum, ut Hyperidis; sed exsile, ieiunum, sicum, politum tamen et venustum fuit: idque tum indicant eae, quae exstant, illius orationes: tum ipse Cicero, si Lysiae orationes non haberemus, clarissime tamen ostenderet. nam in eodem libro aliquanto post c. 82. Atticum, ait, *se Calvus noster dici oratorem volebat. inde erat ista exsilitas, quam ille de industria consequebatur.* Et paullo post: *Sin ieiunitatem, et siccitatem, et inopiam, dummodo sit polita, dum urbana, dum elegans, in Attico genere ponit, hoc recte duntaxat: sed quia sunt in Atticis alia meliora, videat, ne ignoret et gradus, et dissimilitudines, et vim, et varietatem Atticorum.* Et infra c. 84. *Sin acutum, prudens, et idem sincerum, et solidum, et exsiccatum genus orationis probant, nec illo grauiore ornatu oratorio utuntur, et hoc proprium esse Atticorum volunt; recte laudant. Est enim in arte tanta, tamque varia, etiam huic minutae subtilitati locus.* Nam, quod non ita multo post c. 85. dicitur, Lysia pictius esse nihil posse: id affertur ex Attici persona, nimium in Graecos ambitiosi, et a Cicerone dissentientis, qui Catonem Lysiae comparauerat. Cicero autem ipse de Lysia quid sentiat, declarat in Oratore c. 9. his verbis: *Dicat igitur Attice venustis-*

finus ille scriptor, ac politissimus, Lysias. quis enim id possit negare? dum intelligamus, hoc esse Atticum in Lysia, non quod tenuis sit, atque inornatus, sed quod nihil habeat insolens aut ineptum. Et paucis interiectis, qui Lysiam, inquit, sequuntur, caussidicium quendam sequuntur: non illum quidem amplum, atque grandem; subtilem et elegantem tamen. Eandem subtilitatem, quae ab acumine distat, notauit in Lysia Quinctilianus lib. 10. c. 1. Lysias, inquit, subtilis, atque elegans, et quo nihil, si oratori satis sit doceri, quaeras perfectius. nihil enim est inane, uibit arcessitum; puro tamen fonti, quam magno flumini, propior. Et lib. 12. c. 10. Quid Periclea? suilemne credimus Lysiacae gracilitati? Item lib. 9. c. 4. Neque illud in Lysia dicendi textum, tenuē atque rarum laetioribus numeris corrumpendum erat. Hinc agere caussas subtiliter, pro, simplici quodam et puro, et ad docendum, non ad promouendum, aut delectandum, apto dicendi genere in caussis, uti, dixit Cicero lib. 9. epist. 21. Privatas, inquit, caussas, et eas tenues, agimus subtilius. Et in Oratore c. 5. Tenuēs, acuti, omnia docentes, et dilucidiora, non ampliora, facientes, subtili quadam et pressa oratione limati. Et infra c. 23. Orationis subtilitas, imitabilis illa quidem videtur esse existimanti, sed nihil est experienti minus. Et pro Balbo c. 22. A quo haec, quae ego nunc percuro, subtilissime sunt omnia perpolita. Et lib. 2. ad Attic. epist. 21. De republica quid ego tibi subtiliter? tota periit. Et in epist. 15. ad M. Brutum: Messalam habes. Quibus

igitur litteris tam accurate scriptis assequi possum, subtilius ut explicem, quae gerantur, quaeque sint in republica, quam tibi is exponet, qui et optime omnia nouit, et elegantissime expedire et deferre ad te, potest? Elegantiam autem deferre ab ornatu. ostendit Cicero in epistola ad Corneliu Nepotem: Quis, ait, sententiis aut acutior, aut crebrior? quis verbis aut ornatio, aut elegantior?

Achaicum negotium] Achaiae administrandae curam, a Caesare mandatam, quamquam opinor ei maiorem Graeciae partem esse commissam, licet Achaiae nomine prouincia vocaretur. nam lib. 6. epist. 1. et 4. et lib. 13. epist. 18. 21. 22. video Sulpicium Athenis praesse: quae non Achaiae vrbs, sed inter Achaia et Macedoniam fuit. Lib. vero 6. epist. 6. Brutum, ait, Galliae praefecit: Sulpicium Graeciae. vide infra epist. 12.

Omnes caussae] Quarum una fuit, ut minus miser esset, cum ea non videret, quae in oppressa patria contra leges moremque maiorum fierent. nam oculi dolorem augent, nec auertere a miseriis cogitationem sinit.

Auctoritate et prudentia] Decet enim, qui auctoritate et prudentia valeat, cum nihil committere, quod in aliquam reprehensionem possit incurrere.

Aliter cecidisse rem] Putasti te, cum ab vrbe abesses, a molestiis etiam abfuturum. id, ut scribis, te fecellit. lib. 1. epist. 7. Si cecidisset, ut volumus et optamus.

Percussa et prostrata iacent] Dixi iam, superlatis augeri vim sententiae.

sentiae. sequitur autem, ut perculsa prosternantur, prostrata iaceant.

Foedissimo] Ex iis, quae sequuntur. bello enim omnia deformantur. alibi quoque epithetum idem cum bello iunxit.

Is cuique locus] Vide eandem sententiam lib. 6. epist. 1.

Tui consilii] Quod Achaicum negotium non recusaueris.

Ne id quidem] Non modo libere sentire ac dicere, sed ne scribere quidem tuto possumus. sumus enim hic in eorum potestate, qui diligenter, quaecumque agimus, observant: quique vel minima re si offendantur, parata nobis gravissima iniuria est.

Moderatius] Sane in victoria se moderatissimum Caesar praebuit: de quo Suetonius c. 75. haec: *Moderationem clementiamque tum in administratione, tum in victoria belli civilis, admirabilem exhibuit. — nec ulli periisse, nisi in praelio, reperientur, exceptis dumtaxat Afranio, et Fausto, et L. Caesare, iuvene. — Denique tempore extremo etiam, quibus nondum ignoverat, cunctis in Italiam redire, permisit, magistratusque et imperia capere.* Confirmat ipse Cicero saepe in his epistolis, in hac quidem in extremo: *De reliquis, nihil melius ipso est. in sexta liberalem Caesarem appellat, in septima, non passurum sit, ut iniuria fieret. in decima tertia: Obtinemus ipsius Caesaris summam erga nos humanitatem. sed ea plus non potest, quam vis et mutatio omnium rerum atque temporum.*

Insolens] Victores enim insolentes facit: epist. 9. *Miserius nihil, quam ipsa victoria: quae etiam si*

ad meliores venit, tamen eos ipsos ferociiores impotentioresque reddit.

Vno te vicimus] Cum in reliquis tua melior, quam nostra conditio sit.

Marcelli] M. Claudii Marcelli, qui, Pompeio in Pharfalia devicto, cuius partes secutus erat, exsulabat.

Collegae] In consulatu.

Salute] Restitutione a Caesare impetrata.

Armis disceptari] Iudiciale verbum ad arma transtulit, cum disceptari legibus, non armis, de iure soleat. epist. 14. *Videbam, quanto periculo de iure publico disceptaretur armis.* Lib. 6. epist. 1. *Dolebam, pilis et gladiis, non consiliis, neque auctoritatibus nostris de iure publico disceptari.* Quid autem proprie sit *disceptare*, locus indicat in Partit. c. 3. *Aut auscultator est modo qui audit, aut disceptator, id est, rei sententiaeque moderator.* Et in orat. pro Deiotaro c. 2. *Hanc, C. Caesar, causam si in foro dicerem, eodem audiente et disceptante te, quantam mihi alacritatem populi Romani concursus afferret.* Id ad praetorem proprie attinebat. nam lib. 3. de Leg. c. 3. ita scriptum animadverti: *Iuris disceptator, qui priuata iudicet, iudicare iubeat, praetor esto.* Et pro Caecina c. 2. *Persaepe disceptatore domestico diiudicatur.* sic lib. 19. epist. 26. ad Sulpicium: *Sic praescriptissimus iis, quibus ea negotia mandauimus, ut omnibus in rebus, quae in aliquam controuersiam vocarentur, te arbitro, et, quod commodo tuo fieri posset, te disceptatore uterentur.* itidem dixit: *videbam, quanto periculo de iure publico disceptaretur.*

Acerbitate Marcelli] Significatur id, quod Suetonius in Iulio c. 28. exposuit his verbis: *M. Claudius Marcellus, consul, edicto praefatus, de summa se republica alturum, retulit ad senatum, ut ei succederetur ante tempus: — et ne absentis ratio comitiis haberetur. — Nec contentus Marcellus, provincias Caesari, et privilegium eripere, retulit etiam, ut colonis, quos, rogatione Vatinia, Nouumicomum deduxisset, ciuitas adimeretur: quod, per ambitionem, et ultra praescriptum, data esset. Commemorauit igitur Caesar offensiones Marcelli, quo scilicet maius faceret beneficium suum: deinde se reditum eius in patriam senatus precibus largiri dixit. in oratione pro ipso c. 1. Intellectum est enim, cum *M. Marcellum senatui populoque Romano concessisset, commemoratis praefertim offensionibus, te auctoritatem huius ordinis, dignitatemque reipublice tuis vel doloribus vel suspicionibus anteferre.**

Aequitate tua] Cum Marcello collegae tuo restitisti, de quo idem Suetonius c. 29. *Summa ope restitisti, partim per intercessores tribunos, partim per Seruium Sulpicium, alterum consulem.* Id significatur etiam in epist. 3. in eo loco: *absens cognoscebam, quae esset tua in hoc pestifero bello cauendo et praedicendo sententia.*

Senatui roganti] Non modo preces, verum etiam lacrimas senatus, ut Marcelli reditum impetraret, nominat in extrema oratione, qua Caesari, ob Marcellum restitutum, et suo et senatus nomine gratias egit.

Ne hominis quidem causa negaturum] Alii legunt, *ne omnis*

quidem: quibus assentiri nullo modo possum. dixit enim Caesar, se non esse roganti senatui, ne ipsius quidem Marcelli causa, a quo graviter esset offensus, negaturum. quamquam, aiebat, in me fuerit acerbior; tamen, ne hac quidem causa, senatui deprecanti eius reditum negabo. non tanti apud me erit Marcelli ipsius iniuria, quantum senatus vniuersi consensus et deprecatio. Ad hunc locum pertinet illud ex lib. 6. epist. 6. *Marcellum, cui maxime succensebat, cum summa illius dignitate restituit.*

L. Pisane] Patriciae gentis Calpurniae: nam Calpurnii Bibuli plebei: is Caesaris socer erat, exstat in eum Ciceronis oratio.

C. Marcellus] Marci frater germanus, qui cum L. Lentulo consul fuit, biennio post Marcum consulem: nam patruelis fuit alter Caius, qui consulatum gessit cum L. Paulo, anno post Marcum consulem proxime sequenti: ut epist. 9. huius libri, et lib. 15. epist. 9. et apud Suetonium in Iulio c. 29. de germano fratre infra: epist. 7. 9. 11. et in orat. pro Marcello in extremo.

Abieisset] Nulla suae dignitatis habita ratione: quo magis Caesarem moueret. dolor enim summus in verbo, *abieisset*, ostenditur.

Supplex] Senatus amorem ac desiderium absentis Marcelli Seneca in consolatione ad Albinum c. 9. declarat his verbis: *Illi reditum impetravit senatus publicis precibus, tam sollicitus ac moestus, ut omnes illo die Bruti habere animum viderentur, et non pro Marcello, sed pro se deprecari, ne exsules essent, si sine illo fuissent.*

Accede-

Accederet] Accedere ad se supplicem senatum, Caesar passus est: eundem accidere supplicem ad pedes suos, passus certe numquam esset. alia enim C. Marcelli, fratris reditum deprecantis, alia senatus ratio fuit: quem supplicare quidem pro M. Marcello decuit, abire se ad Caesaris pedes, oblitum suae dignitatis, haudquaquam decuit. nec Caesar ipse, qui omnia quidem suae potestatis esse, speciem tamen adhuc aliquam reipublicae manere vellet, indignitatem illam tulisset. Quare nihil mutandum.

Noli quaerere] Cum res eiusmodi est, ut eam ne longa quidem oratione pro voluntate nostra satis exprimere videamur posse; confugimus ad hoc loquendi genus, et ad illud, *quid quaeris?* et similia quaedam.

Rogati] Sententiam. Hic mirari licet, cur in re minime dubia sententiae rogarentur. consensit enim senatus uniuersus in Marcelli salute deprecanda. quod illud proxime dictum ostendit: *Fecerat hoc senatus, ut cunctus consurgeret, et ad Caesarem supplex accederet.* Quod cum ita sit: cur sententiae, quasi parum certa senatorum voluntas esset, rogabantur? scripsit enim Varro, teste Gellio lib. 14. c. 7. lib. 4. Epistolicarum Quaestionum, *senatus consultum duobus modis fieri solitum, aut per discessionem, si consentiretur; aut, si res dubia esset, per singulorum sententias exquisitas.* Ego Caesarem opinor, licet senatus voluntatem perspexisset, voluisse tamen sententias rogari, quo certius, quid quisque sentiret, intelligere posset: fortasse

etiam, ut in dicenda sententia singuli sibi gratias agerent de Marcello reipublicae restituto.

Volcatium] L. Volcatium Tullum, qui cum M. Aemilio Lepido consul fuerat, triennio ante Ciceronem.

Si eo loco esset] An hoc dicit? si ea, qua Marcellus dignitate esset, negauit se in patriam rediturum; cum lib. 14. epist. 18. similiter dixerit: *Vos videte, quid aliae faciant isto loco feminae.* Hoc mihi non probatur. non enim, quod ad dignitatem attinet, sibi Marcellum Volcatius anteposuisse, quippe qui consul ante eum fuerat annis XIV. An, *si eo loco esset*, si esset in senatu? ut se Caesari, dum in senatu esset, gratias acturum negauerit. Ineptum hoc videtur. ubi enim magis, quam in senatu, ea de re, quae in senatu agebatur, agi Caesari gratias decuit? Puto igitur hoc dici: negauit se in patriam fuisse rediturum, si Marcellus fuisset; id est, si eadem, quae Marcellus consul, contra Caesarem fecisset; et si eum Pompeio postea aduersus eundem Caesarem pugnasset, nec se, post victum Pompeium, victori credidisset: quae cum Marcellus fecisset, inconstantiae videbatur esse, nec satis honorificum, beneficio eiusdem Caesaris, quem vehementer oppugnauerat, in patriam redire. Atque ad hanc sententiam pertinet illud Plauti in Baech. Act. 4. Sc. 9. v. 116:

Verum, ut ego opinor, si ego in istoc siem loco,

Dem potius aurum, quam illum corrumpi sinam.

Et Catonis illud apud Rufinianum:

R 5

Si

Si vos in eo loco essetis, quid aliud faceretis?

Magnitudo animi] Quia salutem inimico suo largitus esset.

Egi Caesari gratias] Luculenta existat oratio: cuius in extremo sunt haec: *Sic tibi gratias ago, ut omnibus me rebus a te non conservato solum, sed etiam ornato, tamen ad tua in me vnum innumerabilia merita, quod fieri iam posse non arbitrabar, maximus hoc tuo facto cumulus accesseris.*

Metuo] Metuo, ne, cum in senatu loqui coeperim, idem posthac saepe cogar facere, ut Caesaris voluntati seruiam. Idem in oratione c. 1. *Et mihi, et meae pristinae vitae consuetudinem, C. Caesar, interclusam aperuisti.*

Honesto otio] Litterato. dixit enim epist. 3. se, posteaquam nihil esse loci eloquentiae, neque in foro, neque in curia viderit, omnem suam curam atque operam ad philosophiam contulisse. et hic paullo post subiungit, *ut meis studiis seruiam.*

Intra modum] *Modice*, est cum modo: *intra modum*, minus. ut enim *supra* et *infra*, sic *ultra* et *citra*, atque interdum etiam *ultra* et *intra* opponuntur: quod Gellius lib. 12. c. 13. ostendit, modeste refutata Apollinaris sententia, qui *intra* negabat pro *citra* posse accipi. Lib. 9. epist. ult. *Epulamur una non modo non contra legem, sed etiam intra legem.*

Studiis] Quod esse vnicum solacium in malis proxime dixit.

Ingravescit] Augetur. a ponderibus translatio.

Aetatis maturitate] Sexagenarius iam erat Cicero, cum hanc

epistolam scripsit. est enim hic annus vrbis DCCVI. quo Caesar III. cum M. Lepido consul fuit: Cicero autem natus est anno DCXLVI. L. Cassio Longino, C. Mario cons.

His temporum vitis, ut nulla res alia] Epist. 3. *His vero temporibus habemus aliud nihil, in quo acquiescamus.* et lib. 9. epist. 3. *Nulla nunc in re alia acquiescimus.* Et sane plura brevi tempore, euerisa, quam multis annis, stante republica, scripsit: quod ipse fatetur in prooemio lib. 3. de Offic.

Aliquid iam noctes te adiunabunt] Eadem sententia, non iisdem verbis lib. 7. epist. 25. *Equidem aliquantum iam etiam noctis assumo.*

Virtute] *Virtus* hic neque probitatem, neque doctrinam significat, cum probitatis antecedit mentio, doctrinae subsequatur. est igitur praestantia quaedam in omnibus rebus; quae licet cum probitate non idem sit, ab ea tamen, et ab animi magnitudine prudentiaque oritur, qui enim virtutis nomen in eum cadere possit, qui vel probitate careat, vel humili atque imbecillo animo sit, vel denique parentem altricemque virtutum omnium prudentiam desideret? Eodem modo *virtutem* vsurpauit lib. 6. epist. 5. et lib. 13. epist. 27.

Doctrinaque] Dabat in primis operam philosophiae. epist. 3.

Communicar] Seruio patre per litteras mandante, cui molestum iam esset Achaicum negotium. ideo supra dixit, *tui te consilii poenitet.*

Ipso] Quo nihil esse moderatius, iam dixit. lib. 9. epist. 17.

Nostrum

Nostrium consilium] Qui suade- voluntas nostra ferat, sed quid
mus tibi, ne decedas. e re tua sit, in consilio dando
Consulimus tibi] Non quid spectamus.

EPISTOLAE V.

ARGUMENTVM.

Est haec Sulpicii epistola si non perfectae, certe admodum diligenter et elaboratae consolationis exemplum. Nam, cum officium consolandi minime deceat eos, qui prorsus dolore vacant; siquidem, qui vere amat, doloris expertus in amici casu esse non potest: ut hanc suspicionem tolleret, a molestia sua Sulpicius exordiendum putavit. Rursus, quia consolatio nihil omnino aliud est, quam aegroti animi remedium, a ratione prudentiaque sumptum; quo si caret is, quem consolamur, ratione simul ac prudentia careat necesse est: propterea culpam Sulpicius temeritatis a se voluit auertere, retulitque suae consolationis causam non ad ullam Ciceronis inscitiam, aut imprudentiam; sed ad dolorem, quo impeditus minus ea perspiciret, quae patere sibi possent, paullo moderatius dolenti. Haec quasi prooemii loco praeposuntur. Sequitur narratio, in qua maxime colliguntur exempla calamitatum, ne quis dolori nouo relinqui videatur locus. Prima consolandi ratio ducitur a conditione temporum; quae sunt eiusmodi, ut optanda minime vita videatur: altera ab exitio florentissimarum urbium, quae perpetuo mansurae videbantur: tertia ab interitu virorum clarissimorum; qui cum et multi, et uno tempore perierint, una muliercula amissa dolendum multo leuius est. Accedit imperii deminutio, provinciarum deuastatio: quae ipsa quoque non mediocrem in priuatae rei iactura consolationem afferunt. Quid moriendi necessitas? nonne ad lenandam sollicitudinem plurimum valet? Quid vita, incunde feliciterque tractata? Quid mortis opportunitas, appropinquantibus malis? Haec omnia commemorat Sulpicius in Tulliae morte: mox ad ipsum Cicero-nem orationem conuertit. Non debet, inquit, is; a quo multi consilium petere soliti sunt, committere, ut egnisse consilio, et ea, quae aliis praeceperis, ignorasse videatur, nec vero clarum sapientia ciuem expectare decet beneficium temporis, quo dolor exstinguitur, sed a ratione ac sapientia contra quaelibet fortunae tela praesidium petere. Adduntur preces: Si hoc a te ratio ipsa non impetrat, certe non negabis patriae roganti, non amicis et familiaribus, non filiae mortuae, quae carissimum sibi patrem moerore angere non vult. Incommodum proponitur. Vide, ne tuo luctu, offendantur ii, qui rerum potiuntur, interpretantes doloris tibi causam esse dominationem suam. Postremo, ne tuam gloriam contemnas, quae ex multis collecta virtutibus, addita fortitudinis et constantiae fama cumulabitur. Scripta est Caesare consule IV. sine collega, deuictis iam in Hispania Pompeii liberis: quod ex duabus ad Atticum epistolis lib. 13. 19. et 20. licet conicere: quod illa fere postrema

postrema huius epistolae verba declarant: noli committere, vt quisquam te putet non tam filiam, quam reipublicae tempora et aliorum victoriam lugere. Id confirmatur lib. 13. ad Attic. epist. 20. cuius initium est: A Caesare litteras accepi consolatorias, datas prid. Kal. Mai. Hispani. Nam Hispanum Caesar iussit post interfectum Cn. Pompeium, Magni filium, vt in libro de bello Hispaniensi c. 40. scriptum est.

EXPLANATIO.

Tulliae] Quam extinctam morbo, quem ex partu contraxerat, (vt ait Plutarchus) pater ita grauer doluit, vt nec ab amicorum consiliis, nec a philosophiae praeceptis quidquam solatii capere posset.

Propterea quia] Ciceroni, Terentio, Plauto vltatius est, propterea quod, sic, ideo quod, ideo quia, veteres dicebant.

Pari molestia] Simili potius, quam pari. nam, si par esset, afflictus afflictum consolari non posset. et infra, maiorem esse Ciceronis dolorem, quam suum, in eo significat: *non quo ea te fugere existimem; sed quod forsitan dolore impeditus minus ea perspicias.*

Conari] Conamur ea, quae minime licet perficere. vnde illud Ciceronis in Oratore c. 30. *Vides, illum (Demosthenem) multa perficere, nos multa conari.*

In praesentia] In praesenti, lib. 2. epist. 10. alibi tamen, in praesentia.

Breui] Modo rei, modo temporis breuitatem demonstrat: hic rei, et lib. 1. epist. 9. *Tantum dicam breui.* et lib. 2. epist. 3. *Breui tamen sic habeto.* Temporis autem breuitas indicatur lib. 6. epist. 6. *Vt spero, breui gratulabimur.* Et lib. 5. in Ver. c. 54. *Breui postea est mortuus.* Et in epistola Pompeii lib. 8. ad Attic. 12. *Cum ille*

magnas copias habeat, et maiores breui habiturus sit. Plautus in Rud. Prol. v. 55.

— *Posse breui fieri cum diuitem.*

Non quo ea te fugere existimem; sed quod forsitan dolore impeditus minus ea perspicias] Hoc addit, ne sibi prudentiae laudem, Cicero ademptam, tribuere videatur. sic Cicero lib. 6. epist. 5. *Quia fieri potest, vt tu ea perturbatiore animo cogites, puto esse meum, quid sentiam, exponere.*

Erepta] Cum enim ea, quae ante bonis ac fortibus viris reipublica deferebat, ad vnius potestatem translata cuncta sint, erepta nobis videntur esse: quandoquidem non iam amplius a nostra virtute et industria exspectantur.

Honestatem] Honestas definiri potest, honesti et recti species quaedam, collecta ex iis rebus, quae laudem habent singulae.

Dignitatem] Existimationem, ortam ex honoribus praeclare administratis.

Qui non] Qui, pro quo modo, vt alibi quoque, hic usurpari constat.

In illis rebus] In amissione patriae, honestatis, dignitatis, honorum omnium.

Callere] Quasi callo ex consuetudine facto sic obduruisse, vt no-

vum dolorem iam non sentiat. Proprie Plautus in Pseud. Act. I. Sc. 2. v. 4.

— *Plagis coctae callent.*

Ad animum hic Cicero transtulit, ad stomachum autem lib. 9. epist. 2. *Consuetudo diuturna calidum iam obdaxit stomacho meo.* Dicimus et occalleo simpliciter, ut lib. 2. ad Attic. epist. 18. *Angor quidem, sed iam prorsus occallui.*

Minoris] Quam illa, quae sunt erepta.

An illius vicem (credo) doles] An doles id, quod illi contigit? verbum enim, *vicem*, hoc videtur significare, ubi cum verbo, *dolen*, coniungitur. lib. 4. ad Attic. epist. 6. *Ipsius vicem minime dolemus.* Alibi aliter accipitur, ut lib. 1. epist. 9. *Nostram vicem vltus est ipse sese*, pro, vltus est ipse iniurias nobis illatas: quod ipsi facere debuimus.

Credo] Ironia: quasi credendum minime sit, ob ea quae sequuntur. nec abest indignationis quaedam vis, cum haec duo coniunguntur, *an credo*. quod enim per interrogationem pronunciatur, in eo simplex ironia non est: sic Lucretius lib. 5. v. 175.

An, credo, in tenebris vita, ac mocrorae iacebat?

Legi etiam posset simplici ironia: *at illius vicem, credo, doles.*

Et tu veneris, et nos saepe incidimus] Apparet modestia Sulpicii, qui Ciceroni plus, quam ipse sibi, tribuat. nam in *veneris* ratio; in *incidimus* casus est. necesse, inquit, est, pro tua prudentia, in eam cogitationem saepe veneris, in quam nos quoque saepe incidimus. hoc non pendet ab eo, *necesse est*, sed per se consistit, interpositum, ut se

quoque incidere in eam cogitationem Sulpicius ostenderet. Quod quia parum est animaduersum, propterea legendum alii putarunt, *ut*, pro, *et*, contra veteres omnes libros, quos quidem ego inspexerim: multis autem, amicorum studio et benignitate, nunc vtior.

Non pessime cum iis esse actum] Pessime iis non euenisse. In Laelio c. 3. *Cum illo quis neget actum esse praeclare?*

Sine dolore] Exinctos naturali morte significat. cum dolore enim moriuntur, quibus vita per vim eripitur.

Mortem cum vita commutare] Notandum loquendi genus, Ciceroni, quod sciam, non vsitatum.

Cum aliquo adolescente primario coniuncta] Diuortium cum Tullia fecerat Dolabella, antequam pareret. quod, cum ex hoc loco, tum ex lib. 6. epist. 18. in qua sunt haec: *Me Romae tenuit omnino Tulliae meae partus. Sed cum ea, quemadmodum spero, satis firma sit: teneor tamen, dum a Dolabellae procuratoribus exigam primam pensionem.* Scripsit tamen ad Dolabellam lib. 9. epist. 11. de filiae morte cum amoris in eum significatione non vulgari, ob eam causam opinor, quod temporis causa, Caesare dominante, apud quem gratosus erat Dolabella, simulandum fuit. Notanda Pediani indiligentia, qui Tulliolam scripsit apud virum suum P. Lentulum ex partu decessisse: cum neque Lentulus inter Ciceronis generos quisquam fuerit; et illa, ut Sulpicii verba ostendunt, et ut ipso teste Cicerone probauimus, post diuortium perierit.

Pareret]

Pareret] Pepererat: sed infans obiit: de quo sic Cicero lib. 10. ad Attic. epist. 18. *Tullia mea peperit XIV. Kal. lun. puerum intrau-
uatiō. quod iurāuerat, gaudebam.
quod quidem est natum, perimbe-
cillum est.* Alii legunt, *pararet.* decem octo libri habent, *pareret*: vnus omnino, *pararet.* mihi, *pa-
reret*, esse rectius, et librorum con-
sentientium auctoritas, et sententia ipsa persuasit. Optandum, inquit, videtur, ut filios pareret, quos ali-
quando cum florentes cerneret, laetaretur.

Per se] Suo studio, suaeque industria.

Ordinatio] Honorum hic erat ordo; quaestura, tribunatus plebis, aedilitas, praetura, consulatus, censura. inter quaesturam et tribunatum, itemque inter tribuna-
tum et aedilitatem annuum erat interuallum. aedilitatem, interpo-
sito biennio, praetura: praeturam, eodem interiecto spatio, consula-
tus sequebatur. censurae post consulatum definitus annus non erat.

Libertate ERN. *Liberalitate*] Dissidentibus antiquis libris, quorum alii *liberalitatem*, alii *liberta-
tem*, habent, sententiam consului; quae mihi, *liberalitate*, probare magis visa est. quo nomine non largitio tantum, sed officium quodlibet, omnisque benignitas indica-
tur, ut lib. 1. epist. 9. in extremo: *Illud ad tuam summam amplitudi-
nem, dignitatem, liberalitatem, qua te scio libentissime frui solere, pertinere, te sine ulla mora pro-
uinciam successoris concedere.* Quamquam ex, *libertate*, aliquid etiam elicio sententiae: ut ostendat Sul-
picius, neminem amicis iam naua-

re operam aut studium posse, cum libertas omnibus adempta sit.

Vterentur] Omnino hic diu me torfit anceps dubitatio: cum in octo scriptis libris, *uti*, viderem, non *uterentur*. nam et si non est, unde verbum *uti* commodè pendeat; cum ab illo, *possent*, interpo-
sita bonorum mentione disiungatur: tamen, quia plurimi apud me solet esse veterum exemplarium testimonium, haerebam, haesique tamdiu, donec in libro perantiquo Caroli Sigonii plane et diserte scriptum vidi, *uterentur*. quod in hoc toto verborum ordine atque ambitu, locum habet aptissimum.

Horum] Quae sunt haec? nimirum, quae proxime nominauit, res a parente tradita, honores, amici.

Ademptum] Vi et iniuria bellorum ciuiliū. supra: *Cogita, ea nobis erepta esse, quae hominibus non minus, quam liberi cara esse debent; patriam, honestatem, dignitatem, honores omnes.* Quid igitur, inquit, horum, quae adempta prius quam data sunt, ad viuendum illam incitare potuit?

At vero malum est liberos amittere] Artis est, ex aduersarii persona nobis obiiicere, quod eius tueri causam videatur, nec tamen ad tuendum satis valeat. adhibetur hoc genus, vbiūque disputatur, in orationibus quidem frequentissime, in epistolis nonnumquam, ut Ciceronis ad Brutum. quem locum lib. 3. c. 8. recitat Quinctilianus: *Propositis plurimis, quae boneste suaderi Caesari possent, finne bonus vir, si haec suadeam? Minime. Suasoris enim finis est utilitas eius, cui quisque suadet. At recta sunt: quis negas? sed non est*

est semper rectis in suadendo locus. et ad Gallum lib. 7. epist. 23. At pulchellae sunt. Noui optime, et saepe vidi. nominatim tibi signa mihi nota mandassem, si probassem. In oratione autem pro Coelio c. 4. *At enim postea scimus et vidimus, esse hunc in illius amicis. Qui negat?* Ἀντιπαρῶν Graece vocatur haec figura: cum difficile aliquid et contrarium fatēri cogimur, sed contra iniicimus non minus firum; qualia sunt haec de Ptolemaeo rege apud Cicero- nem in fragm. *Difficilis ratio belli gerendi; at plena fidei, plena pietatis.* Aquila de figuris.

Haec] Quae cum patimur, iu- cunda esse vita non potest.

Ex Asia] Non quae tertia or- bis terrarum pars est, sed ea, in qua Attalus regnauerat, quam ab eo legatam possedit postea popu- lus Romanus.

Aegina] Inter Cyclades insula nobilissima, ab Aegina Aeaci matre nominata, cum *Oenopia* vo- caretur antea, teste Ouidio lib. 7. Met. v. 472. et Stephano. de hac Strabo lib. 8. Plinius lib. 4. c. 12. Mela lib. 2. c. 7. alii.

Megaram] Sitam urbem inter Peloponnesum, Atticam, et Boeo- tiam.

Piraeus] Athenarum portus, quadringentarum nauium capax: opidum quoque eiusdem nominis, quod L. Sulla, praefecto, Mithrida- tis regis Archelao defendente, op- pugnavit. vide Gellium lib. 15. c. 1.

Corinthus] Achaiae vrbs opu- lentissima, quam L. Mummius euer- tit A. V. DCVI. Plutarchus, Velle- ius lib. 1. c. 13. alii. Belli causa

fuit, quod legatos Romanos sordi- bus Corinthii maculauerant. Stra- bo lib. 8. Cicero in orat. pro lege Manil. c. 5.

Opida] Vrbes nobilissimas vocat *opida*. Corinthum quidem totius Graeciae lumen appellat in orat. pro lege Manilia c. 5. et lib. 1. de Diuin. c. 25. modo urbem, modo *opidum* Pheras nominat. *Quid?* inquit, singulari vir ingenio *Ari- stoteles*, et paene diuino, ipse er- rat, an alio vult errare? cum scribit, *Eudemum* Cyprium, fami- liarem suum, iter in Macedoniam facientem Pheras venisse; quae erat vrbs in Thessalia tum admo- dum nobilis, ab Alexandro autem tyranno crudeli dominatu teneba- tur: in eo igitur opido ita graui- ter aegrum Eudemum fuisse, ut omnes medici diffiderent.

Diruta] Corinthi quidem vix reliquum vestigium, ait Cicero in Agraria 2. c. 32. postea restitutam a Caesare, Strabo narrat lib. vlt.

Nos homunculi] Argumentum a maiori. nam si opida intereunt; quis perire homines maretur? Priscianus lib. 3. *Saepe inueniuntur diminutiuum diminutiva in diuersas desinentia formas, ut bomo, homungio, homunculus, homu- lus, homullulus.*

Si quis nostrum interiit] Aliis placet, *nostrorum*: ut de propin- quis dicatur. Sed mutare non est necesse. eodem enim sententia red- it, si *nostrum* legimus cum omni- bus antiquis libris. nam et si de vniuerso hominum genere dictum sit, si quis *nostrum* interiit; pro, cum accidit, ut homo aliquis inter- eat: ad eos tamen homines refer- ri, qui nobis cari sunt, quis non intelli-

intelligit? cari enim sunt non omnes omnibus, sed omnes suis: et quia nemo fere est, qui carus alicui non sit; ideo generatim recte Cicero dixit, quod deinde in partes diuiditur, *indignamur, si quis nostrum interit*.

Cadauera] Interitus opidorum est euersio. apte igitur, *cadauera*.

Cobibere] Vel *cobibere*, in timore mortis, nec vitam hanc magis, quam deceat, diligere; cum opida quoque eundem cum hominibus interitum expectent: vel *cobibere*, pro colligere, quod est accurata cogitatione rationem perpendere: vt lib. 1. epist. 9. *Collegi ipse me, et cum ipsa quasi republica collocutus sum*.

Hominem te esse natum] Id est, eum, cui moriendi necessitas impendat. vnde illud Anaxagorae, nunciata filii morte, *sciebam me genuisse mortalem*, Tusc. 3. c. 24. quo spectasse arbitror poetam illum, cum Telamonem, audita Aiacis filii nece, dicentem induxit:

Ego cum genui, tum moriturum sciui, et ei rei sustuli.

In eadem Tusc. c. 13. Et hic infra: *quoniam homo nata fuerat*.

Modo vno tempore tot viri clarissimi] Emphasim habent singula. Omitto, inquit, vetera. modo interitum vidisti et virorum, et clarissimorum, et multorum, et vno tempore. cur angeris ob amissam vnus mulierculae animulam, cui tamen communi naturae lege moriendum aliquando fuit?

Tanta deminutio] Non quod ab imperio populi Romani gentes defecerint, sed quod ciuili bello, et vestigalium fructus, et maiestas,

ac vires etiam populi Romani, caesis tot hominum millibus, imminutae sint.

Omnes provinciae] Italia, cum Caesar Pompeium eiecit: Hispania, cum Pompeii legatos et exercitum in suam potestatem redegit: Graecia, cum ipsum Pompeium devicit: Aegyptus, vnde victoriam, non sine vitae periculo, reportavit: Asia, propter Pharnacem, Mithridatis regis filium, quem Caesar, Alexandria reuertens, nullo negotio superauit: Africa, in qua Scipionem et Iubam regem vicit: Hispaniam rursus, in qua hoc tempore Caesar consul IV. aduersus Pompeii liberos bellum gerebat. motum in Gallia fuisse nullum puto.

Conquassatae] Impetu belli labefactatae, incommotis et calamitatibus affectae. pro Sextio c. 26. *Etiam exteras nationes illius anni furore conquassatas videbamus*.

Mulierculae animula] Deminutis nominibus iactura leuior ostenditur.

Homo nata] Nata, vt moretur. morti enim homines debentur. paulo ante: *Hominem te esse natum*. *Hominem* incerti sexus Donatus dicit esse, cum illud Terentii in Eup. Act. 2. sc. 3. v. 64. interpretatur:

— *Illumne, obsecro, Inbonestum hominem, quem mercatus est bere, senem mulierem?*

Et Plautus in Cist. Act. 4. Sc. 2. v. 21. *Hominis miserae miseri*. Alii tamen aliter sentiunt.

Etiam tu ab hisce rebus animum ac cogitationem ERN. *quod cogitationem tuam auoca*] Nescio quo modo men-

mendum huc irrepserit, quod vulgatos omnes libros occupauit, iis tantum exceptis, quos olim edidit pater meus, quem pro eximia conseruandae antiquitatis cura laudare satis nemo possit. ac mutationem quidem esse factam, eo magis miror, quod omnes libri veteres, quotquot vnuquam viderim, habent, *ad cogitat onem*, non, *ac cogitati nem*, vt impressi. restituiamus igitur veritatem, vel negligentia vel opinione corruptam. Fac, inquit Sulpicius, quod ego feci; qui cum opida, quondam Florentissima, prostrata ac diruta vidissem, inde animum ad cogitandum auocaui, reprehendique communem errorem, quod indignamur, si quis nostrum interit, aut occisus est, quorum vitae exiguos natura terminos circumscripsit; cum vno loco tot opidorum cadauera proiecta iaceant. haec me cogitatio valde confirmavit. Etiam tu, cum tot viri clarissimi vno tempore perierint, imminutum valde sit imperium, provinciae omnes conquassatae, ab hisce rebus, vt ego ab opidorum excidio, ad cogitationem animum auoca; nec vnus mulierulae tantopere commouearis interitu; sed ea potius reminiscere, quae digna tua persona sunt. *Ad cogitationem tuam* dixit, pro, ad eam cogitationem, quae ad te ipsum pertinet; cum illa, de tot virorum clarissimorum interitu, de imperii diminutione, de provinciarum clade, non de ipso proprie, sed aliena cogitatio fuerit. ab hisce igitur rebus ad cogitandum de te ipso animum conuertere.

Ab hisce rebus] Quae te exercitiant; cum in caede tot virorum clarissimorum, in imperio demi-

nuto, provinciis conquassatis, plus omnino damni, quam in vnus mulierulae animula, factum sit.

Tua persona] Grauem enim personam sustines, cum amplissimos magistratus eximia cum laude gesseris. Videtur in verbo *persona* honorificum quiddam inesse: vt lib. 1. de Fin. c. 1. *Aliquos futuros suspicer, qui me ad alias litteras vocent: genus hoc scribendi, etsi sit elegant, personae tamen, et dignitatis esse negent.*

Quandiu ei opus fuerit] Non enim, cum respublica occideret, opus fuit.

Praetorem, consulem] Magistratum alii maiores, alii minores vocabantur: maiores, praetor, consul, censor: minores, reliqui. hic maiores duo nominantur, praetura et consulatus. nam censuram Cicero non gessit. Gellius lib. 13. c. 14.

Augurem] Augur creatus est (vt ait Plutarchus) in locum P. Crassi a Partius cum patre M. Crasso interfecti, cum ab exilio restitutus esset, antequam iret in provinciam. nam antea sacerdotium illud non appetuerat: vt ipse ad Catonem scripsit lib. 15 epist. 4.

Adolescentibus primariis] Tribus. nupsit enim primum C. Calpurnio Pisoni Frugi, vt est lib. 1. ad Attic. epist. 3. deinde Furio Crassipedi, de quo ad Lentulum, lib. 1. epist. 7. et lib. 2. ad Q. Fr. epist. 4. quo mortuo, vel relicto, (nam neque de obitu eius, neque de diuortio constat) P. Cornelio Dolabellae collocata est, vt lib. 8. epist. 13. et lib. 2. epist. 16. et alibi. a Dolabella, vt iam diximus, dimissa perijt ex partu. in quo notauimus olim Plutarchi et Asconii

indiligentiam, qui duos tantum Ciceronis generos nominarunt, Pisonem et Lentulum, in Lentuli etiam nomine peccantes. nam inter Ciceronis generos Lentulus nemo fuit.

[*Primariis*] Omnibus quidem patricii generis. patriciae enim gentes, et admodum antiquae, Calpurnia, Furia, Cornelia.

Cum respublica occideret, vita excessisse] Eandem sententiam lib. 3. de Orat. c. 2. cum de L. Crassi morte loqueretur, consolationis loco posuit. Non vidis, inquit, flagrantem bello Italiam, non ardentem inuidia senatum, non sceleris nefarii principes ciuitatis reos, non luctum filiae, non exilium generi, non acerbissimam C. Marii fugam, non illam post reditum eius caedem omnium crudelissimam, non denique in omni genere deformatam eam ciuitatem, in qua ipse florentissima multum omnibus gloria praestitisset. c. 3. Vt ille, qui haec non vidis, et vixisse cum respublica pariter, et cum illa simul extinctus esse videatur. Et in libro de clar. orat. c. I. opportuno tempore Hortensium obiisse ostendit, appropinquante reipublicae interitu. Tum occidis, inquit, cum lugere facilius rempublicam posset, si viveres, quam inuare: vixitque tam diu, quam licuit in ciuitate bene beaque vivere.

Hoc nomine] Hanc ob causam, quod vita nunc excesserit.

Ciceronem esse] Multis iam clarum virtutibus. vis maior est in ipso nomine, quam si dixisset, cogita qui sis. tale illud lib. 3. epist. 7. Appius Lentulo, Lentulus Appio processit obuiam. Et lib. 3. ad Attic. epist. 2. Cum Hortensius

venires, et infirmus, et tam longe, et Hortensius. Et lib. 1. ad Q. Fr. epist. 2. Cato, adoleseus nullius consilii, sed tamen ciuis Romanus, et Cato. Et illud Caesaris ad gubernatorem tempestatum diffidentem: Caesarem vebis. Lugere autem in funere, et in reliquis calamitatibus, quo quisque nobilior et praestantior est vir, eo minus licet. itaque praeclare Eanius:

Plebes in hoc regi antestat loco: licet

Lacrumare plebi, regi honesto non licet.

Neque imitare ERN. imitari] Ita pendet hoc a verbo noli, vt ex eo tamen eliciatur affirmatio: hoc modo: neque velis imitari malos medeos. nam quaedam ex negatione et affirmatione composita, vt, nemo ex non et homo, uolo ex non et uolo, in prima sententiae parte vim habent negandi, vt hic, noli te oblinisci Ciceronem esse: in secunda affirmant, vt, neque imitari: quod ita regitur, vt diximus, a verbo noli, vt subaudiatur non ea pars, quae in eo verbo negat, sed ea tantum, quae affirmat. Sic et Cicero locutus lib. 12. epist. 30. Noli impudens esse, uice mihi molestiam exhibere. nam particula nec, respicit ad noli, sic tamen, vt, velis, eliciatur, quod in noli inclusum est. Horatius quoque affirmationem ex nemo, eduxit in iis versibus lib. 1. Serm. Sat. 1.

Qui fit, Maecenas, ut uenio, quam sibi sortem

Seu ratio dederit, seu fors obiecerit, illa

Contentus uiuat? laudet diuersa sequentes?

hoc

hoc enim, laudet diuersa sequentes, cum referri necesse sit ad nemo; tamen affirmatiue sumi, plane constat.

Quae aliis tute praecipere soles, ea tute tibi subiice] Sic Cicero epist. 9. ad M. Brutum: *Est alienum tanto viro, ut es tu, quod alteri praeceperit, id ipsum facere non posse.*

Longinquitas temporis] Eadem sententia aliis verbis lib. 5. epist. 16. et lib. 6. epist. 4. et lib. 7. epist. 28. Tale illud Philippiadae:

Ὁ κοινὸς πατὴρ ἐκ θεοῦ καὶ χρένος.

et Menandri:

Πάντων πατὴρ ἐστὶν ἀναγκαῖον καὶ χρένος ἐστὶν.

et Biphili:

Λύπη δὲ πάσης γίγνεται πατὴρ χρένος.

et Philetac:

Ἄλλ' ὅτ' ἐπὶ χρένος ἔλθῃ, δὲ ἐκ Διὸς ἄλγος πίπτειν

Ἐλλαχε, καὶ πένθειον φάρμακα μῦθος ἔχει.

Sapientia occurrere] *Impetret ratio, quod dies impetratura est*, dixit lib. 12. ad Attic. epist. 10.

Quod si qui etiam inferis sensus est] Dubitat in eo, quod philosophorum alii negauerant, alii crederant potius, quam probauerant. Cicero in Catone maiore, Platonem secutus, residere in morte sensum putat. lib. 5. epist. 16. ita disputat, quasi ancipiti sententia distrahatur. Isocrates dubitauerat, nam in Euagora, *ἂν τις*, inquit, *ἔστιν αἰσθησις τοῖς τετελευτηκῶσι περὶ τῶν ἐνθάδε γιγνομένων.* Et in Plataenium supplicatione: *Ἐν τις ἄρα τοῖς ἐκείνους φρονήσις ἐστὶ περὶ τῶν ἐν-*

θάδε γιγνομένων. Et in oratione Aeginetica: *Θρασύλοχος, ὁ πατὴρ ταύτης, ἤγοιτ' ἂν δεινὰ πάχειν, εἴ τις ἐστὶν αἰσθησις τοῖς τετελευκῶσι περὶ τῶν ἐνθάδε γιγνομένων, ὅρῳ τῇ μὲν θυγατρὶ ἀποτερουμένη τῶν χρημάτων.*

Qui illius in te amor fuit] Notum loquendi genus: quod valet, *pro amore in te suo.* lib. 13. epist. 78. *Quae tua natura est.* et lib. 6. ad Attic. epist. 9. *Quae tua prudentia et temperantia est.* Et lib. 7. ad eundem epist. 7. *Quae tua est humanitas.* et in epist. 4. M. Bruti ad Ciceronem: *Quae, tua est humanitas.*

Pietas in omnes suos] Dixi iam, pietatis nomen plus omnino, quam amoris, significare. vt lib. 1. epist. 9. perspicue cernitur. vsurpatur in deos, parentes, propinquos, optime de nobis meritis.

Reipublicae tempora] Miserri-
ma, ob amissam libertatem.

Aliorum victoriam] Hoc dicit, quia paullo ante Caesar Pompeii liberos in Hispania deuicerat.

Si hoc unum proposuero] Sic loquimur, cum ita nos aliquid dicturos esse ostendimus, vt aliquid tamen praeponere velimus. lib. 13. epist. 10. *Videor mihi, cum separatim de probitate eius et moribus dicturus fuisset, si prius causam, cur eum tantopere diligerem, tibi exposuisset, in ipsa causa exponenda suis etiam de probitate dixisse.* Et lib. 2. de Offic. c. 6. *Quoniam nonnumquam hoc subsidium necessarium est: quemadmodum sit vendum eo, dicemus, si prius iis de rebus, quae virtuti propiores sunt, dixerimus.* Et in Phil. 14. c. 2. *Ad litteras veniam, quae sunt a con-*
sulibus

fulibus et a propraetore missae, si pauca ante, quae ad ipsas litteras pertineant, dixerō. Et in eo commentariolo, qui de optimo genere oratorum, inscribitur, c. 7. Aggrediamur iam, quod suscepimus, si prius exposuerimus, quae causa in iudicium deducta sit. Lib. 3. in Ver. c. 5. Haec et dicentur alio loco, et dicta sunt: nunc/proficiscemur ad reliqua, si pauca ante fuerimus a vobis, iudices, deprecati. Et ibidem infra c. 16. Omnes eas iniquitates, de quibus antea dixi, sui quaestus causa constituisse conuincam, si prius illud propugnaculum, quo contra omnes meos impetus usurum se putat, ex defensione eius deiecerō.

Apisci ERN. Adipisci] Apisci

placet aliis. non contemno antiquitatem, colo etiam et obferuo: sed adipisci cur non retineam, cum omnes in eo mei veteres libri, nullo discrepante, consentiant.

Onus] Vt ferre non queas, respexit ad id, quod proxime dixerat, aeque ferre.

Haec una] In aduersis constantia et fortitudo.

Tranquilliore ERN. Tranquilliore animo esse] Sic libri septem antiqui: alii, tranquilliore. vtrumque recte.

Prouincia] Achaia: quae et Graecia dicta est. lib. 6. epist. 6. et Prolemaeus. de tota Sulpicii Achaica iurisdictione, vide quae diximus epist. 12.

EPISTOLAE VI.

ARGVMENTVM.

Respondet Sulpicio consolanti, dolorem suum leetis illius litteris aliqua ex parte lenitum: sed nemini unquam in eiusmodi casu aut plures, quam sibi, dolendi causas, aut grauiores fuisse: lenationem tamen sibi fore maximam, si eius consuetudine sermonibusque frui liceat.

EXPLANATIO.

Ego vero, Serui, vellem] Cum in rescribendo amici consilium aut voluntatem comprobamus, utimur simili principio. ad Curium, lib. 7. epist. 30. Ego vero iam te nec hortor, nec rogo, ut domum redeas: quin hinc ipse euolare cupio. Ad Varronem lib. 9. epist. 5. Mibi vero ad nonas bene maturum videtur fore. Ad Tirōnem, lib. 16. epist. 10. et 23. Lib. 13. ad Attic. epist. 41. 43. et lib. 16. ad eundem epist. 3.

Ea scripsisti] Quod prudentiae et doctrinae fuit.

Dolorem adhibuisti] Quod humanitatis et amoris.

Illi tempori] Illi calamitati: vt lib. 1. epist. 9. Habui non temporum solum rationem meorum, sed etiam naturae. Et ibidem paullo post: Scripsi versibus tres libros de temporibus meis.

Tibi gratum] Badem fere sententia clausit epistolam tertiam.

Iucundiora] Iucunditati locus non est in rebus miseriis, nec fere iucundum: quidquam, quod non idem gratum: grata vero multa, non eadem iucunda. lib. 13. epist. 18.

Tale

Tale tuum iudicium de homine eo, quem vnice diligo, non potest mihi non summe esse iucundum. Quod cum ita sit, esse gratum necesse est. lib. 5. epist. 15. *Omnis amor tuus ex omnibus partibus se ostendit in his litteris, quas a te proxime accepi; non ille quidem mihi ignotus, sed tamen gratus et optatus: dicerem, iucundus, nisi id verbum in omne tempus perdidissem.* Similiter lib. 1. ad Attic. epist. 17. *Fuit mihi saepe et laudis nostrae gratulatio tua iucunda, et timoris consolatio grata.* et lib. 3. ad eundem epist. 20. *Auunculum tuum functum esse officio, vehementissime probo: gaudere me tum dicam, si mihi hoc verbo licebit uti.* Ibidem epist. 24. *Ista veritas, etiamsi iucunda non est, mihi tamen grata est.*

Non oratio tua solum, et societas paene aegritudinis, sed etiam auctoritas.] Tria consolantur: rationes ad minuendum luctum aptae; dolor eius ipsius, qui consolatur; auctoritas demum sapientis et clari viri, quae rationibus vim et pondus addat. rationes et auctoritatem attigit in epist. 9. ad Brutum, hoc modo: Me quidem cum rationes, quas collegeras, tum auctoritas tua, a nimio moerore deterruit. Et ibidem proxime: Iudicium tuum magni aestimans, idque veritus, me ipse, collegi: et ea, quae didicaram, legeram, acceperam, grauiora duxi, tua auctoritate addita.

Aegritudinis.] Tusc. 3. c. 10. Ut aegrotatio in corpore, sic aegritudo in animo, nomen habet non seiunctum a dolore. et ibidem: Praeclare nostri, ut alia multa,

molestiam, sollicitudinem, angorem, propter similitudinem corporum aegrorum, aegritudinem nominauerunt.

Q. Maximus.] Quos hic nominat, eosdem et alios praeterea, ut exemplo multorum sedaret luctum suum, in eo libro collegit, quem de consolatione ad se ipsum inscripsit. legimus enim haec in Epitaphio Nepotiani, apud Diuum Hieronymum: L. Paullus septem diebus inter duorum exsequiis filiorum triumphans urbem ingressus est. Praetermitto Maximos, Catones, Gallos, Pisones, Brutos, Scaenolas, Metellos, Marcios, Crassos, Marcellos, atque Aufidios; quorum non minor in luctu, quam in bellis, virtus fuit; et quorum orbitates in Consolationis libro Tullius explicauit. In Tusc. 3. c. 28. Gallum non nominat. Qualis, inquit, fuit Q. Maximus, effrensus filium consularem: qualis L. Paullus, duobus paucis diebus amissis filiis: qualis M. Cato, praetore designato, mortuo filio: quales reliqui, quos in consolatione collegimus. Q. Maximus est ille Fabius, qui rem Romanam secundo Punico bello, superiorum ducum temeritate euersam, cunctando restituit: de quo Ennius,

Vnus, qui nobis cunctando restituit rem.

quem versum Virgilius vsurpauit lib. 6. Aen. v. 847. Etsi Maximi cognomen ab auo, Q. Fabio Rulliano, accepit, ut ex Liuius et Valerio constat: tamen cum Q. Maximus legitur, non ille Rullianus, sed hic Verrucosus significatur, ut in libro de Sen. c. 4. *Multa in eo viro praeclara cognoui: sed nihil est*

admirabilis, quam quomodo ille mortem M. filii tulit, clari viri, et consularis.

Magnis rebus gessit] Quarum illa fuit maxima, quod Hannibalem iuueniliter exultantem patientia sua molliuit. Arpos quoque recepit: quod opidum Hannibalis praesidio tenebatur.

L. Paullus] Aemilius, qui Macedoniam, victo rege Persa, ad imperium adiunxit, intulitque ex praeda in aerarium bis nullies centies H-S vt ait Velleius lib. 1. c. 9. id est, sexagies tricies centena nullia scutatorum.

Duo septem diebus] Patet historia apud Plutarchum, Liuium lib. 45. c. 40. Velleium lib. 1. c. 10. et alios.

Vester Gallus] Qui Sulpiciae gentis, fortasse, cum hic Cicero consularium virorum exemplis vti videatur, hic est C. Sulpicius Gallus, qui consule deiucit Ligures A. V. DLXXXVII. de quo sic in Laelio c. 2. *Memineram Paullum, videram Gallum: sed hi in pueris; Cato in perfecto et spectato viro.* Et paullo post c. 6. *Viros bonos eos, qui habentur, numeremus, Paullos, Catones, Gallos, Scipiones, Philos.* Et infra ibidem c. 27. *Hac nos adolescentes benevolentia senes illos, L. Paullum, M. Catonem, C. Gallum, P. Nasram, Ti. Graecchum, Scipionis nostri socerum, dileximus.*

M. Cato] Ille Censorius, et bellicis rebus et doctrina clarus.

Filium] De quo sic in libro de Senect. c. 23. Cato ipse loquitur: *O praeclarum diem, cum ad illud diuinum animorum concilium, coetumque proficiscar, cumque ex hac turba et colluione discedam! pro-*

ficiscar enim non ad eos solum viros, de quibus ante dixi; sed etiam ad Catonem meum, quo nemo vir melior natus est, nemo pietate praestantior: cuius a me corpus crematum est; quod contra decuit ab illo necum. animus vero non me desereus, sed resistentans, in ea profecto loca discessit, quo mihi ipse cernebat esse veniendum. quem ego meum casum fortiter ferre visus sum: non quod aequo animo ferrem: sed me ipse consolabar, existimans, non longinquum inter nos digressum et discessum fore. Plutarchus ait a patre virum optimum in eius libris appellari solitum: nec ab eo, sed a Salonino Catone, quem e Salonii scribae filia, post obitum prioris vxoris, censorius Cato susceperat, originem duxisse Catonem illum, qui se Vticae interfecit. quod Gellius confirmat lib. 3. c. 19.

Adspicere etiam non poteram] Curia, templum, aedes sacra, diuersa esse possunt. nam curiae, vt ait Varro, duorum generum; eae, in quibus sacerdotes res diuinas curabant, a Romulo institutae; et eae, vbi senatus humanas, vt curia Hostilia: quae neque templum fuit, nisi postquam per auguria constituta est; neque aedes sacra, quia nulli deo dicata. sed cum senatus consulta non nisi locis per auguria constitutis, quae templa vocabant, haberi possent: propterea et curia Hostilia, et Pompeia, et Iulia quoque, cum profanae fuissent, per auguria constitutae sunt, quod a Varrone proditum indicat Gellius lib. 14. c. 7. Eadem ratione templum ab aede sacra distat. nam templum per se auguratum est, non sanctum: aedes vero sacra per se sancta,

sancta, non augurata, ut aedes Vestae: sed, si augurio constituitur, ut multae, quod ait Varro; tunc et sancta et augurata est, ideoque et curia, et templum. Rostra in foro saepe *templa* nominantur, quod augurato constituta: quae tamen neque aedem sacram, neque curiam fuisse, satis constat.

Industriae meae fructus] Industriae fructus erat, prodesse amicis in foro, reipublicae in curia.

Fortunae] Quis est hic fortunae locus? fortasse, quia fortuna industriam adiuuat.

Frangerem ipse me] Illata animo vi, ut illa grauissima toleranter tamen ferret.

Consenuisse ERN. *Consenuisse*] Nihil muto, ne dissentiam sine causa ab omnibus antiquis libris, quos quidem adhuc viderim. nec videtur obscura sententia. Illa, inquit, quae me grauiter affecerant, consenuisse iam videbantur: nam vetustas dolorem sedat: nunc eadem hoc tam graui vulnere recrudescunt. Metaphora est ab iis morbis, qui licet vetustate non

omnino tollantur, quotidie tamen ex consuetudine leuiiores fieri videntur. non enim sublata ea mala Cicero significat, sed animum suum diuturnitate tamquam occalluisse, ut aliquanto minus ea sentiret: nunc autem veterem sibi acerbitatem nouo esse vulnere renouatam. Accedit eiusdem Ciceronis testimonium. nam lib. 7. epist. 26. *senescentis*, ait, *morbi remissio*. Sic *senescens laus*, alibi dixit.

In eius bonis] Quae nunc nulla sunt.

Et domo absum, et foro] Erat igitur in agris.

Leuatio] Ratio, mei veteres libri omnes: quod sententia non caret. Aliorum tamen coniectura non displicet.

Tibi amicissimi] Quia consul Sulpicius M. Marcello collegae, Caesari Gallias ante diem eripere conanti, restiterat, pacisque semper auctor fuerat. epist. 1. et 3. et Suetonius in Caesare c. 29. amicissimus etiam Sulpicio Caesar, quia suis in praefidiis eius filius ciuili bello fuerat. lib. 9. ad Attic. epist. 18. et 19. et lib. 10. ad eundem epist. 3.

EPISTOLAE VII.

ARGUMENTVM.

Visti in Thessalia Pompeii partibus, diuersum a reliquis Pompeianis M. Marcellus consilium cepit. nam neque ad Caesarem victorem supplex voluit accedere; quod fortis animi fuit: neque se ad eos adiunxit, qui bellum in Africa renouandum putarunt; arbitratus, cum integri pares non fuissent, fractos superiores esse non posse. quod ab eo factum sapienter, belli exitus declarauit. locum igitur bello vacuum Marcellus delegit, ubi, tamquam in exsilio, procul a patria seruiente, in qua nihil iam leges, nihil mos maiorum valeret, procul ab armis, in quibus victoriae spes nulla, exitium esset exploratum, sibi ipse viveret. quod consilium in hac epistola nec probat Cicero, cum ipse, profligatis Pompeii partibus, in Italiam statim redierit; neque reprehendit, ne virum grauem, hominum sibi amicissimum, imprudentiae dam-

innare videatur. Vtitur igitur via quadam, et ita Marcelli factum laudat, ut modum in eo requirat. ad persuadendum colligit haec: posse Marcellum, si Romanam redeat, nullo negotio fortunas suas obtinere: se quoque, cum in eadem esset caussa, ad Caesaris clementiam confugisse, veniamque impetrasse: inimico Caesare, Marcellum nunquam fore tutum; amico, debere illum Rhoda, et Mitylenis Romam antepone; idem omnes, qui eum diligant, sentire: habendam etiam rei familiaris rationem, quae ut, ipso praesente, facile conseruari, sic, absente, diripi, ac dissipari possit. Commemorat Marcelli fratris lacrimas, et dolorem suum: gratia se non abundare, sed ad omnia, quae possit, paratum esse demonstrat. Tota moralis est epistola. C. Caesare III. M. Lepido co. post bellum Africanum.

EXPLANATIO.

Esi eo te adhuc consilio usum intelligo] Monendi partes qui suscipit, vitare debet vitium arrogantiae. ideo capit initium Cicero a laude Marcelli. Porro, quia facilius impetrat amicus, quam alienus; mentionem induxit veteris amicitiae.

Non quia ab eo ipse dissentiam] Non enim eo, quo Marcellus, consilio usus erat; quippe qui, post Pharsalicam pugnam, desperatis rebus Brundisium se contulit. infra, *de quo*, inquit, *quid sentiam, nihil attinet dicere: cum appareat, ipse quid fecerim.*

Non anteponom] Captat benevolentiam a modestia sua, et a Marcelli laude.

Non aliena a dignitate] Hoc addit, quia Romae vivere, cum vnus voluntas pro legibus esset, contra dignitatem Marcellus existimabat. potius tamen pro tuenda salute, fortunisque conseruandis, quam pro dignitate, rationes adducuntur. nisi si ad dignitatem illud pertinet: si per Caesarem liceat in alienis etiam locis quiete ac libere vivere, cogitandum tamen esse,

Romae ne potius et domi, an Mitylenis et Rhodi viuendum esse videatur.

Ego eum te esse] Aggreditur probare, satis iam officio Marcellum fecisse: ut ostendat, debere eum aliquando cum suis in patria viuere.

Multo ante] Itaque Caesaris potentiam, adempta ei prouincia, minuire conatus est: in quo Sulpicium collegam habuit aduersarium. Suetonius in Caesare c. 29. et lib. 8. ad Attic. epist. 3.

Ita gerendi] Quod urbem Pompeius primum, deinde Italiam, stulto consilio deseruit. hoc in epistolis ad Attic. saepe accusat Cicero, atque etiam ad Tironem lib. 16. epist. 12. *Urbem*, inquit, *reliquimus: quam sapienter, aut quam fortiter, nihil attinet disputare.*

Copias] Militum numerum: quem cum, ante Caesaris aduentum, maximum promississet, Caesaris aduentu nunciato, paratum exercitum non habuit: ex quo Favonii vox illa, *nunc, Pompei, terram pede percute*: quia promiserat, ubi terram, pede percussisset, ilico

ilico futurum, ut adessent ingentes peditum equitumque copiae. quod postea non praestitit. lib. 7. epist. 3. *Neque magnas copias, neque bellifosas.*

Genus exercitus] Ex tironibus magna ex parte collectum. lib. 7. epist. 3. *Signa, inquit, tironum et collectio exercitus, cum legionibus robustissimis contulit.*

Qua in sententia me quoque fuisse] Confirmat idem in orat. pro Marcello c. 6. *Nostri, inquit, sensus, ut in pace semper, sic tum etiam in bello congruebant.*

Ne interesset] Cum bellum susciperetur. ideo dixit lib. 6. epist. 6. *Susceptum bellum est, qui-sciente me: depulsum ex Italia, manente me, quoad potui. Et lib. 16. epist. 11. Ego adhuc orae maritimae praesum a Formiis. Nullum maius negotium suscipere volui. et lib. 7. ad Attic. epist. 11.*

Consilio, auctoritate] Eandem sententiam aliis verbis enunciauit lib. 6. epist. 1.

Cum spe vincendi] Idem aliis verbis lib. 7. epist. 3. *Nec putavi, inquit, cum integri paves non fuissetis, fractos superiores fore.*

Sapientem et bonum] Bonum, quia bellum civile pro salute, ad dignitatem patriae suscipiat; sapientem, quia inuites: cum exitus victoriae maxime sit incertus.

Extrema libenter non persequi] Ut ii, qui se in Africam contulerunt. Scipionem, Catonem, Labienum, aliosque significat. quos neque Marcellus, neque Cicero secuti sunt. lib. 9. epist. 6.

In Africam] Ad Iubam regem, qui, C. rione Caesarianarum partium duce interfecto, equitatum

firmissimum, et elefantos plurimos habebat. ideo stultitiam eorum, qui ad bestiarum auxilium confugerant, carpit Cicero lib. 9. epist. 6.

Medium] Ut neque bellum renouares, neque Romam redires, sed in opidum liberum, et ab armis remotum, te reciperes.

Ut mihi quidem videtur] Hoc interposuit modestiae causa, ne Marcelli consilium plane reprehendere videatur.

Fortunas] Veritus, ne, praeter alias causas, hoc etiam nomine Marcellus exsulare statisset, quod fortunarum suarum incolumitatem desperaret, optime Caesarem in eum esse animatum significat, nec dubitandum, quin suas fortunas obtinere possit.

Penes quem est potestas] Qui rempublicam tenet. dixit paullo post: *qui locus hoc dominatu vacat?* et, *qui omnia tenet*, in epistola sequenti: *omnia delata ad unum sunt*, epist. 9. *qui plurimum potest*, epist. 13. *qui potiuntur rerum*, lib. 1. epist. 8.

Beneficium non putares] Latenter significat, si Marcellus, ut multi, veniam a Caesare velit petere, eius fortunas omnes fore salvas. quod ut faciat, aperte non hortatur; ne magni animi virum offendant: hortationis autem loco, prudenter subiungit illud: *de quo quid sentiam, nihil attinet dicere: cum appareat, ipse quid fecerim.* Post Pharsalicam enim pugnam, Caesar et Ciceroni et aliis ignouerat.

Cogitandum tibi tamen esset] Primum argumentum sumpsit a fortunarum spe, alterum ab exemplo sui facti, tertium a Caesaris potestate.

potestate, quantum hic subiungit ab honestate. nam vt Mitylenis aut Rhodi viuere aeque ac Romae tutum sit, certe honestius in patria tua. Verbum autem, *cogitandum*, ad honestum spectasse Ciceronem potius, quam ad iucundum, significat: quamquam in epistola sequenti, cum simili vteretur argumento, dixit: *sin qualemcumque locum, quae est domestica sede iucundior?* quamquam ibi statim de dignitate subiunxit.

Cuiusmodi res esset] Quaecumque respublica esset. quod epist. 9. expressit.

Mitylenis] Quo se contulerat a Pharsalica pugna. in Bruto c. 71. *Vidi enim Mitylenis nuper virum, atque, ut dixi, vidi plane virum.* Et Valerius Max. lib. 9. c. 11. et Seneca in libro de Consolatione ad Albinam c. 9. et hic lib. 7. epist. 3.

Veremur] Minus est, quam timeamus. valet enim: quem ne offendamus, veremur.

Vt terrarum orbem complexa sit] In epistola sequenti, *qui locus hoc dominatu vacat?*

Alienae] Minor enim in externis locis ad facinus verecundia. epist. 9.

Etiamsi oppetenda mors esset] Non modo Romae esse malum, cum in vrbe minus, quam in externis locis, periculi esse videam, sed etiam si oppetenda mors esset.

Futura perpetua] In re tua familiarum non perpetuam iniuriam, sed repentinum aliquem, te absente, praedonum impetum extimesco.

Qui essent] Caesarianos quosdam insigni audacia, et fortasse egentes, designat.

C. Marcelli] Qui consul fuerat post M. Marcellum anno proximo.

Fratris optimi] *Patruelis*, vt ait Suetonius in Caesare c. 29.

Te deprecantur] Tuam salutem a Caesare precibus petunt. *Deprecamur*, vel cum expetimus aliquid, vel cum recusamus. prior significatio patet hic, et in orat. pro Marcello c. 5. Cum, inquit, M. Marcellum, *deprecantibus vobis, reipublice conseruauit.* Et ad Cornificium lib. 12. epist. 24. *Nondum legati redierant, quos senatus non ad pacem deprecandam, sed ad denunciandum bellum miserat, nisi legatorum nuncio paruisset.* Alterius exemplum significationis; vnum illud pro Balbo c. 7. cum suppetant multa, recitabimus: *Quiddam de communi conditione omnium nostrum, deprecandae malevolentiae causa, breuiter commemorandum videtur.*

Precibus tardiores] Hic locus ostendit, C. Marcellum, etsi Caesaris dignitatem, vt in Suetonio c. 29. legimus, consul oppugnauerat, civili tamen bello non interfuisse. alioqui deprecatore ipse quoque eguisset: quod de se ipso Cicero subiungit.

Deprecatione ERN. Deprecatore] In primis pro eo deprecatus videtur gener eius Dolabella. lib. 11. ad Attic. epist. 7. in oratione tamen pro Marcello c. 5. vt serui-ret praesentis Caesaris auribus, eiusque gratiam humanitatis laude colligeret, ait se, *nullo deprecante, reipublicae redditum.*

A tuis reliquis] A reliquis Marcellis. qui videntur de Marcelli redditu non valde laborasse. nam et in sequenti epistola, *redeo*, inquit,

ad

ad vnum illud, me tuum esse, fore cum tuis, si modo erunt tui. idque Marcellus ipse in suis litteris significauit, in eo loco: *In summa paucitate amicorum, propinquorum ac necessariorum, qui vere meae salutis fauerent, te cupidissimum mei, singularemque mihi beneuolentiam praestitisse cognoui.* Quare interdum mihi venit in mentem suspicari, ne de his etiam loquatur,

cum scripsit, *hi qui essent, auderem scribere, nisi te intelligere considerem.*

Non adhibemur] Ad consilium de tuo reditu capiendum. lib. 10. epist. 25. *Haec eadem locutus sum domi meae, adhibito Q. fratre meo, et Caecina, et Caluisto.* Et lib. 11. epist. 7. *Cum adhibuisses domi meae Lupus me et Libonem, et Seruium.*

EPISTOLAE VIII.

ARGUMENTVM.

Partes huius epistolae sunt tres. In prima laudat Cicero Marcelli prudentiam et fortitudinem, ut eius vel monendi vel confirmandi officium ideo videatur omittere, quia necessarium non putet: in secunda se paratum ad omnia pollicetur: in tertia studet ei persuadere, ut omnino, quicumque status reipublicae sit, in patria viuat. Eodem anno.

EXPLANATIO.

Hominem, vnumque ERN. virum-que] Saepe vtrumque coniungitur ad augendam laudem. nam homo commune nomen est: vir, proprium eorum, qui aliqua laude praestant.

Virtuti] Cuius eximia vis non in secundis, sed in aduersis rebus agnoscitur.

Praebeant praestemque] Multi enim se praebent, nec praestant. et in verbo *praebere*, species quaedam propensi ad iuuandum animi; in *praesto*, res ipsa et actio declaratur.

Adsim praesto] In vulgatis libris, *sim praesto*. ego, cum in antiquis omnibus, *adsim*, viderem; et si ad sententiam, vtro modo legatur, parui refert; tamen, antiquitatis conseruandae causa, *adsim* malui.

Quae possum (abest in ERN.)] Vercor ne commenticium hoc sit:

nullo quidem in antiquo libro reperitur, et abesse potest.

Ea quoque] Mei veteres omnes libri, vno tantum excepto, addunt etiam. nec displicet. augeri enim quodam modo sententia videtur, si etiam, auersa senicircula nota a quoque dislungat, ut sequentibus seruiat.

Putem ERN. Putens] Et hic aliquot non recenter scripti libri habent, *putem*.

Vel censuisse] Correctione utitur, quia dixerat iam, *neque monere te audeo, praestanti prudentia virum.*

Reque principem] Qui principem dignitate et auctoritate locum tenebis, necessitate, qua excusantur actiones nostrae, cedes tempori, cum ad vnum Caesarem referri omnia videbis, et fere, in epist. seq.

Ad exsulandum] Si Romae, vt in republica, id est, vt in antiquo legum ac morum optimorum domicilio, esse non potes; sis tamen, vt in exilio.

Hoc dominatu vacat] Cum eius potestas, quem veremur, terrarum orbem complexa sit. in epist. superiore.

Sed mihi crede] Quamquam, inquit, praeter iucunditatem, volo te etiam de tua pristina dignitate sperare plurimum.

Fauet ingenii] Eandem rationem, cum Caecinam spe melioris fortunae consolaretur, usurpauit lib. 6. epist. 6. *Mirifice*, inquit, in-

geniis excellentibus, quale est tuum, delectatur.

Nobilitatem] A maioribus acceptam.

Dignitates ERN. Dignitatem] Ipsius Marcelli.

Res] Natura bellorum ciuiliū, quae non concedit, vt victor eos, qui contra arma tulerint, vehementer ornet.

Ipsius causus] Rationes eius, id quod ad ipsum proprie pertinet.

Si modo erunt tui] Quis non intelligit, carum suis Marcellum non fuisse? licet in obscuro causus sit. ideo in epistola superiore: *a tuis reliquis non adhibemur.*

EPISTOLAE IX.

ARGVMENTVM.

Et hic refellere omnia conatur, quae reditum in patriam dissuadere Marcello videbantur. Non libenter vides ea, quae sunt: at eadem audis quotidie, quae maiora etiam videri solent. Acerbum putas, si cogaris vel dicere, quod non sentias, vel facere, quod non probes. esto: necessitas excusat. verum nec loqui contra sententiam suam quisquam cogitur: et tacere plane licet. At vnus omnia tenet. idem accidisset victore Pompeio; qui etiam crudelior fuisset; vt ex praeteritis intelligitur. Laudem ex consilio tuo consecutus es. fateor. sed huius quidem laudis partem sibi aliquam fortuna vindicat; cuius beneficio factum est, vt honesto otio teneris et statum et fumam dignitatis tuae. quod cum ita sit, qui tibi secundam perpetuo fortunam praestare potes? habes igitur ista ratio modum quendam. Si iucunditatem quaeris; qui locus domestica sede iucundior aut dulcior? Adspēctum patriae fugis, quia deformior est. miserere potius, nec ange miseriam eius absentia tua. Magni animi latus te delectat: ideo supplex ad Caesarem ire noluisse. potest adscribi superbiae, si aspernaris eiusdem liberalitatem. Nec tam sapientia videtur, carere patria seruiente, quam inhumanitas quaedam, non eius desiderio teneri. Publica, inquit, re non fruār, cum ad vnum deluta omnia sint. an ideo priuatam quoque contempnas? Quae si te non mouent, aut si tibi vita ista videtur esse commodior, suscipe curam salutis tuae, nec eadem, quae commodum, simul tuta esse existima. Moralis tota, iisdem coff.

EXPLAN-

EXPLANATIO.

Quo te animo censerem esse oportere] Cum hortaretur Marcellum, ut omnino suam voluntatem cum amicorum sententia coniungeret, ac vivere in patria mallet, quod Caesar concessurus videbatur, quam in externis atque alienis locis. non enim de Caesaris clementia, quae et in epist. 7. declaratur, sed de Marcelli pertinacia dubitabat.

Quaecumque est] Epist. 7. Cuiusmodi res esset.

Cum idem illud auribus percipias] Non est tuum, minus laborare, cum audias, quam cum videas.

Quod etiam maius videri solet] Contra in epist. 13. Nec audio solum, quod ipsum esset miserum, sed etiam video, quo nihil est acerbius, eorum fortunas dissipari, quibus nos olim adiutoribus illud incendium exstinximus. Et ad Torquatum lib. 6. epist. 1. Oculi augent dolorem; qui ea, quae ceteri audiunt, intueri coguntur, nec auertere a miseriis cogitationem sinunt. Est enim hoc in oratoris artificio, ut easdem res temporis causa modo oppugnet, modo defendat. Propterea in illis ad Nigidium ac Torquatum epistolis pro auribus contra oculos; in hac ad Marcellum, quem redire in urbem cupiebat, pro oculis contra aures argueretur.

Tibi ipsi] Tibi praecipue ob nobilitatem et dignitatem tuam. epist. 8.

Tempori cedere] Lib. 12. ad Attic. epist. 81. Epistolam ad Caesarem mitti, video tibi placere. quid quaeris? mihi quoque hoc idem

maxime placuit, et eo magis, quod nihil est in ea, nisi optimi civis; sed ita optimi, ut tempora, quibus parere omnes politici praecipunt.

Vt nunc quidem est] Praesentem rei statum hoc loquendi genere veteres ostendebant: quasi dicerent, quid futurum sit, asfirmare non licet: sed, ut nunc quidem est, res ita se habet, lib. 12. ad Attic. epist. 29. Quae si manebunt, quaerenda erit excusatio ad Brutum; et, ut nunc est, mansurae videntur. lib. 4. Acad. c. 4. Vt quidem nunc se causa habet. Valet idem, quo modo nunc est: quod ad Atticum scripsit lib. 13. epist. 2.

Ne suorum quidem] Per quos vicit. quo aequius ferre debemus, si minus nostro vtatur. Hanc sententiam plane comprobant ea, quae sequuntur.

Ceterorum hominum] Scipionem in primis, Pompeii socerum, Domitium Ahenobarbum, L. Lentulum notat. lib. 6. epist. 21. Domitium et Lentulum nominat. eosdem significat epist. 6. eiusdem libri.

Minime prudentium] Cum tu bellum aliter gerendum censes: vt in epist. 7.

Magis communem] Magis visum fuisse consiliis nostris.

Incertis rebus] Cum incerta victoria esset: cum bellum gereretur.

Sapientissimum consilium] Cum horum malorum initia et videres, et cauere velles.

Fratre tuo] Qui consul fuit eum Lentulo, anno primo civilis belli, biennio post Marcum consulem. placet enim hoc dici de germano potius, quam de patruelis fratre:

fratre: quia verisimilius est, germanum, quam patruelem, consulatum gessisse ex Marci auctoritate: et Caesar lib. 1. de bell. ciu. c. 1. 2. 4. 5. Lentulum consulem vt inimicum suum nominans, de Marcello collega nihil vniquam tale dicit: contra, iniquum fuisse Caesari fratrem Marci patruelem C. Marcellum, et ab eo traditas Pompeio duas legiones, Caesari creptas, docet Hirtius lib. 8. de bell. Gall. c. 55. et Dio lib. 40.

Ex auctoritate tua] Opinor C. Marcellum, de quo hic sermo est, non admodum in consulatu acerbum Caesari fuisse. nam hic certe, studiosos retinendae pacis duos fratres Marcellos fuisse, ostenditur: quorum consilia Pompeius neglexit.

Vobis auctoribus] Tutam pacem exitioso bello praeferebantibus.

Desideraturum] Neglexisset potius, vt antea: id enim verisimilius.

Saepe] Quater, contententibus Sulla et Sulpicio, Cinna et Octauio, Sulla rursus et Mario, Caesare et Pompeio. Phil. 8. c. 2.

Ipsa victoria] Epist. 4. *Victoria ciuilibus bellis semper est insolens.* Et in orat. pro Marcello c. 6. *Quoties ego eum, et quanto cum dolore vidi, cum insolentiam certorum hominum, tum etiam ipsius victoriae ferocitatem extimescentem?*

Eorum arbitrio, per quos vicit] Eadem sententia lib. 12. epist. 18. *Iis mos gerendus, quibus adiutoribus sit parsa victoria.*

Etiam inuito] Caesarem culpa liberat, si quid agat, quod bonis ciuibus non probetur. vide lib. 9. epist. 17.

Illa] Pompeianorum: quorum crudelitatem semper extimuit. infra epist. 14. *Si vicissent ii, ad quos ego pacis spe, non belli cupiditate adductus accefferam; tamen intellegebam, et iratorum hominum, et cupidorum, et insolentium, quam crudelis esset futura victoria.* confirmat idem lib. 5. epist. 21. et lib. 8. epist. 17. et lib. 9. epist. 6. et lib. 11. ad Attic. epist. 6.

Oper] Dixi iam, opum nomine, quidquid valeamus, totum significari.

De republica] Quam crudelis Pompeianorum victoria quietam ac tranquillam esse non pateretur.

Qui finis istius consilii est] Epist. 7. *Habet ista ratio quendam modum.*

Vt in tali re] Quae laudari fortuna potest, libertate amissa? sed, vt in tali re, fortuna etiam laudatur; quae simpliciter, hoc statu rerum, laudari non potest. Corrigit sententiam hic loquendi modus: vt lib. 15. epist. 3. *Mibi, vt in huiusmodi re, tantoque bello, maximae curae est, vt, quae copius et opibus tenere vix possimus, ea mansuetudine et continentia nostra, sociorum fidelitate teneamus.* Simile illud in Bruto c. 7. *Clitbenem multum, vt temporibus illis, valuisse dicendo.* Et in Catone c. 4. *Multae etiam, vt in homine Romano, litterae.*

Laudatur] Optatur, non laudatur fortuna: sed hic Cicero vulgarem loquendi morem secutus est.

Necessario] Non sponte: nam boni ciues bellum ciuile suscipiunt inuito. Sic epist. 7. *Ostendisti, sapientem et bonum ciuem initia belli ciuilis inuitum suscipere, extrema libenter non persequi.* Cur autem necessaria

necessario? quia, quibus in castris Pompeius, consules, omnesque fere magistratus essent, in iisdem esse respublica videretur.

Extrema persequi nolueris] Quia se Mitylenas contulit, multis in Africam ad Iubam regem, belli renouandi spe, proficiscentibus.

Honesto otio] Tacite significat, non posse Marcellum eandem tibi fortunam diu praestare; sed, si ideo absit, quia honesto illo otio delectetur, valde timendum, ne casus aliquis eius consilia perturbet.

Statum] Quod in eodem statu permanferis, nullam tibi fortuna varietatem ac mutationem attulerit.

Famam dignitatis] Cum quiete et libere, honesto otio, viueres; quo tuae dignitatis fama conseruabatur. nam et qui profecti in Africam sunt, statum suum non tenuere, vel in acie interfecti, vel incommoda miserasque perpeffi: et eorum, qui se victori crediderunt, dignitas est imminuta.

Nunc vero] Cum iam satis a te factum sit et boni ciuis officio et dignitati tuae.

Dulcior patria] Epist. 8. *Sin qualemcumque locum, quae est domestica sede iucundior?*

Deformior] Amisissis ornamentis suis.

Multis claris viris] Consularibus septem, Pompeio, Bibulo, P. et L. Lentulis, Ap. Pulchro, Domitio Ahenobarbo, Scipione.

Non isse supplicem victori] Vereor, ne quis hunc locum ex ingenio mutauerit. nam et vtiatius

erat, *isse supplicem ad victorem*, quemadmodum epist. 4. *ad Caesarem supplex accederet*; et in meis omnibus antiquis libris non *isse*, sed *esse*, legitur. in vno tantum, *fuisse*, scriptum video. ac mihi quidem vel *esse*, vel *fuisse*, magis placet, quam *isse*.

Asperuari eiusdem liberalitatem] Ex hoc loco fieri coniectura potest de reditu Marcelli iam impetrato. ego tamen, non confectam rem, sed optimam Caesaris voluntatem, et propensam ad lenitatem naturam significari puto. magis enim, ne Marcellus beneficium Caesaris recusaret, atque omnino redire nollet, quam ne Caesar se difficilem adignoscendum praeberet, verebatur. quod etiam locus ille confirmat in epist. 7. *Intellexi, nihil aliud esse, quod dubitationem afficeret ei, penes quem est potestas, nisi quod vereretur, ne tu illud beneficium omnino non putares.*

Carere patria] Non omni patria, sed hac, ob amissam libertatem miserrima.

Consulere temporibus] Ea facere, quae temporum ratio, quae incolumitas, et vita, et fortunae tuae postulant.

Incolunitati] Latius patet, quam vitae nomen. nam incolunitate status rerum vniuersus indicatur. Subiunxit autem, *et vitae, et fortunae*, vt, quae vnico nomine comprehenderat, duobus exprimeret: quo magis, re ante oculos propo-
sita, Marcellus moueretur.

EPISTOLAE X.

ARGVMENTVM.

Desiderari aliquot ad Marcellum epistolas, vel vnā certe, quae reditum impetratum significet, facile possum suspicari. gratulatum enī Marcellō Ciceronem, quod ei Caesar ignouisset, atque ostendisse, quemadmodum acta res esset, indicat ipsius Marcelli, quae proxime sequitur, epistola. Hic hortatur, vt reditum maturet; cum id ad rem eius familiarem valde pertineat. Caesare IV. consule sine collega.

EXPLANATIO.

Nihil noui] Praeter id, quod scripserat in superioribus litteris, quae non exstant; in quibus Marcellō reditum gratulatus erat: vt ipsius Marcelli sequentes litterae demonstrant.

Theophilus] Marcelli libertus, qui et ante ad eum litteras attulerat. epist. 9. ex quo patet, has litteras aliquot post illas mensibus datas esse.

Tarda decessio] Vt qui non admodum libenter in hanc rempublicam venias.

Nisi oculorum] Tale illud in epistola superiore: non est porro tuum, vno sensu solum oculorum moueri.

Rei familiaris] Quae, Marcellō absente, non diligenter ab eius procuratoribus administrabatur: vel quod timendum esset, ne in eam praedonum impetus fieret: quod scripsit epist. 7.

In omnes partes] Ad omnia. vt lib. II. ad Attic. epist. 6. *Brundisii iacere, in omnes partes est molestum.* Et in epistola Vatinii, lib. 5. 10. *Me tibi in omnes partes defendendum putes.* Contrarium illud lib. 13. ad Attic. epist. 10. *Hoc nullam ad partem valet scilicet.*

Reliqua] Rationes, quae te ad celerem reditum hortentur.

Quod ad tempus] Non quousque, sed quo plane tempore. sic lib. 9. epist. 5. *ad nonas, pro nonis.*

EPISTOLAE XI.

ARGVMENTVM.

De suo reditu a Caesare impetrato Marcellus e Ciceronis litteris cognouerat. nunc se commotum Ciceronis auctoritate, ad reditum magnopere cohortantis, exsulandi consilium abiicisse demonstrat: quando tamen se daturus in viam sit, non significat. Videtur haec epistola ante superiorem fuisse collocanda. in hac enim scribit Marcellus, commotum se Ciceronis litteris in patriam esse reliturum: in illa Cicero, certiores se de hoc Marcelli consilio iam esse factum, ostendit.

EXPLANATIO.

Plurimum valuisse apud me] Quantum ex hac epistola licet conicere, laudatam in libro de clar. orat. c. 71. Marcelli eloquentiam paullo plus, quam veritas concederet, existimo. nam cum ei verborum elegantiam, et copiam, et splendorem vocis, dignitatem motus Cicero tribuisset; adiunxit, nullam oratoris in eo virtutem desiderari: atque etiam sibi similem esse, ostendit Bruti testimonio, quem loquentem inducit. *Plurimum*, lego cum omnibus antiquis libris. alii *plurimam*: et cum inscriptione coniungunt: ut sit, *salutem plurimam*. ad sententiam vtro modo legatur, nihil interest. ego veteres libros libenter sequor.

Vt uteretur vestro consilio] Vt in patriam, suadentibus vobis, redeundum putarem.

Res quemadmodum sit acta] Cum a Caesare de reditu meo est

impetratum. Hoc ex epist. 4. cognoscitur.

Ab optimo fit animo] Facere gratulationem, et Cicero dixit lib. 4. ad Attic. epist. 2.

Propinquorum] Quos Marcelli non valde cupidos fuisse, indicat illud epist. 8. *Si modo erunt tui*.

Necessariorum] Distinguit ab amicis et propinquis necessarios, qui sunt arctiore quadam benevolentia deuincti.

Reliqua] Praeter vnum te, sine quo neque in aduersa neque in secunda fortuna mihi viuendum statuo.

Virorum et amicorum] Virorum virtute, amicorum benevolentia carere non possum.

In hoc] Quod in summa amicorum, propinquorum, necessariorum paucitate, vnum te, mel cupidissimum cognoui.

EPISTOLAE XII.

ARGUMENTVM.

Marcellum a Magio interfectum, suaeque erga mortuum officia significat.

EXPLANATIO.

Quoniam casus et natura in nobis ERN. in bonis dominatur] Cum non ignoretis, etiam bonis, non modo improbis, casu et natura vitam adimi. Hoc Sulpicius, Marcelli nece commotus, non sine quadam indignatione dixit. nam, re vera non in bonis tantum, sed in omnibus hominibus casus et natura dominatur. Locus postulat, ut *casus* et *natura* distinguantur: quod ita commodè fiet, si mortis

genera, quando hic de Marcelli agitur morte, persequamur. Mortis causas in duo genera diuido. aut enim intus oriuntur, aut extra: intus, vel natura, vel fato: extra, vel vi, vel casu. Natura moriuntur, quibus in senectute animam e corpore quasi sua natura molliter educit: quod accidit, cum vitalis calor paulatim extinguatur. Fato, qui morbo aliquo, ante illam diem, quo per ipsam

ipsam naturam peruenire licuisset, vitam amittunt. non enim Peripateticis libenter assentior, qui naturam et fatum idem esse crediderunt: quos Alexander secutus in libro de Fato, nihil inter naturam et fatum, praeter nomen, interesse, accurata disputatione probare conatur. idem sensit Macrobius lib. 1. in Somn. Scip. c. 13. idem Gellius lib. 13. c. 1. qui cum recitasset illud Demosthenis ex oratione περὶ τοῦ τελέου "Ο μὲν τοῖς γενεοῖσι νομίζον μὲν γεννηθῆναι, τὸν τῆς σιμαμένης, καὶ τὸν αὐτόματον θάνατον περιμένει· ὁ δὲ καὶ τῇ πατρὶδι, ὡς τῷ μὴ ταύτην ἐπιδεῖν δαλούσαν, κωδύνησεν θάλασσαν" subiunxit: *Quod Cicero fatum atque naturam videtur dixisse, id multo ante Demosthenes τὴν περιμένει, καὶ τὸν αὐτόματον θάνατον appellauit. αὐτόματος enim θάνατος, quasi naturalis et fatalis, nulla extrinsecus vi coactus, venit.* Haec Gellius: quam recte, nondum statuo. mihi enim neque Demosthenis verba, neque Ciceronis cogere videntur, fatum et naturam idem esse. quin, si modus loquendi, τὸν τῆς σιμαμένης, καὶ τὸν αὐτόματον θάνατον, attendatur; articuli repetitio, diuersas potius esse res, quam vnam et eandem, significat: idque ipse Cicero, nisi fallor, ostendit, cum ait orat. 1. in Antonium c. 4. *Multa impendere videbantur praeter naturam, praeterque fatum.* Quod si quis in dubium reuocat: grauem testem citabo, principem Latinorum poetarum, Virgilium: qui cum de Didone, ipsa sibi mortem consciscente, versum illum protulit: (lib. 4. Aen. 696.)

Nam, quia nec fato, merita ne morte peribat:

fatum a natura manifeste disiungit. Cuius testimonio subscribere videtur Tacitus: apud quem lib. 2. Annal. c. 71. Germanicus, eripi sibi vitam veneno existimans, haec loquitur: *Si fato concederem, iustus mihi dolor etiam aduersus deos esset; quod me parentibus, liberis, patriae, intra iuuentam, praematurum exitu, raperent: nunc, sceleris Pisonis et Plancinae interceptus, ultimas preces pectoribus vestris relinquo; referatis patri ac fratri, quibus acerbioribus dilaceratus, quibus infidiis circumuentus, miserissimam vitam pessima morte finierim.* *Fatum* appellat eam mortem, quae praematurum quidem exitu, nulla tamen humana vi, contingit. praematurus autem exitus a natura certe non est, sed ante illum terminum, quem ipsa natura praescripsit, robustis longiorem, breuem imbecillis. nam, si quando robustus ante imbecillum decedit; non ad naturam refero, sed ad fatum, id est, ad eas causas, vnde oriuntur ii morbi, qui naturam vincunt, mortemque ante finem a natura praestitutum arcessunt. quod euenire sibi Germanicus negat. Nec vero Chrysippi sententiam probo, qui pertinere ad omnia fatum dicebat. quod si ita esset: fato omnes, quacumque aetate, quocumque mortis genere, perirent. sed hunc firmissimis argumentis refellit Alexander: quem sequor in hac quidem parte: in altera vero, quod fatum et naturam idem esse putat, cur ei non assentiar, illa superiora demonstrant. Restat mortis alterum genus, quod in duo subiecta genera diuisimus, vim et casum. Vis voluntatem habet, casus non habet. voluntas siue nostra sit,

fit, siue aliena, vim constituit: no-
stra, cum aliquis ferro, veneno, alia-
ve re ipse sibi mortem consciscit:
aliena, cum ab inimico, vel etiam
a feris opprimitur: quarum etsi vo-
luntas ferarum propria non sit;
appetitus tamen ille speciem vo-
luntatis habet. Casus voluntatem
excludit. si quis enim, vel inopi-
nata ruina, vel naufragio, vel ic-
teli temere missi, a vita discedit, est
illa quidem inimica naturae vis;
sed quia voluntas abest, ad casum
refero, non ad vim: si modo con-
ceditur, ut haec subtilius exami-
nentur. sin paullo communius, et,
ut ita dicam, rudiore Minerva dis-
putamus; utrumque, siue adsit,
siue absit voluntas, ad casum re-
ferri potest: quem fortunam quo-
que nominemus: non quod igno-
remus ea, quae scripsit Aristoteles
Physic. lib. 2. cum casum et fortu-
nam distingueret: sed ubi mortis
genera discernuntur, concedatur
alterum ab altero non differre.
itaque cum necem Didonis ad for-
tunam retulisset Virgilius illo ver-
su: (653.)

*Vixi, et, quem dederat cursum
fortuna, peregi:*

subiunxit Servius: *Humana vita
tribus continetur, natura, fato,
fortuna, id est, casu, qui ad omnia
pertinet, quae extrinsecus sunt.*
Quibus verbis primum illud osten-
dit, fortunam et casum idem esse:
deinde, quidquid extrinsecus acci-
dat, vel cum voluntate, vel sine
voluntate, ad casum pertinere:
quod Alexandro quoque placuit:
qui fortunam et casum ita simul
nominat, ut alterum ab altero non
distinguat. Ex quibus efficitur, ut
mortis tria tantum sint genera, na-

tura, fato, casu siue fortuna: si-
casum a voluntate disiungimus,
quattuor, natura, fato, casu, vi. Re-
liquum est, ut ostendamus, quam
sententiam probauerit Sulpicius,
cum in bonis casum et naturam
dominari dixit. Primum illud
pono: dissentire illum a Chrysippo,
qui ad fatum omnia retulit: dis-
sentire etiam a Cicerone et Virgi-
lio, qui tria mortis genera fecerunt.
deinde illud subiungo: cum Peri-
pateticis, naturam et fatum idem
esse, placuerit; satisque constet,
non omnes homines natura et fa-
to, id est, ut idem utrumque esse
Peripateticis hic largiamur, naturali
morte non omnes interire; necesse
videri, iisdem placuisse, alteram
esse, praeter naturam et fatum,
interitus humani causam. ea vero
nihil aliud, quam casus, id est, ex-
terna vis, siue humana, cum volun-
tate, siue non humana, sine volun-
tate, videtur esse posse. Et De-
mosthenes, Cicero, Virgilius, Tac-
tus, aliquam causam mortis, prae-
ter naturam, praeterque fatum,
agnouere. Secutus igitur Peripa-
teticus Sulpicius, (dederat enim
operam philosophiae, ut epist. 3,
et in Bruto c. 41.) duo tantum ge-
nera mortis fecit, casum, et natu-
ram: siue dicas, fortunam et fa-
tum: quoniam quidem nec differ-
re fortunam a casu, auctoribus
Virgilio, Servio, Alexandro etiam,
Peripateticorum interpretum prin-
cipe, satis ostendimus: et inter na-
turam et fatum nihil interesse, prae-
ter nomen, idem Alexander ex Ari-
stotelis mente prodidit. itaque duo-
bus nominibus causas mortis
omnes, cum periisse Marcellum
casu, non natura, significare vellet,
Sulpicius comprehendit.

Vos certiores facere] Pendet ab eo, *visum est faciendum*: quam apte, alii iudicent. *visitatus enim erat, vos certiores ut facerem*: aut, *visum est vos certiores facere*. quod alii quoque viderunt.

Collegam] In consulatu.

Vt ab Athenis in Boeotiam irem, reliquamque iurisdictionem absoluerem] Prouincia Sulpicii, vocatur *Achaia* non modo epist. 4. huius libri, verum etiam lib. 13. epist. 26. 27. 28. sed mirari aliquis possit, cur lib. 6. epist. 6. Sulpicius praefesse Graeciae dicatur. Primum, quaestionis persoluendae gratia, illud pono: licet prouincia Sulpicii, in qua praeter Achaia Peloponnesus tota cum adiacentibus insulis, praeterea Epirus Boeotiaque fuit, *Achaia* vocaretur, vere tamen ac proprie regionem illam *Achaia* dici solitam, quae tota extra Peloponnesum fuit, *bimaris* dicta, quod duo maria, Aegaeum et Ionium, navigatione diuersa, fere coniungeret: de qua L. Mummius, euerfa Corintho, triumphauit. Haec modo Achaia, modo Graecia et Hellas vocabatur. Plinius lib. 4. c. 4. *angusta*, inquit, *cervice Peloponnesum contingit Hellas*. *Corinthiacus hinc, illinc Saronius appellatur sinus*. Et paullo post: *Sinum Corinthiacum LXXXV. millia passuum in longitudinem usque ad Isthmum transmittunt*. c. 5. *Achaiae nomen prouinciae ab Isthmo incipit*. Idem c. 7. *Ab Isthmi angustiae Hellas incipit, nostris Graecia appellata, in ea prima Attica, antiquitus Aetia vocata, attingit Isthmum parte sui, etc.* Quibus ex locis, etiam ex Ptolemaei testimonio, constat, regionem illam, quae tenui ceruice Peloponnesum contingit, Helladem

vocari, et eandem Graeciam; in ea vero esse, et ab Isthmo incipere, tum Achaia, quae et Graecia et Hellas dicta sit, quia commune regionis nomen assumpsit, tum etiam Atticam, quae ipsa quoque eodem, quo Achaia, iure commune vel Graeciae vel Helladis nomen usurpare potuit: cum praesertim Thessalia quoque et Graecia et Hellas dicta sit, generali vocabulo, ut Plinius c. 7. prodidit. Duplex igitur *Achaia*, vetus illa bimaris, et haec recentior Sulpicii prouincia, veterem complexa: quam Cicero cum Graeciam appellauit, respexit ad Graeciam vniuersam, a Sulpicio administratam: quae, post captam Corinthum, in prouinciae formam, simul cum ipsa Achaia, redacta est: ut in Achaia Pausanias docet. *Achaia* vero idem Cicero Sulpicii prouinciam vocat; quia reliquae eius prouinciae partes, a nobiliori nomen acceperunt; et quia, occasione deuictae Achaiae, totus ille terrarum tractus, ut diximus, in prouinciae formam est redactus. Sic et Cilicia, a Cicerone administrata, prouinciae nomen dedit: licet Asiaticas aliquot dioeceses complecteretur. Quattuor hic dubitationes, non inutiles fortasse, subiungam. Prima est, utrum Athenae ad Sulpicii iurisdictionem pertinuerint, an suis legibus, ut aliae quaedam vrbes, usae sint. Partem prouinciae dixerit fuisse, qui morantem in ea vrbe Sulpicium animaduernerit: quod epistolae duae, prima et quarta lib. 6. declarant. Mihi tamen vrbs omnino libera videtur; non modo quia Plinius, Strabo, Dio, et alii satis id constanter asseuerant; verum etiam, quia tutum in ea Romanis ex-

sulibus

fulibus domicilium fuit. de Torquato plane constat ex lib. 6. epist. 1. 3. 4. de Memmio ex lib. 13. epist. 1. iam Dolabella, cum Ciceronem, exorto civili bello, hortatur lib. 9. epist. 9. ut Athenas se conferat, argumento, nisi fallor, esse potest, provinciae partem Athenas non esse. Nec tamen provinciae finibus excedebat Sulpicius, cum Athenas iret: sed ad liberam urbem, positam in provincia, nec tamen provinciae partem, vel animi causa proficiscebatur, tum ut visus adspectu, tum etiam ut philosophorum sermonibus et consuetudine frueretur; vel quia convenit Athenis agere, commodum esset. Secundo loco, venit in mentem ambigere de Thespiis. nam Plinius c. 7. ubi Athenas, ibidem ait, opidum liberum Thespias fuisse. At Cicero lib. 13. epist. 22. commendat Sulpicio Manlium, qui negotiabatur Thespiis. quo videtur ostendere, intra provinciae terminos fuisse. Sit ita, verumtamen hoc non obstat, quin sui iuris opidum, quodque Graeci vocant *αὐτόνομον*, fuerit: ut in eo Sulpicius, tamquam illius provinciae proconsulem, auctoritate quidem valuisse concedamus, iuris autem dicendi et imperandi potestatem habuisse nullam putemus. Occurrit tertia, non exigui sane momenti, dubitatio. Sulpicii provincia Graecia fuit: is tamen in Asiam se profectum esse epist. 5. significat. quod mirum videri potest: nisi si vel Sulpicius Caesar, cum omnia suo moderaretur arbitratu, soluit legibus, ut iret, quocumque publici commodi ratio postulare: vel eius imperio partem Asiae extra ordinem attribuit, item ut Ciliciensi

prouvinciae tres *διοικήσεις* Asiaticas a senatu attributas videmus. quamquam id quidem vix crediderim, imminutam esse hoc tempore Asiaticam iurisdictionem, quae ad P. Seruilius, Caesaris collegam, pertinebat: ut ex lib. 13. epist. 67. constat. Postrema quaestio de Achaia. quae si, Caesare viuo, provincia fuit: cur eam, interiectis fere centum annis, a Vespasiano in provinciae formam una cum Cilicia esse redactam, Suetonius in Vespasiano c. 8. ait? Achaia in provinciam retulit Mummius: ut ex Pausania et Strabone cognoscitur. libertatem ei Nero imperator dedit: ut scripsit Plinius lib. 4. c. 6. eandem in provinciae formam Vespasianus redegit.

Supra Maleas] Veteres libri omnes, *Maia*s, non *Maleas*. quod omnino mendosum est, nec tamen contemnendum. quid enim obest, uotam esse omnibus ac testatam antiquitatem? cum saepe ex ipso mendo, mutatione aliqua litterarum, elici veritatem constet. *Maleam* autem Virgilius, Livius, omnes denique nominant: *Maleas* vero vnus, quod sciam, Plinius iunior in epist. ad Traianum lib. 10. 26. Graecis verbis, *ἐπὶ Μαλακῆς*. quod si legatur hic *supra Maleas*, interpretaremur, superato Malcarum promontorio, Laconicae provinciae, nauigantibus valde periculoso.

In Italiam versus] Antiquae: ut Coelius quoque lib. 8. epist. 15. *Ad Alpes versus*. et Hirtius, de bell. Afric. c. 8. *Ad Cercinam insulam versus*. Et Livius lib. 1. c. 18. *Ad meridiem versus*.

Postridie eius diei] VIII. Kal. Iun. Sic *postridie eius absolutionis* dixit Coelius lib. 8. epist. 2. *postridie eius diei*, Caesar lib. 1. de bell. Gall. c. 23.

Hora decima noctis] Ne quis miretur, cum hic dies VIII. Kal. Iun. significetur, deciman[is] noctis horam significari. nam, etsi mensis Maii extremi noctes non modo ad decem, sed nec ad nouem horas in Italia producuntur, tamen apud veteres in more fuit, ut aestiuarum noctis pariter et hibernarum, itemque dies semper in duodenas horas distribuerentur, hoc modo, ut aestiuarum noctium contractiones, horae essent, dierum vero longiores; hibernarum noctium longiores, dierum breuiores. ita fit, ut extremo mense Maio, cum longissimi dies, breuissimae autem essent noctes, in duodenas tamen horas tam nox quam dies diuideretur, sed nox in breuiores, dies autem in longiores. qua ratione hora noctis decima, erit, ut hodie noctem diuidimus, hora noctis septima cum octauae fortasse dimidio. Vide, quae diximus lib. 7. epist. 30.

Cilone] Cognomen est non modo Magiorum, sed etiam Flaminiorum, ut veteres nummi declarant. *Cilones* dicti, ut ait Festus, ab eminentiore fronte; vel, ut Carisius, a capite oblongo et compresso.

Pugione] Breuior est quam gladius, auctore Nonio. Suetonius in Caligula c. 49. *In secretis eius reperi sunt duo libelli, diuerso titulo: alteri GLADIVS, alteri PVGIO index erat.*

Secundum aurem] Post aurem, exemplis abundamus.

Se ipsum interfecisse] Quod cum commissi facinoris poeniteret.

causam necis Cicero ignorat lib. 13. ad Attic. epist. 10. Valerius hanc ponit lib. 9. c. 11. quod, cum esset Marcello Magius vetere coniunctus amicitia, eique in Pompeiana militia comes fuisset, indignaretur aliquos sibi amicorum ab eo praeferrari.

Medicos cogerem] In aliquot antiquis libris non est, *cogerem*: ego, cum in quinque esse videam, approbante sententia, retinendum putauit.

Puer] Seruus. sic enim loquebantur, ut exempla. declarant.

Acidini] Manliorum cognomen fuit *Acidinus*. constat ex lib. 2. de Orat. c. 64. ex Velleio lib. 2. c. 8. ex lapidibus Capitolinis, in quibus consul est L. Manlius Acidinus anno DLXXIV.

Cum codicillis] *Codicilli*, tabellae cetratae erant, in quibus stilo pungebatur, a *codice*, id est, arboris libro, nominati. *pugillaria* quoque dicebantur, a pungendo, quod stilus in iis pungendo scriberet. codicillorum usum ante Troiana bella fuisse, Homerus ostendit *Il. 2. v. 169.*

Γράψας ἐν πινυκί πυντῶ θυμὸν
φθόρα πολλά.

quo versu de codicillis locutum esse, ostendit Plinius his verbis lib. 13. c. 13. *Cur et Homerus Bellerophonni codicillos datos, non epistolas, prodidit?* et lib. 33. c. 1. Modo autem ipsi codicilli mittebantur, ut haec ostendit epistola, et ad Lepidam lib. 6. epist. 18. *Statim quas fiki e Balbo per codicillos.* Et lib. 2. ad Q. Fr. epist. 11. *Epistolam hanc conuicio efflagitarunt codicilli sui.* Modo non mittebantur, sed

ex iis litterae descriptae: vnde in lib. 9. epist. ult. *Cum ad te harum exemplum in codicillis exaravi.* Codicillorum vsum, post inventam etiam chartam, festinatio retinuit, cum in omnibus locis, ut in conuiuio, in itinere, in naui, in senatu, charta, atramentum, calamus non semper in promptu essent, moram autem res non ferret.

Deterrimo ERN. Taeterrimo] *Taeter et clarus* opponuntur.

Pepercerant] Caesar enim ei reditum in patriam concesserat.

Dominus eorum] Seruis enim capitale erat, qui dominum non defendissent, ut ex Vlpiani verbis, Silanianum senatus consultum interpretantibus, L. 1. D. de SC. Silan. cognoscitur. Confirmat hoc historia. nam Tacitus lib. 14. Annal. c. 42. *Praefectum urbis, inquit, Pedanium Secundum seruis ipsius interfecit, seu negata libertate, cui pretium pepigerat, siue amore exoleti insensus, et dominum aemulum non tolerans* ceterum, cum vetere ex more familiam omnem, quae sub eodem tecto mansitauerat, ad supplicium agi oporteret, concursu plebis, quae tot innoxios protegebatur, usque ad seditionem ventum est. Idem Tacitus paullo post c. 43. eam poenam in seruos vetere senatus consulto decretam, ostendit his verbis: *Consulari viro domi suae interfecto per insidias seruiles, quas nemo prohibuit, aut prodidit, quamvis nondum concusso senatus consulto, quod supplicium toti familiae minimebatur.*

Lecticariis] Leticarii fuere serui, vel qui lecticam gestabant: vnde *Isidorus Anicianus* lib. 2. ad Q. Fr. epist. 10. vel qui fabricaren-

tur, ut pro Amerino c. 46. *Mitto hasce artes vulgares, coquos, pistores, lecticarios.* Imperatorum tamen aetate, lecticarii non serui, sed liberti fuere: quod hic lapis Romae trans Tiberim, ad D. Caeciliae, declarat. DIS. M. TI. CLAUDIO. AVG. LIB. TIGRANO. EX. CORPORE. LECTICARIO. CAESARIS. VIX. ANNIS. LXXXV. M. LIGINIVS. ATIMETVS. ET. SEXTIA. FELIX. BENEMERENTI. POSVERUNT. Hunc ut fabrum potius, quam qui lecticas ferret, fuisse putem, facit illud, EX CORPORE; quod videtur ad artifices pertinere. Vnde alibi:

CORPVS. LENVCVLARIO-
RVM. AVXILIARIO. RVM.
OSTIENSIVM.

CORPVS. CVSTODIARIO. RVM.

CORPVS. DENDROPHORO-
RVM.

CORPVS. TIGNVARIORVM.

Intra urbem] Quod Solonis lege vetitum Romani postea transtulerunt in duodecim tabulas. Cicero lib. 2. de Leg. c. 23. *Hominem mortuum in urbe ne sepelito, neve vrito.* Pausanias quoque sepulcra multa extra urbem posita, urbanum nullum commemorat.

In quo vellemus gymnasio] Cum tria essent, ut ait Suidas, *Λύκειον, Κυνεργεσιον, Ἀκαδημία.*

Gymnasio Academiae] In quo docuerat Plato. nomen accepit, Laertio teste, ab Academo heroe, vel, si Helychio credimus, a lauacro prope posito. *Gymnasia* vero dicta, quod in iis luctarentur nudi: quam exercitationem *palaestram* vocarunt, multis enim annis inuenta esse gymnasia, ante quam philo-

philosophi in iis garrere coeperunt, auctor est Cicero lib. 2. de Orat. c. 5. postea placuerunt ea loca philosophis, in quibus de quo vellent scientiae genere disputarent. Sed Academiam Plato, I. yecum nobilitauit Aristoteles. Vitruuius lib. 5. c. 11. exhedras etiam constitutas ait cum sedibus, vbi philosophi et rhetores disputare possent.

Collegio] Collegii causa: quia consules vna fuerant.

Propinquitate] Propinquitas modo generale nomen est, id est, cognationis et affinitatis commune: modo cognationem proprie si-

gnificat. Commune nomen est, vt lib. de Amicitia c. 5. *Cines potiores quam peregrini; et propinqui, quam alieni.* Lib. 3. de Fin. c. 17. *Velle bene audire a parentibus, a propinquis, a bonis etiam viris.* Pro Quintio c. 6. Si pietate propinquitas colitur: qui affinem prodit, impius sit, necesse est. Cognationem designat, vt lib. 2. epist. 13. *Liberis, propinquis, affinibus.* Et in orat. pro Plancio c. 11. *Cum illo maximis vinculis et propinquitatis et affinitatis coniunctus.* Et Caesar lib. 2. de bell. Gall. c. 4. *Propinquitatibus affinitatibusque coniuncti.*

EPISTOLAE XIII ARGVMENTVM.

Primum causas exponit, cur antea non scripserit: secundo loco finem ei pollicetur exsulis sui, ducta coniectura e Caesaris animo, ex eorum sermone et sensu, qui apud ipsum plurimum valent, ex vulgi voluntate, ex ipsa republica, vebementer ad eius salutem propensa: tum ad eam officii partem, quam vetus amicitia mutuaeque beneuolentiae iura postulant, conuersus, voluntatem suam duplici promisso ostendit, in reditu primum ei conficiendo, deinde in re sua familiari communicanda. Postremo, vt secundam fortunam speret, aduersam aequo animo ferat, et hortatur et obsecrat. Tota moralis epistola, scripta C. Caesare III. et M. Aemilio Lepido cons. anno DCCVII. De Nigidio ipso, quae legendo animaduertimus, haec sunt. Scripsit libros de Animalibus, vt ostendit Macrobius lib. 2. Saturni. c. 12. et Plinius his lib. 29. c. 4. et 6. eius dicitur testimonio: librum de Extis, vt in Gellio lib. 16. c. 6. legimus: commentarios Grammaticos, vt idem Gellius lib. 19. c. 14. et Nonius prodidere. interpretatus est comoedias Terentii, teste Douato. videtur etiam scripserit de Deis, quantum ex Arnobio licet conicere: qui eius testimonio in mentione Matris deum, Neptuni, Apollinis, et Iouis vititur lib. 3. Haec de scriptis: de doctrina subiungam. Gellius Varronem et Nigidium doctrinarum culmina lib. 19. c. 14. appellat; et idem lib. 13. c. 24. in disciplinis doctrinarum omnium praecellentem nominat; et lib. 4. c. 9. hominem iuxta M. Varronem doctissimum: Macrobius autem maximum rerum naturalium indagatorem lib. 2. c. 12. idem lib. 6. c. 8. hominem omnium bonarum artium disciplinis egregium. Seruius quoque Honoratus haec de eo tradidit: Nigidius Figulus

lus solus post Varronem: licet Varro praecellat in theologia, hic in communibus litteris: nam vterque vtrumque scripserunt. *Nonius quoque*, Nigidius, *inquit*, studiis bonarum artium praeclarissimus. *Nemo tamen illum melioribus extulit laudibus, quam Cicero ipse, idem eius amicissimus. nam in prooemio libri de Vniuersitate*, fuit, *inquit*, vir ille cum ceteris artibus, quae quidem dignae libero essent, ornatus omnibus, tum acer inuestigator, et diligens earum rerum, quae a natura inuolutae videntur. Denique sic iudico, post illos nobiles Pythagoreos, quorum disciplina extincta est quodammodo, cum aliquot saecula in Italia, Siciliaque viguisset; hunc existisse, qui illam renouaret. Suetonius in *Aug. c. 94. ait. illum, cognita hora, qua natus erat Augustus*, affirmasse, dominum terrarum orbi natum.

EXPLANATIO.

Non modo certa res nulla ERN. *vlla*] Aliis nulla, mihi vlla placet. sequor enim et meos veteres nouem libros, et sententiam ipsam, atque etiam consuetudinem Latinae linguae. *Non modo certa res vlla*, dixit pro, *nedum certa res vlla*: vt ad Lentulum lib. 1. epist. 9. *Non modo praemiis, sed ne periculis quidem compulsus vllis, ad eorum causam me adiungerem.* Quo loco plura huius generis exempla collegimus. Tantum, inquit, abest, vt mihi certa res vlla, vt ne genus litterarum vlitatum venerit in mentem.

Vnam partem] Genus litterarum familiare et iocosum, lib. 2. epist. 4.

Aut promissio auxilii alicuius, aut consolatio doloris tui] Eandem sententiam repetiuit lib. 6. epist. 10. et 13.

Pari fortuna] Vterque enim, Pompeii partes secutus, Caesarem offenderat. Atque hoc ipso quaedam videtur esse consolatio: leuat enim dolorem fortunae societas.

Casus meos sustentabam] Exciderat statu illo, in quo eum indu-

stria sua perpetuaque in rempublicam merita collocarant: nunc sustentari se dicit aliorum opibus, id est, eorum auctoritate et gratia, quos, veteri sibi necessitudine coniunctos, plurimum ob victoriae societatem posse apud Caesarem intelligebat. hi porro erant potissimum, Pansa, Flirtius, Balbus, Oppius, Matius, Postumius. lib. 6. epist. 12. Eadem translatio est, *sustentare casus, et sustentare cadentem.*

Queri, quod ita viuerem] Eandem sententia lib. 6. epist. 3. *Ita viuere, vt non sit viuendum, miserimum est.* Et lib. 7. epist. 3. *Vbi non sis qui fueris, non esse cur velis viuere.*

Prinuatim] Publica enim Cicero concidit calamitate.

Eis conficior curis] Quas significauit in eo, *queri, quod ita viuerem*, ob exitium reipublicae.

Vt ipsum] Non modo in aliis rebus, sed in hoc ipso, quod maneam in vita: in quo peccare tamen mihi videor. cur enim, cum occideret respublica, ipse viuam? Quacrit diuus Augustinus in libro,

sane non contemnendo, quem tamen pauci legunt, de Grammatica, cur, cum *istud* et *illud* in genere neutro dicimus, non item dicamus *ipsud*, sed *ipsum*. Quaestionem soluit hoc modo: *antiqui enim magis ipse dicebans in nominatio singulari, generis masculini, quam ipse. hanc antiquitatis rationem attendentes artis scriptores pronomen hoc ad formam nominis transulerunt: ut, quo modo in nomine, iustus, iusta, iustum, dicimus, et perfectus, perfecta, perfectum; sic et hoc pronunciaretur pronomen, ipse, ipsa, ipsum, non ipsud, quo modo istud et illud.*

Peccare me existimem] Lib. 16. epist. 1. *Peccasse mihi videor, qui a te discesserim.*

Mors] Perierant Pompeius, P. Lentulus, M. Cato, alii praeterea multi, Ciceronis familiarissimi.

Fuga] Fugerant, post Africanum bellum, in Hispaniam ad Pompeii liberos multi. Potest et de M. Marcello accipi, qui se, victo in Pharsalia Pompeio, Mitylenas contulerat: atque etiam de ipso Nigidio, deque aliis, qui desperata victoria exulare maluerant, quam belli civilis extrema persequi: ad quos exstant in his libris consolatoriae Ciceronis epistolae.

Amicis] Licet non familiarissimis.

Quondam] Ipso consule, cum patetacta et oppressa Catilinae coniuratio est.

Te socio] Tribus causis Nigidium diligit, ob studium in rempublicam, ob doctrinam, ob eius in se merita, quae memorat in epistolae clausula: idque Plutarchus in Ciceronis vita comprobatur his

verbis: 'Ὁμοίως Πόπλιος Νηγίδιος, ὃ τὰ πλεῖστα καὶ μέγιστα παρὰ τῆς πολιτικῆς ἐχρήτο πράξεις. Idemque in opusculo, *Ei presbυτέρω πολυτεντέρω*, sic ait: *Καίρων δὲ αὐτὸς ἐμολογᾷ, τὰ ἄλλατα, καὶ μέγιστα τῶν συμβουλευμάτων, οἷς ἐξ ὧς ἐνκατεῶν τὴν πατρίδα δίδωσι, μετὰ Πόπλιου Νηγίδου τῷ φιλοσόφῳ ἐν δαίμῳ.*

Respublica] Quae ciues omnes, sui studiosos, beneuolentia coniungit, licet non omnes familiaritate.

Naufragiis] Fortunarum. subiunxit enim, eorum *fortunas dissipari*. sic ad Lentulum lib. 1. epist. 9. *rei familiaris naufragium* pro Rabirio perd. reo c. 9. *naufragium fortunarum.*

Quo nihil est acerbius] Sic ad Torquatum lib. 6. epist. 1. *Oculi augent dolorem; qui ea, quae ceteri audiunt, intueri coguntur, nec auertere a miseris cogitationem sinunt.* Et ad eundem epist. 4. *In malis omnibus acerbius est videre, quam audire.*

Eorum fortunes dissipari] *Naufragia*, dixit proxime.

Illud incendium] Catilinae coniurationem: qua, tamquam aliquo incendio, nisi nos opem tulissemus, respublica deslagasset.

Vis] Cum, in summa Caesaris humanitate, frui tamen vetere gratia, auctoritate, gloria non liceat. Notanda Ciceronis prudentia, qui, cum euersam rempublicam queraur, Caesarem culpa liberat, quo etiam vititur artificio epist. 4. *Nec id, inquit, victoris vitio, quo nihil moderatius, sed ipsius victoriae, quae ciuilibus bellis semper est insolens.* Et epist. 9. *Multa victori eorum arbitrio, per quos vicis, etiam*

iam inuito, facienda sunt. Et lib. 6. epist. 10. *iniuriam temporum*, non Caesaris appellat.

In rebus omnibus] Quas agere, cum florere gratia, auctoritate, gloria, consueveram.

Vt quidem videor] Ideo ceteris videor displicere, quia careo rebus iis omnibus, quibus, etc.

Sontibus] Nam et nocentibus opem interdum tulit eius eloquentia.

Quid sit forsi et sapienti homini dignum] In laude latet admotio.

In iis autem] In communibus: quod quidem consolationis genus quoddam est: nam propriae magis angunt. propria vero Nigidii miseria erat, carere patria suorumque conspectu: de quo dixit Cicero, *in quibus es hoc tempore.*

Fortasse semper fore] Vere vacillatur. numquam enim postea libertatem respublica recuperavit.

Qui plurimum potest] Caesar, quem significavit iisdem verbis lib. 6. epist. 10. aliter autem epist. 7. huius libri, *penes quem est potestas*: et aliter quoque epist. 8. 9.

Non scribo hoc temere] Sic lib. 2. epist. 7.

Quibus est iratior] Propter bellum in Africa renouatum. lib. 6. epist. 13. *Africanæ causæ iratior, diutius velle videtur eos habere sollicitos.*

Respondere tristius] Veniam precantibus negare.

Possis necesse est] Non enim iacere perpetuo potest: et omnino vires aliquas recuperabit. lib. 6. epist. 10.

Qui me admodum diligunt] Idem scripsit ad Caecinam lib. 6. epist. 6. ad Balbum epist. 12. eiusdem libri, ad Ligarium epist. 14. ibid. ad Gallum lib. 7. epist. 24. ad Paetum lib. 9. epist. 20.

Meus pudor] Et hic superbiae culpam remouet a Caesare.

Insinuabo] Pro *insinuabor*: arte quadam aditum mihi aperiam ad intimam eius familiaritatem. Lib. 3. in Ver. c. 63. *Videris, ut moneas Apronium? quibus rebus ac numeribus insinuet in familiaritatem Metelli?* quem locum esse depravatam nonnulli, fortasse hoc loquendi genere offensi, existimarunt. Lib. 1. de Orat. c. 20. *Quod ita nati essemus, ut et blandiri, et suppliciter insinuare iis, a quibus esset petendum, et aduersarios minaciter terrere possemus.* Et Liuius lib. 40. c. 37. *Fraudis humanæ insinauerat suspicio animis.* Quæ si quis omnia mendosa putat, Virgilium ita canentem audiat lib. 2. Aen. v. 228.

Tum vero tremefacta nouus per pectora cunctis

Insinuat pauor. — Quo loco, *insinuat*, pro *insinuatur*, ait Seruius.

Pervenire posse] *Me* subauditur. *Tuis*] Fortunis.

Vt te orem ERN. horter et obsecrem] Nihil muto. sic enim in octo vetustissimis exemplaribus inveni, aliorum tamen lectionem non improbo: etsi eam in libris scriptis ipse quidem nondum inueni.

Accepisti] Cum eorum scripta legeres.

Tristissimo meo tempore] Cum eiectus a Clodio exularem.

EPISTOLAE XIV.

A R G V M E N T V M.

Victo in Pharsalia Pompeio, Cicero, desperata reipublicae causa, in Italiam reuertit; veniaque a Caesare impetrata, non illa quidem pristinam dignitatem ac libertatem loquendi recuperavit, sed humanissime tamen ac liberalissime cum ab ipso Caesare, tum vero ab eius maxime amicis ac familiaribus tractatus est. eo tempore, dimissa Terentia, Publiliam virginem uxorem duxit. utrumque igitur binis litteris gratulatus erat Plancijs, de dignitate recuperata, deque novis nuptiis. iis litteris Cicero respondens, nullam sibi pristinae dignitatis relictam esse partem ostendit, eoque redactam esse rempublicam, ut vel servitus impendeat, si Caesar in Africa Pompeianos vincat, vel caedes, si vincatur. De nuptiis autem, quod absente se rem domesticam Terentia male curasset, sibi que a suis insidiae tenderentur, ideo se cogitasse ait, ut novae necessitudinis fidelitatem quasi praesidium haberet contra veterum perfidiam. Tertio loco, ut exsulantem consoletur, nihil ei praeter communem fortunam timendum confirmat: se quidem opera, consilio, studio, eius rei, famiae, saluti praesto futurum. Postulat in extremo, ut de suo statu suisque consiliis diligentissime significet. Moralis epistola, scripta Caesare III. M. Lepido cons. cum in Africa bellum gereretur.

E X P L A N A T I O.

Obtinere] Cum in urbem post Pharsalicam pugnam reuertisset.

Euenire] De Publiliae matrimonio, quam sexagenarius virginem duxit, dimissa Terentia, quia rem domesticam, ipso absente, negligenter administraverat; praeter alias causas, quae commemorantur a Plutarcho. Quintilianus lib. 6. c. 3. cum Cicero obiurgaretur, quod virginem iam senex duxisset, respondisse ait, *eras mulier eris*. Hoc et Q. Fufius Calenus ei, ut Dio lib. 46. narrat, in oratione sua obiecit. Sed et hanc, quia Tulliae morte laetari videretur, ab eo dimissam, iidem Plutarchus et Dio prodiderunt. Publiliae nomen fuisse, ex epistolis ad Attic. accepimus.

Regere] Ne tantis oppressi malis concidamus. apta translatio, ob ea quae sequuntur.

Adsum] Quae nunc sustinemus.

Impendent] Quae vitari non videntur posse. sic ad Varronem lib. 9. epist. 1. *Et ea, quae premant, et ea, quae impendant.*

Bello] Africano: quod Scipio Pompeii socer, et M. Cato, freti Iubae regis auxiliis, renouaverant.

Caedem] Caedem a Pompeianis timet, a Caesare servitutem. epist. 9. *An tu non videbas mecum simul, quam illa crudelis esset futura victoria?* lib. 8. epist. 17. *Quod si timor vestrae crudelitatis non esset, ei esset iam pridem hinc essemus.* lib. 9. epist. 6. *Si essent nostri positi, valde intemperantes fuissent.*

Lib. 17.

Lib. II. ad Attic. epist. 6. et Caesar lib. I. de bell. civ. c. 3.

Secundas etiam res nostras] Lib. 5. epist. 21. *Est res iam in eum locum adducta, ut quamquam multum intersit inter eorum causas, qui dimicant, tamen inter victorias non multum interfuturum putem.* lib. 9. epist. 6. *Extremum malorum omnium esse civilis belli victoriam: quam quidem ego etiam illorum timebam, ad quos veneramus.*

De iure publico] Vter regnaret, Caesar an Pompeius.

Disceptaretur armis] Sic locutus epist. 4.

Pacis spe] Vt agerem de reconciliatione Caesaris et Pompeii.

Cupidorum] Epist. I. *Incideram in hominum pugnandi cupidorum insanias.* lib. 9. epist. 6. *Vidi nostros amicos cupere bellum.* lib. 16. epist. 11. *Incidi in ipsam flammam civilis discordiae, vel potius belli: cui cum cuperem mederi, et, ut arbitror, possem; cupiditates certorum hominum impedimento mihi fuerunt omnino.* et lib. 8. ad Attic. epist. 11. ad Pompeium: *Ego me in hac omni causa facile intelligam pugnandi cupidis hominibus non satisfacere.* Et in eadem in extremo: *ego conditionibus, quod idem te intellexeram velle, illi armis disceptari maluerunt.*

Insolentium] Notam insolentiae Pompeianis inurit et in orat. pro Marcello c. 6. *Quoties, inquit, ego cum, et quanto cum dolore vidi, cum insolentiam certorum hominum, tum etiam ipsius victoriae ferocitatem extimescentem?*

Crudelis] Dicitur est proxime de crudelitate Pompeianorum.

Amplissimorum] Hoc refertur ad honores et dignitatem: nam et consules, et consulares, et magistratus fere omnes Pompeii in castris fuere.

Malebant] Significat maxime L. Domitium, Scipionem, Metellum, L. Lentulum consulem, et alios pugnandi cupidos. lib. 9. epist. 6. Caesar lib. I. de bell. civ. c. 4.

De eo, quod egerim] De Publiliae nuptiis.

Tam misero tempore] Cum, visis in Pharsalia Pompeii partibus, in urbem rediit.

Res domesticas] Dimissam ab eo Terentiam ait Plutarchus, quia rem familiarem, ipso absente, male tractasset, aerisque plurimum alieni contraxisset: quod ut dissolveret, virginem Publiliam, admodum dnitam, in tutelam sibi traditam, suadentibus amicis, uxorem sibi duxit.

Mea filius et meae fortunae] In fortunis uxorem accusat; in salute Quintum fratrem, fratrisque filium: qui vehementer illum, post Pharsalicam pugnam, apud Caesarem oppugnarunt, cum se dicerent auctore Marco aduersus illum arma cepisse. lib. 11. ad Attic. epist. 5. 8. 9. 10. 13. 14. 15. 16. 21.

Scelus] Et hoc in fratrem potius fratrisque filium, quam in uxorem, confertur. Scelus Quinti fratris nominat etiam lib. 11. ad Attic. epist. 21.

Novarum] Ob novas nuptias.

Veterum] Notat uxorem, fratrem, fratris filium.

Præcipue timendum] In epist. sequenti, *ne quo periculo te proprio existimares esse.*

Alseros]

Alteros] Caesarianos, quos op-
pugnasti.

Studio quidem certe] Si opera

et consilio minus valebo, studio
quidem certe non deero.

EPISTOLAE XV.

ARGVMENTVM.

*Hortatur, ut communem fortunam fortiter seras: petit, ut vete-
rem beneuolentiam consequeretur: et, quod petit, idem de se, ipso pollicetur.
Moralis. eodem anno.*

EXPLANATIO.

Communes miseras] Ex interitu
reipublicae.

Tamen etsi] Pro *tametsi*. illud
enim productum, hoc vero contra-
ctum. sic locutus lib. 5. ad Attic.
epist. 17. *Nos, tamen etsi hoc te
ex aliis audire malo, sic in pro-
vincia nos gerimus, quod ad absti-
nentiā attinet, ut nullus terun-
cius infumatur in quemquam.* Q.
Cicero de petitione consulatus c. 14.
Quae tamen etsi ita scripta sunt.
lib. 3. de Orat. c. 42, ex vetere
poeta:

*At Romanus homo, tamen etsi
res bene gesta est,*

Corde suo trepidat.

Catullus carm. 67. v. 135.

*Quae tamen etsi uno non est con-
senta Catullo,*

*Rara verecundae furta fere-
mus brae.*

Terentius quoque in Andr. Act. 5.
Sc. 2. v. 23. *Tamen etsi hoc vo-
rum est.* et apud Vlpianum L. 5.
D. quod falso tutore auctore ge-
stum esse dicatur: *Interdum ta-
men etsi scientia noceat, tamen re-
stitutio facienda erit.* Carilius
quoque, diligens Latini sermonis
obseruator, *tamen etsi*, inquit,
nulla possit esse regula certior.

*Ne quo periculo se proprio exi-
stimares esse]* In proxima dixit,
*ne quid tibi praecipue timendum
putes.*

Omnes] Qui Pompeium secuti
sumus.

In communi] Communia vero
mala feruntur leuius, quam propria.

Eo animo sumus inter nos] Sic
amemus inter nos, ut antea.

Praestare] Re ipsa efficere.

PAVLLI MANVTII
COMMENTARIYS

IN

M. TVLLII CICERONIS

EPISTOLARVM

QVAE FAMILIARES VOCANTVR
LIBRVM V.

EPISTOLAE L
ARGVMENTVM.

Queritur Metellus Celer, qui praetor anno superiore fueras Cicerone consule, et in Galliam ex praetura proconsul iueras, Metellum Nepotem, fratrem suum, a Cicerone in senatu oppugnatum. Moralit est epistola, D. Iunio Silano M. Licinio Murena coss.

EXPLANATIO.

Q. Metellus] Qui biennio post cum L. Afranio consulatum egregie gessit, ut ex epistolis ad Attic. liquet. in oratione etiam pro Coelio c. 14. Si mulas pedem lumine extuleras, omnes prope ciues virtute, gloria, dignitate superabat. Exinctum veneno uxoris Clodiae scelere, quae P. Clodii soror erat, infra c. 24. eadem oratio significat. de hoc in Bruto c. 70. sic: Duo Metelli, Celer et Nepos, nihil in causis versati, nec sine ingenio, nec indocti, hoc erant popolare dicendi genus affecti.

Celer] Cognomen hoc gens Metellorum accepit, ut Plutarchus in Coriolano docet, ab eo, qui gla-

diatorium munus patri mortuo celerrime dedit.

Procos.] Proconsul Metellus post praeturam citeriori Galliae praefuit, Silano et Murena coss. cum praetor ob Catilinae motus, a Cicerone consule in Picenum, agrumque Gallicum, qui a Piceno ad Rubiconem pertinebat, missus esset. erat autem hic ager Gallicus non Galliae citerioris, quam postea Metellus rexit, sed Italiae pars, diiunctus a Gallia Rubicone flumine; Gallicus autem appellatus, quia Senones eum possederant. Nec veromirum videatur, proconsulis nomine provinciam rexisse, qui consulatum non gesserat. id enim visitum fuisse, supra docuimus. Plinius quoque

quoque lib. 2. c. 67. *proconsulem* appellat. *Nepos*, inquit, *tradis*, Q. Metello Celeri, L. Afranii in consulas collegae, sed tum Galliae proconsuli, Indos a rege Suenorum dono datos.

Reconciliata] Ostendit, simultatem inter se et Ciceronem aliquando fuisse: Cicero negat, vel vere, vel dissimulante.

Metellum] Nepotem.

Fratrem] Germanum: ut pater utrique fuerit Q. Metellus Nepos, Balearici filius, Macedonici nepos. nam hunc Nepotem, Ciceronis inimicum, filium eius Nepotis, fuisse, qui cum T. Didio consul fuit anno DCLV. Pedianus ostendit in commentario Cornelianae. Hic oritur quaestio: si fratres germani, cur utrique praenomen idem? Respondetur; quia Celer, cui etsi fortasse Lucio praenomen esset, tamen adoptatus a Q. Metello Celere, eo qui nominatur in lib. de clar. orat. c. 89. omisso vetere praenomine, Quintus appellatus est, et cum praenomine Celeris etiam cognomen accepit, ex adoptionum consuetudine. opinor autem, post hanc adoptionem natum esse fratrem eius, qui nominatur in hac epistola, quem pater suo praenomine appellari voluit. id ex eo possum suspicari, quia Celer consulatum prior gessit: ex quo patet, natum maiorem fuisse. Rursus obiciat aliquis, credibile non esse, ut pater unicum filium adoptandum conceperit. sed licet opinari, cum hic Metellus a Q. Metello Celere est adoptatus, alterum ei fuisse maiorem patre fratrem, qui appellaretur Quintus: quod verisimile est: quia filius primo loco natus praenomen patris assumebat. quo, post adoptionem

minoris fratris, mortuo, tertius postea natus patris praenomine Quintus dictus sit. Fratres autem germani potius, quam patruces videntur fuisse: quia, si patruces, unde utrique praenomen Quinto? an a patribus? at ita credi necesse esset, duos Metelli Balearici filios, quem huius Nepotis avum fuisse ostendimus, eodem praenomine usos esse: quod verisimile parum videtur. germani igitur potius. idque etiam Cicero significat epist. 2. in eo loco: *meus me sensus, quantavis fraterni sit amoris, admonet*. Quae verba maiorem, quam inter patruces, amorem videntur ostendere.

Ob dictum] Vide, quae Cicero respondeat.

Familiae nostrae dignitas] Cum intra duodecim ferme annos, ut ait Velleius lib. 2. c. 11. consules Metelli fuissent, aut censores, aut triumpharint amplius duodecim, unde illud Naedii apud Pedianum: *Fato Metelli Romae fiunt consules*. Originem ducebant Celer et Nepos ab eo L. Metello, qui primo Punico bello triumphavit, hoc modo: Celeris et Nepotis pater is fuit Q. Metellus Nepos, qui cum T. Didio consul fuit, A. 655. avus Q. Metellus Balearicus, consul A. 630. proavus Q. Metellus Macedonicus, consul A. 610. abavus Q. Metellus, consul A. 547. atavus L. Metellus, qui de Poenis triumphavit, consul A. 502. Haec ex historiae observatione. in qua Plinii *avrotopia* deprehendimus, qui Macedonici patrem putat L. Metellum, Punico triumpho clarum: cum avum fuisse, non patrem, satis constat. Metellus autem Calvus, Macedonici frater,

ter, qui cum Fabio Seruiliano consul fuit A. 631. genuit Metellum Caluum, qui consulatum gessit cum L. Cotta, A. 634. hic Q. Metellum Numidicum: Numidicus Q. Metellum Pium: Pius adoptauit P. Scipionem, qui Pompeii Magni socer fuit.

Prouinciae] Citeriori Galliae.

Bellum gero] Cum Salassis, et in alpinis gentibus, quae nondum populo Romano parebant, et cum iisdem pugnasse D. Brutum, cognoscitur ex lib. 11. epist. 4.

Poenitebit] Nimis arroganter. itaque respondit Cicero: *tibi, poenue minitanti nobis per litteras, hoc rescribo atque respondeo.*

Te tam] Suspicio esse coniectura: nam in omnibus antiquis libris video plane scriptum esse, *etiam*.

Non sperabam] In rebus, quae minime volumus, usurpatur nonnumquam hoc verbum, ut Virgilius lib. 4. Aen. v. 420.

Hunc ego si potui tantum sperare dolorem.

EPISTOLAE II.

ARGUMENTVM.

Respondet ad Metelli querelam de Nepote fratre eius oppugnato, ac primum sua in eum officia commemorat, ut se amicitiae satisfecisse ostendat: deinde his officiis non mutuo Metellum respondisse significat: nec vero a se fratrem eius Nepotem oppugnatum, sed oppugnanti se resistisse. Postremo excusat, atque etiam laudat eius dolorem, suamque in tuenda amicitia constantiam pollicetur.

EXPLANATIO.

Conseruatam] In consulatu, anno superiore, oppressa coniuratione Catilinae.

Propinquos tuos] In primis Metellum Nepotem, Celeris fratrem, Ciceronis inimicum, ut infra patet.

Domesticis] Quas maxime Lentulus et Cethegus, egresso iam Catilina, in vrbe comparabant.

Armatis hostibus] Catilina et Manlio. Sallustius, Ciceronis orationes, alii.

Occulta] Ne qua per Italiam, cum aliquo reipublicae damno, erumperet, coniuratio.

Tanti et tam praeclari muneris] Modus amplificandi. coniungitur enim cum magnitudine laus: cum interdum possit esse alterum sine altero. sic pro lege Manilia

c. 15. De quo homine vos, id quod maxime facit auctoritatem, tanta et tam praeclara iudicia fecistis? Pro Milone c. 31. In hoc tanto naturae tam praeclaro munere. In Antonium orat. 5. c. 12. Habeat huius tanti fausti, tamque praeclari decreti vestro testimonium sempiternum. In eundem 6. c. 1. Hoc vestro iudicio tanto, tamque praeclaro, excitatus. In eundem 7. c. 8. Huic tantum tuum apparatus, tamque praeclarum. Et lib. 3. de Leg. c. 19. Quis non studuisse reipublicae subuenerit, hanc tam praeclara legis voce laudatus? Eiusdem generis illud lib. 4. in Ver. c. 21. Incredibile est, quam multa, et quam praeclara fuerint. Et pro Milone c. 14. Quem si interficere voluif-

voluisset, quantae, quoties occasiones, quam praeclatae fuerunt? Iam non vereor, cum haec tam multa ex ipso, Cicerone loca recitauerim, ne mihi posthac petulans et insulsa Grammaticorum turba litem intendant, quod aliquando scripserim, *tanti ac tam praeclari muneris initium unde sumi aptius potuit abundare enim tam arbitrabantur, quoniam prae, in compositione augeret: ignari, quam libera interdum, soluta artis Grammaticae vinculis, excurreret Latina lingua: quod et nos per otium nonnumquam conferentes intelleximus; et intelliget, quicumque conferendi curam susceperit. Nec vero deerant alia eiusdem Ciceronis exempla, ut in Verrem his praeterea in eodem libro, in Rul- lum, in Catilinam, pro Flacco, orat. 5. in Antonium, et in lib. de clar. orat.*

A tuis propinquis] Iterum propinquos nominat: quod est, iterum Metello inconstantiam obicere, quem a grati animi significatione propinquorum iniquitas abduxerit.

Honorificentissimis] Quid enim honorificentius, quam Italiam tibi ab armatis hostibus et ab occulta coniuratione defendendam tradere?

Aperte confitebar] Cum ambitionis confessio risum moueret.

Par voluntas] Aculeus in Metellum: quasi rebus amplissimis atque honorificentissimis a Cicerone ornatus, parem voluntatem non reddiderit.

Prouinciam] Cum ex consulatu in Galliam ire posset, maluit in vrbe remanere. quod ipsum lib. 15. epist. 4. scripsit ad Catonem his verbis: *Prouinciam ornata, et*

spem non dubiam triumphi neglexi. Et lib. 2. ad Attic. epist. 1. ait se, cum prouinciam in concione deposuit, orationem habuisse. In oratione autem in Pisonem c. 2. *Ego prouinciam Galliam, senatus auctoritate, exercitu, et pecunia instructam et ornatam, quam cum Antonio commutavi, quod ita existimabam tempora reipublicae ferre, in concione deposui, reclamante populo Romano.* Et Phil. 11. c. 10. *Imitare me, quem tu semper laudasti: qui instructam ornatamque a senatu prouinciam deposui, ut incendium patriae, omissa omni cogitatione, restingerem.* Atque hanc ipsam Galliam a Metello administratam, Plinii iam testimonio probauimus, et Sallustius etiam bell. Cat. c. 42. ac Dio lib. 37. ostendit.

Sortitione] Vel fortiebantur prouincias inter se, vel comparabant, id est, pactione, quam quisque vellet, capiebant lib. 1. epist. 9.

Vestru] Inter te et collegas tuos facta.

Collegam meum] C. Antonium, collegam Ciceronis in consulatu. Opinor, cum Galliam Antonio Cicerone tradidisset, id quod ex oratione in Pisonem demonstrauimus, et Sallustius bell. Cat. c. 26. narrat, eum dedisse operam, ut omnino Metellus Galliam sortiretur, arte fortasse aliqua ad curandum sortis euentum adhibita: cum ipsi gratior esset Macedoniae administratio, quam hoc anno suscepit: ut ex lib. 1. ad Attic. epist. 12. intelligitur.

Facta sortitione] In qua tibi obuenerat Gallia.

Collegas suos] Praetores. nam in magistratu prouincias fortiebantur.

Ea

Ea praescriptione est] Quid hac praescriptione significetur, communis intelligentia fortasse non assequitur: quod exponere conabimur. Duplex erat in senatus consulto praescriptio, necessitatis una, honoris altera: necessitatis, quod infirmum erat: senatus consultum, cum in decernendo certus ac lege definitus senatorum numerus non affuisset: itaque singulis senatus consultis, ut valerent, praescribebatur, quot senatores affuissent. de quo Festi verba recitabo: *Numerum senatum, ait quivis senator consuli, cum impedimento vult esse, quo minus faciat senatus consultum, postulatque, ut aut res, quae afferuntur, dividantur, aut singuli consulantur; aut, si tot non sint senatores, quo numero liceat praescribi senatus consultum.* Tulit etiam legem C. Cornelius tribunus plebis, quem Cicero defendit, non ille quidem de omnibus senatus consultis, sed de iis, quibus aliquem solui legibus placeret, ut ita rata essent, si ducenti senatores affuissent. Quod Festi locus, etsi non plane, tamen quodam modo confirmat. Altera, quae auctoritatem senatus consulto adderet, praescriptio erat, cum nobilissimi senatores scribendo aderant. qui certus numerus non erat, sed pro eius dignitate et gratia, cuius de honore in senatus consulto ageretur. quo de genere praescriptionis hic puto significari: et illud infra, *obscurum esse non possit*, sic interpretor, ob eorum claritatem, qui scribendo affuerunt. Et in eo senatus consulto, quod Coelius Ciceroni misit, lib. 8. epist. 8. legendum opinor, *senatus consultum, quod tibi misi, factum est, auctoritatesque*

praescriptae: non perscriptae. nam senatorum nomina qui affuissent scribendo, *senatus consulti auctoritates* dicebantur, et ante senatus consultum scribebantur, de quo etiam more loquitur lib. 1. epist. 6. cum inquit: *Haec senatus consulta, non ignoro, ab amissionis eius, cuius de honore agitur, scribi solere.* non quod ii scriberent, se quod scribendo adessent, et fortasse etiam dicarent. Sic in Agraria 2. c. 9. *Collegas suos, adscriptores legis agrariae non repudiabit, a quibus et locus primus invidine in praescriptione concessus est.* Et lib. 3. de Orat. c. 2. legitur in antiquo Borromei libro, *in aeti ratibus praescriptis exstat, ubi est in pertulгатis, perscriptis.*

Profectus est] Post fortitionem profectus est Metellus praetor non in Galliam, quam post praeturam administrandam sortitus erat, sed in Picenum, in quo permanisse usque ad illud tempus, cum Catilina victus est, e Sallustio bell. Cat. c. 30. cognoscitur. Catilina superato, Galliam provinciam accepit.

Proxime] Post necem Catili aevidetur Metellus, antequam in Galliam iret, Romam reuertisse.

Parare] Nam extremo anno consulatus Ciceronis, id est, IV. idus Decembris, ut mos erat, magistratum initurus erat Metellus Nepos, tribunus plebis designatus.

Claudia] Impudica muliere, P. Clodii sorore, de qua in orat. pro Coelio c. 25. et lib. 2. ad Attic. epist. 1. Plutarchus in Cicerone *Quadrantiam* vocatam scribit, a quadrantibus in eius loculos ab amatore coniectis.

Vxor tua] Quomodo vxor fuerit Celeris, cum eius fratrem P. Clodium, fratrem patruelem Celeris nominet Cicero in oratione pro Coelio? an eadem et soror et coniux? sic opinor: vt Clodius et Clodia filii fuerint Caeciliae, sororis eius Metelli, qui Celerem et Nepotem genuit.

Vestra sorore Mucia] Vxor Cn. Pompeii, vt ex Pediano, Plutarcho, Dione, lib. 1. ad Attic. epist. 12. planum fit. soror autem fuit auorum Metellorum, Celeris et Nepotis, vel quod eius mater, patris soror esset; vel quod Celeris et Metelli mater, Muciae gentis, id est, soror esset patris huius Muciae. Sic enim feminae sorores dicuntur, licet germanae non sint, vt mares saepe fratres appellantur, cum sint patruelles, aut consobrini. Potuit etiam soror esse vterina Celeris et Nepotis, hoc modo, vt eorum mater, viro mortuo, Q. Metello Nepote, nupserit Q. Scatuolae, ex quo postea Muciam hanc peperit. eam et Dio lib. 87. sororem vocat: Metelli Celeris, cum hac postea, stupratam a C. Caesare suspicatus, post duos susceptos filios, diuortium Pompeius fecit. lib. 1. ad Attic. epist. 12. Pedianus, Suetonius in Iulio c. 50. Plutarchus, Dio.

Deterrens] Remouerent, non minis aut iniecto metu, sed rationibus et precibus. interdum enim *deterrens* et *cobortari*, vt contraria opponuntur. lib. 1. de Orat. c. 61. *Illud fuit horribile, quod mebercule vereor, ne maiorem vim ad deterrendum habuerit, quam ad cobortandum.* Exemplum non desunt.

Quod te audisse certo scio ERN. *credo*] Patet sententia: nec discrepant mei veteres libri, quibus in omnibus plane legitur, *credo*. At in vno Mediceo libro est *certo*, non *credo*. ex quo aliis orta de mendo coniectura. mihi verisimile non sit, reliquos omnes libros ab vno illo esse descriptos: cum et ab illo et saepe inter se dissentiant. nec vero librum vllum tam antiquum esse arbitror, qui omni prorsus vacet mendo: quippe cum ne illa quidem interdum, quae a nobis cogitata ipsi nostra manu scribimus, emendata satis esse videamus.

In aliquo magistratu] Ne minimo quidem. sic in meis antiquis libris. nec sane video, cur quidquam mutetur. aut si mutandum, placeret, *minimo magistratu*: vt legebat Vbalдинus Bandinellus: cum sit in Mediceo libro, *in animo magistratu*. sic opponerentur *consul* et *minimo magistratu*.

Pridie Kal. Ian.] Ultimo consulatus die.

Concionis habendae] De rebus in consulatu actis: vt more comparatum erat.

Prinauit] Pro potestate tribunicia.

Vt iurarem] Consules, commemoratis rebus in consulatu gestis, iurare soliti sunt, omnia se consilia atque facta ad reipublicae dignitatem commodumque retulisse, quod Cicero in Metellum permisit: reliqua commemorare vetuit.

Verissimum, pulcherrimumque iusiurandum] Hoc, reipublicam a se vno conseruatam. de quo sic in orat. pro domo c. 35. *Ego reipublicae semper interesse putavi, me illius pulcherrimi facti, quod*

ex auctoritate senatus, et consensu bonorum omnium, pro salute patriae, gessissem, splendorem verbis dignitatemque retinere: praesertim cum mihi uni in hac republica, audiente populo Romano, opera mea hanc urbem et hanc rempublicam esse saluam, iurato dicere fas fuisset. Et in Pisonem c. 3. *Ego cum in concione, abiens magistratu, dicere a tribuno plebis prohiberer, quae constitueram: cumque is mihi tantummodo, ut iurarem, permitteret: sine ulla dubitatione iuravi, rempublicam atque hanc urbem mea unius opera esse saluam.* Idem confirmat Dio lib. 37. Plutarchus autem, prohibitum Ciceronem a duobus tribunis, Metello, et Bestia, prodidit falso: nam Bestia non eodem anno cum Metello tribunatum gessit: Bestia Cicerone consule, quod Sallustius bell. Cat. c. 43. ostendit, Metellus anno sequenti, quod vel hic locus declarat, nam tribuni plebis magistratum inibant IV. idus Decembris. itaque non eum concione priuare potuit Bestia extremo consulatus die, id est, Kalendis Ianuarii, cum III. idus Dec. tribunatu abiisset: sed id a Metello factum, qui tribunatum, antequam Cicero consulatum absolvisset, inierat.

Populus] Confirmatum a populo Ciceronis iusiurandum, et oratio in Pisonem loco proxime recitato, et Plutarchus in Ciceronis vita demonstrat.

Indicta causa] Significabat, Lentulum, Cethegum, Statilium, Gabinium, Ceparium, confcios et participes coniurationis Catilinae, indicta causa, contra leges moremque maiorum, esse condemnatos.

animaduertisse autem in eos Ciceronem dicit, quod eo iubente in carcere strangulati sunt: ut Sallustius, Plutarchus, Dio scriptum reliquere. Appianus hoc addit, Ciceronem eos necari in conspectu suo iussisse, quod falsum est.

Hominem grauem] Cum ironia, ut Tusc. 2. c. 17. *Hominem exercitatum? ubi tantum luctus continuatur?* Phil. 13. c. 11. *Turpem vero actionem, qua defenditur amplissimi auctoritas ordinis contra crudelissimi gladiatoris amentiam!* Lib. 3. ad Q. Fr. epist. 4. *Lepidum amicum Sallustiam, qui mihi aut inimicitias putes periculosas subeundas fuisse, aut infamiam sempiternam.*

Agere] In senatu.

Non iudicio, neque disceptatione] Eadem coniunxit lib. 4. de re-pub. *Iudicii, ac magistratuum disceptationibus legitimis propositam vitam, non poetarum ingeniis habere debemus.*

Impressione] *Lupressionem facere*, quo loquendi genere Varro, Hirtius, Liuius vsi sunt, est cum impetu irruere.

Restituissem] Acerrime disputando. scripsit etiam contra Metelli concionem: ut est lib. 1. ad Attic. epist. 13. et in Gellio lib. 18. c. 7.

Casu] Sic lib. 1. ad Attic. epist. 20. *Reliqua sic a me aguntur et agentur, ut non committamus, ut va, quae gessimus, fortuito gessisse videamur.* Et Phil. 6. c. 4. *Quis est, qui hunc non casu existimet re-esse fecisse?* Laus enim a consilio pendet, non a casu. itaque Cicero, cum ea commemorat, quae pro salute reipublicae in opprimenda Catilinae coniuratione gesserat, casum

a se reiecit, consilium assumit. *Ego committam*, inquit in orat. pro Sulla c. 30. *ut ea, quae pro salute omnium gessi, casu magis et felicitate a me, quam virtute et consilia gesta esse videantur?* Et orat. 3. in Catilin. c. 12. *Ista me in re publica tructabo, ut meminerim semper quae gesserim, curemque, ut ea virtute, non casu, gesta esse videantur.* Ad Curium quoque lib. 7. epist. 28. consilio casum quasi opponit, et ex casu felicitatem deducit. *Sapienter haec, ait, reliquisti. si consilio: feliciter, si casu.* Propterea dixit etiam in orat. pro Sulla: *casu magis et felicitate: quia possit ex casu felicitas nasci, nullo nostro merito.*

Celatum] Vel peccauit Nepos, si te celauit: vel tu, si celatus non es, inique tacis; qui me accuses, quem oppugnatum non ignoras.

Dissolutio] Dissolutus est, qui fert ea, quae non debet; aut indulget plus, quam oporteat. in epist. 7. ad M. Brutum a Germ. rep. et ed. *Neque dissolutum a te quidquam homines expectant, neque crudele.* Et lib. 1. de Officiis c. 28. *Negligere, quid de se quisque sentiat, non solum arrogantis est, sed etiam omnino dissoluti.*

Sedens] Assensio enim paucis verbis absoluitur. stantes autem sententiam pluribus verbis dicebant.

Lenissime] Cum alii grauissime sentirent: quibus non assensit.

Sentire] Cum ageretur in senatu de Nepote tribuno plebis pu-

niendo, quia leges iniquissimas aduersus collegarum intercessionem ferret: cui Caesar praetor cum opem ferret, utrumque decreto patrum administratione reipublicae summotum, Suetonius in Iulio c. 16. narrat. propterea scripserat Metellus Celer, *Metellum fratrem, ob dictum, capite ac fortunis per te oppugnatum iri.*

Curare non debui] Quis enim curat, ut subleuetur inimicus?

Sabluaretur] Opinor alterum significari decretum, quo Metello et Caesari senatus ignouit, inducto priore decreto. Suetonius.

Desertus ab officiis tuis] Supra dixit: *Tu ipse velim indices, satisne videatur his omnibus rebus tuus aduentus, cum proxime Romam venisti, mutue respondisse.*

Aequum te iudicem dolori meo praebeas] Quod impulsus dolore ita cum fratre tuo de republica disputauit, ut sentiret sibi cum viro forti et constanti esse pugnandum. sic locutus lib. 2. epist. 1.

Exercitus] Tres cum legionibus habuisse, cum in Piceno praesideret, ait Sallustius bell. Cat. c. 57. nec fuisse pauciores, cum Galliam proconsul regeret, consentaneum est.

Vtendum] Placet. pro mea tamen consuetudine lectorem admo-neo, in antiquis duodecim libris esse, *tuendum*, non, *utendum*.

Quoad voles tu] Humanitatem ostendit, habita ratione grauitatis. nam inuitum amare demeritiae est.

EPISTOLAE III.

ARGVMENTVM.

Libri veteres hanc epistolam Nepotis nomine inscribunt: quod si credimus; ex Hispania missam, cui post consulatum Nepos praefuit, simul credere necesse est. Scribit haec: a se fratrem suum, assidue Ciceroni obtestantem, despici; Ciceronem autem, qui suam in eum beneuolentiam officiis declararet, fratris loco diligi: de prouinciae rationibus ad Lollium se litteras dedisse. Amoris conseruationem petijt in extremo. Moralis epistola: quibus consulibus, incertum: cum Nepos Hispaniae triennium praesuerit; ut ex Pediano in commentario orationis pro Scauro colligitur.

EXPLANATIO.

Hominis importunissimi] P. Clodii, qui Nepotis frater appellatur et lib. 4. ad Attic. epist. 3. fratres autem fuere, vel consobrini, vel quod Clodii mater, patris Nepotis soror fuerit.

Contumeliae] In Ciceronem.

Concionibus] Ita longis, itaque acerbis litteris, ut concionari videatur.

Oneras] Mihi molestus est.

Leniuntur] Earum acerbitate non moueor, quae minuitur ac tollitur officiis tuis.

Ab eiusmodi homine ERN. Eiusmodi homines] Sic mei veteres libri, vnus, *hominis*. ut sit, eiusmodi hominis quia leues contumeliae sunt, a me despiciuntur. ita opponuntur, *onerat*, et, *leues*. sin *homines* legatur, potest esse eadem sententia, hoc modo: quia sunt leues eiusmodi homines, a me despiciuntur eorum contumeliae. potest et

iam sic: despiciuntur a me, tamquam leues, eiusmodi homines. *Mediceus liber, ab eiusmodi homine*: sententia eadem, quae elicitur ex eiusmodi hominis.

Communita persona] Translatio ab histrionibus, qui, communita persona, diuersas agunt partes.

Inuitum] Nemo seruatur inuitus. sed qui palam peccat, nec poenae metu flagitiis abstinet, ia cum impunitatem adipiscitur, seruari videtur inuitus. Clodii autem cunctis paene sceleribus inquinatam vitam quis ignorat.

Prouinciae] Dixi iam praefuisse Nepotem Hispaniae, dixi autem auctoribus Appiano lib. 2. de bell. ciu. Plutarcho in Caesare, Dione lib. 39.

Si poteris] Nolim te fratris iniuriae ita commoueat, ut propterea de tua in me voluntate quidquam detrahatur.

EPISTOLAE IV.

ARGVMENTVM.

Exsul opem implorat consulis Nepotis: seque non inmemorem beneficii futurum confirmat. P. Lentulo Spintere Q. Metello Nepote coss.

EXPLANATIO.

Collega] P. Lentulo consule, Ciceronis reditum enixe curante: vt ex epistolis et orationibus constat.

Mississimam] Quae mihi, antea dissidenti, spem attulit auxilii tui. fortasse oratio illa significatur, quam habuit primo consulatus die, referente de reditu Ciceronis collega eius P. Lentulo. vide pro Sextio c. 33.

Sum conatus ERN. Sum conatus] Malo. *sum conatus*, vt est in quatuor antiquis libris: nam *conatus*, cum proxime dictum sit *inductus*, sententia non desiderat. *Conatus* autem significat, non inuitum Ciceronem scripsisse, inductum eius oratione mitissima.

Tuerum] Clodiorum, cum esset frater P. Clodii.

Tuas inuicicias] Fortasse quas cum C. Curione, qui de Dardanis triumphauit, acerbissimas gesserat.

vide Pedianum in commentario Cornelianae.

Magistratum] Consulem P. Lentulum, qui cum primo consulatus die de revocando Cicerone retulisset, confecta res non est, noctem sibi ad deliberandum postulante Sext. Atilio Serrano tribuno plebis, quem *Gauanium* appellat in oratione pro Sextio c. 34.

Reseruandorum ERN. Conseruandorum] Sic in vno tantum veteri libro: cui potius assentior, quam reliquis omnibus, in quibus est, *re seruandorum*. aut, *reseruandorum*, dixit, habita ratione temporis omitti: quasi iterum seruandorum, quos antea non seruaueris, cum posses.

Non erit] Exitium a P. Clodio impendere vniuersae reipublicae, dicit: siquidem plus possit vnus, quam consul, senatus, populus.

EPISTOLAE V.

ARGVMENTVM.

Omnia beneuoli animi signa in C. Antonium a se esse profecta, nullam ab illo relictam gratiam, ostendit: quod si grauius cognouerit, se non esse ei defuturum. Commendat in extremo Atticum. Est autem hic Antonius, qui collega Ciceronis fuerat, in consulatu, filius M. Antonii, summi oratoris, patruus M. Antonii, qui postea reipublicam oppressit. Macedoniam hoc tempore proconsul administrabat, Silano et Murena coss.

EXPLANATIO.

Imperatori] Fortasse rem militarem feliciter gesserat, cum haec epistola scripta est: postea vero male pugnavit. nam triennio post, Caesare et Bibulo coss. idem damnatus est, quod in Thracia et Mysia

parum prospere rem gessisset. epitome Liuiana 103. Dio, Obsequens.

Nisi commendatitias] Non igitur hae sunt commendatitiae, licet Atticus commendetur. argumentum enim hoc videtur, vt ei Cicero, Attico

Attico rogante, summi studium in accusationis, quae parabatur, periculo deferret: quam partem non ante aggressus est, quam ej, commemoratis officiis suis, ingrati animi vitium exprobrauit.

Ipsi Pomponio] Qui Ciceronis animum, nonnihil ab Antonio alienatum, reconciliari cupiebat.

Officia desiderem] Infra subiungit, nullam mihi abs te relatam esse gratiam, tu es optimus testis. Et in epistola sequenti: eius in me officia omnes desiderant.

A me in te profecta] Defenderat iam eum Cicero in senatu, cum de reuocando ex Macedonia ageretur: quod ex epistola sequenti cognoscitur.

Falso in me solere conferri] Cum dicas, compcrisse te, me tibi amicum non fuisse: quod falso a te dicitur.

Delata] De querelis tuis. Libentius enim ad querelas Antonii refero, quam ad id, quod legitur lib. I. ad Attic. epist. 12. de parte pecuniarum, quae contra leges ab Antonio in prouincia cogerentur, Ciceroni danda.

Constantia] Etsi non deberem, cum te non esse in me gratum audirem; feci tamen, ne inconstans in amicitia viderer. epist. 8. Quae

a me suscepta defensio est, te absente, dignitatis tuae: in ea iam ego, non solum amicitiae nostrae, sed etiam constantiae meae causa, permanebo.

Reliqua] Fore putabat, vt de repetundis accusaretur. quod ex lib. I. ad Attic. epist. 12. satis constat. fit enim in ea mentio et de coactis ab Antonio pecuniis, et de praetore ad populum acturo. quamquam non nisi triennio post, Caesare et Bibulo coss. accusatus est, vt Suetonius et oratio pro domo c. 16. demonstrat. quo tempore, Cicerone defendente, damnatum esse, ex oratione pro Coelio c. 31. et ex Dione cognoscitur. damnatum autem de maiestate, accusante Coelio, et Dio et proxime nominata oratio videtur significare: de repetundis etiam offendit locus ille lib. I. ad Attic. epist. 12. *Antonium in cogendis pecuniis delitare, partem mihi quaeri.* Quod altero confirmatur argumento, quia damnatum accusante Q. Maximo plane demonstrat oratio in Vatinius c. 11. vt de maiestate a Coelio, de repetundis a Maximo accusatus, ex utroque crimine damnatus sit. nam et duos quaesitores, Q. Claudium et Cn. Lentulum, apud quos reus factus est, in eadem oratione video nominari.

EPISTOLAE VI.

ARGUMENTVM.

Exponit suam diligentiam, in eo adhibitam, ne Sextio, qui cum C. Antonio praefensule quaestor in Macedoniam iuerat, succederetur. addit de domo a se empta, non sine ioco: de Sextii, quae aedificabatur, aedibus: de C. Antonio a se in senatu defenso. M. Messalla M. Piso e coss.

EXPLANATIO.

P. Sextio] Quaestor Antonio fuit et consuli Romae, et proconsuli in Macedonia. quod ex oratione pro ipso c. 3. patet.

Proquaestori ERN. Procos.] Sic omnes antiqui libri, eadem ratione, qua *proconsul* Sallustius in lib. 2. epist. 17. inscriptione nominatur.

Frugi] Ad quod genus hominum prudentia spectare videtur. itaque subiunxit, *non satis credidi homini prudenti.*

Q. Fufium, tribunum plebis] Hic locus epistolam Messalla et Pisonis consilii scriptam esse significat. nam hoc anno tribunatum a Fusio gestum ait Dio lib. 38. idque confirmat Asconius, qui, quo tempore Clodius de incestu accusatus est, huius Fusii opera factum tradit, ne a senatu asperius decerneretur. de incestu autem Clodii actum Pisonis et Messalla consilii ex epist. ad Attic. lib. 1. in quibus etiam Fusius tribunus plebis nominatur, facile intelligitur. Idem, interfecto Clodio, acerrimus Milonis fuit adversarius: et a Cicerone notatur in orat. pro Milone c. 6. cum ait: *Divisa sententia est, postulante nescio quo. nihil enim necesse est, omnium me flagitia proferre.* Bienio post, aedilitate omissa, praetura gessit Caesare et Bibulo consilii legemque de suffragiis tulit. testis Dio. consul fuit cum P. Vatino, anno DCCV. ut fasti docent Capitolini. Socrus fuit Pansae consulis, qui Mutinensi proelio, partium reipublicae contra M. Antonium defensor, interfectus est. Defendit Antonium in senatu, a Cicerone

oppugnatum: ut ex Philippicis et epistolis ad Brutum constat. Calenno cognomen fuit.

Scripseras] Cupere te, ut tibi succederetur.

De Crasso] A Crasso. Notum loquendi genus. Hoc et in ea declamatione, quae Sallustii nomine inscribitur, in Ciceronem confertur c. 2. his verbis: *Domum ipsam tuam vi, et rapinis, funestam tibi, ac tuis, comparasti: videlicet, ut nos commonefacias, quam conuersa res sit publica, cum in ea domo habitares, homo flagitiosissime, quae P. Crassi, viri clarissimi, fuit.*

XXXV] Tricies quinquies: ut subaudiatur, *centenis millibus numerum*: id est, centum quinque scutatorum millibus. accepit autem mutua a P. Sulla, qui tum reus erat, H. S. vicies, id est, sexaginta scutatorum millia, ut ait Gellius lib. 12. c. 12. Haec domus primum fuerat M. L. Iulii Drusi, eius qui tribunus plebis initio belli Italici a nescio quo est interfectus, deinde possedit eam Crassus hic, a Cicerone nominatus; post Crassum, Cicero; post Ciceronem, Censorinus; post Censorinum, Statilius Sisenus. quod Velleius lib. 2. c. 14. memoriae tradidit.

Ut cupiam coniurare] Locatur: quia Catilina eiusque socii, cum aesi alienum feneratoribus soluere non possent, in patriam coniurarunt. Sallustius bell. Cat. c. 21. 22.

Excludunt] Coniurationis participes.

Ex obsidione] Maxime enim contra feneratores et locupletes facta coniuratio est. quo spectat illud lib. 1.

lib. 1. ad Q. Fr. epist. 1. *Publicani, quod ita negotiantur, ut locupletes sint; nostri consulatus beneficio incolumes se fortunas habere arbitrantur.* Et lib. 2. de Offic. c. 24. *Numquam vehementius actum est, quam me consule, ne solueretur. armis et castris tentata res est ab omni genere hominum et ordine.*

Exemeris] Oppressa enim coniuratione, feneratorum impendenti periculo liberati.

Omnino semissibus magna copia est] Et Mediceus liber et reliqui habent, *omni*, non *omnino*, vno excepto, qui Thomaë Leonici fuit, doctissimi hominis, in quo est, *omnino*. *Omni*, pro *cuiuslibet*, duriusculum positum videtur. nam illud lib. 7. ad Attic. epist. 3. *Hic omnia facere omnis, ne armis decernatur*: potest esse quarto casu, numero multitudinis, quare *omnino*, malui; consensu tamen antiquorum exemplarium indicato. Deesse, inquit, nummi non possunt, si quis vsuras semisses velit pendere, id est, senos annuos pro centenis. haec autem civilis et moderata fuit vsura: grauissima vero omnium, quae legibus concedebatur, ea fuit, cum duodeni annui pro centenis: quae *centesima* vocabatur. in quo dissentire cogor a doctis hominibus, qui affirmant, vnciarium fenus leuissimum fuisse: quod, ut arbitrator, grauissimum fuit, idemque cum centesima. vsurarum enim quaedam nomina mensuram solutionem, quaedam annuam significant, mensuram, ut centesima, vnciaria, semunciaria: annuam, ut semis, triens, bes. nam, si centesima vel vnciaria, vel semunciaria, semel in anno soluerentur: quis

tantulo quaestu pecuniam suam collocasset? rursus, si bes, vel semis, vel etiam triens, vsura mensura esset: quis, tanta rei familiaris iactura, fenebrem pecuniam accipere voluisset? Opinor igitur vnciarium fenus et centesimam idem esse: ut ratio habeatur mensurae solutionis, non annuae: semunciarium autem idem cum semissibus: ut in semissibus annua solutio spectetur, in semunciariorum fenore, mensura. propterea Tacitus lib. 6. Annal. c. 16. ait, XII. tabulis sancitum esse, ne quis vnciario fenore amplius exerceat; cum antea ex libidine locupletum ageretur: deinde rogatione tribunicia vsuram ad semuncias redactam. Nam, si duodecim tabulae annum fenus vnciarium significassent; et si tribuni plebis postea de semunciariorum item annuo rogationem tulissent: graues admodum postea semisses vsurae visae essent, quas tamen civiles ac modicas fuisse, tum Plinius lib. 14. c. 4. tum alii satis ostendunt, grauissima vero centesima, quae tamen legibus concedebatur: supra vero non licebat: ideoque cum trientem, semis, bessem, nominari videmus, non de mensura, sicut in vnciario fenore, sed de annua dictum vsura existimare debemus: alioqui non fuisset grauissima omnium centesima.

Ego autem meis rebus gestis] Mea, inquit, praecipua causa est: cum ob res a me gestas, id est, ob feneratores, quibus exitium Catilina moliebatur, *bonum nomen*, id est, bonae fidei debitor existimer. Debitorum nomina in expensi codicem referebantur. inde factum, ut *nomen* acciperetur et pro debita pecunia, unde *nomina exigere*, lib. 1.

lib. I. in Ver. c. 10. et pro debitorē, vt hic, et quod ab Alphio fenatore dici solitum refert Columella lib. I. c. 7. *vel optima nomina non appellando fieri mala.*

Antonium] C. Antonium, collegam Ciceronis in consulatu, qui hoc tempore Macedoniam regebat.

Omnes] Omnes, qui testes sunt meorum in te meritorum. Dixit enim in epistola superiore: *Mens in te animus quam singulari officio fueris, et senatus, et populus Romanus testis est.*

Desiderans] Sic in proxima superiore: *Si abs te summa officia desiderem, mirum nemini videri debeat.* Et ibidem, post: *Pro iis rebus nullam mihi abs te relatam esse gratiam, tu es optimus testis.* Notatur ingrati animi vitium hoc verbo: quia desiderantur ea, quae non habeamus.

In senatu] Cum ageretur de Antonio ex prouincia ob rapinas revocando: vt ex lib. I. ad Attic. epist. 12. intelligo: in qua scriptum

est hoc: *nibi Pompeiani prodromi nunciant, aperte Pompeium acturum, Antonio succedi oportere.* Et ibidem paullo post, pecuniae nominantur a C. Antonio iniuste coactae. ea porro epistola iisdem, quibus haec, id est, Pisone et Messalla consil. scripta est. Reuocatus tamen Antonius hoc anno non est, sed in prouincia mansit vsque ad consulatum Caesaris et Bibuli; quibus consulibus damnatus est, atque etiam videtur aliquot eius anni menses in Macedonia fuisse, si epitomae Liuianae 103. verba considerentur.

Grauisime] Vt, grauiter accusare, ita grauiter defendere, dicitur: quae summi studii significatio est.

Defendi] Quamquam, nec licere sibi eum defendere, nec libere, iam ad Atticum scripserat, lib. I. epist. 12.

Commouit] Ita conimouit, vt manserit postea C. Antonius in prouincia vsque ad Caesarem et Bibulum consil.

EPISTOLAE VII.

ARGVMENTVM.

Gratulatur Pompeio de Mithridate victo: deinde carpit eum, vt gratiae referendae parum studiosum, quis sibi de Catilinae coniuratione exstincta frigide gratulatus erat: se tamen ei tum in republica, tum in amicitia coniunctum fore significat. scripta Silano et Murena consil. ante ceteras omnes, quae hoc volumine continentur.

EXPLANATIO.

CN F.] Cn. Pompeii Strabonis, qui de Asculanis et Picentibus consul triumphauit, anno DCLXIV.

Magnus] Hoc ei cognomen dedit Sullae salutatio; cum adhuc eques Romanus, adolescens annos,

natus XXIV. Siciliam, eiecto Perperna, caeso Carbone consule, Marianarum partium ducibus, recuperasset, Africam vero XL. diebus, interfecto Cn. Domitio, Hiarba, Numidiae regē, capto subegisset. epitome

epitome Liuiana 89. Velleius lib. 2. c. 30. Plinius lib. 7. c. 26. Plutarchus in Pompeio, alii.

Missi] Ex castris, confecto bello Mithridatico: ex quo triumphauit anno sequenti, pridie Kal. Oct. die natalis sui, vt scripsit Plinius, lib. 37. c. 2.

Spem otii] Ab externis bellis. vnus enim, reliquis deuictis aut pacatis, formidandus hostis Mithridates videbatur: cum quo per annos triginta continenter bellum gessit populus Romanus.

Pollicebar] Id maxime pollicitus est in oratione pro lege Manlii.

Veteres hostes] M. Crassum et L. Lucullum puto significari; quibus potentia et gloria Pompeii molesta semper fuit.

Novos amicos] Pompeio quidem ita reconciliatos, vt apertas non gererent inimicitias, eius tamen secunda fortuna valde moerentes.

Percussos] Perculsi deturbantur, et deturbati iacent. ideo dixit, *vehementer litteris percussos atque ex magna spe deturbatos, iacere.* sic lib. 4. epist. 4. *perculsa et prostrata foedissimo bello iacent omnia.*

Ex magna spe deturbatos] Non dubito, quin hoc loquendi genus, vt alia multa, a Graecis fontibus deduxerit. dixit enim Plato in Euthyphrone: *'Απ' ἐλπίδος με κατὰ βαλὼν μεγάλης ἐπίρρη.*

Meorum officiorum] Quorum te non satis esse memorem, litterae tuae significant. Officia vero Ciceronis in Pompeium erant multa: cum eius dignitatis ab adolescentia fautor, in praetura autem et in consulatu adiutor etiam exstitisset.

quod scripsit ad Lentulum lib. 1. epist. 9. practor, enim suasis Manliam rogationem, vt ei bellum Mithridaticum demandaretur: consul ad senatum retulit, quia maritimis terrestribusque bellis virtute sua Pompeius finem attulisset, vt ei duplicaretur supplicatio consularis, id est, dierum decem decerneretur: quod antea nemini concessum erat. in orat. de prouinc. c. 17.

Non mutue ERN. inutuo respondetur] Et hic mordet Pompeium, qui suis officiis non mutuo respondere videatur.

Facillime patior] Hoc loquendi genere neque laetitiae, neque molestiae significatur: perinde ac si dicas, non laboro. probatur exemplis. lib. 1. epist. 9. *Facile patior, ea me de republica sentire ac dicere, quae maxime cum mihi, tum etiam reipublicae rationibus putem conducere:* pro, non inuitus ea sentio ac dico. et lib. 6. epist. 11. *Vestorius, noster familiaris, ad me scripsit, te mihi maximas gratias agere. Haec praedicatio tua mihi valde grata est, eaque te uti facile patior.* Et lib. 12. ad Attic. epist. 44. *Et Hirrini aliquid ad te καταδως de me scripsisse facile patior.*

Mea summa erga te studia] Quae non tanti Pompeius aestimare videbatur, vt cum diligeret: idque significauerat gratulatione praetermissa.

Res eas gessi] Quarum causa senatus ei, togato supplicationem decreuit; Q. Catulus parentem patriae nominauit; L. Gellius civicam coronam deberi a republica dixit. lib. 15. epist. 4. et in Pisonem c. 3. Gellius lib. 5. c. 6.

Ne cuius animum offenderes] Vt C. Caesaris, aut M. Crassi, quos occulte fauere coniurationis multi suspicati sunt. Crassum etiam, vt conscium et participem coniurationis, in senatu a L. Tarquinio nominatum, scripsit Sallustius, bell. Cat. c. 48. confirmauerunt Plutarchus et Dio. Caesar quidem, ne coniurati vita priuarentur, accurata oratione dissertit. idem Sallustius c. 51. Plutarchus, Appianus, alii.

Tanto consilio, tantaque animi magnitudine] Quod vtrumque re-

quiritur in custode ciuitatis: et in vtroque Ciceronem excelluisse, cum illa indicia communis exitii indagauit, patefecit, exstinxit, historiae demonstrant.

Africanus] Minor, qui Carthaginem et Numantiam euertit. hunc enim Cicero significat, cum simpliciter eum nominat.

Laelium] Vt duo Africani, sic Laelii duo memorantur: quorum vtrorumque pariter auicidia celebratur. nec in re manifesta exemplis opus est.

EPISTOLAE VIII.

ARGVMENTVM.

M. Licinius Crassus, eius P. Crassi filius, 'qui se ipsum, ne in manus incideret inimicorum, occidit, ut est in orationibus pro Scauro, et pro Sextio c. 21. Romanorum opulentissimus, postremis diebus secundi consulatus sui, contra diras et obnunciationes Ateii tribuni plebis, de quibus Appianus, Plutarchus, Dio, in Syriam provinciam profectus est; cum apud Ciceronem in eius generi Crassipedis hortis cenasset; vt legimus lib. 1. epist. 9. Ad eum Cicero in provinciam scribit, quam studiose dignitatem eius in senatu defenderit: excusat superiorum temporum simultatem; constanciam et fidem, post gratiae reconciliationem, pollicetur, affirmans eius honestati et gloriae nullo, umquam se loco defuturum: quiddam etiam de suo in filium eius P. Crassum amore, eiusque in se obseruantia, interponit. Negotialis et moralis epistola: nam et actum in senatu rem narrat; et de reliquo tempore omnia studia sine ulla exceptione promittit. Scripta L. Domitio Abenobarbo Ap. Claudio Pulchro' co. qui Pompeio et Crasso proxime successerunt.

EXPLANATIO.

Cum consulibus] Cum Domitio et Appio, fortasse contendentibus, vt reuocaretur Crassus; quandoquidem, dirarum obnunciatione neglecta, in provinciam iuisset: quod perniciosum reipublicae fore videbatur, sicuti fuit, ipso cum exercitu a Parthis interfecto.

Interruptum] Ob eam simultatem, quam inter eos Catilinae tem-

poribus exortam, quia Crassus coniurationis conscius et particeps putaretur, Plutarchus in Crassi vita prodidit.

Pestes hominum] Vt et Crassum et se ipsum culpa liberaret, artificis hominum hic, proxime autem varietate temporum factum esse dicit, ne, quemadmodum instituerant, perpetuo amarent inter se.

Pestes

Pestes hominum, pro, pestiferi homines, vitandi tamquam pestis.

Laudes] Laus enim sita est in mutua beneuolentia: cum utriusque dignitas utriusque augeri possit officiis. confirmatur infra, cum dixit: *Is enim tu vir es, et eum me esse cupio, ut, quoniam in eadem reipublicae tempora incidimus, coniunctionem amicitiamque nostram utrique nostrum laudi sperem fore.*

Immutarunt] Minus est, quam alienarunt: ut, quo nunc erga Crassum animo sit, vel hoc probet argumento, quod, eo a se alienato, ipse tamen adducere non potuerit, ut amare prorsus desineret.

Optatum mihi magis, quam speratum] Hoc refertur ad id, quod sequitur, *florētissimis tuis rebus*: quia rebus afflictis, non florētissimis, amor vere perspicitur. Mihi autem, inquit, contigit, quod optabam potius, quam sperabam, ut optimo rerum tuarum statu, mea tamen et memoria veteris nostrae necessitudinis, et post reconciliatam gratiam fides perspicui posset. Confirmat hanc sententiam lib. 9. epist. 16. ad Pactum: *Non facile diiudicatur amor verus et fictus, nisi aliquod incidat eiusmodi tempus, ut, quasi aurum igni, sic beneuolentia fidelis periculo aliquo perspicui possit; cetera sunt signa communia.* Eodem loquendi genere usus est lib. 2. ad Q. Fr. epist. 12. *Quantum coniectura consequabar, id erat huiusmodi, ut magis optandum, quam sperandum putarem.* Et lib. 1. de Orat. c. 21. *Hoc loco Sulpicius, insperanti mihi, inquit, et Cottae, sed valde optanti utrique nostrum, cecidit, ut in ipsum sermonem, Crasse, delabere-*

mini. et Balbus lib. 8. ad Attic. epist. 15. *Velim, idem Pompeius faciat: qui ut adduci tali tempore ad ullam conditionem possit, magis opto, quam spero.*

Fides] Quae maxime requiritur in iis, qui post similitudinem amicitiae iuncti sunt. ad Appium lib. 3. epist. 8. *Si quis est, qui neminem bona fide in gratiam putet redire posse: non nostram is perfidiam coarguit, sed indicat suam.* Et ad eundem, epist. 10. *Quod si essem ea perfidia, qua sunt ii, qui in nos haec conserunt.*

Vxor tua] Tertullae nomen fuisse, et a Caesare stupratam, Suetonius in Caesare c. 50. auctor est.

Tui Crassi] Filii, Marcus et Publius; quos hoc tempore constat fuisse Romae: quamquam Publius paullo post patrem subsecutus est, cum quo periit in Parthis. Marcum autem et ante hoc tempus, et post in Gallia, Caesaris quaestorem fuisse, patet ex lib. 1. 2. 3. 5. 6. quos ipse Caesar de rebus a se in Gallia gestis composuit.

Nituntur] Plus est, quam *utuntur*. est enim *nisi*, fulciri, sustentari, quasi roboris in eo, qui nititur, pro rerum grauitate parum sit.

Non me repentina aliqua voluntate] Ne videatur simulata et ad artem composita beneuolentiae significatio, quia tam prolixae, cum paullo ante simulas inter eos fuisset, officia sua polliceatur ac deferat; non est haec, inquit, augendae tuae dignitatis repentina voluntas, sed quaedam pristini studii renouatio, a prima adolescentia suscepti.

Ut primum forum attigerim] *Toga virili sumpta, absoluto aetatis*

aetatis XVI. Vel ad eos, qui ius civile profitebantur, vel in forum, ut oratores audirent, adolescentes ire soliti sunt. Cicero statim ad Scaevolam iuriconsultum accessit, deductus a patre, ut ipse scribit in Laelio c. 1. primam vero priuatam causam pro P. Quintio egit annos natus XXVI. publicam XXVII. pro Sex. Roscio Amerino: quod utrumque Gellius lib. 15. c. 28. animadvertit.

Observantiam] Vel aetatis, vel honorum gratia. Sed enim annis natu maior, quam Cicero, erat Crassus, totidemque prior consulatum gessit. iure igitur plus Crasso tribuit, quam sibi: ut infra quoque: *Is enim tu vir es, et eum me esse cupio.*

Non tam re] Iniuriarum memoria coire animos et coniungi amore mutuo vix patitur: ideo praeteritae offensae suspicione utrumque liberat.

Violata] Sic lib. 1. ad Attic. epist. 17. *Illae, quae violatae, expiuntur.* Violari enim dicitur, quasi sacrosancta amicitia sit.

Inania] Indigna quae cogitemus: leuia, minimi ponderis.

Eum me esse cupio] Laudis cupiditatem profiteri, arrogantiae non est: et modestia benevolentiam conciliat.

Statues ipse] Nihil petit; quid tamen expetat, eo, quod sequitur, ostendit. est enim haec epistola ut omnium officiosissima; sic eadem omnium prudentissime ac modestissime conscripta.

Quod ad honestatem et gloriam tuam spectet] Quod tibi vel honori vel gloriae possit esse. Non omnino idem, sed simile lib. 10. epist. 1.

Tuae dignitati ita fauemus, ut omne nostrum consilium, studium, officium, operam, laborem, diligentiam ad amplitudinem tuam conferamus.

Publio] Quo intercedente, Cicero et Crassus reconciliati sunt. amabat is Ciceronem vnice propter eloquentiam. lib. 2. ad Q. Fr. epist. 8. *Totum ei (Crasso) negotium permisi, meque in eius potestate dixi fore.* Interfuit huic sermoni P. Crassus adolescens, nostri, ut scis, studiosissimus. Et in Bruto c. 81. *Quae quidem etiam cum P. Crasso, M. F. cum initio aetatis ad amicitiam se meam contulisset, saepe egisse me arbitror, cum eum vehementer hortarer, ut eam laudis viam rectissimam esse duceret, quam maiores eius ei tritam reliquissent.* Erat enim cum institutus optime, tum etiam perfecte, planeque eruditus: ineratque et ingenium satis atre, et orationis non inelegans copia; praetereaque sine arrogantia grauis esse videbatur, et sine segnitia verecundus. Interfectus est a Parthis, ut Plutarchus, Appianus, Dio multis verbis exponunt.

Constantiae] Ne famam inconstantiae subeam. epist. 5.

Mea sponte] Similiter lib. 6. epist. 8.

Quoad eius fieri possit] Quam maxime possit, quantum liceat.

Desiderium] Quo tenentur amici tui, hospites, clientes, qui, te praesente, opera, consilio, auctoritate, et gratia tua nitebantur.

Meo labore] Quem eorum causa, non modo tua, suscipiam.

Minuatur] Tolli enim prorsus non potest, propterea dixit, *quoad eius fieri possit.*

EPISTO.

EPISTOLAE IX.

ARGUMENTVM.

P. Vatinius, qui tribunatum plebis gesserat Caesare consule, omniaque ex eius libidine administraverat, post consulatum in Ilyricum a Caesare dictatore missus, ut Appianus et Dio significant, commendat suam dignitatem Ciceroi contra malenolorum atque iudorum obtreccionem. rebus enim prospere gestis, supplicationes, missis ad senatum litteris, petebat. Caesare IV. consule sine collega.

EXPLANATIO.

Vatinius] Struma dictus, quia tumidam struma ceruicem haberet. ex quo eum, ut in Plutarcho legimus, inflatum oratorem Cicero per iocum appellauit. Eodemque spectat illud in oratione contra eum habita in senatu c. 2. *Reperit enim te, tamquam serpens e latibulis, oculis eminentibus, inflato collo, tumidis ceruicibus intulisti.* Et in ea pro Sextio c. 65. *Hi medentur reipublicae, qui exsecant pestem aliquam, tamquam strumam ciuitatis.* Et lib. 2. ad Attic. epist. 9. *Vatinius strumam sacerdotii dissipauit.* *Vatinius* autem, *Varios*, *Varos* a cruribus dictos ait Plinius lib. 11. c. 45.

Inp.] Ab exercitu, nondum a senatu appellatus: cum nondum decretæ essent supplicationes.

Clions] Defenderat eum, rogatu Caesaris. Cicero, a Caluo de ambitu accusatus: quo iudicio absolutus est. defendit et alio crimine, iudicio publico, ut Valerius Max. lib. 4. c. 2. scriptum reliquit.

In honore] In supplicationibus a senatu impetrandis.

Adoptem] Eligam patronum: vel, *adoptem*, *exoptem*: ut Cicero nis filius lib. 16. epist. 21. *aduentus adoptatissimus*, dixit, pro *exoptatissimus*.

Fato] *Fatum* ait Alexander causam esse, et causam agentem: causarum enim quattuor genera esse; quae agit, ut statuarius; quae materia est, ut aes, aut lapis, ex quo fit statua; quae forma, quam statuarius ex ea materia facere cogitauit; quae finis, ut cum artifex non id solum spectat, ut statuam faciat, sed ut, statua facta, vel pecuniam, vel honorem consequatur. Porro, non eiusdem generis agentes causae sunt. quaedam enim aguntur alicuius rei gratia, quaedam vero nihil eo, qui agit, cogitante. quae aguntur aliqua causa, vel a natura vel a ratione aguntur. quae ratione aguntur, et agi possunt, et non agi: agendi enim facultas in nobis est. itaque eiusmodi rerum causa fatum non est, verum electio nostra. est igitur fatum in iis, quae natura sunt: nec inter fatum et naturam, praeter nomen, quidquam interest. acque enim et natura, et fato, equus ex equo, homo ex homine generatur. nam, ut naturalis rerum omnium generationis causae primae diuina sunt, certo ordine et perpetuo motu circumducta: ita facti non aliae causae sunt, quam quae a diuinis pendunt. Nec tamen fatum est causa, propter quam semper aut

hoc aut illud necessario fiat, sed plerumque: ut in iis quoque, quae natura sunt, locum habent ea, quae interdum praeter naturam fiunt. Atque hanc esse Peripateticorum de fato opinionem, ex Alexandro cognoscitur. Alii vero fato omnia fieri voluere: quos refellit idem Alexander: cum ab iis fortunam, et casum, et omnes humanae vitae actiones, et consultationem auferri dicat. Vide lib. 4. epist. 12.

Liberalitatem] *Liberalis* est, non modo qui pecuniam largitur, sed etiam, qui quocumque officii genere subuenit, aut commodat. lib. 1. epist. 9. in extremo. lib. 10. epist. 3.

Ad senatum] Ut supplicationes ei decernerentur.

De rebus nostris gestis] In Dalmatia: ut in epistola, quae sequitur.

Tuus seruus] Dionysius. in epistola sequenti, et lib. 13. epist. 77. ad Sulpicium.

Cum Vardaeis] Dalmatiae populis; a quibus olim vastatam Italiam, auctor est Plinius lib. 3. c. 22. Antea *Vardaeis*: nos olim, *Vardaeis*, restituimus.

In Dalmatiam] In quam cum ausugisse iam audierat: dixit enim, *dicitur mihi tuus seruus anagnosces fugitiuis cum Vardaeis esse*. Dalmatiae nomen ab vrbe Daimnio deductum, significat Strabo lib. 7.

A. d. V. idus Quintiles] Scripta igitur est epistola ante reditum Caesaris ex Hispania, in qua Pompeii liberos iam denicerat. nam Velleius lib. 2. c. 56. eum Romam Octobri mense reuertisse, auctor est.

Narona] Et fluvius et castellum fuit. Plinius, Prolemaeus.

EPISTOLAE X.

ARGUMENTVM.

Scribit de Dionysio seruo, de Catilio pirata, de rebus a se in Dalmatia gestis, pro quibus supplicationes sibi decerni postulat. Eodem anno, cum in urbem rediisset Caesar.

EXPLANATIO.

Omnia mihi dura] Cum neque seruum inuenire, neque de Catilio, quod petis, facile possim concedere.

Imperas] Iam igitur ei per litteras Cicero de Dionysio seruo mandauerat. nam in superiore epistola nihil sibi mandatum Vatinus dixit.

De Catilio] Pirata.

Apoge te] Hac voce reiicimus a nobis eos, qui molesti sunt. vtuntur ea frequenter comici.

Matres familias] Feminas honoratas. Hoc nomen pluribus mo-

dis accipitur: primum quae peperit ex marito patre familias: deinde, quae tantummodo maritum patrem familias habet, licet non pepererit: tertio, quae conuenerit in manum, id est, per coemptionem nupsierit; quae sola in heredis locum veniebat: quarto, quae maritum amiserit, vidnaque honeste vivat. Primum probatur ex Festo, cum ait: *Nec vidua hoc nomine, nec, quae sine filiis est, appellari potest*. Quod negat Vlpianus. Secundum ex Cicrone in Topicis

c. 3. *Genus, inquit, est, vxor: eius duae formae; una matrum familias earum, quae in manum connerunt; altera, earum, quae tantummodo uxores habentur.* Quod Gellius auctoritate veterum videtur confutare, solam affirmans appellatam esse matrem familias, quae in mariti manu mancipioque esset. Tertium haec ipsa ex Topicis proxime recitata verba demonstrant. Accedit Quinctilianus lib. 5. c. 10. *Si quis, inquit, cum legatum sit ei, quae viro mater familias esset, neget debere ei, quae in manum non conuerit.* Et Gellius lib. 18. c. 6. matrem familias ab idoneis vocum antiquarum explanatoribus eam solam appellatam dicit, *quae in mariti manu mancipioque, aut in eius, in cuius maritus, manu mancipioque esset: quoniam non in matrimonium tantum, sed in familiam quoque mariti, et in sui heredis locum venisset.* Eodem spectat illud Seruii in lib. 7. Aen. *Per coemptionem facto matrimonio, sibi inuicem succedebant: testari tamen arbitrati suo poterant. nam a tutoris potestate liberabatur, quae mater familias fiebat.* Quartum de vidua matre familias, ostendit Vlpianus L. 47. D. de verb. sign. *Matrem familias accipere debemus eam, quae non inhoneste vixit. matrem enim familias a ceteris feminis mores discernunt, atque separant. proinde nihil intererit, nupta sit, an vidua, ingenua, an libertina.* et Cicero in orat. pro Coelio c. 13. *matrem familias Clodiam viduam vocat.* De his opinor locutum Vatinius, neque cogitasse, an maritum haberent, vel peperissent, aut per coemptionem nupissent, aut viduae ingenuaeue

essent; sed tantummodo rationem habuisse honestatis earum, et auctoritatis. Sic orat. 2. in Antonium c. 41. *Ingenui pueri cum meritoriis, sortita inter matres familias versabantur, et* 3. in eundem c. 12. *Matres familias, virgines, pueri ingenui abripiuntur, militibus traduntur.* In Verrem quoque lib. 4. c. 52. *Mitto adhibitam vim ingenuis, matres familias violatas.* Nam, quod ait Gellius appellatam esse matrem familias eam solam, quae in mariti manu mancipioque, aut in eius, in cuius maritus manu mancipioque esset: verius fortasse, quam *eam solam*, dixisset, *eam proprie*: ut ei cum Cicerone conueniret, qui duos genera matrum familiarum constituit in Topicis. Nisi si iuris hereditarii Gellium, vel eos potius, quos Gellius secutus est, rationem habuisse dicamus: quod ea sola, quae in manum conuenisset, marito mortuo heres esset: quae vero aliter nupissent, iure hereditatis excluderentur. *Matres familias, et matres familiae*, dicebant veteres. familias autem, generandi casu: quia nomina, ut Plinius dubii sermonis lib. 6. adnotauit, in a finita singulari nominatio, *as* syllaba declinabant; ut *Maia Maias*. Ideo Sallustius, amator priscae linguae, dixit hist. lib. 4. *Castella custodiat thesaurorum in deditioem acciperentur.* Quod ne celebraretur, Sisenna effecit. ait enim, eum, qui diceret *pater familiae*, etiam pluraliter dicere debere, *patres familiarum*, et *matres familiarum*, quod quoniam erat durum, et longe iniucundius, *patrum familias*, sonabat, etiam *patri familias* ut diceretur, consuetudo probauit, et

tamen ratio Sifennae non est valida. nec enim necesse est, pluralem numerum rei vnitati adhibere. et Varro de sceniciis originibus lib. 1. et 3. dixit: *matres familiae*: et Gracchus, *patres familiae*, non *familiaron*.

Simius] Deductum a simia, per contemptum. lib. 7. epist. 2. *Hic simiolus, animi cassa, me, in quem inueberetur, delegerat.* Horatius lib. 1. Serm. Sat. 10. v. 18. *Neque simius iste. Simia quoque de homine dicebant.* lib. 8. epist. 13. *Illius simiae vultum subire.* Afranius in *Temerario*: *Quis hic est simia, qui me hodie ludificatus est.*

Non semissis] Semis, assis dimidium fuit: *as* autem, nummus aereus, quadrantes quattuor continens. *homo igitur non semissis*, minimi pretii, nihili aestimandus. similiter Persius Sat. 5. v. 76.

— *Hic Dama est non tressis agaso*: pro, tribus assibus non aestimatus.

Actio] Actio legis: vt actio furti, et similia. Libri veteres, *actiones*; vnus Sigonii, *actores*. mihi vel *actio* (vt imprimi volui, vna littera s abiecta) vel *actores*, placet. nam, *actiones*, vacare mendo non arbitror.

Si Appii os haberem] Si essem ea, qua Appius, impudentia. Lib. 9. epist. 8. *Nosti os adolescentioris Academiae.* Lib. 2. in Ver. c. 20. *Nosti os hominis, nostis audaciam.* Lib. 1. de Orat. c. 38. *Quod tandem os est illius patroni, qui ad eas causas sine ulla scientia iuris, audet accedere?* Interdum additur, *durum*, vt apud Terentium in Eun. Act. 4. Sc. 7. v. 36. vbi Donatus: *Os durum, os impudens: vt contra, molli frontis dicuntur, qui sunt re-*

verentes. Et quia ferro nihil est durius, propterea *ferreum Pisonis os*, vt insignem quandam notaret impudentiam, Cicero vocauit in oratione contra ipsum habita c. 26. Appius hic, cui se successisse Vatinius dicit, non est is, ad quem sunt epistolae lib. 3. qui bello ciuili, Pompeium secutus, iam perierat: vt auctor est Valerius lib. 1. c. 6.

Tuo discipulo] Declamabant nobiles adolefcentes praesente Cicero, vt eius praeeptis erudirentur. Lib. 7. epist. ult. *Et Cassius tuus et Dolabella noster, vel potius uterque noster, studiis iisdem tenentur, et meis acquisitis utuntur auribus.* Et lib. 9. epist. 18. suos discipulos vocat Caesaris familiares: et in sexta eiusdem libri.

Caesar] Consul, idemque dictator.

Iustissimi] Ob uenerum caesarum hostium. Sic lib. 2. epist. 10. *Victoria iusta imperator appellatus apud Isum.* et Phil 14. c. 5. *Is demum est, meum quidem sententia, iustus triumphus ac verus, cum bene de republica meritis testimonium a consensu ciuitatis datur.* et Suetonius in Calig. c. 48. *Querens inter cetera, fraudatum se iusto triumpho.*

Triumphus] Qui supplicationem fere sequebatur. lib. 2. epist. 15.

Ipsa ERN. Ipsi] Dalmatae.

Post supplicationes] Scripta, necdum missa, superiore epistola, certior factus de supplicationibus sibi decretis, in Dalmatiam, vt bellum conficeret, statim profectus est, opida sex cepit. quo facto, eandem misit epistolam, quam per dies plures in manibus habuerat, vt aliquid de rebus

rebus a se post supplicationes gestis appingeret.

Vnum hoc] Quod a me proxime relictum est.

Meam causam] Non iam ut supplicationes, quae decretae fuerant, sed ut triumphum, quasi con-

fecto bello, consequeretur. triumphasse autem illum triennio post fasti Capitolini ostendunt.

In omnis partes] Sic ad Marcellum, *valere in omnes partes*, lib. 4. epist. 10

EPISTOLAE XI.

ARGUMENTVM.

Respondens Vatini litteris, quae non exstant, ornat eum grati animi laude: sua studia pollicetur: uxori praesto futurum in omni re, significat. In extrema epistola rogat de Dionysio seruo: Dalmatis imprecatur. Eodem anno, aut qui proxime secutus est.

EXPLANATIO.

Grata tibi mea esse officia, non miror] Lib. 10. epist. 20. *Studia mea erga te, quibus certe nulla esse maiora potuerunt, tibi tam grata esse, quam ego putavi fore, minime miror, vehementerque laetor.*

Sura] Cognomen videtur aut liberti, aut etiam ciuis ingenii. nam et Lentulus ille *Sura* vocatus est, qui praetor in coniuratione Catilinae in carcere necatus est. et *Lentuli Curis* mentio fit lib. 8. epist. 4.

Et non laboriosa mihi, et honesta videbuntur] Proxime dixit in eadem sententia, *quae mihi aut difficilis, aut parum me digna videatur.* Similiter lib. 5. epist. 9. *Hoc eo pertinet, ut nihil existiment esse tam difficile, quod non pro te mihi susceptum, incundum sit futurum.*

Fidem dederis] Redire volebat, poenae metu, Dionysius ad Cicero- nem, a quo, surreptis multis libris, aufugerat. lib. 13. epist. 77.

Improbis] Ut redire nolit. Ergo non erat Dionysius in potestate

Vatini. quod etiam confirmatur superioribus verbis: *quancumque ei fidem dederis, praestabo.* Allici enim eum conditionibus, ut ad se rediret, omnino Cicero volebat, conditionibus autem cum seruo cur ageretur, si esset in potestate Vatini?

In triumpho] Cum de triumpho, tamquam certa de re, loquatur; apparet, scriptam epistolam esse post supplicationes decretas. Triumphauit autem Vatinius post interitum Caesaris, oppressa rursus ab Octauiano republica. quod lapides Capitolini docent.

Dii male faciant] Sic lib. 11. epist. 21. *Dii isti Segulio male faciant.*

Molesti] Quia nimium acriter resistunt.

Vt scribis] Dixi iam, has Vatini litteras, in quibus etiam uxorem suam Cicero commendauerat, periisse: ut alias quoque aliorum multas, quibus Cicero responderet, periisse constat.

Belliofi] Vardacos quidem Italiae populatores, vt iam dixi, Plinius appellat. *Bellaces* et *belliofi* non iidem sunt: cum possint bellaces esse populi, id est, bellorum

gerendorum studio delectari, nec tamen belliofi, id est, in bellis excellere. quorum vero fortitudo eminet, ii *belliofi* vocantur.

EPISTOLAE XII.

ARGVMENTVM.

Petit a Luceio, historiæ scriptore, vt res a se in consulatu gestas litteris mandet, vt separato volumine, vt statim, vt maiore cum laude, quam historiae leges, aut veritas ipsa patiat. Argumentum proponit, a principio coniurationis Catilinae ad reditum suum ab exsilio: in qua temporum varietate summam inesse delectationem, tum rationibus ad probandum aptis, tum etiam Epaminondæ ac Themistoclis docet exemplo. Et, vt impetret facilius, audeatur eius gratiam laudationis artificio. Denique, si non impetret, ipsum de se, licet inuitum, scripturum esse significat. Est autem, si nimiam laudis cupiditatem excipias, quo vitio nonnihil Cicero noster laborauit, egregie scripta epistola, vt saepissime lecta satietatem tamen nunquam offerat. ideoque cum ad Atticum scriberet lib. 4. epist. 6. epistolam, inquit, Luceio nunc quam nisi, qua, meas res vt scribat, rogo, fac vt ab eo sumas: valde bella est. Luceii responsi desideratur: respondisse tamen, ac pollicitum, velle se roganti morem gerere, ex eadem ad Atticum epistola constat. ex qua etiam intelligitur, hanc esse scriptam Marcellino et Philippo coff.

EXPLANATIO.

L. Luceio] Fortasse is est, de quo sic in orat. pro Coelio c. 22. *Habeo, iudicex, quem vos socium vestrae religionis, iurisque iurandi facile esse patiamini, L. Luceium, sanctissimum hominem, et grauissimum testem.* Et subiungit: *An ille vir, illa humanitate praeditus, illis studiis, artibus atque doctrina, illius ipsius periculum, quem propter hæc ipsa studia diligebat, negligere potuisset?*

Coram me tecum] Petitionis impudentiam excusat, initio a modesto sumpto.

Conantem] Ad res difficiles, quæque ad exitum non perducantur, hoc verbum adiungitur.

Paene subrusicus] Est enim, quatenus pudor deceat. nullus improbitatem aut stultitiam, nimis agreste quiddam indicat.

Tuis] Animaduertenda numeris suauitas ex iambo. post spondeum sententiam claudente, vt paullo post, commendari tuis.

Vicit opinionem meam] Hoc induxit callide, ad beneuolentiam colligendam.

Aucto.

Auctoritate] Quod esset Lucius in reipublicae maximis grauissimisque causis cognitus, atque in primis probatus. infra.

Viui] In extrema epistola: *Vt nosmet ipsi viui gloriola nostra perfruemur.*

Italici] Marfici, vel socialis. Tribus enim modis appellatur illud bellum, quod cum sociis Italicis, indignantibus ciuitate se, lege Licinia et Mucia, esse extrusos, varia diu fortuna et periculoso euentu gestum est. quanquam Cicero lib. 2. de Offic. c. 8. metu iudiciorum excitatum ostendit. sed fortasse vtrumque fuit. primi quidem Marfi, unde Marfici belli nomen fluxit, Iulio et Rutilio cost. arma sumpserunt. solus, confecto bello, triumphauit de Asculanis et Picentibus consul Cn. Pompeius Strabo, Magni pater.

Ciuilis] Quo respublica, victis Marii partibus, ad vnius arbitrium L. Sullae translata est.

Callisthenes] Olynthi natus, Aristotelis discipulus, comes Alexandri Magni bello Persico, cuius etiam res gestas litteris mandauit. interfectus ab eo, vel quia, more Persico, diuino cultu venerandum non censuerit, vel quod in eum cum aliis coniurasse putaretur.

Timaetus] Duo Timaei memorantur, hic quidem Siculus historicus, quem valde Cicero laudat lib. 2. de Orat. c. 14. Plutarchus in Nicia reprehendit: alter philosophus Pythagoreus, Locris natus, cuius nomine Plato librum de natura inscripsit.

Pyrri] Epirotarum regis, qui cum Romanis in Italia bellum gessit. Plutarchus, Trogus lib. 17. Eius bella Timaeus propria coni-

plexus est historia. *Τιμαίη*, inquit Dionysius lib. 1. Antiquit. τῷ Σικελιώτῃ τὰ μὲν ἀρχαῖα τῶν ἱστορίων ἐν ταῖς κοιναῖς ἱστορίαις ἀφηγησάμενος, τὰς δὲ πρὸς Πύρρον τὸν Ἡπειρώτην πολέμους εἰς ἰδίαν καταχρησάμενος πραγματείας.

Polybius] Praeceptor et comes Africani minoris, cuius historiae pars aliqua ad nostram aetatem peruenit.

Numantinum] Numantiam Scipio Aemilianus, annis 4. post Carthaginem, excidit. Velleius lib. 2. c. 4. Appianus, alii.

Coniurationem] Factam ipso consule a duobus maxime patriciis, L. Sergio Catilina, praetorio, P. Cornelio Lentulo, consulari, et praetore iterum.

Causam istam totam] Quidquid ad eam coniurationem pertinet, et cum ea coniunctum est.

Vno in argumento] Scire non inutile est, quid in problemate scripserit Aristoteles, cuius initium est, διὰ τί ποτε τῶν ἱστορίων ἥδιον ἡκούμεν τῶν περὶ ἐν συναντηκυσίαν, ἢ τῶν περὶ πολλὰ πραγματευομένων.

Vna in persona] In ipso tantum Cicerone, coniurationis vindice.

Vberiora atque ornatio] Quod ad scriptoris quoque laudem pertinet. commendat enim historiam vehementer copia rerum, et verborum ornatus.

Semel] In eo, quod tibi occupatissimo tantum oneris imponam.

Bene] Valde: vt, *bene mane, bene doctus.*

Nauiter] Strenue. in eo scilicet, quia postulet, vt ornetur.

Leges historiae] Tres historiae leges Cicero ipse commemorat lib. 2. de Orat. c. 15. primam, ne quid falsi

falsi dicere audeamus; alteram, ne quid veri non audeamus; tertiam, ne qua suspicio gratiae sit, ne qua similitudo, ex his legibus tertia hic significatur, vt sequentia declarant.

Quodam in proemio] Varie prooemiis veteres historici vsi sunt, teste Luciano in libro de historia conscribenda: apud Latinos quidem Liuius et paucis et breuibus, Salustius pluribus et longioribus: apud Graecos autem, vt auctor est Diodorus Siculus lib. 16. Ephorus singulis libris singula proemia praeposuit.

Affici] Commoueri: afficit autem gratia, cum nos ad eam, quam ratio non probat, voluntatem perducit. quamquam interdum bona de re vsurpatur hoc verbum, et absolute, nullo casu, vt lib. 16. epist. 4. *Varie sum affectus tuis litteris: palde priore pagina perturbatus, paulum alterare creatur.* Legunt alii, *flecti*; alii, *allici*. Suum cuique arbitrium relinquo. ego non video, cur quattuordecim veterum librorum, in quibus est, *allici*, consensum aspernari debeam: cum praesertim nec in sententia, nec in loquendi genere vitii quidquam esse videatur.

Herculem Xenophontium] De quo scribit Xenophon lib. 2. Memorab. c. 1. et Cicero lib. 1. de Offic. c. 32. his verbis: *Herculem Prodicum dicunt (vt est apud Xenophontem) cum primum pubesceret (quod tempus a natura ad deligendum, quam quisque viam viuendi sit ingressurus, datum est) exisse in solitudinem, atque ibi sedentem, diu secum multumque dubitasse; cum duas cerueneret vias, unam Voluptatis, alteram Virtutis,*

vtream ingredi melius esset. Idem de Prodicto Suidas.

A principio coniurationis vsque ad exitum nostrum] A consulatu Ciceronis, quo patefacta coniuratio est, ad consulatum Lentuli et Nepotii, quo rediit ab exilio: quod integri quinquennii spatium fuit.

Scientia] Quam tenes, et quam tua cum laude ostendes vel in explicandis causis rerum nouarum, vel in remediis incommodorum.

Causis rerum nouarum] Sumptibus nimis, imperii immoderate ac licentiae cupiditate: quae Salustius persequitur.

Remediis] Quae civilibus malis adhiberi possunt, quaeque Cicero ipse consil. adhibuit.

Perfidiam] Saepe fidem hominum accusat in epistolis ad Attie, ad Q. Fr. ad Lentulum: nominatim vero se destitutum et inductum queritur a Pompeio, qui se nunquam ei defuturum iurauerat, et ab Hortensio, Catone, Arrio.

Casus nostri] Calamitates, quas ob patriam et coniuratorum insidias ereptam pertulit.

Varietatem] Quia varia fortuna sum vsus: cum a summa dignitate ad vltimas miserias inimicorum me detruserit iniuria: rursusque in patriam eximio cum honore, expetitus ab omnibus, redierim.

Habet enim praeteriti doloris secura recordatio delectationem] Quod in prouerbum abiit. vnde lib. 2. de Fin. c. 32. contra Epicureos, quid, inquit, si etiam incunda memoria est praeteritorum maiorum? vt prouerbia nonnulla veriora sunt, quam vestra dogmata. vulgo enim dicitur, incundi aesti labores. vnde Virgilius lib. 1. Aen. v. 103:

Forfan

— *Forſan et haec olim memi-
niſſe iunabit.*

Nec male Euripides :

*Suavis laborum eſt praeterito-
rum memoria.*

Graecus autem verſus hic eſt :

Α'λλ' ἤδδ', τῶν εὐδέντα μεμνηῖται
πόνων.

*Casus alienos ſine ullo dolore in-
tuentibus*] Lucretius lib. 2. v. 1.

*Suave, mari magno turbantibus
uequora ventis,*

— *E ter a magnum alterius ſpecta-
re laborem.*

Mantineam] Urbem Arcadiae,
nobilitatam clade Lacedaemonio-
rum, et victoria Epaminondae.
Thebanorum ducis. Aemilius Pro-
bus in Epaminonda c. 9. Iuſtinus
lib. 6. c. 7. Strabo lib. 8.

Epaminondas] Quem ſummum
ducem exterarum gentium videtur
Cicero iudicare lib. 1. de Orat.
c. 48. cum ait: *Vterer exemplis
Africanorum et Maximorum; Epa-
minondem atque Hannibalem, at-
que eius generis homines nomina-
rem.* et lib. 3. c. 34. *Pythagoreus
ille Lyſias Thebanum Epaminon-
dæ, baud ſcio an ſummum virum
unum omnis Graeciae?*

*Non cum quadam miſeratione
delectat*] Cum ex illius interitu mi-
ſeratio, ex animi autem magnitu-
dine conſtantia oriatur. Tuſc. 1.
c. 40. *Quam me delectat Thera-
menes! quam elato animo eſt! eſt
enim ſternus, cum legimus, tamen
non miſerabiliter vir clarus emo-
ritur.*

Clypeum eſſe ſaluum] Aliter Pro-
bus in eius vita c. 9. cuius verba
recitabo. *Epaminondas, inquit,
cum animaduerteret mortiferum ſe*

*vultus accepiſſe, ſimulque ſi ſer-
rum, quod ex baſtili in corpore re-
maſerat, extraxiſſet, animam ſta-
tim amiſſurum, uſque eo retinuit,
quoad renunciatum eſt, viciſſe Boeo-
tius. Id poſtquam audiuit, ſatis,
inquit, vixi: inuiſus enim morior.*
Cicero lib. 2. de Fin. c. 30. et de
clypeo, et de victoria percuncta-
tum Epaminondam oſtendit. *Non
ego, inquit, iam Epaminondæ, non
Leonidæ mortem huius morti an-
teponi: quorum alter cum viciſſe
Lacedaemonios apud Mantineam,
ſimulque ipſe gravi vulnere exani-
mari ſe videret; ut primum diſpe-
xit, quaſiuit, ſaluſne eſſet cly-
peus? cum ſaluum eſſe ſentes ſui
reſpondiſſent: rogauit, eſſentne ſui
hoſtes? enimque id quoque, ut cu-
prebat, audiuiſſet, euelli inſit eam,
qua erat tranſfixus, baſtam. ita
multo ſanguine proſuſo, in lactiſia,
et in victoriæ eſt mortuus. Cly-
peum ἀπὸ τῆς κλέπτης, quia corpus
celet, appellatum Seruius ait: Pli-
nius lib. 35. c. 3. ἀπὸ τῆς γλῶφης,
id eſt a ſculpendo: et irridet Gram-
maticos, qui deducere a cluendo.
Trebellius Pollio in Claudii vitæ
c. 3. videtur exiſtimariſſe, ex Gram-
maticorum ſententia dicendum, cly-
peum, non clypeus: ut ait: *Illi
clypeus aureus, vel, ut Gramma-
tici loquuntur, clypeum aureum ſe-
natus totius iudicii in Romana cu-
ria collocatum eſt.* Verum omnes
poetae ſemper clypeus, numquam
clypeum, dixere: quod ſi de ſoluta
oratione Grammatici illi loqueban-
tur, ne id quidem concedi poteſt,
ut ſecitata proxime Ciceronis ver-
ba declarant.*

Themifſtaclis] Huius vitam Ae-
milii Probus et Plutarchus expo-
nunt.

Fuga] Fugit ad Artaxerxem, Persarum regem, veritus iram Atheniensium, quibus in suspitionem venerat initiae cum Persarum rege contra Graeciam societatis.

Reditu] Reditum Themistoclis post fugam non inuenio. forte secutus est Cicero annales, quos neque Plutarchus neque Probus viderint, aut quibus habendam fidem non putarint: quando et de interitu eius aliter alios existimasse, in Bruto c. 11. legimus. Memini, cum homo ingeniosus, industriaque excellens, familiaris meus, Hieronymus Ferrarius, cui mortuo bene sit, legendum opinabatur, *interitu*, pro *reditu*. quae coniectura, etsi differt ab antiquis libris, tamen, quia cum sententia congruit, praetermittenda non fuit.

Ordo ipse annalium] Quo quasi filo, perpetua texitur historia.

Mediocriter] Non multum. viri autem excellentis ancipites variorumque casus non mediocriter, id est multum, retinent. se ipsum alienis designat exemplis.

Retinet] Delectat. *retineri* enim videtur, qui libenter legit. Eodem modo verbum *capior* ad delectationem transfertur.

Quasi enumeratione fastorum] Vt fasti delectant, enumerandis rebus, quae singulis diebus agantur. vnde Ovidius *Fastos* inscripsit libros suos.

Exitu notabili] Vt notabilis fuit eius in patriam reditus post exulii calamitatem.

Quo, mihi acciderit optatius] Modus loquendi, pro, *quam ob causam mihi acciderit optatius*. tale illud lib. 1. de Orat. c. 27. *Sententia excusationem non habet: quia nemo videtur, aut quia credus fue-*

rit, aut quod ita maluerit, stultus fuisse. Quo etiam grauius iudicium in dicendo subimus.

Quasi fabulam] *Fabulam* vocat, non quia fictae sint res, sed quia, tamquam fabula, varios actus habeat.

Et consiliorum et temporum] Quaedam enim actiones consiliis hominum proprie tribuuntur, quaedam temporibus potius quam consiliis.

Non vereor, ne assentatiuncula quadam aucupari tuam gratiam videar] Hoc dicit: certe me non putas aucupari gratiam tuam assentatiuncula quadam: cum ipse te optime noueris.

Neque autem ego sum ita demens] Essem autem demens, si laudari vellem ab eo, qui non ipse propriam in me laudando ingenii gloriam consequeretur. laudari enim ab eo velle, qui careat ingenio, demens est. itaque me tibi assentari, non est cur existimes: neque id sane tibi in mentem venire arbitror.

Ille] De celeberrimis viris, et apud omnes fama cognitis, hoc pronomen vsurpamus, vt de Agesilao infra. Alexandro autem quis maiorem nominis celebritatem consecutus? qui paucis annis et Darium, vltimum Persarum regem, et oceano tenus omnia superauit, prolati ab angulo Thraciae ad extremum orientem imperii terminis.

Apelle] Pingendi laude omnium clarissimo.

Lysippo] Vnde Horatius lib. 2. epist. 1. v. 239.

Edicto vetuit, ne quis se, praeter Apellem,

Pinge-

Pingeret, aut alius Lysippo duceret aera,

Fortis Alexandri vultum simulantia. —

Addit Plinius lib. 37. c. 1. eundem Alexandrum vetuisse edicto, in gemma se ab alio scalpi, quam a Pyrgotele, eius artis clarissimo. Tres vero hos artifices, et edictum Alexandri simul nominat lib. 7. c. 37. Apuleius autem lib. 1. Florid. Polycletum, non Lysippum, ait fuisse, qui Alexandrum aere duxit.

Corporis simulacra] *Simulacrum et imago* sunt idem, ab *effigie* quiddam differunt. idem esse, indicat id quod sequitur infra: *qui neque pictam, neque fictam imaginem suam passus est esse.* nam simulacra iam vocauerat Cicero, pictam ab Apelle, fictam a Lysippo imaginem Alexandri. sunt igitur *simulacra* et *imagines*, quae pinguntur, et quae finguntur: *effigies* autem, contra Vallae sententiam, est, quae fingitur, non quae pingitur: quod ipsum nomen arguit. et Cicero Tusc. 3. c. 2. cum dixit, *eminentem effigiem virtutis*, ad ficta opera spectauit: cum vero subiunxit, *adumbratam imaginem gloriae*, ad picturam: non quod *imago* tantum picturae sit, sed quod, cum vocabulum generale sit omnium similitudinum, picturam quoque complectitur. *effigies* autem vel solida est, vt signum et statua; vel expressa, vt caelatum opus, et quae in cera, anulo impresso, effingitur imago. latiore igitur significationem habet *simulacrum* aut *imago*, quam *effigies*: nec necesse est, vt *simulacrum* qui dicit aut *imago*, addat *effigies*; cum et *simulacrum* et *imago* similitudines omnes comprehen-

dant: itaque statuan Ennii, quam Liuius lib. 38. c. 56. nominat, Valerius Max. lib. 8. c. 15. vocat *effigiem*: qui vero *effigies* dicit, interdum addit *simulacrum* aut *imago*, quasi explanandi gratia, non quod re vera idem sint: vt Cicero lib. 2. in Ver. c. 65. *Eius effigiem simulacrumque seruare.* et lib. 1. de Nat. deor. c. 37. *Verum sit sane, vt vultis, deus, effigies hominis, et imago.* A parte enim transimus ad totum, non a toto ad partem.

Ignotis nota faciebant] *Ignotis*, posuit, non pro iis, qui ignorantur, sed qui ignorarent illa simulacra: vt id quod patitur, accipiat pro eo, quod agit: antiquae. nam et Plautus in Pseud. Act. 4. sc. 2. v. 39.

— *Noti, notis praedicas*, pro, iis qui nouerunt. Et noster in orat. pro Coelio c. 2. *De dignitate, Coelius notis ac maioribus natu, etiam sine mea oratione, tacitus, facile ipse respondet.* Et lib. 4. in Ver. Liuius lib. 3. c. 44. *Notos gratia eorum, turbam indignitas rei virgini conciliat.* Et Curtius: lib. 5. c. 12. *Ignoti iumenta agebant.*

Nibilo sint tamen obscuriores clari viri] Hoc tum ad aliorum, virtute praestantium, tum suam etiam ad laudem scripsit. claritatem, inquit, et splendorem a mutis imaginibus virtus non accipit, sed ingenii monumentis celebrata immortalem famam consequitur. hoc Agesilao contigit, quem Xenophon laudibus extulit. hoc et de me ipso futurum confido, si in tua scripta peruenero. *Obscuriores, clari viri*: nota contraria. sic lib. 2. epist. 5. *obscuri sermoni, clarissimam vocem opposuit.*

Spartia-

Spartiates] Spartanus: a Graeco Σπαρτιάτης. nomina ita desinentia patriam significant. et *Spargiata*, idem erat: nam utroque modo dicitur: ut *Tegates*, *Tegesta*; *Elcates*, *Elcata*; *Crotoniates*, *Crotoniata*.

Ag. filaus ille] Ebrum, qui Spartae regnarunt, tum aliis virtutibus, tum bellicae rei scientia praestantissimus.

Perhibendus] *Perhiberi* dicitur id, de quo omnes consentiunt. Non minus *perhibendus est Ag. filaus*, valet, non minore hominum consensu celebrandus. Tusc. I. c. 12. *Hinc Liber deus, Semele natus, eademque famae celebritate Tydidae fratres: qui non modo adiutores in proeliis victoriae populi Romani, sed etiam nuncii fuisse perhibentur.*

Neque pictam neque fictam] Ut Alexandri pinxerat imaginem Apelles, finxerat Lysippus. Ag. filaus ita sensit, non quod esset claudus, et breui corpore, ut apud Aemilium Probum in Ag. filao c. 8. Athenaeum lib. 14. Dionem Chrysostomum in oratione Corinthiaca scriptum est; sed quod memoriae perpetuitatem a virtute potius, quam ab imagine corporis, expectandam duceret. qua de re Xenophontis Ag. fil. c. II. praecleara verba recitabo: Τὸ μὲν σώματος εἶδος τέλει καὶ κρείσσει, πολλὰν αὐτῷ τὴν τοῦ σώματος θελήσαντων, τῆς δὲ ψυχῆς ἰσχύος ἐκείνου μνηστὴρ διακονήματος. ἡγούμενος τὸ μὲν, ἀδριαντοποιῶν, τὸ δὲ, αὐτὸ ἔργον εἶναι, καὶ τὸ μὲν, πλουσιῶν, τὸ δὲ, τῶν ἡγετῶν.

Vnus enim Xenophontis libellus] Qui exstat, de Ag. filai laudibus ita scriptus, ut imaginem animi atque

ingenii, omni praestantiorum imagine corporis mirabiliter exprimat. Quem vero *libellum* appellat Cicero, tempori seruienti, eundem Themistius in oratione, qua Caesari gratias agit, *longum librum* vocat, et ab eo scriptum ait, ut Ag. filao gratiam referret, quod eius opera a Spartanis agro donatus esset. Videndus Xenophon lib. 5. *ἑκαβάσιως*. Pausanias in Eliacis lib. 1.

Omnes omnium] Cum lepore, ut lib. 7. epist. 32. *Omnia omnium dicta in me conserui*. Et pro Milone c. 12. *Omnia omnibus minabatur*. Catullus de Lesbia carm. 85. v. 6.

Omnibus una omnes surripuit Veneres.

Imagines omnium statuasque superauerit] Cum de statu etiam *imago* dicatur; sine causa, *statuas* videtur addidisse. verum addidit, quia proxime non de omni, sed de picta tantum et ficta imagine locutus erat: nec eo genere statuac omnes comprehenduntur: sunt enim non modo fictae, id est aeneae, ut Alexandri statua a Lysippo facta, et Sp. Cassii, quam Plinius lib. 34. c. 6. nominat: verum etiam marmoreae, quae scalpuntur. ut igitur Xenophontis librum omnibus omnium simulacris Cicero praeferreret; marmorea etiam opera, quae antea non nominauerat, pictis et fictis adiunxit.

Timoleonti] Corinthio, cuius res gestas Timaeus exposuit. vitam eius ab Aemilio Probo et Plutarcho scriptam habemus. Timaei scripta perierunt.

Herodoto] Qui nouem libros Musarum nominibus inscripsit; et in eorum septimo et octauo, quorum

rum alteri Polyniae, alteri Vra-
niae nomen est, Themistoclis vir-
tutem et prudentiam singularem
ostendit. *Patrem historiae* lib. I.
de Leg. c. 1. Cicero vocat, quia
princeps historiam ornaverat, ut
idem Cicero lib. 2. de Orat. c. 13.

Sigaeum] Troiae promonto-
rium.

Dixit] His verbis: *O fortuna-
te adolescens, qui tuae virtutis Ho-
merum praeconem indeneris.* In
orat. pro Archia c. 10. et Plutar-
chus in vita.

Naeuius] Apud Naeuium
poetam.

A laudato viro] Abs te, pater,
laudato viro. alloquebatur enim
patrem Hector apud Naeuium, ut
ex lib. 15. epist. 6. cognoscitur.

*Quod nonnulli saepe reprehen-
derunt*] Itaque proverbio repre-
henditur: *Te ipsum laudas, tui-
quam Aspidanias.*

Multorum exemplo] L. Sulla
Commentariorum libros 22. ut au-
tor est Plutarchus, composuit de
rebus suis M. Scaurus, ille prin-
ceps senatus, tres libros de vita
ipsius acta perscripsit, quos memo-
rat Cicero in Bruto c. 29. et Tacit-
tus in Agricolae, soceri sui, vita. c. 1.
eiusdem Scauri aequalis et inimi-
cus, P. Rutilius vitam suam litteris
mandavit, forsitan aemulatione
permotus. Hos maxime, et alios
quoque Cicero significat.

Verecundius ipsi de se scribant]
Impeditum, se ipsum laudare, di-
xit Caecina in epistola ad Cicero-
nem lib. 6. 7.

Praecones ludorum gymnycorum]
Praecones in ludis gymnycis erant
poetae Melici, qualis fuit Pindarus,
et alii, qui lyra et cantu certatum

Olympionicarum laudes et praecla-
ra facta celebrabant. ex magno au-
tem poetarum numero, qui ceteris
ingenio praestitisse putabatur, is et
Olympionici coronam imponebat;
cum tamen eius patriam, non eum,
coronari pronuntiaret; et ipse,
tanquam poetico certamine victor,
ab alio poeta, cum laudante, coro-
nabatur. Plinius lib. 16. c. 4. *Ludi*
autem *gymnici* erant, in quibus
nudi exercebantur, apud vrbes
Graeciae, Elidem, et Pisas. eadem
Olympica certamina vocabantur.
nam, quae Pisae, *Olympia* postea
appellata. Nudi autem certabant,
ut apud Pollucem scriptum est, lu-
sta, cursu, pugillatione, disco, saltu.
Vide Plutarchum περὶ τῶ ἐαυτοῦ
ἀρετῆς καὶ ἐπαινοῦ. Horum ludo-
rum inuentorem Arcadem Lycao-
nem Plinius nominat lib. 7. c. 56.

Ceteris victoribus] Olympioni-
cis, qui non a quouis poeta, sed a
victore coronabantur. *Ceteris*, igitur
dixit, quia ipsi quoque praeco-
nes, quos fuisse poetas diximus, vi-
ctores erant, itaque post ludorum
missionem corona donabantur.

Coronas] Olcastri. Plinius lib.
15. c. 4. et lib. 16. c. 44. et Plutar-
chus in Catone.

Se villosos esse] Praeconum
quoque certamen fuisse, tum ex
hoc admonemur loco, tum ex Pau-
sanias, cuius haec sunt verba Eliac.
α. Σαλπικταῖς δὲ ἰφειγεῖσθαι αὐτῶν,
καὶ τοῖς κήρυξιν ἀγωνίζεσθαι κατὰ
τήναι.

Alacres animo sumus] Plus
omnino significavit, quam si *cupi-
mus* aut aliquid simile dixisset; nam
in alacritate index laetitiae motus
inest.

Suscipis causam] Saep̄ iam dixi, *causam* pro eo, quod agitur, vsurpari.

Commentarios] Perpetuam ac diligentem, nullis ingenii luminibus distinctam, rerum narrationem. *Commentarii* enim dicuntur, qui materiam historiae praebent. In

Bruto c. 75. de Caesaris commentariis: *Nudi sunt, reſti, et venusti, omni ornatu orationis, tanquam veste, detracto. sed dum voluit alios habere parata, unde ſumerent, qui vellent scribere historiam: ineptis gratum fortasse fecit, qui volens illa calanistris inurere: sanos quidem homines a scribendo deterruit.*

EPISTOLAE XIII.

ARGVMENTVM.

Ciceronem in obitu filiae Luccius litteris consolatus erat. eae litterae quantum profecerint, et simul quam omnis recuperandae reipublicae spes amissa sit, haec epistola demonstrat. Caesare IV. consule, sine collega.

EXPLANATIO.

Beneuolentiam] Quae ipsa per se valet ad consolandum; coniuncta vero pari prudentia, multo plus.

Pari prudentia] Rationibus ad leuandum curas accommodatis.

Non aliunde pendere] Quod perfectae virtutis est: sine qua fortunam quotidie cogimur timere. *aliunde igitur pendet*, qui extrinsecus, id est ab ipsa fortuna, expectat omnia. Haec tota sententia ex Platonis Epitaphio sumpta est: *Ὅτι γὰρ, ἐνδεὶς εἰς ἑαυτὸν ἀνέτηται πάντα τὰ πρὸς εὐδαιμονίαν φέροντα, ἢ ἐγγὺς τούτῳ, καὶ μὴ ἐν ἄλλοις ἀνθρώποις ἀλγεῖται, ἐξ ὧν ἢ εὖ ἢ κακῶς πράξαντων κληθεῖσθαι ἠνάγκαται καὶ τὰ ἐκείνου, τούτῳ ἄριστα παρεσκευαστοὶ ζῆν.*

Aut bene, aut male] Fortunae enim arbitrio vel beatam vitam vel miseram expectat, qui virtute caret.

Suspensar] Minime firmas. incerta enim sunt, quae in fortuna

ponuntur. Praeclare in hanc sententiam pronunciauit illa Cicero in Parad. 2. *Nemo potest non beatissimus esse, qui est totus aptus ex sese, quique in se vno sua ponit omnia. cui spes omnis, et ratio, et cogitatio pendet ex fortuna; huic nihil potest esse certi; nihil, quod exploratum habeat, permanfurum sibi vnum diem.*

Tempestatum] Aduersa tempora *tempestates* vocat, translatione vsus, vt lib. 4. epist. 3. *Multo ante, tanquam ex aliqua specula, prospexit tempestatem futuram.* Cum, inquit, ego quoque fortunae vim contemnerem, praesidii satis esse ad omnes casus in vna virtute existimaram; ab hac tamen sententia, temporibus vexatus, prope desceveram: sed me labantem confirmarunt litterae tuae.

Concursu] Concurrentibus in me calamitatibus, suoque impetu insitam illam opinionem non omnino quidem, sed aliquantum labefactantibus atque conuellentibus.

Conuulsa]

Conuulsa] Metaphorae conclusio: quam in verbo excidisset, institutam, verbis deinde similibus exceptam, et ad exitum sententiae conseruatam videmus. *Conuellere* autem plus aliquanto significat, quam *labefactare*. nam *labefactare* mouere est, non amouere et auferre: *conuellere* vero, ita mouere, vt separatio sequatur. itaque seorsum, quasi diuersa, ponuntur in orat. pro Cluentio c. 2. *Si quam opinionem iam vestris mentibus comprehendistis, si eam ratio conuelleret, si oratio labefactabit.* et lib. 2. de Orat. c. 51. *Ne conuellere uideriamur ea, quae non possint commoueri.*

Proximis litteris] Binis igitur litteris Ciceronem Lucecius consolatus erat. nam de posterioribus in eo significat, cui te opitulari et uideo. de prioribus, cum ait: *et id fecisse etiam proximis litteris, multumque profecisse sentio.*

Sed etiam declarandum] Potest enim obscura esse significatio, cum non omnia signa perspicue demonstrant; declaratio non potest. Pro Milone c. 2. *Si unquam locus amplissimorum ordinum de ceteris uiris datus est, ubi sua studia erga fortes et bonos ciues, quae uultu et uerbis saepe significassent, re et sententis declararent.*

Itaque] Quiddam accederet ad sententiam, si legeretur, atque. nec tamen, itaque, relictio, praesertim ab antiquis libris comprobatur.

Haec aliquando futura meliora] Hic locus ostendit. Lucecii consolationem adhibitam esse non ad eam tantum sollicitudinem, quam ex obitu filiae Cicero capiebat, sed ad moerorem etiam ex reipublicae perniciie susceptum. idemque con-

firmitur infra, in eo loco: *Et domestica feremus, ut censes: et publica paullo etiam fortius foris, quam tu ipse, qui praecipis.*

Casus gladiatorii] Gladiatorum similitudine Lucecius probare studuerat, non esse penitus de re publica desperandum: cum saepe, qui iam victus ab aduersario gladiator uidetur, is ita conualeat, vt victorem prosternat.

Uidebam] Non quod re uera proficerent, sed eo spectabant, vt ad aliquam spem traderer. ex quo uidebam, te aliqua spe teneri: cum ego prorsus desperem.

Cum aliquid speres] Cum ego nihil sperem: et, qui nulla spe tenetur, cum esse fortem quis non miretur?

Ita affectum] Eo calamitatis et miseriae redactum.

Fractum debilitatumque] Ut enim integris firmis, ita fractis debilitas inest. sic lib. 1. epist. 9. *In te potissimum fractam illam et debilitatam uim suam contulit.* Pro Flacco c. 26. *Auctoritate tanta est, (Atheniensium urbs) ut iam fractum prope ac debilitatum Graeciae nomen uetus urbis laude nitatur.* Lib. 1. de Orat. c. 26. *Adolescentulus sic initio acensationis exanimatus sum, ut hoc summum beneficium Q. Maximo abuerim, quod continuo consilium dimiserit, simulac me fractum ac debilitatum metu uiderit.*

Monimentis ERN. Monitis] Tantam apud se esse Lucecii auctoritatem ostendit, vt, quamquam de re publica prorsus actum putet, dolorem tamen, eo monente et praecipiente, abicere decreuerit.

Domestica] Interitum filiae.

Spe

Spes aliqua] Ob rationes a te collectas, maximeque ob gladiatorios casus.

Vt tu tamen idem] Adductis iam rationibus ad aliquam sublevandae reipublicae spem accommodatis, ad illam postremo consolationem Luceius confugerat, ut diceret, vel in summa desperatione fortitudinem tamen esse Ciceroni praecipue retinendam. cur enim qui maximas res, adversis patriae temporibus, fortissime gesserit, idem non perpetuo se sui similes, id est, sortem constantemque praebet?

Conscientiae] Quod est maximum solatium in malis. lib. 4. epist. 3. *Me qui sem multa iam consolantur, maximeque conscientia consiliorum meorum, et lib. 6. epist. 1.*

Te auctore] Consilio tuo.

Gessimus] Catilinae tempora significat. tunc enim maxime virtus Ciceronis enituit: et eas saepe res gloriose commemorat.

Ab animo cuiusquam, aut consilio hominis] In opprimenda coniuratione non animi tantum, sed consilii quoque praestantia opus fuit. ideo coniungit utrumque in epist. 7. cum ait: *Quae, cum veneris, tanto consilio, tantaque animi magnitudine a me gesta esse cognosces.*

Aliquid] Quid amplius potuit? Nimirum haud paullo plus, quam satis est, auidior gloriae fuit Cicero noster: quod ipse ad Dolabellam scribens, lib. 9. epist. 14. ingenue

confessus est. nos autem amemus ingenium, et imitemur, quantum licet, eloquentiam, cuius in illo praestantissimum habemus exemplum: si qua tantis virtutibus adpersa laebs fuit, ut est saepe naevius aliquis in pulcherrimo corpore, dissimulemus potius, quam reprehendamus.

Ad ea] Ad illa praeclara philosophiae studia, quae maxime post eversam rempublicam coluit: quod eius indicant scripta, de Officiis, de Finibus, Tusculanae disputationes, et alia.

Secundae res ornantur] Quia philosophiae praeceptis ita nos gerimus in secunda fortuna, ut ab omnibus temperantiae laudem consequamur.

Aduersae adiuvantur] Tum quia philosophiae tractatio ita delectat, ut a ceteris molestiis animum abducatur: tum etiam, quia, quod absit a culpa, non esse malum persuadet, ideoque nec magnopere dolendum. Laudat eadem studia lib. 4. epist. 3. et lib. 6. epist. 12. et lib. 9. epist. 2. 3. et alibi saepe.

Iisdem studiis] Sic malo, ut est in duobus antiquis libris, quam, ut in duodecim, *iisdemque studiis*. copulam non video necessariam esse, et additam suspicor e coniectura, quod illud, *animorum coniunctione*, ad verbum fruemur, referendum videretur: cum a se ipso potius regatur; ut sit: ideo simul esse videbimur, quia fruemur iisdem studiis, animis coniunctis.

EPISTOLAE XIV.

ARGVMENTVM.

Duas ad Ciceronem Luceius consolatorias misit epistolas; et utriusque Cicero respondit. Luceii prior desideratur; Ciceronis utraque exstat: In hac quaerit primum causam Luceius, cur ab urbe Cicero absit; laudat, si solitudinem sequitur, ut otio ad scribendum abundet; non probat, si moeroris causa, ob filiae mortem suscepti: deinde rationes, cur dolori finem facere debeat, subiungit. ad rationes postremo preces addit, sibi ut hoc tribuat roganti, ne diutius augatur. Claudis epistolam amoris et modestiae significatio. Eodem anno scripta.

EXPLANATIO.

Quam discesseras] Cur hoc mendosum suspicati quidam sint, quibus placuisse video, *quam discesserat*, non equidem intelligo; praesertim cum antiqui omnes libri, quibus quidem ego nunc vtor, cum vulgata lectione consentiant.

Hinc] Ab urbe.

Solitudine] In quam se post obitum filiae Cicero contulerat. Lib. 12 ad Attic. epist. 17. *Me haec solitudo minus stimulat, quam ista celebritas. te unum desidero; sed litteris non difficilius vtor, quam si domi essem: ardor tamen ille urget et manet, non mehercule indulgente me, sed tamen non repugnante. Et ibidem, epist. 14. 15. 16. 18. 21. 22.*

Cum scribas] Scripsit in solitudine librum de Consolatione ad se ipsum. Scripsit etiam libros quinque de Finibus: quod utrumque ex epistolis ad Atticum intelligitur.

Quorum consuesti] Quorum aliquid agere consuesti. Graeca figura.

Lacrimis et tristitiae] Fletus et moeror dolentis animi signa sunt. quae tamen saepe ratio minuit, interdum etiam plane tollit, propterea Ciceronem hortatur Luceius,

ut a lacrimis tristitiaque abstinere.

Non possum te non, si concedis] In vulgatis libris, *nec possum*, malui, *non possum*, ut habent omnes antiqui libri. alterum *non*, quod refertur ad verbum *accusare*, paulo videtur durius. verum in antiquorum scriptis, unde haurimus ubertatem Latinae linguae, excusanda omnia, non omnia tamen imitanda. quamquam hic veterum librorum dissensio nonnullam mendae suspicionem affert. alii enim habent, *non possum te, nam si concedis*: alii, *non possum te, si non concedis*: alii, *non possum te, nam si non concedis*.

Aperta non videbis] Quid enim apertius, quam, nihil profici querelis?

Duplicari] Augetur enim dolor retractando.

Vel nostram communem] Vel ita vive, ut vivamus omnes: vel, si nostram consuetudinem imitari non vis, vive saltem, ut solebas ipse; sequere eam consuetudinem, quae tua solius ac propria fuit, ut ab isto angore te liberet.

Y.

Tuam

Tuam solius] Sic pro Q. Roscio c. 1. Paulo ante M. Perpernae, P. Saturii tubulas posebamus: nunc tuas, C. Fanni Chaerea, solius flagitamus. Liuius lib. 2. c. 8. Gratae in vulgus leges fuere, quas cum solus pertulisset, ut sua unius in his gratia esset; tunc deinde comitia collegae subrogando habuit.

Propria] Si non impetro, ut ad communem, saltem, ut ad tuam consuetudinem redeas, et peto, et impetrare debeo.

Studio] Minuendi doloris tui cupiditate.

Contrariae] Nam neque plura scribo, ne te obtundam: et plura tamen libenter scriberem, ne permaneres in incepto, id est, ne susceptum dolorem diutius ferres. Fortasse autem dixit, cupio non obtundere te, quod alteris iam litteris antea consolatus erat.

In altera] In hoc studio meo leuandi doloris tui.

In altera] Quod hortor et rogo, ut istis te molestiis laxes.

Non offendas] Offendere quinque modis accipitur. Aut enim est laedere: quae notissima significatio est: propterea supersedebo exemplis. Aut reperire: ut lib. 1. epist. 9. Non offendes eundem bonorum sensum, Lentule, quem reliquisti. Et lib. 4. epist. 14. Ego tam misero tempore nihil noui consilii cepissem, nisi in redditu meo nibilo meliores res domesticas, quam rempublicam offendissem. Aut incidere: ut lib. 2. de Inuent. c. 2. Quod si in ceteris quoque studiis a

multis eligere homines commodissimum quodque, quam sese uni cui certo vellent addicere, minus in arrogantiam offenderent. Aut peccare, vel aliquid committere, unde existimationis, honoris, beneuolentiae iactura fiat: ut lib. 1. epist. 7. Si cecidisset ut volumus et optamus, omnes te et sapienter et fortiter; sin aliquid esset offensum, eossem illos, et cupide et temere fecisse, dicturos. Et lib. 2. epist. 18. Si dignum se maioribus suis praebueris, (ut spero, et opto,) tua laus ex aliqua parte fuerit. sin quid offenderis, sibi totum, nihil tibi offender t. Et lib. 10. ad Attic. epist. 4. Eumque perturbatum, quod intelligeret, se apud ipsam plebem offendisse de aerario. Et pro Cluentio c. 23. Qui bis apud eos iudices offendisset. Aut passim sumitur: quae minus nota significatio est. non enim est hic, offendas, pro pecces, ut credidit homo doctus, exemplis adductus alio spectantibus, sed pro offendaris. quod ipse probat Cicero. nam lib. 1. ad Q. Fr. epist. 7. Si quis est, inquit, in quo iam offenderis, de quo aliquid senseris; huic nihil credideris, nullam partem existimationis tuae commiseris. Lib. 1. in Ver. c. 25. Hospes lanitor, qui nihil suspicaretur, veritus, ne quid in ipso se offenderit, hominem summa vi retinere coepit. Et Caesar lib. 2. de bell. ciu. c. 32. At, credo, si Caesarem probatis, in me offenditis. Quae si attendantur, profecto patiendi vim potius habere videbuntur, quam agendi.

EPISTOLAE XV.

A R G V M E N T V M.

Querenti Lurceio, cur ab urbe abst, eiusque sollicitudines minuere conanti, ad utrumque respondet: lugere se non tam filiae obitum, quam reipublicae tempora; in urbe non esse, quod in ea nihil iucundum, odiosa omnia.

E X P L A N A T I O.

Dicerem, iucundus] Dixi iam, nihil esse iucundum, quin idem gratum; non contra: nam saepe multa grata, non eadem iucunda. lib. 4. epist. 6. *Cuius officia, iucundiora scilicet saepe mihi fuerunt; numquam tamen gratiora.*

In omne tempus] Ad temporis et nomen ipsum, et significationem vtinur particula *in*. Lib. 11. epist. 14. *In multa seculis videbamus rempublicam liberatam.* Et in orat. 3. in Rullum c. 2. *Qui otii et concordiae patronum me in hunc annum reipublicae professus sum.*

Ob eam vnam causam] Ob interitum filiae: quo equidem angor, sed non haec vna me torquet cura, verum illa simul, quod nec ab amicis, qui supersunt paucissimi, nec ab ipsa republica, quae ipsa quoque interiit, nec mehercule a litteris, quae negare perfugium videntur, solatium petere possum. Eripuit igitur mihi iucunditatem in omne tempus non tam filiae mors, quam amissio reipublicae et amicorum: quae remedia tanti vulneris esse debebant.

Quam tu suspicaris] Scripserat enim Luceius: *Sin autem, sicut hic dum erat, et lacrimis ac tristitiae te tradidisti.*

Lenissimis et amantissimis verbis] Ita enim scripserat Luceius,

vt et modestiam suam, et eximiam in Ciceronem beneuolentiam ostenderet.

Re grauitur accusas] In eo loco: *Tu solus aperta non videbis?*

Illius tanti vulneris] Cruciatum ex obitu filiae summus translatione demonstratur. est enim acerbus vulnere dolor, eoque magis, quo grauiora sunt, ideo satis non putauit, *vulneris*, sed addidit, *tanti*. sic ad Sulpicium, lib. 4. epist. 6. *Hoc tam graui vulnere.*

Habuius enim fere communes] Propterea scis, quam non multi superint.

Occiderunt] Ciuili bello Caesaris et Pompeii, vt duo Lentuli, L. Domitius, M. Bibulus, Ap. Claudius, L. Scipio, consulares omnes.

Obduerunt] Vt M. Marcellus, qui Mitylenis in exsilio maluit, quam in patria seruitute oppressa vitam ducere. postea tamen, Ciceronis litteris, reditum suadentibus, permotus, cum ad urbem se conferret, in itinere a familiari suo Magio Cilone occisus est. lib. 4. epist. 12.

Vetustas] Vetus notitia. lib. 10. epist. 10. lib. 11. epist. 16. lib. 13. epist. 32.

In Tusculano] Quae villa fuerat antea L. Sullae dictatoris. Plinius lib. 22. c. 6.

Vicinitas non requiritur] Pos-
sunt ciues, licet prope non habi-
tent, crebro tamen, nec vilo in-
commodo, simul esse, quia forum
commune sit, quo omnes quotidie
fere coeunt.

Florere] Gratia, auctoritate, glo-
ria. lib. 4. epist. 13. *In qua vrbe
modo gratia, auctoritate, gloria flo-
ruimus, in ea nunc iis quidem omni-
bus caremus.*

Oporteret] Quia senibus rerum
pro republica gestarum, optimo-
rumque consiliorum praemia sunt
gratia, auctoritas, gloria.

Viueretiam pueret] Amissa
libertate, sine qua bonis ciuibus
dulce nihil est. lib. 4. epist. 13.
*Saepe mihi veniebat in mentem,
queri, quod ita vinerem, quam gau-
dere, quod viuerem.* Et lib. 7.
epist. 3. *Vbi non sis, qui fueris, non
esse cur velis viueret.*

Domesticis] Non domesticis or-
namentis, sed solatiis: ornamentis
autem forensibus. nam, cum eum
reipublicae calamitatibus moerentem
consolari filia soleret; dome-
sticum quoque, illius morte, sola-
tium amiserat. lib. 4. epist. 6. *Mi-
hi, amissis ornamentis iis, quae ipse
commemorabas, quaeque eram maxi-
mis laboribus adeptus: unum ma-
nebat illud solatium, quod ereptum
est.* Et in eadem, paullo post:
*Non enim, ut tum me a republica
moestum domus excipiebat, quae
leuaret: sic nunc, domo moerens,
ad rempublicam confugere possum,
ut in eius bonis acquiescam.*

Forensibus ornamentis] Hone-
state, dignitate, honoribus. haec
enim nominat, Sulpicius lib. 4.
epist. 5. et Cicero respondens orna-
menta sua vocat. Potest etiam re-

ferri ad gratiam, auctoritatem, glo-
riam: quibus cum antea Cicero
florisset, caruit omnino post in-
teritum reipublicae, idque scribit
lib. 9. epist. 13.

Quid enim aliud facere possum] Sublata reipublicae administrandae facultate.

Ipsae illae] Quibus vtor assidue.

A portu] In eas enim ego me,
tot malis vexatus, tamquam ex
tempestate in portum recepi: sed
eicior et excludor: hoc est, ne in
iis quidem acquiesco: quandoqui-
dem exprobrare mihi videntur,
quod in ea vita maneam, in qua
miseria semper eadem futura sit.
oderunt enim turpia: nec seruitu-
te quidquam turpius.

*In qua nihil iussit, nisi propaga-
tio miserrimi temporis*] Quod Plau-
tus dixit in Trin. Act. 2. Sc. 2.
v. 59.

— *Illi producit vitam ad mi-
seriam.*

Hic] Quae cum ita sint, tu ta-
men ea me abesse vrbe miraris.
subiungitur admiratio narrationi:
ut lib. 7. epist. 13. *Hic tu me et-
iam insimulas.* Lib. 5. in Ver. c. 52.
*Hic tu etiam dicere audebis, Est in
iudiciis ille familiaris meus, est
paternus amicus ille?* Pro Archia
c. 4. *Hic tu tabulas desideras He-
raclaeensium publicas.* Sic lib. 1.
epist. 9. *Hic ego, quantum huma-
no consilio efficere potui, circum-
spectis rebus omnibus, rationibus-
que subductis, summam feci cogi-
tationum mearum omnium.*

Fori, curiae] Iudiciorum, et se-
natus. nam in foro iudicia, in cu-
ria senatus habebatur. lib. 4. epist.
6. *Nihil in foro agere libebat: ad-
spicere curiam non poteram.*

Medici-

Medicinam] Perfugium, solatium, portus, medicina, remedium vulneris, eodem spectant: quibus nominibus Cicero utitur in hac epistola.

Doloris obliuionem] Aberrationem quandam a dolore. sic enim appellauit lib. 12. ad Attic. epist. 38. *Si, qui me, inquit, fractum esse animo, et debilitatum putant, sciant, quid litterarum et cuius generis conficiam; credo, si modo homines sint, existiment me, siue ita leuatus sim, ut animum vacuum ad res difficiles scribendas afferam, reprehendendum non esse; siue hanc aberrationem a dolore delegerim, quae maxime liberalissima, doctoque homine dignissima, laudari me etiam oportere.*

Quodsi id egissentus] Si id utriusque nostrum curae fuisset, ut vna essemus.

Propter quotidianos metus] Qui enim quotidie timet, non modo non agit, sed ne cogitat quidem ea, quae agenda essent.

Omne tempus] Post suum a Thesalica pugna reditum in Italiam.

Offenderet] Offenderet quidem, sed non tam grauiter, nam, si essemus vna; teque non ita, ut horis omnibus timeo, male affectum viderem; et minus angerer.

Moeror meus] Tu quoque leuiorem, quam nunc, ex moerore meo molestiam praesens susciperes. amor enim maiora fingit omnia.

Consequamur] Non dicit, *curemus*, sed, *consequamur*. situm enim id erat in utriusque potestate. paulo ante, *nec mehercule*, inquit, *intelligo, quid impediat.*

Aptius] Ne tua me valetudo, te moeror meus offendat.

EPISTOLAE XVI. ARGUMENTVM.

Moerentem Titium interitu filii consolatur. Orditur autem primum a dolore suo; quia communicatio doloris quasi quaedam consolatio est: deinde suam commemorat beneuolentiam, qua commotus ad consolandum aggreditur: postremo, languentem amicum spe confirmat, cum opem afflicto aliquam pollicetur. Tres igitur partes tamquam prooemii loco sunt. Consolatio autem multiplex est et copiosa, ab ingenii doctrinaeque fontibus derivata. Angeris interitu filii. Quid? tunc soli ante diem eripiuntur filii? nascimur omnes ea lege, plurimis ut afficiamur incommodis; itaque non debes aut propriam et praecipuam conditionem postulare, aut communem recusare. quis porro quod nullo vitare consilio potest, id cum euenit, angatur? haec si ratio parum ad minuendam sollicitudinem proficit; adde exempla, quaeque aliis eadem, aut similia contigerint, animadvertite; ne nimium isto casu, quasi proprium tibi fortuna vulnus instixerit, ingemiscas. Haec, atque huius generis alia, ut ad leniendum dolorem vehementer apta, litterarum monumentis mandanda sapientissimi homines censuerunt: eaque nos in ore semper atque in animo habere debemus: sed nulla magis consolatio proficiet, quam si miseriae

Y 3

bonum

horum temporum, et statum nostrae ciuitatis tibi ante oculos propones. quis enim, cum probitati, aut bonis artibus, atque adeo libertati et saluti nihil iam relictum sit loci, filios habere cupiat, ac non potius beatum se, quia nullos omnino susceperit, existimet? sit aliquis eos auisus, non illo quidem propterea beatus est, (nec enim gaudere debemus liberorum interitu, neque id natura patitur,) sed certe minus miser, quam si eosdem, stante, aut saltem non penitus euersa republica, perdidisset. Age, concedis haec esse vera, nec infelicitate eum iis esse actum, qui tam miseris temporibus a vita discesserunt: sed incommodo tuo moeres liberorum suauitate priuatus. Fateor id quidem acerbum esse: verumtamen eum te antea semper et priuatis in rebus et publicis praestitisti, tuenda tibi ut sit grauitas, et constantiae seruendum. Venit etiam in mentem, ideo te fortasse cruciari, quod eas, qui mortui sunt, versari in miseris putes. Mibi vero quod saepissime legi, et audiui, vel miseria nulla videtur esse in morte, si caret sensu; vel si residet in ea sensus, immortalitas potius appellanda, quam mors. Verum finge, miseros esse, qui occiderunt. nihil in morte grauius esse potest, quam quae reipublicae impendent. Postremo, cum omnes luctus vetustate tollantur, impetret statim ratio, quod impetratura aliquando dies est. Quo anno scripta, non liquet: mibi tamen post Pharsalicum scripta praetium videtur ex iis verbis: bona, aut denique aliqua republica, quod ante victum Pompeium, ut opinor, non diceret. Eodem illud spectat: hoc grauissimo, et pestilentissimo anno. Et illud: quid est enim iam non modo pudori, probitati, virtuti, rectis studiis, bonis artibus, sed omnino libertati ac saluti loci?

EXPLANATIO.

Est unus] Non dissimile principium epist. 18.

Tantum epi doloris] Hoc ipso iam incipit consolari. nam doloris communicatio solatii nonnihil afferre solet. lib. 4. epist. 6. *Quantum inquit, praesens me adiunare potueris, et consolando, et prope aequo dolendo, facile ex eo intelligo.* Sic Sulpicius lib. 4. epist. 5.

Longius] Dolemus uterque, sed impari dolore; cum tu filium lugeas, ego tuo dolore doleam.

Tandem] Non statim igitur eum consolatus est, audito interitu eius filii.

Pernulgata] Quae patet omnibus: sed nos propriam quandam e

statu nostrae ciuitatis consolationem capere debemus; qui eiusmodi est, ut beatissimi videantur, qui liberos non susceperunt, minus autem miseri, qui his temporibus amiserunt, quam si eosdem bona, aut denique aliqua republica perdidissent. Consolatio haec a communi omnium hominum conditione sumitur, ut epist. 18. et lib. 6. epist. 6. altera, quae sequitur proxima, a temporum statu: quod idem notauimus infra, in epist. 18.

Ea lege natos] Interpretatio antecedentium verborum.

Ut omnibus telis fortunae propofita sit vita nostra] Quod etiam senarius ille Naeuii poetae docet;

Pati

Pati necesse est multa mortalem mala.

Accidisse] Cum aduersi aliquid nobis accidit, euentu aliorum memoria repetamus.

Neque hae E. R. N. Haec] Consolationem vnam proposuit; deinde subiunxit, *haec*, quasi non vnam solam proposuisset. verum, quae consolationis vnus partes sunt, *consolationes* appellat. partes autem hae sunt, vna, *homines nos ut esse meminimus*; altera, *neque esse recusandum*; tertia, *ne tam grauiter*; postrema, *euentisque aliorum*.

Vsurpatae] In sermonibus usurpatae, atque etiam scriptis consignatae. nam *usurpari* dicitur, quod visitatum antea, sermonibus refertur, ut Phil. 2. c. 14. *Quod si te in iudicium quis adducat, usurpetque illud Cassianum, Cui bono fuerit.* et alibi.

Memoriaeque litteris proditae] Scriptis ab hominum obliuione vindicatae. Posuit idem aliis modis, ut, *memoriae proditae, litteris proditae*, verum, *memoriae litteris proditae*, ita dixit, quasi, memoriae proditae litterarum adiumento.

Status ipse nostrae cinitatis] Quem intuens diligere vitam nemo debet.

Aut denique aliqua] Ostendit, nullam esse rempublicam. quo adducor, ut post interitum Pompeii scriptam epistolam existimem.

Tuum desiderium] Quia desideras, quos amisti.

Tuarum rerum cogitatione] Non puto, *tuarum rerum*, de fortunis dici, sed de liberis immatura morte ereptis: ut sit, *tuarum rerum*, pro, *suorum incommodorum*: quod in-

dicant et quae antecedunt, et quae sequuntur.

Vniuersum] Dixit iam, *statui adhibere aliquam modicam consolationem, quae leuare dolorem tuum posset, si minus sanare potuisset*. Tua, inquit, causa si dolens, qui cares iis, quos dilexisti: prorsus tibi istum dolorem euelli posse non arbitror: haeret enim quodammodo in ipsa natura, quae amorem quandam in ea, quae procreata sunt, cunctis ingenerauit animantibus.

Quae magis amoris est] Qui enim sua potius, quam aliorum causa angitur, vere non amat. contra, id magis amoris est, aliorum miseriae ipsorum causa lugere, non nostra.

Nihil mali esse in morte — quae non sentiatur] Haec se Cicero legisse dicit. legerat autem cum aliorum alia, tum illud Xenophontis lib. 8. c. 7. Cyri paediae de ipso Cyro moriente: cuius haec sunt verba ad filios: *Ἐν τῇ ἀσφαλείῃ ἡδὴ ἔσομαι, ὥς μηδὲν ἂν ἔτι κακὸν παθεῖν, μήτε ἢν μετὰ τῷ Διῷ γένωμαι, μήτε ἢν μηδὲν ἔτι εἶ.* Eandem sententiam, ut auctore Lactantio lib. 3. c. 19. cognouimus, libro de Legibus incerto expressit Cicero his verbis: *Gratulemur nobis, quoniam mors aut meliorem, quam qui est in vita, aut certe non deteriore est allatura statum. nam sine corpore, animo vigente, dinina est vita; sensu carenti nihil profecto est mali.* Et in Hortensio, apud Augustinum lib. 14. Trin. c. vlt. *Magna spes est, aut si hoc, quod sentimus et sapimus, mortale et caducum est, inueniendum nobis, persunctis muneribus humanis, occa-*
Y 4 *sum,*

sum, neque moleſtam exſtinctionem, et quaſi quietem vitae fore: aut ſi, vt antiquis philoſophis, hisque maxime, longeque clariffimis placuit, æternis animos, ac diuinos habemus: ſic exſtimandum eſt, quo magis hi fuerint ſemper in curſu, id eſt in ratione. et inueſtigandi cupiditate, et quo minus ſe adiſcuerint, atque implicuerint bonorum viſiti, atque erroribus, hoc illis faciliorem adſcenſum, et reditum in cælum fore.

Si reſident ſenſus] Quod ſenſere Pherecydes, Pythagoras, Socrates, Plato, alii poſtea. Tuſc. 1. idque ipſe Cicero comprobatur in libro de Senectute, ex Catonis Cenſorii perſona. in oratione autem pro Archia c. 12. dubitare videtur his verbis: *Haec ſine a meo ſenſu poſt mortem abſutura eſt, ſine, vt ſapientiſſimi homines putauerunt, ad aliquam animi mei partem peruehit: nunc quidem certe cogitatione quendam ſpeque delector.*

Sin ſis amiſſus] Qua in ſententia maxime fuit Epicurus; cum ita diſputaret: *Mors nihil ad uos. nam quod diſſolutum eſt, ſenſu caret: quod ſenſu caret, nihil ad uos.* Sextus Empiricus lib. 3. Pyrrh. hypot. c. 24.

Reliqueris] A vita diſcedens.

Deceptus] Tamquam aliquo bono priuatus.

Peſtilentiſſimo] Quo, tamquam peſte aliqua, occiderunt.

Ne quid iis, quos amasti, mali putes contigiſſe] Quod putare debes tribus de cauſis, vel ſi reſideat in morte ſenſus, vel ſi cum corporibus animi ſimul intereant, vel quod ea reipublica impendeant,

quae qui reliquerit, nullo modo deceptus eſſe videatur.

Cura doloris tui] Cura illa, quia dolens tua cauſa.

Non cum illis] Non enim ideo dolebis, quia mali aliquid iis euerit; ſed ob incommodum tuum.

A puero] Sapientia non cadit in puerum: ſed elucere tamen in illa ætate ſigna quaedam futurae ſapientiae poſſunt. eſt igitur laudatio paullo liberalior, vt ad minuendum mororem valeat. qualis enim de nobis opinio eſt, tales vt re ipſa nos praestemus, operam dare ſolemus. itaque poſt laudem ſequitur admonitio; tuendam eſſe grauitatem, et conſtantiae ſeruendum.

Incommodorum tuorum] Quod amiſeris eos, quos amabas.

Dilexeris] Eſt diligere, minus eſt, quam amare: quod patet ex illo loco lib. 9. epiſt. 14. *Quis erat, qui putaret, ad eum amorem, quem erga te habebam, poſſe aliquid accedere? tantum acceſſit, vt mihi nunc denique amare videar, antea dilexiſſe: et ex altero epiſt. 1. ad M. Brutum: L. Clodius valde me diligit, vel, vt ἐμφορμώτερον dicam, valde me amat; tamen hic pro amare accipitur. paullo enim ante dictum eſt, ne quid iis, quos amasti, mali putes contigiſſe.*

Seiunctus] Cur nihil in morte mali ſit, antea demonſtrauit, vel manente ſenſu, vel amiſſo.

Tuenda] Qui tuetur, defendit: et quoniam, qui defendit, conſervare cupit; ideo factum, vt tueri pro conſervare capiatur, vt hic.

Conſtantiae] Conſtantia grauitatem ſequitur, vt inconstantia leuitatem. recte igitur grauitas primum,

num, deinde constantia nominata est, ut etiam lib. 2. epist. 6.

Seruiendum] Quid est, *seruire constantiae*? exsequi ea, quae constantia postulat, nihil contra committere.

Qua d. allatura est ipsa diuturnitas] Eandem sententiam Sulpicius in ipso Cicerone consolando usurpauit, lib. 4. epist. 5. Nullus, inquit, dolor est, quem non longinquitas temporis minuatur ac molliat. Hoc te expectare tempus, tibi turpe est, ac non ei rei sapientia tua te occurrere. Et Cicero lib. 7. epist. 28. et lib. 12. ad Attic. epist. 11. Quod autem hic diuturnitas, paullo post, et lib. 7. epist. 28. dixit, dies: Sulpicius autem, longinquitas temporis.

Praecipere ERN. Praeripere] Paulo post, anteferre et repraesentare. lib. 10. ad Attic. epist. 1. Non praeripiam, sed expectabo consilium.

Consilio prudentiaque] Paulo post, ratione.

Mulier] Vim diuturnitatis exemplo mulierum ostendit, quas ra-

tio non consolatur. quod si muliebrem luctum dies minuit; multo magis minuet in viris, qui consilio prudentiaque praestant. quod igitur futurum est, eum non ratio repraesentet?

Repraesentare] Repraesentat is, qui, quod aliquanto post facturus est, statim facit.

Beneuolentissimi atque amicissimi] Et si beneuolentia pro amore sumitur; quia nemo fere cuiquam, nisi quem amet, bene velle beneque cupere videtur: proprie tamen beneuolus ab amico, et beneuolentia ab amicitia differt. quod hic locus ostendit, et ille lib. 1. de Fin. c. 10. Quos tu paullo antecum memoriter, tum etiam erga nos amice et beneuole collegisti. Et in oratione pro Oppio, cuius testimonio utitur lib. 9. c. 2. Quinctilianus: O amorem mirum! o beneuolentiam singularem! Ad Appium lib. 3. epist. 9. maior amoris vis, quam beneuolentiae, demonstratur. Nihil est, inquit, quod studio, et beneuolentia, vel amore potius, effici non possit.

EPISTOLAE XVII.

ARGUMENTVM.

Excusat tarditatem litterarum suarum: hortatur Sextium, ut exsulii casum sapienter fortiterque ferat, idque ut ei persuadeat, et ut afflictum consoletur, argumenta sumit a communi omnium hominum conditione, ab ipsius Sextii virtute, ab exemplis, a statu reipublicae, a Sextii filio, a iudicio amicorum, ab ipsius conscientia. postremo, quod ipsum ad moerorem minuendum pertinet, sua studia et officia vel ad consolandum, vel ad leuandum eius fortunam pollicetur omnia. Moralis est, scripta, ut opinor, Caesare et Lepido cooff. A.V.C. DCCVI.

EXPLANATIO.

P. SEXTIO P. F.] Vix opinor, ac plane non opinor, hunc

esse P. Sextium, pro quo exstat Ciceronis oratio, qui C. Antonii primum

num consulis, deinde Macedoniae proconsulis quaestor fuit. cur ita existimem, occurrunt haec: primum, fuisse illum, quem Cicero defendit, Lucii filium, non Publii, vt indicat inscriptio lib. 5. epist. 6. neque in eo libri veteres a recentioribus vulgatis dissentiunt. nec dubito, quin Tiro, qui patroni sui Ciceronis epistolas in volumina retulit, vtrique Sextio in litterarum inscriptione praenomen patris, vt internoscerentur, addiderit, quoniam vtrique praenomen et nomen idem esset. Altera causa est: quod ille P. Sextius L. F. Romae fuit vsque ad initium belli ciuilis, et inter eos, qui cum imperio essent, nominatur: vt patet lib. 7. ad Attic. epist. 17. et lib. 8. ad eundem epist. 15. et hic Publii filius ante ciuile bellum videtur abfuisse. cum enim ait Cicero, nullas ideo se litteras ad eum misisse, quia priora tempora in ruinis reipublicae, iacuerint, quis non eo coniiciat, Sextium ante ruinas reipublicae, id est, ante ciuile bellum, abfuisse? Tertio loco illud pono. Hic Sextius P. F. quo tempore hanc Cicero epistolam scripsit, exsulabat, iudicio damnatus: quod ex iis verbis intelligo: *Posteriora autem me a scribendo tuis iniussissimis atque acerbissimis incommodis retardarunt*, et infra semel et iterum illius iudicii fit mentio. haec autem epistola, cum illa verba intueor, *proxime, recenti aduentu meo*; scripta mihi videtur paullo post Alexandrinum bellum, quo tempore Cicero, qui Brundisii diu iacuerat, concessu Caesaris in urbem rediit. At ille Sextius L. F. quem Cicero ante ciuile bellum luculentae, quae exstat, oratione defendit,

non modo non statim post Alexandrinum bellum, sed etiam post de victos in Hispania Pompeii liberos lege Pompeia caussam dixit. testem habeo lib. 12. ad Attic. epist. 49. Appianus quidem Sextium quandam lege Pompeia de ambitu ante belli ciuilis tempora damnatum, auctor est lib. 2. de bell. ciu. Sed is omnino esse non potuit, neque hic P. Sextius P. F. quem diximus post Alexandrinum bellum esse damnatum; neque ille L. F. qui paucis ante Caesaris necem mensibus lege Pompeia est accusatus. Aut igitur est alius P. Sextius, praeter hos duos: aut Appianus errore temporum, qui peccat saepe, lapsus est, quippe qui in eo ipso loco damnatos eodem, quo Sextium, tempore absentes Milonem et Gabiniū dixerit. in quo dupliciter peccat, primum, quia neque Milo neque Gabinius absentes, verum praesentes damnati sunt; deinde, quod Gabinius non Pompeio tertium consule, vt ille ait, sed anno superiore, Calvino et Messalla cons. damnatus est: quod cognoscitur ex Dionis historia lib. 39. de Milone autem praesente, ex oratione pro illo habita et Pediano interprete. Concludamus igitur, aut duos esse P. Sextios, aut in huius epistolae titulo mendum esse, et P. SISTIO, fortasse legendum, vt est in antiquo Maffei libro: aut P. SITIO, cum in alio item antiquo libro, P. Sitti, legitur, vbi est in impressis, P. Sextii, quod alii quoque viderunt: sed, quia hunc esse P. Sextium, pro quo exstat oratio, sibi iam persuaferant, ideo mendosum esse veterem librum existimarunt.

In ruinis reipublicae nostrisque]
Cum et respublica ciuili bello, et
simul

simul bonorum ciuium auctoritas concidisset. priora enim vocat tempora, quae statim ciuile bellum consecuta sunt.

Iacuerunt] Id est, ego iacui per illa tempora, moerore scilicet afflictus.

Posteriora] Accessit post ea, ne scriberem, altera causa, quod abhorrebat animus a scribendo, cum incommoda tua cogitarem iniustissima atque acerbissima.

Iniustissimis] Quia damnatus erat iniuste: ideo subiungit illa: cum eo tempore inuidia annonae, inimici non solum tui, verum etiam amicorum tuorum, iniquitas totius iudicii, multaque alia reipublicae vitia plus, quam causa ipsa veritasque, valuissent.

Acerbissimis] Quid enim acerbius, quam carere patria, liberis, propinquis, amicis, praesertim eum, qui non suo delicto, sed iudicum exsulet iniuria.

Incommodis] Exsilio, in quo multa perferuntur incommoda.

Tuam virtutem] Etsi virtus a viro dici putatur; tamen etiam adolescentes a virtute laudantur: itaque infra Sextii filii virtus quater nominatur.

Ego te] Saepe narrationem orditur ab hoc pronomine, vt lib. 1. epist. 9. *Ego me, Lentule, initio verum atque actionum tuarum.* Et iterum, paullo post: *Ego, si ab improbis et perditis ciuibus reipublicam teneri viderem.* Et tertio, aliquanto post: *Ego, cum mihi cum illo magna iam gratia esset.* Sic lib. 5. epist. 6. *Ego, tua gratulatione commotus.* Et lib. 10. epist. 3. *Ego, Plance, necessitudinem constitutam habui cum domo vestra ante aliquanto, quam tu na-*

tus esses. et lib. 1. ad Attic. epist. 16. *Ego enim, quam diu senatus auctoritas mihi defendendu fuit.* Quae sunt omnia narrationum initia.

Primis temporibus illis] Patet verborum sententia, sed ignota historia. Hoc alii opinati sunt ad Sextium, pro quo exstat oratio, pertinere, et significari tempus illud, quo C. Antonius, Macedonia male administrata, in iudicium vocatus est: quod eius quaestor Sextius, quasi criminum conscius et particeps, accusatus sit. ego iam satis videor probasse, alium hunc esse P. Sextium. praeterea, quod omnino leue non est; quamquam non hac vna ratione nititur opinio nostra; nulla plane cuiusquam criminis aut inuidiae in Sextium citatae mentio sit lib. 5. epist. 6. cum Antonii tamen accusatio nominetur.

Inuidiam] Inuidiam pro infamia saepe usurpat Cicero: de quo diximus in lib. 1. epist. 1.

Cum in tui familiarissimi iudicio ac periculo tuo [crimen] ERN. nomen coniungeretur] Video existimari posse, causam de vi nunc significari, in qua Cicero Sextium reum ornatissima, quae exstat, oratione defendit. nam et Milo, Sextii familiaris, eodem tempore de vi reus fuit, quo spectare aliquis putauerit illa verba, quae sunt in orat. pro Sextio c. 42. *Quomodo hoc in genere praesidii comparati accusas Sextium, cum idem laudes Milonem?* Et in Vatinius c. 17. *Quaero, cum in republica administranda T. Annio cum P. Sextio consiliorum omnium societas fuerit, (id quod non solum bonorum, verum etiam improborum iudicio declaratum est:*

est

est enim reus uterque ob eandem causam, et eodem crimine -- quaero, qui possis eos, quos crimine coniungis, testimonio disiungere? Hinc oriri coniectura potest, hunc esse P. Sextium, pro quo legitur oratio. maneo tamen in sententia de Sextiis duobus: et hunc statuo non esse illum, cui Cicero de se in tribunatu plebis optime merito, de vi postea in iudicium adducto, gratiam cumulate retulit patrocinio suo. Nam illud minus me nouet: cum in tui familiarissimi iudicio ac periculo tuum nomen coniungeretur. non enim ideo Sextium Cicero defendit, quod eius nomen in eius familiarissimi iudicio ac periculo coniungeretur; sed quod suo proprio crimine, proprio etiam accusatore Albinouano, (nam Milonem P. Clodius aedilis accusauit) in iudicium vocaretur. itaque, cum iudicium Milonis, accusante ad populum Clodio, partium impetu et contentione disturbatum esse Cicero lib. 2. ad Q. Fr. epist. 3. scripisset: subiunxit haec, quasi de alia re: *Ad. 1v. Id. Sextius ab indice Cn. Nerio Pupinia, de ambitu est postulatus: et eodem die a quodam M. Tullio de vi. et, quamquam uterque de vi, non tamen ad eosdem iudices, nec ab iisdem accusati sunt, sed Milo ad populum, ut in epist. 3. ad Q. Fr. Sextius autem ad praetorem, et iudices ab ipso praetore delectos; et ille, ut dixi, accusante Clodio, hic M. Tullio Albinouano. Alii, tuum crimen, non tuum nomen. vtrumque recte.*

Proxime, recenti aduentu meo] Post Pharsalicam pugnam Cicero, spe veniae ductus, in Italiam rediit; ad urbem tamen, non nisi confecto Alexandrino bello, venia

iam impetrata, se contulit. ostendunt hoc epistolae lib. 11. ad Attic.

Rem aliter institutam] Rationem Sextii defendendi, absentis, vt opinor: nam, si Cicero eum Romae vidisset, non attulisset perpetuam tam longi temporis excusationem: quod fecit initio epistolae: ex quo liquet, Sextium non modo post damnationem, sed etiam aliquanto ante ab vrbe abfuisse.

Inuidia annonae, inimici non solunt tui] Cum ei propter annonam, quod frumentum fortasse in aedilitate vili pretio vendidisset, non modo eius inimicus, verum amici etiam inuiderent. Non est inusitatum Ciceroni duobus vti generandi casibus, vt in lib. de Senect. c. 14. *Quid de P. Licinii Crassi et pontificii, et ciuili iuris studio loquar?* Et lib. 2. de Nat. deor. c. 58. *In iis artibus, quarum iudicium est oculorum.* Et Phil. 14. c. 2. *Cuius imbecillitatem valetudinis, animi virtus, et spes victoriae confirmauit.*

Valuissent] Quia damnatus est.

Publio tuo] Filio.

Hortarer rogaremque] Hortationi saepe adduntur preces. vide epistolam sequentem, et primam lib. 1.

Hominem te et virum] Ab homine sapientiam, a viro fortitudinem postulat. est enim ἄνθρωπος in virum: vt in epistola sequenti: *te colligas, virumque praebens.* et Phil. 2. c. 37. *Ille vir fuit: nos quidem conseruendi.* Et lib. 10. ad Attic. epist. 7. *Si vir esse uolet, praeclara euodia.* et in Bruto c. 71. *Vidi Mitylenis nuper virum, atque vidi plane virum.*

Com-

Communem] Non quod omnes damnentur iniustis iudiciis, sed quod quilibet damnari possit, praefertim ubi concurrant haec, invidia multorum, iniquitas iudicii, rei publicae vitia. ideo sequitur: *quem neque vitare quisquam nostrum potest*.

Incertumque] Vt communis est casus, quia cuius potest iucidere: sic incertus, quia, ne sibi incidat, praestare et efficere nemo potest. quae enim sequuntur verba, *vitare*, et *praestare*, illud ad communem casum, hoc refertur ad incertum.

Dolori] Ex iniusta calamitate suscepto.

Fortunae] Addidit, *fortunae*, vt eum culpa liberaret.

Ceteris] Athenis maxime: qua in ciuitate, qui praeter ceteros virtute et rerum gestarum gloria florent, in exsilio nullo crimine mittebantur. Sic Miltiades, Themistocles, Aristides, Cimon pulsi sunt. exaequari enim omnes, nec eminerere quemquam, vtile visum est in libera ciuitate.

Fortissimis atque optimis] Non dubito, quin de fortissimo viro Themistocle, atque aliis nonnullis rei bellicae fama clarissimis, de optimo autem Aristide cogitarit, quem ob insignem iusticiam ostracismo eiecum esse, Plutarchus et Aemilius Probus narrant.

Ea te republica carere] Eadem ratio in duabus epistolis, quarta et sexta lib. 6.

Dedisse ERN. *Cepisse*] Etsi, *testimonium accipere*, dixit Cicero lib. 2. in Ver. c. 5. tamen hic ma-

lim, *dedisse*: quod verbum eo magis placet, quia congruit optime cum eo, quod dictum est, *debitum eius virtuti. et dare testimonium*, frequens loquendi modus apud Ciceronem, vt lib. 13. epist. 16. *Testimonium mei de eo iudicii ei libenter dedi*. Et lib. 3. de Leg. c. 1. *Tam praeclarum mihi dedisti iudicii tui testimonium*. Et alibi.

Virtuti] Ad probitatem atque animi praestantiam, non ad doctrinam refero: et paullo post; *pietatem, virtutem, industriam*.

Refricem] Huiusce nominis vim in prima ad Lentulum epistola iam ostendi.

Industriam] Non enim se, vt multi adulescentes, languori et ignaviae deditit.

Tuam esse, tecum esse duces] Nam, si doles, quod tali filio careas: minus dolebis, si illius virtutem, vbicumque erit, tuam esse, tecum esse ducet.

Animitui conscientiae ERN *conscientia*] Hoc et satis per se patet, et explanatur sequentibus verbis. interdum tamen venit in mentem de mendo suspicari, cum in omnibus antiquis libris, quibus quidem nunc vtor, scriptum videam, *amici tuae conscientiae*.

Iniuria] Non iure damnatum Sextium, dixit iam in eo loco, *invidia annonae*: et in eo, *multis fortissimis atque optimis viris, iniustis iudiciis, tales casus incidisse*.

Ego] Promittendi officii locus, quo maxime solamur afflictos, extremae fere datur epistolae. exstat exemplum in his tribus consolatoriis, superiore, et hac, et sequenti.

EPISTOLAE XVIII.

A R G V M E N T V M.

Consolatoria est. valet autem ad consolandum societas aegritudinis. index enim benevolentiae dolor est. itaque Cicero orditur a significatione doloris sui, quem ex Fabii ceperat incommodo. sic ad Titium epist. 16. sic Sulpicius lib. 4. epist. 5. et Cicero in ea, qua respondit, levatum se aliqua fatetur luctus parte, non solum oratione Sulpicii et auctoritate, verum etiam societate paene aegritudinis. Hoc igitur initio ad consolandum Fabium aggressus, subiungit haec, quae ad minuendum molestiam valeant; primum, eam esse omnium hominum conditionem, ut aduersa saepe accidant. qua de re sic ad Titium: est autem consolatio peruulgata quidem illa maxime, quam semper in ore atque in animo habere debemus, homines nos ut esse meminerimus, ea lege natos, ut omnibus telis fortunae proposita sit vita nostra: neque esse reculandum, quominus ea, qua nati sumus, conditione viuamus. Alterum: perdita esse tempora, mutato reipublicae statu, quod ideo dicit, ut eam conditionem, quae bonis quoque temporibus tamen omnium communis est, et eodem loco, in eadem ad Titium epistola. Nam, cum de communi conditione posuisset ea, quae proxime recitari; adiunxit hoc de ratione temporum: neque haec, neque ceterae consolationes, quae sunt a sapientissimis viris usurpatae, memoriaeque litteris proditae, tantum videntur proficere debere, quantum status ipse nostrae ciuitatis, et haec prolatio temporum perditorum. Tercio loco, bona virtute parata cum fortunae damnis comparauit. quae cogitatio maxime luctum leuat. cui enim plus, quam abstulit fortuna, virtus dedit, is nisi de suo statu laetatur potius, quam augeatur, imperitus rerum suarum ratiocinator est, et ea ipsa, quam possidet, virtute videtur indignus. Quarta ratio est, desperatio rerum communium. dixerat iam de praesentis temporum statu: nunc de imminente subiungit; ne acerbum Fabio videatur, ea republica carere, in qua legum, iudiciorum, bonarum omnium rerum timeatur interitus; praesertim cum ab ea discesserit quam leuissima poena, relictis ei fortunis, liberis, amicis. Consolatio concluditur opinione hominum de illius innocentia, et iniquitate iudicii. Extrema officii promissio: quod ipsum consolandi quoddam genus videtur: itaque similiter clauduntur duae superiores, quae consolantur, epistolae. Consolationis causam non opinor fuisse, quod repulsam in petitione magistratus Fabius tulisset, verum quod iudicio damnatus esset. non enim ob eius repulsam se esse consolandum Cicero diceret; nec eam, ut puto, incommodum vocaret; nec argumentaretur a communi conditione; nec ad repulsam illud spectat, fortuna abstulit; nec illud, quam leuissima poena: repulsa enim neque poena est, neque nominatur. mentio vero iudicii et sententiae vnius potentiae condemnatae, non video qui referri ad repulsam possit. Annum epistolae plane non desinio: sed omnino videtur scripta ante civile bellum, atque etiam ante quam Cicero iret in provinciam, cum opes Pompeii maximae essent, Caesare in Gallia res gerente. quod illa verba demon-

demonstrant: ea videtur conditio impendere legum, iudiciorum, temporum, et illa: potentiae alicuius condonatum existimeretur.

EXPLANATIO.

Non hortor solum] De hoc verbo diximus in lib. I. epist. I. et in proxima superiore.

Rogo atque oro] Humilitas in orando maior est, quam in rogando. unde *adorare*. orare etiam est causam agere, unde *orator*. ac tunc, ratione finis, idem est, quod *rogare* et *petere*, quamquam actio diuersa. qui enim rogat, et qui orat, et qui petit, impetrare aliquid cupiunt, et omnes petunt. sed petitio *rogantis* cum solis precibus est; *orantis*, cum rationibus et precibus; unde *orator*, qui rationibus interdum, ita causa postulante, preces adiungit. petenti neque preces neque rationes necessariae sunt: quae si adduntur, tum vel *rogare* proprie dicitur, vel *orare*; si non adduntur, *petere* simpliciter.

Te colligas] Ne iterentur eadem, videat lector ea, quae de hoc loquendi modo diximus in lib. I. epist. 9. ad eum locum, *collegi ipse me; et cum ipsa quasi republica sum collocutus*.

Virumque praebeas] Ut dolori fortiter ac fortunae resistas, quemadmodum virum decet. eadem sententia in epistola superiore. notum loquendi genus. vide illud lib. 2. epist. 18. *Qui si dignum se maioribus suis praeberit*.

Dedit] Dedit hominum studia, honores, existimationem.

Abstulit] Non dicitur id auferri, quod petentes non impetramus, sed quod possidentes amittimus. itaque non ad repulsam, sed ad condemnationem hoc refero. aufert

autem condemnatio patriam et conuictum amicorum.

Homines novi] *Homo nouus* et *nobilis* opponuntur. qua de re dictum est pluribus verbis in lib. I. epist. 7.

Plurimi] Quibus damnatio patriam abstulit.

Tu vero] Haec tota sententia mire valet ad consolandum, a tribus deducta fontibus, a praesentibus bonis, a spe futurorum, ab eius innocentia.

Fortunas] Quae si abessent, incommodum aueretur exulii.

Et liberos] Quos damnatus non amisit.

Necessitudine et benevolentia coniunctissimos] Amplificatio. nam et amoris causa, et amor, et summus amor tribus verbis ostenditur.

Sis habiturus] Apte consolatur, qui et amico minuit opinionem praesentis mali; et id ipsum tamen non diuturnum fore pollicetur. quod utrumque Cicero praestat. cum enim de leuissimo Fabii incommodo iam dixisset; de spe reditus, tanquam minime dubia, subiunxit: fortasse quod eum iudices non exulii perpetui, sed aliquot annorum poena damnassent. alioqui cur illi promitteret Cicero facultatem vendi cum suis?

Iudicium] Hoc si attendimus, de Fabii damnatione dubitare non possumus.

Ex tant multis] Hoc adiunxit, ne Pompeio, quo tertium consul, et fortasse ex legibus ab eo latis, illa iudicia facta erant, iniustitiae

macu-

maculam inurat. cum enim cogere-
tur iudicium improbare, quo Fabius
damnatus erat; callide et amico ve-
lificatus est, et Pompeii tamen di-
gnitatis rationem habuit.

Vna sententia] Quae Fabium
sententiae damnarunt, vna tantum
plures fuere, quam quae absolue-
runt.

Eaque dubia] Quia condonatum
vnus potentiae iudicium existima-
tur: de iudicio enim integritate
non constat: non tuo, inquit, de-
licto, sed vnus potentia ad gra-
vium sententiarum numerum acce-
serit. Et hic Pompeio parcat tri-
bus modis. non enim dicit, *eaque*
corrupta, sed, *eaque dubia*: nec,
potentiae Pompeii, sed, *potentiae*

alicuius: nec, *condonatum sit*, sed
condonatum existimetur.

Molestiam] *Incommodum* appel-
lauit supra. notandum hoc genus
ad copiam.

Quam lenissime ERN. *lenissime*
ferre] Quam tamen ipse non le-
vissime ferebat: dixit enim in pri-
ma epistolae parte, *nullam rem*
gravius iamdiu tuli, quam incom-
modum tamen. sed illud, vt dixi,
quasi consolandi gratia posuit.

Et qui esse debet] Hoc addit,
quia, licet expectari soleat exitus
promissae rei, tamen expectatur
magis, cum promittitur id, quod
debetur.

EPISTOLAE XIX.

ARGVMENTVM.

*Cum Pompeius, Italia pulsus a Caesare, in Graeciam magno cum
honorum civium comitatu, in quibus uterque consul fuit, renouandi
belli causa nauigasset: Rufus ad eum officii causa, quod ea reipublicae
castra esse videbantur, transire cogitabat. eius consilium probat Cice-
ro; idemque sibi iam diu ait esse constitutum. Pompeii causam meliorem
iudicat: de belli exitu non minus aduersa timere, quam sperare videtur
secunda. ad extremum tacite petit, non modo ut reipublicae, verum et-
iam civitatis suae causa in sententia maneat. Scripta est post sequentem,
profecto iam in Graeciam Pompeio, C. Marcello L. Lentulo coff.*

EXPLANATIO.

Rufus] Cognomen hoc esse L. Me-
scinii, Ciceronis antea quaestor-
is in Cilicia, iam pridem existima-
vi, adductus in hanc opinionem
epistola sequenti: in qua tum de
rationibus agitur ab eo referendis,
quod quaestorii muneris erat, tum
etiam Rufi frater M. Mindius nomi-
natur: et idem L. Mescinii frater
appellatur lib. 13. epist. 26. Nunc
iactor opinionem confirmari meam

vetere argenteo nummo, ita inscri-
pto, L. MESCINIVS RVFVS. is
nummus est apud virum doctissi-
mum, Episcopum Ilerdensem, An-
tonium Augustinum. Alterum post-
ea nummum praetans vir Latina
et Graeca lingua, omni que liberali
doctrina perpolitus, Fulvius Vrsi-
nus, mihi ostendit. De Mescinio
autem quaestore non solum lib. 13.
epist. 26. cuius proxime testimonio
sum

sum usus, verum etiam lib. 16. epist. 4. et iis ad Atticum sit mentio. alter Ciceronis quaestor, qui serius in provinciam iuit, C. Coelius fuit, is ad quem scribit ultimam epistolam libri secundi.

Quod mihi ostenderas] Pro, significaueras, ut infra: *si feceris id, quod ostendit*. et lib. 1. epist. 1. *Ceteris in rebus se acerrimum tui defensorem fore ostendit*. et lib. 9. epist. 8. *Esti munus flagitare, quamvis quis ostenderit, ne populus quidem solet, nisi concitatus*.

Liberius iudicium] Nam in provincia officio quaestorio adductus videri poterat eum studiose colere: cum praestare quaestor praetori suo debeat, quidquid officii potest; nec in eo liberum iudicium sit. confecta vero provincia, liberum iudicium datur, et verus animi sensus apparet, necessitudine quaestoria solutus.

Meo consilio] Quod eo non acceperim, quo me venturum putaveras, Fortasse propius ad ea loca se Cicero contulerat, unde tutior commodiorque in Graeciam transitus daretur. dicit enim in extrema epistola: *Si simul placebit, statim ad me venies*.

Cepi fructum et iudicii et officii tui] Id est, fructum attulisti et iudicii et officii tui: declarasti non dubiis argumentis et iudicium et officium tuum.

Iudicii] *Iudicium* prius, deinde *officium* nominavit. eundem igitur in asserenda utriusque causa ordinem servat. contra vero lib. 15. epist. ult. *Habes, inquit, de Calvo iudicium et consilium meum: consilium, quod hortandi causa laudavi; iudicium, quod de ingenio eius valde existimavi bene*.

Fortes ac boni viri] *Fortes* pericula mortemque ipsam pro patria contemnant, *boni*, qui consentiant, honestumque rebus omnibus anteponant. significauerat enim scinius, velle se ad Pompeium transire, et, quoniam in bellum civibus adversa multa properant, quae tamen fortem bonumque virum a sententia non detraherent: ideo, quasi ut currentem incitaret, imitationem in eo laudat fortium ac bonorum virorum.

Officii] Erga me, pro nostra necessitudine.

Consilium ceptum] Eandem cum Pompeio, rei publicae causam tuente, subire fortunam constitui.

Iamdudum] Atticum tamen, anceps animi, saepe literis continebat, quod sibi agendum censeret. certum enim in Caesaris castris victoria videbatur. ad extremum, pudore victus, ad bellum civile, tamquam ad pestem ante oculos positam, profectus est. qua de re sic lib. 6. epist. 5. *Valuit apud me plus pudor meus, quam timor. Veritus sum deesse Pompeii saluti, cum ille aliquando non defuisset meae. Itaque vel officio, vel fama bonorum, vel pudore victus, ut in fabulis Amphiarant, sic ego, prudens et sciens, ad pestem ante oculos positam sum profectus*.

Si feceris id, quod ostendis] Si mecum eris, ut scripsisti, quodcumque consilii cepero.

Magnam habebō gratiam] Tamquam id mea causa feceris.

Timori] Quod ea timueris, quae bellorum natura fert.

Mibi] Optanti, ut mecum sis.

Quid rectum sit, — quae sunt rectissima] Iisdem fere verbis lib. 4. epist. 2. eandem extulit sententiam.

Si, quid rectissimum sit, quaerimus; perspicuum est: si, quid maxime expediat; obscurum: sin ii sumus, qui profecto esse debemus, ut nihil arbitremur expedire, nisi quod rectum honestumque sit; non potest esse dubium, quid faciendum nobis sit.

Studio digni et litteris nostris] Litteris enim optime viuendi praecepta traduntur: quae qui non obseruat, studio et litteris, quibus operam dat, indignum se praebet.

Si simul placebis] Mecum ire ad Pompeium.

Sin idem placebit, atque eodem] Sin et tibi placebit idem, quod mihi, et vt eodem profisciscamur; nec tamen rationes tuae ferent, vt statim nauigare mecum in Graeciam possis.

Omnia] Quae statuero et de discessu, et de tempore.

Anicissimum iudicabo] Non potuit modestius petere, et plane leuaret id, quod dixerat: non enim dimittam pudorem in rogando meum.

EPISTOLAE XX.

ARGVMENTVM.

Purgat se Rufus, querenti per litteras, quod rationes prouinciae ad aerarium, eo non expectato, Cicero deferre properasset; cum ipse vel addita, vel immutata quaedam in iis cuperet. Haec argumenti summa est: partes autem singulas, ob ignorationem historiae, fortasse non satis apertae. nos in tollenda obscuritate pro viribus euitemur. Annus epistolae videtur esse, Marcello et Lentulo cons. exorto iam civili bello: quod is maxime locus indicat: pro ea spe facultatum, quam tum habebantus. tempus autem anni post hiemem, id est, aliquanto post relatas rationes, vt infra demonstrabitur. nam rationes, quas Rufus, cum ipso ad urbem non colatas, referri ad aerarium uoluerat, vnde argumentum epistolae manauit, quis dubitet, continuo post rediitum Ciceronis relatas esse? quod ipse iustis de causis a se factum dicit.

EXPLANATIO.

Si ad me misisses] Si mihi significasses, eo te venisse, quo antea constitueras. *Mittere ad aliquem,* interdum est, non solum misso nuncio, sed iustis etiam litteris aliquid significare: vt ad Tironem lib. 16. epist. 9. *Curio misi,* vt medico honos haberetur, et tibi daret, quod opus esset. quae de re scripserat iam ad eundem epist. 4. his verbis: *Scripsi ad Curium, quod dixisses,* daret. *Medico ipsi puto aliquid*

dandum esse, quo sit studiosior. Significatio autem per nuncium, non per litteras facta, illa est lib. 11. epist. 8. *Eo tempore Polla tua misit, ut ad te, si quid vellem, darem litterarum, cum, quod scriberem, non habebam.*

At. Tullius, scriba meus] Ciceronis libertus, tortasse Laurea cognomento, cuius egregios versus, in Ciceronis Academiam scriptos, recitat Plinius lib. 31. c. 2. quod

si quis dixerit hunc esse M. Tullium Tironem, qui et ipse, libertate donatus, patroni prænomen et nomen assumpsit: negabo: quia Tiro liberatus est posteaquam e provincia ad urbem Cicero rediit: at ille scriba, qui rationes in provincia tractauit, libertus omnino fuit. Scribas enim seruos non fuisse, ex eo constat, (vt alia, quae multa occurrunt, argumenta praeteream) quod Romanis omnes nominibus appellatos videmus.

In rationibus dumtaxat referendis] Quas M. Tullius scriba ad aerarium retulerat, ex more. nam in orat. in Pison. c. 25. *rationes, inquit, ita sunt perscriptae scite et litterate, vt scriba, ad aerarium qui eas retulit, etc.* Interea Cicero proconsul, quia cum imperio erat, spe triumphandi extra urbem manebat, nec introiit, nisi post Pharsalicam pugnam, abiecta demum triumphi spe.

Ius vetus, et mos antiquus] Cum, lege Iulia nondum lata, rationes in provincia non relinquebantur. tunc enim eas ad urbem retores provinciarum cum suis quaestoribus conferebant.

Pro coniunctione nostrae necessitudinis] De qua vide lib. 2. epist. ult. et lib. 13. epist. 26. et in Diuinat. c. 19. et pro Plancio c. 11.

Lege Iulia] A C. Iulio Caesare in primo consulatu lata. vide lib. 2. epist. 17.

Relinquere rationes in provincia] Apud duas ciuitates, vt infra.

A meo seruo scriba] Dixi iam, scribarum ordinem e ciuibus Romanis fuisse: quare *seruus* hic appellatur, non quia seruiret, (iam enim liberi hominis praenomine et

nomine, *M. Tullius* dictus est) verum memoria praeteriti temporis, quo apud Ciceronem in seruitute fuerat. et fortasse ita locutus Cicero, vt ipsa referret Rufi verba, exprobrantis, quod rationes ita Cicero ad aerarium retulisset, vt a seruo suo scriba eas accepisset.

Maiorem tibi habere non potui] Quia totum scribarum meum tibi tradidi.

Quam paene ipse mihi] Quia permisi, vt rationes tecum, absente me, conficerentur; nec ad eas postea quidquam, praeter lectionem, adhibui.

Et honestum et utile] Notanda copia: supra enim dixit: *nihil enim fecisse scientem, quod esset contra aut rem, aut existimationem tuam.*

Cui potius id negotii darem, quam darem (quam *darem* deleuit ERN.)] Sic omnes, quos ego viderim, scripti libri, tribus exceptis, duobus M. Antonii Maffei, tertio, quem vir doctissimus, idemque omnium humanissimus, Io. Vincentius Pinellus, emptum ex Leonici Thomaei bibliotheca, mihi dono dedit. in iis non est. *quam darem*, sed, *quam tibi*. quod mihi tamen (vt, quod sentio, dicam) subabsurdum, atque etiam falsum videtur. non enim id ei Cicero negotiū dedit, sed scribae suo: cui deinde Rufus fratrem suum adiunxit. quare crediderim illud, *quam darem*, siue, *quam tibi*, abundare, additum ab imperito, qui putaret id per se consistere non posse, *cui potius id negotii darem*. quod ita consistit, si subaudiatur, *quam Tullio, scribae meo*. adiuvat opinionem nostram Maffei liber, in quo tantum illud est, *cui potius id ne-*

gotii darem: in margine autem, *quam tibi*.

Quae nobis maximae ERN. *maxime videbantur*] Ob vtriusque dignitatem. Strabo lib. 16. ait eas ob concordiam sorores vocatas, et vtramque conditam a Seleuco Nicator, Apameamque de vxoris eius nomine, Laodiceam ex matre nuncupatam. idem lib. 12. vocat eas Phrygiarum vrbium maximas.

Consolidatas ERN. *Consolatas*] Sic antiquus liber Fului, et duo Maffei, et Mediceus: alius, *consulatas*: tres, *consolatas*: vnus Maffei, *consolidatas*. quod mihi non placet. primum offendor insolentia verbi: deinde. quanam ista consolidatio esse potuit? *consignatas*, malim, aut, *conlatas*. nam eas cum quaestore conferri in provincia oportere, et conlatas iam esse, dixit. fero tamen, *consolatas*, non solum quia sic est in tribus antiquis libris: verum etiam, quia pro, *absolutas*, accipi potest: vt a, *confectas*, ita distinet, quemadmodum differt, *absolueret*, a *perficere*. vnde lib. 2. de Nat. deor. c. 13. *in omni natura neesse est absolui aliquid aut perfici*.

De Volusio quod scribis] Volusius, multa nomine, magnam pecuniae viui publice debebat. eam pecuniam Valerius periculo suo exigendam a Volusio susceperat, praedesque dederat: quos puto Ciceronis legatum et praefectum fuisse: id enim sequentibus verbis indicatur. videtur autem Cicero, cum rationes conficeret, Volusium liberare voluisse, et a praedibus multam amouere, vt eorum fortunis consulere. quod eius consilium et factum infra demonstratur. contra Rufus Valerium quidem, et praedes

liberare, sed nomen illud a Valerio ad Volusium transferre cupisset. quod Cicero, ex amicorum, praecipueque Canilli hominis peritissimi sententia, fieri non potuisse demonstrat: aut enim Valerii mancipis praedes teneri, qui se pecuniam illam, a Volusio debitam, curaturos iam promiserant: aut, si praedes liberandi essent, Volusium quoque simul oportere liberari, quod vtrumque vt fieret, rationem a se initam esse, infra Cicero dicit.

Non est id rationum] In rationibus id fieri non poterat: huic rei, quam te voluisse video, locus in rationibus non fuit.

C. Camillus] Is, opinor, quem, vt sibi amicissimum, nominat lib. 9. epist. 20. et lib. 14. epist. 14. et lib. 5. ad Attic. epist. 8. et lib. 11. ad eundem epist. 16. et 23.

Praedes] Varro lib. 5. de L. L. dissimiles ait esse *praedem*, *vadem*, *sponsorem*: et *praedem* esse, qui, a magistratu interrogatus, in publicum vt praestet; a quo, et cum respondet, dicitur *praes*. sic et Festus, *praes*, inquit, *est is, qui populo se obligat, interrogatusque a magistratu, si praes sit, respondet, praes*.

H. S. XXX.] Scutati nongenti. *XIX.*] Scutati quingenti septuaginta.

Curata] Pro Volusio debitore.

Mancipis] *Manceps* dicitur, qui aliquid conducit, aut suo periculo faciendum exigendumue redimit; quod in Volusiana pecunia Valerius, datis praedibus, fecerat.

Ex qua reliquum quod erat] Praeter id, quod curatum esse dixit Valerii mancipis nomine; quod in rationes relatum non esse, inita de Volu-

Volusio praedibusque liberandis ratione, infra significat; reliquum nescio quid vel Volusius ipse, vel pro Volusio Valerius soluerat: quod in rationibus perscriptum, Cicero ad aerarium retulit.

In rationibus retuli] *Referre in rationes et in rationibus*, diuersa sententia dicitur: *in rationes*, cum nomen aliquod in consiciendis rationibus inter cetera nomina perscribitur: *in rationibus*, cum aliquid vna cum reliquis rationibus ad aerarium refertur.

Quod minime tamen laboro] Hoc dixit, ne prudentiae laudem appetere videatur: quod vanitatis est. congruit cum hoc loco praclarum illud in epistola ad Catonem lib. 15. 4. *Si quisquam fuit unquam remotus et uatura, et magis etiam, ut mihi quidem sentire videor, ratione atque doctrina, ab inani laude, et sermonibus vulgi, ego profecto is sum. Testis est consulatus meus: in quo, sicut in reliqua vita, fateor, ea me studiose secutum, ex quibus vera gloria nasci posset: ipsam quidem gloriam per se nunquam putavi expetendam.* In epistola tamen ad Dola bellam, lib. 9. 14. *Sum, inquit, audior etiam, quam satis est, gloriae.* Et pro Archia c. 11. *Iam me vobis, iudices, indicabo, et de meo quodam amore gloriae, nimis acri fortasse, verumtamen honesto, vobis confitebor.*

Legatum meum, praefectumque Q. Leptam ERN.] Alii legunt, *praefectumque Q. Leptam*. nos olim sustulimus, *Q. Leptam*, auctoritate quidem veteris libri, sed multo etiam magis ratione adducti. cur enim Cicero praefecti sui nomen

ponat, legati praetermittat? quasi vero ad alienum et ignotum hominem scriberet, non ad quaestorem suum, qui et legatos, et praefectum fabrum, et vniuersam proconsulis Ciceronis cohortem optime nouerat. praeterea res hic agitur Ruffo notissima, de qua etiam ipse ad Ciceronem scripserat: vt ei praedum Valerianorum nomina significari, nequaquam necesse fuerit. Vnde igitur praefecti nomen huc irrepfit? Notum est hominibus emendandi peritis, quanta sit facta labe in optimis libris eorum inscitia, qui, cum libros describerent, verba interpretantia, a studiosis adiecta, non agnoscentes, omnia permiscebant. eodem errore, vt opinor, inter verba Ciceronis receptum est, *Q. Leptam*: cum nescio quis, cum in Cilicia praefectum fabrum cum Cicerone fuisse, ex lib. 3. epist. 7. didicisset. adscribere legati nomen non potuit: quia coniecere facillimum non erat, quis ex quattuor eum praefecto praes Valerii fuisset. quattuor autem fuisse Ciceronis legatos, *Q. fratrem, C. Pontinium, M. Anncium, L. Tullium*, ex lib. 15. epist. 4. et aliis cognoscitur. Accedit auctoritas veterum duorum librorum, vnius Vincentii Riccii, quo sum vsus adolescens, vt eo tempore in Scholiis meis testatus sum; alterius, quo nunc vtor, M. Antonii Maffei, a quo abest praefecti nomen. tertius est apud me liber, cuius in margine scriptum video, *Q. Leptam*: cum a continuatione verborum Ciceronis abist.

Maxima calamitate leuatos] Ex his verbis coniecicio, inter praedes Valerianos legatum et praefectum fuisse, nam et infra dicit: *vt multa tam grauis Valerianis*
Z 3 prae-

praedibus depelleretur, a me inita ratio est.

Non deherent esse obligati] Causam non addit: sed hoc puto ad acquitatem potius, quam ad ius referri. praedes enim qui sunt, omnino tenentur, nisi satisfacit is, pro quo praedes facti sunt. verum acquitatis videtur esse, consulere fortunis eorum, qui humanitate ad ducti pro aliquo se obligarunt, coque magis, si ciues. et amici sint. id vt fieret, ita rationem Cicero inuit, ne quid tamen populus amitteret. quod infra quasi gloriatur.

Tanto officio men] Cum populi Romani res ageretur, quam curare debet proconsul.

Tanto etiam periculo] Si quid enim scriba erraret in rationibus, aut improbe committeret, non in eum, sed in proconsulem, cui uandata populi res est, culpa conferretur.

Cum id mihi ne recitauisset quidem] Cum id, non modo me non iubente, sed etiam insciente, in rationes retulisset. *Recitasset*, dixit, quia scriba prius ea scribebat, quam in tabulas referret; nec referebat, nisi cum proconsule communicasset.

Prudentiae, cum rem a me non insipienter excogitatum ne cogitatum ERN. quidem putas] Sic plane in omnibus meis veteribus libris; duobus exceptis, in quibus est, *non insipienter quidem excogitatum*: et vno, a quo abest *non*. verum ne sic quidem locus mendo vacat, non magna mutatio fiet, si legatur: *ne insipienter quidem excogitatum*. nam, quod nonnulli legunt, *non insipienter excogitatum, ne cogitatum quidem putas*: id ego, quod ad sententiam attinet, non

improbo: sed, quia plus additur, quam emendandi moderata ratio postulet, malui notam apponere indicem errati, quam ex fallaci et lubrica coniectura, immodico praefertim additamento, librum immutare.

Multatam grauis] Reorum damnatorum alibi est *multa*, hic et praedum et mancipis Valerii, vt quidam arbitrantur, vt mihi videtur, praedum tantum. quod enim a mancipe soluitur, qui de publico aliquid redemit, id ego *multam* dici posse vix crediderim. quippe cum sit ea non inopinata solutio: praestat enim, quod et promissit, cum redimeret, et omnino se praestitutum putauit. at praes promissit ille quidem pro alio: fore tamen, vt ipse dependat, neque putat, et, si acciderit, molestie fert. quare nomen *multae* in praedes recte conuenit, qui solunt inuiti, magistratu cogente, sicuti qui a iudicibus damnantur: in ipsum Valerium non cadit, qui cum soluit, praeter opinionem nihil facit. Hoc ideo dixi, ne quis miretur dissentire me ab iis, qui proxime pro, *T. Mario*, legunt, *T. Valerio*: vt de multa Valerio quoque mancipi depellenda dicatur. ego enim vnum ex praedibus arbitror fuisse *T. Marium*; et Ciceronem hoc dicere, inuita a se rationem, non modo vt legatus eius et praefectus, quibus praecipue cauere deberet, verum etiam vt ipse *T. Marius*, qui de sua cohorte non esset, maxima calamitate leuaretur.

Non solum probant, sed etiam laudant] Multa probamus sine laude, vt ea, quae recte communiter sunt: laudamus autem nihil, quod idem

idem non probemus, et in quo praecipua quaedam virtutis et ingenii significatio non eluceat.

Cum populis suum seruaret] Ita fortunis consulere tot vel amicorum vel ciuium, vt populo tamen nihil adimeret. Apparet ingenium Ciceronis, qui rationem iniuerit, qua cum satisfaceret humanitati, depellenda amicis et ciuibus tam graui multa, honori tamen suo, re populo conseruata, non deesset. *populi autem esse dicebatur*, et erat, quod in aerarium, ex quacumque re collectum, inferebatur. vnde, *cauere populo*, valet, cauere ne quid aerarium detrimenti patiatur. Liuius lib. 7. c. 21. *Tarda nomina, et impeditiora inertia debitorum, quam facultatibus, aerarium, mensis cum aere in foro positis, dissoluit, vt populo prius caueretur.*

Tot vel amicorum, vel ciuium] Communi quodam iure cum ciuibus, proprio cum amicis coniungimur. itaque priore loco amici, deinde ciues nominantur. amici autem ac necessarii Ciceronis, legatis et praefectis, qui tamen iidem ciues erant: ciues vero tantum, non etiam amici, T. Marius, Valerius, Volusius.

Nam de Luceio ERN. eo logco] Particula, *nam*, saepe lectorem commodè traducit ad diuersam sententiam. vt hic, et infra, *nam de H-S nongentis millibus*. et lib. 1. epist. 9. *Nam de Appio quod scribis, sicuti de Caesare, te non reprehenderes: gaudeo consilium tibi probari meum.* et lib. 7. epist. 1. *Nam quid ego te athletas putem desiderare?* et lib. 3. ad Attic. epist. 10. *Nam quod me tam saepe, et tam veementèr obiurgas.* et eo-

dem libro epist. 15. *Nam quod purgas eos, etc.* Logem fuisse fanum arbitror, in quo pecuniae deponerentur: vbi pecunia quoque illa, in prouincia Ciceronis exacta, a Rufo quaestore iussu Ciceronis deposita est auctore Pompeio. Infra res eadem attingitur.

Auctore] Hortante, et suadente. quod videtur ideo Pompeius fecisse, vt ea pecunia ipse postea vti posset, quemadmodum vsus est. *Auctore*, liber Medicus, mendose: *auctore*, mei omnes.

Agnoui] Non negaui: confessus sum, id quod res erat, meo iussu esse depositam. *Agnosce* dicimur, quod verum fateamur esse. lib. 4. epist. 4. *Illam partem excusationis, qua te scribis orationis paupertate, iisdem verbis epistolae saepius mittere, nec agnosco nec probo.*

Vt ea ERN. Taa] Quae ad Rufum ex administratione prouinciae, saluis legibus, peruenierat. nam illa, qua Pompeius est vsus, populi fuit.

Quam tu] Nullus omnino liber antiquus, quem ego viderim, habet, *quam tu*: sed alii, *quam tum*: alii, *quam tamen*: alii, *tamen quam*: et post, *deposuerat*, omnes habent, non, vt in impressis, *deposueras*. quocirca valde suspicor se mendo. non enim placet, *tua, quam tu deposueras*. quid? non illam quoque deposuerat, quam abstulit Pompeius?

Sextius] Nominatur inter Pompeianos, qui cum imperio fuere initio ciuilibus belli, lib. 8. ad Attic. epist. 15. nec dubito, quin eam pecuniam Pompeio mandante acceperit, vt ea deinde in bello ex ipsius voluntate, id est, contra Caesarem vteretur.

Sol haec ERN. hoc ad te nihil intelligi pertinere] De populi pecunia loquitur, a Pompeio sumpta, non de illa, quae Rufi fuerat: de qua non diceret, *hoc ad te nihil intelligi pertinere*. Non est, inquit, quod labores de hac pecunia, quam, a te iussu meo depositam, Pompeius accepit. quid enim tua refert? cum esset senatus consultum, quo constat, cui data sit, ex te tunc meaeque litterae, quibus scilicet, cui data sit. Timebat scilicet, ne quando eius pecuniam rationem reddere cogeretur; sed in rationibus non adscribitur, cum suo iussu a Ruto deponit. qua de re questus erat per litteras Rufus.

Monumentis testata, cui data] Hoc explanatur proxime sequentibus verbis. monumenta enim sunt senatus consultum et litterae Ciceronis et Rufi. data vero pecunia P. Sextio significatur: si modo ita legendum est, de quo subiungam, quid sentia u.

P. Sextio] Non hic agitur de pecunia Rufi, qua usus erat Sextius, sed de publica, iussu Ciceronis deposita: quod in rationibus omisimus. questus erat Rufus. itaque legi malim, si modo per veteres libros liceat, *Pompeio*: quem usum ea pecunia esse, paullo ante dictum est. opinor enim pro, *Pompeio*, aliquem scripsisse, P. breuitatis causa, imperite scilicet: cum haec littera praenomen indicet, non gentem. Inde alius, quia praenomen illud per se consistere non posse intelligeret, et Sextium paullo ante nominari animadverteret, addidit, *Sextio*. Corrumpi autem iniucem haec nomina, *Pompeius*, et *Publius*, li-

brariorum culpa, contractam scribendi rationem sequentium, ex epistola quoque nona lib. I. cognouimus. nam in eo loco, cum, ut laudaret P. Sextium, introisset in urbem: veteres libri aliquot habent, ut laudaret Pompeium Sextium: nonnulli, ut laudaret Pomp. Sextius. ex quo patet, rudes antiquitatis librarios accepisse hoc praenomen, P. pro nomine Pompeii.

Non adscripsi] In rationibus: in quibus hoc tantum scriptum erat, pecuniam a Ruto depositam, Rufus autem illud adscribi, quod verum erat, voluisset, depositam a se Ciceronis iussu, ita fore ratus, ut, quocumque casu illa pecunia periisset, aut in quemcumque usum esset erogata, ipse omni periculo et cura liberaretur.

Tua uihil refereret] Quia certissimis et grauissimis monumentis testata iam ista pecunia erat, cui data esset, quo senatus consulto, quibus tuis, quibus meis litteris.

Referendum] Hinc apparet, provinciae rationes et a praefectis et a quaestore separatim referri solitas esse. quod opinor lege Iulia, quae iam nominata est, sancitum esse.

Idem ipse sentio] Ut addas in illius pecuniae mentione, quod ego non addidi, depositam a te esse meo iussu.

Discrepabunt] Hic aliquis obiiciat: immo discrepabunt; cum idem non erit in utriusque rationibus. Futilis obiectio. non enim in eo discrepant rationes, cum aliquid in alteris omittitur; sed cum aduersantur ea, vel dissentiant, quae in utrisque scripta sunt. et, ut silentio nec affirmatur quidquam, nec

nec negatur: ita, quod scriptum non est, ab eo quod scriptum, discrepare non videtur.

Quod ego quidem non addidi] Mediceus liber, *quod ego qui non addidi;* mendose: quid mirum? liber mendo nullus vacat: sed ex multis deprauatis vnus vt corrigatur, opera dari solet emendatiores hic libri quattuor, Sigicelli vnus, alter Fuluii Vrsini, duo Maffei: habent enim, *quod ego quidem non addidi.*

Nec causa est, cur negem] Iussu meo illam pecuniam a te depositam. causam, cur neget, non esse dicit, vt ostendat abesse periculum, de quo Rufus metuere videbatur, ne quando eius pecuniae, qua Pompeius vsus erat, ratio exigeretur, cum instare videretur mutatio temporum, commoto ciuili bello.

Et tu nolle] Negari a me. obsequeretur voluntati tuae, vel, si quid esset causae, cur negarem; id est, etiam si molestiam aliquam ex ea pecunia timerem.

H-Suongentis millibus] Scutorum nostratum XXVII. millibus.

Sive frater tuus] M. Mindius, qui rationes cum scriba confecerat.

De logeo] De fano. supra.

Parum gratiosum est] Sic libri veteres quinque: alii, *gausum est.* vtrumque mendosum. nam, *gratiosum*, de inanimatis rebus non dicitur: sed *gratiosi* homines appellantur. Nec, *gausum est*, politus litteris quisquam probauerit. Mediceus liber, *grauisum*. Corrado placuit, *gratum visum*: nobis olim, *pronusum*: quod nec a *grauisum* longe distat, nec sententia caret, nam in eo dicit parum esse pronissum, quia, cum pecunia illa depo-

neretur, additum non erat, deponi iussu Ciceronis proconsulis. de quo supra.

Referendis] Quo modo, *referendis*, cum et supra relatas iam esse dixerit, et infra idem significet? Accipio, *referendis*, pro, in relatione rationum, dum rationes referuntur: vt praesenti tempore vtatur Cicero ob eam causam, quia corrigere aliquid etiamnum in relatis iam rationibus licebat: propterea subiunxit, *quid per leges liceat*. quae verba demonstrant, non esse ademptam corrigendi facultatem, sed corrigi non omnia licere: itaque Rufo videndum, quid a Cicerone petat: nihil enim contra leges impetraturum.

Cum senatus consulto non sum vsus] Videtur Cicero temporis aliquanto plus decreto senatus habuisse ad rationes referendas, quam legibus: quo tamen tempore vti noluit, sed rationes confestim retulit, iustis de causis, vt supra dixit, metu scilicet exorientis belli ciuilis.

Quid per leges liceat, considerandum est] Modeste significat, velle quidem se aliquid corrigere in rationibus ex Rufi voluntate, sed ita, ne quid amicitiae causa contra leges committat.

Te certe in pecunia exacta ita referre ERN. efferre, ex meis rationibus relatis non oportuit] Libri aliquot scripti, etiam Mediceus, *pecuniae exactae*: nonnulli, *ista efferre*. Placet idem, quod olim, *pecunia exacta*, non eadem tamen sententia, quae olim placuit. non enim illud, *te efferre*, significare nunc arbitror iracundiam Rufi, quae sit elatus, quod Cicero pecuniae ab illo exactae mentionem nullam in

rationibus referendis fecisset; verum ad erogatam a Ruso pecuniam refero, cum sciret, cam scriptam esse in rationibus iam relatis. Vt in exacta, inquit, pecunia ita efferres, ita erogares, ex meis rationibus relatis non oportuit: id est, per meas rationes tibi non licebat. Hanc nostram opinionem adiungere videntur et superiora verba: *de eo mihi, quid per leges liceat, considerandum est*; et quae sequuntur proxima: *nisi quid me sollit: sunt enim alii peritiores*. Exactae pecuniae plus consumpserat Rufus, quam scriptae rationes, praesertim iam a Cicerone relatae, paterentur: id cum in rationibus Ciceronis, vt cum suis consentirent, corrigi vellet; de eo quid sibi per leges liceat, considerandum Cicero respondet: mox indicat non licere, subiungens *non oportuit*. atque in hac opinione possum, inquit, falli: sunt enim alii peritiores. Vt Rufum quodam modo consoletur.

Aut etiam velle] Etiam si tua non interfit.

Si villo modo facere possim] Id est, si per leges liceat.

De beneficiis] Proconsules, praetores, atque etiam, vt hic locus indicat, quaestores, cum ad urbem a prouinciis reuertissent, eorum nomina post relatas rationes ad aerarium deferrebant, quorum strenua fidelique opera vti essent. hi autem erant ex iis, quos secum in prouinciam duxerant. qui *deferri in beneficiis* dicebantur; quod eorum virtus ac fides reipublicae profuisset. in quo erat eorum, qui deferebant, ambitio quaedam, ostendendis non modo suis, verum aliorum quoque beneficiis in rempu-

blicam. Detulerat igitur Cicero, non expectato quaestore, suos contubernales, praefectos, tribunos militares: quosdam autem non detulerat, vt centuriones et tribunorum militarium contubernales: de quibus ait rem esse in integro, si Rufus eos deferre velit. Morem hunc ostendit oratio pro Archia c. 5. *In beneficiis ad aerarium delatus est a L. Lucullo praetore, et consule*.

Tribunos militares] Duodecim. seni enim creabantur in singulis legionibus, vt Polybius docet. legiones autem duas, qui consularis erat exercitus, in prouincia Cicero habuit: quod ipse ad Atticum scribit lib. 5. epist. 16. et Plutarchus idem narrat in eius vita. Tribunos militares primo tres fuisse, qui singulis tribubus, a Romulo institutis, praecessent, deinde sex, interiecto tempore sexdecim, postremo 24. vt seni essent in singulis legionibus, Liuius, Polybius, alii declarant. Creati primum ab iis, qui exercitibus praecessent, mox populi suffragio: vt interdum tamen, in apparatu maximi belli, consulum praetorumque arbitrio deligerentur. postremo, teste Pediano, partem eorum imperatores fecere, qui *Rufuli* vocabantur, partem populus, qui *Comitiati*. Idem ex Festo, licet mutilato, colligi tamen videtur posse: qui etiam Rufulorum nominis, omissam a Pediano et aliis, causam ponit, quod Rutilius Rufus de eorum iure legem tulisset.

Praefectos] Equitum. vide lib. 2. epist. 17. ne repetantur eadem.

Contubernales] Nobiles adulescentes cum consulibus, et proconsulibus, et praetoribus etiam, vt rerum

rerum usu mature instruerentur, in provincias exibant. Pro Coelio c. 30. *In Africam profectus est Q. Pompeio proconsuli contubernalis.* Pro Plancio c. 11. *Adolescens cum A. Torquato profectus in Africam; sic ab illo dilectus est, ut et contubernii necessitudo, et adolescentuli modestissimi pudor postulabat.* In Bruto c. 27. *Familia- ris noster, L. Gellius, qui se illi contubernalem in consulatu fuisse narrabat.* Suetonius de Caesare c. 2. *Stipendia prima in Asia fecit, M. Thermi praetoris contubernio.* In vrbe etiam contubernales erant consulum: Cicero in consulatu, quem peregit in vrbe, contubernales habuit. unde illud in ea pro Sulla c. 12. *Lucius ille Torquatus, cum esset meus contubernalis in consulatu.*

Ratio me fefellit] Ratio hic pro opinione, quam ratiocinatio peperit, accipitur.

Triginta diebus deferri necesse esse, quibus rationes retulissim] Non vulgaris loquendi modus. est enim, *triginta diebus, quibus rationes retulissim*: pro, triginta diebus, postquam rationes retulissim. tempus deferendi trigesimo die a relatis rationibus desinebatur. Constat ex hoc loco, relatas prius ad aerarium rationes, quam deferrentur illi, qui bene de republica meriti essent.

Necesse esse] Lege Iulia iubente: quae significatur etiam paullo post.

Res est in integro] Licet tibi eos deferre.

Genus enim horum beneficiorum] Deferendis centurionibus et tribunorum militarium contubernalibus certam diem lex non desinebat:

tribunis autem militaribus, praefectis, et contubernalibus, de quibus facta paullo ante mentio est, spatium triginta dierum.

H-S centum millibus] Scutatorum tribus millibus.

Memini] Ergo ab eo tempore dies intercesserant multi. quo licet intelligere, non statim Ciceronem, postquam ad urbem rediit, hanc epistolam scripsisse.

Myrina] Libri duo, Sigicelli, et Fulvii, habent, *Smyrna*. reliqui, *Myrina*. utraque nota urbs, *Smyrna* in Ionia, *Myrina* in Aeolia. quis potest diuinare, ex vtra scripserit Rufus eas litteras? *Smyrna* quidem nauiganti in Italiam Mescinio propinquior et commodior.

Non mei errati, sed tui] Erratum in rationibus, antea scripserat Rufus: quod uisi corrigeretur, H-S centum millia sibi esse de suo persolueunda. rescripsit Cicero, corrigi non posse, quia rationum exemplum in provincia deposuerat; a quibus discrepare non oportet eas, quas ad aerarium relaturus esset: sed tamen ei pro suis facultatibus benigne commodaturum. aliquanto autem post scripsit Rufus eas litteras, quibus Cicero nunc respondet.

Fratris tui, et Tullii] Qui rationes, absente Cicerone, confecerant. supra.

Decefferamus ERN. Deceffimus] Sic omnes, quos uiderim, yeteres libri. a quibus olim discendum putabam, et legendum, vnus litterae mutatione, *deceffimus*. nunc me ipse reuoco, et ita statuo, syncopen esse non posse in his verbis, quorum in praeteritis ultima syllaba est, *si*: ut *cedo, cessi, cessissim*, non *cessim*. eodemque modo in compositis,

litis, decedo, recedo, incedo, discedo, concedo.

Credo] Ita loquitur vt de re non recenti, quae potuit, spatio interiecto, effluere ex memoria.

Pro animi mei voluntate] Vt eram animatus, pro animi mei sensu. Eodem modo animus velle dicitur: vt Varro lib. 5. de L. L. *Animus ita est, vt puncto temporis peruolet, quo vult.* Et in orat. post red. ad Quir. c. 2. *In studiis vestris tanta animorum declarata est voluntas.* Et Lucretius lib. 2. v. 270.

Ex animique voluntate id procedere primum.

Idem lib. 4. v. 884.

Ergo animus cum sese ita commouet, vt velit ire.

Iudicium animi, lib. 2. de Orat. c. 42. et lib. 3. c. 16. et 18.

Facultatum] Hoc nomen late patet: itaque dixit Cicero lib. 1. de Inuent. c. 27. *Facultates sunt, aut quibus facilius fit, aut sine quibus aliquid confici non potest.* Et pro Rabirio perd. reo c. 5. *Quae, si in illo minima fuissent, tamen prae tuis facultatibus maxima putarentur.* et in Partitionibus c. 35. vires, animus, copiae, opes, tempus, locus, facultatum nomine comprehenduntur. *Facultatum,* ait, infirmatione utetur, si aut vires, aut animus, aut copias, aut opes absuisse demonstrabit: aut alienum tempus, aut locum non idoneum. Sumuntur et pro occasionibus commodorum, vt lib. 1. ad Attic. epist. 17. *Exponis, quas facultates aut prouincialium, aut urbanorum commodorum, et aliis temporibus, et me ipso consule, praetermiseris.* Transferuntur ad si-

gnificationem rei familiaris, vt lib. 11. ad Attic. epist. 13. *Velim conside es, vt sit, unde nobis suppeditentur sumptus necessarii. si quas habuimus facultates, eas Pompeio detulimus.* Et lib. 2. in Ver. c. 34. *Sthenius ab adolescentia paullo studiøsius haec comparabat, supellectilium ex aere elegantiores, et Deliacam, et Corinthiam, tabulas pictas, etiam agentibus bene factis, prout Thermitani hominis facultates ferebant, satis.*

Quam tum habebamus] Distat igitur hoc tempus ab eo non parum, quo rediit ex prouincia: cum et hic, *tum*, et proxime dixerit, *memini*, et, *credo*. nec vero dubie significat, ad arma rem esse deductam, amissa spe facultatum, quam ante habuerat.

Obligatum] Deberi sibi a Cicerone inuicem pecuniam ex litteris ab eo antea humanissime scriptis, Rufius ostenderat.

Molestae] Quia pecuniam a debitoribus poscunt, quae propter belli difficultatem expedita non est. propterea dixit Caesar lib. 3. de bell. ciu. c. 1. *Cum fides tota Italia esset angustior, neque creditae pecuniae soluerentur; constituit, vt arbitri darentur. Per eos fierent aestimationes possessionum, et rerum, quanti quaeque earum ante bellum fuissent, atque eae creditoribus transderentur.*

Pervenisset] Ex administratione Ciliciensi. de qua pecunia sic lib. 2. epist. 17. *Omnis pecunia ita tractatur, vt praeda, a praefectis; quae autem mihi attributa est, a quaestore curatur.*

Ephefi] Vrbs Ioniae nobilis fuit, extra Ciceronis prouinciam, cui prae-

praefuit, Cicerone proconsole, Q. Thernius, ut patet lib. 5. ad Attic. epist. 13. et 14.

Apud publicanos] Ciceronis amantissimos, eique carissimos: erant enim equestris ordinis: quem ordinem consul cum senatu in gratiam reducerat. vide illud lib. 1. epist. 8. *ordinem coniunctissimum* et lib. 1. ad Attic. epist. 17. et 18.

H-S XXII millia ERN. H-S XXII.] Parua summa, scutati DCLX. itaque legendum opinor, *bis et vicies*, ut est lib. 11. ad Attic. epist. 1. *In cistophoro in Asia habeo ad H-S bis et vicies* loquitur de hac Ephesi deposita pecunia. nam Ephesus in Ionia: quae regio est Asiae sunt autem bis et vicies, scutatorum LXVI. millia.

Omne] Partem potius, quam omnem: nam Cicero partem exegit, et apud Egnatium trapezitam deposuit, ubi tutius fore videbatur. hoc duze ad Atticum scriptae epistolae, secunda et tertia lib. 11. declarant. in prima scripserat haec Cicero: *In cistophoro in Asia habeo ad H-S bis et vicies*. In secunda, *ex ea*, inquit, *pecunia, quae fuit in Asia, partem dimidi in fere exegi. tutius videbatur fore ibi, ubi est, quam apud publicanos*. In tertia sic: *Pecunia apud Egnatium est. sit a me, ut est*. Deinde subiunxit eodem in loco: *Et si ego rebus omnibus; quod is quoque in angustiis est, quicum sumus; cui magnam dedimus pecuniam mutuum, opinantes nobis. consentitis rebus, eam rem etiam bonori fore*. et ad eundem epist. 13. eiusdem libri: *Si quas habuimus facultates, eas Pompeio tum, cum id videbamur sapienter facere, detulimus*.

Quare fictam excusationem attulit Cicero tempori seruiens, tum ut de H-S centum millibus Rufum consolaretur exemplo iacturae suae: tum etiam, ut ei, mutuum pecuniam, tamquam ex promisso debitam, poscenti, iustius negare videretur.

De H-S centum ERN. De H-S centum millibus] Quae Rufus a Cicero rationibus: sed erratum scripserat, idque corrigendum. rescripsit Cicero corrigi non posse; verum se de suo, quantum posset, ei commodaturum.

C. bariis] Publice datis.

De mea liberalitate] Cum aliqua exprobratione dictum.

Mibi expensa tulisses] Mihi commodasset.

Aestimacionem accipere] Possessionem aestimacionem accipere pro pecunia mihi commodata. Hic locus videtur indicare, scriptam hanc epistolam Caesare iterum et Serulio iterum coss. post latam a Caesare legem de aestimandis possessionibus, quanti quaeque ante civile bellum fuissent; ut debitoribus consuleretur; quorum erat iniqua conditio, iacentibus praediorum pretiis: quod fere solet in bellis euenire. dicebantur autem possessiones illae, *aestimaciones*, ut lib. 9. epist. 16. et 18. Rufus, cum Caesar consulatum secundum, in quo legem illam tulit, inierit post illud tempus, quo Cicero ad Pompeium in Graeciam transiit; (nam, Caesare in Hispaniis contra Pompeii legatos bellum gerente, Cicero transiit; ut ex lib. 10. ad Attic. epist. ult. intelligitur) Cicero autem hanc ad Rufum epistolam in Italia

Italia scripserit; quod indicant prima epistolae verba, et multo etiam magis illa, quae in extremo fere sunt; Cum Tullius rure redierit, mittam enim ad te: ratio persuadet, hanc epistolam et ante secundum esse scriptam Caesaris consulatum, et ante profectionem Ciceronis in Graeciam. Aestimacionem igitur accipio pro possessione aestimata, non ex lege Caesaris, quae lata nondum erat, sed ut aestimabantur res, quas inopes a pe-

cunia debitores creditoribus dabant. Sic et Lilius loco iam citato, lib. 7. c. 21. Tarda nomina, et impeditiora inertia debitorum quam facultatibus; aut aevarium, mensis cum aere in foro positis, dissolvit, ut populo prius cauereetur; aut aestimatio aequis rerum pretiis liberauit.

Scindi] Varie dixit, hic quidem scindi; alibi conscindi, ut lib. 7. epist. 18. et, *concepiso*, lib. 10. ad Attic. epist. 12.

EPISTOLAE XXI. ARGUMENTVM.

Mescinio, sui videndi cupido, mutua se teneri cupiditate significat. subiungit haec: frequentari domum suam a Caesaris familiaribus; eorum tamen sermonibus ita se non delectari, ut solitudinem, si ea uti possit, praeponat: itaque litteras colere, et ab iis, et ab optimorum consiliorum conscientia consolationem eam petere, quam Mescinio quoque petendam censet: Africani belli exitum appropinquari: extra pars vincat, crudelem fore victoriam: eversam funditus esse publicam fortunam: nihil tamen iis, qui culpa careant, horribile esse, aut pertimescendum. De congressu, neque spem affert, neque adimit. valetudini ut seruiat, animoque tranquillo sit, hortatur. Index beneuolentiae, ac negotialis omnino epistola, licet maior eius pars officii potius, quam negotii, sit. dixi enim a principio, spectandam esse causam, cur scribatur epistola, et ab ea siue negotialem epistolam, siue moralem vocandam. nam quae adduntur praeterea, declarandi amoris gratia, licet ad officium pertineant, quia tamen argumenti propria non sunt, nomen epistolae non tribuunt. Scripta est Caesare tertium et M. Lepido cons. cum Caesar in Africa, aduersus Pompeii socerum Scipionem, et Iubam regem bellum gereret.

EXPLANATIO.

Ita mihi omnia ERN. Ita mihi communia omnia, quae opto, contingant] Verbum *communis*, video esse in omnibus veteribus libris, praeter vnum, qui fuit olim Hieronymi Ferrarii, nunc est Caroli Borromaei Cardinalis. in eo est, *commoda*, non, *communis*:

quod olim probaui: cum et Plautus in Trin. Act. 5. Sc. 1. v. 2. similiter dixisset:

Ita commoda, quae cupio, eueniunt. —

Nonnulli, *communis*, putarunt abundare. quorum non displicet opinio. ne tamen tot librorum consen-

consensus repudiatur; videndum etiam atque etiam, an probabilis aliqua sententia elici possit, nullo nec deleta verbo, nec mutato. Ita mihi, inquit, ea, quae opto, contingant omnia communia, ut vehementer velim. id est: ita te rerum omnium, quas opto, participem habeam, ut esse tecum vehementer velim. nam ad verbum, *communis*, subaudio, *tecum*: ut sit: ita mihi tecum communia, quae opto, contingant omnia. Occurrit alia sententia, quam non occultare consilium est. Ita mihi res omnes publicae, quales opto, contingant. nam, *communis*, et *communes res*, pro publicis rebus accipi, nemo (ut opinor) dubitat. idque vel hoc vno constat exemplo, quod observauimus lib. 1. epist. 8. *Ex eodem de toto statu rerum communium cognoscere: quae quales sint, non facile est scribere. Communem quoque rem*, dixit lib. 7. epist. 28. *Communium fortunarum*, lib. 5. epist. 12. Hoc totum ad eruditorum hominum iudicium refero. nam ipse nihil affirmo: tantum enitor, ut veterum librorum auctoritatem conseruem.

Vt enim ERN. Etenim, cum esset maior] Aliis placet, ut *enim*, pro *etenim*: quia sic habent plerique veteres libri. soloecismi species apparet. quid refert? inquirunt. quam multa praeterea huiusce generis in Cicerone deprehenduntur. His itaque responderi videtur posse: soloecismum, si modo libri veteres in eo consentiant, ferendum: sin aliter, tollendum. itaque, cum habeam duos veteres libros, vnum M. Antonii Massici, quo etiam olim, commodante eius fratre Bernardino Cardinali, usus sum; alterum Ful-

vii Vrsini, in quibus diserte legitur, *etenim*: libenter aufero soloecismum, et integritatem Cicerone dignam restituo.

Et virorum, et civium bonorum] Differre putantur *bonus vir*, et *bonus civis*. quam distinctionem ostendimus lib. 1. epist. 9. in eo loco: *Eumque, quem bonum virum semper habuisset, bonum civem esse pateretur.*

Incundorum] Bonitas, incunditas, amor, carissae sunt, cur amemus, vnaque esse cupiamus. propterea dixit, *bonorum, incundorum, amantium mei*, quae tria coniungit etiam lib. 9. epist. 24. *Moneo te, quod pertinere ad beate viuendum arbitror, ut cum viris bonis, incundis, amantibus tui viuas.*

Hominum] *Vir et homo* differre, pauci nesciunt. hic tamen, *hominum*, potuit omitti, ut omissum est loco proxime recitato ex epistola ad Pactum, sed additum est ob interpositam civium mentionem. nam, si esset omissum, ad ciues illa referrentur, *incundorum, et amantium mei*. cum sit aptius, *incundorum hominum, et amantium mei*.

Erat nemo, quicum essem libentius, quam tecum; et pauci, quibuscum essem aequae libenter] Satis modesta ratio captandae benivolentiae. non enim omnibus Mescinuum, sed Mescinio neminem anteferat, comparat paucos. ita vitatur illa, quae veritati fidem detrahit, *υπερβολή*.

Alii interierint] Insignes quidem, et consulares, M. Calpurnius Bibulus, L. Domitius Ahenobarbus, L. Cornelius Lentulus, P. Lentulus

tulus; praeterea, G. Curio tribunicius.

Alii absint] Aberant consulares duo, P. Scipio, Pompeii focer, qui bellum in Africa contra Caesarem gerebat; et M. Marcellus, qui post Pharsalicum proelium, cum spe vincendi simul abiecta certandi etiam cupiditate voluntarium Rhodi aut Mitylenis exsulum sibi delegerat. aberat et M. Cato praetorius, qui cum Scipione causam Pompeianam acerrime tuebatur. nec Romae tunc erant M. Brutus, nec Ser. Sulpicius, ille Galliae, hic Graeciae praepositus: vt lib. 6. epist. 6.

Mutati voluntate] Non eodem, quo antea, in Ciceronem animo, temporibus mutati et victoria Caesaris.

Necessario] Est enim Caesaris familiaribus inseruiendum, temporis causa.

Frequentant domum meam] Sic lib. 1. de Offic. c. 39. *Aliter ampla domus dedecori domino saepe fit, si est in ea solitudo; et maxime, si aliquando, alio domino, solita est frequentari.* Et, *frequentare ludos*, lib. 1. de Invent. c. 27. *Alio modo, celebratur domus*, lib. 2. ad Q. Fr. epist. 6.

Aut ERN. Ad summum] *Summum* lib. 2. epist. 1. *A te vero bis, terne summum, et eas perbreves accepi. et ad summum dicitur, Ciceronis exemplo.*

Perfugio] Hoc verbum interdum solum Cicero affert, vt hic: interdum coniungit, vt lib. 5. epist. 15. *Litteris utor assidue. quid enim*

aliud facere possum? sed nescio quomodo ipsae illae excludere me a portu et perfugio videntur. Et pro Archia c. 7. *Haec studia aduersis perfugium ac solatium praebent.* Perfugium autem litterae sunt duobus modis: vel quod, eas dum tractamus, molestias obliuiscimur; vel quod animus, praeceptis vtilissimis conformatus, humana omnia, praeter honestum, contemnit, nihil praeter culpam extimescit. de fructu autem, quem asserunt litterae, vide lib. 4. epist. 3. et lib. 5. epist. 13. et lib. 9. epist. 2. et 3.

Conscientia consiliorum meorum] Saepe hanc sententiam vsurpat, lib. 4. epist. 3. lib. 6. epist. 1. 4. 6. 10. 13. et 21. et lib. 7. epist. 3. quae recitare longum est: indicare loca, et quasi digitum ad fontem intendere, vnde hauriant, qui copiae student, satis duco.

Nisi inuidisset is] Pompeium, opinor, designat, a quo se proditum, contra datam fidem, saepe queritur.

Me enim amabas] Mea causa illum non amabas, cuius inuidiam perfidiamque nosces.

Beatus esset] Hoc dicit: Si mecum ad tuendam libertatem consensisset, neque perniciosam reipublicae cum Caesare societatem coiisset; non modo viueret, sed beatus esset, et cum eo omnes boni. De Caesare autem, et victore iam, et a quo veniam paulo ante impetrauerat, haec, vt opinor, scribere non auderet. nec inuidit ei Caesar, qui semper popularis fuit, et ab vrbe multos annos absuit, dum in Gallia bellum gereret, sed Pompeius, qui parem

parem sibi Ciceronem in senatu non ferret.

Nullius vim] Lib 7. epist. 3. Notum, inquit, tibi omne consilium meum esse volui, ut primum scires, me nunquam voluisse plus quemquam posse, quam universam rempublicam. Postea autem, quam alienius culpa tantum valeret unus, ut obfisti non posset, me voluisse pacem.

Arma] Caesaris.

Quae semper timueram] Lib. 10. ad Attic. epist. 4. Praeclara, inquit, conscientia sustentor, cum cogito me de republica aut meruisse optime, cum potuerim: aut certe nunquam, nisi diuine, cogitasse: eaque ipsa tempestate eversam esse rempublicam, quam ego XIV. annis ante prospexerim.

Quem ego idem effeceram] In consulatu. lib. 1. epist. 9. Non offendes eundem bonorum sensum, Lentule, quem reliquisti: qui confirmatus consulatu nostro, nonnunquam postea interruptus, afflictus ante te consulem, recreatus abs te totus est, nunc ab iis, a quibus tuendus fuerat, derelictus. Eodem illud spectat ex lib. 1. ad Attic. epist. 17. Tueor, ut possum, illam a me conglutinatam concordiam.

Quanis tuta conditione] Quavis, modo tuta. lib. 6. epist. 6. Causa orta belli est. Quid ego praetermisi aut monitorum, aut querelarum? cum vel iniquissimam pacem instissimq. bello anteferrem. Et lib. 7. ad Attic. epist. 5. Ego is sum, qui, illi concedi, putem utilius esse quod postulat, quam signa conferri. Sero, enim resistimus

ei, quem per annos decem aluimus contra nos. Et ad Pompeium lib. 8. ad Attic. epist. 11. Mea quae semper fuerit sententia, primum de pace vel iniqua conditione retinenda, deinde de vrbe, meminisse te arbitror. — Prae me tuli, me nihil malle, quam pacem; non quin eadem timerem, quae illi: sed ea bello civili leviora ducebam.

Rerum Africanarum] Africani belli, quod inter Caesarem, et Scipionem ac regem Iubam gestum est.

Quid intersit, non sane intelligo] Causam infra exponit: quia non multum inter victores inter futurum putat. de Pompeianorum crudelitate, si vicissent, vide lib. 4. epist. 9. et 14. et lib. 9. epist. 6.

Inter victorias non multum interfuturum] Idem lib. 6. epist. 3. et 4. item lib. 4. epist. 9. et 14. lib. 9. epist. 6.

Iniuriam] Vrbe carebat Mescinius, hac illi, ut opinor, a Caesare poena imposita, quia Pompeium initio belli secutus esset. nam, quin hoc tempore fuerit in Italia, dubitandum non est; cum subiungat Cicero: ad te veniam breui. Iniuriam igitur, quod vrbe inmerito careret. Sic ad Caecinam, eadem causa exsulantem, lib. 6. epist. 5. Ea natura rerum est, et is temporum cursus, ut non possit isti aut tibi, aut ceteris, fortuna esse diuturna; neque hâc ere in tam bona causa, et in tam bonis ciuibus tam acerba iniuria. Et lib. 6. epist. 10. Iniuriam temporum.

Cum summam humanitatem, sum etiam tuas litteras] Naturam et doctrinam laudat: quarum altera

altera efficiat, vt pacatiore animo Mescinius iniuriam ferat; altera, vt humana omnia, cum absit culpa, ne putet in malis esse numeranda.

Sicut omnes fere] Quod reprehendere coeperat, excusat multorum exemplo. nam, *fere*, dixit, ne omnino superiorem eius mollitiem excusaret.

Vita ingenua] Quam nunc tempora eripiunt, quod enim sentimus, eloqui libere et ingenue non licet.

Beata et libera] Nunc miserrima et seruiente.

Nullum sensum] De quo tamen dubitare visus est in epist. 16. sed orationem tempori accommodat.

Si me diligis] Dubitatio videtur, quae nulla tamen est. valet enim, pro amore in me tuo, pro eo quantum me diligis, et in extrema epistola, *me velim*, inquit, *ut facis, diligas*, qui locus ex hoc dubitationem tollit.

Seruias] Et *seruire*, et *inservire*, et *indulgere*, et *obsequi* *valetudini*, dicitur. lib. 16. epist. 9. 17. 18.



PAVLLI MANVTII
COMMENTARIVS

IN
M. TVLLII CÍCERONIS
EPISTOLARVM
QVAE FAMILIARES VOCANTVR
LIBRVM VI.

EPISTOLAE I.
ARGVMENTVM.

Athenis exsulantem Torquatum, qui contra Caesarem a Pompeio steterat, reuocare studet a sollicitudine ac moerore animi ad tranquillitatem: in quam sententiam colligit haec, quae ad consolandum valeant: primum, ita perturbata esse omnia, ut sua fortuna contentus nemo viuat: deinde conditionem eorum, qui Romae sint, et ea cernant, quae quotidie fiunt, deteriorem esse, quam eorum, qui absint: quare non esse ei moleste ferendum, quod urbe careat: quod si suos suaque desideret, ne hoc quidem nomine dolendum; quando illa nullo sint in proprio periculo, nec, ut meliore statu fruuntur, ipsum praesentem praestare posse: quod vero ad eius fortunam pertineat, nec desperandum esse, nec timendum aut a Caesare, aut à Pompeianis, si acciderit, ut vincant: sin ob commune reipublicae periculum angatur, solatio esse debere conscientiam optimorum consiliorum: ut virtus, licet rebus omnibus destituta, se tamen ipsa sustentet: nec vero eum, qui alios olim excitauerit, abiectiore esse animo debere: propterea, cur non aliquam ab ipsa Athenarum urbe, rationis ac moderationis parente atque altrice, doloris medicinam petat? cur non Ser. Sulpicii, amicissimi hominis ac sapientissimi, consuetudine recreetur? extremum illud, quasi extra consolationem, subiungitur; quod mihi tamen ad leniendum dolorem vim habere aliquam videtur; de sua in eum eiusque liberos voluntate, et de spe proficiendi aliquid in eius causa; quod assiduitas uni rei dedita, vel si absit auctoritas, nonnihil tamen praestare posse videatur. Suspicor interdum, scriptam esse hanc epistolam non Africani belli tempore, sed Hispaniensis, quia quarta huius libri sine dubio scripta videtur Caesare in Hispaniis rem gerente: significat enim, Sulpi-

eium Athenis discessisse. qui cum in Graecia fuerit, quo tempore M. Marcellus interfectus est, ut ex lib. 4. epist. 12. intelligitur; Marcellus autem, Caesare in Hispaniis contra Pompeii liberos pugnante, obierit; quod indicant epistolae quaedam lib. 13. ad Attic. non videtur Sulpicius ante bellum Hispaniense Athenis discedere potuisse. praeterea, Tullia, Ciceronis filia, bello Hispaniensi periit: Caesarque ex Hispaniis, et Sulpicius e Graecia consolatorias ad Ciceronem litteras miserunt: cum Sulpicius brevi discessurus esset: quod indicat lib. 4. epist. 6. in qua est: sperabam, tuum aduentum (sic enim audiebam) appropinquare. quo patet, discessum Sulpicii in Hispaniense bellum cadere. Nec putetur illa quarta, Hispaniensi bello; haec vero prima, Africano scripta. nam in quarta, in qua de Sulpicii discessu mentio fit, appellatur haec prima, in eo loco: ut ad te scripsi antea, tempus est huiusmodi, ut suam quisque conditionem uniferrimam putet: et, ubi quisque sit, ibi esse minime velit. Quod, opinor, Cicero non diceret de litteris ante tot menses conscriptis, quos inter Africanum et Hispaniense bellum inter sunt.

EXPLANATIO.

A Torquato] Manliae gentis, patriciae, antiquissimae. patriciam autem et Cicero hanc gentem fuisse ostendit in orat. pro Sulla c. 8. verum et plebeios fuisse Manlios, idem testatur in Phil. 1. c. 13. Propter unius, inquit, M. Manlii scelus, decreto gentis Manliae, neminem patricium M. Manlium vocari licet. Nisi haec dixit habita ratione sui temporis; cum et patricii et plebei Manlii; non quod eo tempore, quo Manlius Capitolinus damnatus est, Manlii duorum generum essent. Liuius quidem lib. 6. c. 20. hoc Manliae gentis decretum memorat, omissa patriciae mentione. Torquati cognomen a Torque natum, quem Gallo singulari pugna victo detraxit T. Manlius. quod de Liuius lib. 7. c. 10. Gellius lib. 9. c. 13. Cicero lib. 1. de Fin. c. 7. et Tusc. 4. c. 22. et lib. 3. de Offic. c. 31. Hunc Manlium vocat optimum virum lib. 1. ad Attic. epist. 1. Transiit ante Ci-

ceronem in Graeciam ad Pompeium, ut lib. 9. ad eundem epist. 8. Africam videtur administrasse post praeturam: nam consul numquam fuit. leguntur enim haec in oratione pro Plancio c. 11. Adolescentulus cum A. Torquato profectus in Africam, sic ab illo gravissimo, et sanctissimo, atque omni laude et bonore dignissimo viro dilectus est, ut et contubernii necessitudo, et adolescentis modestissimi pudor postulabat.

Et si ea perturbatio est — esse malis] Infra eadem sententia, epist. 4. Tempus est huiusmodi, ut suam quisque conditionem uniferrimam putes; et, ubi quisque sit, ibi esse minime velit. Hic aduertendum, quater in primis huius epistolae comprehensionibus repetitum, etsi, tamen: in quo si quis hodie nostrum offenderet, excusari vix posset.

Quisquis] Quisquis, pro quisque interdum veteres usurparunt,

ut

vt hic ipse Tuse. 5. c. 34. *Vt quid quid obiectum est, quod modo a natura non sit alienum, eo contentae non quaerunt amplius.* Lib. 4. in Ver. c. 13. *Ita odorabantur omnia et peruestigabant, ut, ubi quidquid esset, aliqua ratione inuenirent.* Plautus in Trin. Act. 4. Sc. 2. v. 39.

Sin unum quidquid singillatim et placide percunctabere.

Lucretius autem saepissime.

Oculi augent dolorem] Oratorie modo sensum oculorum auget, aurium imminuit, modo contra. nam lib. 4. epist. 9. aurium sensu plus doloris, quam oculis percipi dixit: quia Marcello reditum suadebat: hic, vt absentem Torquatium consoletur, oculis augeri dolorem ait. et epist. 4. *In malis, inquit, omnibus acerbius est videre, quam audire.* et lib. 4. epist. 13. *Nec audio solum, quod ipsum esset miserum, sed etiam video, quo nihil est acerbius, eorum fortunas dissipari.*

Intueri coguntur] Quo dolor fit acerbior. audire autem, qui non vult, non cogitur: itaque potest auertere cogitationem a miseriis.

Nec auertere a miseriis cogitationem sinunt] A consuetudine enim oculorum animum abducere, difficillimum est.

Multarum rerum desiderio] Quas cum republica perdiderimus.

Cum magna molestia tuos tuasque desideras] Liberos in primis: de quibus epist. 4. *Reliquum est, ut te angat, quod absis a tuis tam diu.* Res molesta, praesertim ab iis pueris, quibus nihil potest esse festinius.

Aut praecipuam aliquam fortunam postulare, aut communem re-

cusare] Sic lib. 4. epist. 15. *Non debes aut propriam fortunam et praecipuam postulare, aut communem recusare.*

Agitare animo] Tribus modis hoc verbum ad eandem sententiam accommodatur, *agitare animo, agitare in mente, agitare simpliciter.* primus hoc in loco modus ostenditur, et pro Fonteio c. 6. *Vos et saepius eandem rem animis agitare, et diutius uno de teste cogitare potestis.* Alter lib. 1. de Nat. deor. c. 41. *Habet nihil aliud, quod agitet in mente.* Tertius lib. 3. in Ver. c. 96. *Quodsi ille hoc unum agitare coeperis, esse ali-quod genus cogendae pecuniae.*

Vt non adhibeas in consilium cogitationum tuarum desperationem aut timorem] Vt in tuis cogitationibus locum desperationi aut timori nullum tribuas: id est, vt neque de reditu desperes, neque saluti tuae timeas.

Qui in te adhuc iniussior, quam tua dignitas postulabat, fuit] Caesarem significari manifestum est: de quo paullo mitius epist. 4. *Eius enim, qui tardior in te lenando fuit, quam fore putaramus, non est mihi dubia de tua salute sententia.*

Non magna] Affirmant duae negantes particulae, sed ita, vt aliquid imminuant. plus enim erat magna signa, quam, *nec non magna.*

Nec tamen is ipse] Cur salutis amittendae timore angamur, cum is ipse, a quo seruari volumus, eodem timore vacare non possit? Augurium Ciceronis breui Caesaris interitus comprobauit.

Omnium bellorum exitus incertus] Vtrius partis victoria sit futura, incertum.

incertum est. epist. 4. *Omnis belli Mars communis, et semper incerti exitus proeliorum.* et Phil. 10 c. 10. *Vt concedam incertos exitus esse belli, Martemque communem.*

Ab altera] Si Caesar vicerit in Hispania.

Seiunctum ab omnium interitu] Aut simul omnes victoris clementia seruabimur; aut eiusdem ira peribimus. epist. 4. *Illud cuius facile est docere, cur praecipue tu dolere nihil debeas.*

Ab altera] Si vicerint Pompeiani.

Numquam timuisse] Licet a bello discesseris. *Numquam*, dicit, vt significet nec antea, bello scilicet Africano, timuisse Torquatum a Pompeianorum victoria.

Quasi consolationis loco] Non plane consolationis loco: quia, cum patria, quae nobis rerum omnium carissima debet esse, periclitetur; minus angi priuatis incommodis debemus. itaque communis periculi recordatio, quasi quaedam consolatio, videtur esse. Huius generis illud est in epistola sequenti: *Misera est illa quidem consolatio, tali praesertim cui et viro, sed tamen necessaria, nihil esse praecipue dolendum in eo, quod accadat vniuersis.*

Multa dicant] Quae ad consolandum valent, significat ea, quae insignes philosophi de sedando luctu conscripserunt: quorum sententias postea Cicero, amissa filia, in sua scripta transtulit, aegritudinis leniendae causa. eorum nomina recitat diuus Hieronymus in Epitaphio Nepotiani. *Legimus*, inquit, *Crantorem, cuius volumen ad consouendum dolorem suum se-*

cutus est Cicero: Platonis, Diogenis, Clitomacbi, Carneadis, Posidonii ad sedandos luctus opuscula percurrimus; qui diuorsis aetatibus diuersorum luctum vel libris vel epistulis minuire sunt conati: vt etiam, si illorum areret ingenium, de illorum posset fontibus irrigari.

Vereor, ne consolatio nulla possit vera reperiri] Mei veteres libri, vlla, omnes habent: sed, nulla, requirit sententia. nam *vereor* cum simplici negatione coniunctum, vsurpatur in rebus, quas accidere nolumus, vt *vereor, ne filius peccet*: cum gemina vero negatione, in rebus, quas accidere vellemus: vt, *vereor, ne filius non recte viuat*: volumus enim filium recte viuere: interdum, quod idem valet, pro gemina negatione vtimur, vt, hoc modo: *vereor, vt filius recte viuat*. quare videtur aut legendum hic, *vereor, vt consolatio vlla possit vera reperiri*: aut, *vereor, ne consolatio nulla possit vera reperiri*. nam et paullo post, cum dicit, *vereor, ne nefas sit dicere*: hoc significat; nefas sit dicere. sic igitur, si dicas, *vereor, ne consolatio vlla possit vera reperiri*: hoc significes, consolatio aliqua possit vera reperiri. quod a Ciceronis mente discrepat. nullam enim ait sibi videri esse consolationem tanti mali, praeter illam, etc. Vide, quae de hoc verbo, *vereor*, diximus in lib. 2. epist. 1.

Quantum in cuiusque animo roboris est atque neruorum] Non enim omnes, qui praeteritam vitam aequae laudabiliter traduxerint, aequae conscientia sustentantur: sed vt quisque firmo aut infirmo

firmiter animo est, ita maiorem aut minorem a conscientia consolationem capit. quo spectat illud in epist. 4. *Quæ tamen, si possis eam suscipere, maxima est.*

Satis est] Ergo felicitas non ab iis rebus, quæ ab aliis aut a fortuna dantur, sed a nobis est: quæ Stoicorum fuit opinio: ut lib. 1. Acad. c. 10. sed Aristoteles Ethic. lib. 1. et Polit. lib. 7. adiunxit externa bona.

Bene beateque vivendum] *Bene vivit*, qui cum virtute vivit: *beate*, cui nihil omnino deest. addidit enim *beate*, quia recte vivere, non idem est cum beate vivere: quod Ethic. lib. 1. ad Eudemum scripsit Aristoteles. nobilitas enim, proles, opes, diuitiæ, amici, vires etiam corporis et pulchritudo ad beatitudinem conferunt: sine quibus tamen licet bene vivere: quod virtutis est.

Vereor, ne cum — nefas sit dicere] Interrogandi nota sententiam alii concludendam putant. quibus assentire, si legeretur, *vereor*. quomodo autem nunc est, elicitur hoc: fortasse nefas est eum appellare miserum, qui se optimorum consiliorum conscientia sustentare possit. nam ut, *non vereor ne*, negationem significat: ut illud lib. 2. epist. 7. *Non vereor, ne quid timide, ne quid stulte facias*: idem est, ac si dicas, nihil te timide, nihil stulte facturum confido: et lib. 5. epist. 12. *Non vereor, ne offensæ iuncula quadam aucupori tuam gratiam videar*. ut igitur qui dicit, *non vereor ne*, negat, non affirmat: sic qui ait, *vereor ne*, affirmat potius, quam negat. timet enim aliquid futurum, quod nol-

let. quocirca, *vereor, ne nefas sit dicere*: valet, opinor esse nefas: vel, fortasse nefas est dicere. Minime igitur necessaria est nota illa interrogantibus visitata. Neque vero, *non vereor*, legendum est: ne sine causâ discedamus ab antiquis libris.

Optimorum consiliorum] Cum dixerit, *bene sentire, recteque facere*, videtur hic addere debuisse, *atque factorum*. sed nobilior posuit, nec alterum, licet omitteret, exclusit.

Miserum] Non enim eo te miserum putes, quia respublica miserrima est; cum te possis optimorum consiliorum conscientia sustentare.

Victoriæ præmiis ductos] Ut Pompeianos quosdam: de quibus epist. 6. *Visita est auctoritas mea, non tam a Pompeio (nam is movebatur) quam ab iis, qui duce Pompeio freti, peropportunam et rebus domesticis et cupiditatibus suis illius belli victoriam fore putabant. hanc rem et Caesar attigit lib. 1. de bell. civ. c. 3. 4.*

Officium] Lib. 9. epist. 5. *Securi sumus non spem, sed officium.*

Nec ERN. *Qui neque cum id faciebamus, tam eramus amentes*] Hæc particula, *neque*, hic habet vim quandam, non sæpe visitatam: subauditur enim, *non modo*: ut sit: *non modo nunc, sed neque tunc*. Simpliciter lib. 9. epist. 15. *Neque ego aliter accepi.* et lib. 1. ad Attic. epist. 5. *Neque id neglexi.*

Si id evenit] Ut vinceremur.

Ingrediens nobis in causam] Publicam causam suscipientibus contra Caesarem, senatui dicto non audientem. Eandem sententiam

posuit epist. 12. in eo loco: *Cum recorderer, te in hoc ipsum bellum esse ingressum, non solum, uti victor, beatus; sed etiam, ut, si ita accidisset, victus, sapiens esses.* Nec dissimiliter in epist. 6. *Sin, propter incertos exitus euentusque bellorum, posse accidere, ut vinceremur, putasses; non debere te ad secundam fortunam bene paratum fuisse, aduersam ferre nullo modo posse.*

Cadere animis] Cadimus animo, et cadit animus, vtrumque enim dicitur: in Laelio c. 7. *Nec debilitari animos, aut cadere patitur.* Et Tusc. 3. c. 18. *Simul animus cum re concidit.* Et Phil. 3. c. 9. *Allato nuncio de legione quarta, mente concidit.*

Praestandum] Praestare culpam dicitur, qui culpam vitat. hoc praestare debemus: reliqua ne curemus: non enim praestanda nobis sunt; quia malum in vna culpa situm est.

Perditis rebus omnibus] Hoc refertur ad illud: *reliquum est, ut te ex cruciet commune periculum reipublicae.* Haec, inquit, ideo dixi, ut intelligas, vel si omnia interierint, virtutem tamen sustentare se ipsam posse. Quanta igitur cuiusque virtus, tantam ille ab ipsa virtute consolationem capit. quod supra dixit, quantum in cuiusque animo roboris est atque neruorum, tanta consolatio est. atque haec virtus, hoc robur, hi nerui sunt eorum, qui se optimorum consiliorum consensientia sustentare possunt. Quod autem hic, *perditis rebus*, infra dixit, *perdita republica*; et in epistola sequenti, *republicam funditus interire*: et ibidem paulo

post: *sin omnino interierint omnia.* et epist. 21. *euerfis omnibus rebus*: et epist. vlt. libri superioris, *funditus euerfam fortunam.* Contrarium est, *saluis rebus*, lib. 4. epist. 1.

Quicumque status est futurus] Infra: *Nec dubitare debes, quin aut aliqua republica, sis futurus, qui esse debes; aut perditam, non afflictiore conditione, quam ceteri.* Idem in epistola sequenti.

Atque haec mihi scribenti veniebant in mentem] Eleganter interdum a particula, atque, sententiam ordinatur, ut proxime, atque haec eo pertinet oratio. et epist. 6. *atque utebar familiarissime Caesare.* et ad Terentiam lib. 14. epist. 4. *Atque ego, qui te confirmo, ipse non possum.*

Desperationem] Cum de republica desperabam, si res ad arma deduceretur.

Consilium improbavam] Pugnari nolebam: cupiebam quamuis iniqua conditione pacem. epist. 4. et 6. et libro superiore epist. vlt.

Multo ante confirmata per nosmetipsos] Cum Pompeius iterum consul operam dedit, ut Caesari Galliarum administratio in alterum quinquennium prorogaretur. de quo in epist. 6. ipsum Pompeium consulem pugnasse dicit. et lib. 8. ad Attic. epist. 3. de Pompeio: *Istum in rempublicam ille aluit, auxit, armauit: ille legibus per vim et contra auspicia ferendis auctor: ille Galliae ulterioris adiutor: ille gener: — ille provinciae propagator: ille absentis in omnibus adiutor.* Eadem dixit in Phil. 2. c. 10.

Pilis

Pilis et gladiis, non consiliis, neque auctoritatibus] Sic lib. 4. epist. 7. Non enim iis rebus praestabamus, quibus valere poteramus, consilio, auctoritate, causa, quae erant in nobis superiora, sed laceratis et viribus, quibus pares non eramus.

De iure publico disceptari] De ipsa republica contendi. sic lib. 4. epist. 4. Postquam armis disceptari coeptum est de iure publico. et epist. 14. eiusdem libri: Quanto periculo de iure publico disceptaretur ammis.

Neque ego diuinabam] Futura non videbam: sed, ne acciderent, timebam.

Euentu atque exitu] Exitus euentu, non euentus exitu, posterior est. nam ultra euentum exitus est: ultra exitum nihil omnino.

Id futurum, quod euenis] Fore, ut Cæsar vinceret.

Exploratus promittere] Non plane promittere, sed exploratus, quam de victoria Pompeii. hoc quidem exploratus, quam illud, promittere, diuinare tamen plane non poteram.

Iis rebus] Consiliis, auctoritatibus, causa. paullo ante. et lib. 4. epist. 7.

Militum robore] Lib. 7. epist. 3. de Pompeio: Signa, tirone et collectio exercitu, cum legionibus robustissimis consulit.

Sed tu illum animum] Tale illud Sulpicii lib. 4. epist. 5. Neque imitare malos medicos, qui in alienis morbis profitentur se tenore medicinae scientiam; ipsi se curare non possunt.

Philargyrus] Liberti cognomen, quod in seruitute nomen vnicum

fuerat. valet autem, amator argenti.

Suspens] Expectatione. euentus. pugnabatur enim in Hispania: itaque dixit supra: Cum omnium bellorum exitus incerti sint, etc. et epist. 4. Videmur intelligere non diuturnum bellum.

In urbe ea] Athenis. Pro Flacco c. 26. Adfunt Athenienses, unde humanitas, doctrina, religio, fruges, iura, leges ortae, atque in omnes terras distributae putantur. et lib. I. de Orat. c. 4. Athenae omnium doctrinarum inuentrices. epist. 4.

Nata et alta] In Bruto c. 10. Viderne, in ea ipsa urbe, in qua et nata, et alta sit eloquentia, quam ea sero prodierit in lucem? Veteres ab alo et altum, et alitum deducebant. Priscianus, et Diomedes.

Ratio ac moderatio vitae] Ob doctrinam, religionem, iura, leges, ideo putabantur Athenae in tutela Minervae.

Ser. Sulpicium] Graeciae praepositum a Cæsare. epist. 6. Brutum Galliae praefecit: Sulpicium Graeciae. vide, quae diximus lib. 4. epist. 12.

Benevolentia et sapientia] Quae sapienter in re nostra dicuntur ab amicis, creduntur facilius, et magis mouent, quam si dicantur ab alienis. ideo coniunxit cum sapientia benevolentiam. epist. 4. in extremo.

Auctoritatem et consilium] Omnino cauendum civile bellum, cuius initia cernebantur, Sulpicius consul censuit. lib. 4. epist. 3. Absens, inquit, cognoscebam, quae esset tua in hoc pestifero bello

bello cauendo et praedicendo sententia, et quae sequuntur.

Togati potius potentiam, quam armati victoriam subissemus.] Simile illud in epist. 6. *Nolo hunc de me optime meritum, existimare, ea me suasisse Pompeio, quibus ille si paruisset, esset hic quidem clarus in toga et princeps: sed tantas opes, quantas nunc habet, non haberet.* Subissemus, inquit, potentiam, vt vt rem grauem, sed victoria tamen leuiorem. ideo in epist. 4. *Cupiebam, quamuis iniqua conditione, pacem. et in vltima superioris libri: Quauis tuta conditione pacem accipere malui, quam viribus cum valentiore pugnare.*

Quam necesse fuit.] Amorem suum declarat, ac studium confirmandi Torquati, cum plura etiam fortasse scripserit, quam necesse fuit. simul illum tacite laudat, quasi virtus eius minus multa desideraret. hoc ipsum dicit in epistola tertia, addita, quam hic omittit, ratione, cur fuerit longior. *Superioribus, ait, litteris, beneuolentia magis adductus, quam quo res ita postularet, fui longior. Neque enim confirmatione nostra egebas virtus tua.* Et epist. 4.

Illam, quae maiora sunt, breuius exponam.] Rerum diuersarum conexio, in qua laborare multos video, vulgare non requirit ingenium. hic Cicero a consolatione doloris ad promissionem auxilii percommode transiit. nam, cum dixisset, *haec longiora*, subiunxit, *illa maiora.* sic epist. 3. *Sed haec consolatio lenis est: illa grauior.* Et ad Appium lib. 3. epist. 10. *Atque*

haec domestica. Quid illa tandem popularia? Et ad Cassium, lib. 12. epist. 2. *Sed haec tolerabilia: illud non ferendum, quod est, qui vestro anno filium suum consulum futurum putet.* Et Phil. 2. c. 11. cum obliuienti Antonio, civile bellum eius culpa natum esse, copiose respondisset, transitum ita quae finit ad aliam rem, vix vt interrupta narratio videatur, hoc modo: *Sed haec vetera: illud vero recens, Caesurem meo consilio interfectum.* Huius generis innumerabilia fere occurrunt: sed fastidium vitemus, et haec sibi quisque, quod nos olim facere consuevimus, notet in legendo.

Neminem.] Quia perierat Cn. Pompeius, et P. Lentulus, quorum opera restitutus ab exilio fuerat.

Quibus tantum debebam, quantum tu intelligis.] Plus scilicet, quam tibi. sed, cum eos belli calus eripuerit, nemo, cui plus quam tibi debeam, superest. epist. 4. *Beniuolentiam tuam erga me imitabor, merita non assequar.*

Bellicae casus eripuit.] Mors eripuit, de iisdem dixit, lib. 4. epist. 13.

Qui sum.] Epist. 10. *Eodem tempore, eademque de causa, nostrum uterque cecidit.* et epist. 13. *Eadem causa oper meae fregit, quae tuam salutem in discrimen adduxit.* et in vltima huius libri. *Quid possim, nescio, vel potius me parum posse sentio.*

Studium, certe velim existimes ERN. Studium certe.] Si consilio et opera prodesse tibi non multum potero, studio certe numquam deero.

EPISTOLAE II.

ARGUMENTVM.

Excusat se, quia rarius antea scripserit: spem aliquam offert de reconciliato Caesaris animo: nihil ei praecipue timendum significat. Scripta videtur eodem anno.

EXPLANATIO.

[Leuare] Perfitit in translatione, quia dixerat, *grauitate*.

[Varietate] *Varietatem* non vocat mutationem causae; quia scilicet modo timuissent homines, modo sperassent; sed quod varietas fuerit inter causam Torquati, et voluntatem opinionemque hominum; propterea quod, cum ei reditum in Italiam Caesar concessisset, ut infra ostendemus; fore sperauerunt homines, ut paullo post redeundi quoque in urbem facultas ei permetteretur. in quo se difficilem Caesar praeiuit.

[Adhuc] Sperare se aliquid ostendit. nam, *adhuc*, varietatis illius, quam proxime nominauit, quasi terminus videtur.

[Aut volebant, aut opinabantur] *Contra voluntatem, et praeter opinionem*, dixit lib. 3. epist. 3.

[Pro malis temporum] Si rem ipsam species, moleste ferendum videtur: si tempora consideres, quae pessima sunt; mihi crede, non est cur moleste feras. Lib. 13. epist. 28. *Pro horum temporum perturbatione*. lib. 12. ad Attic. epist. 14. *Pro malis, recte habebat*. Alibi, *ut in malis, ut in perditis rebus*.

[Armis urgeri rempublicam sempiternis] Ut in armis de iure publico semper disceptetur, sicut adhuc quidem disceptatur.

[Positis] Infra addidit, *abiectis, aut detractis*. hic *positis*, communiter pro omnibus usurpatum est.

[Funditus interire] Amissa libertate: quod accidit. numquam enim postea suum ius respublica recuperauit.

[Si arma valebunt] Non loquitur de victoria armis parata, sed de contentione diuturnitate: id est, si armis res agetur. hoc enim ad illud respondet, *neesse est armis urgeri rempublicam sempiternis*. De victoria vero statim subiungit.

[Reciperis] Recipiebatur, quia, licet in urbem redire non posset, in Italia tamen ei licebat esse. Hoc etiam e postremis epistolae verbis colligitur: *Vt, aut quo scribam, aut quo veniam, scire possim*. nam, si extra Italiam Torquatus esset; non diceret Cicero, *quo veniam*. Praeterea, Torquatum in Tusculano fuisse, eiusque causam Dolabellae a Cicerone commendatam, ut scilicet eius reditum in urbem a Caesare ex Hispania redeunte impetraret, licet intelligere ex lib. 13. ad Attic. epist. 9. *Euenique*, inquit, *ad me venit, cum haberem Dolabellam, Torquatus; humanissimeque Dolabella*, quibus verbis secum egissem, exposuit. commodum enim egeram diligentissime: quae diligentia grata est visa Torquato. Et ad eundem epist. 20. *Torquato no-*

stra

stra officia grata esse; facile patior: eoque augere non desinam. Et epist. 21. *Quid possum de Torquato, nisi aliquid a Dolabella?* Et epist. 45. *Cum Dolabella viuendum esse istis diebus vides. quod nisi me Torquati causa teneret, satis erat dierum, ut Puteolos excurrere possem.* Atque illae ad Atticum epistolae, Caesare ex Hispania, deuictis iam Pompeii liberis, redeunte, scriptae sunt: hae vero ad Torquatium, adhuc pugnante: id quod perspicuum satis est: haec tamen vna, confecto iam bello, et concessa Torquato manendi in Italia, non in urbem veniendi, potestate, scripta videtur esse, ideoque reicienda in extremum locum.

Conditione] Quod inter vtramque partem de ponendis armis conveniat.

Victoria detractis] Alterutra parte vincente, ita ut bellum nullum supersit.

Respirauerit] Quia non amplius armis urgetur respublica. quod si, victoria detractis armis, ciuitas respirauerit; bonitas in eo et clementia indicari videtur. in quo Caesar, qui secunda iam fortuna vsus erat, Cicero assentatur. quamquam Pompeii partes afflictas nondum penitus erant.

M. Antonius] Orator ille summus, qui loquitur in oratoriis libris.

Iam tum timebat] Ante Marii et Sullae bellum, quo iam bello ipse est interfectus.

Suspiciabatur] Ex discordiae principiis. hoc significatur lib. 1. de Orat. c. 7. nam de sermone inter Scaeuolam, Antonium, Crassum habito, sic ait: *Quo quidem in ser-*

mone multa diuinitus a tribus illis consularibus Cotta deplorata et commemorata narrabat, ut nihil incidisset postea ciuitati mali, quod non impendere illi tanto ante vidissent.

Tali praesertim ciui et viro] Qui ne hoc genere consolationis indigere deberet, probitate et virtute meritis est. *Cuiem et virum* saepe coniungit Cicero. ut lib. 4. ad Attic. epist. 15. *O virum! o ciuem!* et alibi.

Necessaria] Quid enim praeterea consolari possit?

In his paucis verbis] Non his proximis, quibus de omnium rerum interitu locutus est, sed illis superioribus, ab eo loco, *neceesse est aut armis urgeri rempublicam semperternis*: quibus aliquid cum, quod speret, habere ostendit. nam, tribus propositis, si arma valeant, si omittantur, si funditus intereant omnia; ex primo, liberat eum timore; ex altero, spem affert recuperandi fortunae et dignitatem; tertium si eueniat, praecipuum dolorem adimit in eo, quod accadat vniuersis. Ergo, cum subiungat hic: *profecto etiam sine meis litteris intelliges, te aliquid habere, quod speres*: ad superiora illa respexit.

Hoc] Dum de iure publico dicimatur.

Aliquo] Positis armis, aut abiectis, aut detractis: de quo supra.

Quo veniam] Erat igitur, ut dixi, Torquatus in Italia, nec tamen prope urbem: nam aut ille ad Ciceronem, aut ad illum Cicero, cum praesertim hoc tempore extra urbem esset, omnino accessisset. non fuisse autem in vrbe Ciceronem, cum

cum hanc epistolam scripsit, nec Torquatum prope urbem, ostendunt superiora illa verba: *quod absim ab urbe, ut, qui ad te profi-*

ciscantur, scire non possim. Postea vero Torquatus propius urbem accessit: ut recitata iam ex epistolis ad Attic. loca demonstrant.

EPISTOLAE III. A R G V M E N T V M.

Quattuor vitur rationibus ad consolandum. primum, quia maxime ad tinnorem mors proponitur, miserrimum esse ostendit, ita vivere, ut non sit viuendum: quod malum impendere, utracumque pars vicerit. deinde, consolatur a communi conditione: tum, a vita innocenter traducta: postremo, ab ipsa etiam morte, quae malorum sensum adimit. Scripta est paucis diebus post primam, quam significari primis verbis videmus. itaque restituenda videtur in suum locum, unde retrusa est in tertium.

EXPLANATIO.

Quam quo res ita postulares] Idem dixit epist. I.

Neque erat ea mea causa] Meae res eo loco erant: is erat mearum rerum status.

Earum rerum] Quae geruntur in Hispania.

Idem exitus] Victoriam insolentem et crudelem fore. infra.

Video animo] Cernere animo, dixit lib. 5. epist. 12.

Oculis cernimus] Lib. 10. epist. 19.

Nec vero quidquam video, quod non idem te videre certo scio] Lib. 2. epist. 16. Non eam cognovi aciem ingenii tui, quod ipse videam, te id ut non pntem videre.

Quem exitum acies habitura sit, diuinare nemo potest] Epist. I. Cum omnium bellorum exitus incerti sint. epist. 4. Cum omnis belli Mars communis, et eam semper incerti exitus proeliorum sint: tum hoc tempore ita magnae utrimque copiae, ita paratae ad depugnandum esse dicuntur, ut, utrumque vicerit, non sit mirum futurum.

Belli exitum] Belli finem. quod in epistola sequenti dixit, nunc tantum videtur intelligere non diuturnum bellum.

Si id minus] De belli exitu, quem propinquum esse arbitror, falli fortasse possum: de ipsa certe victoria, qualis futura sit, minime fallor.

Qualis futura] Quid significet, indicant inferiora verba: ita vivere, ut non sit viuendum, miserrimum est. quibus verbis amissio pristinae dignitatis, legum interitus, et victoris insolentia atque crudelitas praedicatur.

Si id vel ante acciderit] Si acciderit mors.

Ita enim vivere, ut non sit viuendum, miserrimum est] Lib. 7. epist. 3. Vbi non sis qui fueris, non esse cur velis vivere.

Mori autem nemo sapiens miserum dixit ERN. duxit, ne beato quidem] Miseriam in morte nemo sapiens constituit, sed in turpi vita: quod si ne beato quidem mori miserum

ferum est, quanto minus nobis in iis miseriis, quae post bellum impendent. lib. 5. epist. 16. *Vt ea non dicam, quae saepissime et legi et audiri, nihil mali esse in morte.*

In ea es urbe] Athenis. epist. 1. et 4.

Parietes ipsi] Cum sapientes multi Athenis de contemnenda morte disputauerint.

Lenis est consolatio ex miseriis aliorum] In epistola superiore: *Misera est illa quidem consolatio, tali praesertim ciui et viro, sed tamen necessaria, nihil esse praecipue cuiquam dolendum in eo, quod accidat vniuersis.*

Aut eorum, qui discesserint] Consideratur omnino aliquid. designari enim duo genera hominum, ex eo, quod sequitur, manifestum est. in antiquis libris non est alterum illud membrum, *aut eorum, qui remanserint.* quod ex ingenio additum videtur. duo veteres libri habent, *quam quamuis eorum, qui discesserint.* quod sincerum existimarem, nisi sequeretur: *alteri dimicant; alteri victorem timent.* qui enim ab armis discesserant, victorem Caesarem timebant, contra

quem pro Pompeio iam pugnatuerant. itaque in epistola sequenti, *nemo est, inquit, quin cogitet, quam sit metuendus iratus victor armatus.*

Cum omni vacem culpa] Saepe in consolationibus hanc sententiam vsurpat. vide epistolam sequentem et primam: ne multa eiusdem generis afferentes lectorem obtundamus.

Sensu omnino carebo] Amitti sensum in morte, et hic affirmat, et in epistola sequenti: quod dubitare visus est lib. 5: epist. 16. Aristoteles quoque non satis in eo suam sententiam aperuit.

Rursus] Quia rursus de morte philosophari coepit, quasi veniam petit, cum ad eum scribat, qui Athenis, vt paullo ante dixit, ea vel plura vel ornatiora a doctissimis ac sapientissimis viris audire possit. qui haec igitur ad te, noctuam scilicet Athenas mittit. Adagium inde ortum, quod Athenis nummi percuterentur cum imagine noctuae. noctuae igitur Athenis multae, quia nummi multi. lib. 9. epist. 3 et lib. 2. ad Q. Fr. epist. 16. et interpres Aristophanis.

EPISTOLAE IV.

ARGVMENTVM.

Tres partes habet haec epistola. prima est de propinquo belli exitu: altera ad consolandum pertinet: tertia studium ac diligentiam pollicetur in iis rebus, quae ad Torquatium pertineant. Scripta est paullo post superiorem proximam: nam in illa dixit, videre se exitum belli: in hac idem significat, cum ait: nunc tantum videmur intelligere non diuturnum bellum: et in illa, nihil accessisse noui; in hac, noui nihil esse, quod scriberes.

EXPLANATIO.

Non diuturnum bellum] Quod in Hispania cum Pompeii liberis Caesar gerebat: de quo dixit in epistola proxima: *belli exitum video.*

Non quo ego certo scirem, sed quod baud difficilis erat coniectura ERN. *Non quo, sed quod difficilis erat coniectura*] Mendosus, et fortasse mutilus locus. nec opem ferunt antiqui libri. vnus Fuluii habet sic: *putabam, quo ego certo sciam, sed quod difficilis erat coniectura.* alter: *putabam non quo modo, sed quod difficilis erat coniectura.* reliqui omnes, vt inpresum est. Ego hic ingenio nihil assequor, quod probem.

Omnis belli Mars communis] Incerta semper victoria est. vnde illud in orat. pro Milone c. 21. *Adde casus, adde incertos exitus pugnarum, Martemque communem: qui saepe spoliautem iam et exsultantem euertit, et percussit ab abiecto.* et pro Sextio c. 5. *Nimium communem Martem, bellique casum metuens.* et Phil. 10. c. 10. *Vt concedam incertos exitus esse belli, Martemque communem.* De hoc genere ornamenti sic lib. 3. de Orat. c. 42. *Grauis est modus in ornatu orationis, et saepe sumendus: ex quo genere haec sunt, Martem belli esse communem, Cererem pro frugibus, Liberum appellari pro vino, etc.*

Magnae utrimque copiae] Pompeianae maiores. nam in eo libro, quem de bello Hispaniensi vel Hirtius, vel Oppius conscripsit, c. 30. haec sunt: *Erat acies XIII. aquilis constituta, quae lateribus equitatu tegebatur, cum leui armatura mil-*

libus sex, praeterea auxiliares accedebant prope alterum tantum. Nostra praesidia LXXX. cohortibus, et octo millibus equitum.

Vt, utercumque viceris, non sit mirum futurum] Hic locus corrupti superioris loci sententiam demonstrat.

Inter victorias] Hoc et in proxima epistola, et in superioris libri vltima: sed hic ratio subscribitur.

Alteros] Pompeianos.

Propemodum] Non plane, sed propemodum: quia, cum belli civilis initio Pompeiani crudeliter otiosis minati essent, inde licuit conicere, quales in victoria futuri essent. vide lib. 9. epist. 6.

Iratus victor armatus] *Iratus* iis, qui Pompeium secuti essent. *Victor*: quia victoria, etiam si ad meliores venit, tamen eos ipsos ferociores impotentioresque reddit: vt, etiam si natura tales non sint, necessitate esse cogantur: multa enim victori eorum arbitrio, per quos vicit, etiam inuito facienda sunt. *Armatus*: nam, depositis armis, ira deferuescit, et ad lenitatem animus paulatim delabatur: arma vero qui adhuc retinet, victoria recenti, facile iis ad caedem vtitur. Ab irato, a victore, ab armato quid non timendum?

Praeter illam: quae tamen, si possis eam suscipere, maxima est] Haec est illa consolatio, de qua dixit epist. 1. *Praeter illam, quae tanta est, quantum in cuiusque animo roboris est atque neruorum, vt ea vti possis. non enim omnes ii, qui recte vixerint, aequae conscientia sustentantur: sed, qui fortiores animo sunt, eo maiorem a*

con-

conscientia consolationem capiunt. prodest igitur magis aut minus conscientia, pro cuiusque animo.

Euentus nostri consilii] Quia victi sumus.

Consilium] Quia pro republica arma sumpimus. epist. 1. *Quoddam nobis officium iustum, et pium, et debitum reipublicae nostraeque dignitati videbamur sequi.* et lib. 9. epist. 5. *Consilii nostri, ne si eos quidem, qui id secuti non sunt, non poeniteret, nobis poenitendum putarem.*

Ad ferendum] Moderate: quod proxime dixit. est enim hic, *ferre*, pro tolerare.

Eius] Caecilius.

Qui tardior in te leuando fuit] Epist. 1. *Qui in te adhuc iniustior, quam tua dignitas postulabat, fuit.*

Non est mihi dubia de tua salute sententia] Epist. 1. *Signa dedit animi erga te mitigati.*

De aliis] De Pompeianis, si vicerint. eandem sententiam posuit in epist. 1. *Ab altera victoria tibi periculum nullum esse perspicio: ab altera te ipsum numquam timuisse certo scio.* et epist. 2. *Si arma valebunt: nec eos, a quibus recipris, vereri debes; nec eos, quos adinuisti.*

Quid sentiam] Cum tu quoque sentias idem, quod ego, ab iis tibi timendum non esse.

Pueris] Manlia natis, nam, vt est in orat. pro Plancio c. 11 A. hic Torquatus vxorem habuit T. Torquati, fratris sui patruelis, filiam. feminas autem gentis nomine appellari solitas, quis iam nescit?

Festiuus] Festiuitas laudari sollet in pueris, lib. 1. ad Attic. epist. 12.

Puer festiuus, anagnosces noster, Sosibaeus decesserat. et pro Flacco c. 36. *Matercusae suae festinus filius.* Festiuus autem est, qui sermone et adspectu hilaritatem excitat. et lib. 2. ad Attic. epist. 6. *festiuam librorum copiam* dixit Cicero, quam cum videret, laetabatur, et *festiuam picturam* in Parad. 5. c. 2. *Nonne igitur sunt ista festiua?*

Vt ad te scripsi antea] Initium significat epistolae primae.

Acerbius est videre, quam audire] Epist. 1. *Oculi aegent dolorem; qui ea, quae ceteri audiunt, intueri coguntur, nec auertere a miseris cogitationem sinunt.* et lib. 4. epist. 13.

Ad omnes casus subitorum periculorum magis obiecti sumus] Vide ingenium. diuerso modo in re diuersa argumentatur. nam hic ad leniendum Torquati desiderium, vrbana vitam subitis periculis obiectam esse ait: at, lib. 4. epist. 9. cum ad Marcellum scriberet, quem Romam redire cupiebat, tutiorem esse probat in vrbe vitam, quam in externis alienisque locis. *Magna, inquit, gladiatorum est licentia: sed in externis locis minor etiam ad facinus verecundia.*

Obiecti] Propositi, vt lib. 5. epist. 16.

Litterae] Vide lib. 4. epist. 3. et lib. 5. epist. 15. et epist. 6. huius libri, et lib. 9. epist. 2. et 3. et vlt.

Longinquitas temporis] Lib. 4. epist. 5. *Nullus dolor est, quem non longinquitas temporis minuat ac molliat.* Et lib. 5. epist. 16. *Quod allatura est ipsa diuturnitas, quae maximus*

maximos luctus vetustate tollit, id nos praecipere consilio prudentia-que debemus. — Quod est dies allatura, id consilio anteferre debemus, neque expectare temporis medicinam, quam repraesentare ratione possumus. Et lib. 12. ad Attic. epist. 10. Consolationum multae viae, sed illa vetissima. impetret ratio, quod dies impetratura est. Et lib. 7. epist. 28. Me non ratio solum consolatur, quae plurimum debet valere, sed etiam dies, quae stultis quoque mederi solet.

Quanto fuerim dolore, meministi] Offendi scio Latinae linguae rudes hoc loquendi genere: quasi mendosum sit, quanto fuerim dolore: sincerum autem, quanto fuerim in dolore: quia scilicet non dicatur, ego sum laetitia, sed, ego sum in laetitia. Apte vero et apposite. quis enim hoc negat, ego sum laetitia, dolore, spe, Latine non dici? at illud quis negare potest, ego sum magna laetitia, magno dolore, magna spe, recte et eleganter dici? Discant igitur uti similibus exemplis, ubi refellere aliquid, aut probare conantur, nec tam facile consensum auctoritatemque veterum omnium librorum contemnunt.

Ceteros] Qui pacem improbant: non, ceteros, omnes: nam Ser. Sulpicius, M. Marcellus, et alii pacem suascrunt. lib. 4. epist. 1. 2. 3. 7. 9.

Quamvis iniqua conditione] Epist. ult. superioris libri: Quamvis tuta conditione pacem accipere malui, quam viribus cum valentiore pugnare. Et infra epist. 6. et ad Pompeium lib. 8. ad Attic. epist. 11. Mea quae semper fuerit

sententia, primum de pace vel iniqua conditione retinenda, meminisse te arbitror. Et lib. 7. ad eundem epist. 5.

Cru factum] Ut viderim plus, quam ceteri: id est, ut Caesar vicerit: quod ego metuens, cupiebam quamvis iniqua conditione pacem.

Si iam vocer ad exitum vitae] Si quis mihi vitam eripiat. Non loquitur de naturali morte: sequitur enim: *vetat in eo vim timere.*

Non ab ea republica aueller, qua carendum esse doleam] Eadem consolatio lib. 5. epist. 17. Illud utinam ne vere scriberem, ea te republica carere, in qua neminem prudentem hominem res ulla doleat. Et infra epist. 6. Exponerem etiam, quemadmodum hic, et quanta in tuha, quantaque in confusione rerum omnium viveremus. necesse est enim minore desiderio perditam republica carere, quam bona.

Sine ullo sensu] Earum rerum, quae accidunt in vita. infra, et epist. 3. Si non ero, sensu omnino carebo.

Adiuuat aetas; et acta iam vita] Epist. 20. Ita viximus, et id aetatis iam sumus.

In eo] In morte, a qua non longe absumus.

Vim] Quae a victoribus possit asferri.

Is vir] Cn. Pompeius, tribus triumphis clarus. Argumentum a casibus clarissimorum virorum: quo etiam usus est epist. 6. Commemorarem, inquit, non solum veterum, sed horum etiam recentium vel ducum, vel comitum tuorum gravissimos casus. Etiam externos multos claros viros nominarem. Lenat enim dolorem communis

quasi legis et humanae conditionis recordatio.

Li viri] M. Bibulus, P. et L. Lentulus, L. Domitius, Ap. Claudius, alii.

In ipso illo, quod timetur] In morte. sic lib. 10. ad Attic. epist. 14 *O vitam miseram! maiusque malum, tamdiu timere, quam est illud ipsum, quod timetur!*

Dolor nullus] Amisso sensu. paulo ante, et epist. 3.

Benevolentia] Vide initium superioris epistolae.

Seruium] Sulpicium, qui Achaiae praeerat.

Atbenis] Vrbe eius imperii et iurisdictionis, epist. 1.

Prudentissimi] Epist. 1. *Qui te profecto et benevolentia et sapientia consolatur.*

Tua virtute] Quando Seruius discessit, cuius te benevolentia et sapientia valde leuabat. Ne tamen omnem in vno Sulpicio Torquati consolationem sitam fuisse ostenderet, ideo dixit, *ut soles*. ita eum debita virtutis laude non priuauit: quam tamen ei, ut in epist.

6. legitur, Philargyri sermo ademerat. Et quod hic, *tua virtute*, in epist. 6. *firmitudine animi*, dixit.

Studiosè diligenterque] Studium est animi: diligentia re ipsa praestat.

Benevolentiam tuam erga me imitabor, merita non assequar] Lib. 1. epist. 8. dixit, minus facimus, quam debemus. et epist. 4. eiusdem libri: *Si vitam pro tua dignitate profundam, nullam partem videor tuorum meritorum assecutus*. Merita Torquati significantur et in epist. 1. in extremo: *Ego, inquit, habeo, cui plus quam tibi debeam, neminem*. *Assequi* plus est, quam imitari. imitatur enim is, qui post sequitur: assequitur autem, qui ad eum, quem sequebatur, iam peruenit. vtriusque verbi vim plane Cicero expressit lib. 1. de Leg. c. 2. *In historia, inquit, puerile quiddam confectatur: ut vnum Clitarchum, neque praeterea quemquam, de Graecis legisse videatur: cum tamen velle dumtaxat imitari: quem si assequi posset, aliquantum ab optimo tamen abesset.*

EPISTOLAE V.

ARGVMENTVM.

A. Caecinam, qui non modo contra Caesarem pro Pompeio pugnauerat, verum etiam illi, edito libro, maledixerat, patria carentem consolatur, beneque sperare iubet de fortunis suis, ac de se ipso. In extrema epistola pollicetur officia sua, tamquam Caecinae meritis, et verustae debita necessitudini. Scripta videtur paulo ante, quam Caesar in Hispaniam contra Pompeii liberos iret. nam de viuo Marcello et restituto, in sequentibus litteris mentio fit: Marcellus autem restitutus est post bellum Africanum; interfectus, cum in Hispania pugnaretur: quod suo loco iam probauimus.

EXPLANA-

EXPLANATIO.

Caecinae] Cognomen est Liciniae gentis, ut ostendit Plinius lib. 20. c. 18. Caecina vero ex Etruria Romam venit, ut epistola sequenti, et oratione pro illo habita, quae exstat, intelligitur. et videtur hoc accepisse cognomen a Caecina, Volaterrani agri fluuio, quem nominat Plinius lib. 3. c. 5. nam et Caecinam Volaterranum, idem Plinius appellat lib. 10. c. 24. et Tiberius praenomen a Tiberi fluuio deductum crediderim, et Aufidius atque Aternius, quae Romanarum gentium nomina fuere, et a fluuiis Aufido et Aterno, non Aufido, qui est in Apulia, apud quem natus est Horatius poeta, sed eo, qui fluit ad Pontinas paludes. Aternus autem, qui hodie *Pescara* dicitur, Vestinos diuidit a Marrucinis, ortus in agro Amiternino. Huius Caecinae vxor *Caesennia* nominatur in oratione, quae illum moriens ex deunee et senunucia heredem reliquit. *Caecina*, et vnica n scribo, et secunda syllaba producta, et Porcina, Catelina, Aruina, Spurina, Hemina: quibus Romanae cognominibus vsae sunt. id trium quoque veterum lapidum testimonio comprobatur.

Filium tuum] Non e *Caesennia* natum, sed ex priore vxore: quod ex oratione licet conicere.

Videō autem fere quotidie] De hoc genere ornament, quod sit verbo repetito, diximus lib. 1. epist. 1. in eo: *Regis causa, si qui sunt, qui velint, qui pauci sunt.* huius generis et illud est lib. 9. epist. 17. *Fiet quodcumque volens qui valebunt: valebunt autem semper arma.*

Quantum valeam] Parum se valere ostendit epist. 1. *Qui sim hoc tempore intelligo.* et lib. 4. epist. 13. vt alia loca omittantur, quae multa sunt.

Liber] Quo *Caesareni* laudabat, vt epist. 7. nam ille, quo maledixit, antea scriptus erat.

Custoditur] Scripserat enim *Caecina* epist. 7. *Filius, vt audio, pertimuit, neque iniuria, si liber exisset; quando non tam inierest, quo animo scribatur, quam quo accipiat; ne ea res inepte mihi noceret.* Et in eiusdem epistolae clausula: *Quod ad lib. um attinet, quem tibi filius dabit, peto a te, ne exeat: aut ita corrigas, ut mihi noceat.* Nec dubito, quin haec epistola post illam scripta sit.

Non mihi sumo, ut plus ipse prospiciam, quam te videre atque intelligere mihi persuaserim] Solet, cum de futuris rebus loquitur, arrogantiae suspicionem vitare, communicata prudentiae laude cum eo, ad quem scribit, vt lib. 2. epist. 15. *Non eam cognoui aciem ingenii tui, quod ipse videam, te id ut non putem videre.* et epist. 3. huius libri: *Nec vero quidquam video, quod non idem te videre certo scio.* et *Quia fieri potest, ut in ea perturbatiore animo cogites]* Simili excusatione Sulpicius lib. 4. epist. 5. auertit a se culpam arrogantiae, cum Ciceronem consolari vellet. *Quae, inquit, in praesentia in mentem mihi venerunt, decreui breui ad te perscribere: non quo ea te fuge existimem; sed quod forsitan, dolore impeditus, minus ea perspicias.*

Ea natura rerum] Quia nihil idem esse diu potest.

Temporum] Ciuiliū. *Rerum hoc natura et ciuiliū temporum non patietur*, ait in epistola sequente.

Tam bona causa] Suscepta pro communi libertate.

Iniuria] Sic ad Mescinium epist. vlt. superioris libri: *intellexi, quam fortiter iniuriam ferres.* epist. 10. bis.

Quam extra ordinem de te ipso habemus] Praecipuam, non eandem quam habemus de aliis, qui patria carent. Hic quaero, quibus causis adductus Cicero spem haberet extraordinariam de Caecina. non enim ob ingenium et virtutem, quae paullo post nominantur, spem de ipso praecipuam ceperat: sed illa dixit ad eam spem accedere, quam extra ordinem iam habebat. itaque aliae causae, praeter ingenium et virtutem, quaerendae sunt, quae spem extraordinariam efficerent. quae quoniam occurrunt nullae, dicendum est, cum Cicero scripsit: *quam extra ordinem de te ipso habemus*, significasse eam ipsam spem, quam haberet ob illius ingenium et virtutem, non ullam, quae sine ingenii et virtutis accessione extraordinaria esset, ut hoc dixerit: accedunt ad spem, ut extraordinaria sit, ingenium et virtus: accedunt autem praeter illa, quae tibi sunt cum aliis communia.

Dignitatem et virtutem tuam] Nota dignitas est, virtus autem dupliciter accipitur, pro quadam naturae praestantia, etiam sine doctrina, et pro ipsa doctrina. pro naturae praestantia, hic, et in orat. pro Archia c. 7. Ego multos homines excellenti animo ac virtute fuisse, et sine doctrina,

naturae ipsius habitu prope divino, per se ipsos et moderatos et graues exstuisse fateor: etiam illud adiungo, saepius ad laudem atque virtutem naturam sine doctrina, quam sine natura valuisse doctrinam. Doctrina vero virtutis nomine paullo post demonstratur, in eo, propter eximium ingenium, summamque virtutem. vide lib. 4. epist. 4. et lib. 13. epist. 27.

Accedunt tua praecipua] Haec ego libenter, atque etiam quae sequuntur, propter eximium ingenium summamque virtutem, parenthesi superiore includerem, ut post communia multorum ornamenta, statim praecipua Caecinae subiicerentur. Sed hoc videtur fieri non posse propter illud, *ad eam spem*: quod ad aliquod verbum referri necesse est. Omnino carere locum mendo vix crediderim: aut, si mendo vacat, erit ex eo genere, quod Pedianus habere solocismum speciem, in Cicerone interdum notauit.

Mebercules ERN. Mebercule] Cum ex veteribus libris alii, *mebercule*, alii *mebercules*, habeant; malui *mebercule*, ipsius Ciceronis auctoritate commotus, apud quem in Orat. c. 47. ita scriptum est: *pomeridianas quadrigas, quam postmeridianas, libentius dixerim; et mebercule, quam mebercules.*

Cuius in potestate sumus] Lib. 4. epist. 7. *Cogitare deberes, te fore in eius ipsius, quem fugeres, potestate.* Varie summam Caesaris potestatem ostendit, duobus quidem modis in ea, quam proxime appellauimus, epistola: *petes quem est potestas*: et, *qui tenet rempublicam*: in epistola vero octaua eiusdem libri, *qui omnia tenet*: in nona,

omnia

omnia delata ad unum sunt: in decima tertia, qui plurimum potest.

Eo ipso bono tuo] Caecinae ingenio. in epistola sequenti: *mirifice ingenis excellentibus, quale est tuum, delectatur.*

Violatum] Quia Caecina in Caesarem scripserat, epist. 7. et Suetonius in Iulio c. 75. ubi de Caesaris moderatione ac clementia loquitur, *A. Caecinae, inquit, criminossissimo libro laceratam existimationem suam, civili animo tulit.*

Quod ipsum lenitur] Haec ipsa ira, quam commouit in Caesarem liber tuus, quotidie sedatur.

Natus] Patre nobilissimo; ut in epistola sequenti.

Cognitus] Fateor, duriores esse conditionem spectatae virtutis, quam incognitae, inquit M. Brutus in epistola ad Ciceronem epist. 16. ad Brut. simile illud lib. 1. epist. 6. *Præsta te eum, qui mihi a teneris, ut Graeci dicunt, unguiculis es cognitus.* Nec alienum est ab hac sententia, quod legitur lib. 9. epist. 14. *Ne licet quidem tibi iam, tantis rebus gestis, non tui similem esse.*

Vestas nostri amoris] Quippe cum etiam eius patre familiarissime sit usus. vide lib. 13. epist. 66.

EPISTOLAE VI.

A R G V M E N T V M.

Excusat litterarum tarditatem: tum inducit diuinationem quandam, e Caesare ipso, et rerum temporumque natura sumptam: postremo consolatur eum, proposita fortitudinis laude, conscientia recte factorum, delectatione litterarum, calamitate ducum vel recentium vel veterum, p. rturbatione reipublicae. Eodem anno, atque etiam ante proximam superiorem.

E X P L A N A T I O.

Meritorum multorum, et studiorum, et partium ERN. *et studiorum partium]* Lib. 13. epist. 66. Caecinam appellat hominem omnibus secum studiis officiisque coniunctissimum. Hic vel studia litterarum significantur, ut lib. 5. epist. 15. *vetustas, amor, consuetudo, studia paria:* vel etiam studia in rempublicam, quia fuerat uterque in praesidiis Pompeii, pro causa optimatum, id est reipublicae. Antea legebatur, *et studiorum, et partium.* placuit eorum sententia, qui *studiorum partium,* ope aliqua veteris libri reposuerunt.

Sed tamen vereor] Etiam si deesse tibi non debere intelligas officium meum; tamen vereor, ne litterarum a me officium requiras.

Expulissent] Clodiana tempora significat, nec magis ipsum Clodium, quam Caesarem, Pompeium, Crassum tacite carpit: qui omnes, pulso Cicerone, facilius aditum sibi ad pessima quaeque parari posse crediderunt. vide orat. pro Sextio c. 17. 18.

Qui illam cadere posse, stante me, non putarunt] Maior in privato ciue virtutis fieri significatio non potest, quam si fortunam il-

lius cum reipublicae fortuna coniunctam esse dicamus. quod de Camillo Romana, de Epaminonda Graeca prodit historia; illo in exilium pulso, urbem a Gallis captam; restituto, liberatam: hoc viuo Thebanos imperasse, qui antea seruierant; mortuo, iisdem seruire coactos, quibus antea imperauerant. Eandem laudem tribuit Isocrates Alcibiadi *ἡ τῆς περὶ τῷ ἑσπέρῳ; Οὐχ ἡγῶντο ὑδὲν εἶναι τὸ εἶναι κατὰ τὴν κατὰ φύσιν, περὶ δὲ κατὰ τὴν ἑσπέρην ἀνθρώπων γένεσιν.* Id est: Non putarunt, vlla ex parte mutari statum reipublicae posse, nisi de medio tolleretur. Quam sententiam aut imitari voluit Cicero gloriae suae fauens, aut, Isocratis fortasse legendi consuetudine, vel etiam ingenii felicitate quadam, in eam incurrit, cum et haec scripsit, et illa lib. 7. epist. 2. *Cum omnis respublica in meo capite discrimen esset habitura, magnum quiddam spectantis; nec sua sponte, sed eorum auxilio, qui, me stante, stare non poterant.*

In qua tu eras. Negotiationis fortasse causa. nam epist. 8. *a me,* inquit, *confisum petis, quid sim tibi auctor: in Siciliano subsidia, an ad reliquias Asiaticae negotiationis proficiscere.* Nec dubito, quin eandem negotiationem significet, cum ad Scruilium, qui Asiae praerat, lib. 13. epist. 66. Caecinam his verbis commendat: *Te rogo atque oro, ut eum in reliquis veteris negotiationis colligendis iuues,*

Glorioso. Quid gloriosus, quam ab vniuersa republica reuocari, promulgantibus omnibus, referente consule, comitiis centuriatis, ordinibus hominibusque incumbenti-

bus? quod ipse gloriatur lib. 7. epist. 9. maximeque in orationibus post reditum.

Celeris. Rediit post menses XVII. nam videtur discessisse extremo mense Martio, ut ex epistolis ad Attic. lib. 3. cognoscitur: in urbem autem anno sequenti est ingressus pridie non. Sept. quod indicat epist. 1. lib. 4. ad eundem, nam quod Plutarchus et Appianus eum rediisse decimo sexto exulii mense dixerunt; fortasse non ad tempus, quo urbem intrauit, sed ad illud, quo in Italiam venit, spectarunt.

Etruscae. Diuinandi ratio ab Etruscis in urbem inducta, lib. 1. de Diuin. c. 41. et lib. 2. de Nat. deor. c. 4. et Valerius Max. lib. 1. c. 1.

A patre. Epist. 9. et lib. 13. epist. 66.

Monumentis atque praeceptis. Non significat libros: nam de his proxime subiunxit, plurimam doctrinae studio: quid igitur? monita ipsa, et documenta, lib. 4. epist. 1.

Nostrarum temporum varietate. Exilio miserrimo, et reditu gloriosissimo. Nam *varietas temporum* et aduersam et secundam fortunam significat, lib. 13. epist. 29. *Notae tibi sunt varietates meorum temporum.* In omni genere et honorum et laborum meorum, et animus, et opera, et auctoritas, et gratia, etiam res familiaris C. Capitonis praesto fuit.

In his tam obscuris rebus. Cum ex nimia Caesaris potentia, cuius auctor adiutorque maxime Pompeius fuit, ciuile bellum, et ea, quae acciderunt, futura praedixi.

Monuisse Pompeium. Phil. 2. c. 10. *Mea illa vox est nota multis.*

ais: Vtinam, Cn. Pompei, cum C. Caesare societatem aut numquam coisses, aut numquam diremisses! fuit alterum grauitatis, alterum prudentiae tuae.

Pompeium faciebam plurimi] Lib. 2. epist. 15. *Emori Caesarem honestum esse cupio: pro Pompeio amori possum. et lib. 8. ad Attic. epist. 2 Ego pro Pompeio lubenter emori possum. facio pluris omnium hominum neminem.*

Fidele Pompeio] Vt fides amicitiae debita postulabat. lib. 2. epist. 16.

Salutare vtrique] De Pompeio vere dictum, qui ciuili bello vitam amiserat. Sed ait, *salutare vtrique*, quod ad vtriusque salutem spectaret. vtrique enim amicus erat: quod proxime dixit.

Prouiderim] Non est hic, *providerim*, pro prospexerim, vt epist. 4. *Interdum coniectura possis propius accedere, cum est res eiusmodi, cuius exitus prouideri possit:* sed pro, operam dederim, ne acciderent: quod sequentibus verbis ostenditur. sic epist. 10. *Quae sunt in fortuna temporibus regentur, et consiliis nostris prouidebuntur.*

Hunc] Caesarem.

Ea me suasse Pompeio] Quam suaserit, ipse exponit Phil. 2. c. 10. his verbis: *Duo tempora inciderunt, quibus aliquid contra Caesarem Pompeio suaserim. ea velim reprehendas, si potes: vnum, ne quinquennii imperium Caesari prorogares: alterum, ne pateretur ferri, vt absentis eius ratio haberetur. quorum si vtrumuis persuasissem, in has miseras nunquam incidissemus.*

Tantas opes] Tantam potentiam. *Opes enim non plane diuitiae sunt, sed totum illud, quo valeamus.* lib. 4. epist. 13. *Aliorum opibus casus meos sustentabam.*

Eundum] A Pompeio: cui lege Trebonia in quinquennium vtraque Hispania, Crasso vero Syria data erat. Lib. 16. epist. 12. *Feruntur omnino conditiones ab illo, vt Pompeius eat in Hispaniam.* Caesar lib. 1. de bell. ciu. c. 9. 10. Plutarchus, Appianus, Dio, alij.

Ciuile bellum nullum oratione fuisse] Nam Caesar conditionem hanc ferebat: velle se, si Pompeius in Hispaniam iret, in urbem venire, et praesentem petere consulatum, non absentem, vt ei lex concedebat, ipso Pompeio tertium consule adnitente lata. lib. 16. epist. 12. et Caesar lib. 1. de bell. ciu. c. 9. et alij.

Rationem haberi absentis] Permittere, vt absens Caesar consulatum petere posset.

Non tam pugnaui, vt liceret] Non ego, vt hoc liceret, pugnaui, (nam ipse Pompeius tertium consul, vt liceret, pugnauerat atque effecerat) sed vt, quoniam iam licebat, eius ratio haberetur, cur enim, quod populus insserat, non probarem? Hac de re Suetonius in Caesare c. 29. hoc modo: *Senatum litteris deprecatus est, ne sibi beneficium populi adimeretur: aut, vt ceteri quoque imperatores ab exercitibus discederent.* In epistola ad Caesarem, lib. 9. ad Attic. epist. 11. *Iudicaui, eo bello te violari, contra cuius honorem, populi Romani beneficio concessum, iniuriam atque inuidi niterentur.*

Ipsa consuls] Ipso Pompeio, tertium consule. lib. 8. ad Attic. epist. 3. *Idem etiam tertio consulatu, postquam esse defensor reipublicae coepit, contendit, ut decem tribuni plebis ferrent, ut absentis ratio haberetur: quod idem ipse sanxit lege quadam sua.* Et Suetonius in Caesare c. 26. *Cum senatus unum eum, nominatimque Cn. Pompeium, fieri consuisset, egit cum tribunis plebis, collegam se Pompeio destinantibus, id potius ad populum ferrent, ut absentis sibi, quandoquaque imperii tempus expleri coepisset, portio secundi consulatus daretur: ne, ea causa, maturius, et imperfecto adhuc bello, decederet.*

Pugnante] Contendit, dixit lib. 8. ad Attic. epist. 3. lib. 7. vero ad eundem epist. 3. *cur, inquit, antepere pugnatum est, ut de eius absentis ratione habenda decem tribuni plebis ferrent? Est autem plus, pugnante, quam adiuvente.* lib. 7. epist. 32. *Pugna, si me amas, — ut sacramento contendis, mea non esse.*

Populus iusserat] Iubet populus, decernit senatus, et iubere populus dicitur, cum legem, a magistratu latam, suffragiis comprobatur. iusserat autem populus, ferentibus decem tribunis plebis.

Causa orta belli est] Cum Pompeius et eius amici rationem absentis Caesaris in petitione consulatus haberi nollent; Caesar, quod ei populus dederat, id seruari vellet.

Cum vel iniquissimam pacem iniquissima bello anteferebam] Idem epist. 4. huius libri, et ultima superioris libri, et lib. 7. ad Attic. epist.

14. *Pacem hortari non desino: quae vel iniusta utilior est, quam iniustissimum bellum.*

Nam is manebatur] Respondit Pompeius ad condiciones Caesaris honorifice et large: sed eius amici armis disceptari maluerunt. lib. 8: ad Attic. epist. 11.

Rebus domesticis] Ob aes alienum: cuius dissoluendi spe, civile bellum exortabatur. Videtur significare L. Lentulum consulem, P. Scipionem Pompeii socerum, Faustum Sullae filium, Libonem, quem Sext. Pompeii socerum Dio vocat. de Lentulo sic Caesar lib. 1. de bell. ciu. c. 4. *Lentulus aeris alieni magnitudine mouetur.* De Scipione, Fausto, Libone lib. 9. ad Attic. epist. 11. *Quid tu illic Scipionem, quid Faustum, quid Libonem praetermissum sceleris putas? quorum creditoros conuenire dicuntur.* Eisdem notat lib. 7. epist. 3. *Maximum aes alienum amplissimum virorum.*

Cupiditatibus] Honorum opumque comparandarum: cum se praefuturos exercitibus ac prouinciis existimarent.

Quiescente me] Rebus gerendis interesse Cicero noluit. lib. 4. epist. 7. *Neque tu multum interfuisti rebus gerendis, et ego id semper egi, ne interesset.* lib. 16. epist. 12. *Nullum maius negotium suscipere volui, quo plus apud illum meae litterae cohortationesque ad pacem valerent.* Et lib. 7. ad Attic. epist. 11. *Ego negotio praesum non turbulento. vult enim me Pompeius esse, quem tota haec Campana et maritima ora, habeat inter exorov.* In epistola ad Caesarem lib. 9. ad Attic. epist. 11. *Nec, sunt*

sumtis armis, belli ullam partem attigi.

Potui] Quoad sermones bonorum, me reprehendentium, sustinere potui. lib. 9. ad Attic. epist. 1. *Audito bonis viris, qui et nunc, et saepe antea magno praesidio reipublicae fuerunt, hanc cunctationem nostram non probari, multaque in me et senere, in convitiis tempestivis quidem, disputari.* Et ad eundem epist. 2. eiusdem libri: *Eundem est, nec tam ut belli, quam ut fugae socii finis, nec enim ferre potero sermones istorum, quicumque sunt, non sunt enim certe, ut appellantur, boni.*

Pudor meus] Lib. 7. epist. 3. *Pudori malui famaeque cedere, quam salutis meae rationem ducere.*

Quam timor] Exitii mei: cum imparatum Pompeium, Caesarem paratissimum ab his rebus, quibus victoria quaeritur, viderem. epist. 1. *Si mihi alterutrum de eventu atque exitu rerum promittendum esset, id futurum, quod evenit, exploratius possem promittere.*

Aliquando] Cum ab exilio me restituit.

Officio] Patriae debito. epist. 1. *Quoddam nobis officium iustum, et pium, et debitum reipublicae nostraeque dignitati videbamus sequi.* Et lib. 7. epist. 3. *Si manerem in Italia, verebatur, ne officio deessem: si proficiscerer ad bellum, periculum te meum commovebat.* — *pudori tamen malui famaeque cedere, quam salutis meae rationem ducere.*

Fama bonorum] Ne vituperarer a bonis. quid boni de me sentirent ac loquerentur, laboravi: coque

in Graeciam ad Pompeium transiui. Paulo post, *fama populi Romani eadem sententia dixit.*

Vt in fabulis Amphiarans] Poetae fingunt, vatem Amphiarum, cum videret se interitum, si ad bellum Thebanum iret, latitasse, vxore tantum conscia: eam, accepto monili aureo, virum indicasse: itaque coactum ire cum ceteris, hiatu terrae absorptum. Diodorus Siculus lib. 4. c. 67. Pausanias, Statius, alii, Cicero lib. 1. de Inuent. c. 50. et lib. 4. in Ver. c. 18. Servius in illud Virgilii lib. 6. Aen. v. 445.

— *Moesiamque Eriphylen*
Crudelis nati monstrantem vul-
nera cernit.

Ad pestem ante oculos positam] Quia fore videbam, ut Pompeius vinceretur. in orat. pro Marcello c. 5. *Tantum apud me grati animi fidelis memoria valuit, ut nulla non modo cupiditate, sed ne spe quidem, prudens et sciens, tamquam ad interitum ruerem voluntarium.*

Ex alitis inuolatu ERN. volatu,
nec e cantu sinistro oscinis] Sic omnes mei veteres libri, et Cicero, cum hac ipsa de re loqueretur, lib. 1. de Divin. c. 1. *Cilicum, ait, et Pisidarum gens, et his finitima Pamphylia, quibus nationibus praesuiimus ipsi, volatibus animi, cantibusque, ut certissimis signis, declarari res futuras putans.* Et ibidem lib. 2. c. 8. *Quae est natura, quae volucres huc et illuc passim vagantes efficiot, ut significant aliquid, et tum vident agere, tum inbeant, aut cantu, aut volatu? Festus quoque, ubi de volucris auspiciis facientibus loquitur, semel in verbo,*
lib 5 *alites,*

alites, iterum in *oscines*, *volatum* appellat. Nec Cicero vñquam, aut alius quisquam ex iis, quorum scripta exstant, aliter, quam *volatus*, vocauit. Nec vero inuolare, idem est quod *volare*, sed *intro volare*. at hoc particulare verbum in alites auspiciū volatu facientes non conuenit; quae non inuolant modo, vt auspiciū faciant; sed *auolant* etiam, aut *praeteruolant*. nec mihi quidem occurrunt inuolantium exempla: nec dubito, si modo sunt, quā rara admodum sint. Cum igitur ad antiquorum librorum auctoritates accedat consuetudo Latini sermonis, *volatu*, placet; *inuolatu*, probare vix possum. Venio ad sententiam. Alium volatu, et oscinum cantu, aut tripudiis auspiciū fieri veteres opinabantur, auesque ab alitibus distinguebant: vt aues essent, quae ore canentes auspiciū facerent; alites, quae volatu. Festus: *Oscines aues Appius Claudius esse ait, quae ore canentes faciant auspiciū, vt coruus, cornix, noctua: alites, quae alis ac volatu, vt buteo, sanqualis, aquila, immissulus, vulturius. Picus autem Martius, Feroniusque, et Parra, et in oscinibus, et in alitibus habentur. Cantu sinistro, pro laeto, et prospero, dixit. Festus: Sinistrae aues, sinistrumque est sinistimum auspiciū, id est, quod sinat fieri. Varro lib. 5. epistolicarum quaestionum ait: A deorum sede cum in meridie species, ad sinistram sunt partes mundi exorientes, ad dextram occidentes. factum arbitror, vt sinistra meliora auspicia, quam dextra, esse existimantur. Idem fere sentiunt Sinius Capito, et Cincius. Est apud Varronem*

lib. 6. de L. L. *Quae sinistra sunt, bona auspicia existimantur, a quo dicuntur comitia aliudne quid iudici aue sinistra. Inde natum, vt, quaecumque boni ominis essent, etiamsi a dextra cernerentur, sinistra tamen vocarentur.* Cicero lib. 2. de Diuin. c. 39. *Haud ignoro, quae bona sint, sinistra nos dicere: etiam si dextra sint.* Exempla habemus lib. 3. de Leg. c. 3. *Aue sinistra dictus, populi magister esto.* Et in Plauti Pseud. Act. 2. Sc. 4. v. 71.

Omnes ordines sub signis ducam legiones meas

Aui sinistra, auspicio liquido, atque ex sententia.

Et hic, *cantu sinistro oscinis*. non enim de cantu a laeua tantum parte exaudito accipiendum est, verum de omni prospero cantu siue a laeua, siue a dextra fieret: cum omnia prospera, vt dixi iam, vocarentur *sinistra*. Oscines erant picus, cornix, coruus; at picus, et cornix a laeua, coruus porro a dextra consuadent. Et Cicero lib. 2. de Diuin. c. 38. *Cur aliis a laeua, aliis a dextra datum est auibus, vt ratum auspiciū facere possint?* Quare cum hic de prospera Caecinae fortuna Cicero augureretur; nec sinister cantus auspiciū prosperum semper ostendat: sic intelligendum, quasi dixerit: nec e cantu prospero earum auium, quae oscines ab auguribus vocantur, euentumque dextro aliae cantu, aliao laeua felicem promittunt.

Vt in nostra disciplina est] Vt augures nostri appellant. Hoc enim pertinet ad vocabulum, *oscines*: nam et lib. 2. de Nat. deor. c. 64. *Aues quasdam, inquit, et alites,*

alites, et oscines, ut nostri augures appellant, rerum augurandarum causa esse natas putamus. Erat enim augur Cicero. lib. 3. epist. 4. lib. 15. epist. 4. et alibi.

Tripudiis solistimis] Lib. 2. de Diuin. c. 34. *Hae sunt aues internuntiae Iouis: quae pascantur, nec ne, quid refert? nihil ad auspicia: sed quia, cum pascuntur, necesse est, aliquid ex ore cadere, et terram pauire, terripauium primo, post terripudium dictum est: hoc quidem iam tripudium dicitur. cum igitur ossa cecidit ex ore pulli, tum aspicienti tripudium solistimum nunciant. Festus autem: Puls potissimum datur pullis in auspiciis: quia ex ea necesse est aliquid decidere, quod tripudium faciat, id est terripauium. pauire enim ferire est. bonum enim augurium esse putabant, si pulli per quos auspicabantur, comedissent, praesertim si eis edentibus aliquid ab ore decidisset. sin autem omnino non edissent, arbitrabantur periculum imminere. Et alio loco: Solistimum Ap. Pulcher in auguralis disciplinae lib. 1. ait esse tripudium, quod aut excidit ex eo, quod illa fert. Liuius lib. 10. c. 40. Cum pulli non pascerebantur, pullarius auspicium mentiri ausus, tripudium solistimum consuli nunciavit.*

Soniis ERN. Somniis] Sic omnes libri scripti, et quos olim vidimus, et quibus nunc utimur, in vno tantum ita scriptum est, ut et somniis, et soniis legi possit videtur. quibus enim lineis litterae constant, totidem in vtroque verbo sunt, porro, cum duobus modis animi, sine ratione et scientia, motu ipsi suo soluto et libero

incitentur, vno furente, altero somniant: ut inquit Cicero lib. 1. de Diuin. c. 18. non video, cur somniorum mentionem tollamus, cum praesertim de diuinatione agatur.

Vel obscuritatis, vel erroris] Non enim aperta plane sunt, et in iis interpretandis erratur saepe.

Mitis clemensque natura] Suetonius de Caesare c. 74. *In ulciscendo natura lenissimus. c. 75. Moderationem vero clementiamque, tum in administratione, tum in victoria belli civilis, admirabilem exhibuit. Et Plinius lib. 7. c. 25. Caesaris proprium et peculiare clementiae insigne, qua usque ad poenitentiam omnes superauit. Similiter Plutarchus, et omnes historici, Cicero etiam ipse in orationibus pro Marcello, Ligario, Deiotaro.*

Querelarum tuarum] Querabatur de sua calamitate, Caesarem laudabat potius, quam accusabat. nam hic non prior Caecinae liber, quem criminiosissimum vocat Suetonius in Caesare c. 75, verum alter significatur, de quo in epistola superiore, et in ea, quae post hanc legitur; in qua partem harum querelarum licet animaduvertere.

Ingeniis excellentibus delectatur] Epist. 5. *Accedunt tua praecipua, propter eximium ingenium summamque virtutem; cui, mebercule, hic, cuius in potestate sumus, mulcum tribuit. Itaque ne puellum quidem temporis in ista fortuna fuisses, nisi eo ipso bono tuo, quo delectatur, se violatum putasset. et lib. 4. epist. 8. Etiam is, qui omnia tenet; fauet ingeniis.*

Iustis

*Iustis et officio incensis, non in-
anibus aut ambitiosis, voluntati-
bus]* Epist. 12. *Valent apud Cae-
sarem non tam ambitiosae rogatio-
nes, quam necessariae.*

Etruria] Quae pro Caecina supplicabat. infra: *te, hominem in parte Italiae minime contemnenda facile omnium nobilissimum.*

Sustinere causas posse multorum] Negari multis posse.

Iustus] Quia non solum arma in eum tulisti, sed libro etiam acerbissimo maledixisti.

*Eodem fonte se hausturum intel-
ligit laudes suas, e quo sit leuiter
adpersus]* Fore putat, ut cum laudes, cum accusaueris antea.

Leuiter adpersus] Immo vehementer vituperatus: nam illum librum *criminosissimum* appellat Suetonius. Cicero autem, ne spem Caecinae minuat veniae impetrandae, non valde laesum ab eo Caesarem ostendit, et laudationem accusatione maiorem expectari, propterea de laudibus dixit, *hausturum*, quo verbo copia demonstratur; de probris, *leuiter adpersus*.

In parte Italiae minime contemnenda] In Etruria: de qua Virgilius lib. 10. Aen. v. 202.

*Gens illi triplex, populi subgen-
te quaterni.*

Facile omnium nobilissimum] In extrema oratione pro Caecina. *Habetis*, inquit, *hominem singulari pudore, virtute cogita, et spectata fide, amplissimis viris Etruriae totius, in utraque fortuna cognitum multis signis et virtutis et humanitatis.*

Fama populi Romani] Opinione et sermone omnium, sic supra,

vel officio, vel fama bonorum, vel pudore victus.

Animatus melius, quam paratus] Hoc saepe obiicit Pompeio. lib. 4. epist. 7. et lib. 7. epist. 3. et lib. 7. ad Attic. epist. 15. *Sanus flagitiose imparatus a militibus, tum a pecunia.*

In eius personam] In ipsum Pompeium.

Cassium] C. Cassium, qui postea in eum cum M. Bruto coniurauit.

Legauit] Legatum suum esse voluit, venia data superioris temporis. lib. 15. epist. 15. *Tu eam partem petisti, ut consilii inter-esses.*

Galliae praefecit] Quod eo maius beneficium fuit, quia Brutus praeturam nondum gesserat, gessit autem biennio post, Caesare V. et Antonio coss. Gallia, quam rexit, Cisalpina. nam in Oratore c. 10. *una Gallia*, inquit Cicero, *communi uou ardet incendio: in qua frueris ipse te, cum in Italiae luce cognosceris.* lib. 13. epist. 10. 11. 12. 13. 14.

Graeciae] Vide, quae diximus lib. 4. epist. 12.

Cui maxime succensebat] Lib. 4. epist. 4. et Suetonius in Caesare c. 28.

Rerum hoc natura] Quae postulat, ut in causa pari eadem sit omnium conditio.

Nec manens, nec mutata ratio feret] Sine status hic erit, siue mutabitur; in patriam redibis. Moneo lectorem ex mea consuetudine, in omnibus, quos nunc habeo, veteribus libris esse, *muta ratio*, vno excepto, in quo est, *mutata ratio*: quod magis probo.

In causa pari] Hoc dicit, quia, cum et ipse, et Cassius, et Brutus, et

et Marcellus in praefidiis Pompeii fuissent, et iis tamen Caesar ignovisset, aequè videtur, ut Caccina quoque, qui fuerat in eadem causa, iisdemque castris, veniam a Caesare impetret.

Eadem sit] Eadem tua, quae nostra.

Nefariorum scelerum condemnati] Maxime significat eos, quos lege Pompeia de ambitu damnatos Caesar restituit. lib. 10. ad Attic. epist. 4. Suetonius in Iulio c. 41. Caesar lib. 3. de bell. civ. c. 1. Ad hanc rem illud spectat lib. 15. epist. 19. *Caesar habet damnatos, quos pro illo nobis restituat.*

Ille consolatione] Qua tamen vitur per insinuationem.

Posse accidere ut vinceremur] Simile illud est epist. 1. *Nec cum id faciebamus, tam eramus amantes, ut explorata nobis esset victoria.* et quae sequuntur.

Quanta delectationi in rebus adversis litterae] Epist. 12. peti a litteris in secunda fortuna delectationem dixit, in adversa salutem. idem lib. 4. epist. 3. et lib. 9. epist. 2.

Non solum veterum] Vt Coriolani, Camilli, et aliorum, qui, cum duces bello clari fuissent, postea exsulaverunt.

Horum etiam recentium vel ducum, vel comitum] Duces vel comites in bello civili significat: quorum alii perierant, alii exsulabant. idem scripsit ad Torquatum epist. 4. *Postremo, is vir, vel etiam ii viri, hoc bello occiderunt, ut impudentia videatur, eandem fortunam, si res cogat, recusare.*

Externos claros viros] Hannibalem, Lycurgum, Solonem, The-

mistoclem, Aristidem, alios, qui procul a patria, de qua meriti erant optime, vivere coacti sunt.

Quasi legis] Vere enim lex non est, sed ideo lex videtur, quia pertinet ad multos.

Humanae conditionis] Cum omnes homines ea conditione nascantur, ut omnibus fortunae telis proposita vita sit. ad Titium lib. 5. epist. 16. et ad Fabium, epist. 18. eiusdem libri: *Qua conditione omnes homines, et, quibus temporibus nati sumus, cogites.*

Quemadmodum hic] Consolatio ducta a miseria civitatis: ut ad Sextium lib. 5. epist. 17. *Illud utinam ne vere scriberem, ea te republica carere, in qua neminem prudentem hominem res ulla delectet.* et epist. 1. huius libri, ad minuendum Torquati desiderium, hoc, inquit, tempore Romae esse, miserrimum est. Et epist. 4. *Nos quod Romae sumus, miserrimum esse duco.*

Hoc genere nihil opus est] Est in orationis artificio, quae se dicit velle praetermittere, ea dissimulantem breviter exponere: quo genere saepissime usus est Cicero, hic quidem egregie, ab eo loco: *quo, si quid addubitarem, non potius viderer, quam illa consolatione, qua facile fortem virum sustentarem: te, etc.* ita, dum reiicere videtur quasi non necessaria, collegit calide quattuor argumenta, quae dolorem levent, vnum ab incerto bellorum euentu et aucipiti fortuna ductum; alterum, a conscientia facti; tertium, a conditione communi; quartum, a miseria civitatis.

Perspicio] Opinione certior est sensus: et spem saepe fallit euentus:

tus: quod in sensibus accidere vix potest. ideo, cum dixisset, *ut spero*, subiunxit, *vel potius, ut perspicio*: tamquam de re praesentis et oculis proposita: nam de fortuna dixisset, *ut prospicio*, quemadmodum lib. 4. epist. 3. *Multo ante, tamquam ex aliqua specula, prospexi tempestatem futuram.* et alibi.

Imagini animi et corporis tui] Cum omnes filii parentibus cari, tum ii maxime, qui corpore eos et animo referunt. itaque lib. 1. ad Q. Fr. epist. 3. *Quid quod eodem tempore desidero filiam? qua pietate, qua modestia, quo ingenio? effigiem oris, sermonis, animi mei.* Hoc quoque pertinet ad consolandum Caecinam, qui filium haberet sui simillimum.

Constantissimo] Qui patris adversam fortunam constanti animo ferat.

Et detuli] Quo statim, si vellet, yteretur. sic epist. 10. *Vniuersum studium meum et benevolentiam ad te defero.*

Familiares quidem eius, sicuti neminem] Familiares Caesaris, Pansa, Hirtius, Balbus, Oppius, Matus, Postumius. epist. 12.

Valebo tibi] Repetitio eiusdem verbi quiddam venustatis habet. lib. 2. epist. 11. *Quidquid erit, tibi erit.* et epist. 18. eiusdem libri: *Sin quid offenderit: sibi totum, nihil tibi offenderit.*

Firmitudine animi] Virtute dixit ad Torquatum, epist. 4. in extremo.

EPISTOLAE VII.

ARGVMENTVM.

Excusat Caecina filium, quia Ciceroni librum sero reddiderit. Queritur, sibi Caesarem irasci, quod in eum scripserit, cum ignouerit omnibus, qui Deos venerati sint contra eius salutem. Rursus, omis- sam repetit libri sui mentionem: et, quam parce quamque timide tum de ipso Cicerone, tum etiam de Caesare scripserit, diligenter ostendit. Non iturum in Asiam, suadente Cicerone, ut in Sicilia commoretur, confirmat. Petis, ut sibi venia potestasque redeundi a Caesare impetretur. Librum custodiri cupit, aut ita emendari, ne, si exeat, eius rationibus obesse possit.

EXPLANATIO.

Liber] Is, de quo epist. 5. itaque patet, illam post hanc fuisse collocandam. hanc autem post eam, quae sequitur: in qua Cicero scripsit, *in Sicilia censo commorandum*: cui respondit in hac Caecina, *de Asiatico itinere, ut imperasti, feci.* Hic liber cum laude Caesaris Ciceronisque scriptus erat, ut infra perspicuum est: illum alte-

rum, quo Caesari maledixerat, ante pugnam Pharsalicam Caecina composuit: quo se duriorum in venia danda Caesar praebuit.

Quo animo scribatur] Vel haec verba, scriptum esse librum, cum laude Caesaris, demonstrant.

Inepte] Imprudentia nostra: cum hoc damnum vitare licuerit libro comprimendo.

Stili]

Stili] Quia scripserim contra Caesarem.

Cum mendum] Mediceus liber, *commendum:* mei, *cum emendandum:* vnus, *commentum.*

Scripturae] Et hic et paullo post pro *scripto* posuit. et lib. 15. epist. vlt.

Litura] Veteres libri, *littera.*

Stultitia fama multetur] Qui stulte aliquid commisit, fama illi poena est, et stultus esse dicitur. Quidam libri, *stultitiae.*

Corrigitur] Non punitur, quod pertinet ad crimina, sed corrigitur, quasi leui culpa. Neque congruunt, *exsulio corrigitur:* sed erat proprium, *exsulio punitur.* verum de- dita opera cum leni verbo acerbum nomen coniunxit, vt inde perspicuum faceret, quam inique secum ageretur, et quam esset in ea re fato singulari, cuius error corrigeretur exsulio.

Summa criminis] Et hoc aliqua cum ironia atque indignatione dixit: quasi leuissimum sit crimen, si quis aduersario maledicat armatus. id quod proxime non crimen, sed errorem vocauit.

Vota victoriae suae] Pro victoria imperatores vota fecisse, Lilius, et alii saepe dixerunt: sed priuatim vouere alii quoque solebant.

Immolaret] Festus: *immolare est mola, id est, farre molito, et sale, hostiam fksam spargere.*

Omnibus rebus] Hic etiam, non modo in bellis.

Felix] Quia vota non cogitat, quae in ipsum ab aduersariis facta sunt.

Multa deos venerati] *Multa,* aduerbii loco posuit, vt Virgilius lib. 4. Georg. v. 300.

— *Et spiritus oris*

Multa reluctanti obstruitur. —

Sic locutus idem Cicero lib. 3. de Nat. deor. c. 3. et pro Murena c. 29. Topicorum autem initio, *cum tu,* inquit, *mibi meisque multa saepe scripsisses.* Cellius lib. 13. c. 22.

Scripsi de te] Timui, quia scripsi de te, quamquam parce, ne Caesar offenderetur.

Non reuocans me ipse] Non reuocaui me sponte, sed refugi metu.

Genus hoc scripturae] Cum alterum laudamus. nam, cum alteri maledicimus, aut cum nos ipsos laudamus, minus liberum est.

Atque elatum] Vnus Maffei liber, *elatum:* quod olim probauimus. reliqui mei omnes, *latum.* Sed coniecturam nostram aliis quoque placuisse, nunc video.

Alterum laudare] Quod ego feci: nec tamen id mihi liberum fuit.

De quo quidquid detrabas] Si perfecte alterum non laudes.

Infirmis] Ingenii.

Ac nescio, an tibi gratius opportuniisque acciderit] Fortasse gratius tibi erit, ac melius cadere videbitur, quod parce te laudauerim, metu scilicet refugiens. nam, quod egregie praestari non potest, id vel non attingere oportet, vel saltem quam parcissime facere.

Sustinui] Licet hoc scripturae genus incitatum esse debeat, ego me tamen sustinui.

Minui] Vt parcius te laudarem.

Sustuli] E libro.

Ne posui quidem] Quae, nisi metus impedisset, iure ac merito tuo posuissem.

Quemadmodum igitur scalarum gradus] Comparationes poetis potius,

tius, quam soluta oratione scribentibus, conueniunt. Demetrius, cum de longioris vitio similitudinis praeceperet, haec subiunxit: Ταῦτα γὰρ ἢ καὶ εὐκαίρις ἐστὶ εἶναι, ἀλλὰ παραβολὰς ποιητικαῖς. τὰς δὲ παραβολὰς ταύτας ὅτε φηδὼς ἐν τοῖς περὶ λόγους τίθεται δεῖ, ὅτε ἀνὴρ πλείους φυλακῆς, id est: Haec enim non iam similitudinum speciem habent, sed poeticarum comparationibus neque facile in soluta oratione, neque sine cautione plurima uti oportet. Idem alio loco minui docet comparationibus grauitatem illam, quam Graece vocant δεινότη-
τα. Αἱ παραβολαί, inquit, τῇ δεινότητι ἢ ἐπιγίνεσθαι διὰ τὸ μῆκος εἶναι τὸ, Ὡς περὶ δὲ κύνων γενναίους, ἀπειρος, ἀπροσότητος ἐπὶ κάπρον φέρεται. κάλλος γὰρ καὶ ἀκρίβειά τις ἐν ταῖς τοῖς ἐμφαίνεται ἢ δὲ δεινότητος σφδρὸν τι βύλεται καὶ σύντομον, καὶ ἰγγρύθεν πλητύνειν εἶναι. Videndum igitur, an satis apte comparationem hanc Caecina in epistolam induxerit. quamquam et Ciceronem hoc nonnumquam fecisse constat.

Non poenae metu] Non enim timenda est laudanti poena, sed offensio tamen quaedam eius, qui laudari fortasse non vult.

Animum] Quo modo animum affici atque angere meum putas, vbi haec secum ipse cogitat?

Loquitur] Animus cogitat, lingua loquitur, sed quia cogitata animi loquitur, ideo, quod est linguae, ad animum transfertur.

Hoc probabis] Et hoc et quae sequuntur, usque ad illud, *quid facies?* ea sunt, quae secum loquitur animus.

Num offendo] Ipsum Caesarem.

Cum porro offendam] Aliquem,

non ipsum Caesarem. absurdum enim esset id, quod sequitur: *quid, si non vult?* nam cur dubitet in re notissima? quasi vero offendi quisquam velit. Sed opponit Caecina, *laudare aliquem, offendere*: quo in utroque veretur, ne Caesarem laedat.

Armatus stilum] Stilum eius, qui scripsit armatus.

Victi et nondum restituti quid faciet] Quo modo persequetur stilum victi et nondum restituti?

In Oratore] Sic inscripsit librum, in quo formam perfecti oratoris expressit. *epist. 18 Oratorem meum tantopere a te probari, vehementer gaudeo. Mibi quidem sic persuadeo, me, quidquid habuerim iudicii de dicendo, in illum librum contulisse. etc.*

Canes tibi per Brutum] Cum haec scribis c. 10. *Testificor, me a te rogatum, et recusantem, haec scribere esse ausum. Volo enim mihi tecum commune esse crimen, ut, si sustinere tantam quaestionem non potuero, iniusti oneris impositi tua culpa sit, mea recepti.*

Veterem tuum] Exstat Cicero-
nis oratio pro Caecina.

Sentire oportet] Multo, inquit, magis mihi esse timendum intelligo, quam tu in Oratore tuo timuisti.

Calumniam timoris] Calumniator ea fingit, quae vera non sunt. item timor saepe falsa proponit: ut recte, propter similitudinem, *calunniam timoris* dici possit.

Caecae suspicionis tormento] Cum non videam, quo consilio gratiam a Caesare inire possim, et incerta suspitione torquear, metuens, ne offendam potius eum, quam mihi reconciliem.

Ad alieni sensus coniecturam] Male agitur cum eo, cui scribenti cogitandum est, non quod ipse probet, sed quid alii probaturi sint. in quo sequitur non iudicium suum, sed coniecturam de alio sensu.

Euadere] Ita scribere, ut animus acquiescat. *Euadere* dixit, tamquam ex difficultate.

De Asiatico itinere] Petierat a Cicerone consilium Caecina, quid sibi esset auctor, in Siciliam subderet, an ut ad reliquias Asiaticae negotiationis proficisceretur. respondit Cicero: *in Sicilia censo commorandum*, quod se facturum Caecina confirmavit. vide epistolam sequentem: quae tamen ante hanc scripta est. Postea tamen in Asiam Caecina profectus est, fortasse reditu in patriam desperato. nam lib. 13. epist. 66. Cicero eum Seruilius commendans, *te rogo*, inquit, *atque oro, ut eum in reliquis veteris negotiationis colligendis iuues*.

De nobis] De reditu nostro in patriam.

Vel studio] Quo saepe impeditur ingenium. est enim *studium*,

vehemens quaedam animi affectio et propensio ad aliquam rem.

Capiatur] Translatum verbum, pro, *ad voluntatem nostram traducatur*. sunt enim in potestate nostra, quae cepimus.

Eius omnes] Familiares. qui nominantur epist. 12. et significantur epist. 6.

Nisi forte aut in miseria nimis stulte] Ideo stulte, quia dixit, *sed totum tuum esse*. modeste enim, qui in calamitate est, petere debet.

In amicitia nimis impudenter] Videndum enim, quid amico oneris imponamus.

Tuae vitae consuetudo] Excusat petitionem suam tribus modis. primum, quod Cicero, quibus rebus gaudeat, quibus capiatur Caesar, optime omnium intelligat: deinde, quod apud ipsum Caesarem eiusque familiares omnes gratia valeat: postremo, quod laborare pro amicis consueverit. Haec dispersa parum attenduntur: collecta, et sub oculos subiecta legentium, copiam in simili argumento non exigam pariunt.

EPISTOLAE VIII.

ARGUMENTUM.

Datum sibi a Balbo et Oppio scribit, ut Caecinae iiceret esse in Sicilia: ibique ut commoretur, suadet.

EXPLANATIO.

Largus] Romanae gentis cognomen.

Tibi praefinitas esse] Ne ultra tibi esse liceret in Sicilia.

Balbus] L. Cornelius Balbus, Gaditanus, pro quo exstat Cicero-

nis oratio. hic absentis Caesaris negotia procurabat. lib. 13. ad Attic. epist. ult. *rationes opinor cum Balbo*. quo loco fuerit apud Caesarem cum C. Oppio, Caesaris ipsius ad utrumque declarat epistola, quas

Cc

quae legitur lib. 9. ad Attic. epist. 6. et 13. De Balbis vide infra, epist. 12.

Oppius] C. Oppius Caesaris legatus Africano bello, vt in libro legitur, qui de eo bello scriptus est. exstat eius, et L. Balbi epistola ad Ciceronem lib. 9. ad Attic. epist. 6. et Ciceronis ad eum lib. 11. epist. 29.

Huic meae rogationi potius non continuo responderunt] Nihil deest, vt quidam putarunt. nam, *potius*, refertur ad illa superiora. Cum fuissent, aut polliceri, aut etiam negare: quorum neutrum fecerunt, sed potius huic meae rogationi non continuo responderunt.

Re aut impetrata, quod spero, aut aliqua ratione confecta ERN. *Re aut impetrata, aut, quod spero, aliqua ratione confecta*] Vtroque modo elicitur sententia: sed in alteram partem vt propendeam, facit auctoritas veterum librorum. vult enim Caccinam sperare, si res non impetrabitur, saltem vt aliquo modo ad exitum perducatur. quid autem, dicit aliquis, si res non impetratur, sperare poterat? vt in Italia fortasse posset esse, modo ne ad urbem accederet. nam de

Sicilia iam impetratum erat. At illud optabilius, vt reditus in urbem impetraretur. Quis negat? sed ego opinionem ad verba, quam verba ad opinionem, accommodare malo. Proferat aliquis veterem librum, in quo videam, *re aut impetrata, quod spero*: tum facile, et libenter assentiar.

T. Furfano Postumo. ERN, *Postumio*] Vltatius erat, *T. Postumio Furfano*, vt cognomini nomen praeponeretur: tamen et cognomen interdum nomini anteponitur, vt lib. 2. epist. 8. et lib. 7. epist. 1. *Gallus Caninius*: et *C. Crispus Sallustius* in libro vel Hirtii, vel Oppii, de bello Africano, non semel nominatur: item *Gallus Fabius*, lib. 8. ad Attic. epist. 12. et lib. 13. ad eundem epist. 49. Sunt, qui legant, *T. Furfanio Postumo*. ego malo, *Furfano Postumio*, testimonio fretus veterum librorum: et, quod ignoti *Furfanii*, *Postumi* notissimi. adde quod *Furfanius* appellatur lib. 7. ad Attic. epist. 15.

Quae mihi venient in mentem] Vide eandem sententiam lib. 5. epist. 8. in extremo.

EPISTOLAE IX.

[Manutius huic epistolae numerum non adscripsit]

ARGVMENTVM.

Brevis est epistola, sed perfectae commendationis exemplum.

EXPLANATIO.

Patre eius] De quo epist. 6. et lib. 13. epist. 66.

Vivbat mecum coniunctissime, non solum officiis amicitiae, sed

etiam studiis communibus] Non dubito, quin eadem studia et officia significet lib. 13. epist. 66. cum ait: *hominis, omnibus mecum studiis officiisque coniunctissimi.*

Necesse

Neceſſe ſit] Sic in vno veterẽ libro: reliqui omnes, *neceſſe eſt*. vtro modo legas, parui refert.

Reliquum eſt, ut, cum cognorim]

Qui petit, ſpem impetrandi ſi oftendit, eo ipſo impetrat facilis, probitatis enim et humanitatis commemoratio beneuolentiam gignit,

EPISTOLAE X.

[In editione Manutii hæc epiftola eſt nona.]

A R G V M E N T V M.

Huius epiftolæ neque conſolatio argumentum eſt, neque auxilium alicuius promiſſio: niſi ſi amoris quædam ſignificatio, et conſolationis loco eſt, et promittere etiam aliquid videtur. certe, cum Trebianus poſt pugnam Pharſalicam ab armis non diceſſerit, quod epiftola declarat; iuſtam irascenti cauſam Caſar habuit. unde illud epift. 13. Africanæ cauſæ iratior, diutius velle videtur eos habere ſollicitos, a quibus ſe putat diuturnioribus eſſe moleſtiis conſtitutum. Quare nil mirum eſt, ſi Cicero ei ſpem perexiguam offert incolumitatis. parce enim et exſiliſter pollicetur in eo loco: ſi qui mihi erit aditus. Scripta eſt poſt bellum Africanum: quod ex iis verbis conicio, conſilium tuum, vel caſus potius, diutius in armis ciuilibus commorandi. Quod ad huius Trebiani familiam aut vitam pertinet, eruere ex hiſtoria nihil potui. Caſare III. Lepido coſſ.

E X P L A N A T I O.

Vel caſus potius] Minuitur culpa, cum à voluntate in caſum tranſfertur. hoc artiſicio vitur Cicero quaſi conſolandi gratia. nam ſi conſilio Trebianus Caſarem laeſiſſet; recuperandi fortunas et dignitatem ſpes eſſet infirmior: An autem caſu; excuſationem aliquam inueniret iniuria.

Magno dolori fuiſ] Refertur ad illud, ſemperque fecerim. Magno dolori autem, quia de victòria veſtra deſperabam, nec putaui, cum integri pares non fuiſſemus, fractos ſuperiores fore.

Recuperas ERN. Recuperes] Antea, *recepisti*: nos *recuperes*, aliquot iam annis emendauimus, et impreſſimus. liber vetuſtus habet, *reciperes*. Et in alijs etiam exem-

plaribus, I litteram pro P ſæpiſſime reperias.

Curæ eſſ] Et hoc ad illud alterum ſpectat, quanti te faciunt. ſingulis enim ſingulare reddere, confirmandæ ſententiæ cauſa, Cicero ſolitus eſt.

Caſus mei] Cum patria pulſus lege Clodia ſum. hoc ad illud pertinet, quanti me a te fieri intellexerim. ita, cum tria propoſuerit, tria ſubiunxit.

Poſtumuleno] Cognomen Romanæ gentis: et M. Poſtumulenus Secundus nominatur in antiquiſſimo lapide quadrato, quem vidi in aedibus Rainucii Farnęſii Cardinalis. huius generis nomina ſunt, Voluſennus, Saluidentus, Vibienus, Labi-

tu, Nasidienus, Caesidenus, Varius etc.

Theudae] Nomen serui, cognomen liberti.

Quantum in ea republica, de qua ita meritus sum] Vide idem iisdem fere verbis epist. 13.

Qui fuisti] Fuiſti autem et omni honoris gradu amplissimo digniſſimus, et ordinis tui facile princeps.

Ordinis tui] Equeſtris. nam, ſi ſenatorii fuiſſet; *ordinis noſtri*, dixiſſet: cum ipſe Cicero ſenator eſſet, ideo et, *digniſſimus*, dixit, tamquam de equite, iis honoribus digno, quos qui adepti ſunt, non iam equeſtris, ſed ſenatorii ordinis dicuntur eſſe.

Eademque de cauſa] Quod pro Pompeio contra Caſarem arma ſumpſimus. *De*, valet propter: vt apud Terentium in Eun. Act. 3. Sc. 2. v. 3.

— *Ecquid nos amas*
De fidicina iſaac?

[A verbis: *Antea miſiſſem ad te litteras*, in editione Manutii epistoſola decima incipit.]

ARGVMENTVM.

Primo loco excuſationem aſſert, quod antea non ſcripſeris: ſum hortatur eum, vt conſcientia ſe ſuſtentet ſactorum et conſiliorum ſuorum: ſperare etiam tubet, exſulem non diu futurum: eam porro ſpem ſumit a Caſaris clementia, a ſtatu reipublicae iam reuiuſcentis, a ſuo ſtudio, ab amicorum Trebiani copia. Quibus cauſis, vt forti magnoque animo ſit, hortatur. Scripta videtur ante ſuperiorem proximam: nam prima illa verba, antea miſiſſem ad te litteras, ſi genus ſcribendi inuenirem, nullas antea Ciceronem litteras ad eum miſiſſe, perſpicue demonſtraut. Eodem anno.

EXPLANATIO.

Tali enim tempore aut conſolari, amicorum eſt, aut polliceri] Similis ſententia in epist. 13. in principio, et lib. 4. epist. 13.

Inu-

Tamquam ex reliquiis] Non enim priſtinam recuperaui dignitatem: ſed quaſi reliquias quaſdam ſeruo. *Imago veteris meae dignitatis*, dixit epist. 13.

Familiariſſimi eius] Quos nominat epist. 12.

Casu deuincti] Quia, cum olim in eos officia conſerebam, fore aliquando tempus diuinare non poteram, vt eorum ope indigerem. *Casu* igitur, ob haec tempora, quae praeter opinionem meam conſecuta ſunt.

De tuis fortunis] Quorum partem amiſerat. epist. 11.

In qua ſunt omnia] Hanc maxime curemus: de fortunis minus laborandum. in hac enim omnia ſunt. videtur ſignificare, fortunae omnino recuperari non poſſe. quod comprobatur epist. 11.

Ad te deſero] Epist. 6. *Et pollicitus ſum et detuli.*

Vt nihil exiſtiment eſſe tam difficile] Vide ſimilem ſententiam lib. 5. epist. 11.

Iniuriam temporum] Temporibus assignat, quod hominum est: ut in epistola proxima, quod consilii fuit, in casum confert. haec deriuatio culpae cautionem habet, ne laedatur is, qui quo animo sit, magni refert in vtramque partem. lib. 5. epist. 21. *iniuriam* appellat: item epist. 5. huius libri nulla temporum aut hominis cuiusquam mentione facta.

Magnum fructum studiorum optimorum capis] Docent enim hoc maxime litterarum studia, nihil esse curandum, praeter culpam.

Idque ut facias] Non refero hoc ad proxima, sed a superiora illa verba, *magnum fructum etc.*

Simul et illud] Iam incipit aliquid polliceri: ut ad conscientiam vitae ante actae, spes etiam accedat futurae incolumitatis.

Rerum et exemplorum] Vsum rerum et doctrinam significat: quod vtrumque vitae genus Trebianus coluisset, τὸ πρακτικόν, ex Dicaearchi praecepto, καὶ τὸ θεωρητικόν, a Theophrasto laudatum.

Plus etiam, quam vellem] Ob incommoda, quae sustinui.

Qui plurimum potest] Caesar. lib. 4. epist. 13. sic locutus est eandem sententiam lib. 4. epist. 7. tribus modis expressit: ei, penes quem est potestas: ita late patet eius potestas, quem veremur, ut orbem terrarum complexa sis: is qui tenet rempublicam. Dixit etiam, qui omnia tenet: cuius dominatu locus vacat nullus: ad quem vnum omnia delata sunt: epist. 8. 9. eiusdem libri.

Delabi ad aequitatem] Aequitas a summo iure discedit. summum ius persequēbatur Caesar,

cum eos a quibus laesus erat, violēbatur. quod si non tantum iniuriam, qua ipse esset affectus, verum alia quoque simul cogitaret, verbi causa, qui Pompeium secuti essent, alios id amicitiae dedisse, alios reipublicae, quod eam crederent in Pompeii et confidum castris esse; praeterea, satis eos iam dedisse poenarum; pertulisse incommoda, quae bellorum natura fert; caruisse patria, liberis, fortunis; nec posse talibus viris rempublicam carere diutius; haec si cogitaret, delaberetur ad aequitatem, nec summo, ut antea, iure agendum putaret.

Ad rerum naturam] Ut homo hominem tueatur ac diligat. odisse enim et laedere, violentum quiddam est, non ex rerum natura. epist. 6. *Rerum hoc natura et ciuiliū temporum non patietur.*

Ipsa causa] Dixi iam lib. 1. epist. 1. *causam* interdum id vocari, quod ad aliquem pertinet: ut, *Pompeii causa iustior, quam Caesaris.*

Cum republica] De hac spe, quae ab ipsa reuiuiscēte republica capi posset, vide infra epist. 12. Scis, inquit, me antea sic solitum esse scribere ad te, magis ut consularer fortem virum atque sapientem, quam ut exploratae spem saluis ostenderem, nisi quam ab ipsa republica, cum hic ardor exstinctus esset, sperari oportere conferem. Et lib. 4. epist. 13. *Etiā illa, quae minimum nunc quidem potest, sed possit necesse est, respublica, quascūque vires habebit, ad iis ipsis, quibus tenetur, de te prope diem (mibi crede) impetrabit.*

Quae quoniam] Ea quae lenius ac liberalius fiunt.

In temporum inclinationibus] Opportunitates temporum, vel paruae, ad impetrandum saepe adiuuant, qua de re vide lib. 2. epist. 16.

Leuandi] Qui iuuat, idem dolore leuat. vel, *leuandi*, calamitate exsolvii.

Procluius] Facilius: quia per cliuos facile descenditur. sic lib. 2. de Offic. c. 29. *Dilectum quidem est procluius.* et in Laelio c. 18. *Amicitia remissior esse debet, et liberior, et dulcior, et ad omnem co-*

mitatem, facilitatemque procluius. In Tusculana tamen quarta c. 12. *Haec in bonis rebus, quod alii ad alia bona sunt aptiores, facilitas nominetur, in malis, procluius, ut significet laxationem.*

Quod est in vno te] Hoc ipsi praestare non possumus; in te vno situm est.

Quae sunt in fortuna] Praesentem eius calamitatem ad fortunam refert; et eam non fore perpetuam ostendit, cum ait, *temporibus reguntur*: id est, ratio temporum moderabitur: nos autem, quantum consilio licebit, occurremus.

EPISTOLAE XI.

ARGVMENTVM.

Reditum in patriam Dolabellae maxime beneficio impetratum nunciat. gratulationem ab ipso exposcit: gratiarum actionem repudiat. iacturam fortunarum et aequiore animo ferat, hortatur: quando nec rei familiaris damnum cum acquisitae dignitatis lucro conferri debeat; nec priuata res, cum publica sit amissa, magnopere curanda videatur. Praedicationem suorum in illum officiorum sibi non ingratiorem esse consuetur. Eodem anno.

EXPLANATIO.

Dolabellam] P. Cornelium Dolabellam, antea Ciceronis generum: de quo supra diximus. divortium iam cum Tullia fecerat, quo tempore scripta est haec epistola. id licet coniecere ex lib. 11. ad Attic. epist. 23. quae scripta est ante bellum Africanum: hae vero ad Trebrianum omnes post id bellum. nec vero simul cum affinitate dirempta amicitia est. (nisi si temporum causa simulatum est) exstant Ciceronis epistolae lib. 9. ad Dolabellam insigni cum amoris argumento: et haec ipsa, prodesse Ciceroni gratiam Dolabellae apud

Caesarem in amicorum negotiis, demonstrat.

Non desueram eius periculis] Bis cum Cicero, ante filiam suam ei collocatam, in capitis periculo defenderat. lib. 3. epist. 10.

Quam gratias agere] Respuit enim verus amor gratiarum actionem.

Vere facere poteris] Quia maxime gaudeo impetrata salute tua; ideo, si mihi gratulaberis, iure et vere facies. nam, *vere gratulari*, est, cum causa gratulari, ut in epistola sequenti.

Virtus]

Virtus] Antea cognita. hic *virtus* non fortitudinem, non doctrinam, sed praestantiam quandam in magnis rebus demonstrat. nominatur autem simul cum dignitate, ut in epist. 5. quo loco *virtutis* nomen eadem significatione usurpatur.

Dignitas] Trebianus, ut ex epist. 9. intelligitur, equestris ordinis fuit: dignitas tamen ei, tamquam honor cum ordine coniunctus, tribuitur, et in eadem epistola, et in hac.

Est tuae sapientiae magnitudinisque animi] *Sapientia*, ut anteponendam rei familiari dignitatem iudicet; *magnitudinis animi*, ut illam iacturam negligat, fortiterque ferat. Vtramque coniunxit et lib. 1. epist. 5. cum ait: *tuae sapientiae*

magnitudinisque animi est, omnem amplitudinem et dignitatem tuam in virtute, atque in rebus gestis tuis, atque in tua gravitate positam existimare.

Vestorius] Puteolanus, de quo saepe fit mentio in epist. ad Attic.

Ad me scripsit, te mihi maximas gratias agere] Erat igitur Trebianus, ubi Vestorius, et fortasse Puteolis, quia Puteolanus Vestorius.

Facile patior] De hoc genere loquendi satis dictum est lib. 1. epist. 9. et lib. 5. epist. 7.

Ea prudentissimo cuique] Similem sententiam vide lib. 2. epist. 13. Confirmantur nostra consilia, cum sentimus prudentibus fideliterque suadentibus idem videri.

EPISTOLAE XII.

ARGUMENTVM.

Gratulatur Balbo de reditu impetrato: nec amplius consolationem esse necessariam confirmat, re iam confecta. qua in parte dum versatur, quaedam colligit ad laudem. rempublicam tamen plane perditam significat, nec se medicinam ullam, praeter litteras, inuenire. Eodem anno.

EXPLANATIO.

Ampio Balbo] Videtur is esse, ad quem scribit lib. 10. epist. 29. quod si ita est; collocari illam epistolam ante hanc oportuit; ut ex utriusque cognoscitur argumento. Idem commendatur lib. 13. epist. 70. Quattuor Balbos inuenio, vnum hunc Ampiae gentis; alterum Atiae, qui Iuliam, C. Caesaris sororem, in matrimonio habuit, ex qua genuit Atiam, Augusti matrem; duos reliquos Gadibus natos, et ciuitate Romana donatos, Corneliae gentis:

quorum alter Balbus maior, alter minor, eius fratre genitus, vocatus est. maior est, qui nominatur inter Caesaris amicissimos in hac ipsa epistola, et in epist. 18. 19. et in 5. 7. 18. lib. 7. et in 17. lib. 9. pro quo exstat egregia Ciceronis oratio, primus in Oceano genitorum consulatum est adeptus, ut ait Plinius lib. 7. c. 43. Minor Balbus ex Africa triumphauit, ut idem Plinius lib. 5. c. 5. Strabo lib. 3. Solinus. nominatur a Cicerone lib. 8. ad

Attic. epist. 11. a Pollioae lib. 10. epist. 32.

Frangi] Cognita veritate.

Ad acquitatem animi] In qua sunt, qui dolore vacant.

Tui caritate] Mea in te caritas cogeat, vt apertius tuam causam agerem, quam permittere videbatur fortuna nostra. Infra: *nihil est a me infernitum temporis causa*.

Vidi, cognoui, interfui] Tribus verbis, nulla copula interposita, vis summa perficitur. tale illud pro Milone c. 4. *Est haec, indices, non scripta, sed nata lex: quam non didicimus, accepimus, legimus, verum ex natura ipsa arripimus, hausimus, expressimus*. Et Phil. 14. c. 10. *Hostes nefarios posttrauit, fudit, occidit*. Interdum et quattuor verbis, vt orat. 2. in Catilinam c. 1. *Abiit, excessit, euasit, erupit*.

Satis opportune] Cum eorum gratia et auctoritas magno nobis emolumento et fuerit nunc, et esse possit.

Cum ab illo discesserint] Lib. 1. epist. 9. *Sic enim te existimare velim; cum a vobis, meae salutis auctoribus, discesserim, neminem esse, cuius officiis me tam esse deuinctum non solum confitear, sed etiam gaudeam*.

Pansa] C. Pansa, Vibiae gentis, vt mei testantur duo veteres argentei nummi, consul fuit cum A. Hirtio, anno post Caesaris necem 1. tribunatum gesserat Sulpicio et Marcello coss. vt indicat Coelius lib. 8. epist. 8. Mutinensi pugna duobus vulneribus acceptis, Bononiae perijt, vt ait Appianus. vide lib. 10. epist. 30. et 33. et Phil. 14. c. 9. et Dionem lib. 46. Huius in se bene-

volentiam summam non hic modo, verum et in Phil. 7. c. 2. Cicero declarat his verbis: *Quamquam nos ab ineunte illius aetate vsus, consuetudo, studiorum etiam honestissimorum societas, similitudoque deuinxit: eiusdemque cura incredibilis in asperrimis belli ciuilibus periculis perspecta, docuit non modo salutis, sed etiam dignitatis meae fuisse fautorem*.

Hirtius] Pansae collega in consulatu, qui eodem in proelio occisus est. Homo nouus, vt Cicero etiam noster fuit: atque hoc illi exprobrauit M. Antonius epistola illa, quae est in Phil. 13. c. 11. *Acerbissimum, inquit, est, te, A. Hirti, ornatum esse beneficiis Caesaris, et talem ab eo relictum, qualem ipse miraris*. et Cicero, ad excusandam eius nouitatem, ita scripsit in quadam ad illum epistola in fragm. *Cum nobilitas sit nihil aliud, quam cognita virtus, quis in eo quem veterascentem videt ad gloriam, generis antiquitatem desideret?* Dio vnum fuisse ait e filiis proscriptorum a Sulla, et a Caesare ad honores elatum. Huic Cicero, post diuortium Terentiae, sororem sibi in matrimonium offerenti, respondit, se philosophiae simul et vxori operam dare non posse. auctor D. Hieronymus lib. 1. ad Iouinianum.

Balbus, Oppius] Vide, quae diximus epist. 8.

Marius] Virum doctissimum appellat lib. 7. epist. 15. eius habemus disertissimam epistolam lib. 11. 28.

Postumius] Caesaris et hic familiaris, fortasse is, qui Siciliae praefuerat. epist. 8. vel qui lib. 14. ad Attic. epist. 10. nominatur.

Plano

Plane ita faciunt] Ad illud refertur, *me proximum habeant*. ut sit: hoc ita multis officiis praestant, ut amorem singularem mihi declarant.

Pro me] Pro salute mea: veteres libri omnes, quos inspicere soleo dubiis in locis, habent, *per me*. nec displicet. Egerat Cicero per familiares Caesaris, amicos suos, non per se ipsum, cuius auctoritas et gratia non erat eiusmodi, ut aliorum incolumitatem deprecari posset. ita porro in Ampii salute impetranda ei satisfecerant amici eius omni sedulitate atque officio, ut vix ipse Cicero, si auctoritate et gratia pari fuisset, agere potuisset. *Agere autem per aliquem*, est, alicuius opera uti. et in epist. 10. dixit: *agam per me ipse et moliar*. Quocirca videndum, an rectius sit, *per me*, quam *pro me*. nam, neclibenter discedo ab antiquis libris; nec hic quidem, ut discedam, sententia postulat.

Molitur] Moliri est, sine proposito aliquid agere. epist. 10.

Nihil est a me infernitum temporis causa] Hoc est, quod paullo ante dixit, *egi tuam causam apertius, quam mea tempora ferebant*.

Non minus auctoritate, quam gratia] Gratia adolescentes valere possunt, auctoritate non possunt. nam auctoritas quaedam existimatio est parta rebus egregiis, in quibus gravitas et consilium enituerit.

Cimber autem Tullius] Sic placet, ut alii emendarunt; licet veteres aliquot libri *Tullius* habeant.

Mibi plane satisfecit] Hic locus ostendit, Cimbrum inter Caesaris familiares fuisse. quod si quis ambigit, Senecam legat lib. 3. de

Ira c. 30. qui ait eum Caesaris partium civili bello defensorem acerrimum fuisse. Postea coniuravit in Caesarem, primasque partes in eo necando suscepit. Suetonius in Caesare c. 32. Plutarchus.

Non tam ambiciosae, quam necessariae] Sic epist. 6. *Cedit multorum iustis et officio incensis, non inanibus aut ambitiosis, voluntatibus*. Et in orat. pro Ligario c. 11. *Video, apud te causas rogantium valere plus, quam preces: ab iis, quae te moveri maxime, quorum iustissimum dolorem videas in petendo*.

Quas quia Cimber habebas] Videtur fuisse Cimber Anipii propinquus.

Diploma] Litterae Caesaris ob signatae, reditum Ampio et incolumitatem dantes.

Tubam belli civilis] Quo ciues ad bellum ita vocarentur, ut ad proelium vocari milites solent. Tale illud Phil. 7. c. 1. *Bellicum me cecinisse dicunt*.

Quasi non gaudeant] Ob direpta, vel paruo empta proscriptionum bona.

Recepta] Recipere plus est, quam promittere. lib. 13. epist. 28. et lib. 5. epist. 8. Qui enim in se recipit, praestaturum se promittit. lib. 13. epist. 41. dixit: *confirmo et spondeo*.

Eppuleiae] Vxor. nam Ampia, filia: quia feminae gentis nomine appellabantur. Fulvii liber vnus, *Appuleiae*: reliqui omnes, *Eppuleiae*: quorum consensu moueor: licet *Eppuleiae* gentis mentionem alibi non viderim: *Eppiam* quidem exemplis non paucis cognitam habemus.

Nisi quam ERN. Nisi eam, quam] Quam spem ab ipsa republica sperari oportere conferem. Omnino durius videtur, *sperare spem*. itaque Lambinus legit, *nisi eius*: ut sit, eius salutis.

Ab ipsa republica] Quae, belli ardore extincto, iacentem bonorum causam subleuabit. Sic epist. 10. *ipsa causa*, inquit, *ea est, ut iam simul cum republica*, quae in perpetuum iacere non potest, necessario reuifcat atque recreetur. Et lib. 4. epist. 13. *Etiā illa, quae minimum nunc quidem potest, sed possit necesse est, res publica.*

Cum recorder] Tacita cohortatio ad constantiam. commemorantur enim ea, quae sapientiam et animi magnitudinem pariunt.

In republica esse versatum] Hoc dicit, quia diuturna reipublicae administratione prudentia comparatur: qua qui praediti sunt, aduersis calibus minime franguntur.

In ipsa discrimina] In belli civilis initia. itaque iam ab eo tempore, quae acciderunt, suspicari ac diuinare potuisti. cur igitur mirarer constantiam tuam in iis rebus, quarum euentum aliquanto ante prospexeras?

Sed etiam, ut, si ita accidisset, victus, sapiens esses ERN. si ita ac-

cidisset, victus ut sapiens esses] Libri aliquot veteres: *sed etiam ut, si ita accidisset, victus et sapiens esses*. alii: *sed etiam ut, si ita accidisset, victus ut sapiens esses*. quos ita sum secutus, ut primum ut, induxerim, tamquam non necessarium. sententia similis epist. 1. *Si id euenit, quod ingredientibus nobis in causam propositum fuit accidere posse: non debemus ita cadere animis, quasi aliquid euenit, quod fieri posse numquam putamus*. Et epist. 6. *Sin, propter incertos exisus euentusque bellorum, posse accidere, ut vinceremur, putasses; non debere te ad secundam fortunam bene paratum fuisse, aduersam ferre nullo modo posse*.

Memoriae prodendis] Amplius hic historiam scribebat.

Simillimum praebeas] Eadem sententia lib. 1. ad Q. Fr. epist. 1. *Tuero, quem ego arbitror, praefertim cum scribat historiam, multos ex suis annalibus posse deligere, quos velit et possit imitari*.

Ad haec] Quae communia sunt: quando illa propria iam effugisti.

Quae secundis rebus delectationem modo habere videbantur, nunc vero etiam salutem] Idem lib. 4. epist. 3. et lib. 9. epist. 2. 3.

EPISTOLAE XIII.

ARGVMENTVM.

Bene sperare Ligarium iubet: hortaturque, ut interea fortem animum habeat. Scripta est post Africanum bellum, eodem fere tempore, quo M. Marcellus restitutus est, quod intelligitur ex oratione pro ipso habita, quae exstat. Eodem anno.

EXPLANA.

EXPLANATIO.

Tali tuo tempore] Exfulabat Ligarius, quod in Africa in Pompeianis partibus fuisset. vide orationem.

Aut consolandi, aut iuvandi tui causa] Lib. 4. epist. 13. *In quo debebat esse aut promissio auxilii alieuius, aut consolatio doloris tui.* et epist. 10. huius libri: *Tali tempore aut consolari, amicorum est, aut polliceri.*

Et sententiam et voluntatem] Sentiebat, in eum non fore Caesarem duriores: quid autem eius causa vellet, re potius, quam verbis, se esse declaraturum, infra dicit.

Res] Epist. 10. *Ipsa causa ea est, ut iam simul cum republica, quae in perpetuum iacere non potest, necessario reuiviscat atque recreetur.*

Dies] Quae omnia minuit ac mollit lib. 4. epist. 5. lib. 5. epist. 16. lib. 7. epist. 28.

Opinio hominum] Quia videt

bene homines de te sentire; nee putare, diutius eum huic irasci causae oportere.

Mitiorem] *Durum et mite opponuntur.* *Mitiorem* igitur subiunxit, quia *duriores* dixerat.

Ex Africa nuncius] De Pompeianis in Africa deuietis.

Ipsum] Sua sponte, nemine supplicante aut intercedente.

Diuturnioribus molestiis] Arma enim, semel in Thessalia superati, abiicere noluerunt.

Quantum in ea republica, de qua ita sum meritus] Idem epist. 10.

Eadem causa *opes meas fregit, quae tuam salutem in discrimen adfluxit*] *Eadem de causa nostrum uterque cecidit.* epist. 10.

Imago veteris meae dignitatis] Epist. 10. *reliquiae pristinae dignitatis* dixit. et lib. 4. epist. 14. *Ne vestigium quidem ullum est reliquum nobis dignitatis.*

EPISTOLAE XIV.

ARGUMENTUM.

Exordii loco significatio officii et amoris est: narratio, quid actum cum Caesare sit de Ligarii incolumitate, demonstrat: concludit epistolam cohortatio ad laetitiam, et constantis in eo iuvando animi promissio. Eodem anno.

EXPLANATIO.

Si quis ERN. quisquam est timidus — is ego sum] Ingenua culpae confessio fidem facilius inuenit in aliis rebus. Et est concinna figura: *si quisquam est, is ego sum.* ut etiam lib. 15. epist. 4. *Si quisquam fuit unquam remotus, et natura, et magis etiam,*

ut mihi quidem sentire videor, ratione atque doctrina, ab inani laude et sermonibus vulgi, ego profectio is sum. Et lib. 5. de Fin. c. 26. *Si est quisquam, qui acute in causis videre soléat, quae res agatur, is est profectio tu.*

A. d. V. ERN. Ad II. Kal. interkalaves priores] Locus perdifficilis, et qui sine proluxa narratione explicari non posse videatur. quare, indagandae et ostendendae gratia veritatis, cogitavi olim quaedam, quae filio meo communicata, et cum eo accurate a me perpensa, peti possunt ab eius libro de Quaesitis per epistolam.

Indignitatem et molestiam] Indignitas est et molestia, cum ad principem virum admitti, negotii causa, cupientes, ambulare diutius ante ostium, fictas causas afferente cubiculario, cogimur. sedes enim saepe non vacant, quamquam nec sessio diurna dignitatem habet, quod Caesarem sensisse Cicero, indicat lib. 14. ad Attic. epist. 1. *Proxime, inquit, cum Sextii rogatu apud eum fuisset, expectaremque sedens, quoad vocarer, dixisse eum, ego dubitem, quin summo in odio sim, cum M. Cicero se-*

deat, nec sup commodo me conuenire possit?

Tuum tempus] Ita locutus est, ut causae ac temporis rationem haberet.

Sed etiam ex oculis et vultu] Potest enim esse ficta oratio: sed oculi sunt indices animi: itaque non tam facile mentiuntur. lib. 3. de Orat. c. 59. et in Oratore c. 18. lib. 1. etiam de Leg. c. 9 oculi, inquit, nimis arguti, quemadmodum animo affecti simus, loquuntur. Et in epist. ad M. Antonium lib. 14. ad Attic. epist. 13. *Non solum ex oratione, sed etiam ex vultu, et oculis, et fronte, ut aiunt, meum erga te amorem perspicere potuisset.*

Hanc in opinionem discessi] Discedens in hanc opinionem veni.

Tranquilliora] Contrarium contrario reddidit, dixerat enim, turbidissima.

EPISTOLAE XV.

ARGVMENTVM.

Epistolae breuitas argumentum non desiderat. quis enim ea conuineri non videt gratulationem, benevolentiam, officium?

EXPLANATIO.

Tibi gratulor: mihi gaudeo] Omnino vtriusque verbi vim vel hic vnus ostendit locus: mouendus tamen lector est, interdum et ad nos ipsos gratulationem conuerti: ut lib. 3. epist. 11. *Complextus igitur sum cogitatione te absentem: epistolam vero osculatus, etiam ipse mihi gratulatus sum.*

Et in epist. 4. ad M. Brutum: *de Cassio laetor, et reipublicae gratulor: mihi etiam, qui, repugnante et irascente Pansa, sententiam dixerim, ut Dolabellam bello Cassius persequeretur.* Marcellus quoque in epistola ad Ciceronem, lib. 4. 11. in hoc, inquit, ego mihi gratulor.

EPISTOLAE XVI.
ARGUMENTVM.

Mutui amoris commemoratione quasi viam sibi ad petendum munit: petit autem, ut absentem se tueatur; siquidem gratum fore non dubitet. Scripta quo anno interfectus est Caesar: si modo hic Bithynicus ille est, quem Siciliae praetorem post Caesaris necem praefuisse narrat Appianus. Antonio et Dolabella cons.

EXPLANATIO.

Bithynicus] Pompeiae gentis: cui genti cognomen hoc dedit Bithynia deuicta. Festus: *Rutrum* tenentis iuuenis est effigies in Capitolio, ephebi more Graecorum arenam ruentis exercitationis gratia. quod signum Pompeius Bithynicus ex Bithynia suppellectilis regiae Romam deportauit. Nominatur etiam in libro de clar. orat. c. 68. *Q. Pompeius Bithynicus:* sed cum puto huius Bithynici patrem fuisse: nam illum inter mortuos oratores Cicero numerat in eo libro, qui scriptus videtur ante exitum Africani belli. haec autem, et quae sequitur epistola, scriptae sunt, nisi me coniectura fallit, post Caesaris necem. Huius autem pater, qui nominatur in epistola sequenti, videtur is esse, qui Bithynici cognomen adeptus est. quod ut ita esse constet, ipsa recitabo verba Ciceronis, ex eo, quem pro-

xime appellauimus, libro. *Q. Pompeius, inquit, A. F. qui Bithynicus dictus est, biennio, quam nos, fortasse maior, summo studio dicendi, multaque doctrina, incredibili labore atque industria; quod scire possum. fuit enim mecum et cum M. Pisone, cum amicitia, tum studiis, exercitationibusque consuevit. huius aelii non satis commendabat orationem: in hac enim satis erat copiae, in illa autem leporis parum. Eius filium, post Caesaris necem, Siciliae praepositum, Sex. Pompeius Magni filius occidit. Dio lib. 48.*

Tueare] Post Caesaris necem summa fuit Ciceronis auctoritas in ciuitate.

Intermoriturum] Pro, moriturum, dixit. alibi tamen, *intermori*, est morientium similitudine deficere.

EPISTOLAE XVII.
ARGUMENTVM.

Scribenti Bithynico, cupere se rempublicam constitutam, ut cum Cicerone ducere vitam possit, respondet, se quoque eadem teneri cupiditate. deinde confirmat, si beneficia spectentur, coniunctiores ei, quam se, alios esse; si necessitudo, neminem.

EXPLANA-

EXPLANATIO.

Patris tui] Quem nominauit honorifice in Bruto, vt proxime ostendi.

Valuerunt ERN. *Valuerunt, aut valent*] Valuerat Caesar, valebat Antonius, qui, quo anno Caesar periit, consul erat.

Coniunctiores tecum esse] In Caesaris partibus fuisse Bithynicum, et ab eo etiam ornatum, haec verba demonstrant: quibus Appiani. testimonium accedit de Sicilia ei a Caesare mandata.

EPISTOLAE XVIII.

ARGVMENTVM.

Audierat Leptra, scriptam esse legem a Caesare, quam ferre propedem cogitaret, cum aliis de rebus, tum de creandis municipiorum decurionibus. et, quoniam familiares quosdam suos, qui praeconum fecerant, fieri decuriones volebat; idcirco quaesivit a Cicerone per litteras, ut, ea de re quid in lege nondum promulgata scriptum esset, ex Balbo, Caesaris familiarissimo, cognosceret. Respondet Cicero, quod ex Balbi codicillis cognouerit, licere iis, qui praeconium fecissent, in decurionibus esse; qui facerent, vetari. Rescribit etiam de bello Hispaniensi, de Leptae negotio, de Oratore suo, de mansione urbana. Praeceptum in extremo dat Leptae filio, vt Hesindum ediscat, ac saepe recitet eius versus de virtute per sudorem comparanda. Scripta est eo anno, cum Caesar, quartum consul sine collega, contra Pompeii liberos in Hispania pugnaret.

EXPLANATIO.

Leptae] Q. Leptae, quo fabrum praefecto vsus est Cicero pro-consul in Cilicia. lib. 3. epist. 7.

Simul accepi] Varius est huius aduerbii vsus. dicitur enim, *simul atque, simul ac, simul vt, simul*. hic quidem, vt scripsi olim adolescens, omnes libri veteres, quos tunc videre potui, habebant, *simul accepi*, non *simul atque accepi*, vt est in vulgatis libris. itidem nunc, inspectis omnibus libris, quos ab amicis contrahere potui, video consentire omnes cum iis, quibus olim vsus sum. itaque discedendum a veteribus libris non censui, cum praefertim ita locutus esse non modo Terentium, Lucretium, Virgi-

lium, Horatium, viderem; (nam sermo poeticus ab oratorio non nihil differt) verum etiam Ciceronem ipsum, vt lib. 4. Acad. c. 27. *Simul inslant tibicen, a perito carmen agnoscitur.* et lib. 3. de Fin. c. 6. *Simul autem cepit intelligentiam.* Omitto alia eiusdem generis exempla. quamquam, quibus hoc loquendi genus ignotum fuit, ii pro libidine saepe mutarunt *simul in simul atque, vel simul ac*: in quo scripti libri, sublato mendo, veritatem restitunt.

Per codicillos] Vide, quae de codicillis diximus lib. 4. epist. 12.

In lege] Quam Caesar, vbi Romanam ex Hispania reuerisset, ferre cogita-

cogitabat: scripserat autem vel ipso ante quam iret in Hispaniam, vel, post professionem, Balbus et reliqui familiares, ex eius sententia: ut ipso in urbem reuerso promulgaretur, et ferretur. nam, si lata fuisset, vel etiam promulgata, non e Balbo, quid in ea esset, Cicero quaesisset.

Decurionibus] Senatores vel coloniarum, vel municipiorum, *decuriones* vocabantur: et ut Romani ad senatum consules, ita in municipiis ad decuriones *quattuoruiui*, in coloniis *duumuiui* referebant. Ac nomine quidem ipso *decuriones*, decem tantum videntur: sed plures fuisse constat ex eo, quod in secunda agraria c. 35. centum nominantur.

Qui hodie haruspicinam faciunt] Pungebat bonos viros delata a Caesare haruspici Ruspinae senatoria dignitas. Haruspicinam et extispicinam professione artes esse, re vera non esse, tradit Sextus Empiricus aduersus Mathematicos c. 14.

Pompeium] Cnaeum, Magni filium: qui, ad Mundam victus, paullo post interfectus est.

Paciaeci] L. Iunii Paciaeci, Hispani hominis, Romana ciuitate donati: quod praenomen et nomen indicant. cognomen vero Hispanum fuisse, satis constat: cum hodie quoque multi in ea prouincia Paciaeci nominentur. de hoc in libro de bello Hispaniensi c. 3.

Ipsas ERN. Illi XI. esse legiones] De copiis Pompeii sic in libro de bello Hispaniensi c. 30. *Erat acies XIII. aquilis constituta, quae lateribus equitatu tegebatur, cum leui armatura millibus sex. Prae-*

terea auxiliares accedebant prope alterum tantum.

Oratorem meum] Librum de perfecto Oratore, quem Caecina nominauit epist. 7. et ipse lib. 15. epist. 20.

De dicendo] De ratione dicendi. Sic locutus lib. 1. de Orat. c. 24. *Quid est ineptius, quam de dicendo dicere?*

Tantundem] Imperite nonnulli scribunt, *tantundem*. nam Priscianus lib. 1. admonet, *in* transire in *n*, sequentibus *d, t, c, q*, ut *tam tandem, tantum tantundem, idem identidem, num nuucubi*.

Tulliae meae] Cum qua diuortium fecerat Dolabella. paullo enim post mentio fit de prima pensione ab eo exigenda: eademque de re lib. 16. epist. 24.

Partus] Ex partu Tulliam decessisse, Plutarchus auctor est. his igitur peperit, semel ante pugnam Pharsalicam, cum in Graeciam ad Pompeium Cicero iturus esset; ut lib. 10. ad Attic. epist. ult. iterum, cum in Hispania Caesar contra Pompeii liberos pugnaret: quod hic locus ostendit.

Primam pensionem] Triennio, tribus pensionibus, post diuortium dos reddebatur: quod tempus *annuam, bimam, trimam diem* vocabant. dotis exactionem, *annua, bimam, trima, die* celebrari vetuit Iustinianus, ut est L. vn. §. 7. C. de rei uxoriae actione. Sic et Vlpianus fragm. tit. 6. §. 8. et Pomponius locuti sunt. *tertiae pensionis* mentio lib. 11. ad Attic. epist. 23.

Aedificia] Villae.

Domus] In Palatio. lib. 5. epist. 6.

Edifcat] Aeschines: *Δεῖ πείθεσθαι τὴν ποικίλῃ γνώμῃ μανθάνειν, ὥς ἀνδρεῖς*

ἄνδρες χερῶνται. Isocrates quoque sententias Hesiodi laudat.

Τῆς δ' ἀρετῆς ἰδεῶτα] Sic Mediceus liber: reliquos versus non habet. recte. satis enim est, primis verbis locum indicare. quem saepe morem Cicero seruauit. Hesiodi versus hi sunt Oper. et Dier. v. 289.

Τῆς δ' ἀρετῆς ἰδεῶτα θεοὶ παρῶσιν ἐθέλουσιν.

Ἀθάναντος μακρὸς δὲ καὶ θεῖος οἶμος ἐπ' αὐτὴν,

Καὶ τευχὸς τὰ πρῶτον ἐπὶν δ' εἰς ἄκρον ἰκνηται;

Ῥυθίη δ' ἤπειτα πέλει, χαλαρή-
περ ἰῦσα.

Simonides etiam, apud Clementem Alexandrinum lib. 4. Stromatum, habitare virtutem in rupibus difficillimis, dixit.

EPISTOLAE XIX.

A R G V M E N T V M.

Lepta significauerat, diuersatum se esse apud Maculam, beneque ab eo acceptum. deinde petierat a Cicerone, ut a Balbo curam sibi eorum ludorum impetraret, quos Caesar, deuictis iam in Hispania Pompeii liberis, per singulas regiones dare cogitabat; eaque iam de re ad Balbum et Oppium scripserat. De Macula, respondet Cicero, gaudere se, quod officio functus esset, amicitiae humanitatisque debito: eiusque Falernum laudat. Ludorum curationem non probat. Scripta est reuertente ad urbem Caesare post Hispaniense bellum.

E X P L A N A T I O.

Maculam] Fortasse Pompeium Maculam, amatorem Faustae, L. Sullae filiae: de quo Macrobius lib. 2. Saturn. c. 2.

Eius Falernum] Villa in agro Falerno: de quo Plinius lib. 14. c. 6. *Faleruus ager a ponte Campano laeua petentibus urbanam coloniam Sullanam, nuper Capuae contributam, incipit.* sic Tusculanum, Albanum, Pompeianum, Cummanum, villae, nomine sumpto a propinquis opidis, vel ab agro, vbi opida olim fuerant.

Diuerforio] Etsi diuertere verbum commune est, pertinetque ad omnia loca, siue aliena, siue nostra, ad quae de via defleximus, paullo post discessuri: *diuerforium* tamen appellari non solet, quocumque diuertimus. aliquid enim ha-

bent proprium, quo differant, *diuerforium, hospitium, taberna*, quam opinor cum *caupona* idem esse. *Diuerforium* potest et alienum esse, quo diuertimus amicitiae causa, nec pretio soluendo, nec diu mansuri; et nostrum, nostri commodi causa emptum, aut aedificatum; ne vel ad hospitem, cui molesti esse nolimus, vel ad cauponem diuertere cogamur. itaque lib. 7. epist. 23. *ista summa*, ait, *nae ego multo libentius emerim diuerforium Tarracinae, ne semper hospiti molestus sim. Hospitium* duabus rebus cum diuerforio congruit, vna, quod modo nostrum est, quo hospites excipimus; modo alienum, quo ipsi excipimur; altera, quod gratuitum: duabus item discrepat; et quod sanctiora quaedam iura obtinet,

obtinet, unde *hospitales dii, hospitalis Iuppiter*; et quod diuturnioris interdui commorationis est. *Hospites* autem Cicero in orat. pro Cluentio c. 59 vsurpauit pro iis, qui diuersantur in caupona. *Hominum, inquit, multorum hospitum, A. Binnium quendam, coponem, de via Latina, subornatis: qui sibi a Cluentio, seruisque eius, in taberna sua munus allatus esse dicat.* Quo loco accepit *hospit-* pro peregrinis, vt alibi quoque, non pro iis, quorum sancta iura sunt. *Taberna et caupona*, vt verba Ciceronis, proximie recitata, demonstrant, idem sunt inter se, non idem tamen cum *hospitio*, et *diuersorio*. siquidem illa et amicos tantum, et gratis accipiunt: hae vero amicum a peregrino non distinguunt, sed alienis etiam ignotisque hominibus quae-stus gratia patent. Hoc tamen animaduertendum, *tabernae* significationem latius patere, quam *cauponae*. nam tabernarum plura genera, in quibus merces venduntur, vt *taberna libraria*, orat. 2. in Antonium c. 9. *tabernae fstrinae*, apud Tacitum lib. 15. *Annal* c. 34. *argentarias* etiam *tabernas* Liuius appellauit lib. 26. c. 11. non in quibus veniret argentum, sed pretio permutaretur, vel de manu, quod aiunt, in manum, vel vt alibi tantundem redderetur: quod hodie quoque fit. nec dubito, quin eisdem in tabernis fenori pecunia daretur. *Tabernae veteres et nonae*, circa forum. ex Plauto, Varrone, Cicerone, Liuiio, Plinio, cognoscuntur. ideo Plautus in Men. Aët. 2. Sc. 3. v. 81. et in Truc. Aët. 3. Sc. 2. v. 29. *diueforiae* cognomen addidit, vt a reliquis tabernis distingueret. Sunt etiam *tabernae*, hu-

miles aedes, ex tabulis fere confectae, in quibus pauperes habitant, unde Horatius lib. 1. Carm. od. 4. v. 13.

Pallida mors aequo pulsat pede pauperum tabernas,

Regumque turres. —

Caupona vendit ea tantum, quae comeduntur, aut potantur.

Petrinum tuum] Villae nomen, a vico Petriuo, qui fuit in Sinuesfano. Horatius lib. 1. epist. 5. v. 5.

— *Sinuessanumque Petrinum.*

Commorationis est, non diuersorii] Ergo diuersorii commoratio non est. quod supra ostendimus.

De curatione aliqua] Hac de re, vt opinor, sic lib. 13. ad Attic. epist. 45. *Balium conueni. Lepta enim, de sua vini curatione laborant, me ad eum perduxerat.*

Munerum regionum] Et antiquus liber, et Suetonii testimonium, in Caesare c. 39 ipsa etiam sententia me hortatur, vt, *regionum*, legam. ludi enim significantur, quos Caesar, superatis iam in Hispania Pompeii liberis, per singulas regiones dare cogitabat: id quod e Suetonii cognoscitur historia. Ac, ne quis, mentione a me regionum facta, contradicendi occasionem arripiat, quod ante Augustum diuisa vrbs non fuerit in regiones: ait enim de Augusto Suetonius c. 30. haec: *Spatium vrbis in regiones, vicosque diuisi*: moneo lectorem, vrbs *regiones* hic vocari quasdam vrbs partes a locis, licet earum certi fines nouum essent, qui postea statuti sunt ab Augusto, Italiam urbemque in regiones diuidente. propterea et Suetonius dixit, ludos regionatim vrbe tota a Caesare, D d confe-

confectis bellis ciuilibus, datos esse. Aliis placet legere, *munerum regionum*: ut munera Caesaris regis dicantur. quod nec improbo, nec tamen satis probō: licet *regem* appellari Caesarem videam lib. 13. ad Attic. epist. 37. non enim arbitror Ciceronem in vllis, praeterquam ad Atticum, litteris ausum esse *regem* Caesarem appellare. sed Attico nihil occultat, sensus omnes aperit, fretus eius amore, fide, summaque sapientia.

Balbus. Quae Balbus et Oppius, absente Caesare, agebant, ea solere illi rata esse, dictum est epist. 8.

Assequi vis. Sperabat ita se benevolentiam Caesaris ea curatione consecuturum, ut intimorum in numerum perueniret.

Praeter operam. Qua excepta, tu quoque nihil afferes.

Si modo id ipsum sciet. Te ludos curasse: quod ignorare potest, in tanta maiorum rerum occupatione.

Non accepisse. Hoc ipsum Cicerō monet lib. 2. de Offic. c. 20. *Qui se*, inquit, *locupletes, bonoratos, beatos putant, hi ne obligari quidem beneficio volunt. quin etiam beneficium se dedisse arbitrantur, cum ipsi, quamvis magnum aliquid, acceperint.* Eiusdem ge-

neris illud in epist. ad M. Antonium, lib. 14. ad Attic. epist. 13. *Litterae tuae sic me affecerunt, ut non dare tibi beneficium viderer, sed accipere a te.*

Aliquid videbimus, in quo sit species ERN. *spes*. In hac enim curatione spes ponenda non est. nam, quod eo labore assequi vis, nullo modo assequere. aliquid igitur videbimus, ynde sperare liceat, in eorum numerum, qui Caesaris intimi familiares sunt, posse te peruenire. Hanc ego loci huius esse omnino sententiam arbitror: ad eamque pertinent verba, quae sequuntur. Non modo, inquit, non appetendum, sed fugiendum arbitror, quidquid eiusmodi sit, ut, quod tu assequi vis, id ex eo assequi non queas. Sunt, quibus placeat, *species*, non *spes*: quod ita scriptum videant in Mediceo libro. qui si vbique esset emendatus, non tam saepe ab eo discederent. Hic quidem ut omitam eos libros, quibus olim usus sum, tredecim exemplaria, quorum nonnulla haud parum antiqua sunt, habent, *spes*. quare, cum nec obscura sit sententia; nec libri veteres dissentiant; mutandum nihil statuo.

Asturae. Lib. 13. ad Attic. epist. 38. significat, velle se Asturae Caesarem ex Hispania redeuntem exspectare.

EPISTOLAE XX.

ARGVMENTVM.

Accurate multa colligit, ut Toranio exsulanti persuadeat, ne se commoueat. Consolationem vnam illam offert, qua etiam usus est in epist. 4. ad Torquatum, nihil tibi horribile aut extimescendum videri, qui tam recte vixerint, tunc aetate etiam eo iam peruenierint, ut vitae non multum superesse videatur. Scripta belli Hispaniensis tempore.

EXPLA.

EXPLANATIO.

Cn. Plancii] Pro quo exstat oratio.

Quod vitare is] Toranius antea scripserat, velle se nescio quo accedere, ut aduenientibus ex Hispania se offerret, quos ad impetrandam a Caesare salutem suam, conciliare sibi cupiebat.

Ne illud quidem non quantius, subito ERN. Ne illud quidem non, quamvis subito] Sic veteres libri omnes, recte: nam duae negantes particulae, *ne non*, affiruant: quod ignorat nemo: quasi dixerit, et praeter illud, quamvis subito, cum certi aliquid audieris, te istinc posse proficisci. Mendo locus vacat, contra quam nonnullis visum est: modus tamen loquendi, *ne illud quidem non*, parum vsu tritus, sed nec omnia Ciceronis ad hanc aetatem scripta perueniunt; nec ea, quae singularia sunt, qualia et in Cicerone ipso, et in aliorum libris multa animaduertimus, damnare statim et eicere, nostri iudicii est.

Proficisci] Ad urbem, cum de tua salute certi aliquid audieris.

Nihil est praeterea] Improbatur eam rationem, qua Toranius adductus de loci mutatione cogitabat, cur, inquit, aduenientibus te offeras?

Cilone ERN. Chilone] Sic malo, ut est in Massi libro, quam *Cilone*. *Chilo*, cognomentum eorum fuisse,

qui labris essent maioribus, Festus docet. nam a Graeco *χίλος* deducitur.

Quod si recipiet ille se] Si Caesar ex Hispania redibit. Haec verba nondum Hispaniense bellum esse confectum demonstrant: quod e sequenti etiam epistola intelligitur.

Vel impedit, vel morabitur] Ne veniat, vel ne cito veniat.

Vbi omnia scire possis] Ex litteris amicorum. non longe igitur Toranius aberat.

In hac causa] In eo, quod ad Pompeianos omnes, belli ciuilis causa exsultantes, pertinet. non enim interpretor, *in hac causa*, quae ad te vnum pertinet.

Praeter communem casum ciuitatis] Praeter vniuersae reipublicae iuteritum, dixit in epistola sequenti. et ad Torquatum, epist. 1. idem scripsit. *Reliquum est*, inquit, *ut te id ipsum, quod ego quasi consolationis loco pono, maxime excruciet, commune periculum reipublicae.*

Ita viximus, et id aetatis iam sumus] Egregie sententiam hanc explicauit epist. 4. *Atiuat*, inquit, *etiam aetas; et alia iam vita, quae cum cursu suo bene confecta delectatur, tum vetat in eo vim timere, quo nos iam natura ipsa paene perduxerit.*

Pietas] Vide lib. 1. epist. 1.

EPISTOLAE XXI.

ARGVMENTVM.

Consolationis loco praeterita colligit: et, quid ipse, amissa reipublicae saluae, sentiat, quasi exemplum ad imitandum proponit. plurimum quidem ad leuandum dolorem valere mentis optimae conscientiam,

tiam, ostendit: Toranio autem, praeter communem casum ciuitatis, nihil timendum: se quidem pro virili curaturum omnia, quae ad salutem eius ac liberos pertinere videbuntur. Eodem anno.

EXPLANATIO.

Commemorabam] Aliis, an sibi? sibi potius, et cogitatione, non vocē. quasi dixerit: memoria re-
petebam, in memoriam redigebam.

Solosque nos vidisse] Gratiae causa cum vno Toranio communikat hanc laudem. sed, quantum esset in ciuili bello mali, non soli viderant Cicero et Toranius, sed et Sulpicius, et Marcellus, et Varro. lib. 4. epist. 2. et 7. lib. 9. epist. 6.

Spe pacis exclusa] Quorundam Pompeianorum culpa, qui, Pompeio duce freti, peropportunitatem et rebus domesticis et cupiditatibus suis illius belli victoriam fore putabant. lib. 4. epist. 1. lib. 6. epist. 6. et lib. 7. epist. 3. et lib. 9. epist. 6.

Seruitutem] Ob contumaciam et arrogantiam Pompeianorum. iisdem tamen crudelitatem tribuit lib. 4. epist. 9. 14. et lib. 9. epist. 6. et Coelius lib. 8. epist. ult. et lib. 11. ad Attic. epist. 6.

Fortes illi viri et sapientes] Cum ironia dictum. Fortes, qui me timidum vocarent: sapientes, qui de belli euentu nihil timendum iudicarent.

Domitii et Lentuli] L. Domitius Ahenobarbus, et L. Lentulus consul.

Timidum] Cum pacem quauis tuta conditione cupiebam. lib. 5.

epist. ult. epist. 4. et 6. huius libri.

Cum omnium rerum mors sit extremum] Horatius lib. 1. epist. 16. v. 79.

— *Mors ultima linea rerum est.*

Hoc significat, mala omnia morte terminari. epist. 4. *Cum impendeat, in quo non modo dolor nullus, verum finis etiam doloris futurus sit.*

Salutem] Ipsius reipublicae, cuius antea dignitas, bello autem ciuili salus etiam concidit. significat illud tempus, cum accipienidas, quas tulit Caesar, condiciones censuit, ne reipublicae salus, quando iam dignitas amissa erat, in discrimen adduceretur.

Voluisse] Quod consequi non potuit, ob nonnullorum pugnandi cupiditatem. epist. 6. *Victa est auctoritas mea, non tam a Pompeio, etc.*

Sententia et voluntate] Vtramque coniungit et epist. 13.

Praeter vniuersae reipublicae interitum] Praeter communem casum ciuitatis, dixit in epistola proxima.

Praesto semper futurum] Tale illud epist. 5. *A me vero tibi omnia liberisque tuis paratissima esse, confidas velim.*

EPISTOLAE XXII.

A R G V M E N T V M.

Victo in Thessalia Pompeio, boni ciues multi ab armis discesserunt: quorum alii, spe veniae a Caesare impetrandae, in Italiam reuersi sunt, ut Cicero, et hic Domitius: alii eodem consilio in Asiam ierunt, aut in Achaia

Achaia remanserunt, ituri obviam Caesari ex Alexandrino bello redeuntibus: alii vero, vel quia victori supplicare nollent, vel quod ei se committere non auderent, in opida libera, bello vacua, secesserunt, ut M. Marcellus, qui Rhodi vel Mitylenis aliquandiu maluit vivere, quam Romae. Sed in Italiam primi Cicero et D. Laelius venire: unde illud lib. II. ad Attic. epist. 7. edixit ita, ut me exciperet, et Laelium nominatim. Domitii senior aduentus fuit: quod et ex hac epistola, et ex ea ad Atticum scripta, quam appellari proxime, cognoscitur. Excusatus igitur Cicero officium suum, quia litteras ad eum antea non miserat: oraque et obtestatur, ut, cum reipublicae iam satisfecerit, incolumitati suae consulat, amicorumque, quos belli casus eripuit, desiderium aequo animo, aut forsi saltem ferat. In extremo pollicetur, se omnia facturum studiosissime, quae saluti illius et dignitati conducere arbitrabitur. Caesare III. et Lepido coff.

EXPLANATIO.

Deterruit] Remouit, sic lib. 5. epist. 2. *Vt cum ab illa iniuria deterrent.*

Ipse egens rebus omnibus] Eadem sententia lib. 4. epist. 13. et alibi.

Plus conatum esse] Plus conatus esset muneris suscipere reipublicae causa, quam praestare posset, si post pugnam Pharsalicam bellum cum aliis renouare voluisset. quod non fecit, desperata victoria.

Quam quantum praestare posses] Post Pharsalicum proelium ideo nihil muneris suscipere voluisti, quod optime intelligeres, id praestari a te non posse, amissa prorsus vincendi spe.

Quae daretur] Licet non optima.

Sed cum consilii tui] Argumentum huiusmodi est: si mansisses in bello, ut mansere multi; tamen hortarer te, ut aequo animo fortunam tuam ferres, eaque viuendi conditione, quae daretur, vtereris: cum vero statim, victo in Thessalia Pompeio, belli finem tibi statueris eum, quem ipsa fortuna terminum

nostrarum contentionum esse voluisset; multo magis hortari te debeo, ne moerori te totum dedas, sed incolumitati tuae consulas.

Voluisset] Quasi suam tota de re voluntatem Pharsalico bello fortuna declarasset.

Parenti] Matri, non patri. infra.

Qui ex te pendent] Quorum incolumitas in tua sita est.

Iis hoc tempore utare] Id enim tradidere sapientissimi viri, culpa qui careat, ei magnopere dolendum non esse.

Eorum desiderium] Quo Domitium angere, videtur Cicero audiisse.

Si non aequo] Non dolere enim non possumus: sed dolorem premere et vincere fortitudine possumus.

Ego, quid possim, nescio] Epist. I. *Qui sim hoc tempore, intelligo.*

Quae tibi utilia esse arbitror] Explicat diuersis verbis eandem sententiam, quam paullo ante, cum dixit, *quaecumque saluti dignitati-que tuae conducere arbitror.*

PAVLLI MANVTII
COMMENTARIVS

IN
M. TVLLII CICERONIS
EPISTOLARVM
QVAE FAMILIARES VOCANTVR
LIBRVM VII.

EPISTOLAE I.
ARGVMENTVM.

Cn. Pompeius Magnus, iterum consul, in theatri a se extructi consecratione, ut Pedianus, Plinius lib. 7. c. 48. Plutarchus, Dio scriptum reliquerunt, ludos dedit. Sed idem Plinius lib. 8. c. 7. datos ait in dedicatione templi Veneris Victricis: at Gellius lib. 10. c. 1. in aedo Victoriae dedicanda. quae controuersia ita sedatur, si templum Veneris Victricis cum theatro dedicatum putemus. nam, etsi de templo Veneris Plutarchus, ubi de theatro et ludis loquitur, mentionem nullam facit; idem tamen infra Pompeium ait, in campis Philippiciis, nocte, quae proelium proxima antecessit, somniasse, ire se ad theatrum, ad Veneris Victricis templum spoliis exornare. Quod autem Gellius Victoriam, non Venerem, appellat: non differre, opinor, existimauit Victoriam a Venere Victrici; quoniam utrique cognomen idem esset, Caeligenae. Itaque Varro lib. 4. de L. L. hinc, inquit, comicus: Victrix Venus, videsne haec? non quod vincere velit Venus, sed quod vincere, et vinciri ipsa. Victoria ab eo, quod superati vinciuntur. utrique testis poesis, quod et Victoria et Venus dicitur Caeligena. Ludorum igitur duo genera Pompeius dedit, unum in theatro ipso, alterum in Circo. Graeci *ἐχθνος*, id est, certamina, vocauerunt. Certamen autem in theatro vel scaenicum erat, vel gymnicum. scaenicum Pompeii fuit actione duarum tragoediarum; Clytemnestrae Artii poetae, et Equi Troiani Livi Andronici, additis Graecis Oscisque ludis: gymnicum, athletae. In Circo, qui et Hippodromus et Stadium dictus est, equorum cursus, venationes binae per dies quinque, in quibus leones quingenti caesi sunt, pugna elephantium XX. ut ait Plinius, vel XVIII. ut Dio. Nec vero dissentire quisquam poterit aut a Cicerone Plutarchum et Dionem, quod

quod neque de duabus tragoediis, neque de ludis Graecis et Oscis, a Cicerone nominatis, mentionem ullam faciunt; aut Ciceronem ipsum a Plutarcho et Dione, quod musicum certamen, ab ipsis nominatum, non appellat. nam et tragoediae, et Graeci Oscique ludi in scena dabantur: scenicos autem ludos Graeci scriptores in musicum certamen incluserunt. qua de re Pollux lib. 3. τῶν κῳνῶν οἱ μὲν γυμναστικοί, οἱ δὲ καλλίμενοι σκηνηκαί, ὀνομασθεῖεν ἂν Διονυσιακοί τε καὶ μουσικοί. Latine sic certaminum alia quidem gymnastica, alia vero scenica vocata, Dionysiacae, et musica nominari possint. Obscure docet, scenica et musica idem esse? sequitur: οἱ δ' Ἀττικοί ἢ ἁπλῶς λέγουσιν, κῳνῶς μουσικῆς, καλλὲ μουσικῆς id est, Attici autem non facile dicunt, certamina musica, sed musices. Non igitur Attice locutus est Plutarchus, cum dixit, κῳνῶς μουσικῆς. nec mirum: natus enim Chaeronae, Boeotiae vico, at Dio Attice, θῖαν καὶ μουσικῆς, καὶ κῳνῶς γυμνικῆς. Idem Pollux paullo post: χωρὶς δὲ, τῶν μὲν στάδιον, τῶν δὲ θῖατρον, id est, loca vero, inquit, aliorum quidem stadium, aliorum autem theatrum. Ludos enim dari solitos vel in stadio, id est, Circo, vel in theatro, significat etiam Varro in prooemio lib. 2. de re rust. Manus, ait, mouere maluerunt in theatro ac circo patres familiae, quam in segetibus ac vinetis. Partes epistolae quattuor praecipuae sunt. Prima, gratulatio, quod ludos Marius, omnium leporis expertes, non spectaueris; secunda, ludorum descriptio; tertia, Caninii defensio, eiusque tamquam appendix, cupiditas discedendi a iudiciis. Postremus excusationis locus est, quia prolixior ludorum narratio fuerit. Annum epistolae constat esse, quo Pompeius et Crassus alterum consulatum gesserunt.

EXPLANATIO.

M. Mario] Arpinati: quod illa indicant verba: cum Oscos ludos vel in senatu nostro spectare possis. Marius Gratidius nonnulli vocant, ut sit Gratidius ille, qui legatus fuit Q. Ciceronis. quod falsum puto. non enim et Mariae gentis et Gratidiaei idem potest esse. aut igitur non is est: aut, si est, Marius Gratidianus appellari debet: et lib. 1. ad Q. Fr. epist. 1. Gratidiano legendum, non Gratidio.

Dolor aliquis corporis] Tum ex podagra, qua laborabat: ut epist. 4. tum ex alio morbo: erat enim Marius et valetudine et natura imbecillior: ut lib. 2. ad Q. Fr. epist. 10. nam, si de podagra sola lo-

queretur, dolor aliquis pedum, non corporis dixisset.

Infirmas valetudinis] Sine dolore, infra: tu mihi modo istam imbecillitatem valetudinis tuae sustenta et tuere.

Fortunae magis tribuo, quam sapientiae tuae] Cum fortuna ratio non miscetur: et, quod a fortuna est, id praeter rationem esse, dixit Aristoteles. nam ratio est earum rerum, quae vel semper, vel plerumque sunt: fortuna vero earum, quae nec semper, nec plerumque. distinguit etiam fortunam et casum idem Aristoteles. sed, haec quia non sunt huius loci, omittantur. Gratulor quidem tibi, ait Cicerone,

cero, sed ita, vt te non laudem. vnde enim abest consilium, ibi laus locum non habet

Animo valuisse] Quasi animo aegrotent, qui ludos mirentur.

Modo, vr] Sic lib. 16. epist. 12. *Videtur, si infaniet, posse opprimi, modo vt vrbe salua.* et Terentius in Andr. Act. 2. Sc. 4. v. 6.

Modo vt possim, Dane. —

Et in Phorm. Act. 1. Sc. 2. v. 8.

— *Scies:*

Modo vt tacere possis. —

Constiterit fructus otii tui] In isto otio non fueris otiosus. quod solitum dicere maiorem Africanum, scripsit Cato: *numquam se minus otiosum esse, quam cum otiosus; nec minus solum, quam cum solus esset* Cicero lib. 3. de Offic. c. 1.

Paene solus] Cum te reliquerint ii, qui ad ludorum spectacula in urbem se contulerant.

Ex illo cubiculo tuo] Subaudi, prospectans ad ea loca, quae tibi perforasti, et patefecisti.

Stabianum] Plinius lib. 3. c. 5. *In Campano, inquit, agro Stabiae opidum faere vsque ad Cn. Pompeium et L. Catonem coff. pridie Kal. Maii: quo die L. Sulla legatus bello sociali id deleuit: quod nunc in villas abiit.*

Perforasti] Prospectum in Stabianum agrum aperuisti.

Seianum] Alii libri, *Senium*, vel *Senum*: quidam, *Scenam*: vnus, *Semini*; plerique, *Seianum*: quod placet, sunt enim loca hodie in agro Etrusco, *Stabianum* et *Seianum*, hodie quoque nominata, quamquam Seiani paucula apparent vestigia, nomen remanist.

Communes] Qui spectari solent ab omnibus. quid igitur mirum,

si nihil nouum spectantibus somnus irreperet?

Semifomni] Vel quia nihil nouum, vt dixi, spectarent: vel etiam, quia matutino tempore. nam verbum *interea*, ad matutina referri tempora satis constat. vt eos dicat matutina tempora spectandis communibus minis consumpsisse, quae Marius multo et sapientius et iucundius legendo traducebat.

Tibi ipse ERN: ipse] Quinque libri veteres, *tibi ipse*. quod nonnullis placuit, vt Ciceroni magis vsitatum. Ego vtrumque probo.

Scilicet] Cum stomacho dixit.

Sp. Maecius ERN. P. Maecius] Qui poemata a mimis in scena recitanda prius iudicabat. est enim hic, vt opinor, P. Maecius Tarpaeus, de quo Horatius in epistola ad Pisones v. 386.

— *Si quid tamen olim*

Scripseris, in Maeci descendas iudicis aures,

Et patris, et nostras, nonumque prematur in annum.

Maeci, pro Maecii. Quo loco inquit Porphyrio: *Maecius perdiligens carminum fuit aestimator.* et lib. 1. Serm. Sat. 10. v. 38.

Quae nec in aede sonent certantia iudice Tarpa.

Ludi apparatissimi] De his ludis in orat. in Pison. c. 27. his verbis: *Instans post hominum memoriam apparatissimi, magnificentissimi que ludi, quales non modo nunquam fuerunt, sed ne quomodo fieri quidem posthac possint, possum villo patto suspicari.* Quo loco Peditanus, Cn. Pompeii ludos, inquit, significat, quibus theatrum a se factum dedicauit, quibus ludis elo-

phantos-

phantorum pugnam primus omnium dedit in circo.

Honoris causa in scenam redierant] Ut ludos Pompeii honorarent, mimi veteres in scenam redierant, qui antea, ne quid aetatis vitio peccarent, in scena agere desierant. in his Galeria Copiola Emboliaria significatur, de qua Plinius lib. 7. c. 48. *reducta est, inquit, in scenam, C. Poppaeo Q. Sulpicio cos.* ludis pro salute divi Augusti votivis, annum CIV. agens: quae producta fuerat tirocinio a M. Pomponio aedili plebis, C. Mario, Cn. Carbone cos. ante annos XCI. et a M. P. Pompeio, magni theatri dedicatione, anus pro miraculo reducta.

Deliciae tuae] Qui tibi in deliciis et amoribus est. Titus, Vespasiani filius, amor ac deliciae generis humani, dictus est. Deliciae quoque vocabantur, ut ait Plutarchus in Antonio, festivi serui, quibus maxime domini delectarentur.

Aesopus] Tragoedus; quem ex arte mimica H. S. ducenties filio reliquisset, Macrobius lib. 2. Saturn. c. 10. prodidit. huius luxum ita notat Plinius lib. 10. c. 51. *Insignis est in hac memoria Clodii Aesopi, tragici histriionis, patina DC H. S. taxata: in qua posuit aues cantu aliquo, aut humano sermone vocales, nummis VI. singulas coemptas.* Alibi cum laude a Cicerone nominatur.

Vt ei desinere per omnes homines liceret] Nemini enim placuit.

Si sciens fallo] Verba iurisiurandi per Iovem lapidem. Lapidem enim *silicem*, ut ait Festus, tenebant iuraturi per Iovem, haec verba dicentes: *si sciens fallo, tum*

me Diespiter, salua urbe arceque, bonis eiiciat, uti ego hunc lapidem. Huc spectat illud lib. 4. Acad. c. 47. *Quam rationem maiorum etiam comprobant diligentia: qui primum iurare ex sui animi licentia quemque voluerunt: deinde ita teneri, si sciens falleret, quod inscientia multa versaretur in vita.* Et hic epist. 12. *Quomodo tibi placebit, IOVEM LAPIDEM iurare, cum scias, Iovem iuratum esse nemini posse?* Et Liuius lib. 21. c. 45. *Eaque ut rata scirent fore, agnum laeva manu, dextera silicem retinens, si falleret, Iovem ceterosque precatus deos, ita se mactarent, quemadmodum ipse agnum mactasset. secundum praestationem, caput pecudis saxo elisit.* Et lib. 22. c. 53. *Stricto super capita consultantium gladio, Ex mei animi sententia, inquit, ut ego rempublicam populi Romani non deferam, neque alium ciuem Romanum deferere patiar. Si sciens fallo, tum me, Iupiter Optime Maxime, domum, familiam, reuigine meam pessimo leto afficias!* Et Gellius lib. 1. c. 21. *Iovem lapidem, quod sanctissimum iurandum est habitum, paratus ego iurarem, Virgilium hoc numquam scripsisse.* Quibus locis mendum cognoscitur in historia Polybii lib. 3. non enim $\Delta\iota\alpha\ \lambda\iota\theta\upsilon$, legendum est, ut Perotus interpres credidit, qui vertit, *per lapidem*, sed $\Delta\iota\alpha\ \lambda\iota\theta\upsilon\varsigma$, id est, *Iovem lapidem*. Graeca verba subscribam; ut hoc etiam testimonio perantiquus in foederibus percutiendis iurandi mos comprobetur. $\text{Ρωμαίους } \Delta\iota\alpha\ \lambda\iota\theta\upsilon\varsigma, \text{ κατὰ τὴν παλαιὰν } \epsilon\theta\eta\varsigma, \text{ ἐπὶ δὲ τὴν τῶν ἄρην, καὶ τῶν θυάλιον. ἔτι δὲ τὸ, } \Delta\iota\alpha\ \lambda\iota\theta\upsilon\varsigma, \text{ τοῦτον. λαβὼν αὐτὴν χεῖρα } \lambda\iota\theta\upsilon\varsigma \text{ ἢ τοῦτον.}$

μνος τὰ ὅρνια περὶ τῶν συνθηκῶν, ἐπειδὴν ὁμοῦ δημοσίῃς πῖται, λέγει τὰδε· Εὐορχῶντι μὲν τ' ἔγαθὰ εἰ δ' ἄλλως διανοηθεῖν τι, ἢ πράξειμι, πάντων τῶν ἄλλων σωζομένων ἐν ταῖς ἰδίαις πατρίσιν, ἐν τοῖς ἰδίοις νόμοις, ἐπὶ τῶν ἰδίων βίων, ἱερῶν, τάφων, ἐγὼ μόνος ἀπέσοιμι ὅπως, ὥς ἔδει λίθος νῦν. καὶ ταῦτα εἰπὼν, βίπτει τὸν λίθον ἐκ τοῦ χειρὸς.

Reliquos ludos] Quos cum saepe videris; quales hi fuerint, potes coniiicere. quamquam hi quidem hilaritatis minus etiam, quam mediocres ludi, habuerunt.

Sexcentis] Numerus finitus pro infinito: vt Afinius lib. 10. epist. 31. *Sexcentis locis excutiantur*: deinde etiam retinentur a Lepido tabellarii. et Cicero saepe.

Muli] Troica praeda onusti. nam in Clytemnestra, Attii poetae tragoedia, vt ex Nonio cognoscitur, reditus ostendebatur Agamemnonis in patriam ab excisa Troia.

In Equo Troiano] Tragoedia Liuii Andronici. nominatur et epist. 16. *In Equo Troiano scis esse in extremo*, Sero sapiunt.

Craterarum tria millia] Ex eadem praeda. *Cratera craterae*, hic, et lib. 4. in Ver. c. 59. *Crateras ex aere pulcherrimas ex omnibus aedibus sacris Syracusis abstulit*. at crater crateris apud poetas, vas fuit et potorium, et quo diis libabatur.

Armatura varia] Pro genere armorum posuit, vt lib. 6. ad Attic. epist. 1. *Habes cohortes quadringenarias, nostra armatura triginta*. Et Hirtius de bell. Alex. c. 34. *Adiungit Cn. Domitius legioni xxxvi. duas ab Deiotaro, quas ille disciplina atque armatu-*

ra nostra complures annos constitutas habebat, equitesque centum.

Operam dedisti Protogeni] Legentem Protogenem audisti. Sic in Bruto c. 89. *Ego, iuris ciuilibus studio, multum operae dabam* Q. Scaeuulae, P. F. Et ibidem infra: *Miloni Rhodio Romae dedimus operam*.

Haud paullo plus] In exprimendis rebus perspicue maioribus, hoc Cicero delectatur genere loquendi, vt lib. 5. ad Attic. epist. 20. *Alexander, imperator haud paullo melior, quam aut tu, aut ego*. Et in Oratore c. 44. *Haud paullo maior scriptor, Plato*. Et lib. 2. ad Attic. epist. 12. *Ciuis haud paullo melior, quam isti nostri aduulgari*.

Non enim] Non connexio eiusdem rei, quasi causa exponatur superioris sententiae, sed transitus est ad aliam, vt post: *Nam quid ego te athletas putem desiderare?*

Graecos] De ludis Graecis lib. 16. ad Attic. epist. 5. *Rumoris nescio quid afflauerat, commissione Graecorum, frequentiam non fuisse: quod quidem me minime fefellit*. scis enim, quid ego de Graecis ludis existimem. Sed ludos illōs Bruti praetoris absentis nomine, hos a consule Pompeio video datos esse. quo licet intelligere, ordinarios non fuisse, verum arbitrato magistratuum, vt Oscos etiam, communis laetitiae causa dari solitos.

Oscos ludos] Tria ludorum genera Pompeius dedit, Latinos, Graecos, Oscos, diuersos scilicet lingua, sermone, et amictu. itaque Ennium gloriari solitum ait Gellius lib. 17. c. 17. tria corda se habere, quia tres linguas calleret, Latinam, Graecam, Oscam. *Osci a regione*

regione Campaniae, quae est Oscan, vocati sunt, ut inquit Festus. Oscum ludicrum leuissimae apud vulgum delectationis appellat Tacitus lib. 4. Annal. c. 14.

Cum Oscan ludos vel in senatu nostro spectare possis] Duae sunt causae, quibus neque Graecos neque Oscan ludos Marius desiderare debuerit: prior in ipsis ludis, quod indigni sint, qui a viro graui doctrinaque expolito spectentur. altera non in ipsis ludis est, sed petitor extrinsecus: quia Oscan verba Marius vel in senatu Arpinati audire posset; (non enim Oscan ludos fieri in Arpinati senatu Cicero dicit, sed locatur in Arpinatum senatorum linguam, Oscan mistam propter vicinitatem) a Graecis autem alieno animo esset, usque eo, ut Graecam viam, cum ad villam suam iret, libenter vitaret.

Athletas] Quos in theatro certasse, Dionis testimonio iam probauimus. Athleticum autem certamen Olympiae Hercules inuenit. Graece *πρωταγωνιστων*, Latine *quinqvrtium* dicebatur, quia certationes corporum essent, ut in Polluce legitur, quinque rebus, cursu, luctu, pugilatu, saltu, disco: ideo *πρωταγωνιστων* dictus est Democritus Abderita, quod exercuisset physica.

Ipse] Dator ludorum.

Confitetur] Quia pauci eo certamine delectati.

Operam et oleum] Laborem et sumptum. oleo enim ungebantur athletarum corpora. id primo dictum in una re, de athleticis scilicet, qui labore et sumptu exercitatur; mox interdum parum probarentur; deinde ad omnia similia translatum est, in quibus et operae et

sumptus iacturam factam esse constaret. Plautus in Poen. Aet. 1. Sc. 2. v. 119.

— Tum pol ego et oleum et operam perdididi.

Venationes] In quibus leones quingentos interfectos esse, auctor Plutarchus, et Dio lib. 39.

Binae per dies quinque] Binae, quia mane datae, post meridiem instauratae sunt.

Homini polito ERN. politico] Si veteribus libris habenda fides est: in omnibus, et quos olim vidi, et quibus nunc utor, ita legitur. si de sententia laboramus: causae nihil video, cur non placeat, homini politico. valet enim, viro graui, et in republica versato. Medicus liber, homini polito: quod est, eleganti.

A valentissima bestia] A leone. Venabulo] Telum venantium, lato ferro. Virgilius lib. 4. Aen. v. 31.

Retia rara, plagae, lato venabula ferro.

Transuerberatur] Transiicitur. Elephantorum] Quos XX. ut Plinius ait, vel, ut Dio, XVIII. Pompeius in Circo dedit.

Admiratio] Tantarum belluarum adspetu.

Quin etiam] Contrarium subiungitur: nam delectatio cum laetitia est, misericordia cum dolore.

Misericordia quaedam] Quaedam, dixit, quia proprie miseremur nostri similibus, non brutorum. Causam huius misericordiae Plinius exponit his verbis lib. 8. c. 7.

Amissa fugae spe, misericordiam vulgi incurrabili habitu quaerentes supplicauerunt, quidam sese lamentatione complorantes, tanto populi

puli dolore, ut oblitus imperatoris ac munificentiae bonori suo exquiritae, flens vniuersus consurgeret, dirasque Pompeio, quas ille mox luit, imprecaretur. Eadem fere Dio. Plutarchus hanc rem breuiter attigit.

Ludis scenicis] Ludos scenicos vocat, Clytemnestram, et Equum Troianum, itemque Graecos et Oskos ludos. Hic quaero: si ludi sunt inter dies festos, quod Macrobius lib. 1. Saturn. c. 16. scriptum reliquit; et festi dies, iidem sunt nefasti: quod idem tradidit; qui potuit Caninii causam Cicero ludis scenicis, id est, nefastis diebus, agere? nam iudicia fastis tantum: diebus fiebant: nefasti autem fastis oppositi. Non deest, quod respondeam. Ludi non omnes, sed anniuersarii tantum inter dies festos fuere, ludi autem Pompeii non anniuersarii, sed extra ordinem dati, cum theatrum templumque Veneris Victricis dedicaret. itaque per eos dies iudicia fieri licuit. Exoritur altera quaestio: si ludos Cicero spectauit, quo modo Caninium defendit? Potuit ante meridiem defendere, post meridiem spectare.

Ne forse videar tibi non modo beatus, sed liber omnino fuisse] Ne tu me putes ludorum diebus, non dicam beatum, sed omnino liberum fuisse.

Dirupi] Prae labore, et contentione.

Galli Caninii] Quem Athenis postea vidit in Ciliciam proficiscens, lib. 2. epist. 8.

Tam facilem] Facilem populum non habeo, quia non licet mihi a

caussis discedere: egor enim defendere, quos nolim.

Ambitio] Causis enim agendis multorum sibi amicitias comparauit; quorum ope summos honores consecutus est: ut in Commentario Q. Ciceronis de petitione consulatus c. 6.

Vita nulla est] Prorsus iniucunda vita est: ut mihi viuere non videar.

Neque enim fructum ullum laboris ex his exspecto ERN. exspecto] Sic olim restitui, cum in omnibus antiquis libris viderem, sicuti nunc etiam video, *ex his peto.*

Homines non optime de me meritos] Gabinium significat, quem rogatu Pompeii defendit, cum ab eo consule oppugnatus et eiectus esset. In oratione pro Postumo c. 8. defensum a se Gabinium, ais, non tam ut Pompeio gratificaretur, quam ut bona fide rediisse videretur in gratiam. Ad Vatinius quoque spectauit, quem, Caesare contendente, reum defendit. lib. 1. epist. 9. *De Vatino*, inquit, *primum reditus intercesserat in gratiam per Pompeium.* — *post autem Caesaris, ut illum defenderem, quira contentio est consecuta.* Et ipse Vatinius, cum Ciceroni odio fuisset, mox eo se patrono absolutum, fatetur lib. 5. epist. 9. Et Valerius lib. 4. c. 2. *Cicero Gabinium, repetundarum reum, summo studio defendit, qui eum in consulatu suo urbe expulerat. idemque P. Vatinium, dignitati suae semper infestum, duobus publicis iudicijs tuatus est.* Et Quinctillianus lib. 11. c. 1. *Dixit Cicero pro Gabinio et P. Vatino, iniuricissimis antea sibi hominibus, et in quos oratio*

orationes etiam scripserat. Diuus etiam Hieronymus contra Rufinum recitat locum ex oratione Cicëronis pro Gabinio.

Et laudo vebementer, et probo] Vide illud lib. 5. epist. 20. *Quam omnes non solum probant, sed etiam laudant.*

Lepore tuo] Lepor in verbis proprie dicitur, ad alia tamen transferitur, quae delectationem asserant: ut, *homo omni lepore ac venustate affluens.* et, propter cultum amicumque lasciuiorem, *pueri lepidi ac delicati* vocantur orat. 2. in Catil. c. 10. Et *fit lepide illa exuvieradiorum.* lib. 2. ad Attic. epist. 3. quod refertur ad iucunditatem eorum, qui ex angustis fenestris prospicerent.

Molestissimas] Huius molestiae praecipuam causam dixit, quod eos etiam, quos nollet, defendere cogeretur.

Quibus si me relaxaro] Lib. 16. ad Attic. epist. 16. *Si te occupatione ista relaxaris.*

Exsoluam] Non omnino occupationibus expediri, sed impediri minus vult. plus enim, *exsoluere*, quam *relaxare*; contraria vero, *relaxare*, et *adstringere*, ut lib. 10. ad Attic. epist. 6. *Pater nimis indulgens, quidquid ego adstrinxi, relaxat.*

Quid sit humaniter viuere] Non refero *humaniter*, ad eam virtutem, qua qui praeditus est, facilem se omnibus praebet, comiter excipit benignum, complectitur, vultu, verbis, re neminem laedit: sed accipio *humaniter*, pro iucunde simul et honeste, cum iis voluptatibus et studiis, quibus animus quidem remittitur, numquam tamen a virtu-

te disiungitur. *humaniter* et *humane* dixit Cicero: sed visitatus esse *humane*, et cum quadam licentia dictum *humaniter*, sicut a Terentio in Andr. Act. 1. Sc. 1. v. 47. *duriter pro dure*, ostendit Augustinus in libro de Grammatica.

Istam imbecillitatem valetudinis] *Valetudinem istam infirmam*, dixit lib. 14. epist. 2.

Sustenta] Aptè et proprie: nisi enim sustentetur quod imbecillum est, facile concidit.

Villas obire] Pro *adire*: quamquam voluntatis et studii plus est in *obire*, quam *adire*: ut cum alibi dixit, *obire cenas, obire colonias.* Interdum valet exsequi.

Haec ad te pluribus verbis scripsi, quam soleo, non otii abundantia, sed amoris erga te] Dixi iam, similitudine locorum indaganda, copiam ali, et ingenium excitari, quare, si quid in hoc genere pro nostro instituto, studii operaeque ponimus; non *exigui*, ut opinor, nostra industria, sed cum aliquo fortasse studioforum fructu collocatur. In epistolarum clausula solet excusationem Cicero aliquam asserre, vel quia longior fuerit, vel quia liberior in scribendo. prioris generis exemplum est hoc, et illud lib. 6. epist. 4. *Sed haec satis multa, vel plura potius, quam necesse fuit, facis autem non loquacitas mea, sed benevolentia longiores epistolas.* Et lib. 3. epist. 10. *Sed haec haec tenus. pluribus enim etiam fortasse verbis, quam necesse fuit, scripta sunt.* Cato etiam lib. 15. epist. 5. excusationem quaesivit, quasi longior fuisset. *Haec ego, inquit, idcirco ad te contra consuetudinem meam pluribus scripsi, ut, quod maxime*

maxime volo, existimes, me laborare, ut tibi persuadeam, me et voluisse de tua maiestate, quod amplissimum sim arbitratus; et quod tu maluisti, factum esse gaudere. In posteriore genere sunt illa, lib. 2. epist. 4. Hoc, quidquid attigi, non feci inflammandi tui causa, sed testificandi amoris mei. Et lib. 10. epist. 3. Haec amore ma-

gis impulsus scribenda ad te putavi, quam quo arbitrarer te monitis et praeceptis egere Sciebam enim, ex iisdem te haec haurire fontibus, ex quibus ipse hauseram. Quare modum faciam. Nunc tantum significandum putavi; ut potius amorem tibi ostenderem meum, quam ostentarem prudentiam.

EPISTOLAE II. ARGVMENTVM.

Emere M. Marius nescio quae bona cupiebat, quae Cicero et alii, hereditate relicta, possidebant. eam curam Ciceroni per litteras dederat; et simul, condemnato Planco Bursa, eius inimico, gratulatus erat. De Marii negotio primum iocatur Cicero, deinde se diligenter curaturum confirmat. De Bursa, rem non mediocri gratulatione dignam esse significat: praeterea calere iudicia, novas leges ferri: utrisque se vehementer distineri. Scripta Ser. Sulpicio, M. Marcello cos. nam T. Munatium Plancum Bursam, de cuius damnatione in hac epistola fit mentio, damnatum ait Dio, cum primum exiit magistratu, id est, tribunatu plebis, quem gessit Pompeio Magno tertium consule: quem secuti consules sunt Sulpicius et Marcellus. neque vero hoc solum constat, scriptam esse hanc epistolam Sulpicio et Marcello cos. sed illud etiam, primis fere diebus eius anni, ante quam senatus Ciceroni Ciliciam provinciam decreuisset. nam extremo Aprili mense, aut ineunte Maio, ab urbe discessit, ut in provinciam iret: quod indicant epistolae ad Attic. lib. 5. at, cum has ad Marium dedit litteras, nondum ei decreta provincia fuerat: nec tamen, ea decreta, statim discessit. quo argumento, et magis etiam damnatione Bursae, quam Dio, ut dixi, confert in primos anni dies, videor posse confirmare, scriptam epistolam paucis diebus post initum a Sulpicio et Marcello consulatum.

EXPLANATIO.

Homo acutus] Cum ironia. minime enim acutus, qui mandat ei, ut aliquid agat, cui expediat illud venire quamplurimo.

Sed eo vidisti multum] Ergo non multum viderat in emptione mandanda: quod correxit pretio definito. *Videre autem oculorum est proprium: sed ea vis, quae in*

oculis est ad cognoscendum, apta similitudine ad mentem, animum, ingenium cum laude transfertur. unde acies mentis, animi, ingenii dicitur: et videre aut cernere animo, ingenio, coniectura, etc. lib. 2. epist. 16. Non eam cognovi aciem ingenii tui, quod ipse videam, te id ut non putem videre. Et lib. 6. epist. 4.

epist. 4. *In quo prima illa consolatio est, vidisse me plus, quam ceteros, cum cupiebam, quamvis iniqua conditione, pacem.* Et epist. 28. huius libri: *Vidisse mihi multum videris.* Et lib. 9. epist. 2. *Tu enim ipse, qui et me, et alios prudentia vincis, omnia, credo, vidisti, nihil te omnino fessellit.* Et in Oratore c. 64. *Paeona qui dixit aptiorem, in quo esset longa postrema, vidit parum.*

Quo ne pluris emerem] Mandaverat enim Cicero Marius, ut vel suam venderet, vel aliorum coheredum partem emeret.

Qui meus amor in te est] Pro meo in te amore. lib. 5. epist. 20. *Quodsi mihi expensa ista H. S. centum tulisses, tamen, quae tua est suauitas, quique in me amor, nolle a me hoc tempore aestimationem accipere.* Et epist. 13. huius libri: *Moriar, ni, quæ tua gloria est, puto te malle a Caesare consuli, quam inaurari.* Et lib. 8. epist. 3. *Qui, quæ mea negligentia est, multos saepe dies ad te, cum hic eras, non accedebam, nunc quotidie non esse te, ad quem cursitem, discrucior.* Et lib. 13. epist. 78. *Cognitum, per te ipsum, quæ tua natura est, dignum tua amicitia atque hospitio iudicabis.*

Confecisse. n.] Transegissem, negotium absoluissem.

Licitatorem ERN. Illicitatorem potius ponam, quam illud minoris vaeneat] Sic veteres aliquot libri. alii, *illicitatorem.* nonnulli, *in licitationem*; vel, *in licitatione*. placet, *in licitationem*; ut sit: conferam illud potius in contentionem licitantium, quam minoris veneat: non patiar illud minoris venire,

quam quanti ut emerem, permisi. ita neque contra mandatum tuum agam; non enim pluris eam, quam tu vis: et consulana utilitati meae; quia, minoris ne veneat, in licitationem ponam. *Tota iocatio est, praeter illud primum, mandatum tuum curabo diligenter, quod infra quoque, remoto ioco, iterat.* Ponere autem cum accusandi casu alibi quoque dixit Cicero, ut Phil. 3. c. 11. *Longo intervallo in possessionem libertatis pedem ponimus,* Et lib. 5. de Fin. c. 2. *Quacumque ingredimur, in aliquam historiam vestigium ponimus.* Et lib. 5. ad Attic. epist. 3. *Apud Lentulum ponam te in gratiam.*

De Bursa] Hic est T. Munatius Plancus Bursa, frater L. Planci oratoris, ad quem sunt Ciceronis epistolae lib. 10. tribunus plebis anno proximo acerbissimis concionibus in invidiam rapere Milonem Cicronemque conatus erat: eoque incitante plebs curiam incenderat. quo erimine anno sequenti, statim post depositum magistratum, lego Pompeia de vi damnatus est. lib. 8. epist. 1. et Plutarchus in Pompeio et Catone, Dio lib. 40. et Peditianus. Restitutus a Caesare post victum Pompeium. qua de re sic Phil. 13. c. 12. *Sequuntur alii, tribunicii, T. Plancus in primis: quod si senatum dilexisset, numquam curiam incendisset. quo scelere damnatus, in eam urbem rediit armis, e qua excefferat legibus.*

Gandere] Tum, quia de vi damnatus esset; tum etiam, quia Cicero ipso accusante. Dio lib. 40.

Homini sordes] Ad vitia refertur: quibus inquinati homines contemnuntur ut sordes. In Pisonem c. 26.

c. 26. *O lutum, o sordes!* Lib. 4. ad Attic. epist. 15. *Iudicum sordes.* *Morte inimici]* Clodio a Milone interfecto.

Quam calamitate] Non tanti mihi est inimicorum exitium, vt eos perditos velim cum amicorum calamitate. quod accidit in Clodio: eum enim occidit Milo, et eo crimine calamitatem subiit exsulii.

Bonorum] Iudicum, qui Bursam damnauerant.

Contentionem] Summum studium pro salute Bursae. nam *contentio* plus est, quam *studium*. lib. 1. epist. 1. *Sic egit causam tuam, vt neque eloquentia maiore quisquam, neque grauitate, nec studio, nec contentione agere potuerit.* Et epist. 9. eiusdem libri: *Caesaris, vt illum defenderem, mira contentio est consecuta.*

Clarissim] Pompeium significat, quem et lib. 1. epist. 8. *clarissimum* vocat. *A senatu, inquit, ordinem coniuuissimum, et hominem clarissimum apalienuerunt.*

Potentissim] Contra tantas opes eius, dixit infra.

Oderam multo peius hunc] Lib. 14. ad Attic. epist. 1. *Non dubito, quin me male oderit.* Et M. Brutus in epist. 16. ad Ciceronem: *Pati contumelias, peius odoero malis omnibus aliis.* Phil. 11. c. 5. *Neminem veterani peius oderunt.* Terentius in Adelph. Act. 4. Sc. 1. v. 7.

Et illud rus nulla alia causa tam male odi, nisi quia prope est.

Horatius: *Odi cane peius et angue.*

Hunc defenderam] Reum, ingratus igitur. in quo vitio nihil mali non inest; vt lib. 8. ad Attic. epist. 4.

Discrimen esset habitura] Periclitatura esset: cum in mea salute reipublicae salus ageretur.

Eorum auxilio] Improborum omnium. non enim praecipue Caesarem, Pompeium, Crassum notari crediderim: de quibus in orat. pro Sextio c. 17. 18. nam hoc tempore Caesari et Pompeio non vulgari Cicero coniunctus erat amicitia.

Qui, me stante, stare non poterant] Perditis enim illorum consiliis aduersabar acerrime. lib. 6. epist. 6. *Cum me ex republica expulissent ii, qui illam cadere posse, stante me, non putarunt.*

Simiolus] Plane contemnendus, non homo, sed simiolus. homini enim simia quibusdam rebus similis. lib. 5. epist. 10. *Simius, non semissis homo, contra me arma tulit.* Et Horatius lib. 1. Sermon. Sat. 10. v. 17.

— *Quos neque pulcher Hermogenes unquam legit, neque finis iste*

Nil praeter Caluam et doctus cantare Catullum.

In quem inueheretur] Quem iniuriis afficeret. in hoc verbo illud notandum, duo participia, *inuebens* ab agente verbo, *inuectus* a patiente deductum, tempore magis, quam significatione, differre. Phil. 2. c. 29. *De quo Caesar in senatu, aperte in te inuebens, questus est.* Lib. 1. de Nat. deor. c. 28. *Maritimus Triton pingitur natantibus inuebens belluis, adiunctis humano corpori.* Eiusdem generis illud est in Bruto c. 97. *Cuius in adolescentiam, per medias laudes quasi quadrigis vehentem, transuersa incurrit misera fortuna reipublicae.*

Emissa

Emissarium] Qui meorum inuidorum arbitrio et voluntate in me emitteretur, similitudine locorum, quibus, cum volumus, aqua emittitur. lib. 16. epist. 18.

Contra tantas opes eius] Contra contentionem potentissimi viri Pompeii: qui cum, imperii causa, ad urbem esset, Plancum per tabellas absens laudauit. Dio lib. 40. idem confirmat Plutarchus in Catone. quamquam in Pompeio non ab ipso absente, sed a praesente laudatum esse Plancum significat. ait enim, *ἀσπας νόμῳ τῶς γινόμενους περὶ τῶν κερνομένων ἰταίνες, αὐτὸς ἐλεῖλας Πλάγκον ἰταινισόμενος.*

A quo ipsi lecti iudices erant] Pompeius duas tulit iudiciarias leges, vnam in secundo consulatu, vt e censu amplissimo e centuriis aliter, quam antea, lecti iudices, aequae tamen ex illis tribus ordinibus, de quibus L. Aurelius Cotta praetor legem tulerat, res iudicaret; de qua Peditanus ad orat. in Pison. c. 39. alteram in tertio consulatu, quau Velleius nominat, vt essent CCCLX, quos ipse legit. tot enim et Velleius lib. 2. et Plutarchus in Pompeio nominant. vide Coelii lib. 8. epist. 8. quo loco trecenti tantum iudices appellantur. Lectionem autem illam consulis Pompeii fuisse, non Velleii modo, sed Ciceronis etiam testimonio cognoscitur. sunt enim haec in oratione pro Milone, in extremo: *Vestram virtutem, iustitiam, fidem, mihi credite, is maxime probabit, qui in iudicibus legendis optimum, et sapientissimum, et fortissimum quemque legis.* Idem ostendit Pe-

dianus in eius orationis argumento.

Nisi iis dolori meus fuisset dolor] Susceptus ex multis Planci iniuriis: qui me animi causa, in quem inueheretur, delegerat. Non dissimile illud Phil. 14. c. 6. *Dolorem ferre non potuit doloris mei.* sic enim eum locum distinguo.

Celebritate iudiciorum] Ob magnitudinem rerum, quae iudicabantur.

Nonis legibus] Quas proximo superiore anno Pompeius Magnus, tertium consul, tulerat. duas nominat Peditanus, vnam de vi, qua Bursam eiecsum esse in exsilium diximus, alteram de ambitu, qua Hypsacum damnatum Plutarchus in Pompeii vita videtur indicare.

Vota faciamus] Vota facit is, qui se aliquid cum honore Dei facturum ita promittit, si, quod optat, ex animi sententia successerit.

Ne intercaletur] Ne dierum interpositione tempus protrahatur. Indicat hic locus, pontifices intercalare solitos arbitratu suo. nam, si annus hic esset interkalaris ex instituto Numae, frustra Cicero vota faceret, ne interkalaretur. metuebat igitur, ne interkalaretur extra ordinem. quod idem timuit in administratione Ciliciae lib. 5. ad Attic. epist. 9: 13. II. Contra sequenti anno C. Curio tribunus plebis, vt diem haberet longiorem ad ea perficienda, quae pro Caesaris causa cogitabat, intercalare cupiebat. quod quia non obtinuit, a senatu ad populum transfugit, et pro Caesare loqui coepit, vt ait Coelius lib. 8. epist. 6.

EPISTOLAE III.

ARGVMENTVM.

Vituperatorum quorundam voces, discessum eius a ciuili bello reprehendentium, iniquo animo ferebat. causam igitur exponit, cur, deniſto acie Pharfalica Pompeio, in patriam redire maluerit, quam, vel bellum renouare, vel capere tamquam exſulio locum, vel mortem ſibi conſciſcere voluntarium. Scripta poſt bellum Africanum, ut Iubaſ regis mentio declarat, Caefare III. et Lepido coſſ.

EXPLANATIO.

Perſaepe mihi cogitant] Narrationem ordiri interdum ſolet a dandi caſu, vt lib. 1. de Orat. *Cogitant mihi ſaepe numero, et memoria vetera repetenti, perbeati fuiſſe, Quinte frater, illi videri ſolent, etc.* Et lib. 2. ad Attic. epiſt. 1. *Kal. lun. cuncti mihi Antium, et gladiatores M. Metelli cupide relinquenti, venit obuiam tuus puer.* Et ad eundem epiſt. 16. ibidem: *Cenato mihi, et iam dormitanti, prid. Kal. Mai. epiſtola eſt illa reddita.*

De communibus miſeriis] Afflicta ciuili bello republica.

Tot annos] Initio ſumpto ab eo anno, quo Caefar primum conſul fuit. leges enim multae contra maiorum inſtituta, contraque libertatem publicam latae ſunt: quod poſtea res ipſa declarauit: itaque ſcripſit Cicero in quadam ad Axium epiſtola, quae non exſtat, ſed a Suctonio nominatur in Iulii vita c. 9. *Caefareus in conſulatu confirmaffe regnum, de quo aedilis cogitabat.* Horatius anno ante, id eſt Metello Celere et Afranio coſſ. factum eſſe motum ciuilem ait, lib. 2. Carmin. od. 1.

Motum ex Metello conſule ciuicum:

fortaſſe ob eam cauſam, quia, Metello ipſo conſule in carcerem a Flauio tribuno plebis ducto, ſeditio commota eſt. lib. 2. ad Attic. epiſt. 1. et Dio lib. 37. Dixit igitur Cicero, *tot annos*, ad originem belli ciuilis reſpiciens, non ad primum eius belli annum, quo Lentulus et Marcellus conſules fuere, quadriennio ante, quam haec epiſtola ſcriberetur. nam de hoc tempore, *tot annos*, opinor, non diceret.

Vt video] Spes enim fortunae melioris nulla ſuperſeſſe videbatur, deuicta iam duobus proeliis Pompeianorum cauſa, Pharfalico primum, deinde Africano.

Solet in mentem venire illius temporis] Modo cum generandi, modo cum nominandi caſu dixit Cicero, *in mentem venire.* lib. 5. de Fin. c. 1. *Venit mihi Platonis in mentem.* Pro Amerino c. 34. *Venit mihi in mentem oris tui.* At lib. 2. epiſt. 18. *Quae mihi veniebant in mentem.*

Proxime] Anno primo ciuilis belli: vt infra patet, ex mentione conſulum Lentuli et Marcelli. quo modo igitur, *proxime?* cum ſit hic tertius belli ciuilis annus. nimirum, cum ſaepe fuiſſet cum Mario, *proxi-*

proxime, dixit de postremo inter eos habito sermone.

Praesto fuisti] Villam et Marius habebat in Pompeiano. epist. 4.

Sollicitum te habebat] Sollicitabat. Sic locutus lib. 2. epist. 16.

Tum officii, tum etiam periculi mei] Hoc explanatur sequentibus verbis.

Si manerem in Italia] Profecto in Graeciam Pompeio.

Officio] Erga rempublicam et Pompeium de me bene meritum.

Vt non explicarem, quid esset optimum factu] Utilitas enim cum honestate pugnabat. lib. 4. epist. 2.

Si, quid rectissimum sit, quaerimus; perspicuum est: si, quid maxime expediat; obscurum. Et lib. 5. epist. 19. Est res profecto maxima, quid rectum sit, apparet: quid expediat, obscurum est.

Pudori tamen malui famaeque cedere] Lib. 6. epist. 6. *Vel officio, vel fama bonorum, vel pudore victus, ut in fabulis Amphiarans, sic ego, prudens et sciens, ad pestem ante oculos positam sum profectus.*

Neque magnas copias] Non magnas, cum Cicero in Graeciam venit; magnas autem postea, coniuncto Scipionis exercitu, et multorum auxiliis. Caesar ipse lib. 3. de bell. ciu. c. 88 in exercitu Pompeii ait fuisse millia LV, praeterea euocatorum circiter duo millia, et cohortes sex. Plutarchus in Caesare, pedum XLV millia in Pompeii numerat, exercitu, equitum septem millia, vide illa verba lib. 4. epist. 7. *Neque copias Cn. Pompeii, nec genus exercitus, probare.*

Neque bellicosas] Tirone et sollicitatio exercitu, quod infra di-

citur, et lib. 4. epist. 7. lib. 10. epist. 24.

Ducem] Pompeium, belli ducem.

Rapaces] Maxime P. Scipio, Pompeii focer, Syriae proconsul: de cuius infinita rapacitate, vide quae scripsit Caesar lib. 3. de bell. ciu. c. 32.

Crudeles] Lib. 4. epist. 14. et lib. 9. epist. 6. et lib. 15. epist. 19. et lib. 11. ad Attic. epist. 6.

Aes alienum] Hoc significatur lib. 6. epist. 6. in eo loco: *Qui, duce Pompeio freti, peropportuna et rebus domesticis et cupiditatibus suis illius belli victoriam fore putabant.*

Amplissimorum virorum] Praefertim L. Lentuli consulis, P. Scipionis, Pompeii foceri, Fausti Libonis. de Lentulo Caesar lib. 1. de bell. ciu. c. 4. *Lentulus aeris alieni magnitudine, et spe exercitus, ac provinciarum, et regum appellandorum largitionibus mouetur.* De tribus reliquis lib. 9. ad Attic. epist. 11.

Praeter causam] Esse enim in castris Pompeii respublica, et libertas defendi videbatur.

Semper] Etiam ante quam iretur ad arma. lib. 4. epist. 1. et lib. 16. epist. 12.

Valde abhorreret] Vel superbia quadam, qui parem sibi Caesarem ferre non posset: vel quia certam de victoria spem susceperat, confusus exercitum se habiturum multis partibus maiorem exercitu Caesaris.

Quadam ex pugna] Ad Dyrrhachium facta: ex qua Pompeius imperator est appellatus. Caesar lib. 3. de bell. ciu. c. 45.

E. c. 2

Nullus

Nullus imperator fuit] Nihil egit egregio imperatore dignum.

Tirone et collectis exercitu] Collectio exercitu belli ciuilis initio. Tusc. 2. c. 16. *Tantum inter est inter nouum, et veterem exercitum, quantum experti sumus.*

Robustissimis] Quarum nonnullae per nouem annos in Gallia pugnauerant.

Victus] In Pharsalia.

Turpissime] Vtpote qui et amisit castris, et solus fugerit.

Nee putau] Eadem in sententia fuit M. Marcellus: ad quem Cicero lib. 4. epist. 7. ita scripsit: *Tuum consilium nemo potest non maxime laudare, quod cum spe vincendi simul abiicisti certandi etiam cupiditatem.*

Integri] Nondum aduersa pugna fracti: translatio. firmitior enim sunt integra, quam fracta.

Iubam] Mauritaniae regem, ad quem Scipio, Pompeii socer, post Pharsalicum proelium confugit. lib. 9. epist. 6. *Quasi utilius rei publicae fuerit, eos etiam ad bestiarum auxilium confugere, quam vel timori, vel eum spe, si non optima, at aliqua tamen viuere.* Hic est ille Iuba, de quo Caesar triumphauit, eiusque filium, qui postea inter scriptores doctissimos, ut ait Plutarchus, connumeratus est, et ad Caium Augusti filium, teste Plinio lib. 12. c. 14. de Arabiae rebus libros conscripsit, in triumphum duxit, admodum infantem.

Aut capiendus tanquam exsulio locus] Quod M. Marcellus et alii fecere. *Tanquam exsulis*, non proprie exsulio: nam exsules damnati legibus patria carent: qui vero patria caret, sed non legibus

damnatus, is non exsul, sed tanquam exsul est. in epistola tamen ad Marcellum lib. 4. 8. dixit, *hunc aptissimum esse etiam ad exsulandum locum*: quasi exsulum sit, ad spectu patriae frui non posse. et hic, paullo post, simpliciter exsulum appellauit. *Ex omnibus*, ait, *iis, quae dixi, incommodis, nihil tolerabilius exsulio.*

Aut consciscenda mors voluntaria] Quod M. Cato, audita Caesaris Africana victoria, Uticae fecit: unde illi cognomen Uticensi. Consciscere mortem, e sex incommodis ultimum posuit, seruienti videlicet causae suae, qui discesserit ab eo bello, in quo nihil prosperum expectari posset, aduersa omnia imminerent. alibi tamen praecelaram vocat Catonis mortem, quam sibi ille consciuerat voluntariam. lib. 9. epist. 18.

Nolles, aut non auderes] Nolles, quia turpe: non auderes, metu potestatis.

Committere] Quod Cicero fecit, statim a pugna Pharsalica in Italiam reuersus.

Praesertim innocenti] Hac de re praecclare disputat in Parad. 4. aduersus Clodium, a quo exsul appellatus erat.

Cum meis] Propinquis et amicis.

Si quidquam] Correctio: quasi omnia plane sunt in vnus potestate.

Etiam in meis esse malui] Etiam, vim quandam indignationis et doloris habet: quasi dixerit: omnia sunt in vnus potestate, nihil cuiusquam praeterea: hoc tamen cum scirem, in meis esse malui. Particula *in*, seiungere videtur ab illo possessionem, quam tribuebat particula *cum*. nam, *cum meis*, rei possessione

sessae significationem habet: *in meis*, fructum potius, quam possessionem, demonstrat. Venuetas non adest: cum meis non ero; quia nihil cuiusquam est: at in meis ero; quod in malis aliquod solatium affert.

Si nulla, tamquam in exilio] Lib. 4. epist. 8. *Si sit aliqua respublica, in ea te esse oportere, iudicio bonium reque principem, necessitate cedentem tempori: sin autem nulla sit, hunc tamen aptissimum esse etiam ad exsulandum locum.*

Multae causae (causae adest in ERN.)] Amisio libertatis, dignitatis, honestatis, amicorum, omnium denique rerum, quae, republica stante, iucundissimae fuerant.

Vetus est enim] A veteribus dicta sententia. lib. 6. epist. 3. *Ita vivere, ut non sit viuendum, miserimum est.*

Sustentem] Litterae sustentant, aberrante animo a dolore, et memoria calamitatum: rerum gestarum gloria solatium affert in miseria, cum recordamur, non omnia tamen crepta nobis esse, manere gloriam, mansuramque post obitum etiam, ab omni tutam iniuria.

Mihi vivo numquam] Morbo tantum, perturbata memoria, viuis eripi scientia potest: manente memoria, non potest.

Tum reipublicae] Cuius consulebam salutem, cum pacem suadebam.

Quemquam] Aut Caesarem, aut quemvis alium. lib. 5. epist. ult. *Ego sum, qui nullius vim plus valere volui, quam honestum otium.*

Alicuius culpa] Pompeius notatur: cuius affinitas Caesar, quae voluit, pro sua potentia consecutus est. quod saepe queritur Cicero in

epistolis ad Atticum, et hic lib. 6. epist. 1. et 6. et Coelius lib. 8. epist. 14. et omnes historici.

Vnus] Quis hoc de Caesare dici non videt?

Vt obfisti non posset] Quis enim obfisteret habenti robustissimas legiones, nec petenti, nisi quod iam ei, latis legibus, populus concesserat? ut etiam honestae causae speciem quandam ostenderet.

Me voluisse etiam reliquis omnibus] Ita hunc locum distinximus, qui antea uale distinctus erat.

Reliquis omnibus] Facere finem belli. pacem enim, victo Pompeio, suasi: qua non probata, vsus ipse meo consilio sum. lib. 9. epist. 6. *Erant nobis perirati, quasi quidquam de nostra salute decreuissemus, quod non idem illis censuissemus.*

Rhodum, aut Mitylenas] Quo se, tamquam ad liberam ciuitates, nonnulli ex Pharsalico proelio, qui se victori nollent, aut non audent committere, contulerunt. lib. 4. epist. 7.

Sed, quia longius fiebat] Lib. 9. epist. 8. *Sed, cum tu tardius faceres.*

Vituperatores meos] Crimini dabant, quod a bello discessisset. Eodem modo *amatorem tuum*, dixit lib. 9. epist. 15.

Cum meus interitus nihil fuerit reipublicae profuturus] Hoc interponit, ut suspicionem timoris auertat; ne videatur ob viuendi cupiditatem boni, ciuis officio defuisse. Mortem, inquit, non timui: sed, cum ea nihil esset reipublicae profutura, mori cur uallem, quam viuere?

Si me audissent] Pacem suadentem. supra, et lib. 4. epist. 1. et lib. 6. epist. 21.

Quamvis iniqua pace] Lib. 6. epist. 6. *Cum vel iniquissimam pacem inuicissimum belli auiferrem.*

Honeste tamen viuerent] Hoc dicit, ne quis obiciat, cum turpi-

ter viuere. non enim satis fuit, ostendere, nihil reipublicae mortem suam fuisse profuturam: sed vitam quoque ipsam nulla cum turpitudine coniunctam demonstrat.

Non causi.] Honestè igitur viuit, quicumque bene sentit; nec honestatem vel afferunt arma, vel eripiunt.

EPISTOLAE IV.

ARGVMENTVM.

Praemonet Marium de aduentu suo in Pompeianum. Eodem anno.

EXPLANATIO.

Cum Libone] Scriboniae gentis, plebeiae.

Tuo, vel nostro potius] Similis loquendi modus lib. 9. epist. 2. *Canius tuus idem, et idem noster.*

In Pompeianum] Villam suam, prope opidum Pompeios.

Faciam ante te certior] Erat enim et Marius in Pompeiano suo.

Hic] In vicinis praediis, vterque enim villas habebat in Pompeiano. lib. 2. ad Q. Fr. epist. 10. *Illorum praediorum scito mihi vicinum Marium, lumen esse.*

Vides] Ideo vides, quia Pompeianum prope Cumianum est. lib. 4. ad Attic. epist. 9. et lib. 5. ad eundem epist. 2.

Quanto post] Dissensio ab iis, qui, *multo post*, significari putant:

nam se breui cum eo futurum, in extrema epistola Cicero demonstrat.

Si quod constitutum] Libri aliquot veteres habent, *si quid*; alii tamen, *si quod*, quos sequor. nam, *constitutum*, transit in naturam nominis: vt lib. 12. ad Attic. epist. 1. *V. Kal. igitur ad constitutum.* Et pro Caecina c. 12. *Qui ad constitutum experiundi iuris gratia venissent.* Et pro Coelio c. 8. *Cum sit his constitutum, numquam se, ne congressu quidem et constituto coepisse de tansis iniuriis experiri.* Apparet, verbum iuris esse. Si tu, inquit, curare podagram his diebus constituisti; differ in alium diem, vt interea simul cenare aliquanto hilarius possimus.

EPISTOLAE V.

ARGVMENTVM.

C. Trebatium Testam, iurisconsultum, familiarem suum, commendat C. Caesari, Galliarum proconsuli. Scripta Domitia et Appio cos. quod ex lib. 2. ad Q. Fr. epist. 14. intelligitur.

EXPLANA-

EXPLANATIO.

Vide, quam mihi persuaserim] Facilius impetratur, impetrandi spe propoſita. parit enim benevolentiam humanitatis commemoratio. quo hic artificio utitur Cicero.

Quocumque exirem] Legatione non frumentaria, ut nonnulli putarunt, ſed Hiſpanienſi, cum Pompeio proconſule: cui lege Trebonia, ut omnes hiſtoriae narrant, utriusque Hiſpaniae adminiſtratio in quinquennium demandata erat.

Commoratio] Ad urbem. numquam enim Pompeius iuit in provinciam: quae belli civilis origo fuit. lib. 6. epiſt. 6. *Eundem in Hiſpaniam cenſui: quod ſi feciſſet, civile bellum nullum omnino fuiſſet.* Hic autem de curatione frumentaria qui poteſt intelligi, cum ea iam ante biennium demandata Pompeio eſſet; nec ea res tam diuturnam Pompeii commorationem ferret? quin etiam, frumenti comparandi cauſſa, iuit Pompeius in Sardiniam et Africam, Marcellino et Philippo coſſ. ut lib. 1. epiſt. 9. demonſtrat. at haec ad Caefarem, ſcripta biennio poſt, nondum ab urbe Pompeium diſceſſiſſe oſtendit. praeterea epiſt. 17. eandem manifeſte rem attingens, ait: *quoad opinatus ſum, me in provinciam exiturum.* Ire in provinciam non opinor diceret, ſi ad frumentarium curationem iturus eſſet.

Dubitatio] Verebatur, ne Clodius abſenti negotium faceſſeret. Eadem legatio ſignificatur lib. 5. ad Attic. epiſt. ult. et lib. 3. ad Q. Fr. epiſt. 1.

Exſpectare a te, quae ſperaeſſet a me] Plus eſt exſpectare, quam

ſperare. nam in ſpe dubitatio videtur ineſſe aliqua, in exſpectatione nulla. parem igitur ſibi, quod ad iuvandi Trebatii voluntatem attinet, Cicero Caefarem facit: ſic enim exorſus eſt epiſtolam: *Vide, quam mihi persuaserim, te eſſe alterum me:* ſuperiorem autem in opibus agnoſcit, quia longe maiorem, cum utramque Galliam proconſul adminiſtraret, ornandi augendiſque Trebatii ſacultatem haberet.

Prolixe] Liberaliter. lib. 3. epiſt. 8. prolixam beneficamque Appii naturam vocat.

Mirificus] *Mirificus, mirus, mirandus, admirandus, mirabilis, admirabilis,* ſynonyma ſunt.

Quaſi] Quia, quod hominum eſt, ad caſum tranſtulit, ideo, *quaſi,* dixit.

Teſtis opinionis meae] Cuius teſtimonio comprobaretur id, quod ego de te exiſtimaram.

Sponſor humanitatis tuae] Cui, tamquam ſponſori, de tua credendum humanitate videretur.

Cum Balbo noſtro] Hic eſt L. Cornelius Balbus, Gaditanus, Caefaris et Ciceronis amiſſiſſimus, pro quo exſtat oratio. peruenit Caefaris beneficio ad maximas divitias, et conſulatum poſtremo eſt adeptus. Plinius lib. 7. c. 43.

M. Orſum ERN. M. Irſum] Antiquos libros inſpexi multos. alii habent, *M. Irſum:* alii, *M. Iſſum:* alii, *Mirſum:* alii, *Iſſum:* quidam, m. v. *Finiſum.* nonnulli, *M. Iſſum:* vel, *M. Irſum:* vel, *M. Irſum:* vel, *M. Iſſum:* vel, *M. Iſſum:* vel, *M. Iſſum:* vel, *M. Iſſum:* alii aliter: nullus, *Orſum:* quod ta-

men nonnullis placuit, opinantibus eum esse, de quo lib. 2. ad Q. Fr. epist. 14. fit mentio. qua de re scripsi olim, tempora non congruere: nam hunc, qui nominatur in hac epistola, iuisse ad Caesarem, constat, ante Trebatium, illum autem post; cum in ea sit epistola in extremo, *Trebatium ut valde ames, vehementer te rogo.* Hic a coniectura subsidium quaerunt; et aiunt posse fieri, ut Orsius in Galliam antea sit profectus; deinde, sui negotii causa, vel ab ipso Caesare missus, Romam venerit; unde cum litteris Ciceronis ad Q. fratrem in Galliam redierit. haec facile possunt excogitari: sed nihil cogimur credere, nisi quod ratio persuadeat. nam illa verba, quae sunt in ea ad Q. Fr. epistola, *est tribunus militum in exercitu vestro*, mihi quidem argumentum asserre non videntur, cur ille Orsius antea fuerit in exercitu Caesaris. fortasse etiam contrarium significant. nam si fuerat antea tribunus militum in exercitu Caesaris: cur, quasi de homine ignoto, scriberet ad fratrem Cicero, *est, tribunus militum in exercitu vestro*? quis putet a legato legionis Quinto ignoratum esse tribunum militum cuiuscumque legionis? Dicit igitur Cicero, ut opinor, hoc: venit ad Caesarem tribunus militum creatus. Non enim soli imperatores tribunos militum creabant, ut iidem credunt; sed ea potestas populi quoque fuit. *Tribunorum militarium*, inquit Alconius in Aët. I. in Ver. c. 10. *duo sunt genera; primum eorum, qui Rufuli dicuntur; bi in exercitu creari solent, alii sunt Comitatus, qui Romae comitiis designantur.* Idem legitur apud Festum, idem

et a Liviō lib. 9. c. 30. significatur. Erat igitur Orsius e comitiatis, quo refellitur illud argumentum: non potuisse Ciceronem diuinare tribunum militum Orsium a Caesare creatum iri: itaque antea creatum esse, et in exercitu fuisse.

Vel regem Galliae faciam] Hōc non faciam, ergo id, quod cupis. Modus loquendi, cum vel hoc, vel illud promittentes, alterutrum nos facturos esse, credi volumus, excluditur enim difficilior.

Legae delega] Video scriptum esse, *dilegam*, in quattuor antiquis libris, in aliis omnibus, *delega*, utroque modo locus, ut arbitror, mendo non vacat: nec ipse mihi in coniectura satisfacio.

Sustulimus manus] Ob admirationem. manus enim tollere consueuimus, aliquid admirantes. lib. 4. Acad. c. 19. *Hortensius vehementer admirans; quod quidem perpetuo Lucullo loquente fecerat, ut etiam manus saepe tolleret.* Catullus carm. 53.

Admirans ait haec, manusque tollens:

Di magni, Salicippium disertum!

Nescio quod ERN. Nescio quid] Sic malo, quam *nescio quod*: idque videtur vsus postulare Latinae linguae, utrumque habent veteres libri.

Non fortuitum, sed diuinum] Fortuitis diuina praestant, nam, quae a fortuna sunt, ratione carent. Deus autem summa ratio est. Non igitur casu, inquit, accidisse videbatur, ut eo tempore litterae mihi abs te darentur, cum de hoc ipso Trebatio cum Balbo nostro loque-

loquerer; sed ita, Deo volente, factum, ut opinio mea de tua erga me voluntate confirmaretur.

Inuitatu tuo] Inuitatus, inuitatio; permissus, permissio; concessus, concessio; consensus, consensio; discessus, discessio; aliaque similiter dicuntur.

Per me] Non propter me; (non enim se ponit ut causam, quo spectetur) sed, mea opera et commendatione, ut sit ipse causa efficiens. Sic lib. 13. epist. 8. *Magna me affeceris non modo laetitia, sed etiam quodammodo gloria, si P. Sextius homini maxime necessario satisfecerit per me, ut ego illi uni plurimum debeam.*

In meos] Non modo propinqui, sed amici etiam significantur. lib. 16. epist. 11. de Curione non propinquo dixit: *Curio meus illum incitabat.* et epist. 3. de solis propinquis non scripsit illud: *Ego cum meis (si quidquam nunc cuiusquam esset) etiam in meis esse malui.*

Spondeo] Ita promitto, ut me sponso rem constituam, et in me ipsum recipiam, si secus acciderit. lib. 1. ad Attic. epist. 8. *Tulliola, delicias nostrae, tuum munusculum flagitat, et me, ut sponso rem, appellat. mihi autem abiurare certius est, quam dependere.* Sponsor, praes, vas, in quo differant, ostendit Varro lib. 5. de L. L.

Vetere verbo meo] Quo antea usus eram in Milone commendando. Cum infra videam subiungi, *sed more Romano;* et, *more Romano commendare,* sit exquisitè laudare, et praestanti quodam uti genere commendationis; quod hic locus demonstrat; et ille in epist. 18. *Ego te Balbo, cum ad vos profici-*

setur, more Romano commendabo: facile possum coniecere, frigidum fuisse verbum illud Ciceronis, quod scriptum de Milone Caesar luserat. itaque sequitur minime frigida laudatio, *probiorem hominem, meliorem virum, pudentorem esse neminem.*

De Milone] Hoc anno P. Clodius nondum occiderat Milo. quia porro in causa eum Caesari Cicero commendauerit, suspicari difficile est. in magistratus petitione, non puto. nam praeturam non petiit Milo; sed, ea omissa, consulatum petiit Caluino et Messalla cons. cum aedilitatem gessisset biennio post tribunatum, id est, Pompeio et Crasso iterum cons. fortasse igitur Milonem in aliqua contentione, quae illi cum Clodio esset, cum Cicero commendauit. nam Caesar, licet absens, gratia et opibus in urbe plurimum valebat.

More Romano] Grauiissime. epist. 17. *Sic ei te commendauit et tradidi, ut grauiissime diligentissimeque potui.* Epist. 18. *Ego te Balbo, cum ad vos proficiscetur, more Romano commendabo.*

Quomodo homines non inepti loquantur] Ineptorum igitur hominum est, frigide laudare: siquidem non inepti exquisitè laudant.

Probiorem hominem, meliorem virum] Coniuncta notentur: *probus homo, bonus vir, potius, quam, bonus homo, probus vir.*

Pudentorem] Epist. 7. *Multum te in eo frater adiuuabis meus, multum Balbus: sed, mihi crede, tuus pudor et labor plurimum.*

Quod familiam ducit in iure civili, ERN. Quod familiam ducit] Hoc non ad ipsum Trebatium re-

fero; vt dicatur, suos habere sectatores; verum ad eius excellentem hi iure ciuili memoriam atque scientiam. cum enim laudare Trebatium Cicero coepisset, adiunxit ea, quae in eius laudibus ita prima sunt, vt quasi familiam ducere et excellere videantur. laudatur enim, et necessaria in primis est, in iuriconsulto memoria; sine qua scientia non consistit: nec tamen memoria sola laudem habet, sed ita, si cum intelligentia coniungatur: ex vtraque enim sit scientia. itaque post memoriam adiunxit Cicero scientiam, vt optimum iuriconsultum describeret. Quod ad loquendi genus attinet, confirmatur exemplo lib. 4. de Fin. c. 16. *Primus*, inquit, *illud vide, grauissimam illam vestram sententiam, quae familiam ducit, honestum quod sit, id esse solum bonum: honesteque viuere, bonorum finem, communem fore vobis cum omnibus, qui in vna virtute constituunt finem bonorum.* Et Phil. 5. c. 11. *Lucius frater eius, utpote qui peregre depugnauit, familiam ducit.* Translatio ab iis, qui ceteros ducunt, quia potestate, aut honore, scientiae antecellunt.

In iure ciuili singularis memoria] Necessariam esse iuriconsultis memoriam, et eorum maxime propriam, ostendit lib. 1. de Orat. c. 28. cum ait: *In oratore autem acumen dialecticorum, sententiae philosophorum, verba prope poetarum; memoria iuriconsultorum, vox tragoediarum, gestus paene summarum actorum est requirendus.*

Tribunatus] Militum, qui, post consulem et legatos, honor in castris erat maximus, et post eum praefectura equitum, de qua sequi-

tur mentio, vide quae de tribunis militum diximus lib. 5. epist. 20.

Certum nomen] Modestiam seruat, quia nihil petit nominatim: et plus tamen petit, quam si nominatim peteret: quia nihil est, quod a Caesaris beneuolentia et liberalitate expectari non possit.

Peto] Repetit hoc verbum elegantiae causa, similiter vt lib. 5. ad Attic. epist. 15. *Denique haec non desidero; lucem, forum, urbem, domum, vos desidero.*

Gloriolae] Quasi non omnino verae ac solidae gloriae sint insignia vel tribunatus, vel praefectura, sed aliquam tamen gloriae imaginem habeant.

De manu, ut aiunt, in manum tuam istam] Curam suam et cupiditatem ornandi Trebatii significat; quia, non contentus eo, quod dixerat, *misto ad te Trebatium*, subiungit, *totum hominem tibi tradere*: plus est enim tradere, quam mittere. idque etiam atque etiam magis exprimitur hoc addito, *de manu, ut aiunt, in manum tuam*. quod vero intulit, *istam*, ex laude Caesaris beneuolentiam quaerit: quod ipsum Trebatii causa facit. Ingeniose autem, quia dixerat, *in manum tuam*, de victoria et fide subiunxit: manus enim et victoriam parit, et fidem promittit. quod vtrumque ostenditur in orat. pro Deiot. c. 3. *Per dexteram te istam ore, quam regi Deiotaro hospes hospitii porrexisti: istam, inquam, dexteram, non tam in bellis, et in proeliis, quam in promissis et fide firmiorem.* Terentius de fide, in Andr. Act. 1. Sc. 5. v. 54.

Quod ego te per hanc dextram oro, et ingenium tuum.

Nec

Nec ab re fides hic in Caesare laudatur: sed exigitur quodam modo, ut quem ad se mitti voluerit, cum pro sua fide tractet. scripserat enim, *si vis tu, ad me alium mitte, quem ornem.*

Sinus ERN. Sumus enim putidiusculi] Excusat se, quod in Trebatio commendando plura verba consumpserit, quam Caesaris humanitas patiatur. *Putidum* appellat, Cicero, in quo nimia diligentia reprehendi possit, ut lib. 3. de Orat. c. 11. *Nolo exprimi litteras putidius, nolo obscurari diligentis.* Et lib. 1. de Offic. c. 37. *Litterae neque expressae, neque oppressae, ne aut obscurum esset, aut putidum.* Vidi scriptum in quibusdam antiquis libris, *blandiusculi*: sed in plerisque, *putidiusculi*: quod magis probō. et fortasse, *blandiusculi*, glossēma fuit.

Quamquam ERN. Quam per te vix licet] Non vis me tam diligentem esse in eo commendando, quem et scis diligere a me non mediocriter, et vides mitti ad te invitatu etiam tuo. dicit autem, *vix licet*: quod quasi medium est inter *licet*, et, *non licet*. ita excusat suam diligentiam, et eam tamen parum necessariam ostendit.

Verum, ut video, licebit] Accipies in bonam partem officium meum: non tibi molestiam afferet haec nostra, quamvis nimia, in Trebatio commendando diligentia.

Verum, ut video, licebit] Accipies in bonam partem officium meum: non tibi molestiam afferet haec nostra, quamvis nimia, in Trebatio commendando diligentia.

EPISTOLAE VI.

ARGUMENTVM.

Trebatium, desiderium urbis vix ferentem, hortatur, ut urbis urbanitatisque curam et memoriam, quasi quasdam ineptias, abiciat; operamque det, ut, quod ei ab urbe discedenti propositum fuerat, id assiduitate et virtute consequatur. Eodem anno.

EXPLANATIO.

[Legitima] Usitata, ut quae lege sunt.

Cum aliquo insigni indicio meae erga te beneuolentiae] Id, more Romanae commendare, dicitur epist. 5. et 18.

[Urbanitatis] Hic *urbanitas* non est virtus, sed pro rebus urbanis accipitur, quarum desiderio Trebatius flagrare se significauerat. epist. 17. *Mibi interdum levis in urbis urbanitatisque desiderio videbare.*

[Quo consilio profectus es] Profectus erat eo consilio, ut beneuolentiam Caesaris assiduitate et virtute adipisceretur.

[Medeae] Hunc locum vir excellentis ingenii Angelus Politianus primus illustravit. nam illud, *quae Corinthum arcem altam habebant; et matronae opulentae optimates; et quae sequuntur, recte vidit ex Ennio poeta, verborum ordine nonnihil immutato, esse sumpta. Graecos etiam versus Euripidis, (in Medea 214. seqq. ab Ennio conuersos, adduxit: quos hic subscribere visum est.*

Κορίνθου γυναῖκες, ἐξήλθον δόμων,

Μὰ μοί τι μέμνησ'· αἶσα γὰρ
πελλὺς βροτῶν

Σταυρὸς

Σειμὸς γεγάτας, τὴς μὲν δμμάτων
ἄπο,

Τὴς δ' ἐν θυραίοις. οἱ δ' ἀφ'
ἡσυχᾶ ποδῶς

Δόσκειαν ἐκτῆσαντο, καὶ βαθυμίαν.

Corinthum arcem altam] Vrbs ipsa, Achaiae caput, quam cepit eueritque L. Mumunius, Corinthus dicta, arx vero Acrocorinthus; quod editiore loco exstructa immineret vrbi. hic tamen eodem, quo vrbs, nomine appellatur; quia scilicet pars vrbs est arx; et potest, quod in toto, idem in parte nomen vsurpari. Medeam cum viro suo Iasone Corinthum exfulem deucnisse, demonstrat hic locus; et ex ipsa, quae exstat, Euripidis tragoedia cognoscitur, habitasse ibi diutius, Pindari significat interpretes. nam, ἐν τῷ εἰ-
δει ἐν τῶν Ὀλυμπ. vbi Xenophon Corinthum laudatur, ad illa verba v. 74. καὶ τὸν πατὴρ ἐντὶ Μήδειαν Σεμῖαν τὸν γάμον αὐτῇ, interpretes haec affert: Μήδειας μέμνηται, ὅτι ἐν Κορίνθῳ κατέκειτο, καὶ ἔπαυσε Κορίνθιος λιμὲν κατεχομένους, θύσαντες Δήμητρι, καὶ νόμφαις Ἀθηναίαις. Alia quoque, vt Pindari verba explanet, adducit idem interpretes, vt solet obscuris in locis esse varius: verum ca referri ad exfulem Medeam, de qua hic sermo est, mihi non videntur. nam Euripides, et eum secutus Ennius, venisse Corinthum Medeam exfulem, ostendunt: interpretes autem ille, Corinthum, Aeaetae, Medae patris, fuisse patriam ait, ideoque in laudibus Corinthi Medeam nominari. quod ego absurdum puto. Plutarchus etiam in Theseo, venisse Medeam Corintho Athenas, auctor est.

[Habebant] Pro, habitabant. Plautus in Bacch. Act. I. Sc. 2. v. 6.

Quis istic habet? Et Varro lib. 4. de L. L. *Cispius mons, vbi aeditum habere solet.* Et L. 12. D. de seru. praed. urban. *Quidam Iberus, qui habet post borrea mea.*

Optimates] Nobiles, principum virorum vxores. *Optimatem* Cicero describit in orat. pro Sextio c. 45. qui se ita gerit, vt sua consilia optimo cuique probet; quique nec natura improbus est, nec furiosus, nec malis domesticis impeditus. hic propter opes et claritatem familiae dicuntur *optimates*.

Manibus gypsatisimis] Verbum opinor Ennienum, pro *candidissimis*. nam Ciceronem ita locutum, numquam crediderim. in hac quidem, quae exstat, Euripidis Medea gypsatarum manuum nulla mentio.

Ne sibi vitio illae verterent, quod abesse a patria] Quaerit excusationem apud mulieres Corinthias Medea, quod egressa domo sit, id est, quod patriam reliquerit. id enim sequentes duo versus indicant. vtrum autem Euripidis verba, vnde hoc Ennius transtulit, id ipsum significent, an errauerit Ennius, et eum secutus Cicero; dubitari fortasse potest, e doctorum hominum sententia. nos tamen, qui Ciceronem interpretamur, disputare de Euripidis mente non debemus: illud quidem, ἐξελθὼν δέμων, de patria, non de priuatis aedibus, Ciceronem intellexisse, satis constat: quemadmodum et epist. 5. *Vt eum, meis omnibus studiis, beneficiis quam ornatisimum, domum reducerem.* Et epist. 17. *Domum redire properabas.* Et epist. 30. *Tene nec botor, nec rogo, ut domum redeas.* Iam illud, *domi forisque, domi militiaeque*, quam facpe

saepe dicatur, omnes norunt. Nec sane video, si, *ἡξίατον δέμων*, de privatis aedibus accipiat; cur mulieres Corinthias Medea rogaret, ut sibi ignoscerent, quia prodiiisset; cum earum nomine, ut prodiret, rogata iam esset. Aptè vero dicitur: ne mihi vitio detis, quod ex patria discessi: quando, idem qui fecere, multi gloriam sunt assecuti: ut verbum *εὖνός*, Ennius verterit, *qui rem suam et publicam bene gessere*: recte fortasse: cum *εὖνός*, tam ad laudem, quam ad infamiam referatur: ut exempla, non modo quae Suidas collegit, verum alia quoque non pauca demonstrant. Nam, quod in hoc ipso Euripidis loco, *εὖνός*; idem Suidas accepit pro *ὑπερηφάνους*, id est, arrogantes: equidem, quod ad me attinet, sequor libentius veterem poetam Ennium, quam recentiorum Grammaticum Suidam: cum praefertim Cicero noster, qui Euripidis verba et videre potuit, et, opinor, vidit, Ennii sententiam probauerit.

Nam multi suam rem — sunt improbat] Duo videntur esse versus: nec tamen, quae mensura sit, apparet. itaque vir acuti ingenii distinguendum ita censuit:

— *Nam multi suam*

Rem bene gessere, et publicam patria procul:

Multi, domi qui aetatem egerunt, propterea

Sunt improbat] —

in quo assentire, nisi viderem scriptum esse in omnibus antiquis libris, *qui domi aetatem egerunt*; non, *domi qui aetatem egerunt*. itaque tentare, volui, an alia sit probabilior, id est ab antiquis li-

bris minime dissentiens, distinguendi ratio. occurrit autem haec:

Nam multi suam rem bene gessere, et publicam

Patria procul: multi, qui domi aetatem egerunt

Sunt, propterea sunt improbat]

Primi versus pes secundus, *ti suam*, spondeus est, in ore satis noto, ex tragicorum comicorumque consuetudine. in secundo versu extremam syllabam transfero ad mensuram tertii: quemadmodum dixit Virgilius lib. 1. Georg. v. 295.

Aut dulcis musti Vulcano decoquit humorem,

Et foliis undam trepidi despumant abeni.

translata ad sequentem versum postrema syllaba. et Catullus carm. 40.

Quaenam te mala mens, miselle Ranide,

Agit praecipitem in meos iam-bos?

Et Horatius lib. 1. Carm. od. 2. v. 18.

— *Vagus et sinistra*

Labitur ripa (Ioue non probante)

Vxoribus amnis:

cum primam syllabam, *V*, transferri necesse sit ad superiorem versum: quod apud comicos ac tragicos, quorum est maior licentia, visitatum fuisse, negari non potest. Nam illud in eodem versu, *qui domi*, dactylum esse, nemo, opinor, ignorat: licet in verbo, *domi*, secunda syllaba produci soleat. hic enim idem accidit, quod in illo Virgilii ecl. 8. v. 108.

Credimus? an, qui amant, ipsi sibi somnia fingunt?

quo

quo loco non modo omittitur synaloephe, verum etiam quae sua natura producit syllaba, ob frequentem posterioris verbi vocalem contrahitur; et fit dactylus, *an qui a*. Sic idem poeta lib. 1. Georg. v. 281.

*Conati ter sunt imponere Pelio
Ossam.*

Et lib. 5. Aen. v. 261.

*Victor apud rapidum Simoenta
sub Illo alto.*

Et lib. 6. v. 507.

*Nomen et arma locum seruant:
te, amice, nequius
Conspicere. —*

Antiquior etiam poeta Lucretius lib. 5. v. 75. dixit:

*Pellora, terrarum qui in orbi
sancta tuetur.*

Nec simplices modo vocales, sed diphthongi quoque naturam mutant, ut lib. 4. Georg. v. 461.

— *Fierunt Rhodopeiae arces.*

Et lib. 3. Aen. v. 211.

Insulae Ionio in magno. —

Ceteris cauere] Cum iurisconsulto sis: iurisconsultorum enim est, aliis cauere. idem iocus epist. 10. *In re militari multo es cautior, quam in aduocationibus.* Et lib. 3. epist. 1. *L. Valerium, iureconsultum, valde tibi commendo: sed ita etiam, si non est iurisconsultus. Melius enim ei cauere volo, quam ipse aliis solet.* Et ad eundem Trebatium Topic. c. 1. *Cum tu mihi meisque multa saepe cauisses.* Et lib. 2. de Offic. c. 19. *In iure cauere, consilio iurare, atque hoc scientiae genere prodesse quam plurimis, vebementer et ad opes augendas pertinet, et ad gratiam.*

Didicisti] A legibus, et iure civili.

In Britannia] Iuisse Trebatium, vel iturum cum Caesare in Britanniam, Cicero arbitrabatur. non iuisse constat ex epist. 10. et 14.

Ab essedarii] lis, qui pugnant ex essedis. epistola sequenti: *Essedum aliquod suadeo capias.* Epist. 10. *Neque spectare essedarios.* Et Caesar de Britannis ita loquitur lib. 5. de bell. Gall. c. 9. *Ille equitatu, atque essedis ad flumen progressi, ex loco superiore nostros prohibere, et proclium committere coeperunt.* Et paullo post c. 15. *Equites hostium essedarii acriter proelio cum equitatu nostro in itinere conflixerunt.* Videntur et apud Belgas esseda fuisse. Virgilius lib. 2. Georg. v. 204.

*Belgica vel molli melius feres
essedo collo.*

Romae quoque, ut peregrina per luxum saepe amamus, essedo utebantur ditiores. Phil. 2. c. 24. *Vebatur in essedo tribunus plebis.*

Decipiaris] Turpe est iurisconsulto decipi; cum ipse, ne alii decipiantur, sua scientia praestare soleat. caue igitur, ne te laedant.

Qui ipse sibi sapiens prodesse nequit, (non quis ERN.) *nequidquam sapit*] Quaerendum est, cuius poetae Latini sit hic versus, ex quo poeta Graeco translatus, ex qua fabula. Versus est Ennii. dixit enim Cicero lib. 3. de Offic. c. 15. *Haec est illa perniciēs, quod alios bonos, alios sapientes existimant. ex quo Ennius, nequidquam sapere sapientem, qui sibi ipsi prod se nequiret.* Graecum autem Euripidis versum conuertit Ennius, recitatum a Cicrone in epistola ad Caesarem lib. 13. 15.

Μὴ δὲ σοφιστὴν, ὅστις οὐκ αὐτῷ σοφῶς.
Ex

Ex Medea tragoedia sumptam esse hanc sententiam, quis dubitet? cum dicat Cicero: *et, quando Medeam agere coepi, illud semper memento: Qui ipse sibi, etc.* Nunc scrupulus remanet, sane molestus et difficilis. nam in hac, quae exstat, Euripidis Medea non reperitur hic versus: ut necesse omnino videatur, vel ex altera eiusdem Euripidis Medea sumptum esse, vel duos Euripides fuisse, qui Medeam conscripserint. Duas fuisse eiusdem Euripidis Medeas diserte nemo dixit, quod equidem sciam: contra, potius unam fuisse, ostendit Suidas, cum de Nephronē ait: ὃ φασι εἶναι Εὐριπίδου Μήδειαν. Præterea, si duas idem scripsisset, notasset utramque inscriptione diversa, ut in Iphigenia fecit, et Sophocles in Oedipo, Aeschylus etiam in Prometheus. Interpres etiam Aristophanis in eo loco eius comoediae, quae inscribitur, Εἰρήνη, v. 1012. Εἴτα μονοθεῖν ἐκ Μήδειας: Ὁλομαν, ὀλομαν ἀποχειρωθεῖς: unam videtur legisse Euripidis Medeam, quae exstat. subiungit enim: Μήποτε ἐκ τῆς Εὐριπίδου Μήδειας παραγράφει, ἑκείνου. ὃ δόκητος ἄνθρωπος, μελέα τε πόνων, πῶς ἂν ὀλοίμαν; Rursus, oritur coniectura de duabus non modo, quia non est, ut dixi, versus hic in ea, quae nunc est in manibus, Medea; sed etiam quia Stobaeus Euripidem bis appellat in Medea, recitatque versus, qui ab hac absunt tragoedia, quam novimus, quos etiam subscribam:

Πόλλ' ἐν κακοῖσι θυμὸς εὐηθεῖς
δρῶ,

Μεγαλόπλαγχρος δυσκατάπυτος
ψυχὴ δαχθεῖσα κακοῖσι.

Et alio loco:

Τὸ θρήνην δ' ἐν βροτοῖσι πολλάκις
Παῖν πορίζει. Φίλτρα τῷ φύσει
τίκνει.

Latini quoque veteres Grammatici modo Ennii Medeam simpliciter, modo Medeam Exulem appellant. in quo quaerendum, si sunt duae Medae, utra sit, quae vocatur Exsul. Sane Nonii testimonio Exsul videtur ea, quam ab Euripide scriptam habemus. quis enim non videt, duos illos versus,

Antiqua, berilis, fida custos corporis,

Quid sic ante aedes exanimata eliminas?

quos ex Ennii Medea Exfule recitat Nonius, ex illo Euripidis loco v. 49. translatos esse?

Παλιὸν οἶκον κτήμα δεσποίνης
ἐμῆς,

Τί πρὸς πόλιν τὴν δ' ἄγασ'
ἐρημίαν,

Ἔσχατος, αὐτὴ θρασυμένη σαυτῇ
κακῇ.

Ecce aliud eiusdem Nonii de Medea Exfule, ab Eunio conscripta, testimonium:

Nam tē sub armis malim vitam cernere,

Quam semel modo parere.

Eadem sententia legitur in Euripide v. 250. his elata verbis:

Τίς ἂν παρ' ἀσπίδα
Στήνην θέλοιμ' ἂν μάλλον, ἢ τε
καὶ ἀπαξ.

Accedit Probus, et Eclogarum Virgilii antiquissimus, et idem eruditissimus interpres. is ex Ennii Exfule Medea adducit hos versus:

Iuppiter, tuque adeo summe Sol,
qui res omnes inspicis,

Quique tuo lumine mare, terram,
ac caelum contines, inspicere
Hoc

*Hoc facinus: priusquam fiat,
prohibe scelus.*

Quod ex Euripide v. 1252. mutatio-
ne quadam, Ennio vſitata, conuer-
ſum eſt: ait enim chorus:

Ἰὼ γὰρ τε, καὶ παμφυλὴς ἑκτὴς
Ἀελίου, κατείδετε, εἶδετε τὴν
Ὀλομένην γυναῖκα, πρὶν φονίαν
Τέκνους προσβαλεῖν, χεῖρ αὐτοκτόνων.

Praeterea videtur Iason poſt inter-
fectum a filiabus, fraude Medae,
Peliam, Theſſaliae regem, Corin-
thum vna cum Medea profugiſſe,
ibique aliquandiu, tamquam exſu-
lem vixiſſe, atque ipſe querenti
Medae, quod, ſe repudiata, Glau-
cam, Creontis filiam Corinthii re-
gis, duxiſſet vxorem, factum ſuum
excusat his verbis:

Τί τῷδ' ἂν εὖρῃμ' εὖρον εὐτυχέτε-
ρον,
Ἡ παῖδα γῆμαι βασιλέως, φυγὰς
γεγώς.

Medae quoque nutrit, initio ſa-
bulae v. 11. exſulium herae ſuae
nominat, haec dicens:

Ἀνδάνυσκ μὲν
Φυγῷ πολιτῶν, ὣν ἑφίκετο χθόνα.

Et alibi. Argumentum igitur Me-
dae, quae exſtat, poſt ipſius Me-
dae fugam ex Theſſalia, natum
videtur, vt exſul vere nuncupari
poſſit. Quod ſi haec Euripidis Me-
dea, quam omnes norunt, Exſul eſt:
cur eadem non vocatur Exſul a Do-
nato et Priſciano, verſus illos ex
Ennii Medea recitantibus?

*Vtinam, ne in nemoſe Pelio ſe-
curibus*

*Caesa cecidiſſet abiegnā ad ter-
ram trabes.*

et quae ſequuntur. Qui verſus
hanc aggredientibus legere occur-
runt primi. Et apud Nonium ap-

pellatur Ennius in Medea, Exſulis
cognomine praetermiſſo: verbaque
illa ipſius Medae ſubiunguntur
ſuos liberos ad complexum inui-
tantis:

*Salute, optima corpora: certe
manus veſtras, measque
accipite.*

Quem locum ex illo Euripidis
v. 1070. conuerſum eſſe, licet non
plane Graecis Latina respondeant,
ſatis liquet:

Προσιπτεῖν βράχμα' δὲτ' ἂν τέκνα,
Δὲτ' ἄσπασαδε, μητρί δαξίαν χεῖρα.

Quare in Exſulis Medae cognomi-
ne, modo addito, modo omiſſo,
cum tamen eadem tragoedia ſigni-
ficetur, valde conturbor. Quod ſi
obſcura difficultique in re ſenten-
tiam licet dicere: crediderim omni-
no, duas fuiſſe, quas conuertit En-
nius, Graece ſcriptas Medae, non
ab eodem Euripide, vt ſatis iam
videor probaſſe; ſed vnā ab Euri-
pide maiore, quae exſtat, alteram ab
Euripide minore, qui ex maioris fra-
tre natus eſt. nam Suidas haec pro-
didit: Εὐριπίδης, τραγικός, τῷ πρῶ-
τῳ, τῷ προτέρῳ ἀδελφίδῳ, ὡς Διο-
νύσιος ἐν χρονικοῖς. δράματα αὐτοῦ
ταῦτα, Ὀρέτης, Μήδεια, Πολυμήνη.
Et Cicero, cum illum verſum Me-
deae, tribuit Euripidi, de poſte-
riore alterius Euripidis Medea,
quae deſideratur, locutus eſt: quam
cum videret, Euripidis nomine in-
ſcriptam, non quaerſuit homo, ad
maiora natus, duone, an vnus fuiſ-
ſet Euripides; et vtrum, quae tunc
erant duae Medae, ab vno maiore
Euripide, an a duobus factae ef-
ſent: ſatis habuit, Euripidem no-
minare, cuius erat ille verſus. Sunt
igitur duae Medae Graece ſcriptae,
quarum alteram habemus inte-
gram: ex altera, quae amittiſta eſt,
verſus

versus quosdam, praeter proxime nominatum, ponit Stobaeus: duae item Latinae, vtraque ab Ennio conuersa; quarum ex prioribus sunt illi versus:

Nam multi suam rem bene gessere, et publicam patria procul,

Multi, qui domi aetatem agerent, propterea sunt improbi.

et illi,

Vtinam, ne in nemore Pelio:

et quos praeterea iam recitavi: qui reperiuntur omnes in Euripidis Graeca peruulgata. Ex posteriore autem, praeter illum,

Qui ipse sibi sapiens prodesse nequit, nequidquam sapit;

qui de Graeca, quam nobis ademit temporis iniuria, translatus est, alii quoque sunt, ut ille apud Varro- nem et Diomedem,

*Quis tu es mulier, quae me in-
sueti nuncupasti nomine?*

et ille, quem idem Varro ponit,
*Contempla, et Cereris templum
ad laeuam adspice.*

et qui est in Nonio,
*Sol qui candentem in caelo sub-
limat facem.*

et qui apud eundem:

*Vtinam, ne unquam me de cor-
dis cupido corde pedem ex-
tulisse.*

et alio loco:

*Fructus verborum aures aucu-
pauit.*

Item alibi:

*Adsta, atque Athenas, antiquum,
opulentum opidum, contem-
pla.*

Qui versus cum in Ennii Medea no- minentur, ab hac tamen Medea

Graeca, quae integra legitur, ab- sunt omnes. Hic posset aliquis credere, vnam ab Ennio Medeam de Graeco in Latinum sermonem translata, alteram vero ab ipso confictam; ideoque versus illos non reperi in Graeca, quae hodie in manibus est. Infirmat hanc opi- nionem illa ratio, quod is Ennius versus,

*Qui ipse sibi sapiens prodesse ne-
quit, nequidquam sapit,*

tamquam versus Euripidis agnosci- tur a Cicerone, ut supra docuimus. Medeam praeterea scripsere inter Graecos Euphron et Sophocles: de quibus Aristophanes Grammati- cus, *ἑστὸς*, inquit, *Εὐφρόνῃ, δὲ Σοφοκλῆ, ἑστὸς Εὐφρόνῃ*. Scripsit et Neophron; ex qua lu- culentos admodum versus, ex per- sona interfectionis filios Medae, recitat Stobaeus: item Melanthius, ut interpret Aristophanis demon- strat. De Latinis autem, praeter Ennium, Attius Medeam fecit, se- cutus fortasse Euphronem, aut Sophoclem, aut Neophronem, aut minorem etiam Euripidem. nam, ut apparet, maiorem, cuius tragoediam habemus, in aliqua parte po- tuit imitari, in toto argumento cer- te non potuit: quippe cum hic a Glaucæ nuptiis et Medae ira, At- tius autem a profectioe Argonau- tarum suam tragoediam sit exorsus: recitat enim Cicero lib. 2. de Nat. deor. c. 35. versus illos Attianos de Argo naui, qua delecti heroes cum Iasone, vellus aureum petente, vehabantur:

— *Tanta moles labitur
Fremebunda ex alto, ingenti so-
nitu, et spiritu:*

*Prae se undas voluit: vertices
ut suscipiat, etc.*

Ex qua Attii tragoedia sint hi ver-
sus, Priscianus ostendit, quod omi-
sit Cicero: ait autem esse ex Me-
dea. Quartam tragoediam de Me-
dea scriptam a Pacuio, ne quis
credat, nam, etsi apud Nonium
saepe appellatur, *in Medea*: tamen
vbique veteres libri habent, *in
Medo*: quod esse rectius, minime
dubito. fuit enim filius Medae
Medus: tragoediaeque de eo a Pa-
cuio conscriptae, Festus ter, Cari-
sius bis, testimonium asserunt.
Quod attinet ad mensionem versus:
ego nihil desidero: nec video cau-
sam, cur nonnulli legere maluerint,
prudefse non quit: cum praesertim
antiqui libri, quibus quidem vtor,
omnes sine vlla varietate habeant,
nequit. Est autem tetrameter ca-
talecticus, e septem pedibus, et vna
syllaba, quae trocheum, extremum
pedem, sequitur, hoc modo, *Qui
ip* — spondeus est; *se sibi*, tribra-
chus; *sapiens*, anapaestus; *prudef-*
spondeus; *se nequit*, anapaestus; *ne
quid*-spondeus; *quam sa*-trocheus;
pit, vltima syllaba, propter quam Ca-
talecticus dicitur versus, deest enim
altera syllaba, quae si adesset, octo-
narius esset integer, et diceretur,
Acatalecticus. Sunt, qui distin-
guant, legantque sic: *Qui ipse*

*sibi Sapiens prudefse non quit, nec
quidquam sapit*. Quos neque re-
prehendo, neque sequor: hoc tan-
tum dico, me nondum in villo ve-
tere libro, *ipse*, pro *ipse*, hoc in
loco scriptum animaduertisse. Et-
iam illud confirmo: vbi ipsi legunt,
non quit, in meis antiquis esse, *ne-
quit*. At senarius esse non potest,
si legatur, *nequit*. Intelligo: et mu-
tationis hanc opinor fuisse causam.
Sed in tragoedia, aut comoedia,
non solis senariis locus est. Eodem
modo lib. 3. de Offic. c. 15. dixit
Cicero: *Ex qua Ennius, nequid-
quam sapere sapientem, qui sibi
ipsi prudefse nequiret*. Sic enim est
in libro viri integerrimi, et incre-
dibili quadam ingenuarum artium
doctrina referti, Gulielmi Sirletti,
non, *non quiret*, vt ipsi dicunt esse
in suis exemplaribus. Quod si ita
esset in omnibus, non tamen ad-
modum moueretur; nec putarem,
fracti et dissoluti versus testimonio,
mutationem in versu integro bene,
que constituto, qualis est in hac
epistola, faciendam esse. Quod ad
sententiam attinet, similem animad-
uertimus apud Isocratem, *ἐν τῇ
πρὸς Νικουλέα, περὶ τῷ βασιλευσίν*
*Ὁ μὲν ὦν αὐτῷ χεῖριμος, εἰδὲ ὦν
ἄλλον φέρμεν ποιήσειεν*.

EPISTOLAE VII.

ARGVMENTVM.

*Studium suum in commendando Trebatio significat: monet, vt
assiduam Caesari operam naues, ab eius liberalitate exspectet omnia.
Eodem anno.*

EXPLANATIO.

[*In Britannia*] Putat in Britanniam
iuisse Trebatium, aut certe bre-
vi esse iturum. Idem existimat

epist. 8. non iuisse tamen, cogno-
scitur ex epist. 10. et 14. et 16.
et 17.

Nihil

Nibil neque auri, neque argenti] Lib. 4. ad Attic. epist. 16. *Illud iam cognitum est, neque argenti scri, utrum esse vllum in illa insula, neque vllam spem praedae, nisi ex mancipiis.*

Ad nos quam primum recurras] Iocatur. nam omnino vult ab ipso Caesare Trebatium expectare omnia: quod ex epistolae clausula cognoscitur.

Sin autem] Dubitatio videtur: sed affirmatio est per. dubitandi speciem inducta. quasi dicat: cum vero sine Britannia id, quod volumus, assequi possumus; perfice, etc.

Tuus pudor] Epist. 5. *Pudentiorum esse neminem.* Et epist. 17. *Saepe etiam, quod a te alienissimum est, subimpudens videbare.*

Imperatorem] De hoc nomine supra diximus. infra etiam imperator Caesar vocatur, epist. 17.

Actatem opportunissimam] Rebus gerendis, et conciliandae tibi imperatoris benevolentiae.

Singularem] Vel totum, quo usus est in multis ad Caesarem literis, officium significat: vel illam notat epistolam, qua Caesari Trebatium more Romano cor. mendavit. epist. 5. et 10.

Vnum timendum] Adsumt enim cetera. epist. 8. *Quin tu urges istam occasionem et facultatem, qua melior numquam reperietur?* Similis sententia epist. 17.

Ne ipse tibi defuisse videaris] Epist. 9.

EPISTOLAE VIII. ARGUMENTVM.

Quid Caesar ad se de Trebatio scripserit, quid ipse Caesari responderit, officiose significat. deinde Trebatium quasi molli brachio reprehendit, quia delatum a Caesare tribunatum militum recusauerit: hortaturque, ut in occasione et facultate optima sibi ne desit. Eodem anno.

EXPLANATIO.

Liberalitatis] Plus in officio, quam studio, plus in liberalitate, quam officio, continetur.

Tribunatus] Militum: quem Caesar honorem, cum vacatione militarium onerum, Trebatio detulerat. Est autem, ut diximus iam, in castris prima dignitas consulis, altera legatorum, tertia tribunorum militum, quarta praefectorum equestrium, turmarum, quinta centurionum, deinceps minorum ordinum.

Vacerra] Cognomen est Romanae familiae. Accusabo te, inquit,

apud amicos tuos. Videntur fuisse iurisconsulti, Vacerra, Manilius, Cornelius: ut infra cognoscitur epist. 9.

Manilio] Epist. 10.

Cornelio] Q. Cornelio epist. 17.

Nibil audeo dicere] Ne magistrum offendam, reprehensio discipulo. A Cornelio ius civile Trebatius didicerat: ut, sine praceptoris culpa, stultus esse non posset. L. 2. §. 45. D. de orig. iur.

Sapere] Tu autem stultus es, itaque nec magister videtur sapere.

nam a sapientibus magistris insipientes discipuli fieri non solent.

Quin tu vrges] Cur non vrges? modus loquendi Ciceroni familiaris.

Occasionem et facultatem] Plus est *facultas*, quam *ocasio*. nam *facultas*, posse rem fieri, demonstrat; *ocasio* suadere videtur, ut fiat.

De illo Praeciano iureconsulto] Qui erat apud Caesarem gratiosior, ut videtur, quam Trebatius; cum ipsum Trebatium ei Cicero commendat. Praeciorum gens Romae fuit, unde Praecillii. fortasse hic

ex Praeciis in aliam familiam adoptione transierat.

Gratias agere] Quia suo te iu-
verit officio. quod cum ignoraret Cicero, subiunxit: *de eo quid sit, cura, ut sciam*.

Vestras] Opinatur in Britanniam cum Caesare iuisse Trebatium, ut epist. 7. non iuit tamen. epist. 10. 14. 16. 17.

Britannicas] Litterae nominantur a loco, unde dantur; unde *Olbienfis epistola*, lib. 2. ad Q. Fr. epist. 3. *Epiroticae litterae*, lib. 12. ad Attic. epist. 53. *Britannicae*, lib. 3. ad Q. Fr. epist. 1.

EPISTOLAE IX.

ARGUMENTVM.

Litterarum officium a Trebatio requirit: monet, ne reditum in urbem praepropere cupiat.

EXPLANATIO.

Hiermaturus] Hiermabant legiones diuersis in locis, ut commodius vtiliusue putabat imperator, quod, Caesaris commentarios qui legerit, animaduertet.

Propter eius occupationes] Soleo, quam maxime possum, ad antiquorum librorum testimonium opiniones meas accommodare. itaque olim, cum in nullo vetere libro hoc verbum, *occupationes*, reperirem; desiderari Graecum aliquid, aut mendosum esse locum existimaui: quod etiam nunc arbitrarer, nisi viderem in quattuor veteribus libris diserte scriptum esse, *occupationes*. idque rectum puto. notae sunt autem, et nominantur saepe in his epistolis occupationes Caesaris Gallico bello, omnium maximo. Nam, quod a multis hoc

verbum adest antiquis libris: non est, cur miremur. nota librorum varietas est: ex varietate autem, quod speciem veritatis maiorem prae se ferat, id eligimus in emendando; si modo veritatem ipsam potius, quam coniecturas nostras, amamus. *Lustum* autem, quod verbum alii ex ingenio reposuerunt, in vetustis libris, cum paene innumerabiles viderim, nondum inueni.

Ad Balbum] Ut eius opera hie-
mares cum Caesare. Id Cicero cupiebat, quo facilius in Caesaris familiaritatem Trebatius perueniret. nam et epist. 7. *persice*, inquit, *ut sis in familiaribus Caesaris*.

Tu desse tibi noli] Idem monet epist. 7.

Plenior]

Plenior] Ditiore. sic *tenuis* dicuntur ii, qui domesticam rem non habent.

Battara ERN. Vacerra] Cum quo suauiter viuere solebas.

Quid constitueris] De mansione vel redditu.

Cn. Octauius, an Cn. Cornelius quidam] Notat hominis ignobilitatem, cuius prope certum nomen ignoretur. propterea cum ironia subiunxit, *summo genere natus*: et, *terrae filius*: quod in obscurissimi loci homines confertur. itaque lib. 1. ad Attic. epist. 13. *huic*, inquit, *terrae filio*, nescio cui, *committere epistolam tantis de rebus non audeo*. Arnobius autem lib. 8. sic de Saturno: *Terrae et Caeli fi-*

lius, quod apud Italos esset ignotis parentibus, proditus: ut in bodierum inopinato visos, caelo missos; ignobiles et ignotos, terrae filios nominamus. Omitto, quae alii, ut adagium confirmarent, exempla coniecerunt: sunt enim in promptu. Ludit in eundem Octauium epist. 16. *Oro te, quis tu es?*

Crebro ad cenam inuitas] Ineptum hominem carpit, qui crebro Ciceronem, summis honoribus functum, homo ignotus ad cenam inuitaret, quia sciret esse Trebatii, communis amici, familiarem.

Non potuit perducere] In qua habuit Cicero rationem suae dignitatis, quam non habebat, cum eum crebro inuitaret, Octauius.

EPISTOLAE X.

ARGUMENTUM.

Obicit haec Trebatius vitia per iocum, ambitionem, inscitiam, paupertatem, timiditatem: deinde petit, ut quam primum significet, quid profecerint litterae ad Caesarem de eo diligenter scriptae; et omnino de toto statu suo consiliisque omnibus certiores se faciat. Eodem anno.

EXPLANATIO.

Valde iureconsultum videri] Hoc significauerant litterae Trebatii: in quo notat eius ambitionem cetero.

Aliquid sapere] Quasi nihil sapere Romae videretur, ubi peritiores plurimi essent.

Peritior te] Laudare videtur, et vituperat. nam in Britannia iuris civilis nulla peritia, quis igitur eum laude dignum putet, qui sapere videtur inter aultos, aut esse doctus inter ignaros litterarum? ea demum vera laus est, cuius praestantia cognoscitur ex compa-

ratione similium. itaque nec Homerus Achillem cum ignauo, sed eum omnium Troianorum fortissimo Hectore committit: et Virgilius certamen facit inter Aeneam et Turnum; ut, superato Turno, cui primas fortitudinis partes tribuit, magis Aeneam extollat. Alterum igitur hoc est, in quo Trebatium tamquam imperitum irridet.

A te inuitatus] Dupliciter hoc accipi potest; vel quod in suis litteris aperte iocatus erat Trebatius; vel quod magni se a Caesare aestimari dixerat: quo se ad riden-

dum esse inuitatum Cicero demonstrat; quasi eius gloriolam ridere merito posset. huic sententiae congruunt ea, quae statim sequuntur.

Vltro te etiam arcessitum ab eo] Id scripserat Trebati: ideoque iocans Cicero respondit, intellexi, te Caesari nostro valde iureconsultum videri. *Vltro* et cum verbis actionem significantibus iungitur, vt, *vtro ad me venit, vltro se mihi obtulit*; cuius generis exempla satis patent; et cum verbis, quae patiendi notionem continent: quo modo dixit Cicero orat. 3: in Catil. c. 9. *Vt homines Galli ex ciuitate male facata, — spem imperii et rerum amplissimarum vltro sibi a patriciis hominibus oblatam negligerent.* Et Caesar lib. 5. de bell. Gall. c. 40. *Ipsē Cicero, cum tenuissima valetudine esset, ne noturnum quidem sibi tempus ad quietem relinquebat; ut vltro milicium concursu, ac vocibus sibi parcere cogeretur.* Et Terentius in Adelph. Act. 4. Sc. 3. v. 3.

Nisi si me in illo credidisti esse hominum numero, qui ita putant;

Sibi fieri iniuriam vltro, si quam fecere ipsi exposculant.

Occupationem] Venit in mentem nonnullis, legendum, occupationes, contra veteres omnes libros, et consuetudinem Latinae linguae. nam *occupatio*, quamquam singulare nomen, multarum tamen rerum curam aeque complectitur, vt *occupationes*. epist. 17. *Si qua te forte, res aliquando offenderit, cum ille aut occupatione, aut difficultate tardior tibi erit visus, perfero.* Lib. 5. epist. 12. *Potest mihi denegare occupatio sua.*

Adspirare non possunt] *Adspirare*, pertinet ad ea, quae consequi nequimus. lib. 2. ad Attic. epist. 24. *Caesar Vettium in Rostra produxit; eumque in eo loco constituit, quo Bibulo consuli adspirare non liceret.* In Bruto c. 21. *Ex bellica laude adspirare ad Africanum nemo potest.* Eodem spectant reliqua Ciceronis exempla.

Ne frigeas in bibernis] Quia Trebati hienabat, hinc occasionem iocandi sumit Cicero. *Frigere* autem est, nihil agere: nam actio calefacit. Metuo, inquit, ne non optime tecum agatur; quandoquidem opera tua Caesar in bello non vititur. Coelius lib. 8. epist. 6. *Quod tibi supra scripsi, Curionem valde frigere; iam calet.*

Camino inculento vtendum censo] Caminus non idem apud nos est, qui apud veteres. quae enim quasi gula adscendentem e foco ignem excipit, et extra tectum educit innocentet, is *caminus* a nobis appellatur. illi modo pro fornace, cui caminus Latine respondet, modo pro hypocausto, interdum pro igne vsurpabant. De fornace Virgilius lib. 3. Aen. v. 580.

— Ruptis flammam exspirare caminis.

Iuuenalis sat. 14. v. 117.

Sed crescunt quocumque modo, maioraque fiunt,

Incude assidua, semperque ardente camino.

De hypocausto acceperit videtur Galenus lib. 5. de sanitate tuenda. De camino, quo homines calefiunt, hic Cicero. nam in castris, vbi Trebati erat, fornacibus aut hypocaustis milites vsos esse, verisimile non videtur. Et Cato de re rust.

Abena

Athena duo, baras decem, focum, ianuam maximam. Eodem sensu Horatius lib. I. Serm. sat. 5. v. 79.

— *Nisi nos vicina Triuici Villa recepisset, lacrumoso non sine fumo, Vdos cum foliis ramos vrante camino.*

Et lib. I. epist. II. v. 19.

Per brumam Tiberis, Sextili mense caminus.

De hoc tertio genere, quo caminus noster vocabulo saltem refertur, nec multa, nec ita pauca dicam, ut, qui antiquitate capiuntur, aliqua ex parte contenti esse possint. Loco et forma differebant a nostro. non enim, ut nunc, in excauato pariete, quo simul cum fumo ignis excipitur, sed, ut monere videntur exempla, in medio cubiculo hiberno, quod conclaue dicebatur, (nam in aestiuis et exhedris focum non fuisse, colligitur ex Vitruuio lib. 7. c. 3.) fieri solebant. propterea dixit Cato de re rust. c. 143. *Focum purum circumuersum quotidie prius quam cubitum eat, habeat.* Quo modo enim circumuerti focus posset, si fuisset, more nostro, in excauato pariete? nostri a lateribus verruntur, a tergo nec possunt, nec opus est. Et cum ait Columella lib. II. c. 1. *Consuescat rusticus circa larem domini, focumque familiarem semper epulari:* quid aliud significat, nisi larem et focum, circa quem epularetur familia rustica, medium in conclauis locum tenuisse? Nunc agatur de forma. Exitum ignis caminus antiquus non habebat. itaque molestia fumi vacare non poterat, nisi vel ligna vrerent, quod Cato docuit, amurca illita, vel aper-

tis fenestris vterentur: quorum alterum iupensae non minimae: alterum qui ferri posset, cum per fenestras, hieme praesertim, frigori et ventis aditus pateret, non inteligo. Sed certe Horatius, *lacrumoso non sine fumo*, cum dixit, exitu caninum caruisse demonstrat. Clarior haec tota res fiet aliorum testimoniis: nam vno remanet obscurior. Columella lib. I. c. 6. *Oleum, quod minus provenit, si congelatur, fracescit. Sed ut calore naturali est opus, qui contingit positione caeli, et declinatione: ita non est opus ignibus, aut flammis: quoniam fumo et fuligine sapor olei corrumpitur.* Palladius quoque Columellam, ut videtur, imitatus, lib. I. c. 20. de cella loquens, *olearia, inquit, si quis maiori diligentiae studet, subiectis hinc inde cuniculis panimenta suspendat, et ignem suggerat fornace succensa. ita purus calor olei cellam sine fumi nidore vaporabit: quo saepe infectum colore corrumpitur, et sapore.* Si caminus nostro similis fuisset, quo ignis cum fumo et fuligine excipitur: quid erat, cur ignem remouerent, ne fumus et fuligo saporem olei corrumpere? Eodem loco subiunxit Columella de vtilitate camini, qui vinariis supponatur apothecis. *Apothecae recte supponentur iis locis, unde plerumque fumus earum exoritur: quoniam vina celerius vetustescunt, quae fumi quodam tepore praecoquem maturitatem trahunt.* Et lib. 8. c. 3. de gallinariis: *Iuncta sint ea furno, vel culinae, ut ad auem perueniat fumus, qui est huic generi praecipue salutaris.* Quo modo ex culina fumus in gallinarium transit, nisi quia per cami-

num adscensum ad superiora non habet? Confirmat idem subiungens paullo post: *Huic autem focus applicetur tam longus, ut nec impediat praedictos aditus, et ab eo fumus perveniat in utramque cellam.* Iam fuligo non inhaeret hodie quidem tecto, sed camino. sit enim ex fumo: fumum autem caminus excipit. At Columella lib. 11. c. vlt. tectis eam dicit inhaerere: nimirum quia fumus exitum non haberet. *Fuligo, inquit, quae supra focos tectis inhaeret, colligi debet.* Et quoniam, si fumo exitus non datur, sequitur, ut nec igni: propterea culinam altam fieri in rustica villae parte, ut contignatio careat incendii periculo, iubet idem Columella lib. 1. c. 7. Vitruvius quoque fumum et fuliginem in conclauibus, id est in hibernis cubiculis, vitari non posse, lib. 7. c. 3. auctor est. *Coronarum, inquit, aliae sunt purae, aliae caelatae. Conclauibus, aut ubi ignis, aut plura lumina sunt ponenda, purae fieri debent, ut eas facilius extergeantur. in aedificiis et exbedris, ubi minime fumus est, nec fuligo potest nocere, ibi caelatae sunt faciendae.* et eiusdem lib. c. 4. *Tricliniis hibernis non est utilis haec compositio, nec megalographia, nec camerarum cononario opere subtilis ornatus: quod ea et ab ignis fumo, et ab luminum erebris fuliginibus corrumpuntur.*

Mucio] Iurisconsulto, de quo L. 2. §. 39. D. de orig. iur.

Manilio] Et hic iurisconsultus erat. epist. 8.

Placebat] Sic infra, epist. 17. *Hoc, quemadmodum vos scribere soletis in vestris libris, idem Q. Cornelio videbatur.* Solebat enim

iurisconsultorum opinio, praesertim in re dubia, aliorum testimonio comprobari. unde illa L. 10. §. 1. D. de negot. gest. *Idque etiam Labeo probat.* L. 11. §. 3. D. ad L. Aquil. *Quod et Marcello videtur, et est probabilius.* L. 47. §. 4. D. de pecul. *Idque Iuliano videtur.* L. 13. pr. D. de in diem dict. *Celsus quoque lib. 8. Digestorum refert, Mucium, Brutum, Labeonemque, et Sabinum ita existimare: ipso quoque Celsus idem probat.* L. 14. §. 1. D. eod. *Et ita Labeoni et Neruae placet.* L. 1. §. 2. D. de peric. et com. rei vend. *Si dolium signatum sit ab emptore, Trebatius ait, traditum id videri: Labeo contra. quod et verum est.* L. 19. §. 1. D. loc. et cond. *Et ita Servio, Labeoni et Sabina placuit.* l. 17. §. 15. D. de aedil. edict. *Contra placere debere, Caelius ait: et Labeo probat.* L. 5. §. 1. D. de acquir. rer. dom. *Trebatius placuit.*

Sagis] Sagum vestitus militaria. itaque saepe intumultu aliquo perturbationeque reipublicae, togis depositis, saga in vrbe sumpta.

Satis calere] Plus habere negotii, quam vellem. hoc dicit propter allatum antea nuncium de hostibus in Britannia vehementer contra Caesarem pugnantibus.

Cautior] Cauere aliis iurisconsulti dicebantur. epist. 6. et lib. 3. epist. 1.

Quam in aduocationibus] Et hic notatur inscitia: quasi non optime Trebatius cauere iis, quorum esset aduocatus. Quid autem aduocatus et aduocatio sit, Alconius ad Diuin. c. 4. ostendit his verbis: *Qui defendit alterum in iudicio, aut patronus dicitur, si orator est,*

aut *aduocatui*, si aut ius suggerit, aut praesentiam suam commodat amico, aut procurator, si negotium suscipit, aut cognitor, si praesentis causam nouit, et sic tuetur, ut suam. Idem ad lib. i. in Ver. c. 49. Vel, uti consulantur, conueniunt aduocati, vel, ut alterutri parti apud arbitros adsint, vel, ut ipsi iudices in rem aliquam capiantur. Epist. 11. Ego omnibus, unde petitur, hoc consilii dederim, ut a singulis interregibus binas aduocationes postulent. Et epist. 14. Minus multi iam, te aduocato, causa cadent. Posterior aetas ad causarum actores hoc vocabulum transulit. Tacitus in prooemio dialogi de orat. Horum, inquit, temporum diserti caussidici, et aduocati, et patroni, et quiduis potius, quam oratores, vocantur.

In Oceano natate] Locatur in Trebatii timiditatem, qui cum Caesare in Britanniam nauigare noluerit.

Effedarios] Quorum impetum timuerat.

Ne Andabatam quidem] Lusus fuisse genus, quo clausis oculis certaretur, existimo. nec tamen, luisse antea, ut andabatam, Trebatium, et id a Cicerone significari, putemus. Sed hoc dicitur: antea spectare quidlibet volebas: nunc effedariorum spectaculum vitasti. Prouerbum, *ne andabatam quidem defraudare*, videtur in eos usurpari solitum, qui omnia cernerent, ut nihil iis, non si oculos quidem andabatarum more clauderent, occultum esse posset. Eodem modo dicitur in Trebatium, nullo cum spectaculo priuari voluisse, quemadmodum andabatae, licet oculis

clausis, tamen interdum ludentes defraudari non possunt. Vfus est hoc prouerbio duobus in locis B. Hieronymus, aduersus Heluidium, et contra Iouinianum. Nonius Varronem appellat in Andabatis.

Quid agas] Hoc refertur ad illud, de toto statu tuo.

Quid exspectes] Quid commodi. *Puter*] Hoc ad illud pertinet, quod proxime dixerat, consiliisque omnibus.

Attraham] Plus est, quam, vocem.

Aduoles] Et hoc plus, quam, venias.

Non modo hostes] Non dicam hostes: patet enim congressionem nostram esse iucundissimam, hostes autem formidabiles, et permolestos: sed ipsi Aedui, fratres nostri, quorum consuetudine delectamur. Aedui fratres populi Romani, cognita eorum fide, vocati sunt. lib. i. ad Attic. epist. 19. *Aedui, fratres nostri, pugnant.* Tacitus lib. 11. *Annal. c. 25. Primi Aedui senatorum in urbe ius adepti sunt. datum id foederi antiquo, et quia soli Gallorum fraternitatis nomen cum populo Romano usurpant.* Plutarchus in Caesare.

Aut consolando, aut consilio, aut re iuueno] Senarius integer, e Terentii Heautontimorumenos translatus in hunc locum, sic enim in ea fabula Act. I. Sc. i. v. 32. cum Menedemo loquens Chremes inducitur:

Ne lacruma; atque istuc, quidquid est, fac me, ut sciam:

Ne retice, ne verere, crede, inquam, mihi,

Aut consolando, aut consilio, aut re iuueno.

Terentius porro, vt opinor, a Plauto, paucis immutatis, accepit: apud quem in Pseud. Aët. r. Sc. 1. v. 16. ita loquitur Pseudolus servus:

— *Fac me certum, quid tibi est.*

Iunabo aut re, aut opera, aut consilio bono.

Ad hunc Terentii versum respexit etiam lib. 9. ad Attic. epist. 6. *Eripe, inquit, mihi hunc dolorem, aut minue saltem, aut consolatione, aut consilio, aut quacumque re potes.*

EPISTOLAE XI.

ARGVMENTVM.

Primum iocatur, ut solet, occasione sumpta ab interregnis: deinde suadet, ut, si honestatem facultatesque suas auget, maneant apud Caesarem; sin minus, Romam se recipiat. Anno Urbis DCC. in interregno.

EXPLANATIO.

Relinqueret] Ob interregna: quibus iudicia iacebant; cum nullus, qui ius diceret, in vrbe magistratus esset. nam interrex non iuris dicendi causa creabatur, sed vt haberet comitia consulibus rogandis. Interregnum Romae primum fuit, cum, Romulo mortuo, nondum Numa rex creatus esset. inde factum, liberata regio dominatu civitatis, vt, cum in annum sequentem extracta comitia essent, nec ulli creati curules magistratus, interrex habendorum comitiorum gratia proderetur. Livi, Dionysius, Plutarchus, alii.

Tor interregnis] Quot interregna fuerint eo anno, facile inueniet, qui Dionem et Pedianum attente legerit. quorum ille lib. 40. scripsit, eo anno, quo Caluinus et Messalla consulatum gessere, urbem sine magistratibus fuisse per sex menses: Pedianus autem ad orat. pro Mil. c. 5. interregni dies non plures quinque fuisse tradidit. sunt igitur hac ratione interregna XXXVI. in sex mensibus. Duo

sunt praeterea, quae docet idem Pedianus, non omittenda, vt arbitror: vnum, interregem non nisi a seuatoribus patriciis et ipsum patricium, prodi solitum; quod et Cicero pro domo sua c. 14. dixit: alterum, vt ab eo, qui primus interrex esset proditus, comitia haberentur, moris non fuisse.

Desiderat] Vere. nam interrex ius non dicit. cessat igitur opera iurisconsultorum, et iustitium in vrbe tam diu est, quamdiu interregnum. Haecenus Cicero vere et serio, reliqua iocans, vt infra demonstrabo.

Vnde petitur] Vnde petitur, dicebatur is, a quo pecunia in iudicio, tamquam debita, petebatur, non enim, unde petitur, et debitor, idem sunt. nam quia vel interdum non debita pecunia petebatur; vel petebatur ante, quam esset coepta deberi; propterea debitor dici non semper poterat is, unde petebatur; sed tunc vere, cum pecuniam debebat. Atque hunc loquen-

loquendi modum antiquis iurisconsultis, quorum scripta perire, familiarem arbitror fuisse. hodie quidem exempla habemus perpauca: quorum vnum, ut mihi nunc in mentem venit, subiungam. lib. 1. de Orat. c. 37. *Quid? his paucis diebus, nonne, nobis in tribunali Q. Pompeii, praetoris urbani, sedentibus, homo ex numero disertorum postulabat, ut illi, unde peteretur, vetus atque usitata exceptio daretur, CIVIS PECVNIAE DIES FVVISSET?* quod petitoris causis comparatum esse, non intelligebat.

Binas aduocationes postulent] Quasi beneficii loco. nam, cum interreges singuli per dies tantum quinque sint, nec dies omnes fasti sint, quibus tantum iudicia fieri licet: non esset litigantibus incommoda conditio, si binas aduocationes a singulis interregibus impetrare possent. Binarum autem aduocationum mentio vnam et alteram causae actionem significat, cum enim a patronis agitur causa, tunc adsunt aduocati iurisconsulti, qui ius suggerant.

Satisne tibi videor abs te ius civile didicisse] Hic ostenditur, superiora per iocum esse dicta: quia scilicet de industria Cicero ita locutus est, ut ius civile parum didicisse videretur. in quo autem haec deprehendi possit incertum, quaerendum est. mihi videtur in eo, quod suadere se debitoribus dixit, ut binas aduocationes ab interregibus postulent. quo quid imperitius? non enim is, qui pecuniam debet, sed is, cui debetur, a magistratu iudicium postulat eius exigendae pecuniae causa. deinde, quis tam rudis in foro, tam ignarus iudiciorum

est, qui nesciat ab interregibus aduocationes peti non solere? quippe cum interreges non iuris dicendi, sed tantum habendi comitia curam gerant. Mihi haec interim placebit sententia, donec meliora quis attulerit.

Haec signa] Signa, et indicia sunt, et statuac. hic iocus est in ambigua significatione.

In meo Tusculano] Quam villam signis ornauerat. epist. 23. et lib. 1. ad Attic. epist. 4.

Consuli te a Caesare] Consuli dicuntur iurisconsulti, cum aliquis dubia in re quaerit, quid verum sit optimumque factu. In Bruto c. 26. *In eo (P. Crasso) industriam constat summam fuisse, maximamque gratiam, cum et consularetur plurimum, et diceret.* epist. 13.

Tibi ab illo consuli] Tuis commodis Caesarem consulere. locus est in varia eiusdem verbi significatione. *Consulere aliquem*, et *alicui*, quid sit, vel hic locus declarat.

Perfer] Quasi grauem, quam Trebatius non libenter ferret.

Ego enim desiderium tui, spe tuorum commodorum consolabor] Epist. 10. eadem sententia, verbis mutatis: *Sic tibi persuadeas velim, vnum mihi esse solatium, quare facilius possim pati, te esse sine nobis, si tibi esse id emolumento sciam.*

Sin ista sunt inaniora] Infra: *Sin ista frigeunt.*

Vna mebercule] Epist. 10. eadem sententia.

Collocutio] *Congressio*, dixit epist. 10.

Omnes Samarobrinae ERN. Samarobrinae] Non modo vna, sed omnes, quotquot esse possunt.

Vrbs

Vrbs in Gallia inter Belgas, vbi tum videtur cum Caesare fuisse Trebatius. epist. 12. et 16. vide Caesarem lib. 5. de bell. Gall. c. 24.

Laberium] Qui timendus erat vt mimus. de hoc Suetonius in Caesare c. 39. et Macrobius lib. 2. Saturn. c. 7. qui etiam praeclaros eius senarios, victum se a Publio mimo conquerentis, recitat. Eius Mimi nominantur, quos reliquit, Rector, Salinator, Scripturae, apud Gellium; Aquae, Aries, Augur, Caeculi, Creuus, Tuscus, apud Carisum; Annales, Aquae Caldae, Aulularia, Belbum, Calli, Carcer, Catularium, Centenarium, *Xaies*, Cithera, Compitalia, Cropium, Finalia, Fullonica, Imago, Lacus Auernus, Macchus, Nuptiae, Panilica, Paupertas, Primum, Seditus, Sorores, Tucca, Tuscus, Virge, apud Nonium. Horatius Laberii mimos non probat. ait enim lib. 1. Serm. Sat. 10. v. 5.

Nec tamen hoc tribuens, dederim quoque cetera: nam sic

Et Laberi mimos, vt pulchra poemata, mirer:

Valerium] Non opinor significari Q. Valerium Catullum poetam, sed L. Valerium iurisconsultum, quem Cicero lib. 1. epist. ult. et lib. 3. epist. 1. commendat. magis enim credendum, cum *sodalem* Cicero vocet, eum significari, qui virique familiaris erat, quam Catullum poetam, quem nec Cicero, nec Trebatii sodalem aut familiarem fuisse, quisquam scripsit. Praeterea, vel notam praenomine, quod eis diuersum fuit, *Lucius*, *Valerio* iurisconsulto, *Caius*, *Valerio* Catullo poetae, adiungi oportuit; vel, si modo poeta significa-

batur, cognomen apponi, quod iurisconsulto nullum fuit; aut etiam solum cognomen nominari: quod fecit Nepos in Attici vita c. 12. Quinctilianus lib. 10. c. 1. Gellius lib. 7. c. 20. qui omnes Catulli non modo nomen, verum etiam praenomen omisere, solo cognomine contenti.

Mira] Ad risum excitandum.

Persona] Vt in scenam inducuntur ab histrionibus personae diuerforum.

Britannici iureconsulti] Ipsius Trebatii, qui noluerat in Britanniam cum Caesare proficisci. Ridenti igitur duabus causis poterat Trebatius: tum quia iurisconsultus in militiam iuerat; cum ceteri suam in vrbe, magna cum laude, scientiam exercerent; tum quia, cum in militiam iuisset, Caesarem tamen ex Gallia in Britanniam transeuntem sequi noluerat. in hoc metus, in illo iuris ciuilibus inscientia describitur.

Non rideo] Non contemno, etsi iocor, vt soleo: ne me tamen putes haec parui facere.

Tuam dignitatem obtinebis] Istic eris cum ea, qua te decet esse, dignitate.

Honestatem] Honorem et estimationem: vt epist. 17. *Quae ego tibi et iucunda et honesta praestabo.* sic *honestus* pro honoratus, lib. 2. epist. 15. *Emori. Caesarem honestum esse cupio.*

Facultates] Paulo latius accipio, quam pro re domestica: vt lib. 3. de Offic. c. 15. *Singulorum, facultates, et copiae diuitiae sunt ciuitatis.* Et lib. 11. ad Attic. epist. 2. *Illam, miseram mea culpa et negli-*

negligentia, tuare meis opibus, si quae sunt; tuis, quibus tibi molestum non erit, facultatibus. Studio] Quo fit, vt te Caesari vehementer commendemus.

EPISTOLAE XII. ARGUMENTVM.

Iocatur more suo, et in ioco reprehendit opiniones Epicureorum, ipsumque Trebatium; quem Epicureum esse factum, ex Pansa cognouerat. Eodem anno, in interregno.

EXPLANATIO.

[Indicauit] Litteris e Gallia missis.

[Pansa] C. Vibius Pansa, qui consul postea fuit cum Hirtio.

[Mens] Pronomen amorem indicans, vt Curio meus, lib. 16. epist. 11. Epistolarum libri Ciceronis ad Pansam appellantur a Nonio et Prisciano.

[Tarentum] Mollem ciuitatem, nequitiaeque deditam. Horatius lib. 2. Serm. sat. 4. v. 34.

Pellinibus patulis iactat se molle Tarentum.

Athenaeus lib. 4. solitos dicere Tarentinos ait, aliis laboriosam vitam, sibi voluptariam placere.

[Et Titius] Sic antiquus liber, ex quo fortasse legendum, et Titus: vt significetur T. Pomponius Atticus, Ciceronis familiaris, idemque Epicureus. alii libri varie, *Etinius*, *Esicius*, *Ericius*, *Etrius*, *Esbiceres*, *Esicirus*, *Esbeius*. in nullo, *Zeius*, esse video: quod aliis placuit, ex auctoritate veteris libri. Romanae familiae nomen esse potest: mihi tamen ignotum.

[Cum omnia tua causa facias] Ex Epicuri sententia. Pertinet ad hunc locum illud ex orat. pro Sextio c. 10. *Laudabat homo doctus*

philosophos, nescio quos — eosdemque praeclare dicere aiebat, sapientes omnia sua causa facere: rempublicam capeffere hominem bene sanum non oportere: nihil esse praestabilius oiosa vita, et plena, et conferta voluptatibus.

[Non ciuium] Hoc non habent mei duo veteres libri: et fortasse additum ex ingenio, sententia non requirente.

[Vt inter bonos bene agier oportet] Haec formula bis ponitur lib. 3. de Offic. c. 15. omisso verbo, *oportet*: secundo loco, vt: in Topicis c. 17. item vt hic, legitur, *vt inter bonos bene agier oportet*. Vnus omnino antiquus liber hic non habet *vt*. Sententia non obscura, siue *vt* retineatur, siue deleatur: bene agi oportere inter bonos: vel, ita bene agi oportere, tamquam inter bonos res agatur.

[Quis enim est, qui facit nihil, nisi sua causa] Et abest hoc totum a duobus antiquis libris; et mihi quidem satis frigidum videtur. iam cum superioribus formulae verbis qui cohaeret?

[Communi diuidendo] Titulus est apud iurisperitos.

Iouem

Iouem Lapidem iurare] Superiora in iurisconsultum proprie, hoc in omnes communiter conuenit. euenit enim, vt iuremus fidei faciendae gratia. at Epicurei cur iurent, non est. deos enim iratos non timent, quos aiunt non curare mortalia, neque ipsos habere molestiae quidquam, neque cuiquam inferre. Hunc morem, Iouem Lapidem iurandi, satis ostendimus in illo loco, *si sciens fallo*, epist. I. huius libri.

Populo Vlubrano] Qui erat in Trebatii clientela. epist. 18. Vlubrae autem non colonia, non municipium, sed praefectura fuit, vt haec vetus inscriptio, ab egregio iurisconsulto, et cum humanitate, tum omni liberali doctrina politissimo, Ioanne Turritiano ad me missa, declarat.

C. OPIVS. SP. F. COL.
RVFVS. PAGI. MAGISTER
IDEM. PRAEFECTVS. VLV-
BRIS.

IVRE. DICENDO.

Praefecturae autem ius Romanae ciuitatis habebant, Romanisque tum legibus, tum magistratibus utebantur, vel a populo creatis, vel a praetore urbano delectis.

Πολιτικῆς] *Republicam administrari*: vt eadem de re dixit in orat. pro Sextio. sed hic maluit Graece loqui, fortasse vt ipsum Epicuri, Graeci hominis, verbum referret. Vide hac de re sententiam Epicureorum lib. 2. de Orat.

Si plane a nobis descis] Si non fiste, vt assenteris Pansae, sed vere et ex tua sententia Epicureus factus es.

A nobis] Qui Epicurei non sumus, et honestum rebus omnibus anteponimus.

Pansae assentari] Epicuri sectam et instituta persequenti. lib. 15. epist. 19.

Commodum est] E re tua est.

Modo scribe] Si dixisset, *modo scribas*, hortaretur: cum dicat *modo scribe*, hortatur simul, et imperat.

Aliquando] Quasi hoc Trebatius aut numquam, aut non nuper, sed multo antea scripisset. iam enim, vt prima epistolae verba significant, litteras mittere intermiserat.

Quid agas; et a nobis quid fieri aut curari ERN. *quid agi, quid fieri, aut curari velis*] Quae potest, cum dixerit iam, *agi*, cur subiungat, *fieri*. Sciendum, non idem utroque significari. nam *agere*, quasi genus est; *facere*, tamquam species. non enim, qui cogitat, aut loquitur, proprie dicitur *facere*, sed *agere*: cum tamen, quidquid fiat, id etiam *agi* dicatur. qua de re subiiciemus verba Varronis ex lib. 5. de L. L. quae significant actionis nomine tria comprehendendi, cogitare, dicere, facere. *Actionum*, inquit, *trium primus cogitatus mentis; quod primum ea, quae sumus acturi, cogitare dedemus, deinde tum dicere, ac postremo facere. de his rebus minime putat vulgus esse actionem cogitationem: tertium, in quo, quid facimus, id maximum. sed et cum cogitamus, quid et in eam rem cogitamus, in mente agimus; et, cum pronunciamus, agimus. itaque ab eo orator dicitur agere causam: et augures agere augurium dicuntur, cum in eo plura dicant, quam faciant.* His verbis ostendit Varro, *agere*, genus esse; *facere* autem speciem. Idem infra,

infra, subtilius haec distinguens, diuersam vtriusque verbi significationem demonstrat. *Tertium*, ait, *gradum agendi dicunt, ubi quid faciunt. in eo, propter similitudinem agendi, et faciendi, et gerendi, quidam error iis, qui putant esse unum. potest enim aliquis facere, et non agere: ut poeta facit fabulam, et non agit; contra actor agit, et non facit. et sic a poeta fabula fit, et non agitur; ab actore agitur, et non fit. Contra, imperator, qui dicitur res gerere, in eo neque agit, neque facit, sed gerit, id est sustinet. Proprio nomine dicitur facere a facie: quod rei, quam facit, imponit faciem: a qua facie discernitur, ut dici possit, aliud esse vestimentum, aliud vas. Qui quid administrat, cuius opus non exstat, quod sub sensum non veniat; ab agitato, magis agere, quam facere, putatur. Sed quod magis his promiscue, quam diligenter, consuetudo est usa; translatis utimur verbis. nam et quidem, facere verba, dicimus, et qui aliquid agit, non esse inscientem. Haec Varro: quibus constat, et genus, et speciem esse posse. nec desunt generis exempla. de specie autem sic Cicero in epistola superiore: *Quid agis? ecquid fis?* Et lib. 3. de Fin. c. 17. *Est eius generis actio quoque quaedam, et quidem talis, ut ratio possulet agere aliquid et facere eorum.* Et in Lucullo c. 7. *Idem in similibus quoque artibus continget: quarum omne opus est in faciendo atque agendo.* Et Terentius Adelphi. Act. 5. Scen. 3. v. 3.*

Hei mihi, quid faciam? quid agam? —

Et ibidem, Scen. 5. v. 2.

— *O Syre noster, salus: quid fis? quid agitur?*

Graeci quoque πράττειν, et ποιεῖν distinguunt, illud pro agere, hoc pro facere usurpantes. horum verborum differentia in artium quoque distinctione cognoscitur. aliae enim vocantur πρακτικά, cum post actionem opus non remanet, ut saltandi vel canendi scientia; aliae ποιητικά, cum opus remanet, ut quae ab Aristotele ναυπηγική, et quae χαλινποικτική nominatur. quamquam Aristoteles videtur usurpasse τὸ ποιεῖν ἀντὶ τῷ πράττειν, initio artis Poeticae. Sed hoc ei usitatum est, verba paullo liberius accipere, vel antequam ea definierit, ut cum pro mutatione motum accepit Phys. lib. 3. licet motus et mutatio non idem sint, quae postea definiuit lib. 5. vel cum singulorum verborum exquisitam proprietatem sententia non requirit. Idem tamen Polit. lib. 1. διαφέρει, ait, ἡ πολιτεία εἶδει, καὶ ἡ πραξις. ὁ δὲ βίος, πραξις, ἡ πολιτεία ἐστίν. Et Rhet. lib. 1. Καὶ τὰς κερταὶς δὲ ἐνάγκη ἀγαθὸν εἶναι. κατὰ γὰρ ταύτας εὔτε δικάζοντες εἰ ἔχοντες, καὶ ποιητικά τῶν ἀγαθῶν εἶναι, καὶ πρακτικά. Hanc distinctionem comprobabat Quintilianus lib. 2. c. 18. his verbis: *Cum sint artium aliae positae in inspectione, id est, cognitione et aestimatione rerum, qualis est Astrologia, nullum exigens actum, sed ipso rei, cuius studium habet, intellectu contenta, quae θεωρητικά vocatur: aliae in agendo, quarum in hoc finis est, et ipso actu perficitur, nihilque post actum operis relinquit, quae πρακτικά dicitur, qualis est saltatio: aliae in effectu, quae operis, quod oculis subiicit.*

subiicitur, consummatione finem accipiunt, quam *κοινην* appellamus, qualis est pictura: fere iudicandum est, rhetorice in actu consistere. hoc enim, quod est officii sui, perficit. Quod igitur Cicero dixit, *quid agi*, vel tamquam genus, vel tamquam speciem accipiamus hoc verbum: genus, vt se paratum ad omnia, quae Trebatius vellet, ostenderet: quod apertius indicauit, diuidendo mox genera in species, *fieri*, et *curari*: speciem, vt tribus verbis, *agi*, *fieri*, *curari*,

tria diuersa demonstrantur. aliud enim est, *agi*, et *fieri*; aliud *curari*, vt aliquid agatur, aut fiat. Tenuia fortasse videntur haec, neque digna satis, in quibus elaboretur. nos, quod ad vsum Latinae linguae pertineret, nihil vquam contempnimus. nec poenitet consilii. nam, si veteribus illis in scribendo similes esse cupimus; ponderanda singula sunt; vt ex multis partibus, apte conuenientibus, egregium illud, quod quaerimus, vniuersum fiat.

EPISTOLAE XIII.

ARGVMENTVM.

Intermissionis litterarum causam exponit: quam non agnoscens Trebatius, inde occasionem arripit liberius iocandi. Scripta eodem anno, et in interregno: quia dies adscripta, III. non. Mart. Interregnum autem sex mensibus hoc anno fuisse, iam diximus.

EXPLANATIO.

Adeone me iniustum esse existimas? Simile principium lib. 2. epist. 8. *Quid? tu me hoc tibi mandasse existimas, etc.* Sic et Coelius non semel orditur lib. 8.

Primis litteris] Epist. 17. *Primorum mensium litteris, tuis vehementer commouebat, etc.*

Satisfactionem] Excusationem. lib. 8. epist. 12. *Posteaquam illum, ne, cui satisfacere quidem, me dignum habere sensi.* Et lib. 11. ad Attic. epist. 13. *Quintus mihi per litteras satisfacit, multo asperioribus verbis, quam cum grauissimo accusabat.*

Testa] Cognomen Trebatii. epist. 21. 22.

Quae tua gloria est? Quae ambitio tua. Interdum gloriae no-

men pro inani quodam gloriae studio sumitur.

Artificium tuum] Scientia iuris ciuilis.

Non ex iure manum ERN. *manu confertum*] Enniani versus ex octauo Annali, quos lib. 20. c. 10. recitat Gellius, hi sunt:

Pellitur e medio sapientia: vigeritur res.

Spernitur orator bonus: horridus miles amatur.

Haud doctis dictis certantes, sed maledictis,

Miscent inter sese inimicitias agitantes.

Non ex iure manu confertum, sed magis ferro

Rem repetunt, regnumque potunt, vadunt solida vi.

Eosdem

Eosdem versus ponit Cicero in orat. pro Murena c. 14. D. Augustinus lib. 15. epist. 8. Sernius in ultima ecl. Virgilii. Istic, ait, non litibus, ut Romae, sed armis res geritur: itaque metuo, ne fructum ex artificio tuo paruum capias. *Manum conferere*, et *manu confertum* vocare, non idem esse, Gellius loco supra nominato satis ostendit. *Ex iure*, inquit, *manu confertum*, *verba sunt ex antiquis actionibus: quae, cum lege agitur, et vindictiae contenduntur, dici nunc quoque apud praetorem solent.* Et infra: *De qua re disceptatur, in re praesenti, siue ager, siue quid aliud est, cum aduersario simul manu prendere, et in ea re omnibus verbis vindicare.* Vindicia, id est correptio manus in re atque in loco praesenti, apud praetorem ex XII. tabulis fiebat. — Sed postquam praetores, propagatis Italiae finibus, datis iurisdictionibus, negotiis occupati, proficisci, vindictiarum dicendarum causa, in longinquas res grauabantur: institutum est contra XII. tabulas, tacito consensu, ut litigantes non in iure apud praetorem manum confererent, sed ex iure manu confertum vocarent; — atque profecti simul in agrum, de quo litigabatur, terrae aliquid ex eo, uti vnam glebam, in ius in urbem ad praetorem deferrent: et in ea gleba, tamquam in tota agro, vindicareut. Idque Ennius significare volens, ait, non, ut ad praetorem solitum est, agi legitimis actionibus, neque ex iure manu confertum, sed bello ferroque, et vera vi, atque solida vadi. Quod videtur dixisse, conferens vim illam civilem, et festucariam, quae verbo diceretur, non quae manu fieret, cum vi bellica et cruenta. Haec Gel-

lius. Illud moneo, placere mihi quod aliis quoque placuisse video coniuncte legi, et vnico verbo *manuconfertum*. alioqui legendum videretur, *manus confertum*, ve *manuum confertum*. Si enim manus conferebatur; quod Gellius aperte demonstrat: certe, *manuum confertum*, id est, ad manum conferendam, ut Gellius idem interpretatur, non, *manu confertum* dici debuit est etiam vetus apud me liber, in quo legitur vnico verbo, *manuconfertum*.

Sed magis ferro] Abiicitur s, in *magis*, metri causa. quod qui ignorabant, fecere, *mage*, ut in Gellio et in orat. pro Murena. In hac quidem epistola scripti libri omnes, nulla varietate, habent, *magis*.

Et tu soles ad vim faciundam adhiberi] Nonnulli veteres libri, *facundiam adhibere*: mendose: factum enim ex *faciundam*, *facundiam*: et ut facile ruit, quod inclinare semel coepit, mutatum est *adhiberi* in *adhibere*: ut esset, *adhibere facundiam ad vim*. sic deformata maculis pulcherrima sententia suam venustatem amiserat. habet enim leporem haec interrogatio, *et tu soles ad vim faciundam adhiberi?* in quo timiditatis arguitur Trebatius; qui, cum facienda vis esset, non adhiberetur. quod infra quoque demonstratur in iis verbis: *scio te non esse procacem in laceffendo*.

Neque est, quod illam exceptionem in interdicto pertineas: quod tu prior vi hominibus armatis non veneris] Omnes antiqui libri, non veneris. quod ideo dictum volui, ne quis, propter obscuritatem sententiae, mutandi licentiam arripiat. *Interdictum* quid sit, do-

rum cautiones erant: et oratorem cauere iuriconsulto, mirum videtur.

Treniros] Galliae populos, Rheno flumini finitimos: qui, accessit Gallorum auxiliis, cum Labienum, Caesaris legatum, obsedissent, ab eo castris erumpente fusi fugatique sunt. Caesar lib. 5. de bell. Gall. c. 58.

Capitales] Exitium ferentes, caput petere solitos. Phil. 5. c. 12. Legi epistolam Antonii, quam ad quendam septennurum, capitalem hominem, collegam suum, miserat. Et lib. 4. de Fin. c. 12. capitalis aduersarius: locatur hic Cicero in verbo capitales, quia Romae triumuii capitales erant.

Mallet auro, aere, argento ERN. *argento, aere essent*] Treuiri erant, ut diximus, in Gallia: Treuiri item Romae, qui *monetales* dicebantur, quia monetae praeerant, id est, auro, argento, aeri, tum stando, tum feriundo: quod illa veterum nummorum inscriptio declarat, A. A. A. F. F. quae de re edita olim a nobis Petri Bembi, viri plane singularis, epistolam hic subscribemus.

PETRVS BEMBUS BERNARDINO SANDRO S.

Quod hodie mane quaerenti tibi a me de illis Ciceronis ad Trebatium verbis: Treuiros vites censeo: audio capitales esse: mallet auro, argento, aere essent: respondi, iocum esse et multiplicem, et festiuium: qui quidem iocus in antiquis nummis et scriptoribus deprehenderetur: itaque, quoniam eramus in via, ut neque libros, neque nummos haberemus, reieci te

in alium diem; id, ne te diutius torqueat, est eiusmodi, ut ioci causa, quod quidem Cicero ad illum scribens more suo fere semper facit, et Treuiri, et capitales in ambigui genere sint posita. non, cum videatur monere illum, ut vitet Treuiros Galliae populos, qui capitales, bellicosique sint; ludio cum in Treuitorum, tum in capitalium verbo. erat enim Romae magistratus, Triumuii capitales, qui etiam Treuiri dicebantur. sed, quoniam hoc ipsum Triumuium nomen iterum in ambiguo poni poterat, cum essent etiam apud Romanos Triumuii pecuniae eundae: quos ita inscribebant, A. A. A. F. F. hoc est, auro, argento, aere stando. feriundo: iocatur iterum in hoc verbo, Iuditque Cicero, ut mihi quidem videtur, bellissime, addens, mallet Treuiros istos esse pecuniosos, quam bellicosos; ut, Caesare eos vincente, tu discesceres, itaque infert, mallet esse Treuiros, auro, argento, aere, quam scilicet capitales. Triumuiros autem Treuiros solitos dici, Liuius satis locuples esse testis potest: cuius sunt haec lib. 40. c. 29. Colonia Graviscae eo anno deducta est in agrum Etruscum, de Tarquinensibus quondam captum, Quina iugera agri data. Treuiri deduxerunt, C. Calpurnius Piso, P. Claudius Pulcher, C. Terentius Istra. Quod vero Triumuii pecuniae sic, ut dixi, inscriberentur; est apud me nummus aereus perantiquus ita inscriptus, C. PLÓTIVS. III. VIR. A. A. A. F. F. sunt et alii nummi aliorum nominum, eisdem tamen tituli; quos inspicies, cum voles. Haec ad te scripsit,

eum domum redissem, et nummos admonitus. Vale. Pridie Idus
ac librum sumpsissem, auiare tui Iun. MDXXXII.

EPISTOLAE XIV. ARGVMENTVM.

Familiariter et iocose Trebatium, qui litteras nullas miserat, obiurgat. Eodem fortasse anno.

EXPLANATIO.

Chrysippus] Architectus. lib. 14.
ad Attic. epist. 9.

Cyri] Et hic libertus fuit ab architectura nobilis: de quo lib. 2. ad Attic. epist. 3. et lib. 2. ad Q. Fr. epist. 2. hic obiit eo anno, quo P. Clodius occisus est, ipsumque Clodium et Ciceronem reliquit heredem: ut ex orat. pro Milone c. 17. 18. intelligitur.

Libertus] Ergo et Cyrus Vettius, a quo nomen Chrysippus acceperat.

Scribere] Videtur loqui simpliciter: sed, ut solet, per iocum vnico verbo duas res attingit. simul enim de iurisconsultorum scriptione significat: quod sequentibus verbis ostenditur. et Pomponius L. 2. §. 47. D. de orig. iur. *Plerumque, ait, iudicibus aut ipsi scribebant, aut testabantur, qui illos consuluerant.* Pro Murena c. 9. *Hanc urbanam militiam respondendi, scribendi, cauendi.* scribebant formulas sponsonum, stipulationum, actionum, testamentorum etiam. Nam lib. 2. de Orat. c. 6. *Si, inquam, Scaeuola, nullum erit testamentum recte factum, nisi quod tu scripseris, omnes ad te ci-*

ves enim tabulis veniemus, omnium testamenta tu scribes vnus. Est igitur, ut cauere, sic scribere, iurisconsultorum.

Te aduocato] Alibi aduocatus est is, qui praetentiam, ut ait Alconius, reo commodat: hic est is, qui per formulas, praescripta litigandi forma, cauet iis, a quibus consulitur. vnde illud epist. 10. *Tu in re militari multo es cauior, quam in aduocationibus.*

Causa cadent] Litem amittent. qui enim scriptis tuis freti litigabant, cadebant causa. nunc id non accidet: quia, si scribere oblitus es, nemo tuis in sua re scriptis vte-
tur.

Aestiuorum timor] Timor futuri belli, quod aestate renouabatur.

Debilitas] Sic afficit, ut litteras ad amicos mittere non possis.

Aliquid excogita] Caue tibi quoquo modo ab armorum periculo, ut cauisti ab essedariis Britannicis, cum in Britanniam transire noluisti.

Benevolentiae] Cuius iura postulant, ut amicos de rebus nostris nos ipsi certiores faciamus.

EPISTOLAE XV.
ARGUMENTVM.

Declarat suum absentis Trebatii desiderium: gratulatur de C. Matii familiaritate. Eodem anno.

EXPLANATIO.

Morosi] *Morosus* est, cui non placet id, quod placere debet: vel, qui plus, quam oportet, exigit ab aliquo: vel, qui non fert, quod ferendum videtur. In Oratore c. 29. *In quo tantum abest, ut nostra miremur, ut usque eo difficiles, ac morosi simus, ut nobis non satisfaciat ipse Demosthenes.*

Ea, quae spero] Honestatem, et comoda. epist. 11.

C. Matii] Cuius exstat gravissima epistola lib. 11. 28. apud Caesarem gratia valuit, ut lib. 6. epist. 12.

Doctissimi] Quintilianus lib. 12. c. 6. ait Matium ante quaestoriam aetatem orasse. Columella lib. 12. c. 4. et c. 44. scripsisse eum de pistore, coquo et cellario libros tres. A Gellio quoque et Macrobio laudari video doctrinam Cn. Matii. Sed ibi Cnaeus, hic Caius nominatur: ut vel duo Matii fuerint, diuerso praenomine, uterque in primis eruditus: vel, si vnus fuit, mendum sit in alterutro praenomine.

EPISTOLAE XVI.
ARGUMENTVM.

Laudare Trebatium videtur ut sapientem, qui belli discrimina vitaret: sed re vera notat ut timidum: quod saepe facit. adscribit quaedam per iocum, de Cn. Octavio, de futuris Trebatii diuitiis, de eiusdem superbia. Scripta videtur eodem anno: quod ex eo cognoscitur, quia scribit Cicero et in Britanniam ire Trebatium noluisse, et adhuc quidem Samarobrinae esse; ubi eum fuisse, cum interrogares crearentur, indicat epist. 12.

EXPLANATIO.

In Equo Troiano] Tragoediae nomen, sed vtrum Liuii Andronici, quem Nonius appellat in Opitula, an Naeuii, quem Macrobius lib. 6. Saturn. c. 1. ignoro.

Sero sapiunt] Subaudi, *Phryges*: qui cum Helenam initio belli reddere noluisent, postea, fractis iam eorum opibus, et spe salutis amissa, velle se eam reddere dixerunt.

inde natum prouerbum: de quo Festus.

Mi vetule] Amatorie, per iocum.

Rabiosulas] In quibus, teneri se vrbis desiderio, et cupere statim aliquid auferre, atque a bello discedere, scripserat Trebatius. id fuit primum argumentum, cur non sero, sed mature sapere visus est. alterum, quod in Britanniam ire noluit.

noluit tertium, quod Samarobrinae diu mansit, nec ullam rei bellicae partem attigit. Inde iocandi materiam Cicero sumpsit.

Sat fatuas] Quia, cum iuisset in Galliam eo consilio, ut Caesaris beneuolentiam obsequio officioque suo consequeretur, ita statim auferre ab eo pecuniam, et domum redire properabat, quasi non litteras commendatitias, verum syngrapham ad eum attulisset.

Non nimis φιλαίτιος] Non valde cupidum spectandi: quia transire in Britanniam noluit, neque spectare essedarios. Hic locus alio loco epist. 6. illustratur. Secutus autem sum Politiani correctionem: licet libri veteres, pro *nimis, minus*, et pro *φιλαίτιος*, quam *Philotetem*, omnes habeant, vno tantum excepto, in quo est, *non minus philotetorum*, item ut esse in Mediceo libro Politianus idem scripsit.

In hibernis iniectus mihi videris] Hibernorum tempus nondum erat: sed hibernare Trebatius videbatur, quia se Samarobrina non commouebat. epist. 11. 12. et in hac in extremo.

Vsquequaque sapere oportet] Vbiq: quod tu facis: qui, tibi optime caues, nec periclitari, quamquam sis in bello, de vita vis. huius adverbii vis eadem semper est. exempla et palam sunt, et quaedam Carinus quoque recitat, M. Cato, C. Gracchi, Frontonis.

Telum acerrimum] Summum est in sapientia praesidium. Serio videtur hoc dicere, sed iocatur: quasi dicat: nae tu rationem tuendae salutis tuae optimam inuisti:

et, quod alii telis acerrimis, id tu sapientia tua consequeris.

Non desuisssem] Non negassem: obsecutus essem.

Quis tu es] Ineptum hominem significat: qui Ciceronem, cui ne notus quidem esset, ad cenam invitaret. epist. 9.

Homo bellus] Lepidus, quo uti iucunde quivis possit. *Bellus* ad formam non refertur, sed ad quandam venustatem, quae amorem conciliat.

Abduxisses] Nondum a ioco discedit: quamquam dixerit, *extra iocum*. nam *abduxisses*, videtur esse, tecum duxisses ut hominem bellum, voluptatis et laetitiae tuae causa: sed valet, ut hominem ineptum, quo minime delectamur. In hac autem structura, *homo bellus est, vellem eum tecum abduxisses*: inesse quiddam sentio, quod capiat aures meas: nec id tamen, quale sit, explicare fatis queo: cuiusmodi multa sunt in Latina lingua, quae malim imitari, quam docere. Huic loco respondere videtur ille lib. 10. epist. 28. *Quam vellem ad illas pulcherrimas epulas me Idibus Martiis inuitasses! reliquiarum nihil haberemus*. Et lib. 15. ad Attic. epist. 22. *Gratulor nobis Q. filium exiisse: molestus non erit*.

In Italiam] Puto me iam dixisse, Italiam aliter iure naturae, aliter iurisdictione terminari: iure naturae, Alpibus: iurisdictione, Rubicone amne: ultra quem incipiebat Cisalpina Gallia: quae cum Transalpina et Illyrico erat in imperio Caesaris. Dixit igitur Cicero, *in Italiam*, id est, in Cisalpina Gallia, quo se Caesar quotannis ad conuen-

conuentus peragendos hieme conferre solitus erat. ipse enim Commentariorum suorum lib. I. in extremo de se ipso ita scripsit: *Ipse in citeriorem Galliam ad conuentus ageudos profectus est.* Et lib. 2. item in extremo: *Legionibus in hiberna deductis, in Italiam profectus est.* Et lib. 5. primis verbis: *L. Domitio, Ap. Cludio cos. discedens ab hibernis Caesar in Italiam, ut quotannis facere consuevit, legatis imperat, etc.* Et lib. 6. in extremo: *Vt instituerat, in Italiam ad conuentus agendos profectus est.* Quibus exemplis vtendum putaui, vt constaret, ab eodem Caesare modo citeriorem Galliam, modo Italiam vocari eam imperii partem, quae Alpibus et Rubicone amne contineretur.

Venturi sitis] Venerunt: vt Caesaris verba lib. 6. quae iam recitauimus, demonstrant.

Stoici] Qui sapientis esse omnia confirmant: vt in Zenone Laertius ostendit. Iocus in Trebatium, qui nummatus esse possit sine nummis, amore sapientum.

Caelo et terra frui] Fruuntur autem soli sapientes. Hue illud pertinet ex lib. 5. de Fin. c. 28. *Paupertas si malum est, mendicus beatus esse nemo potest, quamuis sit sapiens. At Zeno cum non beatum modo, sed etiam diuitem dicere ausus est.*

Postea videro] Modus loquendi, quo significamus, nondum nobis constitutum ac certum esse, quid

aliqua de re sentiamus. simile illud epist. 25. *Praeter duo nos, loquitur isto modo nemo: bene malene, videro.* Et lib. 9. ad Attic. epist. 10. *Si hic, qua ratione initium fecit, eadem cetera ager, sincere, temperate, prudenter; valde videro, et consideratius utilitati nostrae consulero.* Et lib. I. de Leg. c. 21. *Cui tamen ego assentiar in omnibus, nec ne, mox videro.*

Superbiam tuam] Non quod superbus esset, sed quod a nemine confunderetur. idem iocus lib. I. epist. 10. *Qui istinc veniunt, partim te superbum esse dicunt, quod nihil respondeas: partim contumeliosum, quod male respondeas. Respondere dicuntur iurisconsulti, cum iis, a quibus consuluntur, de iure ostendunt, qualis eorum causa sit, quid vitandum, aut agendum. vnde in Bruto c. 30. *Rutilius magnus munus de iure respondendi sustinebat.* Et pro Murena c. 13. de Seruio: *vestra responsa atque decreta.**

Sed tamen] Quamquam nemo te consulat; hoc tamen laetare, quod istuc veneris, vbi ius civile melius, quam tu, nemo calleat. Iocus est: nam quae laus, Semarobrinae bonum iurisconsultum videri? Eiusdem generis illud epist. 10. *Quod si in Britanniam quoque profectus esses: profecto nemo in illa tanta insula peritior te fuisset.* Et lib. I. epist. 10. *Ibi malis esse, vbi aliquo numero sis, quam istic, vbi solus sapere videre.*

EPISTOLAE XVII.

ARGVMENTV.M.

Gratulatur Trebatio, quod urbis urbanarumque rerum desiderium aliquando deposuerit: eumque cohortatur, ut Caesaris amicitiam plurimi faciat: quam fore fructuosam promittit, in seque ipsum recipit. Eodem anno.

EXPLANATIO.

Quinto fratri]. Legato Caesaris in Gallia.

Gratias egi] Quod officii te suis complectatur.

Lenis] Quia, cum iuisset ad Caesarem, ut honestatem augetet facultatesque suas, redire statim ad urbem cupiebat.

Urbanitatisque] Non est hic urbanitas eadem, quae lib. 3. epist. 7. in eo loco: *Homo summa prudentia, multa etiam doctrina, plurimo rerum usu, addo urbanitatem, quae est virtus, ut Stoici rectissime putant.* Nam hic pro rebus urbanis accipitur.

Piger] Quippe tribunatum contempserat. epist. 8.

Syngrapham] Syngrapha est, in qua scribimus; certum nos esse aliqui pecuniam soluturos. Pro Murena c. 17. *Pergitisne vos, tamquam ex syngrapha, agere cum populo.*

Ad imperatorem] Ad Caesarem, a quo pecuniam tamquam e syngrapha debitam exigeres, et statim domum redires.

Alexandriam] Ut a Ptolemaeo, Alexandrino rege, pecuniam suam, ei Romae creditam, exigerent. Locatur Cicero in re vera: ut rex orat. pro Postumo, in qua etiam c. 3. syngraphae in Albano Pompeii factae nominantur, satis constat. iidem Pto-

lemaei creditores significantur lib. 1. epist. 1.

Nudum adhuc nullum] Aliquot etiam ex iis in vincula coniecti: et nudus egensque Postumus, qui non modo suam, sed amicorum quoque pecuniam expulso regi crediderat, e regno fugit: ut eadem docet oratio.

Si mei commodi rationem ducere] Quod Epicurei faciunt, qui suis commodis omnia metiuntur. epist. 12. et lib. 3. epist. 9.

Augendum atque ornandum] Augendum, commodis; ornandum, honoribus.

In prouinciam] In Hispaniam cum proconsule Pompeio. hac de re vid. epist. 5.

Ultero] Quod summi est amoris argumentum. itaque lib. 13. epist. 55. cum, inquit, iam diu diligerem M. Anneium, deque eo sic existimarem, ut res declaras, quod ultero ei detulerim legationem, cum multis petentibus denegassem. Et in orat. pro Coelio c. 2. Nemini unquam praesenti Puteolani maiores honores habuerunt, quam absenti M. Coelio: quem et absentem in amplissimum ordinem cooptarunt, et ea non petenti detulerunt, quae multis petentibus denegarunt.

Attulerim] Multis rebus potuit Cicero, si legatus cum Pompeio in Hispania.

Hispaniam iuisset, Trebatio consulere. quod ipse ait epist. 5. C. Trebatium, inquit, cogitaram, quocumque exirem, mecum ducere, ut eum, meis omnibus studiis, beneficiis quam ornatissimum, domum reducerem.

Mea mutata ratio est] Mutavi consilium. Sic locutus lib. 3. epist. 5. *Tua ratio postea est commutata.*

Honorificentissime] lib. 1. epist. 9. *Hic multum valuit cum vetus amicitia, quam tu non ignoras mihi et Q. fratri cum Caesare fuisse, tum humanitas eius ac liberalitas, brevi tempore et litteris et officiis perspecta nobis et cognita.* Et ibidem infra: *Commemoranda quaedam, et divina Caesaris in me fratremque meum liberalitas.* Et lib. 4. ad Attic. epist. ult. *Perspicue cum Caesare suavissimam coniunctionem, (haec enim me una ex hoc naufragio tabula delectat) qui quidem Quintum meum tuumque, dii boni! quemadmodum tractat honore, dignitate, gratia? non secus, ac si ego essem imperator.*

Incredibilis] Commemorandum et diuinam vocavit lib. 1. epist. 9.

Fidem] Qui, quos semel in amicitiam suam recepit, numquam deserit.

Commendavi] Epist. 5.

Et tradidi] Plus est, quam commendavi. epist. 5. *Totum denique hominem tibi ita trado de manu, ut aiunt, in manum tuam istam, et gloria et fide praestantem.*

Gravissime] Gravissimis verbis, summum amorem ac studium declarantibus.

Diligentissimeque] Sic, ut nihil praetermisserim.

Accepit] Ita te est complexus, ut ego te graviter commendavi.

Hunc tu visum nactus] Epist. 7. *Imperatorem liberalissimum habes.*

Si me aut sapere aliquid, aut velle tua causa putas] Si me nec iudicio falli, et fideliter tibi suadere existimas.

Difficultate] Quae sit in ea re, quam consequi cupias.

Iucunda et honesta] Iucunda quaedam sunt, ab honore seiuncta: ideo addidit, et honesta: sicuti epist. 11. coniunxit honestatem et facultates. iucunda igitur et honesta, pro utilia et honorifica. non enim hic honesta, valet, recta.

Præstabo] Aliter tamen scripsit lib. 3. ad Q. Fr. epist. 1. *Trebatium, ait, meum quod isto adulescent, nihil est. Ego illum ad Caesarem misi, quia mihi iam satisfecit. si ipse minus, præstare nihil debet.*

Confirmandae] Iam enim est instituta, commendatione mea gravissima ac diligentissima.

Vberioris provinciae] Hoc est, quod Suetonius de Caesare scriptum reliquit. 22. *Ex omni provinciarum copia, Galliam potissimum elegit, cuius emolumento, et opportunitate, idonea sit materia triumphorum.*

Aetatis] Ipsius Trebatii. epist. 7. *Aetatem opportunissimam habes.*

Si hoc amiseris] Epist. 7. *Ut tibi unum timendum sit, ne ipse tibi defuisse videare.*

In vestris libris] Dixi iam, solitos esse veteres iurisconsultos suae sententiae pondus addere, aliorum iurisconsultorum adscripto iudicio. vide epist. 10. *Idem Mucio et Manilio placebat.*

Q. Cornelio] Trebatii magistro.
epist. 8.

Labore] Militari, quem soles vitare tum pigritia, tum timore. Paulo ante in hac ipsa epistola dixit, *in interdum piger, interdum timidus in labore militari.*

Non audiam] Gloriantem de rebus a te gestis. Festiua iocatio.

Qua spe, aut condicione] Spe futuri, condicione praesentis commodi.

EPISTOLAE XVIII.

ARGVMENTVM.

Laudat Trebatium, quod videretur certa aliquando in sententia constituisse, et velle in militia permanere. Tum iocatur in eius parsimoniam, quia scripserat in palimpsesto. Eodem anno.

EXPLANATIO.

Diuersis temporibus] Eodem tamen omnes exemplo, ut infra cognoscitur.

Cetera delectantur] Hoc pendet usque ad illud, quod est infra: *cetera belle: illud miror.* —

Fortem] Non, ut antea videbare, timidum. *epist. 17.*

Aestuari] Aestus est commotio vel in igne, vel in aqua; vel per translationem, in animo.

Tempore] Cum opus erit. *Tempore et tempore*, duobus casibus dicitur: ut e Cicerone, Plauto, et aliis cognoscitur.

Vestrae cautiones infirmas sunt] Tuum istae artificium tibi parum prodest: friget enim in bello ius civile. *epist. 13. Tantum metuo, ne artificium tuum tibi parum profit.* Et *epist. 16. Qui istinc veniunt, superbiam tuam accusant, quod negent te percunctantibus respondere.* Occasionem dubitandi in verbo, cautiones, nonnulli attulerunt, affirmantes in antiquis libris esse, *causationes.* Ego in meis omni-

bus, qui sunt undecim, plane video scriptum, *cautiones.*

Graeculam cautionem chirographi mei] Litteras commendatitias ad Caesarem graece scriptas mea manu. sic enim malo, quam, Graecis mistas versibus. *Cautionem* appellat, quod ita utilis ei futura esset illa commendatio, ut iuriconsultorum cautiones iis utiles esse solent, a quibus de iure consuluntur. sic *epist. 13. ut ego quoque*, inquit, *te aliquid admoneam de nostris cautionibus: Treuiros vites censeo.*

Gallici belli] Videtur iam absolutum esse bellum Britannicum: de quo in superioribus epistolis.

Ignauissimo cuique] Fortes enim rem gerunt: ignaui spectant, et singula notare solent: itaque narrantibus ignavis maior habenda fides est, quam fortibus.

Cetera belle] Redit ad id, quod coepit dicere, *in quibus me cetera delectantur.*

Quis

Quis solet eodem exemplo] Miror, inquit, cum tua manu scribas, eodem exemplo plures a te epistolas mitti. Hinc licet coniectere, epistolas illas, quas Cicero se diversis temporibus accepisse dixit, eodem exemplo omnes fuisse.

In palimpsesto] *Palimpsestus* membrana fuit iterum abraſa, ut aliquid rursus in ea scriberetur. vnam autem ex illis epistolis, non omnes, in palimpsesto scripserat Trebatius.

Chartula] Palimpsesto. breuem epistolam fuisse conſtat, quae scripta fuerat in palimpsesto.

Quam haec scribere] Cum in hoc loco diuersis temporibus innumerabiles prope inspexerim veteres libros, omnes tamen conſentire animaduerti: quo magis adducor, ut diſſentiam a Bernardino Rutilio, qui primus legendum arbitratuſ eſt, *quam haec non ſcribere*. At ſententia poſtulare negantem particulam videtur. Eſto: quis praestabit, numquam falli nos in eo, quod videtur? quod ſi mutandum, quod facile conſceſſerim, et ego ipſe in emendandis libris uti coniectura interdum ſoleo: mutatio modica ſit, quaeque a litterarum ſimilitudine non diſcedat. itaque crederem, non abſurde legi poſſe, *quam exſcribere*. diuinat enim Cicero, quod ex illa chartula deletum ſit, exſcriptum non eſſe: ſiquidem, qui ſcribit in palimpseſto, chartae laborat inopia: itaque delere mavult, quam exſcribere. Haec ita opinabar, ut mihi ipſe nec place-rem valde, nec omnino diſplicere.

Formula] *Formulae* ſunt ea, quae iuriſconſulti litigantibus prae-

ſcribunt, ne cauſſa cadant: quae *cautiones* etiam dicuntur. ſunt et quaedam quaſi normae iudiciorum, aequae omnibus obſervandae, ut *formula fiduciae*, epist. 12. et *Aquili de dolo malo formulae*, lib. 3. de Offic. c. 14. et *dati damni formula*, apud Plinium lib. 9. c. 59. Ex hoc genere non fuere Trebatii formulae, ſed ex illo ſuperiore, cum ſcribebantur, hodieque ſcribuntur, clientibus in re contro-verſa.

Non enim puto] Per iocum ſignificat, pluris eſſe epistolas ſuas, quam formulaſ Trebatii.

Frigere te] Nullum te iſtic fructum capere e ſcientia iuris ciuiliſ. epist. 11. *Sin autem iſta frigeant, recipias te ad nos*.

Suppeditare] Neutrum abſolutum, ut in orat. pro Scauro: *Vndique mihi ſuppeditat, quod pro M. Scauro dicam, quocumque non modo ments, verum etiam oculi inciderint*. Et lib. 1. de Offic. c. 4. *Studeat parare ea, quae ſuppeditent et ad cultum, et ad viſtum*. Cum agendi vero ſignificatione notuſ eſt, quam ut exempla requirantur.

Tecum extuleris] Nam, ſi eam tecum non attuliſſes, ſine verecundia peteres: nunc, quia te pudor a petendo deterret, nihil accipis. Haec quoque per iocum. nam epist. 5. pudorem in laude poſuit, cum dixit: *melioſem virum, pudentioſem eſſe neminem*. Et epist. 7. *Multum te in eo ſrater adinuabis meus, multum Balbus: ſed, mihi crede, tuus pudor et labor plurimum*.

More Romano] Grauiſſime et diligentiffime. epist. 5.

Metrilii Philemonis] Veteres libri nonnihil diſſentiunt: alii enim,

enim, Metilli, alii Meulii, alii Motrinii, alii aliter habent. suspicatus sum adolescens, neque nunc muto sententiam, legendum esse, *M. Aemilii Philemonis*: ut sit libertus Aemiliae gentis, et is fortasse, de quo Pedianus haec in argumento orationis pro Milone: *Munatius Plancus tribunus plebis produxerat in concionem M. Aemilium Philomnem, notum hominem, libertum M. Lepidi.*

Iam audieram] Quia non longe aberant.

Fremitum] Cum ad salutandum patronum suum Ciceronem ire vellet honoris causa.

Clientium meorum] Clientes suos Trebatius, in Galliam proficiscens, Ciceroni commendauerat. ideo sequitur: quos quidem tumi-

bi conciliaſſi. et epiſt. 19. Quid fiet populo Vlubrano, ſi ſtatueris, non oportere?

Vlubris] Vlubrac, opidum non celebre. vicum deſertiſſimum appellat Porphyrio in Horatii lib. 1. epiſt. 11. v. 30.

Vin maximam] Maximum numerum. nota ſignificatio.

Ranunculorum] Quia paludes Vlubris propincae, ranunculos vocauit Vlubrarum incolas, iocans in Trebatii clientes.

Arruntio] Sic ſcribitur hoc nomen in antiquis lapidibus.

Innocentem] Cum in ea nihil ſcriptum eſſet, quod, ſi efferretur, nocere tibi poſſet.

Tam nouis rebus] Geſtis a Caefare in Gallia: quae leguntur in ipſius Commentariis.

EPISTOLAE XIX.

ARGUMENTVM.

Post obitum Caesaris, M. Antonio, P. Dolabella coſſ. cum ciuitas reſpiſſe, et quaſi reuiſſe reſpublica videretur; repente Kal. Jun. Antonii conſulis culpa, ita mutata ſunt omnia, ut boni viri tum de ſtatu reipublicae, tum de ſua quiſque ſalute vehementer timere cogerentur. Quae cum Cicero vidieſſet; deſperata libertate, conſilium cepit in Graeciam proſciſcendi, diſceſſitque ea mente, ut adieſſet Kal. Ian. quod initium cogendi ſenatus, Paſſa et Hirtio conſulatum ineuntibus, fore videbatur. Hanc rem attingit Cicero lib. 10. epiſt. 1. et lib. 12. epiſt. 25. et in Phil. 7. c. 1. ſeqq. et lib. 3. de Offic. in extremo. Cum igitur in Graeciam proſciſcens Veliam peruieſſet; ab ipſa urbe, Trebatii amantiffima, admonitus, Topicorum librum ſcripſit, de quo iam rogatus erat a Trebatio, cum in Tuſculano ſimul eſſent. id ſignificat in hac epiſtola: Topica vero ipſa obſcuriora eſſe dicit, nec legenda ſine interprete: exercitationem eſſe neceſſariam, ſi expediam in quaefitionibus habere doctrinam velit. Hanc epiſtolam poſt ſequentem ſcriptam eſſe, adſcripta vtrique dies oſtendit.

EXPLANATIO.

Praeſenti tibi] In Tuſculano. vide proecium Topicorum.

Prope ſubnegarem, non tribuerem certe] Cum Trebatius diſciplinam

plinam et rationem peteret inueniendorum argumentorum; hortatus est eum Cicero, vel ut Aristotelis Topica per se ipse legeret, vel ut a doctissimo quodam rhetore totam illam rationem acciperet. Hoc est, quod ait: *prope subuegarem*. Vide prooemium Topicorum.

Debere non potui] Id volui persolvere. Quod ab amicis petitur, id, donec tribuamus, deberi a nobis dicimus: cum vero, id omnino a nobistribuendum, significare volumus, deberi non posse dicimus. exemplum est hac ipsa de re in Topicorum prooemio, et lib. 4. ad Attic. epist. 2. *Oratio inuentuti nostrae deberi non potest*. Et lib. 3. de Orat. c. 5. *An me tam impudentem esse existimatis, ut vobis hoc praesertim munus putem diutius posse deberi?* Et Tusc. 2. in extremo: *Et tibi hoc video non posse deberi*.

Aristoteles] Quod in eum librum praecepta Aristotelis multa transtulit, nonnulla tamen addidit de suo.

Ab ipsa vrbe commonitus] Similiter lib. 2. epist. 11. *Mibi, mehercule, magnae curae est aedilitas tua. ipse dies me adponebat. scripsi enim haec ipsis Megalensibus*. Quo loco vide quae diximus.

Amantissima tui] Vel quod Trebatius Veliae notus: vel quod ibi possessiones, a patre relictas, haberet.

Rbegio] Scribendum cum adspiratione: dictum enim *ἐν τῇ ῥηγίῳ*, ait Strabo lib. 6.

Litteris] Ex ipsis tantum litteris, et quasi muto libro.

Non longe abieris] Non longe petantur exempla.

Doctorem tamen unum quem ERN. lumenque] Qui doceat et illustret ea, quae obscuriora sunt. Dixit iam: *sin tibi quaedam videbuntur obscuriora*. Et cum negaverit ullam artem sine interprete et sine exercitatione aliqua litteris posse percipi: hic pro interprete, doctorem nominat: de exercitatione autem subiungit iis verbis: *ut vero etiam ipsi tibi loci, proposita quaestione, occurrant, exercitatione consequere*. Veteres libri non consentiunt. duo habent, *lumenque*, quos secutus sum: alii varie, *usumque, unumquemque, nonnumquam*.

Per te] Sine doctore.

Ut certe] Si non omnia, hoc certe, ut intelligas, consequere. Notanda vis vocabuli, quam et Terentius indicat in Andr. Act. 4. Sc. 1. v. 16.

Ingeram mala multa? atque aliquis dicat, nihil promoveris.

Multum molestus certe ei fuero; atque animo morem gesserō.

Ipsi loci] Sedes argumentorum. In Topicis c. 2. *Utearum rerum, quae absconditae sunt, demonstratio et notato loco, facilis inuentio est: sic, cum peruestigare argumentum aliquod volumus, locos nosse debemus: sic enim appellatae ab Aristotele sunt hae quasi sedes, e quibus argumenta promantur. Itaque licet definire, locum esse argumenti sedem: argumentum autem, rationem, quae rei dubiae faciat fidem.*

Nos te continebimus] Post oppressam rempublicam contulit se Cicero ad domesticas exercitationes; ne facultas dicendi, ante parta

parta in foro, exaresceret. lib. 9. epist. 18.

Redierimus] E Graecia: cogitabat enim adesse Romae Kal. Ian.

Salua ista] Res vrbanas, quas

peffime affectas relinquebat; vt in argumento ostendimus.

Rbegio] Vnde discedens, librum Topicorum Trebatio mittebat. dixit enim: *cum librum tibi misi Rbegio.*

EPISTOLAE XX.

A R G V M E N T V M.

Scribit de amore Velienfium in Trebatium: et hortatur, ne paternas possessiones vendat, quae, tum miseris temporibus, perfugium esse possint. Adscripta dies indicat, ante superiorem datam esse.

E X P L A N A T I O.

Rufio rhus] Rufionem Trebatii gentilem fuisse, didici ex hoc antiquo lapide, qui est Romae ad portam Latinam.

C. VIBIVS. C. P. MACER. C. TREBATIVS. RVFIO. FACIVND. CVRAVERVNT.

Aedificationem tuam] Aedificabat Trebatius in regione Lupercali proxima.

Lupercal] Locus, vbi lupa Romulum et Remum aluit infantes.

Haletem ERN. *Heletem*] Veteres libri omnes, *Haletem*: sed ex Strabone lib. 6. et lib. 16. ad Attic. epist. 7. apparet legendum esse, *Heletem*.

Nobilem amnem] Quia Veliam ab eo. nomen accepisse traditum est. Strabo.

Papirianam] Emptam de Papirio quodam a Trebatio, vel ab eius patre.

Lotum ERN. *Lucum*] Sunt, qui *lucum* ideo male legi credant, quod neque luci capax esset priuata domus; et luci, quia sacri, non sine

scelere incidi possent. Vtraque ratio parum firma. primum enim, lucum illum non intra aedes Trebatii, sed ante eas fuisse, licet existimare: deinde, ne Cicero putetur impie sensisse, qui cum a Trebatio caedi vellet; docet M. Cato, quo modo recte et sine piaculo caedi lucus possit. Quod attingit ad veteres libros; vnum tantum vidi, in quo est, *lacum*: reliqui omnes habent, *locum*. ex quo, *lotum*, quidam legere maluerunt, quam coniecturam probare non possum; cum proxime sequatur, *a quo*: quod certe ad arborem lotum referri posse, nemo dixerit. Praeterea, luo magis, quam vnus arboris umbra vel forma teneri aduenas, credibile est; quod ideo dico, quia sequitur, *a quo etiam aduenae teneri solent*. Iam illud, *multum prospexeris*, aptius pertinere arbitror ad lucum, quam ad arborem. magis enim prospectum lucus impedit, quam arbor: cum praesertim, *prospexeris*, intelligendum videtur, e totis aedibus, non ex vno cantina cubiculo, aut vna aedium parte.

Vid.

Videbis] Pro, curabis. lib. 5. ad Attic. epist. 1. *Antecesserat Staius, ut prandium nobis videret.*

Diis iuvantibus] Sic locutus est in Phil. 3. c. 14.

Ante brumam] Cogitabat esse Romae Kal. Ian. Phil. 1. c. 2. *Ea mente discessi, ut adessem Kalendis Iannariis, quod initium senatus cogendi fore videbatur.* Bruma dictus est breuissimus Decembris mensis dies, folis hiemale solstitium. Festus.

Niconis] Medici.

Abstuli] Veliae.

Περὶ πολυφαγίας] De edacitate.

Docilem] In illo, opinor, libro documenta inerant, quo modo, incolumi valetudine, plurimum edi posset.

Increbescit] Flare incipit vehementius: creber enim venti spiritus magis intendit vela, quam rarus. Quaestio est, utrum dici debeat, *increbesco*, an *increbresco*, et *increbuit*, an *increbuit*. Ego sequor similitudinem. nam quia *ruher* et *creber* eodem plane modo desinunt; et a *ruher* fit verbum *rubeo*; a cuius deinde secunda persona, addita syllaba *co*, fit *rubesco*: sic a *creber* deductum est inusita-

tum hodie verbum, *crebeo*; a cuius item secunda persona factum est *crebesco*, vnde *increbesco*. non enim me mouent *nigresco*, et *maresco*: quia deducuntur a *nigreo*, et *macro*: cum *rubesco* non a *rubreo*, sed a *rubeo* detrahetur; et cum *rubesco* et *erubesco* maiorem habeat similitudinem cum *increbesco*, quam cum ceteris verbis, quippe cum a similibus nominibus, *creber*, et *ruher*, deducantur. Nam, quod aiunt viri docti, ideo scribendum, *increbesco*, quod a nominibus iis, quorum patrius casus exit in *ri*, ut *integri*, *sucri*, fiat *integrare*, *sacrare*: ostendi iam, sic excipi ab hac regula *increbesco*, ut excipitur *erubesco*. Quod, autem iidem affirmant, *rubesco*, vnde fit *erubesco*, non a *rubeo*, sed a *rubore* formari, ut *palleo* a *pallore*, *puteo* a *putore*, *feteo* a *fetore*, *candeo* a *candore*, *calco* a *calore*: argumentum componitur ex dissimilibus. nam illa, *puteo* a *putore*, *feteo* a *fetore*, *candeo* a *candore*, *calco* a *calore*, similia sunt, et recte dicuntur: at, *palleo* a *pallore*, non eodem modo recte dicitur. fit enim *palleo* a *palleo*, *palles*: et *palleo* a *pallore*. itidemque *rubesco*, a *rubeo*, *rubet*: et *rubet* a *rubore*.

Velia] Cum in Graeciam iret.

EPISTOLAE XXI.

ARGUMENTUM.

Silii causam, viri optimi, amici sui, Trebatius commendat. Incertus videtur annus epistolae: ego tamen suspicor esse scriptam, quo anno Caesar necatus est. Suspicio autem ex mentione Q. Caepionis praetoris: qui, nisi fallor, est M. Brutus, is, qui in Caesarem conuulit. gefit enim praeturam eo anno, ut ex historicorum libris; et lib. 11. epist. 2. et 3. cognoscitur: et Q. Caepio vocatur in Phil. 10. c. 11. quod erat, ut arbitror, adoptatus ab auunculo Q. Seruilio Caepione; quem nominas Plutarchus in Catone Uticensi.

EXPLAN.

EXPLANATIO.

Sili.] Ad quem sunt epistolae lib. 13.

Sponsionem] No boni viri litibus iniunctis pro aliena libidine vexarentur; cogebatur et is, qui de aliqua re, tamquam sibi debita, verbi gratia, de hereditate, litem intenderet, et is, qui infitiaretur, promittere, se daturum, nisi iudicio vinceret, certam pecuniam aduersario: vt, eo mctu iniecto, repimeretur litigandi libido. haec actio vocabatur *sponsio*: quia *spondere* est promittere. Simile erat, non tamen idem, *sacramento contendere*. nam pecunia vtrique deponabatur apud pontificem: vt is, qui caussa cecidisset, duplici damno afficeretur, primum amissae litis, deinde pecuniae litis caussa depositae. qui vicerat, suam pecuniam auferbat: victi pecunia in rebus diuinis consumebatur. In sponsione similiter pecunia deponabatur: sed exitus non idem, qui in sacramento, erat. nam, qui sponsione vicerat, non modo sua, sed aduersarii quoque pecunia potiebatur. in sacramento autem suam tantum pecuniam victor auferbat: victi redibat ad aerarium, vt ait Varro. Sed de sacramento infra, in epist. 32.

Illam] Quae sequitur: *si bonorum Turpiliae, etc.*

Nos] Silium. Nos dicit, tamquam ageretur de sua re.

Sine periculo] Quod enim is, qui litem infert, probari a se posse putat, id in sponsione pronunciat. itaque videndum, quibus verbis sponsionem faciat.

Ni ERN. Si bonorum Turpiliae

possessionem Q. Caepio praetor ex edicto suo mihi dederit] Hereditatem sibi a Turpilia relictam Silius ex edicto praetoris acceperat. vocatus in iudicium a Turpilio propinquo, eandem hereditatem repetente, quia Turpiliae factionem testamenti fuisse negaret, sponsionem facere cogebatur: de qua consuluit peritissimos iurisconsultos, Ser. Sulpicium, et Ofilium: et, cum Trebatii quoque sententiam scire vellet, Ciceronis opera vsus est. Videtur autem pro, *si*, legendum *ni*: vt ita sponderet Silius: *ni* bonorum Turpiliae possessionem Q. Caepio praetor ex edicto suo mihi dedit, spondeo me daturum aduersario tantum pecuniae, quantum in sponsionibus promitti solet. Reliquae quoque sponsiones eodem modo incipiebant, vt illa in orat. in Pison. c. 23. *Cum ego Coelimoniana porta introissem, sponsione me, ni Esquiliana introisset, homo promptissimus lucessiuit.* Et lib. 3. in Ver. c. 57. *Quid? cum palam Syracusis, te audiente, maximo conuentu P. Rubrius Q. Apronium sponsione lucessiuit, NI APRONIVS DICTITARET, TE SIBI IN DECVMIS ESSE SOCIVM.* Et alibi.

Seruium] Sulpicium, principem iurisconsultorum, vt ait Cicero in Bruto c. 41.

Instituiisset] Fecisset.

Factionem testamenti] Ius faciendi testamenti. Ita locutus in Topicis c. 11. et Papinianus L. 3. D. qui testam. fac. poss. *Testamenti factio*, inquit, non privati, sed publici iuris est.

Ofilium]

Ofilium] Clarum iuriconsultum,
de quo Pomponius L. 2. §. 44. D.
de orig. iur.

Tessa] Cognomen Trebati
epist. 13. et 22.
Veneris] In vrbe videtur fuisse
Trebati, extra urbem Cicero.

EPISTOLAE XXII. ARGUMENTVM.

Probat auctoritate iuriconsultorum, quod dixerat dubitari, possetne heres, quod furtum antea factum esset, recte furti agere. Scritptam opinor eodem anno, quo superiorem proximam.

EXPLANATIO.

Pluſeras beri inter scyphos] *Scyphus* vas potorium fuit. *Tibullus* lib. I. el. II. v. 7.

— *Nec bella fuerunt,*

Faginus adſtabat cum ſcyphus ante dapes.

Macrobius lib. 5. *Saturn.* c. 21. *Herculis* ait poculum fuisse, ut *Liberi* patris *cantharus*: et *Virgilium* *Graeca* poculorum nomina posuisse, *carchesia*, *cymbia*, *cantharos*, *scyphos*. *Scyphos aureos* conviviis apposuit *Claudius Caesar*. vitreis in priuata mensa *Ciceronem* ac *Trebatium* vſos esse, credibile est. Incertae mensurae fuit: nam *capaciores scyphos* *Horatius*, *Epod.* 9. v. 33. et *Trebellius Pollio* in *Claudii* vita c. 17. trilibres nominat duos *Claudius a Galieno* donatos. quo patet, minoris etiam mensurae fuisse. Vasa autem vinaria mensurae fuerunt vel certae, vel incertae: certae, ut *culeus*, *amphora*, *urna*, *congius*, *sextarius*, *hemina*, *cyathus*. *culeus* capit *amphoras* vicenas, *amphora* *urnas* duas, *urna* *congios* quattuor, *congius* *sextarios* sex, *sextarius* *heminas* duas, *hemina* *cyathos* sex, *cyathus* *unciam* et *bessem*. quae si ad eorum vasorum, quibus hodie *Romae* vitmur, mensuram redigan-

tur; *culeus* *barilium* deceni erit quae fortasse veteris *bottae* *Romanae* mensura fuit: *amphora* *dimidium* *barilis* capiet: *urna* *quartam* *barilis* partem: *congius* *buccalia* duo; *sextarius* *tertiam* partem *buccalis*: *hemina* *foliictae* duas *tertias* capit. Incertae mensurae *dolium*, unde in vasa minora *vinum* diffundebatur, quo vſus commodior esset: nam *dolia* loco non mouebantur: item *cadus*, *seria*, *cupa*, *lagena*, (si tamen a *lagyno* distert, quod *Athenaeus* lib. 11. capere ait *duodecim choas Atticas*) praeterea, *cirnea*, *crater*, *scyphus*, *calix*, *cymbium*, *culullus*, *patera*, *cantharus*, alia. *Bottis* nostratibus *Romae* olim non utebantur, sed *vina* *doliis* *ſictilibus* asseruabant. circa *Alpes* tantum, *frigidiſſima* *coeli* *plaga*, *ligneis* *vasis*, quae *circulis* *cingerentur*, *vinum* *condi* *solitum*, *Plinius* ait lib. 14. c. 21. nam *cupa* *lignea* quidem, sed inter *minora* *vasa* videtur fuisse; quibus non diu custodiendum, ut *doliis*, sed assidue promendum, *vinum* reponeretur. quod illud *Ciceronis* in *Pisonem* c. 27. declarat: *Panis et vinum a propola, atque de cupa*. Et illud *Naeuii* apud *Nonium*: *Duas cupas mero plenas*

tariis, haec vero post consulatum scripta. quod, opinor, illa verba sat ostendunt: Martis vero signum quo mihi pacis auctori? Praeterea, d. Tulliola, tamquam nupta, in hac mentio fit: illae vero, nondum nupta scriptae sunt. Accedit, quod in hac non de Xysto, verum de porticula ornanda cogitare se ostendit: in illis de Xysto, qui porticus amplior fuit, atque etiam de palaestra et gymnasio.

EXPLANATIO.

Tantum quod] Tempus indicatur proxime praeteritum: quod alibi et ab ipso Cicerone, et a Terentio, *commodum*, dicitur.

Auiani] Statuarii, qui nominantur lib. 13. epist. 2. quo loco vide, quae diximus.

Nomina se facturum] Accepti et expensi ratio in tabulas referebatur: quae vocabantur *nomina*: quia debitorum et creditorum nomina scribebantur. *Nomina igitur facere*, est, id, quod Cicero pro hoc vel illo signo deberet, in tabulas referre.

Qua ego vellem die] Vt soluerem, quando vellem.

Fac, quaeso, qui ego sum, esse te] Lib. 3. epist. 12. *Suscipe paulisper meas partes, et cum te esse finge, qui sum ego.*

Plus annua] Plus annua die. lib. 12. ad Attic. epist. 3. *Delegationem a mancipe, annua die.*

Ad eam summam] Non pluris, quam volueram. In delectu enim et in pretio peccauerat Gallus. *Infra: ista quidem summa nae ego etc.*

In omni iudicio elegantissimum] Qui nihil vulgare, nihil abiectum, aut sordidum probare solitus es, quacumque de re iudicas.

Maneat Damasippus in sententia] Scripserat, opinor, Gallus, empturum ea signa Damasippum, si

Ciceroni non placerent. Horatius lib. 2. Serm. Sat. 3. v. 64.

Iusanit veteres flauias Damasippus emendo.

Ex istis emptionibus] E signis a te emptis. alia enim Cicero desiderauerat.

Instituti mei] Quod est huiusmodi, ut omnia signa tanti non aestimem, quantum a te in ista quattuor erogatum est.

Ista quattuor aut quinque] Bacchas tres, Martem quartum, trapezophorum quintum.

Bacchas] Musarum sacerdotes.

Cum Mysis Metelli] Cum signis Musarum, quae erant apud Metellum. fortasse Metellus ille Scipio.

Quid simile] Idem loquendi modus lib. 9. epist. 15. *Casulum mihi narras, et illa tempora. Quid simile?*

Primum] Lector expectat, *deinde*: sed hic, ut etiam alibi, desideratur: sententiae tamen nihil deest. nam quae vis in *deinde*, eadem continetur in eo quod sequitur, *sed tamen*. vide illud lib. 2. epist. 9. *Primum tibi, ut debeo, gratulor.*

Tanti] Quanti emisti Bacchas istas.

Mysis omnibus approbantibus] Ipsae Musae, non aestimari se tanti, quanti a te istae Bacchae aestimatae sunt, non moleste ferrent.

Aet alienum] Martis enim et Saturni signa nihil prosperum promittere, astrologi confirmant: stulte, qui diuinationem rerum futurarum, quae soli Deo notae sunt, ad suam scientiam reuocent.

Mercurii] Cuius astrum propitium putatur.

Felicitus] In emptione signorum. is autem feliciter transigit, qui rem expeditam paruo emit. Video esse, qui legendum putent, *facilins*, pro *felicitus*. ego, cur inuitetur, causam nullam video. nam et sententia satis aperta: et omnes libri veteres habent, *facilins*. Porro, quod aiunt, nullam felicitatem in hoc negotio reperiri potuisse: dixi iam, *feliciter transigere*, quid sit. Felicitatem autem in emendis ab Auiano signis, non, ut iidem arbitrantur, in vendendis post emptionem, hic significari, nomen Auiani demonstrat, qui et supra tanquam venditor signorum appellatus est. Praefuisse Mercurium lucris, docet Plautus in *Amphitr.* Prol.

Transigere possemus] Transactum iam erat, ut supra constat: conuenerat enim de summa inter Gallum et Auianum: solutionis tamen dies definita non erat; sed scripserat Auianus, nomina se facturum qua Cicero die vellet. dicit igitur, *possemus*, in emptione: et praeteritum tempus reducit ad praesens, ut si dicat: liceret nobis ab Auiano minoris emere, quam tu emisti.

Destinaras] Assignaueras. Pro Sextio c. 30. *Quid dicam? qui locus orbis terrae iam non erat alicui destinatus?*

Trapezophorum ERN. *Trapezophorum*] Qui mensam fert, veteres

libri, *trapezophorum*: sed Graece, *τραπεζοφόρος*, et *τραπεζοποιός*, cum in tertia syllaba, et *τραπέζιον*, ut in aliis similibus. Suidas.

Diuerforium] De diuerforio diximus lib. 6. epist. 19.

Tarracinae] Vetus nomen *Anxur* fuit, recentius *Tarracina*. Livius lib. 4. c. 59. *Anxur fuit, quae nunc Tarracinae sunt; urbs prona in paludes*. Plinius lib. 3. c. 5. *A Circelii palus Pontina est, deinde flumen Volsus, supra quod Tarracina opidum, lingua Volscorum Anxur dictum*. Horatius tamen lib. I. Serm. Sat. 5. v. 26. praeter consuetudinem dixit,

Impositum saxi late candentibus Anxur,

versus commoditatem quaerens ex antiquo nomine. Prius igitur nomen mutauit, deinde etiam locum, sed infra aetatem Horatii. nam, cum dixit,

Millia tum pransi tria repimus, atque subimus

Impositum saxi late candentibus Anxur:

perspicue demonstrat, sitam in monte Tarracinam fuisse. Et Porphyrio subiungit haec: *Merito repimus, inquit, et, impositum saxi: quia illis temporibus adhuc Tarracinae urbs in altissimo monte erat, inde postea in aequiorem locum deposita est; ut non solum sint adhuc vestigia aedificiorum in monte, sed et murorum*. Tacitus lib. 10. Annal. municipium vocat.

Exbedria] Loca in porticibus, ubi sedentes disputare soliti erant. Vitruuius lib. 5. c. 11. et Cicero lib. 3. de Orat. c. 5. *Exbedria* tamen,

men, muliebri genere, vſitatus. ſed, *exb drium*, inde factum, *ſtrouogis*.

Nona] Ergo erant et vetera, in porticula, vt haec, ſed in porticu ampliore, id eſt, in Xyſto, qui nominatur lib. 1. ad Attic. epiſt. 8.

Arceſſantur] Si diſſerunt *arceſſere* et *acceſſere*. vt Carifio et Diomedii placet; omnino hic legendum *acceſſantur*, non *arceſſantur*. ſin autem ſequimur eos libros, qui veſtigate excellunt; vnicum dicemus eſſe verbum *arceſſere*, duplici ſignificatione; pro accuſare, et pro vocare; vel vocatum ire. mihi, quid ſtatuam, non liquet. nam et Carifii ac Diomedis auctoritate moueor, quos de verbo *acceſſere*, non ſomniariſſe credibile eſt, ſed veteres libros vidiffe, in quibus ita ſcriptum eſſet: et rurius antiquiſſimis exemplaribus, quae nunc habemus, multum tribuo: conſentiunt enim vbique omnes in verbo *arceſſere*. vt eam rationem omittam, quod *arceſſo* vnde formetur, apparet: *acceſſo* autem vnde ducatur, non video: nam ſi deduceretur ab *accio*; *acceſſo* eſſet, non *acceſſo*. praeterea, quae ſignificatio ponitur a Grammaticis in verbo *acceſſo*; eadem mihi videtur eſſe poſſe in *arceſſo*. nam, qui accuſat, idem vocat in iudicium. quod ſi credimus; non ab *arces*, quod nihil ad vocandum pertinet, potiusque contrarium oſtendit, ſed ab *accio*, vel *adicio*; deductum *arceſſo*, mutatione ſecundae litterae, arbitrabimur.

Pſeudo-Damaſippum] Damaſippi ſimilem, qui omnino ea ſigna erat: quod ſe Damaſippus facturum oſtenderat, ſic *pſeudocato*, lib. 1. ad Attic. epiſt. 14. *Bonis vtimur*

tribunis plebis, *Cornuto vero pſeudocato*. et Pſeudophilippus, lib. 2. de Leg.

Vel cum iactura] Vel ſi minoris vendenda ſint, quam tu emiſti.

De domo] Tibi prope me conducenda.

Proſciſcens] Ab vrbe in Arpinatem agrum, vnde redierat paullo ante, quam has litteras daret. itaque dixit initio litterarum: *Tantum quod ex Arpinati veneram*.

Nicia] Grammatico. Lib. 9. epiſt. 10. et Suetonius de clar. Grammat. c. 14.

Caffio] Cum infra ſoror eius *Licinia* nominetur; poſſumus opinari, vel, *Craſſo*, legendum; quia Cratii Liciniae gentis, et feminae gentilitio nomine appellabantur; vel ſororem eius quidem Liciniam, germanam tamen non fuiſſe: vt fratres quoque dicuntur, qui patruales, conſobriniue ſunt: itaque mutatio neceſſaria non putetur.

Quaeſui de mea Tullia] Lib. 3. epiſt. 6. *Quaeſui ex Phania*.

Per Liciniam ſe egiſſe] Si poteſtas tradendae domus penes Liciniam fuiſſet: non dixiſſet Cicero, *per Liciniam*, ſed *cum Licinia*. *Per Liciniam* autem *agere*, eſt, Liciniae opera uti, vt cum alio agat, nimirum cum eius fratre Caffio, earum aedium domino, quas Licinia habitabat: quae tamen, quod ad ipſam attinebat, audere ſe negabat, abſente ei inſciente viro migrare.

Dexius] Sic in vetuſtioribus libris. alii recentiores varie, *Dexius*, *Deſius*, *Dixi*. Dexiorum gentem nondum habeo cognitam.

Vitae victusque noſtri] Non eſt ſatis, vna viuere: ſed communis victus auget vitae iucunditatem. lib. 9.

lib. 9. epist. 24. *Monco te, quod pertinere ad beate viuendum arbitror; ut cum visis bonis, iucundis, amantibus tui viuis. Nihil aptius vitae: nihil ad beate viuendum accommodatius. Nec id ad voluptatem refero, sed ad communitatem vitae atque victus, remissionemque animorum.* Coniungi haec solent, vt lib. 1. de Offic. c. 17. *Vita victusque communis in conuiciis vigent maxime.* Et lib. 12. ad Attic. epist. 28.

Nunc plane nec ego victum, nec vitam illam colere possum. Et in Bruto c. 25. *Tuditanus omni vita atque victu excutus atque expolitus.*

Plane mecum habitare] Fortasse, quod paries communis esset: vel quod aedes illae ita Ciceronis aedibus vicinae, vt ad eum percommode Gallus itare posset.

Migrare] In eas aedes.

Experiar] Vt hanc domum habeas.

EPISTOLAE XXIV.

ARGUMENTVM.

Exponit, quam iniuste sibi Tigellius irascatur. Caesare quantum consule, sine collega.

EXPLANATIO.

Vestigia] Viden, subauditur.

Vel proxime] Hoc ipsum, quod proxime de Tigellio fecisti, vestigium est amoris tui. De particula *vel* pro veluti, diximus lib. 2: epist. 13.

De Tigellio] M. Tigellio Hermogene liberto, quod Hermogenis cognomen indicat. est enim is, de quo Horatius lib. 1. Serm. Sat. 9. v. 25.

— *Inuideat quod et Hermogenes, ego canto.*

et Sat. 2. 3. 10. v. 80. quibus locis ostenditur, quod haec quoque declarat epistola, Tigellium canendi arte praestitisse. Quid autem de Tigellio scripserit ad Ciceronem Gallus, cognoscitur ex lib. 13. ad Attic. epist. 49. *De Tigello,* ait, *si quid noui: qui quidem, vt mihi Gallus Fabius scripsit, utpote iniquissimum mihi quandam iniquissimam, me Phoenice defuisse, cum eius causam recepissem, etc.*

Capius, opinor, olim] Recte addidit *opiuor*, veritus, ne erraret in nomine: nam *Cippium* nominat Festus in huius adagii mentione, *non omnibus dormio.* libri veteres plerique habent, *Citius*, vel *Cicinus*: nonnulli *Caepio*.

Olim] Ante Lucilium poetam. Festus.

Non omnibus dormio] Qui hoc dixit, dormire se simulabat, quo liberius vxor moecharetur. Seruo autem pocula clam auferente, *non*, inquit, *omnibus dormio.* Festus, et Plutarchus in *τῷ ἱερῷ*.

Non omnibus seruo] Quibusdam, apud Caesarem gratiosis, temporum causa seruo; non omnibus tamen seruire volo: quorum in numero Tigellius est.

Olim] Stante republica.

Regnare] Cum ita floreret gratia et auctoritate ob eloquentiam ac virtutem, vt regnare videretur.

Hh 4

Pro

Pro Sulla c. 7. *Hic ait se ille, in-dice, regnum moueri ferre non posse.*

Ofseruor] Lib. 9. epist. 20. et lib. 13. ad Attic. epist. 49.

In lucris pono] Simile illud lib. 13. ad Attic. epist. 49. *Est bellum, aliqui libenter odisse.*

Pessilentiozem patria sua] Tigellii patria Sardinia: de cuius pessilenti caelo illud argumento est lib. 2. ad Q. Fr. epist. 3. *Quamquam est hiems, tamen Sardiniam istam esse cogites.* Et Martialis lib. 4. epigr. 60.

Nulla fata loco possis excludere: cum mors

Venerit, in medio Tibure Sardinia est.

Ad. lictum] Studiosum esse coepisse eorum versuum, quos contra me scripsit Caluus Licinius, more Hipponactis poetae: de quo vide Plinium lib. 36. c. 5. et Solinum.

Calui Licinii] Hic est C. Licinius Caluus, Ciceronis primum inimicus, quia patrem suum Licinium Macrum praetor damnauerat, ut ait Plutarchus et Valerius Max. lib. 9. c. 12. deinde etiam amicus, ut ex lib. 15. epist. ult. cognoscitur.

Praeconio] Ironia, nam acerbissimum poema significat, simile Hipponactis versibus. Idem Caluus in C. Caesarem famosa scripsit epigrammata, ut in Suetonio c. 49. et 73. legimus.

Phumaeae] Liberti, cuius nepos Tigellius, libertorum autem cognomina Phumaeas, et Hermogenes; quae prius nomina seruorum fuere.

Ipsius quidem causa] Non propter Tigellium, eius nepotem, sed prius causa.

Erat enim mihi sane familiaris] Scribit ad Atticum eadem de re lib. 13. epist. 49. nec se adductum familiaritate suscepisse causam Phumaeae significat, sed quia petenti sibi consulatum pollicitus erat per Atticum, si quid opus esset, quod tamen non repugnat: nam ex eius officii memoria familiaritas exorta.

Sibi operam dare] Causam cognoscere, patronos audire de controuersia disputantes.

De P. Sextio] Quem ante multos annos reum de vi defenderat, accusabatur hoc tempore lege Pompeia, ut lib. 13. ad Attic. epist. 49. ostendit: vtrum autem de ambitu, an de vi, (nam de utroque crimine Pompeius tertium consul legem tulit) mihi nondum liquet: suspicior tamen de ambitu potius, quam de vi. nam Sextium, qui Pompeianus fuerat in bello ciuili, et in patriam, venia a Caesare inpetrata, redierat, ausum deinde esse viam ullam facere, ereditibile non est. de ambitu autem fortasse postulat, quia consulatum petens pecuniam contra leges dederit. praefor enim fuerat ante bellum ciuile; lictoresque in bello habuerat, post bellum etiam beneficio Caesaris, ut supra diximus.

In consilium iri] Cum iudices, de reo sententias laturi, in vnum eocunt, *ire in consilium* dicuntur. non enim eunt in consilium, ut causam audiant, sed ut, eum audierint, sententias ferant. id adeo ex oratione C. Titii, qua legem Fanniam suaserat, potui intelligere. *Veniunt, inquit de iudicibus, in comitium tristes: iubent dicere, quorum negotium est; dicunt, iudex testes poscit: ipsus it minetum. ubi redit,*
ait

ait se omnia audivisse: tabulas poscit: litteras inspicit: vix prae vino sustinet palpebras. cuncti in consilium ibi haec oratio: Quid mihi negotii est cum istis nugatoribus? Haec Macrobius lib. 2. Saturni. c. 12. recitat. idem cognoscitur ex orat. pro Cluentio. c. 20. nam, laudito Scamandri accusatore Canutio, eiusque defensore Cicerone, iudices inere in consilium, ut de reo pronunciarent. Et infra c. 30. ubi de iudicio agitur Oppianici. Item in orat. pro Quintio c. 10. cum audiret causam iudex Aquilius, *quoniam, inquit, tibi instat Hortensius, ut eas in consilium: a me postulat, ne dicendo tempus absumam: queritur, priore patrono causam defendente, nunquam perorari potuisse: non patiar, istam manere suspensionem, nos rem iudicari nolle.*

Necesse erat] Cur necesse esset, ostendit lib. 13. ad Attic. epist. 49. *Scis enim, inquit, dies illorum iudiciorum praestitutos fuisse. Lex Pompeia praescribebat eos dies, quibus causam agi oporteret vide Pédianum in argumento Miloniana.*

Nulla modo me facere posse, cum vellem] In voluntate obsequendi, facultatem deesse. Similiter locutus lib. 11. ad Attic. epist. 12. *Saepe ad eum scripsi, multisque mandavi, non potuisse, cum cupissem, farinones hominum sustinere.* Nec dissimile illud in orat. pro Flacco c. 4. *Nihil dixit, quod laederet eum, cum cuperet.* Videndum tamen, an rectius hoc sit: *nullo modo me facere posse: quem velles, alium diem si sumpsisset, me ei non defuturum.* Sic enim habent quatuor veteres libri: et eadem de re

sic plane scripsit Cicero lib. 13. ad Attic. epist. 49. *Respondi, inquit, non ignorare eum, quid ego deberem Sextio: quem vellet, alium diem si sumpsisset, me ei non defuturum.* Moucor etiam, quod antiquum librum, in quo sit, *cum vellem*, nullum vidi. alii enim habent, *quem vellem*: alii, *quem vellet*: nonnulli, *quem vellet.* quod ego sincerum existimo, nec tamen statuo quidquam, nisi consentientibus eruditibus.

Nepotem] Tigellium.

Vnctorem] Sic habet vnus omnino vetus liber: reliqui omnes, *vnctorem*. si, quid sententia postulet, attendimus, legendum putabimus, *cantorem*. nam excelluisse Tigellium in cantu, Horatii testimonio iam probauimus: fuisse autem ob eam causam Caesaris familiarissimum, cum idem Horatius lib. 1. Sermon. Sat. 3. ostendit in his versibus:

— *Sardus habebat*

Ille Tigellius hoc. Caesar, qui cogere posset,

Si peteret per amicitiam patris atque suam, non

Quidquam proficeret. —

tum vero haec ipsa demonstrant, paullo ante dicta: *Obscuro a familiarissimis Caesaris, omnibus, praeter istum.*

Habes Sardos venales] Iocum quaesuit in Phameae patria, ex vsitato proverbio. Sardinia enim a Ti. Sempronio primum consule capta, mancipiorum maximus numerus Romam est aduectus, et ex eorum vilitate natum est adagium, *Sardi venales.* Livius lib. 41. c. 17. et in lib. de viris illustribus. *Habes, inquit, de Phamea et Tigellio;*

lio; vides, quam non merito vterque mihi succenseat: et nimirum, quod de Sardis venalibus dici solitum est, alium alio nequioresse; id in Phameam eiusque nepotem Tigellium, qui et ipsi Sardi sunt, conferri potest. Hoc Cicero festiue significat, cum ait: *Habes Sardos venales; alium alio nequiores.* mentionem facit huius prouerbii Festus, et Plutarchus in Probl. et is, qui scripsit de viris illustribus. De Phamea vero, deque hac re tota, vide lib. 13. ad Attic. epist. 49. De Tigellio sic Horatius lib. 1. Serm. Sat. 3.

Omnibus hoc vitium est cantoribus, inter amicos

Vt numquam inducant animum cantare rogati;

Iniussi numquam desistant. Sardus habebat

Ille Tigellius hoc. Caesar, qui cogere posset,

Si peteret per amicitiam patris atque suam, non

Quidquam proficeret: si colluisset, ab ovo

Vsq; ad mala citaret, Io Bacche! modo summa,

Voce modo hac, resonat quae chordis quattuor ima.

Nil aequale homini fuit illi: saepe, velut qui

Currebat fugiens hostem; per saepe velut qui

Inuonis sacra ferret; habebat saepe ducentos,

Saepe decem seruos: etc.

Quid mirum igitur, qui hoc ingenio fuerit, tam vario, tam inconsistenti, si is, praesertim qui gratiosus apud Caesarem esset, facile adductus est, ut Ciceroni, quasi nepotem suum destituisset, irascetur?

Isius Salaconis iniquitatem] Salacouem vocat, vel propter superbiam, vel propter mollietatem, aut utramque. superbiam e Suida cognouimus, qui ait eum, cum esset pauper, se diuitem simulasse: mollietatem ex Aristophanis interpretatione: nam, cum poeta in comoedia, quae Σφακις inscribitur, dixisset, Τροφῆρόν τι διαλλακώτισον, subiunxit, ἀβρόθον, καὶ διαδρόφον. εἰ δὲ διαλλακώτισον, ἀπὸ τῷ Σαλάκωνος μάλῃ, τῷ Αὐτολόκῳ πατρὶς. Hefychius: Σαλάκων, ὁ πτωχὸς ἀλαζόν. Σαλακωία, ἡ ἐν πείρῃ ἀλαζονεία. Σαλακωίσαι, σαλακωνέυσαι ἔλγον τὸς διαδραματίζοντες. σαλάκωνας, ἀπὸ τῷ ἀβρόθῳ καὶ μετὰ δρόφους βαδίζειν. ὁ δὲ Θεόφραστος σαλακῶνά φησιν εἶναι τοὺς διακινῶντας ὅπῃ μὴ δεῖ.

Catonem tuum] Non modo Gallus, sed et Cicero scripsit de laudibus Catonis Uticensis, ut patet ex lib. 12. ad Attic. epist. 40. ex Oratore c. 10. ex lib. 2. de Diuin. c. 1. ex Tacito lib. 4. Annal. c. 34. Plutarcho in Caesare, et Cicerone. Gellio lib. 13. c. 18. Macrobio lib. 6. Saturn. c. 2. Istantio lib. 1. c. 2. Scripsit et eius sororis filius, M. Brutus, ut lib. 13. ad Attic. epist. 46. Contra Catonem vero, Ciceroni respondens, scripsit Caesar libros duos, eosque Anticatones inscripsit. testis Cicero lib. 12. ad Attic. epist. 41. Plinius lib. 3. epist. 12. Quinctiliarius lib. 3. c. 7. Iuuenalis Sat. 6. v. 336. Gellius lib. 13. c. 18. Suetonius in Caesare c. 56. Plutarchus in Caesare, et Cicerone, et Seruius Honoratus in Virgilium. Hirtius quoque, Caesaris amicus, in eodem argumento ingenium exercuit: ut lib. 12. ad Attic. epist. 40. et 45.

EPISTOLAE XXV.

ARGUMENTVM.

Epistolam Galli non conscissam significat. Monenti, ut de Caesare caute loquatur et scribat, gratias agit. Hortatur, ne scribendi exercitationem intermittat. Eodem anno.

EXPLANATIO.

Quod epistolam conscissam doles] Familiare principium epistolae, ut epist. 32. et 33.

Mones] Ne iocemur in Caesarem. sequitur enim: *videris mihi vereri, ne rideamus γέλῳτα ἐκδίδω.*

Ne, si] Omnes libri veteres, nisi. verbum tamen, *vereri*, posulat *ne*.

Si istum habuerimus] Si Caesar dominabitur.

Ridemus γέλῳτα ἐκδίδω.] Rissus cum dolore coniungatur. Adagium in eos usurpatum, qui, specie boni, malum sustinent; origine ducta vel ab herba, quae nascitur in Sardinia, et gustata mortem affert, ita mutato morientium vultu, ut ridere videantur: vel a Sardone regione, in qua senes, annum LXX. praetergressi, Saturno immolabantur, ridentes a ridensibus: vel etiam, quod apud Sardoniam gentem parentes aetate confecti a filiis prope fossam, in qua sepeliendi erant, sustibus caesi, atque praecipites deiecti, cum risu perirent. Vide librum Adagiorum.

Hens tu] Huc animum conuertere, hoc attende, audi me monentem.

Manum de tabula] Omittamus, quod coeptum est: ne scribamus, quod Caesaris animum laedat. Sumptum a pueris pingendi artem

discentibus prouerbium, qui, magistro absente, aliquid in tabula pingunt: magistro veniente, manum de tabula statim tollunt; ne deprehensi verberentur. ideo iocatus est Cicero in magistri nomine: cum reuera non magistrum, qui docet, sed Caesarem significet; qui dictator erat, id est, magister populi. Festus.

Adest] Reuersus ab Hispaniensis bello.

Vereor, ne in Catonium Catonius ERN. *in Catonem, Cato in uer]* Vereor, ne nos in Catonem scribamus. id est, cum scriptis nostris laudemus; (*scribere in aliquem*, non in malam tantum, sed in bonam quoque partem accipi, exemplis intelligitur) Cato autem exitio nobis sit, Caesare nos, quod eius inimicum laudemus, male multante. Liber Maffei et Fuluii Vrsini sic habent: alii autem, *in Catonium Catoninos*, ut sit: vereor, ne Caesar Catoni deditos in Catonium demittat. *Catonium* autem pro tristi exitu possumus accipere, qualis Catonis fuit, qui sua se manu interfecit.

Ab eo loco] Ab eo loco, in quo scripserat Fabius, *cetera labuntur*, usque ad finem ita grauiter scripta erat epistola Fabii, ut nihil posset melius.

Apellae] Liberto litterato, ut Tiro Ciceronis.

Duo nos] Pro, *duos*: vt Virgilius lib. 11. Aen. v. 285.

Si duopræterea tales Idæa tulisses

Terra viros. —

Bene malene ERN. *malene]* Sic vnus omnino vetus liber: reliqui, *bene, malene.* magis placet *ve,* quam *ne*: vt sit: *bene, vel male.*

Videro] Nondum statuo: mihi nunc incertum est. idem loquendi modus epist. 16.

Quidquid est, nostrum est] Siue bene, siue male loquimur, dissimiles aliorum sumus: nemo enim, præter duo nos, isto modo loquitur.

Vrge]. Perge isto modo, quantum potes.

Nec transuersum unguem, quod aiunt, a stilo] Subaudi, *discedas.* lib. 13. ad Attic. epist. 20. In omni vita sua quemque a recta conscientia transuersum unguem non oportet discedere. Et lib. 4. Acad. c. 18. Habeo regulam, vt talia visa vera iudicem, qualia falsa esse non possint, ab hac mihi non licet transuersum, vt aiunt, unguem discedere, ne confundam omnia. Plautus in Aul. Act. 1. Sc. 1. v. 17.

Istic adstato. si berce tu ex istoc loco

Digitum transuersum aut unguem latum excefferis.

Latum et transuersum idem est. Dicitur autem eodem sensu, *unguem, digitum, pedem non discedere,* pro minimum discedere. In hac epistola tribus adagijs vsus est Cicero, *rideamus γένετα exελόιον, manum de tabula, nec transuersum unguem, quod aiunt, a stilo.* quod in alia, vt opinor, non fecit.

Prouerbijs autem locus magis videtur esse, cum ad familiares familiariter scribimus. nam ad spectatos viros, in re præsertim graui, sententijs quidem prouerbiorum similibus, vt Homeri aliorumue poetarum versibus, sæpe vtitur Cicero: quæ vero prouerbia vere et plane sunt, ea non ita frequenter attingit, arbitratus fortasse Romanæ grauitatis non esse, prouerbia inculcare: cum Graeci, minus de grauitate laborantes, aliter sentiant. nam Demetrius, κέλλας, αἰτ, ἐπιτολῆς πικρὰς παροιμίας διότι ἀναισθητοὶς τὴν δὲν ἢ παροιμίαν, καὶ ποιῶν.

Dicendi opifex] Qui studet bene dicere, id agat prius, vt bene scribat. Stilus autem, quo scribebant veteres, lib. 1. de Orat. c. 33. laudatur his verbis: *Stilus optimus et præstantissimus dicendi effector ac magister: neque iniuria. nam si subitam et fortuitam orationem commentatio et cogitatio facile vincit; hanc ipsam profecto assidua ac diligens scriptura superabis.* Infra vero c. 60. *Stilus ille tuus, quem tu vere dixisti perfectiorem dicendi esse ac magistrum, multi sudoris est.* Et lib. 3. c. 49. *Hanc igitur, Crassus inquit, ad legem cum exercitatione, tuum stilo, qui et alia, et hoc maxime ornat ac limat, formanda vobis oratio est.*

Aliquantum iam etiam noctis assumo] Cum dicat, iam etiam, apparet epistolam scriptam esse in exitu aestatis, vel ineunte autumno, cum noctes incipiunt iam esse longiores. atque illud, *magister adest,* quod de Caesare dictum est, indicare videtur scriptam esse mense Sextili. nam lib. 13. ad Attic. epist. 47.

epist. 47. *Cæsar*, inquit, *adest*. antecedit. *Aliquid iam noctes te*
illam vero scriptam Sextili mense, adiunabunt, scripsit ad Sulpicium
cognoscitur ex ea, quæ proxima lib. 4. epist. 4.

EPISTOLAE XXVI.

ARGUMENTVM.

Scribit se in morbum incidisse, quia suauiter conditas herbas pa-
rum caute comedisset: sibi tamen iam esse melius, et mansurum in Tu-
sculo, quoad se reficiat. Scripta videtur epistola eo anno, quo P. Len-
tulus et Q. Metellus Nepos consulatum gessere. nam Lentuli filium,
cuius auguris cena hic nominatur, eo anno augurem creatum, erat.
pro Sextio c. 69. declarat his verbis: Video P. Lentulum, cuius ego pa-
trein, deum ac parentein statuo fortunæ ac nominis mei, et fratris, re-
rumque nostrarum, in hoc misero squalore et sordibus: cui superior
annus idem, et virilem patris, et praetextam, populi iudicio, togam
dedit.

EXPLANATIO.

Ex intestinis] Aluo profluente, dolor interdum fit in intestinis.
Mea opera] In forensibus caussis.
Probarem] Persuaderem.

Febrim] *Febrim, tussim, sitim* accusatio in *im* exire, cetera vero omnia in *em*, scripsit Plinius in libro de dubio sermone: si *Carisio* credimus. quod equidem miror. nam, hanc regulam non valere, exemplo *Virgili* adiunctionemur lib. 2. *Aen.* 4. 460. dicentis: *Turrim in praecipiti stantem, non turrem.*

Tuum officium] Ut me viseres.

Ab te requiri] Questus erat *Gallus*, *Ciceronem* officio defuisse, quod ipse ab eo expectasset.

Tum quod Epicurum] Non dubito, quin *quo*, rectius legatur, quam *quod*. Timet omnes morbos, sed eum maxime, quo laborantem *Epicurum* *Stoici* vituperabant, quia diceret angere se vesicae viscerumque doloribus. *Epicuri* verba lib. 2. de *Fin.* c. 30. recitantur ex eius epi-

stola ad *Idomeneum*. Tanti autem morbi aderant vesicae, et viscera, ut nihil ad eorum magnitudinem posset accedere. *Δυσουρία πᾶσι*, stranguriam Graeco verbo; *δυσουρία*, tormina Cicero vocat *Tusc.* 2. c. 19. de *Epicuro* loquens.

Sibi molesta esse] Cum ipsi dolorem non esse malum dicerent: quod si non malum, cur molestum? *Epicurus* tamen illa quidem sibi esse molesta, nec tamen vinci se dolore, aut succumbere dicebat. itaque deridens eum *Cicero* *Tusc.* 2. c. 19. *forticulum*, inquit, *se in torminibus; et in stranguria sua praebeat*. Et in eadem c. 7. *Epicurus* ea dicit, ut mihi quidem risus capere videatur. affirmat enim quodam loco, si vratur sapiens, si cruciatur: expectas fortasse, dum dicat, patietur, perferet, non succumbet. — In *Phalaridis* tauro si eris, dices, quam suave est hoc! quam hoc non curo! Ergo, se quidem sentire vim doloris, aiebat *Epicu.*

Epicurus, nec tamen succumbere, et ex memoria suorum institutorum consolationem capere. Cur igitur, dicet aliquis, enim dolori non succumbentem, Stoici male accipiebant? vel quia causas eorum morborum spectarent, vnius edacitatem, alterius etiam turpiorem intemperantiam: quo in vtroque culpa aegrotantis agnoscitur: vel quia ut queri quidem eum de magnitudine doloris oportere dicerent: siquidem index molestiae querela est.

Edacitatis] Quae *δυσεντερίαν* gignit.

Turpioris intemperantiae] Veneris immodicae, quamquam *δυσεντερίαν* medici ad aliam causam referant.

Pertinueram] Alui enim profluvium saepe exulceratio viscerum cum sanguine consequitur.

Loci mutatio] Tusc. 4. c. 35. *Loci mutatione, tamquam aegroti non convalescentes, saepe curandus est.*

Senescentis] Iam enim decem dies ex intestinis laborauerat. lib. 4. epist. 6. *Hoc tam graui vulneri, etiam illa, quae consenuisse videbantur, recrudescunt.*

Remissio] In Bruto c. 34. *Cum remiserant dolores pedum, non deerat in causis.*

Lex sumptuaria, quae videtur λήϊστα attulisse] Cum infra dicat: terra nata, quae lege excepta sunt: significare videtur Liciniam legem, de qua Gellius lib. 2. c. 24. haec scripsit: *Lex Licinia, cum certis diebus centenos aeris impendi permisset, nuptiis ducenos indulsit, ceterisque diebus statuit aeris tricenos; cum et carnis aridae,*

et salsamenti certa pondera in singulos dies constitueris; sed, quidquid esset natum e terra, vite, arboreque, promiscue atque indefinite largita est. Macrobius quoque lib. 2. Saturn. c. 13. eadem Licinia lege, quod ex terra, vite, arboreue natum esset, exceptum ostendit. Omnino post Liciniam et Sulla dictator sumptuariam legem, et, Sulla mortuo, aliam Lepidus consul tulit, ut iudem Gellius et Macrobius litteris mandarunt: sed in neutra nominari video terra nata. Cogitavi, num eadem sit lex, de qua lib. 9. epist. 15. *Domum si habeo, in denos dies, singulos sumptuariae legis dies conferam.* Et epist. ult. eiusdem libri: *Epulamur una non modo non contra legem, si vlla nunc lex est, sed etiam intra legem, et quidem aliquanto.* Sed opinari aliquis possit, diuersas esse leges, et hanc, ut dixi, Liciniam esse, illam vero Iuliam, a C. Caesare dictatore post bellum Africanum latam: de qua sic lib. 11. ad Attic. epist. 7. *Venisse a Caesare narrabat litteras; hoc scribere, sibi certum esse, Romae manere; causamque eam adscribere, quae erat in epistola nostra, ne se absente leges suae negligerentur, sicut esset neglecta sumptuaria.* Mihi tamen hoc argumentum non satis certum videtur. non enim ex iis verbis, a Caesare potius quam a quouis alio latam esse legem illam sumptuariam, licet conicere. Addo illud, quod Suetonius in Iulio c. 43. cum ait, *legem praecipue sumptuariam exercuit*, latorem eius legis Caesarem non ostendit, sed custodem et obseruatorem acerrimum. Nec vero eam legem praetermissuros fuisse Gellium et Macrobius, cum cete-

ras omnes sumptuarias nominarent, verisimile est. Obiici tamen potest Dionis testimonium: cuius haec sunt lib. 43. *Τὰ ἐπαλαίματα τῶν τι ἐχόντων, ἐπὶ πλείον ὡς ἑστίως ἐκφυμένα, ἢ ἐν νόμῳ μένει ἐμαρτυρεῖν, ἀλλὰ τῷ ἔργῳ ἰσχυρῶς ἐν φυλάκῃ ἐποιήσατο.* id est: *Sumptibus ditiorum, quos maxime luxus au- xerat, non solum in lege modum statuit, sed et etiam obseruari ve- hementer voluit.* Quod ego sic in- terpretor: Caesarem veterem le- gem correxisse, non ipsum novam tulisse: aut, si tulit, obseruatam esse usque ad Augustum dimittaxat; deinde exoleuisse, Augusto novam ferente, quam Gellius appellat: ideoque nec a Gellio, nec a Macro- bio nominatam. Esto: tulerit sumptuariam legem dictator Cae- sar; tamen haec esse non potest: siquidem scriptam esse hanc episto- lam aliquot annis ante civile bel- lum, perspicue demonstrat coopta- tio Lentuli in augurum collegium. est enim hic Lentulus Lentuli Spin- theris filius, qui consul alium crea- ri augurem voluit, ut ait Dio lib. 39. idem colligitur ex orationis pro Sextio extrema parte. Nec vero me illa verba quicquam mo- vent: *Neque iis, qui mea operavi volēbant, me probarem non vale.* Suam enim operam Cicero post ci- vile bellum in forensibus causis vel nemini, vel certe paucissimis praebuit. huc spectat illud lib. 4. epist. 3. *Tantum dicam, quod te spero approbaturum, me postea quam illi artē, cui studueram, ni- bil esse loci, neque in curia, neque in foro, viderim, omnem meam curam atque operam ad philoso- phiam contulisse.* Et epist. 6. eius- dem libri: *Nihil in foro agere li-*

bebat. Et lib. 9. epist. 18. *Subla- tis iudiciis, amisso regno forensi, ludum quasi habere coeperim.* Et in eadem paullo post: *ipse u. elior fio: primum valetudine, quam, in- termittis exercitationibus, amise- ram: deinde ipsa illa, si qua fuit in me, facultas orationis, nisi me ad has exercitationes retul- ssem, exaruisset.* Et epist. 20. eiusdem libri vitam suam ita describit, ut, nihil se temporis dare iudiciis et foro, non obscure significet. Prae- terea libri eius tam multi de phi- losophia post oppressum republi- cam scripti, satis indicare videntur, agendis eum causis impeditum non fuisse. Quod vero dictum est a me, fieri posse, ut paucis quibus- dam Cicero suam operam in foro nauauerit; ideo dictum, quia in epist. 24. video P. Sextium ab eo defensum esse. quod etiam lib. 13. ad Attic. epist. 44. scriptum est. nam Ligarii et Deiotari causam non in foro, sed intra priuatos parietes ad vnum Caesarem egit.

Αὐτότητα] Frugalitatem.

Ea mihi fraudi fuit] Ea, vide- tur abundare, nec tamen abundat. valet enim ad indicandum: ut lib. 13. epist. 28. *Illud, quod supra scripsi, id in me recipio.* Idem obseruauimus in Tusc. 1. et lib. 2. de Nat. deor.

Fraudi fuis] Non decepit me: sed, mihi nocuit. nam fraudem pro poena et damno veteres interdum vsurpabant, Vlpiano teste: quod Ciceronis etiam declaratur exem- plis. lib. 5. ad Attic. epist. vlt. *Fis gratia Bruti senatus consultum, ut neue Salaminis, neue qui eis de- disset, fraudi esset.* Et lib. 7. ad eundem epist. vlt. *Ego me ducem*
in.

in civili bello, quoad de pace ageretur, negari esse: non quin rectum esset; sed quia, quod multo rectius fuit, id mihi fraudem tulit. Et Phil. 5. c. 12. Censeo, ut iis, qui in exercitu Antonii sunt, ne sit ea res fraudi, si ante Kal. Febr. ab eo discesserint.

Terra nata] Vt herbas, fungos, similia. nam aues, pisces, quadrupes, terra ipsa non nascuntur, sed generantur.

Heluellas] Helera minuta: vt ait Festi mutilator Paulus.

Cena augurali] Augures, sacerdotium ineuntes, collegis cenam dabant lautam in primis atque opiparam. Varro lib. 3. de re rust. c. 6. Primus paucos augurali cena posuisse dicitur Q. Hortensius. Eadem adicialis cena vocabatur. nam Plinius lib. 10. c. 20. *paunem*, ait, *cibi gratia Romae primus occidit orator Hortensius adiciali cena sacerdotii.*

Apud Lentulum] Corneliae gentis patriciae, eius Lentuli filium, ad quem scribuntur epistolae lib. 1. is adoptione transiit in gentem Manliam, vt augur fieri posset. vetabat enim lex duos eiusdem gentis augures fieri. et erat eo tempore, cum auguratum petiit hic Lentulus, augur Faustus Cornelius, Sullae dictatoris filius. itaque facta legi fraus. est. Dio lib. 39.

Αἰδύβοα] Profluuium alui.

Muraenis] Murena duplex est, marina, et fluuiatilis: marina, sine pinnis, paruis branchiis, vt ait Theophrastus, serpens, nou natans, extra minutis distincta maculis, intra aristas valde obsita, ore, vt anguillae, in summo rostro, veterum expetita mensis: quod genus et C.

Caesar triumphalibus cenis dedit, vt ait Varro lib. 3. de re rust. c. 17. eumque secuti Plinius lib. 9. c. 55. et Macrobius lib. 2. Saturn. c. 11. et Cicero videtur hic murenam, vt suauissimum piscem, nominare. Fennestella etiam primum in mensa locum murenis tribuit. *Tripatinum*, inquit, *appellabatur summa cenarum lautitia. una erat murenarum, altera luporum, tertia myxonis.* Nobis molestiam affert aristarum multitudo: veteres autem calebant aristae detrahendi: quod vocabant *exossare*. vnde Plautus in Amphitr. Act. 1. Sc. 1. v. 163.

Mirum ni hic me quasi murenam exossare cogitat.

Arcessiebantur ad Romanas piscinas ab usque freto Sicilo, quod ibi essent omnium optima. Graece *κλωτα*, Latine *stutae* appellatae; quod in summo supernantes, vt ait Macrobius, torrefactae sole, curvare se et in aquam mergere non possent. recitat idem Macrobius ex libro Varronis, qui inscribitur Galus, qui hodie non existat, haec verba: *in Sicilia quoque manu capi murenas stutas, quod hae in summa aqua prae pinguitudine fluitent.* Exeunt interdum in siccum, vt tuto fetus edant: coire eas cum viperis, vulgo creditum est: sed Aristoteles, et Andreas, ab Athenaeo nominatus, hanc opinionem confutarunt. Fluuiatilem a marina Dorion apud Athenaeum distinguit: ait enim, vnam dumtaxat ei spinam esse. quo signo, et praeterea versibus Ausonii infra scriptis Edyl. 9. 106. seqq. adducor, vt eam existimem esse, quae *lampreda* dicitur, *muslela* etiam a veteribus nuncupata.

Quae.

*Quaeque per Illyricum, per
stagna binominis Istri,
Spumarum indicis caperis, mu-
stela natantum,*

*In nostrum subnecta fretum; ne
lata Mosellae*

*Flumina tam celebri defrauda-
rentur alumno.*

*Quis te naturae pinxit color?
atra superne*

*Puncta notant tergum, quae lu-
tea circum Iris,*

*Lubrica caeruleus perducit ter-
gora fucus.*

*Corporis ad medium partim pin-
guis: at illinc*

*Vsque sub extremam squalet cu-
tis arida caudam.*

Fluviatilium duo genera, vnum,
quod e mari subit flumina: quo de
genere loquitur Ausonius. atque
hae quidem maiores lampredae
sunt: quas nonnulli myrium atrum

existimarunt. est enim et subrufus,
suauitate inferior. Alterum genus
in fluminibus et nascitur, et degit.
quod autem de fluuiatilibus, idem
de lacustribus, dico. eadem enim
sunt, his notis a marinis murenis
diuersae, primum, quod latas ha-
bent maculas in atro tergo, os in-
fra rostrum, pinnas, et branchias,
has quidem septenis foraminibus
inclusas, illas non ab utroque la-
tere, quibus ut remis alii pisces
vtuntur, sed in extremo dorso:
itaque nec serpunt, ut marinae,
quia pinnas habent; nec natant,
ut reliqui pisces, quia non habent
eas in lateribus, sed feruntur, et
corporis impetu, et nonnihil tamen
pinnis adiuantibus.

Vidit] Ante quam Cicero in
Tusculanum iret.

Naufragantem] Ob cruditatem ex
beta et malua.

EPISTOLAE XXVII.

ARGUMENTVM.

*Inique Gallus Ciceronem litteris acceusauerat. vicissim igitur eum
Cicero repungit. Incertus est huius epistolae annus. id tantum constat,
scriptam esse Caesare dominante. quod illa verba demonstrant: et ais,
fore, ut te Caesar restituat. Quod si Gallus hic est P. Sextius, ut in-
fra iudicabitur: scripta videri potest vel quo anno Caesar occisus est,
vel anno superiore.*

EXPLANATIO.

Gallo] Alii credunt, hunc esse Q.
Fabium Sangam, qui de con-
iuratione Catilinae, quae ab Allo-
brogibus acceperat, ad Ciceronem
detulit. ego illi cognomen Gallo
fuisse non arbitror. itaque liben-
tius crediderim, hunc esse P. Sex-
tium, pro quo exstat oratio, cui
cognomen fuerit Gallo: fuisse enim
hoc Sextiae gentis cognomen, ip-

telligitur ex orat. pro Milone c. 31,
vbi ita scriptum est: *Ante ipsum
sacrarium Bonae dene, quod est in
fundo T. Sextii Galli* Tribunatum
autem plebis et petiisse Sextium
Ciceronis restituendi causa, et pro-
eius salute gessisse, ex ipsius Cice-
ronis oratione notissimum est. quod
item de Fabio Sanga dici non pot-
est. neque enim is, quo tempore

Cicero exsulauit, tribunus fuit. quod facile cognoscitur ex oratione post reditum, in senatu habita: in qua c. 8. nominantur octo tribuni plebis, quorum studio atque opera Cicero sit in patriam restitutus, T. Milo, P. Sextius, C. Sextilius, M. Cispus, T. Fadius, M. Curtius, C. Mescinius, Q. Fabricius; nulla Q. Fabii Sangaie mentio fit. Addo illud, et hunc exsulasse Gallum, quod illa verba declarant, *ais, fore, ut te Caesar restituat*; et P. Sextium, quem opinor eundem esse cum Gallo. accusatum enim video epist. 24. et lib. 13. ad Attic. epist. 49. damnatum autem conicio ex lib. 14. ad eundem. epist. 1. Iam vero illa verba: *ut isto ipso in genere, in quo aliquid posse vis, te nihil esse cognosceres*: optime in Sextium conueniunt, qui salibus delectabatur. nam epist. 32. *Ais enim, ut ego discesserim, omnia omnium dicta, in his etiam Sextiana, in me conferri*. Quod verbo infra dicitur, *si falsa fuerunt, quae tu ad me detulisti*: quis non putet significari ea, quae Sextius, C. Antonii consulis quaestor, ad Ciceroneum consulem de ipso Antonio, consule suo, detulit? sic enim in orat. pro eodem Sextio habita c. 3. *Quaestor hic C. Antonii, collegae mei, iudices, fuit sorte, sed societate consiliorum, meus*. Impedior nonnullius officii, ut ego interpretor, religione, quo minus exponam, quam multa ad me detulerit, quanto ante prouiderit.

Non liceat] Non enim habes, cur me accuses.

Non debebas] Propter amicitiam.

Ego enim te in consulatu obseruaram] Verba ex epistola Galli.

Obseruare, minus est, quam *colere*. Phil. 2. c. 20. *Cultus sum a te, tu a me obseruatus in petitione quaesturae*. Est autem *obseruare*, cum ad aliquem honoris officiiue causa saepe accedimus. quod et locus indicat ex Phil. 2. proxime recitatus, et illud lib. 1. ad Attic. epist. 1. *Obseruat L. Domitium maxime*. Obseruamus et animo: ut cum dicimus, *mea in te beneuolentia et obseruantia*.

Restituat] Ab exilio.

Mea causa petisse] Ut restitueres me. quod Sextius in tribunatu maxime curauit. vide orationem pro ipso.

Intercessorem non quaereres] Me non rogares, ut pro te apud Caesarem intercederem. tribunorum enim intercessio est. Iocatur Cicero in ambiguo verbo: quae dicitur *quaruvis*.

Negas, me audere, quod sentiam, dicere] Contigit hoc Caesare dominante. lib. 4. epist. 9. *Dicere fortasse, quae sentias, non licet*.

Me rogares] Per litteras. lib. 14. ad Attic. epist. 1. *Cum Sextii rogatu apud eum fuisset*. Quibus ex locis exsulasse Sextium constat. rogauit enim Sextius absens Ciceroneum, ut de suo reditu Caesari supplicaret.

Parum fortiter] Ex hoc intelligitur, Gallo primum roganti Ciceronem negasse.

Isto ipso in genere] In acutis dictis.

Purgassem] Excusationem attulissem, cur de tuo reditu cum Caesare non egissem.

Quae fecisti] In tribunatu, de meo reditu.

Quae

Quae scripſisti] Quae exprobraſti.

Liberi ſunt] Catilinae coniuratione patefacta atque oppreſſa.

Tibi liberum non viſum] Negas

enim me audere, quod ſentiam, libere dicere.

Detuliſſi] De C. Antonii conſulis tui conſiliis.

Quid mihi populus Romanus debeat] A me ſeruatus.

EPISTOLAE XXVIII.

ARGUMENTUM.

Probat conſilium Curii, qui, republica deſperata, in Graeciam ſcontulerit: et adiungit, ſe totum, poſtea quam libertatem amiſſam viderit, litteris et ſcriptioni tradidiſſe. Scripta Caefare dominante anno tamen incerto.

EXPLANATIO.

Curio] Hic eſt ille Curius, qui nominatur lib. 13. epiſt. 17. et 50. et lib. 16. epiſt. 4. 5. 9. 14. et ad Attic. lib. 7. epiſt. 2. 3. et lib. 8. epiſt. 5. 6.

Memini, cum ERN. quod mihi deſipere videbare] Cum in vndeſcim ſcriptis libris videam eſſe, quod non eam, ut eſt in impreſſis; teſtimonium antiquitatis contemnendum non putaui; et quod repoſui, deleui eam. Porro, quia mutationis fortaiſſe cauſam attulit inſcientia Latinae linguae; cum inuſitatum videretur, memini, quod videbare: non patiar hunc loquendi modum poſthac, quaſi barbarum et fordidum, reiici; et afferam illa, quae tum apud ipſum Cicero- nem, tum apud alios, Romani ſermonis obſervatione, collegi. ac primum a noſtro Cicero- ne ordiamur. Lib. 13. epiſt. 40. Si vlla mea apud te commendatio valuit; quod ſcio multas plurimum valuiſſe; haec ut valeat, rogo. Et lib. 9. ad Attic. epiſt. vlt. Aliquando ſententiam, ut nihil novi, niſi id, quod minimum vellem ſpiratum

reliquum eſſe. Lib. 10. ad eundem epiſt. 4. Cum ſcripſiſſet, quod me cuperet ad urbem venire. Lib. 1. de Leg. c. 11. Quibus ex rebus cum omne genus hominum ſciatum inter ſe eſſe intelligatur, illud extremum eſt, quod recte viuendi ratio meliores efficit. Lib. 1. de Offic. c. 12. Equidem illud etiam animaduerto, quod, qui proprio nomine perduellis eſſet, is hoſtis vocaretur. Lib. 2. c. 20. Videndum illud eſt, quod ſi opulentum, fortunatumque defenderis, in illo uno, aut forte in liberis eius manet gratia. Et Coelius lib. 8. epiſt. 6. Illud mihi occurrit, quod, inter poſtulationem et nominis delationem, vxor a D. Labella diſceſſit. Praeterea Varro lib. 1. de re ruſt. c. 7. Cato, gratias praeponens, alium alio agrum meliorem dicit eſſe: et quod ſit primus, ubi vineae poſſunt eſſe bono vino, et multo; ſecundus, ubi hortus irriguus. Et lib. 2. c. 10. Facile eſt, quod habeant conſeruam in villa. Liuius autem lib. 42. c. 33. P. Licinius conſul ſenatus conſultum recitari iuſſit. Primum, quod bellum ſenatus

senatus Perseo iussisset: deinde, quod veteres centuriones quam plurimum ad id bellum scribi censuisset. Idem lib. 45. c. 41. Quamquam et quam feliciter rempublicam administrauerim, et quod duo fulmina domum meam per hos dies perculerint, non ignorare vos, Quirites, arbitror. Suetonius in Tito c. 8. *Recordatus quondam super aenam, quod nihil cuiquam toto die praestitisset.* Omnium autem antiquissimi, Plantus, et Cato Censorius, ille in Asin. Act. I. Sc. I. v. 70. inquit:

Equidem scio iam, filius quod amet meus.

Et in Trin. Act. 2. Sc. 4.

Minus quindecim dies sunt, quod pro hisce uerbis

Minus quadraginta accepisti a Callicle.

Cato autem in epistola ad Marcum filium, quam Plinius lib. 29. c. 1. recitat: *Dicam, inquit, de istis Graecis suo loco, Marce fili, quid Athenis exquisitum habeam, et quod bonum sit, eorum litteras inspicere, non perdiscere.*

Cum istis] Cum Graecis. Patris enim Curius negotiabatur: ut infra, et lib. 13. epist. 17. et alibi.

Cum quidem haec urbs] Τηροπόλις, ex indignatione orta et dolore libertatis amissae. nam ciuitas quidem, corruptis moribus, et statu reipublicae mutato, definit esse, quae fuit: urbs tamen eadem remanet. Hinc apparet, ipsa de ciuitate quid Cicero sentiat: cum in urbem quoque, sensu carentem, inuehatur.

Nedum Patrae] Nisi vis, quae latet in singulis verbis, perfecte cognoscatur, tota profecto frigebit

elocutio. quare, si nonnulla, quae videri possunt humiliora, prosequimur, aequus lector ignoscere debebit.

Nedum, hanc vim habet, ut neget semper, numquam affirmet. non enim dixeris: *diligo familiares omnes tuos, nedum te:* quod esset affirmantis. nam hoc diceretur: non solum te, sed familiares etiam tuos omnes diligo. Proprie vero sic: *is ne propinquos quidem suos amat, nedum te.* Huc spectant omnia Ciceronis exempla: quorum duo tantum, praeter hoc ad Curium, quod satis patet; afferemus. Orat. 2. in Rullum c. 35. *Singularis homo, priuatus, nisi magna sapientia praeditus, vix facile sese regionibus officii, magni in fortunis et copiis, continet: nedum isti, ab Rullo et Rulli simulibus conquistati atque electi coloni, Capuae, in domicilio superbigae, atque in sedibus luxuriae collocati, non statim conquisturi sint aliquid sceleris et flagitii.* Pro domo c. 54. *Tamen in scelere religio non valeret; nedum valeat id, quod etc.* Audiamus Terentium in Heaut. Act. 3. Sc. 1. v. 43.

— *Satrapes si fuit*

Amator, numquam sufferre eius suntus queat,

Nedum tu possit. —

Nec aliter Sallustius in bell. Cat. c. 11. *Secundae res sapientium animos fatigant: nedum illi, corruptis moribus, victoriae temperarent.* Vnum videtur opponi posse Ciceronis exemplum lib. 10. ad Attic. epist. 16. *Tu, quoniam quartana cares, et nedum morbum remouisti, sed etiam grauedineni, te vegetum nobis in Graecia sis.* Sed hic locus aliter legitur in antiquis libris: itaque,

itaque, si quis eius utatur testimonio, parum probabit. Legitur autem hoc modo: *In, quoniam quartana cares, et nouum morbum remouisti.* Quod ipsum carere mendo, non equidem affirmari: sed id, quod nunc agitur, affirmo, *nec dum*, in illo non uidisse me uetere libro.

Vidisse multum.] Si consilio haec potius, quam casu, reliquisti. Vide in extrema epistola, et epist. 30.

Prope desperatis his rebus.] Appropinquante se civili bello.

Sapiens.] Propter consilium. non enim redire vis.

Beatus.] Qui multis rebus, quibus nos caremus, tranquillo animo fruire.

Cui licebat.] Tibi licebat hinc abire: nobis idem non licet.

Vbi nec Pelopidarum.] *Pelopidas* vocat malos ciues, qui rempublicam armis oppresserant. Subiungit autem, *nosti cetera*: quia non est integer poetae locus. verba omnia ponuntur epist. 30. *Quin*, inquit, *hinc ipse euolare cupio, et aliquo peruenire, vbi nec Pelopidarum nomen, nec facta audiam.* et lib. 15. ad Attic. epist. 11. *Est ne antea quidem dubitavi, tamen nunc eo minus, euolare hinc, idque quamprimum; vbi nec Pelopidarum facta, neque famam audiam.* Nec dubito, quin huc respexerit, cum dixit Phil. 13. c. 21. *Moueri sedibus suis huic urbi melius est, atque alias, si fieri possit, terras demigrare, unde Antoniorum nec facta, nec nomen audiat, quam illos, Caesaris virtute electos, Bruti reuertos, intra haec moenia videre.*

Idem consequimur.] Abdo enim me in bibliothecam; ne Pello-

pidarum nomen, aut facta audiam.

Salutationi amicorum.] Salutandis amicis, mane videlicet: nam lib. 9. epist. 20. *Haec est nunc vita nostra. Mane salutamus domi et bonos viros multos, sed tristes, et hos laetos viatores: qui me quidem perofficiose et peramanter observant. Vbi salutatio defluxit, litteris me inuoluo, aut scribo, aut lego.*

Quasi auem albam.] Quasi novum quiddam. proverbium ex eo natum, quia rarae aues albae.

Abdo me in bibliothecam.] *Litteris me inuoluo*, dixit lib. 9. epist. 20.

Opera officio tanta.] Ne quis ex hoc loco putet, scripta alicuius quae dicuntur, eadem opera dici posse. nam, *opus* generale nomen est earum rerum, quae post operam et industriam remanent. lib. 16. epist. 18. *An pangis aliquid Sophocleum? fac opus appareat.* Et lib. 2. ad Attic. epist. 4. *Curabo, ut huius peregrinationis aliquod tibi opus exstet.*

Senties.] Iudicabis.

Ex meis libris.] Cum diceres, non eum me esse, qui viderer in meis libris.

Tum.] Ante bellum civile, sed republica iam desperata.

Non solum suis erga me, sed etiam meis erga se.] Alii, hunc locum esse nuncum in omnibus, quos ipsi viderint, paullo antiquioribus libris, affirmarunt. nos integrum videmus esse in omnibus, quos habemus.

Dies.] Lib. 4. epist. 5. *Nullus dolor est, quem non longinquitas temporis minuatur ac molliat.* et lib. 5. epist. 16. *Quod allatura est ipsa diuina.*

*diuturnitas, quae maximos luctus
vestustate tollit.*

Rem communem] Rempubicam.
Sisenna hist. lib. 4. *Quondam Sa-
bini feruntur vouisse, si res commu-
nis melioribus locis consisteret, se
ver sacrum facturos.*

Nunc quidem] Quomodo res
habet, vt nunc quidem est.

In eo] In Caesare.

In cuius potestate omnia sunt]
Hoc varie dixit lib. 4. epist. 7. 8.
9. 13.

Id ipsum] Vt in eius potestate
essent omnia.

Nostra culpa] Lib. 9. epist. 6.
Haec in voluntate fuerunt.

Ad prima redeo] Ad primam
epistolae partem: in qua dixit, cum

et vidisse multum, cum in Grae-
ciam se contulit; et beatum esse,
qui abesset, non modo sapientem.
quam sententiam iterauit sequenti-
bus verbis: *Sapienter haec reli-
quisti, si consilio: feliciter, si casu.*
lib. 1. ad Attic. epist. 12. *Vt ad
prima illa redeam.*

Feliciter, si casu] Si non ideo
discessisti, quod haec putares euen-
tura. *Casus et consilium* opponun-
tur, lib. 5. epist. 2. *Huius ego teme-
rizati si virtute atque animo non
resistissem: quis esset, qui me in
consulatu non casu potius existi-
maret, quam consilio fortem
fuisse?* Potest igitur felicitas esse
in aliqua re sine consilio, in omni
re non potest.

EPISTOLAE XXIX.

ARGVMENTVM.

*Mentariam declarat accepti a Cicerone beneficii, et commenda-
ticias ab eo litteras petiit ad Sulpicii successorem. Scriptae anno, quo
primum Caesar quartum consul fuit sine collega, deinde Q. Fabius
cum C. Trebonio, ut patet ex epistola sequenti.*

EXPLANATIO.

*Sum enim xēxēxi adu tuus, xēxēxi
ad Attici nostri*] Vsu quidem
tuus, possessione autem Attici. Ean-
dem sententiam lepide expressit
Lucretius lib. 3. v. 984.

*Vitaque mancipio nulli datur,
omnibus usu.*

Mancipium] Possessio ipsa, et,
vt ita loquar, ius dominii.

*Quod quidem si inter senes co-
emptionales venale proseripserit*]
Non opinor hoc dici: si me Atti-
cus, mancipium suum, venale pro-
scripserit inter senes, qui coemant;
sed, inter senes, qui coemptiones

faciant. aliud est enim *coemere*,
aliud *coemptionem facere*. *coemere*
notam habet significationem: *co-
emptionem facere*, est, cum mulier
in manum viri conuenit sollempni
quadam stipulatione, qua se inui-
cem coemebant. quo facto, sibi in-
vicem succedebant: vt etiam dome-
stica sacra mulierum tamen, non
virosum, interirent, non enim vir
in mulieris potestatem, sed mulier
in potestatem viri coemptionis iu-
re transit: itaque amittit paterna
sacra. qua de re iurisconsultos Ci-
cero exagitat in orat. pro Murena
c. 12. *Mulieres*, inquit, *omnes*,
propter

propter infirmitatem consilii maiores in tutorum potestate esse, voluerunt: hi immenerunt genera tutorum, quae potestate mulierum continerentur. Sacra interire illi noluerunt: horum ingenio fines ad coemptiones faciendas, interiuendorum sacrorum causa, reperti sunt. In omni denique iure civili aequitatem reliquerunt, verba ipsa tenuerunt: ut, quia in alicuius libris, exempli causa, id nomen invenerant, putarunt, omnes mulieres, quae coemptionem facerent, Caius vocari. Quod si quis roget, quinam sint hi senes, quos ait Cicero, coemptionum faciendarum causa, iurisconsultorum ingenio repositos: dicam esse tutores illos, quibus patres familias eam potestatem testamento reliquerunt, ut filiae suae, cum nubarent, coemptionem sine eorum auctoritate facere non possint. id colligere licet ex orat. pro Flacco, in qua c. 34. sunt haec. In manus, inquit, conuenerat. Nunc audio. sed quaero, usum an coemptione? usum non potuit. nihil enim potest de tutela legitima sine omnium tutorum auctoritate diminui. coemptione? omnibus ergo auctoribus. in quibus certe Flaccum fuisse non dices. Ad hoc spectat illud, quod lib. 1. de Orat. c. 56. scriptum est: Nam neque illud est mirandum, qui, quibus verbis coemptio fiat, nesciat, eundem eius mulieris, quae coemptionem fecerit, causam posse defendere. In eam igitur coemptionem, tutorum omnium, ut ostendimus iam, consensu et auctoritate fieri solitam, iocari Curius voluit, cum de se, tanquam mancipio, vendendo loqueretur, ad verbum autem potius, quam ad sententiam, respexit. nam reuera

coemptio illa, a mulieribus facta, nihil ad coemptionem mancipiorum attinebat. Linius lib. 3. c. 72. *Scaptio ne hoc coemptionali seni assignaturos putarent finitimos populos?*

Egerit non multum] Lucri parum fecerit: in quo se ipsum Curius modeste extenuat; quasi vilis et contemnenda sit Attici possessio, fructus autem Ciceronis magni pretii: subiungit enim, *at illa nostra praedicatio quanti est?*

Quod simus, quod habeamus, quod homines existimemus, id omne abs te habere] Simile illud Planci lib. 10. epist. 24. *Quod vivit Antonius hodie, quod Lepidus una est, quod exercitus habent non contemnendos, quod sperant, quod audent; omne Caesari acceptum referre possunt.* Et illud Ciceronis lib. 1. ad Attic. epist. 14. *Se, quod esset senator, quod civis, quod liber, quod viveret, mihi acceptum referre. Nec dissimile illud Phil. 2. c. 5. Frequentissimo senatui sic placuit, ut esset nemo, qui mihi non, ut parenti gratias ageret: qui non mihi vitam suam, liberos, fortunas, rempublicam referret acceptam.*

Sulpicii successor] Acilio. quod e sequenti epistola cognoscitur.

De meliore nota] Diligentissime, translatio a doliis, quibus diuersae inurantur notae, ut internoscantur vina, Eodem modo Catullus ad Manlium carm. 67. v. 27.

Quare, quod scribis Veronae turpe Catullo

Esse, quod hic quisquis de meliore nota

Frigida deserto sepefecit menbra cubili.

Tuis praeceptis] Hae epistola Curius non respondet superiori Ciceronis epistolae: in qua praeceptum nullum est eiusmodi, ut ad urbem Curius redeat sed potius, ut Patris maneat. Praeceptis igitur aliarum litterarum, quas ad eum Cicero scripserat ante bellum civile. nam postea, mutatis temporibus, sententiam mutauit. unde illud in epistola proxima: *Memini, quod mihi desipere videbare, quod cum istis potius viueres, quam nobiscum.*

Nostra] Fortunas nostras. Patris enim negotiabatur. lib. 13. epist. 17. et 50.

Refigere ERN. *Defigere]* Aliquot enim annos vixerat Patris, et

ibi suas res ita constituerat, ut finae viderentur.

Tuto] Concedente Sulpicio proconsole.

Duo ERN. Duos parietes de eadem fidelia dealbare] Putabat Atticus Curium esse omnino suum, et fructu, et inancipio. haec epistola aliter ostendit, venditat enim se Ciceroni Curius, et videtur duorum simul esse velle, usu quidem Ciceronis, mancipio autem Attici. Adagium est a fabris natum, duos vel plures etiam vnica fidelia parietes dealbantibus.

Tironemque meum] Patris aegrum Tironem Curius familiariter cognouerat. lib. 16. epist. 5. 6. 7. et lib. 7. ad Attic. epist. 2. 3.

EPISTOLAE XXX.

A R G V M E N T V M.

Improbat ea, quae Caesaris ex voluntate fiunt, contra leges, moremque maiorum: suam ab urbe discedendi cupiditatem significat: *Caninium, Q. Fabio prid. Kal. Ian. mortuo, consullem in eius locum esse surrogatum, ut in magistratu esset usque ad Kal. Ian. Addit de litteris commendatitiis ad Acilium, Sulpicii successorem, scriptis. Caesare V. et M. Antonio coff. quo anno idibus Mart. Caesar est interfectus.*

EXPLANATIO.

Ego vero] Initio epistolarum, vero, secundo loco positum, vel negationem demonstrat, ut hic, vel assensum. ut lib. 4. epist. 6. lib. 9. epist. 5. lib. 16. epist. 10. 23.

Iam te nec hortor] Ut hortabar antea. Respondet ad eam partem epistolae Curii, in qua scripserat, quo facilius tuis praeceptis obtemperare possimus, teque ad ver lubentes videre.

Nec Pelopidarum nomen, nec facta audiam] Senarius ex vetere poeta cum aliqua varietate lib. 15.

ad Attic. epist. 11. sic pronunciat: *Nec Pelopidarum facta, neque famam audiam.* Ad hunc versiculum spectauit in illa sententia in Antonium, Phil. 13. c. 21. *Moueri sedibus suis huic urbi melius est, atque alias, si fieri possit, terras demigrare, unde Antoniorum nec facta, nec nomen audiat, quam illos, Caesaris virtute electos, Bruti resertos, intra haec moenia videre.*

Audire tolerabilius est, quam videre] Lib. 6. epist. 1. *Oculi augent*

gens dolorem; qui ea, quae ceteri audiunt, intueri coguntur, nec auertere a miseris cogitationem sinunt.

In campo] Martio, ubi comitia habebantur.

Hora secunda] Scire oportet, dierum plura genera fuisse, vel ab exortu solis ad exortum, ut Babylonis; vel ab occasu ad occasum, ut Atheniensibus; vel a meridie ad meridiem, ut Umbris; vel a luce ad tenebras, ut vulgo; vel a media nocte ad mediam, ut Aegyptiis et Romanis: quem Plinius, Gellius, Macrobius civilem diem vocant. Hic dies, lucem tenebrasque complexus, XXIV. horarum fuit, sic, ut lucem duodenae semper, totidemque noctem horae iutirentur, diurnae circa solstitium longissimae, nocturnae brevissimae, contra vero circa brumam. Erat igitur initium civilis diei, post mediam noctem: quod quamquam luce caret, *mane* tamen Cicero per iocum appellat, a similitudine vulgaris diei, cuius initium *mane* dicitur. *Consulem*, ait infra, *hora septima renunciavit, qui usque ad Kal. Ian. esset: quae erant futurae mane postridie.* Et Virgilius lib. 5. Aen. v. 738.

— *Torquet medios nox humida cursus:*

Et me saevius equis Oriens afflavit anhelis.

Aliud igitur erat, dies nominare, ut Kalendas, nonas, idus: aliud, horas, ut primam, secundam, tertiam. qui diem nominabat, spatium illud horarum XXIV. quod a media nocte ad mediam proximam est, totum complectebatur: qui horam, non a media nocte, id est ab

initio civilis diei, numerabat, sed ab ortu solis, unde vulgaris dies incipit, et occasu desinit. quod spatium fuit, ut diximus, duodecim horarum, quacumque anni parte. inde licet intelligere, cum dicitur *hora secunda*, non eam horam significari, quae post mediam noctem, sed eam, quae post solis ortum secunda est. ea vero si ad horarum nostrarum consuetudinem referatur, quae pridie Kal. Ian. quindecim fere sunt ab oriente sole ad occidentem, incidit in horae tertiae dimidium. nam, ut hora secunda sextam partem notat duodecim veterum horarum: sic tertiae dimidium sexta pars est nostrarum quindecim. eadem ratione, quae septima a Cicerone nominatur, nobis incipit ab octavae dimidio, desinit in tertiae nonae parte. Sic Martialis lib. 4. epigr. 8. cum dixit,

*Imperat exstructos frangere nona-
tores;*

ea veteres hora cenare solitos demonstrat, quae post ortum solis nona, ante occasum quarta esset, aestate pariter et hieme. inde fluxit ante cenam prandendi mos, post cenam comissandi: ut cibus tamen in prandio levis et facilis caperetur: quod Plinii iunioris ad Marcum epistola lib. 3. 5. testatur; comissatio autem honesta parum haberetur.

Comitiis quae storiis] Ut quaestores anni sequentis crearentur, comitia, Quintili mense fieri solita, in mensem Decembrem ideo protracta erant, quia Caesar abfuerat, Hispaniensi bello impeditus: post reditum autem triumphare prius voluit, quam haberet comitia. Ex hoc loco, nisi fallor, licet intelli-

gere, postrema omnium comitiorum quaestoria fuisse. quae enim supersunt, cum haec ultimo anni die habeantur?

Instituti] A Caesare, cum iam consularia habuisset, quibus ipse, et M. Antonius designati consules erant.

Q. Maxim] Q. Fabii consulis: quem Suetonius in Iulio c. 80. *trimestrem consulem* vocat: quia Caesar, ex Hispania reuersus, abdicavit, eumque cum Trebonio consulem suffecit. Plutarchus in Caesare, et Tacitus lib. 3. Hist. c. 37.

Illi] Qui erant in campo.

Dicebant] Cum illum putarent viuere.

Posita esset] Vt interesset comitiis.

Ille autem] Caesar consul, collega Q. Maximii, qui tunc mortuus est. habebat autem ideo Caesar comitia, quia consul priore loco creatus erat. quod quia Ciceroni quoque contigerat, ut ipse gloriatur in orat. contra Pisonem c. 1. propterea consularia comitia habuit, quibus Murenam consulem renunciavit. quod oratio pro ipso Murena habita c. 1. declarat.

Comitiis tribuit] Creabantur comitiis tributis minores magistratus, aedilis plebis, quaestor, tribunus plebis, aedilis curulis; centuriatis autem maiores, praetor, consul, censor. utraque a consule haberi solita, et locus hic, et lib. 4. ad Attic. epist. 3. declarat.

Auspicatus] Quando auspicatus, si hora secunda instituit comitia? ante lucem scilicet: nam post mediam noctem auspicari licebat: ex orto autem sole id agebant, super quo auspicati erant: auspicatique

esse, et egisse eodem die dicebantur. Hunc ego morem iam ex Gellio et Macrobio cognoueram: sed accessit postea Plinii iunioris testimonium lib. 3. epist. 5. in qua scripsit haec de aumculo suo: *Lucubrare Vulcanalibus incipiebat, non auspicandi causa, sed studendi, statim a nocte multa: hieme vero, hora septima, vel cum tardissime, octava, saepe sexta.* Iam, Metellus Nepos consul, aedilitia comitia habiturus, in campum ante solis ortum veniebat, ut auspicaretur primum, deinde, orto sole, comitia haberet. lib. 4. ad Attic. epist. 3.

Centuriata] Vt in locum Fabii consulem sufficeret in paucas horas.

Consulem] C. Caninium Rebilum, qui Caesaris legatus bello Gallico fuerat.

Hora septima] Post exortum solem.

Renunciavit] Qui consul comitia habebat, sequentis anni consules renunciabat. pro Murena c. 1. *Quae deprecatus a diis immortalibus sum, iudices, more institutoque maiorum, illo die, quo auspicato, comitiis centuriatis, L. Murenam consulem renunciaui.*

Neminem prandisse] Consul enim renunciatus est hora septima, id est, post horam prandii: quod a cena non minus tribus horis distabat.

Somnum non videris] Posteriores enim sex horae noctis, habitae ciuilibus diei ratione, pertinent ad Kal. Ian. id est, ad sequentis anni consules: priores vero, quae pertinent ad pridie Kal. qui consulatus ultimus dies est, insomnes ab occupato praesertim consule ducuntur. itaque perbelle Cicero, iocum quaerens,

rens, breuitatem consulatus ad vigilantiae laudem conuertit. vide Macrobiū lib. 2. Saturn. c. 3. Plutarchum in Caesare, Dionem lib. 43. Tacitum lib. 3. Hist. c. 37.

Philosophiae portum] A quo qui absumt, iactari eos assidue rerum humanarum fluctibus necesse est.

Mancipio et nexu] Hic locus Boetii verbis explanabitur: qui cum illud in Topicis Ciceronis c. 5. interpretaretur: *Abalienatio est eius rei, quae, mancipi est, aut traditio alteri nexu, aut in iure cessio, inter quos ea iure civili fieri possunt*; haec subiunxit: Omnes res, quae abalienari possunt, id est a nostra ad alterius dominium transire, mancipi dicuntur. Mancipi vero res veteres appellabant, quae ita abalienabantur, ut ea abalienatio per quandam nexus sollempnitatem fieret. Nexus vero est quaedam iuris sollempnitas, quae fiebat eo modo, quo in Institutionibus Caius exponit: cuius haec verba sunt: Mancipatio est imaginaria quaedam venditio; quod ipsum ius proprium Romanorum est ciuium: eaque res ita agitur. adhibitis non minus, quam quinque testibus, Romanis ciuibus, puberibus, et praeterea alio eiusdem condictionis, qui libram aeneam teneat, qui appellatur libripens, is, qui mancipio accipit, aes tenens ita dicit: HVNC EGO HOMINEM EX IVRE QVIRITIVM MEVM ESSE AIO: ISQVE MIHI EMPTVS EST HOC AERE, AENEAQVE LIBRA. deinde aere percutis libram, indeque aes dat ei, a quo mancipio accipis, quasi pretii loco. quaecumque igitur res lege XII. tabularum aliter, nisi per hanc sol-

lemnitatem, abalienari non poterat. Plura Sigonius in Ciue Romano lib. 1. c. 11.

Acilius] Hic est Sulpicii successor, cui commendari Curius optabat. epist. 29.

In Graeciam] Cui praefuerat Sulpicius. Lib. 6. epist. 6. Cassium sibi legauit: Bruium Galliae praefecit: Sulpiciū Graeciae. Alibi prouinciam Sulpicii Cicero vocat Achaia, ut lib. 4. epist. 4. lib. 13. epist. 26. 28.

Cum legionibus] Non enim omnes in prouincias ibant cum legionibus.

Maximo meo beneficio est] Maximum a me beneficium habet: ut cum dicitur, summo ingenio est et lib. 3. ad Q. Fr. epist. 3. Cicero tuus nosterque summo studio est Paeonii sui rhetoris. Quae si quis diuersa iudicat, accipiat est, pro, vinit. locum certe simillimum, qui hunc maxime confirmat, ostendimus. nam Phil. 8. c. 6. ita dixit Cicero: Negat se illi amicū esse debere: cum suo magno esset beneficio, venisse eum contra se.

Iudicio capitis] Iudicium capitis illud est, quo damnatus vel ciuitatem, vel libertatem amittebat. nam vita non nisi perduellionis crimine adimi potuit. quae de re affatim diximus in libro nostro de Legibus.

Rebus saluis] Aut, republica incolumi, ut lib. 4. epist. 1. *Vtinam, Serui, saluis rebus, (sic enim est dicendum) colloqui potuissemus inter uos!* Et lib. 4. Acad. c. 18. Hoc accepimus, Deli fuisse complures, (saluis rebus illis) qui gallinas alere permultas quaestus causa soterent. Aut, rebus saluis, nullo suo damno: est enim absolutus.

Quam

Quam ille quomodo acceperit, et quid ERN. cum acceperit, ecquid tibi pollicitus sit] Nonnulli veteres libri, quo modo acceperit, et quid. alii, quando acceperit, quid.

Mihi omnino rectius videtur, cum acceperit, ecquid. nam pro cum, scribebant veteres, quom.: unde factum, quo modo. eodemque errore ab ecquid, fluxit, et quid.

EPISTOLAE XXXI.

ARGVMENTVM.

Inuitat eum ad officia mutua: et, ad urbem ut redeat, veteris urbanitatis tuendae causa, rogat. Scripta eodem anno.

EXPLANATIO

Aequo animo vel vincam te] Lib. 5. epist. 7. Nulla re tam laetari soleo, quam meorum officiorum conscientia: quibus si quando non mutuo respondetur, apud me plus officii residere facillime patior.

Non fuisse necesse] Quia discessurus esses.

Propter tuas res ita contractas] Nam, si dispersa ac dissipata eius negotia fuissent, indignisset opera Sulpicii proconsulis: sed ea, cum discessum cogitaret, iam contraxerat.

Nec caput, nec pedes] Habeant. prouerbum est. quae enim coacta in unum sunt, carere capite et pedibus videntur.

Exaruisse] Defecisse, extinctam esse. Ad Pactum lib. 9. epist. 18. Ipsa illa, si qua fuit in me, facultas orationis, nisi quae ad has exercitationes retulisset, exaruisset. In Bruto c. 21. Exaruerunt, (Ser. Galbae orationes) vix iam ut appareant. Translatio ab agris, qui cum exaruer, fruges non ferunt.

Veterem urbanitatem] Quae excellere olim illi, qui nominantur in eadem epist. C. Laelius sapiens, Africani minoris amicillimus, Luci-

lius poeta satyricus, L. Crassus orator, Granius praece; praeterea is, qui lib. 2. de Orat. c. 54. disputat de ridiculis, aequalis Crassi, C. Iulius Strabo. Quattuor nominibus lib. 9. epist. 5. urbanitatem appellat, sales, facetias, leporem, festiuitatem.

Pomponius noster] Atticus, utriusque amicillimus. nam epist. 29. dixit Curius; Sum enim xeneu mu tuus, uterque dicitur Attici nostri.

Suo iure] Quia, cum excellat facetiis, iure suo potest hanc sibi laudem vindicare, idque dicere, quod interdum dicit, et vere dicit, exaruisse veterem urbanitatem, nisi nos pauci gloriam illam breuiter et acute dictorum, quae praeter ceteros olim sornere Athenienses, retineamus.

Gloriam antiquam Atticam] Haec verba non carent festiuitate quadam: et velle Cicero videtur, dum loquitur de urbanitate, non inurbanus esse. Magnifica verba sunt: nec tamen laudatur quidquam, praeter sales. blanditur igitur Cicero, dum humilem rem extollit, Curio simul et Attico; qui salibus mire delectabantur. Fortasse etiam

etiam ipsa Attici verba refert. quod si ita est, hoc ipso iocatur: quasi Atticus gloriam antiquam Atticam in ridiculis poneret, et eam crederet per tres homines posse retineri. sales autem Attici omnibus praestabant: quamquam Cicero, ut assentaretur Paeto, Romanos praefert, lib. 9. epist. 15.

Ergo is tibi, nos eis succedimus] Cum hoc satis constet, veterem urbanitatem amissam esse, nisi nos eam pauci reuocemus: sequitur illud, ut primus in ea tibi locus, Attico secundus, mihi tertius debeat. lib. 7. ad Attic. epist. 2. na-

tuam ait esse in Curio urbanitatem.

Ne tamen ERN. tantum semen urbanitatis una cum republica interea] Urbanitas ipsa exaruit, semen tantum remanet. veni igitur, saltem ut semen conseruetur: tantum ne semen ipsum amittatur. Sunt, qui pro *tantum*, legant *tamen*: mei decem antiqui libri, duoque praeterea Fulvii Ursini, *tantum*, habent: nec insulsa, ut mihi videtur, elicitur sententia. est autem lapsus ab uno verbo ad alterum facillimus: quia *tantum*, quandoque scribitur, sic, *tin*: *tamen*, sic, *tin*.

EPISTOLAE XXXII.

ARGUMENTVM.

Scripta hanc epistolam, cum proconsul Ciliciae praefect, Marcello et Sulpicio coff. tribuno plebis designato Curione. Prima pars de dictis est, secunda de iudiciis, tertia de republica, postrema de Dola-bella, nondum genero. Sulpicio et Marcello coff.

EXPLANATIO.

Volumnio] Hic est P. Volumnius Eutrapelus, qui Cytheridem mimam dilexit. lib. 9. epist. 26. Praefectum fabrum Antonii fuisse civili bello, Nepos ait in Attici vita c. 12.

Sine praenomine] Praenomen ei Publio fuit. vide Nepotem in Attici vita c. 9. 10. 12.

Volumnio senatore] Cui Lucio cognomen fuit. Varro lib. 2. de re rust. c. 4. Constat autem ex hoc loco, Volumnium hunc, ad quem scribit Cicero, equitem fuisse, non senatorem.

Εὐτραπεία] Festiuitas, lepor, urbanitas: unde illi cognomen Eu-

trapelo. lib. 9. ad Attic. epist. 26. lib. 15. epist. 8. Phil. 13. c. 2. Plutarchus in Bruto *mimus* vocat.

Salinarum mearum] Suos sales vocat *salinas* per iocum, quia dixerat, *possessio*. Infra: *Urbanitatis possessionem quibusvis interdictis defendamus*. Salinae autem loca sunt, ubi sal fit. Plinius lib. 31. c. 7.

Procuratore] Et hic iocatur. Solent enim procuratores absentium res defendere.

Vt ego discefferim] Iturus in provinciam. Ergo scripta est epistola paullo post, quam Cicero proconsul in Ciliciam profectus est,

est, id est, M. Marcello, Ser. Sulpicio coſſ.

Diſta] Ioca. quae et *diſteria* vocata, ſcripſit ad Cornelium Nepotem: vt apud Macrobiũ lib. 2. Saturn c. 1. legitur.

Sextiana] P. Sextii, pro quo exſtat oratio. vide quae diximus epiſt. 27.

In me conferri] Mea dici: vt ex meo nomine inſulis quoque diſtis accedat auctoritas.

Diſtorum meorum] Macrobius: *Animaduertito* duos, quos eloquentiſſimos antiqua aetate tulit, comicum Plantum, et oratorem Tullium, eos ambos etiam ad iocorum venuſtatem ceteris praefitiſſe.

— *Cicero quantum in ea re valuerit, quis ignorat, qui vel liberti eius libros, quos is de iocis patroni compoſuit, quos quidam ipſius putant eſſe, legere curauit? Non multo poſt haec ſubiungit: locos hoc genus veteres noſtri Diſteria dicebant. teſtis idem Cicero, qui in libro epiſtolarum ad Cornelium Nepotem ſecundo ſic ait: Itaque noſtri, cum omnia, quae dixiſſemus, diſta eſſent, quae facete, et breuiter, et acute locuti eſſemus, ea proprio nomine appellari Diſteria voluerunt.*

Sua ſpoute] Sua venuſtate: etiam ſi non diceretur, hoc Cicero nis eſt.

Tanta faex eſt in urbe] Ita hebeti ſunt homines ingenio, vt, quod inueniſtum prorsus eſt, venuſtum tamen eſſe videatur.

Ἀνδρῶν] Quod Venere caret, venuſtatis expers. nomen a Venere deductum, quae Graecis *Κυδρεία* nuncupatur.

Venuſtum] Quinſtilianus lib. 6. c. 3. *Venuſtum eſſe*, inquit, *quod cum gratia quadam et venere dicatur, apparet.*

Ἀμφιβολία] Ambigua oratio: cum ad ſententias diuerſas eadem verba accommodari poſſunt: vt illud lib. 11. epiſt. 20. *Te dixiſſe, laudandum adoleſcentem, ornandum, tollendum.* Et lib. 2. de Orat. c. 60. *Perpuſillum rogabo.* Quod referri poteſt et ad perpuſillum teſtem, et ad perpuſillam interrogationem. Et illud Neronis de Claudio, *deſiſſe eum inter homines morari.* Et:

Aio, te Aecida Romanos vincere poſſe.

ὑπερβολή] Superatio, vel exſuperantia, cum ſententia ſupra veritatem extollitur: vt in ſuaſione legis Maniliae c. 10. *Plura bella geſſit, quam ceteri legerunt: plures provincias conſecit, quam alii concupiuerunt.* Et Virgilius lib. 12. Aen. v. 84.

Qui candore viues anteirent, curſibus auras.

Fit etiam minuendi gratia, vt, *teſtudine tardior.*

Ἀγνῶσις] Agnominatio: cum vnius litterae mutatio diuerſam ſignificationem aſſert: vt pro Tiberius Claudius Nero, Biberius Caldus Mero. — Et lib. 2. de Orat. c. 63. *Eamus deambulatum. Quid opus fuit de? Immo vero, quid opus fuit te?* Et Phil. 13. c. 11. *Cum in gremiis minarum mentium mentemque deponeret.* Et Afranius apud Gellium lib. 7. c. 12. *Qui non modo viroſus, ſed viroſus quoque ſit.* Et Terentius in Andr. Act. 1. Sc. 3. v. 13.

— *Inceptio eſt auentium, haud amantium.*

Παρά

[Παρά προσδοκίαν] Praeter expectationem: ut illud lib. 9. epist. ult. *An tu id melius, qui etiam in philosophum irriseris? cum ille, si quis quid quaereret, dixisset, cenam te quaerere a mane dixeris. Ille vero te putabat esse quaesitum, unum caelum esset, an innumerabilia.* Simile illud lib. 2. de Orat. c. 64. *Dic de L. Manlio: Virum bonum, inquit, egregiumque cinem esse arbitror. Mire delectat Horatius lib. 2. Serm. Sat. 1. cum dixisset v. 53.*

— Scaevae viuacem crede nepoti

Matrem: nil faciet sceleris pia dextera: —

intulit v. 56.

Sed mala tollet anum vitioso melle cicuta.

Similiter Cicero pro Scauro apud interpretem Horatii Porphyriionem: *Libertus patronum non occidit, sed duobus digitulis gulam oblitit.* Hoc de genere sicut Cicero: lib. 2. de Orat. c. 64. *Natura nos noster delectat error: ex quo cum quasi decepti sumus expectatione, videmus.* Et c. 70. *Ex his omnibus nihil magis ridetur, quam quod est praeter expectationem; cuius innumerabilia sunt exempla.*

Per Antonii personam] Lege-rem, C. Iulii. Is enim lib. 2. de Orat. loquitur de ridiculis. Nisi si quis lapsum memoria Ciceronem dicat. quod vix credibile videtur: salibus enim excelluisse non M. Antonium, sed C. Iulium, optime noverat: nec ita multo ante libros de Oratore composuerat, ut personarum partes obliuisci deberet: cum praesertim eos ipsos, quos in oratoriiis libris loquentes induxe-

rat, omnes, nullo errore, commemorat lib. 13. ad Attic. epist. 19.

[Εντεχνα] Artificiosa. hoc verbum complectitur ἀμφοβολία, ὑπερβολήν, παράγγραμμα, παρά-προσδοκίαν, et cetera, quibus risus excitatur.

Sacramento contendas, mea non esse]. Vel pecunia deposita litiges, ut probes mea dicta non esse. Similiter Catullus ad fundum suum carm. 44. v. 4.

Quous Sabinum pignore esse contendunt.

Sacramentum quid sit, Varro lib. 5. de L. L. docet his verbis: *Ea pecunia, quae in iudicium veni in litibus, sacramentum a sacro. Qui petebat, et qui infitabatur de aliis rebus, uterque quingentos aeris ad pontificem deponebant: de aliis rebus item certo ulio legitimo numero assium. qui iudicio vicerat, suum sacramentum a sacro auferebat: victi ad aerarium redibant.* Festus paullo latius: *Sacramentum, inquit, aes significat, quod poenae nomine penatur; siue quis interrogatur, siue contenditur. id in aliis rebus quinquaginta assium est, in aliis rebus quingentorum, inter eos, qui iudicio inter se contenderent. qua de re lege L. Papirii tribuni plebis sanctum est his verbis: Quicumque praetor posthac factus erit, qui inter ciues ius dicet, tres viros populum rogato: iique tres viri sacramenta exigunto iudicantque, eodemque iure sunt, vii ex legibus, plebisque scitis exigere, iudicare, esseque oportet. Sacramenti autem nomine id aes dici coeptum est, quod et propter aerarii inopiam, et sacrorum publicorum multitudinem consumebatur in rebus diui-*

diuinis. Hunc morem attigit Asconius iu lib. 1. Ver. c. 9. *Cum in rem aliquam, inquit, agerent litigatores, et poena se sacramenti peterent, poscebant iudicem: qui dabatur post trigesimum diem.* Cicero lib. 1. de Orat. c. 10. *Agerent tecum lege primum Pythagorei omnes atque Democritici, ceterique, in suo genere, physici vindicarent, ornati homines in dicendo et graues, quibuscum tibi iusto sacramento contendere non liceret.* Valerius Max. lib. 7. c. 7. *Sacramento cum adolescentulo contendere ausi non sunt.* Ibidem c. 8. *Apbronia cum sorore sacramento contendere noluit.*

Querereis] Questus erat Voluminus, dominari in iudiciis, absente Cicerone, homines infantissimos.

Multo laboro minas] Quam de tuenda salinarum possessione, id est, de dictis meis, ut agnoscantur, laboro: de iudiciis non item.

Trabantur pedibus] Vel si mala illis omnia eueniant, non laboro. lib. 4. ad Attic. epist. 16. *Fratrem mecum et te si habeo, per me ista pedibus trabantur.*

Vel Solius] Non bonus orator.

Se liberum] Ergo, liberum non esse, opinio fuit: ideo dixit, *ut possit probare*, quasi rem difficilem.

Interdictis] Quia possessio praetoriis interdictis defendi solebat; propterea, cum ageret de possessio-

ne vrbanitatis defendenda, iudiciale verbum lepide vsurpauit.

Te unum] Qui omnes vrbanitate vincis.

Te sapere] Quia falsas laudes non agnoscis.

Illa] De Curionis tribunū plebis ingenio ad nouitatem propenso, quod postea res ipsa comprobauit: nam Caesaris causam oppugnavit primum, deinde defendit. lib. 8. epist. 6.

Nostrum illum amicum] C. Curionem, tribunum plebis in locum Seruii designatum: vt lib. 8. epist. 4. Iure autem Cicero verebatur, ne non satis grauem Curio se praeberet in tribunatu, leuissime enim ab optimatum causa ad Caesarem transiit: vt lib. 8. epist. 6. et lib. 2. epist. 13.

Gravitate] Quam non habuit. lib. 8. epist. 6. et lib. 2. epist. 13.

In amoribus] In deliciis.

Quamuis in me ingrata sit] Dicit hoc propter iniquam aestimationem rerum suarum. vide lib. 4. ad Attic. epist. 2.

Dolabellam] P. Cornelium Dolabellam, postea Ciceronis generum.

Redde meum] Lib. 16. epist. 19. *Demetrium redde nostrum.*

Desit] Amori illius erga me.

Non videor nimium laborare] Cum valde tamen laborem.

EPISTOLAE XXXIII.

ARGVMENTVM.

Afflicta republica, sublata exercitatione forensi, retulit se Cicero ad declamationes, auditoribus Hirtio, Cassio, Dolabella. quibus quod non interesset, angere se scripserat Voluminus, et Hirtio propemodum invidere. Cicero Hirtii laudat eloquentiam, sibi detrabit potius, quam arrogat.

arrogat. *Voluntarium vero inuitat ad eadem studia: deliberatum sibi iam significans, abdere se totum in litteras, Caesare permittente. Scripta videtur post bellum Africanum, Caesare illi. et Lepido coss.*

EXPLANATIO.

Declamationibus nostris] Cur se ad declamandum Cicero contulerit, causa exponitur lib. 9. epist. 18.

Nihil sumus] In arte oratoria.

Displicemus] Etiam si aliquid sumus.

Gregalibus] Sociis, praestantibus viris, civili bello amissis. Pro domo c. 28. *Catiliae gregales.* De harusp. resp. c. 25. Neque P. Clodius, neque quisquam de gregalibus eius.

Emissonus] Loquitur de libris suis.

Pinnigero ERN. *Pennigero, non armigero in corpore*] Non dubium est intelligi de auiibus: quas Philoetetes configebat tardus celeres, stans volantes. Alii tamen, *pinnigero*, legere maluerunt, contra Quinctiliani lib. 1. c. 4. sententiam, qui *pinnas* de auiibus dici non vult. *Pennigero* etiam est in meis veteribus libris. Lib. 5. de Fin. c. 11. *Philoetetes enim ex ciue tur non ferendis doloribus, propinabat tamen vitam aucupio sagittarum,*

Configebat tardus celeres, stans volantes,

ut apud Attium est,

Pennarumque contextu corpori regumenta fucebat.

Ingemiscere Cicero, quod ingenium suum non, ut antea, in acendis causis, aut in tuenda republica, sed in declamationibus illis exerceret.

Exceperimus] Translatum verbum, quia dixerat, *concursum*. qui enim concurrentes occupationes

ita exciit, ut ab iis ne prosterneretur: instam atque ab omnibus concessam facultatem habet in otium discedendi.

Multam salutem et foro dicam, et curiae] Relinquam forum, et curiam: neque causas in foro agam, neque sententiam in senatu dicam: quae mihi antea curae erant. Modus loquendi de Graeco fonte deriuatus. lib. 8. ad Attic. epist. 8. *ἵκανα χαίρειν τῷ καὶ διέξεν, pergit Brandissm.* Plato in epistola ad Perdiccam, et in Critone, Euripides, alii.

Communibus nostris amatoribus] Similiter dixit, *amatorem tuum*, lib. 9. epist. 15.

Cassius] C. Cassius, qui postea Caesarem occidit.

Dilabella] Qui et ipse declamare solitus erat audiente Cicero: itaque discipulus vocatur lib. 9. epist. 7. 14. 18. vide Quinctilianum lib. 12. c. 11.

Meis aequissimis vtuntur auiibus] Libenter eos audio declamantes.

Opus est hic] Ad haec nostra studia requirimus iudicium et doctrinam tuam.

Limatulo et polito] Translatio ab operibus, quae limantur prius, deinde etiam poliantur, ut magis placeant.

Interritibus] Reconditis, non vulgaribus, lib. 3. epist. 10. et in Bruto c. 76. *Erant in eo (L. Torquato) plurimae litterae, nec eius vulga-*

vulgares, sed interiores quaedam et reconditae.

Meis (deleuit ERN.)] Quibus ego maxime delector; amoribus et deliciis meis.

Verecundioyem me in loquendo facis] Iocari Ciceronem non dubito: cum ipse potius, eloquentia longe omnibus antecellens, maximeque litteris interioribus instructus, verecundiores alios in loquendo faceret.

Iudicatum] Deliberatum, constitutum.

Patiatur] Mihi optanti concedat.

Volet] Vel si ipse non optem.

Deponere illam personam] Causas non agere, nec in senatum venire. Supra: *Multam salutem et foro dicam, et curiae.* Translatio ab histrionibus, qui varias personas suscipiunt, et modo senectū agunt, modo iuuentū, modo herum, modo feruum. lib. 5. epist. 3.

Iam] Cupiditatem indicat haec particula personae deponendae.

Probaui] Vt histriones populo se probant, cum suas egregie partes agunt: ita ego me Caelari satis iam probaui; cum et in senatum venerim, et causas apud eum egerim, ut pro Deiotaro, pro Ligario.

Ac me totum in litteras abdere] Lib. 9. epist. 20. *Litteris me inuoluo.*

Ne perinuitus ERN. pluribus legerem] Quamquam obscura sententia est, consensum tamen omnium antiquorum librorum non video, cur contemnam. *Perinuitus*, pro *pluribus*, placeret, si vel vnus libri veteris testimonio comprobaretur, aut, si mutatio quam minima fieret: quod in coniecturis probare maxime soleo. nam, quod ad sententiam attinet, recte opponeretur, *perinuitus legerem, gratissimas fore.*

PAVLLI MANVTII
COMMENTARIVS

IN
EPISTOLARVM

QVAE FAMILIARES VOCANTVR
LIBRVM VIII.

QVI EST
M. COELII RVFI AD CICERONEM.

Ante quam Coelii epistolas interpretemur, vitam eius breui oratione complecti non alienum putauimus. Ac primum, de honoribus, quos gessit; tum, de eius eloquentia; tertio loco, de moribus; postremo de obitu; quae vel Cicero in suis libris, vel annalium litterae loquuntur, agendum videtur.

M. Coelius Rufus, plebeii generis, patre equite Romano, Puteolis natus, sumpta virili toga, id est annum aetatis ingressus XVII. a patre continuo ad Ciceronem deductus est, nondum praetorium, sed eloquentia iam et probitatis opinione clarum: a quo etiam *leuissimus adolescens* appellatus est lib. 4. in Ver. c. 17. In illo aetatis flore cum artibus honestissimis erudiretur, M. Crassi domum frequentauit, postea fuit assiduus cum Cicerone praetore, candidatumque affectatus est in petitione consulatus, anno sequenti iterum petenti consulatum Catilinae studuit, tribunatum plebis gessit, Pompeio tertium consule, Milonemque, ob necem P. Clodii de vi reum, studiosissime defendit, qua de re sic in orat. pro Milone c. 33. *Caedi vidistis populum Romanum, concionem gladiis disturbari, cum audiretur silentio M. Coelius, tribunus plebis, vir et in republica fortissimus, et in suscepta causa firmissimus, et bonorum voluntati, et auctoritati senatus deditus, et in hac Milonis siue inuidia siue fortuna, singulari, diuina, et incredibili fide.* In libro de clar. orat. c. 79. *M. Coelius, quam diu auctoritati meae paruit, talis tribunus plebis fuit, ut nemo contra ciuium perditorum popularem turbulentamque dementiam a senatu, et a bonorum causa, steterit constantius.* Nominant et Appianus et Dio tribunum plebis, quamquam apud utrumque mendose legitur *Caecilius*. Aedilis curulis fuit L. Paullo et C. Marcello coss. praetor C. Caesare II. et P. Seruilio coss. Orto ciuili bello; quaestor in Africa fuit C. Curionis, ut apud Caesarem lib. 2. de bell. ciu. c. 23. scriptum est.

Eloquentiae in primis operam dedit, locumque inter fummos oratores consecutus est. itaque et Cornelius Tacitus. et Quintilianus inter eos oratores, qui nouissimis reipublicae temporibus maxime floruerint, Coelium referunt, sua cuique tributa laude, Ciceroni, Caesari, Coelio, Caluo, Bruto, Asinio, Messallae. Coelii tamen scripta paullo asperiora, et antiquitatem redolere visa sunt. de quo sic Tacitus in dialogo de orat. c. 18. (Ser. Galba et C. Carbo) *sunt horridi, et impoliti, et rudes, et informes, et quos utinam imitatus non esset Caluus vester, aut Coelius, aut ipse Cicero.* et c. 21. *Quid? ex Coelianis orationibus? uenimpe haec placent, in quibus nitorem et altitudinem horum temporum agnoscimus. Sordes autem verborum, et hiauis compositio, et inconditi sensus redolent antiquitatem: nec quemquam adeo antiquarium puto, ut Coelium ex ea parte laudet, qua antiquus est.* Item c. 25. *Apud nos Cicero quidem ceteros eorundem temporum disertos antecessit, Caluus autem, et Asinius, et Caesar, et Coelius, et Brutus, suo iure, et prioribus, et sequentibus anteponuntur. nec refert, quod inter se specie differant, cum genere consentiant. Adstrictior Caluus, numerosior Asinius, splendidior Caesar, amarior Coelius, grauior Brutus, reuerentior, et plenior, et valentior Cicero; omnes tamen eandem sanitatem eloquentiae ferunt.* Quintilianus autem haec lib. 10. c. 1. *Multum ingenii in Coelio, et praecipue in accusando multa urbanitas, dignusque vir, cui et mens melior, et vita longior contigisset.* Subiungit c. 2. *Quid noceret, vim Caesaris, asperitatem Coelii, diligentiam Pollionis, iudicium Calui, quibusdam in locis assumere?* Et lib. 11. c. 1. Coelii verba recitat ex oratione, quam de vi reus pro se ipso habuit: de qua et Suetonius meminit in libro de clar. Rhet. c. 2. et Festus mentionem facit. Illa quoque notauimus apud eundem lib. 12. c. 10. *Vim Caesaris, indolem Coelii, subtilitatem Callidii, grauitatem Bruti, acumen Sulpicii, acerbitatem Cassii, diligentiam Pollionis, dignitatem Messallae, sanctitatem Calui reperimus.* Sed audiamus Velleium historiae suae lib. 2. c. 68. *Dum, inquit, in acie Pharsalica Africaeque de summa rerum Caesar d.n. i. c. t., M. Coelius, vir eloquio animoque Curioni similis, sed in viroque perfectior, nec minus ingeniose nequam. Plus tamen ei facultatis in accusando fuisse, quam in defendendo, Quintilianus ostendit lib. 6. c. 3. cum ait M. Coelium, quia melius obliiceret crimina, quam defenderet, bonam dextram, malam sinistram appellari a Cicerone solitum esse. idque confirmat ipse Cicero his verbis in libro de clar. orat. c. 79. *Eius actionem et splendida, et grandis, et eadem in primis facita et perurbana commendabat oratio. Graues eius conciones aliquot fuerunt, acres accusationes tres, eaeque omnes ex reipublicae contentione susceptae: defensionis, etsi illa erant in eo meliora, quae dixi, non contemnendae tamen, saneque tolerabiles.* Tres eius accusationes, quas Cicero appellat, fuere, prima in C. Antonium de maiestate, qui consulatum cum Cicerone gesserat: secunda in Sempronium Atratinum de ambitu: et vtriusque significat Cicero in oratione, qua eum defendit, c. 31. et 1. tertia, ut opinor, in C. Laelium; ut ex Quintilianii verbis, quae lib. 6.*

c. 3. leguntur, mihi videor posse coniecere. Scripsit etiam concionem de aquis, quam Frontinus de Aquaeduct. art. 76. nominat. eam fuisse non dubito contra aquarios et tabernarios: nam ipse epist. 6. *nisi ego*, inquit, *cum tabernariis et aquariis pugnarem, veternus ciuitatem occupasset.*

Mors in eo minime cum ingenio conferendi. Iracundissimum appellat Sene. a lib. 3. de Ira c. 8. Quintilianus ait: *Dignus vir, cui et mens melior, et vita longior contigisset.* Cicero: *Nec vero M. Coelium praetereundum arbitror, quaecumque eius in exitu vel fortuna, vel mens fuit.* Nequam et prodigum fuisse, ex his Velleii verbis intelligitur: *Cum ne a diis quidem seruari posset (quippe peior illi res familiaris, quam mens erat) in praetura nonarum tabularum auctor exstisist.* Eodem pertinent illa Quintiliani lib. 1. c. 6. *Haec (etymologia) habet aliquando usum necessarium, quoties interpretatione res, de qua quaeritur, eget: ut cum M. Coelius se esse hominem frugi vult probare, non quia abstinentis sit, (nam id ne mentiri quidem poterat) sed quia utilis multis, id est fructuosus, unde sit dicta frugalitas.* Impudicum et lascium ostendit oratio Ciceronis. Saltandi artem diligenter didicit, ingenuis indecoram atque inhonestam. itaque reprehendit eam Scipio Aemilianus in oratione contra legem iudiciariam Ti. Gracchi, cuius haec verba lib. 2. Saturn. c. 10. recitat Macrobius: *Docentur praestigias inhonestas, cum cinaedulis et sambuca, psalterioque eunt in ludum histrionum. discunt cantare, quae maiores nostri ingenuis probro ducier voluerunt eunt, inquam, in ludum saltatorium inter cinaedos virgines puerique ingenui.* Haec cum mihi quisquam narrabat; non poteram animum inducere, ea liberos suos uobiles homines docere: sed, cum ductus sum in ludum saltatorium, plus medius fidius in eo ludo vidi pueris virginibusque quingentis: in his vnum, quod me reipublicae maxime misertum est, puerum bullatum, petitoris filium, non minorem annis duodecim, cum crotalis saltare: quam saltationem impudicus seruulus honeste saltare non posset. Idem infra sic: *Vno eodem tempore tribus nobilissimis ciuibz, non modo studium saltandi, sed etiam, si diis placet, peritiam, qua gloriarentur, fuisse, Gabinia consulari Cicero non dissimulante obiecit, et M. Caelio, noto in turbas viro, quem idem Cicero defendit, et Licinio Crasso, Crassi eius, qui apud Parthos exstinctus est, filio.* Inconstantis ingenii fuit. primum, tribunus plebis quo anno P. Clodius a Milone occisus est, optatum partes defendit. quae de re sic Cicero in Bruto c. 79. *talis tribunus plebis fuit, ut nemo contra ciuium perditorum popularem turbulentamque dementionem a senatu, et a bonorum causa, steterit constans.* Mox, orta inter Caesarem et Pompeium discordia, neutram in partem inclinare visus est. id significat Cicero lib. 2. epist. 15. *Ipsa reipublica, inquit, nihil mihi est carius: in qua tu non valde te inctas. districtus enim mihi videris esse, quod et bonus ciuis, et bonus amicus es.* Deinde, mutata sententia, Caesaris ad partes transiit. ex quo illud Ciceronis in Bruto: *Hic cum summa voluntate bonorum aedilis curulis factus esset, nescio*

quomodo dis-essu meo discessit a sese, ceciditque, postea quam eos imitari ceperit; quos ipse peruerterat. Profectum ad Caesarem cum C. Curione, ut eum ad civile bellum incitaret, scripsit Dio lib. 41. Demum a Caesare ipso desciuit: idque cum ipse declarat epist. ult. tum vero Velleius his verbis: *Accito Annio Milone, qui, non impetrato reditu, Iulianis partibus insisteret, in urbe seditionem, aut magis occulte bellicum tumultum mouens, primo summotus a republica, mox consularibus armis auctore senatu circa Turios oppressus est.* Caesar autem planissime lib. 3. de bell. ciu. c. 20. 21. cuius verba subscribemus: *Iisdem temporibus Romae M. Coelius Rufus praetor, causis debitorum suscepi, initio magistratus tribunal suum iuxta C. Trebonii, praetoris urbani, sellam collocauit; et, si quis appellasset de aestimatione, et de solutionibus, quae per arbitrium fierent, ut Caesar praesens constituerat, fore auxilio pollicebatur.* — Ab hoc profectus initio, ne frustra ingressus turpem causam videretur, legem promulgauit, ut sex personibus sine vrbis creditae pecuniae soluantur. Cui resisteret Seruilius consul, reliquique magistratus; et minus opinione sua efficeret; ad hominum excitanda studia, sublata prior lege, duas promulgauit: unam, qua mercedes habitationum annuas conductionibus donauit; alteram tabularum novarum: impetrique multitudinis in C. Trebonium facto, et nonnullis vulneratis, eum de tribunatu deturbanit. De quibus rebus Seruilius consul ad senatum retulit: senatusque Coelium ab republica remouendum censuit. Hoc decreto eum consul senatu prohibuit, et concionari conantem de Rostris deduxit. Ille, ignominia et dolore perhorrens, palam se proficisci ad Caesarem simulauit, clam nunciis ad Milonem missis, qui, Clodio interfecto, eo nomine erat damnatus; atque, eo in Italiam reuocato, quod, magnis muneribus datis, gladiatoriae familiae reliquias habebat, sibi coniunxit.

De obitu sic idem Caesar c. 21. *Coelius, profectus, ut distitabat, ad Caesarem, peruenit Turios. Vbi, cum quidam eius municipii sollicitaret, equitibusque Caesaris Gallis atque Hispanis, qui eo praesidii causa missi erant, pecuniam polliceretur, ab iis est interfectus.* Et Velleius: *In urbe seditionem, aut magis occulte bellicum tumultum mouens, primo summotus a republica, mox consularibus armis auctore senatu circa Turios oppressus est.* Dio autem lib. 42. eadem fere, quae Caesar, de eius defectione et nece prodidit. At Epitome Liuiana his verbis lib. 111. *M. Coelius Rufus praetor, cum seditiones in urbe concitaret, nouarum tabularum spe plebe sollicitata, abrogato magistratu, pulsus urbe, Miloni exsuli, qui fugitivorum exercitum contraxerat, se coniunxit, uterque cum bellum molirentur, interempti sunt.*

EPISTOLAE I.

ARGUMENTVM.

Ex duplici huic epistola constat argumento, morali, et negotiali. quatenus enim excusatione vitur Coelius, quod alteri curam et laborem colligendi ac perfectendi res urbanas delegauerat, morale genus est: reliqua narratio negotialis. Primum igitur, ut arrogantiae culpam vitet, excusat se, quod rerum urbanarum commentarium ali na opera conficiendum curauerit: deinde subiungit haec: de comitiis Transpadanorum Romae rumorem nullum esse: de successione Galliarum nihil relatum: de Pompeio cupere se aliquid cognoscere: de Caesare varia dissipari: de Domitio, de Q. Pompeio, de Pianco, de Politicis Cicero libris. Scripta est, quo anno in provinciam Cicero profectus est, Ser. Sulpicio et M. Mucello cons. Respondit Cicero iis litteris, quae lib. 2. leguntur hoc initio: Quid? tu me etc.

EXPLANATIO.

Decedenti ERN. Decedens] Vnde? ab ipso Cicerone; quem in provinciam euntem profectus erat. sic proficiscentem Appianus in Ciliciam, sic Valerium Cicero profectus est: ut lib. 3. epist. 10. et lib. 13. epist. 6. ipse Coelius hoc iter significat, subiungens: *Romam cum venissem.* Decedere autem simpliciter accipit Coelius pro *discedere*, ut epist. 10 *Mei officii est, meminisse, qua obsecratione decedens mihi, ne paterer fieri, mandaris.* Usitatus tamen est de magistratibus e provincia decedentibus: licet privatis quoque accommodetur, ut in orat. pro Quintio c. 4. *Decedit ex Gallia Romam simul Naevius.*

Data opera paravi] Studiose paravi: operam dedi, studium adhibui, ut pararem, qui sic omnia colligeret, atque in commentarium referret, ut verear, ne tu meam sedulitatem nimis etiam diligentem existimes. *Argutum* enim veteres interdum vocabant, quod summam diligentiam argueret. id cognosci-

tur ex lib. 6. ad Attic. epist. 5. *Velim, inquit, etsi, ut spero, te haec legente aliquantum viae processero, tamen obitas mihi litteras quam argutissimas de omnibus rebus crebro mittas.* Et lib. 2. de Divin. c. 12. *argutissima exta*, quae maxime significant. Lib. autem 1. de Leg. c. 9. *oculi nimis arguti*, quod arguant, et quasi loquantur, quemadmodum animo effecti simus. *Manus minus arguta*, lib. 3. de Orat. c. 59. quasi minus actiosa, quae non subsequi digitis, neque verba exprimere videatur.

Curiosus] Curiosi sunt, quorum nimia, et, ut Coelianomore loquar, ita arguta sedulitas est, ut vel minima quaeque curent.

Deprecor] Deprecari, interdum est, precari, ut aliquid habeamus, ut, *pacem deprecari*, lib. 12. epist. 24. et, *te lacrimae fratris deprecantur*, lib. 4. epist. 7. interdum contra, ne habeamus, ut, *deprecari exsilium, poenam*, et similia: quod Cicero et aliis frequentissimum est.

Del-gani] Mihi a te legatum. Est enim, *d'lgare*, non, simpliciter aliquid alicui mandare, sed id mandare, quod is, qui mandat, facere ipse debebat. hoc significant loca Ciceronis a me diligenter observata, in orat. pro domo c. 7. *del-g ni*, inquit, *amico locupletiori*. Et lib. 12. ad Attic. epist. 3. *del-gatibz m a mancipe*. Et eisdem epist. 12. *Balbi regia conditio est delegand*. Et lib. 2. de Orat. c. 28. *Sed haec ipsa, quae nunc ad me delegare vis, ea semper in te eximia et praestantia fuerunt*.

Tuae memoriae dare operam] Ea tractare, quae tui me obliuisci non sinant. amici enim causa, qui aliquid agit, eius memoriae operam dat.

Falicta] Consulum, et praetorum.

Fabulae] In scena recitatae. In Bruto c. 18. *Linianae fabulae*, non satis dignae, quae iterum legantur. Atque hic Linius, qui primus fabulam, C. Clodio Caeci F. et M. Tulliano. co. ducit.

Quod exemplum] Exemplum est imago rei. vocat igitur exemplum commentarium rerum urbanarum, quod in eo quasi quaedam civitatis imago esset.

Molestiam exhibeam] Sic lib. 12. epist. 30. *Noli impudent esse, nec mihi molestiam exhibere*.

Minus commode] Minus apte, non ut oportet. sic lib. 1. de Orat. c. 54. *oratio commode scripta*.

Existimavi:] Opinio: ut in orat. pro Coelio c. 2. *Nam, quod de pietate dixisti, est quidem ista nostra existimatio, sed iudicium certe parentis. quid nos opinemur, audieris ex iuratis: quid parentes sen-*

tiant, Lacrimae matris inredibili: quae moeror, squalor patris et haec praesens moestitia, quam cernitis, luctusque declarat.

Vt nunc est] Pro, quomodo nunc se res habet. ita locutus est lib. 7. ad Attic. epist. 4. et lib. 12. ad eundem epist. 29. Similiter ad eundem lib. 13. epist. 2. *Quo modo nunc est*. Et lib. 4. Acad. c. 4. *Vt quidem nunc se consis habet*. Terentius autem in Heaut. Aët. I. Sc. 2. v. 38. *Vt tempus est dici*.

De comitiis Transpadanorum] Vt quattuorviri, qui summus erat in municipiis magistratus, crearentur. In Gallia transpadana, Caetarum provinciae parte, Latinae coloniae erant omnes, iure Latii, ut Pedianus ad orat. in Pison. init. docet, lege Pompeia accepto. Caesar iis iam ante, quam aedilis esset, civitatem dari voluit: de quo Suetonius in Julio c. 8. his verbis: *Colonias Latinas, de petenda civitate agitantes, adiit: et ad nandum aliquid concitasset, nisi consules conscriptas in Ciliciam legiones paulisper, ob id ipsum, retinissent*. Hoc autem anno, quo Coelius hanc epistolam scripsit, in municipiorum formam transpadanas colonias redigi, creatis quattuorviris, qui erant idem in municipiis, quod Romae consules, aut studuit Caesar, aut studere creditus est. municipia vero civitatem sine suffragio primis temporibus, hoc tempore suffragii ius cum civitate habebant. huius rei vestigium exstat lib. 5. ad Attic. epist. 2. *Erant, inquit, rumor de Transpadanis, eos iussos, quattuorviros creare. quod si ita est, magnos motus timeo*. Hac tota de re Sigonius egregie lib. 3.

lib. 3. de antiquo iure Italiae c. 2.

Cumarum tenus] Cumas vsque perueniunt, ultra progressi non sunt, ultra Cumas nihil de transpadanorum comitiis auditum est.

Auditionem accepi] Durior et horridior interdum Coelius est in explicanda sententia, quis enim sic loquatur, *ne tenuissimam quidem auditionem de ea re accepi*, pro, nihil prorsus audiui? fortasse hoc illud est, cur in eo sordes verborum Tacitus appellet, et subiungat, *amarior Coelius*: et Quinctilianus asperitatem ei tribuat in dicendo.

Marcellus] Consul cum Sulpicio iam erumpebat inter Caesarem et Pompeium discordia, sero nimis opes Caesaris timente Pompeio: qui proximo anno consul tertium pugnaverat, ut absens Caesar consulatum petere posset; contra quam legibus cautum erat. lib. 6. epist. 6. et ad Attic. lib. 7. epist. 1. et lib. 8. epist. 3.

De successione Galliarum] Ut Caesari ante legitimum diem succederetur, erat enim hic octauus Caesaris annus in administratione Galliarum, imperio decem annorum ei concessio; quinquennio vno lege Vatinia, ipso Caesare cum Bibulo consulatum gerente; altero lege Trebonia, Pompeio et Crasso eodem, quam Pompeii et Crassi legem, quod eam ex consulum voluntate Trebonius tribunus plebis tulerat, Hirtius vocat lib. 8. de bell. Gall. c. 53. *Marcellus*, inquit, *proximo anno, cum impugnavet Caesaris dignitatem, contra Pompeii et Crassi, retulerat ante tem-*

pus ad senatum de Caesaris provinciis.

In Kal. Iun] Senatus consultum de Galliis, non Kal. Iun. sed pridie Kal. Oct. referente Marcello, factum, misit Cicero Coelio. epist. 8.

Disulsi] Epistola sequenti: *Marcelli impetus resederunt, non inertia, sed (ut mihi videbatur) consilio.*

Sermones expressit ERN. *repressit*] Cum, cum statim de Galliis relaturum, homines loquerentur. *Sermones retundere*, dixit epist. 6. Sed, *reprimere*, Ciceronianum est. lib. 2. epist. 8.

Offendisti] Offendit cum Tarenti, et cum eo tres dies fuit. lib. 2. epist. 8. et lib. 5. ad Attic. epist. 6. et 7.

Aliud sentire et loqui] De simulatione Pompeii, lib. 1. epist. 5. et lib. 4. ad Attic. epist. 9. et lib. 3. ad Q. Fr. epist. 8. *Velit, nolit, scire difficile est.*

Perferibam] Perferibere noluit Cicero: rescripsit enim lib. 2. epist. 8. *Cum Pompeio complures et nullis in aliis, nisi de re publica, sermonibus versatus sum: quae nec possunt scribi, nec scribenda sunt. Tantum habeto, civem egregium esse Pompeium, et ad omnia, quae providenda sunt in republica, et animo, et consilio paratum.*

Sufurratores ERN. *Sufurrationes*] Incertis auctoribus. nam, si quid esset certius, sufurrationes non essent, quae paucorum sermones sunt, sed rumores inter omnes. Paulo post: *Haec inter paucos secreto narrantur.*

Apud Bellouacorum] Cum quibus hoc anno bellum Caesar gessit.

fit. Hirtius lib. 8. de bell. Gall. c. 6. seqq.

Neque haec incerta] Neque tamen haec, quae sunt incerta, vulgo iactantur, sed narrantur inter paucos, male in Caesarem animatos. Paulo ante: *Suffragationes aumtaxat veniunt.*

Vulgo iactantur] Quibus de rebus dissipatus rumor est, eae res vulgo iactari dicuntur. Livius lib. 9. c. 45. *Ob haec vulgo in conciliis iactata populus Romanus bellum fieri Aequis iussit.* et lib. 38. c. 28. *Iactata sermone haec res apud Romanos.* Eodem verbo in eadem sententia Caesar vsus lib. 1. de bell. Gall. c. 18. Suetonius autem saepissime.

Quos tu nosti] Caesaris inimicos, Bibulum, Catonem, Domitium, praecipuos optimatum duces contra Caesaris Pompeique potentiam, quamquam Pompeius, qui Caesaris opes auxerat, easdem sero timens, de reuocando ex Galliis Caesare cum optimatibus coeperat cogitare.

At Domitius] L. Domitius Ahenobarbus, consularis, acerrimus Caesaris aduersarius. In praetura conatus est, quae consul Caesar egerat, infirmare. quod cum obtinere nequisset, biennio post consularis candidatus palam minatus est, consulem se effecturum, quod praetor non potuisset, adempturumque ei exercitus. quo metu Caesar operam dedit, ac perfecit, ut, detrudendi Domitii causa, Pompeius et Crassus consulatum peterent. Suetonius in Caesare c. 24.

Manus ad os apposuit] Eorum more, qui secreto aliquid narrant. Sinbaudiendum videtur, *quam haec libenter narret.*

Subrostrati] Infimi ordinis homines, sub Rostris versari soliti. Livius humillimam plebem, forensium factionem, ac turbam vocat lib. 9. c. 46.

Q. Pompeio] Ruffo, Sullae dictatoris ex filia nepote, v. Clodii familiarissimo. tribunus plebis anno proximo cum T. Munatio Plancio et C. Sallustio collegis, inimicissimas de Milone; ob Clodii necem, contiones habuerat, Caecroni etiam, quod Milonem defenderet, invidiam concitavit. damnatus est ipse primum, deinde Plancus, quod eorum concionibus incensa plebs, Clodii corpore in curiam illato, curiam ipsam cremasset: quo igne Porcia quoque basilica flagrauit: ex quo non modo Sex. Clodium, eius auctorem seditionis, verum et multos ex factione Clodiana, praecipue vero Q. Pompeianum, et T. Plancum lege Pompeii Magui de vi condemnatos esse, Dio Pedianusque declarant. Illud quasi *ἐν παρέργῳ* addam; Latinam Dionis versionem emendandam, in qua Pompeius hic Sullae sororis filius vocatur: cum dixerit Dio, *Σύλλαν θυγατρὸς*, id est, Sullae ex filia nepos. idque Pedianus, et epitome Liviana lib. 77. confirmat. pater eius, Q. Pompeii Ruffi, Sullae in consulatu collegae, filius, in seditione a tribuno plebis P. Sulpicio excitata, occisus est.

Baulis] Vbi Romanis exsiliibus per leges licebat esse. hoc enim ius, teste Polybio, foederatae ciuitates habebant; in quibus fuisse Bauli videntur, cum ab eo Neapolis, Praeneste, Tibur, propinqua Baulis opida, nominentur.

Embaeticam facere] *Ἐμπατικὴν* est nauem conscendere: ex quo, *embae-*

embaeneticam facere, pro conscendendi artem exercere. maritima fortasse mercatura vicium sibi Pompeius exsul comparabat, ad inopiam redactus, ut ex eo, quod sequitur, liquet, *ut ego miserer eius esuriei*. Sunt, qui malint, *embaeneticus*: ut maritimum Pompeii latrocinium significetur; *ἐπὶ τῇ ἐμπαθείᾳ*: unde *ἐμπατής*, sicut *ἐκπατής*, et *ἐμπατήτης*: et inde *ἐμπατικός*: potius, quam *ἐμπατιστικός*. Turnebus legebat, *empineticam*, a verbo *ἐμπίπτειν*, quod est esurire: ut Q. Pompeium dicat esurienti artem facere.

Ut ego miserer eius esuriei] Ita misertus est, ut eum in iudicio adversus Corneliam, eius matrem, defenderit: quod eo laudabilius fuit, quia Q. Pompeius, hoc ipso Coelio accusante damnatus, exsulabat. Vide Valerium Max. lib. 4. c. 2.

Hoc mendacio ut defungeremur] Pro, *defungereris*. amoris enim causa, quod unius Ciceronis erat, sibi quoque communicat, ex vetere proverbio, *amicorum omnia communia*. Defungitur autem is, qui euadit, et periculo liberatur. Pro Roscio Amerino c. 8. pro Sextio c. 34 et Virgilius lib. 6. Aen. v. 83.

O tandem magnis pelagi defuncte periculis.

Optavi, igitur, ut defungeremur, ut tuti iam essemus ab omnibus, si quae tibi impenderent pericula: ut hoc mendacium finis et quasi defunctio esset omnium periculorum.

Plancus tuus] Ingenio Coelius fuit ad iocandum proclivus: quod et Quintilianus animadvertit in eius orationibus, et omnes, quae nunc leguntur, ab eo scriptae ad Ciceronem epistolae demonstrant. *Tuus*, hic dixit, cum ironia: quod Plancus Bursa Ciceronis esset ini-

micissimus, nec iniuria, quod eo accusante, ut Dio tradidit, de vi condemnatus esset. Vel, *tuus*, quod Ciceronem, in quem inucheretur, delegerat. operae pretium est legere, quae de eo ad Marium scripserit, lib. 7. epist. 2. et lib. 9. epist. 10. et Phil. 13. c. 12. frater fuit L. Planci oratoris, ad quem sunt Ciceronis epistolae, et ipsius ad Ciceronem, lib. 10. Pedianus in argumento Milonianae.

Rauennae] Vmbrorum colonia fuit, Strabone teste lib. 5. in Gallia cispadana, quae Caesaris provinciae pars fuit; extra Italiae terminos. nam Galliae provinciae initium ad superum mare Rauenna fuit, ad inferum Luca, ipsa quoque colonia, ut ostendit Velleius lib. 1. c. 15. Ut igitur Q. Pompeio Baulis, in foederata ciuitate, sic Planco Rauennae, quae colonia Latina fuit, non ciuium Romanorum, esse licuit. Latinae enim coloniae suis legibus, iisdem scilicet, quibus vetus Latinum, Romanae vero Romanis utebantur.

Congiario] Munere. nam, quia congii mensura muneri populo primis temporibus datum est, hinc ad omnia munera, etiam pecuniaria, *congiarii* nomen transit. Quod Ciceronis, Suetonii, Plinii, aliorum exempla significant.

A Caesare] Quod L. Planci frater esset, Caesaris in Gallia legati, lib. 5. de bell. Gall. c. 24.

Nec beatus] Quod aeris alieni tantum antea contraxisset, ut, accepto magno congiario, minime tamen abundaret. Lotupletes interdum *beatos* et Cicero, et alii appellant.

Nec

Nec bene instructus] Tantum abest, ut beatus, ut nec bene instructus sit. Erat igitur simili duorum exsulum, Ciceronis inimicorum, conditio, cum illum esurire, hunc bene instructum non esse, Coclius dicat.

Politici libri] Sex libri, in quibus formam Cicero expressit eius reipublicae, quae, ut apud Augustinum in libris de ciuitate Dei scriptum animaduerti, a secundo Punico bello ad Ti. Gracchi tribunatum, id est, ad Africani minoris interitum, floruerat: ipsumque Africanum cum C. Laelio, M. Manilio, P. Furio Philo, consularibus viris, disputantem de optimo statu ciuitatis induxit; probauitque ceteris rebus publicis ideo Romanam antecellere, quod ex triplici genere, regio, optimatum, populari, temperata, nullam neque domesticae iustitiae, neque bellicae rei partem desideraret: cum in singulis generibus aliquid inesset vitiosum, quod exitium ciuitatibus asferre posset: confusis autem omnibus, perfectum quiddam existeret, quo reipublicae salus et incolumitas conseruaretur. Appellat eos, *de optimo reipublicae statu*, lib. 1. de Leg. c. 5. *de optima reipublica*, lib. 3. c. 2.

Scriptis eos ab exsilio restitutus, post Appium et Domitium eorum in extrema epist. 9. lib. 1. ubi sua scripta commemorat, nullam omnino de his libris mentionem facit: putato, quod absolui non essent: institutos enim eo anno, videtur indicare lib. 3. ad Q. Fr. epist. 5. Horum librorum fragmenta, quasi tabulas naufragio disiectas collegit diligentissime, natus ad illustrandam antiquitatem, omnique prorsus ingenii ac probitatis laude cum ipsa antiquitate conferentibus, merito mihi et sua virtute, et singulari erga me studio carissimus, Carolus Sigonius: cuius etiam industriae atque doctrinae non solum argumenta eiusque de reipublica libri, sed etiam obscurorum locorum, quicumque in omnibus Fragmentis doctorem luenteque requirebant, explanationem verissimam ac discretissimam debemus.

Omnibus viget] Attico maxime: ad quem lib. 6. epist. 1. Cicero ita scripsit: *Cum sex libris, tanquam praedibus, me ipsum bstrinxerim, quos tibi tam valde probari gaudeo.* Et ad eundem epist. 3. ibidem. *Reliqua plena ad hoc et laudis et gratiae, digna iis libris, quos tu laudas.*

EPISTOLAE II.

ARGUMENTVM.

M. Valerius Messalla ante annum consul fuerat cum Cn. Domitio Caluino, creatus ex interregno, per ambitum, septimo anni mense, ut ex Dioue et Appiano cognoscitur. accusatus de ambitu est, absolutusque anno ante quam consul fieret: de quo sic lib. 3. ad Q. Fr. epist. 8. Messallam iam nostrum, reliquosque molestia leuatos, vehementer gaudeo: eumque quod certum consulem cum Domitio numeratis, nihil a nostra opinione dissentitis. Rursus eodem crimine in iudicium vocatus, euasit incolumis Hortensio defendente. qua de re lib. 4. ad Attic. epist. 17.

epist. 17. in libro autem de clar. orat. c. 96 ita loquitur Brutus: Hortensium magnum oratorem semper putari, maximeque probavi pro Messalla dicentem, cum tu abfuisti. Sic ferunt, inquam, idque declarat torideu, quot dixit, ut aiunt, scripta verbis oratio. Et Valerius lib. 5. c. 9. sic: Hortensius Messallam, suae sororis filium, heredem habiturus, ambitus reum defendens, iudicibus dixit: si filium damnassent, nihil sibi, praeter osculum nepotum, in quibus acquiesceret, superfuturum; hac scilicet sententia, quam etiam editae orationi inseruit, filium potius in tormento animi, quam in voluptatibus, reponens. Idem postea retractus in iudicium damnatus est: quod Coelius epist. 4. significat. De absolutione igitur, quam nemo expectauerat, de exhilato Hortensio, Messallae patrono, de Marcelli consulis impetu sedato, de consularibus comitiis, de suis in aedilitate competitoribus, de pantheris, de syngrapha Sittiana, de commentariis rerum urbanarum, breuissime ad Ciceronem Coelius, et, suo more, familiarissime scribit. Tota negotialis est epistola.

EXPLANATIO.

Certe, inquam] Quod inopinata res acciderat, quam vix Cicero credidurus esset, qui Messallam corruptis pecunia comitiis factum esse consulem plane nescit, ab affirmatione orditur.

Me praesente ERN. repraesentante] Sic aliquot antiqui libri: alii, *me repraesentare*: nonnulli, *me prebente*: quod non displicet. putat aliquis, *matre prebente*: quae fuit soror Hortensii oratoris. ego nihil affirmo.

Pronunciatum est] Latis sententiis, pronunciabat ex lege praetor, quod iudicium maior pars iudicasset. maiore sententiarum numero vel absoluebatur, vel condemnabatur reus: si par erat, nihilominus absoluebatur: quod oratio docet pro Cluentio c. 27. ex pronuntiatione igitur praetoris, absolutum sententiis omnibus Messallam, cognitum est.

Ordinibus] Aurelia lege, quam Hortensio et Metello coff. tulit L.

Aurelius Cotta praetor, tres ordines iudicare coeperunt, senatores, equites, tribuni aerarii: cum equites antea lege Cornelia L. Sullae per annos decem turpiter iudicassent. Pedianus ad Corneli. I. et in nostro de Romanis legibus libro copiose.

Vide modo; inquis] Dum nimis amat breuitatem Coelius, obscurat saepe sententias: quod in Thucydide vitium Cicero, notauit. videtur tamen fingere dicentem Ciceronem: *Vide modo, Coeli: non de Messalla bene homines existimant? non eius patet innocentia?* Respondet Coelius: *Non mehercules, etc.*

Validissime] Pro, *validissime*. nam, *valde* fit a *valide*. Vnicum adhuc inuenimus exemplum, quod recitat Carilius ex dñi Hadriani orationum 12. *A vobis, inquit, P. C. peto et impetratum validissime cupio, ut proxime imaginem Augusti argenteum potius clupeum, sicut Augusto, ponatis.*

Ad

Ad dolendum] Vt eius vicem dolerem, etique dolorem meum vultu et verbis declararem: quod officium amicitia postulat.

Captus] Vt iis, qui capiuntur, itidem mihi, rei nouitate, et huiusce non expectato iudicii euentu, percussus affectusque animus est, prorsus me stupor oppressit.

Corripuerunt] Reprehenderunt. sic locutus epist. 9.

Relictus lege Licinia] De ambitu absolutus, cui poenam irrogabat Licinia lex.

Maiores periculo] Elapsus enim priore iudicio non sua innocentia, sed iudicium sordibus, accusabitur de corruptis iudiciis, maiore periculo, quam de ambitu, damnatum ostendit epist. 4.

Postridie eius absolutionem ERN. *absolutionis*] *Postridie eius dixi*, dixit Sulpicius lib. 4. epist. 12. et Caesar lib. 1. de bell. Gall. c. 23. 48. 51. *Postridie ludos Apollinares*, Cicero lib. 16. ad Attic. epist. 4. *postriduo*, pro postridie, Plautus in Mil. glor. Act. 4. Sc. 2. v. 90. *postrydie*, simpliciter Cicero.

Theatrum Carionis] Non erit huius theatri, quod in funeri patris munere Curio dedit, iniucunda cognitio. sic enim a Plinio describitur lib. 36. c. 15. *Theatra duo iuxta fecit amplissima e ligno, cardinum singulorum versutis suspensa libramento: in quibus utrisque, antemeridiano ludorum spectaculo edito, inter sese auersis, ne iniucem obstrepere scenas, et repente circumactis, ut contra starent, postremo iam die descendens tabulis, et cornibus inter se coeuntibus faciebat amphitheatrum, et gladiatorum spectacula edebat.*

Hortensius] Quo defendente impunitatem Messalla erat affectus. auunculum eius fuisse, et Valerius ostendit lib. 5. c. 9. et Plutarchus in Sulla.

Vt suum gaudium gauderemus] Vt sua laetitia lactaremur. sic et *sultare sultationem*, in oratione Scipionis Aemiliani contra Ti. Gracchum, apud Macrobius lib. 2. Saturn. c. 10. et *dolere dolorem*, et similia.

Hic tibi] Pro, tunc. nam tibi, ornamenti causa positum, ut lib. 9. epist. 2.

Tonitruum] Cum e strepitu, fremitu, clamore quiddam tonitruum simile fieret.

Rudentum] Rudere, asinorum more, homines solent, cum aliquem contumelioso ludibrio vexant.

Sibilus] Cum et ruderent simul, et exsibilarent Hortensium. fortasse autem, *rullentum sibilus*, ideo coniunxit Coelius, quod illud Pacuvii memoria teneret, *Rudentisibilus*, notatum a Varrone lib. 4. de l. L. antiquitatem enim paullo etiam magis, quam decuit, imitari Coelio placuit: quod a Tacito et Quinctiliano reprehensum videmus.

Intactus a sibilo] Ingredientes in theatrum sibilo excipiebantur ii, de quibus bene populus non existimaret. de quo in orat. pro Sextio c. 54. *Ei, qui pendet a rebus levissimis, qui rumore, et favore populi tenetur et ducitur, plausum immortali tamen, sibilum, mortem videri necesse est.* Et lib. 2. ad Attic. epist. 19. 21.

Vicisse] Obtinuisse, ut Messalla absolveretur.

Marcelli]

Marcelli] Consulis.

Impitns] De successore Caesari in Gallias mittendo. epist. 1.

Refederunt] Quieverunt, sedati sunt. Tusc. 3. c. 12. *Cum tumor animi refedisset.*

Consilio] Quod, aduersari suis consiliis alterum consulem Sulpicium cum intelligeret, exitum rei desperaret: ait eum Suetonius in Iulio c. 29. *Summa ope resistit, partim per intercessores tribunos, partim per Seruium Sulpicium, alterum consulem.* Et Epitome Liviana lib. 108. *Contentiones inter consules, de successore C. Caesari mittendo.* Hirtius autem lib. 3. de bell. Gall. c. 53. *Marcellus proximo anno, cum impugnet Caesaris dignitatem, contra legem Pompeii et Crassi, reuelaret ante tempus ad senatum de Caesaris provinciis; sententiisque dilectis, discessionem faciente Marcellus, qui sibi omnem dignitatem ex Caesaris inuidia quaerebat, senatus frequens in alia omnia transiit.* Cicero etiam lib. 4. epist. 1. 2. 3. ait cum defensorem pacis in consulatu fuisse.

Incertissima est existimatio] Prorsus ignoratur, qui consules futuri sint.

Ego] Petebat hoc anno Coelius, et obtinuit aedilitatem.

Nobilem] C. Hirrum, qui nondum aedilitius auguratum cum Cicerone consulari petere ausus erat.

Nobilem agentem] Non vere nobilem, sed qui se nobilem fingeret.

M. Octavius] Qui cum Coelio aedilis curulis videtur creatus. lib. 5. ad Attic. epist. 21.

Cn. F.] Patris non en addit, vt cum Cicero agnoscat. ex quo patet de eo dici, non de Hirro, *nobilem agentem.*

C. Hirrus] Luceiae gentis. nominatur in senatus consulto epist. 8.

Propter thirum] Cuius repulsa nuncium auide a te expectari scio: cur? quia Ciceronis competitor fuerat in auguratu. epist. sequenti, et 9.

Pantheras] Quas e Cilicia miti a Cicerone cupiebat, vt eas populo suis ludis daret. binos ludos aediles dabant, Megalesia, et Romanos: in quibus varii bestiarum genera, maximeque si possent, inuitata, quo populus iucundiore spectaculo frueretur, offerebant. in iis pantherae fuere, Africanae, et Graecae, id est ex iis regionibus aduectae, quarum incolae Graece loquerentur: in quibus Cilicia, Ciceronis prouincia, fuit. ideo epist. 6. *syffe*, inquit, *tibi erit, pantheras Graecas me non habere.* epist. 4. 8. 9. et lib. 2. epist. 11. et lib. 5. ad Attic. epist. ult. lib. 6. ad eundem epist. 1.

Syngrapham Sittianam] Ex qua exigeretur a Sittio pecunia, quam in aedilitatis impensas Coelius erogaret. epist. 4. 8. 9.

Cominendo] Ne solutio differatur.

EPISTOLAE III.

ARGUMENTVM.

Principium epistolae morale est. significat enim Coelius et suam in scribendo diligentiam, et quo Ciceronis absentis desiderio teneatur. Deinde

Deinde ad negotia sermonem conuertit. Se certiore Hirro candidatum esse aiā: Philotimum absenti Miloni satisfactum: vaide sibi gratum fore, ut cum suis Cicero scriptis cruet.

EXPLANATIO.

Esne] Quam acuto atque urbane Coelius ingenio fuerit, ex epistolarum principiis intelligitur: salis enim aliquid omnia fere habent. *Esne?* inquit: non id praestito, quod tibi discedenti promiseram, quod tu fore negabas, ut crebro litteras mitterem?

Vici] Quasi contentio fuerit inter eos, cum Coelius de litterarum crebritate affirmaret, Cicero negaret.

Delectum otium meum] Quam ratione, quod vacui temporis conceditur, iucunde traducam, non habeo. *Otium* vocauit, ut occupationes ostenderet suas, de quibus etiam in epist. 1.

Vacui] Non occupato, cum vacarem a negotiis, cum vacuus essem. sic Cicero lib. 12. epist. 30.

Id otii tempus] Id temporis, dum otiosus eram.

Sed Romae] Ut non mihi soli, sed vniuersae ciuitati, te absente, solitudo videatur esse.

Et qui — discernior] Plautina sententia in Capt. Act. 1. Sc. 2. v. 39.

Tum denique homines nostra intelligimus bona,

Cum quae in potestate habuimus, ea amissimus.

Curat] Argue. nam; quia cum Cicerone coram de Hirro iocari, eiusque ineptias ac stultitias riedere cupiebat, ideo *curat*, inquit, *Hirrus*, ut te dies noctesque quaeram. Plus autem est *curat*, quam *facit*,

aut *causa est*: quasi dicat: in hac petitione ita multa agit inepte, ita stulte, ut curare de industria videatur, ut ego tecum sim, quo illum ridere possimus.

Auguratus] Augur Cicero fieri noluit ante exsilium suum: reuersus in patriam, ne calamitas dignitatem eius minuisse videretur, studuit quam ornatissima senatus populi que Romani de se iudicia intercedere: quod ipse ad Catonem scribit lib. 15. epist. 4. Augur autem in locum P. Crassi, Marci filii, a Parthis interfecti, creatus est, Plutarcho teste: nominatus, de more, a duobus auguribus, Pompeo Magno et Q. Hortensio oratore. Phil. 2. c. 2. et in Bruto c. 7. qui fuit annus urbis DCC. Domitio et Metella cons.

Nam mea] Nam mea quidem cautia ideo minus cupio, quam tua, quia, si aedilis fiam, forsitan cum locupliore referam, id est, cum aliquo fiam, qui diuitiis Hirrum superet: quod e re mea non erit. opibus enim certandum erit in sumptu ludorum. Aediles curules ludos debant magnificentissimos. lib. 2. de Offic. c. 16. et pro Murena c. 19. et Valerius Max. lib. 2. c. 4.

Hec] Ut ille repulsam ferat.

Sed tanti] Tantine, dices, hoc est, ut, si acciderit, propterea nobis tota vita risus decisse non possit? nichercule tanti est. ita enim multa, quae merito rideantur, quotidie committit, ut inde nobis perpe-

perpetuam ridendi materiam capere liceat.

Eorum odia, quae Hirrum premunt] Si dixisset, ea odia, vltimate dixisset: cum vero dixerit, *eorum*; Latini sermonis ratio, qui, postulat potius quam, quae. Sed est hoc Coelianum dicendi genus, id est plane durum et asperum, notatum etiam, ut iam ostendimus, a Quintiliano et Tacito. Eandem sollocismi speciem agnosco in epistola sequenti, cum dixit: *In evitandis his consiliis, qui se intenderant aduersarios in eius tribunatum*. Quo in loco postulabat vsus Latinae linguae, in evitandis eorum consiliis. Verum, qui ea legerit, quae de Coelii eloquentia, ante huius libri interpretationem, ex antiquorum testimonio praefati sumus, accuratam a Coelio dictio- nem valde non exspectabit.

Subleuat] Licet Octavius gratia non valeat, non ideo tamen fit, ut ea, quae Hirrum premunt, odia minuantur. optabile solet esse, ut competitorum non gratiosum habeamus, quo facilius ad nos populi studium inclinet. hoc Hirro contigit, ut inops ab amicis et estimatione sit Octavius: nec tamen ideo, quae Hirrum premunt, odia levantur.

Philotimi] T. Annii Milo, quo tribuno plebis praeter ceteros adiuuante in patriam ab exsilio Cicero redierat, anno proximo de vi reus ob necem P. Clodii, cum legis poenam, id est, exsiliium, bonorumque omnium publicationem timeret, cepit hoc, auctore in primis Cicerone, consilium, ut, si iudicio damnaretur, quam damnationem publicatio bonorum sequeretur,

eius bona Philotimus, Terentiae Ciceronis libertus, in auctione emeret, ea conditione, ut, si quando ipse recuperandi facultatem nactus esset, Philotimus restitueret, ipsique Philotimo tantum pro fide ac sedulitate, quasi mercedis loco, Milo persolueret, quantum Cicero aestimasset. quod Coelius a se curatum scribit, Ciceronis, opinor, litteris rogatus, ex itinere missis. nam Brundisii cum esset, hac ipsa de re sic ad Atticum scripsit lib. 5. epist. 5. *Roma acceperam litteras, Milonem meum queri per litteras iniuriam meam, quod Philotinus sciens esset in bonis suis. id ego ita fieri volui de C. Duonii sententia; quem et amicissimum Miloni perspexeram, et talem virum, qualem tu iudicas, cognoram*. Et paullo post: *Philotimus, ut ego ei coram dixeram, nibique ille receperat, ne sit inuito Milone in bonis*. Nunc ad Coelii verba veniamus.

Liberti] Terentiae, Ciceronis vxoris. lib. 6. ad Attic. epist. 1. et 3. et alibi.

Officium] In conservandis Milonis bonis magna fide ac sedulitate.

Bona Milonis] Ut Miloni restituerentur; quod et ad Atticum antea, ut ostendi, et, opinor, ad Coelium scripserat.

Dedimus operam] Tum, ut Ciceroni obsequeretur, id per litteras roganti; tum etiam, quia Milonem ipse diligebat: quem antea tribunus plebis de vi reum, ob necem Clodii, defendit acerrime. Cicero pro Milone c. 33. Peditanus,

Quam honestissime] Fuit enim honestissimum, ac maxime decuit, ab eo satisfieri Miloni absenti, id

est ea restitui, quae, cum Milonis damnati bona in auctione venirent, emerat. sic lib. 2. de Offic. c. 1. *Existimauit; honestissime molestias posse deponi, si me ad philosophiam retulisset.*

Miloni absentē] Massiliae exuabat. Pedianus, Dio, et alii.

Eiusque necessariis] Ad quos Milo scripserat, ut a Philotimo sua bona redimerent. vide lib. 5. ad Attic. epist. 8. ex qua epistola satis constat, ipsum etiam Ciceronem partem Milonis bonorum, emptam in auctione, possedisse: de qua parte recuperanda non videtur Milo laborasse, vel amicitiae causa, vel quod pecuniis, ut arbitror, non abundaret.

Existimatio ERN. Aestimatio tua] Aestimauerat Cicero, quantum Philotimo, pro eius fide ac sedulitate Milo daret: idque ipse Philotimo promiserat: itaque sic ad Atticum scribit: *Statues, ut ex fide, fama, reque mea videbitur.* quo in loco vide quae diximus in Commentario.

Aliquod σύνταγμα] Si Latine veritas, proprie σύνταγμα compositio est, a σύνταγμα. liber significatur accurate scriptus. nam σύνταγμα, Latine commentarius, ex tempore

et sine studio conficitur. lib. 12. ad Attic. epist. 45. *Ego hic duo magna σύνταγματα absolui.* quo loco duos Academicos, et quinque de Finibus libros indicat. Et Simplicius ἐν τῇ α τῷ ἑκτῷ, ἡγεονματινὰ καὶ σύνταγματινὰ, ait esse σύνταγματα.

Homini non inepto] Cum ioco dixit: quasi, qui aliena industria sui nominis famam quaerat, non ineptus omnino sit.

Monumentis] Scriptis. alibi, *litterarum monumenta, annalium monumenta.*

Exflare] Subanditur, *in mentem venit:* id est, ideo venit hoc in mentem, ut exstaret aliquod scriptis tuis, quod posteris etiam nostram amicitiam declararet.

Nostrae amicitiae] Artificium, ut impetret. non, inquit, gloriae studium, sed testificandae apud posteros amicitiae nostrae cupiditas in hanc mentem adduxit.

Omnem nostri disciplinam] Omnem doctrinam scientia comprehendisti.

Genere] Quod argumentum deligas, monendus non es: genus tamen id sit, quod nec a mea persona alienum videatur, et aliquid doceat; quo libentius legatur.

EPISTOLAE IV.

ARGVMENTVM.

Varium est, si spectentur sententiae; huius epistolae argumentum: si genus, totum negotiale. nam de Messulla damnato, quem ante scripserat absolutum, de C. Marcello consule designato, M. Claudio absoluto, Dolabella XVviro creato, Lentulo repulso, condemnato Servio tribuno plibis designato, Curione eius locum petente, Coelius significat. adiungit de comitis et praetoriis, et suis aedilitiis: quid alium sit in senatu, quem in Caesarem Pompeius animum ostenderit. claudit epistolam commendatione rerum suarum.

EXPLANA-

EXPLANATIO.

Messallam] De quo epist. 2. Cognomen a Messaua capta: ideo scribitur geminata *l*, quod lapides Capitolini veteres, praeterea nummi seruant: idque postulat analogia. Sic enim a Messana ducitur *Messalla*, vt a Corona *Corolla*, Catena *Catella*, Fiscina *Fiscella*.

Condemnatum] Ideo dixit epist. 2. *Relictus lege Licinia, maiore esse periculo videtur.*

C. Marcellum] M. Marcelli, vt ait Suetonius, fratrem patruelini; quem nemo consulem expectabat. ex quo illud in epist. 2. *De comitiis consularibus incertissima est existimatio.*

M. Claudium] M. Claudius consul erat hoc anno cum Ser. Sulpicio. itaque nec in eum repulsae, nec accusationis mentio conuenit. nisi si alium M. Claudium putemus intelligi quod si ita esset, omnino distinguendi gratia, vel cognomen, vel patris praenomen, vel notam aliquam Coelius addidisset. placet igitur, quod Corradus sensit, *Calidum*, pro Claudio, et *Gallii*, pro Gallis: vt sit M. Calidius orator, a duobus fratribus Galliis accusatus. quod eo verisimilius videtur, quia ipse quoque eorum alterum, Q. Gallium, accusauerat, quem Cicero defendit. constat ex libro de clar. orat. in quo c. 80. sunt haec: *Memini, cum (M. Calidius) in accusatione sua Q. Gallio crimini dedisset, sibi eum venenum parauisse, idque a se esse depræbensum.* idem legimus in Valerio lib. 8. c. 10. idem hic epist. 9. Coelius significat his verbis: *Calidius in defensione*

sua fuit disertissimus, in accusatione satis frigidus. Sunt, qui legant, *a Gallis duobus*: et M. Claudium putent ab vltiore et citeriore Gallia accusatum, in quo primum discedunt et a Mediceo, et plane a scriptis omnibus libris, in quibus est, *duobus*, non *duabus*: deinde nulla nituntur historia, nam, si accusatur a prouinciis, certe repetundarum. vtrique igitur Galliae praefuerit, necesse est, quod nemo prodidit. nec omnino cuiquam, ante C. Caesarem, administrationem vtriusque Galliae mandatum existimo.

A repulsa] Post repulsam consulatus. praetor enim Calidius fuerat Lentulo et Metello coff. oratio demonstrat in senatu habita post reditum c. 9

Postulatum] Reum factum. epist. 6. 8. 12. fortasse de ambitu: siquidem post repulsam postulatus est.

P. Dolabellam] Corneliae gentis, patriciae; qui postea gener fuit Ciceronis. accusauit Appium de ambitu. epist. 6.

Quindecimviri] Quindecimviri custodiebant libros Sibyllinos, a Cumaea Sibylla, Prisco regnante, Romam allatos. *fatales* vocabantur, quod fata, id est immutabilem Iovis voluntatem, praedicerent. ad eos, quasi ad Oraculum, quindecimviri adibant, cum dii immortales publice consulendi essent. historiam Gellius lib. 1. c. 19. ex antiquis annalibus exposuit. Dio lib. 39. sacerdotes nominat custodes horum versuum, Cicero interpretes, lib. 1. de Diuin. c. 43. Quo in loco de-

cemui, non *quindecimui*, appellatur. sed veritatem aperit distinctio. nam superioribus temporibus decemui Sibyllinos libros custodiebant; Ciceronis aetate, atque etiam post aliquot saecula quindecimui. quod Ausonii poetae in Grypho versibus (Edyl. 12. 35. seqq.) constat:

Et tres fatidicas nomen commune Sibyllae,

Quarum tergemini fatalia carmina libri,

Quos, ter quinquorum seruat cultura virorum.

Suetonius in Iulio c. 79. *libros fatales* vocat.

Lentuli Cruris] Fortasse is est, qui anno sequenti consul designatus est. potuit enim et *Crus*, et *Cruscellus* nominari.

Descenderat] In campum Martium, ubi comitia creandis sacerdotibus lege Atia fiebant: cum eam potestatem T. Atius Labienus a collegiis ad populum transtulisset. qua tota de re diximus in libro de Legibus.

Nostri equites] Quorum studia Coelius amicissimo suo Dolabellae adiunxit. *Nostri* autem, quia Coelius et Cicero equestri loco nati, id est parentibus, qui supra equestris ordinis gradum, id est ad senatoriam dignitatem, numquam adscendissent.

Designatum tribunum plebis] Ergo comitia tribunitia ante praetoria et aedilitia fiebant; quae nondum esse facta, paullo post manifestum est. ante consules etiam designabantur tribuni plebis, quod lib. 1. ad Attic. epist. 1. testatur: primique omnium magistratum in-

ibant IV. id. Dec. cum reliqui omnes magistratus Kal. Ian.

Condemnatum] De ambitu, quod tribunatum plebis largitione consecutus esset.

Magnum metum] Quod inquieto esset ingenio, et ab eloquentia paratus. Coelius tamen, eum propter amicitiam excusans, ait: *qui eum facilitateque eius non norunt.*

Vt se fert ipse] Vt se ostendit, vt videtur.

Bonos et senatum] Quos primo tribunus plebis defendit: mox ad Caesaris partes transiit, corruptus, Appiano teste, amplius MD talentis. epist. 6.

Vt nunc est] Sic Cicero lib. 12. ad Attic. epist. 29. *Quae si manebunt, quaerenda eris excusatio ad Brutum; et, vt nunc est, mansurae videntur.*

Hoc scaturit] Quasi ebullit hanc rem, vt Seruii locum obtineat. proprie *solum scaturire fontibus* dicitur: sed cum accusandi casu veteres interdum vsi sunt. Plautus in in Pers. Aët. 2. Sc. 1. v. 9. *Id tuus scaturit animus.* Lucretius et cum genitio vsus est lib. 5. v. 40.

— *Ita ad satietatem terra ferarum*

Nunc etiam scaturit. —

Similiter lib. 5. de Fin. c. 27. Cicero: *Dixerit hoc idem Epicurus, semper beatum esse sapientem: quod quidem solet ebullire nonnumquam.*

Initium et causa] Ideo tribunatum plebis petit, vt contra Caesarem agat, a quo contemptus est: cum antea tribunatum minime cogitauerit. quod Cicero significat lib. 2. epist. 7. in eo loco, *cum te tribunum plebis isto anno fore non putarem.*

Infimo

Infimorum hominum] Plebem sibi tribunosque plebis Caesar adiunxit, quod intelligeret optimates eum Pompeio sentire. epist. 4. *In hac discordia*, inquit, *video, Cn. Pompeium, senatum, quique res indicant, secum habiturum: ad Caesarem omnes, qui cum timore, aut mala spe vivunt, accessuros.* Quamquam non infimos tantum homines, verum etiam sequentis anni consulcm L. Aemilium Paullum magna pecuniae vi, qua basilicam Aemiliam exstruxit, ad suam causam traduxit.

Valde] Cum dixerit, *non mediocriter*, cur subiungit, *valde*? fortasse, ut magis augeat: ut cum dicebant, *vehementer etiam atque etiam.*

Contempsit] Maiorē impensa, Curione tribuno plebis, cum eum quoque minime cum infimis conferendum sibi posset adiungere.

Perquam venuste cecidisse] Omnes libri veteres, etiam Medicus, *cecuisse*. vnus tantum, *cedisse*. placet, *cecidisse*: ex more Latine loquendi.

Vsque eo] Videtur dictum pro, *vehementer.*

Nihil consilio facit] Fuit enim ingenio turbulento. de quo Velleius lib. 2. c. 48. *Curio, vir nobilis, eloquens, audax, suae alienaeque et fortunae et pudicitiae prodigus, homo ingeniosissime nequam, et facundus malo publico. Cuius animo, voluptatibus, vel libidinibus, neque opes ullae, neque cupiditates sufficere possent.* Et Suetonius in Iulio c. 29. *violentissimum tribunorum* appellat.

Ratione et insidiis] Si vel vnus suffragaretur antiquus liber, legem libenter: *ratione et consilio*

usus videretur in euitandis eorum insidiis. Quo modo locutus est lib. 5. in Ver. c. 10. *Itinerum primum laborem, qui vel maximus est in re militari, iudices, et in Sicilia maxime necessarius, accipite, quam facilem sibi iste et iucundum ratione consilioque reddiderit.*

In euitandis eorum consiliis ERN. *his consiliis*] Cum sequatur qui, rectius videretur, *eorum consiliis*. quid agas? Coelianum est. Similiter dixit in proxima epistola, *eorum odia, quae Hirrum premunt: pro, qui Hirrum premunt.*

Aduersarios] Postea, cum ab optimatibus ad Caesarem Curio descivisset, ita in gratiam rediere, ut Curionis maxime tribuni plebis opera auguratum Antonius obtinuerit. de quo in Phil. 2. c. 2.

Laelios et Antonior] Cum de Caesarianis loquatur, qui Curioni, Caesaris inimico, (ut quidem tunc aut erat, aut videbatur) in petitione tribunatus aduersarentur, malim *Lollios*, pro *Laelios*. nam Laelii Pompeiani: quod ex libris Caesaris de bell. ciu. cognoscitur. Antonius autem quaestor Caesaris erat in Gallia, et post annum tribunus plebis acerrime Pompeianis Caesarem oppugnantibus, restitit, intercessitque ne senatus consultum de Galliarum successione fieret. Nostram opinionem de *Laeliis* in *Lollios* mutandis adiuvat locus lib. 5. epist. 3. nam ubi, *Lollium*, legitur, non desunt scripti libri, qui habeant, *Laelium*, errorem creante nominis similitudine, et quod notiores Laelii, quam Lollii.

Id genus valentes] Pro, *eius generis*. *Valentes* autem vocat, animo et vigilantia praestantes.

In dies] Designatis enim iam tribunis plebis et consulibus, reliquorum creatio magistratum duci valde non poterat.

Praetoriis] Praetoria comitia fieri statim post consularia solita sunt: sed obstitit nescio quid. auspicia quidem impedimento esse non potuere: cum praetoria, vt Gellius lib. 13. c. 14. docet, iisdem, quibus consularia, fierent; consularia vero facta iam essent.

Mea porro comitia quem enim tum sint habitura] Sic antea in omnibus impressis. nos vocem, *comitia*, sustulimus, quae subintelligitur; vt etiam cum dicit, *praetoriis morae quaedam inciderunt*.

Opinionem incredibilem] Optima signa vidimus propensae in me, alienae autem ab Hirro populi voluntatis.

Aedilium plebis] Qui ante curules ideo creabantur, quod quasi tribunorum plebis ministri, ab initio essent instituti, vt Dionysius et alii testantur. quod si tribunorum plebis causa creati; consentaneum est, vt statim post eos crearentur, id est ante consules, et reliquos magistratus.

Nalla sunt] Quia candidati, antequam sua comitia fierent, aliorum quoque magistratum comitijs prensabant, vt populi voluntatem elicerent; qua perspecta, vel confirmarentur in spe, vel, si quid esse aduersum intelligerent, aliqua ratione mederentur: propterea comitijs tribunitiis, qui candidati consulares erant, prensarunt Galba, Antonius, Cornificius: quod ib. 1. ad Attic. epist. 1. scriptum est. Sic igitur et Coelius Hirrusque cum aedilitatem curulem pete-

rent, aedilium plebis tamen comitijs prensarunt.

M. Coelium Vinicianum ERN. *Vicinianum*] Adoptatum in Coeliam gentem; cum ex Vicinia natus esset. Verum, ne scelerum quod sentio, *Licinianum*, vna tantum littera immutata, potius quam *Vicinianum*, legendum existimo, adductus in hanc opinionem primum hoc argumento, quod hic, qui de dictatore Pompeio cogitauit, varie nominatur, *Lucilius* a Plutarcho, *Vicinianus* ab Hirtio de bell. Alex. c. 77. *Crassus Iunianus* ab ipso Cicerone lib. 3. ad Q. Fr. epist. 8. et in Sigonii vetere libro *Memmianum*, non *Vicinianum*, legi video: vt ipsa varietas mendii suspicionem afferat: deinde, quod, cum *Crassus Iunianus* a Cicerone appelletur, et *Crassus Licinia* gentis cognomen fuerit, licet intelligere, vel cum ex Licinia gente, vel in Liciniam adoptatum, vnde Crassi cognomen acceperit. In Liciniam, qui potest et cum Coelius appelletur: non enim duarum familiarum nomina simul ponuntur. ergo ex Licinia in Coeliam: vt fiat *Coelius Licinianus Crassus*, vetere cognomine conseruato: vt Scipionis cognomen retinuit is, qui Magni Pompeii focer vna cum eo consulatum gessit; cum tamen, a Q. Caecilio Metello Pio, vt Dio scripsit, adoptatus, ab adoptiuo patre praenomen, nomen, cognomen sumpisset, itaque in senatus consulto, quod Coelius epist. 8. Ciceroni misit, *Q. Caecilius Metellus Pius Scipio* vocatur, et M. Lucullus, L. Luculli, qui de Mithridate ac Tigrae triumphauit, frater consobrinus, qui consul fuit cum C. Cassio Varo, cum ex Liciniis in Terentios transisset, veterem

vetere cognomine Lucullus, nouo autem Varro nuncupatus est. Sed, vt nouo praenomine semper, vetere abiecto, sic vetere cognomine non illi quidem semper, sed frequentius, quam nouo, utebantur. exemplo sunt, ne alios quaeramus, ii duo, quos proxime nominauimus: quorum alterum semper Lucullum, numquam Varronem, alterum saepissime Scipionem vnico cognomine, interdum genuino Metellum Scipionem, numquam Metellum simpliciter vocatum meminimus. Accedit ratio temporum, vt idem esse videatur, qui nunc aedilitatem cum Hirro petit, et qui tribunus plebis cum eodem designatus est, in ea ad Quintum epistola. Ergo et hic, *Coelium Licinianum*, non *Vicinianum*, et in epistola ad Quintum, *Crassum Licinianum*, non *Iunianum*, rectius legi crediderim. aequis tamen iudicibus tum hoc, tum omnia, quae a nostra proficiuntur industria, libenter committimus. Cum haec scripserissem, ostendit mihi vir crudelissimus Fuluius Ursinus nummum argentensem, in quo mentio sit Coelii Viciniani: alterum, in quo P. Crassi Iuniani. fortasse potest hic esse P. Coellus Crassus Iunianus, qui ex Iunia Crassorum gente adoptionis iure transferit in Coelianum.

Promulgatio de dictatore] Domitio et Appio cos. cum magnis candidatorum consularium contentionibus extracta in annum sequentem comitia essent, desperata propemodum concordiae spe, ortus est de dictatore sermo: quod vnice difficillimis reipublicae temporibus remedium maiores inuenerant. nec dubium, quin Pompeius crearetur,

honoribus et rerum gestarum gloria clarissimus. de quo sic lib. 3. ad Q. Fr. epist. 8. *Res prolatae: ad interregnum comitia adducta. Rumor dictatoris iniunctus bonis: mihi etiam magis, quae loquuntur. Sed tota res et timetur, et refrigescit. Pompeius plane se negat velle: antea ipse mihi non negabat. — velit, nolis, scire difficile est.* Dictaturam tamen ab eo recusatam, Dio significat lib. 40. Appianus eum, suo more dissimulantem, verbis quidem dictaturam recusasse, re ipsa cupisse, lib. 2. de bell. ciu. narrat. idem et Plutarchus.

Subito deiecit] Subaudiendum, *aedilitate*: vt in orat. pro Murena c. 36. *praetura deiectus est: et Aet. 1. in Ver. c. 8. Si me aedilitate deiecerent.* Hoc enim dicit: Coelium Licinianum, cum petere coepisset, reuocata legis ab eo de dictatore promulgatae memoria, statim aedilitate deiecit.

Insecuta est] Numquam ita Cicerone loqueretur. quid enim hoc est? *promulgatio de dictatore deiectum magno clamore insecuta est.* cum hoc significet: primum populus ei petenti vulgo negauit: deinde magni clamores in eundem consecuti. Et sane, cum hic Coelius, qui *Lucilius* in Plutarchi Pompeio mendose, vt puto, nominatur, rogationem de dictatura Pompeio mandanda ferre conaretur, incurrit in odium ciuitatis: nec longe absuit, quin magistratu se abdicare coactus sit. Plutarchus.

Non faciendum] Alii, *ad non faciendum*: eadem sententia. Deiecto, inquit, Coelio, cuncti flagitare Hirrum coeperunt, ne faceret,

d est, ne peteret aedilitatem. haec est enim illa incredibilis opinio, quæ proxime dixit sua comitia nacta esse aedilium plebis comitiis.

Flagitare] Historico more, pro *flagitabant*.

Quod sperasti] Me designatum aedilem.

De illo, quod vix sperare ausus es] Non modo illum non esse designatum, quod sperasti, sed etiam, quod vix sperare ausus es, urpissime deiectum. Urbane et perfacete ad hunc locum Cicero respondit lib. 2. epist. 10. Iusit enim in verbo, *illo*; et, cum eandem sententiam referret, inquit: *de te, quia quod sperabam: de Hillo, (balbus enim sum) quod non putaram.* De Hillo, dixit, ioco, ut opinor, duplici. nam et *Hirrum*, balborum more, mutatione litterarum pronunciauit; et allusit ad Coelii verba, qui scripserat, *de illo*: pro quo retulit, *de Hillo*. quod a Graecis inter ea, quæ risum excitant, *παράγλαμα* vocatur. lib. 7. epist. 32.

Ad Apollinis] Ἀπολλινιδες: pro, ædemi Apollinis. lib. 14. epist. 2. *Ad me P. Valerius, homo officiosus, scripsit, id quod ego maximo cum fletu legi, quemadmodum a Vestæ ad tabulam Valeriam ducta esset.* Et pro Milone c. 33. *Cum falcibus ad Castoris, eum gladiis toto foro volitarunt.*

De stipendio Cn. Pompeii] Quod legionibus persolueret, quas partim habebat in Hispaniis cum tribus legatis, Afranio, Petreio, Varrohe, partim Arimini: sequitur enim paullo post, *Ariminum ad exercitum Pompeius erat iturus.* hac de re epist. 14. *Caesari quoque de-*

cretum stipendium, dixit lib. 1. epist. 7.

Expensum tulit] Tradidit. nam, *expensum ferre*, est, in tabulas referre, quod expensum ac datum alicui sit. sic in Phil. 6. c. 5. *Quis umquam in illo lano inuentus est, qui L. Antonio mille nummum ferret expensum?* Exemplorum alibi satis est.

C. Caesari] Cum Caesar in Gallia saepe acie victor, maiorem tamen motum, ut inquieta illius erant nationis ingenia, multis de causis exspectaret, ab Cn. Pompeio proconsule petiit, quoniam ipse ad urbem cum imperio reipublicæ causa maneret, quos ex cisalpina Gallia consulis sacramento rogauisset, ad signa conuenire, et ad se proficisci iuberet. quod Pompeius et reipublicæ et amicitiae tribuit. Hoc apud eum totidem verbis lib. 6. de bell. Gall. c. 1. scriptum est. *Hirtius autem sic lib. 8. c. 54. Fit senatus consultum, ut ad bellum Parthicum legio una a Cn. Pompeio, altera a C. Caesare mitterentur: neque obscure hæc duæ legiones uni Caesari detrahuntur. Nam Cn. Pompeius legionem primam, quam ad Caesarem miserat, concessam ex delectu pronunciat Caesari, eam tamquam ex suo numero dedit. Caesar tamen, cum de voluntate aduersariorum suorum se exspoliari nemini dubium esset, Cn. Pompeio legionem remisit. Plutarchus etiam in Pompeio repetitam eam legionem ait simulatione belli Parthici, quod a Dione quoque lib. 40. traditum est.*

Quo numero esset] Post C. Marium sena millia peditum summus in legione numerus fuit, minor interdum;

terdum; quod aliquam ob causam legio esset infrequentior. ideo facta mentio est, quo numero esset ea, quam Caesari Pompeius commodaverat. sed in ea peditum sena milia fuisse, ex Plutarcho perspicuum fuit, qui M. Catonem de Pompeio questum esse narrat, quod sex milia militum ad Caesarem sine senatus auctoritate in Galliam misisset.

Quo appeteretur] Quo numero tribui deberet. Sigonii liber unus, *appeteret*: quod non placuit.

Coactus esset] Nam ipse libenter simulabat: ideo non nisi coactus dixit. se ex Gallia legionem cum abducturum. lib. 1. epist. 5. *Nosti hominis tarditatem et tuciturnitatem.*

Sub mentionem] Post mentionem de ea legione factam.

Conuicium] Efflagitationem. nam conuicium non modo maledictum est, sed etiam vehementior sine intermissione postulatio. unde illud in lib. 2. ad Q. Fr. epist. 11. *Epistolam hanc conuicio efflagitantur codicilli tui.* Et in orat. pro Archia c. 6. *Quaeres a nobis, Grati, cur tantopere hoc nomine delectemur? Quia suppeditat nobis, ubi et animus ex hoc forensi strepitu reficiatur, et aures conuicio desessae conquiescant.* Conuicio, pro multis vocibus multoque clamore, dixit.

Obrectatorum] Fortasse Cato, Bibulus, Domitius Ahenobarbus, Caesaris inimici, Pompeio ob eam causam obrectabant, quod Caesari legionem de suo exercitu commodasset. non enim, obrectatores hic appellari Caesaris amicos, verisimile videtur: qui certe de remo-

venda ab eo legione mentionem nunquam intulissent.

Hoc est, de prouinciis] Glossema non puto: sed actione de prouinciis Gallias quoque, actione autem de Galliis contineri simul et comprehendi prouincias omnes, docet.

Placitum est] Antiquè, pro *placuit*: ut, *licitum est*, pro *licuit*: *putitum est*, pro *putuit*. Cicero lib. 4. in Ver. c. 1. *Nego ullam picturam neque in tabula, neque textili fuisse, quin conquiescit, inspexerit; quod placitum sit, abstulerit.* Et D. Brutus lib. 11. epist. 1. *Placitum est mihi, ut postularem legationem liberam mihi, reliquique nostris.* Et Pompeius in epistola ad consules, lib. 8. ad Attic. 12. *Placitum est mihi, ut Brundisium ducerem hanc copiam, quam mecum habeo.* Muliebri genere Terentius in Andr. Act. 4. Sc. 1. v. 21.

— *Postquam me amare dixit, complacita est tibi.*

Eodem modo, *putitum esset*, pro *putuisset*, dixit Cicero pro Flacco c. 22. et lib. 2. de Fin. c. 13. *Quos non est veritum ponere, pro, qui non veriti sunt ponere.* Terentius in Andr. Act. 2. Sc. 6. v. 12.

— *Dum licitum est ei, dum quo aetas tulit,*

Amauit. —

Quo loco Donatus, *veteres*, inquit, *et placitum, et putitum dicebant: quae nos, placuit, putuit.*

Coram eo] Quo modo, coram eo, cum Pompeius, quia cum imperio erat, urbem introire non posset? Sciendum, eos qui cum imperio erant, petiisse interdum a senatu, et obtinuisse, ut saluis legibus ingredi urbem possent. itaque lau-

id est, id quod mihi timorem iniicit. Sigonii liber habet, *hoc more moderari possemus, et pro viribus copiarum, etc.*

Triumphoque] Ad triumphum satis erat, hostium quinque millia vna acie occidisse: de quo Valerius Max. lib. 2. c. 3. Respondit Cicero: *Velles, ais, tantum modo ut haberem negotii, quod esset ad laureolam satis.*

Grauem illam dimicationem] Cum omnes utrimque copiae concurrunt.

Parthus] Pro Parthi, historico more. sic Liuius saepe et alii, *Poenus*, et *Romanus*, pro *Poeni*, *Romani*.

Vix unum saltum] Qua transire in prouinciam Ciceronis Parthi conantur. *Vix* autem, quia duas tantum legiones Cicero habebat, ut lib. 5. ad Attic. epist. 15. Plutarchus ait fuisse duodecim millia peditum, equites MMDC. id quod ostendit, in singulis legionibus sena millia peditum fuisse. equitum autem numerum, vix crediderim, in Plutarcho vacare mendo. nam singulis legionibus tercenos adiunctos equites fuisse, satis liquet. quod si accedant auxiliares, tantus tamen numerus non efficitur. nisi si, quod valere Parthos equitatu constabat, ideo numerus equitum auctus est.

Controherfiam] Referente enim ad senatum Marcello consule de prouinciarum successione, eo consilio, ut Galliae Caesaris eandem conditionem subirent; videt Coelius, id quod euenit, intercessum iri a tribunis plebis, quia legitimum prouinciae Caesaris tempus Vatinia primum, deinde Trebonia lege datum, expletum nondum es-

set. quae igitur intercessio, Galliarum causa, senatus consultum de prouinciis impedit, eadem, ne ceteris prouinciis obtinentibus succedatur, efficiet.

Quid facturus esses] Quem prouinciae decedens praeficere velles. epist. 9. *Quantum diuino, relinquendus tibi erit, qui prouinciam obtineat.* Nam non expeditur successio, quanta Galliae, quae habent intercessorem, in eandem conditionem, quam ceterae prouinciae, vocantur.

Tralatitia ERN. *Translatitia*] Vistata, vfu translata: ut lib. 3. epist. 8. *Hoc vero*, inquit, *ex quo suspicio nata est, me exquisisse aliquid, in quo te offenderem, translatitium est.*

Constituetur] In senatu. constituetur autem decreto generali de omnium prouinciarum successione.

Erit] Tribunus plebis amicus Caesari: ut intercesserunt quatuor. epist. 8.

Alius] Tribunus plebis Pompeii, id est optimatum, fautor: qui cum impediri Gallias viderit, expediti reliquas non patietur: eo scilicet consilio, ut vel omnibus, qui prouincias obtinent, vel nemini succedatur.

De omnibus prouinciis] Consularibus, et praetoriis: de quibus consul M. Marcellus, primum de consularibus, mox de praetoriis, separatim verba fecit. epist. 8.

Plus biennium] Non fallitur. numquam enim res, nisi ciuili bello, ad exitum deducta. *Plus biennium*, pro, *plus biennio*: ut lib. 6. ad Attic. epist. 6. *Num est hoc, non plus annum obtinere prouinciam?*

Moretur]

Moretur] Passiue, dixit, antiquo more. sic in *Agraria* 2. c. 21. *Agrum excipere nominatiu, qui publicus esse fateatur.*

Mea consuetudine] Id enim promisit epist. 1.

In quodam incili iam omnia ERN. In quodam incilicia omnia] Sic *Mediceus* liber, et qui fuit *Vbaldini*. *Sigonii vnus, in quodam incilicia omnia*: *Ioannis Scalae, in quodam omnia in Sicilia*: *Masseorum, in quodam vitiilicra omnia*. Mendum patet: nec displiceret, in *quodam incili iam omnia*: quod olim placuit *Incilia* fossae sunt, in quas ex fossis aquae deriuantur.

Adhaeserunt] In actione de provinciis, tamquam in quodam incili, urgente *M. Marcello* consule idem illud, quod antea, vt iis, qui provincias obtinent, succedatur.

Urget] Ergo, resedisse impetus eius, falso putauit *Coelius*. Id enim scripsit epist. 2. Et cum dicat, *idem illud urget*; antea scriptum esse ab eo de hac *Marcelli* actione, et aliquot *Coelii* ad *Ciceronem* epistolas desiderari, satis constat.

Neque adhuc frequentem senatum efficere potuit] Neque, hic vsurpatur pro *ne quidem*, hac sententia: tantum abest, vt *Marcellus* senatus consultum efficere de provinciarum successione, vt ne senatum quidem adhuc frequentare potuerit. sic lib. 1. ad *Attic.* epist. 3. *neque id neglexi*. Non dissimile illud lib. 9. epist. 15. *Quod altera epistola purgas te non dissunforem mihi emtionis Neapolitanae fuisse, sed auctorem commorationis vrbanae: neque ego niter accepi. intellexi tamen idem, etc.* Infrequenti autem senatu fieri senatus con-

sultum leges vetabant. qua de re diximus lib. 1. epist. 9. in eo loco, *mibi est senatus assensus, vt de agro Campano, frequenti senatu, Idibus Maiis referretur.*

Curio tribunus] Ex his verbis, nondum esse designatum tribunum *Curionem*, coniicio.

Introiuit ERN. Introibit] Introiuit, neque solum anno postero, *Curione* tribuno, sed etiam eo, qui consecutus est, *M. Antonio* et *Q. Cassio Longino* tribunis plebis, qui senatus consulto de provinciis intercesserunt.

Quam facile nunc sit] Nunc, pro tunc: vt futurum tempus praesentet; quo magis rem oculis subiiciat. vel, *nunc*, hoc in statu, cum *Curio* tribunus plebis sit, et de provinciis agatur.

Impedire] Impedimento erunt *Caesariani Pompeiani*, ne fiat senatus consultum de provinciarum successione: *Pompeiani* autem, nisi libere liceat de omnibus provinciis decernere senatui, reliquas impedient. epist. 8.

Qui sua caussa, rempublicam non curet ERN. curet] Sic plane in plerisque antiquis libris. mihi videtur, cum de vno *Caesare* sermo habeatur, legendum, *curet*. nam is, suae potentiae caussa, rempublicam non curabat. Adiuuat et confirmat opinionem nostram *Fuluii Vrsini* liber, in quo est, *qui sua cum republica non curet*.

Superet] Superfit, reliquum sit: id est, quantum in hoc *Caesar* negotii sit habiturus. sic lib. 5. de *Fin.* c. 15. *De eo, quod ipsis superat, aliis gratificari volunt.* et lib. 13. ad *Attic.* epist. 46. *Quinto delegabo, si quid aeri meo aliquo superabit, et emtionibus.*

EPISTOLAE VI.

A R G V M E N T V M.

Scribantur haec: Appium, qui cum Cicerone in gratiam redierat, a Dolabella esse accusatum: canonicum Ciceroni, ne, si Appio non stuerit, parum simpliciter et candide inimicitias deposuisse videatur: uxorem a Dolabella discessisse: posse ei Tulliolam, Ciceronis filiam, collocari: Pompeium valde pro Appio laborare: summam esse consulum negligentiam: totam otiosam esse ciuitatem: Bibulum in Syria male pugnasse: Curionem tribunum plebis, mutata voluntate, ab optimatibus ad Caesaris partes transiisse: Appii gratiam se cupere: Dolabellae aefinitas si probetur, celandum: nisi pantheras Graecas habeat, turpe Ciceroni futurum. Tota negotialis est epistola: scripta Paulo et Marcello coff. Respondit Cicero lib. 2. epist. 13.

EXPLANATIO.

Appium] Quem e provincia Cilicia redeuntem Dolabella, qui postea gener Ciceronis fuit, de maiestate accusauit. quamquam et de ambitu postulatam esse, absolutumque vtroque crimine, significant epistolae duae, 11. et 12. lib. 3.

Dolabella] Corneliae gentis patriciae; qui ad plebem postea transiit, ut tribunus plebis fieri posset. quo in magistratu legem ferre de tabulis nouis conatus est, ut acre alieno, quod grauissimum contraxerat, leuaretur.

Reum factum] Fuit hoc apud Romanos in more positum, ut adulescentes, gloriae comparandae causa, viros nobiles, honoribusque functos, accusarent. Sic L. Crassus ille princeps in eloquentia C. Carbonem consularem, sic Cicero C. Verrem praetorium, sic M. Coelius ipse C. Antonium consularem, Ciceronis collegam, accusauerat. erat autem hoc Romae gloriosum, propterea quod, qui ab aliis rationem vitae reposcerent, illi legem

sibi ipsi innocentiae, continentiae, virtutumque omnium indicere viderentur. de quo praeclare, ut omnia, Cicero noster in prooemio actionis vltimae in C. Verrem. *Reum facere*, non est accusare, sed postulare, id est petere sibi actionem in aliquem; de quo plenius infra. pro Scauro, reus, inquit, factus est a Q. Seruilio Caepione. quod ab accusatione ipsa diuersum esse, Asconii ostendit interpretatio.

Inuidia] Aduersa hominum voluntate: ut alibi.

Ad tribunum] Praetoris. crimen enim de maiestate publicum fuit: publicis autem iudiciis praetores praefuisse, ostendimus in libro de Legibus.

Triumphum postulationem abiectur] Urbem enim nemo cum imperio introibat, praeter eos qui triumphabant: quorum causa lex ferebatur, ut imperium retinerent eo tantum die, quo triumphantes inueherentur. exemplis nota res est. Appius autem, abiecto triumphandi consilio, statim urbem ingressus

gressus est, vt obstitet accusat[i]oni. lib. 3. epist. 10. *Illud plane moleste tuli, quod certissimum et iustissimum triumphum hoc inuidorum consilio esse tibi ereptum videbam.*

Retudit] Repressit, sedauit eorum sermones, qui de Appii damnatione loquebantur.

In te] Successore suo: qui si contuleris in eum studia et officia tua, proderis plurimum. Accusatus erat Appius ob ea, quae in provincia contra maiestatem populi Romani commiserat. itaque lib. 3. epist. 10. *De me, inquit, tibi sic, contestans omnes deos, promitto atque confirmo, me pro tua dignitate (malo enim dicere, quam pro salute,) in hac provincia, cui tu praefuisti, rogando deprecatoris, laborando propinqui, auctoritate cari hominis (vt spero) apud ciuitates, gravitate imperatoris suscepturum officia atque partes.*

Tibi eum non esse odio] Minus est, quam, eum a te diligere. quasi dicat: cum in gratiam cum eo redieris; cum eius filiarum vna Cn. Pompeii filio, altera M. Bruto nupserit; haec, ne tibi odio sit, efficiunt: amare autem fratrem inimicissimi tui non potes. Cicero, non eum modo a se diligere, sed valde etiam diligere, respondit. lib. 2. epist. 13.

In tua manu est] Cum eam provinciam, cui praefuit Appius, et vnde testes in eum excitari possunt, administres.

Simultas ERN. Simultates] Simultates Ciceroni cum Appio, inimicitiae vero fuerunt acerbissimae cum eius fratre P. Clodio. *Simultas* autem et mediocri odium est, et simulatione tectum.

Ad illam summam veritatem] Sic antiqui libri, nec, opinor, mendose. Si legitimo, inquit, iure uti volueris, nihil vt pro Appio, nisi quod summa veritas, id est summa iustitia, praescribit, agendum tibi existimes: suspicionem fidei reconciliatae gratiae fortasse aliquam dabis. Expressit Cicero aliis verbis eandem sententiam lib. 3. epist. 12. *Vetus, inquit, nostra similitudo antea stimulabat me, vt cauere, ne cui suspicionem fidei reconciliatae gratiae darem.* Ea de re sententiam egregiam recitat Hieronymus in Apologia aduersus Rufinum, ex Ciceronis oratione pro Gabinio. *Ego cum omnes amicitias tuendas semper putavi summa religione et fide, tum eas maxime, quae essent ex inimicitiiis reuocatae in gratiam: propterea, quod integris amicitiiis officium praetermissum, imprudentiae, vel (vt grauius interpretemur) negligentiae excusatione defenditur: post reditum in gratiam, si quid est commissum, id non neglectum, sed violatum putatur, nec imprudentiae, sed perfidiae assignari solet.*

Legitimum ius] Summum ius antiqui summam putabant crucem: vt ait Columella lib. 1. c. 7. et *summum ius, summa iniuria:* vt Cicero lib. 1. de Offic. c. 10.

In hanc partem] Hoc quasi antitheti loco posuit, quia dixerat, *ad illam summam veritatem.* In hanc igitur partem, leniorem, quae a summo illo iure distat.

Nemo enim] Si quid Appii causa facies, dicent omnes te non esse deteriore[m] ab officio, necessitudine et amicitia, quae tibi eum Dolabella intercedit.

Postu-

Postulationem et nominis delationem] Prima igitur postulatio, secunda nominis delatio, postrema accusatio fuit. postulabatur primum, ut accusare aliquem liceret: deinde, hoc inpetrato, nomen eius deferebatur: postremo accusabatur. In tabula aenea Torquati Bembii, Petri filii: *De ea re eius petitio, nominisque delatio esto*. Pro domo c. 19. *Nomen Sex. Propertii detulit. accusare alienae damnationis scelerisque socios, propter calumniae metum, non est ausus*. Interdum *postulare*, pro accusare accipitur.

Vxor] Ut cum vxore vir, ita cum viro diuortium faciebat vxor. exemplum epist. 7.

Mandaris] Mandauerat, ut collocandae filiae suae curam suscipere de quo ad Appium lib. 3. epist. 12. ipse se excusat his verbis: *In quo vnum vereor, ne tu parum perspicias ea, quae gesta sunt, ab aliis esse gesta, quibus ego ita mandaram, ut, cum tam longe abfuturus essem, ad me ne referrent, agerent, quod probassent*.

Quid ego tibi scripserim] Scripserat fortasse, magnam esse proborum adolescentium penuriam, quibus Tullia collocari posset. nam de Dolabella, a quo discessuram vxorem coniicere non potuerit; nunc primum facto diuortio scribit.

Res] Ut ei nubat filia tua.

Inuidiosum] Ne infamiae tibi sit, quod affinitatem cum eo iungere vuleris, cum quo, depositis inimiciis, in gratiam antea redieris, quique tibi, cum augur sit vique vestrum, ab ipsa collegii coniunctione commendetur.

Si emanaris] Si quid homines de matrimonio rescierint.

Deceat] Pro reconciliata cum Appio gratia.

Expediat] Appium enim offendere: quod vtile non erit: cum amicis, propinquis, affinibusque floreat, filiam enim Appius Cn. Pompeio filio, alteram M. Bruto, tertiam Lentulo, in matrimonium locauerat. lib. 3. epist. 4. et 7. Hinc illud Ciceronis huic epistolae respondentis lib. 2. epist. 13. *Cur mihi, non in optatis sit, compesci bonum, florentem aetate, opibus, bonoribus, ingenio, liberis, propinquis, affinibus, amicis; collegam meum praesertim, et in ipsa collegii laude ac scientia, studiosum mei?*

Spei] De Appio damnando. nam affinitatis famam suis consiliis opportunam vtilemque fore sperabit.

Negotio] Quod agit contra Appium.

Tanto illustrior] Affinitas haec ob accusationem Appii multo erit illustrior ac notior, quo studiosius eam Dolabella peruulgauit.

Pompeius] Cuius filio nupta erat Appii filia. lib. 3. epist. 4.

Ad te] Ut auctoritatem gratiamque tuam ad Appii salutem conferas. testes enim ex ea prouincia, cui successor Appii Cicero praeerat, vel reum opprimere, vel periculo liberare poterant omnes.

Absoluimus] Appium: id est, absolutum iri omnes putamus, quod ita contigit, descenditibus eum genero M. Bruto, et Hortensio oratore. quod in Bruto c. 64. scriptum est.

Confecta] Sic olim emendaui, secutus antiquum Petri Bembii librum, et alterum Ioannis Scalae, in quo non omnino diserte, *confecta*,

fecta, vt in Bembi libro, sed, *confecta* legebatur. postea in Alberti Ferri libro, *confecta*, animaduerti. *Confecta*, inquit, adhuc a Dolabella, foeda omnia sunt et inhonesta: vt odium potius, quam veritatem vllam, prae se ferant. Quid tamen, si, *conficta*, legatur? vt sit, *conficta* omnia, foeda et inhonesta sunt. Quid etiam, si hoc totum non de vno Appio, sed de omnibus reis vniuerse dicatur? hoc modo: nos hic reos omnes absolvimus: et hercules *confecta* iudicia, foeda omnia et inhonesta sunt. Confirmare videtur hanc opinionem, quod sequitur de consulum negligentia: quod ipsum non satis apte cum Appii accusatione, cum publica vero iudiciorum turpitudine aptissime connectitur. Sigonii liber, et alii, *confecta omnia foedera*: vnus, *conscripta*. Medicus, *conscripta omnia foedera*. Ioanni Baptistae Titio placet: *conscripta*: quasi, munita: quod reos nemo condeninet. tuta igitur culpa, veluti scripta moenibus. Proxime dixit: *Hic nos omnes absolvimus*.

Consules] L. Paullus, C. Marcellus.

De feriis Latinis] Singulis annis in Albano monte, populi Romani Latinorumque conuentu, sacrificium fiebat, distributa singulis populis immolatarum hostiarum carne. *Latialis* vocabatur, quod Latiali Ioui fieret: conuentus autem ille, *feriae Latinae*: quarum auctor Superbus rex fuit, vno iis die dicato: post reges ceteros alter addidit: tertius post foedus cum Latinis iectum, Sp. Cassio consule: anno CCCXCVI. quartus.

Dionysius, Liuius, Plutarchus, Cicero, alii.

Nullum] Quibus de rebus ad senatum retulerunt, de iis nullum omnino senatus consultum factum est. nihil igitur auctoritate, nihil eloquentia valent. De feriis autem Latinis si senatus consultum fecerint, vsitatum est: non ideo probatur eorum diligentia.

Conglaciatur] *Frigere* dicimus eos, qui nihil agendo tempus traducunt. hoc magis est: nam glacie summum frigus indicatur. summa igitur Curionis ignauia. lib. 2. epist. 13.

Nisi ego cum tabernariis et aquariis pugnarem] Aquarum publicarum cura ad aediles curules pertinebat; propterea Coelius, qui aedilis curulis erat, cum tabernariis et aquariis, publicas aquas ad priuatum usum conuertentibus, pugnabat. qua de re Frontini verba de Aquaeduct. art. 75. 76. recitabo, quae magnam huic loco lucem afferunt: *Cuius rei*, inquit, *caussa est, fraus aquariorum, quos aquas ex ductibus publicis in priuatorum usum derivare deprehendimus. Sed et plerique possessorum, et quorum agris aqua circumducitur, inde formas riuorum perforant; unde fit, vt ductus publici hominibus priuatis vel ad hortorum usum subseruiant, vel ad itinera suspendant. Ac de vitiis eiusmodi nec plura, nec meliora dici possunt, quam a Coelio Ruso dicta sunt in ea concione, cui titulus est, de aquis. Quae nunc nos omnia, simili licentia usurpata, vitam non per offensas probaremus: irriguos agros, tabernas, coenacula etiam, corruptelas denique omnes perpetuis salientibus*

bus instructas inuenimus. Haec Frontinus. *Aquarii* erant, quibus deducendi in urbem publicas aquas cura inandabatur. quod et recitata proxime, et illa praeterea eiusdem Frontini verba art. 9. satis ostendunt: *Aquarii nostri partem maximam eius (Crabrae) semper in supplementationem luliae adiudicauerunt: nec ut illam augere, quam hauriebant lugiendo, compendii sui gratia.* Ab hac forsitan asseclandae et perducendae aquae similitudine dicti sunt *aquarii*, qui mulieres impudicus, ut ait Festus, asseclarentur: et *aquarii* in stupris vxorum coniuuantes, ut aquarii in deridationibus aquarum publicarum. *Tabernarios* vocat Coelius non omnes omnium mercium iustitores, verum eos tantum, quorum in tabernas cibi gratia homines diuertunt. nam hi publicas aquas in usum suum conuertebant. Differt autem *taberna* ab *officina* et *apotheca*. *Officina* tempore prior est vtraque. nam in ea sunt, quae postea vel in apothecam custodienda, vel in tabernam vendenda deferantur. *Apotheca* est, quae multas capit custoditque merces, ut deinde ad tabernas missa prostant venalia. hodie, corrupto vocabulo, ab apothecis nomen acceperunt ea loca, quae a veteribus tabernae dicebantur. *Taberna* tantum habet, quae minutatim vendantur: cui qui praest, *institor* vocatur: qui autem apothecae, *mercator*. sunt et tabernae, in quibus habitant pauperes. vnde Horatius lib. 1. Carm. od. 4. v. 13.

*Pallida mors aequo pulsat pede
pauperum tabernas,*

Regnumque surres. —

Veternus] Morbus ex ignauia contractus, qui somnum inducit. Plautus in Men. Act. 5. Sc. 4. v. 3.

Nun cum veterinus, aut aqua intercus tunc?

et Virgilius lib. 1, Georg. v. 124.

Nec torpescit graui passus sua regna, veterino.

Lib. 2. epist. 13.

Calfaciunt] Exercent, illato bello. nam ex bello motus, ex motu calor. lib. 7. epist. 10. *Vos nunc istis satis calere audio.* et lib. 7. ad Attic. epist. 20. *Te ipsam istic iam calere puto,* cum animi perturbationem significet.

Frigore] Otio: ex quo frigus inducitur, ut exercitatione corporis calor.

Potuit sine Parthis] Etsi frigemus hic, tamen, calefieri vos a Parthis, non optamus. commodum fuit, vos esse sine Parthis, nullum vobis a Parthis negotium exhiberi. *Bibulus*] Qui Syriae praecerat.

Anisus] De hoc detrimento sic lib. 5 ad Attic. epist. 20. *Venit interim Bibulus. credo voluit appellatione hac inani vobis par esse. in eodem Aniano coepit laureolam in mustaceo quideret. at ille cohortem priuam totam perdidit, centurionemque principili, nobilem sui generis, Asinium Dentonem, et reliquos cohortis eiusdem, et Sex. Lucillum, T. Gauii Caepionis, locupletis et splendidissimi hominis filium, tribunum militum. sane plagam odiosam acceperat cum re, tum tempore.*

Sic] Potest aliter esse, sed nunciatum sic est.

Supra scripsi] Plures igitur dies hanc epistolam Coelius in manibus habuit.

Fernen-

Ferventissime] Vehementer. calere igitur eum, mirum non est. Sic epist. 8. *de damnatione ferventer loqui est coeptum.* Sic lib. 10. epist. 23. *ferventes latrones*, pro vehementes, iracundiaeque impetu concitatos, dixit.

Concerpitur] Carpitur, moveatur: a quo? a se ipso, suis actionibus pro Caesare, novisque legibus, viaria, et alimentaria. Iure sordes verborum in Coelio damnauit antiquitas. quid enim hoc est, *ferventissime concerpitur*?

De intercalando] De die producenda, ut ea, quae pro Caesaris causa cogitabat, commodius posset ad exitum perducere. sic enim Dio narrat lib. 41.

Non obtinuerat] A collegio pontificum. id enim Dionis ostendit historia. et interkalandi potestatem penes eos fuisse, qui fastis praecerant, Macrobius lib. 1. Saturn. c. 13. docet his verbis: *Dies ille, quo abundare annuū diximus, eorum est permissus arbitrio, qui fastis praecerant; uti, cum vellent, interkalaretur.* Et c. 14. *Fuit tempus, cum, propter superstitionem, interkalatio omnis omīsa est. nonnumquam vero per gratiam sacerdotum, qui publicanis proferri vel imminui consulto anni dies volebant, modo auctio, modo retractio dierum proveniebat.* Sacerdotes autem, quos Macrobius ait fastis praefuisse, pontifices fuere: quod Livii verba testantur lib. 9. c. 46. *Civile ius, inquit, repositum in penetralibus pontificum evulgavit, fastosque circa forum in albo proposuit, ut, quando lege agi posset, sciretur.* Et pontificem, cum interkalationem petiit, Curio-

nem ipsum fuisse, ex Dione cognoscitur.

Transfugit] Desertor optivatum, quos antea defenderat. epist. 8.

Viariam] De sternendis munendisque viis. Appianus lib. 2. de bell. civ.

Non dissimilem agrariae Rell] Quid hoc sit mihi videor ab Appiano didicisse lib. 2. de bell. civ. ut enim P. Servilius Rullus in ea lege, quam de agris diuidendis in tribunata ferre conatus est, hoc potuit, ut ipse primus decemuir, qui agros diuideret, crearetur; item Curio, cum viariam legem ferret, eam sibi ipsi curationem in quinquennium petebat. quod per leges non licere, Cicero in Agraria 2. c. 8. declarat his verbis: *Quos decemuiros creari vult? Se primum. Qui licet? leges enim sunt veteres, neque eae consulares, si quid interesse hoc arbitramini, sed tribuniciae, vobis maioribusque vestris vehementer gratiae atque iucundae. Licinia est lex, atque altera Aebutia; quae non modo eum, qui tulerit de aliqua curatone ac potestate, sed etiam collegas eius, cognatos, affines excipit, ne eis ea potestas curatione mandetur.*

Alimentariam] Fortasse de frumento plebi gratis diuidendo, ut infimorum hominum studia sibi compararet. quod antea quoque sediciosi tribuni plebis, primum C. Gracchus, deinde Saturninus, postremo P. Clodius, Ciceronis inimicus, tentaverat oratio pro Sextio c. 43. epitome Liuiana lib. 60. lib. 1. ad Her. c. 12. Padianus ad orat. in Pison. c. 3.

Quae ERN. Quid] Fortasse, quia, ut alimentaria sua lege iuberet Curio aedilis metiri frumentum plebi.

In dies] Designatis enim iam tribunis plebis et consulibus, reliquorum creatio magistratuum duci valde non poterat.

Prætoris] Prætoria comitia fieri statim post consularia solita sunt: sed obstitit nescio quid. auspicia quidem impedimento esse non potuere: cum prætoria, ut Gellius lib. 13. c. 14. docet, iisdem, quibus consularia, fierent; consularia vero facta iam essent.

Mea porro comitia quem cum tum sint habitura] Sic antea in omnibus impressis, nos vocem, *comitia*, fustulimus, quæ subintelligitur; ut etiam cum dicit, *prætoris morae quædam inciderunt*.

Opinionem incredibilem] Optima signa vidimus propensæ in me, alienæ autem ab Hirro populi voluntatis.

Aedilium plebis] Qui ante curules ideo creabantur, quod quasi tribunorum plebis ministri ab initio essent instituti, ut Dionysius et alii testantur. quod si tribunorum plebis causâ creati; consentaneum est, ut statim post eos crearentur, id est ante consules, et reliquos magistratus.

Nalla sunt] Quia candidati, antequam sua comitia fierent, aliorum quoque magistratuum comitijs prensabant, ut populi voluntatem elicerent; quæ perspecta, vel confirmarentur in spe, vel, si quid esse aduersum intelligerent, aliqua ratione mederentur: propterea comitijs tribunitiis, qui candidati consulares erant, prensarunt Galba, Antenius, Cornificius: quod ib. 1. ad Attic. epist. 1. scriptum est. Sic igitur et Coelius Hirrusque cum aedilitatem curulem pete-

rent, aedilium plebis tamen comitijs prensarunt.

M. Coelium Vinicianum ERN. *Vicinianum*] Adoptatum in Coeliam gentem; cum ex Vicinia natus esset. Verum, ne celen quod sentio, *Licinianum*, vna tantum littera immutata, potius quam *Vicinianum*, legendum existimo, adductus in hanc opinionem primum hoc argumento, quod hic, qui de dictatore Pompeio cogitauit, varie nominatur, *Lucilius* a Plutarcho, *Vicinianus* ab Hirtio de bell. Alex. c. 77. *Crassus Iunianus* ab ipso Cicerone lib. 3. ad Q. Fr. epist. 8. et in Sigonii vetere libro *Memmianum*, non *Vicinianum*, legi video: ut ipsa varietas mendii suspicionem afferat: deinde, quod, cum *Crassus Iunianus* a Cicerone appelletur, et *Crassus* Liciniae gentis cognomen fuerit, licet intelligere, vel eum ex Licinia gente, vel in Liciniam adoptatum, unde Crassi cognomen acceperit. In Liciniam, qui potest et cum Coelius appelletur: non enim duarum familiarum nomina simul ponuntur. ergo ex Licinia in Coeliam: ut fiat *Coelius Licinianus Crassus*, vetere cognomine conseruato: ut Scipionis cognomen retinuit is, qui Magni Pompeii socer vna cum eo confidatum gessit; cum tamen, a Q. Caecilio Metello Pio, ut Dio scripsit, adoptatus, ab adoptiuo patre prænomen, nomen, cognomen sumpisset. itaque in senatus consulto, quod Coelius epist. 8. Ciceroni misit, *Q. Caecilius Metellus Pius Scipio* vocatur, et M. Lucullus, L. Luculli, qui de Mithridate ac Tigrane triumphauit, frater consobrinus, qui consul fuit cum C. Cassio Varo, cum ex Liciniis in Terentios transisset, veterē

vetere cognomine Lucullus, nouo autem Varro nuncupatus est. Sed, vt nouo praenomine semper, vetere abiecto, sic vetere cognomine non illi quidem semper, sed frequentius, quam nouo, utebantur. exemplo sunt, ne alios quæramus, ii duo, quos proxime nominauimus: quorum alterum semper Lucullum, numquam Varronem, alterum saepissime Scipionem unico cognomine, interdum genino Metellum Scipionem, numquam Metellum simpliciter vocatum meminimus. Accedit ratio temporum, vt idem esse videatur, qui nunc aedilitatem cum Hirro petit, et qui tribunus plebis cum eodem designatus est, in ea ad Quintum epistola. Ergo et hic, *Coelium Licinianum*, non *Vicinianum*, et in epistola ad Quintum, *Crassum Licinianum*, non *Iunianum*, rectius legi crediderim. aequis tamen iudicibus tum hoc, tum omnia, quae a nostra proficiscuntur industria, libenter committimus. Cum haec scripsssem, ostendit mihi vir eruditissimus Fuluius Ursinus nummum argenteum, in quo umentio sit Coelii Viciniani: alterum, in quo P. Crassi Iuniani. fortasse potest hic esse P. Coellus Crassus Iunianus, qui ex Iunia Crassorum gente adoptionis iure transferit in Coelian.

Promulgatio de dictatore] Domitio et Appio cons. cum magnis candidatorum consularium contentionibus extracta in annum sequentem comitia essent, desperata promodum concordiae spe, ortus est de dictatore sermo: quod vnicuique difficillimis reipublicae temporibus remedium maiores inuenerant. nec dubium, quin Pompeius crearetur,

honoribus et rerum gestarum gloria clarissimus, de quo sic lib. 3. ad Q. Fr. epist. 8. *Res prolatae: ad interregnum comitia adducta. Rumor dictatoris iniucundus bonis: mihi etiam magis, quas loquuntur. Sed tota res et timetur, et refrigescit. Pompeius plane se negat velle: antea ipse mihi non negabat. — velit, nolit, scire difficile est.* Dictaturam tamen ab eo recusatam, Dio significat lib. 40. Appianus eum, suo more dissimulantem, verbis quidem dictaturam recusasse, re ipsa cupiisse, lib. 2. de bell. ciu. narrat. idem et Plutarchus.

Subito deiecit] Subaudiendum, *aedilitate*: vt in orat. pro Murena c. 36. *praetura deiectus est: et Aet. I. in Ver. c. 8. Si me aedilitate deieciissent.* Hoc enim dicit: Coelium Licinianum, cum petere coepisset, reuocata legis ab eo de dictatore promulgatae memoria, statim aedilitate deiecit.

Insecuta est] Numquam ita Cicero loqueretur. quid enim hoc est? *promulgatio de dictatore deiectum magno clamore insecuta est.* cum hoc significet: primum populus ei petenti vulgo negauit: deinde magni clamores in eundem consecuti. Et saue, cum hic Coelius, qui *Lucilius* in Plutarchi Pompeio mendose, vt puto, nominatur, rogationem de dictatura Pompeio mandanda ferre conaretur, incurrit in odium ciuitatis: nec longe absuit, quin magistratu se abdicare coactus sit. Plutarchus.

Non faciendum] Alii, *ad non faciendum*: eadem sententia. Deiecto, inquit, Coelio, cuncti flagitare Hirrum coeperunt, ne faceret,

d est, ne peteret aedilitatem. haec est enim illa incredibilis opinio, quam proxime dixit sua comitia nacta esse aedilium plebis comitiis.

Flagitare] Historico more, pro *flagitabant*.

Quod sperasti] Me designatum aedilem.

De illo, quod vix sperare ausus es] Non modo illum non esse designatum, quod sperasti, sed etiam, quod vix sperare ausus es, urpissime deiectum. Urbane et perfacete ad hunc locum Cicero respondit lib. 2. epist. 10. lusi enim in verbo, *illo*; et, cum eandem sententiam referret, inquit: *de te, quia quod sperabam: de Hillo, (balbus enim sum) quod non putarem.* De Hillo, dixit, ioco, ut opinor, duplici. nam et *Hirrum*, balborum more, mutatione litterarum pronunciauit; et alludit ad Coelii verba, qui scripserat, *de illo*: pro quo retulit, *de Hillo*. quod a Graecis inter ea, quae risum excitant, *παράγχαμα* vocatur. lib. 7. epist. 32.

Ad Apollinis] *Αττικὸς*: pro, aedem Apollinis. lib. 14. epist. 2. *Ad me P. Valerius*, homo officiosus, scripsit, id quod ego maximo cum fletu legi, quemadmodum a *Vestae* ad *tabulam Valeriam* ducta esses. Et pro Milone c. 33. Cum *falcibus* ad *Castoris*, cum *gladiis* toto foro volitarunt.

De stipendio Cn. Pompeii] Quod legionibus persolueret, quas partim habebat in Hispaniis cum tribus legatis, Afranio, Petreio, Varrohe, partim Arimini: sequitur enim paullo post, *Ariminum ad exercitum Pompeius erat iturus*. hac de re epist. 14. Caesari quoque de-

cretum stipendium, dixit lib. 1. epist. 7.

Expensum tulit] Tradidit. nam, *expensum ferre*, est, in tabulas referre, quod expensum ac datum alicui sit. sic in Phil. 6. c. 5. *Quis umquam in illo lano inuentus est, qui L. Antonio mille nummum ferret expensum?* Exemplorum alibi satis est.

C. Caesari] Cum Caesar in Gallia saepe acie victor, maiorem tamen motum, ut inquieta illius erant nationis ingenia, multis de causis expectaret, ab Cn. Pompeio proconsule petiit, quoniam ipse ad urbem cum imperio reipublicae causa maneret, quos ex cisalpina Gallia consulis sacramento rogauisset, ad signa conuenire, et ad se proficisci iuberet. quod Pompeius et reipublicae et amicitiae tribuit. Hoc apud eum totidem verbis lib. 6. de bell. Gall. c. 1. scriptum est. Hirtius autem sic lib. 8. c. 54. *Fit senatus consultum, ut ad bellum Parthicum legio una a Cn. Pompeio, altera a C. Caesare mitterentur: neque obscure hae duae legiones uni Caesari detrabuntur.* Nam Cn. Pompeius legionem primam, quam ad Caesarem miserat, consecretam ex delectu provinciae Caesari, eam tanquam ex suo numero dedit. Caesari tamen, cum de voluntate aduersariorum suorum se exspoliari nemini dubium esset, Cn. Pompeio legionem remisit. Plutarchus etiam in Pompeio repetitam eam legionem ait simulatione belli Parthici, quod a Dione quoque lib. 40. traditum est.

Quo numero esset] Post C. Marium sena millia peditum summus in legione numerus fuit, minor inter-

terdum;

terdum; quod aliquam ob causam legio esset infrequentior. ideo facta mentio est. quo numero esset ea, quam Caesari Pompeius commodaverat. sed in ea peditum sena milia fuisse, ex Plutarcho perspicuum fuit, qui M. Catonem de Pompeio questum esse narrat, quod sex milia militum ad Caesarem sine senatus auctoritate in Galliam misisset.

Quo appeteretur] Quo numero tribui deberet. Sigonii liber vnus, *appeteret*: quod non placuit.

Coactus esset] Nam ipse libenter simulabat: ideo non nisi coactus dixit. se ex Gallia legionem cum abducturum. lib. 1. epist. 5. *Nosti hominis tarditatem et taciturnitatem.*

Sub mentionem] Post mentionem de ea legione factam.

Conuicium] Efflagitationem. nam conuicium non modo maledictum est, sed etiam vehementior sine intermissione postulatio. unde illud in lib. 2. ad Q. Fr. epist. 11. *Epistolam hanc conuicio efflagitarunt codicilli tui.* Et in orat. pro Archia c. 6. *Quaeris a nobis, Grati, cur tantopere hoc nomine delectemur? Quia suppeditas nobis, ubi et animus ex hoc forensi strepitu reficiatur, et aures conuicio defessae conquiescant.* Conuicio, pro multis vocibus multoque clamore, dixit.

Obrectatorum] Fortasse Cato, Bibulus, Domitius Ahenobarbus, Caesaris inimici, Pompeio ob eam causam obrectabant, quod Caesari legionem de suo exercitu commodasset. non enim, obrectatores hic appellari Caesaris amicos, verisimile videtur: qui certe de remo-

venda ab eo legione mentionem nunquam intulissent.

Hoc est, de prouinciis] Glossema non puto: sed actione de prouinciis Gallias quoque, actione autem de Galliis contineri simul et comprehendi prouincias omnes, docet.

Placitum est] Antiquè, pro placuit: vt, licitum est, pro licuit: puditum est, pro puduit. Cicero lib. 4. in Ver. c. 1. *Nego ullam picturam neque in tabula, neque textili fuisse, quin conquiescis, inspexerit; quod placitum sit, abstulerit.* Et D. Brutus lib. 11. epist. 1. *Placitum est mihi, ut postularem legationem liberam mihi, reliquisque nostris.* Et Pompeius in epistola ad consules, lib. 8. ad Attic. 12. *Placitum est mihi, ut Brundisium ducerem hanc copiam, quam mecum habeo.* Muliebri genere Terentius in Andr. Aët. 4. Sc. 1. v. 21.

— *Postquam me amare dixi, complacita est tibi.*

Eodem modo, *puditum esset*, pro puduisset, dixit Cicero pro Placco c. 22. et lib. 2. de Fin. c. 13. *Quos non est veritum ponere*, pro, qui non veriti sunt ponere. Terentius in Andr. Aët. 2. Sc. 6. v. 12.

— *Dum licitum est ei, dumque aetas tulit,*

Amauit. —

Quo loco Donatus, *veteres*, inquit, *et placitum, et puditum dicebant: quae nos, placuit, puduit.*

Coram eo] Quo modo, coram eo, cum Pompeius, quia cum imperio erat, urbem introire non posset? Sciendum, eos qui cum imperio erant, petiisse interdum a senatu, et obtinuisse, vt saluis legibus ingredi urbem possent. itaque lau-

dauit Sextium, de vi reum, praefens Pompeius, cum iudicium in foro fieret, Marcellino et Philippo coss. quo anno eum fuisse cum imperio, suscepta arduae cura, notum est. lib. 1. epist. 9. Nonnumquam etiam, ut iis qui ad urbem cum imperio erant, liceret interesse, extra urbem senatus habebatur, ut biennio post, belli civilis initio: quod a Caesare lib. 1. de bell. ciu. c. 6. scriptum legimus.

Ariminum] Situm in extrema Italia, non ea, quam Alpes cingunt, qui naturae terminus est, sed ea, quam a Gallia cisalpina populus Romanus Rubicone fluuio disiunxit. citra Rubiconem autem primum opidum Romam euntibus, ultimum in Galliam, Ariminum occurrit.

Ad exercitum] Cuius ipse imperator erat. manebat enim ad urbem reipublicae causa cum imperio: quod Caesar lib. 6. de bell. Gall. c. 1. alique tradiderunt: per legatos absens Hispanias administrabat, mandatas ei lege primum Trebonia in quinquennium, deinde altera, quam ipse tertium consul tulit, in alterum quinquennium prorogatas. Dio lib. 40. Plutarchus, alii.

Actum ERN. Factum iri] Visitatus erat, *actum iri*. quo modo et ipse de eadem re locutus est epist. 9. *De provinciis*, inquit, *quod tibi scripseram*, *Idibus Sextilis actum iri*, interpellat iudicium Marcelli, consulis designati. Nec paucis praeterea confirmatur exemplis.

Aut transfigetur aliquid, aut turpiter intercedetur] Aut senatusconsultum fiet de imperio ius, qui pro-

vincias obtinent, finiendo, idque potissimum Caesaris causa: aut a tribunis plebis Caesarianis turpiter intercedetur. intercessum autem a quattuor tribunis plebis in epist. 8. demonstratur. Et cum ait, *turpiter*, sentire se pro optimatibus indicat. sed anno sequenti, cum aedilitatem gereret, se mutauit, vel Appii censoris odio, vel Curionis tribuni plebis amicitia. epist. 12. 13. 17.

Illam vocem] Ex qua intellectum est, vel transactum iri aliquid, vel tribunos plebis intercessuros esse.

Omnes] Ergo et Caesarem: si senatus ei succedendum censuisset.

Senatui dicto audientes esse] Pro, *senatui parere*. sic pro Deiotaro c. 8. *Qui dicto audientes in tanta re non fuissent*. Et Phil. 7. c. 1. *Scilicet legatos ad eum misimus, non ut pareret, et dicto audiens esset huic ordini, sed ut conditiones ferret*.

Nihil expecto] Proxime, se non expectare nihil, asseruit his verbis: *profecto aut transfigetur aliquid, aut turpiter intercedetur*. quid igitur, an secum pugnat Coelius? diuersa sententia est. nam hic ait, *nihil expecto*, pro, Caesarem senatui dicto audientem fore nequaquam puto.

Primum] Primi consules designati sententiam rogabantur: eorum autem prior, qui priore loco designatus erat. ideo Marcellinus, consul designatus, primus sententiam rogatur: secundo autem loco Philippus, eius collega, quod secundo loco designatus esset. lib. 2. ad Q. Fr. epist. 1.

Syngra-

Syngrapha Sittiana] De qua diximus in epist. 2. ne saepius eadem iterentur.

Ad me valde pertinere] Vt pecuniis ex ea syngrapha exactis alerentur, ac Romani deportarentur pantherae, quas dare suis ludis anno sequenti Coelius cogitabat. vide epist. 9.

De pantheris] Epist. 2.

Cibyrratas] Venandi peritam gentem. epist. 9. et lib. 6. ad Attic. epist. 1.

Regem Alexandrinum] Ptolemaeum, quadriennio ante a Gabinio Syriae proconsule restitutum, diximus lib. 1. epist. 1.

Quid mihi suadeas] Fortasse curam sibi a senatu eius regni inuifendi, atque aliquandiu procurandi mandari cupiebat.

Quis procuret] Procurabat Ptolemaei pueri, annum XIII agentis, nutricius eius; eunuchus, nomine Photinus, is, cuius consilio Pompeius Magnus, cum Pelusium accessisset, necatus est. Caesar lib. 3. de bell. ciu. c. 103. 104. 108. Appianus lib. 2. de bell. ciu. Dio lib. 41. Plutarchus in Pompeio.

Perferibas] Nec enim ei de regni statu difficilis cognitio erat, cum Ciliciae praefectus, cui prope in conspectu Aegyptus est.

EPISTOLAE V.

ARGUMENTVM.

Prior epistolae pars moralis est, quia profectum a benevolentia metum Coelii significat, ne cum Parthorum copiis congressus Ciceronius exercitus profligetur: posterior, quia de successione prouinciarum agit, negotialis. Haec epistola quo die scripta sit, non apparet: sed videtur superiorem proximam paucis diebus consecuta. nam, neque iterauit Coelius de pantheris, quia scilicet paullo ante scripserat: neque Curionem designatum esse tribunum plebis significat, quem in proxima dixit petere: quoque magis moueor, huic, et superiori Cicero una respondet epistola, quae decima est lib. 2.

EXPLANATIO.

Finitimarumque regionum] Quas nonnumquam incurrentes Parthi vexabant. primam vero, quam, traiecto Euphrate, qui terminus Romani imperii fuit, inuadebant Parthi, Syriam fuisse, ex lib. 15. epist. 1. 2. 3. 4. cognoscitur. ceterae vero regiones vel Romanis parebant, vel in earum societate clientelaque erant, possessae a regulis tyrannisque, aut suis legibus libere viuentes.

Animi pendeo] In sollicitudine sum. notum loquendi genus. *Pendemus animis*, dixit Cicero Tusc. 1. c. 40. sed vsitatus, *animi*.

Si hoc moderari possemus] Si liceret nobis, quod ad Parthicum bellum attinet, ita rem moderari, et hoc modo corrigere, vt cum viribus copiarum tuarum bellum sequeretur; nihil tam esset optandum. Dixit, *hoc*, pro hac ratione, hoc modo: vel, *hoc*, accusandi casu:

id

id est, id quod mihi timorem iniicit. Sigonii liber habet, *hoc more moderari possemus, et pro viribus copiarum, etc.*

Triumphoque] Ad triumphum satis erat, hostium quinque millia vna acie occidisse: de quo Valerius Max. lib. 2. c. 3. Respondit Cicero: *Velles, ais, tantum modo ut haberem negotii, quod esset ad laureolam satis.*

Grauem illam dimicationem] Cum omnes vtriusque copiae concurrunt.

Parthus] Pro Parthi, historico more. sic Liuius saepe et alii, *Poenus*, et *Romanus*, pro *Poeni*, *Romani*.

Vix unum saltum] Qua transire in provinciam Ciceronis Parthi conarentur. *Vix* autem, quia duas tantum legiones Cicero habebat, ut lib. 5. ad Attic. epist. 15. Plutarchus ait fuisse duodecim millia peditum, equites MMDC. id quod ostendit, in singulis legionibus sena millia peditum fuisse. equitum autem numerum, vix crediderim, in Plutarcho vacare mendo. nam singulis legionibus tercenos adiunctos equites fuisse, satis liquet. quod si accedant auxiliares, tantus tamen numerus non efficitur. nisi si, quod *valere* Parthos equitatu constabat, ideo numerus equitum auctus est.

Controuersiam] Referente enim ad senatum Marcello consule de provinciarum successione, eo consilio, ut Galliae Caesaris eandem conditionem subirent; videt Coelius, id quod euenit, intercessum iri a tribunis plebis, quia legitimum provinciae Caesaris tempus Vatinia primum, deinde Trebonia lege datum, expletum nondum es-

set. quae igitur intercessio, Galliarum causa, senatus consultum de provinciis impedit, eadem, ne ceteris provincias obtinentibus succedatur, efficit.

Quid facturus esses] Quem provinciae decedens praeficere velles. epist. 9. *Quantum diuino, relinquendus tibi erit, qui provinciam abrineat.* Nam non expeditur successio, quoniam Galliae, quae habent intercessorem, in eandem conditionem, quam ceterae provinciae, vocantur.

Tralatitia ERN. *Translatitia*] Vsitata, vsu translata: ut lib. 3. epist. 8. *Hoc vero, inquit, ex quo suspicio nata est, me exquisisse aliquid, in quo te offenderem, translatitium est.*

Constituetur] In senatu. constituitur autem decreto generali de omnium provinciarum successione.

Erit] Tribunus plebis amicus Caesaris: ut intercesserunt quatuor. epist. 8.

Alius] Tribunus plebis Pompeii, id est optimatum, fautor: qui cum impediri Gallias viderit, expediti reliquas non patietur: eo scilicet consilio, ut vel omnibus, qui provincias obtinent, vel nemini succedatur.

De omnibus provinciis] Consularibus, et praetoriis: de quibus consul M. Marcellus, primum de consularibus, mox de praetoriis, separatim verba fecit. epist. 8.

Plus biennium] Non fallitur. numquam enim res, nisi civili bello, ad exitum deducta. *Plus biennium*, pro, *plus biennio*: ut lib. 6. ad Attic. epist. 6. *Num est hoc, non plus annum obtinere provinciam?*

Moretur]

Moretur] Passiue, dixit, antiquo more. sic in Agraria 2. c. 21. *Agrum excipere nominatum, qui publicus esse fateatur.*

Mea consuetudine] Id enim promisit epist. 1.

In quodam incili iam omnia ERN. In quodam incilicia omnia] Sic Mediceus liber, et qui fuit Vbaldini. Sigonii vnus, *in quodam incilicia omnia*: Ioannis Scalae, *in quodam omnia in Sicilia*: Mafseorum, *in quodam viciilicra omnia*. Mendum patet: nec displiceret, *in quodam incili iam omnia*: quod olim placuit *Incilia* fossae sunt, in quas ex fossis aquae deriuantur.

Adhucferunt] In actione de prouinciis, tamquam in quodam incili, urgente M. Marcello consule idem illud, quod antea, vt iis, qui prouincias obtinent, succedatur.

Urget] Ergo, resedisse impetus eius, falso putauit Coelius. Id enim scripsit epist. 2. Et cum dicat, *idem illud urget*; antea scriptum esse ab eo de hac Marcelli actione, et aliquot Coelii ad Ciceronem epistolas desiderari, satis constat.

Neque adhuc frequentem senatum efficere potuit] Neque, hic vsurpatur pro *ne quidem*, hac sententia: tantum abest, vt Marcellus senatus consultum efficere de prouinciarum successione, vt ne senatum quidem adhuc frequentare potuerit. sic lib. 1. ad Attic. epist. 3. *neque id neglexi*. Non dissimile illud lib. 9. epist. 15. *Quod altera epistola purgas te non dissuasorem mihi emtionis Neapolitanae fuisse, sed auctorem commutationis urbanae: neque ego aliter accepi. intellexi tamen idem, etc.* Infrequenti autem senatu fieri senatus con-

sultum leges vetabant. qua de re diximus lib. 1. epist. 9. in eo loco, *mibi est senatus assensus, vt de agro Campano, frequenti senatu, Idibus Maiis referretur.*

Curio tribunus] Ex his verbis, nondum esse designatum tribunum Curionem, conicio.

Introiuit ERN. Introibit] Introiuit, neque solum anno postero, Curione tribuno, sed etiam eo, qui consecutus est, M. Antonio et Q. Caio Longino tribunis plebis, qui senatus consulto de prouinciis intercesserunt.

Quam facile nunc sit] Nunc, pro tunc: vt futurum tempus repraesentet; quo magis rei oculis subiiciat. vel, *nunc*, hoc in statu, cum Curio tribunus plebis sit, et de prouinciis agatur.

Impedire] Impedimento enim erunt Caesariani Pompeianis, ne fiat senatus consultum de prouinciarum successione: Pompeiani autem, nisi libere liceat de omnibus prouinciis decernere senatui, reliquas impedient. epist. 8.

Qui sua causu, rem publicam non curat ERN. curens] Sic plane in plerisque antiquis libris. mihi videtur, cum de vno Caesare sermo habeatur, legendum, *curet*. uam is, suae potentiae causa, rem publicam non curabat. Adiuuat et confirmat opinionem nostram Fuluii Vrsini liber, in quo est, *qui sua cum republica non curat.*

Superet] Superfit, reliquum sit: id est, quantum in hoc Caesar negotii sit habiturus. sic lib. 5. de Fin. c. 15. *De eo, quod ipsis superat, aliis gratificari volunt.* et lib. 3. ad Attic. epist. 46. *Quinto delegabo, si quid aeri meo alioquo superabit, et emtionibus.*

EPISTOLAE VI.
A R G V M E N T V M.

Scribuntur haec: Appium, qui cum Cicerone in gratiam redierat, a Dolabella esse accusatum: cauendum Ciceroni, ne, si Appio non studeat, parum simpliciter et candide inimicitias deposuisse videatur: uxorem a Dolabella discessisse: posse ei Tulliolam, Ciceronis filiam, collocari: Pompeium valde pro Appio laborare: summam esse consulum negligentiam: totam otiosam esse ciuitatem: Bibulum in Syria male pugnassee: Curionem tribunum plebis, mutata voluntate, ab optimatibus ad Caesaris partes transiisse: Appii gratiam se cupere: Dolabellae afinitas si probetur, celandum: nisi pantheras Graecas habeat, turpe Ciceroni futurum. Tota negotialis est epistola: scripta Paulo et Marcello coss. Respondit Cicero lib. 2. epist. 13.

EXPLANATIO.

Appium] Quem e prouincia Cilicia redeuntem Dolabella, qui postea gener Ciceronis fuit, de maiestate accusauit. quamquam et de ambitu postulatum esse, absolutumque utroque crimine, significant epistolae duae, 11. et 12. lib. 3.

Dolabella] Corneliae gentis patriciae; qui ad plebem postea transiit, ut tribunus plebis fieri posset. quo in magistratu legem ferre de tabulis nouis conatus est, ut acre alieno, quod grauissimum contraxerat, leuaretur.

Reum factum] Fuit hoc apud Romanos in more positum, ut adulescentes, gloriae comparandae causa, viros nobiles, honoribusque functos, accusarent. Sic L. Crassus ille princeps in eloquentia C. Carbonem consularem, sic Cicero C. Verrem praetorium, sic M. Coelius ipse C. Antonium consularem, Ciceronis collegam, accusauerat. erat autem hoc Romae gloriosum, propterea quod, qui ab aliis rationem vitae reposcerent, ille legem

sibi ipsi innocentiae, continentiae, virtutumque omnium indicare viderentur. de quo praeclare, ut omnia, Cicero noster in prooemio actionis vltimae in C. Verrem. *Reum facere*, non est accusare, sed postulare, id est petere sibi actionem in aliquem; de quo plenius infra. pro Scauro, *reus*, inquit, *factus est a Q. Seruilio Caepione*. quod ab accusatione ipsa diuersum esse, Asconii ostendit interpretatio.

Inuidia] Aduersa hominum voluntate: ut alibi.

Ad tribunum] Praetoris. crimen enim de maiestate publicum fuit: publicis autem iudiciis praetores praefuisse, ostendimus in libro de Legibus.

Triumphum postulationem abiectur] Urbem enim nemo cum imperio introibat, praeter eos qui triumphabant: quorum causa lex ferebatur, ut imperium retinerent eo tantum die, quo triumphantes inueherentur. exemplis nota res est. Appius autem, abiecto triumphandi consilio, statim urbem ingressus

gressus est, ut obfisteret accusationi. lib. 3. epist. 10. *Illud plane moleste tuli, quod certissimum et instissimum triumphum hoc invidorum consilio esse tibi ereptum videbam.*

Retudis] Repressit, sedauit eorum sermones, qui de Appii damnatione loquebantur.

In te] Successore suo: qui si contuleris in eum studia et officia tua, proderis plurimum. Accusatus erat Appius ob ea, quae in provincia contra maiestatem populi Romani commiserat. itaque lib. 3. epist. 10. *De me, inquit, tibi sic, contestans omnes deos, promitto atque confirmo, me pro tua dignitate (malo enim dicere, quam pro salute), in hac pronincia, cui tu praefuisti, rogando deprecatoris, laborando propinqui, auctoritate cari hominis (ut spero) apud ciuitates, grauitate imperatoris suscepturum officia atque partes.*

Tibi enim non esse odio] Minus est, quam, eum a te diligere. quasi dicat: cum in gratiam cum eo redieris; cum eius filiarum una Cn. Pompeii filio, altera M. Bruto nupserit; haec, ne tibi odio sit, efficiunt: amare autem fratrem inimicissimi tui non potes. Cicero, non eum modo a se diligere, sed valde etiam diligere, respondit. lib. 2. epist. 13.

In tua manu est] Cum eam provinciam, cui praefuit Appius, et vnde testes in eum excitari possunt, administres.

Simultas ERN. Simultates] Simultates Cicero cum Appio, inimicitiae vero fuerunt acerbissimae cum eius fratre P. Clodio. *Simultas* autem et mediocre odium est, et simulatione tecum.

Ad illam summam veritatem] Sic antiqui libri, nec, opinor, mendose. Si legitimo, inquit, iure uti volueris, nihil ut pro Appio, nisi quod summa veritas, id est summa iustitia, praescribit, agendum tibi existimes: suspensionem fidei reconciliatae gratiae fortasse aliquam dabis. Expressit Cicero aliis verbis eandem sententiam lib. 3. epist. 12. *Vetus, inquit, nostra similtas antea stimulabat me, ut cauere, ne cui suspensionem fidei reconciliatae gratiae darem.* Ea de re sententiam egregiam recitat Hieronymus in Apologia aduersus Rufinum, ex Ciceronis oratione pro Gabinio. *Ego cum omnes amicitias tuendas semper putavi summa religione et fide, tum eas maxime, quae essent ex inimicitias reuocatae in gratiam: propterea, quod integris amicitias officium praetermissum, imprudentiae, vel (ut grauius interpretemur) negligentiae excusatione defenditur: post reditum in gratiam, si quid est commissum, id non neglectum, sed violatum putatur, nec imprudentiae, sed perfidiae assignari solet.*

Legitimum ius] Summum ius antiqui summam putabant crucem: ut ait Columella lib. 1. c. 7. et summum ius, summa iniuria: ut Cicero lib. 1. de Offic. c. 10.

In hanc partem] Hoc quasi antitheti loco posuit, quia dixerat, ad illam summam veritatem. In hanc igitur partem, leniorem, quae a summo illo iure distat.

Nemo enim] Si quid Appii causa facies, dicent omnes te non esse deteriolem ab officio, necessitudine et amicitia, quae tibi cum Dolabella intercedit.

Postu-

Postulationem et nominis delationem] Prima igitur postulatio, secunda nominis delatio, postrema accusatio fuit. postulabatur primum, vt accusare aliquem liceret: deinde, hoc impetrato, nomen eius deferebatur: postremo accusabatur. In tabula aenea Torquati Bembii, Petri filii: *De ea re eius petitio, nominisque delatio esto.* Pro domo c. 19. *Nomen Sex. Propertii delit. accusare alienae damnationis scelerisque socius, propter calumniae metum, non est ausus.* Interdum *postulare*, pro accusare accipitur.

Vxor] Vt cum vxore vir, ita cum viro diuortium faciebat vxor. exemplum epist. 7.

Mandaris] Mandauerat, vt collocandae filiae suae curam suscipere. de quo ad Appium lib. 3. epist. 12. ipse se excusat his verbis: *In quo vnum vereor, ne tu parum perspicias ea, quae gesta sunt, ab aliis esse gesta, quibus ego ita mandaram, ut, cum tam longe abfuturus essem, ad me ne referrent, agerent, quod probassent.*

Quid ego tibi scripserim] Scripserat fortasse, magnam esse proborum adolescentium penuriam, quibus Tullia collocari posset. nam de Dolabella, a quo discessuram vxorem coniicere non potuerit; nunc primum facto diuortio scribit.

Res] Vt ei nubat filia tua.

Inuidiosum] Ne infamiae tibi sit, quod affinitatem cum eo iungere volueris, cum quo, depositis inimiciis, in gratiam antea redieris, quique tibi, cum augur sit veterum vestrum, ab ipsa collegii coniunctione commendetur.

Si emanarit] Si quid homines de matrimonio rescierint.

Deceat] Pro reconciliata cum Appio gratia.

Expedit] Appium enim offendere: quod vtile non erit: cum amicis, propinquis, affinibusque floreat, filiam enim Appius Cn. Pompeio filio, alteram M. Bruto, tertiam Lentulo, in matrimonium locauerat. lib. 3. epist. 4. et 7. Hinc illud Ciceronis huic epistolae respondentis lib. 2. epist. 13. *Cur mihi, non in optatis sit, completi hominem, florentem aetate, opibus, honoribus, ingenio, liberis, propinquis, affinibus, amicis; collegam meum praesertim, et in ipsa collegii laude ac scientia, studiosum mei?*

Spei] De Appio damnando. nam affinitatis famam suis consiliis opportunam vtilemque fore sperabit.

Negotio] Quod agit contra Appium.

Tanto illustrior] Affinitas haec ob accusationem Appii multo erit illustrior ac notior, quo studiosius eam Dolabella peruulgauit.

Pompeius] Cuius filio nupta erat Appii filia. lib. 3. epist. 4.

Ad te] Vt auctoritatem gratiamque tuam ad Appii salutem conferas. testes enim ex ea prouincia, cui successor Appii-Cicero praeerat, vel reum opprimere, vel periculo liberare poterant omnes.

Absolutimus] Appium: id est, absolutum iri omnes putamus. quod ita contigit, defendentibus eum genero M. Bruto, et Hortensio oratore. quod in Bruto c. 64. scriptum est.

Confecta] Sic olim emendauit, secutus antiquum Petri Bembii librum, et alterum Ioannis Scalae, in quo non omnino diserte, *confecta*,

fecta, ut in Bembi libro, sed, *confecta* legebatur. postea in Alberti Ferri libro, *confecta*, animaduerti. Confecta, inquit, adhuc a Dolabella, foeda omnia sunt et inhonesta: ut odium potius, quam veritatem vllam, prae se ferant. Quid tamen, si, *conficta*, legatur? ut sit, conficta omnia, foeda et inhonesta sunt. Quid etiam, si hoc totum non de vno Appio, sed de omnibus reis vniuerse dicatur? hoc modo: nos hic reos omnes absolvimus: et hercules confecta iudicia, foeda omnia et inhonesta sunt. Confirmare videtur hanc opinionem, quod sequitur de consulum negligentia: quod ipsum non satis apte cum Appii accusatione, cum publica vero iudiciorum turpitudine aptissime connectitur. Sigonii liber, et alii, *consepata omnia foedera*: vnus, *conscripta*. Medicus, *consepata omnia foedera*. Ioanni Baptistae Titio placet: *consaepata*: quasi, munita: quod reos nemo condemnet. tuta igitur culpa, veluti saepa moenibus. Proxime dixit: *Hic nos omnes absolvimus*.

Consules] L. Paullus, C. Marcellus.

De feriis Latinis] Singulis annis in Albano monte, populi Romani Latinorumque conuentu, sacrificium fiebat, distributa singulis populis immolarum hostiarum carne. *Latiar* vocabatur, quod Latiali Ioui fieret: conuentus autem ille, *feriae Latinae*: quarum auctor Superbus rex fuit, vno iis die dicato: post reges eiectiones. alter additus: tertius post foedus cum Latinis iectum, Sp. Cassio consule: anno CCCXCVI. quartus.

Dionysius, Liuius, Plutarchus, Cicero, alii.

Nullum] Quibus de rebus ad senatum retulerunt, de iis nullum omnino senatus consultum factum est. nihil igitur auctoritate, nihil eloquentia valent. De feriis autem Latinis si senatus consultum fecerunt, vltatum est: non ideo probatur eorum diligentia.

Conglaciatur] *Frigere* dicimus eos, qui nihil agendo tempus traducunt. hoc magis est: nam glacie summum frigus indicatur. summa igitur Curionis ignavia. lib. 2. epist. 13.

Nisi ego cum tabernariis et aquariis pugnarem] Aquarum publicarum cura ad aediles curules pertinebat; propterea Coelius, qui aedilis curulis erat, cum tabernariis et aquariis, publicas aquas ad priuatum vsum conuertentibus, pugnabat. qua de re Frontini verba de Aquaeduct. art. 75. 76. recitabo, quae magnam huic loco lucem afferunt: *Caius rei, inquit, causa est, fraus aquariorum, quos aquas ex ductibus publicis in priuatorum vsum derivare deprehendimus. Sed et plerique possessorum, et quorum agris aqua circumducitur, inde formas riuorum perforant; unde fit, ut ductus publici hominibus priuatis vel ad hortorum vsum subseruiant, vel ad itinerum suspendant. Ac de vitis eiusmodi nec plura, nec meliora dici possunt, quam a Coelio Ruso dicta sunt in ea concione, cui titulus est, de aquis. Quae nunc nos omnia, simili licentia usurpata, virum non per offensum probaremus: irriguos agros, tabernas, coenacula etiam, corrumpas denique omnes perpetuis salientibus*

bus instructas inuenimus. Haec Frontinus. *Aquarii* erant, quibus deducendi in urbem publicas aquas cura mandabatur. quod et recitata Frontini verba art. 9. satis ostendunt: *Aquarii nostri partem maximam eius* (Crabrae) *semper in supplementum lulige adiudicauerunt: nec utilitatem augere, quam hauriebant largiendo, compendii sui gratia.* Ab hac forsitan affectandae et perducendae aquae similitudine dicti sunt *aquarii*, qui mulieres impudicas, ut ait Festus, affectarentur: et *aquarii* in stupris vxorum coniuuantes, ut *aquarii* in derisionibus aquarum publicarum. *Tabernarius* vocat Coelius non omnes omnium mercium iustitores, verum eos tantum, quorum in tabernae cibi gratia homines diuertunt. nam hi publicas aquas in usum suum conuertebant. Differt autem *taberna* ab *officina* et *apotheca*. *Officina* tempore prior est utraque. nam in ea sunt, quae postea vel in apothecam cuitiendae, vel in tabernam vendenda deferantur. *Apotheca* est, quae multas capit custodiriue mercēs, ut deinde ad tabernas missa prostant venalia. hodie, corrupto vocabulo, ab apothecis nomen acceperunt ea loca, quae a veteribus tabernae dicebantur. *Taberna* tantum habet, quae minutatim vendantur: cui qui praestit, *institor* vocatur: qui autem apothecae, *mercator*. sunt et tabernae, in quibus habitant pauperes. vnde Horatius lib. 1. Carm. od. 4. v. 13.

*Pallida mors aequo pulsat pede
pauperum tabernas,*

Regumque tures.

Veternus] Morbus ex ignauia contractus, qui somnum inducit. Plautus in Men. Act. 5. Sc. 4. v. 3.

Num eum veterans, aut aqua intercus tenet?

et Virgilius lib. 1. Georg. v. 124.

*Nec torpeve graui passus sua re-
gna, veterano.*

Lib. 2. epist. 13.

Calfaciunt] Exercent, illato bello. nam ex bello motus, ex motu calor. lib. 7. epist. 10. *Vos nunc istic satis calere audio.* et lib. 7. ad Attic. epist. 20. *Te ipsum istic iam calere puto,* cum animi perturbationem significet.

Frigore] Otio: ex quo frigus inducitur, ut exercitatione corporis calor.

Potuit sine Parthis] Etsi frigemus hic, tamen, calefieri vos a Parthis, non optamus. commodum fuit, vos esse sine Parthis, nullum vobis a Parthis negotium exhiberi.

Bibulus] Qui Syriae praecerat.

Amisit] De hoc detrimento sic lib. 5. ad Attic. epist. 20. *Veni interim Bibulus. credo voluit appellatione hac inani nobis par esse. in eodem Amiano coepit laureolam in mustaceo quodere. at ille cohortem priuam totam perdidit, centurionemque principis, nobilem sui generis, Asinium Dentonem, et reliquos cohortis eiusdem, et Sex. Lucillum, T. Gaii Caepionis, locupletis et splendidi hominis filium, tribunum militum. sane plagam odiosam acceperat cum re, tum tempore.*

Sic] Potest aliter esse, sed nunciatum sic est.

Supra scripsi] Plures igitur dies hanc epistolam Coelius in manibus habuit.

Fernen-

Ferventiſſime] Vehementer. calere igitur eum, mirum non eſt. Sic epiſt. 8. *de damnatione ferventer loqui eſt coeptum*. Sic lib. 10. epiſt. 23: *ferventes latrones*, pro vehementes, iracundiaeque impetu concitatos, dixit.

Concerpitur] Carpitur, moveatur: a quo? a ſe ipſo, ſuis actionibus pro Caefare, noſiſque legibus, viaria, et alimentaria. Iure ſordēs verborum in Coelio damnauit antiquitas. quid enim hoc eſt, *ferventiſſime concerpitur*?

De intercalando] De die producenda, ut ea, quae pro Caefaris cauſſa cogitabat, commodius poſſet ad exitum perducere, ſic enim Dio narrat lib. 41.

Non obtinuerat] A collegio pontificum. id enim Dionis oſtendit hitoria. et interkalandi poteſtatem penes eos fuiſſe, qui faſtis praeerant, Macrobius lib. 1. Saturn. c. 13. docet his verbis: *Dies ille, quo abundare annuū diximus, eorum eſt permiſſus arbitrio, qui faſtis praeerant; uti, cum vellent, interkalaretur. Et c. 14. Fuit tempus, cum, propter ſuperſtitionem, interkalatio omnis omiſſa eſt. nonnumquam vero per gratiam ſacerdotum, qui publicanis proferri vel imminui conſulto anni dies volebant, modo auſtius, modo retractio dierum proneniebat. Sacerdotes autem, quos Macrobius ait faſtis praefuiſſe, pontifices fuisse: quod Liuii verba teſtantur lib. 9. c. 46. Civile ius, inquit, repositum in penetralibus pontificum evulgavit, faſtosque circa forum in albo propoſuit, ut, quando lege agi poſſet, ſciretur. Et pontificem, cum interkalationem petiit, Curio-*

nem ipſum fuiſſe, ex Dione cognoscitur.

Transfugit] Defertor optinatum, quos antea defenderat. epiſt. 8.

Viariam] De ſternendis mun.endisque viis. Appianus lib. 2. de bell. ciu.

Non diſſimilem agrariae Rull] Quid hoc ſit mihi videor ab Appiano didiciſſe lib. 2. de bell. ciu. ut enim P. Servilius Rullus in ea lege, quam de agris diuidentis in tribunatu ferre conatus eſt, hoc potuit, ut ipſe prius decemuir, qui agros diuideret, crearetur; item Curio, cum viariam legem ferret, eam ſibi ipſi curationem in quinquennium petebat. quod per leges non licere, Cicero in Agraria 2. c. 8. declarat his verbis: *Quos decemuiros creari vult? Se primum. Qui licet? leges enim ſunt veteres, neque eae conſulares. ſi ſunt intereſſe. hoc arbitramini, ſed tribuniciae, vobis maior. busque veſtris vehementer gratiae atque iunctae. Licinia eſt lex, atque altera Aebn- tia; quae non modo cum, qui tulerit de aliqua curatione ac poteſtate, ſed etiam collegas eius, cognatos, affines excipit, ne eis ea poteſtas curatione mandetur.*

Alimentariam] Fortaſſe de frumento plebi gratis diuidendo, ut infimorum hominum ſtudia ſibi compararet. quod antea quoque ſeditioſi tribuni plebis, primum C. Gracchus, deinde Saturninus, poſtremo P. Clodius, Ciceronis inimicus, tentauerat oratio pro Sextio c. 43. epitome Liuiana lib. 60. lib. 1. ad Her. c. 12. Peditanus ad orat. in Piſon. c. 3.

Quae ERN. Quas] Fortaſſe, quae, ut alimentaria ſua lege iuberet Curio aedilis metiri frumentum plebi.

laetavit] Palam dicitavit se laetaturum esse.

Ponito me in gratia ERN. *gratiam*] In gratiam, et in gratia, utroque modo dicitur. lib. 6. ad Attic. epist. 1.

Huic rei] Matrimonio Tulliae ac Dolabellae.

Dignitati tuae] Dixit iam: *significatio ulla si intercefferis, clarior, quam deceat, fiat.*

Aequitatis] Iniquior enim videberis, affinitate cum eo iuncta,

qui Appium, novum amicum tuum, in iudicium vocet. suadeo igitur iudicii finem exspectes. -

Turpe tibi erit] Quem te mihi amicissimum esse; et istic imperandi potestatem habere, omnes sciunt.

Graecas] Non modo provincia Ciceronis, verum etiam omnis Asia, non quam orbis terrae partem tertiam dicimus, sed ea, quae regis Attali fuerat, Graece loquebatur. epist. 4. 8. 9.

EPISTOLAE VII.

ARGUMENTVM.

Brevis epistola; quia pridie scripserat pluribus verbis, nec deinde novi quidquam acciderat, praeter Cornificii et Orestillae filiae nuptias, Paullae diuortium, Orellae adulteria. Morale principium, quia timet amoris causa, ne Pa tibi aliquid moueant: quae sequuntur, ad negotiale genus pertinent.

EXPLANATIO.

Felicius] Re bene gesta in Amano monte. acceperat, opinor, Coelius cum Ciceronis epistolam, (lib. 2. 10.) in qua scripsit haec: *Cum meis copiis omnibus vexavi Amanenses, hostes sempiternos. multi occisi, capti: reliqui dissipati: castra munita improniso aduentu capta et incensa. Ita victoria iusta imperator appellatus apud Iffum.* Deinde sequitur de oppugnatione Pindenissi.

Risum] Laetitiam, ob rem a te prospere gestam.

Aliquis ERN. *Aliqui*] Pro, aliquis: antiquae: ut lib. 12. epist. 18. *Quo iste, nescio qui, Caecilius Bassus erumperet.*

Publicanorum] Eius societatis, quae Asiana vestigalia redemerat.

plures enim erant publicanorum societates. lib. 13. epist. 9.

Nisi haec vis. tibi scribi] Lepida et urbana inductio rerum, quae descriptione parum dignae videantur.

Cornificius adolescens Orestillae filiam] Hic est fortasse eius filius, quem Ciceronis collegam in augurato fuisse, inscriptio epistolarum ad eum lib. 12. significat. Orestilla Catilinae vxor fuerat. Sigonii liber, *Cornificius adolescentiorem ille sibi filiam.* ego ex hac varietate, nescio quam vere, certe non longe ab antiquis vestigiis, hoc elicio: *Cornificius adolescentiorem Sullae filiam sibi despondit.* altera enim Sullae maior filia, Fausta, Miloni nupserat: quod ignorat nemo. ita de Cornificio intelligendum erit, ad quem sunt epistolae lib. 12.

Paulla]

Paulla] Raro quidem cognominibus mulieres utebantur: sed, numquam, qui putarent, plane falluntur. id quod, ut *Plutarchi* testimonium omittant, vel hic locus ostendit. *Sullae* vero filiam, quam *Miloni* nupsisse proxime diximus, quis nescit *Corneliam* fuisse, cum eadem tamen *Fausta* vocaretur? quid *Orestilla*, a *Coelio* et *Sallustio* bell. Cat. c. 15 et 35 quid *Laterensis* a *Valerio* Max. lib. 8. c. 2. nominata, non aperte cognomen est? nam a nominibus omnes appellatas, ut *Valeria*, *Terentia*, *Tullia*, satis inter omnes constat. Haec vero *Paulla* eadem est, quae *Polla* vocatur lib. 11. epist. 8. sic olla pro aulla.

Valeria] Cum sit soror *Triarii*, *Valeriae* gentis esse eam oportuit.

Triarii] Hic est *P. Valerius Triarius*, qui *Scaurum* accusauerat *Cicerone* defendente, eius *Triarii* filius, qui legatus *L. Luculli* bello *Mithridatico* male rem gesserat.

Sed hic eloquentia valuit, et in *Bruto* c. 76. praecclare laudatur his verbis: *Me quidem admodum delectabat etiam Triarii, in illa aetate, plena litteratae senectutis oratio. quanta severitas in vultu! quantum pondus in verbis! quam nihil non consideratum exhibat ex ore!* Lib. 1. etiam de *Fin.* c. 5. testimonium ei doctrinae tribuitur. Perit civilibus armis: quod in eodem *Bruto* legitur.

D. Bruto] Qui cum *M. Bruto* et *C. Cassio* *Caesarem* occidit.

Nondum retulerat] Nondum retulerat, ad quos referendum erat, de novis nuptiis. nam de divorcio retulisset, ante quam fieret.

Minime vellem] In amici igitur domo.

Imperatorem] Quem de adulteriis percunctari cum non deceat; mihi tamen, inquit, *Coelius* per iocum, hoc non displicet. Imperator apud *Issum*, parva de *Amanien-sibus* victoria, *Cicero* appellatus erat.

EPISTOLAE VIII.

ARGUMENTUM.

Privata primum narrat, de iudiciis: deinde subiungit publica, de senatus consulto, de Pompeio, Caesare, Curione: postremo, iterum de privatis agit, quae ad ipsum pertinent, id est de pantheris, de syn-grapha Sittiana, de liberto Philone, et Diogene Gratco.

EXPLANATIO.

Rufum, Rufum] Iterat *Rufi* nomen, ut indicet magis, de quo loquatur: quasi hoc dicat, *Rufum* illum, qui ubi tam iucundus est. nec abest iocus. Hic *Rufus*, quod habuerit cum *Vestorio* controuersam, ut infra quoque licet conii-cere, vocatur *Rufio Vestorianus*

lib. 14. ad *Attic.* epist. 14. nominatur etiam lib. 6. ad eundem epist. 2.

Mel] Sic appellamus ea, quibus mire delectamur. *Plautus* in *Curc.* Act. 1. Sc. 3. v. 3.

Assum: nam si absum, baud recusem, quin mihi uale sit, mel meum.

Delicias tuas] Sic locutus lib. 7. epist. 1. *Deliciae tuae, noster Aegyptus.*

Columniam tulisse] Ad accusandum descendisse. Infra: *cum columniam inuasset.*

Maximo plausu] Omnibus approbantibus: cum laetarentur, quod accusaret accusatorem suum.

Tulisse] Pro, *detulisse*: accusasse de columnia, praesertim accusatorem suum. unde sequitur: *Nemini hoc deservere munusculum maluit, quam suae accusatori.*

Legis Plotia de vi] Causae de vi, autē alias extra ordinem aguntur. quod etiam ex oratione pro Coelio, quem de vi accusatum Cicero defendit, satis liquet. fuere autem de vi legis duae, una tribunitia Plotia, altera consularis Lutatia: de quibus in libro nostro de Legibus.

Dubium illi non erat] Non erat ei dubium, quin condemnaretur. quod ut effugeret, de accusando accusatore suo consilium cepit, eoque crimine, quo causam ab eo extra ordinem dicendam videbat, sperabat enim eo damnato, prorsus, animi se periculo omnique molestia liberatum.

De se re munusculum] Neminem accusare maluit, quam suum accusatorem, sic locutus epist. 12.

Subscriptore] Erant, qui subscriberent accusantibus, openique ferrent, ut reus omnino damnaretur. Cicero in Divinam. In Verrem c. 15. pro Cluentio c. 45. lib. 3. ad Q. Fr. epist. 1.

Vsque eo perago] Ita cum oratione exagito, ita vexo, ut Vestorii quoque mentionem faciam. cum quo negotii quiddam Sempronio

fuisse, cognoscitur ex lib. 6. ad Attic. epist. 2.

Fabulam] Non, fictam rem, quales fabulae sunt, sed quod, tamquam fabula, rideri possit.

Tibi pro beneficio dederit] Colatum in te beneficium existimari voluerit,

Si quid iniuriis suis esset, ut Vestorius teneretur ERN. *quod Vestorius teneret*] Cum sit huius loci mihi quidem perdifficilis intelligentia, a duobus veteribus libris, uno Sigonii, altero meo, discedendum non putaui: ut sit, quo niti coniectura possit, si quis ingenio veritatem vestigare voluerit. quod si ex his verbis aliquam omnino cogar elicere sententiam, interpretator hoc modo: tibi pro beneficio dedit, si quid esset iniuriis suis, id est, si quid esset suo damno suaque iniuria, quod Vestorius teneret, quasi ademptum sibi aliquid, ac teneri a Vestorio diceret, quod aliqua eius iniuria fieret. nam ut, *iniuria*, interdum adverbii loco ponimus, ut, *iniuria facis hoc*: sic videtur pronomen addi posse, ut dicatur, *iniuria mea facis hoc*: quemadmodum, *ingratis*, et *ingratis tuis*, merito, et merito meo veteres dicebant. Paullo asperius hoc est, aliquis dicet. quis negat? verum hanc asperitatem Coelius amavit: ut in eius vita iam ostendimus. Tres praeterea minime recentes libri pro, *si quid*, habent, *si quod duo, quo Vestorius*. Quod autem pro, *iniuriis suis*, in quo mei quidem scripti libri omnes consentiunt, nonnulli reposuere, *iuris sui*: commentitium suspicor, et eo magis, quod iidem, *iniuriis suis*, esse in suo illo peructere libro, editis antea,

antea, ut ipsi vocarunt, castigatibus indicauerant; nec tamen huius postea mutationis causam ostenderunt.

Turbat] *Turbare*, et *conturbare*, deceptorum est: nec desunt apud Ciceronem exempla, lib. 4. ad Attic. epist. 7. et in orat. pro Plancio c. 28.

Quod non venderet, cuiquam reliquerat ERN. *Quod non venderet cuiquam, reliquerat]* *Quisquam*, tribus modis videtur usurpari: cum dubitantis, ut, *si quisquam ita sentit*: cum negans, ut, *ne quisquam putet*: cum interrogans, ut, *quisquam tam impudens reperietur?* Coelius tamen hic neque dubitat, neque negat, neque interrogat, sed asseruit: et puto veteres ita locutos, quorum scripta sine defectu Coelius imitatus est. confirmatur hoc exemplum altero Aemiliani Scipionis exemplo: cuius verba, ex oratione contra legem iudiciariam Ti. Gracchi a Macrobio lib. 2. Saturn. c. 10. recitata cum legerem, hoc animadverti: *Haec cum mihi quisquam narrabat; neu potui animi inducere, ea liberos suos homines nobiles docere.* Liber Sigonii habet, *quo inquam*; orta occasione mendi, quia priscis temporibus quoquam, pro cuiquam, scribatur.

Nobis] Se ipsum intelligit, Servilii causam defendentem.

Invidiae ERN. *Invidia]* Cum iniustus esset omnibus. Sigonii liber, maxime qui nobis traditus erat *invidiae*. minor igitur mutatio fieret, si legeretur hoc modo: *maximaeque nobis traditus erat invidia.* etsi video sententiam

claudicare: sed in Coelio ferenda sunt omnia.

Latecensis] Inuentiae gentis.

Postulante] Non accipio pro, *accusante*. nam accusator Servilii in causa repetundarum Pilius fuit, non Pausanias. *Postulante* igitur est, petente, ut agere liceret contra eos, ad quos ea pecunia pervenisset, unus fortasse fuit de creditoribus Servilii, aut etiam amicus; qui, excusata eius inopia, postularet a praetore, ut, ad quos credita Servilio pecunia pervenisset, quaereretur; quando Servilius ipse solvendo non esset, quod impetratum a praetore non est; non quod visitatum non esset; verum, quia Servilius ei odio erat. confirmat enim Coelius his verbis, quod proxime dixerat: *maxima nobis traditus erat invidia.* Licuisse autem per leges in causa repetundarum agere adversus eos, ad quos ea pecunia pervenisset, Cicrone teste in orat. pro Rabirio Post. c. 4. probabimus. *Est, inquit, haec causa, QVO EA PECUNIA PERVENERIT, quae quaedam appendicula causae indicatae atque damnatae.* Sunt lites aestimatae A. Gabinio: nec praedes dati, nec ex eius bonis, quanta summa litium fuisset, a populo recepta. *Lex aequa est. lubet lex Iulia persequi ab iis, ad quos ea pecunia, quam is cepit, qui damnatus sit, pervenerit. Si est hoc novum in lege Iulia, sicuti multa sunt saevius scripta, quam in antiquis legibus, et sanctius indicata: sane etiam consuetudo huius generis iudiciorum, nova. Sin hoc toridem verbis translatus caput est, quod fuit non modo in Cornelia, sed etiam ante in lege Servilia: per deos immortales! quid agimus,*

egimus, indices: aut quem hunc morem nonorum iudiciorum in rempublicam inducimus? Erat enim haec consuetudo nota vobis quidem omnibus, sed, si usus magister est optimus, mihi debet esse notissima. Accusum de pecuniis repetundis: index sedis praetor quatuor: defendi plurimes, nulla pars, quae aliquam facultatem dicendi offere possit, non mea fuit. Ita c. utendo; neminem unquam, QVO EA PECVNIA PERVENISSET, causam dixisse, qui in assistentibus appellatus non esset. Venit etiam in mentem, postulante, de accusatore Pausania dictum esse: quia sequitur, nobis patrum, quod si ita est, his de repetundis postulat. Servilium dicentis, primum a Pausania, et damnatum: licet hic de exitu iudicii mentio nulla fiat; sed ex his verbis intelligitur, quo ea pecunia peruenisset; quae actio damnationem protectio consequitur: deinde a Pilio: quod iudicium nondum effectum, manifeste infra demonstrant ea verba, de repetundis, facinus, Pilio traditur. sed aduersatur ea ratio, quod, si accusatus esset antea de repetundis, abiisset in exilium; nec alterum de eodem crimine iudicium expectasset.

Attici nostri] Cuius vxor Pilia fuit, saepe in epistolis ad eum nominata.

Ferventer] Valde, non frigide: vt epist. 6 ferventissime concepiuntur.

Loqui] Passionem tribuit verbo, actionem potius requirenti. Sed antiquum fuit, id est Coelianum.

Quo vento proicitur] Qua fama valde commotus est Appius, usque eo, vt eundem Servilium de praevaricatione accusarit.

Appius minor] Duos fratres Claudiae gentis nominat Pedianus in argumento orationis pro Milone, filios C. Clodii, qui P. Clodii frater fuerat. utrique praenomen Appio fuit; sed, vt internoscerentur, Appius maior, et Appius minor, aetatis ratione habita, vocabantur, vt feminae, antequam nuberent, cum duae sorores essent, maior et minor appellabantur. itaque duas Octavias, maiorem, et minorem, Suetonius nominat in Augusto c. 4. Pediani verba sunt haec: Postulaverunt apud eum (Pompeium) familiam Milonis, item Faustae uxoris eius, exhibendam, duo adolescentuli, qui Appli Claudii ambo appellabantur, qui erant C. Claudii filii, qui frater fuerat Clodii. de quibus infra quoque idem Pedianus mentionem facit. Quaero igitur, cum duo fuerint Appii fratres, maior et minor, C. Clodii filii, primum, cur neuter eorum patris praenominis sit usus: deinde, cur uterque Appius eodem praenominis? Verisimile est, adoptatos esse ab eorum patruo Ap. Claudio, qui Ciliciam rexit ante Ciceronem, et ab eo praenomen accepisse; quod fieri solitum est; deinde, vt distinguerentur, maiorem, et minorem esse nominatos. Accedit ad hanc rationem altera, vt ego arbitror, aliquanto firmior, quod in hac epistola vivere patrem eorum Coelius ostendit: infert enim, quid? si novarias patris confessiones audisses? at eorum patrem naturalem C. Clodium iam decessisse, Pedianus videtur significare, cum dicat, qui erant C. Claudii filii, qui frater fuerat Clodii: ex quo sequitur, vt de patre adoptivo sit intelligendum, qui cum et ipse Ap. Claudius voce.

vocetur, quemnam putemus esse, praeter Appium illum, qui consul cum L. Domitio fuit, et post consulatum Ciliciam administravit? Nec mirum videatur, eodem prae-nomine duos fratres esse vſos. nam hoc vſitatum in gente Claudia, ex historia cognouimus. Appius enim Claudius, cognomento Caudex, qui consulatum gessit anno v. c. CCCCLXXXIX. frater fuit Appii Claudii Caeci, teste Gellio lib. 17. c. 21. video etiam apud Linium lib. 33. c. 22. duos Labrones fratres eodem praeuomine appellari.

Ex bonis patris] A patre suo datam Seruilio, eius accusatori, vt praeuaria-retur.

Diceret] Aut hoc abundat, cum, *iudicet*, dixit: aut mendosum videtur: cum *dicat*, ad verbum *indicet*, rectius accommodetur.

Depositum] Ab Appio patre, quod Seruilio daretur, si praeuari-catus esset; in quo spem locabat absolutionis suae. Sigonii libor, *positum*.

H-S LXXXI] Prorsus hoc de-prauium suspicor. nam neque satis magna conficitur pecunia ad emendam praeuariationem: et perfectum potius numerum in veterum libris nominatum animad-verti. ac potest ex ignorance anti-quarum notarum fluxisse men-dum, et factum esse LXXXI. ex eo, quod fortasse fuit, CCCIDDD, quae sestertiorum erunt centum millia, id est, pecuniae nostratis tria mil-lia scutatorum. quamquam ne haec quidem corrupto accusatori mer-cēs pro rei magnitudine satis am-pla mihi videtur.

Amentiam] Qui flagitium ape-riat patris ſisi, a quo reo indicet datam Seruilio pecuniam, vt prae-uaricaretur.

Actiones] In persequenda accu-satione. quid enim stultius, quam in consilium mittere eosdem illos iudices, qui lites aestimarent?

Nefarias] Nefas enim, pecunia salutem emere, accusatore cor-rupto.

Mittit in consilium] Post audi-tam cognitamque causam, vt senten-tias de Seruilio ferrent: cum eos re-licere deberet, vt suspectos. Mittebat iudices in consilium accusator, vt hic, et pro Cluentio c. 30. *Cur cum, cum in consilium iretur, Cluentius et Canutius abesse patiebantur? cur cum in consilium mittebant, Stalonus iudicem, cui pecuniam dede-rant, non requirebant?* Et apud Valerium Max. lib. 6. c. 2. *Cn. Pi-so, Manilii accusator, interroganti Pompeio, cur se quoque non accusa-ret; da, inquit, vades reipublicae, te, si postulatus fueris, cinile bel-lum non excitaturum: iam de tuo prius, quam de Manilii capite in consilium iudices mittam.* Prae-toris quoque, mittentis in consi-lium iudices, exemplum habemus in Asconio. *Cato praeter, inquit, in consilium de calumnia accusato-rum misit.*

Qui lites ERN. lites aestima-rant] Qui de repetundis iudicaue-rant. in causis enim repetunda-rum lites aestimabantur: vt, quan-tum a reo damnato esset exigen-dum, cognosceretur. Hinc licet intelligere, accusatum Appium pa-trem a Seruilio de repetundis, co-que praeuaria-cante absolutum. nec

dubito, quin repetundarum crimen ob Sardiniam auare administratam obiectum Appio sit: nam eam praetor rexerat: quod apud Plutarchum in Caesare legitur. Iudices autem, qui eum absoluerunt, numquam omnino accusatum ab Appio minore Seruiliū damnaissent: ne, si praeuarcationem erederent, suum de Appii absolute iudicium damnare viderentur: quem absolutum propter innocentiam videri volebant, non quod Seruilius praeuarcator causam prodidisset. Stulte igitur Appius minor eos iudices in consilium misit, ut sententias de Seruilio ferrent. Hic ne quis miretur, quod, cum dixerit postulatum a Pilio Seruiliū de repetundis, iudicium factum de praeuarcatione prius, quam de repetundis, demonstret. nam praeuarcationis causa tamquam appendix est rei iudicatae: itaque extra ordinem statim agitur. Qui autem de repetundis, iidem de corruptis iudiciis iudicabant: et ad crimen corrupti iudicis praeuarcatio pertinuit itaque mirum non est, qui iudices in Appii causa repetundarum fuerant, eosdem in Seruili praeuarcationis causa sedisse. Pro Cluentio c. 32. *An ut praeuarcaretur? Iam id quoque ad corrumpendum iudicium pertinet.* Et c. 37. *Fiducianius quid fecisse dicebatur? accepisse a Cluentio H. S. CCCC. Cuius erat ordinis? senatorii. Qua lege in eo genere a senatore ratio repeti solet? de pecuniis repetundis.* Quod autem, *litis*, pro *lites*, scriptum sit; antiquae consuetudinis est. Priscianus lib. 7. *lites*, et *litis*: Cicero in *frumentaria*: *Sedisti etiam litis illorum.*

Aequo numero] Aequo senten-

tiarum numero reus absoluebatur. habendam scilicet humanitatis rationem veteres illi legum latores censuerunt; ut, in re dubia, ad misericordiam inclinatio fieret. testem habeo Ciceronem in orat. pro Cluentio c. 2. *in consilium, inquit, erant ituri iudices triginta et duas sententias decem et sex absolute confici poterat.* Confirmat in Mario Plutarchus: *Παραρτίως ἀντίφρων, ἵσων τῶν ψήδων γυνόμενον.* Hoc Laterensis ignorans, cum absolutum Seruiliū, ob sententiarum paritatem, pronunciare deberet, non pronunciauit absolutum, neque de sententiarum numero mentionem fecit, sed, cum tres ordines, senatus, equites, tribuni aerarii lege Aurelia iudicarent, ordinum iudicia exposuit; quibus absolutum Seruiliū, haec infra verba demonstrant, *pro absolute Seruilius haberi coepit.* in quo geminus Laterensis error agnoscitur, primum, quod aequo sententiarum numero absolui reum ignorauit: deinde, quod in absoluendo, aut condemnando habendam ordinum rationem arbitratus est; ut, quem ordines duo absoluerunt, aut damnaissent, is absolutus, aut damnatus putaretur: cum non intelligeret accidere posse, ut, a duobus ordinibus absolutus reus, tamen damnaretur, ex vniuerso sententiarum numero, quarum maior pars vel salutem reo, vel poenam afferebat. exempli gratia, senatores reum absoluunt, item equites, sed utrique paucis sententiis: tribuni aerarii omnes, aut plerique condemnant. quis non videt absolui reum, si ordinum potius, quam sententiarum, ratio ducatur? contra tamen accidit: nam sententiae numera-

numerabantur, separatim quidem primo cuiusque ordinis, sed ut mox summa fieret ex omnibus: quarum maiorem numerum vel absolutio rei, vel calamitas consequeretur. quod ne putetur a coniectura ductum, quae saepe, tamquam in lubrico posita, ad falsa prolabitur: praeciarum contra ordines (ut ita loquar) pro sententiis habemus exemplum in vtilissimo Pediani commentario in Mil. c. 35. in quo damnatus a duobus ordinibus M. Saufeius, ex numero tamen sententiarum impunitatem assequitur. verba recitemus: *Defenderunt* (Saufeium) *M. Cicero, M. Coelius; obtinueruntque, ut una sententia absolueretur. Condemnaverunt senatores decem, absoluerunt octo. Condemnaverunt equites Romani novem, absoluerunt octo. sed ex tribunis aerariis decem absoluerunt, sex condemnauerunt.* Alterum succurrit exemplum lib. 2. ad Q. Fr. epist. 6. nam de Sex. Clodio absoluto significans, *ei tres, ait, sententiae tæterrimae in consilio d. fuerunt.* Subiungit autem: *senatorum una copiose absoluit, equitum adaequavit, tribuni aerarii condemnarunt.* Ex quo patet, si ordines considerentur, dubium esse iudicii exitum; cum unus absoluat, alter condemnet, tertius aequo sententiarum numero nihil decernat. numeratis autem senatorum ac tribunorum sententiis, (nam equitum pares fuere) vicit tribus sententiis ea pars, quae absoluebat: qui senatores fuere: dixit enim, *senatorum una copiose absoluit.* Quid? ipse Coelius non idem ostendit verbis ex legis capite vno et centesimo recitatis? *Quod eorum iudicium maior pars iudicavit, id ius ratum quo esto.*

Vt solent] Vt solent praetores, postea quam, quid iudices senserint, pronunciarunt.

Non redigam] Antiqui moris ignoratione sententia nobis obscuratur. absolutionem quidem significari, e sequentibus verbis intelligo.

Pro absoluto] Cum eum ab ordinibus absolutum praetor pronunciasset.

Legis] De iudiciis.

In tabulas] In quas reorum omnium absolutiones, damnationesque referebantur.

Absolutum non retulit] Primum ex ordinum iudiciis Laterensis absoluendum Seruilius putauerat: mox inscitiam suam deprehendit, lecto legis capite vno et centesimo, in quo, numerandas iudicum sententias, plane cognoscebatur, omissa ordinum mentione. sed hic etiam lapsus est, opinatus ideo non absolutum Seruilius, quia iudicum pars maior pro eo non iudicasset: cum par sententiarum numerus ad absoluendum sufficeret.

Ordinum iudicia perscripsit] Haerebat Laterensis. pronunciauerat iam, ab ordinibus absolutum Seruilius; ex quo referre in tabulas absolutum oportuit, rursus, eum eum a maiore iudicium parte non esse absolutum videret, putavit se contra legem facere, si absolutum scriberet: itaque, ne vel contra suam pronunciationem, vel contra legem committeret, (cum ex pronunciatione absoluendus, ex lege damnandus ei videretur) neque absolutum, neque damnatum in tabulas retulit; scripsit, quid singuli ordines iudicassent.

Postu-

Postulante] De repetundis. nam eodem crimine postulare non licebat.

Cum L. Lollio transegit] Vel amicus Laterensis fuit Lollius, cum quo de absoluendo Seruilio consilium cepit, vel ipsius Seruili patronus.

Relaturum] In tabulas abolutum.

De repetundis saucius] Saucius et laesus iudicio praeuarcationis, (siquidem neque absolutus, neque damnatus est) de repetundis accusandus Pilio tradetur.

Nam de diuinatione] Caussam exponit, cur, cum ab Appio et Pilio postulatum Seruili dixeret, unum postea Piliu nominarit. Quod ad diuinationem, inquit, attinet, Appius contendere cum Pilio non est ausus, vter accusare Seruiliu deberet. *Diuinatio* dicebatur oratio, in qua de accusatore deligendo disputabatur; vel quod non de facto, sed de futuro coniectura quaereretur; vel quod iniurati iudices in ea caussa sederent, et, quod vellent, praesentire de utroque possent; vel quod res ageretur sine testibus, et sine tabulis, et, his remotis, argumenta sola sequerentur iudices, et quasi diuinarent. sic enim putauit Asconius, cum Ciceronis Diuinationem in Verrem explanaret, in argumento. videndus et Gellius lib. 2. c. 4.

Cum calumniam iurasset] *Iurare calumniam*, est, iureiurando profiteri se accusatorem, in caussa tamen haudquaquam iusta. Liuius lib. 33. c. 47. *Romanos in Hannibalem, et irsus causam odii quaerentes, instigabant.* Itaque, diu repugnante Scipione Africano, quia

parum ex populi Romani dignitate esse ducebat, subscribere odiis accusationibusque Hannibalis, et factionibus Carthaginensium inferre publicam auctoritatem; nec satis habere, bello vicisse Hannibalem, nisi velut accusatores calumniam in eum iurarent, ac nomen deterrerent: tandem peruicerant, ut legati Carthaginem mitterentur, qui apud senatum eorum arguerent, Hannibalem cum Antiocho rege consilia belli faciendi inire. Pedianus in commentario Cornelianae: *Huc illud pertinet, cum iurasse dixit, semel priuatum, et iterum legatum, scilicet cum in Curione calumniam iurauit.* Supra quoque in hac ipsa epistola, *calumniam maximo plausu tulisse, pro, ad accusandum descendisse.*

Seruilius] Propinquus M. Seruili.

De vi reus a quodam emissario suo, Titio, factus est ERN. *Emissario est factus*] In antiquo libro Mediceae bibliothecae, et in duobus praeterea, Petri Bembi, et Vbaldini Bandinelli, legitur, *emissa rustetio factus*: fortasse corrigendum, *emissario*, S. *Tettio factus*: vt existimat amicissimus meus. Tettios autem et libertos, et amicos Claudiorum fuisse, in qua gente erat Appius, ostendit Asconius, vbi in orat. pro Milone c. 14. illi locum explanat: *haec insidiosa Pompeio est*. quamquam ibi tantum de Damione Clodii liberto loquitur. sed Damionem Tettiae gentis fuisse ostenditur lib. 4. ad Attie. epist. 3. itaque hic Coelius, de Appio loquens, accusatus, inquit, est a quodam suo emissario Sex. Tettio. nam cum, *Sextus*, antiqui significat

gnificare volebant, vel *Sex*. scribebant, vel *S.* ita patebit et vera lectio et sententia. quo quidem eo magis inclino, quod etiam in libro peruertere Caroli Sigonii scriptum video, *omissa rustetio*: ut in hac varietate augeatur mendii suspicio, et ad veritatem indagandam quasi lator via patefiat.

Recte hoc par habet] Praeclare componuntur hi duo: cum emissarius eum ipsum reum faciat, a quo in alios emitti solitus erat *Gladiatorum par*, dixit Cicero de optimo genere oratorum c. 6. quam vocavit *compositiorem* lib. 2. epist. 8.

Eum] Caesarem.

Post Kal. Mart.] Pugnare videtur hic Coelii locus cum Ciceronis loco lib. 8. ad Attic. epist. 3. in quo, Pompeium M. Marcello consuli, finienti provincias Gallias Kal. Mart. restitisse, diserte scriptum est. Nec tamen aut Coelium, aut Ciceronem mentiri, credibile est. de Pompeii potius leuitate et inconstantia cogimur suspicari, qui, cum restitisset Marcello consuli, contra Caesarem agenti, postea cum eodem Marcello consenserit de successore Caesari mittendo, epistola quidem huius libri decima, hoc sensisse ostenditur, ne senatus consultum ullum fieret: quod erat, ne Caesari succederetur, contra Marcelli consulis relationem.

Auctoritatesque perscriptae] Auctoritates dicebantur senatus consulti, nomina senatorum, qui scribendo assuissent: quod auctoritatem et quasi pondus adderent senatus consulti. *Praescriptae* autem, non *perscriptae* mihi placere ostendi iam lib. 5. epist. 2. in eo loco,

illud senatus consultum ea praescriptione est.

Auctoritas] Sic liber Sigonii, et alii: mihi potius arrideret, *auctoritates*: cum et Coelius proxime dixerit, *auctoritatesque praescriptae*; et Cicero lib. 3. de Orat. c. 2. *Eundem (id quod in auctoritatibus praescriptis exstat) scribendo assuisse.*

In aede Apollinis] Senatus habebatur vel in sacris aedibus, vel in templis non sanctis, ut in curia Hostilia. templorum enim alia sancta, alia non sancta, ut ait Varro lib. 6. de L. L.

Scribendo assuerant] Imminutum est, et subaudiendum, *senatus consulto*. sic enim tunc loquebantur. exempla vide lib. 15. epist. 6. lib. 7. ad Attic. epist. 1. lib. 3. de Orat. c. 2. Integrum autem posuit lib. 12. epist. 29. *alicui senatus consulto, quod contra dignitatem tuam fieret, scribendo Lamiam assuisse.* Ponor ad scribendum, pro, ponor assuisse scribendo, dixit lib. 9. epist. 15. Lampridius in Helio Gabalo c. 4. *Vbi primum diem senatus habuit, matrem suam in senatum rogari iussit. Quae cum venisset vocata ad consulum subtelio, scribendo assuit, id est, senatus consulti conficiendi testis.*

L. Domitius, Gn. F.] Scitu dignum est, quod in Nerone c. 1. scripsit Suetonius. *Perseuerarunt, inquit, omnes in eodem cognomine. Ac ne praenomina quidem ulla, praeterquam Cnei, et Lucii, usurparunt, eaque ipsa insigni varietate, modo continuantes unumquodque per trinas personas, modo alternantes per singulas. Nam primum, secundumque, ac tertium*
Abeno-

Abenobarborum, Lucios: rursus sequentes tres ex ordine, Cneus accepimus: reliquos non nisi vicissim, tum Lucios, tum Cneus. Hic autem, qui scribendo affuit, consul fuerat cum Appio Claudio, Caesaris inimicissimus, quem praetor abeuntem consulatu, quem aduersus auspicia legesque gelisse existimabatur, ad disquisitionem senatus vocauit: mox consul imperatorem ab exercitibus Gallicis retrahere tentauit: successorque ei per factionem nominatus, principio civilis belli ad Corfinium captus est. vnde dimissus, Massilienses, oblatione laborantes, cum aduentu suo confirmasset, repente destituit: acieque demum Pharsalica occubuit: vir neque satis confusus, et ingenio truci, quippe qui, consultante Cn. Pompeio de mediis, ac neutram partem sequentibus, solus censuit hostium numero habendos. De hoc, vt oratore, Cicero sic in Bruto c. 77. *L. Domitius nulla ille quidem arte, sed latine tamen, et multa non libertate dicebat.* Cneus autem pater eius, hic nominatus, is est, qui in tribunatu pontificibus offensior, quod altum, quam se, in patris sui locum cooptassent, ius sacerdotum subrogandorum a collegiis ad populum transtulit: ut in consulatione, Allobrogibus, Aruernisque superatis, elephantum per prouinciam uelut est: turba militum, quasi inter sollempnia triumphi, prosequente. In hunc dixit Licinius Crassus in oratione: non esse mirandum, quod aeneam barbam haberet, cui os ferreum, cor plumbeum esset. Haec Suetonius c. 2. Addit Peditanus in oratione pro Scauro, ab eo tribuuo plebis, quod in augurum collegium a M. Scauro,

principe ciuitatis, cooptatus non esset, diem ei dictam ad populum, et multam irrogatam, quod eius opera sacra multa populi Romani diuinata esse diceret. Notatur vt perfidus a Valerio Max. lib. 9. c. 6. quod Bituitum, regem Auernorum, per colloqui simulationem arcessitum, hospitioque exceptum, vinxisset, ac Romam naue deportandum curasset. quod au. vere scriptum sit a Valerio, potest ambigi: cum Linius lib. 61. Q. Fabium, Domitii successorem, aduersus Bituitum feliciter pugnasse tradiderit. Idemque Orosius lib. 5. c. 14 scriptum reliquit.

Abenobarbus] Vt distinguatur a Caluinis. nam, vt idem Suetonius c. 1. *ex gente Domitia duae familiae clarentur, Caluinorum, et Abenobarborum.* Abenobarbi auctorem originis, itemque cognominis habent L. Domitium; cui rure quondam reuertenti iuuenes gemini, angustiore forma, ex cursu imperasse traduntur, nunciaret senatui ac populo victoriam, de qua incertum adhuc erat; atque in fidem maiestatis, adeo permississe malas, vt e nigro rutilum, aerique assimilem capillum redderent. Quod insigne mansit et in posteris eius, ac magna pars rutila barba fuerunt. Confirmatur idem a Plutarcho, in Paulli vita, de huius origine cognominis. Quod autem, Abenobarbus, non, Aenobarbus, maluerim scribere, si quis lapides Capitolinos inspexerit, non mirabitur. Deductum videtur non ab, aeneus, aenea, aenensi, sed ab, abenus, abent, abenuus, quod Caelius lib. 2. c. 3. adspiratione inter duas vocales interiecta, scribere veteres consueuisse demonstrat.

Q. Caeci.

Q. Caecilius] Hic est Scipio ille, Magni Pompeii socer, eiusdemque in tertio consulatu collega, qui afflicta Pharsalico proelio partes Pompeianas, in Africa rursus ope Iubae regis excitauit, victusque a Caesare, ne victoris in potestate veniret, ipse sibi mortem consciiuit. Transiit autem a Corneliis in Caecilios, assumpto patris adoptiui cognomine Pio, quod enim Q. Metellus Pius, Numidici filius, Pontifex Max. adoptauerat, id quod in Dionis historia legimus lib. 40. Hunc Cicero *Nasica* vocat lib. 2. ad Attic. epist. 1. quod eius patris maiorumque cognomen fuerat. Dio eodem libro. Idem tamen vetere praenomine, quod a naturali patre acceperat, *Publius* appellatur interdum, ut a Cicerone in orat. pro domo c. 47. et in epitome Iuliana lib. 114. et apud Eutropium lib. 6. c. 3. Pater autem eius, ut eode loco Dio scripsit, fuerat Scipio Nasica, aus item Nasica, quem nominat Cicero in Bruto c. 34.

L. Villius] Antiqua familia, primis fere temporibus a Lurio nominata. *Annales* dicti, ab eo, qui legem tulit, quo anno magistratus capere liceret. Villium Annalem Cicero etiam memorat in oratione pro Fundanio, apud Priscianum lib. 7. Antea in omnibus impressis, *Iulius*: primi nos reposuimus, *Villius*.

Pom.] Tribus Pomptina fuit, nam ex XXXV. tribubus, aliquam, ut inquit Pedianus, necesse erat, cuiuscumque esset ordinis, cuius Romanus obtineret, is autem ostendebatur a praenomine suo, a nomine, (nomine autem familia significatur) a patris praenomine, a tri-

bu, a cognomine, ut Phil. 9. c. 7. *Ser. Sulpicius Q. F. Lemonia, Rufus*. Lemonia enim tribus est ablatini casus: ut sit, *ex Lemonia*, ut inquit Asconius. in lapidibus autem antiquis fere semper, in libris aliquando prioribus tantummodo litteris significari tribus animadvertis, ut in hoc senatus consulto. ubi enim legitur, *Pom.* sciendum est *Pomptinam* intelligi: ubi *Pop.* *Popilliam*: ubi *Pop.* *Pupiniam*: ubi *An.* *Aniensium*: quod cum antea non esset exploratum, alii pro *An. Capito*, duabus vocibus coniunctis legebant *Ancapito*: Bernardinus autem Rutilius in suis annotationibus credidit, antiquas notas fuisse, quae significarent, *Ateii nepos*. in quo quam deceptus sit, non attinet dicere. si enim ab auo ostendendus aliquis erat, non ab eius nomine, sed a praenomine ostendebatur. sed incidit in errorem, quia tribum Aniensem non agnovit, quae duabus modo litteris, ut iam dixi, scripta fuerat. quae me ratio mouit, ut ubi, *Pupiniam*, uno tantum verbo antea legebatur, duobus in nostro libro scriberem, *Pap. Hirrus*, id est, Pupinia Hirrus. tribus enim autem cognomen ponebatur, ut et hic, et alibi licet videre. Quoniam autem hanc tribuum cognitionem non ita facilem esse perspicimus, (nam et Volaterianus, et Alexander, qui dies Geniales scripsit, et alii, quos non necesse est commemorare, parum videntur in suis libris earum numerum et nomina tenuisse) studiosis non fore prorsus inutile, aut iniucundum arbitramur, si, quae in hanc rationem dispersa in veterum monumentis leguntur, coacta huc afferamus. quae cum olim scripserim adole-

adolescens, cum haec noua videbantur; nunc eadem, correctione quadam, breuissime colligam.

Fuerunt igitur Romanae tribus omnino XXXV. quarum nomina infra scripsimus, et scriptores aliquot, qui de iis locuti sunt, apposuius, ut inde facilius earum ac certior unicuique cognitio sit.

AEM. vel **AEMI.** Aemilia. Cicero lib. 2. ad Attic. epist. 14. Liuius lib. 38. c. 36. antiquae vrb. inscr. 75.

ANI. Aniensis. Cicero pro Plancio c. 22. Liuius lib. 10. c. 9. antiquae vrb. inscr. 160, 175. et in libro Petri Appiani de inscriptionibus antiquis totius orbis, 93.

ARN. vel **ARNIEN.** Arniensis. Cicero in Agraria 2. in Ruluma c. 29. Liuius lib. 6. c. 5. et lib. 29. c. 37. vbi corrupte legi putamus *Narniensis*. nam lapis antiquus, quem Vulsiniis in templi parietibus vidimus, expressam Arniensis mentionem continet.

CLA. Claudia. Liuius lib. 2. c. 16. Virgilius lib. 7. Aen. v. 708. Dionysius Halic. lib. 5. antiquae vrb. inscr. 75, 84, 114. liber Appiani 479.

CLV. vel **CLVST.** Clustumina. Cicero pro Plancio c. 16. pro Balbo c. 25. antiquae vrb. inscr.

COL. Collina. Varro lib. 4. de L. L. Plinius lib. 18. c. 3. Festus. antiquae vrb. inscr. 27, 99, 120. liber Appiani 110.

COR. Cornelia. Liuius lib. 38. c. 36. antiquae vrb. inscr. 29.

ESQ. vel **EXQ.** Esquilina. Varro lib. 4. de L. L. Plinius lib. 18. c. 3. Festus, antiquae vrb. inscr. 175. Est praeterea in aedibus viri optimi, valdeque eruditi, Gentilis Delphini Romani, fragmentum antiqui lapidis cum hac tribu.

FAB. Fabia. Horatius lib. 1. epist. 6. v. 52. Suetonius in Augusto c. 40. antiquae vrb. inscr. 61, 73, 74, 76. et Petri Appiani lib. 62, 66, 335, 343, 500.

FAL. Falerina. Liuius lib. 9. c. 20. in libro Appiani 105, 120. et Neapoli antiquus lapis est ita inscriptus:

C. PISTORIO. C. F. FAL. FIRMO. AEDIL. II VIR. CVRATORI. OPER. PVBLICOR.
item Iosephus *ἰν τῇ τῆς Ἰουδαίας ἀρχαιολογίᾳς ἀβγ. ιγ, καφ. ιζ.*

GAL. Galeria. Liuius lib. 27. c. 6. Plinius lib. 7. c. 49. (et si pro *Galeria* legitur *Galerius*: sed corrigendus locus est ex antiquo libro amnuculi mei Francisci Asulanus) et antiquae vrb. inscr. 89, 142, 159. liber Appiani 14, 15, 16, 19, 21, 22.

HOR. vel **HQRAT.** Horatia. Scriptum in libris de hac tribu nihil est: in lapidibus tamen saepe nominatur. Deductam satis constat a vetere familia patricia, ut alias non paucas.

LEM. Lemonia. Cicero pro Plancio c. 16. Phil. 9. c. 7. Festus. antiquae vrb. inscr. 91, 151.

MAEC.

MAEC. Maecia. hanc in antiquis lapidibus duobus inuenimus:

C. OCTAVIO. C. F. MAEC. VERO.

C. HERBACIO. MAEC.-ROMANO.

in libris quinque nominatum obseruauimus, a Tullio lib. 4. ad Attic. epist. 15. a Lino lib. 8. c. 17. et lib. 29. c. 37. a Valerio Max. lib. 2. c. 4. a Festo.

MEN. Mentina. Cicero lib. 13. epist. 9. Iosephus *ἐν τῇ τῆς Ἰουδαίας ἀρχαιολογίας ἀδγ. ιγ. κεφ. ιζ.* cum quibus lapides tres consentiunt:

C. VALERIO. C. F. MEN. DOLVIO. MARCIANO.

A. MVNIO. A. F. MEN. EVARISTO.

C. CATIO. C. F. MEN. BALBO. C. CATIVS. C. F. MEN. GALLVS.

Puto tamen hanc tribum fuisse *Meneniam* potius, quam *Mensinam*, et corruptum esse Iosephi locum. deducetur enim ab antiqua familia patricia, ut aliae octo, Aemilia, Claudia, Cornelia, Fabia, Horatia, Papiria, Sergia, Veturia. nam Publilia nomen accepit a plebeia gente.

OVF. Oufentina. Liuius lib. 9. c. 20. Festus. antiquae vrb. inscr. 86, 133. in libro Appiani 27, 28, 30, 51, 63, 71, 79, 84, 85, 86. et in lib. Veronensium antiquitatum sic:

Q. EVFEMVS. Q. F. OVF. LVCVLLIVS.

PAL. vel PALAT. Palatina. Cicero lib. 2. in Ver. c. 43. Pe-

dianus. Varro lib. 4. de L. L. Plinius lib. 18. c. 3. Liuius lib. 20. Festus. antiquae vrb. inscr. 29, 34, 39, 62, 116, 155, 176. liber Appiani 17, 23, 34, 64.

PAP. vel PAPIR. Papiria. Liuius lib. 3. c. 37. Festus. antiquae vrb. inscr. 72, 13.

POB. Poblilia, quae dein e *Publilia* scripta est. sicuti et Poblilius *Publius* factus est. reperitur in lapidibus et PVN. et PVBL. et PVBLIL. et POB. Liuius lib. 7. c. 15. antiquae vrb. inscr. 10. liber Appiani 252. et in libro Veronensium antiquitatum saepe. Exempla *Publiliae*, per u scriptae, quinque habemus, duo in antiquae vrb. inscr. 66, 81. tria in Appiani lib. 65, 105, 3. 2. Puto hanc esse, quam Festus *Popilliam* nominat: de qua Valerius Max. lib. 9. c. 10. liber Appiani 297.

POL. Pollia. Liuius lib. 29. c. 37. Valerius Max. lib. 2. c. 4. et lib. 9. c. 10. antiquae vrb. inscr. 110, 113, 147. liber Appiani 18.

POM. vel POMP. Pomptina. Cicero lib. 4. ad Attic. epist. 15. Liuius lib. 7. c. 15. Festus. antiquae vrb. inscr. 114, 177. liber Appiani 141, 484.

PVP. Pupinia. Cicero lib. 2. ad Q. Fr. epist. 3. Liuius lib. 26. c. 9. Festus. duo antiquorum lapidum exempla exstant; alterum Capuae, D. VIBIDI. D. F. PVP. NIGRI; alterum Patavii, CLAVSIO. C. F. PVP.

QVI. vel QVIR. Quirina. Cicero pro Quintio c. 6. Aconius

in Cornel. Festus, antiquae vrb. infer. 15, 34, 44, 115. liber Appiani 14, 17, 18, 19, 103.

ROM. Romilia. Cicero Act. 1. in Ver. c. 8. idemque in Agraria 2. c. 29. Asconius. Varro lib. 4. de L. L. Festus. Seruius in lib. 3. Aen. antiquae vrb. infer. 165. in libro Veronensium antiquitatum 51.

L. GALLIO. L. F. ROM.

Est etiam Ferrariae semifractus lapis, in imis summi Templi parietibus instratus, in quo ita scriptum vidimus,

— ITIO, T. F ROM.

SAB. Sabatina. Liuius lib. 6. c. 5. Festus. lapis antiquus Romae in aedibus eximii Cardinalis Carpenfis,

CN. CORNELIO. CN. F. SAB.

MVSAEO. MANCIPI. VIAE.

APPIAE.

SCA. vel SCAP. vel SCAPT. Scaptia. Liuius lib. 8. c. 17. Suetonius in Augusto c. 40. Festus. Lapidis antiqui exemplum Romae exstat in regione Pantheonis:

C. AVFELIVS. C. F. SCA.

SEVERVS.

et idem aliud,

C. GRANTANIVS. SCA-

PTIA. MACER.

SER. vel SERG. Sergia. Asconius in Cornel. antiquae vrb. infer. 61, 63, 81, 165. est etiam in eodem lib. 63. quattuor litteris SERG.

STEL. Stellatina. Liuius lib. 6. c. 5. antiquae vrb. infer. 110. et duabus litteris, ST. 239.

SVB. Suburana. Varro lib. 4. de L. L. Cicero etiam in Agraria 2. c. 29. quo in loco vi-

detur corrupte legi, *ab Oculana*: cum in quinque antiquis libris legatur, *ab usura nam*. unde mihi orta coniectura est, legi posse, *a Suburana*, mutatione fere nulla. Plinius lib. 18. c. 3. Festus. antiquae vrb. infer. 117. et alibi.

TER. Terentina. Cicero pro Plancio c. 16. 17. Liuius lib. 10. c. 9. antiquae vrb. infer. 140, 199. liber Appiani 105, 336.

TRO. vel TROMEN. Tromentina. Festus. Liuius etiam lib. 6. c. 5. scripsit, *Tromentina*, ut opinor, non, ut impressum est, *Promentina*. antiquae vrb. infer. 207. liber Appiani 16, 177. et in lapide, qui Caietae est,

L. ATILIO. L. P. TROMEN.

VEIEN. Veientina. Cicero pro Plancio c. 16.

VEL. Velina. Cicero lib. 4. ad Attic. epist. 15. et in Bruto c. 43. Horatius lib. 1. epist. 6. v. 52. Persius Sat. 5. v. 73. antiquae vrb. infer. 162. liber Appiani 19.

VET. Veturia, hoc lapide notata,

C. CASSIVS. C. F. VET.

et hoc,

SEX. APVSIVS. SEX. F. VET.

et hoc,

SEX. CALPVNIVS. SEX. F. VETVRIA.

VOL. vel VOLT. vel VOLTIN.

Voltinia. Cicero pro Plancio

c. 16. 17. antiquae vrb. infer.

155. et in antiquo lapide, qui

est Venetiis in turri S. Vitalis,

CN. NVMERIVS. CN. F.

VOL. FRONTO.

est et quattuor litteris VOLT.

in Appiani lib. 484. alibi

VOLTIN.

VOLTIN. et integrum
VOLTINIA.

Ex hoc numero quattuor tantum urbanae fuerunt, Palatina, Esquilina, Collina, Suburana, in quas, ut inquit Plinius lib. 3. c. 3. transferri ignominiae esset, dictae a partibus urbis, in quibus habitabant. reliquae omnes rusticae, laudatissimae, eorum, qui rura haberent: quae propria ingenuorum erant; cum urbanae libertinorum essent: ut in Asconio, et in epitome Liuiana lib. 20. Asconium autem, ubi illud in Verrem explanat, *V. et XXX. tribus*, lib. 1. c. 5. cur de nominibus Sabinarum plures tribus esse factas dixerit, mirari non satis possum; cum a Sabinis non tribus, sed curiae nomina acceperint, ut inquit Liuius lib. 1. c. 13. et Sex. Pompeius.

C. Luccius] *C. Lucius* antea legebatur in omnibus vulgatis libris: quod etiam in antiquis video scriptum esse. verum non indiligenter a nobis obseruata Romanorum nominum ratio mendum olim patefecit. non enim duo praenomina, *Caius*, et *Lucius*, simul esse possunt: et omnino familiae nomen posteriore loco requiritur: nec video, quid commodius pro *Lucius*, reponi possit, quam *Luccius*. quod cum mihi placuisset multis abhinc annis; postea, cum ab aliis probatam esse coniecturam nostram intellexerim, confirmor aliquanto magis in veteri sententia.

Hirrus] Et cognomen *Hirrus*, et praenomen *Caius*, indicant eum esse, quem suum in aedilitate competitorum nominauit Coelius epist. 2. Et, ut aliud ex alio, suspicor, quem legitimus *Vicilem Hirrum*

apud Caesarem lib. 1. de bell. ciu. c. 15. mutandum esse in *Luccium Hirrum*. Hic in sequentibus ienatus consulti partibus, quibus intercessum est, non affuit scribendo, fortasse quod aliter sentiret, aut ne Caesarem offenderet; in quem fieri praecidium videret: ideoque etiam intercessum est.

Curio] Tribunus plebis designatus: quo tempore fauere Pompeio contra Caesarem videbatur: idque tuae Historiae narrant, tum etiam argumento est, quod affuit scribendo senatus consulto, pro optimatibus, id est pro Pompeio contra Caesarem facto. adesse enim scribendo soliti sunt, qui senatus consultum fieri vellent. quod ostendit lib. 15. epist. 6.

Capito] Cognomen est et gentis Ateiae, ut hic, et lib. 13. epist. 29. cognoscitur; et Fonteiae, testimonio Plutarchi et Horatii: quorum ille in Antonii vita Fonteium Capitonem, hic eundem lib. 1. Serui. Sat. 5. v. 32. nominat.

M. Marcellus consul] Nam Sulpicus collega aequior in Caesarem fuit, nec ei ante absolutum decem annorum spatium, Vatinius primum, deinde Trebonia lege datum, succedendum putauit, ne causa belli civilis oriretur. itaque, cum ad eum scriberet Cicero lib. 4. epist. 1. *cognoram*, inquit, *iam absens, te haec mala mulio ante prouidentem, de sensorem pacis, et in consulatu tuo, et post consulatum fuisse*. Et epist. 2. eiusdem libri: *Omnia et resque consilia ad concordiam spectauerunt*. Et epist. 3. *Absens cognoscebam, quae esset tua in hoc pestifero bello cunctatio et praedicenda sententia, et ipse affui primis temporibus*

poribus tui consulatus, cum accuratissime monuisti senatum, collectis omnibus bellis civilibus, ut et illa timerent, quae meminissent, et scirent, cum superiores, nullo tali exemplo antea in republica cognito, tam crudeles fuissent, quicumque postea rempublicam oppressisset armis, multo intolerabiliorem futurum. — Quare meminisse debes, eos, qui auctoritatem et consilium tuum non sunt secuti, sua stultitia occidisse; cum tua prudentia salui esse potuissent. Legimus etiam in Suetonio c. 29. M. Marcello consuli Caesarem restitisse, partim per Ser. Sulpicium alterum consulem, partim per intercessores tribunos plebis.

V. F.] Vsitatus loquendi modus in ostendenda relatione. nam, V. F. quod est, *verba fecit*, idem valet, quod *retulit*, apud Frontinum de Aquaeduct.

De prouinciis consularibus] Ut succederetur iis, qui consulares prouincias obtinebant: quod generale videbatur: sed prouincia Caesaris vtraque Gallia maxime petebatur. duas autem quotannis prouincias iis decerni, qui consules fuissent, lex Sempronia iubebat: qua de re fit mentio in orat. pro domo c. 9. et de prouinciis c. 7. et lib. I. epist. 7. Retulit igitur primum consul Marcellus de consularibus prouinciis, mox de omnibus vniuerse. prior relatio valuit, quia nemo intercessit: ex quo factum est senatus consultum: de vno dixit Coelius, *senatus consultum, quod tibi misi, factum est*. posterior autem relatio, tres partes complexa, quas paullo post ostendimus, infirma fuit: quia singulis partibus

tribuni plebis intercesserunt. ideo factum de iis senatus consultum non est, (non enim hoc nomen ad ea senatus decreta pertinet, quibus interdicitur) sed senatus tantum auctoritas remansit: quae quid a senatus consulto differat, demonstratum est lib. I. epist. 2.

D. E. R. I. C.] De ea re ita censuerunt. Sic enim Probus interpretatur. caedem litterae in senatus consultis a Frontino recitatis in libello de Aquaeduct. leguntur, et apud hunc nostrum Phil 8. c. 4. *Quod L. Opimius consul verba fecit de republica, de ea re ita censuerunt.*

L. Paullus] Hic initio consulatus acerrime Caesaris causam oppugnauit: ut legitur epist. II. postea silentium Caesari vendidit, acceptis MD. talentis. Plutarchus in Caesare. nota etiam ex aliis historia. Ad hunc epistolas Ciceronis habemus lib. 15.

C. Marcellus] Patruelem fuisse M. Marcelli consulis, ait Suetonius in Iulio c. 29. Dio, patruelis fuerit, an frater, ambigit. ad hunc etiam scripsit Cicero lib. 15. est autem is, qui Octauiam, Octauii, postea felicissimi Romanorum imperatoris, sororem in matrimonio habuit, ex qua Marcellum suscepit, cum, quem primo adolescentiae flore extinctum, Virgilius celeberrimo carmine deplorauit.

Inissent] Inibant Kalendis Ian. quod institutum est anno urbis DXCVII. cum inissent antea Kalendis Mart.

A. d. X. Kal. Mart. ERN. A. d. ex X. Kal. Mart.] Sic est in tribus meis antiquis libris, et in vno Sigonii, et in Mediceo. suspi-

eorum tamen locum non carere mendo, et legendum fortasse, *a. d. ex Kal. Mart.* vel potius; *ex a. d. Kal. Mart.* quod valet, *ex ante diem Kal. Mart.* qui veteres consueuisse dicere, *ex ante diem*, non, *ante diem ex*, animaduerti: exempla subiungam. lib. 3. ad Attic. epist. 17. *De Quinto fratre nunciis nobis tristes, nec varii venerant ex ante diem Non. Iun. usque ad prid. Kal. Sept.* Varro lib. 1. de re rust. *Ex ante diem VII. Idus Febr.* *ex ante diem VII. Idus Maii*, *ex ante diem III. Idus Sext.* *ex ante diem III. Idus Nou.* Liuius lib. 45. c. 2. *Supplicatio pro concione populi indicta est ex ante diem V. Idus Oct. cum eo die in quinque dies.* Accedit Colotiani lapidis testimonium.

M. AEMILIUS. M. ANTONIVS. IMP. CAESAR. III. VIR. R. P. C.

EX. A. D. V. K. DEC. AD. PR. K. IAN. SEX.

Ut alias omitam veteres inscriptiones, quas in vnum collegit Aldus filius. Quod autem, *ex a. d. Kal. Mart.* malo legere, quam, *ex a. d. X. Kal. Mart.* infirmis in eo rationibus moueri non arbitror. Kalendarum enim Martias omnino designari, non X. Kal. Mart. ex eo, quod proxime supra dictum est, intelligitur: *Perspecta Cn. Pompeii voluntate in eam partem, ut eum decedere post Kal. Mart. placeret.* Maxime autem confirmat opinionem nostram id, quod sequitur paucis interiectis verbis: *Neue quid prius ex Kal. Mart. neue quid coniunctim de ea re referretur a consulibus.* Idem dies, eadem res, lib. 8. ad Attic. epist. 3. ostenditur: *M. Marcello consuli finienti pro-*

vinciis Gallis Kal. Mart. restitis quod attinet ad modum loquendi, *ante diem*, valet *ad*: non enim hoc loquendi genere mutatur is dies, qui deinde nominatur. itaque quod est lib. 12. epist. 22. *ad XIII. Kal. Ian. senatus frequens mihi est assensus*: in Phil. 14. c. 7. est, *memoria tenent, me ante diem XIII. Kal. Ian. principem reuocandae libertatis fuisse.* Et lib. 16. epist. 9. qui dies sequitur Nonas Nou. appellatur *ante diem VIII. Idus Nou.* quem VIII. Idus esse constat. Gellius quoque lib. 15. c. 28. Ciceronem dixit esse natum *ante diem III. Non. Ian.* is vero dies III. Non. Iun. vocatur lib. 7. ad Attic. epist. 5. Saepe autem imperiti librarii, cum *a. d.* non intelligerent, scripserunt *ad*. quod mendum irrepsit in libros, in lapides non potuit; nec multorum vtetur testimonio: vnum vidimus apud familiarem nostrum, virum optimum et eruditissimum, Fuluium Vrsinum, ita inscriptum:

CN. CINNA. MAGNO
L. VALERIO. VOLESO COS.
A. D. XIII. K. APRILIS
AD MONVMENTVM. SOCIO-
RVM
IN. CONVENTV. HABENDO.
CVRATORE
C. PETRONIO. C. F. FAL. VA-
RIA. ACTVM. EST
ET. ITA. DECREVERVNT.
LOCVM. L. SEMPRONI
D. L. HILARI. ET. OLLAS.
V. DARI. ADSIGNARI
C. PETRONIO. C. F. FAL. VA-
RIAE. CVRATORI
OB. PIVM. OFFICIVM. INDV-
STRIAM. ERGA. SOCIOS.
EIVS. MONVMENTI. ET. SO-
CIVMQ. EVM. ADSCIVER.

Quae in suo magistratu futuroe essent] Cum proxime dictum sit, cum magistratum inissent, cur addatur, quae in suo magistratu futuroe essent? quasi esset ignotum, Kalendas Mart. in eorum magistratu futuras. plane hoc suspicor ex margine libri, interpretationis loco appositum, irrepsisse in verba senatus consulti, valde enim mendose totum hoc senatus consultum in antiquis libris, etiam in Mediceo, scriptum est.

Referrens] Retulit Marcellus: Paullus, a Caesare emptus, tacuit.

Ex Kal. Mart.] Ex his verbis liquet, paullo ante legendum esse, ex ante diem Kal. Mart. non, ut mendose scriptum est in omnibus antiquis libris, a. d. ex X. Kal. Mart.

Coniunctim] Cum enim plura simul ad senatum referebantur, non facile omnia senatus maior pars comprobabat. ita saepe fiebat, ut una res repudiata reliquas, quae omnino placerent, impediret. nam, cum dixisset senator, *diuide sententiam*, ut de singulis rebus referretur: orta contentione dies consumebatur, lege permittente senatoribus, qua quisque de re vellet, quamque diu vellet, dicere, itaque Festus inter impedimenta senatus consulti numerat, hoc in verbo *Numerera*, cum senator diuisionem postulabat earum rerum, quae referebantur.

Vtique eius rei causa] Antiquum est, *vtique*, pro, et *vt*, ideoque in senatus consultis ex vetero consuetudine usurpatum. Phil. 9. et 14. in vtriusque extremo. Sic et Piso apud Gellium lib. 6. c. 9.

Per dies comitiales] Per quos haberi senatum leges vetabant. lib. 2. ad Q. Fr. epist. 2. *Consecuti sunt dies comitiales, per quos senatus haberi non poterat.* Et eodem libro, epist. 13. *Comitialibus diebus, qui Quirinalia sequuntur, Appius interpretatur, non impediri se lege Pupin, quo, minus habeat senatum.* Ad Lentulum autem, lib. 1. epist. 4. iidem dies significantur iis verbis: *Senatus haberi ante Kal. Febr. per legem Pupiam, id quod scis, non potest.*

Eorum qui ERN. Qui eorum] Qui senatorum. Sic infra. sic locutus et Liuius lib. 38. c. 11. et Cato c. 145.

In CCC. iudiciibus] Dixi iam, tres ordines lege Aurelia, senatum, equites, tribunos acrios iudicasse. Sed omnes senatores, qui iudicabant, a iudiciis in senatum conuenire, ideo senatus voluit, ne per infrequentiam, quod saepe accidit, fieri senatus consultum non posset, certum enim senatorum numerum faciendo senatus consulto lex designabat. Festus, et Dio: quorum testimonio hac ipsa de re iam usus sumus. Iudiciis autem implicati tenebantur senatores multi, itaque ille, qui scripsit ad C. Caesarem de republica ordinanda, cuius exstat epistola, cum Sallustii fragmentis edita, (epist. 2. c. 11.) *duabus*, inquit, *rebus confirmari posse senatum puto: si numero auctus per tabellam sententiam feret. Tabella obtentui eris, quo magis animo libero facere audeas: in multitudine, et praesidii plus, et usus amplior est.* Nam fere, his tempestatibus, alii iudiciis publicis, alii priuatis suis atque amicorum negotiis

gotiis implicati, band sane reipublicae consiliis affuerunt: neque eos magis occupati, quam superba imperia distinuerunt. Trecentos autem ordinis senatorii iudices Plutarchus nominat in Graccho: sed hoc tempore trecenti sexaginta, electi a Pompeio tertium consule iudicabant. docet hoc Appianus de bell. ciu. lib. 2. et Plutarchus in Pompeio. itaque miror trecentos dumtaxat nominatos, nisi si perfecti numeri potius, quam imperfecti, placuit appellatio: ut in Pisonem c. 2. dixit Cicero, *quadragesima annis*, pro triginta sex. quo loco Asconius visitatum ait fuisse Ciceroni, ut, omissa subtiliore annorum computatione, summam tempus comprehenderet: recitatque illa in Catilinau, orat. 1. c. 2. *vicefinunt iam diem patimur bebescere aetatem horum auctoritatis*: cum octauus decimus dies esset. Aut igitur falsum iudicium numerum hac ratione tuamur: aut deesse LX. censeamus: ut omnino sint, qui ab Appiano et Plutarcho nominantur, CCCLX.

Sex] Malim, eos. ut omnes a iudiciis abducti adessent in senatu. Sic infra locutus: *Quos eorum ex senatus consulto cum imperio in prouincias praetores mitti oporteret; eos sortito in prouincias mitti placere.*

Adducere ERN. *Abducere*] Et sententia, et Latini sermonis usus, *abducere*, videtur probare, non. ut habent omnes etiam scripti libri, *adducere*.

Ad populum, ad plebem] Ad plebem ferre, non ad populum, tribunus plebis dicebatur; quia ius conuocandi patricios non habebat: ad populum autem consules et

praetores, quibus omnes ciues edicto conuocare licuit. Liuius lib. 2. Gellius lib. 10. c. 20.

Lato opus esset] Contracte scribebant hoc totum, S. Q. D. E. R. A. P. P. V. L. O. E. quod Probus explanat, *si quid de ea re ad populum plebemque lato opus esset*. Sic Liuius lib. 44. c. 17. *Senatum consularent, si qua re consulto opus esset*.

Tribuni plebis] Horum causa additum est, *ad plebem*.

Deinceps] Post eos, anno sequenti. nam eodem anno, praeter eos, legem ferre nemini licuit, non aedilibus, non quaestoribus, non aliis magistratibus.

L. V. ERN. I. V.] Antiquus Sigonii liber, I. N. ex quo mihi venit in mentem, non incommode legi posse, IN. coniunctis duabus illis litteris I, et N. ut hoc significetur, *intercessum*. nam, quae sequuntur eiusdem relationis capita, consensu quidem senatus approbata, sed, tribunis plebis intercedentibus, senatus consulti vi et nomine cauerunt. cum enim senatus decrevisset, ut L. Paullus et C. Marcellus coss. ex ante diem Kal. Mart. de prouinciis consularibus ad senatum referrent; cauere voluit, ne quis moram afferret; adiunxitque alterum caput, si quis impedisset, eum contra rem publicam facturum. Tertium caput fuit de imminuendo Caesaris exercitu, honesta praescriptione, ut a bello discederent emeriti milites, quique causas, cur missi fieri deberent, ostendissent. Quarto capite quasi praesudicium fiebat de Galliis. Caesari adimendis: quippe cum senatus Ciliciam, quae consularis erat, praetoriam

ficeret, vt duae tantum reliquae consulares, Gallia, et Syria, in sortem coniectae, his, quibus obuenerent, traderentur: quod ita factum est. verum haec singula debilitauit ac sustulit intercessio: primum caput valuit: vt anno sequenti de prouinciis consularibus ad senatum referretur: cum intercessionem necessariam Caesaris amici non putarent, qui non huic senatus consulto, quo actio de prouinciis consularibus sequentis anni consulibus mandabatur, sed ei potius, quod sequentes consules de successione prouinciarum postea facerent, intercedendum intelligerent. |

Qui potestatem habeant] Tribunos plebis maxime designat, quorum erat intercessio: quamquam licuisse omnibus intercedere, qui eadem potestate, qua hi, qui senatus consultum facerent, maiore uere essent, scripsit Gellius lib. 14. c. 7.

Intercedendi, impediendi] Satis erat, *impediendi*: quo vno verbo et intercessio, et quidquid impedimento potest esse, continetur. nam et paullo post subiunxit, *qui impedierit*, non, *qui intercesserit, impedierit*. itaque suspicatus quandoque sum, *intercedendi*, abundare. Sed hoc et dubium est, et parui refert: itaque magnopere nec affirmo, nec, si quis contra velit disputare, contenderim: liberum cuique iudicium relinquatur.

Quo minus ERN. Quamprimum de republica ad senatum referri] A quo quamprimum referri? an ab eodem, quo referente hoc decernitur? at is iam retulerat, senatusque censuerat, vt sequentis anni consules ex ante diem Kal. Mart.

de consularibus prouinciis ad senatum referrent. de ceteris autem prouinciis, id est de Cilicia, deque octo reliquis prouinciis, quas praetorii pro praetore obtinerent, cum ab eodem M. Marcello relatum esset, decretum est, quod infra legitur. quare hoc de sequentis anni consulibus accipio, non vt quamprimum, cum magistratum inissent, sed quamprimum post Kal. Mart. de quo die facta mentio est in prior relatione, ad senatum referrent.

Contra rempublicam fecisse] Hoc in senatus consultis versiculo utebantur, vt ab impediendo detererent.

Huic senatus consulto] Senatus consulti partes *senatus consultum* vocat, vt *legem* pro legis capite inorat. pro Cluentio c. 54.

Auctoritatem perscribi] Hoc quale fuerit, iam ostendimus. iterare eadem non placet.

De ea re] De intercessione.

Referr] A consulibus, praetoribus, tribunis plebis, quibus eorum videretur.

P. Cornelius] Plebeius, cum sit tribunus plebis. Patricii vero Cornelii, Lentuli, Scipiones, Dolabellae, alii. plura diximus lib. 1. epist. 1.

C. Vibius Pansa] Antea, *Julius*, mendose. qui consul, mortuo Caesare, fuit cum A. Hirtio.

Stipendia emerita] Emeriti stipendia milites dicebantur, qui per annos decem militassent: tuncque sacramento exsoluebantur, vt oneribus militiae vacarent.

Causas] Vt morbum, infirmitatem valetudinis, aut aliquam rei domesticae difficultatem; quas ob causas abesse domo non liceret.

Liuius

Liuius lib. 34. c. 56. *Cum milites, qui in legionibus urbanis erant, frequentes tribunos plebis adissent, uti causas cognoscerent eorum, quibus aut emerita stipendia, aut morbus causae essent, quo minus militarent.*

Hunc] Qui haec censuit ac decreuit.

Ratio habeatur] Cura suscipiatur.

In Ciliciam] Si habetur eorum ratio, qui prouincias obtinent, Cilicia consularis est, cum a viro consulari Cicerone administretur: ideoque non in hoc senatus consulto, sed in eo, quod de prouinciis consularibus factum est, nominari debuit. verum, quia sit praetoria, cum decernat senatus, ut in eam proficiscatur, qui praetor, non qui consul fuerit; propterea in hoc senatus consulto reiecta, ad reliquas prouincias, quas praetorii obtinebant, aggregatur. erat enim potestas senatui, quos vellet, in prouincias mittendi, siue consulares, siue praetorios: et, in quas praetorii mittebantur, praetoriae: in quas consulari functi, consulares prouinciae vocabantur. id ex hoc ipso primum cognoscitur senatus consulto, quo praetorius, non consularis in Ciliciam, cui praecerat hoc anno Cicero consularis, mittitur: deinde confirmatur orat. de prouinciis c. 7. potuit tamen tribunus plebis hanc potestatem eripere senatui, et consulem prouinciam lata rogatione ab homine consulari ad praetorium transferre. quod obiicit Clodio Tullius, factumque extra ordinem queritur in orat. pro domo. c. 9. Sed ut redeam ad Ciliciam, cogitanti mihi,

cur praetoria nunc fiat, quae consularis antea fuerat, administrata per annos aliquot a tribus consularibus, Lentulo, Appio, Cicerone, visum est hoc a Pompeianis astuto consilio factum, ut consularium prouinciarum numerus, vna exempta, fieret angustior; eoque certior spes esset adimendi Galliae Caesari: cum duas tantum consulares prouincias lege Sempronia decerni per senatum oporteret. quod orationes pro domo c. 9. et de prouinciis c. 7. et Caesar lib. 1. de bell. ciu. c. 6. docet: consulares autem, id est a consularibus hoc anno administratae, quattuor essent, Hispaniae, Cilicia, Galliae, Syria: (nam Macedonia, a quo tempore L. Pisconi consulari Q. Ansharius praetorius successit, praetoria fuit) nec in Hispanias mitti quisquam posset, cum eas lege Trebonia consul iterum Pompeius in quinquennium, posteaque tertium consul altera lege in alterum quinquennium, ut ait Dio, vel, ut Plutarchus, in quadriennium accepisset. reliquae tres erant: e quibus duas tantum decerni oportuit lege Sempronia. inuenta ratio est, ut ex tribus vna tolleretur; praetoriamque senatus Ciliciam facere conatus est. Sed tribuni plebis, Pompeianorum arte cognita, intercesserunt. Post alterum tamen annum, Lentulo et Marcello coacti hoc arbitror senatus consultum, spreto tribunorum plebis intercessione, renouatum, Ciliciamque praetoriam esse factam: cum apud Caesarem lib. 1. de bell. ciu. c. 6. mentionem fieri videam de prouinciis duabus consularibus, Gallia, et Syria, in sortem coniectis, quarum Gallia L. Domitio, Syria Scipioni obuenerit. quamquam

in eo loco de vna tantum Gallia vltiore intelligendum. nam citiorem senatus praetoriam fecit. id ex lib. 16. epist. 12. cognoui, scribente Cicerone, vltiorem Domitio Galliam, Confidio autem, quem scimus consulem non fuisse, citiorem obtigisse.

In octo reliquis prouinciis] Praetoriae octo prouinciae sunt, Macedonia, Ionia, Asia, Sicilia, Sardinia, Bithynia, Creta. octauam opinor fuisse Mauritaniam: cuius partem Iuba rex possidebat: alteram partem Romanis paruisse cur non putem? cum Caesar lib. 1. de bell. ciu. c. 6. ita scripserit: *Saltem de reliquis rebus ad senatum refertur, tota Italia delectus habeantur; Faustus Sulla praetor in Mauritaniam mittatur.* Africae vero partem illam, in qua Carthago fuit, Pompeio cum vtraque Hispania traditam esse, Plutarchus narrat. Pontus cum Bithynia, Corsica cum Sardinia coniungebatur.

Praetorii pro praetore ERN. *propraetores]* Cum imperio tamen omnes: quod belli gerendi causa necessarium fuit: de quo Caesar his verbis: *In reliquis prouinciis praetores mittuntur, neque expectant, quod superioribus annis acciderat, vt de eorum imperio ad populum feratur.* Et hic proxime sequitur, *neque in prouincia cum imperio fuerunt.* In vulgatis, *praetorii pro praetore.* fortasse legendum, *praetorii pro praetoribus.* quod postulare videtur vsus Latinae linguae: et a contracta scribendi ratione manare mendum facile potuit.

Collegium primum] Significatur qui proxime praetores fuerunt:

qui, si praeteriti numerentur, primi occurrunt. malim tamen, *proximum:* quomodo locutus est infra.

Is numerus] Nouem, qui proficiscerentur in octo prouinciis praetorias, et vnā Ciliciam, quae hoc anno regebatur a Cicerone consulari.

Confidentiam] Vt confiderent homines, velle Pompeium potentiae Caesaris obsistere, contra quam antea fecerat: nam anno proximo tertium consul contenderat, vt decem tribuni plebis legem ferrent, vt absenti Caesari consulatum petere liceret: quod antiquis legibus interdictum erat.

Ante Kal. Mart.] Quo die primum vt sequentis anni consules de prouinciis consularibus referre inciperent, senatus decreuerat: vt e senatus consulto proxime recitato cognoscitur.

Sine iniuria] Fieret enim iniuria, si ante Kal. Mart. quem diem relationi primum senatus concesserat, de prouinciis consularibus, in quibus erant Galliae, statueret. iam enim ostendi, cum de successione consularium prouinciarum referretur, duas tantum significari Gallias, et Syriam, cupientibus optimatibus Hispaniarum imperium Pompeio conservari; Caesaris autem opes, ademptis Galliis, imminui.

Se non dubitaturum] Quod hominibus confidentiam attulit, his enim verbis animo se contra Caesarem egregie paratum ostendebat.

Interecedent] Intercessum est a Curione tribuno plebis, quod iniquum videretur, ei successorem mitti ante tempus. epist. 13.

Hoc

Hoc nihil interesse] Ostendit, si quis intercesserit senatus consulto, quod anno sequenti de provinciis consularibus factum iri constabat, id Caesaris opera factum iri: quod idem fore, ac si Caesar parere senatui nollret, iam enim antea coniecerat illam vocem in disputando, omnes oportere senatui dicto audientes esse. epist. 4.

Inquit alius] Teutabant senatores Pompeii potentiam his interrogationibus; cum eius voluntatem, naturali simulationis inuolucro testam, elicere vellent.

Exercitum habere] Et Gallias retinere cum exercitu, et eodem tempore consul designari: quod anno proximo, ipso Pompeio tertium consule pro Caesare pugnante, populus inisserat.

Clementer] Leniter et placide. opponi enim a Cicerone video *clementer*, et *iracunde*, lib. 2. de Fin. c. 4. *Etsi satis*, inquit, *clementis sum in disputando*, tamen interdum *sileo subivasci*. Non enim Pompeius iracunde respondit, quamquam interrogaretur satis arroganter: cum non esset ad iracundiam natura propensus.

Existem mibi impingere] Quod esse turpissimum nemo negabit. tale igitur quiddam Caesar committet, si et consul esse, et exercitum retinere volet. qui enim consul esse vult, exercitum dimittit, priuatusque urbem ingreditur. Improbat hic Pompeius eam legem, quae ut ferretur, anno proximo consul ipse operam dederat, ut absentis Caesaris in petitione consulatus ratio haberetur. lib. 6. epist. 6.

Esse negotium] Esse, quod ageret cum Caesare, id est contra Caesaris voluntatem.

Vt aut maneat] In Gallia, prorogato ultra decennium imperio, quod si concederetur; nolle se consulatum petere affirmabat, nec absentis sui rationem haberi; quod tamen ei lex dederat. Sin hanc Pompeiani conditionem recusarent, eumque omnino vellent non modo expleto decennio, lege concessio, sed etiam ante, decedere: ipse pariter hoc, ut iniquum, recusabat, ferebatque alteram conditionem, ut, si consul designatus esset, tum decederet. utraque autem conditione Caesar imperii perpetuitatem quaerebat, qui vereretur id, quod inimicos ei minari solitos Tranquillus refert, ne, simul ac priuatus esset, ob res in consulatu contra leges moremque maiorum actas in iudicium vocatus opprimeretur. Tranquillus c. 30. sic: *Alii, timuisse, dicunt, ne eorum, quas primo consulatu aduersus auspicia, legesque, et intercessionem gessisset, rationem reddere cogeretur: cum M. Cato identidem, nec sine iniuriando, denunciaret, delaturum se nomen eius, simul ac primum exercitum dimississet: cumque vulgo fore praedicaret, ut, si priuatus redisset, Milonis exemplo, circumpositis armis, causam apud iudices diceret. Quod probabilius facit Asinius Pollio, Pharsalica acie caesos profligatorque aduersarios prospicientem, haec eum, ad verbum, dixisse referent: Hoc voluerunt: tantis rebus gestis, C. Caesar condemnatus esset, nisi ab exercitu auxilium petissem. Idem confirmat Coelius epist. 14. cum ait: Caesari persuasum est, se sal-*

vum esse non posse, si ab exercitu recesserit.

Hoc anno] Quo anno? an hoc, quo scribitur epistola? non petebat Caesar, neque legitimus hic erat ad petendum annus: cum inter duos consulatus decem anni interponerentur. quod a Sulla dictatore ad Caesarem dictatorem servatum est, excepto anno, eum, ob seditiones domesticas, Pompeius tertium consul sine collega creatus est. Ergo, *hoc anno*, interpretor, eo, qui et imperii Gallici, et post primum consulatum Caesari decimus erat: quo quidem anno, quia necesse erat, ut e Gallia decederet consulatus petendi causa, quem absentibus petere non licebat; ideo curaverat atque effecerat, ut decem tribuni plebis Pompeio III. consule legem ferrent, ut absentis Caesaris in petitione consulatus ratio haberetur. atque hoc Pompeius ipse, ignarus ea lege sibi perniciem strui, vehementer laboravit. lib. 6. epist. 6. et lib. 7. ad Attic. epist. 3.

Cadere non posse] Fortasse non assequetur, quod vult: nihil tamen, cum bene de republica sentiat, suae dignitatis amittet.

Curio] Designatus tribunus plebis, tunc quidem, ut videbatur, bene erga rempublicum animatus: de quo scriptum est epist. 4. *Vt spero, et volo, es, ut se fort ipse, bonos et senatum malet.* Postea tamen Caesaris causam ita defendit acriter, ut auctor in primis et origo belli civilis existerit.

Mibi suo munere negotium imposuit] Quia benignus et liberalis Curio fuit in Coelium, negotium ei, id est gravem curam ludorum dandorum suo munere imposuit. Similiter Plautinus ille senex in Trin. Act. 2. Sc. 2. v. 108.

— *In benignitate hoc repperi negotium.*

Ad ludos] Quos iam Curio dederat patri mortuo: itaque, cum Africanis amplius non egeret, donavit eas Coelio aedili curuli designato ad sequentis anni Romanos ludos.

Africanas] Donavit ei Curio decem Africanas pantheras, et decem Graecas, id est, e Cilicia missas a Patisco. Africanas hic tantum Coelius nominat, quia formosiores: utrasque in epist. 9.

Potius supersederi ERN. *superfedere*] Sic antiqui libri, non, ut impressi, *superfederi*. oportuit, inquit, supersedere a ludis dandis. nam *potuit*, pro *oportuit*, interdum Cicero dixit, ut lib. 2. ad Attic. epist. 9. *Orbis hic in republica est conuersus: citius omnino, quam potuit.* Et ad eundem epist. 16. eiusdem libri: *Potuerit intercedi, nec ne, nihil ad se pertinere.*

Bestiarum] Pantherarum.

Syngrapham] De qua epist. 2. 4. 9. 11.

Ad me pertineat] Miserat eos Coelius, ut e syngrapha Sittiana pecuniam exigerent. epist. 4. et 9.

EPISTOLAE IX.
ARGUMENTVM.

Gloriatur aedilem se designatum, Hirrum repulsum: de republica nihil actum significat: pantheras petit: Feridium commendat: addit de Pompeii ac Scipionis in Caesarem animo: disertum in sua defensione Calidium, in accusatione frigidum appellat. Tota, praeter Feridii commendationem, quae ab officio proficiscitur, negotialis est epistola.

EXPLANATIO.

Hirrum tractasti] Iocosum et familiare principium, de Hirri repulsa in aedilitate curuli.

Quam facile] Cum supraucsim.

Quam ne contentionis quidem minimae fuerit] Hirrum delicere, ne minimae quidem contentionis fuit.

Tuum competitorum] In auguratu. epist. 3.

Risus facit] Risus mouet: quia ciuem bonum ludit, et agitea, quae ante repulsam non agebat: quasi aliam ex repulsa mentem sumpserit.

Ludit] Quasi ludendo repraesentat: nam, si bonus vere ciuis esset, iam antea significationem aliquam dedisset. itaque non agit serio, sed ludit.

Contra Caesarem] Vt bene sentire videatur. nam optimatibus, id est, vniuerso fere senatui, inuisus erat Caesar, quod extraordinaria semper appetiisset imperia.

Sententias dicit] Vt ei quamprimum succedatur: nec expectandum censet.

Corripit] Reprehendit. eodem verbo vsus est epist. 2.

Curionem] Cur obiurgat Hirrus, contra Caesarem sententias dicens, bene de republica sentien-

tem Curionem, et hoc quidem tempore Caesaris inimicum? fortasse, quia Coelium Curio summe diligeret.

Obiurgat ERN. Obiurgatus] Pro obiurgauit: vt, iuratus, pro iurauit; et rebellatos, pro rebellauisse, dixit Valerius Max. lib. 9. c. 10. Interdum tamen orta mihi de mendo suspicio est: quod fortasse scripserit Coelius: *obiurgat. scilicet hac repulsa se mutauit. et, scilicet, vnica scriptum littera S, occasionem dederit loci deprauandi. omnes tamen libri veteres in, obiurgatus, consentiunt. itaque potest antiquum esse et ideo Coelianum.*

In foro] Cuius in ea parte, quae comitium vocabatur, iudicia fiebant.

Causas ERN. Causam] Pro causis.

Liberales ERN. Liberalis] Quia facilis est in recipiendis causis.

Raro post meridiem] Et ante meridiem, et post, causae agebantur. lib. 2. ad Q. Fr. epist. 16. *Ego eodem die, post meridiem, Vatinium aderam defensurus.* Hirri autem patrocinio ita pauci utebantur, vt raro post meridiem causas ageret.

Scripta.

Scripseram] Epist. 4.

Interpellas] Impedit, ob affinitatem: nam erat Octaviae maritus, quae neptis fuit Iuliae, Caesaris sororis. initio etiam civilis belli, cum prouinciarum sortitio fieret, priuato consilio praeteritus est, quasi propensior esset ad Caesaris causam. Caesar lib. 1. de bell. ciu. c. 6.

Designati] De quo scripsit epist.

4. Sigonii liber habet, *designatio*.

In Kal.] Septembris. quo tamen die factum non est senatus consultum, sed pridie Kal. Oct. vt indicat epistola proxima.

Ne frequentiam quidem] Tantum abest, vt Kal. Sept. consules de prouinciis ad senatum retulerint, vt ne frequentem quidem senatum cogere potuerint. infrequenti autem senatu sacri senatus consultum non licebat: qua de re diximus lib. 1. epist. 9.

Ne profligatum quidem] Plus est, quam *coeptum*: minus, quam *confectum*. cognoscitur exemplis. nam lib. 12. epist. 30. *profligato*, inquit, bello, ac paene sublato, renouatum bellum gerere conamur. Et Tusc. 5. c. 6. *Profligata iam haec, et paene ad exitum adducta quaestio est*. In oratione autem de prouinciis c. 14. *Si in Capitolium iuuebi victor cum illa insigni laurea gessires: — vos tamen oporteret ab eodem illa omnia, a quo profligata sunt, confici velle*. Est igitur *profligatum*, quod in eadem oratione c. 12. *afflictum* Cicero vocauit. *Isse Caesar*, inquit, *quid est, cur in prouincia commorari velit, nisi vt ea, quae per eum affecta sunt, perfecta reipublicae tradantur?*

Causa] Hoc verbum et a Sigonii libro, et ab aliis nonnullis abest.

Integra] Falsum. Nam pridie Kal. Oct. factum est senatus consultum de prouinciis consularibus: nisi si, *integra*, vere dicitur ideo putemus, quia nihil in eo senatus consulto de successione prouinciarum decretum est, sed in annum sequentem actio illa translata.

Relinquendus] Reliquit C. Coelium quaestorem. lib. 2. epist. 15. et lib. 6. ad Attic. epist. 6.

Intercessorem] Intercedetur enim ab aliquo tribuno plebis, cum de successione consularium prouinciarum, quarum vna erunt Galliae, senatus consultum fiet.

In eandem conditionem] Vt, quemadmodum in ceteras prouincias, sic in Gallias successor mittatur.

Vocantur] A Pompeianis, quorum factio in senatu dominabatur.

Patiscum] Hominem venandi peritum. lib. 2. epist. 11.

Curioni] Quas populo ostenderet funebribus ludis, quos patri mortuo reuersus e prouincia dedidit, Caluino et Messalla coss.

Multis partibus plures] Multo plures. vide lib. 1. epist. 2.

Et alias Africanas] Nam Graecas miserat Patiscus: vt ex epist. 9. intelligitur. Varro lib. 3. de re rust. Non minus formosum spectaculum, quam in circo maximo aedilium, nam sine bestiis Africanis eae sunt venationes. Daturus erat Coelius aedilis curulis ludos Romanos in circo: alioqui pantheris Africanis non eguisset. docet enim Plinius lib. 8. c. 17. vetus fuisse senatus consultum, ne liceret Africanas in

Italiam

Italiam aduehere: contra tulisse ad populum Cn. Aufidium tribunum plebis, permisisseque circensium gratia importare.

Praedia rustica] *Praedium* generale nomen est rerum possessionum vel in vrbe, vel extra. ideo distinguuntur, cum dicimus, *praedia urbana, praedia rustica*. Coelius hic urbanis rusticis, tamquam fructuosiora, videtur anteferre. quae sunt haec, arua, vineta, prata, oliueta, siluac. nemora enim, etsi a siluis differunt, e siluis tamen et pratis constant. itaque partim caeduntur, vt siluae; partim armentis, vt prata, pabulum praebent. *urbana* vero *praedia* sunt domus, arcae, horti, et quidquid omnino soli, aut in solo aedificatum, intra pomerium possidetur.

Cibyatas] Apud quos pantherae capiebantur, epist. 4.

Seorsum] Nam, si coniunctim ludi darentur, minor vtriusque sumptus. C. Caesar et M. Bibulus, aediles curules, communi sumptu ludos dederant: alii separatim. Dio lib. 39.

A collega] Qui non nominatur: sed M. Octauium puto: cum et Hirrus repulsam tulerit; et Coelium Vicinianum promulgatio de dictatore deiecerit. alios praeterea competitores, quod quidem ex his epistolis cognosci liceat, non habuit.

Omnia] Quae ad ludos pertinent.

Impeza tibi] *Imperare sibi* dicitur is, qui, quod libenter non agit, agere tamen constituit: vt epist. 12. *Cum homo auarus, vt ea solueret, sibi imperare non posset.* Et lib. 11. ad Attic. epist. 24. *Quod me mones*

de vultu et oratione ad tempus accommodanda; etsi difficile est, tamen imperarem tibi, si mea quidquam interesse putarem. Et Terentius in Eun. Act. 2. Sc. 2. v. 21.

— *Imperavi egomet tibi, Omnia assentari.* —

Maiorem partem] Pro, ex maiore parte: vrlib. 9. epist. 15. *Intellexi idem, quod his intelligo litteris, non existimasse te, tibi licere, id quod ego arbitrabar, res has non omnino quidem, sed magnam partem relinquere.* Et alibi saepius. Et Caesar lib. 4. de bell. Gall. c. 1. *Maximum partem lacte atque pecore viuunt.* Et Lucretius lib. 3. v. 63.

— *Haec vulnera vitae*
Nos minimam partem mortis
formidine aluntur.

Ad Sittianam syngrapham]. Vt e syngrapha Sittiana pecuniam istic exigant.

Vllam ERN. Nullam spem]. Alii, *vllam spem*. quod videtur apertius, hoc modo: puto etiam, si vllam de pantheris tibi spem ostendes, me isto missurum alios. Sigonii tamen liber habet, *nullam*. quod ita defendi potest: puto, licet nullam adhuc de pantheris tibi spem ostenderis, me isto missurum alios.

M. Feridum] Commendatitiae litterae, pro negotiorum varietate, varias quoque partes, easque modo plures, modo pauciores habent. sed visitata, et quasi legitima, cum aliquid aut aliquem commendamus, tria sunt; commendationis causa, rei narratio, memoris animi et gratiae voluntatis vel ab eo, qui commendatur, vel a nobis etiam ipsis promissio. Commendationis causa

caussa hic est illa: *amici mei filium, bonum et strenuum adolescentem: rei narratio: agros, quos fructuarios habent ciuitates, vult tuo beneficio immunes esse: memoris animi pronusio: gratos et bonos viros tibi obigaris.*

Equitem Romanum] Non omnes equites dicebantur equites Romani, sed il tantum, qui equo publico merebant, in centurias descripti: quod duae in Antonium orationes, 6. c. 5. et 7. c. 6. declarant. qui enim equo privato militabant, equites quidem erant, sed nec equites Romani, nec equestris ordinis vocabantur. societates autem publicanorum, quae multae erant, quia multorum locorum vectigalia separatim locabantur, ex equitibus Romanis constabant. et erat equestris ordo senatoribus dignitate proximus, annulo aureo et equo publico a plebe distinctus. quocirca deduxit Cicero commendandi causam ab honestate, cum Feridium equitem Romanum appellauit.

Bonum et strenuum] Quae bonitati laus debetur, ea sit maior, cum ad bonitatem accedit industriis. recte igitur, *bonum et strenuum*, coniuncta sunt. est autem *strenuus*, promptus et industrius in agendo.

Agros, quos fructuarios habent ciuitates] Ita legitur in duobus vetustis libris, Io. Scalae, et in libro Petri Bembi, etiam in vno Caroli Sigonii. itaque nihil muto, cum sit aperta sententia. *Quos fructuarios habent ciuitates*: qui ciuitatibus annum vectigal pendunt.

Facile] Cum imperium habeas.

Honestum] Fortasse, quia vectigal magnum non est. alioqui, cur

honestum sit, imminuere vectigalia ciuitatum, non intelligo.

Gratos et bonos viros] Patrem, et filium.

Fauonium] Ciuem optimum, M. Catonis imitatore, qui, C. Trebonio tribuno plebis legem ferente de Syria Crasso, vtraque autem Hispania Pompeio in quinquennium mandandis, acerrime cum Catone restiterat. Dio lib. 39. Aedilis fuit Caluino et Messalla co. vt Plutarchus in Catone significat. itaque hic annus, quo scripta est epistola, ad petendam praeturam, quae, biennio interposito, aedilitatem sequebatur, ei legitimus est. petiit autem, et obtinuit. propterea Velleius lib. 2. c. 53. Pompeio, post Pharsalicam pugnam fugienti, comites ait fuisse duos Lentulos consulares, et Fauonium praetorium. Eadem pertinent, quae sequuntur, *a columnariis praeteritum*. nam, *praeteriri*, est repulsam ferre: vt in orat. pro Plancio c. 3. *Nunc tantum disputo de iure populi: qui et potest et solet nonnumquam dignos praeterire: nec, si a populo praeteritus est, quem non oportuit, a iudicibus condemnandus est, qui praeteritus non est.* Et Tusc. 5. c. 19. *Cum sapiens et bonus vir suffragiis praeteritur, non populus a bono consule potius, quam ille a malo populo repulsam fert.* Quod si quis dixerit, incertum esse, vtrum hoc anno, an sequenti praetor Fauonius creatus sit; quia, cum Velleiis cum praetorium appellauit; praetorem quidem fuisse ostenderit, praeturae tamen annui in dubio reliquerit: ita respondebimus, transiit in Graeciam Pompeio magistratus eos, qui

qui bene de republica sentire viderentur, comites fuisse: quos cum nominari videamus lib. 9. ad Attic. epist. 6. consules duos, et tribunos plebis, nulla cuiusquam praetoris mentione facta, satis constat, Favonium, quo anno Pompeius Italiam reliquit, id est, Lentulo et Marcello cons. praetorem non fuisse: ex quo sequitur, fuisse anno superiore, Paulo et Marcello cons. ideoque designatum Sulpicio et Marcello, quibus consulatum gerentibus Coelius haec scripsit. Favonium hunc vsque ad triumphatum Octavianum, Antonii, Lepidi vitam perduxisse, ostendit Suetonius his verbis in Augusto c. 13. *Ceteri, et in his M. Favonius, ille Catonis aemulus, cum catenati producerentur, imperatore Antonio honorifice salutato, hunc foedissimo coniugio coram prosciderunt.* Eiusdem in eo libertas agnoscitur, quod a Valerio scriptum est lib. 6. c. 2. *Nam Pompeio. candida fascia crurum alligatum habenti, Non refert, inquit, qua in parte corporis sit diadema: exigui panni cauillatione, regias eius vires exprobrans.*

A columnariis] Non est praeteritus a columnariis, sed a viris bonis: quorum numerus minor est. *Columnarios* dici puto viles et improbos homines, qui ad columnam Maeniam in iudicium saepe vocarentur. Vide Pedianum in Diuin. c. 16. et orat. pro Cluentio c. 30. Nam qui, *colonariis*, contra veteres omnes libros legendum existimarunt, eorum iam explosa sententia est.

Non fecit] Praetorem.

Aperte] Disputat.

Consulem esse] Subaudiendum *velle.* in epistola proxima, quae tamen post hanc scripta est: *Quid si, inquit alius, et consul esse, et exercitum habere volet?*

Tamen] Tamen in sententia, quam dixit, non omnino infensus Caesari visus est.

Sententiam dixit] In senatu extra urbem habito: nam in urbe Pompeio, qui erat cum imperio, esse non licebat: quod et Caesar scripsit lib. 1. de bell. ciu. l. 6.

Nullum hoc tempore senatus consultum faciendum] Opinor hoc esse, quod queritur Cicero lib. 3. ad Attic. epist. 3. Pompeium M. Marcello consuli sinienti provincias Gallias Kal. Mart. restitisse.

Scipio] Pompeii focer, nominatus in senatus consulto Q. Caecilius Metellus Pius Scipi, quod a Metello Pio esset adoptatus, epistola proxima.

Gallii] Nominatum: quod iniquum erat: itaque pridie Kal. Oct. de provinciis consularibus, non de Galliis nominatum, senatus consultum factum est. epist. 8. De hac autem sententia Scipionis audierat Cicero, cum ad Atticum lib. 5. epist. 20. ita scripsit: *Est totum, quod Kalendis Mart. futurum est.*

Balbus Cornilius] Gadicum, Caesaris amantissimum, pro quo exstat Ciceronis oratio

Cum Scipione] Gentiles enim erant.

Calidius] Eloquentia clarus, de quo epist. 4.

Defensione] Cum accusaretur a Gallis duobus. epist. 4.

Accusatione] Cum accusaret Q. Gallium, Cicerone defendente: ut est in libro de clar. orat. c. 80.

EPISTOLAE X.

ARGVMENTVM.

Quid C. Cassius, quid rex Deiotarus de Parthorum transitu scripserint, qui ex eo sermones excitati, quae de Cassio suspicio, significat. Subiungit de republica, quae putet altum iri anno sequenti. Concludit epistolam officio suo; cum se praestaturum promissat, ne quid ei temporis in provinciali munere prorogetur.

EXPLANATIO.

C. Cassi] Quaestoris M. Crassi, a Parthis interfecti: qui reliquias exercitus Antiochiam reduxerat. lib. 2. epist. 10. Cassius noster feliciter ab Antiochia hostem reiecerat. Et lib. 5. ad Attic. epist. 18. Parthi, inquit, Euphraten transferunt duce Pacoro, Orodi, regis Parthorum, filio, cunctis fere copiis. Bibulus nondum audiebatur esse in Syria. Cassius in opido Antiochiae cum omni exercitu. Et epist. 20. eiusdem libri: Rumore aduentus nostri, et Cassio, qui Antiochia tenebatur, animus accessit, et Parthis timor iniectus est. itaque eos, cedentes ab opido, Cassius infecutus, rem bene gessit. qua in fuga, magna auctoritate Osaces, dux Parthorum, vulnus accepit, eoque interitis paucis post diebus. De hac victoria significatur in lib. 15. epist. 4. accedit Velleius lib. 2. c. 46. Iustinus lib. 42. c. 4.

Deiotari] Gallograeciae regis; qui amicitiam ac societatem populi Romani, quam diu vixit, studiosissime coluit; in hoc autem Parthico tumultu cum omnibus suis copiis ad Ciceronem accessit. lib. 5. ad Attic. epist. 27. et lib. 6. epist. 1.

Euphraten] Terminum imperii Romani.

P r Commagenem] Asiae regionem, quam Euphrates interfluit.

lib. 15. epist. 1. Regis Antiochi Commageni legati primi mihi nunciaverunt, Parthorum magnas copias Euphraten transire coepisse. Et in eodem libro epist. 3. 4.

Prouinciam nostram] Nam Commagene non erat populi Romani, sed regis Antiochi. Syriam significat: quod ex lib. 15. epist. 1. et lib. 5. ad Attic. epist. 18. cognoscitur.

Quam paratus ab exercitu] Quam, non auget hic, sed minuit: ut paullo post: Sin autem aut non eris istic bellum, aut tantum eris, ut vos, aut successores, paruis additis copiis, sustinere possint. Et lib. 1. epist. 7. Ea, quae scripta est, auctoritas, cui scis intercessum esse, ut ne quis omnino regem reduceret, tantam vim habet, ut magis iratorum hominum studium, quam constantis senatus consilium esse videatur. Dixit igitur, quam paratus, pro, quam male paratus. quod ostendit sequentibus verbis, si paratior ab exercitu esses. Sic locutus Plancus lib. 10. epist. 8. Cum deum benignitate ab omni re sumus paratiores. Et Cicero lib. 15. epist. 4. Adolescens et equitatu, et peditatu, et pecunia paratus.

Si paratior ab exercitu esses] Fretus enim exercitu, cum Parthis proelium committeres.

Necessi-

Necessitas] Tua, recedendi, ob exiguitatem copiarum.

Pompeium] Qui erat ad urbem cum imperio, decreta illi in quinquennium vtraque Hispania.

Mittendum] Ad bellum Parthicum.

Ab urbe non remouendum] Vt esset reipublicae praesidio. hoc sentiebant ii, quibus iam tum suspecta erat Caesaris potentia, itaque Cicero, cum audiisset Pompeium in Hispaniam iturum, scripsit ad Appium his verbis lib. 3. epist. 8. *Tu velim ad me quam saepissime, et de tuis rebus scribas, et de meis, et de omni reipublicae statu. de quo sum sollicitus eo magis, quod ex tuis litteris cognoui, Pompeium nostrum in Hispaniam iturum.*

Caesarem] Qui bellum in Gallia gerebat.

Consules] Huius anni, M. Marcellum et Ser. Sulpicium.

Ex senatus consulto] Nemo putat, priuatos ad bellum Parthicum ex senatus consulto tantum esse mittendos, verum rogationem ad populum ferendam esse: sicuti lata erat antea de belli Mithridatici cura priuato Pompeio demandanda. exstat pro ea lege, quam Manilius tribunus plebis tulit, Ciceronis oratio. Priuatos opposuit Pompeio et Caesari, qui extra urbem imperium habebant, et consulibus, qui in urbe.

Ne illud senatus consultum fiat] Quod interdum, in tumultu bellico, fieri solitum est.

Ut paludati exeant] Non tam ipsi, quam alii fortasse, quibus Parthicum bellum senatus mandandum decerneret, hanc sententiam quae proxime sequuntur verba confir-

mant. *Paludamentum* vestis ductum in bello, et ad bellum ex urbe proficiscentium. lib. 15. epist. 17. vide Festum.

Contumeli-se] Eset enim eorum contumelia. si ad bellum ire nolent, et ad alium res transferretur.

Sine negligentia, sine inertia est] Distinguit, ut diuersa. *negligentia* enim voluntatis est, *inertia* etiam inscientiae: vnde illud lib. 12. epist. 20. *Quod si, ut es, cessas, lacessam: nec tua ignavia etiam inertiam afferet.*

In eam opinionem] Male enim audiebat auaritiae nomine. Plotarchus in Bruto.

Arabes] Qui cum essent finitimi, nonnumquam in populi Romani prouinciam impetum facere soliti sunt. lib. 7. epist. 8. *De Parthis quod quaeris, fuisse nullos putato. Arabes qui fuerunt, ad instar Parthico ornatu, dicuntur omnes reuertisse.*

Velificatus] Assentando gratificatus. ut enim vela nauium ad ventorum adspirationes aptantur, sic orationem saepe nostram ad aliorum voluntatem accommodamus.

Alicui] Cassio: cuius litteras, caue, gratiae causa tuarum litterarum testimonio confirmes.

Referret] Reipublicae.

Reticiisse] Quod si faceres, nec dignitati tuae, nec reipublicae confuleres.

Ante Kal. Ian.] Quo die noui consules, inito magistratu, de re publica referent.

Nosti Marcellum, quam tardus] Sic locutus lib. 4. epist. 1. *Rem vides, quo modo se habeat.*

Haec causam] Deliberabitur, quis ad Parthicum bellum eat.

Tantum eris] Eiusmodi erit. nam hic, *tantum*, minuendi vim habet, non augendi. vide lib. 1. epist. 7. *tantam vim habet.*

Laetaturum] Cum inierit magistratum. nunc enim erat designatus tribunus plebis.

Paullus] Consul designatus.

De pronincia] Caesaris, quam omnino ei adimendam dicebat. nondum scilicet a Caesare MD talenta, quibus addictus est, acceperat.

Occursurus] Intercedet enim senatus consulto. tribunus plebis erat: quod ex lib. 5. ad Attic. epist. 18. liquet. ad hunc sunt epistolae duae (25. 26.) lib. 10.

Plures] Accessit Curio, ingenti mercede a Caesare corruptus: quo nemo pro Caesaris causa stetit audacius.

Fines hos] Quos ostendi. scripsit enim proxime de Parthico bello, de consule Paulo, tribunis plebis Curione et Furnio.

Ad actiones] Ad actiones Curionis hoc addo, de agro Campano. praeter cetera, Curio illud agere sequenti anno, ut ager Campanus, ante Caesaris aduentum, ex ipsius Caesaris lege diuidatur. qua de re satis copiose dictum est lib. 1. epist. 9. ad eum [locum: *Us de agro Campano, frequenti senatu, laudibus Maiis referretur.*

Laborare] Diuidatur, nec ne.

Valde nolle] Non placet, a verbo, *negant*, pendere verbum *nolle*. durius enim videtur, *negant Pompeium valde nolle*: pro, *Pompeium aiunt valde velle*. Libentius interpretor: Pompeium aiunt valde nolle: id est, nolle diuisionem

omitti; ne, si non diuidatur, vacuus aduenienti Caesari pateat, et ab eo vel ipsius militibus, vel plebi diuidatur. Nam, quod ex verbo, *negant*, affirmationem elicio; nouum non est. consideretur illud lib. 7. ad Attic. epist. 15. *Plerique negant, Caesarem in conditione mansurum; postulataque haec ab eo interposita esse, quo minus, quod opus esset ad bellum, a nobis pararetur.* Et illud lib. 12. epist. 30. ad Cornificium: *Noli impudens esse, nec mihi molestiam exhibere.* Sed est apud me vetus liber, a quo, *nolle*, abest: nec displicet: fiet enim haec sententia: *Negant Caesarem laborare, Pompeium autem valde: ut ex eodem verbo, negant, primum negatio, deinde etiam educatur affirmatio.* Cupiisse autem Pompeium diuidi statim agrum Campanum, satis intelligitur ex sequentibus verbis, *ne vacuus aduenienti Caesari pateat.* diuisoribus enim gratiae plurimum acquirebatur apud eos, qui possessuri erant.

Prorogetur] Ut annua tantum prouinciae sit administratio. quod ab eo Cicero petierat lib. 2. epist. 7. 8. 10.

Tui consilii est] Tu statue, quid agendum tibi sit, velisne in prouincia remanere, an, finito anno, discedere contra senatus voluntatem.

Tempus] Propter bellum Parthicum: quo urgente, discedendum non videtur ante, quam succedatur. Lib. 2. epist. 17. *Quin ad diem decedam, nulla causa est, praesertim sublato metu Parthico.*

Senatus] Facto senatus consulto de proroganda prouincia: quod Cicero timebat, de biennio quidem

quidem sensit Hortensius, ut est lib. 3. epist. 8.

Mei officii est] Ego, quod est officii mei, id praestabo.

Decedens] Pro, discedens, cum

iret Cicero in prouinciam. Sic epist. I. *Quod tibi decedens pollicitus sum.*

Fieri] Prouinciae tempus prorogari.

EPISTOLAE XI.

ARGUMENTVM.

Cum Cicero, litteris ad senatum missis, supplicationes pro re in Amano monte bene gesta postulasset; C. Curio, tribunus plebis, Cicero- nis cupidissimus, iratus senatui, quod ei potestas agendi cum populo eriperetur, fieri senatus consultum de supplicationibus non patiebatur. postremo ventum est ad pacem, permittente Curione senatus consultum fieri; modo nullae praeterea in reliquum annum supplicationes eriperentur. qua tota de re, et de cuiusque sententia ac voluntate diligenter Coelius perscribit. De republica narrat contentiones inter Pompeium et Curionem de successore Caesari mittendo. Mittit commentarium rerum urbanarum. Sittianum negotium commendat.

EXPLANATIO.

Curio] Tribunus plebis.

Comitiales] Dies: quibus agere cum populo licebat.

Eripiabantur] Quo modo? auspiciis. dum enim seruabatur de caelo, quae *spetio* vocabatur, agere cum populo non licebat. de caelo autem seruabant, non augures, sed magistratus: quod Cicero demonstrat in Phil. 2. c. 32. et Varro apud Nonium. Consules igitur, alter amboque, de caelo seruabant, ne Curio comitialibus diebus agere cum populo posset. erat autem haec impediendi perniciosas tribunorum rogationes praeclara et utilis admodum reipublicae ratio: qua etiam Lentulus Marcellinus consul aduersus leges C. Catonis tribuni plebis usus est: de quo sic lib. 2. ad Q. Fr. epist. 6. *Consul est egregius Lentulus, non impediens collega: sic, inquam, bonus, ut meliorem non viderim, dies comi-*

tiales exemis omnes. nam etiam Latinae instaurantur: nec tamen decerant supplicationes. sic legibus perniciosissimis obsistitur, maxime Catonis. Dies agendum populo, in eadem epistola infra vocat Cicero.

Negabat] Ut par pari referret. consules de caelo seruabant, ne Curio posset agere cum populo: Curio intercedebat, ne decernerentur supplicationes.

Paulli] Consul, nondum a Caesare corrupti.

Adeptus esset boni] Paullus consul, ne quid Curio agere cum populo posset, de caelo seruabat: quem Curio furorem appellabat: et ex ea sibi illata iniuria hoc se bonum adeptum dicebat, quod iustam haberet causam impediendi, ne quid decernere senatus posset. quod si senatus consultum de supplicationibus

nibus fieri pateretur, amittere sibi videbatur bonum illud, quod furore Paulli adeptus esset.

Praeuaricator] Proditor.

Caissae publicae] Quia, cum ei comitiales eriperentur, nec agere cum populo posset, impediri ae laedi caussa publica videretur; cuius se patronum profitebatur, oppugnante Paulo.

His] Quae postulari solent.

Non usuros] Exceptis iis, quae Ciceroni decernerentur.

Spem] Quasi nihil reipublicae prodesse, aut a diis immortalibus minime curarentur. Non est igitur, quod Marcello magnopere gratias agas: qui Curioni promisit, se in hunc annum nullis praeterea supplicationibus usurum, non quo facilius de tuis impetraret, sed quia spem omnino in istis supplicationibus non haberet.

Non edicturum] Supplicationes.

Diutius dicturum] Vt diem dicendo consumeret, ne senatus consultum fieri posset. quo de more diximus lib. 1. epist. 4.

Prendimus] Rogauimus, ductum ab eo, quia prendimus, et prensamus, (vtroque enim modo loquebantur veteres) a quibus impetrare aliquid cupimus.

Non modo non fecit] Sigonii liber, *non modo fecit*. quod neque proba, neque condemno. vide locum lib. 1. epist. 9. *non modo praemiis*.

De hostibus] Non dabantur supplicationes, nisi ob iustam victoriam, caesis hostibus certo quodam numero. ideo Cicero lib. 2. epist. 10. *Victoria iusta*, inquit, *imperator appellatus apud Iffum*. Id con-

firmat ipse Coelius, cum subiungit, potuisse Hirrum impedire, si, vt numeraretur, postulasset. quis autem caesorum numerus obtinendis supplicationibus sufficeret, praecise scriptum non inueni: vnum hoc dicam, si mille hostium caesi essent, Ciceronis aetate satis fuisse. id ex iis Ciceronis verbis Phil. 14. c. 5. cognoscitur: *Si quis Hispanorum, aut Gallorum, aut Thracum mille, aut duo millia occidisset, non eum hac consuetudine, quae increbruit, imperatorem appellaret senatus?* triumphum quidem, qui supplicationes fere sequebatur, nisi qui quinque millia hostium vna acie occidisset, nemini per leges impetrare licuisse Valerius lib. 2. c. 3. tradidit. sed hoc etiam, vt opinor, deprauauit ambitio. Quidam, *hostiis*, legunt: quam recte, alii iudicent: ego sequor et historiae testimonium, et antiquos libros, Sigonianum, et meum.

Possit rem impedire] Falso igitur Cicero illud scripserat lib. 2. epist. 10. *Victoria iusta imperator appellatus apud Iffum*. De eadem re lib. 7. ad Attic. epist. 1.

Vt numerarentur ERN. *numeraretur*] Vt ostenderetur, quo caesi hostes numero essent.

Caton] M. Porcio Caton, optimo viro, cuius in sententiam, Cicerone consule, factum erat senatus consultum de Catilinae sociis in carcere necandis, is praetor fuerat L. Domitio, Ap. Pulchro coss. repulsam tulerat in petitione consulatus, quo anno Ser. Sulpicius et M. Marcellus designati sunt, id est, biennio ante, quam haec epistola scriberetur.

Assensus

Affensus est] Licet iratus esset, ut ad Atticum Cicero scripsit, cuius verba proxime recitavi: iratus autem, quia superatus esset ab eo in petitione anguratus, epist. 3. et 9. hac de re sic in eadem ad Attic. epistola: *Redeo ad Hirrum. coepiras eum mihi placere: perfice. habes Scrofam, habes Silium. ad eos ego etiam antea scripsi, et ad ipsum Hirrum. Locus enim erat cum iis commode, se potuisse impedire, sed noluisse: offensum tantum esse Catoni, amicissimo meo; cum is honorificentissimam in me sententiam dixisset; nec me ad se ullas litteras misisse, cum ad omnes mitterem.*

De te et (et abest in ERN.) locutus honorifice] Particulam, *et*, superuacaneam esse cur non putem? feratur tamen, ut in Coelio, cuius *χαράντης* a purissimo et ornatissimo Ciceronis sermone quam longe distet, omnes intelligunt. quod etiam critici veteres, quorum testimonia iam recitauimus, facile iudicarunt. Quod Coelius significat, hoc est: De te licet locutus honorifice, tamen non decreuerat supplicationes. laudauit enim Cato Ciceronem in sua sententia, supplicationem non decreuit. cur ita senserit, exponit ipse lib. 15. epist. 5. cui Cicero respondens epist. 6. dixit, se tanti facere Catonis illam laudationem, ut cum ea nullum triumphum esse conferendum existimet. et lib. 7. ad Attic. epist. 1. confirmat idem his verbis: *Tu de nostro statu cogitabis: primum, quo artificio tueamur beneuolentiam Caesaris: deinde de ipso triumpho, quem video, nisi reipublicae tempora impediunt, conuincere iudico autem cum ex litteris ami-*

corum, tum ex supplicatione; quam qui non decreuit, plus decreuit, quam si omnes decreisset triumphos. ei porro assensus est unus, familiaris meus, Fauonius, alter iratus, Hirrus. Cato autem et se: ibi: adlo affuit, et ad me de sententia sua incundissimas litteras misit. sed tamen gratulans mihi Caesar de supplicatione, triumpho de sententia Catonis: nec scribit, quid ille sententiae dixerit, sed tantum, supplicationem, eum mihi non decreuisse.

Non decreuit] Quid causae fuit, cur non decreuerit, cum et amicissimus esse videretur, et res supplicatione dignas Cicero gessisset, iusta victoria imperator apud Isum appellatus? obstitit inuidia: cum nobiles homines, ex antiquissimis orti familiis, nouum hominem Ciceronem in principibus quidem esse facile paterentur, altius autem euolare nequaquam vellent. quod in epistolis interdum queritur Cicero, et aperte quidem lib. 7. ad Attic. epist. 2. his verbis: *Cato in me turpiter fuit maleuolus. dedit integritatis, iustitiae, clementiae, fidei mihi testimonium, quod non quaerebam; quod postulabam, id negauit. itaque Caesar iis litteris, quibus mihi gratulatur, et omnia pollicetur, quo modo exultat Catonis, in me ingratiissimi, iniuria? at hic idem Bibulo dierum viginti. ignosce mihi, non possum haec ferre, nec feram. Et epist. 3. Bibulus de prouincia decessit, Vientonem praefecit. in decedendo erit, ut audio, tardior: quem cum ornauit Cato, declarauit, ipsi se solum non inuidere, quibus mihi, aut non multum ad dignitatem posset accedere.*

Fauonius] Catonis imitator, aedilis curulis hoc anno.

Accessit] Cato sententiam dixerat: assensu sunt Hirrus et Fauonius, sententiam non dixerunt.

Pro cuiusque natura et instituto] Pertinet hoc ad Catonem, hominem seuerissimum, naturaeque et consuetudine valde parum intribuendis honoribus.

His] Non Catoni, qui sententiam dixit honorificam, sed Hirro et Fauonio, qui sententiam quidem non dixerunt, sed voluntatem ostenderunt pro sententia, cum Catoni assensu sint: vel, *his*, tribus nominatis, quibus hoc nomine debentur gratiae, quod voluntatem dumtaxat ostenderunt non decernendae supplicationis; pro sententia vero, ut omnino non decerneretur, punire noluerunt, cum impedire tamen possint, quae si recipitur interpretatio, mihi quidem satis prolata; distinguendum erit hoc modo: *Voluntatem ostenderunt; pro sententia, cum impedire possent, non pugnarunt.*

Tantam voluntatem ERN. *Tantum*] Pro *saltem*, ut lib. 7. epist. 31. *Veni igitur, quaeso, ne tantum semen urbanitatis una cum republica intereat.*

Cum impedire possent] Si, ut numeraretur, postulerent.

De suarum actionum cursu] Iratus enim Paullo consuli, qui comitiales ei dies eripiebat, induxerat animum supplicationes omnes impedire.

Furnius] Tribunus plebis, Ciceronis cupidissimus. lib. 15. epist. 14. et lib. 5. ad Attic. epist. 13. is est, ad quem leguntur epistolae aliquot lib. 10.

Lentulus] Cum Lentuli essent multi, summa inter Ciceronem et P. Lentulum Spintherem amicitia facit, ut de Spinthere accipiendum existimem.

Circumierunt] Prensarunt, ambierunt. qui enim ambit, circumit: ut ipsa verbi compositio declarat.

Balbi Cornelii] Gaditani. epist. 9. *Si aliter fecisset*] Si supplicationes Ciceronis impediisset.

Caesari] Cui se addixerat, accepta ingenti mercede.

Eius fidem in suspensionem adduxit] Cum diceret, ei cauendum esse, ne siste reconciliatus cum Caesare videretur, si Ciceronis honorem impediisset, quem sciret a Caesare non vulgariter diligi.

Decrerant] Non equidem is sum, qui diuinationibus, praesertim quae sola coniectura nitantur, facile acquiescam: verumtamen, ubi nec sententia repugnat, et mutatio levis est, cur libertatem ingeniis eripiam? Hoc quidem in loco, qui nunc in manibus est, cum antiqui libri plerique haberent, *decrant*; nonnulli, *deserant*; alii aliter; ex hac varietate sum adductus, ut probarem, *decrerant*: qua sententia, nunc exponam. L. Domitius Ahenobarbus, et P. Scipio, Pompeii socer, vterque Caesaris inimicus, cum inique ferrent transigi de supplicationibus Ciceronis, easque Curionis tribuni plebis intercessione cuperent impediri; simulatione beneuolentiae supplicationes decreverunt, ut ea re Curionem, omnibus Pompeianorum actionibus acriter aduersari solitum, ad intercedendum elicerent. Accedit Coeliani sermonis consuetudo. paullo enim ante dictum est, *non decre-*
rat

vat supplicationes. Et in Verrem dixit Cicero, decreffet.

Hac re] Quod supplicationes decernerent.

Ad intercessionem evocandam] Ut Curionem, optimatibus infensum, ad intercedendum elicerent.

Interpellantibus] Crebro instantibus, ut supplicationes decernerentur.

Venustissime] Pulcherrime, ductum a Venere, cui pulchritudinem fabulae poetarum tribuunt.

In unam causam omnis contentio coniecta est de prouinciis: in quam adhuc incubuisse E. R. N. *In unam causam omnis contentio coniecta est: de prouinciis inquam adhuc est. incubuisse]* Addidi verbum est, ex antiquis libris, approbante sententia. adhuc, inquit, de prouinciis contentio est.

Id. Nou. E. R. N. Ante Idus Nou.] Ante tempus ei decem tribunorum lege concessum.

Nostri] Optimates.

Bene nostri] Imbecillitas eorum significatur.

Scena rei totius] In scena dantur fabulae. Coelius transtulit ad significationem rerum omnium, de quibus contentio esset: ut, quemadmodum scena fabulas, item id, quod dicturus est, omnia contineat.

Quod illi aequum putes] Aequum putabat, senatui dicto audientem Caesarem esse. de quo sic epist. 4. *In disputando coniecit illam vocem* Cn. Pompeius, omnes oportere senatui dicto audientes esse. Eodem spectat illud in epist. 8. *Dixit, hoc nihil interesse, utrum Caesar senatui dicto audiens futurus non esset, an pararet, qui senatum decernere non pateretur.*

Specie igitur probabilis et aequa erat actio Pompeii: sed iniquum contra videbatur, populi beneficium, Caesari lege tributum, sine causa eripi: quod tamen senatus decreuit, Pompeii eiusque amicorum studio.

Consulem designari prius] Quod Caesar cogitabat: ideoque ferri legem a decem tribunis plebis voluerat, ut eius absentis in petitione consulatus ratio haberetur.

Accipitur satis male] Contumeliose et acerbe tractatur.

Secundus consulatus] In quo Pompeius iterum consul operam dederat, auctorque fuerat, ut Trebonius tribunus plebis de Galliarum imperio Caesari in alterum quinquennium prorogando legem ferret. quod beneficium nunc idem Pompeius conabatur eripere, cum cum ante idus Nou. vellet decedere.

Exagitur] Reprehenditur. sic lib. 1. epist. 1. *In rebus palam a consularibus exagitatis, et in summam inuidiam adductis.*

Caesar defendetur] Ab amicis: ne cogatur ante legitimam diem decedere.

Sententiam] De prouinciis.

Ludorum explosiones] Quos populus oderat, eos ad ludorum spectacula accedentes excludebat. de iis in commentario scripserat Coelius: praeterea de funeribus, et levia quaedam, quas ipse ineptias fatetur esse.

De Sittiano negotio] De syngrapha Sittiana. epist. 2. 4. 8. 9.

Eos] A quibus exigenda pecunia est. nam syngrapha Sittiana facultatem dabat exigendae pecuniae.

- *Tamquam procurator*] Eo studio, quo solent ii, qui aliena negotia procurant.

Agas] Et si patet sententia, de mendo tamen suspicor; cum in

omnibus antiquis libris *agros*, non *agas*, scriptum esse videam. omnes etiam pro *quando*, habent *quom*: id est, cum: quod veteres usurpabant pro *quoniam*, vel *quando*.

EPISTOLAE XII. ARGVMENTVM.

Queritur de Appii Claudii, qui cum L. Pisone censuram gerebat, non ingrato solum animo, sed grauissima etiam iniuria: quem cum inimicum sibi esse, accusationemque cogitare comperisset, anteuertit ipse, eumque lege Scantinia postulauit.

EXPLANATIO.

Pudet] Non semper culpam sequitur pudor. vir bonus a vitio sic abhorret, vt alienis etiam flagitiis pudore afficiatur, neque solum cum ea cernit, sed etiam cum audit. *Pudet*, inquit *Coelius*, quod ita ingratus in me fuerit, ita se turpiter et inique *Appius* gesserit. Vel: *Pudet* me tibi confiteri, et queri de iniuriis *Appii*; cum eum tibi antea laudauerim.

Quia magna mihi debebat beneficia] Odii causam ponit beneficia sua: vere fortasse: nam debitor creditorem non amat, adspicere quasi metuens fugit: putat enim se, cum beneficia non referat, non amari: quae opinio facit, vt nec ipse amare possit. porro qui non amat, quauis non modo re, sed suspitione etiam adducitur, vt odisse incipiat. qua tamen labe non inficitur animus boni viri, qui alios ex ingenio suo metitur: nec putat vllius commodi praemiiue spe beneficium tribui. mercatura enim quaedam esset, non liberalitas. improbi autem saepe benigni sunt, non modo vt eandem gratiam reci-

piant, sed vt aliquid etiam, feneratorum more, lucentur.

Sibi imperare] *Imperare sibi* dicitur, qui aliter agere ita solitus est, vt non libenter a consuetudine discedat. *Appius* autem avarus: ideo sibi, vt beneficia soluat, imperare non potest. Sic locutus epist. 9. *Impera tibi: hoc cura.*

Collegium] *Augures*, (erat enim *Appius* augur) vt aliquid contra *Coelium* molirentur. Alii ex coniectura, parum necessaria, contra veteres omnes libros legendum putant, *collegam*, id est, *Pisonem* censorem: quod hoc tempore censuram gerebat *Appius*.

L. Domitio] Qui cum eo consulatam gesserat.

Hoc munusculum deferre Cn. Pompeio] Negotium dare *Pompeio*, vt me accusaret. Nisi hoc dicit *Coelius*, quid aliud significet, non video. Scrupulum tamen sentio. primum, verisimile non videtur ita desipere *Appium*, vt *Cn. Pompeium*, virum grauissimum, principem ciuitatis, qui cum imperio

rio ad urbem erat, adduci posse ad suscipiendam accusationem existimet: deinde, *munusculum deferre*, non est apud Coelium accusandi curam committere, sed accusare: vt epist. 8. *Nemini hoc deferre munusculum maluit, quam suo accusatori.* postremo, genus loquendi, etsi multa in Coelio dissimulanda non ignoro, tamen hoc quidem ferre vix possum, *impetrare a me non potui, ipsum reprehenderem.* quis enim non videt, *vt*, desiderari? Quae cum intueor, libenter ad eam deducor coniecturam, vt hoc modo legendum et distinguendum putem: *Hoc munusculum deferre, Cn. Pompeio ipsum reprehendente: vt ab eo deprecarer iniuriam, etc.* nec tamen hanc opinionem nihil adiuuat scriptus liber, qui est apud me, in quo est, *vt ab eo*, non, vt vulgo legitur, *et ab eo*. Erit autem, *munusculum deferre*, accusare: quo sensu usurpatum etiam est, vt dixi, epist. 8. Quod si quis libros typis impressos malit approbare, accipiat, *reprehenderem*, non pro *obiurgarem*, quod absurdum hic quidem esset, sed pro, *prenderem*: id est, rogarem, vt accusandi consilium abiiceret.

Quid ergo est? Quasi aliquis eum interroget: hoc tibi faciendum non putasti, quid igitur fecisti? Et videtur hoc loquendi genus post negationem, id est, vbi quid improbauimus, inferri. Non placuit mihi, ait Coelius, iniuriam ab Appio deprecari: quid igitur placuit? alloqui communes amicos, testes meorum in illum meritorum. Sic Liuius lib. 44. c. 22. *Non sum is, qui non existimem admonendos duces esse: immo eum, qui de sua unius sententia omnia ge-*

rat, superbum iudico magis, quam sapientem. Quid ergo est? Primum a prudentibus, et proprie rei militaris peritis, et usu doctis, monendi imperatores sunt.

Tum quidem ERN. Tamen] Ab ipso quidem vt iniuriam deprecarer, impetrare a me non potui: tamen feci, vt amicos alloquerer.

Cum aliquot amicis ERN. Quasi aliquid] Praeclara, nisi fallor, emendatio. mendum autem, quod in vulgatos libros irrepsit, sententiae peperit ignoratio. nam, *quasi aliquid*, valet, quasi hoc aliquid futurum esset: quod tamen apud Appium esse nihil sensi. praeterea, scriptum ita video in vetere Sigonii libro. quidam, *quasi aliquot amicis*, malunt: in quo et ab antiquis libris, et, vt puto, a Coelii mente discedunt.

Amicis locutus sum] De Appii iniuria. usurpat et Cicero hoc verbum cum dandi casu lib. 6. ad Attic. epist. 1. *Haec non novam tum, cum Democrito tuo locutus sum.* Et Plautus in Men. Act. 5. Sc. 9. v. 7.

Adolescens, quaeso hercle loquere tuis mihi nomen, nē piget.

Ne, cui satisfaceret quidem] Satisfacit, qui se verbis exultat. exempla sunt, lib. 7. epist. 13. *Hic tu me etiam insimulas, nec satisfactionem meam accipis.* Et Phil. 2. c. 20. *Acceperam iam ante Caesaris litteras, vt mihi satisfieri pateret a te.* Et Caesar lib. 1. de bell. Gall. c. 41. *Reliquae legiones per tribunos militum, et primorum ordinum centuriones egerunt, uti Caesari satisfacerent.* Et alibi.

Collegae eius] L. Pisoni, contra quem exstat Ciceronis oratio. is censuram cum Appio gerebat. Caesar lib. 1. de bell. ciu. 4. 3. Dio lib. 40.

Amicitiam tuam] Quia Cicero eiectus a Clodio, consentiente consule Pifone, postea, vt vlisceretur iniuriam, orationem habuit de consularibus prouinciis, vt Piso e Macedonia, quam proconsul regebat, reuocaretur. quod senatus decreuit.

Simiae] Sic Cicero lib. 7. epist. 2. *Hic simiolus, animi causa, me, in quem inueberetur, delegerat.* et lib. 5. epist. 10. et Horatius lib. 1. Serin. Sat. 10. v. 17.

— *Quos neque pulcher Hermogenes unquam legit, neque simius iste*

Nil praeter Caluum et doctus cantare Catullum.

Vultum subire] Quod supplicis est. ita pro Quintio c. 31. *Denique ipsius inimici vultum superbissimum subiit.*

Incanduit] Pro, *excanduit*; vehementi commotus est iracundia. quo motu vultus *excandescit*. Alii, *scanduit*. Ego librum Sigonii, et meum sequor. et omnino magis placet, *incanduit*, quam *scanduit*. quid enim est, *scanduit*? tolerabilius erat, *canduit*: quod ad iratorum vultus pertinet. verum, *incanduit*, si habeo, comprobatum testimonio duorum librorum, qui nodum in scirpo quaeram?

Per hanc speciem simultatis] Quod cum in infamiam vocarem ficta simultatis causa.

Polam ERN. Palam Seruim] Nihil mutò: videant tamen eruditì, an sit rectius, quod monui

adolescens in scholiis nostris, *Palam Seruim*, quem Cicero nominat, vt accusatorem, lib. 2. ad Q. Fr. epist. 2. et Coelius ipse paullo post: *Vix hoc erat Pola elocutus.*

Inire cum Domitio consilia] Consilia capere, simul considerare. lib. 9. epist. 24. *Consilia sunt inita de me.* Et Liuius lib. 6. c. 34. *Consilia inire cun genere coepit.*

Compellari] Arcessi, in iudicium vocari. Lib. 2. ad Attic. epist. 2. *Nigidium minari in concione, se iudicem, qui non affueris, compellaturum.* Et Phil. 3. c. 7. *Idem Q. Ciceronem, fratris mei filium, compellat edito.* Et Suetonius in Iulio c. 17. *Vettium coniecit in carcerem: eodem Nonium, quae-florem, quod compellari apud se maiorem potestatem passus esset.*

Dicere non poterant] Nihil erat, quod obicere mihi possent.

Summis Circensibus] Extremis diebus Circensium ludorum meorum: binos enim ludos aediles curules dabant, Megalenses, et Romanos, vt ostendit Dio lib. 39. et Pedianus in commentario Corne-lianae. hic de Romanis intelligendum: qui dabantur in circo mense Sept. per quinque dies: quod fasti dierum veteres demonstrent. Scripta enim epistola paullo ante, quam Cicero e prouincia decederet: cum dicat Coelius in clausula, *expecto te valde, et quamprimum videre cupio.* nam Cicero decessisse videtur mense Octobri: quod ex epist. 3. lib. 16. licet conicere. Megalenses autem initio anni dabantur, id est multis mensibus ante Romanos: inquit enim Cicero lib. 2. epist. 11. *Mibi, mehercule, magnae curae est dedilitas tua. ipso dies me admonet.*

bat. scripsi enim haec ipsis Megalensibus. Praeterea, cur de Megalensibus accipiam, cum non in circo, sed in Palatio darentur? de quibus Cicero in orat. de harusp. resp. c. 12. *Quid ego de illis ludis loquar, quos in Palatio nostri maiores ante templum, in ipso Martis magnae conspectu, Megalensibus fieri celebrarique voluerunt?* Idem Liuius confirmat lib. 36. c. 36.

Lege Scantinia] De nefando marium concubitu, quae poenam irrogabat decem millia nummum. Quinctilianus lib. 4. c. 2. et lib. 7. c. 4. capitale crimen postea fecit Iulia lex. epist. 14. Iuuenalis Sat. 2. v. 44. Suetonius in Domitiano c. 8.

Pola elocutus] Vix hoc Pola Seruius accusator dixerat. Antea, *praelocutus*. ego, cum in antiquis libris viderem, *Pole locutus*, legendum putavi, *Pola elocutus*. posset etiam, *Polae locutus*: id est, vix Polae dixerat Appius, cupere se mihi accusatorem ponere. nam et paullo ante Coelius cum dandicafu idem verbum coniunxit, *amicis*, inquit, *locutus sum*.

Quod melius caderet] Quam censorem, qui moribus praeest, et magister morum appellatur, lege Scantinia in iudicium vocare.

A populo, et non infimo quoque] Addidit, *non infimo quoque*, vt ostenderet, nobiles etiam homines id probasse: qui, licet populi nomine comprehendantur, permitti tamen in multitudine non satis intenoscentur.

Fama] Cum increbesceret, censorem, corrigendis moribus praepositum, tam turpi crimine postulari.

Coepi sacellum, in domo quod est, ab eo petere] Censorum erat curare, vt sacella non in domo cuiusquam essent, sed populo paterent. itaque Liuius lib. 40. c. 51. vbi loquitur de Lepido et Fulvio censoribus, *complura*, inquit, *sacella publica, quae occupata a privatis; publicaque sacra vt essent paterentque populo, curarunt.* Coelius autem, vt ostenderet, Appium censorem officio suo deesse, petere coepit ab eo, vt sacellum in domo priuata ne relinqueretur: cuius rei cura Appii, qui censor erat, esse debuerat. sed libentius intellexerim de sacello, quod ipse Appius occupasset: ex quo grauior ei concitata esset inuidia, occupatis rebus a censore, quas censor, ab aliis occupatas, populo restituere deberet.

Amplius quadraginta mansit] Quid est hoc? an, *quadraginta litteras*? Latinum non est. *quadragenas* enim *litteras*, potius quam *quadraginta*, et *quadraginta epistolas*, potius quam *quadragenas*, Latini sermonis consuetudo postulat: nisi, si scripserit Coelius, XL, ex quo imperitus librarius descripsit, *quadraginta*. verum quid haec attinet colligere? cum in antiquo Sigonii libro discrete scriptum sit, *quadraginta diebus misit*. quamquam in verbo *misit*, librarius peccauit: quod meus liber, alique corrigunt.

Scis Domitio diem timori esse] Similiter locutus epist. 14. *Scis Appium censorem hic ostenta facere?* Sed cum obscura sententia est, idcirco ita discrepat inter se veteres libri; vt obscuro per se loco, maiores etiam tenebras offundant. In vno meo scriptum est hoc modo, *diem*
ti ner

timor est expectatio valde, et quamprimum. in vno Sigonii, diem tu morare expecto, et quamprimum: in altero eiusdem, timor est expecto valde et quamprimum. In nullo quidem vidi, timori esse.

Perinde ERN. *Proinde*] Pro, *perinde*: quod saepe Terentius et Lucretius vsurparunt.

Dolere] Meas, tuas autem vlcisci solere.

Vlcisci] Mirus enim contra Clodianos Milonis defensor in tribunatu fuerat: quod significat Cicero lib. 2. epist. 9. Te, inquit, mi Rufe, diligo, quem mihi fortuna dedit amplificatorem dignitatis meae, vltorem non modo inimicorum, sed etiam inuidorum meorum.

EPISTOLAE XIII.

ARGVMENTVM.

Gratulatur affinitate Dolabellae, qui Tulliam, Ciceronis filiam, uxorem duxerat: de Curionis tribuni plebis intercessionem, de prouinciis quid actum sit, exponit: Hortensii oratoris interitum significat.

EXPLANATIO.

Viri medius fidis optimi] Dolabellae, a quo uxorem discessisse, scripsit epist. 6. is postea cum Tullia diuortium fecit: quod et ex epistolis ad Atticum, et ex consolatōria Sulpicii lib. 4. cognoscitur.

Sibi parum utilis] Temeritatis Dolabellam arguit, quod Appium accusasset. id ex ea, qua Cicero respondit, epistola licet intelligere.

Pudore Tulliae] Cicero respondit his verbis lib. 2. epist. 15. Dolabellam a te gaudeo primum laudari, deinde etiam amari. Nam ea, quae speras Tulliae meae prudentia temperari posse, scio, cui epistolae tuae respondeant.

Lautum] Pulchrum, egregium.]

Intercessionis] Curio intercesserat, ne senatus consultum fieret de successione prouinciarum. de ea intercessionem consules ad senatum retulerunt, vt decerneretur, quid agendum, contemnendane interces-

sio, an eius habenda ratio more maiorum. Censuit senatus intercessionem parendum.

Exitum] Quia valuit intercessio, contra quam M. Marcellus senserat.

Ex senatus consulto] Eo, quod misit Coelius cum epist. 8. in qua scriptum est: Si quis huic S. C. intercesserit, senatui placere, auferitatem perferri, et de ea re ad senatum populumque referri.

Primaque] Cur prima? fortasse studio et opera C. Marcelli consulis, eius patruelis.

M. Marcelli] Qui consul fuerat anno proximo.

Agendum cum tribunis plebis] Vt intercessio tolleretur.

In aliis omnia iit] Frequens a Marcello dissensit. probauit igitur Curionis intercessionem, atque hoc reprehendit Cicero his verbis lib. 7. ad Attic. epist. 7. Senatum bonum putas,

putas, per quem sine imperio provinciae sunt? nunquam enim Curio sustinisset, si cum eo agi coeptum esset. quam sententiam senatus sequi noluit. de hoc genere loquendi vide, quae diximus lib. I. epist. 2.

Stomacho est scilicet Pompeius Magnus] Dixi olim, scilicet Pompeius, mihi videri esse glossema ad verbum *Magnus*: nec aliter nunc videtur.

Ita languenti] Pompeii hoc erat ingenium, ut voluntatem suam occultaret. stomachi vitium transtulit Coelius ad animum Pompeii nihil in republica probantis, quippe qui neque Caesarem in Gallia diutius manere vellet, nec suam tamen voluntatem satis auderet ostendere: quandoquidem, ipso auctore, in secundo ac tertio consulatu, duae leges latae fuerant, una de Galliarum imperio in alterum quinquennium prorogando; altera, ut in petitione consulatus absentis Caesaris ratio haberetur.

Transferant illuc] Id probauerant.

Vt ratio esset eius habenda] Hoc totum ita legitur in antiquis libris: *Vt ratione eius habenda, qui exercitum, neque provincias traderet.* quod ita mendosum est, ut omnis mihi quidem ad correctionem aditus intercludatur. relinquo non inuitus, quod alii quaerant. sententia quidem haec videtur esse: Transferant senatores in alia omnia, id est, probauerant Curionis intercessionem, improbant M. Marcelli sententiam; tamquam ratione illius habenda, qui neque exercitum, neque provincias traderet. Hoc, ut dixi, arbitrari significari. sed ad

dere verbum, neque, contra veteres libros non audeo: nisi si, ut est omnino asper durusque Coelii sermo, scriptum ab eo putemus, *qui exercitum, neque provincias traderet; pro, qui neque exercitum, neque provincias traderet*: ut, neque, tam ad exercitum, quam ad provincias referatur. Venit etiam in mentem, hoc dumtaxat a Coelio scriptum, *transferant illuc, ut ratione eius habenda.* glossam autem esse id, quod sequitur, additam ab interpretante pronomine illud: *eius*: cum hoc pronomine Coelius Caesarem significare solitus sit: dixit enim epist. 8. *Perspecta Cn. Pompeii voluntate in eam partem, ut eum decedere post Kalendas Martias placeret*: cum Caesarem significet, minime tamen antea nominatum.

Laturus sit, cum cognoscat] Vnus Sigonii liber, et meus, *laturus est iste, cum cognoscam*: alter eiusdem, *laturus, cum iste cognoscam*: itaque subesse vitium suspicor.

Futurum] Video, quid dicatur: sed ex ingenio emendatum existimo: nam veteres omnes libri, *futurus*, habent: quod videtur ad Pompeium referri.

Si aut non curet] Sic antiqui libri. mutilus locus est, aut certe deprauatus.

Vos senes diuiter] Quorum interest maxime, rempublicam in suo statu permanere.

Animam agebat] In exitu vitae crebro spiritus ducitur, et reducitur. id veteres, *agere animam*, dicebant. Tusc. I. c. 9. *Et agere animam, et efflare dicimus.* Plautus in

Trin.

Trin. Aët. 4. Sc. 3. v. 85. per similitudinem dixit:

— *Res quom animam agebat, tum esse effusam oportuit.*

Liuius, *trahere animam* dixit, lib. 3. c. 6. *Mortuus Acbutius erat Romanus consul. collega eius Seruilius exigua in spe trahere animam.*

EPISTOLAE XIV.

ARGVMENTVM.

Multa complectitur haec epistola: de L. Domitii Ahenobarbi repulsa in auguratu; de Saturnino, ab Cn. Domitio Caluino in iudicium vocato; de Pompeii Caesarisque discordia; de Appii ridicula in emendandis ciuitatis moribus diligentia.

EXPLANATIO.

Arsacem capere] Seruius in lib. 6. Aen. v. 762. haec scripsit: *Albani omnes reges dicti Sylui sunt ab huius (Sylui, Aeneae et Lauinae filii) nomine: sicut bodieque Romani Imperatores Augusti vocantur: Aegyptii, Ptolemaei: Persae, Arsacidae.* Est igitur *Arsaces*, generale nomen regum omnium apud Parthos, deductum ab eo, qui Parthorum regnum primus constituit. hoc quidem tempore Parthorum rex erat Orodes, nominatus lib. 15. epist. 1. et lib. 5. ad Attie. epist. 18. et 21: vt historicos omittam. Sed de Arsace rege, et de reliquis, qui ei successerunt, quae collegimus ex Iustino lib. 41. et 42. fortasse hic adscribere operae pretium fuerit. Arsaces, vir incertae originis, sed virtutis egregiae, solitus latrocinio et rapto viuere, regnum apud Parthos primus constituit, cum aliarum antea gentium regibus paruissent. ita, non minus memorabilis Parthis, quam Persis Cyrus, Macedonibus Alexander, Romanis Romulus, matura senectute decessit: cuius memoriae hunc honorem Parthi tribuerunt, vt omnes deinceps

de reges suos Arsaces nomine appellarent. Huic successit filius, et ipse Arsaces dictus. Tertius Parthis rex fuit Pampacius, et ipse Arsaces cognomine, vt reliqui omnes reges; sicuti Romani, Caesares Augustosque cognominarunt. Pampacio successit filius Phraates; Phraati, frater eius Mithridates, qui Parthorum imperium a monte Caucasu, multis populis in ditionem reductis, vsque ad flumen Euphratem protulit; nec minor Arsace proauo, gloriosa senectute decessit. Ei successit Phraates filius: Phraati patruus eius Artebanus; Artabano Mithridates filius, cui res gestae Magni cognomen dedit. Quo, propter crudelitatem, a senatu Parthico eiecto, regnum occupauit frater eius Orodes; qui fratrem suum Mithridatem, vltro se in potestatem eius tradentem, in conspectu suo trucidari iussit: hic est Orodes ille, qui M. Crassum cum filio et omni exercitu Romano deleuit. cui successit filius Phraates ex pellice, a patre viuo rex constitutus; qui statim et patrem ipsum, et fratres triginta trucidauit, Augusto imperante.

Selen-

Seleuciam] Regiam Parthorum, a Nicatore Seleuco exaedicatam, vno ex ducibus Alexandri, quem Arfaces deuicit, vt Ammianus lib. 23. c. 6. prodidit. Seleuceas tres, Pieriam, ad Euphratem, ad Belum, Ptolemaeus facit.

Tibi oculi doluissent] Sic apud Terentium in Phorm. Act. 5. Sc. 8. v. 63.

Vin' primum hodie facere, quod ego gandeam, Nauisfrata, Et quod tuo viro oculi dolerant? —

In repulsa] Cum auguratum peteret, in locum Hortensii mortui, quem augurem fuisse, et Phil. 2. c. 2. et prooemium libri de clar. orat. demonstrat.

Comitia] Non centuriata, sed tributa: quod ex Phil. 2. c. 2. et aliis praeterea locis intelligitur. augures enim hoc tempore populus creabat, lege lata a T. Atio Labieno, tribuno plebis. antea creabantur ab ipso collegio. diximus copioso in libro de Legibus.

Studia] Et quidem tanta, vt multi postea de vi condemnati sint: quia nimis Antonii studiosi fuissent.

Necessitudinem secuti] Officium, inquit, perpauci praestiterunt: amicitiae habita ratio est. verum hoc ita Coelius implicauit, vt ex ipsis non facile verbis exprimatur. nam, *necessitudinem secuti*, non est vnde pendeat, nisi referatur ad, *perpauci*, quod si sit, perpauci videbuntur necessitudinem secuti: cum tamen contraria sit sententia. constat enim dici, perpaucos officium praestitisse, quia plerique necessitudinem secuti sunt.

Ne familiarem quidem suum] Notat ingenium Domitii, cui familiares etiam odio essent.

Per iniuriam] Quod sibi, viro consulari, M. Antonius, qui nondum tribunatum plebis adeptus erat, in auguratu praelatus esset.

Ereptum] Id quod petebat, auguratur.

Cuius ego auctor fuerim] Quid mirum? cum amicissimus Curioni esset Coelius, Curio autem vehementer Antonio faueret. quod ei obiicit Cicero Phil. 2. c. 2. *Poterat, inquit, eo tempore auguratum petere, cum in Italia Curio non esset? aut tum, cum exisset, vnam tribum sine Curione ferre potuisses? cuius etiam familiares de vi condemnati sunt, quod tui nimis studiosi fuissent.* Plutarchus etiam, Curionis praecipue opera, tribunatum hoc anno gerentis, Antonium augurem creatum narrat.

Gauisus suum dolorem] Epist. 2. dixit, gaudium ganderemus.

Vtutemque me studiosiorem Antonii] Me potissimum Antonii studiosiorem, quam ipse fuisse, de Antonio, augure creato, legimus in Phil. 2. c. 1. apud Hirtium lib. 8. de bell. Gall. c. 50. apud Plutarchum in eius vita, et hic lib. 12. epist. 22. suum collegam Cicero appellat.

Ipse Cn. Domitius] Lucii filius, de quo illa superiora scripta sunt. Docet Suetonius in Nerone c. 1. Domitiam gentem duobus tantum praenominibus vsu esse, Lucio, et Caio. huic autem, qui Saturninum accusauit, Lucii, qui cum Ap. Claudio consui fuerat, filio, quem in auguratu repulsam esse passum Coelius ostendit, praenomen fuisse Cnaeo, ex Dione cognoscitur.

Pp

Rem

Reum fecit] *Reum facere*, non est, in iudicio accusare; sed, postulare. sic epist. 6. dixit, *Appium a Dolabella reum factum*, cum de postulatione intelligeret, ut ibidem patet.

Superiore a vita] Alii legunt, *superiore vita*: non diuersa sententia. ego, ne discedam a veteribus libris, in quibus est, *superior ea vita*, legendum duxi, *superiore a vita*.

Nunc in expectatione, inest etiam ERN. Nunc in expectatione est] Vbiunque scriptos libros, praefertim et multos, et vetustiores, dissentire video ab impressis; operae pretium puto, lectorem admoneri. nam, etsi perspicue patet sententia, videndum tamen, eius ne sit, qui librum composuit, an eius, qui descripsit, aut emendare conatus est. Hic antiqui libri, quos quidem ego viderim, omnes, in omnibus verbis aliter habent, atque in vulgatis legitur: non pro nunc: in, non habent: *exp* *et* *ationem*, pro *expectatione*: inest, pro est.

Sex. Peducaei] Amicissimus Pomponii Attici fuit. Nepos in Attici vita c. 21. Cicero lib. 7. ad Attic. epist. 13. 14. 17.

Absolutionem] Significat, cum nocentissimus esset, tamen absolutum. quo exemplo bene sperandum omnibus reis.

Necesse est] Non enim erat inter Pompeium et Caesarem necessaria, sed voluntaria contentio.

Rerum potantur] Auctoritate, gratia, opibus in ciuitate plurimum possunt, alii pro Caesare, alii pro Pompeio sentientes. sic locutus lib. 1. epist. 8.

Consulem aliter fieri] Aut non peti a Caesare consulatum, aut a praesente peti, exercitu et Galliis successori traditis, Pompeius volebat.

Se saluum esse non posse] Timebat, ne priuatus in iudicium vocaretur ab iniuricis, ob ea, quae consul contra auspicia intercessionisque pro sua potentia fecerat. Suetonius in Iulio c. 30.

Ambo exercitus tradunt] Aequa conditio videbatur: sed hoc sperabat Caesar, dimissis ab ipso et a Pompeio exercitibus, se tamen, cum vellet, facile suos milites, qui cum eo per tot annos vixerant, reuocare posse. quod Pompeio de suis, nouo delectu coactis, non item sperare licuit. et ob hanc fortasse causam, (ut aliae fileantur) oblata a Caesare conditionem Pompeius recusauit. Hirtius lib. 8. de bell. Gall. c. 52. C. Curio, tribunus plebis, cum Caesaris causam dignitatemque defendendam suscepisset, saepe erat senatui pollicitus, si quem timor armorum Caesaris laederet, et quoniam Pompeii dominatio, atque arma non minimum terrorem fore inferrent; discederet uterque ab armis, exercitumque dimitteret: fore eo facto liberam, et sui iuris ciuitatem. Neque hoc tantum pollicitus est, sed etiam per se discessionem facere coepit: quod ne fieret, consules amicumque Pompeii iusserunt, atque, ita rem moderando, discesserunt. Id etiam ad senatum a Caesare scriptum esse, et hanc ab eo, post belli ciuilis initia, conditionem esse delatam, ipse demonstrat lib. 1. de bell. ciu. c. 9. *Proficiscatur, ait, Pompeius in suas prouincias; ipse exerci-*

exercitus dimittant: discedant in Italiam omnes ab armis: metus et ciuitas tollatur. Idem confirmat Appianus, Plutarchus, et alii.

Illi amores.] Qui fuerunt inter Caesarem et Pompeium, praesertim post nuptias Iuliae, Caesaris filiae, Pompeio collocatae.

Inuidiosa] Inuidia, quam improbarunt omnes boni.

Se erumpit.] Sic liber Sigonii, et recte: ut cum proximo verbo *recedit*, congruat: nam si, *erupit*, legatur, ut est in plerisque antiquis libris, reponendum erit, *recedit*, pro *recedit*, contra veterum librorum auctoritatem. *Erumpit*, et *erumpit se*, veteres dicebant. Caesar lib. 2. de bell. ciu. c. 14. *Portis se foras erumpunt.* Virgilius lib. 1. Georg. v. 445.

Aut ubi sub lucem densa inter nubila sese

Diuersi erumpent radii. —

Et lib. 4. ibidem v. 368.

Et caput, vnde altus primum se erumpit Enipeus.

Et lib. 3. Aen. v. 572.

Interdumque atram prorumpit ad activera nubem.

Lucretius lib. 4. v. 1108.

Tandem ubi se erupit nervis coniecta cupido,

Parua fit ardoris violenti pausa parumper.

Attius Epigono, apud Nonium: *Imperius stupiditate erumpit se, impositi consilii.* *Erumpere stomachum*, dixit Cicero lib. 16. ad Attic. epist. 3. *Hunc tu tralatium in macrobolum lege arcana conuincis tuis: sed si me amas, bibulis et bene acceptis, ne in me stotachum*

erumpant, cum sint tibi irati. Et Terentius Eun. Act. 3. Se. 5. v. 2.

Iamne erumpere hoc licet mihi gaudium? —

Sic, *emergit*, et *emergit se*, probavit antiqua consuetudo. Cicero de harusp. resp. c. 25. *Iam iste serpens, quae tum hic delitescit, tum se emergit et fertur illuc, compressa atque elisa morietur.* Nepos in Attici vita c. 10. *Quibus ex malis ut se emerget.*

Neque, mearum rerum quod consilium capiam, reperio.] Respondit ad hanc sententiam Cicero his verbis lib. 2. epist. 5. *Ipsa republica nihil mihi est carius: in qua tu non valde te iactas. districte enim mihi videris esse, quod et bonus ciuis, et bonus amicus es.*

Quod non dubito.] Modus loquendi, parum fortasse animaduersus. nam, *quod*, valet *sed*: ut lib. 14. epist. 4. *Quod vinam minus vitae cupidi fuissimus!* Et Phil. 10. c. 4. *Quod, qui ab illo abducit exercitum, et respectum pulcherrium, et praesidium firmissimum adimit reipublicae.* Et Caesar lib. 2. de bell. ciu. c. 16. *Quod ubi hostes viderunt ea.* Et lib. 3. c. 68. *Quod cum esset animaduersum, coniuictam esse flumini.* Varro lib. 6. de L. L. *Quod cum dicunt conspicionem, addunt cortumionem.* Livius lib. 41. c. 10. *Quod cum milites consulis imperio dicto nudentes futuras sese dicebant, cum is more maiorum, secundum vota in Capitolio nuncupata, cum lictoribus, paludatus profectus ab urbe esset.* Plinius lib. 18. c. 23. *Quod ut hanc quoque curam determinemus.*

Cum hominibus bis] Cum Pompeianis.

Causam illam] Caesaris, extraordinariam potentiam quaerentis, qui senatui dicto audiens esse nollet.

Non homines] Amabat enim Curionem, Antonium, Dolabellam, Caesaris causam accerrime tuentes, de Antonio paullo ante in hac ipsa epistola: de Curione saepe: de Dolabella epist. 13.

Id melius statuere, quod melius sit] Quemadmodum ipse statuit.

Quique res iudicant] Iudices: quos Pompeius tertium consul CCCLX. legerat. supra. Docemur exemplis, veteres dixisse *qui res iudicant*, cum iudices significarent. lib. 2. de Orat. c. 37. Phil. 1. c. 8. et 5. c. 5. et Q. Cicero de petitione consulatus c. 2. et Pedianus in Pison. c. 39.

Qui cum timore aut metu spe vivunt] Qui vel iudicia metuunt ob delicta, vel hoc reipublice statui nihil sperent. Idem Cicero confirmat lib. 7. ad Attic. epist. 2. *Hoc video*, inquit, *cum homine audacissimo paratissimoque negotium esse*; omnes damnatos, omnes ignominia affectos, omnes damnatione ignominiaque dignos illuc facere, omnem fere inuentutem, omnem illam urbanam ac perditam plebem, tribunos valentes, addito C. Cassio, omnes, qui aere alieno premantur.

Scis Appium censorem hic ostenta facere] Modus loquendi, cum aliquid vix credibile significamus. epist. 12. *Scis Domitio diem timari esse?* Et lib. 8. ad Attic. epist. 4. *Salmonem C. Attium Peliguum aperuisse Antonio portas, cum essent coartati quinque*, Q. Lucretium inde effugisse scis? et lib. 9.

ad eundem epist. 11. *Lentulum nostrum scis Putcolis esse?* Censor Appius fuit cum L. Pisoni, anno urbis DCCIII. lib. 3. epist. 12. Dio lib. 40. lib. 4. de Divin. c. 16. et in declamatione in Sallustium c. 6. Ostenta facere videbatur, cum bonum virum simularet. signis enim ac tabulis qui summopere delectetur, is si alios ab eiusmodi studio ac sumptu deterreat, non ostentum est? Appium autem signa et tabulas, ornamentum quod superfuit in fanis et communibus locis, tota Graecia atque insulis omnibus abstulisse, scripsit Cicero in orat. pro domo c. 43. et paullo post *furem* appellat: *Hanc deam*, ait, *quisquam violare audeat, imaginem meretricis, ornamentum sepulcri, a fure sublatum, a sacrilego collocatam?*

De agri modo] Sic malui, contra veteres omnes libros, quam, *de agris modo*. quam enim sententiam habet, *de agris modo?* at si legatus, *de agri modo*, hoc significabitur, egisse accerrime Appium censorem de moderanda agrorum possessione: quod maiorum memoria fecerant C. Licinius et L. Sextius tribuni plebis, lege lata de agrorum modo, ne quis ultra D. iugera agri possideret. Livius lib. 6. c. 35. et Epitome lib. 38. Eandem rem significat, et eodem modo locutus est Varro lib. 1. de re rust. c. 3. *Licinii Stolonis*, inquit, *maiores de modo agri legem tulerunt*. Cicero etiam lib. 13. ad Attic. epist. 33. *de modo agri* mentionem facit, ut illa eiusdem et aliorum exempla praetermittam.

De aere alieno] Fortasse, ne debitores usuris exhaurentur. cui malo

malo iidem tribuni plebis, proxime nominati, lege mederi conati sunt, hoc modo, *vt, deducto eo de capite, quod usuris pernumeratum esset, id, quod superesset, triennio aquis portionibus persolueretur.* Liuius lib. 6. c. 35.

Acerime agere] Non, vt legem ferat: neque enim ius ferendi leges censores habebant. quod etiam diximus in libro de Legibus: sed, vt auctoritate censoria sumptus moderetur, qui fiunt in signa et tabulas; agrorum autem possessionibus modum faciat. quibus de rebus acerrime Appius agebat in senatu, vt consules referrent. lib. 6. ad Attic. epist. vlt.

Censuram lomentum aut nitrum esse] Censuram ita fordes posse aut obtegere, vt lomentum rugas tollit; aut eluere, vt nitro e vestibus eluuntur maculae: id est, putat se censurae diligentia et seueritate infamiam posse tollere eorum vitiorum, quibus antea se turpiter inquinauit. Phil. 1. c. 8. *Vt quisque sordidissimus videbitur, ita libentissime seueritate iudicandi fordes suas eluet.* Maculas autem nitro tolli solitas, vel illud Hieremiae Prophetiae indicat, c. 2. *Si laveris te nitro, et multiplicaueris tibi herbam bonis: maculata es in iniquitate tua coram me dicit dominus Deus.* Quem locum attingens B. Hieronymus epist. 47. *Cauenda, inquit, macula, quae nullo nitro, secundum Hieremiam, nulla fullonum herba elui potest.*

Viscera aperis] Tantum abest, vt vetrem de suis vitiis opinionem hominum deleat, vt eam hac seueritate vehementius etiam commoueat.

Apud Drusum] Liuium Dru-
sum, praetorem, quo nemo magis contra legem Scantiniam conuulsit. Fortasse is est, qui lib. 4. ad Attic. epist. 16. nominatur; et qui Li-
viae, quae Augusto postea nupsit, pater fuit.

Appium] Male audientem eorum rerum causa, de quibus acerrime agit.

Curio] Tribunus plebis.

Remisit de stipendio Pompeii] Hoc tempore optimatibus et Pompeio acerrimus Curio erat aduersarius. intercedebat igitur, ne senatus consultum fieret de stipendio, Pompeii legionibus persoluendo. epist. 4.

Parthicum bellum] Crasso enim cum legionibus Romanis caeso, finitimis Romanorum prouinciis Parthi minabantur: contra quos vel Caesar, vel Pompeius, qui rei bellicae gloria eminebant, mittendus videbatur. epist. 10. et lib. 7. ad Attic. epist. vlt.

Iudicabis] Quasi armorum iudicio ac sententia dirimentur eorum discordiae. Meus liber habet, *vindicabis*: vnus Sigonii, *vindicauit*.

Sine tuo ERN. Sine summo periculo] Nec obscura est, nec absurda sententia. diligenter tamen considerandum censeo, cur in omnibus plane veteribus libris pro, *summo*, scriptum sit, *suo*. ex quo nonnullis arbitror coniecturam esse ortam, *suo* legendum esse, quod est in quibusdam libris Transalpinis.

Iucundum] Nullum inter ciues iucundum bono viro certamen esse potest, vel si sine periculo sit, sed loquitur Coelius ex ingenio suo.

EPISTOLAE XV.

ARGVMENTVM.

Prima pars epistolae Pompeium vituperat, Caesarem laudat. oratio enim civili bello, tutiorem partem, non honestiorem, Coelius elegerat: ut re ipsa comprobaret, quod scripserat epistola proxima, his verbis: Illud te non arbitror fugere, quin homines in dissensione domestica debeant, quamdiu ciuilliter sine armis certetur, honestiorem sequi partem: ubi ad bellum et castra ventum sit, frivoliorem; et id melius statuere, quod tutius sit. Subiungit de sua cupiditate conveniendi et alloquendi Ciceronis: de itinere ad Alpes: de Domitio, Caesaris hospite, interfecto. Scripsit autem hanc epistolam anno sequenti post superiores, id est Lentulo et Marcello coss. Meminit enim in extrema epistola de Domitio Abenobarbo, Corfinii a Caesare capto, et dimisso.

EXPLANATIO.

Ineptiorem] Qui nihil prudenter, nihil strenue agat. et sane belli civilis initio multa Pompeius peccauit, sed illud maxime, quod urbem reliquit, dissentiente Cicerone, qui scripsit haec ad Tironem lib. 16. epist. 12. *Urbem reliquimus: quam sapienter, aut quam fortiter, nihil attinet disputare.* Et ad Marcellum lib. 4. epist. 7. *Idem etiam illa vidi, neque te consilium civilis belli ita gerendi, neque copias Cu. Pompeii, nec genus exercitus, probare, semperque summe diffidere. Qua in sententia me quoque fuisse, memoria tenere te arbitror.* Ad Atticum autem lib. 7. epist. 13. *ducent ἀσφαλῆς, id est imperitum militandi, vocat Pompeium, et saepe queritur de urbe relicta.*

Tantasturbas] Is enim rempublicam perturbauit, cum ea Caesari conaretur eripere, quae ut ei tribuerentur, idem in secundo tertioque consulatu laborauerat atque effecerat. Tumultum illum domesticum, et Cicero turbas appellauit lib. 16. epist. 11.

Tam uigax] Contemnens enim Caesarem cuiusque legiones, dixerat id, quod Plutarchus litteris mandauit: *Cum terram Isalique pede pulsabo, scatebunt peditum equestrumque copiae.* quod cum non praestitisset, allato nuncio de Caesaris aduentu, omnibus in urbe trepidantibus, Fauonius ad Pompeium conuersus, nunc, inquit, *terram pede pulsa, et, quas promissisti, copias cogo.*

Acriorum in rebus gerendis] Summam Caesaris in omnibus bellis vigilantiam ac celeritatem vel inimici eius laudare cogebantur: et Cicero ipse, cum Pompeio faueret, Caesari esset insensus, tamen illud scripsit ad Atticum lib. 8. epist. 9. *Hoc regere horribili vigilantia, celeritate, diligentia est.* Et lib. 7. ad eundem epist. 3. *Hoc video, cuius homine audacissimo paratissimoque negotium esse.* Ad Tironem autem lib. 16. epist. 11. *Numquam improbi ciues habuerunt paratiorem ducem.*

In victoria temperatiorem] Hoc dicit, quia Caesar, Corfinio capto, omni-

omnibus pepercerat, in iis Domitio Ahenobarbo, inimicissimo suo: quod ante demonstratum est. Plutarchus, Appianus, Dio, ipse Caesar lib. 1. de bell. ciu. c. 23. et alii.

Durissimis et frigidissimis locis] Circa Corfinium, in Pelignorum regione situm.

Taeterrima hieme] Quid hieme taetrius, ob imbres, niues, procelles, frigora, viarum difficultates, agri vastationem?

Ambulando] Pompeianorum notat ignaviam; cum Caesaris milites bellum, quasi ludendo, ambulando confecerint.

Conseverunt] Loquitur de bello Corfiniensi nam Pompeius, nondum victus, Brundisium se cum exercitu contulerat.

Molis orbiculatis] Optimo alimento. Laudantur a Varrone lib. 1. de re rust. et Columella lib. 5. c. 10. et lib. 12. c. 45. Confirmat idem epist. 17. *Nostri valde depugnare, et facile algere et esurire consueverunt.*

Quid iam, inquis? ERN. Iam, inquis, gloriase omnia] Dices: iam vobis omnia gloriose successerunt.

Ad me nihil pertinet] Me nihil tangit, minime delectat. dixit enim: *si scias, quam sollicitus sim*: ne videatur optimatum causam, quam Cicero probabat, libenter oppugnare. ideoque subiungit: *quos tibi exponere, nisi coram, non possum.*

Expulisti ex Italia] Quod fecit. Caesaris autem nomen hic subaudiri, satis constat: vt lib. 6. epist. 19. *In qua ille se dedisse beneficium putabit.* et lib. 9. epist. 6.

Confectum] Pulsam Italia Pompeium.

Nisi si maluit] Quasi sit in Caesaris potestate, vel expellere Pompeium Italia, vel Brundisii maritimis terrestribusque copiis circumfedere.

Peream, si minima causa est] Peream, nisi maxima causa est.

Discupio] Vehementer cupio. Plautinum verbum, quo etiam Catullus vsus est.

Quod solet fieri] Qui enim vehementer amant inter se, tantam, ad speciem mutuo, incunditatem percipiunt, vt cetera saepe obliuiscantur omnia.

Sed tamen] Quamquam, ad urbem venire, tua maxime causa, discupiam, tamen casu quodam factum est, vt retro ad Alpes versus ire cogar.

Quodnam ob scelus] Quid ego commisi, quod est meum delictum, cur ire nunc, quo minime vellem, cogar? Quasi hoc peccati alicuius poena sit.

Ad Alpes versus] Ita veteres loquebantur. Caesar lib. 6. de bell. Gall. c. 53. *Partito exercitu, T. Labienum cum legionibus tribus ad Oceanum versus in eas partes, quae Menapios attingunt, proficisci iubet.* Sallustius in Iugurth. c. 58. *Interim Metellus enim acerrime rem gereret, clamorem hostilem ab tergo accepit: dein, conuerso equo, animaduertit, fugam ad se versus fieri.* Hirtius de bell. Afric. c. 8. *C. Sallustium Crispum praetorem ad Cercinam insulam versus, quam aduersarii tenebant, cum parte navium ire iubet.* Livius lib. 1. c. 18. *In lapide ad meridiem versus confedit.* Festus: *Eam partem Esquiliarum,*

quae iacet ad Vicum patricium
versus.

Adeo] Ob eam causam. nec
enim aliud hic, *adeo*, videtur signi-
ficare.

Intemelii ERN. *Intemellii*] Inte-
melium opidum Plinius citra Al-
pes constituit, et inter Ligurum
gentes nominat, lib. 3. c. 5.

Verna] Olim verna: nunc au-
tem Intemelii cum praesidio erat.
Vernae sunt serui, ex ancillis
nati.

Cum cohortibus ERN. *Cohorti-
bus*] Pro, *cum cohortibus*. Sic
enim interdum locutos esse veteres
animaduerti. Quidam legunt, *cum
cohortibus*: quibus fortasse assen-
titer, si, *cum*, in vlllo antiquo li-
bro reperirem. Sed additum for-
tasse a rudibus Latine linguae,
quibus offenderet minus obseruata
loquendi ratio. Exempla aliquot
afferam. Cicero Phil. 14. c. 10.
*His viginti cohortibus, nullo equi-
tatu, Hirtius ipse aquilam quar-
tae legionis cum inferret, qua
nullius pulchriorem speciem im-
peratoris accepimus, cum tribus
Antonii legionibus equitatuque con-
fixit.* Lilius lib. 1. c. 14. *Egres-
sus omnibus copiis, partem mi-
litum locis circa densa obsita vir-
gulta obscuris subsidere in insidiis
iussit.* Et lib. 41. c. 1. *Eodem de-
cem navibus C. Furius, duumvir
uualis, venit.* Et Q. Curtius lib. 4.
c. 1. *Vachas peruenit, ubi exco-
pere cum Graecorum quattuor mil-
lia, quibus ad Euphratem contendit.*

Domitii mali dant ERN. *Se Do-
mitii mali dant*] Videtur signifi-
care: Domitii omnes male se ha-
bent: quoniam et Domitius Ahe-
nobarbus paullo ante Corfinii ca-
ptus erat a Caesare. Sed hoc lo-
quendi genus, *se Domitii mali dant*,
inusitatum et asperum est.

Quantum Psecade natus ERN.
Quantum ipse cadentus] Ante
multos annos in omnibus vulgatis
libris legebatur, *ipse catenatur*.
Octanius Pantagathus, vir bonis
omnibus ob insignem probitatem
et doctissimum iure carissimus, cultus
a me semper optimi parentis loco,
legendum primus existinauit, *Pse-
cade natus*: vt significetur Bellic-
mus verna. *Psecas* enim ancilla
est: *vernae* autem eos esse, qui an-
cillis nascuntur; iam diximus. Si
Bellicus, ait Coelius, ancilla na-
tus, Domitium comprehendere et
strangulare non dubitauit: quid
Caesari, Venere prognato, in ve-
stro Domitio faciendum fuit? Com-
mendat igitur, ac valde probat Pan-
tagathi opinionem antidictorum
gratia; (nam Coelius Coeliano illo
more, hoc est perargute, *Psecade
natus*, et *Venere prognatus*, oppo-
suit) confirmat veterum librorum
auctoritas, in quibus fere omnibus
est: *ipse cadentus*: vt, vna detra-
cta litterula, i, suis loco nitor,
suaeque reddatur integritas. De
Psecade si quis exempla quaerit. Iu-
venalem legat. Sat. 6. v. 491. et
Ovidium lib. 5. Met. v. 172.

EPISTOLAE XVI.

ARGUMENTVM.

Pulso ex Italia Pompeio, suadet Ciceroni Coelius, ne afflictam fortunam sequatur, sed in aliquem locum a bello vacuum secedat. Suasio est ab utili contra honestum. castris enim Pompeii et consulum defendi res publica videbatur.

EXPLANATIO.

Exanimatus] Translato verbo dolor incredibilis ostenditur. lib. 9. epist. 15. *Miraris, me tanta perturbatione valetudinis tuae, tam graviter exanimatum fuisse?*

Tuis litteris] Quae non exstant, multas enim perisse constat. Tiro libertus, quas reperit, in volumina retulit: quae ad aetatem nostram pervenerunt.

Aperuisti] Non perscripsisti, quid esset quod cogitares; significatione tamen quadam ostendisti.

Per fortunas tuas] Vsurpatur hic loquendi modus cum dolore, aut certe cum summa cupiditate obsecrantis, ut lib. 14. epist. 1. *Per fortunas miseras nostras, vide, ne puerum perditum perdamus.* Et lib. 3. ad Attic. epist. 20. *Per fortunas! incumbite, ut facis.* Et lib. 5. ad eundem epist. 11. et 13.

Ne quid gravius de salute tua consulas] Ne quid statuas, quod saluti tuae non expediat.

Qualis futura esset] Explanat hoc id, quod sequitur, nihil nisi atrox et fœvum cogitat. Huic sententiae respondit Cicero his verbis, lib. 2. epist. 16. *Nec me ista terrent, quae mihi a te ad timorem fidelissime atque amantiissime proponuntur.*

Eandem rationem fore Caesari] Ita lenem fore Caesarem in salute

adversariis tribuenda, ut fuit in conditionibus de pace, tulerat enim illam conditionem, ut ipse et Pompeius exercitus tradant. epist. 14.

Iratus senatui] Quia non obtinisset, ut legati ad Pompeium de pace mitterentur: et quod, quae cumque res agere instituerat, L. Metellus tribunus plebis intercedens, omnes impederat: de quo scripsit Caesar lib. 1. de bell. civ. c. 33. et Plutarchus in eius vita.

Exiit] Vrbe, iturus in Hispaniam contra Pompeii legatos, ipso iam Italia pulso.

Intercessionibus] L. Metelli tribuni plebis, de quo Caesar sic: *Subicitur etiam L. Metellus, tribunus plebis, ab inimicis Caesaris, qui hanc rem distrabat; reliquasque res, quas cumque agere instituerit, impedit.* Cuius cogito consilii, Caesar, frustra diebus aliquot consuntis, ne reliquum tempus omittat, infestis iis, quae agere destinaverat, ab vrbe proficiscitur, atque in ulteriorem Galliam pervenit. Intercessionis causam, quam referre Caesar in suos Commentarios noluit, exponit Dio lib. 41. quod, cum ferretur lex, ut promere pecuniam ex aerario Caesaris liceret, intercessit L. Metellus tribunus plebis, qui cum intercessionem videret, aerarii ianuam custodire coepit.

pit. Sed milites, effracta sera, aditum ad pecunias Caesari dederunt. Plutarchus Caesarem obstitenti Metello, ne pecunias ex aulario sumeret, mortem iniuratum esse tradit. Subscribit Appianus. nec aliter Cicero lib. 10. ad Attic. epist. 4. *Plane, inquit, iracundia elatum voluisse Caesarem occidi Metellum tribunum plebis.*

Si tibi tu, si filius unicus] Hanc partem, miserabiliter scriptam, non sine magno fletu lectam esse a duobus pueris Ciceronibus Attico significauit his verbis lib. 10. epist. 9. *Lacrimae meorum me interdum molliunt, precantium, ut de Hispaniis expectemus. M. Coelli quidem epistolam scriptam miserabiliter, eum hoc idem obsecraret, ut expectaret, ne fortunas meas, ne vicinam filiam, ne meos omnes tam temere proderem, non sine magno fletu legerunt pueri nostri.*

Domus] *Domum* posuit pro domesticis: ut lib. 4. ad Attic. epist. 12. *Domus te nostra tota salutat.*

Si aliquid apud te nos] Rogo te pro eo, quanti apud te sum.

Gener tuus] Dolabella, qui apud Caesarem erat.

Vt eam causam] Causam Caesaris. verum in hoc verborum ambitu desiderari aliquid videtur. Sed Coelius rationes persequitur, verborum structuram non attendit.

Salus nostra] Mea, et Dolabellae.

Impiam cupiditatem] Nam, si cupimus eam victoriam, in qua salus nostra posita est; simul perniciem cupimus eorum, qui Pompeium sequuntur: quorum in nume-

ro si fueris: cogemur impie cupere contra salutem tuam.

Quod offensae fuerit] Si veris, ne, in Italia si remaneris, Pompeium offendas: cogita, te, cum nondum ad eum transferis, hac eum cunctatione iam offendisse. quidquid esse potuit apud eum offensae, id subiisti, qui cunctatus es, nec ad eum statim accessisti. Quod hic Coelius, idem Atticus existimauit, ut ad eum lib. 9. epist. 2. scriptum est.

Victorem] Caesarem.

Dubis rebus] Cum adhuc Pompeius in Italia consisteret.

Fugatos] Iam in Graeciam Pompeius fugerat.

Parum optimatem esse] Parum officio fungi boni ciuis.

Quid optimum sit] Quid tuae tuorumque saluti plurimum conducat.

Torum] Ne omnino ad Pompeium transeas.

De Hispaniis] Eiecto Italia Pompeio, statim ad urbem, deinde in Hispanias contra eius legatos profectus est Caesar.

Hoc] Velle te ad Pompeium navigare.

Hae] *Hae*, matutina salutatio fuit; *salve*, vespertina: ut in Hadriano scripsit Dio.

Ad te literas mitteret] Misit: quae sunt lib. 10. ad Attic. epist. 8.

Optimatum] Ciceronem reprehendentium, quod Pompeium et consules, id est ipsam rempublicam deseruisset. vide lib. 3. ad Attic. epist. 16. et lib. 9. ad eundem epist. 2.

Insolentiam] Quorundam Caesarianorum, qui, quasi iam parta victoria, ita se insolenter efferant,

ut

vt ferre vix possis. Cicero respondit: *Nosti non modo stomachi mei, sed etiam oculorum, in hominum insolentium indignitate, fastidium.* lib. 2. epist. 16.

Insolationem] Qui se insolenter iactant, quasi deuiçis Pompeii partibus.

Vacuum a bello] Idem suasis gener eius Dolabella, lib. 9. epist. 9.

Dum hæc decernuntur] Dum hæc armis diiudicantur, ad exitum perducuntur. Sic Virgilius, *decernere bello.*

Quae cum tu feceris ERN. *Quae iam erunt confecta. id si feceris*

Libri veteres inter se dissentiunt. locum emendauimus ex altero eiusdem epistolæ exemplo, lib. 10. ad Attic. epist. 9. inserto.

Caesarem non offendes] Qui etiam ad Ciceronem scripsit, nihil ei neque honestius, neque tutius esse, quam ab omni contentione abesse. lib. 10. ad Attic. epist. 8. Quanto aequior, quam Pompeius, qui ab vrbe discedens in senatu dixerat, eodem se habiturum loco, qui Romae remansissent, et qui Caesaris in castris fuissent. Caesar lib. 1. de bell. ciu. c. 33.

EPISTOLAE XVII.

ARGUMENTUM.

Quo tempore bellum in Pharsalia Caesar, iterum consul, contra Pompeium gerebat, Romae praetor Coelius, rerum nouarum cupidus, vel quia praetori Tribonio mandatam urbem inuersionem inique ferret, vel quod graui acce alieno premeretur, magnas turbas commouit; quibus cum Seruilius consul remouendum a republica censuit. quae dum in vrbe agitantur, scripsit Coelius hanc epistolam, doloris et iracundiae plenam: in qua se Curionis amore, et Appii odio ab optima mente descivisse, Caesarisque partes potius, quam Pompeii, secutum esse, conqueritur: eiusque mutationis culpam in fortunam quoque confert, quae effecerit, ut in Hispania esset, quo tempore Cicero ad Pompeium in Graeciam profectus est. Leuiter etiam ipsum Ciceronem accusat, quod amici officium neglexerit, potiusque sit eum cum Caesare coniungi.

EXPLANATIO.

Ergo me potius] Indignatio. Ergo, inquit, ita accidit, quod nunc vehementer doleo, ut, cum tu ad Pompeium profectus es, ego in Hispania potius cum Caesare, quam Formiis fuerim. nam omnino tecum in Graeciam nauigassem. A Formiis autem ora maritimae praefuerat Cicero: vt lib. 16. epist. 12.

In Hispania] In qua contra Pompeii legatos, Afranium, et Petreium, Caesar bellum gesserat. epist. proxima, *me secum*, inquit, *in Hispaniam ducit.*

Ap. Claudius] Coelii inimicissimus. epist. 12.

In ista parte] In qua tu es. Verum totus hic locus obscuratur mendo.

inendo. Mediceus liber: *Quod utinam aut Ap. Claudius in ista parte, C. Curio.* vnus Sigonii: cum Curio: cetera eodem modo. alter eiusdem: *ut C. Curio:* cetera eadem. Tres mei: *Quod utinam aut Ap. Claudius in ista parte prohibuisset, aut C. Curio.* In tanta perturbatione videant eruditi homines, an emendare locum possint: ego ne conari quidem audeo. varietatem antiquorum exemplarium fideliter ostendi.

C. Curio] Coelii familiaris: vt epist. 8. Fuerat eius quaestor Coelius in Africa, cum in acie Curio periiit. Caesar lib. 2. de bell. ciu. c. 42.

In hanc perditam ERN. portam caussam] Sic et Mediceus liber, et quidam alii: meus vnus, partem caussam: Sigonii, parte caussam: alter eiusdem, partem caussae: quod sententia non respuit.

Inposuit] Collocauit.

Iracundia et amore] Iracundia in Appium, amore in Curionem. Iracundiae vitio laborasse Coelium, venuste docet Seneca lib. 3. de Ira c. 8. Coelium oratorem, inquit, fuisse iracundissimum constat. cum quo, ut aiunt, cenabat in cubiculo lectae patientiae cliens: sed difficile erat illi, in copulam coniecto, rixam eius, cum quo haerebat, effugere. Optimum iudicauit, quidquid dixisset, sequi, et secundas agere. Non tulit Coelius assentientem, sed exclamauit: Dic aliquid contra, ut duo simus.

Tu porro] Sic lego ex duobus antiquis libris, nisi si, tu tu porro, placet: vt geminato pronomine maior ostendatur iracundia, in quo

liber Petri Pagani cum Mediceo consentit.

Ariminum venissem] Arimini, habet vnus Sigonii liber. Placuit Ariminum, vt est in altero eiusdem, atque etiam in iaco. postulat enim sententia, et vsus Latinae linguae, Ariminum potius quam Arimini. Veteres aliquot libri, in quibus est Mediceus, habent, venissem: mendose.

Neque mihi consulisti] Nullam mei curam suscepisti. lib. 3. epist. 2. Prospicias, consulas rationibus meis. Fortasse scripsit Coelius mi, non mihi, quod ideo dico, quia tum in Mediceo libro, tum in ceteris omnibus, me, scriptum est. E autem et I, quam facile commutentur, periti antiquitatis intelligunt.

Quod diffidam huic caussae] Quod belli exitum timeam: quod vereri mihi veniat in mentem, ne Caesar a Pompeio vincatur.

Satius est] Melius est, praestat. lib. 7. ad Attic. epist. 1. Video cum altero vinci satius esse, quam cum altero vincere.

Vestrae crudelitatis] Minatus enim erat Pompeius, ab vrbe discedens, hostium se loco habiturum esse, qui in Italia remansissent. atque hanc Pompeianorum crudelitatem Cicero significat lib. 4. epist. 9. An tu, inquit, non videbas mecum simul, quam illa crudelis esset futura victoria? Et ibidem epist. 14. Si vicissent ii, ad quos ego pacis spe, non belli cupiditate adductus accesserami; tamen intelligebam, et irarum hominum, et cupidorum, et insolentium, quam crudelis esset futura victoria. Et lib. 9. epist. 6. Victoriam quidem ego etiam illorum timebam, ad quos venera-

veneramus. Crudeliter enim otiosis minabantur. Et lib. I I ad Attic. epist. 6. *Omnes, qui in Italia nauferant, hostium numero habebantur.* legimus idem in Caesare lib. I. de bell. ciu. c. 33.

Feneratores paucos] Victoriam Pompeii timentes, quia praeter ceteros pecuniis abundarent.

Nec homo, nec ordo] Latius patet *homo*, quam *ordo*. itaque satis erat, *homo*: aut dicendum fuit, *nec ordo, nec homo*. sed excusat Coelium iracundia, qua perturbatus haec scripsit.

Nisi Pompeianus] Omnes antiqui libri, etiam Mediceus, *nisi est Pompeianus*.

Plebs] Cum populi nomen plebem quoque contineat, et de populo sequatur mentio; miror hic plebem nominari: et omnino mendum olere locus videtur. quoniam suspicionem auget varietas veterum librorum. tres habent, *partes*: cum quibus Sigonius vnus consentit: alter habet, *pios*: vnus, *pius*: Mediceus, *pies*. Hic ego me non explico: exitum fortasse reperiet aliorum industria. quod si mutare liceat; malim *patres*, quam *plebs*: vt senatores eos, qui, neutram in partem animo propensi, in vrbe remanserant, opera sua Pompeianos factos esse dicat: tum de populo subiungat. Nec temeraria mutatio videri potest, si ex *partes*, fiat *patres*, praesertim adiuuante sententia.

Populus] Popularis maxime Caesar fuit, optimates aduersarios habuit.

Vester esset] Populum sibi Coelius addixit promulgatis legibus,

una, qua mercedes habitationum annuas conductoribus donabat; altera de tabulis nouis. Caesar lib. 3. de bell. ciu. c. 20.

Reliqua expecta] Valde hic et ab impressis, et inter se dissentiunt scripti libri. Mediceus, et duo praeterea, *reliquas expectant*: alii, *reliqui expectant*, *reliqua expectant*, *reliquos expectant*. Mihi non displicet, *reliqua expectant*: vt dicat Coelius, populum reliqua expectare, id est, vt aliquam ipse Coelius in vrbe seditionem commoueat.

Irritavi in me Catonem ERN. *Arruntanum me Catonem*] Sic Mediceus liber; sic reliqui fere omnes: mendose: tamen lectorem vestigio saltem veritatis fraudandum non putavi: vt eruditus hominibus liberior ac facilior coniectura detur, cognito veterum librorum testimonio. *M. Catonem*, pro, *me Catonem*, est in vno Sigonii libro.

Doloris] Huius doloris causam Dio narrat lib. 42. quod Caesar Trebonio praetori urbanam iurisdictionem mandasset, quam Coelius expetebat.

Indignitatis] Quod suae dignitatis rationem Caesar non habuisset, Trebonio praelato.

Isie] In Graecia. nam post bellum Hispaniense, quo confecto statim Caesar in Graeciam contra Pompeium nauigauit, hanc epistolam scriptam esse constat.

Quod firmissimum est] Ex porte Caesaris. Mediceus liber, et alter Petri Pagani, *haec*, non *est*. in quo si consentirent reliqui, legendum et distinguendum sic arbitrarer:

quod

quod firmissimum? nec vestras copias non noui. id est, nec vestras copias ignoro, minime cum nostris conferendas. Verum duo libri habent, *est*: quod placet.

Depugnare] Plus est, quam *pugnare*. auget enim, *de*, in compositione.


Facile] Nullo incommodo.

Algere et esurire] Quae diuturnis bellis perferri necesse est. Caesaris autem milites nouem annos, Caesare imperatore, in Gallia pugnauerant. Respondet hoc illis

verbis epist. 15. *Nunc tibi nostri milites, qui durissimis et frigidissimis locis, taeterrima hieme, bellum ambulando confecerunt, malis orbiculatis esse pasti videantur.*

Consuerunt] Parui refert, vtrum, *consuerunt*, an, ut est in tribus antiquis libris, *consueuerunt*, legitur. Coelianum potius videtur, *consuerunt*. amat enim Coelius, ut in sententiis breuitatem, sic in verbis contractionem. itaque epist. 11. *decreuerat* maluit, quam *decreuerat*.





AOA 1467418 .



